

ভারতী

সচিত্র মাসিক পত্রিকা

সম্পাদক —

শ্রী বাললাল ঘোষা

শ্রী দেবীপ্রসাদ মাহন, যথোপযায়

(১৩১২ কার্তিক হইতে চৈত্র)

প্রতি সংখ্যার মূল্য ১০] ভারতী কার্যালয়, [বার্ষিক মূল্য ৩০০
১২, মুর্শিদাবাদ স্ট্রীট, কলিকাতা ।

১৩২৪ সালের

ভারতীয় বর্ণনাক্রমিক সূচী

(কার্তিক—শ্রবণ)

বিষয়	লেখক	পৃষ্ঠা
স্বপ্নকার (গল্প)	... শ্রীহেমেন্দ্রকুমার রায় ...	৬৫৯
অভাব ও প্রতিকার	... শ্রীপ্রবোধ চট্টোপাধ্যায় বি-এ ...	৭২২
অবোরা (গল্প)	... শ্রীঅবনীন্দ্রনাথ ঠাকুর ...	৭২৯
জভাণী (গল্প)	... শ্রীমতী বেণুলাল ...	৯৭৫
অভিনয়ের কথা (সচিত্র)	... শ্রীহেমেন্দ্রকুমার রায় ...	৭৭২
অজ্ঞান (কবিতা)	... শ্রীমতী প্রিয়দর্শিনী দেবী বি-এ ...	১০৪৪
স্বাধীনতা (গল্প)	... শ্রীপ্রমোদপুর শাস্ত্রী ...	১০৯৬
আফান (কবিতা)	... শ্রীমতী প্রিয়দর্শিনী দেবী বি-এ ...	৮৮৫
আফান	... শ্রীসরলা দেবী বি-এ ...	১১৩৬
আর্টে অধিকারী-ভেদ (সচিত্র)	... শ্রীহেমেন্দ্রকুমার রায় ...	৬৭৭
আংরেজের আলো (উপভাস)	... শ্রীহেমেন্দ্রকুমার রায় ৬২৯, ৭১৫, ৮৪৩. ৯১৫	
ইংরেজ ও ভারতবাসীর মধ্যে সামাজিক সংঘর্ষ	... শ্রীজ্যোতিরিন্দ্রনাথ ঠাকুর ...	৬২৪
ইংরেজ ও ভারতবাসীদের মধ্যে রাজনৈতিক সংঘর্ষ	... শ্রীজ্যোতিরিন্দ্রনাথ ঠাকুর ...	৯৮৯
ইন্দু (গল্প)	... শ্রীঅবনীন্দ্রনাথ ঠাকুর ...	৬০২
উচ্চশ্রেণী ভারতবাসীর সহিত ইংরেজের সংঘর্ষ	... শ্রীজ্যোতিরিন্দ্রনাথ ঠাকুর ...	৮৫৬
উদারনৈতিক ভারতবাসীদের রাষ্ট্রনৈতিক আন্দোলন	... শ্রীজ্যোতিরিন্দ্রনাথ ঠাকুর ...	১১০৬
উপদেশের তাড়ম্ব (গল্প)	... শ্রীমণিলাল গঙ্গোপাধ্যায় ...	১০৪৭
এবারের আগমনী (কবিতা)	... শ্রীমতী প্রিয়দর্শিনী দেবী বি-এ ...	৫৯৭
কণ্ঠ্যরূপে দেশপ্রভাব (সচিত্র)	... শ্রীশুরধাম সবকার এম-এ ...	১০৮২
কণ্ঠ্যরূপে হাণী (কবিতা)	... কলমশীল ...	৮৮৫

বিষয়	লেখক	পৃষ্ঠা
কুকী	... শ্রী অমূল্যচরণ বিজ্ঞানভূষণ ...	২৪৫
কোরিয়ান কবিতা	... শ্রী সত্যেন্দ্রনাথ দত্ত ...	১ ৪৫
অগোষ্ঠা ও মহীশতা	... ঐ ...	১০৪৬
ভগবানের চিড়িয়াখানা	... ঐ ...	১০৪৫
স্পষ্ট	... ঐ ...	১০৪৭
গান	... শ্রী রবীন্দ্রনাথ ঠাকুর ...	৬৮৭
ছাইভঙ্গ (গল্প)	... শ্রী অবনীন্দ্রনাথ ঠাকুর ...	২০১
ছিটে-ফোঁটা	... শ্রী অমিত্যুমা হালদার ...	৮৮৩
জাতীয় জীবনে নৈতিক অবনতি	... শ্রী প্রকল্পকুমার সরকার বি-এল, ...	৮২২
ঝড় (গল্প)	... শ্রী সৌরভেন্দ্রনাথ মুখোপাধ্যায় বি-এল ...	৭৬১
ভাঙ্গা (গল্প)	... শ্রী হেমেন্দ্রকুমার রায় ...	১০০৬
তিপরা বা তিপারা জাতি	... শ্রী অমূল্যচরণ বিজ্ঞানভূষণ ...	৮০
তিপরা রাজ্যের কতিপয় জাতি	... শ্রী অমূল্যচরণ বিজ্ঞানভূষণ ...	১০১৫
দিনগণনার আদিভঙ্গ	... শ্রী শ্রী বনচন্দ্র চক্রবর্তী এম-এ, ...	৮৫৬
দেশা ছবির মেলা (সচিত্র)	... শ্রী হেমেন্দ্রকুমার রায় ...	১০৩৯
নব-হিন্দুদের সহিত ইংরেজের সংঘর্ষ	... শ্রী জ্যোতিরিন্দ্রনাথ ঠাকুর ...	২৭১
নারীর অধিকার	... শ্রী প্রবোধ চট্টোপাধ্যায় বি-এ ...	১০০১
নিবেদন (সচিত্র)	... স্বর শ্রী যুক্ত জাদীশচন্দ্র বসু ডি-এন-সি, সি-আই-ই, সি-এস-আই, ...	৮৬২
নীলপাখী (নাটিকা)	... শ্রী বামিনীকান্ত নোম ...	৬০৫, ৭৩২, ৮১২
নৈসর্গিকী (কবিতা)	... শ্রী কামিনীদাস রায় বি-এ ...	৭৭১
পর-ঈ তাউস (গল্প)	... শ্রী অবনীন্দ্রনাথ ঠাকুর ...	৮৮৬
পরাজয় (গল্প)	... শ্রী শরচ্চন্দ্র বোষাণ এম-এ বি-এল... ...	১১৪৭
পল্লীর বৈষয়িক উন্নতি ও পল্লী-সংস্কার	... শ্রী গুরুদাস সরকার এম-এ ...	৭০৫, ৮২৭
পল্লী-উৎসব (চিত্র)	... শ্রী তারা পদ মুখোপাধ্যায় ব্যাকরণতীর্থ ...	৭১১
"পাথর স্মৃতি করু দরিয়া ছুটে !" (গল্প)	... শ্রী হেমেন্দ্রকুমার রায় ...	১০৭৩
পুষ্কিনের কবিতা	... শ্রী সত্যেন্দ্রনাথ দত্ত ...	২৮৭
আমার ছাব	... ঐ ...	২৮৮
তথ্যদায়	... ঐ ...	২৮৮
মাতলী	... ঐ ...	২৮৭
সংসার	... ঐ ...	২৮৭

বিষয়	লেখক	পৃষ্ঠা
প্রভাতে ও রাতে (কবিতা)	... শ্রীদ্বিজেন্দ্রনারায়ণ বাগচী এম-এ,	৬৭৬
প্রেম (কবিতা)	... শ্রীযতীন্দ্র প্রসাদ ভট্টাচার্য্য ...	২৪৩
ফিরে-ফিরতি (গল্প)	... শ্রীমণিলাল গঙ্গোপাধ্যায় ...	৮৭৫
বসন্ত-মিলাস (কবিতা)	... শ্রীকরণানিধান বন্দোপাধ্যায় ...	১১২১
বংশাণুক্রমিক গুণবিকাশের নিয়ম	... শ্রীপ্রফুল্লকুমার সরকার বি-এল ...	৬৬৬
বন্ধ বনে বুলুগুলিতে (কবিতা)	... শ্রীসত্যেন্দ্রনাথ দত্ত ...	৭০০
বর্তমান ভূগোলের চিত্রপর্শন	... শ্রীবৃন্দাবনচন্দ্র ভট্টাচার্য্য বি-এ, ...	৭২০
বর্তমান সাহিত্যে যুগ-ধর্মের রূপ	... শ্রীবিজয়রুক্মিণী ঘোষ ...	২০৬
বাদশাহ আকবরের নিরুৎসাহতা (সচিত্র)	... শ্রীযোগীন্দ্রনাথ সমাদার বি-এ, ...	৬৫৫
বিদায়ে (কবিতা)	... শ্রীযতীন্দ্রমোহন বাগচী বি-এ, ...	৬৪২
ভারতবাসী ও ভারতীয় ইংরেজ	... শ্রীজ্যোতিরিন্দ্রনাথ ঠাকুর ...	৭৫৫
ভূতগণ ব্যাপারী (খেলালি নক্সা)	... শ্রীমণিলাল গঙ্গোপাধ্যায় ...	৬৪৬
মল্লারের হস্ত (গল্প)	... শ্রীপ্রেমহাসুর আসতথী ...	৭২
হাস্যকাহিনী—	... শ্রীঅজিতকুমার চক্রবর্তী বি-এ,	
অমূল্য জাতিদের হৃদয় বিহারণের প্রস্তাব	...	২৬৪
আচার ও বিচার	...	৮২৩
কংগ্রেস	...	২৬১
"পদ্ম"	...	১১৪৩
বঙ্গে আত্মহত্যা	...	৬২১
বর্তমান সাহিত্যের গাঁত	...	৬২৪
বঙ্গভাষা ও বাংলাভাষা	...	৭২৭
বাংলার গীতি-কবিতা	...	১০৬০
বুদ্ধিমানের কৃষ্ণ	...	৭২৩, ৮৮২
ভারতবর্ষে একভাষা প্রচলনের প্রস্তাব	...	২৬২
শ্রীমতী বেসান্তের বক্তৃতা	...	২৬৩
সাহিত্যের দায়িত্ব	...	১০৫৭
সোশ্যাল কনফারেন্সে ভারতীয় রায়ে অতিভাষণ	...	২৬৫
বায়ী	...	৬২৮
বায়ী-দ্বী	...	৬৮৭
যুগান্ত কাব্য নাট্য	... শ্রীমতী স্বর্ণকুমারী দেবী ...	১২৫
যুগ-পীতি	... শ্রীসরলা দেবী বি-এ, ...	২৮৩

বিষয়	লেখক	পৃষ্ঠা
কবিতার কবিতা	... শ্রীমতেন্দ্রনাথ দত্ত ...	২৫৫
আপ্ত	... শ্রী ...	২৫৮
কালোশাল	... শ্রী ...	২৬০
তবু	... শ্রী ...	২৫৭
ভূবার-নদীৰ কাণ্ড	... শ্রী ...	২৫৬
নিবেদন	... শ্রী ...	২৫৫
ভোবের বেলা	... শ্রী ...	২৫৫
সাঁচী সন্ন্যাস	... শ্রী ...	২৫৯
লক্ষ্মীছাড়া (গল্প)	... শ্রীমৌর্যমোহন মুখোপাধ্যায় বি-এল	৭৮২
লুকিবিছো (গল্প)	... শ্রীমতেন্দ্রনাথ ঠাকুর ...	২৯৯
শাক্ত-সাহিত্য	... শ্রীদয়ালচন্দ্র ঘোষ ...	৮৩৫
শিল্পশিক্ষা	... শ্রীমতী স্বর্ণকুমারী দেবী ...	১২৩
শিল্পচর্চা	... শ্রীপ্রবোধ চট্টোপাধ্যায় বি-এ ...	২৩৬
শীতের সকালবেলা (কবিতা)	... শ্রীমতী প্রিয়ম্বদা দেবী বি-এ, ...	২৭৯
শেষ-গোধূলি (কবিতা)	... শ্রীকরণানিধান বন্দোপাধ্যায় ...	৬৭১
শ্রম-বিভাগ	... শ্রী প্রবোধ চট্টোপাধ্যায় বি-এ ...	১১৩৪
সমালোচনা	... শ্রীমতেন্দ্রনাথ ঠাকুর ১০১,১০০,৮২৫,৯৭৯,১০৬৮,১১৫২	
স্বপ্নের বন্ধু (গল্প)	... শ্রীমণিলাল মুখোপাধ্যায় ...	১১২৭
সেকালের গল্প (সচিত্র)	... শ্রীমতেন্দ্রনাথ ঘোষ এল-এ ...	৯৯১
সৌভাগ্যবিষ্ঠা সম্বন্ধে যৎকিঞ্চিৎ	... শ্রীপ্রফুল্লকুমার সরকার বি-এল, ...	১১২২
সৌভাগ্য (কবিতা)	... শ্রীকালিদাস রায় বি এ ...	৬২৪
স্বপ্নলিপি	... শ্রীসরলা দেবী বি-এ ...	৯৮৪
স্বপ্নলিপি	... শ্রীদিনেন্দ্রনাথ ঠাকুর ...	১০৯৪
স্বীকার	... শ্রীমতী হেমললিনী দেবী ১০২৬, ১১১২	
স্বপ্ন (কবিতা)	... শ্রীমতী প্রিয়ম্বদা দেবী বি-এ ...	৬৪৪

চিত্র সূচী

চিত্র	পৃষ্ঠা	চিত্র	পৃষ্ঠা
অতিথ্যলয় (বহুবর্ণ)	... ৯০০	'ফাল্গুনী'র ছবি—দোহুল দোলা	
মাতৃমূর্তি	... ১০৮৫	শ্রীযুক্ত অবনীন্দ্রনাথ ঠাকুর অঙ্কিত	১ ৪১
আচার্য বসুর দার্জিলিংয়ের গবেষণা- মন্দিরের ধ্যান-বিতান	... ৮৬৭	'কাঞ্চী'র ছবি—শত	
আচার্য বসুর দার্জিলিংয়ে গবেষণা-মন্দির	... ৮৭১	শ্রীযুক্ত অবনীন্দ্রনাথ ঠাকুর অঙ্কিত	১০৪৩
আচার্য বসুর গঙ্গাতীরবর্তী মন্দির- বাড়িয়ার গবেষণা-মন্দির	... ৮৭৪	বঙ্গ-বিজ্ঞান মন্দির	... ১০৪৩
কপারক—মন্দির ; উত্তরদিক	... ১০৮৪	বঙ্গ বিজ্ঞান-মন্দিরের পশ্চাতে বাগানের মাধ্যমটুকু অশথ গাছে অবলম্বিত মঞ্চ	
মাজুরি (বহুবর্ণ)		শ্রীযুক্ত মুন্সেফর দে অঙ্কিত	... ৮৬৪
শ্রীযুক্ত অবনীন্দ্রনাথ ঠাকুর অঙ্কিত	৯২৬	বঙ্গ-বিজ্ঞান-মন্দিরের পশ্চাতে বাগানের	৮২৫
কাঞ্চনজঙ্ঘা (বহুবর্ণ)		বঙ্গ-বিজ্ঞান-মন্দিরের প্রবেশদ্বার	... ৮২৯
শ্রীযুক্ত অবনীন্দ্রনাথ ঠাকুর অঙ্কিত	৮০২	বাদশাহ আকবর	... ৬৫৬
কালীপ্রসন্ন সিংহ	... ৯৯৫	দিকুমুর্দি—কপারক	... ১০৮৯
কাশ্মীর—মার্ভ ও মন্দির	... ১০৯২	ভেলাস কুমোজর এর ধ্যান ছবি	... ৬৭৮
কুম্ব ও রাধা		মাতৃমূর্তি	... ৬৮
শ্রীযুক্ত অবনীন্দ্রনাথ ঠাকুর অঙ্কিত	৬৭৯	মিঃ ম্যাথিসন ল্যাং ও মিস হাটিন ব্রিটন	... ৭৭৮
চক্রালোকে (প্রাচীন চিত্র)	... ৬৮১	মিঃ কোবর্স্ বার্টগান	... ৭৮০
জাহাঙ্গীর ও শাহজাহানের হস্তাক্ষর	... ৩৫৭	রান বারাদগ তুর্করত্ব	... ৯৯২
নটরত্ন (প্রাচীন চিত্র)	... ৬৮২	শিক্ষা-দান	... ১০৮৮
পথের সাথী (বহুবর্ণ)		সারা বার্গাড	... ৭৭৫
শ্রীযুক্ত সুরেন্দ্রনাথ কর অঙ্কিত	... ৯৮২	সার হার্বাটটি, এলেন টৌর ও মিসেস কেণ্ডাল	... ৭৭৭
—“পুষ্প ঘেমন আলোর লাগি—”(বহুবর্ণ)		স্যার হেনরি আরভিং	... ৭৭৮
শ্রীবসন্তকুমার গঙ্গোপাধ্যায় অঙ্কিত	৭০৪	স্যার এফ, আর, বেনসন	... ৭৭৭
প্যারীচাঁদ-মিত্র	... ৯৯১	হত্যাঙ্গের খেদ--	
'ফাল্গুনী'র ছবি—অক্ষ বাউদ		শ্রীযুক্ত গানেন্দ্রনাথ ঠাকুর অঙ্কিত	৬৯৭
শ্রীযুক্ত অবনীন্দ্রনাথ ঠাকুর অঙ্কিত	১০৫	ছমায়ুন ও জাহাঙ্গীরের হস্তলিপি	... ৯৯৬
		হোলি-খেলা (বহুবর্ণ—প্রাচীন চিত্র)	১০২

ভারতী

৪১শ বর্ষ]

কার্তিক. ১৩২৪

[৭ম সংখ্যা

এবারের আগমনী

শরতের সে সোনার আলো কই গো কোথা আজ !
কোথায় বা সেই কিরণ-জ্বালা
নীলের গারে, বকের মালা,
কাশের ঝালর ছলিয়ে-নেওয়া নদী তীরের সাজ ?
পথের পঙ্ক ঘুচিয়ে দিবে,
ধানে সোণার চেউ ছলিয়ে
দুরফুরে সে নীতল সমীর পিছিয়ে কেন আজ,
ভরা-নদীর অলে কোথা মৃদঙ্গ আওয়াজ ?

মহামারীর আগমনী, সাজবে হাঠ বন,
মাইত জানা, কোথায় পড়ে সে রাঙা-চরণ !
কমল সে তাই সরোবরে
শতদলে সলিল ভরে
তাইতে তৃণ বিছায় পথে কোমল আন্তরণ,
বাকল করে ঘানে তুচ্ছ ব্যাধি-সমীরণ।

আয়োজন সে নাই গো কেন আজকে বদতুমে ?
 আকাশ বেন ধূসর মেলে মগ্ন চিত্তা-ধূমে !
 হাহা করে' বইছে হাওয়া,
 চোখের জলে কানন ছাওয়া,
 কমল-মুখে নাই যে হাসি, নেতিয়ে আছে হুমে,
 আলোর চোখে মিলায় আলো, পাংল মরণ-ধূমে !

নির্কাসনে কাঁদে ছেলে শূন্য গৃহদ্বার,
 শত শত বারের আশে, শুধুই লাহাকার !
 তাইতে মহামায়ার মনে,
 নাইরে পুলক আগমনে,
 লুটিয়ে কাঁদে পথের পরে শিউলী-ফুলের সার
 আগমনী গায়না বাঁশী, কাঁদছে সুরে তার
 বিসর্জনের বিদায়-ব্যথা,
 অক্ষয় শোকের কথা,
 মায়েরি-কোল-হারা-ছেলের বেদনা অপার,
 পর্কদিনের জ্বলনি দীপ, ভুবন অন্ধকার ।

শ্রীপ্রিয়ম্বদা দেবী

শিল্পশিক্ষা *

কোন কার্যে প্রবৃত্ত হইবার আগে বা পরে কিছু বলিতে হয়। মন্ত্র পড়ার এই প্রথাটা সকল দেশেই চলিত দেখা যায়। সর্বদেশের সনাতন এই নিয়মকে অগ্রাহ করিতে পারি—এমন সাহস আমার নাই। অতএব এ-ক্ষেত্রে কার্য আরম্ভের পূর্বে আনাকেও ছ'এক কথা বলিতে হইবে।—
 কি বলিব ? নূতন কিছুই নয়। যুগে যুগে কিছই সত্যেরই পাশাপাশি একই ধারা অবতার হন তাঁরাই নূতন কথা বলে আর একটি মহাত্ম্যের মহাসত্য যে বলেন—আমরা সেই সনাতন উপদেশেরই ধূয়া ধরি মাত্র। আশে সেই পুরাতন কথাই এস্থলে একটু-ব্যাংগ্য করিব।
 আমরা সকলেই জানি—এ জীবনটা হৃদিনের, ক্ষণভঙ্গুর,—নখর—
 যত্নে তৃণ কাষ্ঠধান রহে যুগ পরিমাণ
 কিন্তু যত্নে বেঁহ নাশ না হই বারণ ।
 কিন্তু এই সত্যেরই পাশাপাশি একই ধারা অবতার হন তাঁরাই নূতন কথা বলে আর একটি মহাত্ম্যের মহাসত্য যে

গীতা রহিয়াছে তাহা কি? না এই জনহারা
জীবনের মধ্যে বিরাড়িত দেখিতে পাই
একটি ভূমি সার্থকতা। জীবন ছুদিনে নষ্ট
হয় কিন্তু এই সার্থকতা অমর ভাবে
বংশানুক্রমে মানব জাতিকে অমর করিয়া
তোলে। এই জন্তই ইরোরপের যুদ্ধে আজ
স্বদেশী বিদেশীর মধ্যে প্রাণধানের এত
আগ্রহ এত উৎসাহের বস্তু ছুটিয়াছে।

কিন্তু সার্থকতা এই কথাটা খুব একটা
বড় কথা; শুনিলেই মনে কেমন একটা
হতাশা জাগে, কি করিয়া ক্ষুদ্র আমি এ
জীবনকে সার্থক করিয়া তুলিব! অথচ
হতাশ হইবার কারণ ইহাতে নাই।—প্রকৃত
পক্ষে, বড় ছোটরই সমষ্টি মাত্র, অণু-
পরমাণুতেই এই প্রকাণ্ড জগৎ। আমরা যদি
কেবল মাত্র ছোট মুহূর্তগুলিকেই ধরিতে
শিখি তাহা হইলেই আমাদের জীবন অতি
সহজে সার্থক হইয়া ওঠে। এই মুহূর্তগুলির
সহ্যবহারেই কবি ভাবজগতের বিজ্ঞানবিদ
বহিজগতের রাজা হইতে সক্ষম। ইরো-
পের লোকে মুহূর্তকে বাঁধিতে জানেন
তাই যে কার্যে তাঁহারা অসিদ্ধ থাকিয়া বান
তাহাতেও তাঁহাদের জীবনের সার্থকতা নষ্ট
হয় না। ভবিষ্যৎ বংশ তাঁহাদের গুণ
অনুসরণে সেই কার্যে সিদ্ধি লাভ করে।

কিন্তু আমাদের দেশের জনসাধারণের
মধ্যে এই শিক্ষার খুবই অভাব।—সম্ভবতঃ
এই কারণেই আমাদের এমন অধঃপতন
হইয়াছে। অবশ্য স্বীকার করি—আমাদের
দেশের জনবাহু আলস্যসকারী, কিন্তু ইচ্ছা
থাকিলে চেষ্টা থাকিলে আমরা কি এই
ঐতিকূল ও বহাধারাকেই আমাদের অধঃপতনে

আনিতে পারি না? শীত কি ইংরাজকে
বাঁধিয়াছে না ইংরাজ শীতকে বল করিয়াছেন?
শীতদেশের মানুষ বাহারা তাহারি কি এদেশে
আসিয়া আলস্তের ঘোঁতে গা চালিয়া যেন?
এমন কি, গরমি কালেও তাহাদের টেনিস
খেলাটি বাদ যায় না, আর ছপূরের
রৌদ্রেও মাঠে কুটবল ক্রিকেট প্রভৃতিতে
তাঁহারা মাতিয়া থাকেন। কারণ তাঁহারা মনে
করেন, নানা কারণে,—ঐশ্বৰ্য্যমতঃ শরীর-রক্ষার
জন্ত এরকম ব্যায়ামের প্রয়োজন। জাপান
ইহারও উর্ধ্বে উঠিয়াছে; জাপানীরা বাদ
মাক—উচ্চ করিতে সচেষ্ট। জাপানীরা মাকি
বলিয়াছে যে একশতাব্দির মধ্যে দেশে আর
একটিও বাদ্যনাক দেখিতে পাওয়া যাইবে
না। ইহাকেই বলি মানুষ!

আমাদেরও মানুষ হইতে হইলে সম্ভবতঃ
আলস্তটাকেও বিসর্জন দিতে হইবে। এখন কি
আমরা কাজ করি না বা সারাদিনই আলস্তের
ঘোঁতে গা চালিয়া চলি? না তাহা নহে।
তবে যে কাজটুকু না করিলে ঠিক চলেনা,
প্রাণধারণের জন্ত খেটুক দরকার সেই
কাজই আমরা করি। বাহারা এ সম্বন্ধে
অসাধারণ এ স্থলে অবশ্য আমি তাঁহাদের
কথা বলিতেছি না। তাঁহাদিগকে বর্জন
বিধির মধ্যেই ধরিয়া লইতে হইবে কিন্তু
সাধারণত সকলেরই এবং সকল কাজের
মধ্যেই কেমন একটা উৎসাহের অভাব,
কেমন একটা নিশ্চেষ্ট ভাব দেখিতে পাওয়া
যায়। হইতে পারে—ইহা শীত কথিত
নির্গিল্প ভাব, পরজন্মের সাতা ইহাতে সাক্ষ্য
হইয়া যাইতেছে, কিন্তু ইহাও ইহাতে
বলন নাই ইহা নিশ্চয়।

কৃষকগণ তাহাদের বাপ-পিতামহের চালে মাঠের কাজ করিয়া যান—তাহা ছাড়া বেশীকিছু উন্নতির আশা রাখেনা। কাল মজুর বোঝা উঠাইয়া পরস্যাটি হাতে পাইসেই নিশ্চিত, তাহার উপর আর একটি সমাজ কাজ করিতে বলিলে তাহারা মনে করে তাহার পক্ষে সেটা অকর্ম। এমন কি একজন মেথরকে তাহার নিয়মিত কাজ ছাড়া যদি একখানা কোণাল ধরিতে বল বা জানালা দরজাগুলো সাফ করিতে বল—ত সে বলিবে—তাহা করিলে তাহার জাত যাইবে। একজন মেন এই বলিয়া আমার নিকট তুঃখ করিতেছিলেন;— শুনিয়া হাসিব কি কাঁচিব বুঝিতে পারি না। ঘরের দাসী যদি হইতে গৃহিণীগণ পর্য্যন্ত সকলেই নিজের নিজের বাধা কাজ-টুক শেষ করিয়া—আহারাশুে দিবানিচার পর কেহ বা গা ছড়াইয়া বসিয়া কেহ বা তাকিয়া ঠেসান দিয়া যতক্ষণ গল্পের আয়োজনে ব্যস্ত থাকেন ততক্ষণ কোন কাজের চিন্তাতে মন দিলেও কাজ হইত। এইরূপে আনবা কাজকে কাঁচি দিতে গিয়া কিন্তু নিজেকেই কাঁচি দিই। উল্লরূপ গল্পের বেশীগাই পরচর্চা—এবং অনর্থ-উৎপাদক। ইংরাজ যে এ মহাজ্ঞে দেবর্ষি মহর্ষি তা মন; কোন দেশেই কেবল নিজেকে লইয়া বা নিজের কথা লইয়া সংসার চলে না। তবে তখন এই যে তাঁহারা কাজ ভুলিয়া কথা কছেননা। এখন এই যুদ্ধের সময় ইয়োরপের মেয়েরা বেক্রূপ কাজ করেন—শুনিলে অবাক হইতে হয়। কৃষিকার্য্য হইতে গুলিবারদ প্রভৃতি প্রস্তুতের ভারও তাঁহাদের উপর। নাহিলে এ

যুদ্ধ চলিতেই পারিত না। এ দেশের ইংরাজ মেয়েরাও সারাদিন অসম্ভব রকম কাজ করেন। বড় বড় ইংরাজের বাড়ী নিমন্ত্রণে গিয়া দেখিয়াছি তাঁহারা মুখে গল্প করিতেছেন কিন্তু হাতে সৈনিকদের অস্ত্র সেলাই চলিতেছে।

ইংরাজদের কাছে আমরা বাইরের চামচলন অনেক শিখিতেছি কিন্তু যে সকল গুণে তাহারা এত বড় একটা জাতি, তাহাদের সেই গুণগুলি শিক্ষা করাই কি আমাদের সম্বন্ধে উচিত নহে? আমরা এখন চাহিতেছি রাজনৈতিক উচ্চাধিকার, আমরা চাহি স্বায়ত্তশাসন, কিন্তু এ কার্য্যে বোঝা হইবার অস্ত্র স্ত্রী-পুরুষে মিলিয়া কি আমাদের প্রস্তুত হওয়া প্রয়োজন নহে? সে বিষয়ে আমরা কি করিতেছি? এখন গৃহিণীর কেবল রন্ধন-কার্য্যেই নিযুক্ত হইলে চলিবে না—এখনকার উপযোগী নানাকার্য্যে তাঁহাকে সুদক্ষ হইতে হইবে। সেই দক্ষতা লাভের প্রধান মন্ত্র মুহুর্তের সহাবহার। সেই মন্ত্রেই প্রথম আমাদের উত্তমরূপে দীক্ষিত হওয়া প্রয়োজন। লেখা-পড়া এবং শিল্পবিদ্যা শিক্ষা মুহুর্ত ধরিবার প্রধান উপায়। এবং ইহাতে নারীমাত্রেয়ই অস্তুর্নিহিত শক্তি উন্মোচিত হইয়া ওঠে। সুশিক্ষা পাইলে তাঁহারা নিজের এবং দেশের অনেক কাজ করিতে পারেন।

ছুঃখিনী বিধবাগণ চিরদিনই আমাদের দেশে আত্মীয়ের গলগ্রহ। করুণহৃদয় বিদ্যা সাগর তাই পুনর্বিবাহ ব্যবস্থাদানে তাহাদের হৃদয় দূর করিবার চেষ্টা করেন। কিন্তু উহার দ্বন্দ্ব মনীষি লোকের সহ চেষ্টাশব্দেও বিধবা

বিবাহ আমাদের দেশে আজও সহজ স্বাভাবিক হইয়া উঠিল না। তবে কি চুঃখভোগ ছাড়া তাহাদের আর কোন উপায় নাই? নিশ্চয়ই আছে। শিক্ষা লাভে তাহাদের জীবন সার্থক হইয়া উঠিবে। যখন কোন বিধবার মুখে দিকে চাইয়াছি চিরদিনই এই কথা আমার মনে জাগিয়া উঠিয়াছে। এই ইচ্ছার কি কোনই ফল হয় নাই? সে কথা বিশদরূপে বলিবার স্থান ইহা নহে তবে এইটুকু বলিতে পারি—যে ভগবান কোন শুভ ইচ্ছাকে নিষ্ফল করেন না।

কয়েক বৎসর পূর্বে হিরান্দী দেবী একটি বিধবাকে লক্ষ্য্য যে আশ্রম স্থাপন করিয়াছিলেন—তাহার একান্তিক সেই সেই আশ্রম এখন অনেকগুলি বিধবার শিক্ষা ও আশ্রয় স্থান। এ সকলে প্রায় তিনশত বিধবা সেখান হইতে শিক্ষা অর্জন শিক্ষাদানে এবং অন্যান্য কার্যে ব্যাপৃত আছে। আবে ২৫০০ জন অনাধা নারী নিরমিতভাবে এখানে এখন লেখাপড়া এবং শিল্প শিক্ষা করে। কিন্তু একটি শিলাশ্রম বা একটি বিধবাশ্রমে দেশের অভাব পূর্ণ হইতে পারে না। মহরে গ্রামে বহু তত্র যেমন বহু নারীবিদ্যালয়ের প্রয়োজন সেইরূপ সঙ্গে সঙ্গে শিল্প শিক্ষারও আয়োজন হওয়া উচিত। এবং এ চেষ্টা যাহারাই করেন তাহারাই আমাদের ধন্যবাদ-ভাজন।

কেবল বিধবা বা অনাধা নারী কেন সাধারণ নারী যাদেরই পক্ষে এই অর্থকরী শিল্প-শিক্ষা হিতকর। আজকাল আগের মত অল্প ব্যয়ে সংসার-যাত্রা নির্বাহ হয় না।

মধ্যবিত্ত গৃহস্থনারী ঘরের দরকার পিরাণ চাপকান স্ক্যাকেট কামিজ নিজে প্রস্তুত করিতে পারিলে দরজির খরচ কতটা বাঁচিয়া যায়। মুসলমান কত্যাগণ গৃহের অন্তরালে থাকিয়া সূচিকার্য্য করিয়া অনেকে সংসার প্রতিপালন করে। ধনীঘরগীর শিল্পশিক্ষা ব্যয়-সঙ্কোচ জন্ত তেমন নহে, কিন্তু কোনরূপ কলাবিদ্যা ভাল করিয়া শিখিতে পারিলে মনোবৃত্তি কত ক্ষুঃ লাল করিবে। ইহা ব্যতীত স্বহস্তপ্রস্তুত শিল্প পরোপকারে দান করিয়া আনন্দ এবং প্রশংসা উভয়ই এক সঙ্গে গান লাভ করিতে পারিবেন। শুনিতে পাই এক সময়ে ভারতনারী শিল্প-কলায় সাতিশষ স্থানপূর্ণা ছিলেন। ভারতের অন্তর্দেশের কথা বলিতে পারি না কিন্তু বাঙ্গালীর মেয়েরা বিশেষতঃ পাড়াগাঁয়ের মেয়েরা কাঁথা প্রভৃতি নানারূপ সুন্দর শিল্প রচনার এখনো সিদ্ধহস্ত। কিন্তু এ সকল কাজে, সময় ও পরিশ্রম বহু লাগে, তদনুরূপ লাভ হয় না।—তাই এখন কাটা শিল্পই প্রধানভাবে অর্থকরী। আমাদের দেশে পূর্বে কাটা কাপড়ের ব্যবহার ছিল না সেইজন্য বাঙ্গালা দেশে এত জাতের মধ্যেও দরজি জাত নাই। কিন্তু এখন অবস্থা-বিপর্য্যয়ে দরজির কাজও আমাদের শিখিতে হইবে। কাটা ছাঁটের সেলাই ব্যতীত যে সকল আবশ্যকীয় সুন্দর চাক-শিল্পের বেশী ব্যবহার আছে,—তাহার বিক্রয়েও লাভ হইতে পারে। গভর্নমেন্টের প্রসাদে এরূপ শিল্প বিক্রয়েরও সুবিধা হইয়াছে। গভর্নমেন্ট গৃহশিল্পের উন্নতির জন্ত বহু চেষ্টা করিতেছেন। কিন্তু ইংরাণ্ডিতে একটি প্রবাদ

আছে নিজেকে যে সাহায্য করে ভগবান তাহারই সহায় হন। কথাটা বড় সত্য। গভর্ণমেন্টের সাহায্য গ্রহণেও আমাদের দক্ষতা থাকি চাই। অতএব এ-রকম নারী শিক্ষাপ্রদান যতই স্থাপিত হয় ততই দেশের পক্ষে মঙ্গল এবং তাহার নারীশিক্ষার উন্নতির চেষ্টা করেন তাহারাই আমাদের কৃতজ্ঞতা-ভাজন। এই শিক্ষাপ্রদানের প্রতিষ্ঠাতা এবং প্রতিষ্ঠাত্রী মহামান্য মহাশয় এবং তাহার

পত্নী এই আশ্রমের মঙ্গলকর যেকোন কষ্ট স্বীকার করিতেছেন, শুনিতে তাঁহাদের প্রতি হৃদয় 'শ্রদ্ধানত' হইয়া উঠে। ভগবান সিদ্ধিনাতা যে তাঁহাদের শুভ উদ্দেশ্য সফল করিবেন সে বিষয়ে সন্দেহ নাই। হৃদয়ের রক্ত দিয়া যে মঙ্গল-ত্রুত গ্রহণ করা যায় তাহার পরিণাম ব্যর্থ হইবার নহে ইহা আমার বহু অভিজ্ঞতার ফল।

শ্রীস্বর্ণকুমারী দেবী।

ইন্দু

প্রিয়দর্শন, প্রিয়ভাবী, সদা-হাস্যমুখই, ভায়া-আমার মূর্তিমান আনন্দের মতো, —পল্টুনের পুলিশ থেকে জাহাজের যাত্রী, সারেং, খামাসি সকলের কাছে প্রিয়; কেবল অধিন ডাকে তাঁকে প্রিয়া বলে!

কবে কোন সূত্রে ভায়া যে আমার স্ত্রীমারের 'লক্ষ-সত্য' বা ডল্ফিন-ক্রাফের প্রেসিডেন্ট অবিনের কাছ থেকে এই যুগ্মানের উপাদিটা লাভ করেছিলেন তা আমার মতো একজন নতুন শুভকৈব জানা সম্ভব নয়; কেন না স্ত্রীমারের ডেকে সবেমাত্র একটি শীতকাল কাটিয়ে আমি প্রথম বসন্তে পা দিয়েছি, সূত্রাং শুভক-সত্যার বাই-ল অনুসারে আমার এখনো ছুধে-দাঁত ওঠেনি,—আসল বয়েস আমার যতই হোক না।

এখানকার নিয়ম অনুসারে ক্রমাগত চার-পাঁচটা বছর, দিন আট-প্রহর, বড়খতুর সবকটাতে জল-বাতাস আলো-অন্ধকারে

খেয়া দিয়ে, চল্লিশের গাট পেরিয়ে, উনপঞ্চাশের বাতাসে পাল তুলে পঞ্চাশের পারে—সেখানে চিরবসন্তের কুঞ্জতীরে পাপিরা পিরা পিরা বলে দিন বাত ডাকে সেখানে আমার তরী নিরাপদে এনে ভেড়াতে হবে তবে যদি পিয়ার খবর পাই! আমার বয়েস সবে ছেচল্লিস সূত্রাং উনপঞ্চাশে সুবাতাসের সঙ্গে পিয়ার খবরও আমার পেতে এখনো হেরি আছে—যদি না ইতিমধ্যে হঠাৎ ভালো-মন্দ একটা-কিছু ঘটে যায়। এমন দু-এক সময় ঘটে যে খবর না চাইতে খবরটা এসে হোর করে কানে ঢোকে, যেমন মেঘ না চাইতে কল, এবং পালি জল চাইতে যেমন জল-খাবারের থালা—যেটা বলব সে কাহিনীটা এমনি-করেই আমার কাছে পৌছল।

হচ্ছিল সেদিন লাঠি-ভাঙার মায়া। অবিন আজ কদিন ধরে লাঠি ভাঙবার চেষ্টায় কিয়ছে—কার পিঠে নয় বটে কিন্তু

লাঠি-বংশ তাতে করেও যে রকম পাবে এমন আশা কিছুমাত্র নেই। আমরা সবাই লাঠি আনা ছেড়ে দিয়েছি। কেবল ভায়া-আমার তাঁর নিজের লাঠি আঁকড়ে রয়েছেন। তিনি অবিনকে লাঠি ভাঙতে উল্লে দেবার মূল সুতরাং তাঁর লাঠি যে চিরদিন অক্ষত পরীরে বর্তমান থাকবে সেটা আশা করা অল্প লোক হলে যেতেনা, কিন্তু তিনি অবিনের প্রয়া-উপাধির পাত্র, সেইলক্ষ্যই যদি তাঁর লাঠিটাও বেঁচে যায়। সমস্ত জাহাজের মধ্যে এখন ছুটিমাত্র লাঠি। এন, ভায়ার হাতের বোড়ার কাটা পা দেওয়া আবলুদের ছড়ি, আর অবিনের হাতের বাঁশীর উপরে মিনের ফাল-করা আধা-পাখী আধা-মানুষ একটি কিম্বারী-বসানো হিমালয়ের দেবদাক্ষ বষ্টি।

এই দুই লাঠিতে যেদিন ঠোকাঠুকি বাধলো, সেদিন জলে-বাতাসে মেখেতে-আলোতে কোনো বিবাহ ছিল না। এমন-বি-ওড়ানী রাগরাগিনী আজ বাদী বিবাদী নব সুরগুলো নিয়ে আমাদের কাছ থেকে পূরে ছিল। একটা আরাম আর শান্তির মধ্যে দিয়ে জাহাজ চলেছে উত্তরের হাওয়া কেটে। জলের তেউগুলোতে কিছুমাত্র চঞ্চলতা নেই; যেন ঘুমন্ত বৃকের নিখাসের মতো আন্তে উঠছে পড়ছে। সূর্যাস্তের দিকে কোনো রঙের খেলা নেই। স্বর্ণ-চাঁপার মতো একটি স্থির দীপ্তি সমস্ত পশ্চিম আলো করে রয়েছে। তারি উপরে তীরের গাছ যেন কালি দিয়ে আঁকা দেখছি। ভয়া-পালের নৌকে। যেমন, আজকের সন্ধ্যার সমস্ত পৃথিবী তেয়ারি যেন চম্পাই রঙের একাধি পানখানি ফুলে সাজির মুখে

বচ্ছন্ন গতিতে ভেসে চলেছে নিঃসাড়ার। প্রাতঃসন্ধ্যার অরুণোদয়ের তপ্তকাঞ্চনের সঙ্গে কতটা ভীম মেশালে সারংসন্ধ্যার এই চাঁপাকুলি আলোর রংটি থাওয়া যায়। এটা যখন আমি বিশ্বকর্মার কাছ থেকে মনের লোষ্ট্রবুকে টুকে নিচ্ছি—পার্ড ক্লাসের একখানা বেকির কোণে বসে, সেই সময় কাষ্ট ক্লাসের দিকে 'বরেন-কি ! করেন-কি' ! বব উঠলো। কেউ জাহাজ থেকে জলে বাঁপিয়ে পড়ল কি-না দেখবার জন্যে তাড়াতাড়ি গিয়ে দেখি অবিন তার হাঁটুর চাড়া দিয়ে তার নিজের লাঠিখানা ধরুকের মতো বেঁকিয়েছে; তার মুখ গোলাপকুলের মতো রাঙা; আর-একটু হলেই লাঠিখানা ছু-টুকরো হয়ে গঙ্গা পাবে। ভায়াই যে আজকের পল্লক-ভঙ্গের নাটের শুরু এবং তাঁর লাঠিটা বাঁচাতে তিনি অবিনকে আপনার লাঠি ভাঙতেই যে উল্লে দিয়েছেন এটা বুঝলুম। অবিনের লাঠিটা এত সুন্দর যে সেটাকে ভেঙে-ফেলা আর একটা মানুষের ঘাড়-মটকে জলে ফেলে-দেওয়ায় আমার কোনো তফাৎ মনে হল না। মানুষের সৃষ্টিকে নষ্ট করাও বা ভগবানের সৃষ্টিকে আঘাত দেওয়াও তাই,—একই পাপ আমি বনে করি। অবিনের লাঠির মাথায় সেই কিম্বারীর বাঁশীর সাতটা সুর যেন একটা কান্না নিয়ে আমাকে মিনতি করতে লাগল—'বাঁচাও বাঁচাও'। আমার বৃকের মাঝে কেমন করতে লাগলো কিন্তু মুখ দিয়ে আমার একটি কথাও বার হল না। দেখলেম লাঠিটা ক্রমে বেঁকছে। লাঠি এতটা যে ছইছে পারে তা আমি ধারণাই করতে

পারি-নি! পাহাড়ের রস টেনে বেড়েছিল সেই সফ্র দেবদারু ডাল! অর্ধশত জোড় দিয়েও তাকে ভাঙতে পারলে না। লাঠিখানা বেকে সাপের মতো তার দুই পা জড়িয়ে ধরলে। তখন আমি সাহস করে এগিয়ে গিয়ে অর্ধশতের হাত ধরতেই অর্ধশত একটা নিশ্বাস ফেলে লাঠিখানা ছেড়ে দিলে। দেখলেম সেই নিশ্বাসের সঙ্গে অর্ধশতের মুখ কাগজের মতো পাড়াম হয়ে গেল। যেন একটা ছঃস্বপ্ন থেকে উঠে অর্ধশত আমার দিকে চেয়ে দেখলে! তার পর আমাকে সেই লাঠিটা দিয়ে বলে—“নাও তোমাকে দিলুম।”

লাঠিটা আমার কাছে শিল্প-হিসাবে খুব মূল্যবান স্মরণ্য সেটাকে সচক্ষে বর্ণনা নিতে আমার সক্ষমতা হল। কিন্তু দিয়ে একবার ফিরে নেওয়া অর্ধশতের কৃষ্টিতে লেগেছি স্মরণ্য অন্তত তখনকার মতো হাশ্বসুখে লাঠিটা আমার নিতে হল। তাছাড়া লাঠিটাকে এখন কিছুদিন অর্ধশত এবং তার প্রিয়—আমার ভায়াটির কাছ থেকে সুরিয়ে রাখলে সবদিকেই ভাল, এটাও সেই লাঠিটা খুঁটির সঙ্গে বস্ত্রবাদ দিয়ে বর্ণনা নেবার আর একটা কারণ বটে। কাজেই লাঠিটা সেদিন আমার হাতে-হাতে আমার বাড়িতেই এল। তাড়াতাড়ি এককোণে সেটাকে রেখে আমি গায়ের কোট ছেড়ে রাখব এমন সময় বাতির আলোর লাঠির গায়ে একটি বিদ্যুতের রেখার মতো একটা নাম বলতে উঠলো—‘ইন্দু’। তিল তিল হীরের আলো দিয়ে সেই নাম লেখা। লাঠিটা বাইরে ফেলে

রাখতে আমার আর সাহস হলনা; আমি সেটাকে আমার সঙ্গে সঙ্গেই রাখলুম। সঙ্গে নিয়ে খেলুম, সঙ্গে নিয়ে শুলুম। অর্ধশত লাঠিটাকে কি-ভাবে দেখতো তা জানিনে কিন্তু তার ইন্দু বা ইন্দুমতী অথবা ইন্দুমুখীর লাঠিটা আমার যেন বৃক্ষের তরুণীর মতো—চলিত কথায় অন্ধের নাড়ি—হয়ে উঠলো। পাছে তাকে হারাই, পাছে সূড়ঙ্গ কেটে চোর আমার কোলের কাছ থেকে তাকে চুরি করে পালায় এই ভাবনাতে আমার খেয়ে সুখ ছিল না, শুয়ে ঘুম ছিল না।

ক-দিন পরে অর্ধশতের সঙ্গে যখন দেখা, তখন প্রথমে আমার তরু হল অর্ধশত বুকি-বা লাঠিটা ফিরিয়ে নেয়, যদিও অর্ধশতের কোনো দিন এমন স্বভাব নয় বেশ জানতেম। সেদিন আমি লাঠিটা খুব জোর করে মুঠোর তিতরে যে রাখলুম তা বলতেই হবে। সেদিন পূর্ণিমার রাত্রি, গঙ্গার একটা মনোরম শোভার মধ্যে দিয়ে জাহাজ চলেছে। পশ্চিমতীরে দেখতে পাচ্ছি সাহেব-মিস্ত্রীর বানানো রাজাদের একটা পুরানো বাগান-বাড়ি; পূর্ব পারে দেখছি—প্রকাণ্ড একটি মন্দির—ঘাটের ধারেই; পূর্ণিমার চাঁদ জলের উপর দিয়ে একটি আলোর পথ আমাদের জাহাজ থেকে এই ঘাটের কোল পর্যন্ত রচনা করেছে। আর এই আলোর পথের ধারটিতে জাহাজের রেলিং ধরে দাঁড়িয়ে অর্ধশত—পূর্ণিমার চাঁদের দিকটিতে চেয়ে। অর্ধশতকে আমি কতবার এমম-করে দাঁড়িয়ে থাকতে দেখেছি কিন্তু আকাশের পূর্ণ ইন্দু আর আমার মুঠোর হীরের বিন্দু দিয়ে লেখা নামটার

মিল দেখে মনটা আমার নড়ে উঠলো। আমার মনে হতে লাগলো অবিন হয় তো ওই আকাশের চাঁদের মধ্যে তার ইন্দুমতী বা ইন্দুমুখীকে দেখতে পাচ্ছে। হয় তো এই চাঁদের আলোর ঝক্‌ঝকে তারগুলির মধ্যে দিয়ে সে তার অনেক দিনের হারানো ইন্দুর কাছে বহু দূর-পথে—বহুদিনের পথে প্রাণের আকৃতি নিরহা যক্ষের মতো সারা জীবন ধরে পাঠাচ্ছে—প্রতি পূর্ণিমায়। হয় তো পূর্জন্মে অবিনের এ-জন্মের ইন্দু ছিল অলকার তবী গ্রামা ইন্দুরেখা কিন্নরী। হয় তো সেখানে কোনো নাগেশ্বর টাপার কল্পবনে অবিনে তাতে প্রথম দেখা; তার পর প্রণয়-স্বপ্নের মাঝখানে ছতনের সহসা বিচ্ছেদ এবং আকাশ থেকে ঝস-পড়া গুটি তারার মতো, পৃথিবীতে তাদের ঝরে পড়া। এখানে এসে স্বপ্নটা আমার মনে আটকে গেল। ওই আতিরিচৌলার পলিতে যে অলকার কিন্নরী ইন্দুরেখা ইন্দুবালা চক্রবর্তী, ইন্দুমুখী বা, ইন্দুমতী মনসী কিম্বা আরো-কোনো একটা নাম নিয়ে অবিনের ঘরে গৃহিনীপণা করতে করতে

অথবা অবিনের সঙ্গে কোর্টসিপ্ চালাতে চালাতে হৃদযন্ত্রের রোগে হঠাৎ মারা পড়ল— অবিনকে তার শেষ-দান এই লাঠিটা দিয়ে— এটুকু মন আমার কিছুতে স্বীকার করতে চাইলে না। আমি ফাঁপরে পড়ে অবিনের দিকে চেয়ে দেখলেম সে আমার দিকে চেয়ে মিটমিট করে হাসছে। আমি লাঠিটা সজোরে ঠুকে বলে উঠলেম—“এ হতেই পারে না।”

অবিন আস্তে আস্তে এগিয়ে এসে বলে—“কি হতে পারে না হে আর্টিষ্ট!”

আমি উত্তর করলেম—“আকাশের চাঁদের ভূতাল পতন! ইন্দুরেখা কিন্নরীর তোমার আহিরৌটোলায় গৃহিনীপণা!”

অবিন গঙ্গার ধারে বাগান বাড়িটা দেখিয়ে বলে—“ইন্দুরেখা ও-পাড়ার ইন্দু-ভূষণ হলে কি তোমার আপত্তি আছে?”

“কিছু না।”— বলে আমি লাঠিটা ইন্দুভূষণ বাকে দিইছিল তাকেই ফিরিয়ে দিইলেম। কিন্তু সম্পূর্ণ অবজ্ঞা ইন্দুরেখার সোনার কাঠিটা আমারি মুঠায় রয়ে গেল;—হাতের মুঠায় নয়—মনের মুঠাতে।

শ্রীঅবনীন্দ্রনাথ ঠাকুর।

নীলপাখী

তৃতীয় অঙ্ক

বাত্রি	কুকুর
বিদ্যাল	চিনি
ভিলান্তিল	নক্ষত্রগণ
মিটিল	জানোয়ারগণ
কুটী	বৃক্ষগণ

প্রথম দৃশ্য

বাত্রির আবাস
চতুষ্কোণবিশিষ্ট এক ছবুহৎ কক্ষ। কক্ষ-ভ্যস্তর কক্ষবর্ণের; এবং কক্ষবর্ণ ছবু-সামগ্রী দ্বারা উত্তমরূপে সজ্জিত। স্থানটি অতিশয় গম্ভীর। একটা কীর্ণ আলো ঝলিতেছে। এক উচ্চ আসনে

কালোরঙের জমকালো পোলাক পরিয়া রাত্রি বসিয়া আছে। রাত্রি দেখিতে অতিশয় বৃক্ষ। তাহার এক পাশে একটা নগ্ন ছেলে শুইয়া আছে; সুমাইত সুমাইতে সে হাসিতেছে। অপর দিকে আর-একটা ছেলে নিশ্চিন্তভাবে দাঁড়াইয়া; তাহার অপাদমস্তক আবৃত।

বিড়াল প্রবেশ করিল।

রাত্রি। কে খাচু ওখানে?

বিড়াল। (অত্যন্ত পরিশ্রান্তভাবে পা ফেলিতে ফেলিতে) আমি গো, মা-জননী! বড় রাস্তা হয়ে পড়েছি।

রাত্রি। কি হয়েছে বাছা তোর?... তোকে এমন রোগা শুকনো দেখছি কেন? সর্কায়ে কাদা মাগ—ব্যাপার কি?... বৃষ্টিতে আর বরফে ছুটোছুটি করছিলি বুঝি?

বিড়াল। না মা, সে সব একটু নয়। ...এ ভারি গোপনীয় কথা—আমাদের সন্ধান উপস্থিত!... আমি মা, কোন রকমে পালিয়ে এসেছি, তোমাকে সাবধান করে দিতে। কিন্তু আমার ভয় হচ্ছে, কিছুই হস্ত করা যাবে না।

রাত্রি। কেন? কি হয়েছে?

বিড়াল। সেই যে গো, কুঁহুরের ছেলেটা, নাম তার তিলতিল; সে একটা ভৃত্যে গীরে পেয়েছে। এখন সে তোমার কাছে আসছে নীলপাখী আদায় কর্তে।

রাত্রি। এখনও ত আদায় কর্তে পাবেনি, তবে অত ভয় কিসের?

বিড়াল। কিছু শীগ্গিরই আদায় করবে, যদি না তাকে ভয় দেখিয়ে আটকাতে পার। সব কথা বলি, শোন। আলো আমাদের সঙ্গে বিশ্বাসঘাতকতা করে মানুষের পক্ষ নিয়েছে! সে তার পাশে

থেকে তাকে পথ দেখাচ্ছে। তারা টের পেয়েছে যে, নীলপাখী তোমার এখানেই লুকানো আছে। সেইটাই ত আসল, কারণ দিনের আলোর সে বেঁচে থাকে; অথু জায়গায় যা আছে, তা কেবল জ্যোৎস্নার আলোর বেঁচে থাকে, চোখে রোদ লাগলেই মরে যায়। আলো জানে যে তোমার বাড়ীর চোকাঠ মাড়ার তার একটার নেই; সেইজন্য সে তিলতিল আর তার বোন মিতিলকে পাঠাচ্ছে। তুমি ত আর মানুষকে আটকাতে পারবে না। সে এসে তোমার দরজা খুলে সমস্ত গুপ্ত সন্নিধান নেবে। আমি ভেবেই পাচ্ছিমে, অদৃষ্টে কি আছে! যদি সত্যি সত্যি সে নীলপাখী হাতে পায়, তবে আর আমাদের সন্ধানের বাকী থাকবে কি?

রাত্রি। তাইত বাছা, তাইত! এক দণ্ডও নিশ্চিন্ত হয়ে থাকতে পেলুম না। মানুষকে আমি এ ক'বছর ধরে বুঝতে পারলুম না। তার মতলব কি? সে কি চায়? সব সে আদৃত করে চায় না কি? আমার গোপনীয় তত্ত্বগুলির ত বারো আনা সে দখল করে বসেছে। আমার ভৃত্য-প্রেরিতগুলো সব পালিয়েছে। ভয়-বিত্তীষিকা ত তার দৌরাভ্যে ঘর থেকে বেরতে চায় না। আধি-ব্যাধিগুলো রোগে ভুগচে—মানুষ তাদের এমনি জঙ্ক করে ছেড়েছে।

বিড়াল। জানি মা, সব জানি। এখন সময় 'বড়ই' খারাপ। আমাদের একাই মানুষের সঙ্গে লড়তে হবে। ওই যে আওয়াজ পাচ্ছি, তারা সব আলছে। এখন

কেবল একটি মাত্র উপায় আছে। ওরা
হল ছেলেমানুষ। আমরা সব এমন ভয়
দের দেখাব যে পিছন দিকের বড়
দরজাটা খুলতে না ওদের সাহস হয়। কারণ
সেহেটেই হল নীলপাখীর আড্ডা।

রাত্রি। (বাহিরের দিকে কান পাতিয়া)
আওয়াজ পাচ্ছি। ওরা কি অনেক
লোক আসছে ?

বিড়াল। না, বেশী লোক তেমন নেই।
কটা আর চিনি আমাদের পক্ষে। জল
বেরারীর অস্থখ করেছে, সে আসতে পারে
না। আগুনও এল না, কেননা আলো
তাই কুটুম। কেবল কুকুরটাই হল ওদের
পক্ষে। তাকে কিন্তু কোনরকমে আটকে
রাখা সম্ভব নয়।

সেইসঙ্গে তিলতিল, মিতিল, স্বটী, চিনি এবং
বাক্য প্রবেশ করিল।

বিড়াল। (বাস্তভাবে অগ্রসর হইয়া)
এই দিকে ছড়ুর, এই দিকে। আমি
সবের ঠাককণকে সব বলেছি; তিনি
আমায় দেখবার জন্য ভারি উৎসুক। কিন্তু
তাকে মাক করবেন। তাঁর শরীর কিছু
খারাপ বলে এগিরে গিয়ে আপনার সঙ্গে
সে কথা করতে পারেন নি।

তিলতিল। (রাত্রির প্রতি) সুপ্রভাত !

রাত্রি। (ফুক হইয়া) কি ! অপমান
করতে এসেছ তুমি ! সুপ্রভাত ! তোমার বলা
উচিত ছিল, 'সুরাত্রি' !

তিলতিল। (লজ্জিত হইয়া) আমার
শাপ করবেন—আমি তা জানতুম না।
(রাত্রির হইটি ছেলের প্রতি অনুলি নির্দেশ
করিয়া) ও দুটী বুঝি আপনার ছেলে ?

রাত্রি। হ্যাঁ। এটার নাম নিদ্রা।
তিলতিল। ও অত বোটা কেন ?
রাত্রি। ও বেশ আরামে ঘুমোয় কি না,
তাঁই !

তিলতিল। আর ওটার নাম কি ?
ও অমন করে সর্কাস ঢেকে রেখেছে কেন ?
কোন অস্থখ করেছে নাকি ?

রাত্রি। ওটা নিদ্রার বোন, ওর নাম
না বলাই ভাল।

তিলতিল। কেন ?

রাত্রি। ওর নামটা শুনতে ভাল
লাগবে না।...তা যাক, আমরা এখন অন্য
কথা কই, এসো, কাজের কথা।...
বেড়ালের মুখে শুনলুম, তুমি নাকি নীলপাখীর
সন্ধানে এসেছ ?

তিলতিল। হ্যাঁ; সেটা কোথায়, দয়া
করে বলবেন কি ?

রাত্রি। দেখ যাছ, আমি কিছুই জানি
না।...আমার এখানে সে নেই...আমি
তাকে চোখেও দেখিনি কখনো।

তিলতিল। আলো যে বলেছে সে
এখানেই আছে...আপনি দয়া করে চাবি
খুলো দেবেন কি ?

রাত্রি। কিন্তু বাছা, তোমার জানা উচিত
ছিল যে যারা প্রথম এখানে আসে তাদের
কখনই আমি চাবি ছেড়ে দিই না।...
প্রকৃতির গোপনীয় জিনিসগুলি আমার কাছে
গচ্ছিত আছে; সেগুলি কারো হাতে তুলে
দিতে নিষেধ। তুমি ছেলেমানুষ, তোমাকে
তা কোনমতেই দিতে পারি না।

তিলতিল। আপনার কোন অধিকার
নেই অস্বীকার করবার...মানুষ চাইযামাত্রই

আপনি সব ছেড়ে দিতে বাধ্য...আমি এ সব কথা ভাল জানি।

রাত্রি। কে তোমার বলছে ?

তিলতিল। আলো।

রাত্রি। আলো! সব তাতেই আলো!...কি সাহসে সে এ-সব কাজে হাত দেয় ?

কুকুর। হুজুর, হুকুম হয়ত আমি জবরদস্তিতে বাধ্য করে নি।

তিলতিল। চুপ কর হতভাগা; অভদ্র ফোপাকার!...(রাত্রির প্রতি) আসুন, দয়া করে আমার চাবিগুলি দিন।

রাত্রি। চাবি ত চাহত। তোমার কাছে এমন-বোন নিশানা আছে কি ?

তিলতিল। (টুপিতে চাত দিয়া) এই দেখুন হীরে।

রাত্রি। আচ্ছা, তাহলে এই নাও চাবি। এই হল-ঘর খোল গিয়ে...কছু খারাপ টারাপ হয় ত তুমি জন...আমি সেজন্ত দায়ী নই।

কুটী। (উদ্ভিন্ন হইয়া) কেন, কোন বিপদ-টিপদ ঘটবে না কি ?

রাত্রি। তা আর বলতে?...অন্ধকার বড় বড় সব গর্তের দরজা বখন খুলে যাবে, তখন যে কি ভয়ানক কাণ্ড ঘটবে, আমি তা বুঝতে পারছি না। জলের চারদিকে লোকের তৈরি, পিতলের তৈরি বড় বড় ঘর আছে; তার ভিতর যত রাজ্যের আধি-ব্যাধি, ছঃখ-দারিদ্র্য, ভোগ-মড়ক, আর যত সব বিভীষিকা, আপদ-বিপদ করেন্ন হয়ে রয়েছে। আমি নিরন্তি দেবীর সাহায্য কি কষ্টেই যে তাদের করেন্ন করেছি, তা

আধিই জানি। এখন আমি তাদের শাসনে রেখেছি। তোমরা দেখেছ ত তাদের মধ্যে একটা যখন ছাড়া পায়, তখন পৃথিবীতে গিয়ে কি ভয়ানক কাণ্ডই বাধিয়ে দেয়!

কুটী। রাত্রি ঠাকুরণ, আমি বুড়ো হয়ে গেলুম এই ছেলে দুটির হেপাকত করে, এদের আপদ-বিপদের কথা আমাকেই আগে ভাবতে হয়। একটা কথা আপনাকে জিজ্ঞাসা কর্তে পারি ?

রাত্রি। স্বচ্ছন্দে।

কুটী। যদি কোন হাজারই বাধে, তবে পালিয়ে শবার পথটা কোন্ দিকে ?

রাত্রি। এখন থেকে গালাবার পথ নেই।

তিলতিল। (চাবি হাতে অগ্রসর হইয়া) এই দরজাটাই আগে খোলা থাকুক...এর ভিতর কি আছে ?

রাত্রি। বোধ হয় এটা ভূতের ঘর। একবার এর দরজা আমি খুলেছিলুম, সেই সময় গোটাকতক বোরিয়ে পড়েছিল।

তিলতিল। আমি খুলে দেখি। (কুটীর প্রতি) খাঁচা ঠিক আছে ত ?

কুটী। (ভয়ে তার দাঁত বাহির হইয়া পড়িয়াছিল) আমি ভয় পেয়েছি ভেবো না, তবে বলছি কি যে দরজাটা না খুলে ফুটোর ভিতর দিয়ে উঁকি মেরে দেখলে ভাল হত না ?

তিলতিল। তোমার পরামর্শ আমি শুনতে চাই না।

মিতিল। (কাঁদিতে শুরু করিল) আমার বড় ভয় করছে...চিনি কোথায় গেল...আমার স্বামী নিয়ে চুকুক।

চিনি। এই যে হেথায় আমি, এই যে। কেঁদো না।

তিলতিল। বাস্, ডের হয়েছে।

চারি ঘুরাইয়া আছে আছে দরজা খুলিল। অমনি পাঁচ ছয়টা ভূত নিমেষে বাহির হইয়া হলের চারিদিকে হুড়াইয়া পড়িল। নিতিল ভয়ে চীৎকার করিয়া উঠিল। কটী হাউন্ট করিয়া পাঁচা ফেলিয়া হলের পিছনে গিয়া লুকাইল। ভূতগুলোকে ধরিবার জন্য রাত্রি তাহাদের পশ্চাতে ছুটিল।

রাত্রি। তিলতিল, শিগ্গির দরজা বন্ধ কর, শিগ্গির, নইলে সবগুলোই পালিয়ে যাবে, শেষে একটাও ধরা যাবে না।

রাত্রি অনেকক্ষণ ভূতগুলোর পশ্চাতে ছুটিয়া গাপের-মুখওয়ালা চাবুকের সাহায্যে তাহাদিগকে হুড়াইয়া আনিতে লাগিল।

তোমরা আমার সাহায্য কর, শিগ্গির এস।

তিলতিল। টাউলো, দাঁড়িয়ে দেখে কি, শিগ্গির যাও, ওঁকে সাহায্য কর।

কুকুর। (লাফাইয়া চীৎকার করিয়া) হা, হা, এই যে!

তিলতিল। কটী কোথায় গেল, ও কটী!

কটী। (হলের পিছন হইতে সভয়ে) এই যে আমি এখানে দরজা আগলে দাঁড়িয়ে আছি, ওরা পালাতে পারবে না।

ইত্যবসরে একটা ভূত সেইদিকে গিয়া পড়ায় কটী ভয়ানক চীৎকার করিয়া পলাইয়া আসিল।

রাত্রি। (তিনটা ভূতের খাড়া ধরিয়া আনিতেছিল) চল এইদিকে। তিলতিল, দরজাটা একটু মাঁক কর ত। (ধাক্কা

দিয়া ভূতগুলোকে ঘরের ভিতর ফেলিয়া দিল। কুকুর আরও তিনটাকে তাড়াইয়া আনিয়া ঘরে পুরিয়া ফেলিল। তিলতিল তাড়াতাড়ি দরজা বন্ধ করিয়া তালা লাগাইয়া দিল।

তিলতিল। (অন্ত এক দরজার নিকট গিয়া) এর মধ্যে কি আছে?

রাত্রি। তা যেন আর কি হবে? দেখলেই ত বাপার! নীলপাখী এখানে নেই, আমি আগেই ত বলেছি। দরজা খুলতে চাও, সে তোমার ইচ্ছে। এর ভিতর কিন্তু জ্বর, কাশি এরা সব থাকে।

তিলতিল। (তালা খুলিতে খুলিতে) এবার আমি খুব সাবধান হব।

রাত্রি। এদের বেলায় তা দরকার হবে না। বেচারীরা অতি নিরীহ। চূপচাপ পড়ে থাকে! এতটুকু সুখও ওদের নেই। মানুষ এখন ওদের ওপর কি কুন্দুই না করছে... দরজা খুলে ফেলো, দেখতে পারে।

তিলতিল। (দরজা একেবারে ফাঁক করিয়া খুলিয়া দিল, কিন্তু কাহাকেও দেখিতে পাইল না) এরা ত কৈ বাইরে বেরুচ্ছে না?...

রাত্রি। আমি ত বলেছি, এরা আরি নিরীহ। ..ভাস্করদের অত্যাচারে বেচারীরা একেবারে নিরুন্ম মেরে গেছে। একবার ভিতরে ঢুকে দেখে এসো, ওদের অবস্থাটা।

তিলতিল। (ভিতরে প্রবেশ করিয়া দেখিয়া আসিল) এর ভিতর ত কৈ নীলপাখী নেই। ওরা সকলেই বড়

কাহিনী রোধ হল; কেউ একবার মাথাও
কুলে না।

এই সময় একটি ক্ষুদ্র মূর্তি আস্তে আস্তে
বাহিরে আনিয়া হলের মধ্যে ঘুরিতে লাগিল। তার
সব্বাঙ্গ পরম কোটে ঢাকা, মাথায় একটি তুলার
টুপি।

ঐ দেখ একটি পালাচ্ছে... কে ও ?

রাত্রি। ও হল সদ্দি-কাশি। অন্য
সকলের চেয়ে ওর ছন্দশী কিছু কম। ওর
স্বাস্থ্যও মন্দ নয়।...ওহে ও সদ্দি-কাশি,
তুমি পালাচ্ছ কোথায়? এদিকে এস।
এখনও সময় হয় নি।...শীতের এখনও
চের দেবি।

সদ্দি-কাশি হাট্টিয়া, কানিয়া নাক কাড়িতে
কাড়িতে ঘরের মধ্যে কিরিয়া আসিল। তিলতিল
তৎকণাৎ দরজা বন্ধ করিয়া দিল।

তিলতিল। (অন্য একটার কাছে
গিয়া) এইটে এবার দেখা বাকি। এক
ভিতরে কি আছে?

রাত্রি। সাবধান! এখানে যুদ্ধের সব
থাকে। এরা যেমন বলবান, তেমনি
ভয়ানক। ভগবান জানেন, এদের একটি
ফর্ম ছাড়া পার, তখন কি বিভ্রাটই না ঘটে।
সৌভাগ্যের বিষয়, এরা যেমন মোটা তেমনি
ভারি, সহজে নড়তে পারে না। তাই হলেও
আমাদের পূর্ব সাবধানে থাক! দরকার।
তুমি একটুখানি কাঁক করে চক্ষের নিম্নে
ভিতরটা দেখে নিও; আমরাও আমরা
সঙ্গে সঙ্গে দরজা চেপে ধরব।

তিলতিল অতি সন্তর্পণে দ্বার একটুমাত্র কাঁক
করিয়া ভিতরে উঁকি মারিল, এক তৎকণাৎ দরজা
খরিয়া চেঁচাইতে লাগিল।

শিগগির এস, শিগগির। বত জোরে

পার, সকলে মিলে চেপে ধর। ওরা
দল বেঁধে এদিকে আসছে; এই বেঁধে
মারছে।

রাত্রি। এসো সকলে। প্রাণপণে চেপে
ধর। কটী, কোথায় গেলে তুমি...ওখানে
কি করছ...খুব জোরে...খুব জোরে...হ্যাঁ,
এইবার হয়েছে। বাসুয়ে, কি জোর...
এখন সব সরে গেছে।...তিলতিল, ওদের
দেখেছ ত ?

তিলতিল। হ্যাঁ, হ্যাঁ, দেখেছি, কি
ভয়ঙ্কর বদখত, চেহারা,...ওদের কাছে
নীলপাখী আছে বলে ত বোধ হয় না।

রাত্রি। ওদের কাছে থাকতেই পারে
না। থাকলেও ওরা তাকে খেয়ে ফেলেছে।
কেমন, এবার ত মন মেনেছে?...
কোথাও ত পাওয়া গেল না...এখন কি
করবে বল ?

তিলতিল। আমি আরও দেখব।
আলো আমাদের প্রত্যেক জায়গা খুঁজতে
বলে দিয়েছে।

রাত্রি। তা ত বলবেই...বাড়ীতে বসে
বসে আমরা সবাই বসতে পারব।

তিলতিল। (অন্য এক দরজায় গিয়া)
আচ্ছা, আমরা এইটে খুলব...এটাও কি
ভয়ানক না কি ?

রাত্রি। না, এতে ভয়ের কিছু নেই।
এর ভিতর আমার নিজের অনেক রকমের
সুগন্ধি জিনিস আছে—অনেকগুলি আলোর
রশ্মি আর এমন কতকগুলি নক্ষত্র আছে
যারা এ পর্যন্ত আকাশে দেখা হয় নি।...
তা ছাড়া চমৎকার চমৎকার প্রজাপতি সব,
সোপালি রঙের বোমাছি, চলচলে শিশির—

বিন্দু, নাইটিংগেল পাখীর গান, এই রকম আরও সব সুন্দর, সুন্দর জিনিষ আছে।

তিলতিল প্রশান্তভাবে দরজা খুলিয়া দিল। নক্ষত্র-গুলি, সুন্দরী কুমারীর বেশে বিচিত্র বর্ণের পরিচ্ছদ পরিয়া ঝকঝকে ঘোমটা টানিয়া গৃহ হইতে বাহির হইয়া আসিল এবং অপূর্ব ভঙ্গিমায় নৃত্য আরম্ভ করিয়া দিল। সুগন্ধি এবং শিশির-বিন্দু গিয়া তাহাদের সহিত যোগ দিল এবং নাইটিংগেলের মূল্যবান সঙ্গীত ভাসিয়া আসিয়া চতুর্দিক মুখরিত করিয়া তুলিল।

মিতিল। কেমন সুন্দর মেয়েগুলি!

তিলতিল। আহা, কি সুন্দর ওরা নাচ্ছে!

মিতিল। সুগন্ধে চারিদিক ভুরভুর করছে!

তিলতিল। সুন্দর গান!

রাত্রি। (হাততালি দিয়া) ব্যাং, আর না।...ওগো নক্ষত্র-কুমারীরা, এবার তোমরা ঘরে ফিরে এস। এখন তোমাদের নাচবার সময় নয়...আকাশ পরিষ্কার নয়... ভয়ঙ্কর মেঘ করে রয়েছে।...শিগ্গির ঘরে বাউ, নইলে আমি রোদ্দুরকে ডাকব।

নক্ষত্র, শিশিরবিন্দু প্রভৃতি ভাড়াভাড়ি ঘরের মধ্যে প্রবেশ করিল এবং সেই সঙ্গে নাইটিংগেলের গানও ধামিয়া গেল।

তিলতিল। (পিছনের একটা দরজায়) এই যে একটা বড় দরজা...এইটে এবার খোলা থাক।

রাত্রি। (মহসা গভীর হইয়া) এটা খুলো না; খবরদার!

তিলতিল। কেন?

রাত্রি। এটা খোলবার যো নেই!...

তিলতিল। কী হলে এইখানেই নীল

পাখী লুকোনো আছে, নিশ্চয়ই! আলো আমাকে এই রকমই বলেছিল।

রাত্রি। (বাৎসল্যের স্বরে) দেখ বাছা, আমার কথা শোন; তুমি আমার ছেলের মত। তোমার জন্তে যা করেছি, আর কারও জন্তে আমি কখনও সে-রকম করিনি। আমার নিজের লুকোনো জিনিষ সব তোমায় দেখিয়েছি!...তোমাকে ছেলের মত ভালবেসেছি বলেই এতটা করেছি। এখন আমার কথা শোন...আর এগিয়ে না...এখন বাড়ী যাও...ও দরজাটা খোলো না।

তিলতিল। (আবেগ-ভরে) কেন? কি জন্ত খুলব না?

রাত্রি। কারণ, আমার ইচ্ছা নয় যে তুমি মারা যাও। বার-বার এ দরজা খুলেছে—একটু ফাঁক করে দেখেছে, তার কেউ আর জ্যান্ত ফেরে নি—তাদের কাকেও দিনের আর আলো দেখতে হয় নি।...তাই বলছি, ও দরজা খুলো না। তবে যদি আমার কথা না শুনে নেহাত খুলতে চাও, তবে একটু ধাম, আমাকে নিরাপদ জায়গায় পালিয়ে যেতে দাও... তার পর তুমি যা ভাল বোধ কর।

মিতিল কাঁদিয়া উঠিল, ভয়ে তার মুখে কথা কুটিতেছিল না। সে দেখান হইতে পলাইয়া বাইবার অন্ত তিলতিলকে ধরিয়া টানিতে লাগিল।

রাত্রি। (ভয়ে তার চোখ ঠিকরাইয়া বাহির হইয়া পড়িয়াছিল) দোহাই হুঁড়ুর, খুলো না। আমি তোমার পায়ের ধরছি... আমাদের দয়া কর।...রাত্রি ঠাকুরণ ঠিক কথাই বলেছেন।

আর নীলপাখীটাকে জোর করে আদায়
কর্তে পারে; কিন্তু তা হলে কি হবে,
জান? আমাদের সকলকে চিরকালের
জন্তে মানুষের তাঁবেদার হয়ে থাকতে হবে।
(বৃক্ষপত্রের মর্মমর্ শব্দ) ও কে কথা
কইছে? ওক! ভাল আছ ত? (ওক
পত্রের মর্মমর্ শব্দ) এ্যা, আজও তোমার
সর্দি সারে নি?...বারামাস যে রকম ঠাণ্ডা
ঘাস জড়িয়ে থাকে!...আচ্ছা, নীলপাখীটা
তোমার কাছেই আছে ত!..(পত্রের মর্-
মর্ শব্দ)...হ্যা, হ্যা, সে কথা আর
বলতে! ছোঁড়াকে মেরে ফেলতেই হবে...
এ সুযোগ কি ছাড়তে আছে? (পত্রের
মর্মমর্ শব্দ) এ্যা, কি বলছ?...ঠিক
বুঝতে পারছি না,...ও, আচ্ছা...তার
ছোট বোন? সেটাকেও মেরে ফেলতে
হবে...(পত্রের মর্মমর্ শব্দ) হ্যা, কুকুরটাও
সঙ্গে আছে বটে...তাকে ত মারবার কোন
উপায় দেখি না...(পত্রের মর্মমর্ শব্দ)
কি বলছ?...ঘুষ দিয়ে?...অসম্ভব...চেষ্টার
কটা করি নি...(পত্রের মর্মমর্ শব্দ)
আর কে কে আছে? আগুন, চিনি, জল
আর রুটি।...সকলেই আমাদের দিকে,
কেবল রুটিকে একটু সন্দেহ হয়।...
আলো শুধু একা মানুষের পক্ষে;
কিন্তু সে আসবে না।...আমি তিলতিলকে
বুঝিয়েছি যে আলো: যেমনি ঘুমোবে
অমনি যেন তারা লুকিয়ে বেরিয়ে পড়ে।
...এমন সুযোগ কি আর হয়?...('পত্রের
মর্মমর্ শব্দ) হ্যা, হ্যা, ঠিক কথা,
জানোয়ারদের খবর দিতে হবে বৈকি।...
ধরগোসের কাছে তার নাগরাটা আছে ত?

আচ্ছা, তা হলে তাকে একুনি নাগরা পিটে
জানোয়ারদের খবর দিতে বল...বাহবা! ঠিক
হয়েছে...এদিকে যে এঁরাও এসে পড়ল!

ধরগোসের নাগরার শব্দ শুনা গেল। তিল-
তিল, মিতিল এবং কুকুর প্রবেশ করিল।

তিলতিল। এই কি সেই জায়গা?

বিড়াল। (অতিশয় নম্রতা এবং আগ্রহ
ভরে অগ্রবর্তী হইয়া) এই যে প্রভু
এসেছ!...আজ কি সুন্দর, কি চমৎকার
তোমায় দেখাচ্ছে।...তোমার আসবার
খবর আগেই আমি ওদের দিতে গেলুম।
...খবর ভাল।...আজ রাতেই আমরা
নীলপাখীটাকে হাত করতে পারব।...
দেশের প্রধান প্রধান জানোয়ারদের জড়
করবার জন্ত আমি ধরগোসকে নাগরা
পিটে বলে দিয়েছি...ওই যে জানোয়ারদের
আওয়াজ শোনা যাচ্ছে...ওই যে গাছতলায়
সব একে একে জড় হচ্ছে...কিন্তু ওরা
একেবারে তোমাদের কাছে আসবে না...
একটু লাজুক কি না! (নানা প্রকার
জানোয়ারের আওয়াজ শুনা যাইতে
লাগিল, গরু, গুয়ার, গাধা, বোঁড়া,
ইত্যাদির। বিড়াল তিলতিলকে একান্তে
ডাকিয়া লইয়া গেল) দেখ, কুকুরকে
কিন্তু আনা ঠিক হয় নি...সকলের সঙ্গেই
ওর ঝগড়া...গাছেদের সঙ্গেও ওর বনে
না...আমার ভয় হয়, ও হতেই বুঝি-বা
সব পণ্ড হয়ে যায়!

তিলতিল। ওকে কেলে রেখে আসতে
পারি নি।...(কুকুরের প্রতি সরোষে)
দূর হ হতভাগা! সকলের সঙ্গেই ঝগড়া!
দূর হয়ে যা তুই এখান থেকে!

কুকুর। কে? আমি!...কেন?...
আমি কি অপরাধ কল্পম?

তিলতিল। দূর হ বলছি...তোকে
আমরা প্রধানে চাই না...বা, দূর হয়ে
যা!

কুকুর। আমি মুখটা বুজে থাকব—
একটাও কথা কব না।...তারা আমার
দেখতে পাবে না...আমায় মার্ক কর...
তাড়িয়ে দিও না..

বিড়াল। (তিলতিলের প্রতি চুপে
চুপে) ওকে কি এই রকমে প্রশ্ন দিতে
চাঁও!...তারি অবাধ্য ত!...দাঁও না যা
কতক বসিয়ে...অসহ করে তুলে!

তিলতিল। (কুকুরকে প্রহার করিল)
এইবার বোধ হয় আমার কথা শুনবি!

কুকুর। (যজ্ঞগায়) ঔঃ! ঔঃ! ঔঃ!...

তিলতিল। কি বলিস এখন!

কুকুর। তুমি আমার মারলে; এবার
আমি তোমার মুখে চুম খাব...

তিলতিলকে জড়াইয়া ধরিয়া ঘন ঘন চুম্বন
করিতে লাগিল।

তিলতিল। আচ্ছা, চের হয়েছে, এবার
যাও এখান থেকে!

মিতিল। নু, না; কেন ও যাবে?
আমি ওকে যেতে দেব না; ও কাছে
না থাকলে আমার বড্ড ভয় করে।

কুকুর। (আহ্লাসে ঝাঁপাইয়া পড়িয়া
চুম্বনে চুম্বনে মিতিলকে ব্যতিব্যস্ত করিয়া
তুলিল) এই ত কথার মত কথা!...
কি স্বন্দর তুমি!...কি চমৎকার তুমি!...
আর একটা চুমু দাও, আর একটা,
আর একটা!

বিড়াল। আহান্নক কোথাকার!...
আচ্ছা, দেখা যাবে তখন!...আর সময় নষ্ট
করা ঠিক নয়!...হীরেটা ঘুরিয়ে ফেল।

তিলতিল। কোথায় আমি দাঁড়ান!

বিড়াল। এই চাঁদের আলোয়...তা
হলে ভাল রকম দেখা যাবে; এইবার
আস্তে আস্তে ঘুরো!

তিলতিল হীরকটা ঘুরাইয়া দিল। বৃক্ষ সকলের
ডালপালা হিস্ হিস্ শব্দে নড়িয়া উঠিল। পুরাতন
এবং একাও একাও গাছের গুঁড়ি ফঁক হইয়া
গিয়া প্রত্যেকের ভিতর হইতে আত্মা বাহির হইতে
লাগিল। বৃক্ষের চেহারা-অমুখ্যায়ী তাহাদের আত্মা
গুলিও ভিন্ন ভিন্ন আকৃতি ধারণ করিল। কেহ
বা হাত-পা ছড়াইয়া আনন্দ ভাঙিয়া গুঁড়ির ভিতর
হইতে ধীরে ধীরে বাহির হইতে লাগিল—যেন
কতকাল ধরিয়া সব ঘুমাইতেছিল। কেহ কেহ বা
উৎসাহভরে লাকাইয়া বাহির হইতে লাগিল। সকলে
আসিয়া তিলতিল ও মিতিলকে ঘিরিয়া দাঁড়াইল।

ঝাউগাছ। (সর্বপ্রথম অগ্রবর্তী হইয়া
এবং প্রাণপণে চীৎকার করিয়া) মানুষ?
...এই ছোট্ট মানুষ!...আমরা এদের
সঙ্গে কথা কইব!...আমাদের মুখ ফুটেছে;
নিশ্চয়তা ভেঙ্গে গেছে!... এরা কোথেকে
এসেছে! কে এরা!...কি করে?

(লেবু গাছের প্রতি; সে চুরুট টানিতে টানিতে
সামনে আসিয়া দাঁড়াইয়াছিল।)

খুড়ো, এদের চেন কি?

লেবুগাছ। এদের কখনও দেখেছি বলে
ত মনে হচ্ছে না।

ঝাউগাছ। নিশ্চয় তুমি দেখেছ!...
তুমি সব মানুষকেই চেনো; তুমি তাদের
ঘরের উপর সর্বদা বলে থাকো।

লেবুগাছ। (তিলতিল ও মিতিলকে

ভাল করিয়া দেখিয়া) না; আমি ঠিক বলছি, এদের চিনি না।...এরা এখনও ভারি ছেলে মানুষ। আমি চিনি শুধু প্রণয়ীদের, যারা চাঁদের আলোয় আমার কাছে আসে। আর চিনি মাতালদের, যারা আমার তলায় বসে সরাবু খায়।

বাদামগাছ। (চসমাখানা ভাল করিয়া চোখে লাগাইয়া) কে এরা?...বড় গরিব? ...পাড়া-গাঁ থেকে এসেছে বোধ হয়!

ঝাউগাছ। তোমার কথা যদি বলতে হয়, তুমি ত বড় বড় সহরের রাস্তা ছাড়া আর কোথাও বড় একটা দেখা দাও না!

উইলো। ও ভাই, ওরা জালানি কাঠের জন্তে আবার আমার হাত পা কাটতে এসেছে!

ঝাউগাছ। চুপ্ চুপ্; ওক্ আসছে; সে তার প্রাসাদের ভিতর থেকে বেরুচ্ছে। আজ ত ওকে বড়ই অসুস্থ দেখছি!... জমশ্ বড়ো হয়ে পড়েছে কি না!... আচ্ছা, ওর বয়স কত হতে পারে?... কেউ কেউ বলে, ওর বয়স নাকি চার হাজার বছর।...আমার কিন্তু মনে হয়, অত নূর... সব কথা 'আজ সে নিজেই খুলে বলবে।

ওক্ ধীরে ধীরে সম্মুখে আসিল। সে অতিশয় বৃদ্ধ। একখানি সবুজ আঙুরাখায় তাহার সর্বাঙ্গ আবৃত; মস্তকে লতার মুকুট; সাদা ধবধবে দাড়ি বাতাসে উড়িতেছিল। সে অন্ধ। একগাছি শক্ত লাঠির উপর ভর দিয়া আস্তে আস্তে সে হাঁটিতেছিল। একটা ছোট ওক্ তাহার হাত ধরিয়া জ্বালকে পরিচালিত করিতেছিল। নীলপাখীটি তাহার কাঁধের উপর বসিয়া ছিল। সে আসিয়া উপস্থিত হইলে সমুদয় বৃক্ষ সারবন্দী দাঁড়াইল এবং তাহাকে সসম্মানে অভিবাদন করিল।

তিলতিল। এই যে, এর কাছে নীলপাখী...শিগগির, শিগগির ভটা আমার দাও। বৃক্ষসকল। চুপ কর!

বিড়াল। টুপি খোলো, বৃক্ষ সম্রাট ওক্ উপস্থিত!

ওক্। কে গা তুমি?

তিলতিল। মশাই, আমি তিলতিল।... নীলপাখীটি কখন আমার দেবেন?

ওক্। তিলতিল? কাঠুরের ছেলে?

তিলতিল। হ্যাঁ মশাই।

ওক্। তোমার বাবা আমাদের কি ভয়ঙ্কর অনিষ্ট করেছে, জান? কেবল আমার বংশেরই কতজনকে মেরেছে, দেখ। আমার 'ছ'-শ' ছেলে, পাঁচশ খুড়ো-খুড়ী আর তাদের ছেলে মেয়ে বারো-শ', চার-শ' জন বউ, আর বার হাজার নাতি-নাত্নিকে সে মেরে ফেলেছে।

তিলতিল। মশাই, আমি তার কিছুই জানি নে। তিনি বোধ হয় ইচ্ছে করে মারেন নি।

ওক্। তুমি কি জন্তে এখানে এসেছ? আমাদের নিস্তরতা ভঙ্গ করে কি জন্তে আমাদের বাইরে এনেছ?

তিলতিল। আপনাদের বিরক্ত করেছি বলে মাফ চাইছি... বেড়াল বলে, নীলপাখীর সন্ধান আপনারা বলে দেবেন।

ওক্। হ্যাঁ, আমি জানি, তুমি নীলপাখী খুঁজে বেড়াচ্ছ; তার মানে প্রত্যেক জিনিসের গুপ্ত রহস্যটুকু।...তা হলে সব রকম সুখ হাতে আসবে, আর মানুষ আমাদের দাসত্বটাকে আরও কঠোর করে তুলবে।

তিলতিল। না মশাই, তা নয়। পরী

বেরীলুনের ছোট মেয়েটার জারি অস্থ, তারই জন্তু এটা দরকার।

ওক্। (চুপ করিয়া চিন্তা করিতে লাগিল) ভাল!...জানোয়ারদের অভিপ্রায় এখনও শুনিনি...কোথায় তারা!...এতে আমাদের যেমন স্বার্থ, তাদেরও তেমনি।...আমরা অর্থাৎ শুধু গাছেরা মিলে একটা সিদ্ধান্ত করলেই চলবে না, তাদেরও মতামত নিতে হবে।

দেবদারু। ধরগোসের সঙ্গে জানোয়াররা-সব আসছে; এই যে তারা। ঘেঁড়া, বাঁড়, ভেড়া, নেকড়ে, শূয়ার, ছাগল, গাধা আর ভাল্লুক একে একে সব এইদিকে এসেছে।

জানোয়ারগণ আসিয়া উপস্থিত হইল। দেবদারু প্রত্যেকের নাম ধরিয়া ডাকিতে লাগিল এবং তাহারা আসিয়া একে একে গাছতলায় বসিল। কেবল ছাগল এদিক ওদিক-ঘুরিয়া বেড়াইতে লাগিল এবং শূয়ার গাছের গোড়ায় ঘোঁৎ ঘোঁৎ করিয়া মাটি খুড়িতে লাগিল।

ওক্। সকলেই হাজির? . . .
ধরগোস। মুরগী তার ডিম ছেড়ে আসতে পারবে না; সজারু বাড়ীতে নেই; হরিণের শিঙে ভয়ঙ্কর ব্যথা, সে আসতে পারে নি; শেয়ালের অর, সে ডাক্তারের চিঠি দিয়েছে—এই সে চিঠি; হাঁস আমার কথা বুঝতেই পারলে না; আর মোরগ ত চটেই লাল, সে গস্গসিয়ে চলে গেল।

ওক্। এদের অনুপস্থিতির জন্তে আমরা হুঃখিত।...যাই হোক এতেই আমাদের সভার কাজ চলবে।...দেখ ভাই মব, আমরা কি জন্তে আজ জড়ো হয়েছি, তা জান বোধ হয়? এই যে ছেলেটা, ও নীলপাখীকে নিতে

এসেছে; ইচ্ছে কলেই সেটা নিতে পারে। কিন্তু তা হলে যে গুপ্ত রহস্যটুকু আমরা সৃষ্টির প্রথম দিন থেকে লুকিয়ে এসেছি, সেটুকু হাতছাড়া হয়ে যাবে।...মানুষকে চেনো ত? একবার এটা পেলো আমাদের হৃদিশার আর আর অস্ত থাকবে না। সেজন্তে আমি বলি যে আর ইতস্তত করা উচিত নয়... আর এক মুহূর্ত দেরি না করে ছেলেটাকে ধাবড়ে দি, এস।

তিলতিল। ও কি বলছে?

কুকুর। (ওক্কে আক্রমণ করিবার জন্তু তার চারিদিকে ঘুরিতে লাগিল)

এইও বুড়ো, পাজী ব্যাটা! আমার দাঁত দেখেছিস?

বীচ। (ক্রুদ্ধ হইয়া) ওক্কে অপমান করছে, দেখ।

ওক্। কে ওটা, কুকুর!...দাঁও ওকে তাড়িয়ে...বিখাসঘাতকের স্থান এখানে নেই...

বিড়াল। (একান্তে, তিলতিলের প্রতি) কুকুরকে তাড়িয়ে দাঁও ওদের কথা উল্টো মানে করছে...আমি সব ঠিক করে নিচ্ছি...কোন ভয় নেই.. কুকুরকে কিন্তু তাড়িয়ে দাও!

তিলতিল। যা বলছি এখান থেকে!
কুকুর। হজুর, হকুম দিলে এই বেতো, বুড়ো ভিথিরি ব্যাটার পা ছটো খুব কসে আঁচড়ে দি; ভারি মজাই হবে এখন!

তিলতিল। চুপ কর পাজী!...তুই বেরো এখান থেকে!

কুকুর। আচ্ছা, আচ্ছা, আমি যাচ্ছি।

...তোমার যখন দরকার হবে আমি আসব।

বিড়াল। (একান্তে তিলতিলের প্রতি)
একে বেঁধে রাখাই ভাল, কি জানি কি হাঙ্গামা বাধিয়ে বসবে...শেষে গাছেরাও সব চটে যাবে আর সব পণ্ড হবে।

তিলতিল। বাঁধব কি করে?...শেকল ত আনি নি...

বিড়াল। সেজন্তে ভাবনা নেই, এই যে আইভি রয়েছে...খুব শক্ত করে সে বেঁধে ফেলবে।

কুকুর। (গর্জিয়া উঠিয়া) ও, এতক্ষণে বুঝতে পারলুম; বেড়াল হল যত নষ্টের গোড়া!...ওকে আমি দেখছি। ...হ্যাঁরে, কি ফিস্ ফিস্ করে কচ্চিস তুই...ওরে বেইমান, ওরে নচ্ছার, ওরে পাজী!...ভোঃ, ভোঃ ভোঃ!

বিড়াল। দেখছ, আমাকে অপমান করছে।

তিলতিল। বড় বাড়াবাড়ি করে তুলে!...আইভি, তুমি ওকে আচ্ছা করে বেঁধে রাখ ত!

আইভি। (ভয়ে ভয়ে কুকুরের নিকট গিয়া) 'কামড়াবে না ত ?

কুকুর। (গর্জাইতে গর্জাইতে) না, বরং তার উল্টো...একটু খাম...আচ্ছা,... তুমি আমার সঙ্গে চল।

তিলতিল। (ছড়ি উঠাইয়া) টাইলো!

কুকুর। (তিলতিলের পায়ে নিকট গিয়া ল্যাঙ্গ নাড়িতে লাগিল) হুকুম করুন, আমার কি করতে হবে ?

তিলতিল। সটান ওয়ে পড়...আইভি

তোমার বাঁধবে...তুমি চূপটা করে থাক, নইলে—

কুকুর। (মুখ বুজিয়া গর্জন করিতে লাগিল এবং আইভি তাহাকে বাঁধিতে লাগিল) বাঁধ, বাঁধ, যেমন করে ইচ্ছে, বাঁধ।...দেখ হুজুর, আমার নখগুলো ভেঙ্গে দিচ্ছে, নিশ্বাস চেপে ধরছে!

তিলতিল। আমি কিছু জানি না... যেমন তোর নষ্টামি চূপ করে থাক... নড়িস্...নি...বড় বাড় বাড়িয়েছি তুই!

কুকুর। তুমি আগাগোড়া তুল বুঝেছ...বেড়াল নেমকহারামি করেছে...ওরা তোমার মেরে ফেলবে...হঁসিয়ার হও... এই দেখ, মুখ বাঁধছে...আমি কথা কইতে পারছি না!

আইভি। কোথায় একে রাখব...খুব শক্ত বাঁধন দিয়েছি...কথা কইবারও যোটা রাখিনি।

ওক্। আমার একটা বড় শিকড়ের সঙ্গে বেঁধে রেখে দাও—একেবারে পিছন দিকে ওর বিচার পরে করা যাবে... আচ্ছা, এবার হয়েছে ত?...এখন কাজের কথা বলি...মানুষের অত্যাচার আমার হাঁড়ে হাঁড়ে বিঁধে রয়েছে...আমি যে কি ভয়ঙ্কর বাতুনা ভোগ করেছি, সে আমিই জানি।...এই প্রথম, আজ আমরা মানুষের বিচার করতে বসেছি; সেও আমাদের ক্ষমতা বুঝতে পারবে...যে অনিষ্ট সে আমাদের করেছে, যে রকম নিষ্ঠুরতা সে এদিন দেখিয়েছে, তাতে তাকে উপযুক্ত শাস্তি দিতে আমাদের কারণ এতটুকু আপত্তি থাকা উচিত নয়।

সমুদয় বৃক্ষ ও জানোয়ার। না, না, না ;
কিছুতেই নয় !...ফাঁসি দাও, মেরে ফেল...
ভয়ানক অত্যাচার !... ঝোর অবিচার !
আর সহ হয় না !...টুকুরো টুকুরো করে
ফেল...মেরে ফেল...আর দেরি না...এই
দণ্ডে ..এইখানেই—

তিলতিল। (বিড়ালের প্রতি) এরা
অমন করছে কেন? চটেছে না কি?

বিড়াল। ভয় নেই...একটু বিরক্ত
হয়েছে বটে, কেননা বসন্ত ঋতু আসতে
এখনও দেরি...তা হোক; ভয় নেই...
আমি সব মিটিয়ে দিচ্ছি।

ওক্। তাহলে আমরা ঠিক করে ফেলি
এস, কি উপায়ে হত্যা করা যাবে। কোন্টা
সব চেয়ে সোজা, সব চেয়ে নিরাপদ
এবং কি উপায় করলে বেশী দাগ-টাগ
থাকবে না, যাতে শেষে ধরা না পড়ি।

তিলতিল। এরা কি করছে সব?...
...কিসের এত গণ্ডগোল? আমি ত আর
পারিমা !...ওর কাছেই নীলপাখী রয়েছে,
দিয়ে ফেল্লেই ত চুকে যায়!

ষাঁড়। সব চেয়ে সোজা উপায় হচ্ছে
পেঠের নীচে আমার শিকের একটা
গুঁতো দেওয়া !...বল ত আমি—

ওক্। কে ও কথা কইচে !...

বিড়াল। ষাঁড়।

বীচ। আমার সব চেয়ে উচু ডাল আমি
দিতে পারি ওদের ফাঁসে ঝোলাবার জন্তে।

আইভি। ফাঁসি লাগাবার জন্তে খুব
ভাল দড়ি আমি দিতে পারি।

দেবদারু। কফিনের জন্তে আমি চার-
খানা তক্তা দিতে পারি।

উইলো। সব চেয়ে সোজা উপায়
আমার মনে হয় নদীতে চুবিয়ে মারা...
আমি তার ভার নিতে পারি।

লেবুগাছ। (নম্রস্বরে) থাম, থাম ;
একেবারে অতদূর করাটা কি সত্যি সত্যি
দরকার?...ওরা এখনও বড্ড ছোট। আমি
বলি, ওদের কয়েদ করে রাখ, যাতে কোন
অনিষ্ট না করতে পারে। আমি বরং
চারদিক ঘিরে ওদের কয়েদের ব্যবস্থা করে
দিচ্ছি।

ওক্। কে ও? লেবুগাছের মিষ্টি
আওয়াজ পাচ্ছি না?

দেবদারু। হ্যাঁ, সেই।

ওক্। তা হলে দেখছি, জানোয়ারদের
মত আমাদের মধ্যেও ধর্মদ্রোহী আছে...
আজ থেকে তবে ফলের গাছকেও রাজ-
দ্রোহী বলে ধরা গেল। ফলের গাছ ত
আর সত্যি সত্যি গাছ নয়!

গুয়ার। আমি বলি, ছোট্ট মেয়েটাকে
আপনো খেয়ে ফেল। যাক্। আহা! কি
মোলায়েমই লাগবে!

তিলতিল। কি বলছে ওটা?

বিড়াল। কি জানি, ওরা কিসের
গণ্ডগোল করছে! গতিক বড় ভাল
দেখছি না।

ওক্। এখন কথা হচ্ছে, আমাদের
মধ্যে কে প্রথম মানুষকে আক্রমণ করবে?
কে প্রথমে এগুবে?

দেবদারু। এ সম্মান আপনারই প্রাপ্য,
আপনি হলেন রাজা—আমাদের মধ্যে
প্রধান।

ওক্। কে ও, দেবদারু! ভায়া, এখন

আমি বড়ই বৃদ্ধ হয়েছি...চোখহুটী অন্ধ
...হাতে আর সে জোর নেই...সেদিন কি
আর আমার আছে!...তুমিই বরং এ সম্মান
গ্রহণ কর; তুমি চির-সবুজ, উঁচু মাথা,
অনেক গাছের জন্ম তুমি দেখেছ! আমার
অক্ষমতার এ সম্মান তোমারই প্রাপ্য...
তুমিই অগ্রসর হও।

দেবদারু। ধৃত্যাদ; কিন্তু কক্ষিনের
জন্তে তত্ত্বা জেগাবার সম্মান যখন আমার
রয়েইছে তখন এর উপর আমার একটা ভার
নিতে গেলে অল্প গাছদের উপর অবিচার
করা হয়; এতে তাঁরা ক্ষুব্ধ হতে পারেন।
সেইজন্তে আমি বলছি যে বীচকেই বরং এ
সম্মান দেওয়া হোক! আমাদের পরে
প্রাচীনত্বে এবং বংশ-মর্যাদায় সেই-ই এ
সম্মানের অধিকারী।

বীচ। তোমরা জানই ত উইপোকায়
আমার সর্বস্ব ঝাঁঝের করে ফেলেছে;
ডালগুলো সব ফোঁফরা—জোর নেই।
কিন্তু এলুম আর সাইপ্রেস বেশ শক্ত আর
বলবান।

এলুম। এ সম্মান আমি আহ্লাদের
সঙ্গে নিতে পারতুম, কিন্তু ছুঁখের বিষয় আমি
সোজা হয়ে দাঁড়াতে পারছি না—কাল
রাত্রে আমার পায়ের বুড়ো আঙ্গুল একেবারে
মুচড়ে গেছে।

সাইপ্রেস। আমরা যদি বল ত আমি
প্রস্তুত! কিন্তু আমিও ভায়া দেবদারুর
মত বেশী অধিকার নিতে ইচ্ছুক নই।
গোরের ব্যবস্থা আমাকেই করতে হয়;
তা ছাড়া কবরের উপর অশ্রুপাত করবার
সম্মানও আমার আছে, তবে আমার ঘাড়ে

আবার আর-একটা কেন?...ঝাউকে বরং
জিজ্ঞাসা কর।

ঝাউগাছ। আমাকে? সত্যি বলছ
নাকি?...কেন, জান না কি যে কচি
ছেলের হাড়ের চেয়েও আমার কাঁঠ নরম?
তাছাড়া আমার অবস্থা এখন বড় সাংঘাতিক।
আমি জরে কাঁপছি—আমার পাতাগুলো
দেখছ না!...ভোর হবার আগেই আমার
ভয়ঙ্কর সর্দি ধরবে।

ওক। (সক্রোধে) দেখছি, তোমরা
মানুষকে দস্তুরমত ভয় কর।...ছুটো
ছোট ছেলে—একরত্তি, কোন অস্ত্র-শস্ত্র নেই
তাদের হাতে, তারাও তোমাদের বশ করলে?
তাদের দেখেও ভয়ে কেউ এগুতে পারছ
না?...চের হয়েছে...আমি একাই যাব; এ
সুযোগ ত ছাড়া যায় না।.. আমি বুড়ো
হয়েছি—সোজা হয়ে দাঁড়াতে পারি না—
হাঁটতে আরি না—চোখে দেখতে পাই না—
কিন্তু তাতে কি যায়-আসে!...আমি আমার
চিরশত্রুর বিরুদ্ধে একাই যাব...কোথায়
সে?

মাঠি উচাইয়া তিলতিলের দিকে অগ্রসর হইল
তিলতিল। (পকেট হইতে ছোরা
বাহির করিয়া) কি?...বুড়োটা বুঝি মাঠি
নিয়ে আমাকে মারতে আসছে?

বৃক্ষসকল। (ছোরা দেখিয়া ভয়ে চীৎকার
করিয়া উঠিল এবং বৃদ্ধ ওককে আড়াল
করিয়া দাঁড়াইল) ছুরি বার করেছে!...
সাবধান!...ছুরি বার করেছে!

ওক। (আশ্ফালন করিয়া) যেতে দাও
আমায়!...ছুরিই হোক বা কুড়ালিই
হোক!...কিছু যায়-আসে না!...আটকাছ

কেন আমার?...এঁয়া, কি বলতে চাও তোমরা?... (লাঠি ছুড়িয়া ফেলিয়া দিয়া) আচ্ছা, তাই হোক, ...ধিকু আমাদের... জানোয়ারদেরই বলুন আমাদের রক্ষা করতে! যাঁড়। বেশ কথা! ...দেখ, আমি কি করি? শিঙের এক গুঁতোতেই ঠিক করে দেব!

মিতিল ভয়ে চীৎকার করিয়া উঠিল।

তিলতিল। ভয় কিসের? ..আমার পিছনে থাক...ছুরি রয়েছে, ভয় কি!

ভেড়া। ছোট ছেলেটার দেখছি ভারি সাহস!

তিলতিল। তোমরা তা হলে স্কলেই আমার বিপক্ষে?

শুয়ার। ভগবানের নাম কর; তোমার মরণ উপস্থিত।...কিন্তু ছোট মেয়েটাকে অমন করে লুকিয়ে রেখো না... আমি তাকে চোখে চোখে রাখতে চাই... অগ্রে আমি ওটাকে খাব।

তিলতিল। (ভেড়ার প্রতি) তোমার আমি কি করেছি!

ভেড়া। না, কিছুই করনি...কেবল আমার ছোট ভাইটী, বোন দুটী, কাকা-কাকী, ঠাকুর্দা আর ঠাকুমাকে তোমরা জবাই করে খেয়েছ!...খাম, দেখাচ্ছি তোমায় মজা। যখন মাটিতে চিৎপাত হয়ে পড়বে, তখন দেখবে যে আমারও দাঁত আছে!

গাধা। আর আমারও খুর আছে!

ঘোড়া। (উদ্ধতভাবে পা আছড়াইয়া) দেখ, আমি তোর কি দশা করি! এক লাধিতে মাটিতে ফেলে দাঁত দিয়ে তাকে ফেঁড়ে ফেলব!... তিলতিলের দিকে দৌড়িয়া

গেল, তিলতিল ছোরা উঁচাইয়া দাঁড়াইল, হঠাৎ ঘোড়াটা ভয় পাইয়া রণে ভঙ্গ দিল) এ কিন্তু ভারি বিক্রী!...ও আবার ছোরা দেখায় যে!...এ রকমটা কিন্তু ঠিক নয়!

ভেড়া। ছোট ছেলেটার ত ভারি সাহস!

শুয়ার। (ভল্লুক ও নেকড়ের প্রতি) দেখ ভাই, তিন জনে মিলে ওদের ঘাল করি, এস!...আমি পিছন থেকে তোমাদের সাহায্য করব। ছেলেটার মাটিতে ফেলে দিয়ে মেয়েটাকে তিন জনে ভাগ করে খাব।

নেকড়ে। সামনে গিয়ে তোমরা ওঁকে ভয় দেখাও, আমি পিছন থেকে লাফ দি। (তিলতিলের গায়ে লাফাইয়া পড়িল, তিলতিল পড়িয়া গেল)

তিলতিল। পাষাণ!... (এক হাঁটুতে উঁচু হইয়া প্রাণপণে ছুরি চালাইতে লাগিল এবং মিতিলকে কোনও রকমে বুকের নীচে ঢাকিয়া রাখিল। জানোয়ার এবং বৃকসকল একসঙ্গে মিলিয়া তাহাকে জখম করিবার চেষ্টা করিতে লাগিল। তিলতিল প্রাণপণে যুঝিতে লাগিল) টাইলো, কোথায় তুমি? শিগ্গির এস! সাহায্য কর!... টাইলো কোথা গেল!...টাইলেট্, টাইলেট্!

বিড়াল। (এক পা তুলিয়া ধরিয়া) আমার চলবার শক্তি নেই, পাটা গেছে—একেবারে মূচড়ে গেছে!

তিলতিল। (ছুরি চালাইতে লাগিল এবং প্রাণপণ শক্তিতে আত্মরক্ষা করিতে লাগিল) টাইলো, সাহায্য কর—আমি একা পারছি না!...ওঁরা অনেক...ভল্লুক, শুয়ার, নেকড়ে, গাধা, দেবদারু, ঝাউ সব একসঙ্গে জুটেছে। শিগ্গির এস টাইলো, শিগ্গির এস

টাইলো বাঁধন ছিঁড়িয়া এক লাফে আসিয়া তিলতিলের সম্মুখীন হইল এবং জানোয়ারগুলোকে ভয়ঙ্করভাবে আক্রমণ করিল।

কুকুর। এই যে আমি এসেছি... আর ভয় নেই!... এখন দেখিয়ে দিচ্ছি আমার দাঁতের কত জোর!... এই যে ভালুক, এই যে- শূয়ার, এই যে ঘাঁড়, ... কেমন, আর লড়বে? ... এই যে গাছের দল, ... এবার তোমাদেরও ঠিক করছি, দাঁড়াও!

তিলতিল। আমি আর উঠতে পারছি না... সাইপ্রেস আমার মাথায় খুব এক ঘা মেরেছে।

কুকুর। ওঃ, ওঃ! উইলো আমার পা জখম করে দিলে।

তিলতিল। ওরা আবার আসছে, ওই দেখ, নেকড়ে সকলের আগে রয়েছে!

কুকুর। থাম, ওকে এবার আছা করে দেখিয়ে দি!

নেকড়ে। (কুকুরের প্রতি) বোকা, তোমার এই কাজ! ... তুমি ত আমাদের ভাই! ... তোমার কি মনে নেই যে তিলতিলের বাপ তোমার সাত-সাতটা ছেলেকে ঠেঙিয়ে মেরেছিল! ...

কুকুর। বেশ করেছিল! ... সেগুলো তোমারই মত দেখতে হয়েছিল কিনা, তাই মেরেছিল!

জানোয়ার ও বৃক্ষগণ। অধাৰ্মিক! ... বিশ্বাসঘাতক! ... আহাঙ্ক! ওকে ছেড়ে দে! ... ওটা ত মরে গেছে! ... এখনও বলছি, আমাদের দলে আয়!

কুকুর। কখন না! ... প্রাণ থাকতে নয়! ... তোমরা সকলে এক দিকে, আমি

একা অন্যদিকে! ... ভগবান আছেন, ধর্ম আছেন, ভয় কি! ... তিলতিল সাবধান, ভালুক তেড়ে আসছে! ... ঘাঁড়টাও আসছে! ... আমি লাফিয়ে ওর টুঁটি ধরব! ... উঃ-হঃহঃ, গাধা ব্যাটা এক ঘা লাথি মেরেছে রে! ... ছোটো দাঁত ভেঙ্গে দিয়েছে! উঃ! তিলতিল। টাইলো, আমার দফা রফা! ... উঃহঃহঃ এলম্ আমার মাথায় আর এক ঘা খুব মেরেছে... এই দেখ, রক্ত ঝুঁঝিয়ে পড়ছে!

কুকুর। আহা, হা! এস, এস, আমি বেশ করে চেটে দি; এখনি সেরে যাবে! ... তুমি আমার পিছনে থাক, ভয় নেই! ... আবার ওরা আসছে! ... এবার আমাদের প্রাণপণে রুখে দাঁড়াতে হবে!

তিলতিল। (মাটিতে শুইয়া পড়িয়া) নাঃ... আর আমি দাঁড়াতে পারছি না!

কুকুর। (কাণ পাতিয়া শুনিয়া) ওই তারা, আসছে... ওই তাদের আওয়াজ পাচ্ছি! ... গন্ধ পাচ্ছি!

তিলতিল। কোথায়! ... কে আসছে!

কুকুর। আর ভয় নেই! আলো আসছে! ... সে আমাদের খুঁজে পেয়েছে! ... ভগবানকে ধন্যবাদ, আমার প্রভু বেঁচে গেলেন! ঐ দেখ গাছগুলো, জানোয়ারগুলো সব পিছু হঠছে! ... ওরা ভয় পেয়েছে!

তিলতিল। আলো, আলো! শিগগির এস, শিগগির এস! ... ওরা বিদ্রোহী হয়েছে... আমাদের বিপক্ষে দাঁড়িয়েছে!

আলো প্রবেশ করিল। সে প্রবেশ করিবামাত্র বনভূমি আলোকিত হইয়া উঠিল—ভোর হইল।

আলো। কি এ! ... ব্যাপার কি! ...

কিন্তু বাছা, তুমি করছ কি—জান না?...
হীরেটা ঘুরিয়ে দাও, এখনি সব নিস্তরু,
অসাড় হয়ে যাবে।

তিলতিল ছীরকণ্ড ঘুরাইবামাত্র বৃক্ষ সকলের
আত্মা গিয়া শুঁড়ির মধ্যে প্রবেশ করিল।
জানোয়ারদের আত্মাও অদৃশ্য হইয়া গেল এবং
কতকগুলি নিরীহ ষাড়, ভেড়া, গাধা, ছাগল প্রভৃতি
দূরে চরিয়া বেড়াইতেছে দেখা গেল। বনভূমি নীরব,
নিস্তরু হইল। তিলতিল কিয়ৎ চতুর্দিকে চাহিয়া
দেখিতে আগিল।

তিলতিল। কি আশ্চর্য্য! কোথায়
গেল সব!...কি হয়েছিল ওদের? ওরা...
আলো। না, ওরা সর্বদাই এই রকম
হৃদাস্ত; কিন্তু আমরা তা জানতে পারি না,
কেননা দেখতে পাই না।... আমি প্রথমেই
তোমায় বলেছিলাম যে আমি যখন না থাকব
তখন ওদের জাগালেই বিপদ ঘটবে!

তিলতিল। (ছুরি মুছিতে মুছিতে)
টাইলোই বাঁচিয়ে দিলে, আর এই ছুরিখানা
..আমার ধারণাই ছিল না যে ওরা এত-বড়
হৃদাস্ত!

আলো। এখন বোঝা সমস্ত জগতের
বিপক্ষে মানুষ একাই সব।

কুকুর। প্রিয় দেবতা, তোমার ভারি
লেগেছে!

তিলতিল। তেমন নয়, মিতিলকে
কিন্তু তারা ছুঁতেও পারেনি!...টাইলো,
তোমার কিন্তু বড্ড লেগেছে...তোমার মুখময়
রক্ত, পা ভেঙ্গে গেছে! আহা!

কুকুর। ও কিছু নয়!...সকাল হলেই
সেরে যাবে। লড়াইটা কিন্তু ভারি অবর
চলেছিল!

বিড়াল। (পিছনের একটা ঝোপের মধ্য
হইতে বাহির হইয়া নেংচাইতে নেংচাইতে)
কি লড়াই-ই বেধেছিল!...উঃ! ষাড়টা
আমার পেটে এমন এক গুঁতো মেরেছিল...
দাগ টের পাওয়া যাচ্ছেনা বটে, কিন্তু
বড্ড বেদনী!...ওক্ আমার পা ভেঙ্গে
দিয়েছে।

কুকুর। সত্যি?...কোন্ পা-টা!..
ইয়ারে, কোন্ পা-টা!..

মিতিল। আহা বেচারী!...বড্ড লেগেছে!
...কোথায় ছিলে তুমি, একবারও ত তোমায়
দেখিনি!

বিড়াল। (ভণ্ডামির সহিত) আর মা,
সে কথা জিজ্ঞাসা কর কেন? গুয়ারটা
তোমায় খেতে আসছিল, আমি তাকে
তাড়া করতে গিয়েই না ষাল হয়ে পড়লাম!
আমি বুড়ো ওক্ অমনি বাগ পেয়ে এক ঘা
বাসিয়ে দিলে—আমি অজ্ঞান হয়ে গেলুম।

কুকুর। (সরোষ দাঁত কড়মড়
করিয়া) আমি তোকে একটা কথা জিজ্ঞাসা
করতে চাই...ওরে নেমক্হারাম, বুঝাল?
আমি দেখি তুই আমার সঙ্গে।

বিড়াল। (মিতিলের প্রতি) দেখ না
মা, আমার অপমান করছে...মারবে বলে
শাসাচ্ছে।

মিতিল। (কুকুরের প্রতি) আহা,
না, না, ছেড়ে দে ওকে; ওরে এই পাঁজা,
হতভাগা!

সকলে নিষ্কান্ত হইয়া গেল।

ক্রমশ :

শ্রীযামিনীকান্ত সোম।

সৌভ্রাত

(Tennyson Turner হইতে)

কনকনে শীত মাঘের বিষম রাত
হয়ে গেছে মাঠে ধান-কাটা সব শারা,
নিজ নিজ ধান করেছে খামার-জাং
এখন কেবল বাকী আছে শুধু মাড়া ।
সহসা জাগিয়া বড় ভাই সেই রাতে
ভাবিল “যে ধান পেয়েছে ভাইটি মোর,
হয়ত তাহার বছর যাবেনা তাতে”
যাইল খামারে রাত্রি না হতে ভোর ।

কনকনে জাড়ে চোরের মতন গিয়া,
খামার হইতে লয়ে ধান বোঝা-ছয়,
গোপনে ভায়ের খামারে আসিল দিয়া
ভায়ের স্নেহটি এমনি গোপনে বয় ।
ঠিক সেই রাতে জেগে উঠে ছোট ভাই
ভাবিল—“দাদার সংসার চলা ভার,
এ ক’টি ধান—অল্প উপায় নাই—
ছেলেপুলে লয়ে কেমনে চলিবে তার ?”

উঠে ধীরে ধীরে কঞ্চল গায় মুড়ে
বোঝা-ছয় ধান খামার হইতে লয়ে
চুপেচুপে গিয়ে দাদার ধানের কুঁড়ে
দিয়ে এলো ভাই মাথায় করিয়া বয়ে ।
আপন আপন খামারে বাইয়া প্রাতে
শুণে দেখে বোঝা যেমন তেমনি রয়,
ভাবে দৌহে তবে স্বপন দেখিল রাতে !
বারবার গোণে বেড়ে যায় বিশ্বয় ।

বৃদ্ধ মোড়ল এ-কথা শুনিল যবে
চোখ দিয়ে তার দরদর ধারা বয়,
কহিল “বাপু হে, এমনি হয় ভবে
ছুটি হৃদি প্রেমে সমান যখন রয় ।”
ছুইজনে ডাকি কহে বুড়া তারপর
“একই গৃহে রও আজি হতে ছুই ভাই
আজি হতে হোক তোমাদের কুঁড়ে-ঘর
গ্রামবাসীদের দেবতা-পূজার ঠাই ।”
শ্রীকালিদাস রায় ।

ইংরেজ ও ভারতবাসীর মধ্যে সামাজিক সম্বন্ধ

(সমসাময়িক ভারতের নৈতিক সভ্যতা)

যুরোপীয় মতামতের প্রভাবে ভারত-ব্যবহার সম্বন্ধে কোন পরিবর্তন ঘটনাছে
বাসীদিগের আচার-ব্যবহার কিরূপ পরিবর্তিত কি না ।
হইয়াছে তাহা আমি দেখাইয়াছি, এক্ষণে এক্ষণে, এই উভয় জাতির সামাজিক
অনুসন্ধান করা আবশ্যিক, এই পরিবর্তনের সম্বন্ধ এবং তাহার পর উহাদের রাষ্ট্রনৈতিক
কলে ইংরেজ ও ভারতবাসীর পরস্পর সম্বন্ধ আলোচনা করিয়া দেখিব ।

প্রথমে সামাজিক সম্বন্ধ।

ভারতীয় সমাজ ও ইংরেজ সমাজ—এই উভয়ের মধ্যে দুইপ্রকার প্রতিকূলতা আছে। একপ্রকার প্রতিকূলতা,—জাতি হইতে, আবহাওয়া হইতে, ইতিহাস হইতে সমুৎপন্ন : উহা হইতে, একদিকে যেরূপ ধর্মসম্বন্ধে, আইন সম্বন্ধে, আচার-ব্যবহার সম্বন্ধে পার্থক্য, সেইরূপ আর এক দিকে, রাষ্ট্রসংক্রান্ত সমাজসংক্রান্ত, পরিবারসংক্রান্ত ধারণা ও সংস্কার সম্বন্ধেও পার্থক্য ঘটিয়াছে। অত্র প্রকার প্রতিকূলতার হেতু—সভ্যতার অসমান উন্নতি ; এমন কি যুরোপেও,—অতীতের প্রতি যাহারা আসক্ত, এবং ভবিষ্যতের স্বপ্ন-কল্পনা অনুসারে যাহারা বর্তমানকে সংশোধন করিতে চাহে—এই উভয়ের মধ্যে স্বভাবতই একটু মন-কষাকষি হয় না কি ?

* * *

নিরক্ষর সরল লোকের মনে, ইংরেজের রাতিনীতি কিরূপ বিশ্বয় উৎপাদন করে, M. Kipling তাঁহার দুই নভেলে বেশ বর্ণনা করিয়াছেন।

“পুরোহিত বর্জিত বিবাহ” নামক নভেলে, একজন ইংরেজ সৈনিকপুরুষের সহিত এক মুসলমান-যুবতীর ঐবেধ যৌন-মিলনের বর্ণনা আছে।

আমীরা মেম্-লোকদিগকে ঘৃণা করে। এই বলিষ্ঠ সাহসী মেম্-লোকদিগকে সাম্রাজ্যে গাড়ী করিয়া সেই যাইতে দেখিয়াছে ; উহাদের মাতৃভাব খুবই কম (ধাত্রী ও আয়া শিশুদের রক্ষণাবেক্ষণ করে) ; উহারা

পতিব্রতা নহে, স্বামীর উপর উহাদের ভালবাসা নাই (সর্বদাই বাহিরে থাকে, আপনার সাজসজ্জা, আপনার সুখ লইয়াই ব্যাপ্ত)।

—“শোন বলি, আমি মরে গেলে, তুমি কি করবে বল দেখি ? তুমি আবার তোমাদের সেই সাহসী সাদামুখ মেম্-লোকদের কাছে ফিরে যাবে ? সকলেই ত আপনার লোকের কাছে আবার ফিরে যায়।

—সব সময়ে না।

—জীলোকরা যায় না বটে, কিন্তু পুরুষেরা চিরকালই যায়। শীঘ্রই হোক, দুদিন পরেই হোক, তুমি আপনার লোকের মধ্যে নিশ্চয়ই ফিরে যাবে। এজন্যে আমার পক্ষে সবই সমান ; কিন্তু পরজন্মে, তুমি আমা হতে ভিন্ন স্বর্গে যাবে, সে স্বর্গের সঙ্গে আমার কোন পরিচয় মেই...এ কথা কি সত্যি, সাদামুখ বড় বড় মেম্-লোক, আমরা যে পরিমাণে জীবন যাপন করি, তার তিনগুণ বেশী জীবন যাপন করে ? একথা কি সত্যি, তারা বুড়ো বয়সেও বিয়ে করে ?

—তারা অত্রদের মতোই করে, বিয়ের যোগ্য বয়স হলেই বিয়ে করে।

—তা আমি জানি, ওরা ২৫ বৎসর বয়সে বিয়ে করে। সে কথা সত্যি।

—হাঁ।

—ইয়া আল্লা ! ২৫ বৎসর বয়সে ! নিতান্ত বাধ্য না হলে তোমাদের কোন পুরুষ মানুষই ১৮ বৎসর বয়সের মেয়েকে বিবাহ করতে চায় না। কিন্তু ৫ বৎসর বয়সে আমি ত একেবারেই বুড়ী হয়ে পড়ব। কিন্তু এই

মেম-লোকেরা চির-যুবতী; আমি ওদের
দৃষ্টিতে দেখতে পারি নে!

—ওরা তোমার কি-করেছে?

—আমি জানিনে। হয় তো এই পৃথিবীর
কোন জায়গায় কোন রমণী আছে, যার
বয়স আমা অপেক্ষা দশ বৎসর বেশী।
আর আমি যখন বড়ী খুখুরে হয়ে পড়ব,
তখন তুমি সেই রমণীকে ভাল বাসবে।
এটা কিন্তু শ্রাস্তসঙ্গ নয়। তাদেরও একদিন
মরণ আছে (১)।”

Lispeth। একজন প্রটেস্ট্যান্ট মিশা-
নারী সস্ত্রীক আসিয়া পঞ্জাবে বাসস্থাপন
করেন। তিনি একটি পাহাড়ী মেয়েকে
কুড়াইয়া পাইয়া তাহাকে “ব্যাপ্টাইজ্”
করিয়া তাহার নাম রাখেন—Lispeth।
মেয়েটি ক্রমে বড় হইয়া উঠিল; অমন
সুন্দরী মেয়ে প্রায় দেখা যাইত না। পাঁচফুট
দশ ইঞ্চ দীর্ঘ, মুখমণ্ডল ডিম্বাকৃতি, ফ্যাকাশে

রং, বড় বড় চোখ। খুব সাদাসিধে, খুব
দয়ালু, খুব গর্বিত। একদিন সে দেখিতে
পাইল,—এক প্রাণীতত্ত্ববিৎ ইংরেজ, ‘একটা
প্রজাপতিকে অনুধাবন করিতে করিতে,
খাদে পড়িয়া গিয়াছে। সে তাহাকে ক্রোড়ে
তুলিয়া লইয়া, বাড়ী আসিল। তাহাদের
বাড়ী সেখান হইতে প্রায় ১২ মাইল
দূরে। বাড়ীতে পৌঁছিয়া পাদ্রিসাহেবকে
বলিল :—এই দেখুন আমার “বর” এনেছি,
একে আরাম করে তুলুন, তারপর আমরা
বিয়ে করব।” পাদ্রি ও তাহার গৃহিণী,
সাধ্যানুসারে ঐ ইংরেজের সেবাপ্রদান করিতে
লাগিলেন। ইংরেজ সারিয়া উঠিলে তাহাকে
বুঝাইয়া বলা হইল, লিস্‌পেথ তাহাকে ভাল
বাসে ও তাহাকে বিবাহ করিতে চাহে;
মুখের নাম্নে একেবারে “না” বলিতে না
পারিয়া, সে সম্মতির ভাণ করিল; এবং শীঘ্র
ফিরিয়া আসিবে বলিয়া, দূরদেশে চলিয়া

(১) আমীরার একটি পুত্র সন্তান হইল (তার নাম “তোতা”)। অতি সুন্দর ছেলে; হাত-পাওলা
কচি কচি কিন্তু বেশ সুগোল; গায়ের রং অন্তর্গামী সূর্যের মতো সোনালী। শিশুটি ক্রমে ছরসু
আহ্লাদে ছেলে হইয়া দাঁড়াইল, সে ঘরের বেড়ালের উপর, তোতাপাখীর উপর ক্রমাগত অত্যাচার করিত;
তার বুঝা ধাত্রী, তার আত্মীয়-স্বজন সর্বদাই, তার নিকট “কেঁচো” হইয়া থাকিত। একদিন তোতা
ঘরে আক্রান্ত হইল; ভাবনা চিন্তায় হীনবল হইয়া তাহার মাতা অবশেষে কলেরা-রোগে মারা গেল।
তাহার সেই মুরোপীয় ছেলে বাঁচিয়া গেল। বলিষ্ঠ জাতি হইতে প্রসূত এই ছেলে রোগ হইতে, রোগের
কষ্ট হইতে মুক্ত হইল। আমীরার শেষ-কথাগুলি অতি সুন্দর, কিন্তু উহা হিন্দু রমণীর মতোও নয়,
মুসলমানীর মতোও নয়, উহার ভিতর অনেকটা “আর্টিষ্টের” রচনা, “আর্টিষ্টের” মনোভাব প্রকাশ পায়।
“আমার কিছুই রেখো না। এক গাছি চুলও না। শেষে সে চুলগাছিও পুড়িয়ে কেমনে তোমাকে সে
বাধ্য করবে। আর সেই আগুনের জ্বালায় আমিও জলব। আর একটু হেঁট হও—আরও একটু।
এইটুকু শুধু মনে রেখো, আমি কোমারি ছিলাম, আমার গর্ভের একটি সন্তান তোমাকে আমি দিয়েছি।
কাল তুমি একজন সাদা-মুখ রমণীকে বিবাহ করবে, কিন্তু প্রথম প্রসূত সন্তানের আনন্দ তুমি তার
কাছ থেকে পাবে না। তোমার পুত্র জন্মিলে আমার কথা মনে কোরো, তোমার সেই পুত্র তোমার
নামই ধারণ করবে। আমি তার বালাই নিয়ে মরি। আমি সাক্ষ্য দিচ্ছি, আমি সাক্ষ্য দিচ্ছি, এমন
কোন ঈশ্বর নেই যিনি...তুমি, প্রাণেশ্বর...(without benifit of clergy in Liffie's Hand cap)

গেল। মনে করিল, কালক্রমে লিস্‌পেথ সমস্তই ভুলিয়া যাইবে। যেমন বলা তেমনি কাজ। ইংরেজ প্রস্থান করিল। দুই মাস, তিনমাস চলিয়া গেল। প্রতিদিন প্রাতে লিস্‌পেথ পথের দিকে চাহিয়া তাহার প্রতীক্ষায় থাকে। অবশেষে সে অধীর হইয়া উঠিল। তখন পাদ্রি-গৃহিণী তাহাকে সত্য কথাটা বলিল। লিস্‌পেথ বলিয়া উঠিল “এই রকম কয়ে তোমরা আমার কাছে মিথ্যা কথা বলেছ। সব খুঁটানেরাই মিথ্যাবাদী”। সে তাহার যুরোপীয় পোষাক খুলিয়া ফেলিল, এবং নিজের পাহাড়ী কাপড় পরিয়া তাহার নিজের গ্রামে ফিরিয়া গেল। আবার স্বধর্ম গ্রহণ করিয়া, এক পাহাড়ী ছোকরাকে সে বিবাহ করিল। ছোঁড়াটা তাহাকে প্রহার করিত, কিন্তু লিস্‌পেথ তবু তাহাকে ভাল বাসিত : আর যাই হোক সে মিথ্যা কথা কহিতে জানিত না (২)।

* * *

যুরোপীয় আচার-ব্যবহার দেখিয়া শুধু যে সাধারণ লোকেরে বিস্মিত হয় তাহা নহে, শিক্ষিত ভারতবাসীরাও উহার মর্ম ঠিক বুঝিতে পারে না। মালাবারীর “ইংরেজি জীবনযাত্রার উপর ভারতীয় দৃষ্টি” নামক গ্রন্থে, লণ্ডনের এই বিজ্ঞপত্রিক বর্ণনা আমরা দেখতে পাই :—

“রাস্তায় সমস্ত লোকই বে-দম্ ছুটাছুটি করিতেছে। তাহার কারণ—গ্রহিবাত, অভ্যাস বা প্রয়োজন। অবশ্য, এই ব্যস্ততা

ও ক্ষণিক উত্তেজনার মধ্যে, অনেকেরই পক্ষে, এই তীব্র শীতল বায়ুই সুখের বা কাজকর্মের উদ্দীপনাস্বরূপ। আমার ভারি আমোদ বোধ হয় যখন দেখি, মেয়ে পুরুষ সবাই বোচকা-বুচকি লইয়া রেল-কর্মচারীদের মুখের সামনে ছাতা আফালন করিয়া, ষ্টেশনে পাগলের মতো ছুটিয়া আসিতেছে। একটি “গিন্নী-বান্নি” দ্বীলোক, যে সময়ে ট্রেন ছাড়িবে, ছাড়িবার দৃশ্য দিয়াছে, ঠিক সেই শেষ-মুহুর্তে হাঁপাইতে হাঁপাইতে আসিয়া পৌঁছিয়াছে...”

প্রকৃত এসিয়াবাসীর গ্রাম মালাবারী আরও এই কথা বলেন :—“এই উন্নত জীবন-চাঞ্চল্যের মধ্যে, এই সব লোকেরা কথা কহিবান্নও অবকাশ পায় না ; অস্পষ্ট উচ্চারিত কতকগুলি সংক্ষিপ্ত শব্দমাত্র, একটা পুরাবাক্য প্রায় শুনা যায় না। রাস্তায় এমন একটা লোকও দেখা যায় না, যার চলন-ভঙ্গীতে বা ভাষায় একটু গাভীর্ষ্য আছে। ভূমি যদি সরিয়া না যাও, তোমাকে রুচ ভাবে এক ঠেলা দিবে, তোমার পানে একবার চাহিয়াও দেখিবে না। কেহ কেহ ক্ষমা চাহে ; কিন্তু তোমার মনে হইবে—অপরাধ ত করিয়াছে, তাহার উপর আবার অপমান. (৫)।” এই চিত্রের সহিত মালাবারী-প্রণীত গ্রন্থে আর কতকগুলি কঠোর পৃষ্ঠা যোগ করিয়া দিতে হইবে, যাহাতে মালাবারী যুরোপীয় সমাজের মাতলামি, বেশ্চাব্ধি প্রভৃতি সমস্ত পাপাচারকে চাব্‌কাইয়াছেন।

(২) Lisbeth—Plain tales of the hills.

(৩) (Malabari, “The Indian eye on English life” P. 30)

অপক্ষপাত লেখক,—তিনি যেমন দোষ দেখাইয়াছেন, তেমনি অনেক গুণও স্বীকার করিয়াছেন।

ইংরেজের গৃহ ও শিক্ষার প্রশংসা করিয়া তিনি এইরূপ লিখিয়াছেন :—

“ইংরেজদের মধ্যে, গার্হস্থ্য জীবনে সাম্য-নীতি অনুপ্ৰত হইয়া থাকে। সাম্য অর্থে, মতের স্বাধীনতা ও অত্যাচার উপর বিশ্বাস স্থাপন। স্বামী ও স্ত্রী,—ধর্ম ও রাষ্ট্রনীতি সম্বন্ধে উল্টা মত পোষণ করিতে পারে; গৃহে কিন্তু উভয় এক-প্রাণ। উহার পরস্পরের বিশ্বস্ত সঙ্গী; পরস্পরের প্রেমে আবদ্ধ, একান্ত অনুগত, সেবা-নিরত; উভয়েই সাধারণ ভাণ্ডারের জন্ত সুখ সঞ্চয় করিয়া আনে। স্বামী-স্ত্রীর মধ্যে যেকোন সঙ্কট, পিতামাতা ও সন্তানের মধ্যেও সেই রূপ যুগ্ম সঙ্কট। সন্তানদিগের মনে কোন ঢাকাঢাকি ভাব নাই, পিতামাতার মনেও কোন সন্দেহ নাই। মা ও মেয়ে যেন দুই ভগিনী এবং বাপ ও ছেলে যেন দুই ভাই,—তাহাদের ব্যবহারে এইরূপ মনে হয়। পিতা মাতা সন্তানের উপর নিজের প্রভুত্ব জারি করে না, সন্তানেরাও স্বকীয় স্বাধীনতায় অপব্যবহার করে না। যখন কোলের শিশু, তখন হইতেই পুত্রকন্যারা হৃদয়ের শিক্ষা, শারীরিক শিক্ষা লাভ করে; তাহার কিছু কাল পরে, মানসিক শিক্ষাও আরম্ভ হয়। এই শিক্ষা পদ্ধতিটা কি-স্বাভাবিক! শিক্ষা দিবার প্রণালীটাও কি-প্রীতিকর! এই শিক্ষা ক্লাস্তিজনক নহে, এই শিক্ষা “গিলাইয়া দেওয়া” শিক্ষা নহে”.....

মালাবারী জিজ্ঞাসা করিয়াছেন,—ভারত-

বাসীরা ইংরেজ-প্রভুর দোষগুলি না লইয়া শুধু গুণগুলি গ্রহণ করিতে পারেন না কি? কিন্তু তখন আবার তিনি এইরূপ বলিয়াছেন যে, ইংলণ্ডে যে সকল ভারতবাসী শিক্ষালাভ করে, তাহাদের মধ্যে ইহার বিপরীত ফলই উৎপন্ন হইয়া থাকে।

“আমি অনেক সময় আশ্চর্য হইয়াছি— কেন আমাদের শিক্ষার্থীরা ইংলণ্ডের কালেজে কয়েক বৎসর অতিবাহিত করিয়া, শেষে খিটখিটে-মেজাজ ও তিত্তিবিরক্ত হইয়া দেশে ফিরিয়া আসে। উহার কারণ খুঁজিতে বেশীদূর যাইতে হইবে না, যে ব্যক্তি সমস্ত অবস্থা জানে সে সহজেই বুঝিতে পারিবে। ভারতীয় শিক্ষার্থী, ইংরেজ সঙ্গীদের সহিত সমানভাবে মিশিতে পারে না। নিজের বাড়ীতে অল্প বয়সে সে যে শিক্ষা পাইয়াছে তাহাতে এইরূপ ভাবে মিশিবার জন্ত সে প্রস্তুত হয় নাই। একটা বিষয়ে তার বড়ই অভাব আছে। যে খেলাধুলা ইংরেজি কালেজে; চরিত্রগঠনের ও বক্তৃতার প্রধান উপাদান, সেইসব খেলাধুলায় সে খুবই পশ্চাদ-বর্তী। কোন কোন সর্দার ইংরেজ সহপাঠী, কয়েক সপ্তাহ তাহার মুকুবি হইতে পারে, কিন্তু তবু সে যেন তাহাকে কাঁধের বোঝা বলিয়া অনুভব করে; কেননা, ভারতীয় শিক্ষার্থী, ইংরেজ ছাত্রের অভ্যাস ও মর্মে-ভাবের মধ্যে প্রবেশ করিতে পারে না। কিছুদিন ইংরেজ সহপাঠীরা ভারতীয় ছাত্রের ভাবভঙ্গী পরীক্ষা করিয়া শেষে উহাকে ছাড়িয়া দেয়—উহার সঙ্গে তাহারা কোন সংস্রব রাখে না। তখন সেই বিদেশী ছাত্র একলা হইয়া পড়ে। যখন কখন কালেজের

কিংবা পাড়ার যে সব ছেলে খুব নিকৃষ্ট-স্বভাব তাহারাই উহার মুকব্বি হইয়া দাঁড়াই। সে তখন তামাক খাইতে শেখে, মদ খাইতে শেখে, জুয়া খেলিতে শেখে, বাজি রাখিতে শেখে, এবং নানা প্রকার বদখেয়ালীতে টাকা উড়াইয়া দেয়। “কামরা ভাড়া করিয়া” জীবনযাত্রা নির্বাহ করিতে তখন সে বাধ্য হয়। কিন্তু তথাপি নীচ রকমের বিবিধ অপব্যয় হইতে সে নিস্তার পায় না। সে রোগগ্রস্ত হয়, ঋণগ্রস্ত হয়,

শেষে কালেজের উপাধি লইয়া কিংবা বিনা উপাধিতেই দেশে প্রত্যাগত হয়। সে ইংরেজের জীবনযাত্রা সম্বন্ধে কতকগুলি ভুল ধারণা সঙ্গে করিয়া আনে। তাহার প্রধান কারণ, অল্প বয়সে গৃহের দৃষ্টান্ত ও শিক্ষা তাহার উপর যে প্রভাব বিস্তার করে, তাহার উল্লে সে কিছুতেই উঠিতে পারে না। যত দিন এই ছই জাতির গাহস্থ্য জীবনে পার্থক্য থাকিবে, ততদিন অনেক স্থলে এইরূপই চলিবে।”

শ্রীজ্যোতিরিন্দ্রনাথ ঠাকুর।

আলোর আলো

বিশ

যমুনার কথা

পিসিমার চিঠি পড়ে ছুঁড়িটার উপরে হাড়ে-হাড়ে চটে গিয়েছিলুম। বটে, আমার দাদাটিকে ভালমানুষ পেয়ে মাথা খাবার চেষ্টা? ও ডাইনি, রঙ, আগে একবার বাপের বাড়ী যাই, তারপর আঁশবঁটি দিয়ে নাক কেটে নেব! আমি শ্রীমতী যমুনা, —ম্যাজিষ্ট্রেট যার স্বামী—শক্রর মুখে ছাই দিয়ে এখনো জলজ্যাস্ত বেঁচে আছি, আমি থাকতে এতবড় বুদ্ধের পাটা? উহ, সেটি হচ্ছে না!

আর দাদাই-বা কেমন মানুষ বাপু! মেয়ে হোলে এতদিনে নাতি-পুতি নিয়ে ঘর করতে হোত, মুখ-সাবাসি করে ‘বিয়ে করব না বিয়ে করব-না’ ধলে এতখানি বয়স পর্য্যন্ত

আইবুড়ো থেকে, শেষটা কিনা কোথাকার কোন্-এক বুড়ো-ধাড়ী বিধবাকে দেখে একদম মন-হারিয়ে ফেলা! মন কি আলাগা-ট্যাংকের সিকি-হুআন্সী, যে, বল, নেই কুওয়া নেই—যেখানে-সেখানে বে-টপকা ফস করে’ অমনি হারিয়ে ফেললেই হোল! বাবা, বাবা, পুরুষের পায়ে নমস্কার!

এমনসময় হাঁকিমী সেরে জুতো মসুমসিয়ে স্বামী এসে ঘরে ঢুকলেন। আমাকে দেখে বললেন, “কার চিঠি পড়া হচ্ছে?”

—“তোমার চিঠি নয়।”

—“সে ত বুঝিই—কিন্তু লিখেছে কে?”

—“সে কথা ক্রমপ্রকাশ। হে ময়ূর-

পুচ্ছধারী দাঁড়কাক, আগে পুচ্ছ ত্যাগ করে’ ঠাণ্ডা হয়ে বসুন, তারপর ধীরে-স্বস্থে সব গুনবেন।”

—“যমুনা, তুমি না হিন্দুললনা! স্বামীকে দাঁড়কাক বলা? অ্যাঃ!”

—“হিন্দুললনার পক্ষে ক সত্যকথা বলাও নিষেধ?”

—“তাবলে স্বামীর সঙ্গে নেহাৎ দাঁড়কাকটার তুলনা দেওয়া গায়সঙ্গত নয়। চক্ষুজ্জ্বার প্রাতিরে অন্তত কোকিল বললেও বলতে পারতে ত?”

—“হুঁ, পারতুম। কিন্তু কোকিলকে কেউ-কখনো ময়ূরপুচ্ছ ধারণ করতে দেখেনি, তাই তুমি কালো হলেও কোকিল নও!”

—“বটে! তোমরা,—রমণীরা হোচ্ছ থিয়েটারের কনসার্ট-বাজনার মতন; সে বাজনা না-থাকলে মনটা খুঁৎ-খুঁৎ করে, কিন্তু থাকলে প্রাণ ত্রাহি-ত্রাহি ডাক ছাড়তে থাকে। জান যমুনা, তোমার কথায় আমি ক্রমেই ক্রুদ্ধ হয়ে উঠছি!”

—“ক্রুদ্ধ যদি হও, প্রিয়তম, তবে দিন বুকে আর-একদিন হঠাৎ! আজ তুমি ক্রুদ্ধ হলে আমার কার্যোদ্ধার হবে কি-করে? স্তত্রাং দায়ের পড়ে তোমার কাছে আমি মারফ চাইছি। কেমন হোলো ত? যাও, এখন ধড়া-চুড়ো ছাড়গে!”

স্বামীকে জলখাবার দিয়ে, পাখার হাওয়া করতে-করতে আমি বললুম, “কালকে আমি দিনকতকের জন্তে বাপের বাড়ীতে যাব, তোমার মত কি?”

স্বামীর হাতের রসগোল্লা হাতেই রইল—চোখ কপালে তুলে তিনি বললেন; “অ্যা, বাপের বাড়ী! এই একান্ত হরস্ত

বসন্তকালে আমার প্রাণান্ত করে’ তুমি বাপের বাড়ী প্রস্থান করতে চাও? অসম্ভব!”

—“মারফ করতে হোল, মহাশয়ের আপাত্তিকে আমি বেদবাক্য বলে মাথা পেতে নিতে পারলুম না।”

—“যমুনা, আমার মত উদার হলেও অন্তঃপুরে আমি Suffragetteএর আন্দোলন সহ্য করব না।”

—“তা না করতে পার, কিন্তু এই চিঠিখানা দয়া করে’ পড়তে পারবে ত?”—বলে আমি পিসিমার পত্রখানা তাঁর হাতে দিলুম।

পত্রে পিসিমা লিখেছিলেন, দাদা নাকি কোথাকার এক অজানা ঘরে বিধবা বিবাহ করতে চান, কারুর কথা শুনেছন না, আমি যেন পত্র পেয়েই দেরি না করে’ বাপের বাড়ী চলে যাই।

চিঠিখানা পড়েই স্বামী চেয়ার ছেড়ে লাফিয়ে উঠলেন। টেবিলে জোরে একটা ঘুসি মেরে বলে উঠলেন, “হুর্রে, হুর্রে! সারাস মোহন, সর্বাস! তোমার এতটা সংসাহস হয়েছে—তুমি বিধবা-বিবাহ করতে চাও! সাধু, সাধু!”

আমি মুখভার করে’ বললুম, “মরে যাই আর-ফি! আমার দাদা বিধবাকে বিয়ে করবেন বলে হুজুরের অতটা খুসি হবার কারণ কি?”

—“খুসি হব না—বল কি? কুসংস্কারের জন্তে দেশে বিধবাদের কষ্ট কত, জানত! এ কুসংস্কারের হাত এড়াতে পেরেছে বলে মোহন আমার শ্রদ্ধার পাত্র! আর, তুমিই-

বা কি-রকমের মানুষ যমুনা? তুমি মুখে বল, বিধবাদের বিয়ে-দেওয়া উচিত, আর আজ তোমার ভাই বিধবা-বিবাহ করতে চেয়েছে। শুনেই পিছিয়ে দাঁড়াচ্ছ বড় যে?”

—“বা বুদ্ধি! পিছিয়ে দাঁড়াব না? যার ঘর জানিনা, কুল জানিনা, স্বভাব জানিনা, তাকে বুদ্ধি ধাঁ-করে’ বিয়ে করে’ ফেললেই হোল?”

—“সে-সব না-জেনেই কি আর মোহন বিয়ে করতে চেয়েছে?”

—“পুরুষকে বিশ্বাস করি না। স্ত্রীলোক দেখলেই তাদের জিভ দিয়ে জুল করতে থাকে, তাদের মাথা ঘুরে যায়। তখন তারা না পারে এমন কাজই নেই।”

—“যমুনা, পুরুষের পক্ষ থেকে আমি প্রতিবাদ করে’ বলছি, তোমার এ বিশ্বাস ভ্রান্ত।”

—“প্রমাণ?”

—“আমি। অকস্মাৎ একদল স্ত্রীলোকের মাঝখানে গিয়ে পড়লে আমি আর মাথা তুলে চাহিতে পারি না। জিভে জল আসা চুলোয় যাক, উন্টে জিভ শুকিয়ে আসে!”

—“মশায়ের মত রূপে-গুণে-সেরা স্ত্রী সকলের ভাগো সুলভ নয়! তুমি যে পরস্ত্রীকে মাতৃবৎ দেখ, সে খালি আমার গুণে!—বুঝলে সখা, আমার গুণে!”

—“তোমার গুণ কি আমার গুণ সেটা আমি বলব না; কারণ, তোমার মত আত্মপ্রশংসা করে’ আমি পাপসঞ্চর করতে ইচ্ছুক নই। কিন্তু, আর-একটা কথা বলি, শোন। স্ত্রীলোক যখন বক্তৃতা দেয়, একসঙ্গে তখন সে দুটি পাপ করে:—

প্রথম, সে পৃথিবীতে রাবিশের স্তূপ বাড়ায়; —দ্বিতীয়, সে তার সৌন্দর্যের মাধুর্য্য নষ্ট করে! অতএব প্রিয়তমে, সাবধান —সাবধান!”

—“তোমার স্ত্রী-চরিত্রের ব্যাখ্যা এখন থামাও গো থামাও। আমার বক্তৃতা যদি বন্ধ করতে চাও, তাহলে এখন আমার বাপের বাড়ী যাওয়া সম্বন্ধে—”

—“হ্যাঁ, আমি তোমাকে বাপের বাড়ী যেতে দিতে পারি বটে, কিন্তু এক সপ্তে!”

—“সপ্তটা কি, শুনি!”

—“মোহনের বিবাহে তুমি বাধা দিতে পারবে না।”

—“যদি দাদার যোগ্য ঘর হয়, দাদার যোগ্য বউ হয় তাহলে আমি কোন অশান্তি করব না।”

—“হ্যাঁ, তোমার এ-কথা সঙ্গত বটে। আচ্ছা, তোমার কলকাতায় ষাটার আরজি মঞ্জুর হোল।”

* * *
কলকাতায় এসে পিসিমার মুখে সমস্ত শুনলুম। পিসিমা যেমন ভাবে বর্ণনা করলেন, তাতে বোঝা গেল, মেয়েটি পেত্নীর মত কুৎসিত ও অতিশয় বেহায়া, সে একেবারেই গৃহস্থের বউ হবার উপযুক্ত নয়, দাদাকে সে ওষুধ খাইয়ে গুণ করেছে। আরো যে-সব কথা শুনলুম, তাতে মেয়েটার উপরে আমার ঘৃণা ও রাগের মাত্রা বাড়ল বৈ, কমল না। পিসিমাকে বললুম, তাকে একবার ডাকিয়ে আনিয়ো বুঝানো যাক যে, তার মত

বিধবাকে বিয়ে করা আমার দাদার পক্ষে
অসম্ভব।

সেদিন দুপুরবেলায় আমাদের বাড়ীতে
মেয়ে-সভা যখন বেশ জমকে উঠেছে,
মেয়েটিকে তখন ডেকে আনা হোল।

ভেবেছিলুম, হাড়কুৎসিত হৃদবেহায়া
একটা বুড়ো-ধাড়ী মেয়েকে দেখব। ওমা,
তার বদলে এ কী! এ যে লজ্জাশীলী
লতার মত নয়ে-পড়া, বমফুলের মত
সুন্দর ছোটখাট একটি মোমের পুতুল!
মনে হোল, যেন ভাল আঁকিয়ের
তুলিতে আঁকা একটি দেবীর মূর্তি
জীবন্ত হয়ে পট ছেড়ে সভার মাঝখানে
এসে দাঁড়াল! এমন চমৎকার তার
রং, এমন গোলগাল তার গড়ন-পিটন যে,
দেখলেই তাকে ভালবাসতে সাধ যায়।
আমি আর চোখ ফিরাতে পারলুম না—
অবাক হয়ে তার পানে তাকিয়ে রইলুম।

ইতিমধ্যে পিসিমা আর তাঁর পাড়া-
বেড়ানী সান্নিপাত্তরা মেয়েটিকে যাচ্ছে তাই
শুনিয়ে দিতে লাগল। মেয়েটিকে দেখে
আমি এমনি হতভম্ব হয়ে গিয়েছিলুম যে,
কিছু বলবার অবকাশ পাইনি। তারপূর
যখন দেখলুম, এই সরল, লজ্জাশীলা, ভাল-
মানুষ মেয়েটিকে খপ্পরে পেয়ে পাড়ার
রঞ্জিনীরা সবাই মিলে ষা-খুসি অপমান
করতে মেতে উঠেছে; আর মেয়েটি একটিও
কথা না-বলে দাঁড়িয়ে-দাঁড়িয়ে হাপুস চোখে
কাঁদছে, তখন তার জন্তে আমারও প্রাণ
কেঁদে উঠল।

আমি তার পক্ষ নিয়ে সবাইকে বেশ
দুঃকথা শুনিয়ে দিলুম। এরা সকলে জানত

যে, আমি মুখ ছোটালে কারুর মান
বজায় থাকবে না। কাজ-কাজেই তারা
চুপচাপ হয়ে গেল। মেয়েটিকে আমি
তখন আবার তার বাড়ীতে পাঠিয়ে
দিলুম।

কিন্তু যন তবু বোঝ মানল না।
আহা, এই সবে-বাপ-হারা অভাগী মেয়েটিকে
আজ আমার জন্তেই এত লাঞ্ছনা আর
বাক্য-যন্ত্রণা সহ করতে হোল—এই ভেবে-
ভেবে তার জন্তে আমার প্রাণটা ছটফট
করতে লাগল। দাদার কাণে যদি এ-সব
কথা ওঠে তাহলে তিনিই-বা কি মনে
করবেন! শুনলুম, মেয়েটির বাড়ীতে এখন
পুরুষ আর কেউ নেই, দাদাই তাকে
দেখেন-শোনেন। আমি আর থাকতে
পারলুম না—বাগান দিয়ে তার বাড়ীতে
গেলুম।

গিয়ে সে কী দেখলুম!

মেয়েটি মাটিতে লুটিয়ে চোখের জলে
বুক ভাসাচ্ছে আর ভাঙ্গাগলায় মরণকে
ডাকছে! উঃ, কি নির্দয় আমি!

নিজেকে ধিক্কার দিতে-দিতে আমি
তার পাশটিতে গিয়ে বসলুম। নিজের
দুঃখে সে এমনি বিভোর হয়ে ছিল যে,
মোটাই আমার সাড়া পেলো না! তার
গায়ে হাত দিয়ে বললুম, “ছি ভাই, এমন
করে মরণকে কি ডাকতে আছে?”

সে চমকে, খড়মড়িয়ে উঠে বসল;
সজল চোখে অবাক হয়ে আমার দিকে
অনেকক্ষণ চেয়ে রইল।

তখনো তার চোখ ছাপিয়ে গাল বয়ে
টস্টম্ করে জল ঝরছে, দেখে আমি নিজের

আঁচলে তার চোখ মুছে দিলুম। বললুম,
“লক্ষ্মীটি, আর কেঁদ না!”

সে বাধো-বাধো গলায় বললে, “আপনি
—আপনি কে?”

—“আমি মোহনবাবুর বোন। কেমন,
এখন চিনতে পারলে ত?”

আমার পরিচয় শুনে আবার সে ভয়ে
জড়সড় হয়ে পড়ল।

আমি হেসে বললুম, “ভয় নেই বোন,
ভয় মেই। আমি বাড়ী বয়ে তোমার
সঙ্গে কোঁদল করতে আসি-নি। আমি
এসেছি মাফ চাইতে!”

সে হেঁটমুখে খানিকটা চুখচাপ রইল।
তারপর খুব আন্তে-আন্তে বললে, “কেন,
আপনি কি করেছেন যে, মাফ চাইছেন?
বরং আমিই আপনাদের কাছে দোষী।”

—“তুমি কিসে দোষী বোন!”

সে অভিমানে ফুলে-ফুলে বললে,
“দোষী নই! আমার আপন বলতে তিন
কুলে কেউ নেই, আমি গরীবের মেয়ে।
তায় বিধবা, আমি কি না আপনাদের
নির্ম্মল বংশে কালি দিতে চাই! আমার
কথায় বিশ্বাস করুন, তে-রাত্রি না পোয়াতে-
পোয়াতে এ আপন বাড়ী ছেড়ে যেদিকে
হু-চোখ যায়, চলে যাবে—আপনাদের আর
ভাবতে হবে না!”

মনে-মনে প্রমাদ গুণে আমি বললুম,
“ভাই, আমাদের মাফ করো। পিসিমা-
বুড়ী চিরকালই অমনি যা-তা বকেন, আর
পাড়ার লোকেরা ত এমনি ঘোট পাকাতে
পারলেই বাঁচে। ওদের কথায় তুমি কাণ
দিও না, ওরা কি না বলে! তোমাকে

আমি কোথাও যেতে দেব না—তুমি
আমাদের বউ হবে—আমাদের সংসার
আলো করে থাকবে।”

—“ওগো না, আমি চিরছঃখী, আমার
ছঃখের জীবন সংসারে কারুর কাজে লাগবে
না! আমার জন্তে সমাজে কেন আপনারা
মাথা হেঁট করবেন,— আমি কোথাকার
কে!”

আমি আর থাকতে পারলুম না,—
দুহাতে জোর করে তাকে বুকে টেনে নিয়ে
সুর করে বললুম,—

“তুমি আমার সোহাগ-পাখী আমি তোমার পিঞ্জর!”

ছাড়া পেলে তবে ত উড়ে পালাবে?
কিন্তু আমরা, তোমায় ছাড়ব না ভাই,
ছাড়ব না; এমনি-করে’ বুকে বেঁধে রাখব!”

আমার বুকে মাথা রেখে সে আবার
ফুঁপিয়ে-ফুঁপিয়ে কাঁদতে লাগল। আমি
তার মুখখানি জুলে ধরে বললুম, “তোমার
নামটি কি ভাই?”

—“সরমা।”

—“আর আমার নাম যমুনা। তা
ছাখ্ ভাই সরম, তোমার এই রাঙা ঠোঁটে
আমার একটি চুমু খাবার ভারি লোভ হচ্ছে
—তোমার এ ঠোঁটখানি এখনো ত কেউ
মোরসী-পাট্টা করে’ নেয়-নি? আমি চুমু
খেলে সেটা বেআইনি হবে না ত? আমি
ভাই হাকিমের গিন্নী—সব কাজেই আইন
বাঁচিয়ে চলি!”

সেই জল-ভরা চোখেই সরমা ফিক-করে’
হেসে ফেললে; তার হাসি দেখে বললুম,
আমারই জিৎ! আমি আদর করে’ তার
মুখে একটি চুম্বন দিলুম।

—“আমাকে আর আপনি বলে ডাকিস
নি! তা-বলে তুই-তোকারিটাও যেন করিস
নি,—আমি একে তোর চেয়ে বয়সে বড়,
তায় শীগগির তোর নন্দ হব!”

—“আপনি বড়—”

—“ফের আপনি। আমার কথা অমান্য
করলে এখনি থেকে নন্দ-নাড়া শুরু করে
দেব কিন্তু!”

—“তুমি ভারি ছুষ্টু ভাই, আমাকে
খালি-খালি হাসিয়ে দিচ্ছ!”

—“হেসে-নে ভাই হেসে-নে, হাসতে
পায় ক-জন? কান্না-ভয়া সংসারে এক-
একটি হাসির দাম লাখ টাকা রে লাখ
টাকা!”

—“তুমি কে ভাই, একদিনেই যেন
কত-জন্মের আপনার লোকের মত কথা
কইছ!”

—“তোমার রূপ দেখলে যে জগৎ ভুলে
যায়—আমি কোন্ ছার! তোকে দেখেও
যে তোকে আপন করতে চাইবে না, সে
কি মানুষ?”

—“তোমার পায়ে পড়ি দিদি, খালি-
খালি এমন-করে’ আমার লজ্জা দিও
না।”

—“সরমা, আমার দাদাকে তারিফ
করি—তার নজর খুব উচু বটে! তাই
ত আশ্চর্য্য হয়েছিলুম, যে মানুষ বিয়ের
নামে জলে উঠত, সে হঠাৎ এমন বিয়ে-
পাগলা হয়ে উঠল কেন! ঐতরুণে সব
বোঝা গেল; দাদা ত পুরুষমানুষ, তোকে
দেখে আমারই মাথা ঘুরে গেছে!”

—“যাও, আবার!”

—“আচ্ছা ও-কথা আর বলব না।
কিন্তু অন্য-একটা কথা জিজ্ঞাসা করব।”

—“কি?”

—“লুকোবি নে, ঠিক জবাব দিবি?”

—“কথাটাই আগে শুনি!”

—“সরমা, দাদাকে তোর মনে ধরেছে?
তাকে তুই ভালবাসিস?”

সরমার মুখ লজ্জায় রাঙ্গা হয়ে
উঠল।

—“কথা কচ্ছিস না যে! বল না—
লজ্জা কি?”

—“দিদি, দিদি—”

—“থাক, থাক, আর বলতে হবে না,
তোমার চোখ দেখেই সব বুঝেছি!”

একুশ

মোহনের কথা

• মুরারিবাবুর স্বর্গারোহণের পর ছ-মাস
একটে গেল; সরমা পিতার অভাব এখনো
ভুলতে পারে-নি বটে, কিন্তু শোকের প্রথম
ধাক্কাটা সে সামলে নিয়েছে।

• এর-মধ্যে শ্বশুরবাড়া থেকে যমুনা এসে
দিনকতক এখানে ছিল। পিসিমার মুখে
শুনেছিলুম, আমার বিয়ে বন্ধ করবার জন্তে
যমুনাকে তিনি চিঠি লিখে আসতে বলেছেন।
আমার এই ছোট বোনটিকে আমি যেমন
ভালবাসি, তার ছুটে জিভকে তেমনি ডরিয়ে
চলি। যদিও তার ভয়ে আমি সরমাকে
ত্যাগ করতুম না, তবু, সে এসে আবার
কি নতুন হাঙ্গামা বাধিয়ে বসে, তাই ভেবে
আমার মন একটু উদ্ভ্রান্ত হয়ে উঠেছিল।
সেইজন্তে প্রথম যেদিন সে এখানে আসে,

সেদিন তার কাছ থেকে পালিয়ে-পালিয়ে বেড়িয়েছিলুম।

কিন্তু দ্বিতীয় দিন আমি যখন খেতে বসলুম, যমুনা এসে আমাকে গ্রেপ্তার করলে। বললে, “কি দাদা, বিয়ে করে বোকে বাড়া আনতে-না-আমতেই মায়ের পেটের বোনকে পর করতে চাও নাকি?”

যমুনার ইনিয়ে-বিনিয়ে ভূমিকা শুনেই বুঝলুম, সে আমাকে নাস্তানাবুদ না-করে ছাড়বে না। নরম হলে পাছে সে বাগে পেয়ে বসে সেই ভয়ে একেবারে চড়া মেজাজে কড়াগলায় বললুম, “কেন, হয়েছে কি?”

যমুনা ডষ্টুমির হাসি হেসে বললে, “না, না, হবে আর-কি! তবে কি না, কাল থেকে তোমার সঙ্গে চোখোচোখি হয়-নি, তাই বলাছিলুম! কাল ছিলে কোথা?”

—“যেখানে থাকি না, তোর সে খোঁজে দরকার কি?”

—“ওমা, তুমি যে দেখছি গোড়া থেকেই যুদ্ধে দোহি যুদ্ধে দোহি শুরু করলে! এতদিন পরে স্বপ্নরবাড়া থেকে এলুম, হুঁলেও একবার জিজ্ঞেস করলে না, কেমন আছি!”

আমি অপ্রস্তুত হয়ে বললুম, “কিছু মনে করিস্ নি, আজ আমার শরীরটা তেমন ভাল নেই।”

—“ভাল নেই! কি হয়েছে দাদা?”

“না, না, এমন-কিছু নয়, মাথাটা বড্ড ধরেছে।”

—“মাথা ধরেছে? চল, খেয়ে-দেয়ে শুয়ে থাকবে চল, আমি তোমার মাথা টিপে দেব-অগুন!”

—“না রে না, বেশী মাথা ধরে-নি, তোকে ভাবতে হবে না, যা!”

—“এই বললে বড্ড মাথা ধরেছে, আবার বলছ বেশী ধরে-নি! দাদা তোমার হোল কি?”

আমি বুঝলুম, ডষ্টু যমুনা আমাকে কিছু বলতে চায়—তার এ মাথা-টেপবার আগ্রহ ছিলমাত্র। কি আর করি, সে যখন ধরেছে তখন অমনি-অমনি ছেড়ে দেবে না—সুতরাং খাওয়া শেষ করে বাড়ীর ভিতরেই আসতে হোল।

যমুনা আমার পিছনে-পিছনে ঘরে ঢুকে বললে, “দাদা, তোমারও মাথা ধরে-নি, আমাকেও মাথা টিপে দিতে হবে না, এ আমি খুব জ্ঞানি! কিন্তু তুমি আমার কাছ থেকে এমন পালিয়ে-পালিয়ে বেড়াচ্ছ কেন বল দেখি?”

আমি চটে বললুম, “তুই কি ভাবছিস, তোর ভয়ে?”

—“সে কি কথা! তুমি হলে পুরুষ, আমি স্ত্রীলোক; তুমি হলে দাদা, আমি বোন; তুমি হলে বড়, আমি ছোট; আমাকে ভয়! ওঃ, অসম্ভব--অসম্ভব!”

—“থাম্, থাম্, অত পাকা কথা বলে আর ঠাট্টা করতে হবে না!”

—“আচ্ছা, আর পাকা কথা বলব না। দাদা, তুমি নাকি বিয়ে করবে?”

—“হঁ।”

—“বিধবা-বিবাহ?”

—“হঁ্যা, হঁ্যা, কি হয়েছে তা?”

—“তোমার বউকে আমি দেখেছি।”

—“বেশ করেছিস্।”

—“সরমার সঙ্গে আমার ভাব হয়েছে।”

“যমুনা কি বলতে চায়? কিছু বুঝতে না-পেরে আমি চুপ করে’ রইলুম।

যমুনাও খানিকক্ষণ স্তব্ধ থেকে হঠাৎ গম্ভীর হয়ে বললে, “দাদা, সরমাকে যত শীঘ্র পার, বিবাহ কর। পাড়ায়” যে-রকম সব কথা রটেছে, তাতে যত দিন যাবে ততই গোল বাড়বে। এতে সরমার মনে কষ্ট হতে পারে। তার জন্তে তুমি এক-ঘরে হবে—এই ভাবনায় এখনি তার মন বেঁকে দাঁড়িয়েছে।’ গোলমাল বেশী পাকিয়ে উঠলে সে হয়ত তোমাকে বিবাহ করবে না। তোমার কোন ভয় নেই দাদা, পাড়ার লোকের চোখ-রাঙ্গানিতে তুমি ভয় পেও না, ওরা তোমার কিছুই করতে পারবে না।”

যমুনা যে আমার সহায় হবে, এটা আমি কল্পনাও করি-নি। আমি ভেবেছিলুম, তার মনও সাধারণ স্ত্রীলোকের মত সঙ্কীর্ণ, অহুঁদার। বিলাতফেরৎ স্বামীর সংসারে গিয়ে তার চরিত্র যে এমনভাবে বদলে গিয়েছে, এ আমি জানতুম না।

আমি বললুম, “বোন, পাড়ার লোককে আমি একটুও ডরাই না।”

—“কিন্তু সমাজে তোমাকে নিয়ে গণ্ড-গোল হলে, তোমার ভালোর জন্তে সরমা হয়ত আর বিবাহ করতে চাইবে না। আমি আজকে নানা কথাপ্রসঙ্গে সরমার মন বেশ করে’ ছেনে এসেছি, তাই এ কথা বলছি। এ বিষয়ে তুমি দেরি কোরো না দাদা, সরমার মত স্ত্রী তুমি আর-কোথাও পাবে না।”

যমুনা কিছুদিন আমাদের বাড়ীখানি সরল হাসির তরল স্রোত ভাসিয়ে আবার স্বামীর কাছে চলে গেল। এই ক-দিনেই সরমাকে সে একেবারে নিজের করে’ নিয়েছিল। তার অজচ্ছল হাসির ফোয়ারায় সরমার শোকার্ত প্রাণও সরস হয়ে, তার বিম্ব মুখখানিও হাসির আভাসে মধুর হয়ে উঠেছিল। রোজ দুপুরবেলায় তারা দুজনে বসে-বসে গল্পগুজব করত; যমুনার মিনতি এড়াতে না পেরে সরমাকে এতাজ বাজাতে হোত; কোন-কোনদিন তার বাজনার সঙ্গে যমুনাও গুন্‌গুন্ করে’ গান গাইত। তার নিসঙ্গ জীবনে এমন-একজন সঙ্গী পেয়ে সরমাও যেন বর্তে গিয়েছিল।

যমুনা চলে যাবার পর একদিন সরমার কাছে গেলুম। সরমাকে নীচে না দেখতে পেয়ে ছাদের উপরে উঠলুম।

সূর্য তখন আকাশের রঙ্গের স্রোতে ডুব দিয়ে তলিয়ে গেছে। পশ্চিমের জলন্ত নালপট সোনার আভায় ক্রমেই সোনালি হয়ে উঠছে; তারই উপরে নয়প্রাণের বিচিত্র-অনন্ত আশার মত গোধুলির রঙ্গিন মেঘমালা ছবির পর ছবি আঁকছে আর মুছছে, আঁকছে আর মুছছে। সেইদিকে অপলক চোখে চেয়ে সরমা চুপটি করে’ দাঁড়িয়ে আছে।

আমার পায়ের শব্দ তার কাণে গেল। সে ফিরে দাঁড়াল।

আমি বললুম, “সরমা, এখানে একলাটি যে?”

সরমা ম্লান হেসে বললে, “আপনার বোন দুদিনের জন্তে এদে আমার প্রাণটিকে

বন্দা করে' তাঁর সঙ্গে নিয়ে গেছেন।
তাঁর জন্তে আমার মন-কেমন করছে!।

—“এমন একলা থাকলে মন যে
আরো খারাপ হয়ে যাবে।”

—“দোকলা হই কি-করে' মোহনবাবু,
আমার আর কে আছে?”—বলে সরমা
মাথা হেঁট করলে। প্রথম বসন্তের একটা
দম্কা বাতাস এসে সরমার ছোট্ট কপাল-
খানির উপরে একরাশ কৌকড়াচুল নাচিয়ে
তার মাথার কাপড়খানি ধসিয়ে দিয়ে
গেল।

সরমা মাথার কাপড় তুলে দিতে গেল।
আমি বাধা দিয়ে বললুম, “থাক, প্রকৃতির
দূতকে বাধা দিও না! আজকে এ ছরন্ত
বাতাস কারুকে রূপ ঢেকে রাখতে দেবে
না, যতই মাথায় কাপড় দাও—সে' দুষ্টমি
করে' ফের খুলে দেবেই দেবে। সরমা,
আর আমাকেই-বা তোমার লজ্জা কি!”

—“বাতাসের সঙ্গেসঙ্গে মানুষরাও যদি
অধীর হয়ে ওঠে, তাহলে লজ্জাবেচারীর
দায় আর কি বলুন!”

—“রূপ যখন অধীরতা জানে, লজ্জা
তখন বড় কঠোর, সরমা! রূপ যখন চায়
ফুটতে, লজ্জা তখন চায় ঢাকতে; অধীরতাকে
দায় দিচ্ছ, কিন্তু এতে যে অধীরতা আরো
বেড়ে ওঠে! আর, প্রকাশেই ত সৌন্দর্য!
মাথার উপরে ঐ যে বিরাট আকাশ,
আবরণকে সরিয়ে রেখেছে বলেই সে এত
সুন্দর। আবার দেখ, ঝরণার নাচ তখনই
মধুর হয়ে ওঠে পাহাড়ের অন্ধকার-গুহার
আবরণ তার লীলাকে যখন আর অঁড়ালে
রাখতে পারে না।”

—“মোহনবাবু, আপনি অনায়াসেই
কবি হতে পারবেন।”

—“সরমা, সময়-বিশেষে মানুষমাত্রই
কবি। তাঁদের আলো, ভোরের রোদ,
ফুলের হাসি, পাখীর গান, বসন্তের বাতাস
আর রূপের মোহ,—এরা অবোধ শিশুকেও
করি করে' তোলে,—তুমি-আমি কোন্
ছার! তবে কেউ এদের সাড়া শুধু
অনুভব করে, আর কেউ সেই অনুভূতিকে
ভাষায় ছন্দে, সুরে প্রকাশ করতে পারে,
এই যা তফাৎ।”

—“থাক মোহনবাবু, বাক্য-নবাবদের
সঙ্গে—আমি সামান্ত নারী—পেরে উঠব না।
আমি হার মানছি। ভবিষ্যতে আপনি অনুগ্রহ
করে' পত্র ছেড়ে গড়ে কথাবার্তা কইলে
সুখী হব!”

সরমা স্তব্ধ হোল। আমিও স্তব্ধ হয়ে
মুগ্ধনেত্রে দেখতে লাগলুম, তাঁর এলানো
খোঁপার তলায় মধুর ভঙ্গিতে হেলানো শুভ্র-
নধর ঘাড়খানির উপরে, গোধুলির স্বর্ণকির
কেমন চুষন-মুচ্ছিত হয়ে পড়ে আছে!

আমি একটু ইতস্তত করে' তারপর
বললুম, “সরমা, আর কতদিন তুমি এমন
একলা থাকবে?”

সরমা নীরবে তার সুডৌল হাতখানি
তুলে কপালের দু-পাশ থেকে চূর্ণকুন্তল-
গুলি সরিয়ে দিতে লাগল।

—“বিশেষ, এ-ভাবে আমরা আর বেশী
দিন মেশামিশি করলে লোকের কুৎসাকে
প্রশ্রয় দেওয়া হবে। আর বাস্তবিক, এটা
ভালও দেখায় না।”

সরমা খুব মৃদুস্বরে বললে, “কিন্তু

মোহনবাবু, আপনি বিবাহ করলেও ত
লোকের কাণাকাণি বন্ধ হবে না!”

—“হ্যাঁ, কিছুদিন কাণাকাণি করবে বটে।
কিন্তু নিষ্কর্মার কাণাকাণি আর কুৎসিত
কুৎসার মধ্যে অনেকটা তফাৎ আছে।”

সরমা কাতরভাবে বললে, “আমাকে
নিয়ে আপনি সুখী হতে পারবেন না—”

—“সরমা, শ্রাজ্জ এজদিন পরে ও কি
কথা বলছ! আমার ভবিষ্যতের অন্ধকারকে
তুমি সূর্য্যের মত উজ্জ্বল করে’ তুলেছ,
তুমি—”

—“মোহনবাবু, ভেবে দেখুন আমার
জন্তে আপনাকে সমাজের কি কঠোর
অত্যাচার সহ করতে হবে। দুঃখ সয়ে-
সয়ে বুক আমার পাষণ হয়ে গেছে,
আপনাকে না পেলেও সে দুঃখ আমি সহ
করতে পারব, কিন্তু চিরসুখী আপনি,
আমার জন্তে আপনি কি-করে’ এত দুঃখ
সহিবেন বলুন!”

—“তোমাকে জীবনের সঙ্গী করতে
পারলে আমার আবার দুঃখ? সরমা, আজও
তুমি আমাকে বুঝতে পারলে না, এই
দুঃখটাই আমাকে সব-চেয়ে বেশী কাতর
করে’ তুলেছে।”

—“জানিনা মোহনবাবু, কেন আমার
মনে হচ্ছে যে, কি একটা মহাবিপদ যেন
হাঁ-করে’ আমাকে গিলতে আসছে—যেন
শীঘ্রই কি-এক অমঙ্গল এসে বাজের মতন
আমাদের মাথার উপরে ভেঙ্গে পড়বে!”

—“তুমি তাহলে আমাকে ভালবাস না,
সরমা!”

—“মোহনবাবু, এ কী বলছেন!”

—“সরমা, এই আমার শেষ কথা।
তুমি আমাকে বিবাহ করবে?”

সরমা দু-হাতে মুখ ঢেকে বললে, “এর
জবাব ত অনেকদিনই আপনাকে দিয়েছি!
আবার নতুন করে’ ও-কথা কেন তুলছেন?”

—“তাহলে বিবাহের দিন স্থির করি?”

সরমা চুপ। তার বুক নিশ্বাসে-নিশ্বাসে
উঠতে নামতে লাগল।

—“কথা কও, কথা কও!”

—“মোহনবাবু!”

—“না—বল, দিনস্থির করব, কি,
করব না!”

—“করুন।”

—“সরমা, তুমি বাঁচালে, আমাকে
বাঁচালে! অমন করে’ মুখ ঢেকে থেক না
—খোলো, খোলো, মুখ খোলো!”—এই বলে
আমি তার কম্পমান হাতদুখানি নিজের
দুহাতের ভিতরে জোর করে’ টেনে নিলুম।

সরমার সমস্ত মুখখানি রাঙ্গা হয়ে উঠেছে
—যেমন রাঙ্গা গোলাপফুল। তার কপালের
এলমেল চুলগুলাল ঘামে একেবারে ভিজ
গেছে, তার ঠোঁটের উপরে চিবুকের উপরেও
ছোটছোট শিশিরের ফোঁটার মত ঘন-
বিন্দু!

সরমা অবসন্ন হয়ে ছাদের উপরে
আমার দিকে পিছন ফিরে বসে পড়ল।

আমি যেন কেমন আত্মহারা হয়ে
গেলুম। সরমা আমাকে দেখতে পাচ্ছিল
না;—আমি ধীরে-ধীরে—নিজের ইচ্ছার
বিকল্পেও—তার উপরে ঝুঁকে পড়লুম,
তারপর তার সেই নীল-ধমনী-আঁকা মোমের
মত নরম, দুধের মত সাদা গলাটির উপরে

চুম্বন করবার জন্তে আবেগভরে মুখ নামালুম,
—কিন্তু, সেট মুহূর্তেই সরমা আবার মুখ
ফেরালে, চকিতে আমিও আপনাকে সামলে
নিয়ে সরে এলুম,—মনে পড়ল, আমাদের
এখনো বিবাহ হয়-নি!

* * *

বিবাহের সমস্তই ঠিক হয়ে গেছে।
আর সাত দিন! তারপর, সরমা
আমার!

আজ সকালে পিসিমা আমাদের সকলকার
কথা ঠেলে তাঁর শ্বশুর-সম্পর্কের কোন্-
এক আত্মীয়ের বাড়ী চলে গেলেন; সেখান
থেকে তিনি নাকি কাশী যাবেন,—এ বাড়ী
আর মাড়াবেন না, আমাদের মুখ আর
দেখবেন না!

আত্মীয়-কুটুম্বদের কেউই আমাদের
নিমন্ত্রণ গ্রহণ করলেন না—আমিও সেজন্তে
কারুকে কারুতি-মিনতি করলুম না। যারা
ভেবেছিলেন আমি তাঁদের কাছে নীচু হব,
আমার এই অভাবিত উপেক্ষার ভাব দেখে
তাঁরা মনে-মনে নিশ্চয়ই যথেষ্ট আশ্চর্য্য ও
মর্সাহত হয়ে গিয়েছিলেন। আপনার লোকের
মধ্যে এল খালি যমুনা। সে একাই একশো,
তার কলহাস্তেই আমার বাড়ীখানি জ্বাসন্ন
উৎসবানন্দে ভরপুর হয়ে উঠল।

আমার ভগ্নীপতিও আমাকে যথেষ্ট
সাধুবাদ দিয়ে চিঠি লিখলেন যে, আমার
এই সংসাহসে তিনি অত্যন্ত প্রীত হয়েছেন
এবং বিবাহের উপচৌকন নিয়ে তিনি যে যথা-
সময়ে নববধু দর্শন করতে আসবেন, পত্রে
এ-কথাও বিশেষ জোরের সহিত লিখতে
ভুলেন-নি।

কিন্তু, ভবিষ্যতের সৌভাগ্য-স্বপ্নে মুগ্ধ
হয়ে আমি যখন নিখিল বিশ্বকে একটা
আনন্দের রঙ্গভূমি বলে মনে করছিলাম,
অকস্মাৎ দুর্ভাগ্য এসে ঠিক সেই সময়েই
আমার জীবনে যে রাবণের চিতা জ্বলে
দেবে,—এ ত আমি ঘূনাকরেও আন্দাজ
করতে পারি-নি! ওঃ, সে কি নিষ্ঠুর
আঘাত—অদৃষ্টের সে কী কঠোর পরিহাস!
তার চেয়ে মৃত্যু শ্রেয় ছিল,—মরতে পারলে
ত একেবারে সমস্ত ফুরিয়ে যেত—এমন
পলে-পলে, তিলে-তিলে মরণ ত আমাকে
গ্রাস করতে পারত না; সেইদিন থেকে
বুঝেছি, একগাছি সরু সূতায় ভারি
পাথরের মত শালুঘের সমস্ত আশা-ভরসা
হুলছে, যে-কোন পলকে সে সূতো ছিঁড়ে
যেতে পারে—মুহূর্তের হের-ফেরে সূখে-সরস
তোমার জীবন দুঃখে-বিরস এবং নিষ্ফল
হয়ে যেতে পারে!

যাঁক্,... ... ঘটনাটা কি-করে' ঘটল, এখন
তাই বলি।

বাগানের যেখানে মর্সুর-নিঝরের সহস্র-
ধারা, ভোরের তরুণ রবিকর পান করবার
জন্তেই যেন চপল পুলকে ঝলকে-ঝলকে
উপরে উছলে উঠছে, সেইখানে সরমা
আর যমুনা দুজনে হাত-ধরাধরি করে
দাঁড়িয়েছিল।

আমি ছতলার ঘরে জানলার ধারে
টেবিলের সূমুখে বসে ডায়েরি লিখছিলাম,
তাঁদের দেখতে পেয়ে লেখা বন্ধ করলুম।
তারা দুজনে নিজেদের কথাতেই মেতেছিল,
আমাকে দেখতে পেলে না।

হঠাৎ যমুনার কি খেয়াল হোল,—সে

সরমাকে সেইখানে বসিয়ে রেখে বাগানের অন্তর্দিকে চলে গেল। সরমা একলাটি ফোয়ারার জলাধারের উপরে ঝুঁকে—বোধ হয়—লালমাছের খেলা দেখতে লাগল।

খানিক পরে যমুনা হাসতে-হাসতে ফিরে এল—আঁচল-ভরা একরাশ ফুল নিয়ে।

উপর থেকে তাদের অস্পষ্ট স্বর আমি শুনতে পাচ্ছিলুম।

যমুনার আঁচলে ফুল দেখে সরমা বললে, “অত ফুল কি হবে?”

—“ফুলে ফুলে আজ তোকে ফুলরাণী সাজাব।”

সরমা ঘাড় নেড়ে প্রবল আপত্তি জানিয়ে বললে, “না।”

—“কেন, না কেন শুনি?”

—“উহু, সে হবে না। পাগলের মত খামকা ফুলের সাজ পরতে যাব কেন?”

—“তোমার যে বিয়ে লা ছুঁড়ি!”

—“তোমার দাদারও ত বিয়ে! অতই যদি সাধ, যাও না, তাঁকেই সাজিয়ে এস।”

—“দাদার ভাবনা আমাকে ভাবতে হবে না। ছুদিন পরে দাদাকে তুই হাত-ভরে ফুল নিয়ে প্রাণ-ভরে সাজাস। আজ ত আমি তোকে সাজাই।”

—“না ভাই, না!”

যমুনা, সরমার গালে আদর করে ঠোনা মেরে বললে, “ইস, না বললেই শুনব কিনা! নে, নে, সন্মুটির মত চুপ করে বোস। ছুদিন বাদে যে তোমার নন্দ হবে, তাকে চটাস-নে!”

অগত্যা যমুনার কথায় সরমাকে রাজি হতে হোল। ঘাসের উপর হাঁটু গেড়ে বসে যমুনা নিপুণ হাতে সরমাকে ফুলের গয়না পরাতে লাগল। সরমার মাথায়, কুন্তলে, শ্রবণে, কণ্ঠে, হৃদয়ে, বাহুতে, আঙ্গুলে, কণ্ঠিতে ও চরণে—যেখানে যে ফুল সাজে, সেখানে ঠিক সেই ফুলের মানানসৈ গয়না পরিয়ে, যমুনা একটু তফাতে সরে গিয়ে ঘাড়-বঁকিয়ে দাঁড়াল,—তাকে কেমন দেখাচ্ছে, তাই দেখতে! বাস্তবিক, টাটকা ফুলের গহনায় সরমার স্বভাব-সুন্দর রূপের শিখা যেন আরো উস্কে উঠল,—তার পানে তাকাতে গেলেও চোখ যেন ঝলসে যায়!

এমন সময় চাকরটা এসে ঘরে ঢুকল। তাকে কতগুলো জিনিষ কিনতে বাজারে পাঠিয়েছিলুম, সেইগুলো কিনে সে একটা মোড়কে বেঁধে এনেছিল। মোড়কটা আমার হাতে দিয়ে সে আবার ঘর থেকে বেরিয়ে গেল।

অশ্রমনস্ক ভাবে সূতো ছিঁড়ে আমি মোড়কটা খুলতে বসলুম। একখানা খবরের কাগজ দিয়ে ‘দোকানী জিনিষগুলো মুড়ে দিয়েছিল। আচমকা কাগজখানার এক জায়গায় চোখ পড়ে গেল। সেখানে বড় বড় হরফে লেখা ছিল:—

৫০ টাকা পুরস্কার!

এতদ্বারা ‘সর্বসাধারণকে জ্ঞাত করা যাইতেছে যে, শান্তিপুর-নিবাসী শ্রীযুক্ত মুরারিমোহন মজুমদার তাঁহার কন্যা শ্রীমতী সরমা দেবীকে সঙ্গে লইয়া কোথায়

নিরুদ্দেশ হইয়া গিয়াছেন। মুরারিবাবুর বয়স্ক্রম প্রায় চতুষষ্টি বর্ষ, বর্ণ গোর, আকৃতি হ্রস্ব, মুখে শ্মশ্রুগুন্ফ আছে। তাঁহার বামগণ্ডে একটি রক্তবর্ণ গোলাকার জড়ুলের চিহ্ন আছে। তিনি এশ্রাজ ও বেহালা বাজাইতে নিপুণ। যিনি নিম্নলিখিত ঠিকানায় মুরারিবাবুর জামাতার নিকটে তাঁহার সন্ধান প্রদান করিবেন, তাঁহাকে উপরুক্ত পুরস্কার দেওয়া হইবে। ইতি

শ্রীসুরেন্দ্রমোহন চৌধুরী

নং—শ্যামবাজার ষ্ট্রীট।

কলিকাতা।

বিজ্ঞাপনটি একবার, দুবার, তিনবার রুদ্ধশ্বাসে পড়লুম,—পড়তে-পড়তে চোখের স্নায়ু থেকে পৃথিবীটা যেন ক্রমে-ক্রমে সরে যেতে লাগল, দৃষ্টি অন্ধকার হইয়া এল, মাথাটা ঘুরে গেল—তারপর টলতে-টলতে মাটির উপরে আমি মুচ্ছিতের মত পড়ে গেলুম।... ..

সেই অবস্থায় কতক্ষণ ছিলুম, জানিনা; যখন ধুকতে-ধুকতে কোনরকমে দেহটাকে টেনে তুললুম, তখন আমার প্রাণের ভিতরটা যে কেমন করছিল, তা শুধু ভগবান জানেন, ভগবান জানেন!

এ সত্য, না স্বপ্ন? আমি হঠাৎ পাগল হয়ে যাইনি. ত?—কাগজখানা আবার তুলে ধরলুম, আবার তার আগাগোড়া পড়লুম। না, কোন সন্দেহ নেই—সমস্তই মিলে যাচ্ছে, মুরারিবাবুর বয়স, চেহারা, তাঁর গালের জড়ুলের দাগ, তাঁর মেয়ের নাম, জামাইয়ের নাম—সমস্ত, সমস্ত! হা ভগবান, অভাগার এ কী করলো!

কিন্তু, কিন্তু,—সরমার স্বামী ত বেঁচে নেই,—মরা মানুষ কি-করে' ফিরে এল! অনেক ভেবেও কিছু বুঝতে পারলুম না, এ দুর্কৌধ রহস্যের মধ্য থেকে কেবল এই ভয়ানক সত্যটা বারংবার জেগে উঠতে লাগল যে, আমার সর্বস্ব আজ হারিয়ে গেল—জন্মের মত, জন্মের মত!...

'বাগান থেকে সরমা আর যমুনার মূহু হাস্য-কলরব ভেসে' এল—আমার সর্বাঙ্গ যেন সে হাসি শুনে হা হা করে উঠল। ওরে যমুনা, তুই-না! সরমার গেঁহখানি ফুলের গহনায় পুষ্পদেবীর মত সাজিয়ে দিয়েছিল! কার এ পুষ্পদেবী? এ যে পরের প্রতিমা, একে যে বিসর্জন করতে হবে!

বিসর্জন করতে হবে, বিসর্জন? সরমা আর আমার নয়? এ কি সম্ভব? না, না,—এ হোতে পারে না, এ হোতে দেষ না! এমন-করে' আমি আত্মহত্যা করতে পারব না! সমাজ, সংসার, পাপ-পুণ্য, ধর্ম্মাধর্ম্ম,—চলোয় থাক! এ-সব মিছে, এ-সব খালি মানুষের স্বাধীনতাকে বাধা দেবার জন্তে! এ মিথ্যাকে আমি মানব না, এ বাধা ভেঙ্গে আমি বেরিয়ে পড়ব—হুঁদাস্ত, উন্মত্ত অশ্বের মত! দেখি, কে আমার কি করতে পারে!... ..

বিবাহের আর বিলম্ব নেই! সরমার স্বামী যখন এতদিন তার খোঁজ পায়-নি, তখন এর-মধ্যেও পাবে না! আমিও সরমাকে কিছু বলব না,—না, একবর্ণও না! আগে বিবাহ হয়ে যাক—তারপর যা হবার, হবে! সরমার স্বামী জানতে

পারলেও কোন ভয় নেই, আমার কাছ থেকে তখন ত আর সে স্ত্রী বলে সরমাকে কেড়ে নিয়ে যেতে পারবে না !... ..

আর জানতেই-বা দেব কেন ? বিবাহের পরে সরমাকে নিয়ে আমি দেশ ছেড়ে নিরুদ্দেশ হয়ে যাব ! , দূর-বিদেশে, সহর ছেড়ে সবুজ বনের ভিতরে, আঁকাবাঁকা নদীর ধারে, ছায়া-করা পাহাড়ের আড়ালে, লতা-পাতার কুঁটির গড়ব,—কেউ দেখবে না, কেউ জানবে না, শুধু আমরা দুটি প্রাণী সেই বিজনে-নিভূতে কাননের বিচিত্র মন্দির-প্রলাপ, পাখীর স্বাধীন গান, ঝরণার অশ্রান্ত তান শুনতে-শুনতে কপোত-কপোতীর মত মুখোমুখি হয়ে প্রেমের গুঞ্জে দিনের পর দিন কাটাও—দিনের পর দিন, দিনের পর দিন !... .. মাথার পরে নীলপদ্মের রং-

মাথানো অনন্ত আকাশ, চরণতলে কোমল ছুঁকাদলের শ্রামলোচ্ছ্বাস, বনে-বনে চঞ্চল আলো-আঁধারের অবিয়াম লুকোচুরি, গাছে-গাছে ফুলে-ফুলে, বাতাসের স্নিগ্ধমধুর শ্বাস,—ওঃ, সে কী জীবন !... ..

কিন্তু, এ-সব আমি কি ভাবছি ?... না, না, সে কি হয় ? ঐ দেবতার নিশ্চালোর মত নিশ্চল সরমাকে আমি কি আমার পাপস্পর্শে কলঙ্কিত করতে পারি ? প্রেমে যেখানে কপটতা, সেখানে শাস্তি কোথায় ? মনে অশান্তি, মুখে প্রেম ? সে যে আরো অসহ ! না,—মিছা এ লুকোচুরি, মিছা এ আত্মবঞ্চনা,—যতই যত্নগা হোক, সত্যের আদেশ আমাকে মাথা পেতে গ্রহণ করতেই হবে।

ক্রমশ

শ্রীহেমেন্দ্রকুমার রায়

বিদায়ে

আসিয়াছ ! তবু ভাল—এও দয়া তব ;
তবু ত বিদায়কালে দুটি কথা কব
হৃদয়-বন্ধুর সনে জনমের শোধ ;
শুধু ক্ষমা করো যদি দৃষ্টি করে রোধ
এ বিদায়-বিহ্বলতা ; রুদ্ধকণ্ঠ ক্ষীণ
বেদনার বাষ্পে যদি বিলম্বিত দীন
বাণীবিনিময়কালে হয়ে পড়ে ভুলে—
শেষভিক্ষা অপরাধ লইওনা তুলে’ ।
এ নিমেষ হবে শেষ—কতক্ষণ আর—
সময়-হ’ল যে বন্ধু বিদায় নেবার !

হে চপল—শেষ তবে করে’ লহ খেলা ;
চুকাইয়া লহ ঋণ এ অস্তিম বেলা ।

এই সে প্রথম পত্র, বিজয়ার রাতে,
আশীর্বাদছিলে যাহা দিয়েছিলে ছাতে
ত্রস্ত কবরীতে গুঁজে’—নিশীথ-শয়নে
যে বিষ করিছু পান প্রাণান্ত গোপনে ।
বিস্ময়ে রহস্তে হর্ষে স্পন্দমান হিয়া
সঙ্কোচে শঙ্কায় যারে রেখেছে পুষিয়া
গোপন বন্ধুর তলে বেদনার মত—
কত দীর্ঘ দিনমান, দীর্ঘ রাত্রি কত ।
কে জানে সে আশীর্বাদ অভিশাপে ভরা—
পলে পলে দণ্ডে দণ্ডে ফিরে’-ফিরে’ মরা !

নিরন্তর ‘মুচ’ ভক্রে যে আঘাত ফিরে’
দিয়াছ দেবতা মোর—সে আঘাতটিরে—

তারেও ফিরিয়ে লহ—সাক্ষ তার কাজ—
 মরমের রক্তমাথা—‘ফিরে’ লহ আজ ।
 সেদিন কি মনে আছে ? স্তব্ধ দ্বিপ্রহরে
 দোলপর্কদিনে সেই তেউলার ঘরে
 কারে খুঁজিবার ছলে কারে পেয়ে একা
 কহিলে কম্পিত কণ্ঠে—‘তোমারি’ সে দেখা
 চাহিয়া এসেছি শুধু’—কররক্তফাগ
 পরশিল চরণের অলক্তক রাগ ।
 শিহরি গেলু যে মরি—অজ্ঞাত হরষে,
 লিপি সাথে ঐ তব বিদ্যৎ পরশে !

একান্ত যাতনা সেই ঠেলিতে কি পারি ?
 ধরা পড়িলাম বন্ধু—সে দোষ আমারি !
 সেদিনও ত বজ্র দিয়া বাঁধিয়া হৃদয়
 ফিরাইতে পারিতাম ! আজি মনে হয়
 কেন তাহা করি নাই—কেন মিছা ভুলে’
 মসীমাথা মৃত্যুবাণ হাতে নিহু তুলে’ ।
 রাজা যে কাঙালদ্বারে সাজিল ভিখারী
 হাত পাতি—রিক্ত কি তা’ ফিরাইতে পারি !
 বুঝিলাম মরিলাম—তবু নিরুপায়—
 সে আশ্রয় আকুলতা ফিরান’ কি যায় ?
 মরিলাম—একছত্র ‘আমিও তোমারি’
 নিমেষের দুর্বলতা—এত দণ্ড তারি !
 এ জনমে ফিরিবে না—ফিরেনা সে আর—
 সেই মোর এক শাস্তি সেই পুরস্কার ।
 হাম্ব বন্ধু, তারপর—আরো যাহা বাকী—
 এই ফিরাইয়া লহ—করে কর রাখি’—
 সেই ব্যথাভরা দৃষ্টি আজো মনে হয়,
 মোর চিরজনমের চরম বিশ্বয়—
 ‘কভু ভুলিব না তোমা’—সে ‘কভু’ কি আছে ?
 অভাগীর ভাগ্য সাথে সেও মজিয়াছে !

তার পর—তার পর—দেখি তুমি আজ
 ভিখারীর স্বপ্নস্বর্গ—তুমি রাজ-রাজ
 কাঙালের কল্পসৃষ্টি—এই চিত্ততীরে
 দাহ রাখি দীপ্তিটুকু মিলায়েছে ধীরে ।
 সেই ভাল—সেই সত্য—হায়রে বিশ্বাস,
 ইন্দ্রধনু পরিবে সে ধরণীর ফাঁস ?

তবু যে পাইনু দেখা আজি শেষবার
 এই মুহূর্তের লাগি—সেও লে আমার
 স্বপ্নভাগ্য—দরিদ্রের পরশ-মাণিক
 দাঁড়াও আঁখির আগে দাঁড়াও খানিক
 মন ত যায় না দেখা—দিহু যা দিবার—
 ফিরাব কেননে যাহা নহে ফিরাবার !
 এ যে দরিদ্রের স্মৃতি—এ নহে ধনীর
 ক্ষণিক চিত্তের দীপ্তি খেয়াল-খনির !
 মোর সেই এক ছত্র—অপরাধ ফিরে’
 দ্বাও, এই শেষ ভিক্ষা আজি দুঃখিনীরে ।
 সেই মোর একছত্র কলঙ্কের কালী—
 শুধিব কালিমা তারি হৃদি-রক্ত ঢালি ।
 কোন কথা আর কিছু নাহি কহিবার—
 সময় হয়েছে শেষ বিদায় নেবার ।

তবু শেষ-আশা প্রিয়, যদি কোন দিন
 চিত্তে মেঘ করে’ আসে মেহার্ভ নবীন
 আজি শ্রাবণের মত—পূর্ণ কুলে-কুলে
 সমস্ত আকাশ ভরি—পূর্ব স্মৃতিফুলে’
 উঠে সে পালের মত মরমের তলে,
 জানিও একটি চিত্ত ছায়া-অস্তুরালে
 রবে চির-নির্নিমেষ ঐ মুখ চাহি’—
 এই সে অন্তিম সাধ—অন্ত সাধ নাহি ।
 শ্রীযতীন্দ্রমোহন বাগচী ।

স্মরণ

যুধিষ্ঠির যে বলেছিলেন, প্রতি মুহূর্তেই মানুষ মৃত্যুগ্রস্ত হচ্ছে তবু আমরা মৃত্যুকে প্রত্যয় করিনে, এইটাই সবচেয়ে আশ্চর্য ব্যাপার। এ বড় সত্যকথা। মহামারী আমরা দেখি, প্রতিবেশীর গৃহে মৃত্যুদূত এসে যখন তার সর্কস্ব সম্বল আত্মসাৎ করে তখন যে মর্মান্বিত আর্তনাদে চারিদিক কাঁতর হয়ে ওঠে, তাও আমরা শুনতে পাই, তবুও মৃত্যুর যে কি ভীষণতা তা আমরা জানিনে। যতক্ষণ এ মৃত্যু-অভিজ্ঞতা নিজের জীবনে এসে না উপস্থিত হয়, ততক্ষণ এর ষথার্থ স্বরূপবোধ আমাদের জন্মায় না। মৃত্যুর অস্তিত্ব আমরা জানি, মানুষ মরে এ-কথা বিশ্বাস করি, কিন্তু মৃত্যু যতক্ষণ আমাদের প্রাণসর্কস্ব হরণ করে, না পলায়ন করে, ততক্ষণ তার পরিচয় হয় না, তার বেদনার অনুভূতি আমরা লাভ করি-নে। সুখের সংসার বেশ চলছিল, আশা আমাদের বর্তমানকে নানারূপ-বৈচিত্র্যে সুন্দর করে, উজ্জ্বল করে, সুদূর ভবিষ্যৎ পর্য্যন্ত প্রসারিত করে' দিয়েছিল; আজ যা হচ্ছে কালও তাই হবে; কিম্বা তার চেয়ে আরো সুখকর কিছু ঘটনা ঘটবে এ প্রত্যয় মনের মধ্যে প্রতিষ্ঠালাভ করেছিল, এ নিয়মের ব্যতিক্রম হতে পারে এমন কল্পনাও মনের কোথাও স্থানলাভ কল্পবার সুযোগ পায়-নি। আমরা বড় নিশ্চিত হয়েই ছিলাম, এমন সময় বজ্রবেদনা বহন করে' মৃত্যু যখন তার করাল মূর্তিতে আমাদের সম্মুখীন

হয়, সুখের সংসার ভেঙেচুরে পুড়ে ছারখার হয়ে যায়, আশার নিত্যনবীন সৌন্দর্য্য অন্ধকারে বিলীন হয়, আনন্দসঙ্গীত স্তম্ভিত হয়ে নিস্তব্ধ হয়ে পড়ে, জীবন একেবারে নিঃসম্বল হয়, তখন বুঝি মৃত্যু কি ভয়ানক! সে বেদনার প্রথম অভিঘাত এমনি প্রচণ্ড যে অনেক সময় বোধ-শক্তিই হারিয়ে ফেলি, অভাব যে কতবড় হল তা আমরা ধারণা করতেই পারি-নে। তারপর, যখন চেতনা আসে, তখন মনে হয়, এতবড় অবিচার কেন হল? মন বিদ্রোহী হয়, স্নেহ সহানুভূতি সাস্থনা সবই তার কাছে বিরূপ মূর্তিতে দেখা দেয়, বিশ্বের উজ্জ্বল শোভা, সুনিয়মিত আঙ্গিক ষাত্রা তার কাছে বড়ই নিষ্ঠুরতা বলে বোধ হয়। তার সঙ্গে যেন সংসারের সমস্ত সম্বন্ধ বিছিন্ন হয়ে যায়, কিছুই আর তাকে আনন্দ দিতে পারেনা সে বড় একা হয়ে পড়ে, সুদূরে, অন্ধকারে, নির্জনতায় থাকতেই তার ভাল লাগে। বিশ্ব তখন তার কাছে যেন থেকেও থাকে না। একান্ত নিঃসঙ্গ হবার, শোকের মধ্যে এই যে প্রেরণা, বেদনাতের এই যে স্বাতন্ত্র্য, অন্ধকারের মধ্যে অজ্ঞাতবাসের কামনা, এর মধ্যে বড় একটি মঙ্গল-ইচ্ছা নিহিত থাকে, আমরা প্রথমে সে কথা বুঝতে পারি-নে। ষারা ফোটোগ্রাফী (Photography) করেন, তাঁরা জানেন ছবির ছায়াপাত আলোকেই হয়ে থাকে, কিন্তু আভাসে ষা থাকে তাকে সম্পূর্ণ ও পরিণত করতে হলে,

অন্ধকারেই তাকে রাখতে হয়। শোকের দিনে নিঃসঙ্গতায় যখন আমরা থাকি তখনই আপনার সঙ্গে আপনার পরিচয়ের সুযোগ হয়। যে বাণী বারবার মনের দ্বারে এসে ফিরে গিয়েছে, যে মঙ্গল-জ্যোতিঃ বাহিরের বিক্ষিপ্ত কিরণে আমাদের চিত্তে প্রতিভাত হতে অবসর পায়-নি, সেই বারতা শ্রবণের, সেই আলোক দর্শনের সুযোগ বটে। মন যা নিষে এতদিন সন্তুষ্ট ছিল, আমরা দেখতে পাই সে সকল ক্ষণিক ও ক্ষণভঙ্গুরে আর চলে না। যাকে এতখড় করে রেখেছিলাম, যে আমার সমস্ত বিশ্বাসাণ্ড আড়াল করে' ছিল, যার বাড়া আমার আর কিছুই ছিলনা, সেই যখন চলে গেল, সংসারের সমস্ত আয়োজন ব্যর্থ হয়ে পড়ল, তখন, মনের নূতন জীবনের জন্মে, এমন কিছু আবশ্যক হয়, যার অভাববোধ এতদিন তার অন্তরে ছিলনা, সন্তোষাত অন্তরের বুড়ুক্ষা আর তুচ্ছতা নিয়ে, ক্ষণিক দিয়ে মেটেনা, সে আপনার মতোই সেই আনন্দ-উৎসের অনুসন্ধান প্রবৃত্ত হয়, যার সুধার ধারা দিনে দিনে তাকে শান্ত ও পরিতৃপ্ত করতে পারবে। নিঃসঙ্গের মধ্য হতেই সে তার চিরসঙ্গীর পরিচয়ের আভাস পায়!

নিঃসঙ্গের মধ্য হতেই সে তার চিরসঙ্গীর পরিচয়ের সুযোগলাভ করে। যে সান্ত্বনা, অপরের স্নেহ-প্ৰীতিতে সম্পূর্ণরূপে এতদিন সে পায়-নি, কারো কথার মধ্যে যে গরম বাণী সে শুনেও বোঝে-নি, যখন সেই অমৃতবাণী আপনার মনের কাছেই শোমে, তখনি যে চরিতার্থ হয়ে যায়। যে বিধানে তার বেদনার সৃষ্টি হয়েছিল, সেই বিধাতার নিকট

হতেই সে সান্ত্বনার দান গ্রহণ করে। মা যখন সন্তানকে শাসন করেন, ব্যথা দেন, তাঁর কোলের কণ্ঠটিতে না পেলে, তাঁর বুকে মুখ লুকিয়ে না কাঁদলে ত সে বেদনা দূর হয় না, চোখের জল তিনিই মুছিয়ে দেন, তবেই ত শান্তি আসে! যে দুঃখ একদিন বড় অবিচার বলে বোধ হয়েছিল, আবার জানিনা কেমন করে তারি মধ্যে তরুণ আনন্দের জন্ম হয়, বর্ষাধৌত নীলাশ্বরে সূর্যালোকের মত, বিশ্বের শ্রী নির্মলতর বলে মনে হয়—বর্ষার অভিষিক্ত মুছ ধরণীর মত মনের ক্ষেত্রে বীজ বপনের শুভ অবসর আসে। আমরা পরিপূর্ণ মনে বলতে সক্ষম হই, “তোমারি ইচ্ছা হোক পূর্ণ করুণাময় স্বামী।”

মেটারলিন্কের (Materlinck) নীলপাখী (Blue Bird) বলে নাটিকাতে পড়েছিলাম, একবার খুঁট-জন্মোৎসবের পূর্বে রাত্রিতে ছুটি ভাই ঝোন সন্ধ্যার প্রাকালে ঘুমিয়ে পড়েছিল, স্বপ্নে তারা দেখলে, যেন কোন অপূর্ণ লোকে গিয়েছে, কত সুন্দর সুন্দর স্থানে বেড়াচ্ছে, দেখলে কত নবজাত আঁত্মা সেখানে অতিথি, আবার কতজনে আমাদের এই পৃথিবীতে ফিরে আসবার জন্মে নোকায় আরোহী। এম্মি সময় ঘুরতে ঘুরতে একটি জায়গায় একটি কুটীরের সম্মুখে এসে, সেখানি তাদের বড়ই পরিচিত বলে মনে হল, ছয়ারের পাশে বুড়ো কুকুর পাহারা দিচ্ছে, ঘরের দাওয়ান তাদেরি জানা-শোনা বিড়ালটি বসে বসে ঝিমচ্ছে—গৃহসজ্জা চিরপরিচিত! তারা বলে উঠল, এই যে দেখছি ঠাকুর-মা আর দাদামশায়ের ঘর—

তারা অগ্নি ঘরের মধ্যে প্রবেশ করলে, দেখলে তাদের দাদামহাশয় আর ঠাকুরমা যেমনটি ছিলেন অবিকল তাই আছেন, তারা তাঁদের কাছে দৌড়ে গিয়ে হাত ধরে বলে, দাদামহাশয়, ঠাকু'মা—তোমরা তো তবে মরে যাওনি, তোমরা যে ঠিক তেয়িই আছ!—তাঁরা বলেন, তোমরা যখন আমাদের মনে করে' রেখেছ, তখন তো আমরা মরি-নি, তোমরা ভুলে গেলেই আমরা আর থাকি-নে, তোমরা যদি মনে করে' রাখ তাহলে ত. আমরা চিরদিন অমর হয়েই থাকব।

যাঁরা চলে গিয়েছেন—তাঁরা আমাদের এই শ্রদ্ধার স্মরণের মধ্যে চিরদিন অ-মৃত। আমরা ত তাঁদের হারাই-নি বরং অন্তরের মধ্যে আরো নিবিড় ভাবে পেয়েছি—তাঁদের ক্রটি, ভ্রান্তি, গ্লানি, কিছুই আর আমাদের মনে নেই—যা-কিছু সুন্দর, পুণ্যময় তাই অম্লান শোভায় চিরন্তন হয়ে আমাদের অন্তরে

অন্তরে বিরাজ করছে। আমাদের স্নেহের স্মরণে নিরন্তর সঞ্জীবিত হয়ে চিরঞ্জীবী হলেন, শুধু কি এবারকার মত! এ-সব স্মৃতি যে আমাদের আত্মার সম্বল, তারি মত অক্ষয় ও অবিনাশী—তাঁরা আমাদের যুগ-যুগান্তের জন্ম-জন্মের সঙ্গী হয়েই রইলেন!

যে বিশ্বজননীর স্নেহক্রোড়ে জন্মগ্রহণ করে', তাঁরি আদেশে জীবনের অভিনয় সাঙ্গ করে' তাঁরা বিদায় নিয়েছেন, তাঁরি চিরপ্রসারিত অনন্তের আনন্দ-ক্ষেত্রে তাঁহাদের আত্মা উন্নততর, পুণ্যতর, শ্রেষ্ঠতর সদগতি লাভ করুক, এই আমাদের আজিকার একাগ্র প্রার্থনা—চিরদিন তাঁহাদের জগৎ যেন,—মধু বাতা ঝাতায়তে, মধু ক্ষরন্তি সিন্ধবঃ ॥ মাধ্বীর্নঃ সস্তোষধীঃ, মধু নক্ত-মুতোক্ষসো মধুমৎ পার্থিবং রজঃ। মধু দৌঃরস্ত নঃ পিতা। মধু মান্নো বনস্পতির্মধুমাং অস্ত সূর্য্যঃ। মাধ্বীর্গাবোভবন্ত নঃ।

শ্রীপ্রিয়ম্বদা দেবী।

ভূতগত ব্যাপার!

(খেয়ালি নক্সা)

ছেলেবেলা হইতে আমার ভারি ভূতের ভয়। সায়াসে এম-এ পাশ করিয়াছি তবু ভূতের ভয় ছাড়ে নাই। বলিতে লজ্জা করে, এই বুড়ো-বয়সে এখনও রাত্রের অন্ধকারে একা থাকিলে গা-ছম্ছম্ বুক-টিপ্-টিপ্ প্রভৃতি ষতগুলো ভয়ানক ব্যাধি আছে সবগুলো একসঙ্গে আমাকে আক্রমণ করে।

হয়ত এই ভূতের ভয় বয়স এবং জ্ঞান বৃদ্ধির সঙ্গে সঙ্গে ছুটিয়া যাইত, কিন্তু কাল করিয়াছে ঐ বিলাতের ভূতুড়ে-সভা—সাই-কিকাল রিসার্চ সোসাইটি! এখন ত দেখিতেছি বিলাতে হেন নামজাদা লোক নাই যিনি ভূতের অস্তিত্বে বিশ্বাস না করেন। যাঁহাদের জ্ঞানের একটু টুকরামাত্র লইয়া

বিদ্যামন্দিরের সর্বোচ্চ ডিগ্রি লাভ করিয়া যশস্বী হইয়াছি, যখন দেখি তাঁহারাও আমার দলে তখন আমার ভূতের ভয় ঘে আরো সুদৃঢ় হইয়া উঠিবে আশ্চর্য্য কি!

আমার বিশ্বাস, কি জ্ঞানী কি মুর্থ, পৃথিবীর সকল-লোকের মনেই ভিতরে-ভিতরে সমান ভূতের ভয় আছে। কেহ মুখ-ফুটিয়া কুবল করে, কেহ লজ্জায় বলিতে না পারিয়া দম-ফাটিয়া মরে। যাহা হোক, এখন ভূতুড়ে-সভার দৌলতে বিজ্ঞানের কাপড় পরাইয়া ভূতের ভয়টাকে সভ্যসমাজে বাহির করিবার আয়োজন হইতেছে। তাহাতে ভূত-ভয়ের লজ্জা হইতে সভ্য-মানুষ পরিত্রাণ পাইয়া বাঁচিবে। ভয়কে গোপনে চাপিয়া রাখা শরীর এবং মন উভয়ের পক্ষেই মারাত্মক।

জয় হোক সাইকিকাল রিসার্চ সোসাইটির! যদি তাঁদের সাহসের পরোয়ানা না পাইতাম তাহা হইলে আজ যে-সব কথা বলিতে বসিয়াছি তাহা কি এত লোকের সামনে এমন অসঙ্কোচে বলিতে পারিতাম! আমার ত এ অতি নগণ্য ব্যাপার, এর চেয়ে আরো কত আজগুবি ভূতুড়ে কাণ্ড, বিলাতের ভৌতিক সভার সভ্যরা কাগজে-কলমে জাহির করিতে কুণ্ঠিত হইতেছেন না।

ভূতের ভয় জীবনে অনেকবার পাইয়াছি কিন্তু সেবারের মতন তেমন ভয়ঙ্কর ব্যাপার কাহারো অদৃষ্টে কখনো ঘটিতে পারে বলিয়া মনে হয় না। সে-কথা মনে করিতে এখনো গা ছম্ছম করে। যাহাদের ভূতের ভয় প্রবল, গোড়া হইতে বলিয়া রাখি, তাঁহারা কানে আঙুল দিন। কারণ এই গল্প শুনিতে শুনিতে বুক-টিপটিপানি প্রবল

হইয়া যদি কাহারো হার্ট-ডিসিস্ হয় তজ্জন্ত আমি দায়ী হইতে পারিব না। বুড়ো মারিয়া শেষে খুনের দায়ে পুড়িবার ভয় আমার নাই। আমার ভয়, পাছে তাঁহারা ভূত হইয়া কোনো ঘোর নিশীথে আমার সহিত রসিকতা করিতে আসেন!

যাক এখন আসল কথা। সে-বৎসর পূজার ছুটিতে বেড়াইতে বাহির হইয়াছিলাম। বাড়ি হইতে এই আমার প্রথম বিদেশ-যাত্রা। সঙ্গে ছিল আমার বালাবন্ধু শ্রীশ। ছেলেবেলা হইতে দেখিতেছি শ্রীশ লোকটার আশ্চর্য্য সাহস। তাহার আগে ভূতের ভয় একেবারে নাই। সে বলে রাত্রে অন্ধকারে সে একলা ঘর হইতে বাহির হইয়া দিব্য ছাদে বেড়াইতে পারে; ঘোর নিশীথে অশথ কিম্বা বেল-গাছের তলা দিয়া যাইতে তার এতটুকু গা ছম্ছম করে না; পোড়ো-বাড়ির সামনে দিয়া সে বেশ গট গট করিয়া চলিয়া যায়। এবং এমন-কি সে ভূত কখনো দেখে নাই এ-কথা দিবা-দ্বিপ্রহরে সকলের সমক্ষে চীৎকার করিয়া বলিতে এতটুকু সঙ্কোচ করেনা।

ভূত লইয়া তাহার সহিত আমার অনেকবার তর্ক হইয়াছে। সে বলে ভূত থাকিতে পারে কিন্তু তাদের ভয় করিবার কোনো কারণ নাই, যেহেতু বাড়ি মটকাইতে হইলে যে হাতের দরকার তাহা তাহাদের নাই; এবং তাহারা ঘাড়ে চাপিলে ক্ষতি কি, যখন তাহাদের দেহের কোনো ভারই নাই। আমার মত কিন্তু অস্ত-রকম। আমি বলি, ভয় যদি না থাকে তবে ভূতও নাই। ভয়টাকে বাদ দিয়া শুধু ভূতটাকে

রাখা একটা জঘন্য কুসংস্কারমাত্র। মোট ভূতের কথা যে একবারও মনে উঠিবার কথা শ্রীশের সঙ্গে তর্ক করিয়া কোনো অবকাশ পায় নাই তাহা নহে। কারণ লাভ হয় নাই। কারণ শ্রীশের যুক্তিতর্কে আমার ভূতের ভয় এক তিল কমে নাই এবং আমার ভৌতিক গবেষণার দ্বারা তাহার মনে এতটুকু ভূতের ভয় সঞ্চারিত করিয়া দিতে পারি নাই। সে আমাকে ঠাট্টা করিত। আমি রুদ্ধ আক্রোশে মনে-মনে বলিতাম, রোসোনা, বাছাধন! একদিন টের পাইবেন! কিন্তু কি আশ্চর্য্য, এত দিন চলিয়া গেল তবু ঐ বাছাধন এখনো কিছুই টের পাইলেন না। ভূতের মধ্যেও কাপুরুষ আছে না কি! কোনো সাহসী ভূত শ্রীশকে এখনো সায়েস্তা করিল না দেখিয়া, চুপি-চুপি বলি, আমার মন এক-এক সময় ভূতের অস্তিত্বসম্বন্ধে বিশেষ সংশয়ী হইয়া উঠে। মনের কথা বলিয়া ফেলিলাম, আজ রাত্রে অদৃষ্টে কি আছে জানি না!

আমি অবাক হইয়া ভাবি শ্রীশ, আমার মতো সায়াঙ্গে নয়, সাহিত্যে এম-এ, তবু সে ভূতের প্রতি শ্রদ্ধা হারাইল। কেমন করিয়া! সাহিত্যে ত ভূতুড়ে ব্যাপারের অস্ত্র নাই! সে রূলে ছেলেবেলায় তার একটু-একটু ভূতের ভয় ছিল, বড় হইয়া ছুটিয়া গেছে। আমার মনে ইয় বড় হইয়া তার সেই ভয় আরো সুদৃঢ় হওয়া উচিত ছিল। হামলেট পড়া তার একেবারে বৃথা হইয়াছে।

কলিকাতা ছাড়িয়া শ্রীশের সঙ্গে বহুস্থান ভ্রমণ করিলাম। নূতন দেশের নূতন-নূতন দৃশ্যে আমরা আবিষ্ট ছিলাম বটে কিন্তু তার মধ্যে

শ্রীশের ইতিহাস ও প্রত্নতত্ত্বে সখ আছে। তার চর্চা করিতে সে ছাড়ে নাই। সেও ত একরকম ভূতেরই কথা। কারণ তার ত কেউ জ্যান্ত নয়, তারা অতীতের কবর হইতে গা-ঝাড়া দিয়া উঠিয়া মানুষের মনের দ্বারে সাক্ষাৎ দিতে আসে। শ্রীশ এক-এক জায়গায় যায় আর সেখানকার ইতিহাস আবৃত্তি করিতে শুরু করে। অমনি সাত-আট শত বৎসরের পূর্বেরকার দৃশ্যাবলী আমার মানস-নয়নে প্রতিফলিত হইয়া উঠে অর্থাৎ আমি দিন-দুপুরে ভূত দেখিতে থাকি।

কাশীর সারনাথের মাটি খুঁড়িয়া এক প্রাচীন সহর বাহির করা হইয়াছে। দেখিয়া আমার মনে হইল একটা ছোট-খাটো সহর-ভূত কবর ঠেলিয়া উঁকি মারিতেছে। তার অন্ধকারের মধ্যে দেখিলাম যেন কারা সব ঘুরিয়া বেড়াইতেছে। কেহ-কেহ সবেমাত্র মাটি ঠেলিয়া উঠিয়াছে, আবার কাহারো যেন মাটির ভিতর হইতে বাহির হইবার জন্ত সজোরে ঠেলা মারিতেছে। সবই অপরিচিত মূর্তি! দেখিলে আশ্চর্য্য হইতে হয়, আবার ভয়ও করিতে থাকে। মুণ্ডিত মস্তক, গেরুয়া-বসন-পরা মেয়ে-পুরুষ দলে-দলে চলিয়াছে—সকলকার শাস্ত্র সৌম্য মূর্তি, সংযত দৃষ্টি, সংহত আচরণ! হাতে হাতে সব ভিক্ষাপাত্র। ছোট ছোট কুটুরীর মধ্যে বসিয়া কাহারো সব মালা ঘুরাইতেছে, শাস্ত্র পড়িতেছে, গান গাহিতেছে।

একস্থানে 'বুদ্ধদেব তাঁর প্রকাণ্ড দেহ লইয়া স্থির হইয়া বসিয়া আছেন।

কত দিন পরে আজ তাঁহার দেহের উপর আসে। হাজার-হাজার বেগম সাহাজাদী সকাববেলাকার স্বর্ষোর আভা আসিয়া ও তাহাদের সখীরা ওড়না উড়াইয়া লাগিয়াছে তবু তাঁহার সমাধি ভঙ্গ হয় নাই। কত যুগ চলিয়া গেল, কত লয়-বিলয় ঘটিয়া গেল, মাটি পাথর হইয়া গেল, পাথর ভাঙিয়া ধূলু গুঁড়া হইয়া গেল, তাঁহার নিজের দেহ পাথর হইয়া গেল তবু তাঁর জাগিবার সময় হয় নাই। সেই প্রকাণ্ড মূর্তির সামনে দাঁড়াইয়া আমার কেমন ভয় হইতে লাগিল, যদি এখনি ইহা গা-ঝাড়া দিয়া উঠিয়া দাঁড়ায়! আশে পাশে দেখিলাম আরো কত দেব-দেবী নিশ্চল হইয়া পড়িয়া আছেন। তাঁহাদের এমন ভাবভঙ্গী যে কখন যে তাঁহাদের খেয়াল হইবে আর জাগিয়া উঠিয়া একটা কাণ্ড বাধাইয়া বসিবেন তার ঠিক নাই। চতুর্দিকে যা দেখিতেছি এরা সবাই যদি একসঙ্গে মাটি ছাড়িয়া উঠিয়া কলরব করিতে থাকে তাহা হইলে আমরা দুটি ক্ষুদ্র দর্শক এঁদের মধ্যে যে কোথায় হারাইয়া যাইব কেহ খুঁজিয়াও পাইবে না। হয়ত এদের সঙ্গে আবার মাটি-চাপা পড়িয়া কত কাল আমাদের এইখানে থাকিতে হইবে! আমার সর্বাঙ্গ খরখর করিতে লাগিল। আমি শ্রীশকে টানিয়া লইয়া পালাইয়া আসিলাম।

তার পর আশ্রয় দুর্গ। শ্রীশ তার ইতিহাস মুখস্থ বলিয়া যাইতে লাগিল। এক-একটা স্থান দেখায় আর তার আনুষ্ঠানিক গল্প বলিতে থাকে, অমনি সহস্র সহস্র সাহাজাদা, নবাব-জাদা মাথায় তাজ, হাতে গজদস্তের ছড়ি, পায়ে লপেটা পরিয়া হুড়মুড় করিয়া ছুটিয়া

সামনে দিয়া চলিয়া যায় * * * ঐ অন্ধকার গুপ্ত কক্ষে কি যেন একটা গুপ্ত মন্ত্রণা চলিয়াছে, তার ফিস্ফাস্ ফুস্ফাস্ শব্দ ভূতের নিশ্বাসের মতো গায়ে আসিয়া লাগিল * * * যেন একটা ষড়যন্ত্র চলিতেছে * * * হঠাৎ একটা বিকট-আকৃতি লোক একখানা ধারালো চক্চকে ছোরা-হাতে সামনে দিয়া চলিয়া গেল, * * * একটা ক্ষুদ্র ঘরের জানলার ধারে এক পরম রূপসী হতাশ মনে আকাশ পানে চাইয়া বসিয়া আছে * * * হঠাৎ সে চাতপুষ্পের মতো চলিয়া পড়িল, তার সর্বাঙ্গের সোনালী আভা একেবারে নীল হইয়া গেল * * * নর্তকীদের পায়ের ঘুড়ুরের ঝুম্ঝুম্ আওয়াজের সঙ্গে, মদের পেয়ালার ঠুনঠান্, সারেঙের ছড়ির মিঠা টানের একটা জটলা কানে আসিয়া লাগিল * * * আতর-গোলাপের গন্ধের সঙ্গে মদের গন্ধের একটা হালকা নাকের সামনে দিয়া চকিতের মধ্যে রহিয়া গেল * * * হাসির একটা তুফান * * * আবার একটা মর্মভেদী করুণ দীর্ঘশ্বাসের বড় * * * ঐ না-কার নেশায় বিহ্বল জড়িত কণ্ঠের অক্ষুট গুঞ্জন * * * ও কি, ও কার অফুরন্ত করুণ আর্তনাদ * * *

হঠাৎ সব নিস্তব্ধ। সারেঙের তার খুব উচু পর্দায় উঠিয়া যেন ছিঁড়িয়া গেল। অমনি গান বন্ধ, ঘুড়ুরের আওয়াজ স্তব্ধ * * * গুপ্তকক্ষের কপাট সশব্দে বন্ধ হইয়া গেল * * * বেগম-মহলের জানলায় জানলায়

শত শত জলজলে আঁধি ক্ষণেকের জন্ত
একটা ভয়মিশ্রিত কোতূহল-দৃষ্টি হানিয়া
একেবারে নিশ্চল হইয়া কোথায় লুকাইয়া
পড়িল * * * ঘরে ঘরে জানলা-কপাট বন্ধ।
বাদশাহ, বেগম, তাঁহাদের পুত্রকন্যা, কিস্কর-
কিস্করী কে যে কোথায় গেল আর সন্ধান
মিলিল না * * * একটা প্রকাণ্ড ঘূর্ণি-ধোঁয়ায়
সমস্ত ছাইয়া গেল। তখন চারিদিক কেবল
কালো কষ্টি পাথরের মতন অন্ধকার।
সেই অন্ধকার-পাথরের ধাক্কায় ধাক্কায়
মধুরসিংহাসন চূর্ণবিচূর্ণ হইয়া গেল।
গগনস্পর্শী প্রাসাদশিখর মাটির উপর
ভাঙিয়া পড়িল, সূদৃঢ় দুর্গপ্রাচীরে বড়-বড়
ফাট ধরিল, হীরেজহরৎ মণিমাণিক্য
এবং সমস্ত আসবাবপত্র যেন একটা প্রকাণ্ড
হামান-দিস্তায় পড়িয়া গুঁড়া হইতে লাগিল
—তারই খুলায় চারিদিকের অন্ধকার আরো
ঘনাইয়া আসিল। * * * * *

আমি চোখে অন্ধকার দেখিয়া প্রায়
মূর্ছা গিয়াছিলাম। হঠাৎ শ্রীশের কণ্ঠ
শুনলাম। সে বলিয়া উঠিল—“তুমি অমন
করে শূন্য-দেয়ালের দিকে একদৃষ্টে চেয়ে
কি দেখছ?”

আমি হাঁপ ছাড়িয়া বলিয়া উঠিলাম—
“চল, চল, এখান থেকে পলাই!”

সে বলিল—“কেন!”

আমি বলিলাম—“ভূতের এই উৎপাতে
মানুষ এখানে টিকতে পারে!”

শ্রীশ বলিল—“এই দিনশুপুরে তুমি
ভূত দেখলে কোথায়!”

আমি বলিলাম—“কোথায় নয়!—চারি-
দিকে কেবল মামদো ভূত গিস্গিস্

করছে। এখানকার মাটি থেকে দেয়াল
কড়িকাঠ পর্যন্ত সব ভূতঘোনি প্রাপ্ত হয়ে
রয়েছে! এ কি আর সেই আসল
জিনিস আছে?”

শ্রীশ হাসিতে লাগিল।

আমি বলিলাম—“হাসচ বটে, কিন্তু
জাননা, এ সব বাদশাহী ভূত! এদের
খেয়ালের কথা বলা যায় না।—আমাদের
নিয়ে এমন রসিকতা করতে পারে যে—”

শ্রীশ আমার কথায় কান না দিয়া
একজন গাইডের সঙ্গে কি-একটা তর্ক
জুড়িয়া দিল। আমি উস্খুস্ করিতেছি
দেখিয়া সে আমার পানে চাহিয়া বলিল
—“খবরদার, এ দুর্গ থেকে একলা বেরোবার
চেষ্টা কোরো না—এমন গোলকধাঁধার
মধ্যে গিয়ে পড়বে যে আর পথ খুঁজে
পাবে না।”

আমার শরীরের সমস্ত রক্ত চন্‌চন্‌
করিয়া মাথায় উঠিল। আমার হাত-পা
একেবারে অবশ হইয়া আসিল। * * *
আমি প্রাণপণশক্তিতে দৌড় দিলাম।
দৌড়িতে দৌড়িতে হঠাৎ দেখি একটা
সুড়ঙ্গের মধ্যে আসিয়া পড়িয়াছি। চারিদিক
অন্ধকার। সামনের দিকে চলিলে পথ
পাই, কিন্তু ফিরিতে গেলেই দেখি পিছনের
পথ কালো পাথরের দেয়ালে বন্ধ।
সর্কনাশ! কি করি, সামনে চলিতে লাগি-
লাম—কিন্তু পথ ফুরায় না, চলিতে-চলিতে
পা অসাড় হইয়া গেল, বসিয়া পড়িলাম,
যেমন বসা অমনি সামনে একটা পাথরের
দেয়াল পড়িল। হাত বাড়াইয়া দেখি সামনে
দেয়াল, পিছনে দেয়াল, পাশে দেয়াল,

মাথার উপর দেয়াল ;—দেয়ালগুলো ক্রমেই কাছ-ঘেসিয়া আসিতে লাগিল ;—ঘাড় উচু করিলে মাথায় ঠেকে, পাশ ফিরিলে গায়ে ঠেকে । এ কি আমার জীবন্ত সমাধি হইল নাকি ! * * * * *

বাড়ি ফিরিয়া বৈকালিক জলযোগের পর শ্রীশ বলিল—“চল তাজ দেখিতে যাই !”

আমি বলিলাম—“না !”

শ্রীশ অবাক হইয়া বলিল—“সে কি !”

আমি জোর করিয়া বলিলাম—“না, আমি যাবো না !”

সে বলিল—“তবে চল ইংমৎদৌল্লা !”

আমি বলিলাম—“না !”

—“সেকেন্দ্রা ?”

—“না !”

—“তবে চল যমুনার ধারে ঠাণ্ডা বাতাসে তোমায় বেড়িয়ে নিয়ে আসি !”

আমি এ-কথার কোনো উত্তরই দিলাম না।

অগত্যা শ্রীশ একলা বাহির হইয়া গেল। আগ্রা দেখা শেষ করিয়া আসিয়া বলিল—“এবার কোথায় যাবে ?”

আমি বলিলাম—“বাড়ি !”

সে বলিল—“দূর পাগল ! বাড়ি যাবে কি ! চল দিল্লী যাই !”

—“সেখানে কি আছে ?”

—“দিল্লী দুর্গ !”

আমি বলিলাম—“তবে আমি নাই !”

—“আচ্ছা বেশ, দুর্গ নয় দেখ, জুম্মা আছে, কুতুব-মিনার আছে ছমাযুন-কবর আছে।”

আমি কবরের নামেই বলিয়া উঠিলাম—“না না, সে-সব হবেনা।”

এমমিতর তর্ক করিতে করিতে ট্রেনের সময় বহিয়া যাইতে লাগিল। শ্রীশ রাগিয়া উঠিয়া বলিল—“তবে কোথায় যেতে চাও ঠিক করে বল।”

আমি বলিলাম—“দেশ-দেখার সখ আমার মিটেছে ; এখন ঘরের ছেলে ঘরে চল।”

শ্রীশ খানিকক্ষণ গৌঁ হইয়া রহিল। চুপ করিয়া কি ভাবিল তারপর বলিল—“তবে চল জয়পুর যাই।”

—“সেখানে কি আছে ?”

—“গুনেছি সহরটি দেখতে খুব ভালো।”

—“প্রাচীন ধ্বংসাবশেষ অর্থাৎ সে সহর মরে ভূত হয়ে নেই ত ?”

—“না হে না।”

—“নবাবদের হানা বাড়ি ?”

—“আরে না না, সে সব নেই। তোমার পক্ষে খুব safe place।”

আমি বলিলাম—“ঠিক বলছ ?”

শ্রীশ আমার গায়ে হাত দিয়া শপথ করিল।

ট্রেন ছাড়িবার অল্পমাত্র বাকি; আর হাঁ-না করিবার বেশি সময় নাই, শ্রীশের কথার ঘূর্ণিপাকে পড়িয়া আমি রাজি হইয়া গেলাম।

গাড়ি ছাড়িলে আমার হঠাৎ মনে পড়িল অম্বরের কথা। আমি বলিলাম—“শ্রীশ, রাস্কেল, মিথ্যাবাদী ! জয়পুর তোমার safe place ?”

শ্রীশ অবাক হইয়া বলিল—“কেন ?”

—“কেন? অঘরের প্রাসাদ!—সেটা কি? সেটা ত একটা আস্ত ভূতুড়ে বাড়ি!”

শ্রীশ বলিল—“তোমার ভয় নেই, সেখানে তোমায় নিয়ে যাবোনা—জয়পুর সহর থেকে সে অনেক দূর!”

জয়পুর স্টেশনে যখন ট্রেন আসিয়া থামিল তখন রাত্রি বারোটা বাজিয়া গেছে। কুলির মাথায় মোট চাপাইয়া প্ল্যাটফর্ম হইতে বাহির হইতেছি কুলি বলিল—“কোথায় যাবেন বাবু?”

আমরা বলিলাম—“সহরে!”

সে বলিল—“সহরের ফটক বন্ধ, ঢোকবার যো নাই!”

শ্রীশ ও আমি মুখ চাওয়া-চাওয়ি করিতে লাগিলাম। শ্রীশ বলিল—“তবে চল ওয়েটিং রুম!”

ওয়েটিং রুমে জিনিষপত্র নামাইয়া সব-মাত্র বসিয়াছি, স্টেশন মাষ্টার আসিয়া বলিল—“এখানে আপনাদের থাকতে দিতে পারি না। রাত্রে আর ট্রেন নেই—এখনি স্টেশন বন্ধ করে আমরা সব চলে যাবো!”

শ্রীশ বলিল—“তা যান না। আমাদের বিরক্ত করেন কেন?”

স্টেশন মাষ্টার বলিল—“আপনাদের এখানে থাকতে দেব না।”

শ্রীশ ক্রুদ্ধ হইয়া বলিল—“সে কি রকম কথা! আমরা দ্বিতীয় শ্রেণীর যাত্রী, জানেন!”

স্টেশন মাষ্টার বলিল—“তা জানি। কিন্তু আপনাদের safetyর জন্তে আমি responsible হ’তে পারব না।”

শ্রীশ বলিল—“আমরা কি booked

luggage যে আমরা আপনার safe custodyতে থাকবার দাবী করছি!”

সে বলিল—“ও! ব্যাপারটা আপনারা জানেন না দেখচি। সপ্তাহখানেক হল এই ওয়েটিং রুমে একটা খুন হয়ে গেছে। একটা passenger এসে রাত্রে এইখানে আশ্রয় নিয়েছিলেন, সেই রাত্রেই তিনি খুন হন, তাঁর identification হয়নি—কারণ তাঁর মাথা পাওয়া যায়নি।”

শ্রীশ বলিল—“আশা করি, তাঁর মাথা আমাদের ঘাড়ে এসে চেপেছে বলে আপনি সন্দেহ করছেন না।”

স্টেশন মাষ্টার একটু হাসিয়া বলিল—“সে সন্দেহ করছি না বটে কিন্তু আপনাদের নিজের মাথা বখাস্থানে থাকে কিনা এই সন্দেহ প্রবল হয়ে উঠছে।”

শ্রীশ বলিল—“তাহ’লে কি আপনার এই প্রস্তাব যে আমাদের মাথা-দুটো আপনার Iron safeএ আপাতত গচ্ছিত রাখা হোক।”

মাষ্টার বলিল—“ঠাট্টা রাখুন মশায়, ব্যাপার বড় serious।”

শ্রীশ বলিল—“আপনি নিশ্চিত মনে ঘরে যান, আমাদের মাথার জন্তে আপনার মাথাব্যথার কোনো দরকার নেই।”

—“তা হ’ল মশায় আমার ঘাড়ে কোনো দায় রইল না।”

শ্রীশ নিজের মাথায় হাত দিয়া বলিল—“আমাদের মাথার দায় আমাদের ঘাড়েই আছে, আপনার ঘাড়ে নিশ্চয় নেই—এ ত স্পষ্টই দেখতে পাচ্ছেন।”

—“যা ভালো বোঝেন করুন। মোট কথা রাত্রে খুব সাবধানে থাকবেন।”

শ্রীশ . মাথা নত করিয়া বলিল—
“ধন্যবাদ ।”

শ্রীশ ও ষ্টেশন মাষ্টারের কথোপকথনে
“মাথা” . কথাটা বার বার আমার কানে
অসিয়া লাগিয়া আমার . মাথার ভিতর
কেমন যেন একটা জটলা পাকাইয়া তুলিল ।
যে কথাই ভাবিতে যাই তার মধ্যে যেমন
করিয়াই হোক ‘মাথা’ কথাটা ঢুকিয়া
পড়ে ।

শ্রীশ বলিল—“রাত্রি অনেক হয়েছে,
নাও কাপড়-চোপড় ছেড়ে শুয়ে পড় ।”

আমি ভয়ানক শীতকাতুরে । গায়ে আমার
প্রকাণ্ড একটা ওভার-কোট ছিল, তবু
আমার ভিতরের হাড়শুক কাপিতেছিল ।
আমি বলিলাম—“জামা কাপড় আমি
ছাড়ছি না, এই সবশুক শুয়ে পড়ব ।”

শ্রীশ ওভারকোটটা খুলিতে খুলিতে
বলিতে লাগিল—“বাবা ! ঐ গাধার বোঝা
পিঠে নিয়ে তুমি ঘুমবে কেমন করে ?”

তারপর শ্রীশ আর দ্বিকুক্তি করিল না।
যেমন বিছানায় পড়া অমনি ঘুম । আমি ছবার
শ্রীশ শ্রীশ করিয়া ডাক দিলাম, কোনো সাড়া
পাওয়া গেল না । আমি তখন গায়ের
কম্বলটা মাথা অবধি মুড়ি দিয়া পাশ ফিরিয়া
শুইলাম । সমস্ত শরীরটা গরম হইয়া উঠিয়া
বেশ-একটু আরাম করিতে লাগিল । চোখে
তন্দ্রার আবেশ আসিয়া জড়াইয়া ধরিল, আমি
ঘুমাইয়া পড়িলাম ।

কতক্ষণ ঘুমাইয়াছি জানি না, হঠাৎ আমার
ঘুম ভাঙিয়া গেল । ঘুম ভাঙিবার কারণটা
ঠিক বুঝিতে পারিলাম না । মনে হইল
কে যেন আসিয়া ঘুম ভাঙাইয়া দিয়াছে ।

কম্বলটা দেখি মাথা হইতে সরিয়া পড়িয়াছে ।
দূরে একটা কোণে হারিকেন লণ্ঠনটা
জলিতেছিল বটে কিন্তু তার চিমনির
উপরকার ধোঁয়া ও ধূলা ছাঁকিয়া . যে আলো
বাহির হইতেছিল তাহা অত্যন্ত ঘোলাটে ।
চারিদিক হইতে ঘোর অন্ধকার ঘরের মধ্যে
ভিড় করিয়া ঠেলাঠেলি করিতেছিল ।
লণ্ঠনের ক্ষীণ আলো সেই জমাট অন্ধকারের
গায়ে সামান্য একটু আভা ফেলিতেছিল
মাত্র, তার গভীরতা ভেদ করিতে পারিতে
ছিল না,—তার কঠিন গায়ে লাগিয়া আলোর
তীরগুলো প্রতিহত হইয়া যেন লজ্জায় ম্লান
হইয়া পড়িতেছিল ।

শ্রীশকে ঠিক দেখিতে পাইতেছিলাম
না,—কোথায় সে শুইয়া আছে তারই একটা
আন্দাজ পাইতেছিলাম মাত্র । আমাদের
জিনিসপত্রগুলো কালো-কালো ছোটো-ছোটো
টিবির মতন চারিদিকে ছড়াইয়া ছিল ।
কোথায় এক-জায়গায় আমাদের একটা পুঁটলী
হইতে একটু সাদা কাপড়ের অংশ বাহির
হইয়া পড়িয়াছিল । মনে হইল যেন ঐ
অন্ধকারটা তার সাদা দাঁতের পাটি বাহির
বপায় ক্রুটি করিতেছে । আমার মাথাটা বঁা
করিয়া উঠিল । চোখে অন্ধকার দেখিলাম ।
তাড়াতাড়ি কম্বলটা মাথা অবধি টানিয়া
চোখ বুজিয়া অসাড় হইয়া পড়িয়া রহিলাম ।
ভয়ানক গরম বোধ হইতে লাগিল । কপালে
ফোঁটা ফোঁটা ঘাম দেখা দিল । মাথা অবধি
কম্বলমুড়ি অঁসহ হইয়া উঠিল । আমি
সেটা টানিয়া ফেলিয়া দিলাম । দেখি
চারিদিকে অন্ধকারের খেলা জমিয়া উঠিয়াছে ।
কোনোখানটা ঘোর জমাট, কোনোখানটা

পাতলা। কোথাও পাথরের মতন কঠিন ভারি, কোথাও মেঘপুঞ্জের মতো হালকা ফুরফুরে। কোনোজায়গা কালির মত দিশ-কালো, কোনো জায়গা ছাইয়ের মত ফিকে—পাঙাস। চারিদিকে কেবল কালো রঙের নানা স্তর—নানা বৈচিত্র্য। ঘরের মধ্যে যে-সব জিনিস ছড়ানো আছে, সেগুলোকে আর জিনিস বলিয়া মনে হয় না, সেগুলো যেন অন্ধকারের সব কাচ্ছা-বাচ্ছা। উপরে কড়িকাঠের দিকে চাহিয়া দেখি যে কয়েকটা অন্ধকার-জীব বিচ্ছিন্না পাতিয়া ছেলেপুলে লইয়া গুইয়া আছে। দেয়ালের দিকে দেখি তার গায়ে বড়-ছোটো নানা-রকমের সব নির্জীব পোকামাকড় লাগিয়া আছে। এ যেন অন্ধকারের রাজত্ব—এখানে যেন রক্তমাংসের কোনো সম্পর্ক নাই। * * *

ইথাৎ দেখি চেয়ারের উপর একটা লোক অলসভাবে বসিয়া আছে—তার হাত-দুটো চেয়ারের দুপাশে ঝাতুপি মতো ঝুলিতেছে। একবার মনে হইল বুঝি শ্রীশ চেয়ারে বসিয়া ঘুমাইয়া পড়িয়াছে। আমি ডাকিলাম—শ্রীশ! কোনো উত্তর পাইলাম না। কেমন সন্দেহ হইল। খুব ভালো করিয়া দেখিতে লাগিলাম। দেখিতে দেখিতে দেখি—এ কি লোকটার মাথা নাই যে! কাঁধ অবধি শরীরটা গিয়া—ব্যস, সেইখানেই একেবারে শেষ হইয়া গেছে। আমার সমস্ত শরীর ঝিম্ ঝিম্ করিতে লাগিল—আমি তাড়াতাড়ি কঞ্চলটা মাথা অবধি টানিয়া চোখ বুজিয়া রহিলাম। * * *

মনে হইল লোকটা চেয়ার ছাড়িয়া উঠিয়া দাঁড়াইয়াছে—যেন আমার দিকে

আসিতেছে। আমার সমস্ত শরীর গুটাইয়া একেবারে কুণ্ডলী পাকুইয়া গেল। আমার শিরেরে দাঁড়াইয়া কে একটা প্রকাণ্ড দীর্ঘশ্বাস ছাড়িল। সে নিশ্বাসের বাতাস কী ভয়ঙ্কর ঠাণ্ডা! কঞ্চল ফুঁড়িয়া আমার ভিতরের হাড় ঠক্ঠক্ করিয়া কাঁপাইতে লাগিল। লোকটা সাপের নিশ্বাসের মতো হিস্ হিস্ করিয়া বলিয়া উঠিল—“আমার মাথা কৈ? —আমার মাথা!” * * *

মনে হইল যেন একখানা হাত আমার মাথাটাকে পরীক্ষা করিতেছে—এদিক-ওদিক ঘুরাইয়া ফিরাইয়া দেখিতেছে। আমি চীৎকার করিয়া উঠিলাম। গলা হইতে কোনো স্বর বাহির হইল না। এমন অসাড় হইয়া গেলাম যে বোধ হইল যেন আমার বুকের কাঁপুনি-পর্যন্ত থামিয়া গেছে। তখন আড়ষ্ট হইয়া দেখিতে লাগিলাম দুখানা হাত কেবল চারিদিক খুঁজিয়া বেড়াইতেছে আর একটা অক্ষুট শব্দ উঠিতেছে—মাথা কৈ? মাথা কৈ? * * *

ঢং ঢং শব্দে সমস্ত দিক কাঁপাইয়া ঘণ্টা বাজিয়া উঠিল। কঞ্চল ফুঁড়িয়া একটা আলোর রেখা আমার চোখের পাতায় আসিয়া লাগিল। ওয়েটিং রুমের বাহিরে একটা কলরব উঠিয়াছে। শ্রীশ আমার নাম ধরিয়া অনবরত চীৎকার করিতেছে—“ওঠ, ওঠ, বেলা হল।”

আমি কঞ্চল হইতে এতটুকু মুখ বাহির করিয়া চাহিলাম। ঘরের দরজা জানলা তখনো বন্ধ, এতবারের অসমাত্র আলো দেখা দিয়াছে। সেই আলো-আঁধারের মধ্যে দেখিলাম শ্রীশ চেয়ারখানার সামনে দাঁড়াইয়া

আছে। তার দিকে চাহিতেই মনে হইল
রাত্রের সেই কন্ধকাটা লোকটা যেন শ্রীশের
গায়ের কাছে আসিয়া মিলাইয়া গেল।

আমি চোখ বুজিয়া ফেলিলাম। তার পর দেখি
শ্রীশ ওভারকোট আঁটিয়া আমার ঘুম ভাঙাইবার
জন্ত ঠেলাঠেলি করিতেছে। * * *

শ্রীমণিলাল গঙ্গোপাধ্যায়।

বাদশাহ আকবরের নিরক্ষরতা.

কিছুদিন হইতে, বাদশাহ আকবর
নিরক্ষর ছিলেন কিনা—এই সম্বন্ধে বঙ্গীয়
লেখকগণের মধ্যে বাদানুবাদ চলিতেছে।
ইউরোপীয় ঐতিহাসিকগণ এ-বিষয়ে একরূপ
স্থিরসিদ্ধান্তে উপনীত হইয়াছেন। আবহমান
কাল হইতে আমাদের দেশেও প্রচলিত
কথা এই যে আকবর নিরক্ষর ছিলেন।
শ্রদ্ধেয় বন্ধু ফার্সিভাষাভিজ্ঞ শ্রীযুক্ত • কুমার
নরেন্দ্রনাথ লাহা-মহাশয় তাঁহার পুস্তকে
চিরাচরিত এই অপবাদ দূরীকরণের প্রয়াস
পাইয়াছেন। কিন্তু, এই বিষয়ে গভীর গবেষণা-
প্রস্তুত অনেক প্রমাণ প্রয়োগ করিলেও
আমাদের ঠিক মনে হয় না যে, তিনি এই
বিষয়টী প্রমাণিত করিতে সমর্থ হইয়াছেন।
সম্প্রতি এই বিষয়ে কিছু কিছু বিরুদ্ধ প্রমাণ
শ্রীমান্ ব্রজেন্দ্রনাথ বন্দোপাধ্যায় সংগ্রহ করিয়া
কুমার নরেন্দ্রনাথের প্রমাণাবলী ভ্রান্ত
প্রতিপন্ন করিয়াছেন। কিন্তু, আমার মনে
হয়, বিচারযোগ্য এই ঘটনা-সম্বন্ধে তাঁহার
উভয়ে বহু ফার্সী ও আরবী-গ্রন্থের প্রমাণ
প্রয়োগ করিলেও গৃহসম্মিকটস্থ বিবেচনাযোগ্য
ও একহিসাবে ভ্রান্ত একটী প্রমাণের
সাহায্যগ্রহণ করেন নাই। আমরা কুমার
নরেন্দ্রনাথের দৃষ্টি আকর্ষণের জন্ত সেই

প্রমাণটী ক্ষুদ্র প্রবন্ধাকারে এই স্থানে
সন্নিবেশিত করিলাম।

বাঁকিপুর খুদাবক্স লাইব্রেরীর ফার্সি ও
আরবী পাণ্ডুলিপি সমূহের কথা বঙ্গীয়
পাঠকগণ অনবগত নহেন। এই পাঠাগারের
হুইখানি পুস্তকের কথা এই প্রসঙ্গে সমধিক
উল্লেখযোগ্য।

প্রথম দিওয়ান-ই-হাফিজ্—এখানি সিরাজ
শহরের সুবিখ্যাত কবি হাফিজের তাঁবুপ্রধান
গীতিকবিতা সমষ্টির পুঁথি। এই পুঁথি-
(বা হস্তলিখিত পুস্তক) খানি পাঠাগারের
একটী অমূল্য রত্ন। হুমায়ুন ও জাহাঙ্গীর
বাদশাহদ্বয়ের সাক্ষর, অর্থবোধাত্মক
চিহ্ন ও কথা প্রভৃতিদ্বারা অনেক পৃষ্ঠা
সুস্ফাভিত। এই পুস্তকখানি যে হুমায়ুন ও
তাঁহার পরবর্তী বাদশাহগণের “সঙ্গের সঙ্গী”
ছিল তাহার ষাথেষ্ট প্রমাণ পাওয়া যায়।
কিন্তু ইহাতে হুমায়ুন ও জাহাঙ্গীরের হাতের
লেখা থাকিলেও, আকবরের সাক্ষর বা
হস্তলিপি দৃষ্ট হয় না। পুঁথিখানি-সম্বন্ধে
একটী কথা উল্লেখ করা আবশ্যিক।

মুসলমানগণ কুরাণ ও হাফিজের কবিতা-
দৃষ্টে অনেকসময় অদৃষ্টের ফলাফল বিচার
করিতেন। রোমক ও আরবজাতির




বাদশাহ আকবর

মধ্যেও এই প্রথা প্রচলিত ছিল। যদিও অদৃষ্টের ফলাফল বিচার অনেক মুসলমান দূষণীয় মনে করেন, তথাপি একপ বিচারে ত্রুটি লোকের সংখ্যাও কম ছিলনা। বিভিন্ন প্রকারে এই ফলাফল নিরূপিত হইত। পুস্তকখানি খুলিয়া প্রথমে যে কবিতার প্রতি চোখ পড়িত তাহার মর্ম হইতেই আরক বা অভীষ্ট কার্যে সিদ্ধিলাভ ঘটবে কি বিফল-মনোরথ হইতে হইবে তাহা প্রণিধান করা হইত। হাকিজের এই পুঁথিখানি এইজন্ত বাদশাহ হুমায়ুন ব্যবহার করিতেন এবং আবশ্যকমত পার্শ্বে (মাজিনে) মন্তব্য লিখিয়া রাখিতেন। জাহাঙ্গীরেরও বহুমন্তব্য এই পুঁথিখানির অনেকস্থানে দৃষ্ট

হয়। বাদশাহ আকবরের রাজত্বের শেষভাগে মানসিংহ যখন চক্রান্ত করিয়া সেলিমের সিংহাসনাধিরোহণের অন্তরায় হইতেছিলেন, তখন সেলিম এই পুঁথিখানি খুলিয়া নিজ অদৃষ্টের ফলাফল বিচার করিয়াছিলেন। শাহজাহান পুত্র দারাশুকোও এই পুঁথির কথা উল্লেখ করিয়াছেন। শুভ্রা হুমায়ুন হইতে দারাশুকো পর্যন্ত সকলেই এই পুস্তকখানি যে (“Heirloom”) কুলক্রমাগত পুস্তকরূপে ব্যবহার করিতেন তাহা মনে করা

হইতে পারে। কিন্তু এইরূপ পুঁথিতেও আকবরের কোন সাক্ষর বা লিপি নাই। দ্বিতীয় আর একখানি পুঁথির অলোচনা করা যাউক। ইহা “দিওয়ান-ই-মিজা কামরান”। এই বহুমূল্যবান ও অদ্বিতীয় পুঁথিখানির স্বত্বাধিকারী ছিলেন হুমায়ুন-লাতা কামরান। ইহাতে জাহাঙ্গীর ও শাহজাহানের সাক্ষর এবং আকবর, জাহাঙ্গীর ও শাহজাহানের দরবারস্থ অনেক ওমরাহ ও কর্মচারীদের সাক্ষর ও মোহর রহিয়াছে। কামরানের জীবদ্দশায়ই এই পুঁথিখানি যে লিখিত হইয়াছিল গ্রন্থমধ্যে তাহারও প্রমাণ পাওয়া যায়।

এক পৃষ্ঠায় রহিয়াছে (ইহার প্রতিলিপি



জাহাঙ্গীর ও শাহজাহানের হস্তাক্ষর

আমরা নিয়ে প্রদান করিলাম), “ঈশ্বর সর্ব-
শক্তিমান। এই দিওয়ান আমার পূজাপাদ
পিতৃদেবের খুল্লতাত মির্জা কামরানের
ইহা আমার হস্তাক্ষর। নুরুদ্দিন মুহম্মদ
জাহাঙ্গীর শাহ আকবর। রাজত্বের বিংশ
বৎসর, হিজিরা ১০৩৪।”

ইহা বাদশাহ জাহাঙ্গীরের হস্তাক্ষর।

ঐ পৃষ্ঠায়ই বাদশাহ শাহজাহান-লিখিত
নিম্নোক্ত মন্তব্য ও সাক্ষর দৃষ্ট হয়—

“ভগবানকে ধন্যবাদ যিনি এই দাসের
নিকট এই পুস্তক প্রচারিত করিয়াছেন।
আকবর বাদশাহের পুত্র জাহাঙ্গীর, জাহাঙ্গীর
বাদশাহের পুত্র শাহজাহান।”

এস্থলে উল্লিখিত হইতে পারে যে ১০২৫
হিজিরায় (১৬১৬ খৃষ্টাব্দে) জাহাঙ্গীর প্রিয়

পুত্র সুলতান খুর্রমকে শাহ খুর্রম উপাধিতে
ভূষিত করিয়া, দাক্ষিণাত্যজয়ে প্রেরণ করেন।
দাক্ষিণাত্য-বিজয়ের পরে রাজকুমার খুর্রম
বুহানপুর হইতে নাগুতে অবস্থিত বাদশাহ
জাহাঙ্গীরকে সম্মান প্রদর্শনার্থ আগমন করেন
(হিজিরা ১০২৬ = খৃষ্টাব্দ ১৬১৭) এবং

দাক্ষিণাত্য-বিজয়ের পুরস্কারস্বরূপ রাজ-
কুমারকে শাহজাহান উপাধিভূষিত করেন।
খুর্রমই যে তখন বাদশাহের প্রিয়পাত্র
ছিলেন তাহা দিওয়ান-ই-হাফিজের
পূর্বোল্লিখিত পাণ্ডুলিখিতে জাহাঙ্গীর যে
নিম্নোক্ত মন্তব্য লিপিবদ্ধ করিয়াছিলেন তাহা
হইতেই প্রতীয়মান হয় :—

“বৃহস্পতিবার, আমার রাজত্বের দ্বাদশ
বৎসরে মান্দুর্গে সাক্ষাৎ হয়। পঞ্চদশ

মাস ও একাদশ দিবসের অধিককাল আমরা পৃথক ছিলাম। নমস্কার ও চুম্বন আচার প্রতিপালিত হইলে আমি পুত্রকে আলিন্দের উপরে আহ্বান করিলাম এবং অত্যধিক স্নেহ ও আগ্রহাতিশয্যে আমি তৎক্ষণাৎ আসন পরিত্যাগ করিয়া তাঁহাকে স্নেহপাশে আবদ্ধ করিলাম। তাঁহার ৭তই সম্মান ও দৈত্বের জ্যোতি বৃদ্ধি পাইতেছিল, আমারও অনুগ্রহ ও স্নেহ তদ্রূপ বৃদ্ধি পাইতেছিল

এবং আমার সন্নিহিতে উপবেশনার্থ তাঁহাকে আদেশ করিলাম।”

অপর যে চিত্রখানি আমরা হাফিজ হইতে প্রদান করিলাম তাহাতে বাদশাহ হুমায়ুন ও জাহাঙ্গীরের স্বহস্ত-লিখিত মন্তব্য ও সাক্ষর আছে। আমরা বাদশাহের চিত্রোল্লিখিত লিপির মর্ম নিয়ে প্রদান করিতেছি। প্রথমাংশ হুমায়ুন-বাদশাহের—“হাফিজের দিওয়ান অনুসন্ধান



হুমায়ুন ও জাহাঙ্গীরের হস্তলিপি

করিয়া আমি এতগুলি শুভদায়ক চিহ্ন পাইলাম যে এগুলি..বিস্তৃতভাবে উল্লেখ করিতে হইলে একখানি পুস্তক হইবে। ভগবানের ইচ্ছায় পূর্বাঞ্চল ও ঐ প্রদেশস্থ সৈন্যসকল বশীভূত হইলে উপহার প্রদান করা যাইবে এবং এইসকল চিহ্ন ঈশ্বরের অনুগ্রহে ও আদেশে একত্রীভূত করা হইবে। ৬২ হিজরা।” দ্বিতীয়শ জাহাঙ্গীরের লেখা— উহার মন্তব্য এইরূপ :—“আমি রাণার সহিত যুদ্ধার্থে আজমীর গিয়াছিলাম। যুদ্ধকালে গৌরকের কবচ আমার নস্তক হইতে পতিত হয়। আমি দিওয়ান অনুসন্ধান করি এবং তৎপর দিবস কবচটা প্রাপ্ত হই— আকবর-বাদশাহের পুত্র নূরুদ্দিন জাহাঙ্গীর কর্তৃক ১০২৪ হিজরায় লিখিত।”

এই চিত্রখানি কিছু অস্পষ্ট এবং জাহাঙ্গীরের লিপি অধিকতর অস্পষ্ট।

হুমায়ুন, জাহাঙ্গীর ও শাহজাহান—এই তিনজন বাদশাহের হস্তলিপি পাওয়া যাইতেছে। যে ছইখানি পুস্তকের কথা আমরা উপরে উল্লেখ করিয়াছি, সে ছইখানিই যে আকবরের সময়েও ছিল, তাহারও প্রমাণ পাওয়া যাইতেছে। কিন্তু ইহার কোনটীতেই আকবরের লেখা পাওয়া যাইতেছে না। খুদাবক্স লাইব্রেরীর অত্র কোন পুঁথিতেও এ-পর্যন্ত আকবরের লেখা বা সাক্ষর পাওয়া যায় নাই। অত্যাশ্চর্য প্রমাণের সহিত ইহা হইতে মনে করা যাইতে পারে যে, আকবর নিরক্ষর ছিলেন। ভারত-ইতিহাসে অবশ্য একরূপ নিরক্ষরতার দৃষ্টান্ত বিরল নহে।

শ্রীযোগীন্দ্রনাথ সমাদ্দার।

অন্ধকার

ক

জমিদার ভুবন-চৌধুরীর পুত্র নগেন সেদিন একটু বেগা রাতে বাড়ী ফিরল! তাহার মাথার চুল উষ্ণথুষ্ণ, জামার বোতাম-গুলো খোলা, পা-ভট্টো টলমল, কাপড়-চোপড় এলমেল—পিছনের কাছা বেপরোয়্যারূপে অগ্রবর্তী হইয়া সামনের কোঁচাকে স্থানান্তরিত করিয়াছে!

বাড়ীর সকলে ঘুমাইয়া পড়িয়াছে; জাগিয়া আছে শুধু নূতন ব্রাহ্মণী। গিন্নিমার হুকুম, নগেনকে না-খাওয়াইয়া সে যেন

ঘুমাইয়া না-পড়ে। তাহার নাম রাইমণি, বয়সটি কাঁচা।

নগেন এখানে-ওখানে ঠোকর খাইতে-খাইতে দালানে আসিয়া, দেয়াল ধরিয়া দাঁড়াইল; কোনমতে এড়াইয়া-এড়াইয়া বলিল, “খাবার কোথা?”

খাবারের থালা হাতে-করিয়া রাইমণি আস্তে-আস্তে দালানের ভিতরে ঢুকিল। তাহার মুখে ঘোমটা, ভাব-ভঙ্গী সঙ্কুচিত।

রাইমণি আসা-পর্যন্ত নগেনের পিপাসী চোখ শিকারীর দৃষ্টির মত তাহার পিছনে-

পিছনে ঘুরিতেছে। কিন্তু রাইমণি এমনি সাবধানী যে, নগেন কিছুতেই তাহার মুখ দেখিতে পায় নাই! তবে, তাহার সুডৌল গড়ন ও নিটোল হাত-ছথানি দেখিয়াই সে বেশ বুঝিয়া লইয়াছিল, যে, এত সুশ্রী বার দেহ, তার মুখ কখনই বিস্মী নহে!

নগেন দাঁড়াইয়া-দাঁড়াইয়া দেখিল, রাইমণি জলছড়া দিয়া খাবারের খালাখানি মেঝের উপরে রাখিল; তারপর আসনখানি বিছাইয়া ও জলের গেলাসটি আগাইয়া দিয়া এককোণে সরিয়া দাঁড়াইল।

এমন নিঝুম রাতে রাইমণিকে এতটা কাছে নগেন আর-কখনো পায় নাই! তাহার মনে এর আগে একটু-বে ইতস্তত ছিল, আজ নেশার রঙ্গে সেটুকুও ঢাকিয়া গিয়াছে।

রাইমণির দিকে বাঁকা-চোখে একবার চাহিয়া, নগেন আসনের উপরে গিয়া বসিয়া পড়িল; অত্যন্ত উত্তেজনায় তাহার নাকের ডগাটা তখন ফুলিয়া-ফুলিয়া উঠিতেছে!

খানছয়েক লুচি খাইয়া, নগেন বলিল, “একটু নুন দিয়ে যাও ত!”

রাইমণি কুণ্ঠিতভাবে নগেনের সামনে আহিয়া, হেঁট হইয়া খালায় নুন দিতে গেল।

নগেন দেখিল, পাতলা কাপড়ের ঘোমটার ভিতর হইতে রাইমণির ডাগর চোখদুটির আভা ফুটিয়া উঠিতেছে! এবং সেইসঙ্গে মাথা-ঘষা মশলার একটা মিশ্র ও মিষ্ট গন্ধ আসিয়া নগেনের মাতাল প্রাণকে পাগল করিয়া তুলিল,—সে আর আপনাকে সামলাইতে পারিল না—হঠাৎ সমুখদিকে ঝুঁকিয়া এক

টান্ মারিয়া রাইমণির মুখের ঘোমটা খুলিয়া দিল!

“ওগো মাংগো!”—বলিয়া রাইমণি বিছাতাহতের মত “ঘরের মেঝেতে ছম্ড়ি খাইয়া পড়িয়া গেল।

নগেন বলিল, “চুপ, চুপ—চেষ্টাও না, সবাই শুনতে পাবে!”

ঠিক পাশের ঘরেই থাকিতেন, গৃহিণী; সেদিন অসময়ে তাহার ঘুম ভাঙিয়া গিয়াছিল। রাইমণির আর্ন্তস্বর তাহার কাণে ভেজিল। তিনি তাড়াতাড়ি বাহিরে আসিলেন।

দেখিলেন, রাইমণি ছ-হাতে মুখ ঢাকিয়া মেঝের উপরে পড়িয়া আছে আর নগেন ভাবাচ্যাকা খাইয়া খালার সামনে কাঠ হইয়া বসিয়া আছে।

তাঁহার এই গুণধর পুত্রটির স্বভাব-চরিত্রের কথা তিনি বেশ ভালোরকমেই জানিতেন, স্তত্রাং ব্যাপারটা বুঝিতে গৃহিণীর বিলম্ব হইল না। অত্যন্ত বিরক্তির স্বরে তিনি ডাকিলেন, “নগা!”

নগেন একেবারে কেঁচো! একটিও কথা না বলিয়া সেখান হইতে সে স্ফুড়স্ফুড় করিয়া উঠিয়া গেল।

গৃহিণী, রাইমণির গায়ে হাত দিয়া আন্তে-আন্তে ব্যথিত স্বরে বলিলেন, “ওঠ মা, ওঠ! নগার যে এতটা সাহস হবে, আমি তা জানতুম না। জানলে, তার সামনে কি তোমাকে একলা বেরুতে দিতুম?”

খ

সপ্তাহ-খানেক পরে একদিন ছপুরবেলায় রাইমণি, গিল্লীর মাথার পাকচুল তুলিয়া দিতেছিল। এই ব্রাহ্মণ-কণ্ঠাটিকে পাইয়া

গিন্নী যেন র্ত্তিয়া গিয়াছেন; রাইমণি তাঁহাকে মায়ের মত ভক্তি করে, মেয়ের মত যত্ন করে; রান্নাবান্না ও গেরস্থালীর কাজে সে এতটা নিপুণ, যে তাহার হাতে সংসারের সব ভার সঁপিয়া গিন্নী যেন নিশ্চিন্ত হইয়া আছেন।

গিন্নী বলিলেন, “বামুন-মেয়ে, কাল মা তোমাকে একটু সকাল-সকাল উঠতে হবে।”

রাইমণি জিজ্ঞাসা করিল, “কেন মা?”

—“কাল আমাদের গুরুঠাকুর আসবেন। তাঁর জন্তে আলাদা হেঁসেল কেঁড়ে রান্নাবান্না সেরে, তবে আমাদের হাঁড়ি চড়বে। সকাল সকাল উত্থানে আগুণ না-দিলে ওদিকে অনেক বেলা হয়ে যাবে কি না!”

রাইমণি ঘাড় নাড়িয়া বলিল, “আচ্ছা।”

খানিক পরে গিন্নী আবার বলিলেন, “হ্যাঁ মা, রোজই তোমাকে একটা কথা জিজ্ঞেস করব করব ভাবি, তা পোড়া মন এমনি বেতুল যে, রোজই কেমন ভুলে যাই।”

রাইমণি বলিল, “কি কথা মা?”

—“শুনেছি, তোমার স্বামী আছেন। কিন্তু এতদিন এখানে রইলে, কৈ, একখানা চিঠি লিখেও তিনি ত তোমার খোঁজ-খবর নিলেন না!”

চুল ঝাছিতে-ঝাছিতে রাইমণি হঠাৎ খামিয়া পড়িল—তাহার সরল হাসি-হাসি মুখখানি চকিতে যেন একটা কালো ছায়ায় অন্ধকার হইয়া গেল।

গিন্নী তাহার মুখ দেখিতে পাইতেছিলেন না; তাই সহজভাবেই আবার বলিলেন, “চুপ করে রৈলে কেন? বল না!”

রাইমণি জোর-করিয়া কথা কহিল; বলিল, “জানি না!”

—“এখানকার, ঠিকানা তোমার স্বামী জানেন ত?”

—“না। আমি যে এখানে আছি, তাঁও তিনি জানেন না।”

গিন্নী অত্যন্ত আশ্চর্য হইয়া বলিলেন, “সে কি! তোমার স্বামী জানেন না?”

রাইমণি যেন ভাঙ্গিয়া পড়িল; কোন কথা না বলিয়া চুপ-করিয়া সে বসিয়া রহিল।

গিন্নী একটু ভাবিয়া বলিলেন, “হ্যাঁ বামুন-মেয়ে, স্বামীর সঙ্গে কি ঝগড়া করে তুমি এখানে এসেছ?”

রাইমণি কুণ্ঠিতস্বরে সংক্ষিপ্ত উত্তর দিল, “না।”

—“তবে?”

—“তিনি আমাদের নিতে চান না!”

গিন্নী যেন আকাশ থেকে পড়িলেন। বলিলেন, “অ্যা! তোমাকে নিতে চায় না! তোমার এত রূপ, এত গুণ,—তোমাকে নিতে চায় না, কেমন লোক সে?”

রাইমণি পুতুলের মত বোবা ও স্থির হইয়া বসিয়া রহিল। গৃহিণী যদি পিছন ফিরিয়া না থাকিতেন, তবে দেখিতে পাইতেন যে, রাইমণির বড়বড় চোখ ধীরে-ধীরে জলে ভরিয়া উঠিতেছে!

গিন্নী আবার কি জিজ্ঞাসা করিতে বাইতে ছিলেন, হঠাৎ কৰ্ত্তা আসিয়া ঘরে ঢুকিলেন; তাড়াতাড়ি ঘোমটা টানিয়া, সেখান হইতে পলাইয়া, রাইমণি যেন হাঁপ ছাড়িয়া বাঁচিল!

গ

রাইমণি কিন্তু বুঝিল, এমন লুকোচুরি আর বেশীদিন চলিবে না, তাহার সব কথা একদিন-না-একদিন বাহির হইয়া পড়িবেই!

“তার স্বামী? হ্যাঁ, তিনি আছেন বটে, কিন্তু পৃথিবীতে থাকিয়াও তিনি আজ বহুদূরে, বহুদূরে! এ ব্যবধান তাহার নিজের পাপে ঘটে নাই—নিষ্ঠুর নিয়তি আজ তাহার জীবন-দেবতাকে জোষ-করিয়া ছিনাইয়া লইয়া গিয়াছে,—তাহার কাকুতি, তাহার অশ্রু, তাহার বেদনা-ব্যাকুলতা এ চিরবিচ্ছেদকে ঠেকাইয়া রাখিতে পারে নাই! আজ তাহার এ দেহ যেন জীবনহীন যন্ত্রচালিত শবের মত; এ শব কবে কোন্ বাঞ্ছিত মুহূর্তে বৈতরণীর ধরশ্রোতে পড়িয়া পরপারে গিয়া ঠেকিবে—ভগবান জানেন—মনে মনে সে এখন স্তম্ভ সেই কামনাই করিতেছে! সে জানে, এমন মরিয়া বাঁচিয়া কোন লাভ নাই; কিন্তু তর্ভাগ্যের শেষ-সীমায় গিয়াও মানুষ যে মন থেকে আশার ছবি মুছিতে পারে না! নিরাশার মরুভূমির মাঝে পথতারা হইয়াও রাইমণি আজও তাই এই মরণভরা জীবনকে কোনক্রমে কার-ক্লেশে টানিয়া লইয়া চলিয়াছে!

তাহার স্বামী ছিলেন স্নেহময়, প্রেমময়, সজদয়। সেও তাহার স্বামীকে ভালবাসিত সমস্ত জীবন-যৌবন ঢালিয়া। স্বামী বিনা আর কারকে সে চিনিত না, জানিত না। চরিত্রে সীতা-সাবিত্রীর চেয়ে সেও কিছু খাটো ছিল না; কিন্তু যে-আমাদের ধর্ম সীতার পায়ে পুষ্পাঞ্জলি দিয়া তাঁহাকে আকাশে তুলিয়াছে, সেই-আমাদেরই সমাজ

তাঁহাকে আবার পাতালে পাঠাইতে যখন ইতস্তত করে নাই, তখন তুচ্ছ রাইমণির স্তম্ভের মেঘে আশ্রয় লাগিবে না কেন? রাইমণির সজল নেত্রের সস্তম্ভে সমাজের সিংহদ্বার সশব্দে রুদ্ধ হইয়া গিয়াছে, তাহার বুকফাটা কান্নায় এখন দেবতার আসন টলিলেও, সমাজপতির হৃদয় গলিবে না!

রাইমণি কাঁদিতেছে—কাঁদুক; এমন কত রাইমণির নিষ্ফল অশ্রু সমাজের পায়ে নিয়ত ঝরঝর ঝরিতেছে, কে তার খবর রাখে?

ঘ

ভুবন-চৌধুরীর বাড়ীতে আজ সকলেই শশব্যস্ত হইয়া উঠিয়াছে, অনেকদিন পরে গুরুদেব আজ এখানে পায়ের ধূলা দিয়াছেন।

পুরু পশমের আসনে গুরুদেব তাঁহার নধর-নিটোল দেহটি লইয়া রীতিমত জাঁকিয়া বসিয়াছেন। গুরুর সে গুরুভার স্তম্ভপুষ্টি দেহখানিতে ব্রহ্মচর্যের কোন লক্ষণ না থাকিলেও তাঁহার বোঁটাওয়াল বেলের মত ঝাড়া মাথায় দিব্য আধ-হাত টিকি, তেল-চক্চকে কপালে ফোঁটা, খাদ্য নাকে তিলক, গলায় কঙ্কীর মালা, হাতে হরিনামের বুলি ও পরোনে পটুবস্ত্র প্রভৃতি গুরুত্বের গুরুতর মাল-মশলার কিছুমাত্র ক্রটি নাই।

সকলের আগে বাড়ীর কর্তা আসিয়া গুরুদেবের পা ধরিয়া মাটিতে দণ্ডবৎ হইয়া প্রণাম করিলেন। তাঁহার পরে গৃহিণী, পুত্র ও অন্তঃস্থ আত্মীয়-স্বজনের পালা।

তারপর, মাথায় একহাত ঘোমটা টানিয়া রাইমণি আসিয়া সলজ্জভাবে প্রণাম করিল।

গুরুদেবের চক্ষুহুটি এতক্ষণ ভাবভরে ঢুলুঢুলু করিতেছিল; পরের প্রণাম লইয়া-লইয়া তাঁহার শ্রীচরণকমল-হুটি এমনি অসাড় হইয়া গিয়াছিল যে, এতগুলো কৃষ্ণের জীব আসিয়া তাঁহার পা ধরিল। এত যে টানাটানি করিয়া গেল, সেদিকে তাঁহার কিছুমাত্র চৈতন্য ছিল না; কিন্তু, ঘোমটার ভিতর হইতে রাইমণির মুখ দেখিবামাত্র তাঁহার যুমন্ত দৃষ্টি সৃজাগ হইয়া উঠিল।

তাকিয়া ছাড়িয়া, সোজা হইয়া উঠিয়া বসিয়া, কস্তার দিকে চাহিয়া তিনি বলিলেন, “ভুবন, এ মেয়েটি কে?”

কস্তা বলিলেন, “এ মেয়েটি আমার বাড়ীতে রাঁধে।”

—“কৈ, গ্যালবারে যখন এসেছিলুম, তখন ত মেয়েটিকে দেখি-নি!”

—“ও সবে মাসতিনেক এখানে আছে।”

—“মাস তিনেক! তবে কি”—বলিতে বলিতে থামিয়া পড়িয়া, গুরুদেব সন্দিগ্ধ দৃষ্টিতে রাইমণির দিকে চাহিলেন।

রাইমণি তখন অত্যন্ত জড়োসড়ো হইয়া আস্তে আস্তে চলিয়া যাইতেছিল—গুরুদেবকে দেখিয়া সেও যেন কেমন ধতমত থাইয়া গিয়াছিল।

খানিক স্তব্ধ থাকিয়া গুরুদেব আবার জিজ্ঞাসা করিলেন, “মেয়েটির নাম কি?”

—“রাইমণি!”

—“রাইমণি! ও কি তড়-আঁটপুর গাঁ থেকে এসেছে?”

গিন্না একটু আশ্চর্য হইয়া বলিলেন, “হ্যাঁ। কিন্তু ঠাকুর, আপনি জানলেন কি করে?”

সে কথার কোন জবাব না-দিয়া, গুরুদেব হতাশভাবে তাকিয়ার উপরে আঁড় হইয়া পড়িয়া বলিলেন, “ভুবন, এখানে আর আমার দেবতার ভোগ হোতে পারে না—তোমার জাত গিয়েছে!”

গাঁয়ের সমাজপতি ভুবন-চৌধুরী,—যিনি কত লোককে একঘরে করিয়া ‘পত-পত-রবে’ হিন্দুধর্মের জয়ধ্বজা উড়াইয়াছেন, যাহার ভয়ে ছেলে-ছোকরার দল চোরের মত আটবাট না বাঁধিয়া শ্রী-শ্রী রামপক্ষীর বিখ্যাত মাংস ভক্ষণ করিতে পারিত না, যাহার একটু ইঙ্গিতেই ধোপা-নাপিতের অভাবে অনেক অভাগার কাপড় হইয়াছে কয়লার মত ময়লা এবং দাড়ী-গোফ হইয়াছে যাত্রা-থিয়েটারের মুনি-ঋষিদের মত নাভিচূষনোস্তত,—তাঁহারই এত যত্নে বাঁচানো পৈতৃক জাতিটি ধার্মিকা মারা গিয়াছে? গুরুদেব বলেন কি! ‘মেঘনাদ-বধে’র রাবণ যখন ভগ্নদুতের মুখে “নিশার স্বপনসম বারতা” শুনিয়াছিলেন, তখন তিনিও বোধকরি আমাদের ভুবন-চৌধুরীর চেয়ে বেশী আশ্চর্যান্বিত হইবার সুযোগ পান নাই! কস্তা বসিয়াছিলেন, লাফাইয়া উঠিয়া বলিলেন, “প্রভু, এ কি নিদারুণ কথা! আমার জাত গিয়েছে? অ্যা! অ্যা!”

—“হ্যাঁ, তোমার জাত গিয়েছে! এতে আর কোন সন্দেহ নেই।”

—“রাইমণি কি বামুনের মেয়ে নয়?”

—“হ্যাঁ, সে বামুনের মেয়ে।”

ভুবন-চৌধুরী ভুরু কুঁচকাইয়া খানিক ভাবিয়া বলিলেন, “তবে, কি ও কুলত্যাগ করেছে?”

—“না।”

তাইত! ভুবন-চৌধুরী অতিশয় ভয়ঙ্কর সমস্রায় পড়িয়া গেলেন! তিনি জানিলেন না শুনিলেন না—অথচ তাঁহার এত সাধের জাতিটি কোন্ ফাঁকে স্বেচ্ছকপূর্ব্বের মত উবিয়া গেল! অনেক ভাবিয়া-চিন্তিয়া শেষটা তিনি হাল ছাড়িয়া হতাশভাবে বলিলেন, “তবে?”

হরিনামের ঝুলির ভিতরে ঘন-ঘন অঙ্গুলি চালনা করিতে-করিতে গুরুদেব বলিলেন, “শোন বলি। রাইমণির স্বামী আমারই শিষ্য। ওর স্বভাব-চরিত্র খুব ভালো—কারুর দিকে উঁচুনজরে চাইতে ওকে কেউ দেখে-নি। কিন্তু গতজন্মে ও কি পাপ করেছিল জানি না, এ-জন্মে তাই বুঝি তারই শাস্তিভোগ করছে। হরি হে, তোমারি কৃপা!”

ভুবন-চৌধুরী গুরুদেবের এ গোলক-ধাঁধার ভিতরে কিছুতেই ঢুকিতে পারিলেন না, সুধু ফ্যাল-ফ্যাল চোখে হাঁ-কন্দিয়া বসিয়া রহিলেন।

গুরুদেব আবার বলিলেন, “মাস-চারেক হোল, একদিন রাত্রে রাইমণিদের বাড়ীতে হঠাৎ ডাকাত পড়ে। ডাকাতরা যাবার সময়ে রাইমণিকেও ধরে নিয়ে যায়। গাঁয়ের লোকেরা তার চীৎকার আর কান্না শুনেও ডাকাতের ভয়ে কোন উপায়ই করতে পারলেন না। পরে পুলিশ এসে রাইমণিকে খুঁজে বার করলে। গ্রামের বাইরে একটা

জঙ্গলের ভিতরে সে অজ্ঞান হয়ে পড়ে ছিল।”

সকলে স্তম্ভিতভাবে বসিয়া রহিল, কাহারও মুখ দিয়া বাক্যক্ষুণ্ণ হইল না।

ভুবন-চৌধুরীর দিকে চাহিয়া গুরুদেব আবার বলিতে লাগিলেন, “পুলিস-তদারকের পর জনকতক ডাকাত ধরা পড়ল—তাদের কেউ হিন্দু, কেউ মুসলমান। কিন্তু ডাকাত ধরা পড়লে কি হবে—তাদের সংস্পর্শে রাইমণি যে অমূল্য রত্ন হারাল, সে ত আর ফিরে পাবার নয়! স্বামীর পা ধরে সে অনেক কাকুতি-মিনতি, অনেক কান্নাকাটি করলে; বললে সে নিষ্পাপ। ভগবান জানেন, সে কথা সত্য কি মিথ্যা! কিন্তু মানুষের মনের সন্দেহ ত চাপা দেওয়া যায় না। এর জন্তে সীতাকেও অগ্নিপরীক্ষা দিতে হয়েছিল। ওর স্বামীও ওকে আর ধরে ঠাই দিতে পারলে না।”

ভুবন-চৌধুরী বিহ্বলভাবে গুরুদেবের দুই পা ছড়াইয়া ধরিয়া বলিলেন, “ও মাগী নিজের জাত-খুইয়ে কুল-মজিয়ে শেষটা কিনা আমাকে মজাতে এল! আমার কি উপায় হবে প্রভু, আমার কি উপায় হবে?”

গুরুদেব বলিলেন, “ওকে কি তুমি জানতে না?”

—“জানলে কি ওকে ধরে ঠাই দিতুম—ধূলোপায়েই বিদেয় করতুম! ষত নষ্টের গোড়া নাপিতনৌ-মাগী, সেইই জেনে-শুনে ওকে আমার ঘাড়ে গছিয়ে দিয়ে গেছে। ছি, ছি, এ কথা প্রচার হোলে সমাজে আর মুখ দেখাব কেমন করে?”

গুরুদেব তাঁহার গ্যাস-ভরা বেলুনের

মত ফোলা, মোটাসোটা ভুঁড়িটির উপরে হাত বুলাইতে-বুলাইতে জ্ববং হাসিয়া বলিলেন, “ভয় নেই। এ তোমার অজ্ঞানকৃত পাপ। তবে, প্রায়শ্চিত্ত আবশ্যিক। আর রাইমণিকেও এখান থেকে তাড়িয়ে দিতে হবে।”

৬

ঘরের মেঝেতে রাইমণি উপুড় হইয়া পড়িয়া আছে,—তাহার দুইগাল দিয়া ঝর ঝর অশ্রুর ধারা বহিয়া যাইতেছে।

হঠাৎ কে তার পিঠে হাত দিয়া ঠেলিল; চমকিয়া, মুখ তুলিয়া সে দেখিল, ঠিক তার সামনেই নগেন—সন্ধ্যার তরল আঁধারে তাহার চোখদুটো গিরগিটির চোখের মত জ্বলিয়া জ্বলিয়া উঠিতেছে! ভয়ে একটা অক্ষুট আর্তনাদ করিয়া রাইমণি তাড়াতাড়ি উঠিয়া দাঁড়াইল।

নগেন চাপা-গলায় বলিল, “চোঁচিও না—চোঁচিও না! আমি যা বলতে এসেছি, শোন।”

ঘোমটার মুখ ঢাকিয়া, রাইমণি ধর্মধর্ম করিয়া কাঁপিতে লাগিল।

নগেন বলিল, “দেখ, সমাজে কেউ তোমাকে ঠাই দেবে না—যেখানে যাবে সেখান থেকেই তাড়িয়ে দেবে। কিন্তু সমাজ তোমাকে না-চাইলেও আমি তোমাকে ফেলতে পারব না। তুমি যদি আমার সঙ্গে যাও, আমি তোমাকে রাজরাণীর মত রাখব—তোমার কোন অভাব থাকবে না। তোমার ধর্ম ত গিয়েছেই, তবে তুমিই-বা কেন ধর্মকে আঁকড়ে ধরে মিছে পরের লাঞ্ছনা সহ করবে?”

রাইমণি যেমন ছিল, তেমনই দাঁড়াইয়া রহিল, হ্যাঁ না কিছুই বলিল না।

নগেন বুলিল, মৌনই সন্মতির লক্ষণ। সে আশ্বস্তআশ্বস্ত বলিল, “আমি তোমাকে ভালবাস রাইমণি! এত ভালবাসি, যে বলবার নয়। আমি তোমার গোলাম হয়ে থাকব। আজ শেষরাতে খিড়কীর দরজায় আমি তোমার জন্তে অপেক্ষা করব,—তোমাকে অল্প জায়গায় নিয়ে যাবার জন্তে। তুমি কিছু ভেব না, তুমি যা চাইবে তাই পাবে—বাড়ী-ঘর, কাপড়-গয়না, দাসী-বাঁদী! জান ত টাকা আমার হাতের ধূলো।”

হঠাৎ বাহিরে কাহার পদশব্দ হইল। নগেন ব্যস্তভাবে বলিল, “ঐ কে আসছে—আমি চলুম। মনে রেখ—শেষরাতে খিড়কীর দরজায়।”—বলিয়াই, সে তাড়াতাড়ি চলিয়া গেল।

দুইহাতে মুখ ঢাকিয়া রাইমণি সেখানে বিবশ হইয়া বসিয়া পড়িল। ঘরের অন্ধকার ক্রমেই গাঢ় হইয়া উঠিতে লাগিল সেদিন সে ঘরে সন্ধ্যাপ্রদীপ আর জ্বলিল না।

৮

নিঝুম রাত্রি। আকাশ জুড়িয়া দুধের ধারার মত জ্যোৎস্নার রূপের ঢেউ চল্কাইয়া উঠিয়াছে, ভাঙ্গামেঘের ধারেধারে চাঁদের হাসি আলোক-পদ্মের পাপড়ির মত ছড়াইয়া পড়িয়াছে।

চৌধুরী-বাড়ীর দরজা খুলিয়া এই নীরব নিশীথে এক রমণী বাহিরে আসিয়া দাঁড়াইল। তারপর কোনদিকে না চাহিয়া ধীরে-ধীরে একাকিনী চলিতে লাগিল।

ঘুমের কোলে শুইয়া গ্রামখানি নিসাড় হইয়া আছে। তাহারি মাঝখান দিয়া নানা পদচিহ্ন-লেখা আঁকাবাঁকা পথের রেখাটি স্বপ্নের ছবির মত চলিয়া গিয়াছে,—কখনো আলোকে জাগিয়া, কখনো ছায়ায় মিলাইয়া।

রমণী সেই পথ ধরিয়া চলিল—চন্দ্রালোকে সেই শুভ্রবসনা রহস্যময়ী মূর্তি দেখিয়া গেলো কুকুরগুলো ভয় পাইয়া পথ ছাড়িয়া পলাইয়া গেল।

মাঠের ধারে পথের শেষ।—রমণী কিন্তু খামিল না, সেই ধূধু মাঠের ভিতর দিয়াই সে স্বপ্নাবিষ্ট অন্ধের মত সমান অগ্রসর হইতে লাগিল;—দূরে জলাভূমিতে ভৌতিক ব্যাপারের মত আলোয়া নাচিয়া বেড়াইতেছে; আরো-দূরে শ্মশানের চিতার মত কি-একটা আগুন দাউদাউ জলিতেছে;—তার কিন্তু কোনদিকেই ক্রক্ষেপ নাই, সে যেন মরণকে একটুও ডরায় না!

চাঁদ যখন পাণ্ডুমুখে পশ্চিমে নামিতেছে, মাঠ তখন শেষ হইল। সামনেই গভীর অরণ্য, তার মধ্যে পথ নাই আলো নাই শব্দ নাই; শুধু কষ্টিপাথরের চেয়েও কালো,

একটা বিরাট নিস্পন্দ জমাট অন্ধকার, এক অনন্তদেহ পিশাচের মত বিশ্বকে গিলিয়া ফেলিবার জন্ত যেম হাঁ-করিয়া ওৎ পাতিয়া বসিয়া আছে!

হঠাৎ কোন্ দূর কুঞ্জবনে পাপিয়ার ঘুম ভাঙ্গিয়া গেল। চারিদিকের থমথমে স্তব্ধতার মধ্যে পাপিয়ার আকস্মিক গান শুনিয়া রমণীও থমকিয়া দাঁড়াইয়া পড়িল; এতবড় দীর্ঘপথে এই প্রথম সে পিছন ফিরিয়া চাহিয়া দেখিল, চাঁদের অস্তিমহাসি প্রাস্তরের শ্রামলতার উপরে তখনো মুচ্ছিত হইয়া পড়িয়া আছে... .. বিদায়ের মলিন হাসি!... ..

রমণীর বুক ঠেলিয়া একটি চাপা নিশ্বাস উঠিল--সে যেন চুপেচুপে অক্ষুট হাহাকার!... ..

তারপর, সেই চাঁদের আলো, পাপিয়ার গান পিছনে রাখিয়া, রমণী স্নমুখপানে অগ্রসর হইল;—চারিদিক আচ্ছন্ন করিয়া বিপুল অন্ধকার তাহার দিকে আগাইয়া আসিতে লাগিল, ধীরে ধীরে, ক্রমে ক্রমে... .. মৃত্যুর মত!

শ্রীহেমেন্দ্রকুমার রায়।

বংশানুক্রমিক গুণবিকাশের নিয়ম

আমরা পূর্বে (১) বংশানুক্রমের মূল অনুসন্ধান করিতে চেষ্টা করিয়াছি। পিতা মাতা ও পূর্বপুরুষদের গুণাবলী মস্তানে সংক্রামিত হয় মোটামুটি তাহা বলিয়াছি, ও কিরূপে জীব হইতে জীবান্তরে সেই

সংক্রমণক্রিয়া সাধিত হয়, তাহারও কতকটা আভাস দিয়াছি। কিন্তু সৃষ্টিধারায় যে আর-একটি প্রবল শক্তি কাজ করিতেছে তাহার কথা বিশেষ কিছু বলি নাই। সে প্রবল শক্তির নাম : 'পরিবর্তন' (Variation)।

(১) বংশানুক্রমের গোড়ার কথা—ভারতী, জ্যৈষ্ঠ, ১৩২৪।

ইহাই জীবজগতে বৈষম্যকে আনয়ন করিতেছে,—তাহার অপূর্ব বিচিত্রতা সম্পাদন করিতেছে। বংশানুক্রম যেমন প্রত্যেক জীবজাতি (Genus) ও জীববর্ণের (Species) মধ্যে, সাদৃশ বা সাধর্ম্যকে রক্ষা করিয়া চলিয়াছে, পরিবর্তন (Variation) তেমনই উহাদের বৈষম্যকে ফুটাইয়া তুলিতেছে। বংশানুক্রম না থাকিলে যেমন জীবজাতি ও জীববর্ণসমূহের মধ্যে কোনো সাধারণ ধর্ম থাকিত না, পরিবর্তন না থাকিলে তেমনই এই নানা বিচিত্র জীবজাতি ও জীববর্ণাদির বিকাশ ঘটিত না। দার্শনিকের ভাষায় একটি গতিশক্তি (Dynamic), অপরটি স্থিতিশক্তি (Static); একটি সৃষ্টিকে রূপ হইতে নব-নব রূপান্তরে লইয়া যাইতেছে, অপরটি সেই “সকল” বিভিন্ন রূপ ও বিচিত্রতার মধ্যে মিলন-রজ্জুর বন্ধন টানিয়া রাখিতেছে।

কেবল যে বিভিন্ন জীবজাতি বা জীববর্ণের মধ্যেই এই বৈষম্য দেখিতে পাওয়া যায়, তাহা নহে, এক এক জীবজাতি ও জীববর্ণের অন্তর্গত জীবসমূহের মধ্যেও এই সাদৃশ্য বিশেষরূপে লক্ষ্য করা যায়। এমন কি, এক পিতামাতার সন্তানদের মধ্যেও এই বৈষম্য বেশ স্পষ্টরূপে চোখে পড়ে। একই জাতি একই বংশ একই পিতামাতার কোনো-দুই সন্তানের মধ্যেই স্বভাব, প্রকৃতি, আকৃতি, গঠন একরূপ নয়। কিন্তু ইহাও সত্য যে সেই সকল বৈচিত্র্যের অন্তরালেই একটা সাধর্ম্যও বেশ স্পষ্ট অনুভূত হয়;—সকল বৈষম্যকে ছাপাইয়া সাদৃশ্যের রূপ উজ্জ্বলভাবে ফুটিয়া

উঠে। ইহাই বংশানুক্রমের ধারা। এই বংশানুক্রমিক গুণাবলী কি নিয়মে আত্ম-প্রকাশ করে, আজ সেই সম্বন্ধেই কিছু আলোচনা করিব। পরিবর্তনের কথা বারাস্তরে হইবে।

এই বংশানুক্রমিক গুণাবলী নানা বিচিত্রভাবে প্রকাশ পায়। স্থূলভাবে বলিয়াছি যে, পিতা ও মাতা এই উভয়ের গুণ সন্তানে একত্র মিলিত হয় ও সেই সম্মিলিত গুণ হইতেই সন্তানের দৈহিক ও মানসিক গুণাবলীর গোড়াপত্তন হয়। কিন্তু এই পিতৃগুণ ও মাতৃগুণ যখন পরস্পরের সংস্পর্শে আসে তখন তাহারা কিভাবে পরস্পরের উপর কার্য করে, একে অঙ্কে ছাড়াইয়া পৃথক ভাবে ফুটিয়া উঠিতে পারে কি না অথবা পরস্পরে মিশিয়া নূতন কোনো মূর্তি গ্রহণ করে কি না,—এই সকল রহস্যের ভিতর একটু তলাইয়া দেখিবার চেষ্টা করিতে হইবে।

যেভাবে এই বংশানুক্রমিক গুণ সন্তানে প্রকাশ পায়, নানা বৈজ্ঞানিক তাহা নানা নিয়মের মধ্যে বাঁধিতে চেষ্টা করিয়াছেন। এক-এক জন এক-এক রকম শ্রেণী-বিভাগ ও নামকরণ করিয়াছেন। আমরা অত সব গণ্ডগোলের মধ্যে যাইব না। সকল বিভিন্ন শ্রেণী-বিভাগ, নামকরণ প্রভৃতি ষাঁটিয়া মোটামুটি তিনটি স্থূল নিয়ম টাঁড় করানো যাইতে পারে। এই তিনটি স্থূল নিয়মের নাম দেওয়া যায় মিশ্রক্রম (Blended Inheritance), একান্তক্রম (Exclusive Inheritance) ও অমিশ্রক্রম (Particulate Inheritance)।

১। মিশ্রক্রম (Blended Inheritance)—কখনও কখনও দেখা যায় যে পিতৃগুণ ও মাতৃগুণ পরস্পরের সঙ্গে মিশিয়া যায় ও সেইরূপ মিশ্রিত ভাব সন্তানে প্রকাশ পায়। মাতার নীলকেশ ও পিতার কৃষ্ণকেশ মিলিয়া-মিশিয়া সন্তানে উভয়ের মাঝামাঝি একরূপ নীলকৃষ্ণ মূর্তিতে দেখা দেয়। সন্তানের মুখখানি স্থিরভাবে থাকিলে হয়ত তাহাতে মাতার মুখের সৌসাদৃশ্য দেখা যায়, আবার মুখ-খানি ঘুরাইলে পিতার সৌসাদৃশ্য জাগিয়া উঠে। কয়েকটি সঙ্করবর্ণের উদ্ভিদের মধ্যেও পিতৃমাতৃগুণের মিশ্রণ দেখিতে পাওয়া যায়। এই পিতৃমাতৃগুণের মিশ্রণের মধ্যেও আবার নানা তারতম্য আছে। অনেক সময়ে তাহারা প্রায় সম-পরিমাণে মিশিয়া যায়। তখন সন্তানের গুণের মধ্যে পিতা ও মাতার উভয়ের গুণই বেশ লক্ষ্য করা যায়। অনেক সময় আবার পিতার গুণ বা মাতার গুণ একটু অধিক পুষ্টিমাণে ফুটিয়া উঠে। তখন সন্তান হয়ত একটু বেশীভাবে পিতা বা মাতার অনুরূপ হয়।

২। একান্তক্রম (Exclusive Inheritance)—যখন পিতৃগুণ বা মাতৃগুণ এইরূপে খুব বেশী-পরিমাণে সন্তানের মধ্যে প্রকাশ পায়, তখন তাহাকে বলা যায় 'একান্তক্রম'। পিতৃগুণ ও মাতৃগুণ পরস্পরের সংস্পর্শে আসিয়া, কোনো আজ্ঞাতকারণে না মিশিয়া, একে অণ্ডকে ছাড়াইয়া উঠে। তখন হয় পিতৃগুণ কিম্বা মাতৃগুণ সন্তানের উপর একান্ত আধিপত্য বিস্তার করে,—অপরটির চিহ্ন পর্যাস্ত হয়ত দেখা যায় না। পিতা বা মাতার কোনো কোনো বিশেষগুণই একরূপ-

স্থলে আধিপত্য বিস্তার করে। কিন্তু কখনো কখনো সন্তানের গুণাবলীর মধ্যে পিতৃগুণ বা মাতৃগুণের আধিপত্য এত বেশী প্রকাশ পায়, যে মোটের উপর সন্তানের মধ্যে পিতা বা মাতার প্রতিকৃতিই আত্যন্তিকভাবে ফুটিয়া উঠে।

এই অবস্থায়, কোন্ গুণগুলিতে পিতার আধিপত্য দেখা যায়, আর কোন্ গুণগুলিতেই বা মাতার আধিপত্য লক্ষিত হয়, তাহার সম্বন্ধে বাঁধাধরা কোনো সূত্র আবিষ্কার করা যায় নাই। তবে কোনো কোনো গুণের সম্বন্ধে সাধারণভাবে কিছু ইঙ্গিত করা যায় মাত্র। যথা বিলাতের অবস্থার আলোচনা করিয়া কোনো কোনো পণ্ডিত বলেন যে সাধারণতঃ পিতার শারীরিক দৈর্ঘ্য মাতার শারীরিক দৈর্ঘ্য অপেক্ষা সন্তানের উপর বেশী কাজ করে, অর্থাৎ শারীরিক দৈর্ঘ্য হিসাবে সন্তান মাতা অপেক্ষা পিতার অনুরূপই বেশী হয়। আমাদের দেশের কোনো উৎসাহী পণ্ডিত যদি এ বিষয়ে অনুসন্ধান করেন তবে অনেক রহস্য উদ্ঘাটিত হইতে পারে।

এই একান্তক্রম সম্বন্ধে কতকগুলি লোকবিশ্বাস বহুদিন হইতে প্রচলিত আছে। যথা, সন্তানের বাহ্য আকৃতির উপর পিতার প্রভাব বেশী, আর স্বভাব ও প্রকৃতির উপর মাতার প্রভাব বেশী হইয়া থাকে। পশুপালকদের মধ্যেও মোটামুটি এইরূপ ধরণের বিশ্বাস দেখা যায়। কিন্তু এসকল বিষয়েই কোনো সাধারণ নিয়ম গড়িবার মত মালমসলা আবিষ্কৃত হইয়া নাই। লোকের বিশ্বাস যাহাই হউক, বৈজ্ঞানিকেরা এ বিষয়ে যার পর নাই সাবধান হইয়া কথা বলেন।

অনেকসময় দেখা যায় যে পুত্র অবিকল পিতার অনুরূপ আর কন্যা মাতার অনুরূপ হয়; কখনো-বা পুত্র মাতার অনুরূপ, আর কন্যা পিতার অনুরূপ হয়। পূর্বোক্ত বিষয়ের গ্রাম এ-সম্বন্ধেও ঠিক করিয়া কোনো নিয়ম বাঁধা নিরাপদ নহে।

৩। অমিশ্র ক্রম :—অনেক স্থলে আবার পিতৃগুণ ও মাতৃগুণ পরস্পর মিশিয়া যায় না বা একে অণ্ডকে ছাড়াইয়াও উঠে না। পিতৃগুণ ও মাতৃগুণ উভয়েই অমিশ্রভাবে সম্ভানের অঙ্গবিশেষে দেখা দেয়। পিতা ও মাতা উভয়ের গুণই এত স্পষ্ট ও পৃথকভাবে দেখা দেয় যে তাহাকে মিশ্রণ বলা চলে না। কৃষ্ণবর্ণ পিতা ও ফিকে রঙের মাতার সংযোগে জাত কোনো-কোনো অংশবাকের দেহে উভয়-প্রকার রংই পৃথকরূপে দেখা দেয়! কাল পিয়াসন বলেন যে চোখের রং প্রায়ই একান্তক্রমে (exclusively) প্রকাশ পায়। কিন্তু হাজার-করা দুইএকটি দৃষ্টান্ত এমনও দেখা যায় যে, সম্ভানের দুই চোখের একটির রং পিতার মত আর-একটির মাতার মত; কিম্বা একই চোখে দুইরকম রঙের ছাপই থাকে। একটি বিলাতী sheep-dogএর এক চোখ পিতার মত, আর-একটি চোখ মাতার মত দেখা গিয়াছিল। এ সকলই অমিশ্র-ক্রমের দৃষ্টান্ত।

কিন্তু উপরে যে তিনটি নিয়মের কথা বলা হইল, তাহা শুধু কতক-গুলি ঘটনার বর্ণনা ও শ্রেণীবিভাগ মাত্র। বংশানুক্রম যে নানা বিচিত্রভাবে প্রকাশ পায় তাহার সম্বন্ধে ঠিক ঠিক ইহাদের মধ্যে ধরা পড়ে না অথবা

তাহার অন্তর্নিহিত রহস্য কি তাহাও বুঝা যায় না। এখন কথা হইতেছে এই যে এমন কি কোনো নিয়ম হইতে পারে না, যাহা পিতৃগুণ ও মাতৃগুণের সংযোগ-রহস্য ও তাহাদের পরস্পরের উপর প্রতিক্রিয়া ভাল করিয়া প্রকাশ করিতে পারে?—সমস্ত বংশানুক্রমিক গুণবিকাশের প্রণালীগুলিকে একটা বড় নিয়মের মধ্যে বাঁধিয়া ফেলিতে পারে?—একটা সাধারণ সূত্রের মধ্য দিয়া সমস্ত বিচিত্র ব্যাপারকে বুঝাইয়া দেয়? এইরূপ চেষ্টা যে না-হইয়াছে তাহাও নহে। মেণ্ডেলের বিখ্যাত নিয়মই (Mendel's Law) এইরূপ একটা বৃহৎ চেষ্টা।

মেণ্ডেলের নিয়ম বিস্তৃতভাবে আলোচনার স্থান এ নহে। আপাতত সে সম্বন্ধে কেবল কয়েকটি স্থূলকথা বলিব। মেণ্ডেলের কতকগুলি পরীক্ষার ফলে এইরূপ ধারণা হইয়াছে যে, পিতৃমাতৃগুণগুলি মূলগুণ (unit characters); আর ইহাদের আশ্রয়স্থান তদনুরূপ 'অণু'ও (Representative Particles) আছে। এই মূলগুণগুলি পরস্পর স্বাধীন-স্বতন্ত্র, কাহারও সঙ্গে কেঁহ মিশ খায় না। ইহাদের মধ্যে আবার কতকগুলি (dominant) সক্রিয় আর কতকগুলি (recessive) নিষ্ক্রিয়। যদি এরূপ দুইটি বিভিন্ন বর্ণের (varieties) যৌন-সংযোগ করা যায়—যাহাদের একটিতে সক্রিয় গুণ ও অপরটিতে নিষ্ক্রিয় গুণ আছে, তবে তাহার ফলে যে সঙ্কর-বর্ণের উৎপত্তি হয়, তাহাতে শুধু সক্রিয় গুণই দেখা দিবে, নিষ্ক্রিয় গুণের চিহ্নমাত্র থাকিবে না। কিন্তু তাই বলিয়া


নিষ্ক্রিয় গুণ লোপ পায় না, শুধু চাপা পড়িয়া থাকে মাত্র। কেননা সেই সঙ্করবর্ণের পরস্পরের মধ্যে যদি আবার যৌন-সংযোগ করা যায়, তবে ৩:১ এই অনুপাতে সক্রিয়-গুণ ও নিষ্ক্রিয়-গুণ দেখা দিবে। অর্থাৎ একভাগ বিশুদ্ধ নিষ্ক্রিয়-গুণের পুনরাবির্ভাব হইবে, আর তিনভাগ সক্রিয়-গুণ হইবে। এই সক্রিয়-গুণযুক্ত বর্ণের মধ্যে আবার যৌনসংযোগ করিলে, ১:২ এই অনুপাতে বিশুদ্ধ সক্রিয় ও সঙ্করবর্ণের উৎপত্তি হইবে। পুনশ্চ এই সঙ্কর বর্ণের মধ্যে যৌনসংযোগ করিলে আবার ৩:১ এই অনুপাতে পূর্বের ত্রায় সক্রিয় ও নিষ্ক্রিয় গুণের প্রকাশ হইবে। ব্যাপারটা নিম্নলিখিত তালিকা দ্বারা বুঝানো যাইতে পারে :—

উ = সক্রিয়-গুণ

র = নিষ্ক্রিয়-গুণ

উ × র

উ (র)... 'র' চাপা পড়িয়া গিয়াছে।



পূর্বোক্ত ও আরও-কয়েকটি অনুরূপ পরীক্ষা হইতে নিম্নলিখিত কয়েকটি তথ্য পাওয়া যাইতে পারে :—

(১) মূলগুণগুলি পরস্পর স্বাধীন-স্বতন্ত্র, —তাহারা কাহারও সঙ্গে কেহ মিশে থাকে না।

(২) সক্রিয় ও নিষ্ক্রিয় গুণযুক্ত দুইটি বিভিন্ন বর্ণের সংযোগে প্রথমত সক্রিয় গুণ আধিপত্য বিস্তার করিলেও নিষ্ক্রিয় গুণ লোপ পায় না, চাপা পড়িয়া থাকে মাত্র,—সুযোগ পাইলেই আবার দেখা দেয়।

(৩) যে দুই পিতা-মাতার সংযোগ হয়, তাহাদের মধ্যে যে গুণ না-থাকে, সন্তানে তাহার বিকাশ হইতেই পারে না। যদি পিতামাতার মধ্যে একজনের কোনো গুণ থাকে, তবে সন্তানে সেই গুণ অসম্পূর্ণভাবে প্রকাশ পায়। আর যদি পিতামাতার দুই জনেরই কোনো গুণ থাকে, তবে সন্তানে তাহা বিশিষ্ট ও পূর্ণরূপে প্রকাশ পায়।

মোটের উপর মেণ্ডেলের মতে এই দাঁড়ায় যে, মূলগুণগুলি স্বাধীন-স্বতন্ত্র বস্তু। পিতামাতার মধ্যে যদি কোনো মূলগুণ না থাকে, সন্তানে তাহার বিকাশ হইতেই পারে না। সন্তানে যে সব গুণের বিকাশ হয় সেগুলি পিতামাতার গুণগুলিরই সাজানো-গোছানো অবস্থা—প্রকারান্তর মাত্র। পিতা-মাতার কোনো গুণ সন্তানে না বসিলে মনে করিতে হইবে, তাহা কোন কারণ বশত কিছুকালের জন্ত কেবল চাপা পড়িয়া গিয়াছে; সময় ও সুবিধামত কোনো কালে কোনো অধস্তন পুরুষে আবার তাহার বিকাশ হইতেও পারে।

একটু অভিনিবেশ করিলেই দেখা যায় যে, মেণ্ডেলের এই মতবাদ প্রাকৃত-বিজ্ঞানের পরমাণুবাদেরই (Atomistic Theory) ছবছ প্রতিরূতি। মেণ্ডেলের মূলগুণগুলি (unit characters) পরমাণুরই মত।

তাহারা স্বাধীন-স্বতন্ত্র; তাহাদের বিনাশ নাই, ক্ষয় নাই। উহারাই পরস্পরে মিলিয়া জীবজগতকে নব নব রূপে বিকশিত করিয়া তুলিতেছে।

বংশানুক্রম-তত্ত্বের অগ্রতম প্রবর্তক সুপ্রসিদ্ধ গ্যান্টনও (Galton) বংশানুক্রমিক গুণবিকাশের একটি নিয়ম বাহির করিয়াছিলেন। তাহাকে বলা হয় Galton's Law of Ancestral Inheritance। গ্যান্টনের এই নিয়ম সংখ্যা-সংগ্রহের (statistics) উপর প্রতিষ্ঠিত। ইহা বহু পূর্বপুরুষের নানারূপ গুণের হিসাব ধরিয়া তাহার একটা গড়পড়তা কসিবার চেষ্টা। গ্যান্টনের নিয়মটি এইরূপ:—পিতামাতা গড়ে সন্তানের অর্ধেকগুণ যোগাইয়া থাকে, —পিতা এক-চতুর্থাংশ, মাতা এক-চতুর্থাংশ, পিতামহ, পিতামহী, মাতামহ ও মাতামহী এই চারিজনকে মিলিয়া সন্তানের গুণের

এক-চতুর্থাংশ যোগাইয়া থাকে;—প্রত্যেকে গড়ে $\frac{1}{4}$; ইত্যাদি। গণিতশাস্ত্রের সূত্রের মধ্যে ফেলিলে নিয়মটা এইরূপ দাঁড়ায়:—

$$\frac{1}{4} + \frac{1}{8} + \frac{1}{16} + \frac{1}{32} \dots \dots = 1$$

অনেকে মনে করিতে পারেন যে, গ্যান্টনের এই নিয়মের সঙ্গে মেণ্ডেলের পূর্ববর্ণিত নিয়মের বিরোধ আছে। কিন্তু স্বেচা বৃষ্টিবার ভ্রম মাত্র! মেণ্ডেলের নিয়ম, কয়েকটি বিশেষ অবস্থাকে লইয়া পরীক্ষার ফল; আর গ্যান্টনের নিয়ম বহু বহু পূর্বপুরুষের গুণাবলীর সংখ্যা-সংগ্রহ করিয়া তাহার একটা গড়পড়তা কসিবার প্রয়াস। আসল কথা, বংশানুক্রমিক গুণবিকাশের ব্যাপারটাকে দুইদিক হইতে দুইজনে বৃষ্টিতে চেষ্টা করিয়াছেন। কালে এই উভয়-নিয়মের মধ্যে একটা সামঞ্জস্য আবিষ্কৃত হইতে পারে, এরূপ আশা বোধ হয় অসম্ভব নহে।*

শ্রীপ্রফুল্লকুমার সরকার।

শেষ-গোধূলি

আজ গোধূলির শেষ-হাওয়াতে • সকল মুকুল যার ঝরে',
পারের পাখী গায় অ-পারের গান ;
দূর বেদনার রক্তজবা • ফুটেছে মোর বুক ভরে' .
গুমরে ওঠে পুরাণে সেই প্রাণ ।
মেঘের দেশে মিলিয়ে গেল • অস্ত চাঁদের আবছায়া,
আমার রাতি অতল অন্ধকার,
জোয়ার এসে মিলল যুগল \ অশ্রু-নদী ক্ষীণ-কায়া,
বেলায় বেলায় প্রতিধ্বনি তার ।

কে এল আজ পাছশালে ? বলতে চাহে শেষ কথা—
স্বপ্নসম চপল দুটি চোখ ।

নিবেছে হায় পথের আলো, নিশীথভরা স্তব্ধতা,
ওগো তুমি কোন্ বিদেশের লোক ?

চিনি চিনি হে অতিথি, দখিণ হাওয়ায় যাও ভেসে,
আমার ধরে নাই তো এবে ঠাই ;—

এসেছ আজ অসময়ে, ফুরিয়ে-যাওয়ার সবশেষে,
হারিয়েছি যা আর কি ফিরে পাই !

সাগর-টেউএর চাপা আওয়াজ আসছে ঝাউএর বনচ্ছায়
একলা আমি শুন্ছি দিবারাত ;—

লক্ষ যুগের মৃত্যু-ফেনা যাত্রা করে শেষ-খেলায় ;
যক্ষ আমার করছে যাতায়াত ।

রাত্রি এসে বন্দী করে আমার জীবন-স্বপ্নকে,
গরল-ফুলে এলায় দেহ-মন—

শুকিয়ে গেছে তরুণ কলি আমার মানস-চম্পকে,
মৃত্যু দেছে ফাস্তুনী চূষন ।

আজ হৃদয়ের শব্দ-শেখর টলছে গভীর রূপ-শোভায়,
দীর্ঘ যতি পড়ল স্বীবন-গীতে ;

বিরহী ওই লুকিয়ে থেকে ছায়া-পথের বীণ, বাজায়,
কাপছে পরিণত তারার কাপুনিতে !

শ্রীকরণানিধান বন্দ্যোপাধ্যায় ।

মল্লারের সুর

(গল্প)

তার নাম লক্ষ্মীমণি । সে অন্ধ । রাস্তায় বিলাসিতার প্রাসাদ-শিখরে বসে তাদের ভিক্ষা করে বেড়ায় । প্রতি রূপা-কটাক্ষ করত । হাসি, গান

চিরদিন তার এ অবস্থা ছিল। তার আর তার সঙ্গে শতশত পুরুষের তোষামোদ রূপ-যৌবন, ধন-দৌলত সবই ছিল । আজ উপভোগ করেই তার সকাল থেকে সন্ধ্যা যারা তাকে দেখে ঘুণায় মুখ-ফিরিয়ে অবাধি কেটে যেত । আজ তার কণ্ঠস্বর চলে যায়, এমন দিন ছিল যখন সে তার বিকৃত, কিন্তু এই কণ্ঠই বিচিত্র সুরের লীলায়

যখন উচ্ছ্বসিত হয়ে উঠত তখন মনে হ'ত যেন রাগ-রাগিণী মূর্তি ধরে শ্রোতাদের সামনে এসে দাঁড়িয়েছে। বুঝি আকাশে-বাতাসে এমন সুর নেই যা তার গলার সুরে ধরা না দিয়েছে। কিন্তু আজ? আজ কোথায় সে সুর? প্রাণের বীণার তার ছিন্নভিন্ন হয়ে কোথায় ছড়িয়ে গেছে,—তাতে আর কোনো সুরই বার হয় না একটা লজ্জা-ভরা ভিকার কর্কশ ভাঙা সুর ছাড়া।

কেন করে এমন হ'ল? ঘটনাটি সামান্য, কিন্তু তাই থেকে তার ভাগ্যে এত-বড় একটা প্রলয় ঘটে গেল।

সে আজ দশ বৎসরের কথা।

সে দিন আকাশে খুব ঘটা করে বর্ষার উৎসব লেগেছিল। তারই মৃদঙ্গের বোল, বর্ষণের সুর আর সুপূর-নিকনের তাল-পৃথিবীর উপর ছড়িয়ে পড়ে এখানেও একটা ছোটখাট উৎসব জমিয়ে তুলে ছিল।

এই উৎসবের সঙ্গে সঙ্গে লক্ষ্মীমণির মজলিসে একটা জলসা চলছিল। লক্ষ্মী ধরেছিল মল্লারের করুণ সুর। শ্রোতা ছিল যারা তারা যে খুব রসিক সে কথা কথা বলা যায় না—কিন্তু সুরের সেই কান্নার মত কাঁপুনি তাদের নিসাড় হৃদয়ের মধ্যে গিয়ে যে তোল-পাড় আরম্ভ করলে তাতে তাদের সমস্ত অন্তরটা কেমন-একটা অজানা ব্যাথা গলে পড়তে লাগল—যেন সেখানেও একটা বর্ষণ শুরু হয়েছে। লক্ষ্মী গাইছিল যে-করুণ সুরে তার করুণতা তাকে একেবারে আঁকড়ে ধরেছিল।

যখন এমনি করে আসন্ন জমে উঠেছে—

যখন ভিতর-বাহির চারিদিকে কান্নার মত একটা করুণ সুরে ভরে উঠেছে, যখন এই করুণতার সুর লক্ষ্মীমণির সেই ঘরে আর ধরেনা। তখন হঠাৎ ঘরের দরজা ঠেলে কে প্রবেশ করলে। মনে হ'ল যেন বাইরের ব্যাকুল ঝড়-পাগলের মত ছুটে এসে ঘরে ঢুকেছে। যে এল রুক্ষ তার কেশ, রুক্ষ তার বেশ, কে যেন তার শুষ্ক দেহ, মলিন বসনের উপর জল ও কাদার চুমকি বসিয়ে দিয়েছে। হঠাৎ দেখে মনে হ'ল এ যেন কোনো আগন্তুক নয়, ঘরে-বাইরে আজ যে করুণ সুরের শ্রোতা চলেছে তাই থেকেই যেন এই মূর্তি ফুটে উঠেছে—এমনি করুণ তার দৃষ্টি। সবাই অবাক হয়ে তার দিকে চেয়ে রইল।

সে বলে উঠল—“আমার ছেলে? আমার ছেলে কে?”

শুনে মনে হ'ল এ যেন কথা নয়, কান্না!

গান ধেমে গিয়েছিল, কিন্তু তার করুণ রেশ সমস্ত ঘরের মধ্যে, শ্রোতাদের সমস্ত মনের মধ্যে তখনও ঘুলিয়ে উঠছিল। মনে হ'ল সেই রেশের সঙ্গে বৃদ্ধের গলা যেন একসুরে বাঁধা। শ্রোতাদের মধ্যে তারই ঝন্ঝনা বেজে বেজে উঠতে লাগল।

বৃদ্ধ আবার বললে—“আমার ছেলে কোথায় গেল!”

কেউ কোন উত্তর করতে পারলে না—চুপ করে রইল।

লক্ষ্মীমণি বললে,—“কে তোমার ছেলে?”

বৃদ্ধ বললে—“বিপিন।”

বলেই সে আর্তনাদ করে উঠল—

“সর্বনাশ হয়েছে।”

তার সেই আর্ন্তনাদের সুরে সকলের মনে হ'ল যেন একটা সর্বনাশ সত্যই ঘনিষে এসেছে। বাইরে আকাশের বিজাতের কাঁপুনি, মেঘের বনবানা যেন সজোরে কেঁপে কেঁপে বেজে উঠতে লাগল।

বৃদ্ধ বলতে লাগল—“আজ ছুদিন সে বাড়ী যায় নি। কি করেছে সে জান ?” আফিসের টাকা ভেঙেছে। পুলিশ আজ সমস্ত দিন ধরে আমার বাড়ী খানাতল্লাসী করেছে—তারা বলে আমি তাকে লুকিয়ে রেখেছি। আমার উপর কি অত্যাচার করেছে দেখবে ?”—বলে সে চাদরখানা খুলে শরীরে প্রহারের চিহ্ন দেখাতে লাগল। রক্ত তখনো ঝুঁজিয়ে পড়ছে।

সেইদিকে চেয়ে একটা দীর্ঘশ্বাসের সঙ্গে লক্ষ্মীর মুখ থেকে বেরিয়ে উঠল—“আহা!” অর্মান সমস্ত ঘরের মধ্যে একটা অক্ষুট প্রতিধ্বনি উঠল—“আহা!”

লক্ষ্মীমণি বললে—“কি করলে তুমি এ বিপদ থেকে উদ্ধার পাও? তোমার ছেলেকে লুকিয়ে রাখতে হবে? আচ্ছা, আমি রাজি আছি।”

বৃদ্ধ বললে—“না না, তাতে কোনো ফল হবে না। টাকাগুলো তুমি ফিরিয়ে দাও, আমি আফিসের লোকদের হাতে-পায়ে ধরে যেমন-করে পারি মিটিয়ে নেব।”

লক্ষ্মীমণি আশ্চর্য্য হয়ে বললে—“টাকা! কোন্ টাকা ফিরিয়ে দেব ?”

বৃদ্ধ বললে, “যে টাকা সে তোমায় এনে দিয়েছে। সে ত তোমার জন্তেই চুরি করেছে, তার স্ত্রী-পুত্র না খেয়ে মারা গেলেও তার মাথার টনক নড়ে না।”

লক্ষ্মীমণি বললে—“আপনি ভুল করছেন, টাকা সে আমায় দেয়নি।”

বৃদ্ধ বললে—“নিশ্চয়ই দিয়েছে, নইলে সে চুরি করবে কেন? সে ত আগে এমন ছিল না, যেদিন থেকে তোমায় কুহকে পড়েছে, সেদিন থেকেই তার মতিগতি বিগড়েছে।”

তার কুহকে পড়ে অনেকের মতিগতি বিগড়েছে লক্ষ্মীমণি সে কথা মনে মনে অস্বীকার করতে পারলেনা কিন্তু এ চুরির টাকা তার তহবিলে যে আসেনি এ কথা সম্পূর্ণ সত্য। তাই সে মাথা-নেড়ে চীৎকার করে বলে উঠল—“না না, আমি বলছি টাকা সে আমায় দেয় নি।”

বৃদ্ধ বললে—“নিশ্চয়ই দিয়েছে। জানি তোমরা অনেক চাতুরী জান। এ বুড়োর সঙ্গে কেন চাতুরী খেলছ? নগদ টাকা না দিয়ে থাকে তোমার গয়না গড়িয়ে দিয়েছে, দাও সেগুলো ফিরিয়ে দাও, তোমার পায়ে পড়ছি দাও।”—বলে বৃদ্ধ তার পা ছাড়িয়ে ধরলে।

লক্ষ্মী পা ছাড়িয়ে নিয়ে একটু পিছনে সরে গেল। তার নিজের পাওয়া সেই মালায়ের সুর তখনো তার মনের দ্বারে আঘাত দিয়ে দিয়ে ফিরছিল; মনের বাঁধকে আলাগা করে দিয়ে তাকে কেমন যেন সব ভুলিয়ে দিচ্ছিল। বৃদ্ধের চোখের জল দেখে তার চোখের পাতা ভিজে এল। সে বলে উঠল—“কত টাকা?”

বৃদ্ধ একটা আশার উচ্ছ্বাসে উচ্ছ্বসিত হয়ে বলে উঠল—“আট হাজার টাকা।”

আট হাজার! লক্ষ্মীমণির মনে হতে লাগল একটা বুড়ো বামুন একটু চোখের জল

ফেলে এতগুলো টাকা নিয়ে যাবে? সে হবে না। সে বলে উঠল, “না না, অত টাকা হবে না—তুমি যাও।”

ঝড়ের ঝাপটে শুকনো গাছ যেমন ভেঙে পড়ে বুড়ো ঠিক তেমনি করে ভেঙে পড়ল। সেই সময় আসর থেকে একজন উঠে বৃদ্ধকে হাত ধরে হিঁচড়ে টেনে নিয়ে যেতে লাগল। কিন্তু দরজা অবধি যাবার জাগেই লক্ষ্মী বলে উঠল, “না না, কেন ওকে টানাটানি করছ! দাঁড়াও।” এই বলে দেয়াজের টানাটা খুলে একখানা নোট বার করে তার হাতে দিয়ে বললে—“এই নিন।”

বৃদ্ধ হাত পেতে তার কাছ থেকে নোটখানা নিয়ে করুণ দৃষ্টিতে তার মুখের দিকে তাকিয়ে বললে—“এতে কি হবে? দাও, দাও, আরো কি আছে দাও, আর দোর কোরোনা। হতভাগা দুদিন বাড়ী যায়নি, তার বাড়ীতে যে কি কাণ্ড চলছে তা সে একবার ভাবেও না। আজ দুদিন আমরা সবাই একরকম অনাহারে কাটিয়েছি, তার ছোট ছোট মেয়ে-ছেলেগুলো ক্ষিধের জ্বালায় সকাল থেকে কেঁদে কেঁদে আধমরা হয়ে পড়েছে, এ সব না হয় সহ্য হবে কিন্তু হতভাগার যদি জেল হয় তাহলে যে কচি কচি ছেলে-মেয়েগুলো না খেতে পেয়ে মারা যাবে—ওর স্ত্রীকে যে রাস্তায় দাঁড়াতে হবে।”

রাস্তায় দাঁড়াতে হবে! এই কথা ভাবতে ভাবতে বহুকালবিস্মৃত একদিন সন্ধ্যাবেলাকার একটি ছবি লক্ষ্মীর চোখের সামনে ফুটে উঠল। “আকাশের সমস্ত বিভীষিকা নিয়ে এসে সেদিনকার সন্ধ্যা তার চোখের সামনে উলঙ্গ হয়ে দাঁড়িয়েছিল। এই হাসি, নাচ,

গান-ভরা পৃথিবী সেদিন তার চোখে—কী বিষ ছড়িয়ে দিয়েছিল। কী ভয়ঙ্কর অসহায়তা, কী নিদারুণ নিষ্ঠুরতার সঙ্গেই না তাকে লড়াই করতে হয়েছিল!—বিদ্রোহী মন যে-পথে যাবার বিরুদ্ধে বেঁকে দাঁড়িয়েছিল সেই মনকে কী নিষ্ঠুর শাসন করে, কি-রকম ক্ষতবিক্ষত করে তাকে ফেরাতে হয়েছিল!—সে ব্যথা সে আজও ভুলতে পারেনি। তার গোপন হৃদয়ের পরতে পরতে অদৃশ্য লিপিতে যে কাহিনী লেখা ছিল অতীত আজ বর্তমানের মূর্তি ধরে সেগুলোকে তার মনের সামনে আজ স্পষ্টতর করে ফুটিয়ে তুলতে লাগল—সে কি ভীষণ যন্ত্রণা!

ছুটে গিয়ে লক্ষ্মী আলমারির দরজা খুলে গয়নার বাক্সটা এনে বৃদ্ধের সামনে ফেলে দিয়ে বললে,—“যাও, নিয়ে যাও, আর একমিনিটও দোরি কোরোনা, তাহলে হয়ত তোমার পুত্র-বধূকে রাস্তায় দাঁড়াতে হতে পারে। যাও, যাও—কী ফ্যালফ্যাল করে মুখের দিকে তাকিয়ে আছ!”

বৃদ্ধ বাক্সটা খুলে অবাক হয়ে একবার গয়না-গুলোর দিকে আর একবার তার মুখের দিকে তাকাতে লাগল।

পাগলের মত চোঁচিয়ে উঠে লক্ষ্মী দুহাত দিয়ে ঠেলে তাকে একেবারে ঘরের বার করে দিলে।

তার মাথা তখনও ঘুরছিল; মনে হতে লাগল গয়নাগুলোর সঙ্গে সঙ্গে তার শরীরের সমস্ত রক্তও যেন নিঃশেষ হয়ে গেছে। বাইরের আকাশের দিকে চেয়ে দেখলে, বর্ষণ তখন থেমে গেছে;—আকাশ যেন তার সমস্ত সম্পদ ঝরিয়ে দিয়ে ঠিক তারই মত নিঃশব্দ হয়ে

ঝিনিয়ে পড়েছে। লক্ষ্মী রিক্ততার একটা ব্যাকুলতার আত্মহারা হয়ে ঘরের মধ্যে ছুটোছুটি করতে লাগল। তার অবস্থা দেখে কনুবাঈবেরা আস্তে আস্তে সরে পড়ল।

তারপর পিছনের বারান্দা থেকে একজন ছোকরার হাত ধরে ঘরের মধ্যে টেনে এনে লক্ষ্মী বললে—“চুরির টাকা কোথায় রেখেছিস বল। শিগ্গির বল। সে টাকা আমার একুনি এনে দে। আমার সর্বস্ব আজ তোর জন্তে বিলিয়ে দিয়েছি, জানিস্!”

বিপিন বললে, “জানি। কিন্তু কেন দিলি? —টাকা আমার নেই।”

লক্ষ্মী বললে,—“কোথায় গেল টাকা?”

“কি হবে তা শুনে? সে টাকা ত আর ফিরে পাবিনি।”

“তবে তুই কাউকে দিয়েছিস?”

“হ্যাঁ।”

“কাকে দিলি? বল, শিগ্গির বল, কে তোর পেয়ারের লোক আছে!”

“আমি বলবনা। শুন্লে তুই রাগ করবি।”

“না না তুই বল!”

বিপিন জড়িতকণ্ঠে বললে,—“টাকা আমি কামিনীকে দিয়েছি—”

“—কামিনী—কামিনী! চোর কোথা-কার, পাজি, মদমায়েস, বেরো এখান থেকে, বেরো!”

বিপিন লক্ষ্মীর হাত ধরে বললে, “রাগ করিসনে ভাই!”

লক্ষ্মী সজোরে তার হাত ছিটকে ফেলে দিয়ে সরে দাঁড়াল; বললে—“চোরকে আমি ঘরে ঠাই দিইনে—বেরো তুই, চোর!”

বিপিন উত্তেজিত হয়ে বললে—“চোর চোর করিসনি বলছি!”

লক্ষ্মীমণি একটা অটুহাশ্ব করে বলে উঠল,—“ওরে আমার সাধুরে! তুই চোর না ত কি!”

বিপিন আর সামলাতে পারলে না,— সামনে থেকে একটা ঘটি তুলে নিয়ে লক্ষ্মীমণির গায়ে সজোরে ছুঁড়ে মারলে। সেই ঘটি তার মুখের উপর এসে লাগল—সে ঘুরে পড়ল—তার দুটো চোখ আর মুখের খানিকটা একেবারে খে তলে গেল।

বিপিন তাকে একা ফেলে ছুটে বেরিয়ে গেল।

শ্রীপ্রেমাকুর আতর্ষী।

প্রভাতে ও রাতে

কাল সকালে হঠাৎ আঁখি মেলি
তোমায় যদি না পাই এ মোর ঘরে ;—
হিরণ তব আঁচোল বেড়ায় খেলি
উদাস উদার নীল আকাশের পরে ;
নাইকো রবি তোমার ও মুখ ছবি

রোদের মতো ছড়ায় প্রেমের আলো,
পরশে তার মধুর লাগে সবি—
সবাই যেমি বাসছে সবে ভালো ;
ফুটেছে ফুলে তোমার প্রাণের বাস,
ছুটেছে হাওয়া মধুর তোমার শ্বাস,

অবাক্ আমি হবইনাকো মোটে
সহজ সবই হতেই এয়ে পারে !
মুকুল যদি ফুলের মাঝে ফোটে
অবাক্ হয়ে কেইবা দেখে তারে ?
জাগছে প্রেমে বিকাশ-অসীমতা
নইলে যে তার মিটবেনাকো বাথা ।

নিশীথ রাতে হঠাৎ জেগে উঠি
দুখিই যদি পাশের পানে চেয়ে
চন্দ্র তারা তোমার মাঝেই ফুটি
সব নিশ্চিতি তোমায় আছে ছেয়ে ;
দুমের ঘোরে তোমার যে হাতখানি

শিথিল ভাবে ছড়িয়ে আমার দেহে
নিশীথিনার স্তব্ধ গভীর বাণী
ঘেরা বিপুল অসীম বিরাম মেহে ;
এলানো ওই আকুল কেশের ছায়া
জাগায় ভুবনভরা স্বপন মায়া ;
তুমি যদি নিশীথ-রাণীর রূপে
জেগেই উঠ কখন চুপেচুপে
তিলেক লাগি অবাক হবনারে—
হবার কথা হোতেই এয়ে পারে ।
নিশীথ প্রাণের স্তব্ধ বিরামখানি
তোমার মাঝে আছেই আছে জানি ।
শ্রীদ্বিজেন্দ্রনারায়ণ বাগচাঁ ।

আর্টে অধিকারী-ভেদ

ললিত-কলার ঐশ্বর্য অনুরাগী, তাহার
যেন বিখ্যাত নাট্যকার হেনরিক ইবসেনের
এই উক্তিটি সর্বদা স্মরণ রাখেন :- I, at
any rate shall never be able to
join a party, which has the major-
ity on its side. Bjornson says,
"The majority is always right";
and as a practical politician he is
bound, I suppose, to say so. I,
on the contrary, of necessity say,
"The minority is always right."

কলা-জগতের সর্বত্র, ইবসেনের ঐ
দামী কথাগুলির সার্থকতা অক্ষরে-অক্ষরে
খাটিয়া যায়। সাহিত্যে ঐশ্বর্য প্রতিভার
অবতার, তাঁহাদের অনেকেরই কেবল বাছা
বাছা জনকতক রসিকের প্রাণের পিপাসা

মুটাইতে পারেন ;--সকলকার মনোইরণ
করা তাঁহাদের সাধ্যাতীত ! একথার জলন্ত
প্রমাণ যিনি চান, তিনি যেন কোন সাধারণ
পুস্তকালয়ে যান। সেই-সব জায়গায় রোজ
যদি ষোলজন লোক বই লইতে আসে, তবে
তাঁহাদের মধ্যে পনেরোজন লোক লইবে
কটতলার দার্শনিক ঔপন্যাসিক প্রভৃতির লেখা
চমকদার বই ; রবীন্দ্রনাথ প্রভৃতির উপন্যাসের
দিকে তাহারা ভুলিয়াও ফিরিয়া চাহিবে না।

গানের আসরে ভাল গাইয়ের গলায় সরু
কাজ বা উচ্চরের রাগরাগিণীর আলাপ কেহ
বুঝিবেও না--শুনিবেও না ; কিন্তু সেই-
খানেই যদি অল্প-কোন লোক একটা হাল্কা
সুরের চুল্লি গান ধরে, তবে ঘনঘন
বাহবার চোটে প্রাণ ও কাণ একেবারে
আনুচানু ও যান যান করিতে থাকিবে !




ভেলাসকুয়েজের একখানি ছবি

শিল্পক্ষেত্রেও ঠিক এমনি কারখানা।
Millaish বা Velasquezএর আঁকা ছবি
দেখিতে লোকে ততটা ভালবাসেন না—যতটা
ভালবাসে Whistler বা Murilloর আঁকা
ছবি দেখিতে। জনসাধারণ Rodin ও
Manetকে ফেলিয়া Bouguereau ও
Canovাকে লইয়াই মাতামাতি করিতে
চায় বেশী। প্যারীর Sainte Chapelle
দেখিয়া লোকে তেমন অভিভূত হয় না,
রোমের St. Peter দেখিয়া যেমন হয়।

যুরোপের উচ্চশিক্ষিত জনসাধারণের
অবস্থাও যদি এমনি শোচনীয় হয়, তবে
আমাদের দেশের সাধারণ লোকের শিল্প-

রসবোধের মাত্রা যে কতটা অল্প, তাহা কল্পনা
করাও শক্ত! তাই শিল্পাচার্য্য অবনৌজনাগ্নের
মোহন তুলির লিখনকে ঠোট বেঁকাইয়া এক
পাশে ঠেলিয়া রাখিয়া, যখন কোন সবজাস্তা
কষ্ট-ক্রটিক আটস্কুলের দ্বিতীয়বার্ষিক ছাত্রের
আঁকা রঙ্গচঙ্গ পটের তারিফ করিয়া পরম
বিজ্ঞতার (এবং চরম মূর্থতার) পরিচয় দিয়া
বসেন, তখন আমরা কিছুমাত্র আশ্চর্য্য
হই না; কারণ, এ-দেশী ক্রটিকের বুদ্ধির
দৌড় এমনি বিষম সুদীর্ঘ হওয়াই ত
স্বাভাবিক! . . .



কুম্ভ ও রাধা

শ্রীযুক্ত অবনীন্দ্রনাথ ঠাকুর অঙ্কিত.চিত্র হইতে

Handwritten scribble or mark in the top left corner.

A small black dot or mark in the bottom right corner.

অবশ্য; 'অধিকাংশ' (Majority) যে সব-সময়েই ভ্রান্ত, এটাও জোর-করিয়া বলিবার মত জোর আমাদের নাই। কারণ, সময়ে-সময়ে দেখা গিয়াছে যে, 'অধিকাংশ' ও 'অল্পাংশ' (Minority) এক জায়গায় আসিয়া মিলিয়া এ-ওর সঙ্গে 'সেক্-হাঁও' করিয়াছে! তাজমহল দেখিয়া শিক্ষিত-অশিক্ষিত, রসিক-অরসিক, সাধারণ-অসাধারণ সকলেই শতমুখে তারিফ শুরু করিবে। ভাস্কর্য্যে গ্রীকশিল্পীর গড়া Venus of Melos এবং চিত্রে রাফেলের আঁকা Sistine Modona দুই দলেরই প্রশংসমান দৃষ্টি আকর্ষণ করে। রিম্‌সের গির্জার পশ্চিমদিকের কলানৈপুণ্য দেখিয়া সুধু শিল্পরসিক মুগ্ধ হন না; যাহারা শিল্পের গুঢ় রসের স্বাদ পায় নাই, এখানে আসিয়া তাহারাও মুগ্ধপ্রাণে লুক্কদৃষ্টিতে সেই অপূর্ব কারুশিল্পের ছায়াতলে অবাক হইয়া দাঁড়াইয়া থাকে। এখানে কঠিন পাথরের উপরে মানবপ্রাণের ভাবের কমল এমনি শত-দল মেলিয়া ফুটিয়া উঠিয়াছে যে, গত সাতশো বছর ধরিয়া হাজার-হাজার লুণ্ঠনপ্রিয় ধ্বংসোন্মুখ ও যুদ্ধপাগল দস্যুর দল বারেবারে ইহার স্মৃথ দিয়া ছুটিয়া গিয়াছে, কিন্তু রিম্‌সের স্বর্গমাধুরী তাহাদের পাষণ্ড প্রাণকেও পেলব করিয়া তুলিয়াছে,—তাহাদের উত্তম নিষ্ঠুর হস্ত হইতেও রক্তাক্ত অস্ত্র ধসাইয়া দিয়াছে! হয়, সেই সাতশত বৎসরের পৈশাচিকতার চাপা আগুণ যে আজ বিংশশতাব্দীর পরিপূর্ণ সভ্যতার যুগে হঠাৎ জলিয়া উঠিয়া রিম্‌সের জ্ঞান চিত্তারচনা করিবে, প্রতীচ্যের বর্তমান রক্তপাথর দেখিবার আগে কে তাহা

ভাবিতে পারিয়াছিল? রিম্‌সের সে স্মৃথ সুখমা আর নাই; বিংশশতাব্দীর নব-কুরুক্ষেত্রে সভ্যতার মহাঝড়ে তাহা বোঁটা-ছেঁড়া ফুলের মত পথের ধূলায় ঝরিয়া পড়িয়াছে!

এ সকল ক্ষেত্রে 'অধিকাংশ' ও 'অল্পাংশ' একত্রে মিলিত হইলেও, এই দু-দলের মিলনের হেতু কিন্তু ঐক নয়। 'অধিকাংশ' এখানে যে কারণে শিল্পশিল্পকে প্রশংসা করে, 'অল্পাংশ' সে কারণকে স্বীকার করে না। সাধারণ লোকেরা শিল্পের নিন্দা-প্রশংসা করে ভাবপ্রবণতার দিক হইতে; কিন্তু, যাহারা সমঝদার, তাহারা সত্যের নিকষে কষিয়া শিল্পকে পরখ করিয়া দেখেন। যে-সব কলাবিদের কার্য্য একসঙ্গে ভাবপ্রবণ 'অধিকাংশ' এবং সত্যসন্ধানী 'অল্পাংশ'কে আকর্ষণ করিতে পারে, সেই সকল শিল্পী



চন্দ্রালোকে (প্রাচীন চিত্র)

সাধারণ-অসাধারণ সব সমাজেই কল্কে
পাইয়া থাকেন। যেমন র্যাফেলের মাতৃমূর্তি।
স্নেহময়ী জননীর কোলে তাঁহার প্রাণপুতলী
সন্তানের খেলা—ছবির এই বিষয়টি সর্ব-
সাধারণকে যে খুব সহজেই অভিভূত করিবে,
তাহাতে কোনই সন্দেহ নাই; কিন্তু এ
ছবিতে র্যাফেলের যে হাতের কায়দা, তুলির
টান, রেখা-রঙের লীলা আছে এবং সর্বোপরি
ইহার মধ্যে শিল্পীর যে স্বন্দৃষ্টি, সত্যানুভূতি

ও ভাবের প্রেরণা আছে, তাহা সাধারণের
চোখ এড়াইয়া কেবল সমঝদারের চোখেই
ধরা পড়ে—এবং সমঝদারের কাছে মাতৃমূর্তির
যে এত আদর তাহার আসল কারণ হইতেছে
র্যাফেলের ঐ কলাকুশলতা এবং ফ্রবদর্শন।
“চন্দ্রালোকে” ও “কৃষ্ণ” নামে আমরা দুখানি
ভারতীয় প্রাচীন চিত্রের প্রতিলিপি এখানে
দিলাম, এ-দুখানিও দু-দলের দর্শকের
মনোরঞ্জন করিতে পারিবে—কেননা, এ



নট কৃষ্ণ (প্রাচীন চিত্র)

ছবি-ছবিখানির বিষয়ও যেমন জনপ্রিয়, অঙ্কন-পটুতাও তেমনি চমৎকার।

* *
*

বিষয় ধরিয়া শিল্প-বিচার করে বলিয়াই জনসাধারণ আসল-নকল চিনতে পারে না। শিল্পজগতে এমন কয়েকখানি ছবি আছে, সমঝদারেরা যে-গুলিকে র্যাফেলের “মাতৃ-মূর্তি”র চেয়েও ভালো বলিয়া জানেন। কিন্তু সে-সব ছবির বিষয় সাধারণের চোখে চমক লাগাইতে পারে না বলিয়া তাহাদের

সঙ্গে সকলের পরিচয়লাভের সুযোগও ঘটে না। Giorgioneএর Castelfranco Madonna নামে ছবিখানি শিল্পীসমাজে স্ত্যস্ত বিখ্যাত। কল্পজগতে এমন ছবি তুলত, সমালোচকরা যাহাকে নিখুঁত বলিয়া মানিয়া নেন, Giorgioneএর অঙ্কিত এই ম্যাডোনা-মূর্তিট উক্ত তুলত গুণের অধিকারী। এই ছবিখানির অঙ্কনকাল পাঁচশতাব্দীরও আগে—কিন্তু এতকালের মধ্যে খুব কম লোকের কাছেই ইহার আদর হইয়াছে এবং ভবিষ্যতেও খুব কম লোকের মুখেই ইহার



মাতৃমূর্তি

(Castelfranco Madonna.)

নাম শোনা যাইবে। সমঝদার ইহার গুণ যদি না-যুক্তিভেদন, ছবিখানি তাহাইলে বিশ্বাসিতর অভলে তলাইয়া যাইত।

সমঝদারেরা সকলদিক ভাবিয়া-বুঝিয়া দোষগুণ বিচার করিয়া একবার যাহাকে ভালো বলিয়া গ্রহণ করেন, শতাব্দীর পর শতাব্দী কাটিয়া গেলেও আর তাহাকে ত্যাগ করেন না। কিন্তু জনসাধারণকে এমন-ধারা বিশ্বাস করা চলে না; তাহাদের মিন্দা প্রশংসা বিচারবুদ্ধি-সাপেক্ষ নয় বলিয়া, তাহারা আজ যাহাকে মাথায় চড়ায়, কাল তাহাকে পথে বসায়! ইহার প্রমাণেরও অভাব নাই। একসময়ে Bernini, Canova ও Tharwaldsen সর্ব-সাধারণের প্রিয় ছিলেন; আর-একসময়ে Carlo Dolci, Guido Reni ও Domenico Prati প্রভৃতি শিল্পীকে সকলেই খুব পছন্দ করিত; কিন্তু জনসাধারণের মন লক্ষ্মীর মত চঞ্চল বলিয়া ঐ-সকল শিল্পীর জনপ্রিয়তা ক্রমেই কমিয়া যাইতেছে। এইজন্য, যতই আপদমধুর হউক, জনসাধারণের প্রশংসাকে কোন শিল্পীই যেন সত্য বলিয়া গ্রহণ না করেন। সাধারণের মন রাখিতে গিয়া, এদেশে অত বই লিখিয়াও রাজকুমার রায় সাহিত্য-সমাজে নিজের জন্ত একটুখানি জায়গা করিয়া লইতেও পারিলেন না।

সাধারণের শিল্পবিচারে আর-একটি মন্ত খুঁৎ আছে। তাহারা আসল সৌন্দর্য্য বুঝিতে পারে না। তাহারা ভাবে, দেখিতে যাহা সুন্দর, তাহার মধ্যেই বুঝি সৌন্দর্য্য পাওয়া যায়! কিন্তু তা ত নয়! Beauty এক জিনিষ আর Prettiness হচ্ছে

আর এক জিনিষ—রূপা ও কাঁচা যেমন আলাদা জিনিষ,—এ ছুটিও তেমনি!

সৌন্দর্য্য আছে কেবল সত্যের মধ্যে; তাইত কবি বলিয়াছেন 'সৌন্দর্য্য হচ্ছে সত্য, সত্য হচ্ছে সৌন্দর্য্য'! যে কলাবিদ সত্যকে পাইয়াছেন, কেবল তাঁহার সৃষ্টির মধ্যেই সৌন্দর্য্য তাহার সিংহাসন পাতিয়াছে।

ফ্লোরেন্সের প্রথম যে চিত্রকর অমরতার অধিকারী হইয়াছেন, তাঁহার নাম Giotto, —১৩৩৬ খৃষ্টাব্দে তাঁহার মৃত্যু হয়। কি রেখা-পাতে আর কি-বর্ণপাতে,—Giottoর চেয়ে বড় অনেক শিল্পী জগতে নাম কিনিয়াছেন। কিন্তু অনেকদিকে অসম্পূর্ণ হইলেও, Giotto সত্যের সাক্ষাৎ পাইয়াছিলেন; তাই তাঁহার অঙ্কিত চিত্রাবলীতে সৌন্দর্য্যের যে স্বরূপ-দর্শন হয়, রেখা ও রঙে ওস্তাদ অনেক নামজাদা আঁকিয়ের ছবিতেও তাহা দেখিতে পাওয়া যায় না। Bouguereau একজন একেলে পটুয়া; দেখিতে সুন্দর এবং রেখারঙে নিখুঁত হয় বলিয়া বাজারে তাঁহার আঁকা ছবিগুলির নাম-ডাক যথেষ্ট। তাঁহার সুনামের আর-একটি কারণ, জনসাধারণের ভাবপ্রবণতাকে জাগাইয়া তুলিতে তিনি একজন মস্ত-ওস্তাদ। তাঁহার অঙ্কিত নানা চিত্রের মধ্যে The Virgin as Consoler নামে শোকের ছবিখানি অনেকের কাছেই পরিচিত এবং কিছুদিন আগে "সাহিত্য" পত্রে এই পটের একখানি প্রতিলিপিও বাহির হইয়া গিয়াছে। সুন্দর-সুন্দর মূর্তি আঁকিয়া রঙের বাহার দেখাইয়া তিনি বোকা লোকের চোখে চটক লাগাইয়া দিয়াছেন বটে, কিন্তু এত-করিয়াও সত্যের সঙ্গে তাঁহার সাক্ষাৎকার

হয় নাই; তাই তাঁহার চিত্রাবলীতে চোখভুলানো রূপ থাকিলেও মনভুলানো সৌন্দর্য্য দেখিতে পাওয়া যায় না। রেখাবর্ণ-পাত-কৌশলে Giotto তাঁহার চেয়ে ঢের খাটো; তথাপি সমালোচকরা Bouguereau-এর উপরে Giottoর আসন নির্দেশ করিয়াছেন কেন? কেননা, Bouguereau যে সৌন্দর্য্যের সন্ধান পান নাই, Giottoর ছবিতে সেই সৌন্দর্য্যের শিখা জ্বলন্ত হইয়া উঠিয়াছে।

* * *

অনুশীলন না করিলে শিল্পবোধ হওয়া অসম্ভব। সাধারণের মধ্যে সাধারণত এই অনুশীলনের একান্ত অভাব দেখা যায়; তাই তাহাদের রুচির উপর নির্ভর করা চলেনা। কেন চলেনা, একটি দৃষ্টান্তে তাহা বুঝাইতে চেষ্টা করিব।

ধূ-ধূ মাঠ—নির্জন, স্তব্ধ, উদাস। তার মাঝখানে কোন্‌কালের একটি পুরানো বাড়ী ভাঙ্গিয়া-চুরিয়া একাকার হইয়া পড়িয়া আছে। তাহার ছাদ গিয়াছে, দরজা-জানলা খসিয়াছে, শ্রী-ছাঁদ সমস্ত ঘুচিয়াছে, থাকিবার মধ্যে আছে শুধু এখানে-ওখানে ছ-একটা বুনো-গাছে-ভরা শেওলা-মাথা নড়বোড়ে ফাট-ধরা প্রাচীর।

খানিক-কালো খানিক-আলো লইয়া প্রথম-সন্ধ্যা যখন দিবস-রজনীর মিলন-রেখায় আসিয়া দাঁড়ায়, তখন এই ধ্বংস-স্তূপের মধ্যে একটা রহস্যপূর্ণ ভাব জাগিয়া উঠে।

এমনসময় যদি কোন্ সাধারণ লোক

এ-পথে আসিয়া পড়ে, তবে সে ঐ ভাঙ্গা বাড়ীটা দেখিয়াও একটুকু মনকিয়া দাঁড়াইবে না—বরং আসন্ন অন্ধকারের ভয়ে আরো-তাড়াতাড়ি স্বদূরের লোকালয়ের উদ্দেশে চলিয়া যাইবে। কিন্তু যাহার চোখের মত চোখ আছে, যিনি কলাবিদ বা কলারসজ্জ, এখানে আসিয়া পড়িলে ঐ লোকটির মত তিমিও এমন একটি দৃশ্য দেখার সুযোগ ছাড়িয়া চলিয়া যাইবেন না; এখানে দাঁড়াইয়া সতৃষ্ণ চোখে, বিভোর প্রাণে তিনি দেখিবেন, এই স্তম্ভিত, গম্ভীর সন্ধ্যাআকাশের তলায়, এই বিজন, নিভৃত ও প্রান্তহীন প্রান্তরে, এই পরিত্যক্ত, নিঃসঙ্গ ও নিস্তব্ধ ধ্বংসস্তূপের মধ্য হইতে কেমন-একটা অদৃশ্য জীবনের আভাস ও বিষন্ন ভাবের ছায়া ফুটিয়া উঠিতেছে! ঐ লতাগুল্মশৈবালে চিত্রিত, নতোরত ভগ্ন প্রাচীরগুলিও কি-এক মোহন সৌন্দর্য্যে অপূর্ব-সুন্দর, হাসি ও অশ্রুর মত আলো-ছায়ার চঞ্চল লীলায় বিচিত্র! সময় বিশেষে জড়ের মধ্যেও প্রাণের যে অভিব্যক্তি দেখা যায়, রসজ্ঞের হৃদয় এখানে আসিয়া তাহা একান্তভাবে অনুভব করিবে।

‘অধিকাংশ’ ও ‘অল্পাংশ’র মধ্যে এই জায়গাতেই তফাৎ; প্রতিদিন আমরা যে-সকল দৃশ্য দেখি, যে-সকল বস্তুর সংস্পর্শে আসি, জনসাধারণ সেগুলিকে তলাইয়া দেখিতে শা-কুঝিতে চেষ্টা করে না; কিন্তু রসিকরা সেই সকল নিত্যদৃষ্ট দৃশ্য ও বস্তুর মধ্য হইতেই নূতন ভাব, নূতন রূপ ও নূতন রসের সন্ধান পাইয়া থাকেন।

রসিকের এই-যে গভীর স্মৃষ্টি ও রসগ্রাহিতা, সাধারণের জহা নাই। তাই দলে ভারি হইলেও 'অধিকাংশ' কখনো 'অল্পাংশ'কে ঠেলিয়া যথার্থ উন্নত সমাজে চুকিতে পারে না; 'অধিকাংশ'র মতই চিরকাল সভ্যসমাজে প্রতিষ্ঠান্নাভ করিয়া থাকে। এবং এইজন্মই আর্টের 'মধ্যে জনপ্রিয়তার (Popularity) কোন মূল্য নাই। এমনকি, যে আর্টের সৃষ্টিবেশী-লোকের পছন্দ-সৈ, তিনি যে খুব উচুদরের আর্টিষ্ট নন, কিছুমাত্র চিন্তা না-করিয়া অনেকসময়ে সে কথাটিকেও ফস-করিয়া বলিয়া দেওয়া যায়।

শিল্পরসজ্ঞগণ তাই মনে করেন, আর্টের পক্ষে জনপ্রিয়তার মত মারাত্মক শত্রু আর-কিছু নাই। আর্টের হৃদয়ে যখন সর্বজনপ্রিয় হইবার বাসনা জাগে, তাঁহার আর্ট তখন 'দেখিতে 'আহামরি' সুন্দর হইলেও হইতে পারে—কিন্তু সে, সৌন্দর্য্য মাকাল ফলের মত ব্যর্থ।

—এমনি সকলদিক হইতে বিচার করিয়া দেখিলে বুঝা যায়, আর্ট হইতে যাঁহারা আভিজাত্য উঠাইয়া দিতে চান, তাঁহাদের বুল্লির গোড়ায় কিঞ্চিৎ গলদ আছে! কারণ, আর্টে এখনো সাধারণ-তন্ত্র প্রতিষ্ঠার সময় উপস্থিত হয় নাই। যুরোপে জনসাধারণের রুচি, শিক্ষা ও রসবোধ এখনকার চেয়ে চর বেণী

ধারাল, উন্নত ও প্রশস্ত; তবুও সেখানকার কবি; শিল্পী আর সমালোচকরা জনসাধারণের নির্বুদ্ধিতা ও অরসিকতার জন্ম প্রকাশে 'হা-হতোশ্মি' করিয়া থাকেন; সুতরাং আমাদের দেশে—যেখানে শিক্ষা এখনো শৈশবে, পাঠকের মন এখনো কাঁচা—সেখানে আর্টে সাধারণ-তন্ত্র প্রতিষ্ঠার কথা ভুলিতে যাওয়াই মস্ত-একটা হাসির ব্যাপার। এদেশে আর্টকে যদি সর্বজনপ্রিয় করিয়া ভুলিতে হয়, তবে বাঙ্গলা মাসিকের গল্পের ও ডিটেকটিভ উপন্যাসের অপরূপ ছবি ছাড়া আর কোন-রকম চিত্র আঁকা চলিতেই পারে না; সাহিত্যেও তাহাই হইলে মাইকেল-বঙ্কিম-রবীন্দ্র-সাহিত্যের পরিবর্তে চলিবে বটতলার জনপ্রিয় সাহিত্য (যার ধূম হইতেছে—“একটি পঞ্চস। খরচ করে, অবাক কাণ্ড দেখুন পড়ে”) এবং সঙ্গীতে শুনিব বিগুহ্ন রাগরাগিনীর উচ্চাঙ্গের আলাপের পরিবর্তে ধিয়েটারের নাকী-সুরের অপূর্ব বিলাপ! সাধারণ-তন্ত্রের হাঁড়িকাঠে আর্টকে পুরিয়া ফেলিলে বেচারীর মাথাটি বাঁচানো দায় হইয়া উঠিবে—আর্টকে যাঁহারা রক্ষা করিতে চান, তাঁহারা যেন সাধারণ-তন্ত্রের কথা ভুলিয়াও মুখে না-আনেন; কেননা, সুধু বাঙ্গলাদেশে কেন—পৃথিবীতেও এখনো সে শুভদিন আসিতে অনেক—অনেক দেরি আছে।

শ্রীহেমেন্দ্রকুমার রায়।

নিয়ন্ত্রিত হয়—এটা যে প্রায় বারোআনা মেয়েদের জীবন সম্বন্ধেই প্রত্যক্ষ সত্য, তাহা বোধহয় নিঃসংশয়েই বলা যাইতে পারে। সুতরাং স্বামী-স্ত্রীর সম্বন্ধের আসল সমস্যাটা এইখানে যে,—যদি উভয়ের ব্যক্তিত্বটাই বেশ পরিষ্কৃত না হয়, তবে উভয়ের মধ্যে প্রেমের স্বাধীন আদান প্রদান হইতেই পারে না। স্বামীর মধ্যে ব্যক্তিত্বটা স্ফুট আর স্ত্রীর মধ্যে সে পদার্থটা একবারেই সুপ্ত হইলে, সে স্ত্রীকে কোন স্বামীই সম্পূর্ণ শ্রদ্ধা করিতে পারে না এবং শ্রদ্ধা না থাকিলে স্বামী-স্ত্রীর মধ্যে খাঁটি প্রেমও জন্মে না। কাজেই স্ত্রী তখন স্বামীর ভয়ে এবং শাসনে চলে—সংসারের ব্যাপারে তার বিশেষ কোন কর্তৃত্বই থাকে না। ষত দিন পর্য্যন্ত তার রূপযৌবন থাকে, ততদিন সে স্বামীর অনুগ্রহভাগিনী হয়, রূপ না থাকিলে বা যৌবন গত হইলে স্বামীর সংসারে, স্বামীর চোখে, কোন ব্যক্তি-স্বাতন্ত্র্যহীন স্ত্রীরই যথেষ্ট মর্যাদা ও সম্মান থাকে বলিয়া মনে করি।

তবে ছেলে মেয়ের “মা” হিসাবে একটা বড় পদ স্ত্রীলোকের থাকে সত্য—সেই একটা দিক হইতে স্বামীর উপর তার জোরও থাকে, দখলও থাকে। স্ত্রী হিসাবে স্বামীর সঙ্গে যে সব স্ত্রীলোকের সম্বন্ধ হয় না, মা হিসাবে তাদের স্বামীর সঙ্গে একরকমের একটা সম্বন্ধ দাঁড়াইয়া যায়। প্রধানতঃ এই কারণেই আমাদের পরিবারতন্ত্রে স্ত্রীর চেয়ে মায়ের আসন বড়। এই জন্তই যতদিন পর্য্যন্ত স্ত্রী সম্মানবতী ও বয়স্ক না হয়, ততদিন স্বামীর সঙ্গে তার সর্বসমক্ষে প্রকাশ্য ভাবে দেখাশোনার পর্য্যন্ত

লজ্জার কথা—অন্তলোকের সামনে স্বামী-স্ত্রীতে দেখা হইলে ছুজনেই প্রমিত্তিধারণ করে যেন কেউই কাউকে চেনেনা! স্ত্রী যে গৃহের দীপ্তি, সে মমুর হিসাবে কেবল “প্রজনার্থঃ” কিনা। সেইজন্ত রাত্রির নির্জনতা ভিন্ন, দিনের আলোর অন্য নানা বিষয়ে, নানা ভাবে, নানা রসে, নানা সামাজিক সূত্রে, স্ত্রীর পক্ষে পতিসঙ্গটা সনাতন দেশাচারের ব্যৱস্থা সম্বন্ধে খেদাইয়া রাখিয়াছিল। এ কালের হাওয়ার সেই সনাতন ব্যবহার সবই ওলোটপালোট হইয়া যাইতেছে বটে কিন্তু তার সংসারের জড় এখনো মরে নাই।

স্বামী-স্ত্রীর সম্বন্ধ যে মনের সম্বন্ধ, আচার সম্বন্ধ এবং ছুজনের স্বাধীন আদান-প্রদানের যোগেই যে তাদের সংসার রচনা সুন্দর ও সফল হইয়া উঠিতে পারে, এ বোধ যেমন খুব অল্প স্বামীরই আছে, তেমনি খুব অল্প স্ত্রীরও আছে। এ বোধ স্বামীদের মধ্যে জাগ্রত করিবার একমাত্র উপায় স্ত্রীদের ব্যক্তিত্বের জাগরণ ঘটানো। এবং স্ত্রীদের ব্যক্তিত্বের বিকাশ ঘটানোর উপায় ছেলেবেলা হইতে তাদের মনকে প্রশস্ত শিক্ষা ও সামাজিক আবহাওয়ার মধ্যে মানুষ করিয়া তোলা এবং পরিণত বয়সে বিবাহ দিবার সময়ে কিছু পরিমাণে তাদের স্বাধীন নির্বাচনের সুযোগ দেওয়া। ইহা না করিলে, স্ত্রীলোকের status সম্বন্ধে চিরদিনই নগণ্য থাকিবে এবং যে সমাজে স্ত্রীলোকের অবস্থা হীন, সে সমাজ কোন দিনই উন্নতির পথে যথেষ্ট অগ্রসর হইতে পারিবে না, এটা স্বতঃসিদ্ধ সিদ্ধান্তের মতই বলা যাইতে পারে।

সুতরাং লেখক যে বলিয়াছেন আমাদের আনাদিক সমুদায় “একচোথো” বলিয়া তাহা নৈতিক অপরাধের জন্য স্ত্রীকে দণ্ড দেয় আর পুরুষকে রেহাই দেয়—সেদিক্ হইতে অভিযোগের কোন জোর নাই। যে স্ত্রীর ব্যক্তিত্ব নাই, সে স্ত্রী অস্তায় শাসনের দণ্ডটাকে যে আপনিই মাথায় তুলিয়া লইয়াছে। যে জাতটার মধ্যে ব্যক্তি-বৈশিষ্ট্য কোঁটে নাই, যে জাত কোনো দিক্ হইতেই বিশ্বমানবকে দান করিবার মত কোনো সম্পদ অর্জন করিল না, সে যে দাসত্বের শৃঙ্খল আপনিই আপনার গলায় পরিল! পৃথিবীতে যে স্বভাবতই দাস, তাকে প্রবলের শাসন ও শোষণ হইতে রক্ষা করিবে কে?

অথচ এ কথাও একেবারেই বলা চলে না যে, স্ত্রীর মধ্যে ব্যক্তিত্ব জিনিসটা পুরো-পুরি ফুটিলে, স্বামী-স্ত্রীর মধ্যে একটা “সর্বাঙ্গীন সহায়ত্ব বা নিবিড় মিলন” দেখা দিবেই! স্বামী যতক্ষণ প্রভু এবং স্ত্রী-অধীনা, ততক্ষণ সংসারে যে একটা তামসিক শাস্তির চেহারা দেখিতে পাওয়া যায়, স্বামী-স্ত্রী দুজনেরই মধ্যে ব্যক্তিত্ব যেখানে ফুট, সেখানে সব ক্ষেত্রে তেমন-তর শাস্তির সম্ভাবনা সুনিশ্চিত নাও হইতে পারে। ইউরোপে স্বামী-স্ত্রী যেখানে পরস্পরকে স্বাধীনভাবে নির্বাচন করিয়া লয়, সেখানে হয়ত বারোআনা ক্ষেত্রেই তাদের সম্বন্ধ “নিবিড় মিলনের” সম্বন্ধ হয় না। যে অল্পকালে পরস্পরকে এক সময়ে বাধিয়াছিল, কিছুকাল পরে হয়ত দেখা যায় যে, সে-অধীনাগের ভিত্তিটা যথেষ্ট দৃঢ় নয়, যথেষ্ট

গভীরও নয়। পরস্পরের মধ্যে মিলের চেয়ে অমিল ঢের বেশি।

সুতরাং বরদা বাবুর অভিপ্রায় যদি এই হয় যে, স্বামী-স্ত্রীর সম্বন্ধ সকল দিক্ হইতেই স্বাধীন আদান প্রদানের সম্বন্ধ হইলে এবং স্ত্রী কেবল “স্ত্রী” না হইয়া বঙ্কিমবাবুর নগেন্দ্রনাথের ভাষায়, বিচিত্র সম্বন্ধের রসে স্বামীর সহিত তার সম্বন্ধটি রসাইয়া লইলেই, স্বামী-স্ত্রীর মধ্যে মিলনটা নিবিড় হইতে পারে—তবে আমি বলিব যে, এ সব সম্বন্ধেও স্বামী-স্ত্রীর মিলন স্থায়ী না হইতেও পারে। সূর্যামুখী বা ভ্রমর “কেবল স্ত্রী” ছিল বলিয়াই যে তাদের স্বামীর সঙ্গে তাদের মিলন সম্পূর্ণ হয় নাই, তারা “উগ্রচণ্ডা ক্ষেমঙ্করী” হইলেই যে কোন ‘গোলমাল’ উঠিত না, একথা আমি বিশ্বাস করি না। কোন উগ্রচণ্ডা বা ক্ষেমঙ্করীর সাধ্য নাই যে, স্বামীর মন বিগড়াইলে তাকে ভালো পথে টানিয়া আনে।

মানুষের sex-affinity বা মিথুন-সম্বন্ধের রহস্য এত বিচিত্র যে, পরস্পরকে ভালবাসিয়া নির্বাচন করিয়া বিবাহ করিবার সুদীর্ঘ কাল পরেও হঠাৎ এক সময়ে স্বামী-স্ত্রী উভয়েই আবিষ্কার করে যে, তারা পরস্পরের বর্ধাৰ্থ মিথুন নয়—নিয়ত কাছে বাস করিয়াও তারা পরস্পর হইতে অত্যন্ত দূরে। গ্যরটে তাঁর “Elective Affinities” উপন্যাসে মিথুন-সম্বন্ধের এই রহস্যকেই উদ্ঘাটিত করিয়া দেখাইয়াছেন। এমন কি যে প্রেম বর্ধাৰ্থ প্রেম, তাকেও একবার ভাঙচুরের ভিতর দিয়া হারাইয়া পাইলেই তবেই তাকে নিত্য

করিয়া পাওয়া যায়—বন্ধিমবাবু তাঁর ‘বিষবৃক্ষ ও কৃষ্ণকান্তের উইলে’ পুরুষের পক্ষে ত ইহাই দেখাইয়াছেন—কিন্তু স্ত্রীর পক্ষে দেখান নাই। রবিবাবু ‘ঘরে-বাইরে’ উপন্যাসে পুরুষ ও স্ত্রী দুজনের পক্ষেই তাহা দেখাইয়াছেন। স্ত্রীর দিক্ হইতে এটা দেখানো এ দেশে নূতন বলিয়াই আমাদের সমাজে ঐ উপন্যাসের বিরুদ্ধে এত প্রতিবাদ উপস্থিত হইয়াছে। কিন্তু গায়টে ‘এফিনিটির’ ইতিহাসকে ষতদূর পর্য্যন্ত খুলিয়া দেখাইবার চেষ্টা করিয়াছেন, ততদূর পর্য্যন্ত ইহার কেহই যান নাই। স্বামী-স্ত্রী পরস্পরের মধ্যে পরস্পরের “এফিনিটি”কে পাইল না এবং অবশেষে স্বামী অল্প নারীতে এবং স্ত্রী অল্প পুরুষে সেই “এফিনিটি” আবিষ্কার করিল,—গায়টে এফিনিটির ইতিহাসকে এতদূর পর্য্যন্ত দেখাইবার চেষ্টা করিয়াছেন। বাস্তবিক এ সকল বিষয়ে সংস্কারমুক্ত হইয়া আলোচনা করিতে গেলে, এই সমস্ত সমস্তাই সমাজে ও সাহিত্যে ক্রমশ দেখা দিতে পারে, এ কথাটা বলিয়া রাখা ভাল।

সুতরাং স্ত্রীর ব্যক্তিত্ব জাগ্রত হইলে সমাজে মোটের উপর শাস্তির চেয়ে অশাস্তির সম্ভাবনা বেশি। বস্তুত সেই অশাস্তির সম্ভাবনাকে স্বীকার করিয়াই ত মানুষ স্বাধীনতাকে বরণ করিয়া লয়। কেননা, অশাস্তিকে ঘুচাইবার একমাত্র প্রশস্ত রাস্তা, মানুষকে অন্ধ তামসিক সংস্কারের গারদে চিরদিন নজরবন্দী করিয়া রাখা।

স্বামী-স্ত্রীর সম্বন্ধের মধ্যে যে নানা গোলমালে সমস্তা আছে, আমাদের বাংলা

সাহিত্যে যে ক্রমশ ক্রমশ সে সকল গোলমালের ছবি ফুটিয়া উঠিয়াছে, ইহাতেই প্রমাণ যে আমাদের দেশে মেয়েদের ব্যক্তিত্ব সম্বন্ধে ধারণা অল্পে অল্পে ধোঁয়াইয়া উঠিতেছে। ধারা ব্যস্তসমস্ত হইয়া স্মৃতির ও আচারের কুলোর বাতাস দিয়া এ ধোঁয়াটাকে নিবাইবার চেষ্টা করিবেন, তাঁরা ধোঁয়াটাকে ক্রমশ আঙুনে পরিণত করিয়া তুলিতেই সাহায্য করিবেন। ‘গৃহস্থ’, ‘উপাসনা’ প্রভৃতি কতগুলি কাগজে সেই চেষ্টা শুরু হইয়াছে। ইহাতে আমরা ত খুসিই আছি, কারণ জানি যে ব্যক্তিত্ব একবার জলিবার উপক্রম করিলে তাকে কেউই নিবাইতে পারে না। নহিলে পোপেদের শাসনে ইউরোপের স্বাধীন চিন্তাকে আঙুনের মুখে ধরিয়া পোড়াইবার যে ব্যবস্থা হইয়াছিল, তাহা সেই পাবক হইতেই পুত হইয়া নূতন বিক্রমে জলিয়া উঠিল কেন? অতএব, মাঠে:

বঙ্গে আত্মহত্যা

আম্বিনের “প্রবাসীতে” সম্পাদক মহাশয় তাঁর “বিবিধ প্রসঙ্গে” বঙ্গে আত্মহত্যা সম্বন্ধে বাংলার পাঠকদের মনোযোগ আকর্ষণ করিয়াছেন। তিনি লিখিয়াছেন:—“বাংলা দেশের ১৯১৬ সালের যে স্বাস্থ্য-রিপোর্ট বাহির হইয়াছে, তাহা হইতে দেখা যায় ঐ বৎসর ১৩০৩ জন পুরুষ এবং ২০০৭ জন স্ত্রীলোক আত্মহত্যা করিয়াছিল। বাংলা দেশে পুরুষের চেয়ে স্ত্রীলোকের সংখ্যা কিছু কম; প্রতি এক হাজার পুরুষে ৯৪৫ জন করিয়া স্ত্রীলোক বঙ্গে আত্মহত্যা

আত্মহতিনী স্ত্রীলোকের সংখ্যা কিন্তু আত্মহতী পুরুষের সংখ্যার দেড় গুণেরও অধিক।" তিনি দেখাইয়াছেন যে, কলিকাতা সহরেও স্ত্রীলোকদের আত্মহত্যার হার পুরুষদের চারি গুণেরও বেশি। বাংলার আত্মহত্যার অল্পপাতের সঙ্গে বিহার-উড়িষ্যা ও আগ্রা-অযোধ্যা প্রদেশের আত্মহত্যার অল্পপাতের তুলনা করিয়া তিনি দেখাইয়াছেন যে, বাংলা দেশেই "আত্মহত্যার প্রবৃত্তি প্রবলতম", যদিচ অন্যান্য প্রদেশেও পুরুষের চেয়ে স্ত্রীলোক বেশি আত্মহত্যা করিয়া থাকে। তার পর ঐ তিন প্রদেশের মধ্যেই বাঙালীর মেয়েদের ভিতরেই আত্মহত্যার প্রবৃত্তি সব চেয়ে বেশি দেখা যায়।

অথচ পাশ্চাত্য দেশের একজন বিশেষজ্ঞ-ব্যক্তির উক্তি উদ্ধার করিয়া সম্পাদক দেখাইয়াছেন যে, পাশ্চাত্যদেশে পুরুষেরা স্ত্রীলোকের চেয়ে বেশি আত্মহত্যা করে।

সুতরাং স্পষ্টই বুঝা যাইতেছে যে, বাঙালী মেয়েদের দুঃখ সব চেয়ে বেশি এবং তাদের শরীর ও মনের বল কম বলিয়া বাংলাদেশে আত্মহত্যা বাড়িয়া চলিয়াছে।

বাঙালীর মেয়েরা বেশি গল্প পড়ে বলিয়া বেশি আত্মহত্যা করে, এ সম্ভাবনাটাকে সম্পাদক একেবারেই ভিত্তিহীন বলিয়া উড়াইয়া দিয়াছেন। তিনি বলেন, পুরুষেরা মেয়েদের চেয়ে অনেক বেশি গল্প পড়ে, কৈ তারা তো বেশি আত্মহত্যা করে না? তার পর লেখাপড়ানার মেরেই যে আত্মহত্যা করে তারও কোন প্রমাণ নাই। পাশ্চাত্য দেশের মেয়েরা আমাদের মেয়েদের চেয়ে অনেক বেশি মাত্রায় উপন্যাস পড়ে

কিন্তু তারা যে এত আত্মহত্যা করে তাহা দেখা যায় না। সুতরাং বেশি গল্প পড়াটা আত্মহত্যার কারণ নয়।

গল্প পড়াটা আত্মহত্যার আসল কারণ এবং মুখ্য কারণ না হইলেও অনেক ক্ষেত্রেই তাহা যে আত্মহত্যার প্রবৃত্তিকে জাগাইয়া তোলে একথা অস্বীকার করা যায় না। পাশ্চাত্য সাহিত্যের প্রভাবে আমাদের সাহিত্যে স্ত্রীপুরুষের প্রেমের যে স্বাধীন সংস্কারমুক্ত, উদার ও উচ্চ আদর্শ টা ফুটিয়া উঠিয়াছে, সমাজের মধ্যে তা তার স্থান হয় নাই। সেই কারণে এই নূতন সাহিত্যের অরুণোদয়ে স্ত্রীলোকের মনের চারিদিক হইতে যখন সংস্কারের কুয়াসাটা কাটিয়া যায়, তার মন যখন জাগে, তখন তার নাইরের সংসারের সমস্ত কৃত্রিম বিধিনিষেধের তর্জনী তাকে এক পাও অগ্রসর হইতে দেয় না। তার জীবনের সংকীর্ণ ক্ষেত্রের চারিদিকে চিরাগত সংস্কারের কালো পর্দাগুলি নীরক্ৰভাবে টানিয়া দেওয়া হয়। এমনি করিয়া সে সাহিত্যে যে-জীবনটার কল্পরূপ দেখিয়া মনে মনে তাকে বরণ করিয়া লয়, সমাজের জীবনের বাস্তবরূপের সঙ্গে তার বৈষম্যটা এতই ভয়ঙ্কর যে, তার ভিতরের সঙ্গে বাহিরের, তার আদর্শের সঙ্গে বাস্তবের, তার অনুভূতির সঙ্গে সংস্কারের একটা প্রচণ্ড বিরোধ বাধিয়া যায়। অথচ সে বিরোধের কোন কুলকিনারা পাওয়া তার পক্ষে একেবারেই অসম্ভব। কেননা, পুরুষের সমস্যার সমাধান তার নিজের হাতে, কিন্তু মেয়েদের তো তা নয়। এই আত্মবিরোধের দোটারনার মধ্যে পড়িয়া অনেক

মেয়ে নিপীড়িত হইয়া যে আত্মহত্যা করে, তার অনেকগুলি নিদর্শন আমি প্রত্যক্ষ ভাবেই পাইয়াছি।

আমাদের সমাজে মেয়েদের যত দুঃখ যত অপমান এমন আর কোন সভ্য দেশের কোন সমাজে নাই। যে দেশের বারো আনা লোকের বিশ্বাস যে স্ত্রীলোক বাহিরে আসিলে বা পর পুরুষের সঙ্গে মিশিলেই তার সতীত্ব নষ্ট হইয়া যাইতে বাধ্য, সমস্ত স্ত্রীজাতিকে সে দেশের লোক অপমানিত করিয়াছে, কেননা স্ত্রীজাতির প্রতি এত বড় অশ্রদ্ধার কথা কোন সভ্য সমাজের লোকের কল্পনায় উদয় হওয়াও অসম্ভব।

আমরা পুরুষ, আমাদের ব্যক্তিত্বের বিকাশের জন্ত বিশ্ববিদ্যালয় চাই, সমাজে প্রশস্ত কর্মক্ষেত্র চাই, রাষ্ট্রীয় শাসনের অধিকার চাই—কত বিচিত্র আরোহণ এবং কত প্রতি-যোগিতার নিরন্তর ঘাতপ্রতিঘাতে তবে আমাদের ব্যক্তিত্বের একটু আধটু জীবন-স্পন্দন দেখা দিলেও দিতে পারে! কিন্তু আমাদের বিবেচনায় মেয়েদের ব্যক্তিত্ব পদার্থটা সমাজের পক্ষে সম্পূর্ণ অনাবশ্যক। কেননা, বিধাতা তাকে মন ও আত্মা বিবর্জিত করিয়াই গড়িয়াছেন।

প্রথমতঃ তার জন্মটাই পিতামাতার পক্ষে একটা “দায়”। তারপর তার দশ এগার বছর পার হইতে না হইতেই সে “অরক্ষণীয়া” হইয়া পড়ে; তখন কাগজে বিজ্ঞাপন দিয়া বিবাহের বাজারে তার ভাগ্য পরীক্ষা হয়। তারপর একদিন মাথার চুল হইতে পায়ের নখ পর্য্যন্ত বেশ করিয়া পরখ করিয়া বা করাইয়া

লইয়া রণবাণ্ড বাজাইয়া যে বীর ব্যক্তিটি তাকে ঘরে লইয়া যান—তিনিই তখন হইতে তার জর্গ্যবিধাতা। দৈবাৎ তাঁর সুনজরে যদি সে পড়িল ত ভাল, নহিলে—কপালে করাঘাত এবং কন্দন! কিন্তু কুনজরেই পড়ুক আর সুনজরেই পড়ুক, সে অস্ত্রের যে ক্রীড়নক সেই ক্রীড়নকই থাকিয়া যায়। তার চিত্তের ক্ষেত্র ঐ মন্তঃপুর—তার স্বামী পুত্র কন্যা, তার পরিবারের অগাণ্ড আত্মীয়, ইষ্টিকুটুম প্রভৃতির মধ্যেই তার সমস্ত কর্তব্য বিতক্ত।

পুরুষের পক্ষে চাই সমস্ত জগৎটা, আর মেয়েদের পক্ষে ঐ পারিবারিক ক্ষেত্রটুকুই পর্য্যাপ্ত। অথচ সনাতন হিন্দুশাস্ত্রে নাকি বলে যে, পুরুষের সহধর্মিণী স্ত্রী, সেই তার বড় পদ। পুরুষ আর স্ত্রীর মনের মধ্যে এতবড় একটা অসামঞ্জস্য কে সমাজ পাকা করিয়া গড়িয়া তুলিয়াছে, সে সমাজে স্ত্রীলোকের নানাদিকেই দুঃখ ও অপমান অনিবার্য্য। মুক্তির অভিধানে সব চেয়ে বড় দুঃখ, বন্ধনের বেদনাই সব চেয়ে বড় বেদনা।

আজ রাজনৈতিক ক্ষেত্রে সামান্ত সন্দেহে যে সকল পুরুষকে নজরবন্দী করিয়া রাখা হইতেছে, তাদের মধ্যে কেউ কেউ অকর্মণ্য জীবনের দুঃসহ বেদনা সহ করিতে না পারিয়া আত্মহত্যা করিতেছে। কিন্তু বাংলাদেশে স্ত্রীলোকেরা যে তাঁদের চেয়ে সহস্রগুণে বেশি নজরবন্দী, তারা যে চিরকালের মত interned, এবং তাদের বন্ধনের বেদনা যে কত নিবিড়, তাহা আমরা অনুভবমাত্র করিনা বলিয়াই

যখন তারা কেউ কেউ নিজের অবস্থা সম্বন্ধে সচেতন হইয়া দাঙ্গা করিয়া করে, তখন আমরা উপহাস করিয়া বলি,

“পাঁচকোটি লোকের মধ্যে পাঁচটি নারী যদি আত্মহত্যা করিল, অমনই চীৎকার আর চীৎকার কিন্তু প্রতিবৎসর শতশত নরনারী ধর্ম ও নীতির পথ ছাড়িয়া জীবন ত্যজ হইতেছে, সে দিকে কয় জনের লক্ষ্য আছে?”—(গৃহস্থ)

হাঁ, যে কারণে বাঙালী মেয়েদের মধ্যে আত্মহত্যা বাড়িতেছে, সেই কারণেই তাদের মধ্যে ব্রষ্টা নারীর সংখ্যাও বাড়িবেই। দুই রোগের ভিন্ন গন্ধ হইলেও তাদের মূল কারণ এক। মূল কারণ— ব্যক্তিত্ববিহীন, সংস্কারশূন্য, অবরুদ্ধ জীবনের গ্লানি ও দুঃখ এবং সেই হেতু শরীর ও মনের অবসাদ ও দুর্বলতা। মেয়েদের শরীরের স্বাস্থ্য যেমন নানা রোগের দ্বারা জীর্ণ হইতেছে, তাদের মনের স্বাস্থ্যও না থাকায় সেখানে নৈতিক দুর্বলতা সহজেই দেখা দিতে পারে। সে সম্বন্ধে statistics সংগ্রহ করিবার জন্য আমরা সমাজ-হিতৈষী ব্যক্তি-মাত্রকেই অনুরোধ করি। দমন নীতির দ্বারা কি সমাজে, কি রাষ্ট্রে, কোনদিনই ভাল ফল হয় নাই, ইতিহাসই তার সাক্ষ্য দিবে।

বর্তমান সাহিত্যের গতি

আমাদের “ভারতবর্ষে” ‘শ্রী’ স্বাক্ষরিত কোন লেখক, বর্তমান সাহিত্যের গতি সম্বন্ধে আলোচনা করিতে গিয়া স্ত্রী-পুরুষের সম্বন্ধে উচিত যে সকল সমস্ত বর্তমান বাংলা সাহিত্যে দেখা দিতেছে, তাহা “নুতন ধরণের”, কিন্তু “অস্বাভাবিক নয়”

বরং “প্রাচীন,” ইহাই দেখাইবার চেষ্টা করিয়াছেন। লেখক নিজে রবীন্দ্রনাথের “চোখের বালি”র ভক্ত হইলেও ঐ উপ-গ্রাসটি সম্বন্ধে তাঁর পরিচিত এবং শ্রদ্ধাভাজন একজন গোড়া হিন্দু ব্রাহ্মণ পণ্ডিতের মত উদ্ধার করিয়াছেন। সেই পণ্ডিত মহাশয় মনে করেন যে, রবীন্দ্রনাথের চোখের বালির মনস্তত্ত্বে কিছুমাত্র ভুল নাই, কিন্তু “যা সম্ভব নয় সেটাকে রবিবাবু সত্যই স্বাভাবিক করে তুলেছেন।” পণ্ডিত মহাশয়ের বিশ্বাস যে চোখের বালির “দর্শন” ভারতবর্ষে চলিবে না, কেননা “বৌবনের উষ্ণ শোণিতের আধিক্যে এই সব দর্শনের জন্ম হয়।” পণ্ডিত মহাশয়ের মতে “নৌকাডুবির মধ্যে হিন্দু দর্শনই এক পবিত্র কবিত্বের আকারে ফুটিয়া উঠিয়াছে”—“কোন ইউরোপিয়ান বা আমেরিকানের সাধ্য নয় অমন পবিত্র উপগ্রাস লেখে”। যে কমলা রমেশকে তার স্বামী বলিয়া জানিত, যে মুহূর্তে সে টের পাইল যে রমেশ তার স্বামী নয়, সে মুহূর্তে তার প্রতি তার মনের কিছুমাত্র অনুরাগ রহিল না, ইহাই পণ্ডিত মহাশয়ের আশ্চর্য লাগিয়াছে এবং ইহাকেই তিনি ‘হিন্দুদর্শন’ নাম দিয়া প্রশংসা করিয়াছেন।

লেখক বলেন কবি তাঁর সৃষ্টির “impulse” হইতে উপগ্রাস সৃষ্টি করিয়া থাকেন, সুতরাং —

“সেখানে সমালোচনার মাপকাঠি বা দেশের ধর্ম ও সামাজিকতা আনিয়া বুঝাপড়ার কি প্রয়োজন?... সাহিত্যের আদর্শ হচ্ছে সৌন্দর্য সৃষ্টি ও প্রকাশ করা সেই হিসাবে চোখের বালি উপগ্রাসকে মন্দ বলিবার ত কোন কারণ দেখি না।...একজন হিন্দু ধর্মের



হতাশের খেদ

“ও মিস্-এডুকেশন ! তোমার জন্তে সর্বস্ব ত্যাগ করলুম

তবু তুমি আমার হলেনা !”

শ্রীযুক্ত গগনেন্দ্রনাথ ঠাকুর অঙ্কিত ।

1

2

রিখবা বাণ্যেই স্বামী সম্পর্ক রহিত হইয়া যৌবনে তাহার আচার-বিচার পুন্না-পদ্ধতি দূরে রাখিয়া সহজে একজন গুণবান্ পরপুরুষের প্রতি আসক্ত হইতে পারে, তাহাকে সত্যই প্রেম দিতে পারে, তাহা যে একটা মন্ত পাপও নয়, এই হচ্চে রবীন্দ্রনাথের symbol...যে ঘটনা, যে দৃশ্য এখানে চিত্রিত করা হইয়াছে, তাহা পশ্চিম দেশে symbol হইতে পারিত না।...খাঁটি মনস্তত্ত্বের উপ-ন্যাস বাংলায় তিনিই প্রথমে লিখেছেন। বিশ্ব-সাহিত্যের সহিত তাঁহার লেখার তুলনা করিলে বেশ বুঝা যাইবে, এই ধরনের উপন্যাস লেখার হিসাবে তাঁহার স্থান কত উচ্চে। ঘটনাচক্রে পড়িয়া তাঁহার নায়ক নায়িকা প্রভৃতির মনোভাব কিরূপ পরিবর্তিত হইতেছে, তাহার পরিচয় দিতে গিয়া তিনি হটিয়া যান্না, অস্বাভাবিক একটা কিছু করিয়া বসেন না—পাঠকেরই মাঝে মাঝে হিসাব রাখিতে হয়! এমনি সূক্ষ্ম পরিচয় তাঁর স্বভাবের সূত্রে। 'চোখের বাজিকে প্রশংসা হয় না দেখে আমার আশ্চর্য্য বোধ হয়, অথবা নিন্দা করা দেখে আমার দুঃখ হয়।'

অবশ্য লেখক ঠিকই লিখিয়াছেন যে, গল্পউপন্যাসকে সামাজিক আদর্শের মাপ-কাঠির দ্বারা বিচার করা উচিত নয়—মানব-প্রকৃতির সত্য ও স্বাভাবিক সৃষ্টি হইলেই গল্পউপন্যাসকে আমরা আদর করিয়া থাকি। কিন্তু তাঁর পণ্ডিত মহাশয় যখন উপন্যাসের পবিত্রতা ও হিন্দুদর্শনের দোহাই পাড়িয়াছেন, তখন তাঁকে এই কথাই জিজ্ঞাসা করা যাইতে পারিত যে, ভারতবর্ষের প্রাচীন সাহিত্যে এই তথাকথিত পবিত্রতার আদর্শ ও হিন্দুদর্শনের ছড়াছড়িটা দেখিতে পাওয়া যায় কি? মহাভারতের মধ্যে যতগুলি বৈধ ও অবৈধ প্রণয়-কাহিনী আছে, সেগুলি তাঁর হিন্দুদর্শনের

কোটার নিশ্চয়ই পড়ে না, অথচ হিন্দুর পঞ্চম বেদ মহাভারতকে হিন্দুর শ্রেষ্ঠ সাহিত্য না বলিয়া কোন উপায় নাই। কালিদাসের "শকুন্তলা" গোপন প্রণয়েবই কাহিনী—তাতে পবিত্রতার ভড়ং নাই। এবং গান্ধারীর বিবাহের ব্যবস্থাটা সেকালের "বোহিমিয়ান্" অথচ বৈধ ব্যবস্থাই ছিল। তারপর কৃষ্ণ-লীলার ব্যাপারকে আশ্রয় করিয়া যে সব রসসাহিত্য সৃষ্ট হইয়াছে, সেগুলিকে আধ্যাত্মিক রূপক হিসাবে ব্যাখ্যা করিবার চেষ্টা না করিলে, তাদের মধ্যে হিন্দুদর্শন ও পবিত্রতা যে কি পরিমাণে বজায় থাকে, তাহা খোলসা করিয়া দেখাইবার প্রয়োজন হয় না।

সাহিত্য সর্বত্রই সাহিত্য। হিন্দু সাহিত্যে বা হিন্দুত্বের সাহিত্যে যদি এমন কোন অদ্ভুত পদার্থ থাকে যার উদ্ভব হিন্দুর দেশ ছাড়া আর কোথাও ঘটিতে পারে না, তবে সেইখানেই সে পদার্থটা সত্য কিনা সে সম্বন্ধে সন্দেহ উপস্থিত হয়। কেননা, যাহা সত্য তাহা বিশ্বব্যাপী, তার সর্বত্র প্রকাশ। মানুষের মন সাহিত্য-কলায় দর্শনে ও বিজ্ঞানে আপন জ্ঞানের আপন অনুভূতির পরম সত্যকে, কৌলিক, দৈশিক প্রভৃতি সকল সংস্কার হইতে মুক্ত হইয়া প্রকাশ করিতেছে বলিয়াই সব দেশের শ্রেষ্ঠ সাহিত্য, কলা, দর্শন ও বিজ্ঞান প্রভৃতির মধ্যে আশ্চর্য্য সাদৃশ্য ও সারূপাই আমরা দেখিতে পাই। কবি ওয়ার্ডসওয়ার্থের কাব্যে হিন্দু আধ্যাত্মিকতার আভাস যদি পাওয়া যায়, তবে এমন অদ্ভুত ও হাস্যকর কল্পনা করার আবশ্যিকতা থাকে কি যে,

পুনর্জন্ম মানিলে, ইহা বলা যায় যে, “আমাদেরি কোন পূর্বপুরুষ মৃত্যুর পর ইউরোপে গিয়া ওয়ার্ডসোয়ার্থরূপে জন্ম গ্রহণ করেন” * কিম্বা এই কথা বলিয়া আক্ষালন করার কোন মানে আছে কি যে, “ওয়ার্ডসোয়ার্থও হিন্দু”। হিন্দুদের আদর্শ বিশ্ব আদর্শ নয়, ইহা মনে করিলেই এই সকল হাস্যকর কথা বলা সম্ভব হয়। পৃথিবীতে সব জাতিই বিশ্বমানবের ভিন্ন ভিন্ন ছাঁচ মাত্র, মূলে সবাই এক— এইটেই সত্য এবং এই সত্য আছে বলিয়াই এক জাতির সঙ্গে অপর জাতির, এক দেশের সঙ্গে অন্য দেশের ভাবের আদান প্রদান চিরকাল চলিতেছে এবং চিরকালই চলিবে।

স্বামী

নারায়ণের শ্রাবণ ও ভাদ্র সংখ্যায় প্রকাশিত শ্রীযুক্ত শরৎ চট্টোপাধ্যায়ের “স্বামী” গল্পটা বাংলার মাসিক সাহিত্যের মধ্যে একটা উল্লেখযোগ্য গল্প।

গল্পের প্লটটা এই :—

সৌদামিনীর একবছর বয়সে তার বাপের মৃত্যু হইলে তার মা তাকে লইয়া নিজের ভাইয়ের বাড়ীতে আশ্রয় লয়। তার মামা ছিলেন ধর্ম নাটিক—বেশি বয়স পর্যন্ত ভাণ্ডীকে বিবাহ না দিয়া তিনি তাকে লেখাপড়া শিখাইলেন। গ্রামের মসিদের বিপিন মজুমদারের ছেলে নরেন কলিকাতার বি.এ. পড়িত; সে সৌদামিনীর মামার সঙ্গে প্রায়ই আলাচনা করিতে আসিত—মামা নিজেই তার সঙ্গে নরেনের তর্কবিতর্ক বাধাইয়া দিতেন। ক্রমে পড়াশুনা থেলা খুলা হাত পরিহাসের ভিতর দিয়া দুজনেরি মন পরস্পরের দিকে আকৃষ্ট হইল বটে,

কিন্তু সামাজিক বাধা থাকার তাদের মধ্যে বিবাহ যে হইতে পারিবে না তাহা দুজনেই জানিত। ইতিমধ্যে অন্য এক জায়গা হইতে সৌদামিনীর সখর আসিল। তার মামা প্রথমটাতে আপত্তি করিলেও পাত্র নিজে দেখিয়া আসিয়া হঠাৎ হৃদরোগে মারা গেলেন, কিন্তু মরিবার পূর্বে বিবাহে সম্পূর্ণ সম্মতি জানাইয়া গেলেন। বিবাহ হইয়া গেল। সৌদামিনীর মন রহিল নরেনে আসক্ত—স্বামীর ঘরে গিয়া স্বামীর সহিত এক শয্যায় শুইতে তার প্রবৃত্তি হইল না। কিন্তু আশ্চর্যের বিষয় এই যে, তার স্বামীও কোন বিষয়ে তাকে কোন দিন কিছুমাত্র বাধা দিলেন না। সৌদামিনীর সং বাগুড়ী তার স্বামীর প্রতি কিছু বন্ধ করিতেন না; তার বেশ দেওর এক পয়সাও সংসারে সাহায্য করিতেন না, অথচ বাড়ী-হুড় লোকের সমস্ত বন্ধ ও আদর তিনি একলাই পাইতেন। স্বামীর প্রতি সৌদামিনীর ভালবাসা না থাকিলেও তার প্রতি বাড়ীর এই অবহেলার তার গা ক্লান্ত এবং ক্রমে তার বাগুড়ির সঙ্গে ইহা লইয়া তার খিটিখিটি চলিতে লাগিল।

সৌদামিনীর স্বামী খাঁচি বৈকব। তিনি স্বীর প্রতি বন্ধ করিতেন, স্বীর সেবাও করিতেন—অথচ তার কাছে কোন দাবী করিতেন না। কাহারও কাছে তার কোন দাবী ছিলনা।

বাগুড়ীর সঙ্গে বৌয়ের হাদ্যার খবর ক্রমে সৌদামিনীর স্বামীর কাণেও উঠিল এবং সৌদামিনীর সঙ্গে সে সম্বন্ধে আলোচনার চেষ্টা করিলে, সে ভগবান মাকে না হঠাৎ এইকথা তার মুখে শুনিয়া তার স্বামী অত্যন্ত ব্যথা পাইলেন। কিন্তু তিনি বিশেষ কিছুই বলিলেন না, শুধু মায়ের সঙ্গে ঝগড়া করিতে তাকে নিবেদন করিলেন। তার সেই প্রথম নিবেদন বাক্যে আহত হইয়া সৌদামিনী বাগের বাড়ী চলিয়া বাইতে চাহিল। তিনি তৎক্ষণাৎ অনুমতি দিলেন।

এমন সময় তাদের বাড়ীতে হঠাৎ নরেন আসিয়া উপস্থিত হইল। নরেনের সঙ্গে একান্তভাবে সৌদামিনী

দেখা না করিলেও নরেন কোন সুযোগে তার নামে দেখা করিল। নরেন তার দাসী মুক্তকে হাত করিয়া জইয়াছিল। সে শুনিয়াছিল যে, সৌদামিনী এখনো তাকে ভোলে নাই, তাই সে তাকে পাইবার চাশায় তার স্বামীর গৃহেই আসিয়াছিল।

তার গাঙ্গড়ী বাড়ি পাতিয়া তাদের রহস্যলাপ কতকটা শুনিয়াছিলেন। তারপর বাড়ীঘর লোকের ন্যূন অধিকার হইল। শুধু তার স্বামীর মূখ পূর্বে যেমন এখন ছিল, পরেও তেমনিই প্রসন্ন রাইল।

নরেন মুক্তের জন্য দিয়া পলায়নের প্রস্তাব করিয়া থাকি। তাই পাঠাইল। সে চিঠি পাড়িয়া সৌদামিনী সেটা উন্মিত্তি জেলিল। ইতিমধ্যে স্বামীর কাপড় ধোবার কালে সেরা তার নিজের নামের একটা চিঠি পাড়িয়া সে ভাবিত্তে পারিল যে তার কাপড়ের কাড়ী পুড়িয়া গেছে। পাঠাইতে দেই চিঠি দেখে ভুড়িয়া গিয়াছিলেন, কিন্তু সে কথা সে বিশ্বাস করিল না। তার মনে হইল পাছে স্বামী তাহা জানিতে হয়, সেই ভয়ে তার স্বামী তার নিকট হইতে চিঠিখানি গোপন করিয়াছেন। স্বামী-স্বস্তি বিহীন কণ্ডা হইয়া গেল।

সেই গল্পে নরেনের সঙ্গে সৌদামিনী স্বামীর ঘর ছাড়িয়া বাহির হইয়া গেল। কলিকাতার সীতালতারের একটা বাড়ি ভাড়া করিয়া নরেন তাকে সেখানে রাখিল।

কিন্তু নরেনের সঙ্গে বাহির হইবার পর মুহুর্তেই সে ভিল তার সমস্ত মন কখন তার অদ্বাক্তিতে তার স্বামীর অনুরাগে পূর্ণ হইয়া উঠিয়াছে। নরেন তার মূখে স্বামীস্বস্তির কথা শুনিয়া অত্যন্ত সন্তোষিত্তি গেল, সে তাকে বারবার বুঝাইল যে এখন সে কিরিতে চাহিলেও তার স্বামী তাকে মনে করিবেন না। কিন্তু সৌদামিনীর মনে অটল বিশ্বাস ছিল যে, তার স্বামী তাকে মার্জনা করিবেনই।

মুক্তের কাছে সৌদামিনী শুনিল যে, তার স্বামী তার সমস্ত রহস্য জানেন। তিনি সেই বাড়ীতেই দেখা দিলেন। তিনি শুধু বলিলেন, "তোমাকে কিছুই বলতে হবে না। আমি জানি তুমি স্বামীরই কাছ। বাড়ী চল।"

গল্পটা এইজন্য ভাল লাগিল যে, এ গল্পে স্বামী-স্ত্রীর মধ্যে মিলনের কোথাও কিছুমাত্র সম্ভাবনা ছিল না, কেবল শেষ-কালটাতে মিলনটা যে সত্যসত্যই ঘটিয়া উঠিল, তাহা কোন সামাজিক সংস্কারের তাড়নার গটে নাই। সমস্ত গল্পটার ভিতর-কার অভিব্যক্তি হইতেই গল্পের পরিণামটা অল্প সহজভাবে ফুটিয়া উঠিয়াছে। লেখক খোড়া হইতে শেষ পর্যন্ত সৌদামিনীকে কোথাও কৃত্রিম মতী বানাইবার চেষ্টা করিয়া করেন নাই। সে নরেনকে ভালবাসিয়াছে, বিবাহের পরেও তাকে ভোলে নাই এবং স্বামীর ঘর ছাড়িয়া তার সঙ্গেই পলায়ন করিয়াছে। কিন্তু তার স্বামী যে সমস্ত জানিয়া শুনিয়াও তাকে একদিনের জন্য শাসন করেন নাই কিংবা তার উপর কোন প্রকৃত খাটাইবার চেষ্টা করেন নাই, তিনি যে ধৈর্যের সঙ্গে তাকে ভালবাসিয়া ও সেবা করিয়া তার ভালবাসা পাইবার জন্য প্রতীক্ষা করিয়াই রহিয়াছেন, ইহাতেই তিনি ভিতরে ভিতরে তার জীবন হৃদয় জর করিয়াছিলেন। কিন্তু স্ত্রী সে খবর টের পায় নাই। যেদিন সে কণ্ডা করিয়া স্বামীর ঘর ছাড়িয়া গেল, সেদিন নরেনের সঙ্গে তার জীবন কাটাঁইবার অভিপ্রায়ে সে ঘর ছাড়ে নাই—সে ঘর ত্যাগ করিয়াছিল অভিমানে। কিন্তু বাহির হইয়া পড়িতেই তার সমস্ত লজ্জা একেবারে অনাবৃত্ত মুক্তিতে তার সামনে আসিয়া দেখা দিল এবং সেই সঙ্গে তার স্বামীর ধৈর্য-শীল প্রতীক্ষার কারণে সে যে কতটা অভিভূত হইয়াছে তাহাও বুঝিতে পারিল।

অবশ্য তার স্বামী তাকে গ্রহণ করিলেন ;
অথচ এমনটি যে এদেশে ঘটে তাহা মনে
করিবার কারণ নাই । নাহিতোর মস্ত ভরসা

এই যে, 'ঘটে যা তা সব সত্য নহে' ।
সুতরাং ঔপন্যাসিকের কল্পনার মহা সত্য, তাহা
বাস্তব সত্যের চেয়ে সত্যতর ।

শ্রীঅজিতকুমার চক্রবর্তী ।

বন্ধ ঘরের ঘুলঘুলিতে

বন্ধ ঘরে হৃদয় বুকে
আঁকড়ে শিলা একটি টেয়ে
শিকলি পায়ে শিকলি গলে
অন্ধকারে তলিয়ে কে রে !

হাতকড়ি সে মাংস কেটে
কান্ধে এঁটে বসছে হাড়ে,
শুষ্ক-ঘরের ঘুলঘুলিতে
চাম্‌চিকেতে পাখনা নাড়ে ।

ঘুলঘুলিতে একটু আলো
তাও যে ঢাকে কান্ধ-পেঁচাতে,
প্রাণ-পরতে একটু আশা
ফুঁপিয়ে মরে—নেই চেঁচাতে ।

ফুঁপিয়ে মরে গুমে একা
স্বপ্নে কভু ডুকরে ওঠে
চটকা-ভাঙা কাপনা চোখে
স্বপ্ন-ভীতি-চিহ্ন ফোটে ।

মন-মরা জীয়েন্তে-মরা
তুই মরিয়া কষ্টে যে রে,
আফ-শোষে কি শুষ্ক ছিন্না ?—
চক্ষু জলে আসছে ভেরে ?
যদি ওরে ! হৃদয়ে ঢিলে
কান্না গিলে ফেলতে লেখো,
পাঁজরা যদি পুড়বে থাকে
খাড়িয়ে তাকে আঁতুরা রেখো ।

আঁতুরা রেখো আঁতুরা রেখো
তপ্ত রাঙা দাঁপ্তি-ভরা,
নেই আশা ?—কে বলতে পারে ?—
জাগবে শিখা হাসবে ধরা ।

ভস্মী রাখো চাম্‌চা থাকো
শব্দ সাজা তুচ্ছ করে'
জন্মেছ মানুষ হ'য়ে যে
চলেবে না তা' ভুললে পারে ।

দণ্ড সে নিন্দিত কভু
নয় মানুষের,—ভুল কোরো না,
নয় কোতোয়াল সেই অহরী
কমবে যে জন তপ্ত সোনা ।

কু-গ্রহ কু-দৃষ্টি হানে,—
হুঃখ দেহে,—হুঃখ মনে,
তাই বলে' কে হস্ত জুড়ে
বসবে গ্রহ-স্বস্ত্যয়নে ।

নির্যাতনে নেই দাতনা
শান্তি যবে নিরীচারাে ;
ভাগ্য ভগবান চেয়ে ভাই
'হয় না বলী,—শঙ্কা কারে ?

কাইমী না রে হুঃখ-দশা ;
কাইমী কিবা নরকো পাকা—
বর্তমানে পূর্ত খুঁজে
ব্যর্থ হ'য়ে বর্তে' থাক ।

আজকে ওরে মৌন ! তোরে

অন্ধকারে মুগ্ধ করে

চৌচা^{সুতি}পুতে ধানে

বুকটাকে অগ্নিলুপাথরে ।

আজকে যেন চুনিয়া ফাঁকা

নেইক কিছু নেইক কেহ

তুফা-খরা শুষ্ক ধরা

নেইক প্রীতি নেইক স্নেহ ।

আজকে যেন লুপ্ত হাস

দৃষ্টি যোলা ক্লাস্ত চোখে,

হর তো সবি বদলে যাবে,—

বাত পোহালে,—দিব্যালোকে ।

ইচ্ছা-মহাশক্তি সাগ্রে

যুক্ত হবি একনিমেঘে,

আত্মঘাতী অন্ননা সে

সর্চ্ছা যাবে পুষ্ট হলে ।

প্রাণ দিয়ে যে লইতে পারে

দৃপ্ত দৃঢ় চিত্তবেগে

প্রাণ পূরে নিশ্চয় পাবে সে,

ঝরবে সুধা বজ্র-মেঘে ।

অন্ধকারে আসবে রবি—

তার কপালে—আসবে তরা ;—

ঘুলঘুলিতে গলিছে দেবে

খাম্বানি খোশ-খবর-ভরা ।

জাগছে চিয়া,...জাগবে আলো,

জাগছে ভাষা,...জাগছে আশা,..

গুম্বরেরি ঘুলঘুলিতে

বুলবুলিতে বাঁধছে বাসা ।

শ্রীসত্যেন্দ্রনাথ দত্ত ।

সমালোচনা

খাড়া । শ্রীযুক্ত চুনিলাল বসু আই, এস, ও, এম, বি, এক, সি এম প্রসিদ্ধ কলিকাতা, কলেজ কলেজে মুদ্রিত । প্রকাশক, শ্রীজ্যোতিঃপ্রকাশ বসু, কলিকাতা । তৃতীয় সংস্করণ । মূল্য দেড় টাকা । এই গ্রন্থে বাহা সংকে প্রয়োজনীয় কথা পাড়িয়া বিচক্ষণ প্রসূকার খাড়া সংকে সমস্ত কথা অত্যন্ত বিপদভাবে আলোচনা করিয়াছেন । 'খাড়া কাহাকে বলে' ? তাহার উত্তরে লেখক বুঝাইয়াছেন, বাহা খাম্বা, খাই এবং বাহা যারা আমাদের শরীরের পুষ্টিসাধন ও শক্তি সঞ্চয় হয় তাহাই যথার্থ খাড়া ; 'আমরা বাহা কিছু খাই', তাহাই খাড়া নহে । তার পর তিনি বলিয়াছেন, "একশ কতকগুলি খাড়া আছে যেগুলি খাদ্যবিক অবস্থাতেই শরীর-পোষণের উপযোগী হইয়া থাকে, যেমন, চুর্ক, চিনি, ইপক বল ইত্যাদি । অপরগুলি রন্ধনাবি কৃত্রিম

উপায়ে পরিবর্তিত না হইলে ব্যবহারের উপযোগী হয় না, যথা,—ডাল, ডাল, ময়দা, মৎস্ত, মাংস তরকারী ইত্যাদি । "খাড়ের প্রয়োজন—শরীরের পুষ্টি-সাধন ও বল-বিধানের জন্ত । আমরা যে কোন কাজই করি না কেন, শরীর তাহাতেই কর পার । চলোকেরা, উঠা-বসা, দৌড়ান ব্যায়াম প্রভৃতিতে দেহস্থিত নাংসপেশী আকুঞ্চন-প্রসারণের জন্ত কর পার—এক পাঠাত্যাস, চিন্তা প্রভৃতি মানসিক কার্যে মস্তিষ্কাদি শারীরিক যন্ত্রের কর হয় । শরীর রক্ষা করিতে হইলে শরীরের সেই কর পূরণ করা যেমন প্রয়োজন, শারীরিক শক্তি সঞ্চয় ও সে শক্তির বৃদ্ধির জেহনি প্রয়োজন আছে । এইজন্য এমন খাড়া আমাদের গ্রহণ করিতে হইবে, বাহা কর পূরণে ও শক্তি-বর্ধনে সাহায্য করে । প্রথমতঃ অত্যন্ত সহজ ভাষায় বিপদভাবে পরিপা-ন-বসু, পা...

ক্রিয়া, খাদ্যের বিভিন্ন উপাদান ও তাহাদের ভূগোলিক
 আলোচনা করিয়াছেন; এমন কি খাদ্যের পরিমাণ
 অধিক নিরূপণ করিয়া দেখাছেন। অল্প-ভোজন,
 অতিভোজ্য, অক-ভোজনে কত-নাশ, তাহাও তিনি
 বুঝাইয়াছেন; ... এবং অবস্থান্তরে খাদ্যের পরিমাণ
 ও সময়-নির্ধারণেরও যে প্রয়োজন আছে, তাহাও তিনি
 শুধু বৈজ্ঞানিক কারণ নির্দেশ করিয়াই ক্ষান্ত হন নাই—
 কি ভাবে চলা উচিত, বলিয়া দিয়াছেন। উপবাস
 সম্বন্ধে এখন নানা মূর্খির নানা মত। গ্রন্থকার বলেন,
 উপবাসের উপকারিতা বিস্ময়কর। তাহার মতে,
 “মানুষ যদি প্রকৃত-পরিমিত-ভোজী হয়, শরীর
 পোষণের ক্ষমতা যে পরিমাণ যে জাতীয় খাদ্যের
 প্রয়োজন তাহা যদি নিজের ওজনে গ্রহণ করে,
 তাহা হইলে তাহার উপবাস করিবার প্রয়োজন
 হয় না। প্রয়োজনাতিরিক্ত খাদ্য-গ্রহণই আমাদের
 স্বাস্থ্যভঙ্গের মূল কারণ। খাদ্যের এই অতিরিক্তাংশ
 দেহপুষ্টির জন্য গৃহীত হয় না, উহা অন্ত্রমধ্যে থাকিয়া
 বিকার প্রাপ্ত হয় এবং নানাবিধ বিষাক্ত পদার্থ
 (toxins) উৎপাদন করে। এই সকল বিষাক্ত
 পদার্থ রক্ত-স্রোতের সহিত মিশ্রিত হইয়া শরীরের সর্বত্র
 সঞ্চারিত হয় এবং শারীরিক সমস্ত ব্যবস্থার মধ্যে প্রবেশ
 করিয়া উহাদিগের স্বাভাবিক শক্তির অপচয়, দৌর্বল্য
 এবং ক্রিয়ার ব্যাঘাত উৎপাদন করে। শিরশ্চীড়া,
 বকুড়ের রোগ, অসীর্ণ, উদরাময়, পেট-বেদনা, বমন,
 ঝর, উদরাময় প্রভৃতি নানা রোগের একটি কারণ—
 অল্পের মধ্যে প্রয়োজনাতিরিক্ত খাদ্যের বিকার। এরূপ
 অবস্থায় পুনরায় খাদ্য গ্রহণ করিলে উপরোক্ত বিষাক্ত
 পদার্থ সবু শরীরের মধ্যে আরও অধিক পরিমাণে
 উৎপন্ন হয়, হস্তরাগ পূর্বকথিত রোগগুলির লক্ষণ
 ক্রমশ বৃদ্ধি প্রাপ্ত হইয়া পরিণামে অল্পশূল, মূত্রশূল,
 বহুমূত্র প্রভৃতি নানাবিধ ক্লেশসাধ্য রোগ দেখের মধ্যে
 আরও গ্রহণ করে। খাদ্যের এই অতিরিক্তাংশ ও
 উৎপন্ন বিষাক্ত দ্রব্য নাশ করিবারি-সকল উপায়

উপবাস। “অমি ও নিরামি ভোজন” সম্বন্ধে
 গ্রন্থকার বলেন, “কোনটিই অতিরিক্ত খাদ্য গ্রহণ
 উচিত নহে। বমন-মায়ন অধি-পরিমাণে খাইলে
 নানাবিধ রোগ উৎপন্ন হয় তত-ই ভাত, ডাল,
 রুটি, মিষ্টান্ন প্রভৃতি পদার্থ অধিক খাইলে নানাবিধ
 অসীর্ণ রোগ ও বহুমূত্র রোগ জন্মিবার সম্ভাবনা।”
 এ-সমস্ত আলোচনার পর গ্রন্থকার খাদ্যে ভেজাল ও
 উন্নয়নের যে সকল উপায় নির্ধারণ করিয়াছেন
 প্রত্যেক স্বাস্থ্যকাম ব্যক্তিরই তাহা পাঠ করা উচিত।
 গ্রন্থের উদগম-ভাগে কতিপয় সাধারণ রোগে
 পথ্যের ব্যবস্থা এবং সে পথ্যাদির প্রস্তুত-প্রকরণ
 লিপিবদ্ধ হইয়াছে। নানা দিক দিয়া এ গ্রন্থখানি
 উপাদেয় হইয়াছে। অজিত গ্রন্থকারের মতগুলি
 বৈজ্ঞানিক পরীক্ষার উপর প্রতিষ্ঠিত একটিও বাজে
 কথা ইত্যতে নাই। বাঙ্গালার আবার বৃদ্ধ-বনিতাকে
 আমরা এই অতি-প্রয়োজনীয় গ্রন্থ পাঠ করিতে
 অনুরোধ করি। গ্রন্থখানির তৃতীয় সংস্করণ দেখিয়া
 আমরা আনন্দ লাভ করিলাম; পাঠ্যহীন বাঙ্গালী দেশে
 এ গ্রন্থের আরো বহুল প্রচার বাঞ্ছনীয়। ৩৫ পৃষ্ঠা-
 ব্যাপী এই সুদীর্ঘ গ্রন্থের মূল্য দেড়টাকা মাত্র। কিন্তু
 এই দেড়টাকা মাত্র বাবে যে ডাকার ও ঔষধ-খরচ
 বাবদ অন্ততঃ দেড়শত টাকার অপব্যয় কমিবে, সে
 বিষয়ে আমাদের কিছুমাত্র সন্দেহ নাই।

পুষ্প। শ্রীমূল গোপেন্দনাথ শাস্ত্রী
 প্রণীত। প্রকাশক, মানেন্দ্রার পরিদর্শক শ্রী
 শ্রীমুখ্য পরিদর্শক প্রেসে মুদ্রিত। মূল্য চারি আনা।
 এখানি খুব নাটক। চমক-ভাব নিভাসই এলো-
 মেলা; রচনাও অক্ষয়, বিশেষত্বহীন।

Rambling Thoughts. By Munindra. P.
 Sarvadhikari, Printed and Published by
 Manikchandra Ghose at the Lila Printing
 Works Calcutta. 1916. এখানি ইংরাজী ভাষায়
 লিখিত কয়েকটি খণ্ড কবিতার সমষ্টি।

শ্রীমতাব্রত শর্মা।





ভারতী

৪১শ বর্ষ]

অগ্রহায়ণ, ১৩২৪

[৮ম সংখ্যা]

পল্লীর বৈষয়িক উন্নতি ও পল্লী-সংস্কার

আজকাল পল্লীগ্রামের কথা লইয়া বেশ কিছুটা নাড়াচাড়া চলিতেছে। দেশের সামিক পত্রিকাগুলিতেও পল্লীবাসী সাধারণের কথা পাইতেছে। যাহারা কদাচিৎ গ্রামে গমন করিতেন, তাঁহারাও এখন মধ্যে মধ্যে দেশে আসিয়া পল্লীবাসীর সুখ-দুঃখের আলোচনায় যোগদান করিতে আরম্ভ করিয়া উদাসীন নহেন। কর্তৃপক্ষের সহায়তরূপে অভাব নাই। স্বয়ং বঙ্গেশ্বর হইতে আরম্ভ করিয়া অধস্তন দেশীয় কর্মচারী পর্যন্ত সকলেই পল্লীবাসীর আশঙ্কায় সংশ্লিষ্ট আছেন। তাহার অভাব-প্রত্যাহারের কথা অবগত হইতেছেন। কিছুদিন হইল কেবল পল্লীগ্রামের উন্নতির দিকে লক্ষ্য রাখিবার জন্য স্থানে স্থানে ম্যাকেল্ অফিসার নামক এক শ্রেণীর নূতন কর্মচারী নিযুক্ত হইয়াছেন। তাঁহারা নামে কোম্পানী কার্যা পরিদপ্তরের কর্ম

নিয়োজিত হইলেও পঞ্চায়েত ও গ্রামের প্রধান ব্যক্তিগণের সাহায্যে রাস্তাঘাটের উন্নতি, পানীয় জলের ব্যবস্থা, জল ও আবর্জনার পরিষ্কার, সংক্রামক ব্যাধির প্রতিরোধ, নূতন পাঠশালা স্থাপন ও পুরাতন পাঠশালাগুলির উন্নতি-বিধান, ছঃছঃ কৃষকগণের সাহায্যার্থ বোধ-সংগঠন-সমিতির প্রতিষ্ঠা, কৃষি বিভাগের কর্মচারীগণের সাহায্যে কীটাদি হইতে রক্ষণ-রক্ষা প্রভৃতি নানা জন-হিতকর কার্যে অবহিত হইতেছেন। ম্যাকেলিয়ার প্রতিকার-কল্পে সরকার ও জেলা বোর্ড হইতে বহুবিধ উপায় অবলম্বিত হইতেছে। গ্রাম বিশেষের অবস্থা অনুসারে জল ও ড্রেন প্রভৃতি কাটাছাড়া যাহাতে ম্যাকেলিয়া এবং মশকের হাত হইতে গ্রামবাসীগণ উদ্ধার পায়, সে উৎসাহ ও অর্থসাহায্য প্রদত্ত হইতে কোথাও বা ডাক্তার বেন্টলি (Dr. Bentley)

কর্তৃক অনুমোদিত Beneficenzione ও ধার
বস্ত্রের জন্য পল্লীর বিবাহ আবজ্ঞানাদি
মুইয়া কলিয়ার ব্যবস্থা হইতেছে :
কোথাও বা চতুষ্পার্শ্বস্থিত জঙ্গলাদি দাফ
করিয়া গৃহস্থের প্রাঙ্গণে নির্মূল বায়ুচলা-
চলের উপায় প্রদর্শিত হইতেছে। অবশ্য
সর্বত্র সমানভাবে কাজ হইতেছে না এবং
এই ইউরোপীয় মহাযুদ্ধের ফলে সরকারী
বেসরকারী সকল অনুষ্ঠানেই কিঞ্চিৎ
ব্যয়-সঙ্কোচ করিতে হইয়াছে, কিন্তু গ্রাম-
গুলি বাহাতে আধুনিক স্বাস্থ্যনীতি-অনু-
মোদিত প্রকার শিক্ষিত সমাজের বাসোপ-
যোগী হইয়া উঠে, বিষয়ে আন্তরিক চেষ্টা
চারিদিকেই সুস্পষ্ট পরিলক্ষিত হইতেছে।

বাহার্য পশ্চিম বঙ্গের কয়েকটি প্রাচীন
জেলায় মালেরিয়ার সংহার মূর্ধি স্বচক্ষে না
প্রত্যক্ষ করিয়াছেন, পূর্ববঙ্গের চরে অবস্থিত
অটুট স্বাস্থ্য ও নবীন সমৃদ্ধিসম্পন্ন গ্রামগুলি
দেখিয়া তাঁহারা হস্ত এই সকল পল্লীর
প্রকৃত অবস্থা অনুভব করিতে পারিবেন না।
একবার নদীয়ার বড়-আঙুলি, সুবর্ণপুর
প্রভৃতি স্থান স্বচক্ষে দেখিলে পল্লীর বৈষয়িক
পরিবর্তনের কথা বুদ্ধিতে পারা যায়—
স্বতঃই মনে হয়, পল্লীর বৈষয়িক উন্নতিট
পল্লী-সংস্কারের মূল ভিত্তি।

ইচ্ছায় হউক বা অনিচ্ছায় হউক যাহাদের
গ্রামে গ্রামে ঘুরিতে হয়, প্রকৃত বঙ্গদেশ
ও বঙ্গবাসীর সহিত পরিচয়-লাভের সুযোগ
তাঁহাদের যথেষ্টই ঘটয়া থাকে। এই

বাঙালীর শিক্ষা-নীতি ও আশা-
ধারার সহিত সহরবাসী শিক্ষিত সমাজের
কিঞ্চিৎ যোগ বা সামঞ্জস্য না থাকিলে কেন

সম্পূর্ণ জাতির গড়িয়া উঠিতে পারে না,
ঐশ্বর্য বোধ বুদ্ধিতে পারা : হীশুরের
প্রধান মন্ত্রী মর মোক্ষগুপ্ত বিবেচনারা,
মানব সমাজের ক্ষুদ্রতম সমষ্টি গ্রাম হইতেই
উন্নতির চেষ্টা আরম্ভ হওয়া উচিত, ইহা
অনুভব করিয়া মন্ত্রীশুরে এক নূতন
আন্দোলনের সূত্রপাত করিয়াছেন। সহরে
আমরা উন্নতি-মার্গে খুব দ্রুত চলিয়াছি
নটে কিন্তু মফঃস্বলে আমাদের গতি একে-
বারেই শব্দকের মত। দেশের ভদ্র-
শ্রেণী গ্রামভাগী হইয়া প্রায়ই এখন
সহরে আশ্রয় লইতেছেন। একে জীবন-
সংগ্রামের দারুণ চাপ, তাহাতে আবার
ম্যালেরিয়ার উপদ্রব। গ্রামে উপযুক্ত
চিকিৎসক মিলে না, ছেলের ভালরূপ
শিক্ষার ব্যবস্থা হয় না, জাতি-কুটুম্বগণের
সহিত ও অনেক সময় সামান্য বৈষয়িক
বা সামাজিক ব্যাপার লইয়া ঘোরতর
মনোমালিন্য উপস্থিত হয়, তাই এখন অনেক
শিক্ষিত বাঙালীই গড়ে প্রায় ৫০৬০০
টাকা মাসিক আয়ের উপর নির্ভর করিয়া
স্থায়ীভাবেই সহরে আশ্রয় লইতেছেন।
ইহাতে পল্লীর শিক্ষিত সমাজ এ উভয়েরই
যে কিরূপ ক্ষতি হইতেছে, তাহা বলিবার
নহে। এ হাহিনার আর গ্রামে গিয়া
দোল-চর্চাওঁসব করা চলে না, বিপুল যৌথ
পরিবারেরও প্রতিপালন হয় না; কোন-
রূপে স্বামী-স্ত্রী ও সন্তানাদি লইয়াই সংসার-
যাত্রা নিকাহ হয় যায়। পৈতৃক গৃহাদি
সংস্কারও অনেক সময় কঠিন হইয়া পড়ে।
বাহাদের উদ্বাহরণ দেখিয়া দেশের শিক্ষিত
লোকেরা নানা বিতর্ক অনুষ্ঠানে যোগ দিতে

বা সাহায্য করিতে ... গ্রামের সহিত কোন সম্পর্ক না থাকেন, কিন্তু দেশে থাকিয়াও উপকার করা দূরে থাকুক মানারূপ মানসা-নকর্ষণ ও কলহবিবাদে পল্লী-জীবনের সুখ-শান্তি নষ্ট করিয়া দেন, তাহা হইলে শুধু দুইচারিজন পরহিতব্রত বাকি ও গবর্নমেন্টের পরিদর্শক সারী কর্মচারীদের চেষ্টায় জরুরাকীর্ণ গ্রাম কিছুতেই নন্দন কাননে পরিণত হইতে পারে না। এই ত গেনা ভ্রমলোকদিগের তথ্য। এখনও বঙ্গদেশে কৃষক ও শ্রমজীবীগণ গ্রাম্যদের বাসস্থান ছাড়িয়া সবলে মিথিয়া শহর আসিতে সুরু করে নাই। রেল-যোগানের সঙ্গে সঙ্গে যাতায়াতের সুবিধা ও প্রায় সমস্ত সময় বাঙ্গালী 'মুনিষ' মজুরেরা গান কাটা, মাট কাটা প্রভৃতি কাজেও দেশীয় এক জেলা হইতে অন্য জেলায় যাতায়াত করিয়া থাকে, কিন্তু পশ্চিমবঙ্গের হিন্দুস্থানী কুলীগণের স্থায় তাহারা দীর্ঘকাল বাড়ী ছাড়িয়া বা মগরিবারে স্থায়ীভাবে কামস্থানে আসিয়া বাস করিতে প্রস্তুত নহে। কলিকাতার মণ্ডলে ভাগীরথী-তীরে ও পূর্ববঙ্গ রেল লাইনের পার্শ্বভাগে যে-সকল পাট-কল দেখিতে পাওয়া যায়, সেগুলির সরিকটস্থ অসংখ্য কুলি-নিগাদ সমূহের অবস্থা দেখিলে স্বভাবতঃই মনে হয় বৃষ্টি বা কল-কারখানা-বৃদ্ধির সঙ্গে সঙ্গে গ্রাম্যদের দেশেও পশ্চাত্য Slum এর স্থায় অবস্থাকর ও দুর্নীতি-সঙ্কুল কুপল্লীসমূহের হ্রাস হইয়া পড়ে। বিলাতে শ্রমজীবী সম্প্রদায়ের সংখ্যাই অধিক, তাই শ্রমজীবী-

II অনেক মহাত্মব ইংরাজের মনোযোগ আকৃষ্ট করিয়া থাকে। কুলিদিগের বাসস্থানের অবস্থা দেখিয়া অধ্যাপক গেড্ডেস (Prof. Geddes) ঘূর্ণীর কৃষ্ণকারগণের দ্বারা কুলি-লাইন ও কৃষক কুটারের ক্ষুদ্র আদর্শ বা "মডেল" (model) তৈয়ারির ব্যবস্থা করিয়াছিলেন। সভ্যতার আলোক-সংস্পর্শে আসিয়া কুলি লাইনে বাস করা অপেক্ষা তাহাদিগের পল্লীকুটারের স্থায় ক্ষুদ্র ক্ষুদ্র পূর্ণগৃহে বাস যে কত গুণে ভাল, তাহা এই 'মডেল'গুলি দেখিলেই শিক্ষিত সমাজ সহজে বুঝিতে পারিবেন।

কিছুদিন পূর্বেও উচ্চশিক্ষাপ্রাপ্ত ভারত-বাসীগণের দৃষ্টি শহরের প্রতিই নিবদ্ধ ছিল। ভারতীয় অর্থ-নীতির জন্মদাতা ৬মহাদেব গোবিন্দ রাণাভে প্রায় পঁচিশ বৎসর পূর্বে বলিয়াছিলেন, "The progress of ruralization in modern India means its rustication." অর্থাৎ পশ্চাত্য প্রতিযোগিতার ফলে যদি দেশের শিল্পী ও কারিকরেরা শহর ছাড়িয়া পল্লীতে গিয়া আশ্রয় লয় তাহা হইলে সে গতি অবনতির পথে চলিয়াছে, বৃদ্ধিতে হইবে—তাহা হইলে লোকের কাম-কুশলতা, বুদ্ধিবৃত্তি, স্বাবলম্বন-শক্তি সমস্তই লোপ পাইতে থাকিবে। প্রতিযোগিতার অপারগ হইয়া শিল্পীগণ কৃষিকাৰ্য্য অবলম্বন করিলে তাহা দোষের কথা, সন্দেহ নাই; কিন্তু সভ্যতার স্রোত স্বতঃই পল্লী-বী হইলে তাহাতে আনন্দ বৈ দুঃখের কারণ দেখি না। (১)

(১) এ সম্বন্ধে সত্যতঃ কিছু এখনও মিটিয়া যায় নাই। ডাঃ জীবুদেব শ্রমজীবী বন্দোপাধ্যায় মহাশয়ের মতে পল্লী-অধিবাসিগণের গ্রাম ছাড়িয়া শহর-অভিমুখে গতি স্বাভাবিক বৈ অস্বাভাবিক নহে। তিনি গ্রাম্যদের

আমরা এখন দায়ের ঠেকিয়া বুঝিতে পারিতেছি যে পল্লীর উন্নতি না হইলে দেশের সর্বাঙ্গীন বৈবঙ্গিক উন্নতি একবারেই অসম্ভব। ধারিত গেল পল্লীর ধনোৎপাদন-সামর্থ্যই আমাদের দেশে অর্থনীতির প্রধান কথা। পল্লীগোষ্ঠগুলির ধনোৎপাদন-শক্তি যদি উপযুক্তরূপে বৃদ্ধিত না হয় তাহা হইলে প্রায়শঃ পল্লীসমষ্টি-গঠিত এই বিশাল ভারতবর্ষের বৈবঙ্গিক উন্নতি সুদূর-পর্যন্ত হইয়া পড়িবে।

পল্লীতে বাস করিতে হইলেই যে কৃষিকাৰ্য্য লইয়া থাকিতে হইবে এমন কোন কথা নাই। বস্তুতঃ এখনও বঙ্গদেশের অনেক গণগ্রামে শিল্পী ও কারুজীবীর সংখ্যা বড় কম নয়। তাহা আছে তাহা অপেক্ষা আরও বেশী থাকা আবশ্যিক এই কথা এখন প্রায় সর্ববাদী-সম্মত। বহীশূরের সার্ব মোক্ষগুণ্ডমণ্ড ইহা হৃদয়ঙ্গম করিয়া বলিয়াছেন, গ্রামের প্রতি ৫০-জন লোক-পিছু তাঁত চালান, বাসন তৈয়ারি, বা চামড়া কষ কুরার কার্য্য একটি করিয়া শিল্প বা কারুকার্য্য প্রচলিত থাকা একান্ত আবশ্যিক।

বঙ্গদেশের কয়েকটি গ্রাম্য শিল্পের বর্ণনা ধরা যাক। মুর্শিদাবাদে ও মুর্শাপুরে রেশমীবস্ত্র ও শব্দবস্ত্র বহুপরিমাণে প্রস্তুত হয়।

নদীয়ার ডাঁটছাট মাটিরারি কাঁসার বাসনের কারুকার্যের জন্য প্রসিদ্ধ। এই সকল কারুকার্যের স্থানীয় ব্যবসায়ীগণের মধ্যে কেহ কেহ বেশ দুইপয়সা সংগ্রহ করিয়া থাকে। ইহা বাস্তীত 'লাহা' বা গালা প্রস্তুত (lac industry) এবং তাহা হইতে খেলনা চুড়ি প্রভৃতি নিম্মান, চিনি ও শুড়ের ব্যবসায়, তসর ও এণ্ডি উৎপাদন, শোলা ও ডাকের সাজের কারু (tinsel industry), পাট ও চটাই তৈয়ারি প্রভৃতি বহুবিধ ব্যবসায় পল্লীগ্রামে চলিতে পারে এবং চলিতেছে। মধুনক্ষিক পালন আমাদের দেশে প্রচলিত নাই কিন্তু আধুনিক প্রকার নক্ষিক-বাস নিম্মান করিয়া কিরূপে মধু সংগ্রহ করা যাইতে পারে, তাহা কীটতত্ত্ববিৎ শ্রীযুক্ত কেশবচন্দ্র গুপ্ত মহাশয় সেদিন রামমোহন লাইব্রেরিতে বক্তৃতা-কালে ভালরূপেই বুঝাইয়া দিয়াছেন। এই সকল বিভিন্ন পল্লী-শিল্প ও কারুকার্যের কথা অস্বাভাবিক শ্রীযুক্ত রাধাকমল মুখোপাধ্যায় মহাশয় তাঁহার নব-প্রকাশিত ইংরাজী গ্রন্থে (২) বিশদভাবে বর্ণনা করিয়াছেন। বস্তুতঃ তাঁহার পুস্তকের প্রধানংশ হস্ত-শিল্পের কোন-গ্রন্থ বলিলেও অত্যুক্তি হয় না। কি কি আধুনিক উপায় অবলম্বনে এই সকল গৃহশিল্পকে পুনরজীবিত করা

যত উল্লেখ করিয়া লিখিয়াছেন, "... there was a tendency for a larger and larger proportion of the people to become rural. Of recent years however there has become discernible a tendency working in the opposite direction and towns are once more beginning to take their proper place as centres of thought, culture and industry in the life of the nation.

(Indian Economics, p. 28)

(২) Foundations of Indian Economics, Longman's 1916—9 shillings (Rs. 9) pp. XXVI etc.

পাইতে পারে, তাহা পল্লীর হিত-কারী চিন্তা-শীল ব্যক্তি মাত্রেরই এই গ্রন্থ হতে পাঠ করিয়া দেখা কর্তব্য।

কল-কারখানার জন্মস্থান ইউরোপেও গৃহ-শিল্প একবারে লোপ পায় নাই। বস্তুতঃ এখা খায় যে কল-কারখানার উন্নতির সঙ্গে সঙ্গে কয়েক শ্রেণীর উৎকৃষ্ট শিল্পেরও ক্ষয়বৃদ্ধি হইতেছে। এ সম্বন্ধ রাধাকমল বাবুর গ্রন্থ বিশদ আলোচনা আছে। তিনি

	১৮৮২ খৃঃঅঃ	১৮৯৫ খৃঃঅঃ	১৯০৭ খৃঃঅঃ
১ লক্ষ শ্রমজীবী—	১,৪৩০,০০০	১,২৩৭,০০০	৯৯৫,০০০
১ হইতে ৫ জন লইয়া ছোট কারখানায়—	৭৪৬,০০০	৭৫৩,০০০	৮৭৫,০০০
১ হইতে ৫০ জন লইয়া ছোট কারখানায় -	৮৫,০০০	১৩২,০০০	১৮৭,০০০

নিম্নক ভক্তাশিল্প ত আছেই, তাহার উপর পুনঃপুনঃ গ্যাস ও অরেল এঞ্জিনের প্রবিষ্টারের সহিত, এই সকল ছোট কারখানা ইউরোপের পল্লীতে সংজ্ঞেই স্থান পাইয়াছে। শুধু জার্মানি বলিয়া নহে, ফরাসী দেশে ও সুইজারলণ্ডে খেলনা নিৰ্মাণ, কাটা কাপড় প্রস্তুত করিতে কয়েক শ্রেণীর গৃহ-শিল্পের 'উৎকৃষ্টতার' শ্রীবৃদ্ধি হইতেছে। ফরাসী দেশে কাটা কাপড় ত পল্লীগ্রামেই অধিকাংশ নিৰ্মিত হইয়া থাকে। কলিকাতার উপকণ্ঠবাসী নেটিয়া-বুকাঙ্গের দরজীরাও নিজগৃহে পোষাক প্রস্তুত করিয়া কলিকাতার ব্যবসায়ীগণকে সরবরাহ করে। পল্লীগ্রামে তুরবার শিল্প (Tailoring) শিল্পের ব্যবস্থা হইলে বিভিন্ন শ্রেণীর কাটা কাপড় ভিন্ন ভিন্ন গ্রামে প্রস্তুত হইয়া সহরের বিপণীতে আসিয়া উপস্থিত হইবে।

অগ্নিও দেখাইরাছেন যে ইউরোপে একক কারিকরের সংখ্যা কমিয়াছে বটে কিন্তু ১ হইতে ৫ বা ৬ হইতে ৫০ জন শ্রমজীবী লইয়া যে সকল ক্ষুদ্র ক্ষুদ্র কারখানা চালানো হয়, তাহার সংখ্যা ক্রমশই বাড়িয়া চলিয়াছে। শুধু জার্মানিতে এইরূপ একক শ্রমজীবী ও ছোট কারখানার কিরূপ হ্রাস-বৃদ্ধি হইয়াছে তাহা নিম্নের অঙ্কগুলি হইতেই সহজে উপলব্ধি হইবে।

ব্যবসায়ের গোড়াপত্তন যদি ভালরূপে করা হয় তাহা হইলে বেলজার্স রাউস বা কাষ্ট নগরের স্বক্ করাসডাসার ধুতির স্তার কেন যে প্রসিদ্ধি লাভ করিবে না, তাহা ত বুঝিতে পারি না। সুতরাং পল্লীতে বাস করিতে গেলে ক্রমহ্রাসমান উৎপাদিকা শক্তির (law of diminishing returns) নিয়মভঙ্গিত কেবল যে কৃষিকার্য্যে লইয়াই বাস্তব থাকিতে হইবে, এমন নয়।

কলের প্রতিযোগিতা সত্ত্বেও যে গৃহ-শিল্প একেবারে বিনাশ পাইতে পারে না, তাহা দেশী কলের বস্ত্রের তুলনার ভীতির বস্ত্র ব্যবহারের পরিমাণ বিবেচনা করিলেই সহজে বোধগম্য হইবে। ১৯০৫-৬ সালে ১৫০ টি লক্ষ পোতা (পোতা প্রায় ৭০ সের পরিমিত ওজন) দেশী কলে নিৰ্মিত বস্ত্র ব্যবহৃত হইয়াছিল। ১৯০৬-৭, ১৯০৭-৮ ও

১৯০৮-৯ সালে উহার পরিমাণ বর্দ্ধিত হইয়া বৎসরক্রমে ১৮৩০ লক্ষ, ১৮৭১-৭২ লক্ষ ও ১৯১২-১৩ লক্ষ পৌণ্ডে পরিণত হয়। এই সময় বৎসরে তাঁত নিশ্চিত বস্ত্রের হ্রাস-বৃদ্ধি নিম্নলিখিত পাদটীকা হইতে বুঝিতে পারা যাইবে :—

(Vide p. 152-3 R. K. Mukherji's Foundations of Indian Economics ;

১৯০৫-৬	১৯০৬	১৯০৭-৮	১৯০৮-৯
২৫২০	২৬৮০	২৫৬০	২৭৭০
লক্ষ পৌণ্ড	লক্ষ পৌণ্ড	লক্ষ পৌণ্ড	লক্ষ পৌণ্ড

১৯০৯-১০ সালে তাঁতের বস্ত্রের পরিমাণ কমিয়া গিয়াছিল বটে কিন্তু উপস্থিত বস্ত্রের বাজারে বিলাতী বস্ত্রের দর বিশেষ বৃদ্ধি পাওয়ার তাঁতের কাপড় যে পুনরায় অধিক পরিমাণে তৈয়াব হইতেছে ও তাহার কাটতিও যে বাড়িয়াছে এরূপ অনুমান বোধ হয় সম্ভাব্য হইবে না। অবশ্য ইহা হইতে একথা বলা যায় না যে, ক্রমে তাঁতের কাপড় পুনরায় কলের কাপড়ের স্থান অধিকার করিতে পারিবে। মুখোপাধ্যায় মহাশয়ও স্বীকার করিয়াছেন যে কাপড়ের কল, পাটের কল, লৌহ ইম্পাতের কারখানা প্রভৃতি কাপড়ে বাড়িবে বৈ কমিবে না ; তবে অল্প মূলধন-সাধ্য এজিন প্রভৃতির প্রসারের সঙ্গে সঙ্গে সম্ভাব্য-পৃষ্ঠপোষিত ক্ষুদ্র ক্ষুদ্র শিল্পের কারখানা পরীগ্রাম-স্বৰূপেও প্রতিষ্ঠিত হওয়া

ক্রমশঃ সমধিক সম্ভবপর বলিয়াই মনে হয়। (৩) কারখানা যতই বাড়িতে থাকে supplementary demand বা ন্যূনতা-পরিপূরক পয়োজনের জন্য ছোট শিল্পেরও যে ততই প্রয়োজন হয়, এ কথা ইউরোপীয় দৃষ্টান্ত দ্বারা বঝা যায়। ইউরোপে কল প্রতিষ্ঠার মতই অনেক সরকারী হস্ত-শিল্পের উদ্ভব হইয়াছে সুতরাং কল বসিলে সকল হস্ত-শিল্পই যে লোপ পাইবে, এমন নহে। জাপান এখনও “ছোট কারখানার” দেশই রহিয়াছে। সুতা ও কারুকার্যবিশিষ্ট বস্ত্র এখনও হস্তে নিশ্চিত হইতেছে। বাঙালার নটকার বস্ত্র বয়নও এইরূপ একটি কল-ভয়-বিহীন শিল্প বলিয়া মনে হয়। যে সকল রেশম কোম্পানী রেশম-কীট কর্তৃক বিদীর্ণ বলিয়া পরিত্যক্ত হয়, মুর্শিদাবাদ চক্ ইশলামপুর প্রভৃতি স্থানে তাহা হইতেই সুত্র বাহির করিয়া মটকা কাপড় নিশ্চিত হইয়া থাকে। এরূপ কাটা Cocoon (কোম্বা) কারখানার ব্যবহারে আসে না, কিন্তু গৃহ-শিল্পের কল্যাণে সেগুলিও কাজে লাগিয়া যায়। পূর্বে পরীগ্রামে বহু স্থানে কাগজ প্রস্তুত হইত। মুর্শিদাবাদ জেলার পুরাতন সরকারী কাগজ-পত্রের দোখিয়াছি, ব্রহ্মপুত্র প্রভৃতি স্থানের কালেক্টারগণ লালবাগের নিকটস্থিত চুনাখালির কাগজের জন্য মুর্শিদাবাদের কালেক্টার সাহেবকে মধো মধো তাগিত দিতেন।

(৩) সম্ভাব্য-প্রকার উপর ছোট শ্রমশালাগুলির স্থায়িত্ব যে অনেকাংশেই নির্ভর করিতেছে সে কথা ডাঃ শ্রীযুক্ত অমরনাথ মুখোপাধ্যায় মহাশয়ও নিজগ্রন্থে উল্লেখ করিয়াছেন ; কিন্তু তাঁহার মতে জাপানী শিল্পের উন্নতির আরও দুইটি কারণ বিদ্যমান রহিয়াছে ; যথা (১) কর্মীগণের দক্ষতা ; ও (২) বিদেশী পণ্যের উপর তৎকালকার সংরক্ষণ-প্রদান (the protection given to them by the state through the system of high tariffs)

দেশ চূনাখালি আশ্রয়বাগিচার জন্তই প্রসিদ্ধ।
 কীজরা একজনও "কাগজী" পাওয়া যায়
 ক না সনোহ! অবশ্য খবরের কাগজ
 ও ছাপাখানার সংখ্যা-সৃষ্টির সঙ্গে সঙ্গে
 কাগজের প্রয়োজনও একরূপ বাড়িয়া উঠিয়াছে
 হু হু হাতে-তৈয়ারী কাগজে সমগ্র
 দেশের টান (demand) পূরণ করা
 কখনোই সম্ভব নয় কিঞ্চি তাই বলিয়া
 হাতে-তৈয়ারী কাগজের বে কাট্টি হইবে
 না এ কথা বলা চলে না। মুশিদাবাদ
 জেলায় অঞ্চলে দেখিয়াছি, প্রাচীন শ্রেণীর
 কামদারগণ এখনও দেশী কাগজ প্রস্তুত
 করিতে তাহাতে হিমাবের খাতা বাঁধিয়া
 কাগজ জেথেন। তাঁহারা বলেন, এ কাগজ
 দেশের কাগজ অপেক্ষা দীর্ঘস্থায়ী। স্বদেশী
 কাগজের সময় দেখিয়াছিলাম এক
 দেশী হরিদ্রাবর্ণের দেশীয় প্রকার প্রস্তুত
 কাগজ ও খাম অনেকটাই ব্যবহার
 করিতেন; এমন কি পুরাতন "ভাষতা"র
 কাগজ সেই হরিদ্রাবর্ণের তুলোঁট কাগজের

বিবাসীতে-ভূমিত হইত। বিলাতি হাতে-তৈয়ারী
 কাগজ (hand-made stationary)
 আনানে সৌখীন সমাজে বিশেষ আদৃত হইয়া
 থাকে। বিলাতি প্রকার অনুকরণে জনপ্রিয়
 গ্রন্থসমূহেরও hand-made paper edition
 (হস্ত-নির্মিত কাগজের সংস্করণ) হস্ত
 অক্ষয়িন মতোই আমাদের পুস্তক-প্রিয় ব্যক্তি-
 গণের নিকট আদর পাইবে। মোটকথা,
 আধুনিক প্রকার আধুনিক ক্রটি-অনুযায়ী একরূপ
 কাগজ তৈয়ার করার ব্যবস্থা হইলে তাহার
 বাজার পাইতে বিলম্ব ঘটবে বলিয়া
 মনে হয় না। কিঞ্চি এ প্রকার হস্তশিল্প-
 সংশ্লিষ্ট গ্রাম্য ব্যবসায় লাভজনক করিতে
 হইলে co-operative production বা
 সমবায় উৎপাদনের সহিত co-operative
 distribution সমবায় কাট্টি বা বিক্রয়েরও
 ব্যবস্থা করা আবশ্যিক, নতুবা পাইকার
 শ্রেণীর (middle man) মধ্যস্তরের লোকই
 লাভের অধিকাংশ হস্তগত করিয়া ফেলিবে।
 (আগামী সংখ্যায় সমাপ্য)

শ্রী গুরুদাস সরকার।

পল্লী-উৎসব

(চিত্র)

সকলে ছেলে সন্তোষ তার বোনের
 হরিদ্রাবাদী বেলডাঙ্গা গ্রামে বাসোয়ারী উৎসব
 আয়োজিত আয়োজিত। আজ বেলডাঙ্গা-বাসী
 সকলেই জানেন মাতোয়ারা;—একপ্রকার
 অনশুত বলিলেই হয়। আজ গ্রামের জমিদার-
 গণ হইতে আরম্ভ করিয়া চৌকিদার-পুত্র

পর্যন্ত সকলেই এই উৎসবে যোগ দিয়াছে।
 সকলেই বেশ শক্ত করিয়া "মাগকোঁচা"
 আঁটাই কাপড় পরিয়াছে। কাহারও কাঁধে
 "তোয়ালে", কাহারও কাঁধে "পামছা" সক
 সেই ডাকের বাজনার সঙ্গে উদ্‌যাতের মত
 লাকাইতে লাকাইতে, ঠাকুর-বাড়ী হইতে

ঠাকুর আনিতেন চন্দ্রমাছ। গ্রামের বৃদ্ধ-সম্প্রদায়, কোথা বিধিরে চোপল দিবেন না। পিতার নাকতে পত্র মদ খাইলেও পিতা সন্মান হইতে সরিয়া যাইবেন। আঁকে কেহই রিক্তহস্তে নাই; কাহারও হস্তে মজা-আহারিত বৃক্ষশাখা, কাহারও হস্তে তেলপকু যষ্টি, কাহারও হস্তে-বা তিন-চারিটা পরিপূর্ণ মদের বোতল।

চারিজনের স্বন্ধে একখানি "চতুর্দোলা"; তাহাতে ঠাকুর যাইবে। সকলেই আনন্দে চীৎকার করিতেছে। দেশের বৌকে কেহই স্থির হইয়া দাঁড়াইতে পারিতেছে না; সকলেরই পা ঢালতেছে। সকলের চীৎকারে ও ঢাকের গর্জনে এক তুমুল কোলাহলের সৃষ্টি হইয়াছে।

প্রায় পঞ্চাশ-শাট জন বন্দিষ্ট পল্লীবাণীর এই উন্মত্ততা দেখিয়া মস্তোন্মত্তের মূগ্ধ শুকাইয়া আসিল। মস্তোন্মত্তের "পল্লীবাণীর বৃদ্ধ" পড়িয়া মনে মনে তাহার বে ছবি আঁকিয়াছিল, আজ এই পল্লী-উৎসবের নিকট তাহার সে চিত্র মনে বলিয়া বোধ হইল।

ঠাকুর-বাড়ীর সম্মুখে আসিয়া কিছুক্ষণের জন্য "বাজনা" বাজিল।

পুরোহিত-বহাশয় ঠাকুর লইয়া আসিয়া "চতুর্দোলায়" চাপাইয়া দিলেন। ঠাকুর আসিবামাত্র সকলে একসঙ্গে ভূমিষ্ঠ হইয়া প্রণাম করিল।

"বাবু আসছে," "বাবু আসছে" বলিয়া একটা মত সড়া পড়িয়া গেল। মস্তোন্মত্ত প্রথমে ব্যাপার কি বুঝিতে পারিল না।

তারপর দেখিতে পাইল, অদূরে একজন অতি সুন্দরকার যুবক টলিতে টলিতে আসিতেছে। যুবকের মোন্দরো কোথাও খুঁৎ আছে বলিয়া বোধ হয় না। ধব-ধবে ফরসা রং; আকৃতি কিঞ্চিৎ কুশ। ললাটের উপর কুঞ্চিত কেশনাম আসিয়া পড়িয়াছে। তাহাতে যুবককে আরও সুন্দর দেখাইতেছে। যুবকের স্বন্ধে একখানি "তোয়ালে" আলুখালু পড়িয়া আছে। পশ্চাতে একজন হারবান প্রকাণ্ড একগাছি যষ্টিস্বন্ধে ধীরে ধীরে আসিতেছে। "অমৃত" অত্যন্ত মাতাল হইয়াছে দেখিয়া অমৃতর মত একজন হারবানকে তাহার পশ্চাতে পাঠাইয়া দিয়াছেন। অমৃত এই বেলাডাং গায়েব জমীদার নগীরাম দত্তের একমাত্র পুত্র।

অদূরে অমৃতনামকে আনিতেন দেখিলে পুরোহিত দলের মত হইতে একজন ছুটি গিয়া, অমৃতকে কাঁধে কাঁধে লইয়া আসিল। তখন আবার একটা বিকল কোলাহল উঠিল।

অমৃতবাবু আসিয়া চীৎকার করিয়া ছুঁম দিলেন, "এই, সব চূপ!" মস্তোন্মত্ত উচ্চারিত হইবামাত্র সেই বিকল কোলাহল—এমন-কি, শিশুদিগের ক্রন্দন পর্যন্ত বন্ধ হইয়া গেল। সেই উত্তাল তরঙ্গ কল্লোলবৎ জন-কলরব অমৃতবাবুর কণাভেদে শান্ত্যাব ধারণ করিল।

অমৃতবাবু পুনরায় কহিলেন, "এই, সব শোনা,"—মস্তোন্মত্তেই তাহার কণা ভেদাইয়া বাহির হইল।

মস্তোন্মত্ত জামিতে লাগিল, অমৃতবা





আসিয়া এ গোল বন্ধ করিয়া নিলেন, হরত
বাহ একত্রে এত লোক জড়ো হইয়াছে
এই সুযোগে একটা-কোনো সাধারণ লোক-
সিকর মতকর্মের প্রস্তাবনা হইবে।
সন্তোষ খুব উৎসাহিত চিত্তে "লোকচারে"র
সম্প্রদায় করিতে লাগিল।

এমন সময় সেই স্তম্ভতা ভঙ্গ করিয়া
অমৃতবাবু কহিলেন, "দেখ, এখন সব চূপ,
আমি ঘেঁই বলবো আমি সবাই মিলে
সমস্যা আর হেঁইই করে নাচবি।" মুখের
কথা খসাত যা, কাজেও তাই। সন্তোষ
সঙ্গে একেবারে আড়ট হইয়া গেল।

ঠাকুরবাড়ী হইতে যে স্থানে গ্রাম্য
লোক আসিয়া পূজা করা হয়, সে
স্থানের নাম "পূজাভাড়া"। সেখানে একটি
প্রকাণ্ড বটবৃক্ষ আছে;—আর তাহার
নিম্নদূরে বাধা ঘাট ও দালা এক প্রকাণ্ড
সড়ক। সেট বটগাছের চতুর্পাশস্থ স্থানটুকু
খুব বিস্তৃত ও পরিষ্কার। বর্ণিত "পূজা-
ভাড়া" আত্ম বিস্তার লোক জমায়েৎ
করাইছে। প্রায় প্রত্যেকেই হাতে একটি
পত্রিকা নিরীহ অক্ষ-শিশু বন্ধুবন্ধনে
সংগত। অসহায় ও বধা অক্ষশিশু-
সকল লোকের চীৎকারে, প্রচণ্ড জৈষ্ঠ
আসব রৌদ্রের তাপে, আর কামানের
আগ্ন শকারমান "বোম্বের" আওয়াজে প্রায়
কর্মসর হইয়া দাঁড়াইয়া আছে। কিছুদূরে
প্রাক-শ্রেণীভুক্ত হইয়া জনকতক লোক
দাঁড়াইয়া আছে। তাহাদের প্রত্যেকেই
হাতে এক-একটা বোতাম-হেঁড়া পকেট-
ঝোলা গরম কাপড়ের ময়লা কোট,
সাথে একখানি করিয়া হালকা পড়-বিহীন

হুতার চাকর ও হুতে গাঁটভোলা পাঁকা
বাঁশের লাঠি। তাহাদের লম্বা জুপি
সিঁদুর তেল করিতেছে। ইহাদের নিকটে
একটি বিপুল-শৃঙ্গ বরাটকায় মহিব বাঁসা
রহিয়াছে। মহিবটির পৃষ্ঠদেশে সিঁদুর ও
অস্ত্রাশ্রু কি-সব মাখানো হইয়াছে।

ইহারও কিছু-পূর্বাধিক একটি চারা
অক্ষয় বৃক্ষের তলে কতকগুলি লোক-
দাঁড়াইয়া। তাহাদের প্রায় প্রত্যেকেই
কপালে সিঁদুর, হাতে দীর্ঘ বাঁশের লাঠি।
ইহাদের নিকটে একটি ক্ষুদ্রকায় শূকর-
ছানা কঠিন বন্ধনে আবদ্ধ হইয়া প্রাণপণে
জীংকান করিতেছে।

ইহা ব্যতীত ছাগল ও ভেড়া বে কত
আসিয়াছে ও আসিতেছে তাহার আর সংখ্যা
নাই।

পূজা প্রায় শেষ হইয়াছে, এমন সময়
প্রানের শত্রুসম্প্রদায়ের দাঁঠাকুর কেদার
উটচাল আসিতে তুলিলেন, "রাইচরণ
মণ্ডলের পাঠা আমি কিছুতেই উৎসর্গ
করব না, কারণ সে আমার জমির জল
কেটে নিয়েছে। ওকে জাতিহৃত করব
তবে আমার নাম কেদার ঠাকুর।"

এই কথা শুনিবামাত্র রাইচরণ মণ্ডল
কান্দকান্দ স্বরে অমৃতবাবুর নিকটে আসিয়া
বলিল, "বাবু, আমার পাঠা তো বোধ হয়
বলি হন না, তুমি বা হয় করুন আজ্ঞে।"

অমৃতবাবু বলিলেন, "ওহে রাইচরণ,
তোমাকে এক কাজ করতে হবে। আমি
পাঁচটা টাকা অরিমান্য দাও, আমি তোমার
পাঠার ব্যবস্থা করে দিচ্ছি।"

এই কথা শুনিবামাত্র রাইচরণ অমৃত-

বাবুর পদতলে পড়িয়া সীকা দিতে স্বীকার করিল এবং তাহার মানবিকের পাঠ্যক্রম ব্যাখ্যা করিবার জন্য বারবার অনুরোধ করিতে লাগিল। অমৃতবাবু তখনই কেদার ভট্টাচার্য্যের নিকট উপস্থিত হইয়া রাইচরণের পাঠ্য উৎসর্গ করিবার জন্য হুকুম দিলেন। কেদার ঠাকুর জগত্যা মধ্য চুলকাইতে চলাকাইতে রাইচরণের পাঠ্যের কাগজ ধরিয়া কলের ছিটাইয়া দিয়া তাহাকে উৎসর্গ করিয়া দিলেন।

ইহার পরই এক দুজন বিপদ বাণিনী। গ্রামের ছুঁপাড়ার চোটলোকের মধ্যে কাহার পূজা আগে হইবে, তাহা লইয়া মহা ভুলভুল উপস্থিত হইল। তখন দেখিতে দেখিতে সেই বচসা দাঁড়ায় পতিত হইল। এই পাড়াতেই চোট লোক বিপ্লব, প্রত্যয়েই বেতর মাতা হইয়াছে। সকলেরই হাতে লাঠি। স্ত্রীরাজ দাসের অক্ষয়ানি চুইবার নামে কোনই সম্ভাবনা নাই। খুব কাঁকালো রকমেই দাসী গারভ হইল।

সকলকে আর ছিন্ন খাচিতে পারিল না;—ছুটিয়া গিয়া অমৃতবাবুকে বলিল, “অমৃতবাবু, আপনি বললে এক কথায় মিটে যাবে, দাসী মিলিয়ে দিন, নরত এখনি একটা খুন হয়ে যাবে।”

অমৃতবাবু একটু তাগিয়া কহিলেন, “মশাই, আপনারা মহরের লোক, আপনারা তো জানেন না, মেচালে চলবে কেন? একটু পাকাপাকি রকম লোক, নইলে—” কথটা শেষ হইবার পূর্বেই দাসীর মধ্য হইতে, বলিষ্ঠকার বম-মূর্তি এক ব্যাক্ত ছুটিয়া আসিয়া অমৃতবাবুর

পদতলে পড়িয়া বলিল, “বাবু, হুকুম দিন।”
এই ব্যক্তির সর্ব্বাঙ্গে রক্তের ধারা ছুটিতেছে :—পরিহিত বঙ্গধানির প্রায় বাবোয়ান রকম রক্তে লাগ-টকটকে হইয়া গিয়াছে; মাথার একজায়গা কাটিয়া গিয়া, রক্তের ধারা কপাল বাহিয়া টপুটপু করিয়া বারমু পড়িতেছে।

সংগ্রাম ইহার পূর্বে, এমন দৃশ্য কখনও চক্ষে দেখে নাই। “ড, এল, রায়ের” নাটক লোকদের তখন এক একবার “রক্ত” “রক্ত” বলিয়া চীৎকার শুনিতাছিল বটে, কিন্তু ভীষণ বক্তব্যকি যে কি, সে কখনও প্রত্যক্ষ করে নাই। আজ চোখের সম্মুখে এই ব্যাপার দেখিয়া তাহার বুক কেমন ধড়লত করিতে লাগিল।

আজ রাতে বাবুস পোড়ান হইবে। সন্ধ্যার পর তইতে “দুর্বারি”, “বোম”, “চাউচ”, “আকাশতারা” প্রভৃতি ব্যক্তিগুলিকে যথা-স্থানে রাখা হইবে ছিল। প্রতি বৎসরই এই বেগলজার বারোয়ারি পূজার বাকদ পোড়ানো উপলক্ষে পুলিশ নোতাদেন থাকে। পুলিশ আর কেহ নয়,—গ্রামেরই নিতাই হাডি চোকিদার, পলাশপুরের শ্রাম সামন্ত বফাদার, আর ঐ গ্রামেরই হরি মায়ী কনষ্টেবল।

তাহারা পোষাক পরিয়া বস্ত্রভঙ্গ লইয়া সেখানে আসিয়া দাঁড়াইল। তাহার পর অমৃতবাবু বধন শ্বলিলেন, “হ্যা রে, তোরা কি অম্মনি করে সমস্ত রাত পাড়িয়ে থাকবি? খোলসগুলো ছেড়ে ছুঁড়ি-ছুঁড়ি

করে নিগে বা না।” অমনি অবিলম্বে চাকদার, দকাদার ও কনষ্টেবল প্রভৃতি গ্রাম কল্পিত হইয়া উঠিল। সকলেই “আন জল” “টাল জল” শব্দে চীৎকার করিয়া দৌড়িল। জনতার মধ্য হইতে জহর ডোম এক লাম্বু, সেই উত্তালতরঙ্গসমাকুল সমুদ্রবৎ লেপিহান-জিহ্বা অগ্নি-মণ্ডো পতিত হইল এবং বিপুল বিক্রমে অগ্নিরাশিতে জল ঢালিতে লাগিল। মনে হইতে লাগিল অগ্নির বিক্রম অপেক্ষা জহরের বিক্রম অনেক বেশী। নিকটস্থ পুরুরিণী হইতে কলসী ভরিয়া সকলে জহরকে জল যোগাইতে লাগিল, জহর “মটিকা” হইতে হুড়হুড় শব্দে জল ঢালিয়া অগ্নি নির্করণ করিতে লাগিল। কিছুক্ষণ চেষ্টার পর অগ্নি নির্করণ হইয়া আসিল, তখন সকলে একসঙ্গে হরিধ্বনি করিয়া উঠিল।

সন্তোষ এই সব দেখিতেছে এমন সময় জহর লোক সন্তোষের সম্মুখে আসিয়া বলিল, “বাবু, জাচ দেখবে?” বলিয়াই এক বিকট তাণ্ডব আরম্ভ করিয়া দিল। সন্তোষ ত দেখিয়া অম্বাক! এই ব্যক্তিকেই এক কাল সে এক মজলিসে বেশ মনোভাবে কথা কহিতে দেখিয়াছে; আর জাচ নাভাল হইয়া সে “জাচ” দেখাইতে বসিয়াছে।

জহরকেই গ্রামের ধারে মাত্র, এক কাল জহরগায় বাচ্চি-গোড়ানা আরম্ভ হইল। বোম-জাল, বোম-বিদীর্ণ করতল হাতে বেন ভীষণ আগের আওয়াজ করিয়া পড়িতে লাগিল। এক-একটা ভূমিডি পর-লাগাটী পর্বতের স্তম্ভ অজস্র অগ্নিকণা পড়ি কুৎকারে ছড়াইয়া দিতে লাগিল। অপর মধ্যে এক একটা “আনগান-তারা” বিকটর কোলে, প্রধাবিত হইয়া নিজের পর্বতগোষ্ঠিত অগ্নি-শুলিঙ্গগুলিকে ছড়াইয়া দিয়া একটা গ্লান হাকের ক্ষীণ জ্যোতিতে পর্বতগুলি উদ্ভাসিত করিতে লাগিল।

এই সমস্ত দৃশ্যে সন্তোষ তমস্র হইয়া পড়িল; এমন সময় একটা চীৎকারে তাহার লোক ভাঙ্গিয়া গেল;—সে দেখিল, গ্রামের মাঠের দিকের একখানি কুড়ের ধু-ধু হইয়া উঠিয়াছে। সেই ভীষণ অগ্নিকণা দেখিয়া মুহূর্তের অন্ত সন্তোষের হৃদয় কাঁপিয়া উঠিল। সকলের দৃষ্টি সেইদিকে আকৃষ্ট

হইয়া মাত্র এক বিকট চীৎকারধ্বনিতে সারা গ্রাম কল্পিত হইয়া উঠিল। সকলেই “আন জল” “টাল জল” শব্দে চীৎকার করিয়া দৌড়িল। জনতার মধ্য হইতে জহর ডোম এক লাম্বু, সেই উত্তালতরঙ্গসমাকুল সমুদ্রবৎ লেপিহান-জিহ্বা অগ্নি-মণ্ডো পতিত হইল এবং বিপুল বিক্রমে অগ্নিরাশিতে জল ঢালিতে লাগিল। মনে হইতে লাগিল অগ্নির বিক্রম অপেক্ষা জহরের বিক্রম অনেক বেশী। নিকটস্থ পুরুরিণী হইতে কলসী ভরিয়া সকলে জহরকে জল যোগাইতে লাগিল, জহর “মটিকা” হইতে হুড়হুড় শব্দে জল ঢালিয়া অগ্নি নির্করণ করিতে লাগিল। কিছুক্ষণ চেষ্টার পর অগ্নি নির্করণ হইয়া আসিল, তখন সকলে একসঙ্গে হরিধ্বনি করিয়া উঠিল।

পরদিন সন্তোষ বাড়ী ফিরিবার বন্দোবস্ত করিতেছে, এমন সময় তার বোন নীহার বলিল, “দাদা, তুমি আজ যাবে বলছো বটে, কিন্তু আর একদিন থাকলে ভাল হত। কাল অমৃতবাবুর সখের দলের যাত্রা হবে।”

সন্তোষ কহিল, “সখের দল কেমন অভিনয় করে?”

নীহার বলিল, “অভিনয় করে মন্দ নয়, তবে বড় বেশী পোশাক করে। এমন-কি সময়ে সময়ে হাঁক-ডাঁকের চোটে গালা ভেঙ্গে যায়।”

সন্তোষ হাসিয়া বলিল, “বটে, তাহলে অভিনয় যত হোক আর না হোক মজা দেখবার জন্যে আমার থাকতে হবে।”

অমৃতবাবুর বৈঠকখানাটি বেশ সুন্দর

সাজানো। ঘরের

বেড়া দেওয়া কুলবাগান। বাগানটি বেশ মনোরম। ঘরের ভিতর তিনটি আলমারি পুস্তক-ভাণ্ডার প্রস্তুত। অল্পধারে সাত-আটটি কাঠের সিন্দুকে বাত্রার ঘরের সাজ-পোষাক। বাগান হস্তকৃত বিকিণ্ড রক্ষা আছে।

সন্তোষ ধীরে ধীরে গিয়া বৈঠকখানায় উঠিল। ঘরের ভিতর অনেকগুলি লোক বসিয়া কথাবার্তা করিতেছিল। সন্তোষকে আসিতে দেখিয়া সকলেই চুপ বারন। অমৃতবাবু ভাড়াহাড়ি উঠিয়া আসিয়া সন্তোষের হাত ধরিয়া বাসিলেন, "আমার মশাই, আপনি যে আবার এই "ন চ্যাংডার" আঙ্গার পদার্থ করান, এটা ভাবিনি।" সন্তোষ অমৃতবাবুর এই নিরহঙ্কার আলাপে বিশেষ ভুট্ট হইল। উত্তরে চুইখানি চেহারে উপদেশন করিলে, সন্তোষ কহিল, "মশাই, আজ আমি দাচ্ছিলাম, তবে শুনুন যে আপনাদের সন্তের যাত্রার দলের আভিনয় হবে, শুধু তাই শোনবার আগেই আভিনয় দিনটা থেকে গেলুম। আর আমার ভ্রম তাই আজ যেতে দিলে না।"

অমৃতবাবু সহাস্য বদনে কহিলেন, "মশাই, আপনার ভগ্নী যে আমার দিদি হন। দিনি আমার ভাইয়ের মনের কথা বুঝেই আপনাকে যেতে দেখনি। আপনি তো কলকাতায় কত বড় বড় অভিনয় দেখেছেন, আর আজ এখানে আপনাকে এক নতুন অভিনয় দেখাব—"

সন্তোষ কহিল "আপনাদের এ সমিতি কি রকম?"

"মশাই, এ সমিতি-টামিতি কিছুই নয়, এর নাম হচ্ছে 'ন বিল্ডারের সংঘের দল'।"

সন্তোষ বিশ্বস্তের সাহিত্য বাগল, "সে আবার কি?"

অমৃতবাবু হাসিতে হাসিতে কহিলেন, "তবে শুধু, মাঝের দলে সভাবত ন'টি করে বিল্ডার খটে থাকে।"

প্রথমতঃ—গোপ-বিল্ডার—অর্থাৎ কেউ জী-লোকের ভূমিকা গ্রহণ করতে চায় না।

দ্বিতীয়তঃ—"পাউ-বিল্ডার"—অর্থাৎ কেউই চায়নি কি কয় ব্যক্তির ভূমিকা

নামকে চায় না। তৃতীয়তঃ—"পোষাক বিল্ডার"—অর্থাৎ সংঘের দল, কেউ কাবল মার্গেই যায় না, সকলেরই ইচ্ছা, নতুন

পোষাক পরে অভিনয় কবে;—বিশেষতঃ "চৈত্র" বা পূর্ণ-আক্ষাধনার উপর অনেকেরই

চুপ হুটি। চতুর্থতঃ—"সহক-বিল্ডার" অর্থাৎ

কারণে হয়ত সাহসের ভাণ্ড, তারা স্বামী-স্বার ভূমিকায় "নাথ" "প্রভু" ইত্যাদি

সন্তোষনে যাকি নয়। পঞ্চমতঃ—"ভূমিকা-বিল্ডার" অর্থাৎ তারা নাট্যবাস্তব যুদ্ধাধিতে

জয়ী হবে, যেমন অঞ্জলি, ভীম, রান ইত্যাদি, সকলেরই লেট ভূমিকা নেবার

ইচ্ছা। ষষ্ঠতঃ—"লোভা-বিল্ডার"।" গ্রামের দল শুনে কেউ শুনেতে যাবে না,

অনেককে খোলামোদ করে', সম্ভব হলে ধর্মক-ধামাক দিনেও আসরে বসাতে হবে। সপ্তমতঃ

—"মত-বিল্ডার"। কেউ বলাবে আমি পেলুম না, আবার কেউ বা বুঝি করতে থাকবে।

অষ্টমতঃ—"উচ্চপদ-বিল্ডার"—দলের সর্কারী দায় হইতে প্রধান অধ্যক্ষ পর্যন্ত সকলেরই

ইচ্ছা প্রোগ্রামে “অমৃত মাটির” বলে যেন তার নাম ছাপানো হয়। নবমতঃ “ছাঁকা-বিলাট”—এর মধ্যে আবার “সাদালি” আছে, কেউ তালাফ খেতে পেলে না, আবার কেউ-বা চখিশ খাটাই ছাঁকোয় যথ যথ হইল। কবে “ছাঁকো” “ছাঁকা” বলে এক তুমুল কোলাহল হইবে বাজা ভেঙ্গে যাবার সম্ভাবনা হয়। হ্যাঁমি, “সাদালি” এই কথা বলিয়া অমৃতবাবু উচ্চ গলায় কহিয়া উঠিলেন।

তখন সন্ধ্যা হয় হয়। বারোটার তলাব নাটোনাথানিকে ফতুলু-মতুলু সাধানো হইয়াছে। দুই-একটা গ্যাসের কাঁড় খেত-হনের আনন্দে বিকটপ করিতেছে। গাভ কতকগুলি পানির আদর হইয়াছে। সন্ধ্যার পানির কাল মে-যাত্রার গুহকণ্ড জাতিগণের পরিচয় কইতেছে। সন্ধ্যার পানির পান করিয়া সীতারকে বলিল, “আমরা কলেই বাতী তুমতে যাবো, তারকো খান ক থাকবে?”

সীতার কহিল, “কে আনান থাকবে? এখানে সহরের মত চোরের ভয় নেই, তিনদিন বাড়ীতে না থাকলেও কেউ এক-পাছি কুটো নাড়বে না।”

সন্ধ্যার প্রথমে বারোটার-তলায় গমন করিল। সন্ধ্যার যাইবামাত্র দলস্থ সকলে সীতার সম্মান করিয়া তাহাকে আসরের দিকে বসাইল। অনতিবিলম্বে একটি সুগন্ধ মোকগারী বিরাটোর ছাঁকা আসিয়া সন্ধ্যার নিকটে খানিকটা জায়গা দখল করিল। সে মহা ফাঁপরে পড়িয়া গেল।

একধারে খানিকটা প্রশস্ত জায়গা চিক

দিয়া ঘেরা। সীতারকে এক একে আসিয়া তাহার মধ্যে জায়গা করিয়া থইল। অনতিবিলম্বে চিকের মধ্য হইতে শিশু-ক্রন্দন স্বকীয় মাতৃ-আগমনবাণী ঘোষণা করিতে লাগিল। দুই-একজন লোক “বাগা, ছেলে খানকো না গে!” বলিয়া চীৎকার করিতে লাগিল। সঙ্গে সঙ্গে “আবুতাবু” বাজনা আরম্ভ হইল।

অমৃতবাবু সন্ধ্যার নিকটে আসিয়া বলিলেন, “মশাই, অভিনয় কেমন হবে তা বোধ হয় করতে পারছেন? শিশুর রোদনে আর প্রস্তাবনা, তার উপসংহারে কৃষ্ণি বুড়ী পর্যন্ত কঁদবে!”

সন্ধ্যার উদ্ভ্রান্তে বলিল, “না, না, আমার বোধ হয় অভিনয় খুব ভালই হবে!”

অমৃতবাবু বাজলেন, “তবে আপনি বসুন, আমি ততক্ষণ বেশকারীর কাণ্ডে আসবো।”

ততক্ষণে সন্ধ্যার রাত্রি জাগিয়া যাত্রা জাতিয়া, আশ মাতাদিন লুমাইয়া, বৈকাল বেগা কতকগুলি লোক এক জায়গায় আসিয়া মড় হইল। অমৃতবাবু পূর্ব হইতেই সেখানে উপস্থিত ছিলেন। সকলে নানাক্রমে খেসিগল করিতেছে, এমন সময় ধীরে ধীরে সন্ধ্যার সেহস্থানে আসিয়া উপস্থিত হইল। অমৃতবাবু দাঁপরে সন্ধ্যাকে বসাইয়া বলিলেন, “মশাই, কাল কেমন কেলেছারি দেখবেন?”

সন্ধ্যার কহিল, “কেন, কেলেছারি কেন? অভিনয় তো মন্দ হয় নি। যে লোকটি “বয়স্ক” সেজে ছিল, আর যে স্বর্ণের

“দেববালা” সেজে নেচেছিল তারা ত ছদ্মন বেষণ পাকা লোক।”

অমৃতবাবু বলিলেন, “সন্তোষবাবু, আপনি এখনও ছু-একদিন থাকবেন তো?”

সন্তোষ কণ্ঠব্যস্তে বলিল, “ছু-একদিন কি মশাই! অনেক পূর্বেই যেতুম, কেবল আপনার বাতীর অভিনয় দেখবার জন্মেই রইলুম, আর দেখি করব না।”

অমৃতবাবু সন্তোষের হাতখানা চাপিয়ে ধরিয়ে বাতিলেন, “না, মশাই! আমার অনুরোধ, আর একদিন থাকুন, আমি নীহার-বিদিকে বলে দিচ্ছি, তিনি যেন কিছুতেই না ছাড়েন।”

সন্তোষ ভাড়াভাড়ি অমৃতবাবুর হাত ছাড়াইয়া করিলেন, “করেন কি মশাই।”

অমৃতবাবু বলিলেন, “কাল আমাদের বাড়ী ব্রাহ্মণ-ভোজন হবে, আপনাকে থাকতেই হবে। আপনার মত একজন নিচক্ষণ লোক খাওয়া পাই-ই চাই।”

বেলা তখন প্রায় তিনটা, চারিটার রোদ ঝাঁঝী করিতেছে, মাটি ভাঙিয়া লাগাইয়াছে, নগরপদে মৃত্তিকা স্পর্শ হইনামাত্র জ্বলিয়ায় যন্ত্রণা কর। এমন সময় ব্রাহ্মণদের ডাক পড়িল। সন্ধ্যায় শ্রাম ভট্টচাঁবু, রাখাল মুখ্যো, প্রসন্ন দানসু, ভূতলাল হালদার, কালিদাস চক্রবর্তী প্রভৃতি মাতব্বর-মাতব্বর ব্রাহ্মণবর্গ, দুবক-সম্প্রদায়, বালকমণ্ডলী, এবং অন্যান্য চৌকবৎসরবয়স্ক বালিকা, প্রত্যেকেই এক একটি বটি করে আঁধিতে আরম্ভ করিল।

সংখ্যার প্রায় একশত আনন্দের ব্রাহ্মণ সমবেত হইলে, দুইশত আনন্দের পাতা বাহির

হইল, তথাপি কুশান হর না। সন্তোষ অনুভবাবুকে জিজ্ঞাসা করিল, “মশাই, ব্যাপার কি?”

অমৃতবাবু যুখে একখানা কুমার জড়াইয়া বসিয়া কলেবরে ব্যতিব্যস্ত হইয়া বেড়াইতে ছিলেন; সন্তোষের কথায় কণেক খানিয়া বাতিলেন, “আপনি একবার পিছে দেখে আসুন।”

ইতমভাবে তিন-চারিজন গোয়ালী দ্বি ও গৌরবের ঝাঁকড়া প্রবেশ করিল।

অমৃতবাবু আশ্রয় বাতিলেন, “সমিষ্ট-খুড়ো, রাখাল দা, আপনারা দয়-স্বাক্ষর গুলো “কুৎ” বলে নিন।”

সন্তোষ বিস্ময়ের মাইত বলিল, “কুৎ” কাকে বলে?”

অমৃতবাবু একটু হাসিয়া বলিলেন, “ওটা আনন্দেরই নামান্তর।”

সন্তোষ বলিল, “কেন, আনন্দের করবার বরকার কি? গজন করে নিন না। এর পর তিনিই কুরালে পাত্রগুলি গজন করে “কুৎ” বাদ দিলেই চলবে।”

“নাহে ছোকরা! তুমি ধামো, এখনি সব হবে।”

সন্তোষ পশ্চাত্তাপে চাতিয়া দেখিল, বিরাট জঁকাজঁতে সামস্ত খুড়া ও মুখ্যো ঠাকুরের দল আঁধিয়া হাজির হইয়াছে।

রাখাল মুখ্যো একটি সীরের হাঁড়ি হাতে করিয়া বলিলেন, “কত হে?”

সুধাময় গোয়ালী কহিল, “আজ্ঞে এক মোন দার মেট।”

রাখাল মুখ্যো একটু হাসিয়া উচ্চ-আওয়াজে কহিলেন, “ওরে, দুই তো সেই

বেহারের বেটা, তোর আবার দাম-দস্তুর কি ?
বাটা পেমাদ পেয়ে যা।" তারপর গম্ভীর
ভাবে বলিলেন, "লেখ হে ! বত্রিশ সের।"

সুধাময় হাত ছোড়া করিয়া কান-কান
সরে বলিল, "নশাই, যারা যাব, দোহাই
নশাই, গম্ভীর পা দেবেন না।"

সুধাময় ব্যাকুলতা দেখিয়া সন্তোষ কহিল,
"রাখালবাবু, প্রভেদ যদি না দেয়, তবে না
হয়—"

প্রথম শব্দই শ্রবণশীল হইবে ঘাড় নাড়িয়া
কহিলেন, "না, সামস্তর কলম একপাই
হয়—"

পরক্ষণেই ঘর একটি ছাড়া পুস্তক
সমগ্র কারাগারিতে "কুৎ" হইয়া গেল।

ক প্রকারে অনেকগুলি ইংরেজ বস্ত্র
সমগ্র একটি ছাড়া বস্ত্রের নাম
সমগ্র মুখুসো বলিলেন, "সোড়ো বাইশ সের।"

সমস্ত বলিলেন, "না, না একশ সের।"
কি একটা উত্তরে ভাষণ বচসা আরম্ভ হইল।

কমই আত্ম বাড়িতে ব্যাপণ। শেষে
সমস্তই কল্পিত কপালিক-সভা মুহুরিত্তব
সমস্ত নৈসর্গিক পলা হুলস্থ স্বভাবমুখি

সমস্ত হইয়া পড়িল। বেচুট গালাগোলি। তার
পর সামস্ত খুঁটা রাগে গম্ গম্ করিতে করিতে

কহিলেন, "তোকে যদি সমাজ থেকে রাহিত
কবে না পারি, তবে আমার নাম প্রসন্ন
সমস্ত নয়। তাহলে আমি ব্রাহ্মণ নই, আমি
* * * * *।" এই বলিয়া রাগে গর-গর

সমস্ত করিতে লাগি ঠক-ঠক করিয়া তিনি
বাহির হইয়া গেলেন।
সন্তোষ জো একেবারে অধিক।
সমস্তবাবু বলিলেন, "হাক্, বা হবার

হয়ে গেল, এখন উপস্থিত যে ক'জন
ব্রাহ্মণ আছে, তাদের খাটয়ে দেওরা
হোক।"

সন্তোষ দেখিল, এক ব্যক্তির পাশে
একখানি পাতা অনর্থক পড়িয়া রহিয়াছে।
সেখানি সেমন কড়াইয়া লইতে যাইবে, অমান

সম্পর্কিত ব্যক্তি বলিল, "নশাই, ওখানি
"কোড়পত্র", ওখানি আর নিয়ে কাজ নেই।"
এদিকে লুচি আদিত্ত আরম্ভ হইল।

প্রথমত একবার তীরবেগে বন্ধন-কাটা চলিতে
লাগিল। অনেকটাই বলিল, "আমি লুচি
পার না, অখুঁত করেছে। কেবল ক্ষীর
আম সন্দেহ যাব।" কিছুক্ষণ পরে দেখা গেল,

প্রত্যেকেই অল্প বেল আশ্চর্যকর
সারিয়া গিয়াছে। এক একটি ছোট ছোট
কেন্দ্র আদিত্ত। তাহাদের "কড়া" বাদ
যায় না, প্রত্যেকেই এক একটি প্রকাণ্ড

"পাইয়ে"।
সন্তোষদের কাশতে সুধাময় নামে একটি
খানি পাতা, সে পার বস্ত্র-বস্ত্রখানি লুচি
খাটতে পারিত বলিয়া বন্ধ-মহলে গাইয়ে

বালিয়া তাহার বেশ একটু পশার-প্রতিপত্তি
ছিল। কিন্তু এখন সন্তোষ দেখিল, এই
সমস্তের এক একটি দালকই সুরেনের
পূজ্যপাদ পিতামহ।

ভোক্তা-সম্প্রদায়ের মধ্য হইতে রাম
তট্টাচার্য্য বলিয়া উঠিলেন, "হাঁ হে শশী
ভায়া। এই সন্দেহটা তোমার কেমন
লাগলো? বলতে পার এর দর
কত?"

শশী বাঁড়ুয়ো বলিল, "আন্দাজ, সোড়ো
সাতাশ টাকা।"

শশী বাঁড়ুয়ো বলিল, "আন্দাজ, সোড়ো
সাতাশ টাকা।"

শশী বাঁড়ুয়ো বলিল, "আন্দাজ, সোড়ো
সাতাশ টাকা।"

রাম ভট্টাচার্য্য বিস্তৃতর চালে বলিল,
“নাহে, ছাব্বিশ টাকা সাত আনা।”

মস্তোষ ভাড়াগাড়ি বলিল, “খাচ্
আর আন্দাজে কাজ নেই, এখন তো
ফৌজদারী বাধবে? আপনিরা একটা গল্প
শুনুন,—একজন লোকের মিতৌর কাছে
এক ছাত্র কাজ শিখতে আসে। ছাত্রটি
অতিরিক্ত মেধার গুণে অতি অল্প সময়ের
মধ্যে বেশ কুণ্ডবিত্ত হল, এমনকি গুরুকেও
ছাড়িয়ে উঠল। মিতৌর কিছু কা নিতান্ত
অসহ্য বোধ হতে লাগল। একদিন ছাত্রটি
এক নতুন ধরণের কল তৈরি করে সেটা
নিরে বাজারের সামনে নিয়ে বাসিল:—

নামনে গুরুজিকে দেখে প্রণাম করে
বলে, “আমি, কেমন একটা নতুন কল
তৈরি করেছি, দেখুন।”—কল দেখে মিতৌর
মুখ ত্রকোল; তখন সে এক বুদ্ধি
বাটিয়ে বলে, “দেখ ক্রীধানটা একটু
কাঁকা হয়েছে. যাচ্ছা, আমি গেরে
নিচ্ছি।” এই বলে বাজার-করা
গানছার ভিতর থেকে একটি “মুলা”
বার করে লোকের গারে ছুটো দা নিয়ে
বলে, “ক্রীধান নাহা।” ছাত্রটি হেসে
বলে, “মুলাটার পান আচ্ছা শক্ত ত?”
গল্প কনিয়া সকলে হাসিয়া উঠিল। তার
পর যথাসময়ে লোকজন শেহ হইল।

শ্রীভাবানন্দ মুখোপাধ্যায়।

বর্তমান ভূগোলের দিগ্‌দর্শন

ভূগোল এখন আর উপনির্ভর ইন্দলের
পাঠ্য বিষয়মাত্র নহে, জাতিগত জীবন-
সমস্যার অনেক অঙ্গপাই এখন ভূগোলের কেন্দ্রে
আসিয়া গঠিয়াছে এবং সভ্যতার বিশেষ ও
পারিপট্টের অনেক ভাগ এখন তাহা নিহিত
আছে। ইহার গবেষণার জন্য এখন বহু
সমিতি ও বিভাগ সভ্যদেশের সরকার
প্রতিষ্ঠিত হইতেছে। ইয়ুরোপের সর্বশ্রেষ্ঠ
জ্ঞানীসকল এ বিষয়ে আলোচনার ব্যাপৃত
হইয়াছেন। জীবনযাত্রার সহিত যে
বিভিন্ন ঘনিষ্ঠ সম্পর্ক, তাহার আলোচনার
যে বিশেষ প্রয়োজন আছে, ইহা বলাই
বাধ্য। এ প্রবন্ধে ভূগোলের সহিত

সভ্যতার বিকাশের সহকের বিভিন্ন আভাস
দিব নাই।
পারিপট্টসমূহ ইয়ুরোপীয় জাতির
উন্নতির মূল কারণ অনুসন্ধান করিলে
ভৌগোলিক সমস্যাই সন্দেহে দৃষ্টিপথে পতিত
হয়। সেই উন্নত অর্থাৎ কাল হইতে
বর্তমান কাল পর্যন্ত ভৌগোলিক আবেষ্টনই
(Environment) ইয়ুরোপীয় জাতির উন্নতির
পথনির্দেশ করিয়া আসিতেছে। ইয়ুরোপীয়
উন্নতির প্রথম উন্মেষের সঙ্গে সঙ্গে আমরা
দেখিতে পাই, ভূমধ্যসাগরের চতুর্পার্শ্ব
হইতেই প্রধানতঃ সভ্যতার ক্রমবিকাশের
সূত্রপাত হইয়াছিল। ইহার কারণ অপরকাল

চিন্তা করিতেই বোধগম্য হইতে পারে। যে সকল দেশ সাগরের উপকূলে বিস্তৃত হইয়াছে সে সমুদ্রপথে অন্তান্ত দেশ-সকলের সহিত মিথিতে পারিত, সেই সকল দেশই সকল জাতির সহিত প্রতিযোগিতায় দাঁড়াইতে সক্ষম হইয়াছিল। গ্রীসের ভৌগোলিক অবস্থা কি দেখিতে পাও! গ্রীস কুড় কুড় ভাগে পরিবেষ্টিত, সমুদ্র আসিয়া ঋণ্ড ঋণ্ড ভাবে উহার যুক্তাগেব মধ্যে প্রবেশ করিয়াছে। গ্রীসের জায় পশ্চিম-বিলম্বিত উপকূল ভূমধ্য-সাগরবর্তী আর কোন ভূখণ্ডেরই নাই। এইরূপ প্রাকৃতিক অবস্থা বাণিজ্যের পক্ষে যে অসুকূল, তাহা একটা বন্ধবান্দীস্বরূপ সিদ্ধান্ত। এই অবস্থার বশবর্তী হইয়াই গ্রীকগণ একদিন ইউরোপীয় সভ্যতার আদি প্রসারণ চুটাইতে পারিয়াছিলেন। এবং সেই কারণেই গ্রীস কখনও সমগ্রমধ্যে কিছুদিনের জন্য স্বাধীন চিন্তা, স্বাধীন বাণী, রাষ্ট্রনৈতিক ও সামাজিক উন্নতির কেন্দ্রস্থি হইতে পারিয়াছিল। গ্রীসের পর ইউরোপে ইটাগার প্রাদেশিক। দেখিতে পাওয়া যায়, ইটাগার ভূমধ্যসাগরের অপেক্ষাকৃত মধ্যবর্তীস্থানে অবস্থিত, এবং সেই কারণে পশ্চিম, দক্ষিণ ও উত্তর বেশমূহের গমনাগমন-স্থল হওয়ায় ভূমধ্যসাগরের অস্থাপত্য জাতি সকলের মধ্যে সে একাদিপতা করিতে পারিয়াছিল। ফিলিসিয়ার বণিকগণের একান্ত অধঃসার সহিত, উক্ত দেশের বাণিজ্য কিছুকালের জন্য মাথা তুলিয়া দাঁড়াইলেও, পারিশেষে রোমের সহিত সমকক্ষতা করিতে পারে নাই। কার্ণেল ও প্রাকৃতিক অতিকূলতা

দ্বারা লাতিন জাতির সহিত কলহে প্রবৃত্ত হইয়া কৃতকার্য হইতে পারে নাই। অতএব দেখা যাইতেছে, প্রাচীনকালের রোনকগণের শক্তির প্রাণান্ত তাহাদের বন্ধিরক্তি ও শারীরিক তেজেরই উপর সম্পূর্ণ নির্ভর করে নাই, দেশের ভৌগোলিক অবস্থার উপরও যথেষ্ট নির্ভর করিয়াছিল।

পরবর্তী সময়ে ইউরোপে ফ্রান্সের প্রাণান্তের মূলেও প্রাকৃতিক অসুকূল অবস্থা লক্ষ্য করা যায়। ফ্রান্স ও আটলান্টিক ও ভূমধ্যসাগরের তীরে অবস্থিত। স্পেন দেশও দুই সাগরের উপকূলবর্তী হওয়ায় স্পেনিয়ার্তর্গণ দুই সাগরে সহজে কার্যক্ষেত্রে বিস্তৃত কারতে পারিয়াছিল এবং বণিক জাতিগণের মধ্যে কিছুদিনের জন্য আধিপত্যলাভ করিয়াছিল। কিন্তু সাগরের সহিত অধিক ঘনিষ্ঠ হওয়ার স্পেনকে ইউরোপের অন্তান্ত অংশের সহিত সম্পর্কশূন্য হইতে হইয়াছিল, সুতরাং স্পেনের জাগো ফ্রান্সের মত অপেক্ষাকৃত মধ্যদেশবর্তিতার সুযোগ ও সুবিধা ঘটিয়া উঠে নাই।

এইবার জার্মানীর কথা ধরা যাক। কেন্দ্রস্থলে অবস্থিতির সুবিধাবশতঃ জার্মানীর পক্ষে ইউরোপীয় ভূখণ্ডের শীর্ষস্থান অধিকার করিবার পক্ষে সম্ভাবনা যথেষ্ট ছিল। কিন্তু জার্মানীর রাষ্ট্রনৈতিক অন্তর-বিরোধ উহার ভৌগোলিক সংস্থিতির সুবিধাগুলি বহুকাল পর্যন্ত ঢাকিয়া রাখিয়াছিল। পরে যখন জার্মানী ধীরে ধীরে সুগঠিত একটা মিলিত জাতিতে পরিণত হইল, তখন এই প্রাকৃতিক সুবিধাগুলি তাহার বিবিধ উন্নতির সহায়ক হইয়াছিল। বর্তমান

অপত্তে তাই আর্থাদী একটী অন্ততম শ্রেষ্ঠ
সাম্রাজ্য।

এই সকল উক্তি হইতে পরিষ্কার বুঝা
যাইবে যে, প্রাকৃতিক অবস্থা জাতিসমূহের
উন্নতির প্রধান সহায়রূপ হইয়া থাকে।
উন্নিত সাধারণ তথ্যগুলিকে অবলম্বন
করিয়া অবশ্য বিশেষ অল্পসন্ধান কার্যে
চালিত হইতে পারে। বহু শতাব্দী ধরিয়া
কোন কোন জাতি কি কারণে উপনিবেশ
রক্ষা করিয়াছিল এবং কি কারণেই বা অপর
জাতিসমূহ উপনিবেশ রক্ষা করিতে প্রবৃত্ত
হয় নাই, এ সকল প্রশ্নেব মীমাংসা
ভৌগোলিক জ্ঞান ব্যতীত কোন মতেই হইতে
পারে না। গ্রীকগণ যে কারণে উপনিবেশ
স্থাপনার আতিমাত্র ব্যাপ্ত হইতেন, তাহা
ভূমধ্যসাগরের মানচিত্রে দেখিলেই স্পষ্ট বুঝা
যায়। যখন ইউরোপীয় জাতিসমূহের
উপনিবেশ স্থাপনকারী ভূমধ্যসাগর ছাড়াইয়া
বহির্দেশে বিস্তৃত হইল, তখন ভূমধ্যসাগরের

তীরবাসী কোন শক্তিই মহাসাগরে
উপনিবেশকার্যতৎপর জাতিসমূহের সহিত
ভুলানামখে দণ্ডায়মান হইতে পারিল না।
ইটালী অবশ্য কখনও উপনিবেশ রচনা
কার্যে যোগদান করে নাই। কিন্তু কুই কুই
দেশ,—যথা, পোর্টুগাল, হলান্ড ও দেনমার্ক
নৌবহরক সমৃদ্ধিতে বলশালী থাকায় বহু
উপনিবেশিক রাজ্যের অধিকারী হইতে
পারিয়াছিল। উপনিবেশিক রাজ্যবিস্তারে
চরম দৃষ্টান্তরূপ অবশ্য ইংলণ্ড। ইংলণ্ডের
সমৃদ্ধি অবশ্য উপনিবেশে। চারিদিকে
মাগর ও তীরে তীরে বড় বড় বাণিজ্যবন্দর
থাকায় অথচ ইউরোপের মূল ভূখণ্ডের
নিকটবর্তী হওয়ায় ইংলণ্ডের সমুখে যাবতীয়
উন্নতির পথ উন্মুক্ত হইয়া পড়িয়াছিল।
ভৌগোলিক অসুকল অবস্থায় লালিতপালিত
হইয়া ইংরাজগণ আজ নৌবিন্দা ও বাণিজ্যের
সাহায্যে জগৎ জুড়িয়া আত্মপ্রাধাত্য বিস্তার
করিতেছেন।

শ্রীধৃন্দাবনচন্দ্র ভট্টাচার্য।

অভাব ও প্রতিকার

(রূপটকিন হইতে)

অনেকে মনে করেন যে, পাতোক
মন্ডের একটি করে' সাধারণ পাকখানা
স্থাপন করা উচিত; প্রতি বাড়ীতে পৃথক
রন্ধনের ব্যবস্থার চেয়ে তাতে খাদ্য, জ্বালানি
শ্রমশক্তি ও পরিশ্রম কিছু কম হবে এবং

সময়ও কিছু বাঁচবে। এ ব্যবস্থা অনেক
দেশে অনেকবার হয়েছে এবং সুফলও যে কালে
নি তানর; কিন্তু এটা আমরা জনসাধারণের
উপর চাপাতে চাই না, তাহের প্রকৃতি ও
প্রবৃত্তির উপরই এটা সম্পূর্ণ নির্ভর করছে;

এ-সম্বন্ধে ভাল ব্যবস্থা যাই হোক, সেটা তারা নিজেরাই ঠিক করে নেবে,—কারণ কোন-রকমে তাদের স্বাধীনতার উপর হামলা হস্তক্ষেপ করতে চাই না। পরনের কাপড়, শরনের ঘর ও স্বাস্থ্যকর খাদ্য সংগ্রহ ও বিতরণ সম্বন্ধে তারা ইচ্ছামুখায় ব্যবস্থা করবে; অবশ্য, এটা যেন কেউ মনে না করেন যে, এতদ্বারা নিজের মত জ্ঞানটি বেছে নেবে। ইতিহাস এ কথার সাক্ষ্য দেয় না, এবং এখার তাদের বেলাই যে ইতিহাস ভিন্ন পথে যাবে তাও মানিয়া বিশ্বাস করি না। বলাবাহুল্য, এটা যেন রাখা উচিত যে, অনভ্যস্ত পথে যাবার ক্ষমতা যদি কারুর কিছু ভুলচুক হয় তবে সে-কাজ সেই-ই দায়ী—যদিও সে ভুল শুধরানোর চেষ্টা করবে না।

জনসাধারণের চিন্তার দ্বারা বারং বারং অক্ষা করেছেন তাঁরা জানেন যে, বাসগৃহসম্বন্ধে তাদের ধারণা একটা নির্দিষ্ট মতে এসে পৌঁছেছে। এতদিন বাড়ীর মালিকই বাড়ীর মতাদিত্যবলী বলে' রাজপুত্রের কাছে সম্মান পায় এসেছে, কিন্তু জনসাধারণ এখন সে-কথা খার মানতে চায় না। এ মতটা কেউ তাদের উপর জোর করে' চাপায়-নি—তাদের মন থেকেই এটা উঠেছে। কেউ তাদের বিশ্বাস করতে পারবে না যে, স্থাবর সম্পত্তির স্বত্ব মুক্ত-অধিকারকে বোঝায়। মালিক বাড়ী তৈরি করে-নি—ছুতারের দোকানে, হুঁটের ক্ষেতে, কারখানার সামান্য মজুরীতে পরিশ্রম করে' অসংখ্য লোক বাড়ী গেঁথেছে, সাজিয়েছে, ব্যবসায়িক করেছে। এর পিছনে যে মোটা টাকা বরচ হয়েছে সেটাও মালিকের

শ্রমসম্মত নয়—কর্মী-সাধারণকে স্থায়ী প্রাপ্য থেকে যথেষ্ট পরিমাণে বঞ্চিত করে' এই টাকা সঞ্চিত হয়েছে; কাজেই মালিকের অধিকার যে কতটুকু তা সকলেই বুঝতে পেরেছে সে বাস করে বলেই বাড়ী তার, এ কথা গায়ের লোরে বলা যেতে পারে, কিন্তু সত্য মানুষ গায়ের ছোরে সব কাজ করে না, কারণ তাহলে তাকে জীবন বর্ধকতায় ফিরে যেতে হবে।

গ্রাম ও মহারের পতন ও শ্রীযুক্তি করতে কত লোকের দৈহিক পরিশ্রম ও মানসিক উদ্বিগ্ন পরচ হয়েছে, কিন্তু একজন বা একজন মাত্র লোক যে তাঁর ফলাভাগী হবে, এ কথাটা সত্য মানুষের মুখে তাঁর অভূত বলে মনে হয়; নিতান্ত 'অবিচার না করে' কেউ এর ছোট ছোটটুকু আত্মসাৎ করতে পারবে না। মহারের বড় বড় আট্টালিকা থাকতে কর্মী-সম্প্রদায় এতদিন দুর্গন্ধ আবর্জনারায় কুটীরে বাস করেছে এবং তাদের সামান্য আয় থেকে অশনবসনহীনতার কষ্ট স্বীকার করে ও মালিককে কর যুগিয়েছে; আমাদের দৈন্যিত পরিবর্তনের ফলে এ অবিচারের মুসোচ্ছেদন হবে, নিশ্চয়। কর্মী-কর্মী-সমিতি বা খিওরীওয়াজ মাঝারি দলের সঙ্গে কোন সম্পর্ক না-রোধে জন-সাধারণের কাছে এ-কথা প্রচার করতে হবে এবং এখন সকলের মনে ধারণাটা বেশ বদ্ধমূল হয়ে উঠবে, তখন আমাদের কাজ বিনা-বাধায় সম্পূর্ণ হবে। যারা মালিকদের কুতিপূরণের বা তৎসম্পর্কীয় কথা নিয়ে চীৎকার করবে তাদের কথার কর্ণপাত করবার কোন দরকার নেই না—

ক্ষতি যা করবার তারা তা করেছে, এবার তার শেষ হবে।

এখন প্রশ্ন এই, কৈমন করে' এই চিন্তাকে কাজে প্রকাশ করা যায়? আমরা বিশ্বাস করি জনসাধারণের মানসিক ও দৈহিক শক্তির সাহায্যে এটিকে সম্পূর্ণ বাস্তব করে' তোলা যায়, তাছাড়া অন্য কোন শক্তির উপর নির্ভর করলে ফল ত হবেই না বরং অপকারের সম্ভাবনাই যথেষ্ট। এ বিষয়ে আমরা কোন বিশেষ বিধি নিষেধ করব না বা কোন গুঁটিনাটির তক তুলব না কারণ কার্যক্ষেত্রে এর-চেরে সুন্দর ও সহজ নিয়মে অনেক বড় কাজ সাধিত হবে; আমরা কেবল একটা অভ্যাস দিতে চাই।

খাঞ্চপত্রগ্রহে স্বেচ্ছাসেবক দল বা করবেন, গৃহ-অধিকারমহল্লা সেই একই কথা। তাঁদের তালিকাভুক্ত সহরের সমস্ত বাড়ী ও প্রত্যেক বাড়ীর ব্যয়ের মধ্যে এবং তার সঙ্গে সঙ্গে গৃহস্বত্ব সংস্থাও সংগঠিত হবে। প্রতি পল্লীতে একটি করে' দল গঠিত হবে এবং প্রত্যেক দলের সঙ্গে সাঞ্চপত্র যোগ থাকবে, তাহলে কাজটা সমস্ত সম্পূর্ণ হবার যথেষ্ট সুবিধা হবে। সব বন্দোবস্ত ঠিক হয়ে গেলে দেশের লোক নিজেদের দরকারমত বর দখল করবে—মারামারি না করে'ও শান্তি ও সন্তোষে কাজটি চলাবে বলেই আমাদের বিশ্বাস।

কেউ কেউ ভয়ত বলবেন, তাহলে ত সবাই ভাল ঘর বা বেশী জায়গা চাইবে।—না, জনসাধারণের মনের খবর যারা রাখেন তাঁরা জানেন, স্থাপনা অধিকার ছাড়া তারা আর কিছু চায় না—বানন হয়ে চাঁদে হাত

দেবার স্পর্শা তারা কোনদিন করে-নি—অসম্ভবের মোহে তারা কোনদিনই অন্ধ হয়-নি। তর্কবাগীশরা যাই বলুন, ইঠাৎ যে ইতিহাসের ধারা বদলাবে, এমন অসম্ভব কোনো আমাদের মাথার ত আসে না। হিংসা, ঘেঁষ, পরশ্রীকাতরতা, অহঙ্কার বা আত্মসর্কস্বতা যে নেই, এমন কথা আমরা বলি না; কিন্তু সে সবগুলো ফুটে উঠে—যখন সাধারণের মজলান্দলের কথা সভা-সমিতির বৈঠকে গিয়ে পড়ে। যখন একটা দল জনসাধারণের কাজের ভার নেয়—দলের মধ্যে কে বড়, কার স্থান বা ক্ষমতা বেশী এই নিয়ে তখন মারামারি চলে এবং এমন লোক কেউই নেই যে তখন আপনাকে ছেঁচি করে' সবার পিছনে রাখতে চায়। এইরকমে ছোট-বড়র প্রভেদ; এই অসাম্যের জন্যই রেঘারেশি ও পরস্পরের প্রতি দোষারোপ চলে—দলের মধ্যে এককে বড় করলে সাধারণের মধ্যেও বিষম গোলযোগ উঠা স্বাভাবিক। কিন্তু যদি জনসাধারণের হাতে সমান অধিকার থাকে তবে হাজার দল তৈরি করলেও তাদের কাজ সুসম্পন্ন হয়ে উঠবে অথচ তর্ক ও মারামারির মধ্যে পড়ে কোন কাজই পণ্ড হবে না। জনসাধারণকে খুব কমই দেশের কাজে আহ্বান করা হয়েছে, কিন্তু তাদের নিজেদের মধ্যে তারা এ-সব বিষয়ে বিশেষভাবে অভ্যস্ত—ইতিহাসে তার প্রমাণ আছে; এবং সেই প্রমাণে আস্থা রেখে বর্তমান বিদ্রোহে তাদের স্বার্থত্যাগ ও স্বীয়দের উপর আমরা নির্ভর করছি।

এ কথা কেউ ভয়ি করে' বলতে

পারেন না যে, আমাদের মধ্যে সামান্য সমায়া, অবশ্যস্বাভাবী অবিচার ও ব্যবহার ভেদটা থাকবে না—কারণ, সমাজে এমন কতক বিরণ নয় যারা দেশের সব চেয়ে মহৎ মুহুর্তে স্বার্থপরতার বিষয় উঠিয়ে বেড়ায়—অমঙ্গলের সৃষ্টি করে। আমাদের উচিত হচ্ছে, ক্রেতী-পতন হবে, কৃষক-ভাবার এবং সেই ভয়ে অধুনা 'স্বার্থবনে' থাকার চেয়ে কোমর বেঁধে দায়িত্ব পূর্ণতা দূর করা যায় তার চেষ্ঠা করা। মানুষ নিজের সম্পূর্ণ হবার অধিকার পায়নি, —তবে চেষ্ঠা করার অধিকার থেকে বঞ্চিত নয়।

মানব-জাতির অভিজ্ঞতা, ইতিহাসের শিক্ষা ও সামাজিক মনস্তত্ত্বের উপদেশে আমরা বুঝেছি যে, তাদের জন্তে কিছু করতে হবে, বিধান করে' তাদের জন্তে তাদের জায়গা দেওয়াগিই সব-চেয়ে নিরাপদ পথ। পক্ষে-পক্ষে হিসাব যারা করে, বাস্তব জীবনের সঙ্গে তাদের পরিচয় খুব ঘনিষ্ঠ না হলেও এই কথা; কিন্তু জনসাধারণ নিজেরাই জানে, তাদের অভাব কোথায় এবং সেই অভাব মেটাবার উপায় কি? খাতার সমাবে অনেক ক্রেতী আমাদের চোখে পড়িয়ে যায়, কিন্তু কার্যক্ষেত্রে তার সম্ভাবনা বৃহৎ কম; বেশীর ভাগ নিজের কাজ পরে, পুরু-দেওয়া ও নিজে-করার মধ্যে যা যত্নে, সেটাও সকলেরই জানা আছে।

মহরের সব বাড়ী যে সকলের মধ্যে সমান ভাগ করে' দিতে হবে এমন কোন কথা নেই—তার কোন দরকারও দেখি না! প্রথম প্রথম মানাবিকম অসুবিধা

ঘটবে কিন্তু অধিকারচ্যুতি যারা প্রার্থনা করে এবং শান্তি ও স্বাধীনতা যাদের লক্ষ্য, সেই জনসাধারণের পক্ষে সেগুলো মোটেই গুরুতর হবে না। এতদিন ছুতায় রাজমিস্ত্রী পরের দানত্ব করেছে, এখন তারা হোতাশ ও শানকে আমাদের সাহায্য করবে। এবং শিক্ষিত লোকের সাহায্যে বিজ্ঞান-মন্ডল উপায়ে পুরানো সহরের জায়গার আমরা নূতন নূতন সহর গড়ে তুলব—জাগেকার বাসগৃহের সমস্ত অসম্পূর্ণতা দূর করে' তাকে স্বাস্থ্যের ও সুখের মন্ডিরে পরিণত করব।

এই গৃহ-অধিকার এবং বিনা-জরে বন্দ-বাদ, সঙ্ঘ-স্থাপনের পথে আমাদের আর-একটি অগ্রসর করে' দেবে—এর ফলে একক বা স্বতন্ত্র সম্পত্তির মূলে যে কুমারস্বাত্ব হবে, তাতে যেটা আর টিকবে না। ধনী বিপাসীর গৃহের অধিকারচ্যুতির মধ্যে সামাজিক বিদ্রোহের সমস্ত বীজ নিহত—এর ফলের উপরে আমাদের ভবিষ্যৎ নির্ভর করছে—তয় আমরা সঙ্ঘস্থাপনের পথে সোজাশুজি এগিয়ে যাব, নব্বত শক্তিশালী অবিচারী একের বা দলের পারের তদার পড়ে' হুঃসহ জীবনভার আরও চুঃসহ আরও অপমানজনক করে' তুলব।

এই বাসগৃহ-অধিকারের দিনেই জন-সাধারণ বুঝবে যে, ঈগিত নবযুগ এসেছে, শক্তিশালী, মহাজন বা মালিকের জোয়ালের তলায় মাথা গলিয়ে তাদের আর পরিশ্রম করতে হবে না, সাম্যের মন্ত্র সত্য এবং আমাদের এই বিদ্রোহ অভিনয় মাত্র নয়।

আমাদের অধিকার-লাভের পথে বাধা

হচ্ছে 'মাকারিণ দল, কারণ তারাই সমিতি গড়ে' এর বিপদ ও বাধার দীর্ঘ আলোচনা করবে এবং নানাবক্কে বিজ্ঞতা প্রকাশ করে' সকলের কাছে এই অধিকারচ্যুতিকে ঘৃণার ভিত্তি কবে' তুলবে। এই চোরা বাণীর চরই আমাদের স্বাধীনতা-আহাজার পক্ষে ভয়ানক ও মারাত্মক। কিন্তু জন-সাধারণ যদি তাদের কথায় কণপাত না করে, নিজেদের হাতে কাজের ভার নেয়, তবে হাজার বিপদ আশু — আমাদের ভাবনার কোন কারণই থাকবে না। অশান্ত-অস্থিধাকে আমরা ভয় করি না, যথার্থ বিপদের সম্ভাবনা সৈদিকে নেই; আমরা ভয় করি কাপুরুষতাকে, সঙ্ঘীর্ণতাকে ও অস্বাভাবিক প্রিয়তাকে এবং এ-সবের পুরোহিত মাকারি-দলকে;—কারণ, তারা অর্ধেক মন নিয়ে কাজে যোগ দেয় এবং সেসে কাজ পণ্ড না করে' ছাড়ে না। আমরা চাই নাহস—অস্তায় দমন করবাব, জড়র 'দাদবাব, দুর্গমাক্ত আবেজনা পূর করবার সাহসই আমাদের প্রধান অস্ত। জনসাধারণের চিন্তায় যখন সাহসের পরিচর পেয়েছি, তখন কাজেও সাহসের অভাব হুবে না, এই আমাদের বিশ্বাস।

ভর্ক করা যাদের ব্যবসা, তারা গোড়া থেকেই বলবে, সহরের জন্তে তোমরা সুবন্দোবস্ত করছ কিন্তু পল্লীর দুঃখদারিত্রা নিয়ে ত কিছু আলোচনা করছ না—সহরের লোকেরা বস্ত প্রাসাদ-অষ্টালিকা বখল করে' সুখে থাকবে আর কৃষক ও মজুর তাদের অস্বকার বৃত্তের মধ্যে দুঃখভোগ করবে—এক একটা কথা।

তাকিকরা ভুলে যায় যে, পল্লীর চেয়ে সহরের ঘর-বাড়ীর অবস্থা বেশী শোচনীয়। এরা ভুলে যায় যে, সহরের লোকেরা এতদিন এই-সব অপরিষ্কার, দুর্গন্ধ এবং বন্ধ ঘরের মধ্যে পুরুষ-পুরুষায় সপরিবারে বাস করেছে এবং তাদেরই রক্তশোধন ধর্মীর সুখসাহসকে দীর্ঘনিশ্বাস ভাগ করেছে; এই সমস্ত অস্তায় ও অবিচার দূর করাই আমাদের বিদ্রোহের প্রধান কণ্ডব্য। বিদ্রোহের প্রথম অবস্থায় সহর ও পল্লীর মধ্যে বার-কছু প্রভেদ থাকবে, শত্রুই তা দূর হয়ে যাবে—যেদিন গ্রামের লোক বৃদ্ধবে তারা আর জমিদার, বণিক বা মূলধনী মহাজনের বা শাসন-তন্ত্রের ক্রীতদাস বা ভারবাহী পণ্ডমাত্র নয়—তারা স্বাধীন, তথ্য মাতৃ, সোদন নিজেদের ঘর-বাড়ীর উন্নতি করতে তারা বিরত হবে না; এমন-কি, তক ওয়ালাদের পরামর্শেও কোন অশঙ্কা না-করে' তারা কাজে যোগে যাবে।

আর-একটা তর্কও খুব মস্ত হয়ে উঠেছে। একজন হস্ত অনেক বছরের হাড়ভাঙ্গা পারশ্রম করে' অর্থসঞ্চয় এবং সেই অর্থে মনের মত বাড়ী তৈরি করেছে—আমরা তাকে বাড়ী থেকে তাড়িয়ে দেব কোন মুখে? এ-কথা শুনে অবশ্য আমাদেরই লজ্জা হয়, আমরা যারা সবায়ের সুখস্বাধীনতার জন্তে বিদ্রোহ করছি! আমরা বলি, যদি তার বাড়ী কেবল তার পক্ষে যথেষ্ট হয় তবে সে সেখানেই থাকবে, কিন্তু যদি ঘর বেশী থাকে এবং যদি সে তাড়া দেয় তবে আমরা তাড়াটেকে

কর দিতে বাধ্য করব। যে যেখানেই থাকে, বিনা-করে, বিনা-বাধ্য-বাধকতার থাকবে, তাগিদদার, মহাজন বা করসংগ্রাহকের মুখ-চেরে থাকবার দিন গেছে। সামাজিক পরিবর্তন ও সত্যস্থাপনের ফলে অনেক প্রকার ও অত্যাচার জগতের বুক থেকে চিরতরে নিকরগিত হবে।

আমাদের এই পরিবর্তন ও নুতন বন্দোবস্তের কথায় অনেকে শঙ্কিত হতে পারে। তাই তারা তাড়াতাড়ি একটা বন্দোবস্ত করতে চায়, যাতে—যারা এই নুতন ব্যবস্থার চাকর্য্যে আমাদের তথা দেশের আশ্রয় ছাড়তে বাধ্য হতে পারে। তারা কখনও বলে যে, আগেকার কালে আমরা অর্থশোভী, অত্যাচারী মুহূর্ত্তানী নিজেবন্দোবস্ত সকলকে ধর-বাড়া করত, তখন আমাদের কোম প্রতিবাদ করে—নি—সে সকল অবিচার সে অপমানকে তারা কোন-কালে মনের কোণেও ঠাই দেয়নি। অথচ এখন তাদের মিলনের দিনে বিদ্রোহের মনোভাব মঙ্গলপথে ফেরা—তারাজ্য আমাদের প্রতিবাদ করে' বলছে। কোন-কছুই বদলেই প্রথম-প্রথম একটু গোলযোগ, সোচ্চারিত অসুবিধা হয়, কিন্তু তাতে ভয় পেলে চলবে না। অবশ্য শাসন-তন্ত্রের অধিকারে এমন গরীবের উপর অত্যাচার চলে তখন আমাদের মাথার চুলটি পর্যন্ত নড়ে না, কিন্তু যাদের উপর এতদিন শ্রাবণের প্রকার মত অত্যাচার বর্ধিত হয়েছে, সভ্যতার পরোক্ষ সেই কর্মী-সাধারণের উন্নতির দিনে আমরা কারও মুখ চেরে তাদের সামান্য মাত্রও ক্ষতি করতে পারব না।

এককে বড় করে' দেশের উপর অত্যাচার করানো, আমাদের বিধি নয়—আমরা চাই সার্বজনীন কল্যাণ; এবং সে কল্যাণ-সাধনের ভার সাধারণের হাতে।

আমাদের বিশ্বাস, ধনীজনের সাহায্য থেকে আমরা বঞ্চিত হব না—দরকার মত ঘর রেখে বাহুল্য-ছানটুকু ছেড়ে দিতে তারা কিছুমাত্র দ্বিধা বোধ করবে না; কারণ, এখন থেকে নিজের হাতে সকলকে সব কাজ করতে হবে, সে হাজারজন দাসদাসী আর ততকুম তাগিদ করবার জোড়হাতে অপেক্ষা করবে না! বড় বড় অট্টালিকায় তারা একলা থাকবে কি করে? স্বাধীনতা ও নিঃসঙ্গ জীবনে প্রতিবেশীর সহ নিশ্চয় তাদের কাছে মরুর লাগবে। দলের বা নিজের গার্গনাধন করতে নাভূষ কিছু অর্থ হলে পড়ে, কিন্তু আমাদের বিদ্রোহ সফল হলে এবং নুতন বন্দোবস্তের ফলে সকলের নবোদয় শান্তি ও মৈত্রী বিরাজ করবে।

বর-বাড়ী মহাবাসী সাধারণের অধিকার-ভুক্ত হলে, স্বাধীন-বিতরণের সুবন্দোবস্তের পর বসনসংগ্রহের দিকে আমরা মন দেব। জনসাধারণের নামে মহরের সমস্ত কাপড়ের নোকান ও শুদ্ধামণ্ডর অধিকার করাই এর একমাত্র উপায় এবং সর্ব্বেষর সকলেই আবিষ্কারমত সেখান থেকে বসন সংগ্রহ করবে। যেখানেই কল পূর্ব্বের মত তাগিদকা তৈরি করবেন, বিতরণের ভার নেবেন এবং যাতে কারুর কোন অসুবিধা না হয় সেদিকে বিশেষ দৃষ্টি রাখবেন। স্বাধীন বিতরণে আমরা যে নিয়মে অগ্রসর হয়ে

ছিন্ম এমন-বিতরণেও আমরা সেই এক নিম্নমে চলব অর্থাৎ বা বেশী থাকবে তা সবাইকে বিনাবাধায় ভোগ করতে দেওয়া হবে; কিন্তু বা-কিছু কম বা কম হবার সম্ভাবনা, তাই শুধু ভাগ করে' দেওয়া হবে। যতক্ষণ তাঁর জামা-কাপড় দোকানে পাওয়া যাবে ততক্ষণ সবাই তা নেবে, যদি অভাব হয় তবে দেশের স্বাধীন দরজি দল শীঘ্রই সে অভাব পূরণ করে - উন্নত যন্ত্র-পাতিব সাহায্যে কম সময়ে ও কম পরি-শ্রমে সেটা বাস্তবিকই সম্ভব। আমরা কারও গা থেকে জামা-কাপড় কেড়ে নেবার নন্দ্যাবস্ত করছি না, কিন্তু সহরের নমস্ত বস্ত্র এক জায়গায় জমিয়ে লম্বী-করে বিতরণ করতেও চাই না, - এ কথা মনে আসে শুধু তর্কপ্রাণীদের। যার বা আছে তার তাই থাকবে, একটা কেন দশটা থাকলেও কেউ তা নিয়ে অগ্ন্য কয় না - তা জাড়া পালের অংশোলা নিষ্ক নিষ্কর অঙ্গ আনয়ন করতে কেউই চাইবে না। দেশে জামা-কাপড়ের অভাব নেই; নতুন ছেড়ে পুরাতন নিয়ে তানি-তানি করবে কিসের ভণ্ডে।

যারা আমাদের কাজে গোড়া থেকে বাধা দেবার চেষ্টা করছে তারা বলবে - তাহলে কি সবাই ককাদার ভেদভেদের জালা আব রেশমী কাপড় চাইবে। আমরা এ-কথা বিশ্বাস করিনা - সকলেই কিছু রেশমী কাপড় আর মখমলের জামার ভক্ত নয় - বাবুরানি করার সখও সকলের নেই। কাজের সুবিধারও সহজ অথচ সুন্দর পোষাকই অনেকের মনের মত। এখন যে

পোষাক নমাজে চলেছে তখনও যে সেই পোষাক চলবে, এমন কোন কথা নেই। সময়ের সঙ্গে সঙ্গে মানুষের ক্রটিও বদলায়। রাষ্ট্রে ও নমাজে আমরা সহজ ও সরল বন্দ্যাবস্তের জন্তে লড়ছি, অন্য বিষয়েও তেমনি সেইনিকে চেষ্টা করব এবং আশা করি, পরিবর্তনের ফলে জীবনকে সরল, সহজ ও সুন্দর করার জন্তে সকলেই চেষ্টা করবে।

বর্তমানে সবাইকে মখমলের জামা বা বেশী কাপড় না দিতে পারলেও সাধারণের মধ্যেও সেগুলি বাতলা বলেই বিবেচিত হবে। একদিন বা বিলাস সামগ্রী বলে বিবেচিত হয়েছে জন-সাধারণের চেষ্টায় আর একদিন হয়ত তাইই সাধারণের ভোগের জিনিষ হয়ে উঠবে। পলেদ যখন কোথাও থাকবে না তখন একজন বা করবে, তা সাধারণের ভোগে লাগবে; কা-কই গোড়ায় যা জটা থাক, তবিস্যতে তা সম্পূর্ণ হয়ে উঠবে।

আমাদের কথায় - একজন শিল্পশ্রিয় লোক কিছু মনঃমুগ্ন হয়েছেন; তারা বলছেন - আমরা এই রকম করে অগ্রসর হলে সব জিনিষই একরকম ও একরকম হয়ে উঠবে এবং জীবনে ও শিল্পে বা-কিছু সুন্দর তা বাদ পড়বে এবং ক্রমেই লোপ পাবে। কিন্তু আমরা তার প্রতিবাদ করছি। কারণ, এ-রকম হবার কোন সম্ভাবনাই নেই, আমরা পরে দেখাতে চেষ্টা করব, লক্ষপতি না-হলেও কেমন করে শিল্পকটির পরিভূপ্তি মান করা যায়। অধিকন্তু, এতদিন যা জ-দশজনের অধিকারে ছিল তাকে আমরা

সর্বসাধারণের কাছে হাজির করব—শির-
কলার তাতে উন্নতি বৈ অবনতি হবেনা।

রোগী বা দুর্বল লোকদের সম্বন্ধে
আমরা 'বিশেষ করে' আলোচনা করি-নি ;
তার কারণ সম্বন্ধে তাই নিয়ে ব্যস্ত হতে
হবে না—স্বতন্ত্র লোকের চেষ্টায় তাদের
ব্যবস্থা হবে। যে-সব দেশে আগে এই
সমস্যার ব্যবস্থা ছিল এবং এখনও আছে,
সেখানে এইরকমেই তাদের তত্ত্বাবধান
করা হয়। অগ্রলোকের পক্ষে যা বিলাসিতার
উপকরণ, রোগীর পক্ষে তা বিশেষ আবশ্যিক
হলে তাকে সেইটি সংগ্রহ করে' দিতে
কেউ সঙ্কোচ বোধ করবে না এবং দুর্বলকে
সাহায্য করতে কেউ যে পিছপাও হবেন,
এমনও মনে করি না। ব্যক্তিগত কাপুরুষতা
ও বীরত্বের মত সামাজিক কাপুরুষতা ও
বীরত্বও দেখা যায়। আজ আমাদের
সমাজে ব্যক্তি বা দলগত স্বার্থপরতা
ও সঙ্কীর্ণতার প্রাচুর্য দেখা যাচ্ছে,
কিন্তু পরিবর্তনের পর এ-সব লোপ পাবে।
তরুমা-আঁটা আফিসের লোকের হাতে যে
শক্তি কেবলমাত্র অত্যাচার ও অবিচারের

মধ্যে প্রকাশিত হচ্ছে, বিদ্রোহের সময়
মহাত্মভব লোকের হাতে সে শক্তি মহত্বের
ও 'কল্যাণসাধনের পথে' আত্মপ্রকাশ
করবে। সেদিনের বীরত্ব ও স্বার্থত্যাগে
আত্মসর্বস্ব মনে-কুপণ যে, সেও লজ্জিত
হবে এবং এই মহত্বের প্রশংসা করবে।
আমাদের দলের মধ্যে এই ত্যাগের
ও মহত্বের আদর্শ চিরজাগরুক থাকবে,
এমন আশা করি না; কিন্তু কাজের
আরম্ভে এগুলি থাকলে ভিত্তিটা শক্ত
হবে এবং কাজটাও সুন্দর হবে।
ধ্বংসের অস্ত্র নিয়ে আমরা কাজ আরম্ভ
করি-নি,—প্রতিশোধও আমরা নিতে চাই
না; আমরা শুধু অস্ত্রারকে, কুৎসিতকে নষ্ট
করতে চাই; অর্থাৎ সাম্য ও স্বাধীনতার
লক্ষে মৈত্রী ও সহানুভূতিকে আমাদের
দরকার। দৈনিক অভাব সহজে মিটলে
কারুর কোথাও বাধবে না এবং ত্যাগ না
করেও পরস্পরে মৈত্রী রাখা কঠিন হবে
না—বরং তাতে আমাদের উন্নতির সুবিধাই
হবে।

শ্রীপ্রবোধ চট্টোপাধ্যায়।

অরোরা

অরোরার সঙ্গেও যে অবিনের পরিচয়
ছিল সেটা আমি জানতেন না। সে কবিতা
করে সুতরাং চাঁদের সঙ্গে . তাকে কথা
বলতে আমি স্বচক্ষে দেখেছি; রামধনুকের
সঙ্গেও তার আলাপ থাকা সম্ভব, কিন্তু

অরোরার বাসা—সেখানেও যে তার গতি-
বিধি এটা একেবারেই আমি ভাবি-নি!

কমলালেবুর মতো পৃথিবীর সব গোল
ঠিক বেথানটিতে চাঁপা এবং যে রাস্যটা
বেশ একটু গভীর সেইখানেই চিরশীতল

মণিমন্দিরে না-দিন না-রাত্রির দেশে একাকিনী অরোরা আলো বিতরণ করেন। লক্ষকোটি রামধনুকের শোভা এককোরে ঝালর বানিয়ে হাওয়ায় উড়িয়ে দিলে যে বাহার, বিনা-বরের বাসরে অরোরার রূপ কতকটা সেই ধরণের। নব-নব সৌন্দর্যের, রঙের এবং আলোর সে যেন একটা ভরা জোয়ার বা চীনেভাষায় যাকে বলে 'টাইফুং'।

অরোরা সঙ্ক্ষে এমনি একটা ধারণা আমার দূরে থেকে। জলজীয়াস্ত অরোরার বাসায় গিয়ে তার নিভূঁল পরিচয় এ-পর্যন্ত আমার ভাগ্যে ঘটে-নি; কেননা সেদিন পর্যন্ত আমি সেই দলভুক্ত ছিলাম যে-দলের কাছে রামের ধনুক, অরোরার রঙ্গ-মঞ্চের রং এমনি আরো অনেকগুলো জিনিষ হিন্দুদের বিশেষ বিশেষ তিথিতে পটোল-ঝিঙে ইত্যাদির মতো একবারে বর্জনীয় ছিল। আমি তখন কি জানি যে তলে তলে আমার দলেও সব চলে? সেটা জানলে ও-দল থেকে নামকটা সেফয়ের তো অবিনের বদলে এসে ভক্তি হবার দরকার ছিল না।

যাই হোক, সেই অমাবস্তার রাত্রে তারার জুইফুলে সাজানো নীল আকাশের নীচে কলকাতার অন্ধকার গলিতে আমরা দুই বন্ধু যে অরোরার বন্ধ খিড়কি খোলা না পেয়ে ঘুরে ঘুরে হয়রান ও হতাশ হয়ে রাত সাড়ে-চারটেয় আহিরিটোলার ঘাটের রানায় বসে পয়লা এপ্রেলের সকালবেলার প্রতীক্ষা করে রইলাম সেটা স্বীকার করতে এখন আর লজ্জা নেই বা সে লজ্জার কথাটা গোপন করতে দুটো মিথ্যে কথাও এখন আর আমার বলবার আবশ্যক

হয় না,—অবিনের দলে মিশে এটা একটা সুবিধে আমি দেখছি।

অরোরার অভিসারে বেরিয়ে আর-কখনো অবিন এমন নিরাশ হয়েছিল কিনা বলতে পারিনে, তবে আমার সঙ্গ-দোষেই যে একপটা ঘটলো পয়লা এপ্রেলের ঠিক পূর্বরাত্রে আমাকে সেটা জানাতে অবিন কিছুমাত্র ইতস্তত করলে না এবং আমিও সেটা মেনে নিলেম, কেননা দল ছাড়বার পূর্বে আমার আগের দলের যারা বৃদ্ধ তাঁরা বিশেষ করে আমাবি উপরে দীর্ঘনিশ্বাস ও হৃদয়-গুলো নিক্ষেপ করে, পিতৃপুরুষের সঙ্ঘটটার সঙ্গে নিজের উপার্জিত পয়সা রূপ গুণ ও যৌবন নিয়ে তাঁদের কবল থেকে নিজেকে ছাড়িয়ে আনায়। ইংরেজীতে এপ্রেলের ওই সস্তাষণটাই আমাকে দিয়েছিলেন— যদিও মাসটা ছিল অন্য।

খানিক বসে থেকে অবিন মরীচিকামুগ্ধ হরিণের মতো অন্ধকারে আর-একবার তার অরোরার সন্ধানে ঘুরে মরতে গেল অলিতে-গলিতে। আমি একা ঘাটে যেখানটিতে সকালের একটি ভারার আলো অনেকদূর থেকে এসে অন্ধকার তীরের কাছে জলের উপরে নেমে দাঁড়িয়েছে সেইখানটিতে চুপ করে বসে রইলাম। ভোরের হাওয়ায় তখনো হিম মাখানো, নদীর মাঝে ময়লা কুয়াসা গতশীতের ছেঁড়া-কাঁথার একটা কোণের মতো এখনো ঝুলে রয়েছে। ঘাটের দুধারে বাঁধা সারি-সারি বোঝাই নৌকো জলের ধাক্কায় ঘুম-ভেঙে এক-একবার একটু নড়ে উঠে আবার ঝিমিয়ে পড়ছে। অন্ধকারের মধ্যে একটা চিতা কিছুদূরে শ্মশানঘাটের

সমস্তটা এবং অন্ধকারের অনেকখানি আলোতে ভরে দিয়ে জ্বল-জ্বল করে জ্বলছে। চলে যাবার সময়—জ্বলে ছাই হয়ে যাবার বেলায় মানুষ কতটা আলোই না দিয়ে যাচ্ছে! কি আলোর রথই না তাকে নিতে এসেছে—যে হয়তো জীবনের অন্ধকারেই কাটিয়ে গেল রাত্রিদিন!

অন্ধকারের মধ্যে এতখানি আগুনের একটা টান আছে। শিখাগুলো যেন হাত-নেড়ে আমায় ডাকতে লাগলো। মন আমার প্রদীপের চারিদিকে পতঙ্গের মতো কতক্ষণ ধরে ঐ আগুনটার দিকে ঘুরছিল, হঠাৎ একসময় অন্ধকারে একখানা হাত যেন বোধ হল আমার দুই চোখের উপর আস্তে আস্তে চেপে পড়ল। ঠাণ্ডা হাত,—চাঁপাফুল আর হেনার-গন্ধ-মাখানো আঙুলগুলি; পাতলা একখানি আঁচল, হালকা বাতাসের মতো উড়ে উড়ে আমার গালে পড়ছে, ঠোঁটের খুব কাছে চন্দনের গন্ধ-ভরা গরম একটা নিশ্বাস অনুভব করছি। আশ্চর্য্য এই যে, সে আমার চোখ টিপে থাকলেও আমি তার মুখখানি স্পষ্ট দেখতে পাচ্ছি—একেবারে রাত্রির মতো কালো আর তারি মতো স্নিগ্ধ, সুন্দর! আমি একবার তার চাঁপার কলির মতো আঙুলগুলির উপরে হাত বুলিয়ে চুপি চুপি বল্লম—‘অরোরা’! পিছন থেকে অবিন গলা ছেড়ে হেসে

উঠলো। আমি চমকে উঠে বল্লম—‘কিহে তুমি? অরোরা কোথা!’ অবিন তার আঙুলটা দিয়ে শ্মশানের চিতা দেখিয়ে বল্লম—‘শোনো বল্লি—’

সকালের হাওয়ায় কুয়াশার সাদা চানর নাট্যশালার যবনিকার মতো আস্তে আস্তে উঠে যাচ্ছে। নদীর পশ্চিম পারে চিতার আগুন নিভে গেল। তারি শেষ-আভার মতো একটি সোনার রেখা নদীর পূর্ব-পারের আকাশে ফুটে উঠল! অবিন তার কথা সুরু করে এমন সময় রামা বেহারা এসে খবর দিলে—‘ডাক্তারবাবু আয়া।’

এত রাতে এখানে ডাক্তারবাবু কেন বুঝতে আমার সময় লাগলো। ঘুম ভাঙলে যেমন আমি ডাক্তারকে বল্লম—‘তুমি যে অসময়ে?’ ডাক্তার হেসে বল্লেন—‘আপনি আবার গল্পের খাতা নিয়ে বসেছেন? এ-রকম কল্পে আপনার অসুখ কিছুতে সারবে না। লেখা রাখুন, যান্ জাহাজে একটু বেড়িয়ে আসুন।’

‘লেখবার টেবিল’ এবং তার উপরে দেয়ালে ঝোলানো পাঁজির প্রকাণ্ড একটা এক এবং তার শিয়রে বড় বড় অক্ষরে এপ্রেল-টার দিকে আমার তখন দৃষ্টি পড়লো। আমি একবার ডাক্তারের দিকে, একবার নিজের দিকে চেয়ে সুবোধ ছেলের মতো গল্পের খাতা বন্ধ কল্পম। ষড়িতে তখন বেলা দুটো উনপঞ্চাশ।

শ্রীঅবনীন্দ্রনাথ ঠাকুর।

নীলপাখী

তিলতিল
মিতিল
আলো
কুকুর
বিড়াল
রুটী

চিনি
জল
আগুন
নীলশিশুগণ
সময়

তিলতিল। তারা ফেপে উঠবে না
ত ?

আলো। না, সে ভয় নেই; তারা
টেরই পাবে না, কি হচ্ছে।...তা ছাড়া,
ছপুর রাত্রে তাদের অনেকেরই বেরুনো
অভ্যাস কি না! কাজেই এতে তাদের তখন
কোন অসুবিধা হবে না।

তিলতিল। এ কি! রুটী আর চিনি
অমন ফ্যাকাসে মেরে গেল কেন? মুখে
কথা নেই—

রুটী। (কাঁপিতে কাঁপিতে) আমি
মনে করছি এবার বাড়া ফিরে যাই।

আলো। (একান্তে তিলতিলের প্রতি)
ওদিকে মন দিয়ে না, ওরা মরা লোকের
নাম শুনে ভয় পেয়েছে।

আগুন। আমি কিন্তু ভয় করি না!...
মানুষ ম'লে আমি ত তাদের পুড়িয়ে
থাকি।...এমন এক সময় ছিল যখন আমি
ওদের সকলকেই পোড়াতুম।...তখন কত
বেশী আমোদই না ছিল!

তিলতিল। টাইলো অমন কাঁপছে
কেন! সেও ভয় পেয়েছে নাকি!

কুকুর। আমি! কই না! আমার
একটুও ভয় নেই; তুমি যদি নিয়ে যাও,
তাহলে আমিও সঙ্গে যেতে রাজী।

তিলতিল। টাইলেটের কি কিছু বল-
বার নেই?

বিড়াল। (উদাসভাবে) আমি জানি,
শেষে একটা কাণ্ড ঘটবে!

চতুর্থ অঙ্ক

প্রথম দৃশ্য

ষবনিকার সম্মুখ

তিলতিল, মিতিল, আলো, কুকুর, বিড়াল, রুটী,
আগুন, চিনি এবং জল প্রবেশ করিল।

আলো। পরী বেরীলুনের কাছে
খবর পেলাম, নীলপাখী খুব-সম্ভব এইখানেই
আছে।

তিলতিল। কোথায়?

আলো। এখানে, 'এই গোরস্থানে,' ঐ
পাঁচিলের মধ্যে।...যে সব লোক মরে গেছে
তাদের মধ্যে কেউ না কেউ তাকে
গোরের ভিতর লুকিয়ে রেখেছে।...কোন-
টার মধ্যে আছে, খুঁজে বার করতে
হবে।

তিলতিল। কি করে খুঁজবে?

আলো। সে খুব সহজ কাজ। গোর-
স্থানে গিয়ে তুমি হীরেটা ঘুরিয়ে দেবে।
তাহলেই যারা বেরিয়ে আসবার, ছড় ছড়
করে তারা বেরিয়ে পড়বে; আর যারা আসবে
না, তাদেরও আমরা মাটির নীচে দেখতে
পাব।

তিলতিল। (আলোর প্রতি) তুমিও আমাদের সঙ্গে আসবে ত ?

আলো। না, আমি জিনিস আর জানোয়ারদের সঙ্গে গোরস্থানের বাইরে থাকিব।...কারণ, মরাদের দেখে এদের কেউ-কেউ ভয়ে আধ-মরা হয়ে যাবে, আবার কেউ বা ভারি অস্থির হয় উঠবে।... মিতিলকে সঙ্গে নিয়ে তুমি একাই যাও।

তিলতিল। টাইলো কি আমাদের সঙ্গে থাকবে না !

কুকুর। হ্যাঁ, নিশ্চয়, আমি থাকব বৈকি ! আমার ক্ষুদে দেবতাটির সঙ্গে নিশ্চয়ই থাকব !

আলো। তা হতে পারে না।...পরার কুম।...তা ছাড়া ভয় করবার কিছু নেই সেখানে।

কুকুর। আচ্ছা, আচ্ছা, না যেতে দাও ক্ষতি নেই।...তবে তারা যদি কোনরকম নষ্টামি করে, তাহলে কি করতে হবে শুনে রাখো ! এহ এমনি করে একবার শিস্ দিও।...আমিও অমনি সেই দণ্ডে হাজির হব।...জঙ্গলের কথা মনে আছে ত ?

আলো। আচ্ছা, তবে এসো ; আমি খুব কাছেই থাকব।...আমায় যে ভালবাসে, আমি তার খুব কাছে-কাছেই থাকি কিনা !

পরী ও অশ্বাস্ত সকলে নিষ্ক্রান্ত হইয়া গেল, তিলতিল ও মিতিল দাঁড়াইয়া রহিল। যবনিকা মরিয়া গেল।

দ্বিতীয় দৃশ্য

গোরস্থান

কাল—রাত্রি। গ্রাম্য গোরস্থানের উপর টাদের আলো আসিয়া পড়িয়াছিল। ছোট-বড় অসংখ্য

কবর—ঘাসের চিপি, পাথরের চাপ, কাঠের ক্রুশ্ ইত্যাদি, তিলতিল ও মিতিল একটা প্রস্তর-স্তম্ভের নিকট দণ্ডায়মান।

মিতিল। আমার ভয় করছে !

তিলতিল। (তার গাটাও ছম্-ছম্ করিতেছিল) আমার কিন্তু কখনো ভয় করে না।

মিতিল। আচ্ছা, মানুষ মরে গেলে কি খুব পাজী হয় ?

তিলতিল। না, পাজী কি করে হবে ? তারা ত বেঁচে নেই !

মিতিল। তুমি কখনো মরা লোক দেখেছ !

তিলতিল। হ্যাঁ, একবার দেখেছি, সে অনেকদিন আগে ; তখন আমি খুব ছোট্ট ছিলাম।

মিতিল। কি রকম তারা দেখতে ?

তিলতিল। একেবারে শাদা, একেবারে নিশ্চল আর ঠাণ্ডা, কোনরকম কথাবার্তা কর না। চোখের পলক অবধি কারো পড়ে না !

মিতিল। আচ্ছা, আমরা কি তাদের এখনি দেখতে পাব ?

তিলতিল। পাব বৈকি ! আলো ত তাই বুলে।

মিতিল। কোথায় তারা !

তিলতিল। হয় ঐ ঘাসের নাচে, না হয় ঐ সব বড় বড় পাথরের নাচে।

মিতিল। সারা বছর কি ওরা ওরই নাচে থাকে ? দিন-রাত ?

তিলতিল। হ্যাঁ।

মিতিল। (পাথরের চাপ দেখাইয়া)

ওগুলো কি তাদের ঘরে ঢোকবার
দরজা ?

‘তিলতিল। হাঁ।

মিতিল। আকাশ পরিষ্কার থাকলে কি
ওরা বাইরে বেরোয় ?

তিলতিল। ওরা কেবল রাত্রে বেরোয়।

মিতিল। কেন ?

তিলতিল। বাঃ, ওরা যে ঘেরাটোপের
মধ্যে থাকে।

মিতিল। যখন বৃষ্টি পড়ে তখন বাইরে
আসে ?

তিলতিল। না, বৃষ্টির সময় ঘরে
থাকে।

মিতিল। তাহলে, ওদের ঘরগুলো
বেশ আরামের ?

তিলতিল। হ্যাঁ, শুনেছি ভারি অঁটা-
সুঁটা।

মিতিল। ওদের ছেলে-মেয়ে আছে ?

তিলতিল। আছে বৈকি, যারা সব
মরে যায়—

মিতিল। আচ্ছা, ওরা কি খায় ?

তিলতিল। গাছের শেকড় খায়।

মিতিল। আমরা ওদের দেখতে পাব, ত ?

তিলতিল। নিশ্চয় ; হীরেটী ঘুরিয়ে
দিলেই পাব।

মিতিল। আচ্ছা, ওরা কি বলবে !

‘তিলতিল। কিছুই বলবে না, ওরা
কথা কয় না।

মিতিল। কেন কথা কয় না ?

তিলতিল। ওদের কাকেও কিছু বলবার
নেই কিনা।

মিতিল। কেন, কিছু বলবার নেই ?

তিলতিল। বাঃ, তুই ভারি বোকা।
তোর সঙ্গে আর বক্তে পারি না।

উভয়ে চুপ করিল

মিতিল। হীরেটী কখন ঘুরাবে ?

তিলতিল। আগে ছপুর রাত হোক, না-
হলে তাদের কষ্ট হবে যে।

মিতিল। কেন কষ্ট হবে ?

তিলতিল। কারণ ছপুর রাতই হল
ওদের হাওয়া খেতে বেরুবার সময় কি না ?

মিতিল। ছপুর হতে আর কত দেরী ?

তিলতিল। গির্জার ঘড়ি দেখতে
পাচ্ছ ?

মিতিল। হ্যাঁ, ওই যে ছোট কাঁটাটা—

তিলতিল। ছপুর বাজে-বাজে ; ওই যে
ঐ বাজছে, শুনছ ?

ঘড়িতে বারোটা বাজিল

মিতিল। আমি পালাই।

তিলতিল। এখন না। এবার হীরেটী
ঘুরোই।

মিতিল। না, না ; ঘুরিয়ে না। আমি
আগে পালিয়ে যাই। আমার ভয় করছে
...বড্ড ভয় করছে।

তিলতিল। কোন ভয় নেই।

মিতিল। না, না, আমি মরা-লোক
দেখতে পারব না। বড্ড ভয় করে, আমি
দেখতে পারব না।

তিলতিল। আচ্ছা, ওদের দেখতে হবে
না ; চোখ বোজো।

মিতিল। (তিলতিলকে জড়াইয়া ধরিয়া
তাহার কপড়ে চোখ ঢাকিয়া) তিলতিল,
ভাইটী আমার ! আমার বড্ড ভয় করছে।

...আমি থাকতে পারব না—কিছুতেই না।
ওই বোধ হয় ওরা সব বাইরে বেরুচ্ছে।
তিলতিল। অমন করে কেঁদো না।
ভয় কি? এক মিনিটের বেশী ওরা
বাইরে থাকবে না।

মিতিল। তুমিও ত কাঁপছ!...ওরে
বাবারে!...না জানি, কি ভয়ঙ্কর ওদের
চেহারা!

তিলতিল। সময় হয়ে গেছে, এইবার
ঘুরুই।

তিলতিল হাঁরা ঘুরাইয়া দিল। ক্ষণেকের জন্ত
চতুর্দিক নিশ্চল নিস্তব্ধ হইল। তৎপরে ধীরে ধীরে
কাঠের ক্রশ্ণুলি নড়িয়া উঠিল। মাটির টিপি
ফাঁক হইয়া গেল, পাথরের চাপগুলো উঠিয়া
পড়িল।

মিতিল। (তিলতিলের আড়ালে
দাঁড়াইয়া) এবার সব বেরুচ্ছে, ওই দেখ,
বেরুচ্ছে!

তৎপরে কবরগুলির দ্বার উন্মুক্ত হইয়া গেল
এবং অভ্যন্তর হইতে বাষ্পের ঝায় তরল, শার্ণ শুভ্র
পুষ্পদল বিকশিত হইয়া উঠিল। পুষ্পগুলি ক্রমশ
গুবকে স্তবকে জমাট বাধিয়া অপূর্ব সৌরভে চারি-
দিক আমোদিত করিয়া তুলিল। গোরস্থানটী পরী-
স্থানের ঝায় মনোরম এবং উদ্ভান-শোভিত হইয়া
উঠিল। হঠাৎ আকাশে উষার উদয় হইল। শিশির-
বিন্দু ঝলমল করিতে লাগিল, ফুল ফুটিল।
মৃদু-মন্দ বাতাসে বৃক্ষপত্র সঞ্চালিত হইতে লাগিল।
পাখীর দ্রল জাগিয়া গান ধরিয়া দিল। মধুমক্ষিকার
দল গুঞ্জন করিতে লাগিল। তিলতিল ও মিতিল
বিস্মিত চমকিত হইয়া পরস্পরের হাত ধরাধরি করিয়া
কবর দেখিতে লাগিল।

মিতিল। (ঘাঁসের দিকে চাহিয়া) মরা-
মানুষ সব কোথায়?

তিলতিল। মরা-মানুষ ত এখানে নেই।

তৃতীয় দৃশ্য

ভবিষ্যতের দেশ

নীলবর্ণ প্রাসাদের স্ফুহৎ দালানে অনেকগুলি
শিশু অপেক্ষা করিতেছিল। ইহারা সকলেই জন্ম-
গ্রহণ করিবে। হলের আসবাব ও সাজ-সজ্জা সমস্ত
নীলরঙের। হলের সর্বত্রই অসংখ্য শিশু জমায়েত
হইয়াছিল। তাহাদের বর্ণ নীল এবং পরণের পোষাকও
নীল। শিশুদের মধ্যে কেহ খেলা করিতেছিল,
কেহ ছুটাছুটি করিতেছিল, কেহ-বা বসিয়া গল্প করিতে-
ছিল। অনেকে ঘুমাইতেছিল এবং স্বপ্নও দেখিতেছিল।
কেহ বা যন্ত্র-তন্ত্র লইয়া কাজে ব্যস্ত, কেহ ভবিষ্যতে
কোন বিষয় আবিষ্কার করিবে তাহা লইয়া তন্ময়
ছিল। কেহ ফল লইয়া, কেহ ফুল লইয়া তাহাদের
ক্রমোন্নতির উপায়-উদ্ভাবনে ব্যগ্র ছিল।

তিলতিল, মিতিল এবং আলো পিছনের দ্বার
দিয়া ধীরে ধীরে চোরের মত প্রবেশ করিল। তাহাদের
আগমনে নীলছেলেদের দলে একটা সাড়া পড়িয়া
গেল। তাহারা ছুটিয়া আসিয়া অপ্রত্যাশিত, নবাগত
এই অতিথিদের চারিদিকে ঘিরিয়া দাঁড়াইল এবং
নিরতিশয় বিস্ময়ের সহিত তাহাদের মুখপানে চাহিয়া
রহিল।

মিতিল। চিনি, বেরাল আর রুটী
কোথায়?

আলো। তাদের এখানে ঢোকবার ঘো
নেই; কারণ তাহলেই তারা ভবিষ্যত জানতে
পারবে তখন আর কাউকে মানধেও না।

তিলতিল। আর কুকুরটা?

আলো। তাকেও জানতে দেওয়া ঠিক
নয়, ভবিষ্যতে কি আছে।.. আমি তাদের
সকলকে গির্জার এক খিলেনের মধ্যে
পূরে তালা বন্ধ করে রেখে এসেছি।

তিলতিল। আমরা তাহলে এখন এ
কোথায় দাঁড়িয়ে আছি!

আলো। ভবিষ্যতের রাজ্যে।...ঐ যে ছোট ছেলেগুলি দেখছ, ওরা এখনও পৃথিবীতে জন্ম নেয় নি।...যে সব তথা মানুষের অজানা আছে, এই হাঁরের দৌলতে সে সব আমরা আজ দেখব।...খুব সম্ভব নীলপাখী এইখানেই আছে।

তিলতিল। এখানে যে পাখী আছে নিশ্চয়ই তা নীল, কারণ এখানকার সব জিনিসই তা দেখি নীল রঙের।... (চারিদিকে চাহিয়া) আহা, কি চমৎকার! কি সুন্দর জায়গাটি!

আলো। ছেলেগুলি কেমন ছুটোছুটি করছে, দেখ!

তিলতিল। ওরা চটেছে নাকি!

আলো। না, চটেবে কেন! দেখছ না, ওরা হাসছে।... ওরা কিন্তু ভারি অধিক হুয়ে গেছে।

নীল শিশুগণ। (তাহাদের সংখ্যা ক্রমশ বাড়িতেছিল) দেখে দেখে, জ্যান্ত ছেলেরা এখানে এসেছে; ওই দেখে কেমন সব জ্যান্ত ছেলে!

তিলতিল। আমাদের ওরা জ্যান্ত ছেলে বলছে কেন!

আলো। তার মানে, ওরা নিজেরা এখন বেঁচে নেই কি না।

তিলতিল। ওরা তাহলে কি করছে!

আলো। ওদের জন্ম-সময়ের অপেক্ষা করছে।

তিলতিল। জন্ম-সময়ের?

আলো। হ্যাঁ; আমাদের পৃথিবীতে যে সব ছেলে জন্ম নেয়, তারা এই জায়গা থেকেই যায়।...প্রত্যেককে তার নির্দিষ্ট

সময়ের জন্মে অপেক্ষা করতে হয়।...বাপ মা যখন ছেলে চান, তখন এই যে ডানদিকের দরজা দেখছ, এটা খুলে যায়, আর ওখান দিয়ে ছোট ছেলেরা অগ্নি পৃথিবীতে নেমে পড়ে।

তিলতিল। ওরে বাস্বে! কত ছেলে, দেখ!

আলো। আরও অনেক আছে, আমরা সকলকে ত দেখতে পাচ্ছি না। এই হলটার মত এমন ত্রিশহাজার হল আছে, তার প্রত্যেকটিতে এই রকম ছেলে ভর্তি।...সৃষ্টির শেষ পর্যন্ত কত দরকার, একবার বুঝে দেখ! ...কেউ তাদের গুণে শেষ করতে পারে না।

তিলতিল। আর ওই যে নীল লোক গুলো, ওরা কারা?

আলো। তা ঠিক বলতে পারি না।...বোধ হয় ওরা রক্ষী।...শুনেছি মানুষের পর ওরাই পৃথিবীতে জন্ম নেবে। ...কিন্তু ওদের কোন কথা জিজ্ঞাসা করতে পারণ আছে।

তিলতিল। কেন?

আলো। কারণ এটা হল পৃথিবীর গোপনীয় জিনিস কি না!

তিলতিল। এই ছোট ছেলেদের সঙ্গে কথা কহিতে পারি ত?

আলো। নিশ্চয়; তুমি ওদের সঙ্গে আলাপ কর।...ওই দেখ ওখানে একটা ছেলে রয়েছে, সব চেয়ে ওটি চমৎকার; তুমি ওরই সঙ্গে গিয়ে কথা কও।

তিলতিল। কি বলব?

আলো। যা তোমার খুসী; খেলার সাথীর সঙ্গে যেমন কথা কও।

তিলতিল। আচ্ছা; চুমু খাব, কোলাকুলি করব ?

আলো। নিশ্চয়; ও ভারী খুসী হবে তাহলে।...কিন্তু এ রকম মুষ্ণু থেকে না..আমি তোমায় একলা ছেড়ে দিচ্ছি, তাহলে বেশ মন খুলে কথাবার্তা কইতে পারবে।...আমি ওই লম্বা লোকটির সঙ্গে আলাপ করি গে।

তিলতিল। (শিশুটির কাছে গিয়া তার হাত ধরিয়া) কি ভাই, কেমন আছ! ... (তাহার নীল পোষাক ধরিয়া) এটা কি ?

শিশু। (গম্ভীরভাবে তিলতিলের টুপিতে হাত দিয়া) আর এটা ?

তিলতিল। এটা ? এটা আমার টুপী... তোমার টুপী নেই ?

শিশু। না, ওতে কি হয় ?

তিলতিল। মাথায় পরে...বৃষ্টির সময়, ঠাণ্ডার সময় খুব কাজে লাগে!

শিশু। 'ঠাণ্ডার সময়,'—এ কথার মানে কি ?

তিলতিল। তা জান না ? এই যখন কাঁপতে থাক আর দাঁতে দাঁত লেগে হি হি হি হি কর, আর যখন হাত দুটো বুকের উপর রেখে এমনি করে চলতে থাক।

সে তার দুইটা হাত সম্মুখে বুকের উপর কোণাকুলি ভাবে রাখিল।

শিশু। পৃথিবীটা তাহলে ভারী ঠাণ্ডা জায়গা ?

তিলতিল। তা ঠিক নয়। তবে ঠাণ্ডা হয় মাঝে মাঝে; এই যখন শীতকাল আসে, সে সময় আগুন পাওয়া যায় না।

শিশু। আগুন পাওয়া যায় না কেন ?

তিলতিল। পাওয়া যায়। তবে বড় তাতে খরচ হয় তখন; কাঠ কিনতে পয়সার দরকার যে।

শিশু। পয়সা কি ?

তিলতিল। যা দিলে জিনিষ পাওয়া যায়।

শিশু। ওঃ!

তিলতিল। পৃথিবীতে কারো অনেক পয়সা, কারো বা মোটেই নেই।

শিশু। কেন নেই!

তিলতিল। যাদের নেই তারা বড়লোক নয়।...আচ্ছা, তুমি কি খুব বড় লোক ? তোমার কত বয়স ?

শিশু। আমি শীগ্গির জন্মাব।... আর ঠিক বার বছর পরে।...জন্ম নেওয়া কি খুব ভাল ?

তিলতিল। নিশ্চয়ই; সে ভারী মজার!

শিশু। কি করে তুমি জন্মেছিলে ?

তিলতিল। সে আমার এখন মনে নেই; সে অনেকদিন আগে জন্মেছিলুম কি না!

শিশু। শুনেছি, পৃথিবী আর জ্যান্ত মানুষ, এসব ভারী সুন্দর, ভারী চমৎকার!

তিলতিল। হাঁ, মন্দ নয়।...তার উপর সেখানে পাখী আছে, মেঠাই আছে, নানারকম খেলনা আছে।...কারো কারো এর সবগুলিই আছে, যাদের নেই তারা কিন্তু এ সব দেখতে পায়!

শিশু। মায়েরা নাকি ছেলের অপেক্ষায় দরজায় দাঁড়িয়ে থাকে ?...মাগুলি খুব ভাল; না ?

তিলতিল। নিশ্চয়ই; পৃথিবীর সমস্ত
জিনিষের চেয়ে তারা ভাল! টাকাকড়ি,
খাবার-দাবার সকলের চেয়ে ভাল! ঠাকুমা
শুধু...কিন্তু তারা বড় শীগ্গির মরে
যায়!

শিশু। মরে যায়?...সে আবার কি?

তিলতিল। একদিন সন্ধ্যাবেলা কোথায়
যে চলে যায়—আর ফেরে না।

শিশু। কেন?

তিলতিল। কে জানে!...বোধ হয়
তারা দুঃখু পায়।

শিশু। তোমার মরে গেছে?

তিলতিল। কে? ঠাকুমা?

শিশু। ঠাকুমা কি মা, আমি জানি
না।

তিলতিল। এ দুজন কিন্তু এক লোক
নয়!...ঠাকুমারাই আগে মরে...বড় দুঃখু
হয় তাতে...আমার ঠাকুমা আমার বড়
ভাল বাসত।

শিশু। তোমার চোখে কি হল! ও
কি? মুক্তো?

তিলতিল। না, মুক্তো কেন হবে!

শিশু। তবে?

তিলতিল। আবার!...খুব নীল আর
চক্চকে, না?

শিশু। হ্যাঁ, ওকে কি বলে?

তিলতিল। কাকে!

শিশু। ওই যে টস্ টস্ করে পড়ছে।

তিলতিল। ও কিছু নয়, একটু জল।

শিশু। চোখ থেকে পড়ে বুঝি?

তিলতিল। হ্যাঁ, কখনো কখনো; যখন
কান্না পায়।

শিশু। কান্না কি?

তিলতিল। আমি কিন্তু কাঁদছি না;
কাঁদলে কিন্তু এই রকম জল পড়ে।

শিশু। সর্বদাই সকলে কাঁদে নাকি?

তিলতিল। না, ছোট ছেলেরা কাঁদে না,
ছোট মেয়েরা কিন্তু কাঁদে!...এখানে
তোমরা কাঁদ না?

শিশু। না, কান্না কি তা জানি না।

তিলতিল। শীগ্গিরই শিখবে!...
আচ্ছা, ঐ নীলরঙের বড় বড় দানা নিয়ে
ও কি সব খেলছ?

শিশু। এগুলো!...আমি পৃথিবীতে গিয়ে
যা আবিষ্কার করব তা তারই জন্ত।

তিলতিল। কি আবিষ্কার?...তুমি কি
কিছু আবিষ্কার করেছ নাকি?

শিশু। করেছি বৈ কি!...শোননি?
...পৃথিবীতে যখন জন্মাব, তখন এমন
কিছু আমার আবিষ্কার করতে হবে, যা
পেলে মানুষ সুখী হয়।

তিলতিল। ও গুলো খেতে কি খুব
ভাল?

শিশু। না; তুমি দেখছি, কিছুই জান
না!

তিলতিল। না।

শিশু। রোজ এর জন্ত আমার মেহনত
করতে হয়...শেষ হয়ে এল আর কি!...
তুমি দেখতে চাও?

তিলতিল। হ্যাঁ!...কৈ, দেখাও!

শিশু। ওই যে এখান থেকে দেখা
যাচ্ছে...দুটো ধানের মাঝখানে।

অন্ত একটা শিশু। (তিলতিলের কাছে
আসিয়া) আমারটা দেখবে?

তিলতিল। হাঁ দেখি।

২য় শিশু। জীবনকে বাড়াবার তেত্রিশ রকমের ওষুধ...ওই যে নীল শিশিতে রয়েছে।

৩য় শিশু। (ভিড় ঠেলিয়া বাহির হইয়া) আমি তোমার এমন একটা আলো দেখাব, যার খবর আজ পর্যন্ত কেউ জানে না!... (সে নিজেকে আলোকিত করিয়া এক বিচিত্র আলোক-রশ্মির সৃষ্টি করিল) কেমন, খুব চমৎকার নয়?—কি বল?

৪র্থ শিশু। (তিলতিলের হাত ধরিয়া টানিয়া) আমি একটা যন্ত্র তৈরী করেছি, দেখবে এস—সেটা পাখীর মত আকাশে ওড়ে, অথচ তার ডানা নেই।

৫ম শিশু। না, না, আমারটা আগে দেখবে চল, আমি চন্দ্রলোকে গুপ্তধনের আবিষ্কার করেছি।

নীল শিশুগণ। (তিলতিল ও মিতিলের চারিদিকে জড় হইয়া চীৎকার আরম্ভ করিয়া দিল) না, না। আমার আগে!...আমার সব চেয়ে ভাল!...আমি যা আবিষ্কার করেছি, সে ভারী চমৎকার!...আমারটা চিনির তৈরী!...ওরটা কিছুই নয়...ও আমার কাছ থেকে ভাব চুরি করেছে!

এই রকম গোলমালের মধ্যে নীল শিশুগণ তিলতিল ও মিতিলকে কারখানার দিকে টানিয়া লইয়া-গেল। কারখানাটাও নীলবর্ণের। সেখানে নূতন নূতন আবিষ্কারের অস্ত্র নূতন নূতন যন্ত্র প্রস্তুত হইতেছিল। নীল ছেলেরা যে যাহার কাজে লাগিয়া গেল। সেই নক্সা এবং বই খুলিয়া তিলতিলকে দেখাইতে বসিল। কেহ বৃহদাকারের ফুল এবং একাও একাও ফল আনিয়া হাজির করিল।

একটা শিশু। (প্রকাণ্ড আকারের ফুলের

ভারে নত হইয়া পড়িয়াছিল) আমার ফুলগুলি দেখছ?

তিলতিল। কি ওগুলো?

শিশু। দেখচ না? এগুলো সব ফুল!

তিলতিল। অসম্ভব! এ যে এক একটা টেবিলের মত বড়!

শিশু। কি চমৎকার গন্ধ!

তিলতিল। আশ্চর্য্য!

শিশু। আমি যখন পৃথিবীতে থাকব, তখন এগুলো এত বড়ই হবে।

তিলতিল। কতদিন লাগবে?

শিশু। তিন্মাস বছর চার মাস ন দিন।

আর একটা শিশু এক গোছা আঙুর হাতে লইয়া উপস্থিত হইল। আঙুরগুলো নাশপাতির মত বড়।

শিশু। আমার হাতে এ কি ফল বল দেখি?

তিলতিল। এক খোবা নাশপাতি!

শিশু। নাশপাতি নয়, আঙুর!...আমি যখন তিরিশ বছরে পড়ব, এগুলো তখন এমনি ধারা হবে। আঙুরকে বড় করবার উপায় আমি আবিষ্কার করেছি।...

আর একটা শিশু তরমুজের মত বড় এক বুড়ি আপেল লইয়া হাজির করিল।

শিশু। আবার এগুলি কি রকম বল ত!

তিলতিল। ও ত তরমুজ...

শিশু। না, না; এগুলো আপেল। আমি যখন পৃথিবীতে থাকব এগুলো তখন তখন এত বড়ই হবে। আমি তার উপায় বার করেছি।...তিনটা গ্রহের যিনি রাজা, আমি তার বাগানের মালী হব।

তিলতিল। তিনটি গ্রহের রাজা আবার কে ?

শিশু। পঁয়ত্রিশ বছর ধরে তিনি পৃথিবী, মঙ্গল আর চন্দ্রগ্রহে সুখশান্তি দেবেন...এখান থেকে তুমি তাঁকে দেখতে পার।

তিলতিল। কোথায় তিনি ?

শিশু। ধামের গোড়ায় ওই যে ঘুমুচ্ছে, ওই ছোট ছেলেরা।

তিলতিল। বাঁ দিকে ?

শিশু। না, ডাইনে।...বাঁ দিকের ছেলেরা পৃথিবীতে কেবলই আনন্দ নিয়ে যাচ্ছে।

তিলতিল। কি করে ?

শিশু। এমন সব নতুন ভাব নিয়ে যাবে, যা পেয়ে মানুষ আনন্দে ভোর হয়ে থাকবে।

তিলতিল। ওই যে মোটা-সোটা ছেলেরা নাকে আঙুল দিয়ে রয়েছে, ওটা কে ?

শিশু। সূর্যের তেজ যখন কমে আসবে তখন ও এক রকম আশ্বিন আবিষ্কার করবে, যাতে পৃথিবী গরম থাকবে।

তিলতিল। আর ওই যে ছুটি ছেলে হাত-ধরাধরি করে রয়েছে, ঘন ঘন এ ওর চুমু খাচ্ছে, ওরা কারা ?...ওরা কি ভাই বোন ?

শিশু। না, ওরা ভারী মজার মানুষ !... ওরা হল প্রণয়ী আর প্রণয়িনী।

তিলতিল। সে আবার কি ?

শিশু। আমিও ঠিক জানি না।...বুড়ো 'কাল' তামাসা করে ওদের ওই নামে ডাকেন। ওরা ছুটিতে দিনরাত চোখোচোখি করে রয়েছে, ঘনঘন চুমু খাচ্ছে আর বলছে, বিদায় ! বিদায় !

তিলতিল। কেন ?

শিশু। বোধ হয় ওরা এক সঙ্গে বেশী দিন থাকতে পারে না।

ধামের গোড়ায়, বেঞ্চের উপর, সিঁড়ির পাশে বিস্তর ছেলে গাদাগাদি হইয়া ঘুমাইতেছিল।

তিলতিল। ওই যে ওখানে ঘুমুচ্ছে, ওরা কারা ?...ওরা কি কিছুই করে না ?

শিশু। ওরা কিছু-না-কিছু ভাবছে।

তিলতিল। কি ভাবছে ?

শিশু। তা এখন ওরা জানে না...কিন্তু পৃথিবীতে যাবার সময় কিছু না কিছু সঙ্গে নিয়ে যেতেই হবে। খালি হাতে সেখানে যাবার যো নেই।

তিলতিল। কে বলে ?

শিশু। "কাল"। সে ঠিক দরজার উপরটীতে দাঁড়িয়ে থাকে।...সে যখন দরজা খুলবে তুমি তাকে দেখতে পাবে...ভারী ফ্যাসাদের লোক সে।

একটা ছেলে ভিড় ঠেলিয়া দৌড়িয়া আসিল।

শিশু। কেমন আছ তিলতিল ?

তিলতিল। বা রে !, এ আমার নাম জানলে কি করে ?

ছেলেটা আসিয়া তিলতিল ও মিতিলকে আনন্দ ভরে চুম্বন করিল।

শিশু। কেমন আছ ?...বেশ ভাল ত ?...আর একটা চুমু দাও...মিতিল,

তুমিও দাও।...তোমাদের নাম জানি, সে আর আশ্চর্য্য কি ? আমি শীগ্গিরই তোমাদের

ভাই হয়ে জন্মাব।...এইমাত্র শুনলুম, তোমরা এসেছ। আমার জন্মতে হবে কি না, তাই

নতুন নতুন ভাব সংগ্রহ করছিলুম।...মাকে বলো, আমি প্রস্তুত।

তিলতিল। কি? তুমি আমাদেরই বাড়ীতে আসবে না কি?

শিশু। নিশ্চয়, ঠিক এক বছর পরে। ...আমি যখন ছোট্ট থাকব, তখন যেন আমার ত্যক্ত করো না। ...আগে থেকে তোমাদের চুমু খেতে পেলুম, এতে আমি ভারী খুসী। ...মাকে বলো আমার জন্য দোলনা ঠিক করে রাখতে। ...আমাদের বাড়ীটা বেশ আরামের, কি বল?

তিলতিল। মন্দ নয়! ...আর মা আমাদের বড্ড ভাল।

শিশু। আচ্ছা, খাবার আছে?

তিলতিল। খাবারও আছে। ...আমরা মাঝে মাঝে মেঠাই খেতে পাই। কি বল মিতিল?

মিতিল। হ্যাঁ, তা ঢের পাই; মা শৈরী করে দেন।

তিলতিল। তোমার এ খলির মধ্যে কি? ...আমাদের জন্য কিছু নিয়ে যাচ্ছ বুঝি?

শিশু। আমি তিন রকম রোগ নিয়ে যাচ্ছি—হাম, কাশি আর জ্বর।

তিলতিল। ও! এই কেবল! তার পর কি করবে?

শিশু। তারপর? ...তারপর তোমাদের ছেড়ে চলে আসব।

তিলতিল। ও রকম করে চলে আসাটা কিন্তু বড্ড খারাপ হবে।

শিশু। কি করব, বল! ...নিজের ইচ্ছামত ত কিছু হতে পারে না।

এই সময় মণিময় শুভ ও দরজার মধ্য হইতে এক গভীর স্বর শুনিতে পাওয়া গেল এবং অপেক্ষা-

কৃত উজ্জ্বল আলোকে হানটা আলোকিত হইয়া উঠিল।

তিলতিল। ও কি?

শিশু। “কাল”। “কাল” আসছে...সে এই বার দরজা খুলবে।

নীল শিশুদের মধ্যে ঘোর পরিবর্তন দেখা গেল; অনেকে বস্ত্রতন্ত্র ফেলিয়া কাজকর্ম ছাড়িয়া দিল। যাহারা ঘুমাইতেছিল, তাহাদের অনেকে জাগিয়া বসিয়া দরজার দিকে চাহিয়া রহিল এবং ধীরে ধীরে উঠিয়া সেইদিকে অগ্রসর হইল।

আলো। (সে আসিয়া তিলতিলের সঙ্গে যোগ দিল) আমরা খামের আড়ালে লুকুই, এস...তাহলে “কাল” আমাদের দেখতে পাবে না!

তিলতিল। ও আওয়াজ কোথেকে আসচে?

শিশু। ভোর হচ্ছে...যে সব ছেলে পৃথিবীতে জন্ম নেবে, তারা এইবার পৃথিবীতে নেমে যাবে।

তিলতিল। কি করে নেমে যাবে? সিঁড়ি আছে না কি?

শিশু। দেখতে পাবে। ...“কাল” এবার দোরের ছড়কো খুলচে।

তিলতিল। “কাল” কে?

শিশু। সে একজন বুড়ো...যে সব ছেলে যাবে, তাদের সে ডাকতে আসে।

তিলতিল। ভারী ছুঁ, বুঝি?

শিশু। না; তবে সে কারো কোন ওজর-আপত্তি শোনে না। .যাদের বাবার পালা আসেনি, তারা যদি যেতে চায়, তবে সে তাদের খাকা দিয়ে সরিয়ে দেয়।

ভিলভিল। পৃথিবীতে যেতে কি খুব আনন্দ হয়?

শিশু। যেতে না পেলো খুব দুঃখ হয়, কিন্তু যাবার সময় হলেও আবার কষ্ট হয়। ...ঐ দেখ, ঐ দেখ, সে দরজা খুলচে।

মণিময় দ্বার আস্তে আস্তে খুলিয়া গেল। দূরবর্তী সঙ্গীতের স্মার পৃথিবীর কোলাহল শুনিতো পাওয়া গেল। লাল এবং সবুজ আলোকে স্থানটি উজ্জ্বল হইয়া উঠিল। “কাল” আসিয়া চৌকাঠের উপর দণ্ডায়মান হইল। সে শীর্ণ, দীর্ঘকায় এবং বৃদ্ধ। তাহার খেত শব্দ বাতাসে উড়িতেছিল। এক হাতে স্ফুহৎ কাঁচি, অপর হস্তে প্রহর-নিরূপণ বস্ত্র। দরজার ভিতর দিয়া অনেকগুলি ছোট ছোট জাহাজ দেখা যাইতেছিল। জাহাজগুলি সাদা এবং সোনালি পাল তুলিয়া অপেক্ষা করিতেছিল।

কাল। যাদের যাবার পালা তারা সব প্রস্তুত?

শিশুগণ। (ধাক্কাধাক্কি করিয়া অগ্রসর হইল) এই যে আমরা, এই যে আমরা!

কাল। থাম, এক একজন করে। আবার ভিড় করছ? ...যাদের দরকার নেই তারাও এসে হাজির হয়েছ? ...আমার চোখে ধুলো দিতে পারছ না। ... (একজনকে ধাক্কা দিয়া সরাইয়া) তোমার পালা হয়নি... এখন যাও! ...তুমিও এখন না... দশ বছর পরে এস। ...উপস্থিত কেবল বারো জনের পালা... তার বেশী দরকার নেই। ...আঁা, কি বলছ? ...ডাক্তার আরও বেশী যেতে চাও? ...না, দরকার নেই... পৃথিবীতে বিস্তর জমা হয়েছে। ...শিল্পীর দল কোথায়? ...কেবল একজনকে তারা চায়, সে খুব সাধু হবে। ...তোমাদের মধ্যে সাধু কে? ...তুমি? ...তোমাকে কিন্তু বোকা-বোকা ঠেকেছে।

এই তুমি এখানে অমন তাড়াছড়ো করছ কেন? ...আর তুমি সঙ্গে কি এনেছ? কিছুই না! তবে কি করে যাবে? ...খালি হাতে যেতে পাবে না। ...কিছু-না-কিছু নিয়ে এস। ...ভয়ানক পাপ কিম্বা ভয়ানক অসুখ, যা হোক একটা... যা তোমার ইচ্ছা। ...আমার তাতে আপত্তি নেই! ...কেবল একটা-কিছু চাই। ওকে অমন করে ধাক্কা দিচ্ছ কেন? ...ও যাবে না বলছে? ওর ত পালা এসেছে! ...অবিচারের সঙ্গে ওকে লড়াই করতে হবে যে! ওকে যেতেই হবে।

শিশু। না, না, আমি যাব না। ...আমার জন্মবার ইচ্ছা নেই। ...আমি... আমি এখানেই থাকব।

কাল। তা কি করে হতে পারে? যাবার পালা যখন এসেছে, তখন যেতেই হবে। ...নাও, শীগ্গির এস... দেবী করতে পারি না।

অপর-একটি শিশু। মশাই আমার যেতে দিন। ...ও যেতে না চায়, আমি ওর বদলে যাব। ...শুনলুম, আমার বাপ মা বুড়ো হয়েছেন... আমার জন্ম তাঁরা অনেক দিন ধরে অপেক্ষা করছেন।

কাল। না, বদলাবদলি চলবে না। ...যার পালা, সে যাবে। ...যাও, তোমরা সব ভিতরে যাও। ...যারা যাবে না, তাদের বাইরে থাকবার কোন দরকার নেই। ...এখন সব ব্যস্ত হয়ে পড়েছ দেখছি, কিন্তু আবার যখন পালা আসবে, তখন ভয় পেয়ে নানা রকম ওজর দেখাবে। ...ওই দেখ, চারজন কেমন ধর-ধর করে কাঁপছে।

একজন হঠাৎ পিছনে হঠিয়া পড়িল।

ওকি!...তুমি অমন করে পালাচ্ছ কেন?
...কি হয়েছে?

শিশু। আমি বাক্সটা নিতে ভুলে গেছি,
তার ভিতর দুটো পাপ আছে, গৃধিবীতে গিয়ে
দুটোই আমার গড়তে হবে।

অপর একজন। আমার ছোট পুঁটলিটা
ফেলে এসেছি...তার ভিতর যে সব ভাব
আছে, তা দিয়ে মানুষকে সভ্য করে তুলতে
হবে।

অন্য-একজন। আমি আমার নাশপাতির
ঝুড়ি ফেলে এসেছি।

কাল। যাও, যাও; দৌড়ে নিয়ে এস।
...জাহাজ ছাড়-ছাড়।...ওই দেখ, মাস্তুলের
ওপর পাল-ঝটপট কচ্ছে।...আর কেবল ৩১২
সেকেণ্ড বাকী।

একটি শিশু তার পায়ের ফাঁক দিয়ে গলিয়া
পলাইবার চেষ্টা করিতেছিল, সে তাহাকে ধরিয়া ফেলিল।

ধবরদার, বলছি!...তুমি এখন নয়!...
এই তিনবার তুমি পালাবার চেষ্টা করলে।
...এবার যদি তোমায় ধরি, আমার দিদি
অনন্তর হাতে তোমায় সাঁপে দেব। তা
হলে কস্মিন্‌কালে আর তোমার জন্ম হবে
না...তখন জন্ম হবে।... তোমরা সব
গেলে কোথায়? সারবন্দী হয়ে দাঁড়াও—
সকলে হাজির হয়েছ ত?—আর এক
জনকে দেখতে পাচ্ছি না কেন? কোথায়
গেল সে? ওই যে দেখছি...ভিড়ের মধ্যে
লুকিয়ে রয়েছে।...কে?—প্রণয়ী বুঝি?...
আর লুকোনো মিছে, এখন তোমার
প্রণয়িনীর কাছে বিদায় নিয়ে শীগগির
বেরিয়ে পড়।

দুটি ছেলে—যাহাদিগকে ইতিপূর্বে প্রণয়ী ও
ও প্রণয়িনী বলা হইয়াছে—ভিড়ের মধ্য হইতে বাহির
হইয়া আসিয়া কালের পদতলে জাহু পাতিয়া বসিল।
নিরাশায় তাহাদের মুখ বিবর্ণ হইয়া গিয়াছিল।

প্রণয়ী। সময় মশাই, দয়া করুন;
আমাকে থাকতে দিন।

প্রণয়িনী। আমাকেও ওর সঙ্গে যেতে
দিন।

কাল। অসম্ভব!...এখন কথা কবার
সময় নেই।...কেবল ৩৯৪ সেকেণ্ড বাকী।

প্রণয়ী। আমার জন্মাবার ইচ্ছা নেই।

কাল। তোমার ইচ্ছাতে ত হবে না।

প্রণয়িনী। (সান্নয়নে) কাল মশাই,
কি হবে? আমার যেতে যে এখনও
অনেক দেরী!

প্রণয়ী। আমাকে তোমার আগেই
যেতে হুইছে।

প্রণয়িনী। হায়, হায়; আর কখনও যে
তোমায় দেখতে পাব না!

কাল। দেখ, এ সবে সন্ধ্যা আমার
কোন সম্বন্ধ নেই। 'জীবনের' কাছে এ
সব কথা পেশ কর। আমার উপর
যেমন হুকুম আছে আমি সেই ভাবেই মানুষের
মিলন বিচ্ছেদ ঘটাই।...(প্রণয়ীকে ধরিয়া)
এস তুমি।

প্রণয়ী। (ধ্বস্তাধ্বস্তি করিতে করিতে)
না, না; ছেড়ে দাও...না হয় ওকেও
সঙ্গে দাও।

প্রণয়িনী। (প্রণয়ীকে জড়াইয়া ধরিয়া)
একে ছেড়ে দাও,...আমার সঙ্গে থাকতে
দাও।

কাল। ধাম; অত চোঁচামেচি করো

না। এ ত আর মরতে যাচ্ছে না—
জন্মাতে যাচ্ছে। (প্রণয়ীকে লইয়া গেল)
চল, আর দেবী করতে পারি না।

প্রণয়িনী। (প্রণয়ীর দিকে হাত
বাঁড়াইয়া) চিহ্ন, একটা চিহ্ন দিয়ে যাও!
...বলে দাও কি করে তোমায় খুঁজে পাব।

প্রণয়ী। আমি সর্বদা তোমাকে ভাল-
বাসব!

প্রণয়িনী। আমি পৃথিবীতে গিয়ে চির-
বিষাদিনী হয়ে থাকব, তাই দেখে তুমি
আমায় খুঁজে নেবে।

সে ষাটীতে আছাড় খাইয়া পড়িল।

কাল। বাস্, এইবার হয়েছে।...
এখন আর কেবল ৬৩ সেকেন্ড বাকী।

গমনোদ্ভূত শিশুগুলি অন্যান্য সকলের নিকট
বিদায় গ্রহণ করিল।

শিশুগণ। বিদায় পিয়ারী, বিদায় জিনি,
সব জিনিস নিয়েছ ত'?...আমার কল্পনা-
গুলি পৃথিবীতে প্রচার করো...আমার
তরমুজের কথা মনে আছে ত'?...কিছু
ভুলে যাওনি? আমার মাঝে মাঝে
মনে করে।...তোমার নিজের কল্পনাগুলি
যেন ভুলে যেও না; একটা জিনিস নিয়ে
বেশীদিন পড়ে থেকে না। আমায় তোমার
ধবর পাঠিয়ে। ধবর পাঠাতে পারা
যায় না শুনেছি...তবু চেষ্টা করো।...ভাল
ধবর থাকলে আমাদের বলা।...আমিও
তোমার সঙ্গে গিয়ে দেখা করব।—আমি
সম্রাট হয়ে জন্মাব।

কাল। (চাবি উঠাইয়া চুপ করিতে

ইঙ্গিত করিল) বাস্; আর না...জাহাজ
ছেড়ে দিয়েছে।

জাহাজ চলিতে আরম্ভ করিল এবং ক্রমে
অদৃশ্য হইয়া গেল। জাহাজস্থ শিশুগণের কণ্ঠস্বর
দূর হইতে শুনা যাইতে লাগিল।

ওই পৃথিবী! ওই পৃথিবী! ওই দেখা
যাচ্ছে!...আহা, কি সুন্দর! কত বড়!
কি চমৎকার!

তারপর দূরবর্তী অতি ক্ষীণ আনন্দ-কোলাহল
শুনিতে পাওয়া গেল!

তিলতিল। (আলোর প্রতি) ও কিসের
গোলমাল? ও ত ছেলেদের গলা নয়।

আলো। ষাদের ঘরে এই শিশুরা
গিয়ে জন্ম নিলে মায়েরা সব গান
করছে।

ইত্যবসরে কাল শেষবার হলের দিকে দৃষ্টি নিক্ষেপ
করিয়া তাহার মণিময় দ্বার বন্ধ করিতে গেল।
এইবার হঠাৎ তিলতিল, মিতিল এবং আলো
তাহার নজরে পড়িল।

কাল। এ কি?...তোমরা কারা? কি
করছ এখানে?...তোমরা ত নীল নও!
এখানে তোমরা ঢুকলে কি করে!

সে দা উঠাইয়া তাহাদের দিকে ছুটিয়া গেল।

আলো। (তিলতিলের প্রতি) কথা
করো না!...আমি নীলপাখী পেয়েছি...
আমার বুকের মধ্যে লুকোনো আছে।
পালাই চল! হীরেটা ঘুরিয়ে দাও, তাহলে
ও আর আমাদের ধরতে পারবে না।

পিছন দিকের ঘরজা দিয়া তিলতিল, মিতিল
এবং আলো পলাইয়া গেল।

ক্রমশ

শ্রীযামিনীকান্ত সোম।

আলোর আলো

বাইশ

সরমার কথা

যমুনা-দিদিকে নিয়ে আর ত পারিনা!
বাবারে বাবা, এমন ছুঁত ভূভারতে আর-
কখনো দেখি-নি!

আজ সারা সকালটা বসে-বসে ফুলের
গয়না দিয়ে আমাকে তিনি সজিয়েছেন।
সুধু কি সাজানো? সেই সঙ্গে তাঁর ফষ্টি-
নটির জ্বালায় প্রাণ আমার পালাই-পালাই
ডাক ছাড়তে লাগল!

শেষটা তিনি বলেন কিনা, “চল ছুঁড়ি,
তোকে তোমার বরের কাছে ধরে নিয়ে
যাই, তোমার রূপ দেখিয়ে কিছু বখশীষ
আদায় করব।”

আমার ত চক্ষু স্থির! তাড়াতাড়ি বলে
উঠলুম, “ওমা, ওকি কথা দিদি! তাহলে
আমি কি আর নাচব!”

ভঙ্গিভরে আমার গাল টিপে দিয়ে
যমুনা-দিদি বললেন, “ঈশ, ছুঁড়ির চং দেখে
আর বাঁচিনা! বর বর করে যার মুখ
দিয়ে লাল পড়ছে, তিনি বলেন কিনা
বরের কাছে গেলে মরে যাব! ওলো,
জানি লো জানি, আমাকে বোকা পুরুষ
পাসনে যে, আমার চোখে ধুলো দিবি!”

—“দিদি, তোমার ও ডাগর চোখে
আমি প্রাণ থাকতে ধুলো দিতে পারব
না!”

—“ঔ, আমার কুটুস করে কামড়ে—”

—“গর্ভের মধ্যে সেঁধতেও জানি,
দিদি!”

—“হুঁ, তুমি একটি মিটমিটে ডাইনি,
তা আবার জাননা! দাদাকে কেপিয়েও
তোমার আশ মেটে-নি, আবার আমাকেও
মজাবার ফিকির!”

—“জজ-ম্যাজিষ্ট্রেট স্বামী যার দোরে
দিন-রাত ভ্যা-ভ্যা করেও মন পান না,
তাঁকে আমি মজাব, আমার এমন কী
সাধা!”

—“সত্যি ভাই সরমা, তুই যদি পুরুষ
হতিস্!—”

—“তাহলে তোমার দাদা আমাকে
বিষে করতে অত্যন্ত আপত্তি করতেন!”

—“আর আমার যদি বিষে না
হোত—”

—“আমি যদি পুরুষ হতুম আর
যমুনা-দিদির যদি বিষে না হোত, তাহলে—”

—“তাহলে, যমুনাদিদি তোমার প্রেম-
সাপরে পড়ে দস্তরমত হাবুডুবু খেতেন।”

—“এযে অসমাপ্ত উপাশ! তাহলে
তোমার দাদার অবস্থাটা কি হোত, কৈ,
উপসংহারে সে কথাটা ত বললে না!”

—“উপাশ যখন শেষই হোলই না,
তখন দাদার জন্তে আমার ভেবে মরবার
দরকার কিলা ছুঁড়ি! তবে, পুরুষ হোতে
পারি-নি বলে আমি যে আলিঙ্গন আর চুষন
করতেও পারি-নি, এ ভুল তোমার এখনি ভেঙ্গে
দিচ্ছি!”—এই বলে যমুনাদিদি আমাকে

জড়িয়ে ধরে আমার মুখে একটি চুমু দিলেন।
মাকে আর মনে পড়ে না, মায়ের পেটের
কোন বোনও আমার নেই, পৃথিবীতে
নারীর প্রতি নারীর স্নেহ-ভালবাসার স্মারাদ
আমি কখনো পেয়েছি বলেও স্মরণ হয়
না; কিন্তু এই কোমলপ্রাণা কক্কারূপিণী
মহিলাটির অগাধ হৃদয় যেন মায়ের স্নেহে,
বোনের ভালবাসায় একেবারে পরিপূর্ণ;
এঁর কাছে এলে আমি যেন সেই স্নেহ-
প্রেমে বিভোর হয়ে গলে যাই! তাই
আজ তিনি যখন আমাকে বুকে জড়িয়ে
ধরলেন, আমারও প্রাণটি যেন জড়িয়ে
গেল—সে অকপট আদরে আমার চোখের
পাতা ভিজে উঠল, তাঁর কাঁধের উপরে
মাথাটি এলিয়ে আমি চুপ করে দাঁড়িয়ে
রইলুম।

যমুনাদিদি বললেন, “সরো, বেলা হোল,
বাড়ী যা! তোর কাঁচ মুখখানি রোদে
রান্না হয়ে উঠেচে, তোকে কষ্ট দিচ্ছি
দেখলে বোন, দাদা আবার মুখভার করতে
পারেন!” এই বলে তিনি হাসতে-হাসতে
চলে গেলেন।

আমিও আন্তে-আন্তে বাড়ীতে ফিরে
এলুম।...

ঘরে ঢুকেই শুনলুম, সামনের বিয়ে-
বাড়ীতে গায়ে-হলুদের শাঁখ বেজে উঠল।

‘আমারও জীবনে আবার অমনি দিন
আসছে! সে কথা স্মরণ হবামাত্র আমার
সর্কাজ কেমন রোমাঞ্চিত হয়ে উঠল!
বিবাহ, বিবাহ... .. দুটি প্রাণের চির-
মিলন!

আমার যে আগে কখনো বিবাহ হয়ে-

ছিল, সে কথা মনে পড়ে কি, পড়ে না
—সে যেন স্বপ্নের মত, সে যেন গতজন্মের
কথা! সেবার প্রেমের কোন সাড়া পাই-
নি, এবার প্রেম এসে আগে আগে জীবন-
বন্ধুকে পথ-দেখিয়ে আমার ঘরে ডেকে
আনছে! অতীতের স্মৃতি, অতীতের ব্যথা,
অতীতের আঁধারকে বর্তমানের শান্তি, গান,
আলো ধীরে-ধীরে হৃদয় থেকে মুছে দিচ্ছে!
আমার প্রাণ এতদিন বুকের মাঝে মুচ্ছিত
হয়ে পড়েছিল, আজ আবার সে
জেগে উঠছে! হে বন্ধু, হে সখা, কাছে
এস, তোমার ব্যথাহারী হাত-ছোঁখানির সুখ-
স্পর্শে আমার নিরানন্দ জীবনের তন্দ্রামোহ
টুটে যাক; হে আমার নবপ্রভাতের প্রথম
সূর্য্য, তোমার আকাশব্যাপী কিরণের একটি
কণা পেলেও আমার অন্তর পদ্মের মত
আবার বিকসিত হয়ে উঠবে!

হঠাৎ সিঁড়িতে পরিচিত পদশব্দ শুনে
আমি চমকে উঠলুম। কি করি, কোথা
যাই—এখনো আমার গা-ময় যে ফুলের গয়না!

তাড়াতাড়ি দরজাটা বন্ধ করে দিতে
ছুটে গেলুম,—কিন্তু তার আগেই তিনি
ঘরের ভিতরে ঢুকে পড়লেন। দারুণ
লজ্জায় মরমে মরে আমি পিছন ফিরে
কাঠ হয়ে দাঁড়িয়ে রইলুম।

মোহনবাবু খানিকক্ষণ একটিও কথা
কইলেন না,—বোধহয় আমার বেহায়া-
পনায় তিনি হতভম্ব হয়ে গিয়েছিলেন!
কিন্তু তিনি-ই বা কি-রকমের মানুষ গা!
দেখছেন, লজ্জায় আমার মাথা কাটা যাচ্ছে,
তবু নাছোড়বান্দা হয়ে দাঁড়িয়ে আছেন!
ধন্য লোক যাহোক!

মোহনবাবু ডাকলেন, “সরমা!”

কী অস্বাভাবিক, ভয়ানক স্বর! সে তিরু—তীর স্বর আকস্মিক অভিশাপ-বাণীর মত আমার সর্কাজকে যেন পাথরে পরিণত করে’ দিলে। এমন স্বর আমি জীবনে কখনো শুনি-নি!

মোহনবাবু আবার তেমনি স্বরে বললেন, “সরমা! তোমার স্বামী জীবিত!”

তড়িতের মত তাঁর দিকে আমি ফিরে দাঁড়ালুম। আমার কোথায় গেল লজ্জা, কোথায় গেল নীরবতা,—তীরস্বরে বলে উঠলুম, “কী, কি বললেন!”

—“তোমার স্বামী জীবিত!”

—“অ্যা!”

—“হ্যাঁ। সরমা, আমি মরলুম!”

—“মোহনবাবু, মোহনবাবু!”

—“বিশ্বাস হচ্ছেনা তোমার? তুমি কি ভাবছ, নিজের দুর্ভাগ্য নিয়ে নিজের মৃত্যু নিয়ে, নিজের সর্কনাশ নিয়ে আমি তোমার সঙ্গে কৌতুক করছি? তা নয় সরমা, তা নয়,—তোমার স্বামী জীবিত, কিন্তু আজ থেকে আমি মৃত। এই দেখ!”—বলেই তিনি ধরধর করে’ কাঁপতে-কাঁপতে আমার হাতে একখানা খবরের কাগজ দিলেন।

কাগজখানা পড়তে-পড়তে আমার বুকের রক্ত যেন বরফ হয়ে গেল! মুখ তুলে দেখলুম, ঘরের মধ্যে মোহনবাবু নেই!

আরসিতে চোখ পড়ল। তার ভিতরে আমার ফুলের গহনাপরা মূর্তির ছায়া ভেগে উঠেছে! কিন্তু আমার মুখ—আমার মুখ!

নিজের মুখ যে আমি নিজেই চিনতে পারছি না! আরসিতে আমার ও মুখ যে মড়ার মত সাদা! আমি কি মরেছি?

পাগলের মত আমার গায়ের ফুল-গুলোকে হাতে দলে, পিষে, ছিঁড়ে কুচি কুচি করে’ ঘরময় ছুঁড়ে ছড়িয়ে কেলে দিতে লাগলুম।

তেইশ

হরেন্দ্রের কথা

পাড়াগাঁয়ে এক আত্মীয়ের বাড়ীতে নিমন্ত্রণে গিয়েছিলুম।

কলকাতায় ফিরে দেখি, মোহন আমার নামে একখানা চিঠি লিখে রেখে গেছে।

চিঠিখানা এই।

“ভাই হরেন,

চিঠি পেয়ে ষত-শীঘ্র পার, আমার কাছে আসবে। ভয়ানক বিপদে পড়েছি, তোমার সঙ্গে অনেক পরামর্শের দরকার। লিখে সে কথা জানাবার নয়। ইতি হতভাগ্য মোহন।”

ব্যাপার কি? সপ্তাহখানেক মোটে কলকাতায় ছিলুম না, এরি-মধ্যে এমন কি বিপদ হোল যে, মোহন একেবারে আপনার নামের আগে হতভাগ্য বিশেষণ বসিয়ে দিয়েছে? এ আর কিছু নয়, নিশ্চয় প্রেমের ঝগড়া! আমি ভাবতুম, জগতে যে প্রেমের খেলা চলেছে, সে খেলায় রমণী চায় পুরস্কার, আর পুরুষ চায় শুধু একটু মজা। কিন্তু এই মজাতে মাতলে প্রেম যে এমন লোক-মজাতে পারে, এতটা ত জানতুম না!

যা-হোক, খাওয়া-দাওয়ার পর মোহনের বাড়ীতে গেলুম। মোহন তাহার ঘরের কোণে, শর্যার উপরে উপুড় হয়ে বাঁলিশে মুখ গুঁজে শুয়েছিল।

• আমি বললুম, “কিহে মোহন, মদন-দেবতার সঙ্গে নারদ-ঠাকুরও তোমার উপরে রূপাকটাক্ষ দান করেছেন নাকি?”

মোহন আক্লে-আক্লে মুখ তুলে আমার দিকে নিরুত্তর হয়ে করুণ নয়নে চেয়ে রইল।

একি! তার চোখে জল—কৈদে কৈদে তার মুখ যে ফুলে উঠেছে! আর তার চেহারা,—এই ক-দিনেই এ কী পরিবর্তন! মোহনের কৈদে-রাজা চোখদুটো ভিতরে বসে গেছে, তার দৃষ্টি কি-রকম উদ্ভ্রান্ত, তার চুলগুলো রুক্ষ ও উষ্ণখুস্ক, তার দেহটাও শীর্ণবিশীর্ণ। দেখলে মনে হয়, তার যেন সাংঘাতিক একটা-কিছু অসুখ হয়েছে!

আমিও তাই ভেবে তাড়াতাড়ি তার কাছে গিয়ে, জিজ্ঞাসা করলুম, “হ্যাঁ মোহন, তোমার কি অসুখ হয়েছে?”

মোহন একটা বিস্মী হাসি হেসে বললে, “অসুখ? হুঁ, অসুখই বটে!... ..অসুখ!”

“মোহন, কি হয়েছে, বল ভাই!”

সে মুখে কিছু না-বলে আমার দিকে একখণ্ড কাগজ এগিয়ে দিলে। দেখে মনে হোল, কোন খবরের কাগজ থেকে এটি কেটে নেওয়া। আমি কিছুই না বুঝে, ছাপার হরফে তাতে ষেটুকু লেখা ছিল, সেটুকু পড়তে লাগলুম। পড়তে-পড়তে বুঝতে পারলুম, কেন মোহনের এমন দশা হয়েছে!

খানিকক্ষণ স্তম্ভিত হয়ে দাঁড়িয়ে রইলুম। এও কি সম্ভব? মরা মানুষ আবার ফিরে এসেছে! অনেক ভেবেও কিছু ঠিক না করতে পেয়ে বললুম, “এটা পড়েও ত আমার সন্দেহ যাচ্ছে না ভাই!”

মোহন মুখ বিকৃত করে বললে, “সন্দেহ? কিসের সন্দেহ? এই চিঠিখানা পড়, তাহলেই বুঝবে আর সন্দেহ করবার কিছু নেই। চিঠিখানা কাল মুরারিবাবুর নামে এসেছে। আমি পেয়েছি সরমার কাছ থেকে।”

পত্রখানা পড়লুম,

“শ্রীচরণেষু,

বাবা, আপনি শুনলে নিশ্চয় সুখী হবেন যে, আমি জীবিত আছি। ভগবানের দয়ায় ও আপনার আশীর্ব্বাদে আমি প্রাণে বেঁচে আছি। আপনার শান্তিপূরের প্রতিবেশী নবীনবাবুর কাছ থেকে আপনার ঠিকানা পেয়ে এই পত্র লিখছি।

কানীধামে গঙ্গায় ডুবে আমি মরেছি,—এ সংবাদ মিথ্যা। একখানা নোকায় আমি আর আমার এক বন্ধু ছিলাম; নোকাডুবি হয়ে আমার বন্ধু মারা যান বটে, কিন্তু আমি বেঁচে গিয়েছিলুম।

আপনারা আমার সমস্তই জানেন, আপনাদের কাছে আর কিছু লুকোতে চাই না। তখন চারদিক থেকে পাণ্ডনাদারদের তাগাদায় আমি অস্থির হয়ে উঠেছিলুম। খুচরো খুচরো দেনা ত ছিলই—তার জন্তে আমি তত ভাবতুম না, কিন্তু আমার দুজন বড় পাণ্ডনাদারের হাতি এড়াবার জন্তেই আমি নিজেই নিজের মৃত্যুসংবাদ রটনা

করেছিলুম। নৌকাডুবিতে এমন মৃত্যু ত হামেসাই হয়; সুতরাং আমার মৃত্যুতে কারুর অবিশ্বাস করবার কোন কারণ ছিল না।

এ ক-বছর আমি পশ্চিমে নানা জায়গায় চাকরি করে' বেড়িয়েছি। কিছু অর্থসঞ্চয়ও করেছি। যে পাওনাদারদের ভয়ে আমি দেশছাড়া হয়েছিলুম, এখন তারা বেঁচে নেই বলেই আবার দেশে ফিরেছি, নৈলে আরো-কতদিন যে আমাকে বিদেশে নাম-খাম লুকিয়ে ঘুরে মরতে হোত, কে তা বলতে পারে?

কলকাতায় যখন আছি, তখন আমি আমার স্ত্রীকে কাছে এনে রাখা উচিত মনে করি। আশা করি এতে আপনার অমত হবে না। আমি আসছে পরশুদিন আপনাদের বাড়ীতে যাব। আপনার কণ্ঠকে প্রস্তুত হয়ে থাকতে বলবেন।

আপনারা ভাল আছেন ত? আমার প্রণাম জানবেন। ইতি

আপনার জামাতা

সুরেন্দ্র।”

আমার পত্রপাঠ শেষ হোলে মোহন বললে, “তোমার আর কোন সন্দেহ আছে?”

মোহনের ছুঃখে আমার প্রাণ যেন ফেটে যাচ্ছিল। একি অভাবিত ব্যাপার! একটা মানুষের জীবন যে পলকের পরিবর্তনে এমন-ভাবে ব্যর্থ হয়ে যেতে পারে, এ যে কল্পনার অতীত! এ দুর্ভাগ্যের কি সাস্বনা আছে? এ ধাক্কা মোহন কি সামলাতে পারবে?

কোনরকমে আত্মসংবরণ করে' বললুম, “এখন উপায়!”

মোহন হতাশভাবে বললে, “উপায় আর কি! সঁতার না-জেনে যে গভীর জলে সাধ করে' তলিয়ে গেছে, ডুবে মরা ছাড়া তার অণু গতি নেই!”

—“মোহন, সুরেন কি সরমাকে চিঠি-পত্র কিছু দিয়েছে?”

—“না।”

—“হঁ, বেশ বোঝা যাচ্ছে সরমাকে সে এখনও ভালবাসে না।”

—“কি-করে' বুঝলে?”

—“সুরেন যখন ছদ্মনাম নিয়ে বিদেশে অজ্ঞাতবাস করছিল, তখনও সে সরমাকে কোন পত্রাদি দেয়-নি। সরমার প্রতি তার বিশ্বাস থাকলে সে এতবড় একটা কর্তব্য পালন করতে ভুলত না। তারপর দেখ, এতদিন পরে সে দেশে ফিরেছে, সরমার ঠিকানাও পেয়েছে। এ অবস্থায় অণু কেউ হোলে কি করত? নিশ্চয়ই একেবারে স্ত্রীর সঙ্গে এসে দেখা করত! কিন্তু সুরেন তাও করে-নি, উল্টে স্ত্রীকে একখানা চিঠিও লেখে-নি,—এমন-কি, তার পিতাকে যে পত্র লিখেছে তাতে-পর্য্যন্ত সরমার নামগন্ধ নেই। মোহন, সরমাকে সুরেন ভালবাসে না, তার আর কোন গূঢ় উদ্দেশ্য আছে।”

—“উদ্দেশ্য? উদ্দেশ্য আবার কি?”

—“আমার ষতদূর বিশ্বাস, তাতে মনে হয়, সুরেন জানতে পেরেছে যে, মুরারি-বাবুর মৃত্যু হয়েছে আর তাঁর যা-কিছু সম্পত্তি ছিল সরমাই তা পেয়েছে। সে এই টাকা হস্তগত করতে চায়।”

—“কিন্তু দেখছ ত, সে মুরারিবাবুর নামেই চিঠি লিখেছে!”

—“এটা ছল মাত্র। মুরারিবাবু বেঁচে থাকলে সুরেন কখনই তাঁকে চিঠি লিখতে সাহস করত না। কেননা সে ভালরকমেই জানত যে, সে তাঁর মেয়ের উপরে অসং ব্যবহার করতে তিনি তার প্রতি চটে আছেন। তার উপর এ পত্র সে যে কতবড় জুয়াচোর, সুরেন নিজমুখেই তা প্রকাশ করেছে। এ-অবস্থায় মুরারিবাবুর মত প্রকৃতির লোক যে তার হাতে নিজের মেয়েকে আবার ছেড়ে দেবেন, এ-রকম আশা করাটাই অশ্রায়। আর-একটা কথা ভেবে দেখ। সুরেন যে তার স্ত্রীকে এখনো ভালবাসে না, এটা আমরা বুঝেছি। এমন ক্ষেত্রে সরমার ভার সে কেন সেধে নিতে চায়? নিশ্চয়ই কিছু প্রাপ্তির আশায়।”

—“সে যদি জানতই যে মুরারিবাবু বেঁচে নেই, তবে মুরারিবাবুর নামে মিছামিছি চিঠি লেখবার দরকার কি?”

—“পাছে সরমা সন্দেহ করে যে, তার টাকার লোভেই সুরেন তাকে নিয়ে যেতে চায়। মুরারিবাবুর নামে চিঠি লেখাতে সরমা ভাববে, ‘স্বামী তাকে নিস্বার্থভাবেই গ্রহণ করেছে—পিতা জীবিত থাকতে সে তাঁর সম্পত্তি পাবে না! স্বামী যখন জানেন না যে তার পিতা মৃত, তখন সরমার হাতে অর্থ আছে এটাও তিনি জানেন না।’—সরমার পক্ষে কি এমনি ধারা চিন্তাই স্বাভাবিক নয়?”

—“হরেন, তাহলে সরমার কি উপায়?”

—“নিরুপায়। আমরা কিছুতেই তার স্বামীর বিরুদ্ধে কোন কথা বলতে পারব না। কিসে কি হয়, বলা যায় না—সরমা

হয়ত ভেবে বসবে, আমরা বুঝি কোন খারাপ মতলোবে তার স্বামীর নামে নিন্দা রটাচ্ছি। স্বামীকে ভাল না বাসলেও, আমাদের সে নীচ ভাবতে পারে। সুতরাং আমাদের চুপ করে থাকাই ভাল। আর, আমি যা বললুম, সেটা আন্দাজ মাত্র—হয়ত মিথ্যা!”

—“হরেন, হরেন, আমিও গেলুম ভাই, সরমাও গেল। ভগবান এ কী করলেন!”

—“শাস্ত হও ভাই, শাস্ত হও! ভগবানের দোষ দিচ্ছ, কিন্তু কতবড় বিপদ থেকে তুমি পরিত্রাণ পেলে সেটা একবারও ভেবে দেখেছ কি? তুমি খালি দুঃখের তাপ পেয়েছ, দুঃখের আগুন তোমাকে ছুঁতে-না-ছুঁতে নিবে গেল,—এ কি কম মুক্তি? সরমার সঙ্গে তোমার বিবাহের পর যদি এই সুরেন আত্মপ্রকাশ করত, তাহলে কি হাত বল দেখি!”

—“হয়ত সেটা খুব ভয়ানকই হোত, হ্যাঁ,—হয়ত কেন—নিশ্চয়ই! কিন্তু, কিন্তু” খেমে, হ-হাতে মুখ ঢেকে মোহন অবরুদ্ধ কণ্ঠে আবার বললেন, “কিন্তু, আমার এ কি হোল ভাই! হরেন, বন্ধু,—তুমি তখনকার কথা ভাবছ, কিন্তু আমার এখনকার কথাটা তুমি একবার ভেবে দেখেছ কি? এর চেয়ে ভয়ানক অবস্থা আমি যে কল্পনা করতেও পারছি না! যে অন্ধ, তার কাছে কিবা রাত কিবা দিন! আমার সমস্ত ভবিষ্যৎ, সমস্ত জীবন, সমস্ত আশা-আকাঙ্ক্ষা, কল্পনা বাসনা যে অদৃষ্টের একটি ফুৎকারে তাসের বাড়ীর মত ভেঙ্গে পড়ে গেল! এ প্রাণ নিয়ে আর কি

আমি সংসারে নূতন জীবন দেখতে পাব
—আর কি আমি—আর কি আমি—না,
না, এ অসহ, এ আঘাত আমাকে পাগল
করে দেবে, আমার জীবনকে পশুর জীবন
করে দেবে—আমাকে—দূর হোক, যা হয়
তা হবে, কেন আমি এত ভেবে মরছি!
—দূর হোক, দূর হোক—বলতে-বলতে
মোহন হঠাৎ উঠে দাঁড়াল, তারপর বুকে
দু-হাত বেঁধে হেঁটমুখে অস্থিরভাবে ঘরের
মধ্যে পাইচারি করতে লাগল। খানিক
পরে আমার সামনে এসে 'সে' খমকে
দাঁড়াল। তারপর আমার চোখের উপরে
স্থিরদৃষ্টি রেখে গম্ভীরভাবে সে জিজ্ঞাসা
করলে, “বলতে পার হরেন, আমার আত্ম-
হত্যা করা উচিত কিনা?”

এতক্ষণ আমি ছুঁথে নির্ঝাঁক হয়ে তার
ভাব-ভঙ্গী নিরীক্ষণ করছিলাম। মোহনের
চরিত্র আমি জানি; তার মত ভাবপ্রবণ
লোক অতি অল্পেই ভেঙ্গে পড়ে, মনের
ঝোঁকে এমন-সব কার্য করে—যা তাদের
কাছ থেকে আশা করা যায় না। সংসারের
হেরফেরে এরাই কষ্ট ভোগ করে, জীবন-
যুদ্ধে এরাই পদে-পদে পরাজিত হয়,—
এরা কল্পনার সাম্রাজ্য গঠন করতে পারে,
কিন্তু বাস্তবজগতে যথার্থ সংসারী হতে
পারে না। মোহনের অবস্থা দেখে
বাস্তবিকই আমার মনে অত্যন্ত আশঙ্কা
হোল। আমি তাড়াতাড়ি তাকে টেনে
নিয়ে গিয়ে ফের বিছানার উপরে জোর
করে শুইয়ে দিলাম। ভৎসনার স্বরে
বললাম, “মোহন, তুমি না পুরুষ!”

মোহন স্তানহাসি হেসে বললে, “পুরুষ

হোলে প্রাণ কি পাথর দিয়ে গড়তে
হয় ভাই?”

—“পুরুষ যখন সংসারে প্রভু হোতে
চায়, তখন তাকে সবল হোতে হবে, সঙ্গ
করতে হবে।”

—“আমি যে সহ করতে পারছি না
ভাই! যার সর্বস্ব গেল, তার সহ করবার
অবলম্বন কোথায়?”—বলতে-বলতে সে
আমার গলা-জড়িয়ে ধরে। বালকের মত
কাঁদতে লাগল!...

প্রেমের যখন মৃত্যু হয়—তখন আর
শবের সংকার হয় না—শব তখন বাড়ীর
ভিতরেই মরে পড়ে থাকে! হতভাগ্য
মোহনের এখন সেই অবস্থা হয়েছে,—
তার জীবন এখন মরণেরই নামান্তর।

মোহনের অবস্থা দেখে আমার বারংবার
মনে হোতে লাগল; না-জানি সরমা এখন
কি করছে! কে তাকে সাহায্য দেবে, সে
অভাগী যে একাকী!

মোহন আর আমি বাইরের ঘরে বসে
সুরেনের জন্তে অপেক্ষা করছিলাম। মোহন
ত কিছুতেই বাড়ীতে থাকতে রাজি নয়,
—বলে, তাকে ছেড়ে সরমা চলে যাবে,
এটা সে কিছুতেই সহিতে পারবে না।
অনেক কষ্টে বুঝিয়ে-সুঝিয়ে তবে তাকে
স্থির করেছি।

তাকে জিজ্ঞাসা করলাম, “স্বামীর কাছে
যাওয়া সন্দেহে সরমার কি মত তা
জানো?”

মোহন উদাসভাবে বললে, “সরমার
সঙ্গে এ ক-দিন আমার দেখা হয়-নি, আমি

দেখা করতে পারি-নি! তবে যমুনার মুখে
শুনলুম, স্বামীর কাছে সে যেতে চায়।”

আমি বললুম, “হ্যাঁ, এ ছাড়া আর
উপায়ও নেই। এ ব্যাপারের পর এখানে
থাকা তার পক্ষে অসম্ভব।”

কিন্তু কি ভয়ানক অবস্থা তার!
স্বামীকে সে ভালবাসে না, তার স্বামীও
তাকে ভালবাসে না। সে তার স্বামীর
কাছে যাচ্ছে কর্তব্যের জগ্ন; আর তার
স্বামী তাকে গ্রহণ করছে—খুব সম্ভব—
অর্থের জগ্ন! এ মিলন ত সুখের হবে
না! মোহনের চেয়ে সরমার অবস্থা চের-
বেশী শোচনীয়, এষে জীবন্তে সমাধি!
নিয়তির এ কঠোর বিধান কি-করে’ সে
সহ করবে!

এমনসময় একখানা গাড়ী সরমার
বাড়ীর সমুখে এসে দাঁড়াল। আমি তাঁড়া-
তাড়ি রাস্তায় বেরিয়ে পড়লুম। মোহন
কিন্তু নড়ল না, যেমন বসেছিল, তেমনি
অটল হয়ে বসে রইল।

গাড়ীর ভিতর থেকে যে লোকটি বাইরে
এল, তার বয়স ত্রিশ-বত্রিশ হবে। মাথায়
বাবরি-কাটা চুলের বাহার, চোখে নীল
রঙের চশমা, হাতে ছড়ী, কাপড়-চোপুড়
বেশ বাবুর্জানা আছে—চেহারাটি কালো
হলেও কুশ্লী নয়।

আমাকে দেখে সে জিজ্ঞাসা করলে,
“মশাই, এইটেই কি মুরারিবাবুর ‘বাড়ী’?”

—“আজ্ঞে হ্যাঁ। আপনি কাকে
খুঁজছেন?”

—“মুরারিবাবুকে।”

—“তিনি ত মারা গেছেন!”

মুরারিবাবু মারা গেছেন শুনে লোকটি
কিছুমাত্র বিস্মিত বা হুঃখিত হোল না, যেন
সে একথাটা শুনবে বলে আগে থাকতেই
প্রস্তুত ছিল। সে সুধু বললে “মারা
গেছেন বুঝি?”

—“আপনার নান সুরেনবাবু?”

সে আশ্চর্য্য হয়ে একবার আমার
আপাদমস্তক দেখে নিয়ে বললে, “বাঃ!
আমার নাম কি-করে জানলেন আপনি?”

—“আন্দাজে।”

—“এ ত ভারি সঠিক আন্দাজ!
আপনার নাম কি?”

আমি নাম বললুম।

—“হরেনবাবু, মুরারিবাবুর বাড়ীতে
এখন কে আছেন?”

—“তাঁর মেয়ে।”

—“একলা?”

“হ্যাঁ, একলা বটে, কিন্তু আমরাই
এখন তাঁকে দেখি-শুনি।”

—“আপনারা!”

—“আজ্ঞে হ্যাঁ, আমরা—অর্থাৎ আমি
আর আমার বন্ধু মোহন।”

“মোহন? যার সঙ্গে আমার স্ত্রীর
বিবাহের—” বলতে-বলতে সুরেন হঠাৎ থেমে
পড়ল।

—“সুরেনবাবু, আপনি ত দেখছি সমস্ত
খবরই রাখেন!”

সুরেন বাধো-বাধো গলায় বললে,
“আপনি নবীনবাবুকে চেনেন বোধ হয়?
তাঁর মুখেই আমি একথাটা শুনেছি।”

“নবীন? সে কি শান্তিপুরের সেই
জমিদার নবীন, যার সঙ্গে আমার—”

—“হ্যাঁ, যাঁর সঙ্গে আপনার কিছু গোলমাল হয়েছিল।”

—“আপনি তাকে চিনলেন কি-করে?”

—“আমার বিজ্ঞাপন দেখে তিনি দয়া করে আমাকে মুরারিবাবুর খোঁজ দিতে এসেছিলেন।”

—“বটে! এ বিবাহের কথা-পর্যন্ত যখন সে জানে, তখন নবীনচন্দ্র অহুগ্রহ করে এখনো আমাদের খবরাখবর নেন দেখছি! আর সুরেনবাবু, এটাও বড় আশ্চর্যের কথা যে, আপনি ত এত খবর রাখেন, অথচ মুরারিবাবুর মৃত্যুসংবাদ জানেন না!”

সুরেনের পাপী মন,—তাই ধরা পড়ে গেছে বুঝে সে চটেই লাগল! চড়া গলায় বিরক্ত হয়ে সে বললে, “মশাই, আপনার কাছে জবাবদিহি করতে আমি আসি-নি, আমি এসেছি আমার জ্বীকে নিতে!”

—“চলুন, আপনাকে আমি বাড়ীর ভিতরে নিয়ে যাচ্ছি।”

—“মাফ করবেন মশাই, আপনার কোন সাহায্যে আপাতত আমার দরকার নেই”—এই বলে সুরেন নিজেই সরমার বাড়ীর ভিতরে ঢুকতে গেল।

—“মাফ করবেন মশাই, আপনিই যে ষথার্থ সুরেনবাবু, সেটার প্রমাণ না পেলে আপনাকে আমি বাড়ীর ভিতরে ঢুকতে দিচ্ছি না”—এই বলে আমি তার পথ জুড়ে দাঁড়ালুম।

—“কী, আপনি আমার বাধা দিতে সাহস করেন!”

—“আপনি অকারণে রাগ করবেন না।

মুরারিবাবু যখন তাঁর কণ্ঠার ভার আমাদের উপরে দিয়ে গেছেন, তখন বুঝে দেখুন, এটা আমার কর্তব্য কি না!”

—“সরুন, সরুন বলছি!”

আমি অবহেলার হাসি হেসে অটল ভাবে বললুম, “মাফ করুন।”

সুরেন সবলে আমাকে ধাক্কা মেরে বললে, “আমাকে বাধা দেবার কোন অধিকার তোমার নেই।”

আমি শান্ত স্বরেই বললুম, “আমাকে ধাক্কা দেবার কোন অধিকার আপনার নেই।”

সুরেন মহা চটে আমাকে ঘৃষি মারবার জন্তে হাত তুললে—কিন্তু আমাকে স্পর্শ করবার আগেই আমি চট করে তার হাত-খানা ধরে ফেললুম।

সুরেন হাত-ছাড়িয়ে নেবার জন্তে বারকতক চেষ্টা করলে; কিন্তু অনেক ধ্বস্তাধ্বস্তিতেও না-পেরে শেষটা ক্লদ আক্রোশে ফুলতে-ফুলতে চোঁচিয়ে উঠল, “ছাড়ো হাত—নইলে—”

—“নইলে কি সুরেনবাবু? কাঁদবেন, না লোক ডাকবেন? দেখছেন ত, মুরারি-বাবু তাঁর কণ্ঠার ভার দুর্বল হস্তে সমর্পণ করে যান-নি! সুররাং এখানই বলপ্রকাশ বৃথা,”—এই বলে আমি তার হাত ছেড়ে দিলুম।

—“তাহলে, আপনি আমাকে এ বাড়ীতে ঢুকতে দেবেন না, কেমন?”

—“সুরেনবাবু, আপনি অবোধের মত কথা বলছেন কেন? আপনার জ্বীর কাঁছে আপনি যাবেন এতে আমার আপত্তি করবার

কি শক্তি আছে? আমি কেবল কর্তব্য-
বোধেই আমার সন্দেহভঞ্জন করতে চাই।”

—“কিন্তু আমি থাকতে পরপুরুষের
সম্মানে আমার স্ত্রীকে—”

—“চুপ, চুপ, অমন কথা সুখে আনবেন
না! আপনার স্ত্রী আমার সহোদরা ভগ্নীর
মত!”

এমনসময় সরমার ঝা বাড়ীর ভিতর
থেকে বেরিয়ে এসে বললে, “দিদিমণি
বললেন, জামাইবাবুকে ভিতরে যেতে!”

হঠাৎ উপরদিকে আমার দৃষ্টি গেল।
দেখি, বারান্দার এককোণে অত্যন্ত বিবর্ণ
ভাবহীন মুখে মলিনবসনা সরমা কাতর
চোখে আমাদের দিকে চেয়ে দাঁড়িয়ে
আছে।

আমি তখন মাথা হেঁট করে পথ
ছেড়ে সরে এলুম;—সুরেন গর্ষিত হাসি
হাসতে-হাসতে বাড়ীর ভিতরে গিয়ে, আমার
মুখের উপরে সশব্দে এসে দরজাটা বন্ধ
করে দিলে।

সুরেন বুঝতে পেরেছে যে আমি তার
কপটতা ও মিথ্যাকথা ধরে ফেলেছি।
পাছে সরমার কাছে গিয়ে সমস্ত প্রকাশ
করে দি, সেই ভয়েই তার আগে আমাকে
বাড়ীর ভিতরে ঢুকতে দিতে তার অত
আপত্তি! সরমা যদি জানতে পারে, তার
অর্থের উপরেই সুরেনের দৃষ্টি, তাহলে
স্বামীর সঙ্গে যেতে সে নারাজ হতে পারে,
সুরেনের এও একটা মস্ত ভয়।

কিন্তু সরমার ভবিষ্যৎ ভেবে আমার
মনে আশঙ্কা হচ্ছে! সরমার সঙ্গে মোহনের
বিবাহের কথাটাও সুরেন টের পেয়েছে!

একে সে সরমাকে প্রীতির চোখে দেখে
না, তার উপরে এই ব্যাপার! সরমা
কি অবস্থায় পড়ে’ যে এই বিবাহে রাজি
হয়েছিল সুরেন ত তা ভেবে দেখবে না।
এই ব্যাপার উপলক্ষ্য করে সরমাকে বাক্য-
ষড়্গা ত সহ করতে হবেই,—তাছাড়া
‘আরো কত লাঞ্ছনাই যে তাকে সহিতে
হবে, তা শুধু ভগবানই জানেন! তার
কপালে অনেক দুঃখ আছে, এ দুঃখ আর
কেউ ঘুচাতে পারবে না। ঘটনা-চক্রের
এ কী পরিঘর্টন,—দুটি তরুণ প্রাণের সকল
পুলক-হাসির উপরে অশ্রু-সমাধি গড়ে
ভবিতব্যতা আজ যে মূর্তিতে তার স্মুখে
এসে দাঁড়িয়েছে, তা কি ভীষণ কি নিশ্চয়
কি কঠোর!...সরমা এ জীবনে আর কি
কখনো সুখের মুখ দেখবে?

ভারাক্রান্ত মনে ঘরের এককোণে
বসে-বসে এই-সব কথা ভাবছি অল্প ভাবছি।
মোহন জানলার কাছে টেবিলের সামনে
খুক মূর্তির মত যেমন বসেছিল এখনো
ঠিক তেমনিই বসে আছে! কী যে ভাবছে,
সেই জানে!

হঠাৎ রাস্তার গাড়ীর শব্দ হোল।
মোহনও চমকে উঠে মুখ তুলে রাস্তার
দিকে চাইলে, আমিও দাঁড়িয়ে উঠে
তাড়াতাড়ি জানলার কাছে এগিয়ে গেলুম।

সরমার গাড়ী! মোহনদের বাড়ী ছেড়ে
সে চলে যাচ্ছে—বুঝি জন্মের মত! মোহনের
তখনকার চোখের ভাব যে দেখেছে জীবনে
আর-কখনো তা ভুলতে পারবে না!

সরমা, গাড়ীর একটা খোলা জানলার
কাছে বসে আছে।

মোহনও তাকে দেখতে পেলে, সরমার করুণ নয়নও মোহনকে দেখে যেন উজ্জ্বল হয়ে উঠল। তারপর, দুজনেই দুজনের দিকে তাকিয়ে রইল,—নিষ্পলক নেত্রে, নিষ্পন্দভাবে, নিস্তব্ধ হয়ে! তাদের ভিতরকার প্রাণ তখন যেন নয়ন দিয়ে জোর করে বেরিয়ে আসতে চাইছিল।

গাড়ী ক্রমেই দূরে, দূরে—আরো দূরে চলে যাচ্ছে।

মোহন আবেগভরে দাঁড়িয়ে উঠল।

তারপর, সামনের দিকে ষতটা পারে ঝুঁকে পড়ল!

গাড়ীখানা রাস্তার মোড়ের কাছে হঠাৎ অদৃশ্য হয়ে গেল।

মোহন . শূণ্যপথের দিকে উদাসচোখে চেয়ে অনেকক্ষণ দাঁড়িয়ে রইল। তারপর, একটা দীর্ঘশ্বাস ফেলে, হঠাৎ টেবিলের উপর ঘুরে পড়ে গেল।

তাড়াতাড়ি ভার কাছে গিয়ে দেখলুম, সে অজ্ঞান হয়ে গেছে! ক্রমশ

শ্রীহেমেন্দ্রকুমার রায়।

ভারতবাসী ও ভারতীয় ইংরেজ

(সমসাময়িক ভারতের নৈতিক সত্যতা)

যে সকল সাধারণ কারণে ভারতবাসী ও ইংরেজ—এই দুই জাতির পরস্পরের মধ্যে আত্মীয়তা স্থাপনে বাধা হয়, সেই সকল সাধারণ কারণ ছাড়া আর কতকগুলি বিশেষ-কারণের উল্লেখ করা যাইতে পারে।

ভারতবাসীর আচার-ব্যবহার! ভারতবাসীর নিকট বিদেশী মাত্রই ম্লেচ্ছ। যে সকল জিনিস বিদেশীরা স্পর্শ করে, তাহা কলুষিত হয়। উচ্চবর্ণের সিপাহীরা, ইংরেজ সেনানায়কের ছায়া-স্পৃষ্ট হওয়া দূরে নিক্ষেপ করে। যে সকল যুরোপীয়, ভারতবাসীর অধিকার-সমর্থনে, ভারতবাসীর সাহায্যার্থে, সমস্ত জীবন উৎসর্গ করিয়াছেন, তাঁহাদের সহিতও ভারতবাসীরা কখনই

খোলাখুলিভাবে ব্যবহার করে না। মাদ্রাজের হিন্দুরা, আসনাল কংগ্রেসের প্রতিষ্ঠাতা Hume সাহেবের সহিত একত্র আহার করিতে সম্মত হইবে,—ইহা একটা অশ্রুতপূর্ব সাহসের দৃষ্টান্ত বলিয়া বিবেচিত হইয়া থাকে; যদিও Hume একজন নিরামিষাশী, প্রায় হিন্দুধর্ম অবলম্বন করিয়াছেন বলিলেও চলে। ইংরেজ মহিলাদিগকে তেমন স্বেচ্ছাপূর্বক অন্তঃপুরে প্রবেশ করিতে দেওয়া হয় না এবং “আমীরা”র গ্রাম উচ্চবর্ণের ভারতবাসিনীরা, তাঁহাদিগের সহিত “মেম-লোকের” মতো ব্যবহার করে।

* * *

পক্ষান্তরে ইংরেজের স্বভাব। প্রাচ্যেরা যেমন বাচাল, ইংরেজরা তেমনি নীরব; প্রাচ্যেরা যেমন স্ননম্য ও ভদ্র, ইংরেজরা তেমনি রুঢ়; প্রাচ্যদিগের কল্পনাবৃত্তি ও অলস বাগ্মিতা যেরূপ প্রবল, ইংরেজের তেমনি খটখটে তথ্যপ্রবণ প্রকৃতি। Cotton সাহেব তাঁর “জাত-ভাই”দিগের চরিত্র-সম্বন্ধে এইরূপ অভিপ্রায় প্রকাশ করিয়াছেন :—

“প্রগাঢ় আত্মসন্তোষ—ইহাই অ্যাংলো-সেক্সন চরিত্রের একটা বিশেষত্ব : ইংরেজ-চরিত্রের এই লক্ষণটা ইংলণ্ডে স্পষ্ট লক্ষিত হয়; কুশিক্ষাপ্রাপ্ত যে সকল ইংরেজ যুরোপ-মহাদেশে ভ্রমণ করে তাহারা ইহারই নিমিত্ত সেখানে অপ্রীতিভাজন হইয়া পড়ে, এবং এই আত্মাভিমান ভারতে গিয়া শীঘ্রই বিকট আকার ধারণ করে। যে সকল উচ্চপদস্থ কর্মচারী ভারতে কাজ করে, তাহারাও এই মানবীয় দুর্বলতা হুঁতে অব্যাহতি পায় না, তাহাদের এই দুর্বলতা অধীনলোকের তোষামোদ ও দাসত্বে আরও বৃদ্ধি পায়। আমাদের প্রাচ্য প্রজাগণ তাহাদের এই দুর্বলতা বৃদ্ধিতে পারিয়া প্রাচ্য প্রথা অনুসারে, উপর-ওয়াল প্রভুর প্রতি অতীব নীচ ধরণের স্তুতিবাদ করে! ইংরেজ কর্মচারীরা এইরূপ আচরণের প্রতি বাহত অবজ্ঞা প্রদর্শন করিলেও, ভিতরে ভিতরে তুষ্ট হন, এবং এইরূপ আচরণের একটু ব্যত্যয় দেখিলেই তাঁহাদের মেজাজ বিগড়াইয়া যায়।

কোন সিপাই যুক্তিসঙ্গত কারণে কথার অবাধ্য হইলে, কোন ইংরেজ রাজপুরুষ তাহাকে হয়তো চাবকাইয়া দিবেন; কোন রাজপুরুষ পুলিশের লোককে প্রহার করিবেন; আবার, রাস্তায় কোন দেশীয় সম্মানার্থে অস্বাক্ষরিত জমিদার উচ্চপদস্থ কর্মচারীকে দেখিয়া অশ্ব হইতে অবতরণ করিয়া যথোচিত সম্মান প্রদর্শন না করিলে সেই রাজপুরুষ তাঁহার প্রতি যার-পর-নাই অসৎ ব্যবহার করিবেন (১)।

ভারতবাসীর শুভাকাঙ্ক্ষী হইয়াও ইংরেজ স্বীয় ঔদ্ধত্য বজায় রাখেন, এবং ভারতবাসীকে পোষণ করিতে ইচ্ছুক হইয়া তাহাকে ক্ষুণ্ণ করেন।

মালাবারী বলেন :—

“কি ইংলণ্ডে, কি ভারতবর্ষে, ইংরেজ ও ভারতবাসীর মধ্যে কিরূপ সম্বন্ধ থাকা উচিত, সেই বিষয়ের আমি উল্লেখ করিতেছি। এই সম্বন্ধ যে বন্ধুত্বের সম্বন্ধ হইয়া উচিত সে বিষয়ে আমরা সকলেই এক-মত। এই অবস্থাটা যাহাতে ঘটিয়া উঠে তজ্জন্ত ভারতবাসীর সহিত রেযারেষি করিয়া ইংরেজরা পুনঃপুনঃ এই কথা বলিয়া থাকেন। কি সরকারী কি বে-সরকারী অধিকাংশ ইংরেজই দেশীয় লোকের আশা-আকাঙ্ক্ষার সহিত যে সহানুভূতি করেন সে বিষয়ে আমার কিছুমাত্র সন্দেহ নাই; কিন্তু এই সদাশয় বন্ধুদের মধ্যে কতকগুলি লোক যে বন্ধুত্বের একটু বেশী বাড়াবাড়ি করেন (আমরা এশিয়াবাসী যে-বন্ধুত্ব অনুভব

করি সেই প্রকৃত বন্ধুত্ব তাঁহাদের নিকট আশা করাটা দূরাশা) সে বিষয়েও আমি সুনিশ্চিত। কেননা, আমার মনে হয়—যে-ইংরেজ সর্বদাই আমাদের নিন্দা করেন, দোষানুসন্ধান করেন, তিনি যেমন অনিষ্ট করেন; যে-ইংরেজ আমাদের উপর মুক্বিব-য়ানা করেন, তিনিও তেমনি অনিষ্ট করেন। কথাটা শুনিতে একটু অদ্ভুত হইলেও আমার মনে হয়, আমাদের হিত-চিন্তা কম করাও যেমন খারাপ, বেশী করাও আমাদের পক্ষে তেমনি খারাপ। আমরা যদি বাস্তবিকই যোগ্য হই, আমাদের সহিত ঠিক সমকক্ষভাবে ব্যবহার করা উচিত। আমাদের যাহা প্রাপ্য তাহা অপেক্ষা তোমরা আমাদেরকে বেশী কিছুই দিও না;—তা, সে কথাতেই হোক বা অন্য প্রকারেই হোক। স্কুলে, কলেজে, সরকারি কার্যক্ষেত্রে, তোমাদের সহিত প্রতিযোগিতা করিয়া, যুঝাযুঝি করিয়া, আমাদের অধিকার আমরা অর্জন করিব। আমরা চাই সমান বিচার—তা-ছাড়া বেশী কিছু নয়।”

এক্ষণে, ভারতীয় সমাজের বিভিন্ন শ্রেণী সম্বন্ধে আলোচনা করা যাক।

হাজার হাজার বৎসর হইতে দশসত্ত্ব-শৃঙ্খলে বদ্ধ, দরিদ্র, নিরীহ, উদাসীন ভারতের চাষা, যেমন অল্প সমস্ত বৈদেশিকদিগের শাসন সহ্য করিয়া আসিয়াছে, ইংরেজের শাসন তেমনি সহ্য করিতেছে; বরং আরো সহজে সহ্য করিতেছে। চাষার অবস্থা পূর্বাপেক্ষা অনেকটা ভাল। সর্বত্রই সুশৃঙ্খলা, শান্তি, শ্রায়বিচার; কোন ধর্মঘটিত উৎপীড়ন নাই। আইনের বলে তাহার ভূমির স্বত্বাধিকারী

হইয়াছে এবং খাজনার হার পূর্বাপেক্ষা কম। তা ছাড়া, অধিকাংশ রায়ৎ ইংরেজ-দিগকে কদাচিত্ দেখিতে পায়। ভারতের প্রায় ত্রিশকোটি লোকের মধ্যে, কেবল ১৬৮,০০০ যুরোপীয়; তন্মধ্যে ৬৪০০০ সৈনিক। একলক্ষ ও কয়েক সহস্র অ-সৈনিক যুরোপীয়দিগের মধ্যে তিন-চতুর্থ ভাগ সহরে বাস করে। অল্প যুরোপীয়গণ সরকারী কর্মচারী বা ভূম্যধিকারী। ইংরেজ কর্মচারী-গণ, বড় বড় পদ অধিকার করেন; অথবা তাঁহারা কতকগুলি বিশেষ কাজের ভার প্রাপ্ত হন,—যথা টেলিগ্রাফ, পূর্তকর্ম, ট্যাটিস্টিক্‌স্ ইত্যাদি। যুরোপীয়দের মধ্যে ভূম্যধিকারী খুবই কম; কাহারও কাহারও চার ক্ষেত আছে; তাঁহাদের কুলিরা হিমালয়ের অর্ধসভ্য জাতিদিগের অন্তর্ভুক্ত; কেহ কেহ নীলের, কেহ কেহ পাটের, কেহ কেহ আফিমের চাষ করেন। তাঁহাদের মধ্যে প্রায় সকলেই বঙ্গদেশে বাস করেন। এই একমাত্র প্রদেশ যেখানে ইংরেজ ও রায়তের মধ্যে বিরোধ ঘটিয়া থাকে। মাদ্রাজ প্রেসিডেন্সীতে ও গুজরাটে ইংরেজ ভূম্যধিকারীর সংখ্যা খুবই কম, ভারতের অবশিষ্ট স্থানে ইংরেজ ভূম্যধিকারী একেবারেই নাই। ইংরেজ ভূম্যধিকারী, অধিক লাভের আশায় দেশীয় লোকের প্রতি কঠোর, এমন-কি অতিশয় নিষ্ঠুর ব্যবহার করিয়া থাকেন; কিন্তু অপেক্ষাকৃত দরিদ্র ভারতীয় জমিদার আরো-বেশী লুন্ড, এবং তাঁহার বাহ্য ব্যবহার মিঠা হইলেও, নীচ জাতের প্রতি তাঁহার অবজ্ঞা অত্যন্ত বেশী, উৎপীড়নও খুব কঠোর।

খুব সাধারণভাবে এই কথা বলা যাইতে পারে যে, ইংরেজের শাসন-সম্বন্ধে রায়ৎরা উদাসীন। এই শাসনের ফলে, ব্রিটিশ-রাজ্য ছাড়িয়া রায়তেরা দলে-দলে দেশীয় রাজার রাজ্যে গমন করে না; দেশীয় রাজার রাজ্য হইতেও ব্রিটিশরাজ্যে আসে না!

* *
*

ইহার বিপরীতে, বড় বড় সহরে, ইংরেজ ও ভারতবাসীর মধ্যে যে সম্বন্ধ তাহা অনিশ্চিত ও পরিবর্তনশীল।

ভারতের সাধারণ লেখক ইংরেজকে যেরূপ ভয় ও সম্মানের চক্ষে দেখে, বিস্ময় ও ভক্তির চক্ষে দেখে, Kipling তাহার বেশ বর্ণনা করিয়াছেন।

কৃষ্ণ 'ইমান-দিন' তাহার ছোট ছেলে-মহম্মদ-দিনের জন্ম একটা পোলো-খেলিবার গোলা ইংরেজ-মনিবের নিকট চাহিতেছে (২) :—

“ধর্ম্মাবতারের কি এই গোলায় আর কোন দরকার আছে? হজুরের হুকুম হয় তো এই গোলাটা আমার ছোট ছেলেকে দিই, গোলাটা দেখে তার বড় খেলতে ইচ্ছে হয়েছে।”

Kipling বলেন,—“তার পর দিন, নিত্যনিয়মিত আমি যে সময়ে আফিস হইতে ফিরি, তাহার আধঘণ্টা পূর্বে আমি আফিস হইতে ফিরিয়া, খানা-কামরায় প্রবেশ করিয়া দেখি, একটি ছোট শিশু—বেশ গোলগাল, একটা খাটো কামিজ পরিয়া আছে, তাহাতে

তাহার মোটা পেটের অর্ধেকটি মাত্র ঢাকিয়াছে...আমি প্রবেশ করিবামাত্র, সে চোখ মেলিয়া হাঁ করিয়া বসিয়া পড়িল। আমি বুঝিলাম সে আমার জন্ম অপেক্ষা করিতেছিল। আমি সেখান হইতে পলাইলাম,—একটা কান্নার চীৎকার আমার অনুসরণ করিতে লাগিল দশ সেকেন্ডের মধ্যে ইমান-দিন, খানার কামরায় আসিয়া উপস্থিত হইল। ফুঁপাইয়া ফুঁপাইয়া কান্না। আমি ফিরিয়া আসিলাম। ছেলেটা কামিজটাকে রুমালের মত ব্যবহার করিতেছে দেখিয়া ইমান-দিন ছেলেকে ধম্কাইতে লাগিল :—“ছেলেটা বড় বদমাশ ও শেষে দেখছি জেলে যাবে।”

“তোমার ছেলেকে বল, সাহেবের রাগ হয়-নি,—তাকে নিয়ে এসো!”

ইমান বলিল :—“ওর নাম মহম্মদ-দিন, ও বড় বদমাশ।”

আপনার বেকার অবস্থা অনুভব করিয়া ছেলেটা বাপের কোলে আবার ফিরিয়া আসিল এবং নির্ভীকভাবে বলিল : “সত্যি সাহেব, আমার নাম মহম্মদ দিন। কিন্তু আমি বদমাশ নই; আমি একজন মানুষ।”

“গুজরাট ও গুজরাটী’ নামক গ্রন্থে একটা মজার দৃশ্য বর্ণিত হইয়াছে।

একদিন সায়াছে, আয়ারলণ্ডদেশীয় এক সৈনিক, মাতাল হইয়া বোম্বায়ের এক নাপিতকে নির্ভুরভাবে প্রহার করে!

হিন্দু নাপিত মনে মনে ভাবিল,—
নালিস করব? নালিস করে’ কি হবে?

(২) “The Story of Muhammad Din”,—Plain Tales from the Hills.

নাপিতকে মারবার অধিকার গোরা-সেপায়ের নিশ্চয়ই আছে।

সে তাহার খাণ্ডার কাছে গিয়া সমস্ত ব্যাপারটা খুলিয়া বলিল; আর তাহাকে এইরূপ অমুরোধ করিল :—“গোরা-সেপাই তোমার উপর মারপিঠ করেছে, এই বলে তার নামে তুমি নালিস কর।” বৃদ্ধা সন্তুষ্ট হইল : আমূলসংস্কারপন্থী জলন্ত উৎসাহী একজন উকীল, বিদেশী উৎপীড়কদিগের রীতি-নীতি সম্বন্ধে খুব একচোট শুনাইয়া দিবার সুযোগ পাইল। আর যিনি বিচারক, তিনিও হিন্দু—তিনি তো ভয়েই সারা; তিনি যদি একটুও ভুলচুক করেন তাহা হইলে সমস্ত ইংরেজ সংবাদপত্র তাঁহাকে নির্দয়ভাবে আক্রমণ করিবে।

আদালতে এইরূপ বিচার চলিতেছে :—

ম্যাজিষ্ট্রেট্। (নাপিতের খাণ্ডার প্রতি) এখানে দাঁড়া, মাগি। সাহেব কি তোর উপর মারপিঠ করেছিল ?

রমণী। (আমতা আমতা করিয়া)
আপনি আমার মা-বাপ।

ম্যাজিষ্ট্রেট্। বেত্ খাবি যদি আমার কথার সোজা জবাব না দিস্। সাহেব তোকে মেরেছিল ?

রমণী। আমি গরীব বিধবা; আমার স্বামী আপনার ক্ষোরী করিত, মা-বাপ।

ম্যাজিষ্ট্রেট্। (রাগিয়া) পাহারাওয়ালার ইধার আও। এখন আমার কথার জবাব দিবি কি না বল্। এই গোরা কি তোকে মেরেছিল ?

রমণী। মা-বাপ, আমার জামাইকে মারাও যা, আমাকে মারাও তা। একই

কথা। (উকীল মাথা হেঁট করিয়া রহিয়াছে; নাপিত খাণ্ডার দিকে কটমট্ করিয়া তাকাইতেছে, ম্যাজিষ্ট্রেট্ হাসিতেছে, গোরা-সৈনিকের মুখেও ঈষৎ হাসির রেখা ফুটিয়া উঠিয়াছে) সমস্ত সহর একথা জানে।

ম্যাজিষ্ট্রেট্। কোন্ কথা জানে ?

রমণী। আমি ভালো স্ত্রীলোক এই কথা।

ম্যাজিষ্ট্রেট্। কিন্তু ও কথা আমি জিজ্ঞাসা করি নি।

রমণী। আমার লক্ষ্মীর বাবা হজুরের ক্ষোরী করত—এই কথা।

ম্যাজিষ্ট্রেট্। (তিতি-বিরক্ত হইয়া উকীলের দিকে ফিরিয়া) দেখুন মিষ্টার রামরাশ, প্রতিবাদী আর কাউকে প্রহার করে থাকবে।

উকীল। (এই কথার সূত্র ধরিয়া গোরার প্রতি) এই নাপিত ভদ্রলোকটির উপর তুমি কি মারপিঠ করেছিলে ?

গোরা। তুমিই বুলো-না যাছ !

উকীল। কথাগুলো একটু ওজন করে বোলো।

গোরা। আমি কথা ওজন করব কি-করে ?

উকীল। তুমি আমার সঙ্গে কথা-কাটা-কাটি করবার জন্ত এখানে এসেছ ?

গোরা। তাই কি আপনি মনে করেন ?

উকীল। (খুব রাগিয়া) Hold out your tongue, sir—(“hold your tongue” না বলিয়া)।

এই সুযোগ পাইয়া, গোরা সৈনিক খুব গম্ভীরভাবে ধারণ করিয়া, তাহার জিব্ব বাহির করিল—(একটা বড় লাল লড়বড়ে

জিনিন্স মুখ হইতে ঝুলিয়া পড়িল)। দর্শকেরা খুব হাসিতে লাগিল। উকীল হতবুদ্ধি হইয়া পড়িল। নাপিত, কুপা ও অবজ্ঞার ভাবে উকীলের দিকে তাকাইল। ম্যাজিস্ট্রেট হাসিয়া খুন। আপন মুখের ভিতর রেশমী কুমাল গুঁজিয়া দেওয়ার দম্ আটকাইবার যোগাড় হইল।

মোকদ্দামা ডিস্‌মিস্ হইল। (Malabari, "Gujarat and the Gujaratis"—Scenes in a Mofussil Magistrate's Court).

"Indian Mirror" নামক এক হিন্দু সংবাদপত্রে, ইংরেজের সম্বন্ধে লোকের মনোভাব বেশ বিবৃত হইয়াছে :—

“সাধারণতঃ শাসয়িত্বজাতির উপর দেশীয় লোকের একটা বিদ্বেষ আছে বলিয়া দেশীয় লোকের প্রতি যে দোষারোপ করা হয়, তাহা সত্য ও ঞায়সঙ্গত হইলেও, ইংরেজ ব্যক্তিবিশেষের প্রতি দেশীয় ব্যক্তিবিশেষের আসক্তি ও অনুরাগ দেশীয় চরিত্রের একটা সুস্পষ্ট লক্ষণ। ভারতের যে-কোন অংশেই ভ্রমণ কর না কেন, এমন একটি স্থানও দেখিতে পাইবে না যেখানে, ভালোই হোক মন্দই হোক, ইংরেজের হাতের ছাপ স্পষ্ট না দেখা যায়। যেমন একদিকে খারাপ ও প্রজাপীড়ক ইংরেজের নাম লোকেরা প্রায় বিন্মৃত হইয়াছে, তেমনি আর এক দিকে ভালো ও উদারস্বভাব ইংরেজের নাম বংশপরম্পরাক্রমে লোকের স্মৃতিপটে তাজাভাবে সুরক্ষিত হইয়াছে;—ইহা দেশীয় লোকের চরিত্রগত ক্রমা ও কৃতজ্ঞতার

সাক্ষ্য দেয়। কাহারো প্রতি তীব্র বিদ্বেষ পোষণ করা দেশীয় লোকের স্বভাবই নহে! দেশীয় লোকের হৃদয় স্বভাবত দয়ালু; শাসয়িত্বজাতিভুক্ত কোন লোক এই দয়ার পাত্র হইলে, এই দয়ার মাত্রাটা বরং আরও বৃদ্ধি পায়। তাঁহাদের নিকট সব সময়ে যে আমরা প্রতিদানের প্রত্যাশা করি তাহা নহে, আমরা পতিত প্রজার জাতি, আমরা কত বিষয়ে তাঁহাদিগের নিকট ঋণী,—এই মনোভাব হইতেই আমরা তাঁহাদের উপকার করিবার জ্ঞ সযুৎসুক হই। তাঁরা যদি আমাদের অমিশ্র ভাল করিতেন, অর্থাৎ ভালোর সহিত কিছু কিছু মন্দ না করিতেন, তাহা হইলে হয়ত আমরা তাঁহাদিগকে দেবতা বলিয়া পূজা করিতে বসিতাম;—যাঁহারা আমাদের উপকার করিয়াছেন কিংবা উপকার করিতে ইচ্ছা করিয়াছেন তাঁহাদের প্রতি আমাদের এমনই জলন্ত অনুরাগ।

ইংরেজ বলিয়াই আমরা ইংরেজের বিদ্বেষী, একথা নিতান্ত অমূলক। একথা খুবই সত্য, যেসকল ইউরোপীয়, দেশীয় লোকদিগকে অবজ্ঞা করিবার, গালি দিবার, অবনত করিবার কোন সুযোগই ছাড়ে না, তাহাদিগকে দেশীয় লোকেরা বিদ্বেষ করে। কিন্তু এ কথাও খুব ঠিক যে, পাশ্চাত্য জাতির অন্তর্ভূত যেসকল লোক দেশীয় লোকের ভাল করে কিম্বা ভাল করিতে ইচ্ছা করে, তাঁহাদের প্রতি দেশীয় লোকের শ্রদ্ধা ও অনুরাগ অপরিমিত।” (New India” গ্রন্থে উদ্ধৃত)

শ্রীজ্যোতিরিন্দ্রনাথ ঠাকুর।

বাড়

(গল্প)

আমার বেশ মনে পড়ে, সে-ও এমনি
ঝড়ের রাত—চারিধারে বাতাসের এমনি
গর্জন, আকাশে মেঘের এমনি ছুটোছুটি!
পনেরো বছরের কথা,—তবু মনে হয়, যেন
সে কালকের ঘটনা! সেই রাতটিকে যদি
আজ আমার সর্বস্ব দিয়েও ফেরাতে
পারতুম!

বাবা আমার মস্ত জমিদার। মানসম্মত,
আদব-কায়দার দিকে পুরোদস্তুর তাঁর টান
ছিল—আমি তাঁর একটিমাত্র মেয়ে। সকলে
বলত, হাঁ, বাপ্কা বেটী! মা বলতেন,
বাবার অহঙ্কারটুকুও কি পূর্ণমাত্রায় পেতে
হয়! মেয়েমানুষের পক্ষে ও জিনিষটা যে
ভারী সর্বনেশে!

তখন বুঝিনি, আজ বুঝছি, আমার
স্নেহময়ী মার সে কথাটুকু কত খাঁটি!
মাগো, চিরদিন নিজেকে সবার আড়ালে
সবার পিছনে রেখে সকলকে ভূঁপ্তি দিয়ে
কেন অত তাড়াতাড়ি তুমি চলে গেলে!
কেন মা, তোমার এই দুর্দান্ত মেয়েটিকে
তার সব অহঙ্কার সব গর্ব চূর্ণ করবার মন্ত্র-
টুকু যাবার বেলায় শিথিয়ে দিয়ে গেলে
না? তাহলে তাকে যে আজ বুকের মধ্যে
এমন বেদনা নিয়ে—

সেই কথাই বলতে বসেছি। কোন-
খানে এতটুকু গোপনতা রাখব না!
মানুষের কাছে আমি ত বিচার চাইতে
আসিনি—এ যে আমার নিজের সঙ্গে বোঝা-

পড়া! রাখা-ঢাকার ফাঁকি ত আর নিজের
মনের সঙ্গে চলে না।

আমার বয়স তখন দশ বৎসর—আমার
লক্ষ্মী মা হঠাৎ একদিন বাড়ীটার কান্নার
রোল তুলে বিদায় নিলেন। বাবা
ছিলেন পুরুষ—তিনি সংসারী জীবের এই
মৃত্যুকে চিরস্তন সত্য জেনে মিথ্যা শোকের
ধোঁয়ায় নিজেকে আচ্ছন্ন করে ফেললেন
না। তিনি তাঁর জমিদারীর কাজ-কর্ম—
পথ-ঘাট তৈরী, খাজনা-আদায়, বাকী
বকেয়া উসুলের দরুণ বেয়াদব প্রজাকে
শাস্তি-করণ প্রভৃতি—বেশ যথানিয়মেই
করতে লাগলেন।

দেখে সকলে বললে, মার মৃত্যুর পূর্বে
যেমন, পরেও তেমনি তাঁর কাজ-কর্মের
ধারাটি বেশ অবিচ্ছিন্নভাবেই বয়ে চলেছে।
আচার-ব্যবহার বা ভাব-ভঙ্গীতে কোথাও
এমন একটু ফাঁক দেখা গেল না, যা থেকে
বাহিরের লোকে কোনরকম বিচ্ছেদ বা
অমঙ্গলের আভাষ পেতে পারে! বাড়ীর
গুরু-পুরোহিত শাস্ত্র আওড়ে মাথা নেড়ে
বলেছিলেন, এই ত স্থিরধী মূনির লক্ষণ!
আর একদল লোক আড়ালে বলাবলি
করেছিল, মানুষটাকে কি ভগবান এক
ফোঁটা প্রাণও দেন-নি! এ কথাটা খুব
অক্ষুটে অস্পষ্ট ভাষায় উচ্চারিত হলেও
আমার কাণে পৌঁছুতে কিছুমাত্র বাধা পায়
নি।

এমন বাপের মেয়ে আমি—মা-মরা
মেয়ে! বোধ হয়, নিজের সম্বন্ধে এর
বেশী আর কোন কথা না বললেও চলে!

লেখাপড়া গান-বাজনা—এই সব নিয়ে
বেশ একটা স্বপ্নের রাজ্য গড়ে তুলেছিলুম।
বাহিরে বিশ্বের পানে চেয়ে দেখবার অবসর
ছিল না। কিন্তু হঠাৎ পাঁচজনে এই স্বপ্নের
রাজ্যে একটা খবর নিয়ে এল যে বয়স
অষ্টাব্দের পনেরো পার হতে চলেছে! বাড়ীতে
এক বিধবা পিসি ছিলেন; তিনি বাবাকে
শুন্নিয়ে বললেন, এ বয়সে হিন্দুর ঘরের
মেয়েকে আইবুড়ো রাখা কিছুতেই চলে না!
ইহলোকে লোকলজ্জা ত আছেই তা ছাড়া
পরলোকেও নাকি বিস্তর লাঞ্ছনা জমা
হচ্ছে!

বাবা হেসে বললেন, নীরু এখনও
ছেলেমানুষ। ওর যখন জমিদারী চালাবার
মত বুদ্ধি হবে, তখন ওর বিয়ে দেব!

পিসি বললেন, শোনো কথা! মেয়ে
মানুষ আবার জমিদারী চালাবে কি রকম?
তার চেয়ে নয় তোমাদের ঐ লেখাপড়া
জানা শাস্ত্র শিষ্ট সূন্দর একটি ছেলে দেখেই
বিয়ে দাও; সেও তোমার বংশে তোমারই
ঘরে থাকবে—জমিদারীও বজায় রাখবে!

বাবা বললেন, বেশী-নিরীহ লোক নীরুর
সঙ্গে খাপ খেয়ে চলতে পারবে না।

পিসি বললেন, তা ঠিক! যে ধিন্দি
মেয়ে!

পিসির মুখ গম্ভীর হল—বাবা চুপ
করলেন, আমিও পাশের ঘসে বসে স্বস্তির
নিশ্বাস ফেলে বাঁচলুম!

বিয়ে!

এক-গা গহনা পরে আধ হাত ঘোমটা
টেনে মুখ ঢেকে মাটির পুতুলের মত জড়-
ভরতটি হয়ে ঘরের কোণে বসে থাকা ত!
পরের ইসারায় নড়া-চড়া খাওয়া-বসার শোয়া-
দাঁড়ানো—সুখে হাসতে পাব না, দুঃখে বুক
ভেঙ্গে গেলেও একফোঁটা চোখের জল
ফেলবার অধিকার নেই—এই ত বাঙালীর
বোয়ের সুখের ছবি! কাজ নেই আমার
অমন সোনার চাঁদ বরের আদরে ডুবে
সংসার করা! যেমন আছি, আমি যেন
এমনিই থাকি—এই গান-গল্প, খেলা-ধুলো,
হাসিখুসি নিয়ে! কোন নতুন লোকের নতুন
সঙ্গ-সুখের স্বাদ আমি চাই না!

মনের যখন এমনি অবস্থা, তখন এক
দিন বাবা বললেন, চ' নীরু একবার পশ্চিম
ঘুরে আসি।

আমি বললুম, চল।

দিল্লী, আগ্রা, লঙ্কৌ, প্রয়াগ, নানাম্
দেশ ঘুরে আমরা একদিন এসে কাশীতে
আস্তানা পাতলুম। অীর্থ বলে যে কাশীর
উপর টান পড়ল, সে কথা বললে মিথ্যা
বলা হবে। জানিনা, বাবা কোনদিন
বিশ্বনাথ-দর্শনে গেছিলেন কি না—তবে
আমি গেছলুম—কিন্তু সে একদিন। দেব-
তাকে প্রণাম করতে যাব বলে যাইনি—
এ কথা স্পষ্টই স্বীকার করি। এতে যদি
কেউ নাস্তিক বলে ঘৃণায় নাক সিঁটকে মুখ
ফেরান, তাহলে নিরুপায়। আমি কিন্তু সত্য
কথা বলছি। আর বলেছি ত, কারো
সিঁচারের প্রত্যাশী হয়ে আমি নিজের ঐ

কাহিনী আজ বলতে বসিনি। আমি গেছলুম, মন্দির দেখতে—শুধু সেই প্রাচীনতার কথা শুনে, তা দেখবার কৌতূহল নিয়ে।

এবং এই যে কাশীতে আটকে পড়লুম—সে পরকালে স্বর্গ বা শিবত্ব-প্রাপ্তির লোভে নয়। বাবার এক বন্ধু জুটে গেলেন; ছেলে-পুল্লার কবে নাকি দু'জনে একসঙ্গে কলকাতার কোন্ স্থলে পড়েছিলেন—ভাব ছিল—আজ প্রায় চল্লিশ বছর পূর্বে দু'জনে এই কাশীতে দেখা। তাঁরই বন্ধুত্বের খাতিরে পড়ে বাবা বললেন, নীরু যা, এখানে আয়, কিছুদিন থেকে যাই।

ঘুরে ঘুরে আমিও একটু শান্ত হয়েছিলুম, বললুম, বেশ!

বাবার সে বন্ধুটির নাম বিষ্ণুবাণী। বিষ্ণুবাণী লোকটি ভারী অদ্ভুত ধরণের। আর্য্যামির গর্বে এমনই তিনি আত্মহারা যে পৃথিবীর অপর সমস্ত জাতকে কুকুর-বিড়ালের সামিল বলেই তিনি মনে করতেন। বাবার সঙ্গে তাঁর তর্ক চলত। বাবা যখন সাংসারিক স্বচ্ছলতা বা নানাবিধ আধিতৌতিক সুখ-স্বাচ্ছন্দ্যের কথা পাড়তেন, তখন বিষ্ণুবাবুর তর্কে আধ্যাত্মিক আগুন এমনি তীব্র তেজে জ্বলে উঠত যে তার দিকে বেশী এগিয়ে যাওয়া যে-কোন বুদ্ধিমান লোকের পক্ষে শ্রেয়স্কর ছিল না। কারণ বিষ্ণুবাবুর তর্কে আগুন যতখানি জ্বলত, গালাগালের ধোঁয়া তার চেয়ে তের বেশী উঠত। সে ধোঁয়ায় তাঁর প্রতিপক্ষের চোখে জল বায় করে তবে তিনি স্থির হতেন। আমি এক আধুনি আড়াল

থেকে তাঁর তর্ক-যুক্তি শুনতুম—কিন্তু কোনদিন সে তর্কে আঘাত দিতে আমার প্রযুক্তি হয়নি। বিষ্ণুবাবুর যুক্তির বিরুদ্ধে যুক্তি খাড়া করতে মন আমার অশ্রদ্ধায় ভরে উঠত!

এই তর্কে এক-আধদিন আবার বিষ্ণুবাবুর ভাণ্ডে তিনকড়ি খুব মৃদু-মন্দ ছন্দে সুর মেলাত। তবে তিনকড়ির বয়স ছিল কাঁচা, কাজেই আর্য্যবংশাবতংস এমন মাতুলের যুক্তি-ধারা সে বেচারী তেমন পরমানন্দে পান করতে পারত না। ফলে অনেক সময়েই ঘটত এই যে তর্কের গোড়ায় মাতুলকে অনুসরণ করতে গিয়ে শেষ-বরাবর তিনকড়ি বাবার যুক্তির স্রোতে ভেসে সম্পূর্ণ বিপরীত দিকে এসেই থই নিত! তার সে আচরণ দেখে মাতুলের অবস্থা মাতুলের মত হয়ে, উঠত! আমি নেপথ্যে বসে এদের কাণ্ড দেখে হেসে সারা হতুম!

একদিন এই তর্কের মুখে ভাণ্ডের উপর চটে মাতুল বিশ্বনাথ বলে উঠলেন, তোমার মাথায় যদি এমন সব স্নেহ তাব তাল পাকাতে থাকে তাহলে তোমায় আমার কাছে বাস করতে দেওয়া ত নিরাপদ নয়।

এই আকস্মিক রসভঙ্গে তিনকড়ি একেবারে অবাক হয়ে গেল। বাবা কোনমতে গোল খামিয়ে সেদিন মাতুল-ভাগিনেয়ের সম্পর্কের বাঁধটুকু অটুট রাখলেন।

এর পর কথায় কথায় বাবা একদিন বললেন, বুঝলি নীরু, এই বিষ্ণুটা পাগল। এদিকে ত আমাদের চাল-চলন তার পছন্দ হয় না—তবু বলে কি, জামিস,—বলে, ঐ তিন-

কড়ির সঙ্গে যদি তোমার মেয়েটির বিয়ে দাও তাহলে আমি নিশ্চিত হই! তিনকড়িরও একটা হিল্লো হয়—তাছাড়া—

আমার কাণ দুটো গরম হয়ে উঠল। কি আশ্চর্য্য আজগুবি সাধ! স্পর্ধাও কম নয়! চোখে কঠিন দৃষ্টি নিয়ে বাবার পানে চাইলুম।

বাবা আমার ভাব বুঝতে পেরে ঘাড়টা নেড়ে বললেন, তা হয় না। তবে এটুকু বুঝছি, তিনকড়িকে বাড়ীতে রাখতে বিগুর আর তেমন ইচ্ছে নেই। ছেলোটর লেখাপড়ার দিকে চাড়া আছে—বিগু বলে, যা-হোক কোন উপায়ে রোজগার করতে লেগে যা!

বাবা যেন বাতাসকে লক্ষ্য করে কথাগুলো বলে গেলেন; আমিও তাই স্নাতে কোন রকম সাঙ্গ বা সাড়া দেওয়া প্রয়োজন মনে করলুম না।

তিনকড়ির দোষ এমন-কিছু দেখি না। লোকটি নেহাৎ মন্দ নয়! বাহিরের চেহারা প্রভৃতি ভদ্রসমাজে চলবার মত—কিন্তু বড় গরিব সে! যাক, কাজ কি আমার মিছে তিনকড়ির কথা ভেবে!

এর পর একদিন এক মজার ঘটনা ঘটল।

চৈত্র মাস। আকাশে সেদিন ছপুর থেকেই মেঘের একটু সাড়া পাওয়া যাচ্ছিল। আমি তা গ্রাহ না করে চিরপ্রথামত বিকেলে বেড়াতে বেরলুম।

কাশীতে স্বাধীনতার মস্ত একটা স্বাধীনতা

আছে—এজন্য হে তীর্থ, তোমায় নমো নমো! তোমার কল্যাণে বাঙালীর মেয়ে এখানে তবু গায়ে একটু হাওয়া লাগিয়ে তাদের নারী-জন্ম কতকটা সার্থক করতে পায়!

সেদিন বরাবর গঙ্গার ধার দিয়ে চলে অনেকগুলো গলিঘুঁজি পার হয়ে বেণীমাধবের ধ্বজায় এসে উঠলুম। তখন জোর বাতাস বইতে শুরু হয়েছে। ধ্বজার উপর থেকে ওপারে রামনগরের পানে চেয়ে দেখলুম।

রামনগর থেকে অসি অবধি গঙ্গার উপর দিয়ে এপার-ওপার জুড়ে কে যেন মস্ত একটা স্বচ্ছ বালির দেওয়াল তুলে দিয়েছে!

আমার হাতে একখানা রুমাল ছিল—দম্কা বাতাসে সেখানা উড়ে চকিতে যে কোথায় চলে গেল, বুঝতেও পারলুম না। ছ-ছ

করে বাতাসের বেগ বাড়তে লাগল। তখন ভাবলুম, না, বাড়ী যাই। বেণীমাধব থেকে নেমে আবার গলি ভেঙ্গে একেবারে

দশাশ্বমেধের কাছে এসে পৌঁছলুম। মাথার উপর আকাশ তখন বেশ কালো হয়ে উঠেছে। দিগ্বিদিক কাঁপিয়ে কি-রকম

একটা সোঁ সোঁ আওয়াজ উঠছে। ঠাণ্ডা জলো হাওয়ায় ওপার থেকে অদ্ভুত রকমের একটা বুনো গন্ধ ভেসে

আসছে। আমি বাড়ীর দিকে চলতে লাগলুম। পথে না আছে একখানা একা, না গাড়ী! খানিক আসতে বৃষ্টির বড় বড় ফোঁটা ঝরতে শুরু হল! গায়ে যেন

হাজার তীর ফুটছিল! আমি আরো জোরে চলতে লাগলুম। বৃষ্টির বেগও এদিকে আরো বেড়ে উঠল। আমার গা ছম-ছম

করতে লাগল। এমন সময় পিছন থেকে কে বললে, এই বৃষ্টিতে আপনি পথে বেরিয়েছেন ?

পা কেমন ধম্কে খেমে পড়ল। এই সময় আবার বিদ্যুৎ চমকে গেল। পিছনে চেয়ে দেখি, তিনকড়ি ; মাথায় তার ছাতা।

কোন জবাব দিলুম না ; দরকার ছিল না। তিনকড়ি বললে, এই বৃষ্টি-ঝড়ে আর এগুবেন না। ঐ টিনের ছাদটার নীচে দাঁড়াবেন, চলুন। জলের বেগ কমলে আমি আপনাকে বাড়ী পৌঁছে দেব।

তবুও কোন কথা বললুম না। তিনকড়ি ছাতাটা এগিয়ে এনে আমার মাথায় ধরলে। এমন ভীষণ মুহূর্তেও আমার হাসি পেলো। কি নির্লজ্জ রূপ-যৌবন-লোলুপ পুরুষের এই সেধে সেবা দেবার প্রয়াস ! অভদ্র দাসত্ব-পনা ! কেউ ত তার এ সেবা চায় না ! হাস্যরসে এই পুরুষই আবার শাস্ত্র লিখে জীজাতির উপর প্রভুত্ব খাটাতে চায় ! জেনো, তোমরা নিতান্ত দুর্বল দয়ার পাত্র বলেই জীজাতি তোমাদের এই সব পুঁথির বুলির বিরুদ্ধে কোন দিন কোন কথাটি কয় না—ঝড় পেতে সমস্ত সহ্য করে যায় ! একবার যদি তারা এর বিরুদ্ধে মাথা তুলে দাঁড়ায়, তাহলে তাদের চোখের একটা বক্র ইঙ্গিতে পুড়ে ছাই হয়ে যায় তোমাদের ঐ বহুমূল্য শাস্ত্র আর স্বার্থ-পঙ্কিল প্রাণ !

হঠাৎ একটা খেয়াল হল। সামনেই দেখি, এক বড় গাছের নীচে খুঁটির উপর টিনের ছাদ-দেওয়া একটুখানি ছোট্ট আস্তানা। বোধ হয়, কোন্ সন্ন্যাসী কোন যোগের

স্বযোগে ছাউনি ফেলেছিলেন—এখন তাঁর সেই পরিত্যক্ত আস্তানাটুকু ভক্তের স্বর্গে যাবার সোপান হয়ে পড়ে আছে। আমি সেই টিনের ছাদ-দেওয়া ছাউনিতে এসে দাঁড়ালুম। যতখানি পারে তিনকড়ি আমার বৃষ্টির জল আর ঝড়ের দাপট থেকে রক্ষা করবার চেষ্টায় ছাতা ঘিরে আড়াল তুলে দাঁড়াল। ঝড়ের তখন কি সে প্রচণ্ড বেগ—বৃষ্টিরও কি জোর ! মাথার উপর টিনের ছাদ হঠাৎ এক সময় তার খুঁটির মায়া ত্যাগ করে ভূমিসাৎ হল। আমার রক্ষা করতে গিয়ে তিনকড়ি তার দুই হাত তুলে টিনখানা ধরে ফেললে। তার জামা ছিঁড়ে হাত কেটে রক্ত পড়তে লাগল—তিনকড়ি শেষ টিনের ভার রাখতে না পেরে পিছলে পড়ে গেল।

ভাল গ্রহ ! তাড়াতাড়ি আমি টিনখানা সরিয়ে তিনকড়ির হাত ধরে তাকে ওঠালুম। হাতে তার বেশ জখম ! রক্ত পড়ছে ! আমি তাড়াতাড়ি আমার বৃষ্টিতে-ভেজা আঁচল ছিঁড়ে তার হাতে বেশ করে পটি জড়িয়ে দিলুম। তিনকড়ি ধুঁকছিল।

আমি বললুম, আর এখানে নয়। চলুন, আমাদের বাড়ী চলুন। পথে আরো চের বিপদ ঘটতে পারে ! দেখুন দেখি, আমার জগ্ন নিজেই একেবারে এতখানি ক্ষত-বিক্ষত করে ফেললেন !

তিনকড়ি আমার পানে চাইলে—বড় করুণ সে দৃষ্টি ! সে দৃষ্টির অর্থ যে না বুঝলুম তা নয়। সে দৃষ্টি আমার মনের মধ্যে এক দুর্দমনীয় বিজয়-স্পৃহা জাগিয়ে তুললে। একটু কোতুক করবার ইচ্ছা হল।

দৃষ্টিতে করুণা মাখিয়ে তিনকড়ির পানে চেয়ে দেখলুম। একে মেঘের এই চপল লীলা তার উপর এ কোতুক! সে যে মারাত্মক ব্যাপার!

তিনকড়ি বোধ হয় আমার চোখে সে সময় এমন-কিছু দেখেছিল, যাতে তার সমস্ত সঙ্কোচ চট করে কেটে গেল। সে একেবারে বলে উঠল, আপনার যে গায়ে এতটুকু আঁচ লাগেনি, এতেই আমি কৃতার্থ! এর জন্ত আমার প্রাণটা গেলেও— তিনকড়ির কথাটা আর শেষ হল না। আদরের প্রত্যাশায় পোষা কুকুর যেমন আকুল চোখে প্রভুর পানে চায় তেমনি দৃষ্টিতে তিনকড়ি আমার মুখের পানে চেয়ে রইল।

আমি খুব উচ্চ হাস্ত করে বললুম, বটে—কেন, বলুম দেখি!

তিনকড়ির হাতের পটিটা তখন আমি চেপে-চেপে আর-একবার ভাল করে জড়িয়ে দিচ্ছিলুম। হঠাৎ সে আমার হাতখানা ধরে কেলে দললে, আমি আপনাকে ভালবাসি, বড় ভালবাসি। জানি, পাবার নয়, তবু আমার মনকে কিছুতে আমি ফেরাতে পারি না।

তাড়াতাড়ি আমি হাত টেনে নিয়ে সরে এসে বললুম, বৃষ্টি একটু নরম পড়েছে। চলুন, বাড়ী যাই।

বলেই তাকে আর আর দ্বিতীয় কথাটি কবার অবকাশমাত্র না দিয়ে রাস্তায় নেমে চলতে শুরু করলুম। তিনকড়িও আমার পাছু পাছু আসতে লাগল।

বাড়ী ফিরে চা খেয়ে গরম কাপড়-চোপড়

পরের বিছানায় এসে বসলুম। ধব্ধব্ করছে নরম বিছানা! সামনের টেবিলে বাতি জ্বলছিল; সেই বাতির আলোয় হঠাৎ আমার কেমন মনে হল, আজ আমার মত সুখী কে! আমি মুক্ত, আমি স্বাধীন! এমন ঐশ্বর্য্য আমার, এই বয়স, এমন রূপ! মানুষ এর বেশী কিছুই আর কামনা করতে পারে না। ইহলোকে মানুষের কামনা করবার মত বস্তুই বা আর কি থাকতে পারে? কিছু না! তিনকড়ির কথা মনে পড়ল। মাতুলের ভিক্ষা-অঙ্গে লালিত, নিতান্তই সে কুপার পাত্র! নিজের মাথা গৌজবার আশ্রয় নেই! আজ ঐ মামা বিশ্বনাথ যদি ভ্রূকে পথে বার করে দেয়—আজ—এই রাত্রে—এই ঝড়-বৃষ্টির পরে বাহিরের পথ-ঘাট যখন অত্যন্ত কর্কশ্য বিস্তী হয়ে আছে—তাহলে এই কর্কশ্য পথে-ঘাটেই তাকে বেরিয়ে পড়তে হবে!

সামনে প্রকাণ্ড আয়না ছিল—তার পানে চেয়ে দেখলুম। হেসে টেঁচিয়ে আপনাকে আপনি বলে উঠলুম, এ মূর্তি দেখে কে চুপ করে থাকতে পারে! বেচারী, বেচারী তিনকড়ি!

মন যখন এমনি গর্বে মাথা তুলে দাঁড়িয়েছে, ঠিক সেই সময় কে যেন তার চুলের মুঠি ধরে বলে উঠল,—এই ত রূপ আর তরুণ বয়স নিয়ে বসে আছিস—কে এলরে স্ত্রীর কুঞ্জ-দ্বারে, কে তার স্ততিগাম শোনাতে এল! আর এই তিনকড়ি—এ মানুষ।

মন আবার চোখ রাঙিয়ে উঠল, বললে, কি! আমি রাজার মেয়ে, আর ঐ তিনকড়ি

পথের ভিখারী! সে আমার পূজো করতে পারে, কিন্তু—

ভাবনার আর অস্ত রইল না। হু-হু করে যা-তা ভাবনা এসে মনটাকে তোলপাড় করে দিলে!

কিসেরই যে ছাই-পাঁশ ভাবনা! হাসি পেলে! আমি শুয়ে পড়লুম। রাত্রে ঘুমের ঘোরে কিন্তু সেই এক স্ক্রল কানের কাছে কজতে লাগল, ভালবাসি, ভালবাসি, ওগো বড় ভালবাসি!

সকালে উঠে মনটা প্রথম কেমন আচ্ছন্ন বোধ হল! জোর করে চাবুক মেরে তাকে সিধে করলুম। তারপর কারা ছুঁদলে মিলে মনের মধ্যে এক বিষম লড়াই বাধিয়ে দিলে! অস্থির হয়ে বললুম, না, না, না।

বাবাকে বললুম, কলকাতা যাই চল, বাবা, এখানে আর ভাল লাগছে না।

বাবা বললেন, কিন্তু একটা কথা আছে মা—

আমি বাবার মুখের পানে চাইলুম।

বাবা বললেন, এই তিনকড়ি বেচারী! ও আমার বড় ধরেছে। লেখাপড়া শিখে ও মানুষ হতে চায়, কিন্তু অর্থপিশাচ মাম্ম তার জন্তু আর একটা কাণাকড়িও খরচ করতে রাজী নয়। সে বলে, কাশী-হেন স্থান, যাত্রী ধরে পেট চালা। তিনকড়ি তাতে রাজী নয়। সে বলে, তার মার যা গহনা-পত্র ছিল, সেগুলো দাও, তা বিক্রী করে সে লেখাপড়া শিখবে। মামা হাঁকিয়ে দিচ্ছে, বলে, গহনা আবার কি! তাই বেচারী আমার এসে ধরেছে। কি বলিস্ মা?

আমার সর্ব্বাঙ্গ জ্বলে উঠল! আবার সেই তিনকড়ি! যার জন্তু মনের সঙ্গে অহরহ এই যুদ্ধ চলেছে—যার কাছ থেকে দূরে যেতে চাই, এমনি করে ভূতের মত সে সঙ্গ নেবে! না, কখনো না। কে তিনকড়ি—সে আমার কে যে তার জন্য এত মাথাব্যথা! না, সে কেউ নয়, কেউ নয়! হতভাগা, বেচারী, পথের এক সামান্ত পথিক সে!

বাবা আবার বললেন, তাহলে কি বলিস্ মা?

আমি বললুম, তাকে তুমি সঙ্গে রাখতে চাও না কি?

বাবা বললেন, তুই যা বলিস, তাই করি—

ইচ্ছা হল, বাবাকে বলি, আর ফ্যাসাদ জড়িয়ে না, বাবা! কিন্তু গলাটা কে'ধেন চেপে ধরলে। একটা ঢোক গিলে, বললুম, বেশ, কিন্তু আমাদের সঙ্গে একসঙ্গে থাকা হবে না, তা বলে রাখছি। কোথাকার কে, কেমন লোক—

বাবা বললেন, লোক বোধ হয় মন্দ হবে না। ছেলে ভাল, তার মামার মত নয়। তবে হ্যাঁ, এক বাড়ীতে থাকা হয় না— কেন না, আমি আজ কোথায় থাকি, কাল কোথায় যাই, ঠিক নেই—তার চেয়ে ওকে মাসে মাসে বরং কিছু করে দেব, ও কলকাতায় গিয়ে মেসে থেকে পড়ুক। কেমন?

আমি বললুম, বেশ—তাহলে ওকে কালই কলকাতায় পাঠাও, আমরা এদিকে আরো ক'দিন মুঙ্গের-টুঙ্গের ঘুরে তারপর কলকাতায় যাব'ধন।

কোথায় যেন আমার বাধছিল। গা
ছমছম করছিল। তিনকড়ির সঙ্গে আর
না দেখা হয়! একটু ভয়ও হচ্ছিল।
কিন্তু না, কিসের ভয়! আমি রাজার
মেয়ে—তার উপর এই রূপ, এই বয়স!
কোথাকার কে তিনকড়ি এসে কখনের কাছে
এক আবদারের সুর তুলবে, আর অমনি
আমি—না, না, কখনো না!

তার পর সেই বছর মাঘ মাসেই আমার
প্রাণে বসন্ত জেগে উঠল। আমরা তখন
কলকাতার বাড়ীতে। অজস্র ফুলের গন্ধে
পাখীর গানে আমার প্রাণটাকে ভরিয়ে দিয়ে
অত্যন্ত সমারোহ করে আমার হৃদয়-রাজ্যেশ্বর
একদিন সন্ধ্যায় এসে উপস্থিত হলেন।
মাগন্দীর রায় বাবুদের বংশ-তিলক এক তরুণ
যুবীর হাতে বাবা আনন্দাশ্র-চোখে আমায়
সমর্পণ করলেন। সে রাত্রির সেই আলো গান
বাজনা আর ফুলের গন্ধে আমার প্রাণ-মন
অসহ স্নেহের সস্তাবনায় বিভোর হয়ে উঠল।
সেই আচার-অনুষ্ঠানের মধ্যে এক সম্পূর্ণ
অপরিচিত হাতের উপর হাত রেখে আমার
মনে হল, মস্ত একজন সহায় পেলুম, বন্ধু
পেলুম, স্বামী, স্বামী, স্বামী! মনে মনে
আমার চিরজীবনের সুখদুঃখ এই হাতেই
অসীম নির্ভরে সমর্পণ করে প্রাণ আমার
কৃতার্থ হল। বিচিত্র আবেশ এক অপূর্ব
মায়া-কুঞ্জ আমার চোখের সামনে ধরে
দিলে, প্রাণের মাঝে বহুদিনকার সাধ-আশা
ফুলের মত অজস্রভাবে অপরূপ শোভায় ফুটে
উঠল।

কিন্তু হায়রে সে কতক্ষণের জন্ম!

ফুলশস্যার রাতে ফুলের গহনা পরে মনের
মধ্যে প্রেমের মণিদীপ জ্বলে ফুলের বাগান
সাজিয়ে বসেছিলুম—এইবার আমার
প্রিয়তমকে প্রাণ ভরে একান্তে দেখবার
সুযোগ পাব! অস্থির পুলকে ক্ষণে ক্ষণে
আমার রোমাঞ্চ হচ্ছিল—এমন সময় আমার
স্বামিদেবতা দেখা দিলেন। হায়, ফুলের মুকুট
মাথায় দিয়ে নয়, শান্তি, আরাম, আশ্বাস-ভরা
প্রেমের ডালি হাতে নিয়ে নয়—চোখ তাঁর
জবাফুলের মত লাল, পা টলমল করছে, মুখে
বিশ্রী গন্ধ, মদ খেয়ে মাতাল! নিমেষে যেন
কোথা থেকে এক ভীষণ ঝড় উঠল—তার
দাপটে আমার প্রাণের মধ্যে সে দীপের আলো
নিবে গেল—অত সাধের ফুলের রাশ ছিঁড়ে
কোথায় ধুলোয় লুটিয়ে পড়ল! সুন্দর
মায়া-কুঞ্জ চোখের পলকে শ্মশানের মত বীভৎস
হয়ে উঠল। অসহ জালা সারা দেহ-মনটাকে
একেবারে তাতিয়ে তুললে। ঘণায় আমি
সে ফুলের গহনা ছিঁড়ে ফেললুম, মাথাটা
দপ্-দপ্ করে উঠল। একেবারে খড়খড়ির
ধারে এসে দাঁড়ালুম। খড়খড়ি বন্ধ ছিল,
জোরে খুলে ফেললুম। বাহিরের ঠাণ্ডা হাওয়ায়
কে যেন অনেকখানি জালা জুড়িয়ে দিলে!
দূর হতে কার বাঁশীর সাহানার সুর ভেসে
আসছিল, আকাশে একরাশ নক্ষত্র—মনে হল,
সবাই হাসছে, সবার মুখে তীব্র বিক্রম!
ভাবলুম, আজ যদি আমার এই তপ্ত প্রাণের
তীক্ষ্ণ জালায় সমস্ত আকাশ-বাতাস জালিয়ে
দিতে পারতুম, পৃথিবীটা পুড়ে ছাই হত!

দেবতা এসে, হঠাৎ আমার আঁচলটা
টেনে জড়ানো গলায় ডাকলেন, প্রাণেশ্বরী—

এক ঝটকায় আঁচল টেনে নিয়ে সঃ

দাঁড়ালুম। মাতাল অবাক হয়ে চেয়ে রইল—
খানিক পরে বললে, বেশ বাবা!

আমার স্বামী-সন্তাষণ—এই প্রথম, এই
শেষ!

রাগে সর্কাজ জ্বলছিল। বাড়ী এসে
বাবাকে বললুম, আমি আর কোথাও যাব না
বাবা। যদি আর আমার সেখানে পাঠাও,
আমি আত্মহত্যা করব।

বাবা আমার মুখের পানে চাইলেন।
আমার মনের মধ্যে তখন এমনি আগুন
জ্বলছিল যে তার ঝাঁজ অবধি আমার চোখ-
মুখ দিয়ে ফুটে বেরুচ্ছিল। আমি বললুম,
এক পাষাণ মাতাল—

কেঁদে ফেললুম। বাবারও চোখে জ্বল
এল। তাডাতাড়ি আমাকে বুকের মধ্যে
তিনি টেনে নিলেন। বাবার মুখে একটিও
কথা ফুটল না।

তার পর আবার সেই পুরোনো জীবন-
ধারায় গা ঢেলে দিলুম। বাপে-মেয়েতে নানান
দেশে লক্ষ্যহীন গতিতে আবার সেই ভেসে
বেড়ানো!

দেবতার কাছ থেকে এতলা এল,
পাঠাও।

বাবা জবাব দিলেন, না।

তারা চোখ রাঙালেন, ছেলের আবার
বিয়ে দেব।

বাবা লিখলেন, তোমাদের মর্জি হয়,
দাওগে।

তারা আবার শাসালেন, আদালত
আছে।

বাবা লিখলেন, কেউ পারে দড়ি বেঁধে
রাখেনি, স্বচ্ছন্দে সেখানে যেতে পারো!

তারপর সব চূপচাপ।

কিন্তু এই নানান দেশে ঘুরে বেড়িয়ে,
নর-নারীর এই বিপুল মেলায়—তাদের সুখের
চেউ মাঝে মাঝে আমার মনটাকে ছুঁয়ে এক
বিষম দোল দিয়ে যেত! পাখীর গান, ফুলের
গন্ধ, এ সব তেমনি আছে—তবে আমার
প্রাণে তারা আর কোন সাড়া জাগায় না!
বসন্ত তেমনি আসে, ঠান্ড তেমনি আলোর
চেউ তুলে নেচে চলে যায়, কিন্তু সব
নির্জীব, সব জড়! কুয়াশায় আগাগোড়া
কে যেন তাদের সে প্রাণটুকু ঢেকে
দিয়েছে। এক-একবার সেই কবেকার ঝড়ের
রাত্রির কথা মনে পড়ত! সেই বেচারী
তিনকড়ি, আর তার সেই ব্যাকুল বেদনা-ভরা
আবেদন! সে যেন একটা স্বপ্ন! মনকে
চাবকে বললুম, খবরদার! তোর আপন
তেজে তোকে দাঁড়িয়ে থাকতেই হবে—
মাথা হেঁট করা কিছুতেই চলবে না তোর!
ভেঙে যাস যদি, যা—কিন্তু মচকে পড়িস্ নে!

এমনি বিপুল হৃন্দে মনকে নিয়ে যখন
অস্থির, তখন কোথা থেকে বুকে বাজ পড়ল।
বাবা হঠাৎ একদিন কোন্ অদৃশ্য লোকে
চলে গেলেন। এ বিপুল জগতে আমি আজ
একা!

জোর করে বললুম, না, কিসের ভয়!
আমার অগাধ ঐশ্বর্য্য—রাজার ঐশ্বর্য্য!

হুঁদিন পরে আবার এক খবর এল;
আমার স্বামী-দেবতা এক গণিকার গৃহে
মজলিশ করছিলেন—শেষে এক সময়ে মদের

নেশায় ভালবাসার সীমা দেখাতে গিয়ে ছাদ থেকে পড়ে প্রাণ দিয়েছেন! মস্ত একখানা ভারী পাথর বুক থেকে সরে গেল। বাঃ! আমার সব বন্ধন আজ কেটে গেছে—আমি আজ সম্পূর্ণ স্বাধীন, মুক্ত! চমৎকার!

শ্রান্ত মন নিয়ে বারো বৎসর নানা দেশ ঘুরে আবার একদিন বাড়ী ফিরলুম। রাজ্যেশ্বরী রাজ্য-পালনে মন দিলুম। খাতা-পত্র থেকে মহাল পর্যন্ত নিজে দেখে তদ্বির করতে লাগলুম। এক-এক সময় চোখের সামনে পড়ত, গরিবের সংসার, চাষার সংসার। স্বামী ক্ষেতে খেটে সারা হচ্ছে, মাথায় প্রচণ্ড সূর্য্য আগুন ছড়াচ্ছে, সেদিকে তার লক্ষ্যপও নেই, শুধু খাটছে, খাটছে, খাটছে! তার স্ত্রী ছোট ছেলে-কঁাকালে করে খালায় ভাত বেড়ে স্বামীকে খাওয়াতে এল। দুজনে গাছের ছায়ায় বসে ছোট্ট ছেলেটিকে একটু নাড়া-চাড়া করলে—তারপর স্ত্রী হেসে ছেলে-কোলে বাড়ী চলে গেল, স্বামী ক্ষেতে খাটতে লাগল! কোথাও-বা স্বামী কাজে বেরুচ্ছে, আর তার তরুণী স্ত্রী লোক-চক্ষু বাঁচিয়ে ছাদের আড়ালে দাঁড়িয়ে স্নান হাসি হেসে তাকে বিদায় দিচ্ছে! অনাদি কালের সংসার তার সরল ধারাতেই বয়ে চলেছে।

দেখে মন আমার হু-হু করে উঠত!

আবার এক চৈত্র মাস। আকাশে বৃষ্টি-বাতাসের ভীষণ যুদ্ধ! ঘরের জানলা বন্ধ করে বিছানায় শুয়ে ছিলাম—মনের মধ্যে আলো-আঁধারের খেলা চলেছিল।

বৃদ্ধ নায়েব মশায় এসে বললেন, উকিল বাবু এসেছেন।

আমি বললুম, কেন?

তিনি বললেন, বাহারগাঁয়ের প্রজারা খাজনা বন্ধ করেছিল—কাল তাদের নামে নালিশ রুজু না করলে সব তামাদি হয়ে যাবে। তাই আজী তৈরি করে আপনাকে তা বুঝিয়ে আপনার সহী নিতে নিজেই তিনি এসেছেন!

আমি বললুম, তাঁকে এখানে নিয়ে এসো।

নায়েব বিরক্তি না করে চলে গেলেন। উকিল আমাদের সেই তিনকড়ি। বাবার কুপার সম্পূর্ণ সদ্যবহার সে করেছিল—আজ পাঁচ বৎসর উকিল হয়ে আমাদের এপ্টেটের সমস্ত কাজ-কর্ম সেই দেখছে।

উঠে একটা ইজি চেয়ারে আমি বসলুম। উকিল তিনকড়ি ঘরে এসে দাঁড়াল। নিষ্ফলতার তীব্র রোষে মন আমার মুহূর্তের জন্ত জলে উঠল। তার পর হাসিমুখে সহজ সুরেই বললুম, কি চাই?

অত্যন্ত বিনীত স্বরে তিনকড়ি বললে, এই আজীগুলো এনেছি—পড়ে সহী করতে হবে।

আমি বললুম, পড়—

তিনকড়ি পড়তে লাগল। আমার কাণে তার কিছু গেল না। শুধু জাগছিল এক বিষম ঝড়ের হু-হু গর্জন! আর তারি ফাঁকে ফাঁকে ভেসে আসছিল অত্যন্ত কোমল সুরে এক করুণ আবেদন, ভালবাসি—আমি ভালবাসি, ওগো, বড় ভালবাসি!

কলের মতই কতকগুলো সহী করলুম।

নায়েব মশায় আজীগুলো হাতে নিয়ে
বললেন, আমি তাহলে তপসীলগুলো ঠিক
করে রাখিগে।

নায়েব মশায় চলে গেলেন।

তিনকড়িও চলে যাচ্ছিল; আমি বললুম,
দাঁড়াও।

তিনকড়ি দাঁড়াল। ঘরে আর কেউ
নেই, শুধু তিনকড়ি আর আমি। বুক
আমার ছর-ছর করে উঠল। আমি বললুম,
আর কোন কথা নেই তোমার?

—না।

—নিজের—কোন কথা নয়?

তিনকড়ি চুপ করে রইল।

আমি বললুম, এই রাজে নিজে তুমি কষ্ট
করে এসেছ! এই জল-ঝড়—কোন কথা
নেই? একটা নিখাস কিছুতেই চেপে রাখতে
পারলুম না।

তিনকড়ি তখনও দাঁড়িয়ে, নির্বাক, —
মুখ তার মাটির পানে!

খুব সাবধানে ছোট একটা নিখাস চেপে
আমি বললুম, বাড়ীর সব খবর ভাল? বৌ
ভাল আছে?

—হ্যাঁ।

—যাও।

তিনকড়ি চলে গেল। এই সেই

তিনকড়ি! একটা কদর্য মাংসপিণ্ড—বিয়ে
করে পরম সুখে নিশ্চিন্ত মনে সংসার-যাত্রা
নির্বাহ করছে!

আর আমিই শুধু সেই কবের এক
ঝড়কে বকের মধ্যে পুষে রেখেছি!

হারে হতভাগিনী, আজ কোথায় তোর
সে তেজ, সে গর্ব! বাতিটা নিবিয়ে বালিশে
মুখ গুঁজে বিছানায় শুয়ে পড়লুম। চোখের জল
আর কোনমতেই চেপে রাখতে পারলুম না।

বাড়ীর দোর-জানলাগুলোকে কাঁপিয়ে
বাহিরে উদ্দাম ঝড় হা-হা করে গর্জে
ফিরতে লাগল।

শ্রীসৌরীন্দ্রমোহন মুখোপাধ্যায়।

নৈসর্গিকী

তোমারে হেরিছ যবে, বিহগের গানে
যে ভূষাশিঞ্জনধ্বনি শুনিতাম কানে,
যে আঁখিনীলিমা আমি গগনে-গগনে
হেরিতাম সাঁঝে-ভোরে মদির স্বপনে,
যে ঘন কুন্তল-জাল হেরিতাম আমি
বরিষার গিরি-শৃঙ্গে-শৃঙ্গে দিবা যামি,
বসন্ত কাননে আর সায়াহ্ন-আকাশে
যে অধর রক্তিমার চুবন পিয়ারসে

ঘুরিতাম অশ্রমনা। ঢালিত শ্রবণে
যে ভাষা-মাধুরী আহা বীণা-বেগুশ্বনে,
তোমা আজি গৃহে আনি তোমা পানে চাই
তার একে একে সব কেবল মিলাই,
অরাক হইয়া শুধু ভাবি বসে ঘরে,
কেমনে মিলিছে সব অক্ষরে অক্ষরে।

শ্রীকালিদাস রায়।

অভিনয়ের কথা

জাতীয় জীবন হইতে অভিনয়-কলাকে কিছুতেই ছাটিয়া ফেলা চলে না;— সভ্যতার সঙ্গে অভিনয়-কলার সম্পর্ক এতই ঘনিষ্ঠ।

প্রাচীন ভারতে অভিনয়ের যে কতটা-বেশী চর্চা হইত, সংস্কৃত নাট্য ও কাব্য প্রভৃতিতে তাহার অগুপ্তি দৃষ্টান্ত পাওয়া যায়। যে নটের নাম গুনিলেই অনেকে এখন নাক বাঁকাইয়া মুখ ফেরান, সেই নট তখন সমাজের এমন প্রিয়পাত্র ছিলেন, যে দেব-দেব মহাদেবকেও হিন্দুরা নটেশ্বর নাম দিতে কিছুমাত্র সঙ্কোচবোধ করেন নাই। একালে ভদ্রমহিলারাও যে অভিনয়ে যোগ দিতেন, তাহারও অনেক প্রমাণ আছে। পরযুগে সামাজিক প্রথার অদল-বদল ঘটাতে ভদ্রমহিলারা নাট্যশালা হইতে সরিয়া দাঁড়াইলেন; ফলে, গৃহলক্ষ্মীদের অন্তর্কানের সঙ্গে সঙ্গে আমাদের রঙ্গালয় হইতেও লক্ষ্মী-শ্রী অন্তর্হিত হইল।

কিন্তু মহিলারা রঙ্গালয় ছাড়িলেও, দেশের লোকেরা অভিনয়ের নির্মল আনন্দ ছাড়িয়া থাকিতে পারিল না। যাত্রা, কথকতা যতই ভাল হউক, তাহাদের ভিতরে অভিনয়ের সমস্ত মাধুর্য্যটুকু ফুটিতে পারে না। তাই মাইকেল মধুসূদন দত্ত প্রভৃতি কয়েক জন বিশিষ্ট ও শিক্ষিত পুরুষ অভিনয়-কলাকে উন্নত ও বর্তমান যুগের উপযোগী করিয়া তুলিতে চেষ্টিত হইলেন। কিন্তু তখনকার অভিনয় যতই নির্দোষ

হউক, রমণীর ভূমিকা পুরুষে নেওয়াতে তাহাও ঠিক স্বাভাবিক ও সুস্বাদু হইতে পারিল না। এইজন্ত অর্কেন্দুশেখর মুস্তাফি, গিরিশচন্দ্র ঘোষ ও শ্রীযুক্ত অমৃতলাল বসু প্রভৃতি কয়েকজন শক্তিশালী ভদ্রলোকের যত্নে ও পরিশ্রমে বাঙ্গলাদেশে নূতন যে রঙ্গালয় স্থাপিত হইল, তাহাতে শ্রীলোকের অভাব আর রহিল না। কিন্তু এই নূতন রঙ্গালয়ের অভিনেত্রীরা সমাজের অন্তর্ভূত নয় বলিয়া, ইহার সহিত অনেকেই সংশ্রব রাখিতে চাহিলেন না।

গিরিশচন্দ্র, অর্কেন্দুশেখর ও অমৃতলাল প্রভৃতি যে-সকল ভদ্রলোক, নব-রঙ্গালয় প্রতিষ্ঠার প্রথম যুগে সমাজের রক্তচক্ষুকে উপেক্ষা করিয়া নির্ভীক অভিনয়-অনুরাগের পরিচয় দিয়াছিলেন, তাহারা যে সুধু শিক্ষিত ও শক্তিদর ছিলেন, তাহা নহে;— অভিনয়কে তাহারা মনে-প্রাণে আঁট বলিয়া গ্রাহ্য করিতেন। সেইজন্ত বঙ্গ-রঙ্গালয়ের প্রথম অবস্থাতেই আমরা অনেকগুলি ক্ষমতাবান অভিনেতার সাক্ষাৎ পাইয়াছিলাম। এখন রঙ্গালয়ে দর্শকের সংখ্যা অত্যন্ত বাড়িয়া উঠিয়াছে বটে, কিন্তু ভাল অভিনেতার সংখ্যা সেই তুলনায় অত্যন্ত কমিয়া গিয়াছে। এখন শ্রীযুক্ত সুরেন্দ্রনাথ ঘোষ ও শ্রীযুক্ত তারকনাথ পালিত এবং বিখ্যাত অভিনেত্রী তারাসুন্দরী ছাড়া এমন আর কাহাকেও দেখি না, আগেকার ভাল

অভিনেতা ও অভিনেত্রীর সঙ্গে যাহার নাম করিতে পারি। অবশ্য, এখনকার রঙ্গালয়ে জনকতক চলন-সৈ নট ও নটী আছেন, —তাহাদের অভিনয় তবু বসিয়া দেখা চলি; কিন্তু তা-ছাড়া অভিনেতার পোষাকে আর যে লোকগুলিকে তর্জনগর্জন এবং বিনাইয়া-বিনাইয়া ক্রন্দন করিতে শুনি, সারারাত চেয়ারের উপরে হাড়-গোড়-ভাঙ্গা দ'য়ের মত খাড়া বসিয়া-বসিয়া তাহাদের অভিনয় দেখার চেয়ে শ্মশানে-মশানে গিয়া হঠযোগ সাধন করা ঢের—ঢের বেশী সহজ। এতদিনে আমাদের

রঙ্গালয়ের যথেষ্ট উন্নতি হইবারই কথা। কিন্তু উন্নতি চুলায়-যাক্, বাঙ্গলা, রঙ্গালয় ক্রমেই অবনতির দিকে নামিতেছে। আমাদের মতে ইহার একমাত্র কারণ,—অভিনয় যে একটা আর্ট, রঙ্গালয়ের আধুনিক অভিনেতারা, হয় তাহা জানেন না, নয়ত সে শক্ত আর্টকে দখল করিবার শক্তি তাহারা রাখেন না!—কলিকাতার পাড়ায় পাড়ায় যে বন্নাটে, নিষ্কম্মা ও অপদার্থ লোকগুলি আছে, রঙ্গমঞ্চের উপরে এখন তাহাদিগকে প্রায়ই ভূতের নাচ নাচিতে দেখা যায়। যাহাদের অনাচার-শুষ্ক চেহারা



“দি মেরি ওয়াইভ্‌স্ অফ্ উইগ্‌সরে”

শ্রী হার্বাট টি, এলেন টেরি ও মিসেস কেণ্ডাল



ছামলেটের ভূমিকায় শ্রম হেনার আরম্ভ

দেখিলেই আগা-পাশ-তলা জলিয়া উঠে, নাটকের কথাগুলিকেই যাহারা শুদ্ধ ভাবে উচ্চারণ করিতে পারে না, তাহাদের অভিনয় সহ করার মত বড় শাস্তি নরকেও আছে কিনা, জানিনা।

* *

*

এ-দেশে, যাহাদের কোনদিকে কিছু হয় না, তাহারাই অভিনেতার কাজ গ্রহণ

করেণ বাঙ্গলায় সখের থিয়েটার যে কত আছে, গুনিয়া উঠা ভার;—কিন্তু তাহাদের অধিকাংশের সঙ্গে শিক্ষিত সচ্চরিত্র লোকের কোন সম্বন্ধ নাই বলিয়া, সে-সব জায়গায় সাধারণত নির্দোষ অভিনয়-কলার উপযুক্ত চর্চা হয় না।

অভিনেতা হইতে হইলে কতটা অন্ত দৃষ্টি, নরচরিত্রে কতটা অভিজ্ঞতা, কলাশাস্ত্রে কতটা জ্ঞান থাকা চাই! রঙ্গায়ণ ত

ছেলেখেলার আখড়া নয়—সাহিত্যে, শিল্পে ও সঙ্গীতে যাহার ভাল-করিয়া রসবোধ হয় নাই, তাহার যদি অভিনেতা হইবার সাধ হয়, তবে সে সাধের সঙ্গে অনায়াসে 'কাদালের ঘোড়া-রোগে'র তুলনা চলিতে পারে। বিলাতের আরভিংএর সমকালিক বিখ্যাত হাশুরসের অভিনেতা পরলোকগত জে, এল, ট্যাল

বলিতেছেন : "I think an actor who loves his profession, sees more of the truly human side of the life than any other man, except in the case of painters like Wilkie, or a novelist such as Dickens ; because it is our business to go



“জোয়ান অফ্, আর্কে”র ভূমিকায়
সারা বার্গাড



“পঞ্চম হেনরি”র ভূমিকায়

শ্রম এফ, আর, বেনসন

into the streets, into the slums, into markets and taverns, into society for our models.”—ট্যাল আরও বলেন, রঙ্গমঞ্চের উপরে তিনি মানুষের যে-সব বিশিষ্টতা, জীবনের যে-সব

ছবি দেখা গিয়েছেন, তাহার কোনটিই কপোল-কল্পিত নহে; পরন্তু, নিত্যদৃষ্ট সমসারে তিনি যাহা স্বচক্ষে দেখিয়াছেন, রঙ্গমঞ্চের উপরে ছুধছ তাহারই প্রতিচ্ছবি ফুটাইয়া তুলিয়াছেন।

অভিনেতার কাজ যে কত শক্ত, ট্যাল তাঁহার 'জীবনস্মৃতি'তে তাহার একটি গল্প বলিয়াছেন। রঙ্গালয়ে একদিন 'মহলা'র সময়ে একটি যুবক অভিনেতা তেমন ভাল ভাবে অভিনয় করিতে পারিল না। এই জন্ত ম্যানেজার তাহার উপরে বিরক্ত হইয়া উঠিলেন। ট্যাল কিন্তু তাহাকে যথাসাধ্য উৎসাহদান করিলেন। ফলে, সে রাত্রে যুবকের অভিনয় মন্দ হইল না।

পরদিন ট্যাল বসিয়া আছেন, এমন সময়ে সেই যুবকটি তাঁহার কাছে আসিয়া খুব মৃদুস্বরে বলিল, "মশাই, আমার কালকের অভিনয় বড় খারাপ হয়েছিল। আশা করি, সেজন্তে আপনি কিছু মনে করবেন না।"

ট্যাল মুখ তুলিয়া দেখিলেন, যুবকের দেহে শোকের গ্লানি।

তিনি বলিলেন, "হ্যাঁ, তুমি তোমার যথাসাধ্য করেছ, তার বেশী আর কি করবে বল?"

যুবকটি তাঁহার পাশে খানিকক্ষণ স্তব্ধ ভাবে দাঁড়াইয়া, কেমন-যেন ইতস্তত করিতে লাগিল। তাহার পর ক্ষুণ্ণস্বরে চুপিচুপি তাঁহাকে বলিল, "আমার কি হয়েছে জানেন? গেল-পরশু আমার মামা মারা গেছেন।"

—“শুনে বড় দুঃখিত হলুম।”

—“তিনি আমাকে বড় ভালবাসতেন!”

—এই ঘটনা হইতে বুঝা যাইবে, গভীর সাধনা ভিন্ন কেহ-কখনো ভাল অভিনেতা হইতে পারে না। অভিনেতাকে আপন অস্তিত্ব পর্য্যন্ত বিসর্জন দিতে হয়,—

নিজের সুখের সময়ে তাঁহাকে পরের জন্ত কাঁদিতে হয়, নিজের দুঃখের সময়ে তাঁহাকে পরের জন্ত হাসিতে হয়।

বিখ্যাত অভিনেতা আরভিংএর জীবনে সাধনার যে দৃষ্টান্ত দেখা যায়, তাহা অপূর্ব। তিনি যখন যে ভূমিকা গ্রহণ করিয়া অবতীর্ণ হইতেন, তখন একেবারে সেই ভূমিকার মধ্যে তন্ময় হইয়া ডুবিয়া যাইতেন। আরভিং কখনো ধরা-বাঁধা রীতির কোন ধার ধারিতেন না; যে-সব ভূমিকায় অগ্রাগ্র অনেক অভিনেতা নাম কিনিয়াছেন, সেই-সব ভূমিকা গ্রহণ করিয়া আরভিং যতদিন-না তাহাতে নূতন আলোকপাত করিতে পারিতেন, ততদিন প্রকাশ্য রঙ্গমঞ্চে আবির্ভূত হইতেন না। একজন একটি ভূমিকা কোন বিশেষ ভাবে অভিনয় করিয়াছে বলিয়া, আর-একজনকেও যে তাহারই নকল করিতে হইবে—এ নিয়মের কোন গুল্য নাই; কারণ, একের পক্ষে যাহা স্বাভাবিক, অপরের পক্ষে তাহাই অস্বাভাবিক হইয়া উঠে। বাঙ্গলা রঙ্গালয়ে পুরাতন ভূমিকায় যখন কোন নূতন অভিনেতাকে দেখা যায়, তখন বোঝা যায় অভিনেতার পক্ষে অনুকরণ কি সাংঘাতিক! আরভিংএর অভিনয়ে এই দোষ ছিল না বলিয়া, তাঁহার দ্বারা অভিনীত ছোটবড় সকল ভূমিকাই পুরাতন হইলেও নূতন সৌন্দর্য্যে এবং অপ্রত্যাশিত বিষয়ে সুন্দর ও চমকদার হইয়া উঠিত। কোন নূতন ভূমিকায় অবতীর্ণ হইতে হইলে, আপনাকে তাহার উপযুক্ত করিবার জন্ত আরভিং এডিনবার্গের 'ক্যালটন হিলে' চলিয়া



'দি টেনিং অফ দি শ্র' নাটকে মিঃ ম্যাথিসন ল্যাং ও
মিস হাটিন ব্রিটন।

সাইতেন। সে-সময়ে তাঁহাকে দেখিয়া হইয়া উঠিত। নট-জীবনের প্রথমেই আরভিং
লোকে পাগল বলিয়া ভাবিত। অনেকদিন 'Uncle Dick's Darling' নামক নাট্যে
নির্জন সাধনার পর তিনি যখন প্রকাশ্যে Chevenix এর ভূমিকায় ডিকেন্সকে এমনি
রঙ্গালয়ে আবিভূত হইতেন, তখন তাঁহার অভিভূত করিয়াছিলেন যে, ডিকেন্স বলিয়া
ভাবভঙ্গী, পোষাক-পরিচ্ছদ, কথাবার্তার ছিলেন, "এই যুবক একদিন মস্ত অভিনেতা
ধরন-ধারন অবিকল ভূমিকার উপযোগী হবে।"

কেবল আরভিং নন,—গ্যারিক, ম্যাক্রেডি, রবার্টসন, টি, বেনসন, আলেকজান্দার, ম্যাথিসন ল্যাং, এলেন টেরি, মিসেস কেণ্ডাল ও সারা বার্নার্ড প্রভৃতি সমস্ত বিখ্যাত অভিনেতা ও অভিনেত্রী আপনাদের কঠোর সাধনার জোরেই পৃথিবীব্যাপী যশগৌরব অর্জন করিয়াছেন।

* *
*

বাঙ্গালী যে সাহেবের মতন ভাল অভিনেতা হইতে পারে, গিরিশচন্দ্র ও অরুণেশ্বর এবং কতক-পরিমাণে মহেন্দ্রলাল বসু, অমৃতলাল মিত্র, শ্রীযুক্ত অমৃতলাল বসু, ও শ্রীযুক্ত সুরেন্দ্রনাথ ঘোষ প্রভৃতি তাহা প্রমাণিত করিয়াছেন। তাহার উপর, যে শ্রেণীর স্ত্রীলোকের দ্বারা বঙ্গ-রঙ্গালয়ে অভিনয় করানো হয়, সেই শ্রেণীর ভিতর হইতে, যে তারাসুন্দরীর মত প্রতিভাশালিনী নটী আত্মপ্রকাশ করিতে পারেন, এটাও সকলের কল্পনার অতীত ছিল; বাঙ্গলা রঙ্গালয়ের পক্ষে ইহাও একটা গৌরবের কথা। কিন্তু, কেবল এইটুকুতেই তুষ্ট থাকিলে চলিবে না। বাঙ্গলাদেশের প্রকাশ্য রঙ্গালয়ে এমন নাটকের অভিনয় আমরা দেখি নাই বলিলেও চলে, যাহার ভৃত্য হইতে রাজা পর্যন্ত ছোট-বড় সমস্ত চরিত্রের ভূমিকাই ঠিক সর্বাসুন্দর হইয়াছে! তাহার উপরে, এ-দেশে দৃশ্যপট, নাচ-গান ও সাজ-গোছের অসংখ্য ত্রুটিও দর্শকের রসবোধকে অতি-মাত্রায় আহত করে; তাহাও অবহেলার বিষয় নয়। কারণ, এ-সব বিষয়ের দ্বারা অভিনেতার পরোক্ষভাবে যথেষ্ট সাহায্য লাভ করিয়া থাকেন।

ইংরেজী থিয়েটারের কথা না-হয় ছাড়িয়াই দিলাম; কিন্তু বাঙ্গলাদেশেও আর্ট-বজায় রাখিয়া কতটা সুন্দর অভিনয় হইতে পারে, যাহারা জোড়াসাঁকোর ঠাকুরবাড়ীতে “বৈরাগ্যসাধন”, “ফাল্গুনী”, “বৈকুণ্ঠের খাতা”, —এবং বিশেষ-করিয়া “ডাকঘরে”র অভিনয় দেখিয়াছেন, তাহারা তাহা বুঝিতে পারিবেন। দেশীয় রঙ্গমঞ্চ বলিতে যে বৈচিত্রহীন ব্যাপারের স্মৃতি মনে পড়ে, ঠাকুরবাড়ীর এই সকল অভিনয়ে তাহার লেশমাত্র ছিল না। প্রকাশ্য রঙ্গালয়ের অভিনেতাদের সেই ভাবহীন মোমের পুতুলের মত মুখ, বিকটস্বরে চীৎকার বা সানুনাসিক স্বরে ক্রন্দন, ‘থিয়েটারী’ ঢঙ্গে চলা-ফেরা, দর্শকদের দিকে চাহিয়া অভিনয়-করা, বেথাপ্লা পোষাক-পবিচ্ছদ প্রভৃতি বেমানান বিষয়ও এই বিচিত্র অভিনয়ে ছিল না বলিয়া এখানে আসিয়া রসিকের মন মুগ্ধ হইয়া গিয়াছিল। বাস্তবিক, ঠাকুরবাড়ীর কয়েকটি অভিনয়ে গভীর ভাব-প্রধান রসে রবীন্দ্রনাথ ও গগনেন্দ্রনাথ এবং হাশ্বরসে অবনীন্দ্রনাথ যে অপূর্বতার সৃষ্টি করিয়াছিলেন, জীবনে তাহা ভুলিবার নয়। ‘ডাকঘরে’ তরুণ বালক শ্রীমান আশামুকুল যে অভিনয়-কৃতিত্ব দেখাইয়াছে, প্রকাশ্য রঙ্গালয়ের অনেক কথাকথিত প্রসিদ্ধ অভিনেতাও তেমন অভিনয় করিতে পারিলে ধন্ত হইয়া যাইত।

ঠাকুরবাড়ীর এই-সব অভিনয়ে যে রঙ্গমঞ্চগুলি তৈয়ারি হইয়াছিল, তাহা অস্থায়ী বটে; কিন্তু এত সুন্দর, ভাবোপযোগী, রুচিসঙ্গত ও শিল্পরীতিসম্মত যে, তাহারা অনেক তথাকথিত স্থায়ী রঙ্গমঞ্চেরও আদর্শ



হামলেটের ভূমিকায় মিঃ ফোর্ব্‌স্‌ রবার্টসন

হইতে পারে। বিশেষ, 'ডাকঘরে'র অভিনয়ে একটি ঘরের ভিতরে এতটুকু জায়গায় যে স্বপ্নের মত মনোরম ও রূপকথার রাজ্যের মত সুন্দর রঙ্গমঞ্চ নির্মিত হইয়াছিল, আমাদের প্রকাশ্য রঙ্গালয়ের কর্তারা যদি তাহা দেখিতেন, তবে তাহাদের চোখও ফুটিত আর শিক্ষালাভও হইত। অবশ্য, 'রবীন্দ্রনাথ', 'গগনেন্দ্রনাথ' ও 'অবনীন্দ্রনাথের' মত প্রতিভা, ক্ষমতা এবং কলাকুশলতা এখনকার সাধারণ রঙ্গালয়ের পেশাদার অভিনেতাদের নিকট হইতে আশা করা যায় না; তথাপি, অভিনয় যে কত উঁচুদরের আর্ট, তাহাতে যে কিরূপ তীক্ষ্ণদৃষ্টির ও রসানুভূতির প্রয়োজন এবং অভিনেতার যে মানুষের

প্রাণের ভিতরকার সূক্ষ্ম ভাবের তন্ত্রীগুলিকে কেমন-করিয়া জাগাইয়া তুলিতে পারেন, অন্তত এটুকু অনুভব করিলেও সাধারণ রঙ্গালয়ের অধ্যক্ষরা অনেকটা উপকৃত হইতেন।

* *
*

আমাদের রঙ্গালয়ের একটা মন্ত খুঁৎ এই, তাহাতে একেবারেই কালোপযোগী নূতনতার বৈচিত্র্য নাই। যুরোপে আজকাল অভিনয় এতটা সূক্ষ্ম ভাব প্রকাশ করিতে পারে যে, মেটারলিঙ্কের 'ব্লু-বার্ড', ইবসেনের 'ওয়াল্ডে ডাক' ও আন্দ্রীভের 'দি গ্যাক মাস্কার্‌স্' প্রভৃতি নাটকের অভিনয়ও

সেখানে সম্ভব হইয়া উঠিয়াছে। অভিনয়ে এ-সব নাটকের রস ঠিকমত ফুটাইয়া তোলা ভারি কঠিন; .এমন-কি, ঐ-সকল নাটকের . কোন-একখানি যদি অভিনয় করিতে হয়, তবে বাঙ্গালী অভিনেতার। চোখে সর্ষেফুল দেখিয়া, একেবারে মাথায় হাত দিয়া বসিয়া পড়িবেন। টিনের মর্চে-ধরা তরবারি ঘুরাইয়া লক্ষ্মণ ও আকাশভেদী চীৎকারের দ্বারা রুদ্ররস প্রকাশ করা, মুখ-ভ্যাংচাইয়া অটম্বরে হাসিয়া হাস্যরস প্রকাশ করা এবং মৃতদেহের পাশে বসিয়া নাকী সুরে কাঁদিয়া করুণরস প্রকাশ করা, বর্তমান যুগে আর চলিবে না। বিংশ-শতাব্দীর যুগধর্ম্মে মানুষের জীবন ক্রমেই ঘটনাশূন্য ও বৈচিত্রহীন হইয়া উঠিতেছে; এখন আত্মার ভিতরে যে নানাভাবে অবিরাম ঘাতপ্রতিঘাত চলিতেছে, বাহিরের জীবনে তাহার কোন লক্ষণ প্রকাশ পায় না। আন্দ্রীভ তাই প্রশ্ন তুলিয়াছেন, "Is action, in the accepted sense of movements and visible achievements on the stage, necessary to the theatre?" এ প্রশ্নের উত্তরে তিনি নিজেই বলিতেছেন, "না, ইহার কোন দরকার নাই।" যেহেতু, "Modern life itself in its most tragic aspects tends to withdraw farther and farther from external activities and deeper and deeper into the recesses of the soul, into the silence and outward calm that characterises mental life."

অভিনেতার প্রধান কর্তব্য যখন মানব-জীবনের প্রতিক্রম-দেখানো, তখন বর্তমানের যুগধর্ম্মে মানব-জীবনে যে পরিবর্তন আসিয়াছে, অভিনেতাও তাহার প্রতি উপেক্ষা প্রকাশ করিতে পারে না। যুরোপের রঙ্গালয়ে তাই এখন মানুষের বাহিরের খোলস ছাড়িয়া ভিতরকার প্রাণের গতি ও লীলা দেখানো হইতেছে। রবীন্দ্রনাথের 'ফাল্গুনী', 'রাজা' ও 'ডাকঘর' প্রভৃতি, বর্তমান কালের উপযোগী নাটক। এ-শ্রেণীর নাটক লিখিয়া রবীন্দ্রনাথ বাঙ্গলা-ভাষায় এক নূতন ধারা আনয়ন করিয়াছেন; কিন্তু এই নূতন ধারাকে দর্শকের হৃদয়ে সঞ্চারিত করিয়া দিবার সাধ্য বা সাহস বাঙ্গলার সাধারণ রঙ্গালয়ের নাই!

রঙ্গালয় জাতীয় জীবন-গঠনে সাহায্য করে। বেশীদিনের কথা নয়,—এই 'স্বদেশী'র যুগেও 'প্রতাপাদিত্য', 'সিরাজ-উদ্দৌলা', 'মীরকাশীম', 'ছত্রপতি' ও 'দুর্গাদাস' প্রভৃতি নাটকের অভিনয়ের দ্বারা বঙ্গ-রঙ্গালয়ের অভিনেতার। দেশময় যে প্রাণের সাড়া জাগাইয়া তুলিয়াছিলেন, আমরা তাহা ভুলি নাই। আমোদের সঙ্গে শিক্ষাদানের কাজ রঙ্গালয়ে যতটা সহজে সারা যায়, ততটা আর কোথাও নহে। রঙ্গালয়ে গেলে সাধারণ লোকের হৃদয় আপনা-আপনি উন্নত, ভাবুক ও সসগ্রাহী হইয়া উঠে। কবির কাব্য বাহারা পড়িয়া বুঝিতে পারে না, অনেক সময় অভিনয় দেখিয়া তাহারা সেটির ভিতরের কথাটি তলাইয়া বুঝিতে পারে,—এ-হিসাবে সাহিত্য-প্রচারের পক্ষেও রঙ্গালয় যথেষ্ট সাহায্য করিয়া থাকে। রবীন্দ্রনাথের

অধিকাংশ সঙ্গীতের সঙ্গেই সর্বসাধারণের পরিচয় নাই; কিন্তু তাঁহার যে গানগুলি রঙ্গালয়ে গীত হইয়াছে, সেগুলি হাটে-ঘাটে-মাঠে, সব জায়গাতে, সব সমাজে চলিয়া গিয়াছে। কোন জাতিকে ভাল করিয়া জানিতে-বুঝিতে হইলে রঙ্গালয়ে যাওয়ার মত সহজ উপায় আর নাই। 'যে' জাতির যেমন মতিগতি, যেমন আচার-ব্যবহার, যেমন সমাজ ও ধর্ম, যেমন ভাষা ও সাহিত্য, এক রঙ্গালয়ের মধ্যে তাহার সমস্তটুকু মস্ত হইয়া ফুটিয়া উঠে। রঙ্গালয়ের এমনি যে কত গুণ আছে, বলিয়া তাহা ফুরানো যায় না। কিন্তু এতবড় প্রশস্ত একটা ক্ষেত্র, —আবাদ করিলে যাহাতে সোনা ফলিত, তাহা যে অবহেলায়-অনাদরে

পতিত জমিতে পরিণত হইতে বসিয়াছে, বাঙ্গালীর পক্ষে ইহা কলঙ্কের কথা।

যতদিন অর্দ্ধেন্দুশেখর, গিরিশচন্দ্র ও অমৃতলাল প্রভৃতি প্রতিভাবান ও ক্ষমতাবান পুরুষের তত্ত্বাবধানে বাঙ্গালার রঙ্গালয় চলিত, ততদিন অভিনয়ে তবু অনেকটা শ্রী-ছাঁদ ও পদার্থ পাওয়া যাইত। কিন্তু, এখন অর্দ্ধেন্দু-শেখর ও গিরিশচন্দ্র মৃত; অমৃতলালও রঙ্গালয় হইতে অপস্থত; ফলে, রঙ্গমঞ্চে যে সঙের নাচ চলিতেছে; তাহার সহিত কোন সমঝদারের সহানুভূতি থাকিতে পারে না। বাঙ্গলায় এখন কি এমন শক্তিমান কেহ নাই, আমূল সংস্কার দ্বারা যিনি রঙ্গালয়কে বর্তমান কালের উপযোগী করিয়া তুলিতে পারেন?

শ্রীহেমেন্দ্রকুমার রায়।

লক্ষ্মীছাড়া

(গল্প)

বসন্তকাল। সন্ধ্যা ঘনাইয়া আসিয়াছে। সমিকিনদের বাড়ীর কাছে নদীর ধারে এক গাছের তলায় বলদেইয়া বসিয়াছিল। বলদেইয়ার বয়স সতেরো বৎসর, মুখে গৌফের রেখাটি দেখা দেয় নাই—সুন্দর মুখ। বলদেইয়ার মন আজ অত্যন্ত অপ্রসন্ন। তিনটি ধারা বহিয়া এই অপ্রসন্নতার শ্রোত ছুটিয়াছিল।

প্রথম ধারা,—কাল তাহার স্কুলের পরীক্ষা। দুইবার 'সে প্রোমোশন পায় নাই,

এবার পাশ না হইলে স্কুল হইতে তাড়াইয়া দিবে।

দ্বিতীয় ধারা,—সমিকিনদের বাড়ী এই ছুটি কাটাইতে আসিয়া তাহার মাথাটা যেন কাটা গিয়াছে। সমিকিনরা বড় লোক—সে গরীব বিধবার ছেলে। তাহার মনে হইত, সমিকিনরা তাহার মাকে ও তাহাকে নিতান্ত কৃপার চোখে দেখিয়া থাকে—আহা, গরীব অনাথ, আশ্রিত! তাহার উপর মার আজগুবি রকমের বড়মানুষির গল্প!

শুনিয়া রাগে তাহার সর্বাঙ্গ জ্বলিতে থাকিত। একবার সে সমিকিনদের বড় মেয়েকে মার এই গল্পে মুখ বাঁকাইয়া একটু হাসিতেও দেখিয়াছিল। সেই দিনই রাত্রে বিছানায় শুইয়া মাকে সে কত করিয়া সাধিয়াছিল, চল মা—আমরা চলে যাই, এখানে আমার এগজামিনের পড়া হচ্ছে না। মা সে কথা উড়াইয়া দিয়া বলে, দু’দিন আপনাদের জনের কাছে একটু জিরুতে এসেছি, তাও তোমার প্রাণে সহিছে না। অভিমানে বলদেইয়া সে রাত্রি কাঁদিয়া কাটাইয়াছিল—চোখে এক ফোঁটা ঘুম আসে নাই। সে মনে মনে প্রতিজ্ঞা করিয়াছিল, একবার বাড়ী ফিরিলে হয়—জীবনে কখনো আর সে এই বড় লোক আত্মীয়দের চোঁকাঠ মাড়াইবে না।

তৃতীয় ধারা,—এইটার কথা মনে হইলেই বলদেইয়ার মুখ-চোখ রাঙা হইয়া উঠিত। বড় লজ্জার কথা এ! তাহার মনে হইত, সমিকিনের ভাইঝী আনাকে সে ভালবাসে। আনার বয়স প্রায় ত্রিশ বৎসর—তবুও কেমন হাসি-হাসি তার মুখখানি, কেমন ডাগর চোঁখ, নিটোল গড়ন, আর রংটুকুও—যেন পাকা আপেলের মত। নিখুঁত সুন্দরী! একসঙ্গে সব ভোজনে বসিলে যখন গল্পে পরিহাসে আনা মুছ হাসির ফোয়ারা খুলিয়া দিত, তখন বলদেইয়ার আর ক্ষুধা-তৃষ্ণার কথা মনেও থাকিত না। সমস্ত নয়ন-মন দিয়া সে আনার রূপ-মাধুরী পান করিত। আনা যদি সহসা সে-সময় তাহার পানে চাহিত ত, বলদেইয়া লজ্জায় ঘাড় নামাইত। আনা চলা-ফেরা করিত, চারিধারের বাতাস

এসেন্সের গন্ধে ভরিয়া উঠিত—সে বাতাস সে গন্ধের স্পর্শে বলদেইয়ার শরীরে রোমাঞ্চ হইত। একান্তে বই খুলিয়া বসিলে বইয়ের হরফ কোথায় উবিয়া যাইত—চোখের সম্মুখে ভাসিয়া ফিরিত, শুধু আনার অপরূপ লাবণ্য-ভরা সুন্দর মূর্তি!

আনার বিবাহ হইয়া গিয়াছিল। স্বামী ইঞ্জিনিয়ার, বিদেশে কি-একটা সহরে কাজ করে—শনিবার রাত্রে এখানে আসে—রবিবার থাকিয়া আবার সোমবার চলিয়া যায়! আনাকে ভালবাসার সঙ্গে সঙ্গে এই ইঞ্জিনিয়ারের উপর দারুণ ঘৃণায় বলদেইয়ার মন ভরিয়া উঠিত। ইঞ্জিনিয়ারটি কিন্তু কোনদিন বলদেইয়ার সঙ্গে কোন বিবাদ করে নাই; একটি রুঢ় কথাও কোনদিন বলে নাই; বরং সে মাঝে পিঙ-পঙ, ছিপ প্রভৃতি আনিয়া তাহাকে উপহার দিয়াছিল। বেচারী ইঞ্জিনিয়ার!

আজ এই নিভূতে গাছের তলায় বসিয়া পরীক্ষার কথা ভাবিতে ভাবিতে আনাকে দেখিবার অদম্য স্পৃহা বলদেইয়াকে মাতাইয়া তুলিল। বলদেইয়া নভেল পড়িয়াছে বিস্তর। প্রেম জিনিষটা কি, তাহার মর্মও যে সে একেবারে না বুঝিত, এমন নয়। এই যে আনাকে দেখিবার এত সাধ, আনাকে দেখিতে এত ভালো লাগে, না দেখিতে পাইলে মন ভাঙ্গিয়া পড়ে, অথচ দৈবাৎ আনা তাহার দিকে চাহিলে লজ্জায় সে মাথা তুলিতে পারে না—এক আনাকেই কেন্দ্র করিয়া এই যে নানা ভাব মনের মধ্যে তাল পাকাইতে থাকে—এ কেন? কেন হয়? এ কি প্রেম? কে জানে! কিন্তু আনার

বয়স যে তাহার চেয়ে অনেক বেশী—
তা-ছাড়া তার স্বামী আছে !

আজ এখন বসিয়া সেই কথাই সে
ভাবিতেছিল, না, এ ত প্রেম নয়। সতেরো
বৎসর বয়সের ছেলে ত্রিশ বৎসরের মেয়ের
প্রেমে পড়ে—এমন কথা ত কোন দিন
কোন উপায়েও কেহ লেখে নাই ! বিশেষ
সে মেয়ের আবার বহুদিন বিবাহ হইয়া
গেছে। এ তবে—এ—

হঠাৎ এমন সময় পাতার মধ্যে একটা
ধস্-ধস্ শব্দ তাহার কানে গেল ; এবং
সঙ্গে সঙ্গে প্রশ্ন হইল, কে ?

স্ত্রীলোকের কণ্ঠস্বর।

বলদেইয়া সে স্বরে শিহরিয়া উঠিল ! এ
স্বর কাহার, সে জানে। এ স্বর যে
তাহার হৃদয়-কুঞ্জে বুলবুলের গানের মত
অহর্নিশি বিরাজ করিতেছে ! কোন মতে
সঙ্কোচ কাটাইয়া বলদেইয়া মাথা তুলিয়া
চাহিল।

সে আনা।

আনা কহিল, এখানে বসে কি হচ্ছে
বলদেইয়া ? কি ভাবছ ! কল্পনা-রাজ্যে উধাও
হয়েছ না কি ? কবিতা লেখা ধরেছ !
তবু জবাব নেই ! আচ্ছা, দিন-রাত কি তুমি
ভাবো, বল দেখি আমায়।

বলদেইয়া উঠিয়া দাঁড়াইল। সব তাহার
গোলমাল হইয়া গেল। কোনমতে সে
আনার মুখের দিকে চাহিল। আনা সত্ত
এই নদীতে স্নান সারিয়া আসিয়াছে।
তাহার কাঁধে তোয়ালে—পিঠের উপর
কোঁকড়া চেউ-তোলা চুলের রাশি থলো
থলো ঝরিয়া পড়িয়াছে, ব্লাউসের উপরকার

বোতামটা খোলা—কাঁধ ও গলা পরিষ্কার
দেখা যাইতেছে, রঙ অমনি ধব্-ধব্
করিতেছে—খোস্-সাবানের গন্ধে চারিধার
মাতোয়ারা। আনা যেন মোহিনী মূর্তি ধরিয়া
দিগ্বিজয়ে বাহির হইয়াছে !

বলদেইয়ার মুখে কথা ফুটিল না—সে
নির্ঝাক স্তম্ভিত দৃষ্টিতে শুধু আনার পানে
চাহিয়া রহিল।

আনা কহিল, মুখে কোন কথাই নেই
যে ! না হয় কবিতাই লিখছ, তবু একজন
স্ত্রীলোক সেধে কথা কচ্ছে, তা জবাব নেই !
এটুকু ভব্যতারও ধার ধারো না ? বলি, কি
হচ্ছে বসে-বসে ! কবিতা, না, দর্শন ? এই
ত তোমার দোষ ! কথা নেই, কিছু না—
খালি মুখের দিকে অবাক হয়ে চেয়ে আছ।
ফি—কারো প্রেমে পড়েছ নাকি ?

বলদেইয়া আনার কাঁধে-ঝোলানো
তোয়ালেটার পানেই চাহিয়া রহিল।

আনা কহিল, তবে দাঁড়িয়েই থাকো
তুমি, কথা কয়ো না। এ কিন্তু প্রেমিকের
লক্ষণ আগাগোড়াই দেখছি। বলি, কার
প্রেমে পড়েছ, বল না বলদেইয়া—!

আনা একটু কাছ ঘেঁষিয়া আসিয়া
বলদেইয়ার হাত ধরিল ; বলিল, চুপি চুপি
বল না আমায়। কাউকে বলব না আমি।

বলদেইয়ার সমস্ত শরীরে বিদ্যৎ ছুটিয়া
গেল। একটা নিশ্বাস ফেলিয়া বলদেইয়া
কহিল, তোমায় ভালবাসি !

আমায় ? আনা উচ্চ হাস্য করিয়া উঠিল,
কহিল, তা বেশ ! আমার খুব সৌভাগ্য
বলতে হবে, এখন—

বলদেইয়া হঠাৎ আনার হাতটা নিজের

দুই হাতে চাপিয়া ধরিয়া কহিল, সত্যি আমি তোমায় ভালবাসি ! বলদেইয়ার চোখের সম্মুখে হইতে সমস্ত জগৎ এক নিমেষে কোথায় অদৃশ্য হইয়া গেল—তাহার মনে হইল, সমস্ত পৃথিবীকে কে যেন ঐ রঙিন তোয়ালেটার ঢাকিয়া দিয়াছে ! সে বিহ্বল হইয়া পড়িল, তাহার চেতনাও লোপ পাইল ।

যখন জ্ঞান হইল, তখনও সেই সাবানের গন্ধে বাতাস মাতাল হইয়া আছে । আনা নাই, শুধু একটা নিষ্ঠুর উচ্চ হাস্যরব ছুরির ফলার মত তাহার স্মৃতিকে বিধিয়া আছে !

সমস্ত ব্যাপারটাও উজ্জ্বল হইয়া ফুটিয়া উঠিল । ছি, ছি, এ সে কি করিয়াছে ! এক মুহূর্তের দুর্বলতায় মনের অত্যন্ত নিভৃত গোপন বেদনাটুকুকে নিষ্ঠুর জগতের চোখের সম্মুখে ধরিয়া তাহাকে লাক্ষিত ক্ষত-বিক্ষত করিয়া ছাড়িয়া দিয়াছে !

সে ভাবিল, এ মুখ এখন বাড়ীতে সকলকে দেখাইব কি বলিয়া ? আনা কি মনে করিল ? নিশ্চয় সে ভাবিয়াছে, কি বর্ষর পশু এই বলদেইয়া ! আনা হাসি-ভরা চোখে তাহার পানে দুই-একবার যা-ও একটু চাহিয়া দেখিত—এখন হইতে সে দৃষ্টির হাসিটুকু ত আর তাহার ভাগ্যে মিলিবে না ! এই অপমানের পর আনা যে তাহাকে অত্যন্ত ঘৃণা করিবে—বিষ-দৃষ্টিতে দেখিবে !

সে ভাবিল, আর নয়—রাত্রি আটটায় একটা ট্রেন আছে, সেই ট্রেনেই চুপি চুপি সে বাড়ী পলাইবে ।

২

সন্ধ্যার পর চোরের মত নিঃশব্দে বলদেইয়া আসিয়া বাড়ী ঢুকিল । আসিয়া ঘরে অন্ধকারে হাতড়াইয়া জামা, বই প্রভৃতি নিজের দ্রব্যগুলি সংগ্রহ করিয়া গুছাইয়া লইয়া যেমন সে বাহির হইবে—আনার স্বর কাণে গেল । শেষবার শুনিয়া লই—ভাবিয়া সে ঘরে কাণ পাতিল । পাশের ঘরে আনা, স্মিকিন-গৃহিণী, তাহার মা—প্রভৃতি সকলে গল্প করিতেছিল । আনা বলিতেছিল, ওর পাশের আশা তুমি ছেড়ে দাও, মাসিমা । ও বেশ প্রেমিক হয়ে উঠেছে । এই আজ আমারি হাত ধরে দিব্যি বললে কি না, আমার ভালবাসে ! শুনে আমি ত আর হেসে বাঁচি না !

ঘরে অমনি হাসির ঝড় বহিয়া গেল । বলদেইয়ার কপাল ঘামিয়া উঠিল, কি এ বর্ষরতা ! না হয় এক দুর্বল মুহূর্তে মনটাকে সে বেশে রাখিতে পারেন নাই—দৈবাৎ তাহার গোপন বেদনাটুকু প্রকাশ করিয়াই ফেলিয়াছে—তাহার জন্ম সহানুভূতি দূরে থাক, শুধু এই পরিহাস,—নিতান্তই ক্রুর মর্মান্তিক পরিহাস ! তাহার চোখ ফাটিয়া জল বাহির হইল । আর এ বাড়ীতে এক মুহূর্তও নয় ! অত্যন্ত সাবধানে সে বাহির হইতে গেল । কিন্তু পাটা কেমন করিয়া চৌকাঠে বাধিল ; শব্দে সে আছাড় খাইয়া পড়িল । মেয়েরা বলিয়া উঠিল, কি ? তখনই শব্দবাস্তে সব আসিয়া আলো জালিয়া দেখে—বলদেইয়া । আনা কহিল, এই অন্ধকারে এমন

করে ভূতের মত চলতে হয়! খুব
লেগেছে? আহা, দেখ দেখি!

মা বলিল, সাথে বলি, ও ভূত!

সমিকিন-গৃহিণী বলিল, ও পুঁটলি
কিসের রে?

আনা স্বহস্তে পুঁটলি খুলিয়া দেখিয়া
কহিল, এ কি! নিজের বইটাই গুছিয়ে
বেঁধে কোথায় যাওয়া হচ্ছিল, এই অন্ধকারে?
কবিতা লিখতে সেই নদীর ধারে না কি?

আনার এ বিক্রমে বলদেইয়ার মনে
হইল, এই দণ্ডে যদি তাহার মৃত্যু হইত!
হায় নারী, তোমাকে ভালবাসিয়া সে এমন
কি অপরাধ করিয়াছে যে তাহার এ
গভীর দুঃখে খোঁচা দিয়া এমন রূঢ়
পরিহাস কর!

মা বলিল, কোথায় যাচ্ছিলি শুনি, এই
রাত্রে?

বলদেইয়া কহিল, বাড়ী যাচ্ছিলুম।

কাল আমার এগ্জামিন।

মা বলিল, সে ত কাল ভোরের গাড়ীতে
গেলেও ঠিক সময়ে পৌঁছতে পারবে—
তাই ত ঠিক আছে। হঠাৎ এই রাত্রেই কি
এমন তাড়া পড়ে গেল যে—

বলদেইয়া বলিল, না, এই রাত্রে
গাড়ীতেই আমার যাওয়া চাই।

আনা কহিল, মাসিমাকে তাহলে কাল
সঙ্গে নিয়ে যাবে কে?

বলদেইয়ার রাগ হইল। আনা আবার
হল ফুটাইতে আসিয়াছে! একটু দুঃখও
হইল,—আর-কেহ এ কথা জিজ্ঞাসা করিলে
সে বেশ কড়া জবাব দিত। কিন্তু আনার
প্রশ্নে কড়া জবাব মুখে আসিল না—একটু

কোমল স্বরে সে কহিল, তা' আমি
জানি না।

মা কি ভাবিতেছিল—আনা তাহার
গায়ে হাত দিয়া কহিল, বেশ ত মাসিমা,
তুমি তাহলে এখানেই থেকে যাও।
পরে বলদেইয়ার দিকে ফিরিয়া বলিল,
তোমার এগ্জামিন হয়ে গেলে তুমিই
এসো মাসিমাকে নিয়ে যেয়ো, বলদেইয়া।
এসো মাসিমা, আমরা খেলিগে।

বলদেইয়া নিমেষ দৃষ্টিপাতে দেখিয়া
লইল, আনার হাতে তাস। তাহার সর্বাঙ্গে
কে যেন কাঁটার চাবুক মারিল। মিথ্যা
সে পলাইতে চায়—ইহাদের প্রাণে একটুও
তাহাতে আঁচ লাগিবে না! ইহারা বেশ
নিশ্চিন্ত চিত্তে আমোদ-আহ্লাদ লইয়াই মত্ত
থাকিবে, আর সে—নিষ্ঠুর, নিষ্ঠুর জগৎ,
তার চেয়েও নিষ্ঠুর, হায়রে, এ জগতে নারীর
প্রাণ!

বলদেইয়া আর তিলমাত্র সেখানে
দাঁড়াইল না—সটান্ বাহির হইয়া পড়িল।

মা কহিল, ওরে কিছু খেয়ে যা—
না, তাহলে ট্রেন পাব না। ষ্টেশনেই
আমি কিছু খাব'খন। পরমা সঙ্গে আছে।

বলদেইয়া চলিয়া গেল।

৩

গ্রামের পথ। সন্ধ্যার পর এখানে
সহরের মত নর-নারীর ভিড় জমিয়া উঠে
না। লোকালয় ছাড়িয়া বলদেইয়া ক্রমে
মাঠের ধারে রাস্তায় আসিল। ষ্টেশনে
হাঁটিয়া যাইতে হইলে এইটাই ছিল সোজা
রাস্তা। মাঠের মাঝে-মাঝে বড় গাছ—
কোথাও-বা গরিবের কুটীর—তথা হইতে

আলোর ক্ষীণ রেখা দেখা যাইতেছে। দূরে থাকিয়া থাকিয়া কুকুর ডাকিতেছে। বলদেইয়ার প্রাণটা কেমন ছাৎ করিয়া উঠিল।

বাড়ী হইতে বাহির হইবার পূর্বে ক্ষণে পলাইবার পক্ষে তাহার যতখানি উৎসাহ ছিল, পথে পা দিয়া সে উৎসাহ অদৃশ্য হইয়া গিয়াছিল। খানিকটা পথ হাঁটিয়া আশ্চর্যের পর ফিরিবার দিকেই মনটা বিষম ঝুঁকিয়া পড়িল। তাহার উপর সকালে এগজামিন দিতে হইবে—এ কথাটা মনে পড়িতেই তাহার গায়ের রক্ত হিম হইয়া গেল। আর আনা! আহা, সেখানে থাকিলে আনাকে সে তবু চোখে দেখিতে পাইত। আবার কবে আনার সঙ্গে দেখা হইবে? দেখা হইবে কি না, তাই বা কে বলিতে পারে! আনা নাই ভালবাসুক, তবু সে ত তাহারে চোখে দেখিয়াই সুখী!

হায়রে, সে যদি আরো বিশ বৎসর পূর্বে জন্মাইত! তাহা হইলে আনাকে বিবাহ করিয়া জীবনটাকে ধন্য করিবার সম্ভাবনা মিলিত। কোথায় থাকিত তখন ঐ হতভাগা ইঞ্জিনিয়ার? আনাকে ফেলিয়া কখনও সে বিদেশে চাকরি করিতে যাইত না। প্রতি সন্ধ্যায় কাজ হইতে ফিরিয়া আনার হাট ধরিয়া এই আলো-আঁধার-ভরা স্বপ্ন-ঘেরা প্রাণের পথে বেড়িয়া বেড়াইত, দুইজনে সুখ-দুঃখের কত কথা কহিত—আর ঐ বেচারী ইঞ্জিনিয়ারটা হয়ত দূর হইতে তাহাদের এ মিলন দেখিয়া দীর্ঘনিশ্বাস ফেলিয়া সরিয়া যাইত! বেচারী ইঞ্জিনিয়ারের দুর্দশা কল্পনা করিয়া বলদেইয়া সত্যই হাসিয়া ফেলিল।

স্বপ্নও সঙ্গে সঙ্গে ভাঙ্গিয়া গেল। হায়রে, সবই শুধু জল্পনা এ। বেচারী সে এই রাত্রে পথ হাঁটিয়া ষ্টেশনে চলিয়াছে, কাল এগজামিন; আর ইঞ্জিনিয়ার ওদিকে সুখ-নিদ্রায় বিভোর—আনাও হয়ত স্বপ্নে ঐ ইঞ্জিনিয়ারটারই হাত ধরিয়া বেড়াইতে বাহির হইয়াছে!

সহসা সম্মুখে আলোর সারি তাহার চোখে পড়িল। এই ত ষ্টেশন! সহসা ভূত দেখিলে মামুষ যেমন চমকিয়া উঠে, বলদেইয়া তেমনি চমকিয়া উঠিল। সে ভাবিল, ঐ ষ্টেশনে টিকিট কিনিয়া একবার গাড়ীতে উঠিয়া বসিলেই—বাস্, কোথায় কতদূরে চলিয়া যাইবে! না, না, সে যাইবে না, আনাকে ছাড়িয়া যাইতে পারিবে না! আবার সেই সমিকিনদের বাড়ীতেই ফিরিবে! সে-বাড়ী ছাড়িয়া আর কোথাও যাওয়া তাহার হইতেই পারে না।

ষ্টেশনের বাহিরে দুই হাতে মুখ ঢাকিয়া বলদেইয়া বসিয়া পড়িল; ষ্টেশনে ঢুকিল না। তারপর ওধারে কখন যে ঘণ্টা পড়িল এবং সশব্দে ট্রেন আসিয়া দাঁড়াইল, আবার যাত্রী উঠাইয়া-নামাইয়া বাঁশী বাজাইয়া হুস্ হুস্ শব্দে চলিয়া গেল, এ সব তাহার খেয়ালই হইল না! ট্রেন চলিয়া যাইবার বহুক্ষণ পরে হঠাৎ যখন ঘড়িতে ঢং ঢং করিয়া দশটা বাজিল, তখন হুঁস হইল। একটা কুলিকে ডাকিয়া সে জিজ্ঞাসা করিল, ট্রেন চলে গেছে?

কুলি কহিল, অনেকক্ষণ।

বলদেইয়ার মনে হইল, আঃ, খুব সে বাঁচিয়া গিয়াছে। বুকের উপর হইতে

একখানা ভারী পাথর সরিয়া গেল; বুকটা হালকা বোধ হইল। সে মহা-উল্লাসে উঠিয়া আবার সম্মিকিনদের গৃহে ফিরিল।

আনা, মা প্রভৃতি সকলে মিলিয়া তখনও তাঁস খেলিতেছে। হঠাৎ বলদেইয়াকে ফিরিতে দেখিয়া মা কহিল, কি রে, ফিরে এলি যে ?

—টেন ফেল হয়ে গেল।

আনা কহিল, যাক্ বাপু আপদ গেছে। এই রাত্রে ছেলেটা বেরিয়ে গেল, মনট্রা কেমন ভয়-ভয় কচ্ছিল। আর এই রাত্রেই যাবার অত কি তাড়া পড়েছিল! নাও, এখন কিছু খাও—খেয়ে শুয়ে পড়গে। কাল আবার ভোরে যাবার হাঙ্গাম আছে ত! মাসিমা, ওঠো বাপু, আর খেলে না! ছেলেটা হাঁটাহাঁটি করে সারা হয়েছে, ওকে কিছু খেতে দাওগে।

বলদেইয়ার প্রাণ জুড়াইয়া গেল। এই পথ হাঁটার অত কষ্ট আনার মুখের মিষ্ট কথা শুনিয়া গেল। কোন মতে মুখে কিছু খাবার গুঁজিয়া একেবারে বিছানায় ঢুকিয়া সে মনের রাশ ছাড়িয়া দিল।

ভাবনার কি আর সীমা ছিল! আনার নানা মূর্ত্তি কল্পনা করিয়া আনাকে নানা-ভাবে দেখিয়া তৃপ্তি যেন আর হয় না!

৪

রাত্রি তখন প্রায় তিনটা। বাহির হইতে মা ডাকিল, বলদেইয়া—বলদেইয়ার ঘুম ভাঙ্গিয়া গেল। সে স্বপ্ন দেখিতেছিল, নদীর ধারে গাছতলায় সে শুইয়া আছে—আর নদীতে আনা স্নান করিতে

নামিয়াছে। বলদেইয়া অর্দ্ধমুদিত নেত্রে আনার পানে চাহিয়া—আনা হঠাৎ ডাকিল, বলদেইয়া। বলদেইয়া চাহিয়া দেখিল। আনা কহিল, তুমি যদি আমায় ভাল না বাসো বলদেইয়া, তাহলে আমি এই জলে ডুবিয়া মরিব। বলদেইয়া মুখে কৌতুকের হাসি হাসিয়া চাহিয়া রহিল, কোন কথা কহিল না। আনা কহিল, ভালবাসিবে না? বলদেইয়া তবু কোন কথা বলিল না। আনা কহিল, তবে এই দেখ, আমি ডুবিয়া মরি। বলিয়াই সে অগাধ জলে ভাসিয়া গেল। বলদেইয়া সভয়ে দাঁড়াইয়া উঠিয়াছে, জলে বাঁপ দিতে যাইবে—ঠিক এমন সময়ে তাহার ঘুম ভাঙ্গিয়া গেল। বাহিরে আবার কে ডাকিল, বলদেইয়া, ও বলদেইয়া শুনতে পাচ্ছি? মা ডাকিতেছিল।

মা ডাকিতেছিল।

বলদেইয়া উঠিয়া দ্বার খুলিয়া দিল।

মা ঘরে ঢুকিয়া কহিল, লিলির বড্ড অসুখ করেছে। এ ঘরে একটা ওষুধ আছে, তাই নিতে এসেছি আমি।

লিলি সম্মিকিনের ছোট মেয়ে।

বলদেইয়া কহিল, কি অসুখ?

ও সেই পুরোনো ব্যাপার। নে, তুই ঘুমো—তাকে আবার কাল এগ্জামিন দিতে যেতে হবে।

মা শেল্ফ হইতে একটা শিশি পাড়িয়া লইয়া চলিয়া গেল। মুহূর্ত্ত পরেই আনার গলা শুনা গেলে বলদেইয়া শুইয়া পড়িল। বলদেইয়ার বুকটা ধড়াস করিয়া উঠিল—ঐ যে আনা। সে তবে নদীতে স্নান করিতে যায় নাই! আঃ! আনা তখনই

বলদেইয়ার ঘরে আসিয়া ডাকিল, বলদেইয়া ঘুমুচ্ছ নাকি ?

বলদেইয়ার মনে হইল, সে কি এখনো স্বপ্ন দেখিতেছে ? সে চোখ খুলিল না।

আনা আবার ডাকিল, বলদেইয়া—

না, এ-স্ত স্বপ্ন নয়। বলদেইয়া ধড়মড়িয়া বিছানা ছাড়িয়া উঠিয়া দাঁড়াইল।

আনা কহিল, মাসিমা অন্ধকারে একটা এসেম্বের শিশিই নিয়ে গেছে। তুমি উঠে দেখত, ঐ সেল্ফে মরফিন্ আছে। সেইটে চাই—লিলির সেই পায়ের যন্ত্রণাটা আবার বেড়েছে—কিছুতে ঘুমুতে পাচ্ছে না, বাড়ীশুদ্ধ লোককে অস্থির করে তুলেছে।

আনা বাতি লইয়া সেল্ফের কাছে আসিল। বলদেইয়া গিয়া হাত বাড়াইয়া শিশি পাড়িল; আনা আরো কাছে আসিয়া শিশির গায়ে আঁটা লেবেল লাগিল। বলিল, এইটেই ত ? দেখ দেখি।

আনার নিশ্বাস বলদেইয়ার গায়ে লাগিল। তাহার দেহ রোমাঞ্চিত হইয়া উঠিল। বুকের স্পন্দন যেন হঠাৎ থামিয়া গেল। সে একটা দীর্ঘনিশ্বাস ফেলিল।

তারপর আনা কহিল, আমি কাচের গ্লাস আনছি, তুমি তাতে দু ফোঁটা ঢেলে দাও দেখি।

আনা গ্লাস লইয়া আসিল। বলদেইয়া ঔষধ ঢালিল, অনেকগুলো ফোঁটা পড়িল। আনা হাসিয়া কহিল, আচ্ছা এ যাহোক ! দাও, আমার দাও।

আনা শিশি কাড়িয়া ঔষধ ঢালিতে বসিল—বলদেইয়া মুগ্ধ দৃষ্টিতে আনার পানে

চাহিয়া রহিল। তাহার মাথার মধ্যে রক্ত চন্মন করিয়া উঠিল। সে ডাকিল, আনা

চমকিয়া আনা বলদেইয়ার পানে চাহিল। তাহার মুখের ভাব দেখিয়া আনা কহিল, ও কি ? অর্ধফুট ভাষায় বলদেইয়া আবার ডাকিল, আনা—চোখ তাহার আচ্ছন্নের মত বুজিয়া আসিল। সে মুচ্ছিত হইয়া পড়িয়া যাইতেছিল, আনা তাড়াতাড়ি তাহাকে ধরিয়া ফেলিল—ঔষধের শিশি রাখিয়া নিজের বুকে বলদেইয়ার মাথা রাখিয়া মুখে ধীরে ধীরে আনা হাত বুলাইয়া দিল; সম্মুখে গ্লাসে জল ছিল, চোখে-মুখে জলের ছিটা দিতে বলদেইয়া চোখ মেলিল! চোখ মেলিয়া আবার ডাকিল, আনা—

কি বলদেইয়া ?

—তুমি বড় সুন্দর, আনা। তোমায় আমি ভালবাসি। আনা তীব্র দৃষ্টিতে বলদেইয়ার পানে চাহিল। বলদেইয়া আর কোন কথা কহিল না—পাগলের মত ফ্যাল-ফ্যাল করিয়া শুধু আনার পানে চাহিয়া রহিল। আনা তীব্রকণ্ঠে ডাকিল, মাসিমা—

মা আসিয়া কহিল, কেন ? কি হয়েছে ? ...এ কি ?

আনা কহিল, ছেলের 'গোয়ার্ডুমির ফল'। ঐ রাত্রে অত পথ না খেয়ে একলা হেঁটে যাওয়ার ফল ! ওষুধটা পাড়তে গিয়ে মাথা ঘুরে গেছিল—যাক, ভয় নেই, সামলেছে। তুমি ওকে একটু বাতাস কর দেখি। আমি লিলিকে ওষুধটা দিয়ে এখনই আসছি।

৫

সে রাত্রে বিছানায় পড়িয়া বন্দেইয়া অনেক কথা ভাবিতে লাগিল। নানা চিন্তার ভারে সে জর্জরিত আকুল হইয়া উঠিল। নিজের উপর ধিকারে মন ভরিয়া গেল। আনা— একজনের স্ত্রী সে, তাহাকে ভালবাসার কথা বলিয়া কতখানি তাহাকে সে অপমান করিয়াছে! এই সব ভাবিতে ভাবিতে শেষ রাত্রে এক সময়ে ঘুমাইয়া পড়িল।

সকালে যখন ঘুম ভাঙ্গিল, তখন সূর্যের অমল রশ্মি চারিদিকে ছড়াইয়া পড়িয়াছে, লতায়-পাতায় সৌন্দর্য্য ফুটিয়াছে; পাখীর দল নানা ছন্দে গান ধরিয়াছে, চারিদিকে জীবনের বিচিত্র কলরব ছুটিয়াছে। বন্দেইয়া উঠিয়া বাহিরে আসিয়া দাঁড়াইল। নূতন আলোর জগৎ আজ ভরিয়া গিয়াছে! কোন খানে এতটুকু কালিমা নাই, গ্লানি নাই, সমস্তই সুন্দর! সে আলোর স্পর্শে তাহার মনের ভিতরকার ঘন অন্ধকার মুহুর্তে কোথায় মিলাইয়া গেল। সূর্যের এই স্নিগ্ধ আলোর দাঁড়াইয়া তাহার মনে হইল, পৃথিবীতে এত আলো, কি এ নির্মল উজ্জ্বল, মহিমাময়! এমন সজীব, সুদৃঢ় জীবন চারিদিকে! গত রাত্রির কথা মনে পড়িলে অসহ্য অনুতাপে মন ভরিয়া গেল। এই নির্মল সূর্য্য-কিরণে কি বিচিত্র মাধুরী, কি অপূর্ব মহিমা!

মা আসিয়া বলিল, এত দেয়ী করে ওঠে! শীগগির খেয়ে নে। গাড়ী তৈরী। এখন না বেরলে ট্রেন ধরতে পারবি না।

খাওয়া শেষ করিয়া মা ও ছেলে

আসিয়া গাড়ীতে বসিল। আনা ও তাহার স্বামী বাহিরে আসিয়া দাঁড়াইল। ইঞ্জিনিয়ার কাল রাত্রে হঠাৎ আসিয়া উপস্থিত হইয়াছিল। সে কহিল, এগজামিন দিয়ে আবার এসো, বন্দেইয়া। আমি কিছুদিন ছুটি নিচ্ছি এবার, আনাকে নিয়ে এবার এক জায়গায় বেড়াতে যাব। ওর সাধ, তোমাকেও আমরা সঙ্গে নিই। সে বেশ হবে—ক'জনে খুব বেড়াব; আমরা দুজনে শীকার করতেও যাব'-খন।

আনা কহিল, বেশ মন স্থির করে এগজামিনটা দিয়ে বন্দেইয়া। এখন শরীর বেশ সুস্থ বোধ কচ্ছ ত?

বন্দেইয়া অবাক হইয়া গেল। কি সহজ সুর, আশ্চর্য্য ভঙ্গিমা, এই আনার। কাল সে তাহাকে অমনভাবে অপমান করিয়াছে—সে কথা আনা একটুও আর মনে রাখে নাই! অমন হাসিমুখে সুরে এতখানি স্নেহ ঢালিয়া তাহার সহিত কথা কহিতেছে! আনা, আনা, তুমি—? তাহার চোখে জল আসিল।

গাড়ীতে উঠিয়া মার পানে দৃষ্টি পড়িতেই কিন্তু রাগে সে একেবারে গর্জিয়া উঠিল। মার দিব্য সুসজ্জিত বেশ—বড়লোক আত্মীয়দের বাড়ী হইতে চাহিয়া-লওয়া একটা শাল সগর্বে মা গায়ে জড়াইয়াছে।

বন্দেইয়া গর্জিয়া উঠিল, মা—

মা কহিল, কি?

—তোমার লজ্জা হচ্ছে না? এই রকম সাজ-সজ্জা করে পথে বেরতে? তুমি এই যে আগাগোড়া পোষাক পরেছ, এ তোমার নিজের নয়, ধার-করা ভিন্কে-মেগে-নেওয়া—ছি!

মা রাগিয়া কহিল, তোর যে বড় মুখ হয়েছে, দেখছি !

—চোখ রাঙাচ্ছ কি-মা ? ঘুণায় আমার আপাদ-মস্তক জলে যাচ্ছে। ফেলে দাও, ফেলে দাও তোমার ঐ ভিক্ষে-মাগা পচা শাল। ওর চেয়ে তুমি গরীব, তোমার সে ছেঁড়া কাপড়ে তোমায় রাণীর মত দেখায় যে !

মা বলিল, সকল-তাতে তুই কথা কসনে, বলছি। ধাম্। মাকে অপমান !

—অপমান ! মান তোমার কিছু আছে, কিছু কি আর রেখেছ মা ? এই বড়লোক আত্মীয়দের কাছে মিথ্যে বড়মানুষির গল্প করে তোমার মাথা খারাপ হয়ে গেছে। মনের অগোচর পাপ নেই। তুমি ভাব, তোমার ঐ গল্প তারা বিশ্বাস করত ! না। ঘুণায় তারা মুখ টিপে হাসত।

মা বলিল, আবার !

—তুমি শাল খুলবে না ? বেশ, তোমার শাল মুড়ি দিয়ে তুমিই থাকো। কিন্তু আমার এ সহ হচ্ছে না। আমি তোমার সঙ্গে এক গাড়ীতে বসে তাহলে যেতে পারব না। আমি কোচবাক্সে উঠে বসিগে।

মা বলিল, দেখ, পাগলামি করিস্ নে। কোচম্যানটা কি মনে করবে ?

—কি আবার মনে করবে ! সে কি কিছু বোঝে না, ভাবো ? সে ও শাল খুব চেনে—সে মুখ টিপে মুচকে হাসচে, বুঝছে, কাজালী কুটুম এসেছিল, আজ ঐ পচা পা-মোচা শালখানা বিদেয় পেয়ে বাড়ী ফিরছে !

বলদেইয়া সজোরে চলন্ত গাড়ীর দ্বার

খুলিয়া পথে লাফাইয়া পড়িল। মা ইজ্জৎ যাইবার ভয়ে শিহরিয়া শুধু চাহিয়া রহিল, কোনরূপ চীৎকার করিল না। ব্যাগার দেখিয়া কোচম্যান গাড়ী থামাইল—বলদেইয়া কোচ বাক্সে উঠিয়া বসিল। বাহিরে কি চমৎকার হাওয়া ! মার প্রাণও একটু আশ্বস্ত হইল—কোচম্যানটা কিছু বুঝিতে পারে নাই।

৬.

সহরে এক বড় বাড়ীর দুইটা ঘর ভাড়া লইয়া মা-ও ছেলে থাকিত। আর অল্প। সে আয়ে কোনমতে ঘরের ভাড়া ও ছেলের স্কুলের মাহিনা দিয়া যাহা থাকিত তাহাতে এই দুইটা প্রাণীর কোন রকমে চলিয়া যাইত। মার মনে সুখ ছিল না—কারণ, মা ছিল সৌ খীন—বড়লোক আত্মীয়-কুটুম্বদের দেখিয়া চাসটাও তাহার বড়মানুষি রকমের দাঁড়াইয়াছিল। স্বামী বাঁচিয়া থাকিতে কোনদিন আয়-ব্যয়ের সামঞ্জস্য করিতে পারে নাই, প্রায়ই স্বামী-স্ত্রীতে খুঁটিনাটি লইয়া বিবাদ বাধিত। স্বামী বেচারার মনের সুখে চিরদিনই বঞ্চিত ছিল—মরিবার সময় তাই সে বেশ হাসিমুখেই মরিয়া ছিদা।

বলদেইয়া বাড়ী ফিরিয়া ঘরে বসিয়া সেই সব কথা ভাবিতেছিল। ভবিষ্যৎ তাহার অন্ধকার ! জীবনে এতটুকু ক্ষুণ্ণি নাই, স্বাচ্ছন্দ্য নাই। এ-সব যাহাদের থাকে না, তাহারা তবু ভবিষ্যতের একটা আশা লইয়া কোনমতে দিন কাটাইয়া দেয়। কিন্তু তাহার এমন একটু ক্ষীণ আশাও নাই

বার মুখ চাহিয়া এই নীরস লক্ষ্মীছাড়া দিনগুলো সে কাটাইয়া দিতে পারে।

ভাবিতে ভাবিতে মাথাটা দপ-দপ করিয়া উঠিল। বলদেইয়া এগজামিন দিবার জন্ত বাহির হইয়া গেল।

কিন্তু স্কুলে গেল না। মাঠের ধারে ঘুরিয়া সে একটা ভাঙ্গা বাড়ীর ধারে আসিয়া বসিল। সামনে নানা বনফুলের গাছে নানা রঙের ফুল ফুটিয়া আছে, নানাবর্ণের প্রজাপতির দল উড়িয়া বেড়াইতেছে। কি স্বচ্ছন্দ, লঘু গতিটুকু! দূরে পাঁচ-ছয়জন ছেলে-মেয়ে খেলা করিতেছিল। ওধারে এক বেঞ্চে বসিয়া তরুণ প্রণয়ী-প্রণয়িনী প্রাণের কথা কহিতেছে! সকলেরই মনে কত সুখ, কত আনন্দ! বলদেইয়ার মনের-মধ্যকার অন্ধকারটুকু আরো নিবিড় হইয়া উঠিল।

সন্ধ্যার পর সে বাড়ী ফিরিল। ঘরে ঢুকিয়া দেখে, মা বন্ধুদের লইয়া গল্পগুজবে মত্ত; ছেলের পানে চাহিয়াও দেখিল না। মা বলিতেছিল, সমিকিনরা—ওঃ কত বড় মানুষ! অগাধ টাকা! মাদাম সমিকিন হল আমার মামাতো বোন—সে ব্যারণের মেয়ে—আমায় কি ছাড়তে চায়? বলে, এত ঘর-দোর—এইখানে থাকো। তোমার কি সে দারিদ্র্য পোষায়! রঙ একেবারে কালি মেড়ে গেছে। এত হুংখে-কষ্টে বাঁচবে কেন? তা ঐ লক্ষ্মীছাড়া ছেলেটার জন্তই না শুধু—

বলদেইয়া হাঁকিল, মা—সে স্বরে মা চমকিয়া উঠিল।

মা বলিল, "কি বলছিস রে?"

—কেন ওসব আজগুবি রূপকথা নিয়ে তুমি আসর জমাচ্ছ! তুমি ত জানো, যা বলছ ও সব মিথ্যে—

মা জ্বলিয়া উঠিল। এত-বড় অপমান— এমন করিয়া অপ্রতিভ করা, তাও নিজের ছেলে হইয়া—! মা বলিল, "কি মিথ্যে বলেছি—?"

—ঐ সব ব্যারণ ফ্যারণ। তুমি যেমন অবস্থার লোক, তোমার তেমনি থাকাই ভাল। সেখানকার আদর-যত্ন! লজ্জা করে না, সে কথা বলতে! বাদীর মত মোসাহেবের মত তাদের মন জুগিয়ে থাকতে এত ভাল লাগে তোমার? তাহলে সেখানেই যাও। এখানে কেন! আমি তোমায় আমার সঙ্গে আসতে বলিনি ত এখানে!

মা রাগে কাঁপিতে লাগিল। বন্ধুর দল অবাক—কেহ-বা মুখের কণ্ঠে হাসি চাপিল।

বলদেইয়া আর মুহূর্ত সেখানে দাঁড়াইল না। বিষ! বিষ! চারিধারে শুধু বিষ! ধনের বিষ, গর্কের বিষ! পৃথিবীটা বিষম বিষে বিষাইয়া উঠিয়াছে! কোথায় রে কোথায় সে ঠাই—যেখানকার নিশ্চল নিষ্পাপ নিষ্কলঙ্ক জীবনের অমন প্রকাণ্ড সূচনা আজিকার প্রভাত-সূর্য্য, পাখীর গান, কন্দ-কলরব বিচিত্র বর্ণে জাগাইয়া তুলিয়াছিল?

পাশের একটা ঘরে আসিয়া টেবিলের সম্মুখে দুই হাতে মুখ ঢাকিয়া বলদেইয়া বসিয়া পড়িল। কি বিস্ত্রী কদর্য্য এ জীবন— শুধুই এখানে গ্লানি ও পঙ্কিলতার দূষিত বাষ্প উঠিতেছে! অসহ!

মাথা তুলিয়া সে দেখে, অদূরে দেবাজের

মাথায় কি একটা পদার্থ মুখ বাড়াইয়া পড়িয়া আছে। কি ওটা? বলদেইয়া উঠিয়া সেটা হাতে লইল, ঘুরাইয়া ফিরাইয়া দেখিল— একটা পিস্তল। মুখে তাহার হাসি আসিল। সে পিস্তলের একটা ঘোড়া টানিল— আর একটা টানিল। শুধু আওয়াজ হইল, টিক্-টিক্! কি নিরীহ মিষ্ট স্বর! তারপর একদৃষ্টে সেটার পানে সে চাহিয়া রহিল। জীবনে ইহার পূর্বে আর কখনও সে রিভলভার হাতে করে নাই।

বাহিরে কে শিষ দিতেছিল—সঙ্গে-সঙ্গে আর একজন মুহূর্তে গান ধরিয়াছিল। প্রেমের গান! বাঃ, ইহারা ত বেশ মনের সুখে আছে এখানে!

অলক্ষ্যে বলদেইয়া রিভলভারের আর একটা টিগার টানিল—রিভলভারের মুখটা তাহার দিকেই ফেরানো ছিল। হঠাৎ সেটা চোখ রাঙাইয়া চাহিল, বলদেইয়ার মাথায় পিছনে প্রকাণ্ড একটা ধাক্কা লাগিল— চক্ষু মুদিয়া টেবিলের নীচে সে সজোরে পড়িয়া গেল। মুহূর্তে সে দেখিল, তাহার চোখের সম্মুখে তাহার পিতা—মাথায় সাদা টুপি, দুই হাত বাড়াইয়া তিনি বলদেইয়াকে কোলে ডাকিলেন। বলদেইয়া ঝাঁপাইয়া তাঁহার কোলে পড়িল—তারপর দুইজনেই এক গভীর অন্ধকারময় গহ্বরে কোথায় তলাইয়া গেল। চারিধার সব ঝাপসা আঁধার! *

শ্রীসৌরীন্দ্রমোহন মুখোপাধ্যায়।

মাসকাবারি

বুদ্ধিমানের কৰ্ম্ম

রবীন্দ্রনাথ তাঁর “কর্ত্তার ইচ্ছায় কৰ্ম্ম” শব্দকে যে আত্মকর্ত্ত্ব-বাদ প্রচার করিয়াছেন, তার প্রতিবাদ হিসাবেই হোক বা অনুবাদ হিসাবেই হোক শ্রীযুক্ত বিপিনচন্দ্র পাল মহাশয় ভাদ্রের “নারায়ণে” “বুদ্ধিমানের কৰ্ম্ম” লিখিয়াছেন। তিনি ষত বড় মনোষাই হোন সমাজ বা ধর্ম্ম শব্দকে তাঁর মতকে চূড়ান্ত মত মনে করাটা বুদ্ধিমানের কৰ্ম্ম নয়, কেননা সকলেই জানেন যে এ সকল

বিষয়ে নাসৌ মুনির্ষস্য মতং ন ভিন্নং। অতএব রবীন্দ্রনাথ যদি ব্যক্তি-স্বতন্ত্রতার তরফে এক তরফা বিচার করিয়া থাকেন, তবে শাস্ত্র ও সমাজ-তন্ত্রতার তরফে সে বিচারের বিরুদ্ধে আপিল দাখিল করা বুদ্ধিমান ব্যক্তিমানেরই কর্ত্তব্য। সেইজন্য বিপিনবাবু “কর্ত্তার ইচ্ছায় কৰ্ম্ম” শব্দকে আলোচনা করিয়াছেন দোঁখিয়া আমরা অত্যন্ত আনন্দিত হইয়াছি।

আমাদের দেশের অধিকাংশ লোকেরই মেজাজ এত ঠাণ্ডা যে তাঁরা বাদ-প্রতি-

* আস্তন্ শেকভের গল্পের ইংরাজী অনুবাদ অবলম্বনে।

বাদকে উরান। কর্তার ইচ্ছায় কর্ম করার সংস্কার যে আমাদের হাড়ে, হাড়ে বসিয়া গেছে, এটাও তার একটা উদাহরণ। তাঁরা বলেন, তর্কের দ্বারা কি কোন কিছুর মীমাংসা হয়? “তর্কে বহুদূর”। আমাদের প্রকৃতির মধ্যে তর্ক-ভীকৃত্য এই যে সংস্কার, এর কারণ সুদীর্ঘকাল ধরিয়া আমাদের দেশে “তৈলাধার পাত্র কি পাত্রাধার তৈল” ইত্যাকার নৈরায়িক চেকির কচকচি হইয়া গেছে। বিজ্ঞানের চর্চা না থাকিলে বস্তুজ্ঞান একেবারে লোপ পায়, তখন অস্বীকার (inference) অল্প উপযুক্ত পরীক্ষার প্রয়োজন থাকে না। সে অবস্থায় তর্ক জিনিসটা কূটতর্ক হইয়া বিষম উৎপাত উপস্থিত করে। কিন্তু যে তর্ক-প্রণালী বিজ্ঞান-সম্মত, তাকে আশ্রয় না করিলে তর্ক-বিচার হইবে কি উপায়ে? সেই প্রণালীকে অবলম্বন করিয়া, সমাজ-বিজ্ঞান রাষ্ট্র-বিজ্ঞান ও ধর্মবিজ্ঞান প্রভৃতি আধুনিক মানব-বিজ্ঞানগুলির উৎপত্তি হইয়াছে।

বিপিনবাবুর প্রবন্ধকে ঠিক প্রতিবাদ বলা যায় না, কারণ “কর্তার ইচ্ছায় কর্মের” আসল বক্তব্য সম্বন্ধে বিপিন বাবুর মতভেদ নাই। তিনি লিখিয়াছেন, “রবীন্দ্রনাথ আমাদের দেশ-প্রচলিত ধর্মের ও আচার বহু সমাজের যে সকল ক্রটি দেখাইয়াছেন, তার অনেক কথাই সত্য। গতানুগতিক ধর্ম বেভাবে শাস্ত্র মানিয়া চলে, তাহাতে ধর্মাচরণ সম্ভব হইলেও, ধর্মসাধন সম্ভব নয়; এ কথা শতমুখে স্বীকার করি।” সুতরাং বিপিন বাবুর লেখাটিকে রবীন্দ্রনাথের প্রবন্ধের প্রতিবাদ না

বলিয়া অনুবাদ বা অনুবৃত্তি বলিলেই ঠিক হয়।

রবীন্দ্রনাথের প্রবন্ধের মোট কথাটা ছিল এই যে, “কর্তার-ইচ্ছায়-কর্ম” এই নীতি যে সমাজের চরম নীতি, সে সমাজে প্রতি ব্যক্তির আত্মকর্তৃত্বের কোন স্থান থাকে না। সামাজিক ব্যাপারে যারা আত্মকর্তৃত্ব লাভনা করিবার অধিকার পায় নাই, সহসা রাষ্ট্রীয় ব্যাপারে আত্মকর্তৃত্বের চর্চার সফল হওয়া তাদের পক্ষে অসম্ভব। সুতরাং রাষ্ট্রীয় ব্যাপারে যদি আত্মকর্তৃত্বের অধিকার আমরা সত্যসত্যই চাই, তবে সামাজিক ব্যাপারে সে অধিকারকে সঙ্কুচিত করিলে চলিবে না।

এই শেষ কথাটুকু মানিতে বোধ হয় বিপিন বাবুর আপত্তি আছে। শুধু বিপিন বাবু কেন, অনেকেরই আপত্তি আছে। ইউরোপে, যে সকল জাতি রাষ্ট্রে আত্ম-প্রতিষ্ঠা করিয়াছে, তারা যে ধর্মে ও সমাজে সকল রকম অর্থহীন আনুগত্য ও আচার-বশুতাকে অস্বীকার করিয়া তবে রাষ্ট্রীয় স্বাধীনতা পাইয়াছিল, ইতিহাসে এমন নজির মেলেনা। ধর্মে শাস্ত্র ও চর্চানুগত্য ইউরোপে এখনও যথেষ্ট পরিমাণে বিদ্যমান। সমাজেও আচারবশু জাতি ইউরোপে এখনো বিরল নয়। বস্তুত রাষ্ট্র-ব্যাপারে আত্মকর্তৃত্ব লাভ করার দরুণই ইউরোপে ধীরে ধীরে সামাজিক ব্যাপারেও অধীনতার নাগপাশবন্ধনগুলি খুলিয়া গিয়াছে—মানুষের অধিকারকে যে কোথাও সঙ্কুচিত করা চলিবে না, এ বোধ ইউরোপীয় জাতিদের অস্থিমজ্জার সঙ্গে মিশিয়া গেছে। প্রটেষ্ট্যান্ট ইংলণ্ডে,

এমন কি ১৮২৯ খৃষ্টাব্দ পর্যন্ত, রোমান ক্যাথলিক ধর্মাবলম্বীদের নানা বিষয়ে আধিকার ছিল না—অবশেষে Catholic Emancipation Bill যে পার্লামেন্টে পাস করা হয়, তাহা ধর্মদ্বন্দ্বের কোন পক্ষই ভাবে প্ররোচনায় হয় নাই। আধিকারকে সকল প্রকারিতা করা দরকার, সেই বোধের বশবর্তী হইয়াই ইংরেজরা বিল পাস করেন। স্পেনের আরম্ভ হইতে ইংরেজের কাছে হার মানিয়াছিল, তাহা কারণ রবীন্দ্রনাথ উল্লিখিত করিয়াছেন এই যে, স্পেনের রাজ্যে বড়ী বসিয়াছিল। কিন্তু তারও আবার কারণ এই যে, স্পেনে তখনও প্রজাতন্ত্র কোন আকারেই প্রবর্তিত হয় নাই। যে জাতি রাষ্ট্র-ব্যাপারে একবার আত্মকর্তৃত্ব-চালনার প্রয়োগ পাইয়াছে, সে ক্রমশঃ তাহা সমাজেও সে আধিকারের পথকে প্রশস্ত করিয়া তোলে, ইউরোপের ইতিহাস হইতে এই শিক্ষাই আমরা পাই।

কিন্তু এও যে একতরফা কথা। ইউরোপে রেনেসাঁসের নবশোধনের দাক্ষিণ্যে বাস্তবতা যদি এক সময়ে না বহিত, তবে তার মধ্যযুগীর চর্চা এবং সমাজের জলা-জীর্ণ নানাবন্ধন-জর্জ্বর শাখায় শাখায় প্রাণের প্রবাহ আর কোন কাণেই দেখা দিত না। ব্যক্তির সর্ববিষয়ে অধীনতাই ছিল মধ্যযুগের আদর্শ; অর্থাৎ পুরাদস্তুর 'কর্তার-ইচ্ছার-কর্ম'। সেই আদর্শের জায়গায় ব্যক্তির সর্ববিষয়ে অধিকার ও কর্তৃত্ব-লাভের সুযোগকে প্রশস্ত করিবার আদর্শকে দাঁড় করাইবার জন্ত শুধু রেনেসাঁসের মত অন্তর্ভুক্ত একটা আন্দোলনেই কুলাই নাই

—রেফরমেশন Reformation ও ফ্রেন্সে রেভোলুশনের (French Revolution) মত পটভূমি আন্দোলন ও বিপ্লবেরও প্রয়োজন হইয়াছিল। রেনেসাঁসে জ্ঞান বিজ্ঞানের উন্মেষ; রেফরমেশনে ধর্ম বিষয়ে স্বাধীনতা লাভ; ফ্রেন্সে রেভোলুশনে গণতন্ত্রতার প্রতিষ্ঠা। এই তিন আন্দোলনের কোনটিই উপেক্ষণীয় নয়—তিনের যোগেই ইউরোপ তার মধ্যযুগীয় বন্ধন-কারার শেষ প্রাচীর-টাকে পুণিসংস্কার করা ফেলিয়াছিল।

রবীন্দ্রনাথের "কর্তার ইচ্ছার কর্মের" মূল কথাটি এই যে, ইউরোপ তার মধ্যযুগের বন্ধন-দশার নানা কঠিনতা বর্তমান যুগের স্বাধীনতার উন্মুক্ত রাজপথে বাহির হইয়াছে; কিন্তু আমরা এখনো, এই বিংশ শতাব্দীতেও, সেই মধ্যযুগীয় গভীর আবরণের মধ্যেই বাধা পড়িয়া আছি। অর্থাৎ আমরা এখনো ছায়ায় কি ত্রয়োদশ শতাব্দীরই লোক।

বিপিনবাবু লিখিয়াছেন, "রবীন্দ্রনাথ হ্যা ভুলিয়া গিয়াছেন যে, আমাদের দেশের জনসাম্প্রদায় যে ভাবেই শাস্ত্র-ভঙ্গ হইয়া চলাক না কেন, মামকেরা কোনও দিন, তিনি যে শাস্ত্রভঙ্গের অনিষ্টকারিতা উল্লেখ করিয়াছেন, সেভাবে শাস্ত্র মানিয়া চলেন নাই। যারা এদেশে ধর্মসাধন করেন, কেবল ধর্মোচরণ করিয়াই নিশ্চিত থাকেন না, তারা সর্বদাই সত্য বস্তুকে ও তত্ত্ববস্তুকে প্রত্যক্ষ করিতে চাহিয়াছেন কেবল শাস্ত্র বা গুরুমুখে তার কথা শুনিয়া কোনও দিন তৃপ্ত রহেন নাই। * * *

"সত্যের আঠার শত বৎসর পরিমা

খৃষ্টিয়ানদিগের মধ্যে সেই একই বাইবেল একমাত্র অত্রান্ত শাস্ত্র হইয়া আছে। এই বাইবেলের অনেক টীকা-টিপ্পনি রচিত হইয়াছে বটে, কিন্তু তাঁর এক পংক্তিও প্রামাণ্য-মর্যাদা প্রাপ্ত হয় নাই। আর আমাদের দেশে যুগে যুগে সাধক ও সিদ্ধ পুরুষেরা আপনাদের অন্তরের প্রত্যক্ষ অনুভবের দ্বারা যাহা প্রত্যক্ষ করিয়াছিলেন, ও সেই আত্ম-প্রত্যক্ষের অভিধানের সাহায্যে শাস্ত্রবাক্যের যে অর্থ করিয়াছেন, তাহাই তাঁহাদের নিজ নিজ সম্প্রদায় মধ্যে পূর্বতন শাস্ত্রের সমান মর্যাদা ও আধিকার পাইয়াছে।

* * *

“কলত রবীন্দ্রনাথ আমাদের শাস্ত্রকে যেক্ষপ স্বেচ্ছাচারী ও অত্যাচারী রাজার বেশে সাজাইয়া সেদিন আসরে নামাইয়াছিলেন, প্রকৃত পক্ষে ভারতের শাস্ত্র কোন দিন সেরূপ ছিল না, কখনও সেরূপ নাই।

সাধকেরা কি ভাবে শাস্ত্র মানেন কিবা শাস্ত্র কি ভাবে মানা উচিত, এ বিষয়ে রবীন্দ্রনাথ তাঁর “কর্তার ইচ্ছায় কশ্মে” কোন আলোচনাই করেন নাই। মুক্তিকে পঙ্কু করিয়া, বুদ্ধি বিচারকে বিসর্জন দিয়া যে শাস্ত্রানুগত্য বা আচারবশততা ভারতের অগণিত জনগণের মধ্যে সর্বদাই দেখা যায়, রবীন্দ্রনাথ কেবল তাহারি প্রতিবাদ করিয়াছিলেন।

বিপিনবাবু যেভাবে শাস্ত্রপ্রামাণ্যকে মানিবার কথা বলিয়াছেন, আধুনিক যুগশুকুরাজা রামমোহন রায় সেই আবেগেই সকল দেশের ধর্ম শাস্ত্রকে প্রামাণ্য বলিয়া গ্রহণ করিয়াছিলেন। “ভূতকাতুল মোহারেদীন”

—প্রণেতা রামমোহন এবং “বেদান্ত গ্রন্থ” প্রকাশক রামমোহন এই রামমোহন নন। ফরাসী বিপ্লবের যুগে রামমোহনের জন্ম; ফরাসী বিপ্লবের মঞ্চে তাঁর দীক্ষা; শাস্ত্রশুকুর পুরোহিত প্রভৃতি সকল শাস্ত্র

অস্বীকার কারিবার ভিতর দিয়া, রাজা রামমোহন রায়ের জায় অসাধারণ মনোবীজ এক সময়ে যাইতে হইয়াছিল। কিন্তু ক্রমে তিনি অশ্রুভব করিলেন যে, শুধু যুক্তিতেই (Reason) মানুষের মুক্তি নাই; বৃগ যুগের মানুষের জ্ঞান ও অভিজ্ঞতা রাশির সঙ্গে প্রতি সাধকের স্বাধীন বুদ্ধির সামঞ্জস্য না ঘটিলে মানুষের মুক্তি যথার্থ মুক্তি হইবে না। মানুষের ধর্ম ও সমাজের সকল অনুষ্ঠান প্রতিষ্ঠান সর্বতোভাবেই যে মানুষের বন্ধনের কারণ একথা সত্য নয়; কারণ তাদের মধ্যেও কোথাও না কোথাও মুক্তির ইঙ্গিত আছেই; সেই ইঙ্গিতগুলিকে বুদ্ধির সাহায্যে উদ্ধার করিলে তবেই আবার তাদের নূতন যুগধর্মোপযোগী করিয়া গাড়িয়া তোলা যায়। “বেদান্ত গ্রন্থের” “অনুষ্ঠানে” রামমোহন তাই লিখিয়াছিলেন, “আমাদিগের উচিত যে শাস্ত্র এবং বুদ্ধি উভয়ের নির্দ্ধারিত পথের সন্ধান চেষ্টা করি।”

রামমোহন রায় যে শাস্ত্রপ্রামাণ্য মানিয়াও শাস্ত্রকে বুদ্ধির কষ্টি পাথরেই কষিয়া দেখিতেন তার প্রমাণ ঐ ভূমিকাতেই পাই। বেদান্ত প্রতিপাদ্য ধর্মকে গ্রহণ করিতে লোকের আপত্তি এই যে, “পিতা পিতামহ এবং স্বর্গেরা যে মতকে অবলম্বন করিয়াছেন তাহার অন্তর্ধাকরণ অতি অযোগ্য হয়”। রামমোহন রায় ইহার উত্তরে লেখেন

“ইহার সাধারণ উক্তি এই যে, কেবল স্বর্গের মত হয় এই প্রমাণে মত গ্রহণ করা পশু-জাতীয়ের ধর্ম হয় যে সর্বদা স্বর্গের ক্রিয়ানুসারে কাঁচা করে। মনুষ্য হার ২২ অসং বিবেচনার বুদ্ধি আছে সে কিংবা ক্রিয়ার দোষ-গুণ বিবেচনা না করি স্বর্গে কারণ এই প্রমাণে ব্যবহার এবং পশুনাথ কার্য নিরীহ করতে পারে।”

রামমোহন রায় আচারকে ধর্ম হইতে পৃথক করিয়াছিলেন; তিনি আচারকে লোকস্থিতির একটা উপায় বলিয়া মনে করিতেন মাত্র। “ধর্মাদর্শ এ সকল অস্তঃ-করণ-বৃত্তি হইলে—সুতরাং আচারাদির পরমার্থ-সাধনের সহিত সম্বন্ধ নাই”। বস্তুতঃ প্রত্যেক ধর্মকে তার আচার হইতে মুক্ত করিয়া তবে তার বিশ্বভৌমিক স্বরূপটিকে উদ্ঘাটিত করা যাইতে পারে, ইহাই রামমোহন রায় মনে করিতেন।

রামমোহন রায়ের ভাবে শাস্ত্রকে রবীন্দ্রনাথ interpret করেন নাই; তিনি কেবলমাত্র বিচারহীন শাস্ত্রাঙ্গুণ্য বা আচার পালনকে নিন্দা করিয়াছেন। রামমোহন রায় তাঁর চেয়েও তীব্রতর ভাষায় এ সকলের প্রতিবাদ করিয়াছেন। উপরে উদ্ধৃত তাঁর বাক্যই তার প্রমাণ।

অতএব বিপিনবাবু রবীন্দ্রনাথ যে সকল প্রসঙ্গের অবতারণা করেন নাই, তাহা-দিগকে আসরে নামাইয়া আনিয়া যে বাদা-নুবাদে প্রবৃত্ত হইয়াছেন তার সঙ্গে রবীন্দ্রনাথের প্রবন্ধের বিশেষ কোন যোগ নাই।

বিপিনবাবুর বহুদিনকার মন-গড়া কতকগুলি সিদ্ধান্ত আছে; সেগুলি বস্তুতঃ

“বস্তুতঃ” কিনা তার খোঁজ তিনি লইবার আবশ্যকতা অনুভব করেন না। মহর্ষি দেবেন্দ্রনাথ শাস্ত্রগুরু সব বাদ দিয়া নিজের “স্বাভিমত”কেই ধর্মের প্রামাণ্য মনে করিয়াছিলেন—এ একটা তাঁর মন-গড়া সিদ্ধান্ত। তাঁর আর একটা মনগড়া সিদ্ধান্ত এই যে, ব্রহ্মানন্দ কেশবচন্দ্র “মহর্ষির প্রভুতার প্রতিকূলে আপনার স্বাধীনতা প্রতিষ্ঠিত করিতে গেলেন” বলিয়াই মহর্ষি ব্রহ্মানন্দ ও তাঁর দলের “স্বাধীনতার মর্যাদা” রক্ষা করিতে পারিলেন না। মৎপ্রণীত মহর্ষি দেবেন্দ্রনাথের জীবন-চরিতে বিপিন বাবুর এই সকল সিদ্ধান্তের খণ্ডন আছে। মহর্ষি “আত্মপ্রত্যয়সিদ্ধ জ্ঞানোজ্জ্বলিত বিশুদ্ধ হৃদয়ের” প্রত্যক্ষ অনুভূতির সাহায্যে যে সকল সত্যের সাক্ষাৎকার করিয়াছিলেন, উপনিষদে তাহাদের অনুরূপ বাক্য যেখানে যেখানে বাহা যাহা পাইয়াছেন তাহাদিগকেই প্রামাণ্যরূপে গ্রহণ করিয়াছিলেন। ইহাতে শাস্ত্রকে অস্বীকার করা হয় না। কেশব চন্দ্র প্রভৃতি নবীন দল প্রাচীনদের “স্বাধীনতার মর্যাদা” রক্ষা করিতে পারেন নাই বলিয়াই মহর্ষি দেবেন্দ্রনাথ কেশবচন্দ্র প্রভৃতিকে ছাড়িতে বাধ্য হইয়াছিলেন, ব্রাহ্ম সমাজের ইতিবৃত্ত পড়িলে এ কথাটা পরিষ্কার দেখিতে পাওয়া যায়। কিন্তু এটা সম্পূর্ণ রূপেই অবাস্তব প্রসঙ্গে—অতএব এইখানেই এটাকে বন্ধ করা দরকার।

বঙ্গভাষা ও বাংলা ভাষা

“নারায়ণে” শ্রীযুক্ত গণিনীকান্ত গুপ্ত বঙ্গভাষা ও বাংলাভাষা সম্বন্ধে যে প্রবন্ধ

প্রকাশ করিয়াছেন, তাহাতে ভাবিবার অনেক কথা আছে।

তিনি লিখিয়াছেন, “চলিত ভাষা বলিয়া আমরা যে স্বর বাধিয়া দিতেছি, তাহার মধ্যেই কি বাংলার সব ভবিষ্যৎ? আমরা ত মনে করি, এইরূপে বাংলার ভবিষ্যৎকে আমরা থকা করিয়া আনিতেছি, তাহার কতকগুলি possibilitiesকে বহিষ্কার করিয়া দিতেছি। * * *

“এই নব যুগের শুরুর বাংলা কি ছিল, তার যথাযথ প্রতিকৃতি পাই চণ্ডীদাসে, আর কি হইতে পারে তারও চরম অভিব্যক্তি ঐ চণ্ডীদাস। তার ভাব তার ভাষা অতিমাত্র বাঙ্গালীর, বাঙ্গালীর প্রাণের যা বিশেষত্ব, যে নিছক স্বাতন্ত্র্যটুকু তাহারই পরিষ্করণ। কিন্তু সেই সঙ্গেই মিশিয়া গিয়াছে কেমন এক প্রাদেশিকতা, একটা সর্কারিতা, একটা “ঘরমুখো” প্রকৃতির ছায়া, বিশ্বজীবনের উদার বহুতরঙ্গায়িত বৈচিত্র্যের সহিত একটা সাক্ষাৎ সংঘর্ষের আভাব।

“কিন্তু ইংরেজের সংস্পর্শে আসিয়া বাংলার যেদিন বাংলার প্রাণ ছাড়িয়া বিশ্ব-প্রাণের বাজী-পাইল, শুধু নিজের ঘরের যে অল্পভূতি, যে অভিজ্ঞতা, তাহা ছাড়াইয়া যে দিন সমস্ত জগতের বিপুল বিচিত্র রসের সন্ধান পাইল, সেদিন তাহার সে পূর্কৃতন চিরপরিচিত ভাষা ও ভঙ্গিমা ও নূতন জীবনের স্পন্দন আর ধারণ করিতে পারিল না। সে চাহিল নূতন আধার, জীবন-সঙ্গীতের নূতন সূচনার স্মারুপ তাহার ভাষার নূতন স্বর—নূতন ছন্দ। আর তারই ফল বঙ্গভাষার—মধুকন্দন।... হইতে

পারে, এই প্রথম বাঙ্গালীগণ; ভাষার যে সব নূতনত্ব আনিয়াছিলেন, তাহা সব টিকিবার নয়, টিকা উচিতও নয়। কিন্তু তাহার বাংলা ভাষায় যে গুরুত্ব; যে একটা লাভিল প্রতিভা অমুপ্রাবৃষ্ট করিয়া দিয়া ছিলেন, তাহা বাংলার চির-... তাহা শুধু স্বতীতের এক সঙ্গিক বিকৃতি হইবে; পরন্তু মহোজ্জ্বল ভবিষ্যতেরই পূর্কৃতন।

“হংরাজী ভাষাতেও চমক ছিলেন খাঁটি ইংরাজ—“The wells of English undefiled”—তাহার ভঙ্গিমা ছিল ইংরাজের সত্য আপনার, গৃহস্থালী ভাবেরই প্রতিমা। কিন্তু এলিজাবেথের যুগে ইংরাজ জাতির দৃষ্টি যখন ঐংলণ্ডের সীমাটি অতিক্রম করিল, আপন গণ্ডাটি ছাড়িয়া নূতন জ্ঞানে নূতন প্রেরণায় তাহার অন্তরাখ্যা ভঙ্গপূর্ব হইয়া উঠিল, তাহার কন্দবীরগণ যখন অসীম সাগরেব পারে ছুটিয়া চলিলেন, তখন সে জাতির সাহিত্য-ভাষাও ধরিল এক নূতন আকার। আদর্শ কন্দবীর রোম-কের ভাষা সে সহজেই আপন করিয়া লইল। আর তারই ফল সেস্বপীয়র মিলন। ... শুধু লাভিল কেন, বৈদেশিক সব ভাষা হইতেই—ইংরাজ যেমন সহজে ও অকুচিত চিন্তে উপকরণরাজি সংগ্রহ করিয়াছে, বৈদেশিক ভঙ্গিমায় আপনাকে যথেষ্টা ঢালিয়া দিয়াছে, এমন কোন জাতি তাহা পারে নাই।”

সুতরাং লেখকের মতে ‘বঙ্গভাষার’ও যেমন স্থান আছে, ‘বাংলা ভাষার’ও তেমনই স্থান আছে। লেখকের শেষ কথা এই যে, “বাংলার স্বরবে এতখানি

উদারতা বোধ হয় 'মছে—বাহাতে দুইটিই
সেখানে স্থান পায়।"

আমার মনে হয় লোক চলিত ভাষা
ও সাধুভাষার মধ্যে যে ভেদ-রেখা টানিতে-
ছেন, তা ভেদ-রেখা বস্তুত বর্তমান নাই।
শ্রীমতী বাংলার ঠাট্ট আছে বটে, কিন্তু
চলিত " এবং এখনকার বাংলার চলিত
ভাষায় আকাশ-পাতাল পার্থক্য। "আমি
বিদ্যাসাগর—মধুসূদনের যুগে সংস্কৃত সাধু-
ভাষার যে পালাটা চলিয়াছিল, তার দরুণ,
এখনকার চলিত ভাষাতেও সংস্কৃতের একটা
স্থান নির্দিষ্ট হইয়া গেছে। লেখক ঠিকই
লিখিয়াছেন, "খিওবি হিসাবে সাধুপন্থী
ও চলিত-পন্থীদের মধ্যে যতই মতভেদ
থাকুক না কেন, প্রকৃতপক্ষে দেখিতেছি,
সব প্রভেদ আসিয়া ছাড়াইয়াছে ক্রিয়াপদ
ও সর্কনামগুলি ও আর দুই চারিটি কথা
বইয়া।" "কিন্তু সে প্রভেদটাকে তিনি যতখানি
তুচ্ছ বলিয়া উড়াইয়া দিয়াছেন, তাকে
ততটা তুচ্ছ করিবার হেতু নাই। যে
ভাষাকে চলিতে হইবে, তাকে 'অনু' ক
ভারমুক্ত হইতেই হইবে বাংলার ক্রি-
পদের যত এখন অবস্থায়। বাংলা
ভাষায় আর কিছুই নাই। কথিত ভাষায়
সেইজন্য স্বভাবের নিয়মে তার ভারগুলি
আপনিই লাঘব হইয়া আসিয়াছে। আধুনিক
কবিতাতেও কথিত ভাষায় ব্যবহৃত ক্রিয়া-
পদেরই ব্যবহার দেখিতে পাউ। শুধু
গদ্যে তার প্রচলন নাই—প্রচলন যদি হয়,
তবে তাহাতে ভাষাটা হালকা বরুকরে হয়
ইচ্ছা করে আর সন্দেহ কি ?

চলিত ভাষায় ক্রিয়াপদের আরও সুবিধা

আছে। বাংলা ভাষায় accent নাই—
এজন্য বাংলা গল্পই পড়ি বা পড়ত পড়ি,
সমস্তই কেমন sing song গানের স্বরের
মত করিয়া পড়িতে হয়। চলিত ভাষায়
ক্রিয়াপদ হ্রস্ববহুল বলিয়া তবু ভাষাটাকে
একটু ধ্বজাঙ্কক করিয়া তোলে। ভাষার
মধ্যে ছন্দোন্নয়নের জন্য ঐ রকম ক্রিয়াপদের
প্রচলন আধুনিক কবি ও লেখকগণ বিশেষ
ভাবেই অনুভব করিয়া থাকেন।

আরপর লেখক ভাষা ও ভঙ্গিমা এই
দুইটা জিনিসকে যেন কতকটা এক করিয়া
মিশাইয়া দেখিতেছেন। ভঙ্গিমা বা style
কোন ভাষার ঠাট্টের অপেক্ষা রাখে না
বলিয়াই বোধ হয়। Style এর নির্ভর
প্রতিভার উপর; প্রতিভাই ঠাইল সৃষ্টি
করে। নূতন ঠাইল যখন কোন ভাষায়
দেখা দেয় তখন সে ভাষাও অপূর্কিতর
হওয়া উঠে। তখন তা যে কোথা হইতে
তার উপকরণ সংগ্রহ করে সে হিসাব
রাখা শক্ত হয়। কিন্তু এই সকল বিচিত্র
ভঙ্গিমার দ্বারা ভাষার স্বরূপের নির্ণয় হয়
না। শেক্সপীয়ার মিল্টন যেমন চম্পারী
ভাষাকে ছাড়াইয়া গেছেন, আধুনিক ইংরেজি
তেমনি শেক্সপীয়ারী ইংরাজীকে ছাড়াইয়া
গেছে। অথচ তা বলিয়া শেক্সপীয়ারের
ঠাইলের বিশেষত্ব ইংরাজী সাহিত্যে অমর
হইয়া রহিয়াছে। তাহা আপনার প্রয়োজনে
আপনি কালে কালে পরিণত হইতে থাকে
—তার প্রয়োজন মানে সমস্ত জাতীয় মনের
বিচিত্র প্রকাশের প্রয়োজন। শেক্সপীয়ারী
ভাষায় এখনকার কালের ইংরেজ-মন
আপনাকে সম্পূর্ণরূপে প্রকাশ করিতে

না বসিয়েই সে ভাষার এখন কোন লেখকই
হয়নি। গরিতে প্রস্তুত না।

বাংলা ভাষাও তেমনি বাড়ানোর মনের
বিচিত্র প্রকাশের অমূরূপ হইয়া গড়িয়া
উঠিবে। সে-এক এ ভাষাকেও racy হইতে
হইবে, ইহার বাহুল্যগুলি ক্রমশঃ ছাঁটিয়া
ছুটিয়া ইয়াকে বেগশালী করিতে হইবে।
যারা চলতি ভাষার পক্ষপাতী, তাঁরা ভাষাকে
কোন একটা বিশেষ ভঙ্গিমা বা style
এ আবদ্ধ রাখিতে চান না। তাঁরা সংস্কৃত

কেন, ইংরাজীও বাস দিতে চান না। তাঁরা
চান ভাষাটাকে তা-মুক্ত করিতে, ছন্দোবন
করিতে, শক্তি-মালী করিতে। বীরবলের
style ও ঘরে-বাইরের style এক নয়।
খেলার style ও ফণিকার sty-
নয়। তেমনি খেলার style ও শাক্তার
sty ও এক নয়। Style-এ ইচ্ছা
বিচিত্র হোক, তাতে চলতি ভাষার পক্ষ-
পাতীদের কোন আপত্তি নাই।

শ্রীঅজিতকুমার চক্রবর্তী।

সমালোচনা

হিতবাহী। শ্রীযুক্ত মুনীরুজ্জামান সম্পাদিকারী
শ্রেণীত। 'দৈনিক চন্দ্রিকা' কার্যালয় হইতে প্রকাশিত।
কলিকাতা লীলা প্রিন্টিং ওয়ার্কসে মুদ্রিত। মূল্য
চারি আনা মাত্র। 'নানা পুস্তক' ও 'নানা মুখ'
হইতে লেখক যে সকল হিতবাহী 'আহরণ করিতে'
পারিয়াছেন—তাহাই 'হিতবাহী' রূপে প্রকাশিত
হইল।

মধুপর্ক। শ্রীযুক্ত হেমেন্দ্রকুমার রায় শ্রেণীত।
কলিকাতা, শ্রীগুরুদাস চট্টোপাধ্যায় কর্তৃক প্রকাশিত।
ভিক্টোরিয়া প্রেসে মুদ্রিত। মূল্য আট আনা। এ
খানি ছোট গল্পের বই; গুরুদাস লাইব্রেরীর আট
আনা-সংস্করণ-গ্রন্থমালার একবিংশ গ্রন্থ। প্রকাশক
সকাশর মূল্যতে সংগ্রহ-প্রকাশের এই যে 'অনুষ্ঠান

করিয়াছেন, তৎসম্মত বঙ্গবাসীসমাজেরই তিনি বক্তৃতা-
ভাষন। এ গ্রন্থে পাঁচটি গল্প সংগৃহীত হইয়াছে—
সবগুলিই মূল্যবান। তবে "উষাদ" "কুসুম" ও "অক্ষ"
এ তিনটি গল্প বঙ্গসাহিত্যে সম্পদ স্বরূপ—ছোট গল্পের
আঁটি এগুলিতে পূর্ণমাত্রায় ফুটিয়াছে। "ভাকাত"
হাস্য পরিপূর্ণ। "নিরতিতে" লেখক মানব-
জীব-
ফুটাইয়া তুলিয়াছেন।
লেখকের
রচনা-ভঙ্গীতে
প্রাণ আছে এবং তাহা সংযত। ব্যঙ্গও লেখকের শক্তি
বেশ। রোমান্সটুকুও তাঁহার হাতে খোলে ভাল।
ছোট-গল্প-রচনার হেমেন্দ্র বাবু যে খ্যাতি অর্জন
করিয়াছেন, 'মধুপর্ক' সে খ্যাতি সর্বাধিক বৃদ্ধি করিবে
বলিয়াই আনন্দের বিষয়।

শ্রীসত্যব্রত শর্মা

কলিকাতা-২২, হুকারি স্ট্রিট, কাব্যিক প্রেসে শ্রীহরিশরণ রায় কর্তৃক মুদ্রিত ও ২২, হুকারি স্ট্রিট হইতে
শ্রীকালচাঁদ দাস কর্তৃক প্রকাশিত।

ভারতী

৪১শ বর্ষ]

পৌষ, ১৩২৪

[৯ম সংখ্যা]

তিপুঁরা বা তিপারা জাতি

নেপালের কিরাস্তি জাতি কিরাস্তি শ্রেণী-
ভুক্ত, তিপারাগণও এই শ্রেণীর অন্তর্গত।
‘ইরোপী’ কোন কোন পণ্ডিতের মতে,
আরাকানের যুরুং জাতি যে শ্রেণীর অন্তর্গত
ইহারাও সেই শ্রেণীর অন্তর্গত।
ত্রিপুরারাজ্যে ও তিপুরারাজ্যের বাহিরে কেবল
চট্টগ্রামের পার্বত্য অংশ এই জাতিকে
বহুল পরিমাণে দেখিতে পাওয়া যায়।
ত্রিপুরারাজ্যে ইহাদের সংখ্যা ৯৪,০৭৫।
ইহাদের ৬ অংশ ত্রিপুরারাজ্যে বাস করে;
অবশিষ্ট ৩ ভাগ চট্টগ্রামের পার্বত্যপ্রদেশ
ও ত্রিপুরাজেলার আছে। তিপারাগণ
ত্রিপুরারাজ্যের আদিম অধিবাসী। ইহারা
‘পুরাণ তিপারা’, ‘দেশী তিপারা’ ও
‘অমাতিয়া’ এই তিনভাবে বিভক্ত।
‘নওরাতিয়া’ ও ‘রিয়াং’ নামে ইহা-
দের আরও দুইটা বিভাগ আছে, কিন্তু

তাহারা আসল তিপারা নয়। নওরাতিয়া-
গণ চট্টগ্রাম হইতে আসিয়া এখানে বাস
করিয়াছে। রিয়াংগণ কুকিবংশ-সম্বৃত,
ইহারা পূর্বে তিপারারাজ্যের পালকী-
বেহারার কাজ করিত। ত্রিপুরারাজ্যে
তিপারাজাতির মধ্যে ৪৮,৭১৭ জন পুরুষ
এবং ৪৫,২৬৩ গুলি স্ত্রীলোক তিপারা বা
যুরুং ভাষার কথা বলিয়া থাকে। বিগত
পনের বৎসরের মধ্যে তিপুঁরা ভাষাভাষী
জনসংখ্যা শতকরা ২৪ করিয়া বৃদ্ধি
পাইয়াছে।

পুরাণ তিপারাগণ তিপারাদিগের মধ্যে
শ্রেষ্ঠ বলিয়া পরিগণিত। ইহাদের নিজে
দেশী তিপারার স্থান। তারপর অমাতিয়ার
স্থান। অতঃপর নওরাতিয়া ও রিয়াংএর স্থান।

পুরাণ তিপারাগণ নিম্নলিখিত উপাধি
‘হমা’ বা সম্ভবতঃ বিতক্ত;—

১। বাছাল—প্রবাদ আছে যে, ইহাদিগকে পুরুরাজ্যের অধিপতি ছিল। ইহাদিগকে পরাজয় করিয়া চন্দ্রবংশীয় কদ্রিগণ ত্রিপুরারাজ্য লাভ করিয়াছিলেন। বাছালগণ পূর্বে হুবার অধীনে 'হস্তী-খেনার' কার্য করিত। এক্ষণে হুবারের উপর নিয়ন্ত্রণ কার্যভার গ্রহণ হইয়াছে :—

(ক) রাজদরবারে ইহাদিগকে রৌপ্য-নির্মিত 'পান' ও 'পাজা' বহন করিতে হয়। ত্রিপুরেশ্বর যখন সিংহাসন লইয়া কোথাও গমন করেন, তখনও বাছালদিগকে এই কার্য করিতে হয়। 'পান' ও 'পাজা' রাজকীয় সুলতানতের অঙ্গ।

(খ) রাজপরিবারের কোন ব্যক্তির মৃত্যু হইলে ইহারা মৃতদেহ স্থানান্তরিত করিয়া সংস্কার করিয়া থাকে।

(গ) রাজবাড়ীতে পার্বত্যপদ্ধতি-ক্রমে কোন পূজার অনুষ্ঠান হইলে, বংশ-গুচ্ছ দিয়া দেবদেবীর মূর্তি নির্মাণ এবং পূজার মণ্ডপ প্রস্তুত-করণ ইহাদের কায়া। পূজায় ইহারা জলও যোগাইয়া থাকে।

(ঘ) ত্রিপুরারাজ্যে বিবাহকালে বিবাহ-বেদির চারিপাশে পত্রশাখাসংযুক্ত বংশ-শুভ্রা দিবার প্রথা আছে। রাজপরিবারস্থ কাহারও বিবাহে এই কার্য বাছালদিগেরই অধিকার।

(ঙ) প্রতি বর্ষে বিজয়ার পরদিবস অসম * ভোজন নামক অপখ্যাপ্ত মদ্যপানাদি-

ক্রমের একটি অনুষ্ঠান হইয়া থাকে। এই অনুষ্ঠানের জন্য বাছালদিগকে বংশনির্মিত দীপাদ্য প্রস্তুত করিতে হয়। এই উপলক্ষে যে সকল নওয়াতিয়া ত্রিপুরায় নিয়ন্ত্রিত হয়, তাহাদিগের আহারের অংশ বাঁশের বেড়া দিয়া স্থানটীকে ঘিরিতে হয়। এই কার্যে বাছালদিগকে করিতে হয়।

২। সিংহাসন—'সিউক' শব্দের অর্থ শিকারী। ইহারা রাজপরিবারের আহারের জন্য গাভুপক্ষী শিকার করিয়া থাকে। এতদ্বিধ ইহারা রাজদরবারের উপাধি বিতরণকালে চন্দ্রের পাত-ধারণ করিয়া থাকে। রাজপরিবারস্থ ব্যক্তিগণের বিবাহ উপলক্ষে রাজস্বিক কার্যের জন্য ইহারা পাজিতা অঙ্কন হইতে মদ্য (এরো) আনয়ন করে, পাজীর 'পাট' ধার এবং পাজীর শব্দের 'জলভরা'র কার্য করিয়া থাকে। কুরাই-তুইয়া-বংশের সম্রাট ইহাদিগকে 'প্রাতপ দিয়া বিবাহ-বেদি সাজাইতে হয়।

৩। কুরাই-তুইয়া—পানসুদারি-বাহক কুরাইতুইয়া নামে অভিহিত হইয়া থাকে। ইহাদেরই এই প্রধান কার্য।

(ক) দরবারে উপাধি-বিতরণকালে ফুলের মালা গাথা।

(খ) সিংহাসন-বরে প্রত্যহ দুপধুনা পূজা এবং বিশেষ বিশেষ পূজাপনক্ষে রাজসিংহাসন ধৌত করা।

(গ) পূজার প্রসাদ বাঁটিয়া দেওয়া।

* অসম—অপখ্যাপ্ত। ত্রিপুরাপন এই শব্দ বহুপ্রকারে উচ্চারণ করিয়া থাকে। অসম, হসম, হসন, হসন, হসন ইত্যাদি ইহার বিকৃত উচ্চারণ।

+ ইহারা স্থানীয় ভাষায় 'কাভাল' নামেও অভিহিত হইয়া থাকে।

১/১৯৩৪কে বাঁশের বেড়া দিয়া ঘেরা কার্যকে ত্রিপুরাগণ 'বিতল' বলিয়া থাকে।

(৬) পূজার সময় মহারাজের এবং ঠাকুর-লোকদিগের বাসবার জন্য উপযুক্ত হানাদির বন্দোবস্ত করা।

(৩) বিবাহের সময় পাত্রের এবং পাত্রীকে 'জলভরা'র কার্য করা।

(৮) সিউকদিগের সহিত বিবাহ-বেদি সজ্জা করা।

৪। দৈতাসিং বা দুইসিং— ইহারা রাজকীয় ধ্বজা বা নিশান বহন করিয়া থাকে। পূর্বে যুদ্ধকালে ইহারা শ্বেত-বর্ণের নিশান বহন করিত। কেবল দরবারে, মিছিলে এবং পূজার সময় শ্বেত নিশান বহন করিয়া থাকে। এ ছাড়া ইহারা পূজার কাঠান তৈয়ারি করিয়া থাকে এবং অসমভোজনের সময় মাংসও কুটিয়া থাকে।

৫। ছজুরিয়া }
৬। ছিলটিয়া } —ইহারা মূলতঃ

একই হাদার দুইটী বাজু বা শাখা। ছজুরে অর্থাৎ ত্রিপুরেশ্বরের নিকট সর্বদা উপস্থিত থাকিতে হয় বলিয়া 'ছজুরিয়া' এই আখ্যায় ইহারা আখ্যাত হয়। ইহাদিগকে উপস্থিতমত বস্ত্রবিধ কাটা করিতে হয়। রাজপ্রাসাদ হইতে বিভিন্ন দেবালয়ে বা পূজার স্থানে বলির এবং ভোগের দ্রব্যাদি ইহাদিগকে বহন করিতে হয়।

৭। আপাইয়া—এই শব্দের অর্থ 'মংসক্রোতা'। ইহারা পূর্বে রাজপরিবারের ব্যবহারার্থ মংসাদি ক্রয় করিত। এখন ইহাদিগকে রাজবাড়ীর আলানি কাঠ যোগাইতে হয়।

৮। ছত্রতুইয়া বা ছককুতুইয়া—এই শব্দের অর্থ ছত্রবাহক। ইহারা

রাজদরবারের সময় চক্রবাণ, শূঁয়াবাণ, মাই-মুরত, ছত্র, আরেকী পক্ষি হস্তগত বহন করিয়া থাকে।

৯। গালিম—ইহারা পূজক। কেবল খাচী প্রভৃতি পূজায় ইহারা পৌরোহিত্য করিয়া থাকে।

১০। স্বে নারাগ—পূজা এবং অসমভোজন উপলক্ষে মাহ কোটা ইহাদের কার্য।

১১। সেনা—পূর্বোক্ত ৭শটি সম্প্রদায়ের মধ্যে যদি কেহ অগম্যাগমন করে (অর্থাৎ মাস্তুতো ভগিনী, জ্যেষ্ঠ-ভ্রাতার কন্যা, পিতৃব্যকন্যা প্রভৃতিকে বিবাহ করে) তাহা হইলে তাহাকে ত্রিপুরেশ্বরের আদেশ লইয়া কুল হইতে বাহির করিয়া দেওয়া হয়। এইরূপ অপরাধী 'সেনা' নামে অভিহিত হয়। তবে তাহার পুত্রাদি স্বজাতিতে ভোজ দিয়া পুনরায় আপনাদের 'দফা'-ভুক্ত হইয়া থাকে। ইহারা অসমভোজনের সময় চুরি প্রস্তুত করে, রক্তনের বাসনাদি ধোত করে, এবং ঠাকুর-লোকদিগের উচ্ছিষ্ট পরিষ্কার করে। অসমভোজনের আহাৰ্য্য প্রস্তুত হইলে, ইহারা দানামা বাজাইয়া নিমন্ত্রিত লোকদিগকে সন্মান করিয়া থাকে। সেনাগণ খাচী-পূজার সময় ঢোল বাজাইয়া থাকে।

উল্লিখিত একাদশ সম্প্রদায়ের মধ্যে আন্তর্গণিক বিবাহ হইত না; কিন্তু অধুনা দৈতাসিং, কুমাইতুইয়া, ছত্রতিয়া ও ছজুরিয়া ব্যতীত অন্যান্য সম্প্রদায়ের মধ্যে আন্তর্গণিক বিবাহ হইয়া থাকে। এই ৭শি সম্প্রদায়ের মধ্যে আত্মকাল আন্তর্গণিক বিবাহ হইলে

হইরাছে। তথাপি ইহার নিজ নিজ সম্প্রদায়ের মধ্যে বিবাহ করা শ্রেয়ঃ মনে করে। ভিন্ন ভিন্ন সম্প্রদায়ের মধ্যে আহারাদি প্রচলিত নাই, কিন্তু এরূপ আহারের দ্বারা কাহারও জাতিনাশ হয় না।

তিপ্ৰাজাতি নাতিদীর্ঘ, নাতিধর্ম, ইহারা প্রায়শঃ সবা শরীর; ইহাদের মুখ-মণ্ডল সাধারণতঃ শুষ্ক-শুষ্কবিহীন, বাহ ও পদযুগল কিঞ্চিৎ অস্বাভাবিক রকমের স্থূল। বর্ণ ঈষৎ গৌর, নাসিকা কিছু চাপা। তিপ্ৰাজাতি সাধারণতঃ অস্ত্রাস্ত্র পরিত্যক্ত জাতির মত হৃদ্যন্ত নহে। তবে শ্রেণী-ভেদে প্রকৃতিগত সাধারণ তারতম্য লক্ষিত হইয়া থাকে। ইহাদিগের মধ্যে রিয়াং শ্রেণীর তিপ্ৰাগণ অপেক্ষাকৃত উগ্রপ্রকৃতিসম্পন্ন। পূর্বে জমাতীয়াগণের উগ্রস্বভাব থাকিলেও বর্তমানকালে তাহা পরিলক্ষিত হয় না। তিপ্ৰা ও নওয়ারতীয়াগণই ইহাদিগের মধ্যে সর্বাধিক নম্র ও মধুর স্বভাব। সকল শ্রেণীর তিপ্ৰাই সাহসী, অকপট এবং পরহঃখ-কাতর। কোন প্রকারের দুঃস্বপ্ন প্রায়ই তিপ্ৰাদিগের অন্তঃকরণে স্থান পায় না। ইহারা স্বাবলম্বনশীল ও একতা সম্পন্ন।

বাসস্থান—তিপ্ৰাগণ পর্বতোপরি বা অন্য কোন নির্জন স্থানে আপনাদিগের বাসস্থান নির্মাণ করিয়া থাকে। অধিকাংশ তিপ্ৰা বাস দিয়া দ্বিতল গৃহ নির্মাণ করিয়া তাহার উপরিতলে বাস ও নিম্নতলে দালিত পশু-পক্ষী রক্ষা করে। কেহ কেহ বা একতল গৃহেও বাস করিয়া থাকে। ইহাদের গৃহের দ্বারগুলি সাধারণতঃ ছনের দ্বারা আবৃত থাকে। এক এক বাড়ীতে অনেক

পরিবার বাস করে। গৌর অধিবাসিবৃন্দের সাধারণ অপরাধ এবং সামাজিক বিবাদের বিচার ও মীমাংসা করিবার জন্য প্রত্যেক গ্রামে একজন করিয়া বুদ্ধিমান মুকবি বা মাতব্বর ব্যক্তি থাকে। ইহাদিগকে তিপ্ৰাগণ “চৌধুরী” নামে অভিহিত করিয়া থাকে। সমস্ত তিপ্ৰাদের সাধারণ উপাধি “তিপুয়া”। ইহাদের মধ্যে যাহারা তিপুর্নরায়ের সন্তোষপ্রদ প্রিয়কার্য সম্পাদন করে, রাজ্যভূগ্ৰহে তাহারা প্রথমে ‘বড়ুয়া’ উপাধি, পরে ক্রমশঃ ‘সেনাপতি’ ‘কবরা’ ও ‘ঠাকুর’ উপাধি পাইয়া থাকে। এইরূপ বিভাগের নাম ‘হমা’।

কৃষিকার্য—তিপ্ৰাগণ জুমক্ষেত্রে নানা-বিধ শস্ত উৎপাদন করিয়া থাকে। ইহারা স্ত্রীপুরুষ-সমান ভাবে কার্য করে। বহু-সংখ্যক স্ত্রী পুরুষ একত্র হইয়া জুমের অন্ত নিরূপিত স্থানের বৃক্ষাদি জঙ্গল পোষ ও মাঘ মাসে কাটিয়া ফেলে; পরে সূর্যোত্তাপে তত্রত্য ভূগলভাদি শুষ্ক হইলে চৈত্রমাসে তাহাতে অগ্নি সংযোগ করে।

বৈশাখ মাসে সেই স্থানকে বীজবপনো-ধযোগী করিয়া ধাত্ত, কার্পাস, তিল ও নানাভাতীয় তরকারীর বীজ একসঙ্গে বপন করে।

জ্যৈষ্ঠ মাসে ইহারা জুম পরিষ্কৃত করিয়া ফেলে। ভাদ্রমাসে ইহাদের ধান কাটা হয়। আশ্বিন হইতে অগ্রহারণ মাস পর্যন্ত ইহারা তিল, কার্পাস উঠাইয়া থাকে। জুমে প্রত্যেক শস্তই প্রচুর পরিমাণে উৎপন্ন হয়। বথাসময়ে ঐ শস্ত পরিপক হইলে তিপ্ৰাগণ নিজেদের আবশ্যক অনুসারে রাখিয়া অবশিষ্ট বিক্রয় করে।

‘খাঁজর পা’, ‘মিল চুবাটা’ ও ‘বাঁটা’ নামক মসলাবিশেষ তিপ্পুরাদিগের জুমে উৎপন্ন হইয়া থাকে। বিগত চল্লিশ বৎসর পূর্বে দুই একজন রাজাখ্যায় ও রাজকর্মচারীর চেষ্টায় তিপ্পুরাদিগের মধ্যেও হজ-কর্ষণ দ্বারা চাষ করিবার ব্যবস্থা হইয়াছে।

বাঙ্গালীরা যে প্রণালীতে চাষ করে ইহারা তাহারই অনুসরণ করিতেছে। ইহাদিগের চাষে ধান, পাট, সরিষা, বেগুন, লঙ্কা, তামাক, ইক্ষু, আলু, ধনিয়া, পিঁয়াজ, মাস, মুগ, অড়হর কলাই, তিল, কার্পাস, কচু, আদা, হরিদ্রা, ভুট্টা, (তিপ্পুরা-নাম ‘মগদানা’) তরমুজ, তিজুকরলা, চিন্ড়া নামক ফুটি, কাঁকুড়ের মত একপ্রকার ফল, দরমফাই নামক একপ্রকার অম্লাস্বাদ ফল, চালকুমড়া, মিষ্টকুমড়া, ও ডেঙ্গুর ডাঁটা ইত্যাদি উৎপন্ন হইয়া থাকে।

ভাষা—তিপ্পুরাদিগের স্বতন্ত্র একটা ভাষা আছে, কিন্তু ইহাদের ভাষায় লিখিত কোন গ্রন্থ বা স্বতন্ত্র কোন অক্ষর নাই।

বিবাহ—তিপ্পুরাদিগের মধ্যে প্রধানতঃ ‘হিকুনানানী’ ও ‘কাইজগুনানী’ এই দুই প্রকারের বিবাহপ্রথা প্রচলিত। তবে বিধবা-বিবাহ ও পরিত্যক্তা স্ত্রীর পত্যস্তর গ্রহণও ইহাদিগের মধ্যে হইয়া থাকে; সুতরাং চারিপ্রকারে ইহাদিগের বিবাহ কার্য সম্পন্ন হইয়া থাকে। বালাবিবাহ এই জাতির মধ্যে প্রচলিত নাই।

হিকুনানানী বিবাহ—বরকন্ডার পরম্পর অকুরাগবশতঃ এই বিবাহ তাহাদিগের স্বৈচ্ছায় হইয়া থাকে। ইহাতে কোনরূপ ঘটকের প্রয়োজন হয় না কিংবা মন্ত্রপাঠ প্রভৃতির

অনুষ্ঠান করিতে হয় না। সমর্থ হইলে সামান্যিকগণকে বর বা কন্ডাপক্ষ হইতে একটা ভোজ দেওয়া হয়।

কাইজগুনানী বিবাহ—বাঙ্গালী-দিগের স্ত্রীর অভিভাবকগণের ইচ্ছানুসারে ইহা সম্পন্ন হইয়া থাকে। এই বিবাহে মনোনীত বা নিরূপিত কন্ডার পিত্রাণয়ে বিবাহের পূর্বে বর একবৎসর কাল অবস্থান করে, এবং কন্ডার গিতা বা অভিভাবকের সাংসারিক কার্য নিরীহ করে। যদি এই সময়ের মধ্যে বরের কর্মকুশলতা ও সচ্ছিত্রতা দর্শনে কন্ডার অভিভাবক তাহাকে কন্ডাদানের উপযুক্ত পাত্র বলিয়া মনে করে, পক্ষান্তরে বর ও কন্ডাকে বিবাহের উপযুক্ত বলিয়া মনোনীত করে, তাহা হইলে বিবাহ না হইলে পাত্রের এই নির্দিষ্ট সময়ের কার্যের জন্য কন্ডাপক্ষ তাহাকে পারিশ্রমিক প্রদান করিয়া থাকে। আর বিবাহ হইলে, তিপ্পুরাদিগের পুরোহিত (ওঝাই) ‘রামপ্রা’ বা ‘লামপ্রা’ নামক দেবতার পূজা করে। এই পূজাতে দুইটা বাঁশ পুতিয়া তাহার উপরে একটা বাঁশ রাখে ও দুইটা বাঁশের চোঙ্গ উপরিস্থিত বাঁশের উপর সংস্থাপন করিয়া তাহার একটীতে মন্ত ও অপরটীতে জল রাখে; এবং মোরগ বা হাঁস প্রভৃতি বলি দিয়া পূজা হইলে ওঝাই বাঁশের চোঙ্গার রক্ষিত জল বরকন্ডার মস্তকে দেয়। ইহাই কাইজগুনানী বিবাহের মাদলিক কার্য। ইহার পর কন্ডা বরের ক্রোড়ে উপবিষ্ট হইয়া কন্ডার মাতার প্রদত্ত একপাত্র সুরার অর্ধেক স্বয়ং পান করিয়া অপরভাগ বরের হস্তে দেয়। বর সেই উদ্ভিদ মদ পান

করিলেই বিবাহ সম্পন্ন হইল। সামাজিক-
দিগকে মজাদি উপচারে ভোক্তাশ্রয়ণ এই
বিবাহের একটি অঙ্গ।

যদি কন্তার পিত্রালয়ে বরের বর্ষব্যাপী
অবস্থান সময়ে উভয়ের প্রেম হয় এবং
সেই প্রেমের পরিণামে বিবাহের পূর্বেই
কন্তার সন্তান-সন্তাবনা হয়, তাহা হইলেও
এক বৎসর পরে বিবাহ হইবে, কিন্তু
তাহাতে 'লাম্প্রা' দেবতার পূজা হইবে না।
আনুযায়িক অপর অনুষ্ঠানগুলিও রহিত
 থাকিবে। কেবলমাত্র কন্তার আনীত জলের
ছিটা বর কন্তার মস্তকে প্রদান করিয়া
তাহার সীমন্তে সিন্দূর দিয়া দিবে। এইরূপ
হইলে ওয়াইএর কোন কর্তব্য থাকে না।

বিবাহের রাত্রি প্রভাত হইবার পূর্বে
বর অস্ত্র প্রস্থান করে, এবং দুই দিন ও
একরাত্রি তথায় অবস্থান করিয়া স্বপুত্রাশয়ে
প্রত্যাবর্তন করে।

বিধবার বিবাহ ও পরিত্যক্তার
পত্যস্তুর গ্রহণে উল্লিখিত উভয় প্রকার
বিবাহের কোন ব্যাপারই অনুষ্ঠিত হয় না।

তিপ্রাঙ্গিণের মধ্যে সামর্থ্যানুসারে
একজন তিন চারিটা বিবাহ করিতে পারে।
আবশ্যক বোধ করিলে ২৪ জন অবিবাহিত
স্ত্রীলোকও ঘরে রাখিতে পারে। এই রক্ষিত
স্ত্রীলোকদিগের গর্ভে সন্তান জন্মিলে তিপ্রা-
ঙ্গণ পুত্র কন্তা বলিয়া গ্রহণ করিয়া থাকে।
এইরূপে উৎপন্ন সন্তানগুলি বিষয়ের অতি
সামান্য অংশ পাইয়া থাকে। এইরূপ
রক্ষিত স্ত্রীলোকদিগকে তিপ্রাঙ্গণ 'কতই'
বলিয়া থাকে।

ধর্ম— তিপ্রাঙ্গিণের মধ্যে প্রধানতঃ

চতুর্দশ দেবতার পূজা হইয়া থাকে। ইহার
ইহাদিগের পূজার সময় তিপ্রা ভাষায়
মন্ত্রোচ্চারণ করিয়া থাকে।

তিপ্রাঙ্গণ যে চতুর্দশ দেবতার পূজা
করিয়া থাকে সেগুলি অষ্টধাতুর ১৪টি
মুণ্ড মাত্র।

তিপ্রাঙ্গণ চতুর্দশ দেবতার নাম এইরূপ
বলিয়া থাকে।

হরোমা হরিনা বানী কুমারোগণপাবিধিঃ।

স্মার্ত্তির্গঙ্গা শিখী কামো হিমাঙ্গিচতুর্দশঃ ॥

(শিব, দুর্গা, বিষ্ণু, লক্ষ্মী, সরস্বতী,
কার্ত্তিকেয়, গণেশ, বিরিকি, পৃথিবী, সমুদ্র,
গঙ্গা, অগ্নি, প্রজ্ঞান ও হিমাঙ্গি)

এই চৌদ্দটি দেবতার পূজা হইলে পর
তিপ্রাঙ্গণ আর একটি দৌহময় মূর্ত্তির
পূজা করিয়া থাকে। ঐ মূর্ত্তির
এক হস্তে ঢাল, অপর হস্তে তরবারি।
ইহার নাম 'বুড়াদেবতা'।

প্রতিদিন চৌদ্দ দেবতার পূজা হয়
না। প্রত্যহ দুর্গা, শিব ও বিষ্ণু এই তিন
দেবতার স্নান ও পূজা হইয়া থাকে।
পূজার কতকগুলি নিয়ম আছে। প্রাতঃ-
কালে প্রায় নরটার সময় তিন দেবতাকে
বাল্যভোগ দিতে হয়। বাল্যভোগে চাল,
কলা, চিনি, স্নেহ, ঘৃত, সুপারি, পান
ও দুধ দিতে হয়। পূর্বোক্ত তিন দেবতার
ভোগের সঙ্গে চণ্ডীদেবীর একটি ভোগ
দিতে হয়। এই ভোগে একটি কলা,
একটি স্নেহ, এক পোয়া চাল ও একটু
ঘৃত দিবার নিয়ম। অতঃপর চণ্ডীপাঠ।
তারপর একটি ছাগ (পাঠা) বলি দেওয়া
হইয়া থাকে।

দ্বিত্বহরে চৌদ্দ দেবতার তিন দেবতার রাজভোগ। ইহাতে অন্ন ব্যঞ্জন, ছাগমাংস, ও তিনটী ডিম আবশ্যিক।

অপরাজে—আরতি।

নবমীর দিন দুইটী ছাগ এবং শুক্লাষ্টমীর দিন একটী ছাগ বলি দেওয়া হয়, এবং একটী খাসী অন্ত্র কাটিয়া তাহা হারা ভোগ হয়। পূজাতে বোলি মংস্ত্র (শোলমাছ) দেওয়ারও রীতি আছে।

চৌদ্দ দেবতার পূজার জন্ত তিপ্ৰাদের একটী বিশেষ বন্দোবস্ত আছে। পূজার জন্ত একজন প্রাচীন পূজক থাকে। ইহাকে তাহারা 'চস্তাই' নামে অভিহিত করে। চস্তাইএর আদেশ অনুসারে সমস্ত কার্য নির্বাহ হইয়া থাকে। চস্তাই প্রধান প্রধান পূজার কার্য সম্পাদন করিয়া থাকে। চস্তাইএর প্রতিনিধিকে ইহারা 'নারাণ' বা 'নারায়ণ' আখ্যায় অভিহিত করে।

চস্তাইএর অধীন দেওড়াই বা গালিম নিত্য পূজা সম্পাদন করে ও বলি দিয়া থাকে।

কার্যের সুবিধার জন্ত গালিমগণ নিম্নলিখিত শ্রেণীতে বিভক্ত—যথা—

১। খাবংতিনাই—ইনি মহা-দেবের সেবক।

২। খাসকু বা খাজকু—দেবতা-দিগকে যখন নদীতে স্নান করাইতে লইয়া যাওয়া হয়, তখন ইনি দেবতার অগ্রে 'উই উই' শব্দ করিতে করিতে গমন করেন। খাচিপূজার অধিবাসের দিন স্নান হয়।

৩। শিংকল খাইনাই—ইনি দেবতার তরবারিধারণকারী সিপাহী।

৪। দাকুলোকুতিনাই—বড় খজা-ধারী সিপাহী।

৫। খামকল খাইনাই—টোল-বাদ্যকর।

৬। তুকজাংখা খাইনাই—খাঁচা বাহক (খাঁচার ভিতরে সাতটী পারাবত থাকে)।

৭। বলকুলোকনানাই বা বলকলতিনাই—মশাগধারী।

৮। লাইকলোক খলনাই—ইনি পাতা বিছাইয়া দেওয়াইবার কার্য করেন।

৯। মুড়িতাম নাই—শানাই বাদক।

১০। মুড়ি—ইনি খড়্গে ধার বা শান দিয়া দেন।

১১। মুদি—ইনি খড়্গে শান দিবার আদেশ দেন।

তিপ্ৰাদিগের উপাস্ত্র দেবতা।

১। মহাদেব ও মাদেবী (পার্বতী)—প্রধানতঃ তিপ্ৰাজাতি ইহাদেরই উপাসক। ইহাদের পূজা প্রাতঃকালেই হইয়া থাকে। পূজার হাঁস, পাঠা ও পারাবতের আবশ্যিক।

২। লাম্‌প্রা দেবতা যুগল, (আকাশ ও সমুদ্র) (লাম্‌প্রাওয়াধক) বিবাহাদি রাজলিক কার্যে এই দেবতা-যুগলের পূজা হইয়া থাকে। যোগশাস্তির জন্তও ইহাদের পূজা হয়। ওঝাইগণ পূজার সময় ইহাদিগকে 'বিখাটা' ও 'আখাটা' এই দুই বিশেষ নামে অভিহিত

করে। 'সাম্ভ্রা' পূজার হাঁস ও পাঠাবত চাই।

৩। সাম্ভ্রমা (হিমালয়)—
চতুর্দশ দেবতার মধ্যে প্রথমই ইহার ও
সাম্ভ্রার পূজা হয়। অল্প দেবগণের পূজা
করাচিৎ হইয়া থাকে। পূজার হাঁস ও
পাঁঠা দিতে হয়।

৪। তুইমা (গঙ্গা)—কেহ রোগা-
ক্রান্ত হইলে তাহার আরোগ্য কামনার
সম্বন্ধিত নদীতে ওঝাই কর্তৃক তুইমার
পূজা হইয়া থাকে। এই পূজা দ্বারা
নিরূপিত হয় যে, রোগীকে কোন দেবতা
আক্রমণ করিয়াছেন। পরে রোগশাস্তির
জন্য পুনর্বার নিরূপিত দেবতার পূজা
হয়। এই দেবতার প্রকৃত নাম 'কালাক্ষি-
রাজ'। ইহা তিঃ অগ্রহায়ণ মাসে বিশেষ
ভাবে তুইমার পূজা হয়। পূজায় হাঁস ও
পাঁঠার ব্যবস্থা।

৫। মানুইমা—ধাতের দেবতা,
ধাত প্রচুর পরিমাণে হওয়ার কামনার
এই দেবতার পূজা হয়। পূজায় মোরগ
দিয়া নিয়ম। এই দেবতাকে ওঝাইগণ
'মাসী' বলিয়া থাকে।

৬। খুলুমা (কার্পাসের দেবতা)
কার্পাস উৎপত্তির কামনার ইহার পূজা
হয়। এই দেবতার প্রকৃত নাম 'ধনসরী';
(ধাতেশ্বরী) পূজায় মোরগ ব্যবস্থা।

৭। বুড়াছা—রোগের উপশম
কামনার ইহার পূজা হয়। এই পূজায়
হাঁস, পাঁঠা ও মোরগের ব্যবস্থা।
ওঝাইগণ এই দেবতাকে 'কিসিনাক্সা'
বলে।

৮। বনিরাও ও তুম্নাইরাও।
ছই ভাই বুড়াছাএর পুত্র। বনিরাও
সাধারণ নাম, ওঝাইগণের নাম 'কলকতু',
'ককতুদা'। 'তুম্নাইরাও' সাধারণ নাম,
ওঝাইগণের প্রদত্ত নাম 'জম্বুবুজু'। পূজায়
হাঁস, পাঁঠা ও মোরগের ব্যবস্থা।

১০। বুরইরক—সাত ভগিনী। ৬টি
বিবাহিতা ১টি কনিষ্ঠা অবিবাহিতা। এই
অবিবাহিতা ভগিনী মানব লইয়া ক্রীড়া
করেন। ইহারা ডাকিনী যোগিনী বা
সাতবোন-পরী নামে বিখ্যাত।

১১। ১২। গরাইয়া ও কালাইয়া
ছই ভাই। মহাবিশুব সংক্রান্তিতে বিশেষ
সমারোহের সহিত ইহাদিগের পূজা হয়।
এই সময়ে তিপ্ৰাগণ ৩৪ দিন মদ্যপানে
উন্মত্ত থাকে। এই পূজায় মোরগ আব-
শ্যক। ওঝাইগণ গরাইয়া দেবতাকে
'বিনাইগ্ঘ' বলে।

এতদ্ভিন্ন ইহারা হাঁস ও পাঁঠা বলি
দিয়া 'মঙ্গলচণ্ডী', ভদ্রকালী, রক্ষাকালী ও
ত্রিপুরাসুন্দরীর পূজা করে। মোরগ বলি
দিয়া 'লক্জাই বড়মুড়া'র পূজা হয়।
মোরগ ও শূকর দিয়া 'বিসরী'র পূজা হয়,
'মমপীড়া,' 'কাইপীড়া,' ও 'দরখা' নামক
দেবতার পূজাও হইয়া থাকে।

ইহারা সত্যনারায়ণ, ত্রিনাথ (ব্রহ্মা,
বিষ্ণু, মহেশ্বর) ও শনির পূজা করিয়া
থাকে। এই ওঝাইগণ বংশানুক্রমে ইহা-
দিগের পৌরোহিত্য করে। প্রতি বৎসর
বৈশাখমাসে তিপ্ৰাগণ বার্ষিক পূজার
অর্থদান করেন ত্রিপুরেশ্বরের 'কের' পূজা
শেষ হইলে 'পাহাড়ীয়া'র 'কের' পূজা

করে। এই পূজার সময় পিষ্টকাদি খাই-
বার নিয়ম আছে।

মৃত্যু।—তিপুরাজাতীয় কোন ব্যক্তির
মৃত্যু হইলে মৃতব্যক্তির আত্মীয়গণ শবদেহ
স্থানে আনিয়া তাহার পায়ে কাছে একটা
মোরগ মারিয়া কিছু চাউলের সহিত রাখিয়া
দেয়; পরে দাহকার্য সম্পাদন করে। সাধারণতঃ
বাঁশ ও বেতের চারিটা 'ঘুঘু' তৈয়ারী করিয়া
মৃতের চরণতলে রাখিয়া দেওয়া হয়। শব-
দাহ করিয়া ইহারা স্থান পরিষ্কার করে।
পরে একটা তুলসী, একটা আলো, কিছু অন্ন
এবং একটা মোরগ বা পারাবত সেইস্থানে
রাখিয়া দেওয়া হয়।

সেই চিতাস্থানে আত্মীয়গণ ক্রমাগত ৭
দিন পর্যন্ত মৃতব্যক্তির শ্রীতিকামনায় একটা
মোরগ মারিয়া রাখে ও কিছু চাউল দিয়া
যায়। ৭ দিন পরে চিতাভস্ম ও অস্থি সংগ্রহ
করিয়া আপনাদিগের বাসস্থানের নিকটবর্তী
স্থানে চিতাভস্ম রক্ষা করে এবং বাড়ীর
উঠানে তুলসীতলার অস্থি রাখিয়া দেয়।
চিতাভস্মের উপর একটা কুটীর নির্মাণ
করিয়া মৃতব্যক্তির অস্ত্রশস্ত্রাদি সেই কুটীর
মধ্যে সময়ে রক্ষা করে। অস্থি যেখানে
পুতিয়া রাখে সেখানে প্রাতঃকালে জল ও
রাত্রিতে দীপ দেয়। এক বৎসরের মধ্যে
অস্থি গঙ্গায় দিয়া আসে। যাহাদের সুবিধা
না হয় তাহারা অন্তলোকের সহিত অস্থি
গঙ্গার দিবার অস্ত্র পাঠাইয়া দেয়। অষ্টাহে
অথবা ত্রয়োদশাহে শ্রাদ্ধ করিয়া থাকে।
শ্রাদ্ধের পূর্বপর্যন্ত নিরান্নিভ ভোজন করে।
অশৌচের সময় তিপুয়ারা 'খড়া' নামক
একটা ছোট নুতন বর গলায় বাধিয়া থাকে।

পূর্বে ইহাদের এরূপ রীতি ছিল না।
শ্রাদ্ধের সময় ইহারা মাধ্যমত গাই-বাহুর
ঘটা বাটা ইত্যাদি দান করিয়া থাকে।

ইহাদিগের মধ্যে কেহ কেহ মালা
ধারণ করিয়া থাকে। বাহাদের মালা আছে
তাহারা মাংস খায় না। মৎস্যমাত্র খাইতে
পারে। ইহাদিগের গুরু আছে, তাহার
নাম 'অধিকারী'। এই অধিকারীদিগের
বাস হুরনগর পরগণার প্রান্তর্গত মেহারী
গ্রামে।

উৎসব।—চৈত্রমাসে ইহাদিগের একটা
উৎসব হইয়া থাকে। উত্তরারঙ্গ সংক্রান্তি,
কের পূজা, সন্ন্যস্তী পূজা, বিবাহ ও শ্রাদ্ধে
ইহারা উৎসব করিয়া থাকে। 'বিনায়গু'র
পূজার সময় মাত্র ইহারা নৃত্য করিয়া
থাকে। নৃত্যকালে ছোট ছেলেরাই নাচিয়া
থাকে।

ব্রত।—বাঙ্গালীদিগের স্থায় তিপুয়াগণ
'একাদশী' 'জন্মাষ্টমী' 'শিবচতুর্দশী' ও 'রবিব্রত'
করিয়া থাকে। একাদশীর দিন বিধবারা
রাত্রিতে মাত্র খায়, দিনে কিছুই আহার
করে না।

ইহাদিগের স্ত্রীলোকগণ ভামাক ও মদ
খাইতে পারে। স্ত্রীলোকেরা পান ও দোকতা
খুব বেশী খাইয়া থাকে। ইহাদের বিধবা-
গণ মৎস্যাদি ভোজন করিলে নিন্দার্তি
হয় না।

অলঙ্কার।

কর্ণভূষণ—১। ওয়াকুম (কর্ণের নিম্ন
দিকে), ২। তৈরা (কর্ণের উপর দিকে),
৩। ভেরী (সুন্দর)।

মাকের গহনা—১। কৈলি।
 কস্তাভরণ—১। রাংবতাং, ২। হাসলি,
 ৩। কাটি, ৪। মালা (রানকলাগাছের
 পানা লইয়া প্রস্তুত)।
 হস্তাভরণ—১। কাসর (ইহা পিতল
 ৩। রূপার তৈরী), ২। চুড়ি (শাঁখার),
 ৩। হেমসিতাম (অঙ্গুরীয়)।
 পায়ের গহনা—১। খাড়ু (রূপার)
 খেলা—সাধারণতঃ ইহাদের মধ্যে পুরুষে

তাস এবং দ্রাগোকে তাস ও সিকুই খেলিয়া
 থাকে। ছেলেরা লাট্টু খেলে। লাট্টুকে
 ইহার চোর বলে। ইহার চোর-চোর খেলে,
 ইহাদিগের ভাষায় ভাহার নাম 'বুমার বুমা'।
 এতদ্ভিন্ন 'খুটি', (মারবেল) 'জিং' (এক-
 প্রকার দমের খেলা) পাই (১৬ ঘরের খেলা)
 'হারি' (কলক্রীড়া) 'বুমাকত', 'হুধু' বালক-
 গণ খেলিয়া থাকে। *

শ্রীঅমলাচরণ বিদ্যাভূষণ।

নীলপাখী

তিলতিল আঙন
 মিতিল কুরুর
 আলো বিড়াল
 কুটী বাপ
 চিনি মা
 জল বারলিংগট...প্রতিবেশিনী
 বারলিংগটের কস্তা

পঞ্চম অঙ্ক

প্রথম দৃশ্য

বিদায়-গ্রহণ

একটা প্রাচীর—তাঁহাতে একটা কুড় বার।
 কোর হইতেছিল।

তিলতিল, মিতিল, আলো, কুটী, জল, চিনি,
 এবং আঙন প্রবেশ করিল।

আলো। এখন আমরা কোথায়, বুঝতে
 পাচ্ছ কি ?

তিলতিল। না ত।

আলো। এই পাঁচিল আর ওই ছোট
 দরজা, দেখ দেখি চেয়ে—

তিলতিল। ঐ লাল পাঁচিল আর
 সবুজ দরজা ?

আলো। হ্যাঁ, ও দেখে কিছুই মনে
 পড়ছে না ?

তিলতিল। আমার মনে মনে হচ্ছে যে
 সমস্ত আমাদের দরজা দেখিয়ে দিয়েছিল—

আলো। মানুষগুলো কি বদ হয়ে
 যায়, যখন তারা স্বপ্ন দেখে। তখন
 নিজেদের হাতকেও তারা চিনতে পারে
 না।

* এই প্রথম লিখিত সময় কোন কোন বিষয়ে বঙ্গদেশের ও বিপ্লবের 'স্বাধীনতার' কল্পনা
 বিবরণাবলী হইতে সাহায্য লইতে বাধ্য হইয়াছি—লেখক।

তিলতিল। কে যত দেখছে, আমি ?

আলো। তুমি কি আমি, কে জানে ?
...দেখ, এই পাঁচিলের মধ্যে যে বাড়ী
আছে, তা তুমি কয়ে অবধি কতবার যে
দেখেছ--

তিলতিল। কয়ে অবধি কতবার
দেখেছি ?

আলো। হ্যাঁ গো হ্যাঁ, অনেকবার
দেখেছ।...এটা সেই বাড়ী, যেখান থেকে
আমরা একদিন সন্ধ্যাবেলা বেরিয়েছিলুম...
ঠিক একবছর আগে।

তিলতিল। একবছর আগে ! তাহলে...

আলো। থাম, থাম; ভাঁটার মত
চোখ বার করে দেখেছ কি ?...এটা
তোমার নিজেরই দর দে—তোমার বাপ-মা
এই বাড়ীতেই আছেন।

তিলতিল। অ্যা ! তাই না কি !...
মতিই ত !...এই যে ছোট দরজা !...বাবা
মা এইখানেই আছে ? ..কাছে এসেছি
তাহলে !...আমি এখন বাই, মার কোণে
বসে চুপু খাব।

আলো। একটু থাম !...এখন তাঁরা
ঘুমুচ্ছেন...হঠাৎ তাঁদের জাগিয়ে না; তা
ছাড়া সময় না হওয়া পর্যন্ত দরজা খুলবে না।

তিলতিল। সময় !...তাহলে অনেকক্ষণ
অপেক্ষা করতে হবে, না ?

আলো। না গো না; আর ছ'চার
মিনিট আছে।

তিলতিল। বাড়ী কিরে এসে তুমি
ভারী খুসী হয়েছ ?...এ কি ! কি হল
তোমার ?...কখন ক'য়কাসে ধরে গেলে
কেন ?...অবুখ করেছে না কি ?

আলো। না, এ কিছু না; মনটা খারাপ
হয়েছে।...তোমাদের এবার ছেড়ে যেতে
হবে কি না ?

তিলতিল। ছেড়ে যাবে আমাদের ?

আলো। হ্যাঁ; এখানে আর আমার
কোন কাজ নেই ত। এক বছর পুরো
হয়েছে।...পরী এবার তোমার কাছে নীল-
পাখী নিতে আসবে।

তিলতিল। কিন্তু নীলপাখী ত পাওয়া
গেল না !...স্মৃতির দেশে যেটা পেলুম সেটা
ত একেবারে কালো রঙের; রাজির
বাড়ীরগুলো সব মরে গেল; জলসেরটা
ধরতে পারলুম না। যদি মরে বার, কিছা
পালিয়ে যায়, কি রঙ বদলায়, তবে কি সে
আমার দোষ ?...পরী কি বলবে ?

আলো। আমাদের সাধ্যমত আমরা
করেছি। এখন বোধ হচ্ছে যে, হয় নীল-
পাখী নেই, না হয় তাকে ধরলে সে রঙ
বদলে কেলে।

তিলতিল। খাঁচাটা কোথায় ?

কুটী। এই যে আমার কাছে।...
এটা আমার জিন্সার ছিল। এখন বেড়ানো
শেষ হয়েছে—এখন এটা আমি তোমার
ফিরিয়ে দিচ্ছি।...যেমন অবস্থার পেয়েছিলুম
ঠিক তেমনি অবস্থায় ফিরিয়ে দিচ্ছি।...
আমার কাজ শেষ হল। এখন জল
আঙুন চিনি এদের সকলের হয়ে আমি
ছ'কথা বলতে চাই।

আঙুন। না, না; আমার হয়ে কিছু
বলতে হবে না, আমার নিজের মুখ
আছে।

কুটী। (বাড়ীর দর বন্ধ করে ফুড়িয়া

মিত) আমাদের লক্ষ্যের শিশু বন্ধু হটীর কাছ আশ্রয় শেষ হয়েছে। এখন আমরা অন্তরের গভীর কৃতজ্ঞতা জানিয়ে খুব স্নেহিত প্রাণে আমাদের প্রিয়তম বন্ধুদের কাছ থেকে বিদায় গ্রহণ করছি, আর সর্বাঙ্গীকরণে প্রার্থনা করি যে...

মিতিল। কি! তোমরা আমাদের বিদায় দিচ্ছ? ...তোমরাও তবে ছেড়ে যাবে না কি?

কৃষ্ণ। যেতেই হবে। ...বাইরে আমরা তোমাদের ছেড়ে যাব। ...তোমরা আর আমাদের কথা-বার্তা শুনতে পাবে না।

আশ্বিন। তাতে আর কি ক্ষতি হবে?

জল। চূপ চূপ, গোল করো না!

আশ্বিন। যখন তুমি কেটেলাতে, কুরোতে, নদীতে, নলে আর বরণাতে তোমার বক্বকানি-চক্ককানি বন্ধ করবে তখন আমি চূপ করব।

আলো। (যদি উত্তোলন করিরা) রাস, চের হয়েছে; এখন বিদায়ের সময়, এখনও কি ঝগড়া করবে?

কৃষ্ণ। (আত্মস্মৃতির সহিত) আমি ও রকম নই। ...আমি বলছিলুম যে তোমরা আর আমাদের কথা-বার্তা শুনতে পাবে না, কিংবা আমাদের এই জ্যাস্ত শরীরও আর দেখতে পাবে না। জিনিষের মধ্যে যে অদৃশ প্রাণ আছে তা তোমরা আর দেখতে পাবে না; কিন্তু আমি সিন্দূকের মধ্যে, টেবিলের উপর, তাকের উপর সর্বাঙ্গী থাকব। আমার কথা যদি শ্রী বলতে হয় তবে সে এই যে আমি যাহাদের বিশ্বাস করি আর তার চির-সহচর।

আশ্বিন। বাহবা! আর আমি?

আলো। এস, এস, আর সময় নেই ...শীগগির বণ্টা বাজবে, চটপট মাও, ছেলোদের চুমু দাও।

আশ্বিন। (বেগে অগ্রসর হইরা) আমি আগে, আমি আগে। (ছেলোদের চুম্বন করিরা) বিদায় মিতিল, বিদায় মিতিল! ...আমার মনে রেখো। ...কোন জিনিষে আশ্বিন ধরাতে হলে আমার স্মরণ করো।

মিতিল। ওহোহো পুড়িয়ে কেলে!

মিতিল। উঃ, আমার নাকটা ঝলসে দিলে।

আলো। আশ্বিন, তোমার উল্লাস একটু কম কর...মনে রেখো যে তুমি এখন তোমার চিমনির মধ্যে নেই।

জল। আহাশ্বক!

কৃষ্ণ। কি ইত্সামি!

আশ্বিন। ঐ দেখ, আমি ঐ চিমনির মধ্যে থাকব। ...আমার ভুলো না। আমি উত্তনের মধ্যে আর চিমনির মধ্যে সর্বাঙ্গী থাকব। ...তোমাদের ঠাণ্ডা লাগলে মাঝে মাঝে বাইরে আসব। শীতকালে আমি গরম থাকব আর তোমাদের জন্ত বাহান পুড়িয়ে দেব।

জল। (ধীরে ধীরে ছেলোদের কাছে আসিরা) আমি তোমাদের শুধু আরাম দেব—যখনই শান্ত হবে, আমার ডেকে।

আশ্বিন। সাবধান, ভিজিয়ে দেবে।

জল। আমি, অমন নীচ নই—তা ছাড়া বাহ্যকে আমি বড় ভালবাসি।

আশ্বিন। হ্যাঁ, তাই তোমার চুম্বনে মার?

জল। নদীর গানে চাইলে, বরণীর কাছে গেলে আমার দেখতে পাবে...আমি সেইখানেই থাকি।

আগুন। সমস্ত দেশটা ও বস্তুর ভাসিয়ে দিয়েছে।

জল। সন্ধ্যাবেলায় বরণীর ধারে বসে কান পেতে শুনো, আমি কি বলি, বোধবার চেষ্টা করো।

আগুন। ঢের হয়েছে...আমি সত্যের জানি না।

জল। আজ যেমন পৃষ্ঠ করে তোমাদের সঙ্গে কথা বলায় পারছি তেমন ত আর পারব না, কিন্তু তোমাদের হৈ কত ভালবাসি, তা নদীর ধারে, বরণীর পাশে গিয়ে বসলেই বুঝতে পারবে।... ওহে, আর আমি কথা কইতে পারছি না.. আমার চোখ জলে ভরে যাচ্ছে, খর বন্ধ হয়ে আসছে।

চিনি। মনের এক কোণে আমার জন্ত একটু ঠাই রেখো, আর মাঝে মাঝে স্মরণ করো যে আমার সঙ্গে একদিন তোমাদের কি রকম মিলে সম্পর্ক ছিল।.. চোখে আমার সঙ্গে জল বেবোয় না। কিন্তু এক কোঁটা যদি বেবোয় তাহলে আমি একেবারে গলে মরে যাই।

কুটী। হা ভগবান!

জিলাতিল। আচ্ছা, টাইলো আর টাইনেট কোথা গেল?...তারা কি করছে? বিড়ালটাকে আঁতরাই করিয়া উঠিতে... শুনা দেয়।

মিতিল। ঐ যে টাইনেটের চীৎকার! ...কেউ তাকে মারছে।

বিড়ালটা মৌড়িয়া আঁতরাই। তার চুল এলো-বেলো, বেশ ছিন্নভিন্ন। গালে একখানা কামাল জড়ানো। রাগে সে কোঁস কোঁস করিতেছিল। কুকুর তাহাকে আঁচড়াইয়া, কানড়াইয়া তাহার উপর আঁতরাই লাথি ঘুবি বর্ষণ করিতেছিল।

কুকুর। কেমন!...আরো চাও? ...এই যে, এই নাও।

(প্রকার)

আলো, জিলাতিল, মিতিল। (ইহাদের চাড়াইয়া দিতে অগ্রসর হইল) থাম, থাম, টাইলো; তুই পাগল হয়েছিস্ নাকি? আবার!...খবরদার বলছি!...কের হাত তোলে! যা ওদিকে!

দুজনকে গৃধক ধারণা দিল।

আলো। কি করেছে? অমন মার-মারি কেন?

বিড়াল। ও-ই ত!.. আমার অপমান করলে, আনার লাজ ধরে টানলে, আমার কামডালে, শেষ আমার খাবারে ধুলো মিলে।...আমি কিছু করিনি গো, কিছু করিনি।

কুকুর। (ভেজ্ চাইয়া) আমি কিছু করিনি গো, কিছু করিনি।...কিছু ত করেইছ, আবার কিছু করবার চেষ্টার আছে তুমি।

মিতিল। (বিড়ালকে কোলে তুলিয়া লইয়া গায়ে হাত বুলাইতে বুলাইতে) আহা বেচারী! কোথায় লোগেছে রে? সর্কাকে? আহ!...সুখপোড়া টাইলো, কেন ওকে অত মারলি বল দেখি!

আলো। (কুকুরের প্রতি ক্রুদ্ধভাবে) গোড়া থেকে তোমারই অন্তরে দেখছি বাপ!

বিশেষ এ সময়, এখন আনরা ছেলে ছটীর কাছ থেকে বিদায় নিচ্ছি, এ সময় এই রকম বিদিকিচ্ছি ঝগড়া-মারামারি! ভারী বিলী! ছিঃ!

কুকুর। (হঠাৎ গভীর হইয়া) ছেলে-ছটীর কাছ থেকে বিদায় নিচ্ছি কি রকম ?

আলো। হ্যাঁ; আমাদের বেড়ানো শেষ হয়েছে—সময়ও শেষ হই-হয়। আনাদের এখন আনার আগেকার অবস্থায় ফিরে যেতে হবে; তাই বিদায় নিচ্ছি।...আর আমরা এদের সঙ্গে কথা কইতে পার না।

কুকুর। (চীৎকার করিয়া তিলতিলের পদতলে আছড়াইয়া পড়িল) না, না; আমি তা পারবো না!...আমি চূপ করব না!...আমি সর্বদা তোমাদের সার কথা কইব!...আমি তার ভুলুটি করব না, খুব ঠাণ্ডা হয়ে থাকব!...আমি পড়তে শিখব, লিখতে শিখব, পিয়ানো বাজাতে শিখব, সর্বদা পরিষ্কার পরিচ্ছন্ন থাকব। রান্না-ঘর থেকে আর কোন জিনিস চুরি করে থাক না, অনেক রকম খেজা দেখাব। তোমরা এবারটা আমার মাপ কর!...বেয়ালের সঙ্গে আর ঝগড়া করবো না, বল ভ ওর সঙ্গে আলাপ করে ফেলি। ওর চুপ থাই ?

মিতিল। (বিড়ালের প্রতি) আর টাইলেট! তোমার কি কিছু বলবার নেই ?

বিড়াল। (কম্পটতার সহিত) আমি তোমাঘের দুজনকেই ভালবাসি—তা সে যতখানি ভালবাসা দেতে পারে।

আলো। এস তিলতিল, এস মিতিল, আমি এই শেবার তোমাদের চুপ নি!

তিলতিল ও মিতিল। (আলোকে জড়াইয়া ধারণা) না, না; যেয়ো না! তুমি যেয়ো না! আমাদের বাড়ীতেই থাক তুমি!...বাবা কিছু বলবেন না—মাকে বুঝিয়ে বলব, তুমি আমাদের কত ভালবাস—

আলো। তা বে হতে পারে না তাই! ...এই ঘরের মধ্যে আর আমাদের এ অবস্থায় ঢোকবার ঘো নেই।

তিলতিল। কোথায় তাহলে তোমরা যাবে ?

আলো। বেশী দূরে নয়! এই কাছেই!...নিস্তরুতার দেশে!

তিলতিল। না, না; তোমায় যেতে দেব না!...আমরাও তোমার সঙ্গে যাব। মাকে আমি বুঝিয়ে বলব।

আলো। কেঁদো না তাই, কেঁদো না বোন, আমি তোমাদের গোখে চোখেই থাকব!...জন্মের মত আমার গলার স্বর নেই বটে কিন্তু আমার উজ্জ্বলতা আছে, তাইতে আমি কথা কই; তবে মানুষ তা বুঝতে পারে না, এই ছাপ। মানুষের জীবনের প্রথম থেকে শেষ পর্যন্ত আমি তার গতিবিধি লক্ষ্য করি!...চাঁদের কিরণ বলমল করে, আকাশে নক্ষত্র মিটমিট করে, ভোর হয়, আলো জলে,—মনে রেখো, এ-সবে শুধু আমারই ভাবা কুটে ওঠে—আমি ওদের মধ্য দিয়েই কথা কই আর মানুষের প্রাণকে পুলকিত করি।

বাড়ীর ভিতরে • বাড়িতে আটটা বাড়িতে ওনা খেল।

ওই শোন, আটটা বাজল।...ওই দরজা খুলছে।...তবে বিদায়!...আসি তাই, আসি বোন!...যাও তোমরা ভিতরে যাও!

সে তিলতিল ও মিতিলকে ঘরের মধ্যে ঠেলিয়া দিল। দরজা বন্ধ হইয়া গেল। রুটি-কাঁদিতে মাগিরা চিনি, জল, আঙুন প্রভৃতি কাঁদিতে কাঁদিতে দক্ষিণ ও দামনিক দিয়া চলিয়া গেল। কুহুর মাটিতে গড়াগড়ি দিয়া ভেউ ভেউ করিয়া কাঁদিয়া উঠিল।

দ্বিতীয় দৃশ্য

আগরণ

কাঠুরিয়ার গৃহালস্যুর। রাতি প্রত্যন্ত হইয়াছে। জানালার কাঁক দিয়া দিনের আলো আসিয়া ঘরের মধ্যে পড়িয়াছে। তিলতিল ও মিতিল নিজ নিজ ক্ষুর শয্যাতে গভীর নিদ্রায় আচ্ছন্ন।

তিলতিলের মা এবেশ করিলেন।

মা। (স্নেহ-মিশ্রিত ক্রিয়াকারের স্বরে) ওঠ, না রে, ও ছেলেরা! আর কত ঘুমুবি তোরা?...ওমা! কি ধেরা!...এত বেলা হল, আটটা বেজে গেল, গাছপাশা ঝোঁদ ভোয়ে উঠল,—এখনও ঘুম!

ছেলেদের বুকের উপর ঝুঁকিয়া আদর-ভরে তাহাদের চুম্বন করিলেন।

আহা, বাছারা আমার!...ছেলে ত নয়, বেন গোলাপ ফুল! (গুনরায় চুম্বন করিলেন) আহা, ছেলে জিনিষ কি মিষ্টি! ওঠ, ওঠ, ওরে ছুপুর অবধি ঘুমোনো কি?...অস্থখ করবে যে!

(তিলতিলকে ধীরে ধীরে ঠেলা দিয়া)

ওঠ, ওঠ, ও তিলতিল!

তিলতিল। (খড়মড় করিয়া আগিয়া

উঠিল) অ্যা, আলো! কোথায় গেলে ভাই! না, না, যেয়ো না।

মা। আলো যেয়ো না! ও আবার কি কথা! আলোয় চারদিক বে ভয়ে গেছে! বেলা যেন ছুপুর!...দেখ বরং, আমি জানালা খুলছি।

তাড়াতাড়ি জানালা খুলিয়া দিলেন।

এই দেখ!...কি হয়েছে তোরা?...চোখ খুলছিস্ না কেন?

তিলতিল। (চক্ষু বগড়াইয়া) মা, মা, তুমি?

মা। আমিই ত? তুই তবে কে মনে করেছিলি?

তিলতিল। জা, ঠিক, তুমিই ত!

মা। কেন চিনতে পারাছিস্ না, না কি?...আমি একরাত্রের মধ্যে বদলে যাওনি ত!

তিলতিল। অ্যা, তোমায় দেখে বাচলুম! কদিন, কদিন পরে আবার তোমার কাছে ফিরে এগুম মা! ও মা একটা চুষ দাও!...আর একটা, আর একটা!...আঃ, আঃ, বিছানাটা কি নরম!...আবার বাড়ীতে এসেছি!

মা। কি হয়েছে রে?...অমন কচ্ছিস্ কেন?...উঠে বোস্ না?...অস্থখ করেছে না কি!...দেখি, তোরা দ্বিত্ দেখি!...নে, চল, চল, উঠে কাপড় ছাড়বি চল!

তিলতিল। বা রে; আমি ত আমার সেই কামিজ পরেই রয়েছি!

মা। হ্যাঁ, পরেই ত রয়েছ!...ওঠ, কোট আর পাজামা পর, ঐ চেয়ারের ওপর রয়েছে।

তিলতিল। ঐ গুলোই কি পরে
বেরিয়েছিলুম ?

মা। বেরিয়েছিলি কি রে ? কোথায়
আবার গেছিলি এর মধ্যে ?

তিলতিল। কেন সেই গেল বছর ?

মা। গেল বছর কি রে ?

তিলতিল। হ্যাঁ, সেই যে বড়দিনের
দিন মা !...সেই যে আমি বেরিয়েছিলুম ?

মা। সে কি রে !...ঘর থেকে আবার
বেরিয়ে কখন ?...কাল বাজে ঘুমিয়েছিলি
...আর আজ সকালে এনে আমি এই
তুলছি !...সমস্ত রাত ধরে কাহলে সব
স্বপন দেখেছিলি বুঝি ?

তিলতিল। তুমি কিছুই বুঝতে পাচ্ছ
না ?...গেল বছর আমি আর মিতিল, পরী,
আলো, কুটী, চিনি, জল, আগুন এদের
সঙ্গে বাড়ী থেকে বেরিয়েছিলুম না ?
আহা ! আলো মা বড় ভাল !...জল,
আগুন, কুটী এরা কেমনই কগড়া করেছে !
...তুমি রাগ করনি মা ?...তোমার বোধ
হয় বড় উঃখু হয়েছিল না মা--আমাদের
দেখতে পাওনি বলে ? আচ্ছা, বাবা কি
বলেন ? কি করি বল ? তাদের কথা
ঠেলতে পারুম না।

মা। গুরে, এ সব কি বকুছিস ?
হয় তোর গুরুত্ব করেছে, না হয় এখনো
যুগ ছাড়েনি।

ধীরে ধীরে নাড়া দিয়া।

তিলতিল আগু দেখি, ও তিলতিল।

তিলতিল। মা আমি সত্যি কথাই
বলছি।...আমার বোধ হয় তুমিই ঘুমুছ
মা।

মা। আমি ঘুমুছি কি রে ?...তোমার
ছ'টার উঠে, বাড়ী ঘর পরিষ্কার করে,
উমুনে আগুন দিবে, তোদের জাগাতে
এলুম--

তিলতিল। আচ্ছা, তবে মিতিলকে
জিজ্ঞাসা কর, আমার কথা সত্যি কি
মিথ্যা ?...আঃ, আমরা কি গেরিয়ার্ড মি
করেই সে রাত্রে বেরিয়েছিলুম !

মা। মিতিলকে জিজ্ঞাসা করব কি রে ?

তিলতিল। সেও যে আমাদের সঙ্গে
গেছিলো !...দেখ মা, ঠাকুন্দা আর ঠাকুন্দার
সঙ্গে সেখানে দেখা হয়েছিল।

মা। (অধিকতর হতবাকি হইয়া)
ঠাকুন্দা ? ঠাকুন্দা ?

তিলতিল। হ্যাঁ, স্বপ্নে দেশে উাদের
দেখে এলুম মা !...আমরা সেই পথ দিয়ে
গেছলুম কি না ! তাঁরা নরে গেছেন
বটে, কিন্তু খুব ভাল আছেন !...ঠাকুন্দা
আমাদের চমৎকার কুলের চাটুনি খেতে
দিলেন !...তাইদের সঙ্গেও দেখা হয়েছিল।
হরটি, জিসু, নাদালিন, পিয়োট্ পালিন,
রিকেট্, সকলে সেখানে রয়েছে।

মিতিল। রিকেট্ এখনো চার পায়ে
হেঁটে চলে মা।

তিলতিল। পালিনের মাকের উপর
এখনো সেই মানের ডিপিটা আছে।

মা। আচ্ছা, দেখ্ তোরা উঠে দাঁড়া
ত।...আমার সামনে হেঁটে বেড়া দেখি।

তিলতিল ও মিতিল জাহাই করিল।

নাঃ, তা ত. নয় !...তবে কি হবে
গো !...এঁা--হা জগবান !...তাদের মত
এদেরও পের হারাধ না কি ?

মা ভীত হইলেন এবং চীৎকার করিয়া তিলতিলের বাবাকে ডাকিতে লাগিলেন।

ওগো, শীগগির এদিকে এস, ছেলেদের অসুখ করেছে!...

তিলতিলের পিতা কুঠার হাতে ধীরে ধীরে অবশ্য করিলেন।

বাবা। কি? কি হয়েছে?

তিলতিল ও মিতিল পিতার কোলে ঝাপাইয়া পড়িয়া তাঁহাকে চুম্বন করিল।

তিলতিল ও মিতিল। বাবা, এই যে বাবা! আমরা এসেছি।...বাবা তোমার হাতে এ বছর কি খুব বেশী কাজ ছিল?

বাবা। ব্যাপার কি? ওদের অসুখ করেছে বলে ত বোধ হচ্ছে না?...বেশ ত সুস্থই দেখছি!

মা। (কাঁদিতে লাগিলেন) : তুমি ওদের চোখ মেখে বুঝতে পারবে না।... তারাও ত এমন ভাল ছিল; শেষে কি যে হল আর বাছারা আমার পালিয়ে গেল।...কাল রাত্রে যখন শুইয়ে রাখি তখন বেশ ভালই ছিল, আজ সকালে গিয়ে দেখলুম, সব গোলমেলে।...ওরা বলছে কোথাকার কোন্ আলো-কে সৃষ্টি করে রাত্রে বেড়াতে গেছলো।...বলছে ঠাকুর্দা আর ঠাকুমাকে দেখেছি...তারা মরে গেছে কিন্তু বেশ ভাল আছে। এ সব কি আবোল-তাবোল বকা বাবু?

তিলতিল। ঠাকুর্দার কিন্তু আজও সেই কাঠের পা আছে।

মিতিল। ঠাকুমা এখনো বাস্ত ভুগছেন।

মা। কখন? বাও, দৌড়ে বাও, ওগো ডাকার ডেকে নিয়ে এস।

বাবা। না, না; কিছু হয় নি; এই তোরা এদিকে আর ত।

বাহিরের দরজার খা পড়িল।

কে?...ভিতরে এস।

অতিবেশিনী বারলিংগট অবশ্য করিল। সে দেখিতে অধিকল পরী বেরীলুনের ছায়; বৃদ্ধা এবং ভর দিয়া সে হাঁটিতেছিল।

বারলিংগট। সুপ্রভাত! আজ বড় দিন। তোমাদের সকলকে বড়দিনের অভিবাদন জানাতে এসেছি।

তিলতিল। এই ত পরী বেরীলুন!

বারলিংগট। বড়দিনে একটু ভাল করে রাখব কি না তাই একটু আগুন চাইতে এসেছি।...আজ বড় ঠাণ্ডা।...ওঃ, হাড় বেন কনকনিয়ে দিচ্ছে! সুপ্রভাত তিলতিল; সুপ্রভাত মিতিল; কেমন আছ তোমরা?

তিলতিল। পরী বেরীলুন, নবদ্বার।... আমরা তোমার নীলপাখীর কোন সন্ধান পেলুম না।

বারলিংগট। কি বলছে গা ওরা?

মা। আমার বাছা আর বিজ্ঞাসা করো না।...ওরা নিজেরাই জানেনা, কি বলছে।...আজ সকালে ঘুম থেকে উঠে অবধি এই রকম কচ্ছে।...কিছু কুপাখি করে এমন হয়েছে আর কি!

বারলিংগট। তিলতিল, আমার চিনতে পারছ না? আমি যে তোমার বারলিংগট পিসি—চিনতে পারছ না?

তিলতিল। হ্যাঁ, পারছি চিনতে... আপনি পরী বেরীলুন।—আপনি কি আমাদের ওপর রাগ করেছেন?

বারলিংগট। আমি বে—রী—কি বলে?

তিলতিল। বেরীলুন !

বারলিংগট। বারলিংগট ?...তাই বল,
বারলিংগট।

তিলতিল। বেরীলুন কি বারলিংগট
যা খুসি বল...কিন্তু মিতিলও জানে। . .

মা। মিতিলটারও এই দশা !

বাবা। থাম, থাম ; ভয় নেই।...
একটা কি দুটো চড় কসালেই সেরে যাবে।

বারলিংগট। না, না ; এ সময় ও
রকম করো না।...আমি জানি, কিসে
অমন হল।...চাঁদের আলোর ঘুমিয়েছিল
আর কি ! তাই ও রকম হয়েছে।...
আমার ছোট মেয়েটা গো, যেটা অসুখে
ভুগচে, তারও ও রকম হয়।

মা। ভাল কথা ; তোমার মেয়েটা
এখন কেমন আছে ?

বারলিংগট ! অমনি আর কি।...
উঠতে পারে না।...ডাক্তারে বলে, মাথার
ব্যামো।...কিন্তু আমি জানি, কিসে তার
রোগ সারবে।...আজ সকালেও সে আমার
বলছিল...তার ধারণা—

মা। হ্যাঁ, হ্যাঁ, আমিও তা জানি।...
তিলতিলের ঐ পাখীটি সে চায়।...তিলতিল,
দাও না বেচারীকে তোমার সে পাখীটি।

তিলতিল। কি মা ?

মা। তোমার সেই পাখীটি !...কোন
কাজেই ত সেটা আসে না...তার দিকে
একবার চেয়েও ত দেখ না।...আর সে
বেচারী ওটির জন্তে অস্থির। দাও ওটা
তাকে।

তিলতিল। হ্যাঁ হ্যাঁ, ঠিক বলেছ।
আমার পাখীটি !...আচ্ছা কোথায় সেটা

এখানে !...এইটেই ত ?...এর ভেতর ত
দেখছি কেবল একটা পাখীই আছে।...
আর গুলোকে বুঝি সে খেয়ে ফেলেছে ?
...কিছু আশ্চর্য্য নেই !.. বাঃ রে, এ ত
দেখছি নীল রঙের !...কিন্তু এটা ত আমারই
সেই ঘুঘু। আগেকার চেয়ে আরো নীল
হয়েছে !...আমরা এই নীলপাখীই ত চাই !
.. এত দূরে খুঁজে বেড়াচ্ছিলুম, অথচ এটা
বাড়ীতেই ত রয়েছে !...কি আশ্চর্য্য !...
মিতিল, দেখছ ? আলো কি ভাববে বল
দেখি ?

চেরারের উপর দাঁড়াইয়া খাঁচাটা নামাইয়া আনিল
এবং বারলিংগটের হস্তে প্রদান করিল।

এই নাও, তোমায় দিলুম। এটা তত
নীল না হলেও এতেই চলবে।...তোমার
ছোট্ট মেয়েটাকে শীগ্গির দাও গিয়ে।

বারলিংগট। সত্যি ?...সত্যি আমার
এটা দিলে তাহলে ? আহা, বেচারী কত
সুখী হবে এখন ! বেঁচে থাক বাছারা !
...(তিলতিলের মুখ চুষন করিল) তবে
আমি যাই...শীগ্গির তাকে দিই গে।

তিলতিল। হ্যাঁ শীগ্গির যাও।...না
হলে ওটাও হয়ত আবার রঙ বদলে
ফেলবে।

বারলিংগট পাখীটি লইয়া চলিয়া গেল।

তিলতিল। (চারিদিক দেখিয়া) বাবা,
মা, বাড়ীটাকে তোমরা এ কি করেছ ?...
সাজিয়েছ ? জিনিষ-পত্র সব তেমনি আছে,
কিন্তু ভারি সুন্দর দেখাচ্ছে।

বাবা। সুন্দর দেখাচ্ছে, তার মানে
কি ?

তিলতিল। গেল বছর যখন বাড়ী

ছেড়ে যাই তখন ত এমন ছিল না! ..
এখন ভারি চমৎকার দেখাচ্ছে!

বাবা। গেল বছরে? এখন বাড়ী
ছেড়ে যাস?

তিলতিল। (জানালার কাছে গিয়া)
ঐ দেখ জঙ্গল...কত বড়, আর কেমন
সুন্দর!...সব যেন নতুন আর চমৎকার!

মিতিল। আমিও—আমিও—

মা। পাগলের মত তোরা আবোল-
তাবোল ও কি বক্ছিস?

বাবা। বকতে দাও, বকতে দাও—
ওদের কথায় কান দিয়ো না। ওরা খুসীর
খেলা খেলছে।

বাহির দরজায় ঘা দিল

কে? এস, ভিতরে এস।

প্রতিবেশিনী বারলিংগট প্রবেশ করিল। সঙ্গে
তাহার ছোট মেয়েটি—সে অপূর্ব সুন্দরী। তিলতিলের
পাখীটি তার হাতে দিল।

বারলিংগট। আশ্চর্য ব্যাপার দেখলে?

মা। অসম্ভব!...ও হাঁটতে পারে?

বারলিংগট। শুধু হাঁটতে পারা?...ও
এখন ছুটতে পারে, লাফাতে পারে, নাচতে
পারে।...আমার হাতে পাখীটিকে দেখেই
তড়াক করে লাফিয়ে উঠল।...সত্যি এটা
তিলতিলের পাখী কি না দেখবার জন্যে
জানলার কাছে আলোয় ছুটে এল।...
আর তার পর?...তারপর একেবারে
রাস্তায়!...যেন পরীর মত উড়ে এল...
আমি কি ওর সঙ্গে কদম ফেলে চলতে পারি?

তিলতিল। (মেয়েটির কাছে গিয়া
অতিশয় বিস্মিত হইয়া), ওহো, এ যে
আলোর মতই অবিকল দেখতে!

মিতিল। একটু ছোট।

রুটির সিন্ধুকের কাছে গিয়া।

ও রুটি, কোথায় তুমি? মিতিল,
দেখছ, এখন কেমন চুপ করে রয়েছে!
...এই যে টাইলো। বাহবা! ও টাইলো,
কি রকম লড়াই বেধেছিল মনে আছে?
সেই জঙ্গলের মধ্যে?

মিতিল। আর টাইলেট কোথায়?
সে আমার চেনে।...কিন্তু কথা কইতে
পারবে না!

তিলতিল। রুটি-মশাই, বলি ও রুটি-
মশাই!

মাথায় হাত দিয়া

তাইত! সে হীরেও নেই, সে টুপীও
নেই!...যাক গে আর কি হবে!...এই যে
আগুন! ভারি মজার লোক তু! ও!
জলকে ঠাট্টা করে কেবল রাগাত!

...জলের কাছে গিয়া

জল-মশাই, সুপ্রভাত! এখনও কথা
কইছে যে কিন্তু আগেকার মত আর কিছু
বুঝতে পারছি না।

মিতিল। চিনিকে দেখতে পাচ্ছি না
ত?

তিলতিল। হাঃ হাঃ কি মজা!...
আজ আমি খুব খুসী হয়েছি।

তিলতিল। তা বটে; তবে শীগগির
বাড়বে ত?

বারলিংগট। কি বলছে ওরা?...এখনো
কি ঘোর কাটে নি?

মা। অনেকটা ভাল।...কিছু খেলে-
দেলেই সেরে যাবে।

বারলিংগট। (মেয়েটিকে তিলতিলের

কাছে আনিয়া) যাও, তিলতিলের সঙ্গে
কথা কও, সোনার টান ছেলে—পাখীটিকে
এক কথায় তোমায় দিয়ে দিলে! বেঁচে
থাকো রাবা—রাজ্যেশ্বর হও।

তিলতিল সহসা ভীত হইয়া পশ্চাৎ হঠিয়া গেল।

মা। ও আবার কি? ভয় পেলে
নাকি?...এস, ওকে চুমু দাও।...তোমার
আবার অত লজ্জা হল কবে থেকে?...আর
একবার!...আর একবার!...ব্যাপার কি?
...দেখে মনে হচ্ছে তোমার কান্না আসচে!

তিলতিল বালিকাটিকে চুম্বন করিয়া জড়সড়
ভাবে তাহার পার্শ্বে দাঁড়াইয়া রহিল এবং দুইজনে
নির্বাক হইয়া পরস্পরের প্রতি চাহিয়া রহিল। তার
পর তিলতিল পাখীটার মাথায় আস্তে এক ঠোঁকর
মারিয়া কহিল।

তিলতিল। এটা কি চমৎকার নীল?

বালিকা। হ্যাঁ, এটা পেয়ে আমি ভারি
খুসী হয়েছি।

তিলতিল। আমি এর চেয়েও নীল পাখী
দেখেছি।...কিন্তু যেগুলো একেবারে নীল,
তুমি যা-ই বলনা কেন, তাদের কিন্তু ধরতে
পারা যায় না—ধরতে আমরা পারিওনি।

বালিকা। তা থাক্কে, এইটাই খুব ভাল।

তিলতিল। ওকে কিছু খাইয়েছ?

বালিকা। না। কি খায় এ?

তিলতিল। যা দেবে।...কুটী, গম,
বাগি, ফড়িং...

বালিকা। সত্যি?...কি করে খায়,
বল না?

তিলতিল। কেন, ঠোঁটে করে,—
দেখবে?...আচ্ছা দেখাচ্ছি, দাও—

তিলতিল নড়িয়া দাঁড়াইল এবং বালিকার হাত
হইতে পাখীটি লইতে গেল। বালিকা তার হাতে
পাখীটি দিতে যাইবে এমন সময় আলগা পাইয়া সে
উড়িয়া পলাইল। বালিকা কাঁদিয়া উঠিল।

বালিকা। মা, মা; উড়ে পালিয়েছে!
...কি হবে!

তিলতিল। কেঁদো না, ভয় কি? আমি
আবার ধরে এনে দেব।

(রক্তমন্ডের সম্মুখস্থ হইয়া দর্শকগণের প্রতি)

আপনারা কেউ ঐ পাখীটিকে যদি
ধরতে পারেন, তাহলে দয়া করে আমাদের
দেবেন কি?...ওটিকে না পেলে আমাদের
ভারি দুঃখ হবে।

ধবনিকা

শ্রীধামিনীকান্ত সোম।

জাতীয় জীবনে নৈতিক অবনতি

যে সকল বৃত্তিকে আমরা নৈতিক
গুণ বলি সেগুলি জীব-রাজ্যের নিম্নস্তরে
বড় একটা দেখিতে পাওয়া যায় না।
এমন কি আদিম মানব-সমাজেও সেগুলি

বিরল (১)। নৈতিক গুণগুলি মানব-চিত্তে
স্বভাবতঃই অন্তর্নিহিত ছিল, অথবা ক্রম-
বিকাশের ফলে আবির্ভূত হইয়াছে,—সে-সকল
দার্শনিক তর্ক তুলিবার স্থান ইহা নহে।

(১) Lubbock—Origin of Civilisation—Charactor and Morals. Ch IX.

তবে ইহা দেখিতে পাওয়া যায় যে, যে জাতি ক্রমোন্নতির পথে অগ্রসর হইতেছে, তাহাদের মধ্যেই নৈতিক গুণগুলি অধিক-তররূপে বিকাশ পাইয়া উঠিতেছে। আদিম বর্ষের মানব-সমাজে নৈতিক গুণ নাই বলিলেই হয়; আর সভ্যতার দিকে যতই তাহারা অগ্রসর হয়, ততই তাহাদের মধ্যে এই সকল উচ্চতর বৃত্তি পুষ্ট হইয়া উঠে। কোন কোন পণ্ডিত বলেন যে; সভ্যতার বিকাশের ফলে মানুষের বুদ্ধিবৃত্তির যেমন উন্নতি হয়, নৈতিক বৃত্তির তেমন হয় না। সভ্যতার ইতিহাসকার বাকলে বলিয়াছেন যে, চারিত্র-নীতির ক্রমবিকাশ ধরিতে গেলে মানব-সমাজে এ পর্য্যন্ত তাহা বড় বেশী হয় নাই। তাহা প্রাচীন গ্রীক প্রভৃতি জাতির সময়ে যেমন ছিল, আধুনিক কালেও প্রায় তেমনই রহিয়াছে (২)। কিন্তু আদিম অসভ্য-সমাজের চারিত্রনীতির ধারণা ও সভ্য-সমাজের চারিত্র-নীতির আদর্শে কি বিস্তর প্রভেদ নাই? বর্তমানকালে পৃথিবীর নানা অংশে যে সকল অসভ্য মানব আছে, তাহাদের সঙ্গে সভ্য-সমাজের তুলনা করিলেই ইহা বুঝা যায়। নিগ্রো, ফিজিয়ান, জুলু বা অষ্ট্রেলিয়ার আদিম নিবাসীদের অপেক্ষা ইংরেজ বা ফরাসীর বুদ্ধিবৃত্তিই যে কেবল বেশী, তাহা নহে, জাতীয় চরিত্রও তাহাদের অনেক উন্নত। আবার বর্তমান সভ্যজাতি-সকলের শৈশব অবস্থাতেও তাহারা নৈতিক গুণে বিশেষ গুণবান ছিল না—সভ্যতার বিকাশের সঙ্গে সেগুলি ক্রমশঃ

পরিষ্ফুট হইয়াছে। ফলতঃ সভ্যতা বলিতে কেবল বুদ্ধিবৃত্তির উৎকর্ষ বুঝায় না, তৎসঙ্গে নৈতিক উন্নতিও সূচিত হয়। সভ্যতা বৃদ্ধির সঙ্গে মানব যেমন জ্ঞানের নূতন নূতন আদর্শ লাভ করিয়াছে, সেইসঙ্গে তাহার চারিত্র-নীতির আদর্শও বিচিত্র ও সুস্বতর হইয়া উঠিয়াছে—ইহা নিঃসংশয়ে বলা যায়। ইতিহাস অনুসন্ধান করিলেই প্রমাণ পাওয়া যায় যে, যখনই কোন জাতি জ্ঞান-বিজ্ঞানে উন্নতি করিয়াছে, তখনই তাহাদের মধ্যে নৈতিক বৃত্তিরও উৎকর্ষ ঘটয়াছে। আবার যখন কোন জাতির অবনতি ঘটয়াছে, তখনই তাহাদের মধ্যে নৈতিক বৃত্তিরও শিথিলতা দেখা গিয়াছে। প্রথর বুদ্ধি, অনুসন্ধিৎসা, উজ্জল মেধা, ধারণা, শীলতা প্রভৃতি যেমন জাতীয় উন্নতির পরিচায়ক,—সাহস, সংযম, ধৈর্য, তিতিক্ষা, আত্মত্যাগ প্রভৃতিও তেমনই। অতীতে বুদ্ধির জড়তা, পল্লধগ্রাহিতা, অদূরদর্শিতা প্রভৃতি যেমন জাতীয় জীবনে অধঃপতনের সূচনা করে,—ভীকতা, স্বার্থাকতা, বিশ্বাস-ঘাতকতা, লোভ, হিংসা প্রভৃতি নীচবৃত্তিও তেমনি ঐ-সকলের সঙ্গে সঙ্গেই আসিয়া উপস্থিত হয়।

অর্দ্ধ পৃথিবীর সম্রাট রোমের ধ্বংসের প্রাকালে, তাহার জাতীয় জীবনে যে নানা দুর্নীতির আবির্ভাব হইয়াছিল, তাহা বোধ হয় সর্বজনবিদিত। ক্ষমতাদৃষ্ট রোম তখন বিলাস-লালসায় হাবুডুবু খাইতেছিল; ফলে তাহার জাতীয় জীবনে অবসাদ, উৎসাহ-

হীনতা, কাপুরুষতা প্রভৃতি আসিয়া দেখা দিল। ব্যভিচার অন্তঃপ্রবিষ্ট কীটের ত্রাস তিলে তিলে দেশের ও সমাজের ক্ষয় সাধন করিতেছিল। নারীর সতীত্ব বা পুরুষের সংঘম বলিয়া কোন কথাই ছিল না। পারিবারিক পবিত্রতা উপহাসের বিষয় হইয়া উঠিয়াছিল। এমন কি রোমের সম্ভ্রান্ত মহিলাগণ প্রণয়ী-পরিবর্তনের দ্বারা বৎসর গণনা করিত, এইরূপ প্রসিদ্ধি আছে। মিথ্যাচার, প্রবঞ্চনা, বিশ্বাসঘাতকতা সমাজের নিত্যসহচর হইয়া উঠিয়াছিল। আর, এইরূপে পৃথিবীবিজয়ী রোম যখন আত্মহত্যার পথ প্রশস্ত করিতেছিল, তখনই বর্ষের গথেরা আসিয়া তাহার বৃকে পাষণ-ভার চাপাইয়া দিতে পারিয়াছিল। গ্রীস যখন উন্নতির শিখরে উঠিয়াছিল,—যখন তাহার শিল্প, সাহিত্য ও দর্শনের মহিমা জগৎময় ঘোষিত হইতেছিল, তখন তাহার জাতীয় জীবনে অশেষ সদগুণেরও পরিচয় পাওয়া গিয়াছিল। আবার সেই গ্রীস যখন মাসিদনিয়ার ষড়যন্ত্রে বিধ্বস্তপ্রায়, তখন তাহার জাতীয় জীবনে অনৈক্য, কলহ, বিশ্বাসঘাতকতা, প্রবঞ্চনা প্রভৃতি অত্যন্ত সাধারণ হইয়া উঠিয়াছিল। মুসলমান-বিজয়ের প্রাক্কালে ভারতবর্ষের অবস্থা যে কিরূপ শোচনীয় হইয়া পড়িয়াছিল, সমসাময়িক সাহিত্যেই তাহার চিত্র অঙ্কিত রহিয়াছে। যে হিন্দুরাজগণের বীরত্বে চীন, ব্রহ্ম, গান্ধার ও পারস্যের সীমা পর্য্যন্ত কল্পিত হইয়া উঠিত, তাঁহারা তখন “মদনোৎসবে” মাতিয়া উঠিয়াছিলেন, রণ-

ক্ষেত্র ছাড়িয়া প্রেয়সীর অঞ্চলেই তাঁহারা স্থায়ী আশ্রয় লইয়াছিলেন; আর শত্রুর অস্ত্রাশির পরিবর্তে কামিনীদের নয়ন-বাণের সঙ্গেই তাঁহারা বেশী পরিচিত ছিলেন। মেগাস্থিনিস যে জাতির সত্য-প্রিয়তা ও সাধুতার জয়গান করিয়া আপনাকে ধন্য মনে করিয়াছিলেন, তাহাদেরই মধ্যে তখন ‘শঠে শঠ্যং সমাচরেৎ’ নীতি প্রবল হইয়া উঠিয়াছিল। বিশ্বাসঘাতকতা, স্বার্থপরতা, দেশদ্রোহিতা তখন ভারতের হিন্দুসমাজকে কলঙ্কিত করিয়া ফেলিয়াছিল। নবম ও দশম এই দুই শতাব্দী ধরিয়া নীতিবর্জিত ভারতবর্ষ কেবলই যুদ্ধ ও আত্ম-কলহে দুর্বল হইতেছিল। ফলে নববলদৃপ্ত পাঠানেরা যখন ভারতবর্ষের দ্বারদেশে আসিয়া উপস্থিত হইল, তখন আর তাহাদিগকে বাধা দিবার সামর্থ্য এতবড় ভারতবর্ষে আর-কাহারও ছিল না (৩)। মধ্যযুগে মূর-বিজিত, পরপদানত স্পেনেও আমরা ইহার প্রমাণ পাই (৪)। তৎকালে একদিকে অজ্ঞতা, কুসংস্কারপ্রিয়তা ও জড়তা প্রভৃতি যেমন স্পেনের জাতীয় জীবনে আত্মপ্রকাশ করিয়াছিল, অত্রদিকে তেমনই বিলাসিতা, কাপুরুষতা ও নির্ভুরতা প্রভৃতি তাহার মধ্যে স্বাভাবিক ধর্ম হইয়া উঠিয়াছিল। Inquisition নামে ধর্মের অজুহাতে ভীষণ অত্যাচারের প্রথা এই সময়ে স্পেনের মাটিতেই গজাইয়া উঠিয়াছিল। ধর্মযাজক ও মঠবাসিনী সন্ন্যাসিনীদের ব্যভিচার স্পেনে যেমন বীভৎস

(৩) শ্রীযুক্ত রাখালদাস বন্দ্যোপাধ্যায়ের—“বঙ্গলার ইতিহাস”—১ম ভাগ।

(৪) Buckle—History of Civilisation.

রূপে দেখা দিয়াছিল, এমন আর কোথাও নহে। সর্বোপরি একটা দেশব্যাপী অবসাদ, নৈরাশ্য ও নিঃস্রীভতা এমন ভাবে স্পেনের বুকে চাপিয়া বসিয়াছিল যে আজ এই বিংশ শতাব্দীতেও স্পেন তাহার প্রভাব হইতে সম্পূর্ণরূপে মুক্ত হয় নাই। আজও ইউরোপের মধ্যে স্পেনিসরাই সর্বোপেক্ষা পশ্চাৎপদ জাতি। পলাশীর যুদ্ধের প্রাকালে বাংলার নৈতিক অবস্থা কেমন ছিল, ভারতচন্দ্রের কাব্যেই তাহার চিত্র রহিয়াছে। আমরা কেবল বিদ্যাসুন্দরের অশ্লীলতার কথাই বলিতেছি না। যে প্রতাপাদিত্য স্বদেশরক্ষার জন্ত আত্মপ্ৰাণ উৎসর্গ করিয়াছিলেন, বারবার প্রবল-পরাক্রান্ত মোগলের দ্বারা বিধ্বস্ত হইয়াও যিনি তাঁহার জীবনের ব্রত ছাড়েন নাই, ভারতচন্দ্র তাঁহাকেই অতি নীচভাবে গালাগালি দিয়াছেন এবং বিশ্বাসঘাতক ভবানন্দ ও আততায়ী মানসিংহের উচ্চস্বত্তিতে শতমুখ হইয়া উঠিয়াছেন। শব্দরচনাকুশল ভারতচন্দ্রের যশোগান প্রাচীনেরা যতই করুন, নব্যবাঙ্গালী উক্ত দেশদ্রোহী কবির এই গুরুত্তর অপরাধ কখনই মার্জনা করিতে পারিবেন না। আর, যে সময়ে কবি দেশদ্রোহিতার জয়গান করিয়াছিলেন, সেই সময়েরই রাজনৈতিকেরা স্বদেশ ও স্বজাতির বিরুদ্ধে নানারূপ ষড়যন্ত্র করিতে কিছুমাত্র দ্বিধা বোধ করেন নাই।

জীবরাজ্যে নিম্নশ্রেণীর জীবদের মধ্যে প্রধানতঃ প্রতিযোগিতা ও সংগ্রামই আত্ম-

রক্ষা ও জাতিরক্ষার উপায়। কিন্তু উচ্চ-শ্রেণীর জীব মানবের সম্বন্ধে একথা সম্পূর্ণ খাটে না। প্রতিযোগিতা ও জীবন-সংগ্রাম মানব-সমাজের পক্ষে কিয়ৎ-পরিমাণে প্রয়োজনীয় হইলেও, সহযোগিতা ও প্রেমই এ সমাজের বিশেষত্ব। আর মানব যতই উন্নতির পথে অগ্রসর হইবে, ততই তাহার মধ্যে সহযোগিতা ও প্রেমের ক্রিয়া বেশী দেখা যাইবে। যে সামাজিকতা, ধরিতে গেলে, মানবের মধ্যেই প্রথমে বিকাশপ্রাপ্ত হইয়াছে, সহযোগিতা ও প্রেমই সেই সামাজিকতার ভিত্তি (৫)। মানবের নৈতিক গুণাবলীও এই সহযোগিতা ও প্রেমের আশ্রয়েই বাড়িয়া উঠিয়াছে। সুতরাং নৈতিক গুণাবলী যতই বিকাশ পাইতে থাকিবে, সামাজিকতা ততই দৃঢ়ভিত্তি হইবে, জাতিও ততই উন্নতির পথে অগ্রসর হইবে। এইরূপে জীবতত্ত্বের হিসাবেও নৈতিক গুণাবলী, জীবন-যুদ্ধে সফলতার সহায়ক। কেবল প্রতিযোগিতা ও সংগ্রাম নহে—সহযোগিতা ও প্রেমও জাতিরক্ষার প্রধান উপাদান (৬)। নীটশের প্রচারিত তথাকথিত জর্মন “কালচার” আধুনিক কালে প্রতিযোগিতা ও জীবন-সংগ্রামকেই বড় করিয়া ধরিয়াছে। তাহার ফলে হিংসা, মারামারি, কাড়াকাড়ি, যুদ্ধ, রক্তপাত—এককথায় দানবী শক্তির উন্মাদ লীলাই—জাতীয় উন্নতির চরম পন্থা বলিয়া কীর্তিত হইয়াছে। এই বীভৎস আদর্শের পরিণাম যে কি ভীষণ, ইউরোপের

(৫) Gidding's Sociology.

(৬) Kropotkin—Mutual Aid as a factor of Evolution.

বিরাট কুরুক্ষেত্রেই আজ তাহা স্পষ্ট দেখা যাইতেছে। কিন্তু, সত্য অপরাধের ও অবিনাশী। সহযোগিতা ও প্রেমই যে মানব-সভ্যতার মূলমন্ত্র—এই যুদ্ধের ফলে তাহা বিশেষরূপে প্রমাণিত হইবে,—এ বিষয়ে আমাদের কোন সন্দেহ নাই। ফলতঃ ইতিহাস ও সমাজতত্ত্ব ইহাই সাক্ষ্য দেয় যে, প্রেম ও সহযোগিতা-মূলক নৈতিক গুণাবলী যে জাতির মধ্যে সম্যক বিকশিত হইবে তাহারাই শেষ-পর্যন্ত জীবন-যুদ্ধে জয়ী হইবে, আর যাহাদের মধ্যে এই সকল গুণের অভাব থাকিবে, তাহারাই ধরাপৃষ্ঠ হইতে লুপ্ত হইয়া যাইবে। একদিকে মিথ্যাচার, প্রবঞ্চনা ও বিশ্বাসঘাতকতা প্রভৃতি তাহার জাতীয় জীবনের শক্তি ক্রমশঃ অপহরণ করিতে থাকিবে, অন্যদিকে ব্যভিচার, অসংযম, পারিবারিক অপবিত্রতা প্রভৃতির ফলে বর্ণসঙ্কর ও জারজ সন্তান প্রভৃতির সংখ্যাবৃদ্ধি হইয়া বীজাণুধি ঘটাইবে এবং তাহার ফলে সমগ্র জাতীয় জীবন রুগ্ন ও দূষিত হইয়া উঠিবে।

আবার, যখন কোন জাতি সজীব এবং নৈতিক বলে বলীয়ান থাকে, তখন তাহার জাতীয় জীবনেরও একটা উন্নত আদর্শ থাকে—আর সেই আদর্শই সমগ্র জাতিকে সম্মুখের দিকে অগ্রসর করাইয়া দেয়। কিন্তু যখনই এই নৈতিক বলের হ্রাস হয়, জাতিও তখন লক্ষ্যভ্রষ্ট হইয়া পড়ে এবং তাহার ধ্বংস ঘটতেও বড় বেশী বিলম্ব ঘটে না। প্রাচীন রোমের আদর্শ ছিল—বিধিবদ্ধতা।

এই আদর্শকে সম্মুখে ধরিয়াই রোম বিশ্ববিজয়ী হইয়াছিল। কিন্তু রোমের জাতীয় জীবনে যখন দুর্নীতির কীট প্রবেশ করিল, তখন এই আদর্শেরও লোপ হইল, সঙ্গে সঙ্গে রোমেরও ধ্বংস ঘটিল। প্রাচীন গ্রীসের আদর্শ ছিল সর্বাঙ্গীন সৌন্দর্য্য। উত্তরকালে যখন সমাজে দুর্নীতি প্রবেশ করিল, তখন গ্রীসেরও এই আদর্শচ্যুতি ঘটিল—গ্রীকজাতিও লুপ্ত-প্রায় হইয়া গেল। প্রাচীন ভারতের আৰ্য্য সমাজ যখন ব্রহ্মজ্ঞানের আদর্শকে উপলব্ধি করিয়াছিল, তখনই তাহা জ্ঞান-বিজ্ঞান নীতি-ধর্ম্মে মহীয়ান হইয়া উঠিয়াছিল। পরবর্তী কালে বুদ্ধদেবের প্রচারিত ধর্ম্মের সাম্য, মৈত্রী ও করুণার মহান আদর্শও ভারত-বর্ষকে নবজীবন দান করিয়াছিল। কিন্তু পরবর্তীকালে বৌদ্ধধর্ম্মের নির্বিচার সন্ন্যাস-প্রচারের ফলে সেই মহান আদর্শের অবনতি ঘটয়াছিল। ইহলোক ও ইহজীবনকে তুচ্ছ করিতে পরামর্শ দিয়া বৌদ্ধধর্ম্মের উপদিষ্ট সন্ন্যাস, রাষ্ট্র ও সমাজ হইতে মানুষকে বিচ্ছিন্ন করিয়া দিল এবং সমস্ত ভারত-বর্ষকে দুর্বল, বীর্য্যহীন ও আত্মরক্ষার অসমর্থ করিয়া তুলিল। আবার সেই কঠোর সন্ন্যাসেরই প্রতিক্রিয়া-স্বরূপ বৌদ্ধধর্ম্মের শেষদশায় এমন ঘোরতর দুর্নীতি ও ইন্দ্রিয়-পরায়ণতা সমাজে প্রবেশ করে যে, বিষাক্ত জীবদেহের জায় তাহা শীঘ্রই প্রাণহীন হইয়া পড়িল। বৌদ্ধধর্ম্মের শেষযুগের বজ্রযান, সহজযান প্রভৃতি ও তৎপ্রভাবপূষ্ট তান্ত্রিক আচার অনুষ্ঠানাদিই তাহার প্রমাণ (৭)। মুসলমান-বিজয়ের প্রাক্কালে ভারতবর্ষের যে

নৈতিক অধঃপতন ও শোচনীয় দুর্বলতা দেখি, তাহাও ঐ সকলেরই পরিণাম। আধুনিক ইউরোপেও যে উদ্যম বিলাস, যথেষ্টাচার ও ইন্দ্রিয়পরায়ণতার বাহুল্য দেখা যাইতেছে, তাহাও বড় আশাপ্রদ নহে। খৃষ্টধর্মের সংঘম ও আত্মত্যাগের আদর্শ হইতে ভ্রষ্ট হইয়াই ইউরোপের এই দুর্গতি ঘটিয়াছে। যদি আধুনিক মহাযুদ্ধের সর্বধ্বংসী অগ্নিতে সেগুলি পুড়িয়া ভস্মসাৎ না হয়, তবে প্রাচীন রোমের গ্রায় আধুনিক ইউরোপের জাতীয় জীবনও শোচনীয় হইয়া উঠিতে পারে।

আধুনিক বাঙ্গলার—তথা ভারতবর্ষের

—জাতীয় জীবনে আমরা কি কোন মহৎ আদর্শ অনুভব করিতে পারিতেছি? সহ-যোগিতা ও প্রেমের আদর্শ কি সেখানে ক্রমশঃ পরিপুষ্ট হইতেছে? পরার্থপরতা, দেশপ্রেম, আত্মসর্গ, তেজস্বিতা, সংঘম ও তিতিক্ষা প্রভৃতি নৈতিক গুণাবলী কি আমাদের জাতীয় জীবনে পূর্বের চেয়ে বেশী দেখা যাইতেছে? বহুশত বৎসরের অবসাদের পর আজ যখন বিশ্বমানবের সত্য স্থান পাইবার জন্ত আমাদের আগ্রহ জন্মিয়াছে, তখন এই হিসাব-নিকাশ আমাদের পক্ষে একান্তই প্রয়োজনীয় হইয়া উঠিয়াছে।

শ্রীপ্রফুল্লকুমার সরকার।

পল্লীর বৈষয়িক উন্নতি ও পল্লী-সংস্কার

কিছুদিন হইল, আমাদের ভূতপূর্ব শাসন-কর্তার সহধর্মিণী লেডী কারমাইকেলের উৎসাহে দেশীয় শিল্প-সমিতি (Bengal Home Industries Association) নামক একটি সভার প্রতিষ্ঠিত হইয়াছে। ইহার সংশ্রবে নিউমার্কেটের নিকটে একটি বিপণীও খোলা হইয়াছে। শুনিতেছি, প্রতি জেলার সদরে একটি করিয়া এইরূপ বিপণী ও প্রদর্শনী স্থাপন করার চেষ্টা চলিতেছে। দেশের গণ্যমান্য ব্যক্তি ও উচ্চ রাজকর্মচারীগণের যখন পৃষ্ঠপোষকতা আছে, তখন এ চেষ্টা যে নিতান্ত নিষ্ফল হইবে এমন কথা বলা যায় না। পল্লীস্থ সমবায়-সমিতিগুলির যোগে যদি এই সমিতি মফঃস্বল হইতে গৃহনির্মিত দ্রব্যাদি

সংগ্রহ করেন, তাহা হইলে তৈয়ারীর পর distribution বা যথামূল্যে বিক্রয়ের জন্ত আর দেশীয় শিল্পীদিগকে ভাবিতে হয় না। উপযুক্ত সময়ের মধ্যে বিক্রয়ের অনিশ্চয়তা পল্লীশিল্পের উন্নতির পক্ষে বড় কম অন্তরায় নহে। এই প্রসঙ্গে উটজশিল্পের একটি সামান্য দৃষ্টান্তের কথা মনে পড়িতেছে।

পূর্ববঙ্গ রেলপথে মদনপুর ষ্টেশনের নিকটে “জঙ্গল” নামক গ্রামে কয়েকজন মুসলমান বংশধর-নির্মিত খটখটি নামক তাঁতের সাহায্যে মাছ ধরিবার নানা প্রকার ‘ডোর’ বা সূতা তৈয়ার করিয়া থাকে। মনে করুন স্থানীয় রাজকর্মচারীগণের চেষ্টায় এই ব্যবসায়ের কথা Indian Trades

Journal-এ স্থান পাইল এবং 'ডোরের' নানা প্রকার নমুনা সংগৃহীত হইয়া Commercial Museum বা গবর্ণমেন্টের কলিকাতাস্থ স্থায়ী শিল্প-সংগ্রহাগারে রক্ষিত হইল। কিন্তু Commercial Museum তো দোকান নহে এবং আমাদের "দেশীয় ক্ষুদ্র ব্যবসায়ীগণও এ-সকল স্থান হইতে কোন রূপ খবর লইতে জানে না, তাই মাছ-ধরার সূতা বাহারা সাধারণতঃ বিক্রয় করিয়া থাকে সে-শ্রেণীর দোকানদারগণের নিকট নমুনা ও দর-দাম প্রভৃতির সংবাদ সহজে পৌঁছিতে পারে না। এই "ডোর"-নির্মাতাগণের মুখে শুনিয়াছি, তাহারা মুগা ও রেশম ফরাস-ডাঙ্গা হইতে কিনিয়া আনে এবং নিজেদের উদ্ভাবিত যন্ত্রের সাহায্যে সূতা প্রস্তুত হইলে গ্রামে গ্রামে ঘুরিয়া তাহা বিক্রয়ের চেষ্টা করে।

ভাল "ডোর" পাইলে অনেক মৎস্ত-শিকারী উপযুক্ত মূল্য দিতে অনিচ্ছুক নহেন, কিন্তু বিক্রেতা যদি ঘানে স্থানে ঘুরিয়া বেড়াই তাহা হইলে অল্প মূলধনে এরূপ ব্যবসায়ের উন্নতি-সাধন সম্বন্ধে নানা প্রকার অসুবিধা ঘটে। জেলাস্থ শিল্পসমিতি যদি এই সকল দ্রব্যাদি সংগ্রহ ও বিক্রয়ের ভার লন এবং সমবায়-সংবদ্ধ হইয়া যদি এই শ্রেণীর গ্রাম্য শিল্পীরা একত্রে বহুল পরিমাণ কাঁচা মাল খরিদ করিতে পারে, তাহা হইলে সময় ও অর্থের অপব্যয় বহু পরিমাণে বাঁচিয়া যায়। এরূপ ব্যবস্থায় আরও একটা সুবিধার সম্ভাবনা। বিক্রয়ের জন্ত

অসুবিধা ভোগ করিতে না হইলে যখন মাঠে আবাদের কাজ থাকে না, গ্রামের চাষী লোকেরাও তখন নিজেদের গৃহে বা ক্ষুদ্র ক্ষুদ্র কারখানায় অপর শিল্পীগণের সহিত একত্রে সেই অবসর-সময়েও কিঞ্চিৎ উপার্জন করিতে পারে। ফলে কোন জেলা বা উপবিভাগের বিভিন্ন অংশে এই জাতীয় ব্যবসায়ের এক একটি কেন্দ্র সংস্থাপিত হওয়াও অসম্ভব নয়। অবশ্য তৈয়ারী মাল শিল্প-সমিতির কর্তৃপক্ষের নিকট না দিয়া ব্যবসায়ীদের নিকট পৌঁছাইয়া দেওয়া যাইতে পারে কিন্তু ইহাতে লাভের কিয়দংশ মাঝের লোকের হস্তগত হওয়া অনিবার্য। হাতে-তৈয়ারী দ্রব্য কলের জিনিসের সহিত প্রতিযোগিতায় বিক্রয় করিতে হইলে লাভ খুব উন্নয়ন থাকে সূতরাং শিল্পীর জীবিকা-সংস্থানের দিকেও দৃষ্টি না রাখিলে চলে না।

আজকাল পল্লীগ্রামে যা-একটু ভাল অবস্থা দেখা যায় তা পাইকার মহাজন-শ্রেণীর চাষীদেরকে পূর্বে হইতে 'দাদন' দিয়া ইহারা একটা নির্দিষ্ট দরে পাট, রেশম বা তামাক ক্রয় করিয়া থাকে এবং তাহাই আবার উচ্চমূল্যে সহরের মহাজনদেরকে সরবরাহ করিয়া নিজেরা মাঝ হইতে ছপয়সা রোজগার করিয়া লয়। যদি কৃষকেরা কার্যসাধক "সংহতি" মন্ত্রে দীক্ষিত হইয়া এক-একটি কৃষি-সমবায়-সমিতি স্থাপন করে, তাহা হইলে উক্ত সমিতির নিকট সম্ভা সূদে ধণ লইয়া বৈজ্ঞানিক উপায়ে হাড়ের গুঁড়া * প্রভৃতি

* কৃষিবিভাগের কর্তৃপক্ষগণ হাড়ের গুঁড়ার ব্যবহার চালাইবার যথেষ্ট চেষ্টা করিতেছেন। উপযুক্ত ব্যক্তিকে পূর্বে গুঁড়া জোগাইয়া পরে দাম লইতেও আপত্তি নাই। কিন্তু অর্থাভাবে চাষীরা খরচে রাজি নহে এবং শিক্ষাশূণ্যে নূতন যাহা-কিছু তাহাই তাহারা সন্দেহের চক্ষে দেখিয়া থাকে।

তেজালো সার-প্রয়োগে ফসলের পরিমাণ যেমন বাড়াইতে পারে, তেমনই আবার দাদনের দায় এড়াইয়া তৈয়ারী ফসল (distribute)-সমবায়-সমিতির সাহায্যে সহরে পাঠাইয়া সময়মত বিক্রয় করিতে পারিলে উপযুক্ত লভ্যাংশ হইতেও বঞ্চিত হয় না। Intensive cultivation বা কৃষিকার্যে অধিক মূলধন ও বৈজ্ঞানিক প্রণালী-প্রয়োগ এরূপ সমবায়-সাহায্য ব্যতিরেকে আমাদের দেশে কোনকালেই ঘটিয়া উঠিবে বলিয়া মনে হয় না।

পূর্বে যে লাভ পাইকারের কবলে যাইত, এ প্রণালী অবলম্বন করিলে শেষে তাহা চাষীদের হাতেই থাকিয়া যাইবে। বঙ্গদেশে মফঃস্বলের অনেকস্থানে Raffelsen (রাফিসেন)-এর প্রণালীতে কো-অপারেটিভ সমিতি স্থাপিত হইয়াছে বটে কিন্তু সেগুলির কাজ টাকা কর্ত্ত দেওয়া মাত্র। এরূপ কাট্টির সাহায্য করা সেগুলির উদ্দেশ্য নয়। পাশ্চাত্য দেশে যৌথ-ঋণ-দান-সমিতির সহিত যৌথ-বিক্রয়-সমিতির মিলন থাকায় কৃষকগণের সর্বাঙ্গীন উন্নতি-সাধনের চমৎকার সুযোগ ঘটিয়াছে।

সমবায় বিক্রয় অর্থাৎ যৌথ কাট্টির ব্যবস্থা হইলে অত্র বিষয়েও এই পদ্ধতি অবলম্বিত হইতে পারে—যথা Dairy farming বা দুগ্ধ ও দুগ্ধজাত দ্রব্যাদির উৎপাদন। কারখানায় অত্র কারবারের অপেক্ষা এ ব্যবসায়টির কৃষিকার্যের সহিতই সাদৃশ্য অধিক। অল্পদিন হইল ঢাকার নিকটবর্তী কোনও গ্রাম পরিদর্শন করিতে গিয়া বঙ্গের শাসন-কর্ত্তা লর্ড রোনাল্ডসে

বাহাদুর সমবায়-প্রথায় প্রতিষ্ঠিত কোন একটি Dairy firm পরিদর্শন করিয়া আসিয়াছিলেন। এই যে ভেজাল ঘৃত লইয়া আজ গোলমাল চলিতেছে, তাহা শুধু দুই-একজন ধনী ব্যক্তি গোয়াবাগান হইতে দুই-একটি দুগ্ধবতী গাভী কিনিয়া ঘরে পুষিলেই মিটিয়া যাইবে না। দেশে যে পরিমাণ ঘৃতের প্রয়োজন, তাহা যদি যথেষ্ট পরিমাণে উপযুক্ত মূল্যে সরবরাহের ব্যবস্থা না থাকে তাহা হইলে ভেজাল গুপ্তভাবে চলিতে থাকিবে বলিয়া ভয় হয়। ইহার একমাত্র উপায়, সমবায় নীতি-অবলম্বনে উৎকৃষ্ট গাভী প্রভৃতি আনাইয়া দুগ্ধের পরিমাণ বৃদ্ধি করা ও সেই সঙ্গে গ্রামে গ্রামে যৌথ-কারবার স্থাপন করিয়া—দুগ্ধ-জাত দ্রব্যাদি তৈয়ারী ও তাহার সংরক্ষণে বৈজ্ঞানিক বিধির যথারীতি প্রয়োগ। সুলেখক রায় শ্রীযুক্ত সুরেন্দ্রনাথ মজুমদার বাহাদুর গল্পচ্ছলে সময়ে সময়ে যে সকল উপদেশ উপদেশ দিয়া থাকেন তাহার মধ্যে কোনও ম্যালেরিয়াদিগ্ধ পল্লীতে এইরূপ একটি Co-operative dairy স্থাপনের হাশ্চাঁজ্জল চিত্র অনেকেরই স্বরণপথে উদিত হইবে। এ ক্ষেত্রে কবিকল্পনা বাস্তবে পরিণত হইতে কোনও বাধা নাই এবং ষতদিন না হয় ততদিন এই ভেজালের অসুবিধা অল্প-বিস্তর ভোগ করিতেই হইবে বলিয়া মনে হয়। কোটিল্যের যুগে Dairy farming অজ্ঞাত ছিল না। তখন সরকার হইতে রাজভূত্যাগণের দ্বারা কিম্বা গোরক্ষক আভীর-গণকে দুগ্ধজাত দ্রব্যাদির অংশ দিয়া এ ব্যবসায়ে নিযুক্ত করা হইতই। সে সঙ্গে

গোজাতির বংশোন্নতির দিকেও সবিশেষ দৃষ্টি রাখা হইত। Vide foot note (ক)। সমবায়-প্রণালীতে organized বা ব্যবস্থাপিত না হইলে পল্লীর গোপগৃহে উদ্ভূত দুগ্ধ হইতে যে কিঞ্চিৎ গব্য ঘৃত প্রস্তুত হইয়া থাকে, তাহার সামান্য অংশও সহরে আসিয়া পৌঁছাবে কিনা সন্দেহ এবং পৌঁছিলেও টানের খুব সামান্য অংশই পূরণ করা চলবে। দৈনিক সংবাদপত্রে প্রকাশ, শুধু কলিকাতায় প্রত্যহ আটশত মন ঘৃত ধরচ হইয়া থাকে। ১৯১২ সালের যৌথ সমিতির আইন-অনুসারে ভারতবর্ষে বিভিন্ন প্রকার সমবায়-সমিতি প্রতিষ্ঠিত হওয়ার ব্যবস্থা থাকায় এখন আর কোন অসুবিধা নাই। ইউরোপে কিরূপ অল্প সময়ের মধ্যেই বিভিন্ন শ্রেণীর সমিতি স্থাপিত হইয়াছে তাহা নিম্নলিখিত তালিকা হইতেই দৃষ্ট হইবে।

যৌথ ঋণদান—যৌথ সরবরাহ—যৌথ উৎপাদন
(সাধারণত দুগ্ধজাত দ্রব্য)

আয়র্ল্যান্ড	১৮৯৫ খঃঅঃ	১৮৯০ খঃঅঃ	১৮৮৯ খঃঅঃ
ইংল্যান্ড	—	১৯০০ খঃঅঃ	১৯০০ খঃঅঃ
সুইজারল্যান্ড	১৮৯০ খঃঅঃ	১৮৮৬ খঃঅঃ	—
ফ্রান্স	১৮৮৫ খঃঅঃ	১৮৮৪ খঃঅঃ	—

(Vide Foundations of Indian Economics. p. 434.)

আমাদের দেশে কোন কোন স্থানে

যে-সকল ধর্মগোলা সংস্থাপিত হইয়াছিল তাহা এই co-operative শ্রেণীর অন্তর্গত বটে—কিন্তু ইহাতে কিছু অসুবিধাও দেখা যায়। বহুদিন ধর্মিয়া শাস্ত্রাদি সঞ্চয় করিয়া রাখিলে আমাদের দেশের জল-বায়ুর প্রভাবে তাহা কতকাংশে নষ্ট হইবারও আশঙ্কা আছে।

এ দেশেও যৌথ মতের ক্রমেই প্রসার হইতেছে; কারণ এ দেশের চাষীরাও এক জোটে কাজ করিতে অনভ্যস্ত নহে। কুষ্টিয়া অঞ্চলে দেখিয়াছি এক এক পল্লীর চাষীরা দলবদ্ধ হইয়া স্থানীয় সাহেব কোম্পানির কুঠী হইতে আধমাড়া কল ভাড়া করিয়া লয় এবং কার্য-শেষে ভাগা-ভাগি করিয়া দেয়-টাকা চুকাইয়া দিয়া থাকে। বড় বড় কড়াই প্রভৃতি লোহার সরঞ্জামও এইরূপ একত্রে ভাড়া লওয়ার প্রথা আছে। কিন্তু ঋণ বা লোকসান সম্বন্ধে লেখাপড়ার মধ্যে পরস্পরের দায়িত্ব গ্রহণ করিতে হইলেই অল্প-শিক্ষিত বা নিরক্ষর কৃষকেরা প্রায়ই ভয় পাইয়া থাকে। মফঃস্বলে সমবায়-সমিতি স্থাপন কালে এই লইয়া অনেক সময় ধুরন্ধর-গণকে বড়ই কষ্ট পাইতে হয়। একেই ত বিধি-উপবিধিগুলি অশিক্ষিত লোকের নিকট একটু জটিল বলিয়া বোধ হইবার কথা, তাহার উপর আবার ব্যক্তিগতভাবে

(ক) "In Kautilya's time dairy-farming was undertaken by the State in one of the two ways—either the State farms were directly worked by the Government Department or with the help of herdsmen for a share of the produce. Cattle-breeding also engaged the attention of the State." Dr. P. N. Banerji. Public Administration in Ancient India. P. 253.

সকলেরই অসীম বা অনির্দিষ্ট দায়িত্ব (unlimited liability),—সুতরাং গ্রামের দুই-একজন লেখাপড়া-জানা সচ্চরিত্র ও অবস্থাপন্ন লোক মাথা দিয়া না দাঁড়াইলে এরূপ সমিতির প্রতিষ্ঠা বড়ই কঠিন হইয়া পড়ে। একবার কিন্তু ইহার সুবিধা বুঝিলে সমিতির সভ্যগণ নিজেরাই এ তত্ত্ব-প্রচারে সহায়তা করিতে থাকিবেন, তখন দেখাদেখি নিকটবর্তী স্থান-সমূহে এরূপ সমিতি স্থাপনে আর কষ্ট পাইতে হইবে না। যে সকল কেন্দ্র-সমিতি আছে, সাধারণত সেই গুলিই গ্রাম্য ব্যাঙ্কের টাকা সরবরাহ করিয়া থাকে। গ্রামের অবস্থাপন্ন লোকেরা যদি সমিতিতে টাকা খাটায়, তাহা হইলে উহার কার্যের প্রসার আরও বৃদ্ধি পাইতে পারে, কিন্তু সেরূপ হাড়ভাঙ্গা সুদে সমিতির নিকট আদায় করা চলে না, তাই মহাজনেরা এ সমিতিগুলিকে সুনজরে দেখে না। ফরাসী দেশে ও বেলজিয়ম প্রভৃতি স্থানে গবর্ণমেন্টের পৃষ্ঠপোষিত—credit foncier নামক কতকগুলি ব্যাঙ্ক আছে। এ গুলিতে জমিজমা বন্ধক রাখিয়া অল্প সুদে টাকা ধার পাওয়া যায় এবং সুদ লাভের উদ্দেশ্যে টাকা লগ্নি করাও চলে। আমাদের দেশে ইউনিয়নে গ্রামে গ্রামে বা দুই তিনটি নিকটস্থ গ্রাম লইয়া—সমবায় ভিত্তিমূলে এইরূপ এক একটি যৌথ ব্যাঙ্ক স্থাপিত হইলে চাষীরাও মহাজনের হাত হইতে উদ্ধার পায় এবং গ্রাম্য গৃহস্থগণও তাহাদিগের অল্প-স্বল্প সঞ্চিত টাকা—গবর্ণমেন্টের পৃষ্ঠপোষকতার কথা অবগত হইলে সহজেই এই সকল ব্যাঙ্কে

সুদে খাটাইবার উদ্দেশ্যে গচ্ছিত রাখিতে পারে। চিরাগত উপায়ের পথ বন্ধ দেখিলে মহাজনেরাও তাহাদের মূলধনে লাভ-জনক নূতন ক্ষুদ্র ক্ষুদ্র শিল্প-কারখানার পত্তন করিতে পারে।

অল্প সুদে টাকা ধার পাওয়া কৃষিকার্যের উন্নতির জন্ত যে কত প্রয়োজন, তাহা ওয়েডারবার্ণ ও মহামতি রাণাডে-প্রমুখ পণ্ডিতগণ বহুপূর্বেই আলোচনা করিয়াছেন। অতীত কৃষিপ্রধান দেশের গ্রাম ভারতবর্ষেও অতি প্রাচীনকাল হইতেই চাষীগণকে কৃষিকার্যের জন্ত কর্ত্ত দেওয়ার পদ্ধতি আছে। মহাভারতের সভাপর্বে দেখিতে পাওয়া যায় নারদ যুধিষ্ঠিরকে জিজ্ঞাসা করিতেছেন যে তিনি ঋণের এক-চতুর্থাংশ পরিমাণ অধিক লইয়া কৃষকগণকে দয়াপরবশ হইয়া সাহায্য করিয়া থাকেন কি না? (সভাপর্ষ ৫য়) (Vide. Dr. P. N. Banerjee. Public Administration in Ancient India. Chap. XVIII. P.257. চাষীদিগের সুবিধার জন্ত প্রয়োজন হইলেই গবর্ণমেন্ট ও “তাগাবী” প্রণালীতে টাকা ধার দিয়া থাকেন। সাধারণতঃ পাঁচ-ছয় জন কৃষক এক জোটে সম্মিলিত ও ব্যক্তিগত দায়িত্বে—এই টাকা খুব সামান্য সুদে ধার লয়। তাহাদের সুবিধার জন্ত সরকারের কর্ম-চারীগণ অনেক সময় গ্রামে গিয়াই এই সব টাকা বিলি করিয়া আসেন এবং কিস্তিমত—ফসল-কাটার পর—গ্রামে গ্রামে গিয়া এই সকল টাকা আদায় করেন। ইহাতে দরিদ্র কৃষকদিগের [যে কতদূর সুবিধা হয় তাহা আর বলিবার নয়।

গ্রামে গ্রামে ব্যাঙ্ক স্থাপিত হইলে এই টাকা কর্জ করার সুযোগ লোকে তাগাবী প্রথার ছায় গ্রামে বসিয়াই পাইতে পারিবে। নব-প্রতিষ্ঠিত সার্কেল প্রথায় এ সকল ব্যাঙ্কের আদায়-তহশিল ও হিসাবাদি-পরিদর্শনের বিশেষ, অসুবিধা ঘটবে বলিয়া বোধ হয় না। উপস্থিত মহকুমার ভারপ্রাপ্ত কর্মচারীগণ এই সকল ব্যাঙ্ক মফঃস্বল-ভ্রমণের সময় পরিদর্শন করিয়া থাকেন। তাঁহাদের উপদেশ-ক্রমে সার্কেল-অফিসারগণ নিজ নিজ সার্কেলের যৌথ সমিতিগুলির প্রতি সহজেই দৃষ্টি রাখিতে পারিবেন।

পূর্বে প্রাথমিক স্কুলে “জমিদারী মহাজনী” শিক্ষা দেওয়া হইত; এখনও বোধ হয় একরূপ কোন পুস্তক নিম্নপ্রাথমিক পাঠ্যের তালিকাভুক্ত আছে। জমিদারী মহাজনীর সহিত যদি সমবায়-প্রথা ও যৌথ-সমিতির হিসাবাদি-রক্ষণ সম্বন্ধে কৃষক ও গ্রাম্য ব্যবসায়ীগণের সম্বন্ধের বাল্যকাল হইতে শিক্ষা পায়, তাহা হইলে পল্লীতে পল্লীতে কো-অপারেটিভ মত-প্রচার সহজ-সাধ্য হইয়া উঠে। শুনিয়াছি, কো-অপারেটিভ-সমিতি সমূহের ভূতপূর্বে রেজিষ্ট্রার শ্রীযুক্ত জে, এম, মিত্র মহোদয় এ সম্বন্ধে আলোচনা করিয়াছিলেন; কিন্তু কি কারণে এ বিষয়টি স্থগিত আছে, তাহা জানিতে পারি নাই। শিক্ষাবিভাগ হইতে এ সম্বন্ধে কোন আদেশ প্রচার হইতে বিলম্ব ঘটিলেও শিক্ষিত গ্রামবাসীগণ ও গ্রাম্য গুরুমহাশয়দিগকে যৌথ-সমিতির নিয়মাবলী বুঝাইয়া দিয়া তাঁহাদিগের সহায়ত

উদ্রেক করা যাইতে পারে। শুধু যৌথ-সমিতি বলিয়া নহে; পল্লীর বৈষয়িক উন্নতি-ব্যাপারেও গ্রাম্য পাঠশালা হইতে অনেক সাহায্য পাওয়া যাইতে পারে। মুর্শিদাবাদ জেলার স্থানে স্থানে পলু পোষা (cocoon rearing) এবং লাক্ষা (lac) বা “লাহার” আবাদ আছে। জেলার যে অংশে পলু পোষা হইয়া থাকে সে অংশের প্রাথমিক স্কুলগুলিতে যদি grasserie, flacherie প্রভৃতি রেশম বীটের রোগের কথা সহজ ভাষায় বুঝাইয়া দেওয়ার ব্যবস্থা হয় তাহা হইলে এই পতনোন্মুখ ব্যবসায়ের উন্নতি-সাধনে যথেষ্ট সাহায্য হয়। সেইরূপ আবার উক্ত জেলার উত্তরাংশে ধুলিয়ান, নিমতিতা অঞ্চলের লাক বা লাক্ষা-আবাদকারী কৃষকেরা যদি বাল্যকালে পাঠশালা হইতেই জানিতে পারে যে কুলগাছ ব্যতীত বাবলা ও অড়হর গাছেও লাক্ষার আবাদ চলিতে পারে—তাহা হইলে এ ব্যবসায়ের আরও অধিক প্রসার হওয়ার সম্ভাবনা আছে। এই সকল বিভিন্ন স্থানীয় অভাবের প্রতি দৃষ্টি রাখিয়া আজকাল কোন কোন চিন্তাশীল অর্থতত্ত্ববিদ বলিতেছেন যে যেখানে যে প্রকার গ্রাম্য ব্যবসায় চলিত আছে, সেখানে সেই সেই ব্যবসায়-সম্বন্ধে শিক্ষা দেওয়ার উপযোগী স্কুলই প্রতিষ্ঠিত হওয়া উচিত। অধ্যাপক শ্রীযুক্ত যত্নাথ সরকার বর্ণাশ্রম-ধর্মের উপর প্রতিষ্ঠিত —“জাতি বিদ্যালয়” বা caste schools-এর পক্ষপাতী, কিন্তু তাহা অপেক্ষা জাতি-নির্কিশেঘে এইরূপ “শিল্প-বিদ্যালয়” (craft schools) স্থাপিত হওয়াই উচিত

বলিয়া মনে হয়। মুর্শিদাবাদে কারুকার্য-খচিত রেশমী বস্ত্র-বহনোপযোগী তাঁত-নির্মাণে যে সর্বাপেক্ষা কারিগরী দেখাইয়াছিল সেই ছবরাজ জাতিতে “চামার” ছিল—তত্ত্ববায় নহে। কর্তৃপক্ষ ও স্থানীয় প্রধান ব্যক্তিগণ কর্তৃক এইরূপ স্কুল অনুমোদিত হইলে গ্রাম্য যৌথ-সমিতির লভ্যাংশ হইতে ইহার সাহায্য অনায়াসেই চলিতে পারে। বর্তমান আইন অনুসারে স্কুল হাসপাতাল প্রভৃতি সাধারণের হিতকর অনুষ্ঠানের উন্নতি-কল্পে যৌথ ব্যাঙ্কের লাভের নির্দিষ্ট অংশ নিয়োজিত হওয়ার ব্যবস্থা আছে। ইহা খুব অধিক না হইলেও নিতান্ত অগ্রাহ্য করিবার নহে। গ্রামের বৈষয়িক উন্নতির সঙ্গে সঙ্গে ব্যাঙ্কের লভ্যাংশ যত অধিক হইবে এই সকল হিতকর অনুষ্ঠানের জন্ত দানের নির্দিষ্ট অংশও সেই পরিমাণে বাড়িতে থাকিবে। এখন অনেক মহানুভব ব্যক্তি জীবন-সাম্রাজ্যে চরম-পত্রের দ্বারা (will) কষ্ট-সঞ্চিত বিত্ত হইতে নিজ নিজ গ্রামে চিকিৎসালয়-প্রতিষ্ঠার ব্যবস্থা করিতেছেন। থানার বিভিন্ন গ্রাম হইতে টাকা উঠাইয়া এবং চৌকিদারী পড়তার (assessment) উপর দুই তিন পয়সা হিসাবে স্বেচ্ছাদত্ত মাসিক দান সংগ্রহ করিয়াও যে এরূপ ক্ষুদ্র ক্ষুদ্র চিকিৎসালয় চলিতে পারে, তাহা নিজে প্রত্যক্ষ করিয়াছি। সুতরাং জেলা বোর্ড ও যৌথ সমিতির সাহায্য পাইলে এইরূপ পল্লী-পরিচালিত গ্রাম্য দাতব্য ডিসপেনসারী কালে সংখ্যায় উত্তরোত্তর বর্দ্ধিত হইয়া রোগক্রিষ্ট গ্রামবাসীগণের যে যথেষ্ট উপকার

করিতে পারিবে, সে বিষয়ে সন্দেহ নাই।

বৈষয়িক উন্নতির সঙ্গে সঙ্গে শিক্ষা, দীক্ষা, রোগ-নিবারণ, রাস্তা-ঘাটের ব্যবস্থা প্রভৃতি সকল দিকেই লক্ষ্য রাখিয়া পল্লীর উন্নতি সংসাধিত হইতে থাকিবে। গ্রাম-ত্যাগী ভদ্রলোকেরাও সহরে আহার ও বাসস্থানের ব্যয়-বৃদ্ধির সঙ্গে সঙ্গে অন্ততঃ কতকাংশে পুনরায় পল্লী-জননীর অঙ্কেই ফিরিয়া আসিবেন। গ্রামের রাস্তা-ঘাটের অবস্থা স্থানীয় ব্যবসায়ীগণের উন্নতির উপর কি পরিমাণে নির্ভর করে তাহা অনেক স্থলেই চোখে দেখিয়াছি। যে স্থান হইতে ঘন ঘন মাল চালান দেওয়ার আবশ্যক থাকে, সেখানকার লোকেরা রাস্তায় পুল, পথ প্রভৃতি নির্মাণ ও মেরামতের উপর যথেষ্ট লক্ষ্য রাখে। কাদায় পাটের গাড়ী বসিয়া গিয়া উপযুক্ত সময়ে রেল ষ্টেশনে মাল পৌঁছিবার অসুবিধা ঘটিলে গ্রামবাসী ব্যবসায়ীগণ স্বেচ্ছাপূর্বক টাকা তুলিয়া প্রয়োজনীয় পূর্তকার্যের জন্ত উক্ত টাকা জেলা বোর্ডের হস্তে সমর্পণ করিয়া থাকে, সে জন্ত আর কোন অনুরোধ-উপরোধের প্রয়োজন হয় না।

আধুনিক পল্লীগুলি আর পূর্বের স্থায় স্বাধীন ও স্বয়ং-সম্পূর্ণ নহে। শ্রু চার্লস মেটকাফ্ প্রমুখ ব্যক্তিগণ ভারতীয় গ্রাম্য জীবনের যে পরস্পর-বিচ্ছিন্ন ধারার চিত্র আঁকিয়া গিয়াছেন, তাহা আজকালকার দিনে কোন ক্রমেই সম্পূর্ণ সত্য বলিয়া গৃহীত হইতে পারে না। এখন বাহির হইতে জিনিস-পত্র আমদানি না হইলে পল্লীর

অশন-বসনের সংস্থান হয় না এবং পল্লীজাত সামগ্রীও ভিন্ন স্থানে নীত না হইলে সেই সকল স্থানের অভাব পূরণ হয় না। পল্লীর সহিত বিশ্ব-জগতের যে অঙ্গাঙ্গী যোগের কথা আমরা জানিতে পারিতেছি—সেই যোগের প্রধান উপকরণ—সভ্যতার শিরা-উপশিরা স্থানীয় রাস্তা প্রভৃতির সংখ্যাও ক্রমশঃ বৃদ্ধি পাইতেছে।

যৌথ ব্যাঙ্ক, গ্রামাশিল্পের কারখানা ও বিভিন্ন গ্রাম্য ব্যবসায় যতই বিস্তার লাভ করিতে থাকিবে এবং বৈজ্ঞানিক উপায়ে কৃষিকার্য্য রেশমকীট-পালন প্রভৃতির যতই উন্নতি হইতে থাকিবে, প্রচুর উৎপন্ন দ্রব্যাদি-বহনের জন্ত রাস্তা ও খালের উন্নতির দিকে ততই দৃষ্টি রাখিতে হইবে। এখন যে সকল মরা নদী নানাবিধ জলজ উদ্ভিদে বোঝাই হইয়া অস্বাস্থ্যের আকর হইয়া রহিয়াছে রাজা প্রজার সমবেত চেষ্টায় সেগুলি ক্ষুদ্র নৌকা-গমনাগমনের উপযোগী খালে পরিণত হইতে পারিবে। যশোহর ও নদীয়ার ড্রেনেজ বিভাগে যে সকল তথ্য সংগৃহীত হইয়াছে, পরে হয়ত সেগুলি সুবিধামত কাজে লাগান যাইবে। সার্কেল প্রথার বহুল প্রচলনের সহিত যখন সার্কেল বোর্ড (Circle Boards), ও ইউনিয়ন কমিটি (Union Committee) দেশময় প্রতিষ্ঠিত হইতে থাকিবে, তখন গ্রামবাসীদের স্বৈচ্ছাদত্ত চাঁদা, ধনী মহাজনদিগের দান, ইউনিয়ন কমিটির ধার্য্য ট্যাক্সের আদায়ী টাকা ও জেলা-বোর্ডের সাহায্য হইতে রাস্তা-ঘাট ও গমনাগমনের সুবিধা-অসুবিধা-বিষয়ক অনেক পল্লী-প্রশ্নের সমাধান

হইবে। স্থানীয় শিল্পানুযায়ী শিল্পবিদ্যালয় ও প্রাথমিক বিদ্যালয়গুলি এই সকল যৌথ ব্যাঙ্কের সাহায্যে, গ্রামবাসীগণের চাঁদা ও সরকারের বৃত্তি পাইয়া শতনঃ শতনঃ উন্নতি লাভ করিতে পারিবে। বিদ্যার সহিত লোকের স্বাস্থ্য সম্বন্ধীয় ধারণাও পরিবর্তিত হইতে থাকিবে; গৃহ-সন্নিহিত মার গাদা বা আবর্জনার স্তুপ এবং পচা পানি ও water hyacinth বোঝাই ডোবাগুলি আর সেরূপ দুর্গন্ধ বিস্তার করিবে না; লোকের বহুকালের জড়তাও ক্রমে কাটিয়া যাইবে। এখন সরকার বা জেলা-বোর্ডের কিম্বা কোন ধনী দাতার পক্ষ হইতে কোন ব্যক্তি কূপ-প্রতিষ্ঠার স্থান নির্ণয় করিতে আসিয়া মাল-মসলা আনয়ন সম্বন্ধে গ্রামবাসীগণের সাহায্য প্রার্থনা করিলে অনেকে উহা সে ব্যক্তির নিজের গরজ বলিয়াই মনে করে। কোন গ্রামে গিয়া শুনিয়াছি যে পল্লী-মধ্যস্থ একটি অনতি-বৃহৎ ডোবায় পর-পর তিনটি শিশু জলে ডুবিয়া প্রাণত্যাগ করিয়াছে, তথাপি গ্রাম-বাসীরা ডোবাটি ভরাট করা বা উহার চারিদিকে কোনরূপ বেড়া দেওয়ার ব্যবস্থা করে নাই। পল্লীবাসীর এই জড়তা-প্রসূত কর্তব্য-বুদ্ধি-হীনতা বৈষয়িক অনুক্রমে বহিজগতের কর্মস্রোতের সংস্পর্শে আসিলে আপনা হইতেই বিলুপ্ত হইতে থাকিবে। ক্রমশঃ অনাবশ্যক জঙ্গল কাটিয়া পরিত্যক্ত বাস্ত-ভিটাগুলি নানরূপ আনাড়-তরকারী উৎপাদনের জন্ত ব্যবহৃত হইবে। একত্রে সার্কেল বোর্ড, ইউনিয়ন কমিটি ও গ্রাম্য ব্যাঙ্কে কাজ করিতে অভ্যস্ত হইলে লোকে

ক্ষুদ্র স্বার্থ ও গ্রাম্য দলাদলি বিশ্বত হইয়া হিতকর সাধারণ স্বার্থের দিকে মন দিতে শিখিবে। আইন-মতে যে সকল সামান্য মকদ্দমা মিটাইয়া দেওয়া যায়, সেগুলি গ্রাম্য পঞ্চায়েৎ ও সার্কেল অফিসার এবং সমবায়-সমিতি ও ইউনিয়ন-কমিটির সভ্য-গণের সাহায্যে যথাসম্ভব মিটিয়া গেলে অনেক সম্পন্ন গ্রামবাসীর অর্থ অসহায় হইতে রক্ষা পাইয়া লাভজনক অনুষ্ঠানে প্রযুক্ত হইতে পারিবে।

গ্রামের সর্বাঙ্গীন উন্নতি সাধন করিতে হইলে সর্বাঙ্গে বৈষয়িক উন্নতির দিকেই দৃষ্টি রাখিতে হইবে এবং সমবায় প্রথা-

অবলম্বনে বিবিধ যৌথ অনুষ্ঠান-স্থাপনে যত্নবান হইতে হইবে।

অধ্যাপক শ্রীযুক্ত যত্ননাথ সরকার তাঁহার অর্থনীতি বিষয়ক গ্রন্থের মুখবন্ধে যথার্থই বলিয়াছেন যে কবে কি শিল্প কিসে নষ্ট হইয়াছিল, শুধু তাহারই আলোচনা লইয়া বাস্তব থাকিলে কিম্বা সমবায় নীতি ও স্বেচ্ছা-প্রসূত উত্তম পরিত্যাগ করিয়া কেবল রাজনৈতিক ক্ষেত্রে ক্ষমতা-প্রসারের দিকে লক্ষ্য রাখিলে আইরীস জাতীয়-জীবনের খারাপ দিকটাই আমাদের দেশে উদ্ভূত হইবে বলিয়া আশঙ্কা হয়।

শ্রীগুরুদাস সরকার।

শাক্ত-সাহিত্য

বৈষ্ণব-যুগের পরবর্তী কবিরাও দৈব পাশ একেবারে ছিন্ন করিতে পারেন নাই; দৈব সম্পর্ক তখনও গ্রন্থের একটা বিশেষ অঙ্গ বলিয়াই বিবেচিত হইত। ঘটনাপুঞ্জের সমাবেশে দেবতার কিছু না কিছু হাত থাকিবেই, নহিলে গ্রন্থের অঙ্গ-হানি ঘটিত। বৈষ্ণব-কবি শ্রামের প্রেমেই বিভোর, কান্না বিনা অগ্র কোন গীত গান্ধিবার তাঁহার অবসরই ছিল না। শ্রাম মানুষ হইলেও দেবতা; গোপরাজপুত্র হইয়াও তিনি বৈকুণ্ঠেশ্বর। বৈষ্ণব-সাহিত্য তাঁহারই লীলা-সঙ্গীত। সেই লীলা কেবল মানবীয় প্রাকৃত ঘটনাচক্রেই আবদ্ধ নহে, ইহাতে দৈব অতি-প্রাকৃতের

সন্নিবেশও বহুল বিদ্যমান। শিশু শ্রাম ক্ষণমাত্রেরই যুবত্ব লাভ করিতে পারেন, দৃশ্য মূর্তি ধারণ করিলেও ইচ্ছামাত্রেরই অদৃশ্য হন, চুরি করিয়া নবনী খাইতে খাইতেই মুখ-ব্যাদানে উদরমধ্যে ব্রহ্মাণ্ড প্রদর্শন করেন।

এই অতি-প্রাকৃতের ব্যাখ্যা যাহাই হউক, এই দেব শ্রামেরই মুরলীর আস্থানে বৈষ্ণব কবির সুপ্ত বীণা জাগিয়াছিল। সেই বীণা বাজাইয়া কবি কখনও গোপ-কুলের দ্বারে দ্বারে শিশুর মত খেলিয়াছেন, কখনও রাখালের সঙ্গে রাখালবেশে মাঠে মাঠে ধেমু চরাইয়াছেন, আবার কখনও-বা ক্রীড়ারতা গোপাঙ্গনার নূপুর-শিজ্জিতের

তালে তমালের কুঞ্জে কুঞ্জে নাচিয়াছেন। তাঁহার কাব্যচিত্রে মানব-হৃদয়ের ভাব-বৈচিত্র্য অঙ্কিত হইয়াছে বটে, বাৎসল্য, সখ্য, প্রণয়, সুখ, দুঃখ, অভিমান কবির তুলিকায় অতি পরিস্ফুটরূপেই দেখা দিয়াছে কিন্তু এই চিত্রের কেন্দ্রস্থলে যিনি বিরাজমান, যাহাকে বেড়িয়া এই মানুষী বৃত্তিসমূহ বিকশিত ও বিবর্তিত, তিনি মানবরূপে অবতীর্ণ দেবতা।

এইরূপ দৈব-সাহচর্যে পরবর্তী কবিরাও কাব্য রচিয়াছেন। তবে এখানে পালা উল্টাইয়া গিয়াছে। শ্রামের স্থলে শ্রামাই বেশী করিয়া দেখা দিয়াছেন। তাই এখানে যমুনার জল-কল্লোলের পরিবর্তে মাঝে মাঝে রণাঙ্গনের কোলাহলই শুনিতে পাই, বংশীগুঞ্জনের পরিবর্তে অসির ঝনঝনাই ধ্বনিয়া উঠিয়া থাকে, ললিত নর্তনের স্থলে ভৈরব তাণ্ডবই দেখা যায়। কিন্তু বৈষ্ণব কবির কাব্য আগা, হইতে গোড়া পর্যন্ত যেরূপ কল্লোল ও সঙ্গীতেই ভরপুর, পরবর্তী শাক্ত কাব্যে ভীমার রণলীলা তদ্রূপ অবিরাম নহে। অবিরাম হয় নাই বলিয়াই রক্ষা; নহিলে বাঙ্গালী পাঠকের প্রাণ ত্রাহি-ত্রাহি ডাক ছাড়িত। মুরলী-ধ্বনি সকল সময়েই মধুর, যদি-বা কখন ততটা ভাল নাও লাগে, তবু শুনিতে বড় কষ্ট হয় না। কিন্তু রণাঙ্গনের অবিরাম রণ-নির্ঘোষে শুধু বাঙ্গালীর কেন, সকলেরই প্রাণ ওষ্ঠাগত হইয়া উঠে। শ্রামাভক্ত কবিবৃন্দ শ্রামাকে নিয়ত রণ-সাজে না নাচাইয়া ভালই করিয়াছেন। সেরূপ করিলে অতটা বীররস হয় তো পাঠক

হজম করিতেই পারিত না, আবার লেখকের লেখনীও যে গ্রন্থের মাঝামাঝি শুকাইয়া না যাইত, তাহারই-বা ঠিক কি!

তবেই দেখা যাইতেহে যে, পরবর্তী কাব্যে দেবতা আছেন বটে, কিন্তু সে দেবতা বৈষ্ণবের দেবতার মত সর্বগ্রাসী নহেন। কাব্যের সমস্তটা তিনি অধিকার করিয়া বসেন নাই। ইহাতে লাভ ও ক্ষতি দুইটাই লক্ষ্য করিবার মত। কাব্যের লাভ এইটুকু যে, ইহাতে বৈচিত্র্য বাড়িয়াছে। ইহা অল্প লাভ নয়। মধু মিষ্ট হইলেও দিন-রাত কেহ তাই বলিয়া মোচাক মুখে করিয়া থাকিতে পারেন না—যাহারা পারেন, জয়দেব তাঁহাদের বাসনা পূর্ণ করিবেন। বঙ্গের একজন আধুনিক কবি তাঁহার মধু-চক্র হইতে গোড়জনের জন্য নিরবধি মধু-পানের ব্যবস্থা করিতে প্রয়াস পাইয়াছেন। কিন্তু সে মধু জয়দেব-জাতীয় নহে; তাহা শুধু কালিন্দীতটবর্তী কুসুম-কুঞ্জ হইতেই আহরিত হয় নাই। তাহাতে দেশী ও বিলাতী, মিঠে ও কড়া দুই আছে। শুধু খাঁটি মিঠে মধুর পিয়াসী চিরদিন জয়দেবেরই শরণাপন্ন থাকুন। কিন্তু এতটা মধু সকলের ধাতুতে সয় না। অনেকেই একটু রকমারির পক্ষপাতী। কষায় ও অঙ্গের তো কথাই নাই, একটু-আধটু তিক্তও চলিতে পারে। তাই ইহাদের পক্ষে পরবর্তী কবিদিগের নানারসের ঘটনা-বৈচিত্র্য বেশ রোচকই হইয়াছে। এই পরবর্তী কবিদিগের প্রসঙ্গে মুকুন্দরাম ও ভারতচন্দ্রের নাম করিলেই যথেষ্ট। ইহারাই এই শ্রেণীর কবিদের মুখপাত্র।

কাব্যগত লাভের কথাই এতক্ষণ বলা হইল, কবিগত ক্ষতির কথাও এখন একটু বলিতে হয়। সে ক্ষতি কবির ঐকান্তিকতার অভাব। চণ্ডীদাস বা গোবিন্দদাস যতটা বৈষ্ণব কবি, মুকুন্দরাম বা ভারতচন্দ্র কখনই ততটা শাক্ত কবি নহেন। বৈষ্ণব-কবির শ্রাম দৈব-উপলক্ষ মাত্র নয়, শ্রাম তাঁহার সর্বস্ব। মুকুন্দরাম বা ভারতচন্দ্রের শ্রামা যেন অঙ্গহানিত্ব ঘুচাইবার জগ্ৰ গ্রন্থে স্থান পাইয়াছেন। বৈষ্ণব-দিগের ঐকান্তিকী ভক্তি ইহাদের নাই, অস্ততঃ গ্রন্থে তাহার পরিচয় ততখানি পাওয়া যায় না। বৈষ্ণব-পদকর্তা ভক্ত ও কবি, ইহারা শুধুই কবি। ইহাদের পরে একজন শক্তিপূজক জন্মিয়াছিলেন, যাহাকে ঐ দুই আখ্যাই দেওয়া যাইতে পারে। তাঁহার সঙ্গীতে বৈষ্ণব-কবির লালিত্য না থাকিলেও কবিত্ব যথেষ্ট আছে। আর ঐকান্তিকতার তিনি বৈষ্ণব-কবির চেয়ে কিছুমাত্র খাটো নহেন। ইনি শাক্ত সঙ্গীত-রচয়িতা রাম-প্রসাদ।

মনে রাখা উচিত আমরা ব্যক্তির নহে, কবিরই আলোচনা করিতেছি। ব্যক্তিগত জীবনে চণ্ডীদাস বা কবিকঙ্কণ, কে বেশী ভক্ত ছিলেন, তাহা দেখিবার আমাদের প্রয়োজন নাই—প্রয়োজন থাকিলেও সম্ভবতঃ তাহা দেখিবার উপায়ও নাই, কারণ উভয়েরই খাঁটি জীবন-চরিত মেলা দুর্ঘট; তবে তাঁহাদের কাব্যদর্পণে তাঁহারা কি-ভাবে প্রতিফলিত হইয়াছেন, ইহাই মাত্র দেখান হইল। লাভ ও ক্ষতির যে হিসাব দেওয়া হইয়াছে—তাহা সম্পূর্ণ পৃথক রকমের। এখন

দুইটির একটু তুলনা করিয়া দেখা যাক। আলোচ্য কাব্যে লাভ ও ক্ষতি দুই আছে, কিন্তু ঐ দুইয়ের পরিমাণ কিরূপ? লাভের তুলনায় ক্ষতি বেশী, না, ক্ষতির তুলনায় লাভ বেশী? এ কথাটার উত্তর দেওয়া কিছু শক্ত।

লাভ ও ক্ষতির কথা বলা অনেক সহজ, কিন্তু তুলনায় দুইটার পরিমাণ ঠিক করা তত সহজ নয়। এরূপ তুলনা-মূলক হিসাবে অনেক গোলযোগ আছে। আমরা লাভ দেখিয়াছি ঘটনা-বৈচিত্র্যে, ক্ষতি দেখিয়াছি ঐকান্তিকতার অভাবে। এক্ষণে যাহারা ঘটনা-বৈচিত্র্যের পক্ষপাতী, তাঁহারা লভ্যটাই বেশী মনে করিবেন। আবার ভক্ত শাক্তের প্রাণে অবশ্য ক্ষতিটাই বেশী বাজিবে। ভক্ত বৈষ্ণব যেরূপ বৈষ্ণব-সাহিত্য উপভোগ করিবেন, ভক্ত শাক্তের পক্ষে মুকুন্দরাম বা ভারতচন্দ্র কখনই সেরূপ উপভোগ্য হইতে পারে না। প্রসাদী ভজনই তাঁহার একমাত্র আশ্রয়।

কিন্তু সংখ্যায় এই পক্ষ খুবই কম। অপর পক্ষ প্রবল তো বটেই এবং তাঁহারাও যে, একেবারে ভক্তি-বিরোধী, তাহাও বলিতে পারি না। তবে তাঁহাদের যুক্তি আলাহিদা। ভক্তিপক্ষের গ্রাম, তাঁহারা গ্রন্থমাত্রকেই ভক্তির ছাঁচে ঢালাই করা দেখিতে চাহেন না। তাঁহাদের মতে ভক্তি চিরদিন সাহিত্যের প্রধানতম অঙ্গ হইয়া থাকুক, কিন্তু তাই বলিয়া কি ভক্তের পদাবলী ছাড়া আর কোনপ্রকার সাহিত্যই বাঙ্গলায় গজাইতে পাইবে না? বৈষ্ণব পদ-কর্তাদিগের অনুসরণে ভূ রি

ভূরি শুধু শাক্ত পদ-কর্তা জন্মিলেই কি বঙ্গসাহিত্য বড় পরিপুষ্ট হইত? বৈচিত্র্যই যে সাহিত্যের পরিপোষণে একটা বিশেষ উপকরণ! এই উপকরণ না থাকিলে সাহিত্যের সর্বাঙ্গীন পুষ্টি সাধিত হইতেই পারে না। বৈষ্ণব-যুগের সাহিত্য তাই এক হিসাবে অতি উচ্চস্থান লাভ করিলেও, পূর্ণাঙ্গ নহে। শুধু পরমার্থ-তত্ত্বেই সাহিত্য গড়িয়া উঠে না। সংসার, সমাজ, সাম্রাজ্যও সাহিত্যের অঙ্গীভূত হওয়া চাই। মুকুন্দ-রাম ও ভারতচন্দ্র বৈষ্ণব সাহিত্যের অনুকরণে শুধু শ্রো-বিষয়ক পদাবলী সৃষ্টি না করিয়া যে সমাজ ও সংসারের বিচিত্র চিত্র অঙ্কন করিয়াছেন, ইহাতে বঙ্গসাহিত্যের লাভ বৈ ক্ষতি হয় নাই। বৈষ্ণবদিগের একঘেয়ে সাহিত্যে এই বৈচিত্র্য-সমাবেশের জন্ত ইহার বাঙ্গালী-মাত্রেই ধন্যবাদার্থ, বৈষ্ণব-সুলভ ভক্তি-প্রবণতার অভাব-হেতু কখনই নিন্দনীয় নহেন।

এ কথায় সায় দিতে আমাদেরও তত আপত্তি নাই। ভক্তি অবশ্য স্বর্গীয় বস্তু। কিন্তু শুধু স্বর্গীয় বস্তুতে মর্ত্য সাহিত্য গড়িলে চলিবে কেন? এখানে স্বর্গ ও মর্ত্য দুই থাকা চাই। বৈষ্ণব-দিগের সাহিত্যিক পরমার্থের মাঝে সংসার ও সমাজকে আনিয়া কবিকঙ্কণ বা ভারতচন্দ্র কেন নিন্দাভাজন হইবেন? তাহাদের কাব্যে যদি দেবতা সর্বগ্রাসী না হইয়া থাকেন, যদি আগাগোড়া তাহাতে উগ্র ভক্তির প্রবাহ না ছুটিয়া থাকে, তাহাতেও নিন্দার কিছু দেখি না। কারণ সর্বগ্রাসী দেবতা ও ভক্তিই সাহিত্য-সৃষ্টির একমাত্র

সাধন নহে। তথাপি নিন্দার কারণ আছে। কৃষ্ণনামের ধূয়ার রসে বিদ্যাসুন্দরকে আধ্যাত্মিক রকমে পাক করিয়া লইলেও, ভারতচন্দ্রের এ নিন্দা ঘোচে না।

নিন্দার কথা শুনিয়া কোন ভক্ত যেন রুষ্ট হইয়া না পড়েন! ভাষার বা ভাবের শীলতা ও অশীলতা বলিয়া যে কিছুই নাই, অবশ্য এতটা উদার মত আমরা পোষণ করিতে পারি না। প্রকৃতি অবশ্যই কোন ব্যাপারেই শীলতা বা অশীলতার ছাপ লাগায় নাই। এটা সাদা ওটা কালো, এটা গরম ওটা ঠাণ্ডা, এটা কঠিন ওটা দ্রব, এ জ্ঞান স্থূলতঃ প্রকৃতি শিখাইতে পারে; কিন্তু এটা অশীল ওটা শীল—এ শিক্ষা প্রকৃতির পাঠশালায় বড় পাওয়া যায় না। তাই কেবলমাত্র প্রকৃতি-চালিত জীবসমূহে এই জ্ঞানের নিদর্শন নিতান্তই ছলক্ষ্য। কিন্তু মানব-সমাজ কেবল অন্ধ প্রকৃতি-সম্ভূত নয়। ধর্ম্মাধর্ম্ম পাপ-পুণ্য গ্রাম-অগ্রামের মত শীল ও অশীলের জ্ঞান মানব-সমাজ বিশেষ শিক্ষার বলেই অর্জন করে। প্রাকৃতিক আদি মানবে ইহার লক্ষণ পরিস্ফুট না থাকুক, সকল সভ্য মানব-সমাজেই এই জ্ঞান লক্ষিত হয়। তবে অপর নানা জ্ঞানের মত দেশ, কাল ও পাত্রভেদে ইহারও তারতম্য ঘটে। আমরা বিংশ শতাব্দীর বাঙ্গালী অশীলতাকে নিন্দনীয় মনে করি, তা সে যত বড় কবির কাব্যেই ইহা দেখা যাক না কেন! তাই বিদ্যাসুন্দরের অশীলতা আমাদের কাছে নিন্দার্ক। কিন্তু এজন্ত ভারতচন্দ্র ততটা নিন্দনীয় না হইতেও পারেন।

এই অশ্লীলতার জন্তু ভারতচন্দ্র ততটা নহেন যতটা তাঁহার সমসাময়িক বাঙ্গালী-সমাজ দায়ী। তখনকার সমাজের বাতাসটাই ছিল ঐরূপ। অনেকে বলিতে পারেন, তিনি সেই বাতাসের গতি ফিরাইলেন না কেন? অবশ্য বলিতে হইবে, ততটা শক্তি তাঁহার ছিল না। যে শিক্ষা ও সংসর্গের মাঝে তিনি বর্ধিত হইয়াছিলেন, সে সকলকে অতিক্রম করা তাঁহার সাধ্যে কুলায় নাই। তিনি যে বিশেষভাবে খারাপ লোক ছিলেন, এ কথা নিশ্চিতই ভিত্তিহীন। বাইরণ যেরূপ নিজের উচ্ছৃঙ্খল গতিতে সামাজিক নীতিকে ঠেলিয়া লেখনী চালাইয়াছিলেন, ভারতচন্দ্রের অশ্লীলতা নিশ্চয়ই সেরূপ কোন ব্যক্তিগত উচ্ছৃঙ্খলতা-মূলক নহে। ভারতচন্দ্রের অশ্লীলতা সামাজিক নীতির উল্লঙ্ঘন নহে, তাহার অনুসরণ। তাৎকালীন অশ্লীলতা সম্বন্ধে ভারতচন্দ্রকেই বিশেষভাবে উল্লেখ করা গেল বটে, কিন্তু সে সময়ের ছোট বড় কোন কবিই ইহা হইতে বাদ যান না, ভারতচন্দ্রের পূর্ববর্তী মুকুন্দরামও নন।

পরবর্তী কবিদিগের বৈষ্ণবী ভক্তির অভাব-সত্ত্বেও সাহিত্যে বৈচিত্র্য-সংঘটনের জন্তু তাঁহাদের পক্ষ একপ্রকার সমর্থন করা হইয়াছে বটে, কিন্তু সেই সঙ্গে একটু নিন্দার কথাও তোলা হইয়াছিল। মাঝে হইতে একটু অশ্লীলতার আলোচনা আসিয়া পড়িলেও বাস্তবিক সে নিন্দা অগ্র কারণেই তোলা গিয়াছে। সেই কারণটা এখন বলি। :এই পরবর্তী কবিদিগের—বৈষ্ণব-যুগের, তুলনায়—দেবভক্তিতে হ্রাস আছে ;

থাকুক, কিন্তু তাই বলিয়া তাঁহারা নিজের নিজের দেবতাকে খেলো করিবেন কেন? চণ্ডীদাসের ভাবোন্মাদ যদি ভারতচন্দ্রে না থাকে ত দোষ নাই, কিন্তু তাই বলিয়া নিজের দেবতাকে ভারতচন্দ্র যদি যথাযোগ্য স্থানে সমারূঢ় না রাখেন, তবে সেটা দোষের বৈ কি! শ্রাম প্রেমের দেবতা, বৈষ্ণব শ্রামকে লইয়া প্রেমের কত উচ্চ আদর্শই না আঁকিয়াছেন! যশোদার উগ্র বাৎসল্য, রাখাল-বালকের একান্ত সখ্য, গোপাঙ্গনার আত্মহারা অনুরাগ সবই প্রেম-বৈচিত্র্যের এক-একটি উজ্জ্বল মূর্তি! এই মূর্তির কোনটিতে যদি বৈষ্ণব কবি কালিমার দাগ দাগিয়া থাকেন, তবে তাহাও অনেক সময়ে আবার আধ্যাত্মিকতার তুলিকাস্পর্শে বহু পরিমাণে মুছিয়া যায়! আর যদি আধ্যাত্মিক দিকটা নাও ধরা হয়, তথাপি বৈষ্ণব নিজের বিশ্বাস-মতে নিজের প্রেমের দেবতার যে লীলা দেখাইয়াছেন, তাহা নিষ্ফলক না হইলেও বড় আবেগময়। তা ছাড়া এ সম্বন্ধে বৈষ্ণবের শাস্ত্রগত প্রাচীন নজীরও আছে। সে নজীর শ্রীমদ্ভাগবত।

কিন্তু ভারতচন্দ্র কোন্ নজীরে শ্রামাকে ধরিয়া সুন্দরের গুপ্ত প্রেমের দূতীগরি করাইলেন! শ্রামা শক্তির দেবতা, যুগে-যুগে অসুর-নাশিনী ছুঁই-দলনী। ভারতচন্দ্র সেই শক্তিরূপিণীকে কোন্ উচ্চ কাজে লাগাইয়াছেন? তাঁহাকে দিয়া কোন্ অসুরবিনাশ করাইয়াছেন, কোন্ ছুঁইের দমন ঘটাইয়াছেন? ভারতচন্দ্রের শ্রামার প্রধান কাজ হইল কি না, চোরের জন্তু সুড়ঙ্গ-কাটা! কেন, ইহার জন্তু কি শুধু কতকগুলো মুষিক

পুষিলেই চলিত না? আর যদি দেবতারই প্রয়োজন হইয়া থাকে, তবে একটা ছোটখাটো দেবতা বা উপদেবতা খাঁড়া করিলেই ত সব কাজ চুকিয়া যাইত! শুভনিশুভ-বিনাশিনীকে এ ক্ষেত্রে টানিয়া আনিবার কি প্রয়োজন ছিল? ইহাতে আর এক কাজ হইল কি, না, রাজাকে ভয় দেখানো। কেন, রাজার কি দোষ? যে লোক এমন শয়তানী করিয়া তাঁহার সম্রাট কুল কলঙ্কিত করিতে পারে, তাহাকে যে তিনি শাস্তি দিবেন এ তো শ্রায়বিচারের কথা। দুষ্কৃত-দলনী শ্রায়-বিধায়িনী মহাকালীর প্রকৃতি যে ভারতচন্দ্র একেবারে উল্টাইয়া দিলেন! কেহ হয়তো বলিবেন, এই দুষ্কৃতকারী যে শ্রামার ভক্ত! সেইটাই তো দুঃখ! কাব্যকার এমন দুষ্কৃত-কারীকে এমন দেবতার ভক্ত করেন কেন? স্বর তো একজন দেবতা বটেন, তাহাকে লইলেই তো কাজ চলিত, স্বরারিশক্তিকে আবার এখানে টানিয়া আনা কেন! আবার কেহ হয়তো বলিবেন, সুন্দর তো দুষ্কৃত-কারী নয়। শাস্ত্রে গান্ধর্ব বলিয়া একটা পরিণয়-বিধান আছে। বিদ্যা, সুন্দরের সহিত সেই বিধানমতে পরিণীতা। ভাল, শাস্ত্রবেত্তাকে জিজ্ঞাসা করি, এ ব্যাপারটা কোন্ যুগের? অর্জুন চিত্রাঙ্গদাকে গান্ধর্বমতে বিবাহ করিতে পারেন। ভাল হোক, আর মন্দই হোক তখন ও-ব্যাপারটার চলন ছিল। কিন্তু বিদ্যাসুন্দরের সময়েও কি সেটা খাটে? কাব্যকার দায়ে পড়িয়া খাটাইতে গিয়া শুধু গৌজামিলই দিয়াছেন। আর যদি বিধানটার তখন চলনও থাকিত, তবুও সুন্দরের

ওরূপ লুকোচুরি ও সিঁধকাটা বড় পৌরুষের পরিচায়ক হইত না। ভারতচন্দ্রের আর সব ছাড়িয়া কেবল বিদ্যাসুন্দর কাব্যই ধরা গিয়াছে দেখিয়া কাহারো ক্ষোভের কারণ নাই। অন্ততই কি দেবতা কাব্যকারের হাতে বড়-বেশী দেবোপম হইয়া গড়িয়া উঠিয়াছেন? মহাযোগী মহাদেবকে লইয়াও কাব্যকার বড় কম নকড়াছকড়া করেন নাই। যাক, ও-সম্বন্ধে ভারতচন্দ্রের কথা এই পর্য্যন্ত।

এখন কবিকঙ্কণই বা এ-সম্পর্কে কি করিয়াছেন, একটু দেখিয়া কথাটা শেষ করা যাক। অবশ্য, তিনি ভারতচন্দ্রের মত তাঁহার কাব্যের অধিষ্ঠাত্রী দেবীকে অতখানি খাটো করেন নাই। সেরূপ করিবার তাঁহার প্রয়োজনও হয় নাই। তাঁহার নায়ক-নায়িকা ভারতচন্দ্রের নায়ক-নায়িকার মত ততটা রোমাটিক নয়। সিঁধ কাটিয়া তাঁহাদের মিলন ঘটাইতে হয় নাই। তাঁহারা সকলেই সাদাসিধে গৃহস্থ লোক। তাঁহাদের মিলন, বিচ্ছেদ, প্রণয়, পরিণয় সবই প্রায় সাদাসিধে গার্হস্থ্য বিধানেই শেষ করা হইয়াছে। তাঁহাদের উপাশ্রয় দেবীও প্রায় তাঁহাদেরই মত সাদাসিধে, তবে দুই-একটা ঘটনায় তাঁহার সাদাসিধে মূর্তির অবশ্য কিছু ব্যতিক্রম ঘটয়াছে। কিন্তু এই ব্যতিক্রমে তাঁহার সাদাসিধে মূর্তির স্থলে দিব্য প্রতাপ-শালিনী শক্তি-মূর্তিও তেমন পরিষ্কৃত হয় নাই। দুই-একটা সামান্ত যুদ্ধ-ব্যাপার ছাড়া তিনি একবার স্বর্ণ-গোধিকার রূপে কালকেতুর গৃহে দেখা দিয়াছেন, আর

একবার সাগর-বক্ষে কমলাসনে বসিয়া হাতি গিলিয়াছেন! শেষটি তাঁহার কমলে-কামিনী রূপ। এই রূপের অদ্ভুতত্ব এত-বেশী যে, ইহা বাস্তবিক কতটা শক্তির পরিচায়ক, তাহা নির্ণয় করা কিছু কঠিন। বলা বাহুল্য, কবিকঙ্কণও তাঁহার দেবতাকে দিয়া বড়-বেশী মহৎ কাজ করাইয়া লন নাই।

মোটকথা এই, কবিদিগের কাব্যক্ষেত্র শক্তিরূপিনীর শক্তিবিকাশের পক্ষে যথেষ্ট-প্রশস্ত নহে। ইহার পরিধি বড়ই সঙ্কীর্ণ। সেই সঙ্কীর্ণ পরিধির মধ্যে দেবতা যতটুকু করিতে পারেন, তাহাই করিয়াছেন, এখানে তাঁহার বিশেষ কোন উপাসকের একটা-কিছু উপকার করাই যেন তাঁহার পক্ষে যথেষ্ট। এই উপকার করিতে যদি কাহারো কিছু অপকার করা হয়, সেদিকেও তাঁহার দৃকপাত নাই। গ্রাম, অগ্রাম, যে কোন উপায়েই হোক, স্তাবককে তুষ্ট করাই যেন তাঁহার একমাত্র কাজ! এই কি মহাশক্তির মহতী লীলা? মার্কণ্ডেয় চণ্ডীর ভূভারহারিণী শ্রামায় আর এই শ্রামায় যেন স্বর্গ-মর্ত্য-প্রভেদ! তাই বলি, দোষ-ত্রুটি-সত্ত্বেও বৈষ্ণব কবি যেরূপ তাঁহার প্রেমের দেবতাকে সুন্দর করিয়া আঁকিয়াছেন, শক্তি-দেবতার চিত্রাঙ্কণে শাক্ত কবি তাহার কাছেও ঘেসিতে পারেন নাই।

তবে ইহাদের সংসার ও সমাজের চিত্র মন্দ ফোটে নাই। কিন্তু ভারতচন্দ্রের এ-চিত্র মুকুন্দরামের অপেক্ষা অনুজ্জল। চিত্রের অঙ্কণে ও চিত্রের নির্বাচনে,—হুইয়েই অনুজ্জল। চিত্রাঙ্কণে অনুজ্জল বলি কেন, না, তাঁহার কাব্যে অনেক ব্যক্তির চিত্র সন্নিবিষ্ট

থাকিলেও এক হীরা-মালিনী ছাড়া আর কেহ তেমন পরিস্ফুট হয় নাই! আর নির্বাচনের কথা তোলাই অনাবশ্যক, বোধ হয় বিদ্যাসুন্দরের অতি-বড় ভক্তও কবির বিষয়-নির্বাচনের তেমন তারিফ করিতে কুণ্ঠিত হইবেন। তাহা হইলেও প্রশংসার বিষয় তাঁহার নিশ্চয়ই আছে! অমন ললিত শব্দের ঝঙ্কার প্রাচীন বঙ্গসাহিত্যে আর কোথাও পাওয়া যাইবে না। তাছাড়া শব্দের গতিটুকু আগাগোড়া বেশ অবিরাম স্বচ্ছন্দ।

বাস্তবিক: এই শব্দকুহকেই ভারতচন্দ্র অনেককেই মজাইয়াছেন। এ মজান বড় সোজা মজান নয়। যাহারা মজেন, তাঁহাদের কানে কবির শব্দের তান এমন মধুবৃষ্টি করিতে থাকে যে, শ্রোতার সমগ্র চিত্ত যেন শ্রবণেন্দ্রিয়ের মাঝে একেবারে সমাধিগত হয়, কবির অগ্ন্যাগ্নি ক্রটি ও দৈন্ত দেখিবার আর তাঁহার অবসরই থাকে না। কবির এই শব্দের ঝঙ্কার যেন তাঁহার উপাখ্যানের অভিনয়ে হীরামালিনীর হাততালির মত। বাল্যকালে যাত্রায় দেখিয়াছি হীরা যখন হাততালি দিতে দিতে আসরে নামিত, তখন যেন একটা আমোদের তড়িৎ-প্রবাহ আবালবৃদ্ধবনিতা সকলের মধ্য দিয়া চলিয়া যাইত। এটা হইল সাধারণ শ্রোতার লক্ষণ। আবার, যাহারা আসল সমঝদার অর্থাৎ যাহারা রসের রসিক তাঁহাদের যে কি অবস্থা ঘটত, তাহা বুঝি বর্ণনার অতীত। তাঁহাদের হাতের ছকা হাতেই থাকিত, কাঁধ হইতে গামছাখানা খসিয়া পড়িত, বিকট ক্রভঙ্গী সহকারে চীৎকার করিয়া

তাঁহারা আমোদচঞ্চল তরুণ শ্রোতৃসমূহকে মৌন করিতে বেজায় বিব্রত হইয়া উঠিতেন। একটা সূচীপতনের শব্দও বুঝিতখন সেই আত্মহারা সমঝদারদের কানে বজ্রনাদের মতই ঠেকিত। এমনই হাততালির যাহ! ভক্ত পাঠকের কানে ভারতচন্দ্রের শব্দের তান ইহা অপেক্ষা বোধ হয় আরো-বেশী কুহকময়।

ভারতচন্দ্রের চিত্তহারী পদবিগ্রাসে কাহার আপত্তি থাকিতে পারে? অমৃতে কাহার অরুচি? কিন্তু এই সুন্দর শব্দের সঙ্গে যদি সুন্দর ভাবের মিলন না ঘটে, তবে সেটা নিশ্চয়ই একটা আক্ষেপের বিষয়। নয়নভুলানো মুক্তামালার যে শোভা, তাহার সার্থকতা কখন? না, যখন তাহা সুন্দরীর সুকুমার কর্ণে আশ্রয় পায়। কিন্তু একটা বানরীর গলায় পরাইলে কি সেই মুক্তামালার তেমনি জলুস খোলে? চণ্ডীদাসের শব্দলালিত্য থাকিলেও, অবশ্যই তাহা ভারতচন্দ্রের সমকক্ষ নয়। তবুও চণ্ডীদাসের পদাবলী ভারতচন্দ্রের কাব্য অপেক্ষা কতটা বেশী মর্ম্মস্পর্শী! কেননা চণ্ডীদাস মহান্ ভাব-আলোকের আধার, ভারতচন্দ্র তাহার মহান্ অভাবের আধার।

ভারতচন্দ্রের বিষয়-নির্বাচন লইয়া নানা লোকে নানা কথা বলিয়া থাকে। কেহ বলে, কাব্যগত উপাখ্যানের মূলে কিছুমাত্র সত্য নাই, উহা কবির বিদ্বেষ-প্রণোদিত কল্পনার সৃষ্টি। কোন বিশেষ অবমাননার পরিশোধের জন্তই তিনি ঐরূপ গল্প রচিয়া গায়ের ঝাল মিটাইয়াছেন। কেহ বলে, সত্যই হউক আর মিথ্যাই হউক উহাতে

বিদ্বেষের কি নিদর্শন আছে? তাঁহার নায়ক-নায়িকারা ত শ্রামাদেবীর অনুগত ভক্ত; কবি তাঁহাদের জীবনে দেবীর মহিমাই প্রকটিত করিয়াছেন। অপরলোকের অপর মতও থাকিতে পারে। এই সকল বিরোধী মতের সামঞ্জস্য করা এখানে অসম্ভব। এরূপ কোন বিশেষ মতের পক্ষপাতী না হইয়াও কাব্যগত আলোচনা চলিতে পারে। যদি দেবীর মহিমা দেখানই ভারতচন্দ্রের একমাত্র উদ্দেশ্য হয়, তবে কবি-হিসাবে তাঁহার যে খুব প্রশংসা করা যায় না, তাহা পূর্বেই বলিয়াছি; ইহা ছাড়া যদি বিদ্বেষের কোন গন্ধ থাকে, তবে শুধু কবি কেন, ব্যক্তি-হিসাবেও তাঁহার গৌরবের হানি ঘটে।

ভারতচন্দ্র ও কবিকঙ্কণ উভয়েই সমাজকে কাব্যগত করিয়াছেন বটে, কিন্তু দুই কবির সমাজচিত্র বড়ই ভিন্ন। উজ্জ্বলই হউক আর অনুজ্জ্বলই হউক, ভারতচন্দ্র সমাজের উচ্চস্তরের চিত্রই বেশী আঁকিয়াছেন। রাজা, রাণী, রাজকন্যা, রাজকুমার ও রাজদরবার লইয়াই তাঁহার চিত্রপট, সমাজের সাধারণ বা নিম্নস্তরের দৃশ্য তাহাতে তত নাই। ভারতচন্দ্র ছিলেন তখনকার নামজাদা রাজসভার মার্কামারা রাজকবি। বিশেষ ব্যক্তিত্বের বল না থাকিলে এরূপ মার্কামারা কবি প্রায় একটু পেসাদার হইয়াই পড়েন। ভারতচন্দ্র যেন এই পেসাদারীর লক্ষণ একটু বেশীমাত্রায় ফুটিয়াছে। অমেকে বলিয়া থাকেন যে, ভারতচন্দ্র তাঁহার প্রতিপালক রাজার মনোরঞ্জনার্থেই অপর প্রতিদ্বন্দী রাজার কুৎসামূলক কাব্য লিখিয়াছেন।

এ কথা সত্য হইলে ইহা অবশ্যই পেশাদারির চূড়ান্ত! সত্য না হইলেও, তাঁহাকে স্বাধীন ব্যক্তিত্বের বলে একটা অচল অটল পুরুষ বলিয়া মনে হয় না। তিনি যদি তাহা হইতেন তবে রাজদরবারের প্রভাব তাঁহার উপর এতটা পড়িত না।

কবির বর্ণনায় তাঁহার প্রতিপালক রাজার চরিত্র চৌষটি কলায় পরিপূর্ণ হইতে পারে, কিন্তু সেই সঙ্গে তাঁহার আমোদপ্রিয়তার দিকটা আয়তনে যেন কিছু বেশী ছিল। এবং সে আমোদটা যে অনেক সময় উচ্চ কলাসম্ভূতও ছিল না, জনপ্রবাদে আজও তাহার নিদর্শন পাওয়া যায়। এই প্রবাদে যে কিছুমাত্র অতিরঞ্জন বা মিথ্যা নাই তাহা বলি না, কিন্তু ইহার কোন অংশও যে সত্য নয়, এমন কথাই বা কেমন করিয়া মানা যায়! রাজার সম্পর্কে প্রচলিত গোপালভাঁড়ের সব গল্প-বিশ্বাস নাই করিলাম, কিন্তু রাজা কৃষ্ণচন্দ্র যে আমোদের জন্ত ভাঁড় পুষিতেন ইহা অবিশ্বাস করিবার কি বড় বেশী কারণ আছে? তখন রাজাদের এইরূপ ভাঁড় রাখা—একটা প্রচলিত প্রথা ছিল। এবং এই ভাঁড়ের সঙ্গে আমোদটাও যে খুব বিগুঢ়

রকমের হইত না ইহাও ঠিক। রাজা কৃষ্ণচন্দ্র যে এইরূপ আমোদপ্রিয়তার অনধীন ছিলেন, এ-কথার অনুকূল অপেক্ষা প্রতিকূল প্রমাণই বেশী। ভারতচন্দ্র এইরূপ আমোদ-প্রিয় রাজার পোষা কবি। পোষা ভাঁড়ের মত অতটা না হউক, তাঁহাকেও রাজার আমোদের জন্ত কিছু-না-কিছু খোরাক যোগাইতেই হইত। তাঁহার কাব্যে আমোদপ্রিয় রাজদরবারের কৃত্রিমতার ছাপটি তাই বুঝি এমন সুস্পষ্ট লাগিয়া আছে! মুকুন্দরামেরও একজন অনুগ্রাহক রাজা ছিলেন। কিন্তু হয়তো তিনি রসের ততটা সমজদার ছিলেন না, অথবা মুকুন্দরামের ব্যক্তিত্ব বলিয়া জিনিষটা কিছু অটুট ছিল। যে কারণেই হউক মুকুন্দরামের ব্যক্তিত্ব সাধারণ হইলেও, বেশ স্বাস্থ্য ও সবলতার পরিচায়ক,—কোন প্রকার কৃত্রিমতার প্রভাব তাহাতে পড়ে নাই। তাই ভারতচন্দ্রে রাজদরবারের আতরমাখা বন্ধ বায়ুই আমাদের গায়ে লাগে, আর মুকুন্দরামের কাব্যশালা গৃহস্থের মুক্ত আঙ্গিনার পুষ্পসৌরভে ভরপুর।

শ্রীদয়ালচন্দ্র ঘোষ।

আলোর আলো

চব্বিশ

সুরেন্দ্রের কথা

আমাকে দেখে সরমা যে মোটেই খুসী হবে না, এ আমি খুব জানতুম! আমাকে সে কখনই ভালবাসত না—আমি মরে

গেছি ভেবে সে একরকম নিশ্চিত হয়েছিল—আবার বিবাহ করে' সে নূতন সংসার প্লাততে বসেছিল—এরি-মধ্যে হঠাৎ কোনখান থেকে ছুঁই গ্রহের মত উদয় হয়ে আমি তার আশার বাতি একটি ফুৎকারে নিবিয়ে দিলুম, একি কম আপশোষের

কথা! ওঃ, খুব সময়ে এসে পড়েছি যাহোক
—নইলে এবারে আমাকে সত্যি-সত্যিই
পথে দাঁড়িয়ে মরতে হোত!

...উপরে উঠে যখন ঘরের ভিতরে
চুকলুম, সরমা তখন জানলার একটা
গরাদে ধরে মাথা নীচু করে দাঁড়িয়ে ছিল।
আমাকে দেখে মুখ তুলে, সে নীরবে
আমার দিকে তাকিয়ে রইল।

তার মুখ মুখোসের মত স্থির—তার
ভাব একটুও বদলালো না। তাতে বিস্ময়
বা বিরক্তির একটা রেখাও পড়ল না!

তার মুখ দেখে আমি থমকে দাঁড়িয়ে
পড়লুম। কথা কইতে গেলুম, কিন্তু জিভ
যেন আঁটকে গেল।

সরমাও কিছু বললে না।

শুরু ঘরের মধ্য থেকে ঘড়ীটা খালি
যেন টিটকিরি দিয়ে বলছিল, টিক্, টিক্,
টিক্!... ..

এ নীরবতা আর ত সওয়া যায় না!
এতদিন পরে স্বামী-স্ত্রীতে দেখা, এখন
এমন নীরবতা শুধু অসহনীয় নয়, অশোভনও
বটে! অতএব আমিই প্রথমে মুখ খুলে
বললুম, “সরমা, আমি এসেছি।”

সরমা যেন শিউরে উঠল। তারপর
শুধু বললে, “বোসো।”

আমি একখানা চেয়ারের উপরে গিয়ে
গুম্ব হয়ে বসে রইলুম। আবার সেই
নীরবতা!... ..এবার আমার রাগ হোতে
লাগল। আমি তার স্বামী, একরকম
যমালয় থেকে ফিরে আসছি বললেই চলে,
আজ এই প্রথম সাক্ষাতের সময়ে অন্তত
কর্তব্যোধ খাতিরেও তার একবার জিজ্ঞাসা

করা উচিত ছিল যে, আমি কেমন আছি।
রাগে আমার সর্বাঙ্গ যেন রি-রি করতে
লাগল—কিন্তু, না, মনের রাগ এখন বাইরে
জাহির করবার সময় নয়—তাহলে সব
মাটি হবে—যে পূজার যে মন্ত্র!

মুখে হাসি টেনে এনে বললুম, “তুমি
ভাল আছ ত?”

সুপ্তোখিতের মত সরমা বললে,
“আঁ্যা?”

—“ভাল আছ?”

—“আছি।”

—“অত দূরে দাঁড়িয়ে রইলে কেন?
কাছে এস, এতদিন পরে দেখা!”

পুতুলের মত সে আমার কাছে এগিয়ে
এল।

তার একখানা হাত আমার নিজের
হাতে টেনে নিলুম—উঃ, কি ঠাণ্ডা তার
হাত! তার মুখের পানে চেয়ে আমি
বললুম, “সরমা, অনেকদিন তোমাকে দেখি
নি,—তুমি দেখতে কী সুন্দর হয়ে উঠেছ!
তোমাকে আর সেই সরমা বলেই যে
চেনা যায় না!”

সরমা কিছুই বললে না।

আমি আন্তেআন্তে তার মুখখানা
নিজের মুখের কাছে টেনে আনলুম। সে
কোন বাধা দিলে না—কিন্তু, তার চোখ!
সে চোখছটো যেন মড়ার চোখের মত,
কৃত্রিম কাচের চোখের মত একেবারে স্থির,
নিষ্পন্দ। অমন বড়বড়, টানা, সুন্দর
চোখের চাহনি যে এত কঠোর হোতে
পারে, না-দেখলে তার ধারণা হয় না। মনের
কথা মনেই চেপে, মুখ নামিয়ে আমি

তার মুখচুম্বন করলুম। মনে হোল, আমার এ চুম্বন যেন কোন পাথরের মূর্তির শীতল কঠিন ওষ্ঠাধরের উপরে গিয়ে পড়ল... ..

খানিক পরে বললুম, “সরমা, ভাগ্যে আমি ঠিক সময়ে এসে পড়েছি, নইলে তোমার কি হোত বল দেখি? তোমার সঙ্গে অত্র লোকের বিবাহ—”

আমার কথা শেষ না-হোতেই, হঠাৎ সরমার ভাবান্তর হোল! এতক্ষণ সে যেন জেগে-জেগে ঘুমোচ্ছিল—আমার কথায় তার সেই জড়তা ছুটে গেল। একবার আমার মুখের দিকে চেয়েই সে আমার মুঠোর ভিতর থেকে তার হাত ছাড়িয়ে নিলে!

আমিও বাধা দেবার কোন চেষ্টা করলুম না—কারণ, আলিঙ্গন চুম্বন বা ভালবাসার দিকে এখন আমার একটুও নজর নেই! তবে যতটুকু না-হোলে নয়, ততটুকু করতে হবে বৈকি! নইলে চলবে কেন?

মেয়েমানুষের বুদ্ধির পরে আমার এক-রত্তি শ্রদ্ধা নেই। বাঙ্গালীর মেয়ে হচ্ছে পক্ষীর মত নির্বোধ; দুটো ধান-ছোলা ছড়ালেই পাখী সব ভুলে খাঁচার ভিতরেই সুখের গান সুরু করে দেয়; দুটো মন-রাধা মিষ্ট কথা বললেই রমণী তার সমস্ত নিজস্ব ভুলে অন্তপুরের অন্ধকারে বন্ধ থাকবে, তোমার পায়ে তলায় আপনাকে একেবারে বিলিয়ে দেবে! তুচ্ছ হার-তাগা-বালা পেলে তার মুখে হাসি আর ধরবে না;—সে একটিবারও তুলিয়ে দেখবে না, এই

গলার হার তার বগলোস্, এই চুড়ি-বালা তার হাতকড়ি, এই মল-পায়জোর তার পায়ে বেড়ী! বাঙ্গালীর মেয়েরা এ যদি বুঝত, দেশে তাহলে এক নূতন বিদ্রোহ জেগে উঠত, ফ্রান্সের বাস্তিলের মত বাঙ্গালার অন্তপুরও ভূমিসাৎ হয়ে যেত!

সরমাও ত বাঙ্গালীর মেয়ে বৈ আর কিছু নয়! যতই সে লেখাপড়া-শিখুক, টিয়াপাখীর মত যতই সে বুলি কপ্‌চাতে শিখুক,—আমি এ কথা কিছুতেই ভুলব না যে, সে বাঙ্গালীর মেয়ে! আমার বুদ্ধির ভিতরে ঢোকে, তার এত সাধ্য নেই—এখন সে আমাকে ভাল-না-বাসুক, কিন্তু দুটো মিথ্যে খোসামোদে একটু পরেই সে আদরে গড়িয়ে আমাকে আত্মদান করতে বাধ্য হবে!

ভাল করে গোড়া ফাঁদবার জন্তে আমি বেশ জোর দিয়ে-দিয়ে বললুম, “সরমা, বিদেশ থেকে ফিরে তোমাদের যে আমি কত খুঁজেছি, সে আর বলবার নয়! কাগজে তোমাদের জন্তে বিজ্ঞাপন দিয়েছি—কিন্তু তখন ত জানতুম না যে, তোমার পিতা আর ইহলোকে নেই! না-জানি তাঁর মনে আমি কত কষ্টই দিয়েছি,—ভেবেছিলুম, দেখা হোলে পায়ে ধরে তাঁর কাছে মাফ চাইব, কিন্তু ভগবান আমাকে সে সুযোগও দিলেন না।”—এই বলে আমি একটি দীর্ঘশ্বাস ত্যাগ করলুম।

কিন্তু সরমা নিরুত্তর হয়েই রইল।

—“সরমা, তোমার কাছেও আমি ক্ষমা চাইছি, বুদ্ধির ভুলে তোমাকেও আমি অনেক ব্যথা দিয়েছি, সেজন্তে আজ আমি

অনুতপ্ত। তুমি আমাকে ক্ষমা করবে, সরমা ?”

‘কিন্তু সরমা নিরুত্তর হয়েই রইল!

খুব ছুঃখের স্বরে আমি বললুম, “হয়ত আমি ক্ষমা চাইবারও অযোগ্য! তোমার প্রতি যে অত্যাচার করেছি হয়ত তার মার্জনা নেই! মানুষ বলে যদি কোনদিন পরিচয় দিতে পারি তবে সেইদিন আমার ক্ষমা চাইবার দিন আসবে।”—

সরমার দিকে চাইলুম,—আমার ছুঃখের স্বর যে তার মর্ম স্পর্শ করেছে, তার মুখে দেখে একেবারেই তা মনে হোল না।

ঘরের ভিতরে খানিকক্ষণ পাইচারি করতে লাগলুম। তারপর সরমার সামনে দাঁড়িয়ে বললুম, “দেখ, কথায় কথায় ক্রমেই বেলা বেড়ে যাচ্ছে। চিঠিতে আমি যা লিখেছিলাম, তোমার মনে আছে ত ?”

সরমা মুখ তুলে আমার দিকে উদাসভাবে তাকিয়ে রইল।

—“এখানে ত আমি থাকতে পারব না, তোমাকে আমার বাসায় যেতে হবে।”

সরমা হঠাৎ উঠে দাঁড়িয়ে বললে, “চল।”

—আমি ত অবাক! এত-অল্পে কাজ হাঁসিল! দেখলে, মেয়েমানুষের মন কি পলকা—একটু চালাকি করে’ ছোটো মিষ্টি কথা বলেছি আর দেখতে-না-দেখতে কেমন কতে! সরমা যে-রকম একগুঁয়ে, তাতে ও যে এত-শীঘ্র এখান থেকে নড়তে রাজি হবে, তা আমি ভাবি-নি। মনে-মনে নিজের বুদ্ধির বড়াই করে’ প্রকাশে বললুম, “কিন্তু বাই বললেই ত যাওয়া হয় না

সরমা, জিনিষপত্র সব গুছিয়ে নিতে যথেষ্ট সময় লাগবে যে!”

অন্যদিকে মুখ ফিরিয়ে, কেমন যেন শ্রান্তস্বরে সরমা বললে, “যা সঙ্গে যাবার সব গোছানো আছে।”

—“গোছানো আছে! কখন গোছালে?”

—“তুমি আসবার আগেই!”

আমার মিষ্টকথায় সরমার মন ভোলে-নি,—সে তাহলে আমি আসবার আগে থাকতেই আমার সঙ্গে যাবে বলে প্রস্তুত হয়ে আছে! এ সত্যটা আমার গর্কের পরে বড় কঠোর ঘা মারলে!

যতটা মনে করা গিয়েছিল, সরমা দেখছি ততটা সহজ মেয়ে নয়। একে খেলিয়ে হাত করতে হোলে আরো-বেশী সূতো ছাড়ার দরকার! আচ্ছা সরমা, তুমি যত-বড় সেয়ানা হওনা কেন, মনে রেখ আমি সেই পুরুষজাতিরই একজন—রমণীর যারা প্রভু, শাসনকর্তা!

* * * *

শ্রামবাজারের বাসায় এসে সরমার ভাবগতিক দেখে, আমি ক্রমেই যেন বোকা বনে যাচ্ছি! প্রথমদিন এখানে এসেই সে আমার ঘরদোর এমন পরিষ্কার করে’ গুছিয়ে ফেললে যে, দেখলে চোখ যেন জুড়িয়ে যায়। আমার সঙ্গে কথাবার্তা সে একরকম কইত না বললেই চলে; কিন্তু ঠিক যে-সমটিতে যা দরকার, সরমা হাতের কাছে সেটি এগিয়ে এনে দিচ্ছে! স্বান করে’ উঠেই দেখি, আরসির কাছে রয়েছে কোঁচানো কাপড় জামা জুতো, চুল আঁচড়ে কাপড় পরতে-না-পরতে দেখি সরমা জলখাবারের

খালা আর পানের ডিবেটি নিয়ে সামনে দাঁড়িয়ে। জলযোগ করে' আমি বেরিয়ে যেতুম। তারপর যত বেলাতে যখন বাড়ী ফিরতুম, দেখতুম গরম অন্নব্যঞ্জন প্রস্তুত! সকাল থেকে সন্ধ্যা পর্যন্ত, যন্ত্রের মত সরমা কাজ করে' যেত—আপন মনে মৌনমুখে। এমন-কি, যখন কাজ-কর্মের কোন দরকার নেই, তখনো সে যা-হোক একটা-কিছু নিয়ে ব্যস্ত থাকত!

কিন্তু, তবু সে আমাকে তৃপ্তি দিতে পারলে না। ঐ যে তার নীরব ভাবহীন মুখ, ও-মুখকে আমি ঘৃণা করি। জানি, সে আমাকে ভালবাসে না—এমন-কি, কথাবার্তায় মৌখিক ভালবাসাও সে আমাকে জানাতে পারত না,—ঐ কঠোর সরলতা আমার হৃ-চোখের বিষ।

আমিও যে তাকে কখনো ভালবাসতুম বা এখন ভালবাসি, তাও নয়। সত্য, সে অসীমা সুন্দরী; কিন্তু তার সৌন্দর্য্যকে আমি কামুকের মত ভোগ করতে চাই, প্রেমিকের মত গ্রহণ করতে চাই না। আইনত সে আমার স্ত্রী হোলেও, আমার আপনার নয়। পরপুরুষকে সে ভালবাসে—হয়ত পরে তাকে উপভোগও করেছে। আগে তাকে ভালবাসি-নি, এখন তাকে পাপিষ্ঠা বলে ঘৃণা করি।

ভালবাসব বলে তাকে ত আমার ঘরে আনি-নি! আমার চাই, টাকা! সরমার বাপ যে টাকা রেখে গেছে, সে টাকা যতদিন-না পাচ্ছি ততদিন আর আমার শাস্তি নেই।

এখনো টাকার কথাটা তার কাছে

তুলি-নি। সে যে কেমন মেয়ে, তা আমার জানতে বাকি নেই। আমি হচ্ছি পুরুষ, সরমার মত মেয়ের ধাত্ আমি বেশ বুঝি। আমি যে টাকার জন্তেই তাকে এনেছি—স্ত্রী বলে গ্রহণ করছি না, এটা ধরতে পারলে সে একেবারে বঁকে দাঁড়াবে; একবার বঁকলে তাকে তখন সোজা করা ভারি শক্ত হবে।

কিন্তু আর ত চুপচাপ থাকা আমার পোষাচ্ছে না। হাতে সামান্য যা টাকা ছিল তা প্রায় ফুরিয়ে এল—এখন সরমার টাকা হস্তগত করতে না পারলে, বিপদে পড়তে হবে। কেমন করে', কি সূত্রে বেশ সহজভাবে সরমার কাছে টাকার কথাটা পাড়া যায়, এ-ক'-দিন এই নিয়েই ক্রমাগত ফন্দি আঁটা যাচ্ছে।

সেদিন সরমা ঘরের এককোণে বসে পাণ সাজছিল। আমার তখন পাণের কোন দরকার ছিল না, তবু তার কাছে গিয়ে বললুম,—“সরমা, দুটো পাণ দাও, ত।”

সরমা দুটো পাণ তাড়াতাড়ি মুড়ে আমার হাতে দিলে।

আমি বললুম, “আচ্ছা সরমা, তোমাদের ও-বাসায় যে জিনিষগুলো পড়ে আছে, সেগুলো আনার কি হবে বল দেখি? অমেকদিন হয়ে গেল, পরের বাড়ী, খালি করে দিতে হবে ত?”

সরমা মুহূর্তে বললে, “হ্যাঁ, আমিও তাই ভাবছি।”

—“তোমার বাবা ত ঐ বাড়ীতে মারা যান?”

—“হঁ।”

—“তার বয়স হয়েছিল কত?”

—“ষাট।”

—“তোমাদের দেশের বাড়ীতে এখন কে আছে?”

—“কেউ নেই।”

—“তোমাদের জমি-জমাও ছিল শুনেছি, তার খাজনা আদায়ের ব্যবস্থা আছে ত?”

—“না।”

—“না! কি মুন্সিল, এতদিন আমাকে বল-নি কেন? শুনেছি, তোমাদের নগদ টাকাও কিছু ছিল—”

—“হ্যাঁ, ব্যাঙ্কে আছে।”—সরমা হঠাৎ মুখ তুলে আমার দিকে চাইলে। তার চোখে-মুখে কেমন যেন একটা ব্যঙ্গের ভাব! সে কি আমার মনের কথা ধরে ফেলেছে? আরে রামঃ! মেয়েমানুষের এত বুদ্ধি হোল আর ভাবনা কি ছিল!—যাক, আজকে আর বেশী ঘাঁটিয়ে কাজ নেই। পাখী এখনো ভাল করে’ পোষ মানেন-নি, ভয় পেলে এখনো শিকলি কেটে উড়ে যেতে পারে।

কিন্তু, মনটা কেমন ব্যস্ত হয়ে উঠল। সরমার বাপ কত টাকা রেখে গেছে, ওদের স্থাপন সম্পত্তি কত আছে, এ সব জানবার জন্তে মনটা ছটফট করতে লাগল। যদিও আমি স্বামী সে স্ত্রী, আমি পুরুষ সে নারী,—তার উপরে আমার জোর আছে ষোলআনা, তবু কেন জানিনা, এ-সব কথা তাকে খুঁটিয়ে জিজ্ঞাসা করতে আমার বাধো-বাধো বোধ হচ্ছে!...।... ভেবে-চিন্তে মনেমনে একটা মতলোব খাটানো পেল।

সেদিন রাত্রে বিছানায় শুয়ে রইলুম—
ঘুমলুম না!

রাত যখন অনেক—আস্তে-আস্তে উঠলুম। টেবিলের উপরে নীলরঙের ডোমের ভিতরে আলোর মুহুঁ শিখাটা ঘুমন্তের মত স্থির হয়ে আছে। সেই আলোতে দেখলুম, সরমা ঘুমিয়ে পড়েছে—তার চোখের পাতা বন্ধ।

খুব সন্তর্পণে সরমার গায়ে হাত দিলুম, সে নড়ল না। তখন সাবধানে তার আঁচল থেকে রিংটি খুলে নিলুম।

টেবিলের পাশেই সরমার একটি ‘স্টিল ড্রাক’ রয়েছে—সরমার ক্যাশবাক্স-টাক্স ওরই ভিতরে থাকে। মুরারিবাবুর কাগজপত্র নিশ্চয় এখানেই আছে। সেগুলোর উপরে একবার চোখ-বুলিয়ে নিলেই সব বুঝতে পারব।

নিঃশব্দে চাবি লাগিয়ে ড্রাকটি খুলে ফেললুম। তারপর ক্যাশবাক্সটি ভিতর থেকে বার করলুম।

ক্যাশবাক্সে চাবি লাগাতে ষাচ্ছি—এমন সময় পিছন থেকে শুনলুম, “দাঁড়াও, ও বাক্স খুলো না!”

কে যেন একটাই বরফ পূরে আমার বুকের ভিতরের রক্তটা হঠাৎ জমাট করে’ দিলে! সেই অবস্থায়—হাঁটুর উপরে ক্যাশবাক্স নিয়ে, বিবর্ণ মুখে আমি চোরের চেয়েও নীচু হয়ে বসে রইলুম।

সরমা বিছানা ছেড়ে নেমে এল। তার পর—আমার লজ্জাকে যেন আরো বাড়িয়ে তোলবার জন্তেই—আলোর শিখাটা উল্কে দিলে। আমি মাথা হেঁট করলুম।

খুব শান্ত স্বরে সরমা বললে, “বাক্সটা দাও, তুমি যা চাও আমি বার করে দিচ্ছি।”

—ক্যাসবাক্সটা আমার কাছ থেকে নিয়ে সরমা সেটি খুলে ফেললে। তারপর একতাড়া কাগজ আমার দিকে এগিয়ে দিলে।

শুষ্ক স্বরে আমি বললুম,—“এ-সব কি?”

ক্যাসবাক্সটা বন্ধ করে সরমা বললে,—“তুমি যা খুঁজছিলে। ওতে বাবার উইল, কোম্পানীর কাগজ আর ব্যাঙ্কের খাতা আছে। তোমার টাকার দরকার হয়েছিল, আমাকে বললেই পারতে ত!”

সরমার কাছে এই আমার দ্বিতীয় পরাজয়! উঃ, এ কী অপমান! আচ্ছা, আমারও দিন আসবে!

* * * *

অনেকদিন পরে আবার মদ ধরলুম! জানতুম মাতালকে সরমা অত্যন্ত ঘৃণা করে। তার ভয়েই এতদিন মদ ছুঁই-নি—নইলে, একবার যে ভক্তিতরে সুরাদেবীর পূজা করেছে, দেবীর প্রসাদ থেকে সে কি আর-কখনো বঞ্চিত থাকতে পারে? তাই দেবীর পূজা আবার ষোড়শোপচারে চলেছে—সরমাকে আর ভয় কি? যে-জন্তে তাকে ভয় করতুম, তার সেই টাকা এখন আমার হাতে—আমারই হাতে! সরমা যদি এখন রাগ করে—করুক, চলে যায়—যাক, আমাকে এখন আর পায় কে?... ..

সেদিন বাইরের ঘরে বসে মদের সঙ্গে

সন্ধ্যাবেলাটি গোলাপী করে তুলছি,— এমনসময় একটি লোক এসে ঘরে ঢুকল। গেলসটি হাত থেকে নামিয়ে তার মুখের দিকে তাকাতেই তাকে চিনলুম। সে হরেন, সরমাকে নিয়ে আসবার দিনে, যে আমার সঙ্গে গোলমাল করেছিল।

তাকে দেখেই আমার মেজাজ চটে গেল। বিরক্তস্বরে বললুম; “আবার এখানে কি মনে করে?”

হরেন একবার আমার মুখের দিকে, আর-একবার বোতলের দিকে সহাস্ত দৃষ্টিপাত করে বললে, “মাইভে: সুরেনবাবু, মাইভে:! চঞ্চল হবেন না, আজ আমি খেতপতাকা বহন করে এখানে এসেছি।”

—“তার মানে?”

“আমি আপনার সঙ্গে সন্ধিস্থাপন করতে এসেছি।”

—“কিন্তু আমি তাতে রাজি নই! আপনার সেদিনকার ব্যবহারটা স্মরণ করে দেখুন। আমি অপমান ভুলি না।”

—“আপনার স্মৃতিশক্তি যে এতটা প্রখর তা জানতুম না। আর, আমি যে আপনাকে অপমান করেছিলুম, তাও ত মনে হচ্ছে না।”

—“আপনার না মনে হতে পারে, কিন্তু আমার বেশ মনে হচ্ছে, সেদিন আপনি যে ব্যভারটা করেছিলেন তাকে কিছুতেই খাতির বলে মনে করা চলে না। অতএব—”

—“অতএব, ঐ মদের গেলসটির ভিতরে আপনার ক্ষুর মনটিকে আর-একটিবার সিক্ত করে নিন দেখি, দেখবেন মনের সব

ময়লা একদম সাক্ষ হয়ে যাবে”—এই বলে হরেন হাসতে-হাসতে মদের গেলাসটি আমার মুখের সামনে তুলে ধরলে।

হরেন দেখছি আমার সঙ্গে গায়ে পড়ে আলাপ করতে চায়। তার মতলোব্ কি? মদের গেলাসে চুমুক ঘেঁরে মুখে খানিকটা কাঁকড়ার ডিমের বড়া ফেলে দিলুম। তারপর বললুম, “এখন আপনার অভিপ্রায় কি স্পষ্ট করে বলুন ত! বেশী গৌরচন্দ্রিকা আমি পছন্দ করি না।”

হরেন বললে, “হ্যাঁ, এই বিংশ শতাব্দীর আবহাওয়ায় গৌরচন্দ্রিকার প্রথাটা বড়-সেকলে হয়ে গেছে বটে! ও জিনিষটা এখন অনেকেই পছন্দ করেন না।”

—“কেননা, গৌরচন্দ্রিকা হচ্ছে দুষ্ট মতলোব্কে শিষ্ট করে তোলবার একটি বিশিষ্ট উপায়।”

—“আপনার কথা আমার বেশ মিষ্ট লাগছে, মশাই!”

—“কিন্তু আপনাকে আমার বেশ মিষ্ট লাগছে না—বুঝেছেন?”

—“আপনার দেখছি সরল বাঙ্গলা ভাষায় কথা কওয়া অভ্যাস; এর-মধ্যে আর্ট খুব কম বটে, কিন্তু ধার এত বেশী যে সহজেই চর্ম ফুঁড়ে মর্ম স্পর্শ করতে পারে।”

কি আপদ! এ লোকটা যে কিছুই গায়ে মাখে না! তাইত, কি করতে এখানে এসেছে এ?

হরেন তার হাতের ছড়িটা মাটিতে ঠুকতে-ঠুকতে আবার বললে, “কিন্তু এও ত জানেন সুরেনবাবু, যে, একেলে সভ্যতার

বেশী-সরল হওয়ার মানে, বেশী-অসভ্য হওয়া।”

আমিও তাকে ঠেস দিয়ে বললুম, “হরেনবাবু, এটাও আপনার জানা উচিত ছিল যে, আমার এ ঘরটি কোম্পানীর বাগান নয়, এখানে সর্বসাধারণের প্রবেশ নিষেধ—এ বৈঠকখানা।”

—“বৈঠকখানা না-বলে সরাবখানা বললেই বোধকরি সঙ্গত হয়।”

আমি তেরিয়া হয়ে বললুম, “আপনি কি বাড়ী বয়ে আমাকে আবার অপমান করতে এসেছেন?”

হরেন আমার রুক্ষস্বরের প্রতি ক্রক্ষেপও করলে না, অশ্রমনস্কের মত হাতের ছড়িটা ঘোরাতে-ঘোরাতে সম্পূর্ণ অবহেলাভরে বললে, “আজ্ঞে না, আমি এসেছি আমার বোনের সঙ্গে দেখা করতে।”

—“তাহলে আপনি যত-শীঘ্র পারেন প্রস্থান করলেই ভাল হয়।”

—“অর্থাৎ—”

—“অর্থাৎ, আপনাকে আমি আমার শালক-পদে অভিযুক্ত করতে সম্মত নই। আমার স্ত্রীর সঙ্গে দেখা হবে না।”

হরেনের কপালের উপরে একটা শিরা ফুলে উঠল। বললুম, সে এবার চটেছে। কিন্তু, মনের রাগ মনেই চেপে সে উচ্চস্বরে হাশ্ব করে বললে, “সুরেনবাবু, ভয়ীপতি বলেই আপনার কথাকে আমি ঠাট্টাচ্লে গ্রহণ করলুম, নইলে মুখের ওপরে আমাকে অপমানে করে কেউ-কখনো পার পায় নি। যাক, ‘যেজন্তে আমি এসেছি আপনাকেই খুলে বলি। সরমা কেমন আছে?”

—“ভালই আছে।”

—“আর-এক কথা। আপনি বাড়ীর ভিতরে গিয়ে অনুগ্রহ করে জেনে আসুন, মোহনের ভাড়া-বাড়ীতে যে-সব জিনিষ-পত্র রয়েছে, সেগুলোর কি ব্যবস্থা হবে?”

—“বসুন, এ কথার উত্তর আমি এখনি এসে দিচ্ছি।”—এই বলে আমি উঠে দাঁড়ালুম।

বাড়ীর ভিতরে যেতেই দেখলুম, উঠানের উপরে সরমা চূপ-করে’ দাঁড়িয়ে রয়েছে। তার ভাব দেখেই বোঝা গেল, আমাদের কথাবার্তা সে সমস্তই শুনেছে।

বিরক্ত হয়ে বললুম, “এখানে দাঁড়িয়ে কি করছ?”

সে কথার কোন জবাব না-দিয়ে সরমা বললে, “হরেনদাদাকে এখানে নিয়ে এস।”

ক্রুদ্ধস্বরে বললুম, “না।”

সরমা কাতরভাবে বললে, “উনি আমাদের কত উপকার করেছেন, তা তুমি জান না। দেখা না করে ফিরিয়ে দিলে তিনি কি ভাববেন বল দেখি! যাও, যাও, নিয়ে এস!”

বৈঠকখানা থেকে হরেন নিশ্চয়ই আমাদের কথাবার্তা শুনতে পাচ্ছে! অত্যন্ত চটে গিয়ে চাপা গলায় বললুম, “চল, ঘরের ভিতরে চল।”

সরমা মাথা নেড়ে বললে, “না, আমি হরেনদাদাকে ফিরিয়ে দিতে পারব না—তোমার পায়ে পড়ি!”

রাগ আমার মাথায় চড়ে গেল! “কী! আমার কথা শুনবে না?”—এই বলে

সরমাকে আমি বাড়ীর ভিতরদিকে জোর করে’ ঠেলে দিলুম।

হঠাৎ ঠেলা পেয়ে সরমা ভাল সামলাতে না-পেরে পড়ে গেল। এবং সঙ্গেসঙ্গে “উছ”—বলে আর্তনাদ করে’ উঠল।

—তারপর, কোথা দিয়ে কী বে হোক কিছুই বললুম না—সুধু এইটুকু মনে আছে, পিছন থেকে কে-একজন বাঘের মত আমার ঘাড়ের উপরে লাফিয়ে পড়ল এবং লোহার মত শক্ত দুখানা হাত দিয়ে আমাকে মাটি থেকে শূন্যে তুলে ছুঁড়ে ফেলে দিলে—একটা চীৎকার করে’ আমি অজ্ঞান হইয়ে গেলুম!

পাঁচশ

সরমার কথা

ওগো আমার ভগবান, আমার এই ক্ষুদ্র মারীজীবন নিয়ে তুমি কি নিষ্ঠুর খেলা খেলতে চাও, বলে দাও আমাকে, বলে দাও বলে দাও! অদৃষ্টের সঙ্গে আমার এই লুকোচুরি আরো-কতদিন যে চলবে, কে আমাকে চোখের ঠুলি খুলে তা দেখিয়ে দেবে?

কঠোর চাপে ক্রমেক্রমে নিষ্পেষিত করে’ নিঃশেষিত-রস ইক্ষুদণ্ডকে যেমন ফেলে দেওয়া হয়, আমার এ জীবনকেও তেমনি নীরস করে’ কে আজ সংসারের ধূলিধূসর পথে ছুঁড়ে ফেলে দিয়েছে;—হুদিন-আগেকার সোনার স্বপন আমার মনে আজ দূর-অতীতের স্মৃতির মত নাগালের বাইরে সরে গেছে।... ..

বিধবার স্বামী ফিরে এসেছে! রূপ-

কথায় বা সম্ভব হয় না, আমার অদৃষ্টে আজ তাই সম্ভব হয়েছে! এ কী সৌভাগ্য! তোমরা বলবে, পূর্বজন্মার্জিত বহুপুণ্যের জোরেই আমার ভাগ্য এমন সুপ্রসন্ন হয়েছে। কিন্তু এমন সৌভাগ্যের দিনেও আমাকে কাতর দীর্ঘশ্বাস ফেলতে দেখে, বোধকরি দুর্জয় ক্রোধে স্বর্গে তেত্রিশ কোটির সিংহাসন টলে উঠবে এবং মর্ত্তে সামাজিক মানুষগুলি মনুসংহিতা খুলে আমার প্রতি অনন্ত নরক-ব্যবস্থা করতে বসবেন। হাঃ, তবু ত এ পোড়া চোখের জল কিছুতেই মানা মানিচ্ছে না—থামতে চাইছে না!

স্বামীকে কখনো ভালবাসতে পারিনি, কখনো পারব বলেও মনে হচ্ছে না। আগে তাঁকে যমের মত ভয় করতুম, এখন কিন্তু সে ভয় আর নেই। তাঁর ভালবাসায় আদরেই যে আমার ভয় ভেঙেছে, তাও নয়; কেননা আমি জানি তিনিও আমাকে ভালবাসেন না।... ডুবে মরবে বলে যে-জলকে লোকে ভয় করে, মানুষের এমন দিনও আসে যেদিন সে সাঁতার না-জেনেও নির্ভয় হয়ে সেই জলেরই অতলে তলিয়ে যায়! আমারও এখন তাই হয়েছে! যিনি আগে আমার কাছে মূর্ত্তিমান বিভীষিকার রূপ ছিলেন, নিঃশেষে আজ তাঁরই হাতে আত্মসমর্পনকে আমি আত্মহত্যা বলেই মনে করি। মরণকে যে ডরায় না—তাঁর আবার ভয়!

স্বামী আমাকে মুখে খুব আদর-যত্ন করেন। আমাকে বোধহয় তিনি এখনো বিয়ের কনে বলে ভাবেন, তাই মৌখিক প্রেমে আমার চোখে ধুলো দেবার চেষ্টা

করছেন। কিন্তু অরণ্যের যে সামান্য জীবজন্তু, ব্যাধের কপট আদর তারাও যে ধরে ফেলে! নকল প্রেম কি চেপে রাখা যায়? স্বামী যে কি চান, তাঁর চোখ যে কি খুঁজছে, আমি তা জানি গো জানি!

তারপর, সেদিন রাত্রে আমি ঘুমেয়েছি ভেবে তিনি যখন চোরের মত আমার বাক্স খুলতে গিয়েছিলেন, তখন আমার সকল সন্দেহই ঘুচে গেল। মুখে প্রেমের অভিনয়ে আমার ঘৃণা ধরে গিয়েছিল—সে কপট অভিনয়ের উপরে একেবারে যবনিকা ফেলে দেবার জন্তে,—স্বামী আমার যা চান, সেই-দিন তখন তা বাক্স থেকে বার করে দিলুম। টাকায় আমার দরকার নেই, টাকা নিয়ে তাঁর যা-খুঁসি করুন-গে।..... সুধু তিনি আমাকে একটু শাস্তি দিন, শাস্তি!

* * * *

সেদিন রান্নাঘর থেকে বেরিয়ে আসতেই বাইরের ঘরে চেনা গলার স্বর শুনলুম। সেই সপ্রতিভ ভাবে জোরে-জোরে কথা, সেই উচ্চস্বরে প্রাণখোলা হাসি—এ হরেন-দাদার গলা! এ স্বর যে একবার শুনেছে সে আর-কখনো ভুলতে পারবে না।

এতদিন পরে হরেনদাদা আমাকে মনে করেছেন! আনন্দের আবেগে আবার আগেকার মতই ছুটে তাঁকে ডাকতে যাচ্ছিলুম—হঠাৎ নিজের অবস্থা মনে পড়াতে আপনাকে সামলে নিলুম।

তারপরেই শুনলুম, স্বামী ক্রুদ্ধস্বরে বলছেন, “আমার স্ত্রীর সঙ্গে আপনার দেখা হবে না।”

তার খানিক পরেই স্বামী ভিতরে এলেন। আমাকে সেখানে দাঁড়িয়ে থাকতে দেখে তিনি যেন কেমন হয়ে গেলেন। আমি হরেনদাদাকে ডেকে আনতে বললুম। তিনি রেগে উঠলেন। আমি আবার তাঁকে মিনতি করে হরেনদাদাকে আনতে বললুম। স্বামী অত্যন্ত চটে উঠে আমাকে ভিতরে নিয়ে যাবার জন্তে একটা ঠেলা দিলেন,— আমি পা-পিছলে পড়ে গেলুম।

পড়ে উঠতে-না-উঠতে দেখি, হরেনদাদা ঝড়ের মত ছুটে এসে স্বামীর উপরে ঝাঁপিয়ে পড়লেন—তাঁকে মাটি থেকে তুলে ছুঁড়ে ফেলে দিলেন। আমি বাধা দেবার অবসরটুকুও পেলুম না!

তারপর আমার কাছে এসে হরেনদাদা বললেন, “আমি বাইরের ঘর থেকে সব দেখতে পাচ্ছিলুম—রাঙ্কেল কিনা তোমার গায়ে হাড দেয়! সরমা, তোমার কি বড্ড লেগেছে?”

আমি উঠে দাঁড়িয়ে বললুম, “হরেনদাদা, তুমি এ কি করলে? ছিঃ!”

—“কেন, অণ্ডায়টা কি করেছি?”

—“অণ্ডায় কর-নি? আমাদের ভিতরে এসে এমন করে দাঁড়ানোটা তোমার ভাল হয়-নি!”

হরেনদাদা তখন বোধহয় বুঝতে পারলেন যে, তাঁর এই ব্যবহারের জন্তে আমাকেই পরে ভুগতে হবে। রাগে তিনি ফুলছিলেন, কিন্তু আমার কথায় তাঁর দেহ দেখতে দেখতে সঙ্কুচিত হয়ে পড়ল; মাথা হেঁট করে অনুতপ্ত স্বরে তিনি বললেন, “আমাকে মাফ কর সরমা, রাগের মুখে অতটা বুঝতে পারি-নি!”

আমি বললুম, “যাক্, যা হয়ে গেছে তার আর চারা নেই—তুমি এখন যাও—উনি অজ্ঞান হয়ে গেছেন।”

আমি স্বামীর কাছে গিয়ে তাঁর মাথায় ঠাণ্ডা জলের ঝাপটা দিতে লাগলুম।... ::

একটু পরে মুখ তুলে দেখি, হরেনদাদা তখনো দাঁড়িয়ে-দাঁড়িয়ে একদৃষ্টিতে আমার দিকে চেয়ে আছেন,—আর, আর, তাঁর চোখ দুটি অশ্রুজলে ছাপিয়ে উঠেছে!

প্রাণের আবেগ প্রাণেই চেপে বললুম, “যাও, যাও,—উনি যেন উঠে আর তোমাকে দেখতে না পান।”

হরেনদাদার মুখ দেখে বললুম, যেতে তাঁর কোনমতেই পা উঠছে না—তবু, জোর করে পা টেনে তিনি দরজার দিকে আস্তে আস্তে এগুতে লাগলেন। অশ্রুট কাতর স্বরে বললেন, “তুই ভাল থাক বোন, সুখে থাক—আর কিছু আমি চাইনা!”

একটা কথা মনে পড়ল। হরেনদাদার স্নেহ-ভালবাসায় আমারও চোখে জল আসছিল, কোনক্রমে অশ্রু সংবরণ করে তুড়াতাড়ি বললুম,—“হরেনদাদা, দাঁড়াও।”

—“কি সরমা?”

আমি বললুম, “দেখ, তুমি এখানে এসেছিলে, আর কারুকে বোলো না!”

* * * *

সেদিনকার সেই ব্যাপারের পর থেকে, আমার প্রতি স্বামীর ব্যবহার একেবারে বদল গেল। আমার টাকাগুলি যদি থেকে তাঁর হস্তগত হয়, সেইদিন থেকেই তিনি আর-একরকমের মানুষ হয়ে গিয়ে-

ছিলেন; আমার সঙ্গে কথাবার্তা আর বড় কইতেন না, সর্বদা মদ খেতেন, ইয়ার-বন্ধু নিয়ে অনেক রাত বাইরে-বাইরেই কাটাতেন। আমি তাঁর স্বভাব জানতুম—তাই এ-সবের জন্তে আগে-থাকতেই প্রস্তুত ছিলাম। কিন্তু সেদিনকার ঘটনার পর থেকে আমার উপরে তিনি রীতিমত 'অত্যাচার শুরু করলেন। আমার স্বভাব-চরিত্রের প্রতি লক্ষ্য করে', যখন-তখন এমন-সব কথা বলতে লাগলেন—যে-সব কথা পাগলের মুখে শুনেও ধৈর্য রাখা অসম্ভব হয়ে ওঠে। কিন্তু সব যন্ত্রণা সয়ে, মনের বিদ্রোহিতা প্রাণপণে দমন করে' আমি মৌন হয়ে থাকতুম—তা-ছাড়া আর আমার উপায় কি? আমার বাপ নেই, মা নেই, দাঁড়াবার ঠাই নেই,—পৃথিবীতে আমি কোথা যাব, কোথায়?

এমনি ভাবে আমার দিনের পর দিন কেটে যেতে লাগল। মন দিয়ে স্বামীর সেবা না করতে পারলেও, দেহ দিয়ে যতটা পারা যায়, আমি তার ক্রটি করতুম না;—কিন্তু আমার এ প্রাণপণ কর্তব্য-পালনও স্বামীকে কিছুমাত্র নরম করতে পারলে না।

কিছুদিন পরে হঠাৎ আর-এক 'অঘটন' ঘটল।

পাড়ায় পাড়ায় শব্দের ধ্বনি-প্রতিধ্বনি তুলে সেদিনকার সন্ধ্যা তখন অনেকক্ষণ অতীত হয়ে গিয়েছে। হাতে কোন কাজ ছিল না, ঘরের এককোণে বসে আপন-মনে নানান কথা ভাবছিলাম।

এমনসময়ে চারিদিকে সাড়া তুলে আমার স্বামী ঘরে এসে ঢুকলেন। তাঁর মুখ ও কাপড়-চোপড় দেখেই বুঝলাম, নেশার মাত্রাটা আজ অতিরিক্ত হয়ে উঠেছে।

স্বামী ঘরের মাঝখানে দাঁড়িয়ে টলতে টলতে স্তিমিত চোখে খানিকক্ষণ আমার দিকে চেয়ে রইলেন; তারপর হঠাৎ বিক্রী স্বরে একটা অট্টহাস্য করে' বললেন, "আজ এখানে কে এসেছিল জানিস?"

আমি জিজ্ঞাসুভাবে তাঁর দিকে তাকালুম।

—“হুঁ, এসেছিল বেটা বাঘের ঘরে! দূর করে' তাড়িয়ে দিয়েছি!”

আমি মৃদুস্বরে বললাম, “কার কথা বলছ?”

—“কার কথা, আবার! মোহন—মোহন—যে বেটা পরের বোঁকে বিয়ে করতে চায়!”

আমার বুকের মাঝখানে কে যেন একখানা জলন্ত কয়লা চেপে ধরলে। পাছে মুখের ভাব স্বামীর চোখে পড়ে সেই ভয়ে তখন আমি ঘাড় হেঁট করলাম।

স্বামী বললেন, “হুঁ, বুঝেছি। তুইই চিঠি লিখে সে বেটাকে আসতে বলেছিস্!”

এ মিথ্যে, মিথ্যে! ভগবান জানেন, মোহনবাবুকে ভোলবার জন্তে দিনরাত আমি কী চেষ্টা করছি!

স্বামী আবার কর্কশ কণ্ঠে বললেন, “আমার বাড়ীতে বসে এ-সব চলবে না!

এই-সেদিন চিঠি লিখে তুই একটা গুণ্ডাকে আনিয়েছিলি—আমার বাড়ীতে ঢুকে সে আমাকেই মেরে গেল—তারপর, আজ আবার এই ব্যাপার! বড় চালাকি পৈয়েছিস্, না?”

আমি ছ-হাতে মাটি আঁকড়ে চুপ হয়ে রইলুম।

—“কথা ক’! বল, এমন কাজ আর-কখনো করবি?”

আমি তখনো কথা কইলুম না।

স্বামী আমার দিকে আরো-এগিয়ে এসে বললেন, “জবাব দে বলছি—নৈলে এই বোতলের বাড়ি মাথা গুঁড়ো করে দেব!”

এতদিন খালি বাক্য-যন্ত্রণা সহ করছিলুম—আজ থেকে আবার প্রহারের ভয় দেখানো হচ্ছে! আর চুপ করে থাকতে পারলুম না—চকিতে দাঁড়িয়ে উঠে বললুম, “কী, তুমি আমাকে মারবে?”

মদের বোতলটা নিয়ে আক্ষালন করতে-করতে স্বামী চোঁচিয়ে বললেন;—“হ্যাঁ, মারব—মারব! বল, তুই চিঠি লিখেছিস্ কিনা?”

ঠোঁটে ঠোঁট চেপে ঘৃণাভরে বললুম, “না!”

“মিথ্যেকথা!”

—“মিথ্যেকথা বল তোমরা—যারা কাপুরুষ, যারা স্ত্রীর গায়ে অকারণে, হাত তুলতে লজ্জিত হয় না—যারা টাকার লোভে বিবাহের ছলে রমণীর সর্বনাশ করে—যারা রমণীকে কুকুর-বিড়াল বলে মনে করে!”—অনেকদিনের ঘৃণা আর

রাগ আজ আমার অজ্ঞাতসারে আমার মুখ দিয়ে বেরিয়ে গেল!

স্বামী আমার কথা শুনে প্রথমটা খতমত খেয়ে ছ-পা পিছিয়ে গেলেন; তারপরে “কী, মুখের ওপরে আমাকে অপমান!” বলে চীৎকার করে’ মদের বোতলটা উচিয়ে আমার উপরে লাফিয়ে পড়লেন! ছ-চারবার মারতেই, বোতলটা ভেঙ্গে গুঁড়ো হয়ে গেল—তিনি তখন লাথি মেরে গলা ধরে আমাকে ঘর থেকে বার করে’ দিলেন—আমিও সেইখানে আচ্ছন্নের মত বসে পড়লুম—মাথা ফেটে রক্তের ধারায় আমার দুই চোখ অন্ধ হয়ে গেল, —আমার চেতনাও ধীরেধীরে লুপ্ত হয়ে এল।

কতক্ষণ পরে জানিনা,—যখন জ্ঞান হোল, মনে হোল আমার গায়ে কে-যেন ছড় ছড় করে’ জল ঢেলে দিচ্ছে!

অত্যন্ত যন্ত্রণায় আন্তে আন্তে উঠে বসে দেখি—আকাশ মেঘে-মেঘে মেঘময়, ঘুটঘুটে অন্ধকারের ভিতরে থেকে-থেকে বিহ্যতের চকমকি ও বাজের ছড়োছড়িতে চোক-কান যেন স্তম্ভিত হয়ে যাচ্ছে আর সেই সঙ্গে ঝুপঝুপ করে’ অবিশ্রাম বৃষ্টি-ধারা এসে আমার আহত দেহের উপরে গড়িয়ে পড়ছে,—যেন জাগ্রৎ দেবতার ককণাভরা স্নিগ্ধ আশীর্বাদের মত!

আমার গায়ে বোধহয় বোতলভাঙ্গা কাঁচ বিঁধে ছিল—কারণ, যেমন উঠে দাঁড়াতে গেলুম সর্ব্বাঙ্গে এমনি যাতনা হোল যে, আর্ন্তনাদ না-করে’ থাকতে পারলুম না—

সঙ্গেসঙ্গে ঘরের ভিতর থেকে আমার ইহ-পরকালের সর্বস্ব, আমার নারী-জীবনের একমাত্র আশ্রয়, আমার পূজনীয় স্বামী-দেবতা বিকৃত জড়িত স্বরে চীৎকার করে' উঠলেন, "তুই এখনো যাস-নি! বেরো—বেরো, দূর হ'!"

ওগো আমার পাষণাধিক পাষণ দেবতা, তোমার আদেশ আমি মাথা পেতে গ্রহণ করলুম!

... .. বাইরে তখন বোড়ো হাওয়া বিশ্বভেদী হাহাকার করছিল; সেই দিশেহারা বাধাহারা ঝড়ের রুদ্ধতালে আমারও পাগল হৃদয় আজ যেন ছলে ছলে ফুলে ফুলে উঠতে লাগল!

ক্রমশ

শ্রীহেমেন্দ্রকুমার রায়!

উচ্চশ্রেণী ভারতবাসীর সহিত ইংরেজের সম্বন্ধ

এক্ষণে, উচ্চশ্রেণী ভারতবাসীদের সহিত ইংরেজদের কিরূপ সম্বন্ধ তাহার আলোচনার প্রবৃত্তি হইবে।

* * *

ব্রাহ্মণ। অবশ্য, শ্লেচ্ছদিগের প্রতি ব্রাহ্মণদিগের, বিশেষত উচ্চবর্ণ্য ব্রাহ্মণদিগের প্রগাঢ় অবজ্ঞা; তাহারা কাছে আসিলে ব্রাহ্মণেরা আপনাদিগকে কলুষিত মনে করে। কিন্তু এই বৈদেশিকদের আধিপত্য হইতেই তাহাদের প্রভুত্ব প্রতিষ্ঠিত হইয়াছে। রাজাদের দরবারে তাহাদের প্রভাব মাঝামাঝি রকমের। এখন তাহাদের ষেরূপ স্বাধীনতা এরূপ স্বাধীনতা তাহারা কল্পিনকালেও ভোগ করে নাই। কি মোহান্তের মনোনয়নে, কি মঠ-মন্দিরাদিসংশ্লিষ্ট সম্পত্তির কার্যপরিচালনে এখন আর সরকার হস্তক্ষেপ

করেন না। এই প্রভূত ধন-সম্পত্তি, মন্দিরাদির সমৃদ্ধ রত্নভাণ্ডার, ট্রুষ্টিদের হাতে হস্ত থাকে। ট্রুষ্টিরা অকৃতভাবে উচ্চবর্ণ ব্রাহ্মণদিগের কথা শুনিয়াই চলে। অষ্ট শতাব্দীর মধ্যে, যুরোপীয় মতামতের বহুল প্রচার হইয়া, অনেকগুলি হিন্দুকে হয়তো স্বধর্ম হইতে দূরে লইয়া যাইবে, ভক্তদিগের ভক্তি ও দানশীলতা কমাইয়া দিবে। কিন্তু আজিকার দিনে, নব-হিন্দুদিগের দল-সংখ্যা খুবই কম। উহাদের মধ্যে অধিকাংশ—না বনিয়াদী উচ্চবংশীয়, না ধন-শালী। অনেকেরই ব্রাহ্মণদিগকে মুক্তহস্তে ভিক্ষা দান করিয়া শাস্ত্রীয় নিয়ম-লঙ্ঘনের অপরাধ হইতে অব্যাহতি পায়। অতএব, বর্তমান শাসন-পদ্ধতিতে ব্রাহ্মণদিগের আক্ষেপ করিবার কোন কারণ নাই।

উচ্চবর্ণ্য ব্রাহ্মণ ও ইংরেজ—ইহাদের মধ্যে কোনপ্রকার সামাজিক সম্বন্ধ নাই।

ইংরেজরা যেমন এই সকল ধর্ম্মাঙ্কদিগের নিকট হইতে দূরে থাকে, ব্রাহ্মণেরাও তেমনি স্পেচ্ছস্পৃষ্ট কাপড় দূরে নিক্ষেপ করে; ইংরেজরা ঘরের চৌকাঠ মাড়াইলেই গোবর-জলের ছিটা দিয়া উহারা গৃহশুদ্ধি করে।

* *

*

ব্রাহ্মণদিগের বিপরীতে, রাজপুত, মারাঠা, হিন্দুস্থানী, পারস্যীক, তুর্ক, কি মোগল-বংশীয়—হিন্দু ও মুসলমান রাজারা, আমীর-ওমরাওরা, সম্রাটকে স্বকীয় অধিপতিরূপে সম্মান করে; উহারা ইংরেজ-দিগকে সাদরে অভ্যর্থনা করে এবং ইংরেজপ্রদত্ত সম্মানলাভে তৃপ্তি লাভ করে। ইংরেজরা ব্রাহ্মণকে হুচক্ষে দেখিতে পারে না, বেনিয়া ও ইংরেজ-ধরণে শিক্ষিত সরকারী কর্মচারীকে অবজ্ঞা করে; কিন্তু আশৈশব nobilityকে মাণ্ড করিতে অভ্যস্ত থাকায়, ভারতীয় আমীর-ওমরাও-দিগের সহিত উহারা সাধারণ লোকের মত ব্যবহার করে না। গর্বিত পাঠান বা রাজপুত অশ্বারোহী তাহাদের জাঁকালো পরিচ্ছদ, তাহাদের সুন্দর অস্ত্রশস্ত্র, তাহাদের প্রাচ্য অনুচরবৃন্দ—এই সমস্ত ইংরেজের মনে রোম্যান্টিক স্মৃতি জাগাইয়া তুলে। কোন বিশেষ উৎসব-দিনে Westminster প্রাসাদে ইংলণ্ডাধিপতি যে সকল অনুচর-

বর্গে পরিবৃত থাকেন, তন্মধ্যে হিন্দুরাজা-দিগকে দেখিয়া তিনি প্রীত হন; ভারত-বর্ষে “সহস্র-এক-রজনী”সদৃশ রাজদরবারের আড়ম্বরে ভাইস্-রয়ও পরমতৃপ্তিলাভ করেন। ইংরেজ-দোকানদার—যে কখন “লর্ডের” সম্মুখীন হয় নাই,—সে গর্বিতভাবে ভারতীয় রাজার সহিত “সমানে-সমান-” ভাবে ব্যবহার করিয়া থাকে।

তাছাড়া, কোম্পানীর ঐতিহ্য-ধারা, সিপাহি-বিদ্রোহের স্মৃতি, রুসিয়ার দৃষ্টান্ত—এই সমস্ত ইংরেজের মনে এই প্রতীতি জন্মাইয়া দিয়াছে যে, রাজা ও আমীর-ওমরাওদিগের সহিত নৃপতির অনুরূপ ব্যবহার করা আবশ্যিক। কোন রাজা কোন নগরে আসিয়া উপস্থিত হইলে, নিশান উঠানো হয়, তোপ-ধ্বনি করা হয়; অল্প-কিছু সরকারের হিতসাধন করিলেই উপাধি ও অলঙ্কারে তাহাকে বিভূষিত করা হয়। (১)

ভাইস্-রয়ের দরবারে এই নীতি-কৌশলটি যেরূপ বৃদ্ধিতে পারা যায় এমন আর কিছুতে নয়। বহুমূল্য জাঁকালো তাঁবুর ছাউনী, ইংরেজ ও ভারতীয় ফৌজ, দেশীয় রাজাদিগের অশ্বসৈনিকদল, মুখে ‘লড়াকা’ ভাব স্ফুর্তি পাইতেছে এইরূপ রাজপুত, আদব-কায়দা-হরস্ত মুসলমান, রত্নালঙ্কার-সমাচ্ছন্ন রাজবৃন্দ। হাতী, উট, আরবী ঘোড়া, রজ্জু-বন্ধ চিতা। সৈনিক, অশ্বারোহী

(১) India List এ (P.171.) তোপ-সেলামীর তালিকা প্রদত্ত হইয়াছে। সম্রাটের ১০১ তোপ; ভাইস্-রয়ের ৩১; নিজাম, বরোদা ও মহিশূরের ২১; ভূপাল, গোয়ালিয়ার, ইন্দোর, কাশ্মীর, কলট, কোঙ্কানপুর, উদয়পুর, ত্রিবাঙ্কুর, ১৯; অধিকাংশ রাজাদিগের ১১ কিংবা ৯এর বেশী নয়।

অমুচর, বাজপক্ষীরক্ষক, ভৃত্যাদি। বাঁকা-
সিংওয়ালী সাদা গরুযোজিত শকটের
সারি। জনতা :—সাদা কাপড়-পরা
পুরুষ; বক্ৰকে রঙের পরিচ্ছদ-পরা
রমণী; রমণীদের কণ্ঠ, পদ, বাহু অলঙ্কারে
সমাচ্ছন্ন; নগ্ন বা নগ্নপ্রায় শিশুবন্দ;—
এই সমস্ত, সোনালী ধূলারাশির মধ্যে
অগ্নিময় সূর্য্যের কিরণে দীপ্যমান; পশুদের
চীৎকার, মানুষের কোলাহল, জ্বীলোকদের
উচ্চৈশ্বরে কথোপকথন, অস্ত্র-শস্ত্রের ঝঙ্কনা,
কামানের আওয়াজ। (২)

মোগল সম্রাটদিগের ঐতিহ্য-ধারা
ইংরেজরা বজায় রাখিয়াছেন। "প্রাচ্যখণ্ডের
জাঁক-জমক ইংরেজদিগকে বিমুগ্ধ করিয়াছে।
অবশ্য এটা একটু বেশীমাত্রা; কেননা,
আমীর-ওমরাওরা—মধ্য-এসিয়ার রীতিনীতির
প্রভাবের প্রতিনিধিস্বরূপ, সামন্ততন্ত্র ও
বহুপুরাকালের যুদ্ধ-যুগের নিদর্শনস্বরূপ;
সমস্তই অতীতকালের, বর্তমান কালে,
উহারা তেমন কিছুই নহে, এবং ভবিষ্যতে
উহারা একেবারেই নগণ্য হইবে।

শ্রীজ্যোতিরিন্দ্রনাথ ঠাকুর।

দিনগণনার আদিতত্ত্ব

সূর্য্যোদয় হইতেই দিন আরম্ভ হয় ও
রাত্রিশেষে দিনের অবসান হয় এই ধারণাটী
আমাদের এমনই সহজ সংস্কারে পরিণত
হইয়া গিয়াছে যে দিনের গণনা অত্র কোন-
রূপ হইতে পারে তাহা শুনিলে সহজে
আমাদের বিশ্বাস হওয়ার কথা নহে।
কিন্তু পুরাতত্ত্বের আলোচনা করিলে
বর্তমান গণনার পরিবর্তে প্রথমে অত্ররূপ
গণনা থাকারই প্রমাণ দেখিতে পাওয়া
যায়।

সেমিটিক জাতির মধ্যে সূর্য্যোদয় হইতে
না হইয়া সূর্যাস্ত হইতেই দিন-গণনার
রীতি প্রচলিত দেখা যায়। ব্যাবিলনীয়

দিগের এ সম্বন্ধে যুক্তি এই যে অপেক্ষাকৃত
অল্পপূর্ণতায়ুক্ত বস্তু হইতেই অধিক পূর্ণতা-
যুক্ত বস্তুর বিকাশ হয়। এই নিয়মে চন্দ্র
হইতেই সূর্য্যের বিকাশ হয়। সন্ধ্যার সময়
চন্দ্রের উদয় হয়। এই প্রকারে সন্ধ্যা
চন্দ্রেরও পূর্ববর্তী হইয়া দিনের আদি
হইয়াছে। সন্ধ্যার পর রাত্রি ও তৎপর
দিবা হয়, তাহাতে দিবা রাত্রিরই সম্তান
হইয়া পড়ে। সুতরাং সন্ধ্যাই দিবসের
আদি মাতা হয়। নিম্নোক্ত মন্তব্য হইতে
আমাদের বক্তব্য বিশেষরূপে পরিষ্কৃত
হইবে;—

"It is worthy of note that, in con-

(২) ১৯০২-০৩এর দরবারে, শোভাযাত্রার সারি এইরূপ গঠিত হয় :—অশ্বারোহী সৈন্ত, অশ্ব-
যোজিত তোপের গাড়ী, সোনালী পাড়-দেওয়া লাল কাপড়-পরা ১২জন তুরীবাদক, নকিবের দল,
গোলাপী ও সোণালী রংএর উদ্দিপরা দেহ-রক্ষিবন্দ, নীল ও সোনালী পাড়-দেওয়া সাদা লম্বা-কোর্তী-
পরা cadet সৈন্ত। জরির কাজ-করা একাও রেশমী কাপড়ে আচ্ছাদিত হাতীর উপর ভাইস-রয়
Duke of Connaught উপবিষ্ট। ১৫০ হাতী, অশ্বারোহী সৈন্ত।

sequence of the Babylonian idea of evolution in the creation of the world, less perfect beings brought forth those which were more perfect, and the sun was therefore the offspring of Nannara or Sin, the moon. In accordance with the same idea, the day, with the Semites, began with the evening, the time when the moon became visible, and thus becomes the offspring of the night." The Religion of Babylonia and Assyria (Religions Ancient and Modern Series). by Theophilus G. Pinches p 66.

উল্লিখিত যুক্তির কোন সারবত্তা থাকুক আর নাই থাকুক চন্দ্র ও রাত্রির সহিত যে আদিতে কালবিভাগের যোগ ছিল তাহা অস্বীকার করা যায় না। চন্দ্রের এক নাম 'মাস'—এই নামানুসারেই ত্রিশদিনাঅকালের নাম "মাস" হইয়াছে। ইংরেজী মাস-বাচক month শব্দ ও চন্দ্রবাচক moon শব্দ-জাত বলিয়াই আভিধানিকেরা নির্দেশ করিয়া থাকেন। চন্দ্রের দুই পক্ষের দ্বারাই মাসাঙ্কিকাল 'পক্ষ' বলিয়া অভিহিত হয়। ইংরেজী পক্ষবাচক "Fortnight" শব্দের সহিত রাত্রির স্পষ্ট যোগই বিদ্যমান রহিয়াছে। "Fortnight" শব্দ চতুর্দশ রাত্রি অর্থ প্রকাশ করে। পক্ষাঙ্কবাচক কালের ইংরেজীতে যে 'sevensnight' শব্দ পাওয়া যায়, তাহাতেও আমরা রাত্রিরই সম্বন্ধ দেখিতে পাই। কেবল তাহাই নহে, তিথিরূপ কালবিভাগের সহিতও চন্দ্র-

গতিরই সম্বন্ধ। প্রতি তিথির স্থিতিকাল ষাইট দণ্ড। এই ষাইট দণ্ড প্রত্যেক দিনেরও মান। এই তিথিকে চান্দ্রদিন বলিয়া অভিহিত করা ষাইতে পারে *। জ্যোতিষের সাবন গণনা এই তিথিমান অনুসারেই হয়। এই সাবন গণনায় ত্রিশ দিনে মাস এবং ৩৬০ দিনে বৎসর গণনা হইয়া থাকে। "মাসমান" শব্দে বৎসর বুঝায়। ইহাও চন্দ্রের দ্বারা বৎসর গণিত হওয়ার অত্যন্ত প্রমাণ। চন্দ্র দুই পক্ষের পনর তিথি করিয়া ত্রিশ তিথিতে একবার পৃথিবী পরিভ্রমণ করে। তাহাতেই প্রত্যেক তিথি এক এক দিনের সমান বলিয়া ত্রিশ দিনে এক সাবন মাস হয়।

"সাবন" শব্দ 'সবন' শব্দ হইতে নিস্পন্ন। 'সবন' শব্দের অর্থ 'যজ্ঞ'। যজ্ঞের জন্ত প্রয়োজন হইত বলিয়াই তিথির গণনা 'সাবন' নামে অভিহিত হইয়াছে †। বস্তুতঃ কেবল যজ্ঞে নহে, সমস্ত বৈদিক ক্রিয়াকাণ্ডেই আমরা কেবল তিথিরই উল্লেখ দেখিতে পাই। চন্দ্র এই প্রকারে একদিকে তিথির নিয়ামক হইয়া যেমন "তিথিপ্রণী" নাম প্রাপ্ত হইয়াছে, তেমনই অপরদিকে ক্রিয়াকাণ্ডের নিয়ামক হইয়া "দ্বিজরাজ" নাম প্রাপ্ত হইয়াছে।

সেমিটিক জাতির মধ্যে সূর্যাস্ত হইতে দিন গণনার রীতি সম্বন্ধে আমরা পূর্বে যে উল্লেখ পাইয়াছি বাইবেলেই আমরা তাহার মূল দেখিতে পাই। বাইবেলের সৃষ্টি অধ্যায়ে প্রথম সৃষ্টি-বর্ণনায়ই সাং-

* "তিথিনৈকেন দিবসশ্চাল্লমানে প্রকীর্ষিতঃ"।

† বিবাহাদৌ স্ন তঃ সৌরো যজ্ঞাদৌ সাবনোমতঃ" ॥

কালই যে দিনের আদি তাহার স্পষ্ট আভাস আমরা প্রাপ্ত হই। যথা—

“And God called the light Day, and the Darkness he called Night. And the evening and the morning were the first day.” Genesis. Chap. I. 5.

“পরমেশ্বর আলোককে ‘দিবা’ বলিলেন ও অন্ধকারকে ‘রাত্রি’ বলিলেন, এবং সায়ং ও প্রাতঃ লইয়া প্রথম দিবস হইল।”

কেবল সৃষ্টির প্রথম দিনই যে সায়ং ও প্রাতঃ হইয়া হইল বলিয়া বর্ণিত হইয়াছে তাহা নহে, পরবর্তী দিন সকলও সায়ং ও প্রাতঃ লইয়া হওয়ারই প্রমাণ পাওয়া যায়।

সায়ংকাল দিনের আদি বলিয়া উল্লিখিত হওয়ার কারণ বাইবেলের সৃষ্টি বর্ণনার প্রারম্ভেই পাওয়া যায়। সৃষ্টির প্রারম্ভে সমস্তই অন্ধকারময় ছিল বলিয়া বর্ণিত হইয়াছে। সুতরাং প্রথম দিন আরম্ভ হওয়ার পূর্বে যে রাত্রিই বিদ্যমান ছিল তাহাই আমরা বুঝিতে পারিতেছি। অভিধানে ‘eve’ ও ‘evening’ শব্দের ‘পূর্বরাত্রি’ ও ‘পূর্ববর্তী কাল’ এই উভয়ার্থই স্বীকৃত দেখিতে পাওয়া যায়। সুতরাং বাইবেলের evening শব্দ বিশেষভাবে রাত্রির বাচক বলিয়াই আমরা গ্রহণ করিতে পারি এবং সায়ং বা রাত্রিই যে দিনের পূর্বাংশ তাহাও আমরা উপলব্ধি করিতে পারি।

আমাদের বেদেও সৃষ্টির প্রথমে সমস্ত তমোবাপ্ত থাকারই বর্ণনা পাওয়া যায়। ইহাতেও রাত্রিই যে দিনের আদি তাহা সপ্রমাণ হয়। বেদে ‘নক্সাষিস্’ যে একত্র

স্তুত হইয়াছে তাহা এক পূর্ণ দিনের বোধক বলিয়াই আমাদের মনে হয়। কারণ বেদের ‘নক্সাষিস্’ বাইবেলের ‘evening and morning’এর সম্পূর্ণ অনুরূপ বলিয়াই প্রতীয়মান হয়। সংস্কৃত ‘নক্সাদিবং’ শব্দে রাত্রি ও দিবাযোগে একদিন হওয়ার কথা যেন বিশেষরূপেই পরিস্ফুট! ‘নক্সং’ ও দিবা শব্দদ্বয়ের যোগে সমাহার দ্বন্দ্ব হইয়া ‘নক্সাদিবম্’ এই একচনাস্ত পদ সিদ্ধ হওয়ার উভয়ের যোগে একটী পূর্ণদিন গঠিত হওয়ার প্রমাণই পাওয়া যাইতেছে। এখানেও আমরা রাত্রিকেই পূর্বে পাইতেছি।

জ্যোতিষশাস্ত্রে উষাষাত্রার যে বিধান পাওয়া যায়—তাহাতে পূর্বদিনের উষা পরদিনেই ধরিতে হয়। যথা—

“মঙ্গলের উষা বুধে পায়
যথা ইচ্ছা তথা যায়।”

ইহা হইতেও উষা যে দিবসের আদি-ভাগ না হইয়া শেষ ভাগ তাহার প্রমাণ পাওয়া যাইতে পারে। আমাদের ধর্মশাস্ত্রে মধ্যরাত্রির পর হইতে আরম্ভ করিয়া পরদিনের মধ্যরাত্রি পর্য্যন্ত দিন গণনার বিধান দৃষ্ট হয়। ইহাতেও রাত্রিতেই দিনের আরম্ভ হইয়া পড়ে। ঘটিকানুসারে ইংরেজী দিন গণনায়ও আমরা পূর্বোক্ত শাস্ত্রগণনার সম্পূর্ণ সাদৃশ্যই দেখিতে পাই।

আমাদের প্রাগুক্ত পর্য্যালোচনা হইতে রাত্রি হইতেই যে দিন গণনা প্রথম আরম্ভ হয় তাহা প্রতিপাদিত হইল। এক্ষণে দিবা হইতেও দিন গণনা সম্বন্ধে কি প্রমাণ পাওয়া যাইতে পারে তাহাই আমরা আলোচনা করিয়া দেখিব।

রাত্রির বিশ্রাম ও জড়তার পর উষাতেই আমরা নবজীবনের সজীবতা অনুভব করি ও নূতন কর্মে প্রবৃত্ত হই। সূতরাং উষা যে নূতন কালের প্রবর্তিকারূপে বিবেচিত হইবে—তাহা সম্পূর্ণই স্বাভাবিক। উষা সূর্য্যের অগ্রগামিনী। সূর্য্য দিবাকে উৎপন্ন করেন, তাহাতে তিনি “দিবাকর”। উষাতে এই দিবালোকের প্রথম স্ফুরণ হয় বলিয়া উষা দিবসের মুখস্বরূপ বলিয়া কল্পিত হইয়াছে। অমরকোষে তাহাতেই উষার ‘অহমুখ’ নাম প্রাপ্ত হওয়া যায়। যথা—
“প্রত্যাষোহহমুখং কল্যামুঘঃ প্রত্যাষসী অপি।”

বৈদিক সময়ের আদিতে আর্ষাগণ সূমেরু ও উত্তর-কুরুতে যখন বাস করিতেন তখন উষা দীর্ঘব্যাপিনী হওয়ায় উষার প্রভাবই তাঁহারা অধিক অনুভব করিতেন—তাহাতেই বেদে উষার যেরূপ বর্ণনা ও স্তুতি পাওয়া যায়, সূর্য্যসম্বন্ধে তদপেক্ষা অনেক কম পাওয়া যায়। ইহাতে অনুমান হয় যে, আর্ষাগণ ক্রমে পূর্ব-দক্ষিণ দিকে অগ্রসর হইলেই সূর্য্যের অধিক প্রভাব প্রাপ্ত হইয়া তাঁহারা সূর্য্যকেই প্রাধান্য প্রদান করিয়া দিনের কর্তা বলিয়া নির্দেশ করিতে লাগিলেন এবং এই প্রকারেই সূর্য্য ‘দিনকর’ নামে পরিচিত হইলেন। কিন্তু এইরূপে সূর্য্যকে “দিনকর” আখ্যা প্রদান করিলেও রাত্রিই যে দিনের আদি এই তত্ত্বটি আর্ষাগণ তখনও বিস্মৃত হইতে পারিলেন না। তাহাতেই বেদে সূর্য্য রাত্রির সহিত দিবাকে প্রবর্তিত করেন বলিয়া স্পষ্ট উল্লেখই প্রাপ্ত হওয়া যায়, যথা—

“বিজ্ঞামেষি রজস্পৃথুহা মিমানো অক্ষুভিঃ।
পশুনরঞ্জমানি সূর্য্য।”

ঋগ্বেদমণ্ডল, ৫০ সূক্ত।

“(সেই আলোক দ্বারা) রাত্রির সহিত দিবসকে উৎপাদন করিয়া এবং প্রাণীদিগকে অবলোকন করিয়া, তুমি বিস্তীর্ণ দিব্যালোক ভ্রমণ কর।”—রমেশবাবুর অনুবাদ।

এই প্রকারে সূর্য্যপ্রাধান্যের সহিত কালমান প্রবর্তিত হইয়াই সূর্য্যোদয়ের সহিত দিনগণনা আরম্ভ হইয়াছে। কিন্তু এই সৌরমানেও বেদের উষাকেই দিনমুখরূপে পরিগণিত দেখা যায়। তবে প্রভেদ এই যে, যেস্থলে চান্দ্রমানে উষা দিনশেষরূপে পরিগণিতা তৎস্থলে সৌরমানে উষা দিনাদিরূপে পরিগণিতা। এই উষা বিপরিণামের প্রকৃত রহস্য উষা শব্দের অভিধানেই যেন নিহিত রহিয়াছে। উষার একটা পর্য্যায় শব্দ আমরা অভিধানে “কল্য” পাইয়াছি। এই কল্য শব্দটির ‘গতদিন’ ও ‘আগামী দিন’ এই দুইটি অর্থও স্বীকৃত দেখা যায়। এই অর্থদ্বয়ের দ্বারা দিন সম্বন্ধে উষার আদি ও অন্তরূপে গণনার সুন্দর ব্যাখ্যাই পাওয়া যাইতে পারে। উষাবাচক ‘কল্য’ শব্দের ‘গতদিন’ অর্থ ধরিলে ‘উষা’ দিনান্তরূপে পরিগণিত হয় আর ‘আগামী দিন’ অর্থ ধরিলে ‘উষা’ দিনাদিরূপে পরিগণিত হয়, আশ্চর্য্যের বিষয় এই যে উল্লিখিত দুই অর্থে ‘কল্য’ শব্দটি কোন অভিধানেই সংস্কৃত শব্দমধ্যে পরিগণিত দেখা যায় না। এক প্রকৃতিবাদ অভিধানেই সংস্কৃত শব্দরূপে ইহার পূর্বোক্ত দুই অর্থ প্রদত্ত হইয়াছে। আমাদের কথিত

ভাষায় ইহার 'কাল' বা 'কালি' এই প্রকার রূপই দেখা যায়। বাঙ্গালা রচনায় ইহা 'পূর্বোক্ত' দুই অর্থেই সংস্কৃত বিশেষণ যোগে সাধু শব্দরূপেই ব্যবহৃত হইয়া থাকে। যথা—'গতকাল্য' 'আগামী কাল্য'। ইহা হইতে মূলে যে ইহা সংস্কৃত শব্দ, তাহাই নিঃসন্দেহরূপে প্রতীয়মান হয়। উষার দিনারস্তরূপে পরিণত হওয়ার যে ব্যাখ্যা আমরা উপরে প্রদান করিয়াছি, ইংরেজী ভাষায় আমরা তাহার অতি চমৎকার সমর্থনই প্রাপ্ত হইতে পারি। উধাবাচক ইংরেজী যে 'morning' শব্দ

আমরা বাইবেলের সৃষ্টিবর্ণনায় প্রাপ্ত হইয়াছি সেই 'morning' শব্দের সহিত ইংরেজীও আগামী দিনের বাচক 'morrow' শব্দকে আমরা একই প্রকৃতিমূলক দেখিতে পাই ‡। ইহা হইতে পূর্ব গর্ননায় যাহা উষান্তরূপে আগামী দিন ছিল— তাহাই যে উষাদিরূপে বর্তমান দিনে পরিণত হইয়াছে—ইহাই বুঝিতে পারা যায়। এই প্রকারে উষাযোগে দিন আরম্ভ হওয়াতেই উষার একনাম ইংরেজীতে দিবারই এক প্রাকৃতিক 'dawn' হইয়াছে।

শ্রীশীতলচন্দ্র চক্রবর্তী।

নিবেদন

বাইশ বৎসর পূর্বে যে স্মরণীয় ঘটনা হইয়াছিল তাহাতে সেদিন দেবতার করুণা জীবনে বিশেষরূপে অনুভব করিয়াছিলাম। সেদিন যে মানস করিয়াছিলাম, এতদিন পরে তাহাই দেবচরণে নিবেদন করিতেছি। আজ যাহা প্রতিষ্ঠা করিলাম, তাহা মন্দির, কেবলমাত্র পরীক্ষাগার নহে। ইন্দ্রিয়গ্রাহ্য সত্য, পরীক্ষা দ্বারা নির্ধারিত হয়, কিন্তু ইন্দ্রিয়েরও অতীত দুই-একটি মহাসত্য আছে, তাহা লাভ করিতে হইলে কেবলমাত্র বিশ্বাস আশ্রয় করিতে হয়।


বৈজ্ঞানিক সত্য পরীক্ষা দ্বারা প্রতিপন্ন

হয়। তাহার ভ্রমও অনেক সাধনার আবশ্যিক। যাহা কল্পনার রাজ্যে ছিল, তাহা ইন্দ্রিয়গোচর করিতে হয়। এই আলোটা চক্ষুর অদৃশ্য ছিল, তাহাকে চক্ষুগ্রাহ্য করিতে হইবে। শরীর-নির্মিত ইন্দ্রিয় যখন পরাস্ত হয়, তখন ধাতুনির্মিত অতীন্দ্রিয়ের শরণাপন্ন হই। যে জগৎ কিয়ৎক্ষণ পূর্বে অশব্দ ও অন্ধকারময় ছিল এখন তাহার গভীর নির্যোষে ও দুঃসহ আলোকরাশিতে একেবারে অভিভূত হইয়া পড়ি।

এই-সকল একেবারে ইন্দ্রিয়গ্রাহ্য না

হইলেও মনুষ্যনির্মিত কৃত্রিম ইন্দ্রিয়দ্বারা

‡ উধাবাচক morn শব্দ যে আগামী-কাল্যবাচক To-morrow অর্থে ব্যবহৃত হয়, অভিধানে তাহারও উল্লেখ পাওয়া যায়। আমরা এস্থলে Chambers's Twentieth Century Dictionaryতে এ-সম্বন্ধে যাহা লিখিত হইয়াছে তাহা উদ্ধৃত করিতেছি: "The morn (Scot.) to-morrow, The morn's morning, tomorrow morning."



বসু-বিজ্ঞান-মন্দির

উপলব্ধি করা যাইতে পারে। কিন্তু আরো অনেক ঘটনা আছে, যাহা ইন্দ্রিয়েরও অগোচর। তাহা কেবল বিশ্বাসবলেই লাভ করা যায়। বিশ্বাসের সত্যতা সম্বন্ধেও পরীক্ষা আছে, তাহা দুই-একটি ঘটনার দ্বারা হয় না, তাহার প্রকৃত পরীক্ষা করিতে সমগ্র জীবনব্যাপী সাধনা আবশ্যিক। সেই

সত্যপ্রতিষ্ঠার জগুই মন্দির উখিত হইয়া থাকে।

কি সেই মহা সত্য, যাহার জগু এই মন্দির প্রতিষ্ঠিত হইল? তাহা এই, যে, মানুষ, যখন তাহার জীবন ও সমস্ত আরাধনা কোন উদ্দেশ্যে নিবেদন করে, সেই উদ্দেশ্য কখনও বিফল হয় না; যাহা অসম্ভব ছিল,

তাহা সম্ভব হইয়া থাকে। সাধারণের
সাধুবাদ শ্রবণ আজ আমার উদ্দেশ্য নহে,
কিন্তু যাহারা কর্তব্যসাগরে ঝাঁপ দিয়াছেন
এবং প্রতিকূল তরঙ্গাঘাতে মৃতকল্প হইয়া
অদৃষ্টেব নিকট পরাজয় স্বীকার করিতে উন্মুখ
হইয়াছেন আমার কথা বিশেষভাবে কেবল
তাঁহাদের জন্য।

পরীক্ষা

যে পরীক্ষার কথা বলিব, তাহা শেষ
করিতে দুইটি জীবন লাগিয়াছে। যেমন
একটি ক্ষুদ্র লতিকার পরীক্ষায় সমস্ত উদ্ভিদ-
জীবনের প্রকৃত সত্য আবিষ্কৃত হয়, সেইরূপ
একটি মনুষ্যজীবনের বিশ্বাসের ফল দ্বারা



বস্তু: মন্দিরের পশ্চাতের বাগানের মধ্যে বট অশথ গা
বলয়িত মঞ্চ
ত্রীযুক্ত মুকুলচন্দ্র দে কর্তৃক অঙ্কিত এ হইতে

বিশ্বাসরাজ্যের সত্য প্রতিষ্ঠিত হয়। এই
জগতই স্বীয় জীবনে পরীক্ষিত সত্যসম্বন্ধে যে
দুই-একটি কথা বলিব, তাহা, ব্যক্তিগত কথা
ভুলিয়া সাধারণভাবে গ্রহণ করিবেন।
পরীক্ষার আরম্ভ, পিতৃদেব স্বর্গীয় ভগবানচন্দ্র

বসুকে লইয়া, তাহা অষ্টশতাব্দীর পূর্বের
শতাব্দীর পূর্বের কথা। তাঁহারই নিকট
আমার শিক্ষা ও দীক্ষা। তিনিই শিখাইয়া
ছিলেন, অতের উপর প্রভুত্ব বিস্তার অপেক্ষা
নিজের জীবন শাসন বহুগুণে শ্রেয়স্কর।



বসু-বিজ্ঞান-মন্দিরের পশ্চাতের বাগান।

বাগানের মধ্যে যে দুটি বড় গাছ একটি মঞ্চ অবলম্বন করিয়া আছে দেখা যাইতেছে তাহা অতীত হইতে
ঐশ্বৰ্য-প্রয়োগে অজ্ঞান করিয়া ভুলিয়া আনিয়া ঐস্থানে লাগানো হয়।

তিনি জনহিতকর নানাকার্যে নিজের জীবন উৎসর্গ করিয়াছিলেন। শিক্ষা, শিল্প ও বাণিজ্যের উন্নতিকল্পে তিনি তাঁহার সকল চেষ্টা ও সর্বস্ব নিয়োজিত করিয়াছিলেন; কিন্তু তাঁহার সে-সকল চেষ্টাই ব্যর্থ হইয়াছিল। সুখসম্পদের কোমল শয্যা হইতে তাঁহাকে দারিদ্র্যের লাঞ্ছনা ভোগ করিতে হইয়াছিল। সকলেই বলিত, তিনি তাঁহার জীবন ব্যর্থ করিয়াছেন। এই ঘটনা হইতেই সফলতা কত ক্ষুদ্র এবং কোন কোন বিফলতা কত বৃহৎ, তাহা শিথিতে পারিয়াছিলাম। পরীক্ষার প্রথম অধ্যায় এই সময় লিখিত হইয়াছিল।

তাহার পর বত্রিশ বৎসর হইল, শিক্ষকতা কার্য গ্রহণ করিয়াছি। বিজ্ঞানের ইতিহাস ব্যাখ্যায় আমাকে বহুদেশবাসী মনস্বিগণের নাম স্মরণ করাইতে হইত। কিন্তু তাহার মধ্যে ভারতের স্থান কোথায়? শিক্ষাকার্যে অত্বে যাহা বলিয়াছে, সেই-সকল কথাই শিখাইতে হইত। ভারতবাসীরা যে কেবলই ভাবপ্রবণ ও স্বপ্নাবিষ্ট, অনুসন্ধানকার্য কোনদিনই তাহাদের নহে, এই এক কথাই চিরদিন শুনিয়া আসিতাম। বিলাতের ঞ্চায় এদেশে পরীক্ষাগার নাই সুক্স যন্ত্র নিৰ্ম্মাণও এদেশে কোনদিনও হইতে পারে না, তাহাও কতবার শুনিয়াছি। তখন মনে হইল, যে-ব্যক্তি পৌরুষ হারাইয়াছে, কেবল সে-ই বৃথা পরিতাপ করে। অবসাদ দূর করিতে হইবে, দুর্বলতা ত্যাগ করিতে হইবে। ভারতই আমাদের কৰ্মভূমি, সহজ পন্থা আমাদের জন্ম নহে। তেইশ বৎসর পূর্বে অষ্টকর দিনে এই-সকল

কথা স্মরণ করিয়া একজন তাহার সমগ্র মন সমগ্র প্রাণ ও সাধনা ভবিষ্যতের জন্ত নিবেদন করিয়াছিল। তাহার ধনবল কিছুই ছিল না, তাহার পথপ্রদর্শক কেহ ছিল না। বিশ বৎসরেরও অধিক একাকী তাহাকে প্রতিদিন প্রতিকূল অবস্থার সহিত যুদ্ধিতে হইয়াছিল। এতদিন পরে তাহার নিবেদন সার্থক হইয়াছে।

জয়-পরাজয়

তেইশ বৎসর পূর্বে অষ্টকর দিনে যে আশা লইয়া কার্য আরম্ভ করিয়াছিলাম, দেবতার করুণায় তিন মাসের মধ্যে তাহার প্রথম ফল ফলিয়াছিল। জার্মানীতে আচার্য হর্টস বিদ্যাতরঙ্গ সম্বন্ধে যে দুক্লহ কার্য আরম্ভ করিয়াছিলেন, তাহার বহুল বিস্তার ও পরিণতি এখানেই সম্ভাবিত হইয়াছিল। কিন্তু এ-দেশের কোন প্রসিদ্ধ সভাতে আমার আবিষ্কারের সংবাদ যখন পাঠ করি, তখন সভাস্থ কোন সভ্যই আমার কাহা সম্বন্ধে কোন মতামত প্রকাশ করিলেন না; বুদ্ধিতে পারিলাম, ভারতবাসীর বৈজ্ঞানিক কৃতিত্ব সম্বন্ধে তাঁহারা একান্ত সন্দিহান। অতঃপর আমার দ্বিতীয় আবিষ্কার বর্তমান-কালের সর্বপ্রধান পদার্থবিদের নিকট প্রেরণ করি। আজ বাইশ বৎসর পূর্বে তাহা উত্তর পাইলাম; তাহাতে অবগত হইলাম, যে, আমার আবিষ্কার রয়েল সোসাইটী দ্বারা প্রকাশিত হইবে এবং এই-সকল তথ্য ভবিষ্যতে বৈজ্ঞানিক উন্নতির সহায় হইবে বলিয়া পার্লামেন্ট কর্তৃক প্রদত্ত বৃত্তি আমার গবেষণাকার্যে নিয়োজিত হইবে।



নৈরাশ্রের মধ্য দিয়া পুনঃ পুনঃ পরীক্ষিত হইতে হয়। যখন আমার বৈজ্ঞানিক প্রতিপত্তি আশাতীত উচ্চস্থান অধিকার করিয়াছিল তখনই সমস্ত জীবনের ক্রুতিত্ব ব্যর্থপ্রায় হইতেছিল।

তখন তারহান সংবাদ ধরিবার কল নিশ্চয় করিয়া পরীক্ষা করিতেছিলাম; দেখিলাম, হঠাৎ কলের সাড়া কোন অজ্ঞাত- কারণে বন্ধ হইয়া গেল। মানুষের লেখাভঙ্গী হইতে তাহার শারীরিক দুর্বলতা ও ক্লান্তি যেরূপ অনুমান করা যায়, কলের সাড়া-লিপিতে সেই একইরূপ চিহ্ন দেখিলাম। আরও আশ্চর্যের বিষয় এই, যে, বিশ্রামের পর কলের ক্লান্তি দূর হইল এবং পুনরায় সাড়া দিতে লাগিল। উত্তেজক ঔষধ

আচার্য্য বসুর দার্জিলিঙের গবেষণা-মন্দিরের ধ্যান-বিতান। প্রয়োগে তাহার সাড়া দিবার সেইদিনে ভারতের সম্মুখে যে দ্বার অর্গলিত ছিল, তাহা সহসা উন্মুক্ত হইল। আর কেহ সেই উন্মুক্ত দ্বার রোধ করিতে পারিবে না। সেদিন যে অগ্নি প্রজ্বলিত হইয়াছে, তাহা কখনও নিষ্কাপিত হইবে না।

এই আশা করিয়াই আমি বৎসরের পর বৎসর অক্লান্ত মন ও শরীর লইয়া কার্যক্ষেত্রে অগ্রসর হইতেছিলাম। কিন্তু মানুষের প্রকৃত পরীক্ষা একদিনে হয় না, সমস্ত জীবন ব্যাপিয়া তাহাকে আশা ও

শক্তি বাড়িয়া গেল এবং বিষয়প্রয়োগে তাহার সাড়া চির-দিনের জ্ঞাত অন্তর্হিত হইল। যে সাড়া দিবার শক্তি জীবনের এক প্রধান লক্ষ্য বলিয়া গণ্য হইত, জড়েও তাহার ক্রিয়া দেখিতে পাইলাম। এই অত্যাশ্চর্য্য ঘটনা আমি রয়েল সোসাইটির সমক্ষে পরীক্ষা দ্বারা প্রমাণ করিতে সমর্থ হইয়াছিলাম, কিন্তু দুর্ভাগ্যক্রমে প্রচলিত-মত-বিরুদ্ধ বলিয়া জীবতত্ত্ববিচার দুই-একজন অগ্রণী ইশাতে অত্যন্ত বিরক্ত হইলেন। তন্মিন্ন আমি পদার্থবিৎ, আমার স্বীয়গণ্ডী ত্যাগ করিয়া

জীবতত্ত্ববিদের নূতন জাতিতে প্রবেশ করিবার অনধিকার চেষ্টা রীতিবিরুদ্ধ বলিয়া বিবেচিত হইল। তাহার পর আরো দুই-একটি অশোভন ঘটনা ঘটিয়াছিল। ষাঁহারা আমার বিরুদ্ধপক্ষে ছিলেন, তাঁহাদেরই মধ্যে একজন আমার অবিস্কার পরে নিজের বলিয়া প্রকাশ করেন। এই বিষয়ে অধিক বলা নিম্প্রয়োজন। ফলে, দ্বাদশ বৎসর যাবৎ আমার সমুদয় কার্য্য পণ্ডাপ্রায় হইয়াছিল। এতকাল একদিনের জন্তও মেঘরাশি ভেদ করিয়া আলোকের মুখ দেখিতে পাই নাই। এই সকল স্মৃতি অতিশয় ক্লেশকর, বলিবার একমাত্র আবশ্যিকতা এই, যদি কেহ কোন বৃহৎ কার্য্যে জীবন উৎসর্গ করিতে উন্মুখ হন, তিনি যেন ফলাফলে নিরপেক্ষ হইয়া থাকেন। যদি অসীম ধৈর্য্য থাকে, 'কেবল তাহা হইলেই বিশ্বাস-নয়নে কোনদিন দেখিতে পাইবেন, বারবার পরাজিত হইয়াও যে পরাস্থু হইয়া নাহি সে-ই একদিন বিজয়ী হইবে।'


পৃথিবী-পর্য্যটন

ভাগ্য ও কার্য্যচক্র নিরন্তর ঘুরিতেছে—তাহার নিয়ম,—উত্থান, পতন আবার পুনরুত্থান। দ্বাদশ বৎসর ধরিয়া যে 'বন দুর্দিন আমাকে ম্রিয়মাণ করিয়াও' সম্পূর্ণ পরাস্তব করিতে পারে নাই, সেই দুর্যোগও একদিন অভাবনীয়রূপে কাটিয়া গেল। সে আজ পাঁচবৎসর পূর্ব্বের কথা। বিলাত হইতে আগত জনৈক ইংরেজ একদিন আমার পরীক্ষাগার দেখিতে আইসেন; উদ্ভিদ-জীবন সম্বন্ধে যে-সকল পরীক্ষা হইতে-

ছিল, তাহা দেখিয়া তিনি বিস্মিত হইলেন এবং যে-সকল কৰ্ম্মকার আমার শিক্ষা-অনুসারে এই-সকল কল নিৰ্ম্মাণ করিয়াছে, তাহাদিগকে দেখিতে চাহিলেন। সাক্ষাৎ হইলে তাহাদিগের হাত ধরিয়া বলিলেন, তোমাদের জীবন ধন্য হউক, তোমরাই প্রকৃত স্বদেশসেবক! জানিতে পারিলাম, সেইদিনের আগন্তুক আজ আমাদের ভারত-সচিব মণ্টেগু। ইহার পর ভারতগভর্নমেন্ট ১৯১৪ খৃষ্টাব্দে আমার নূতন আবিষ্কার বৈজ্ঞানিক সমাজে প্রচার করিবার জন্ত আমাকে পৃথিবী-পর্য্যটনে প্রেরণ করেন। সেই উপলক্ষে লণ্ডন, অক্সফোর্ড, কেম্ব্রিজ, প্যারিস, ভিয়েনা, হার্ভার্ড, নিউইয়র্ক, ওয়াশিংটন, ফিলাডেলফিয়া, সিকাগো, ক্যালিফোর্নিয়া, টোকিও ইত্যাদি স্থানে আমার পরীক্ষা প্রদর্শিত হয়। এই সকল স্থানে জয়মালা লইয়া কেহ আমার প্রতীক্ষা করে নাই, বরং আমার প্রবল প্রতিদ্বন্দ্বিগণ আমার ক্রটি দেখাইবার জন্তই দলবদ্ধ হইয়া উপস্থিত ছিলেন। তখন আমি সম্পূর্ণ একাকী; অদৃশ্যে কেবল সহায় ছিলেন, ভারতের ভাগ্যলক্ষ্মী। এই অসম সংগ্রামে ভারতেরই জয় হইল এবং ষাঁহারা আমার প্রতিদ্বন্দ্বী ছিলেন তাঁহারা পরে আমার পরম বান্ধব হইলেন।

রীরনীতি

বর্তমান উদ্ভিদবিজ্ঞানের অসীম উন্নতি লাইপজিগের জার্মান অধ্যাপক ফেফারের অধ্যয়নাত্মক অসাধারণ কৃতিত্বের ফল। আমার কোন কোন আবিষ্কার ফেফারের



বসু-বিজ্ঞান-মন্দিরের প্রবেশদ্বার।

কয়েকটি মতের বিরুদ্ধে। ইহাতে তাঁহার অসন্তোষ উৎপাদন করিয়াছি মনে করিয়া আমি লাইপজিগ না গিয়া ভিয়েনা বিশ্ব-বিদ্যালয়ের নিমন্ত্রণ রক্ষা করিতে গিয়া-ছিলাম। সেখানে ফেফার তাঁহার সহযোগী অধ্যাপককে আমায় নিমন্ত্রণ করিবার জ্ঞপ্তি প্রেরণ করেন। তিনি বলিয়া পাঠাইলেন, যে, আমার প্রতিষ্ঠিত নূতন তত্ত্বগুলি জীবনের সন্ধ্যার সময় তাঁহার নিকটে পৌঁছিয়াছে; তাঁহার হৃৎকর রহিল, যে, এ-সকল সত্যের পরিণতি তিনি এ জীবনে

দেখিয়া যাইতে পারিলেন না। তাঁহার বৈরিভাব আশঙ্কা করিয়াছিলাম, তিনিই মিত্ররূপে আমাকে গ্রহণ করিলেন। ইহাই ত চিরস্তন বীরনীতি, যাহা আপনার পরাভবের মধ্যেও সত্যের জয় দেখিয়া আনন্দে উৎফুল্ল হয়। তিনি, সহস্র বৎসর, - পূর্বে এই বীরধর্ম কুরুক্ষেত্রে প্রচারিত হইয়াছিল। অগ্নিরাণ-আসিয়া যখন ভীষ্মদেবের মর্শ্বস্থান বিদ্ধ করিল তখন তিনি আনন্দের আবেগে বলিয়াছিলেন সার্থক আমার শিক্ষাদান! এই বাণ শিখণ্ডীর নহে, ইহা আমার প্রিয়-শিষ্য অর্জুনের।

পৃথিবী পর্যটন ও স্বীয় জীবনের পরীক্ষার দ্বারা বুঝিতে পারিয়াছি যে, নূতন সত্য আবিষ্কার করিবার জ্ঞপ্তি সমস্ত জীবন পণ ও সাধনার আবশ্যক।

জগতে তাহার প্রচার আরও দ্রুত হইতে, আমার পূর্বসঙ্কল্প দৃঢ়তর হইয়াছে। বহুদিন সংগ্রামের পর ভারত বিজ্ঞানক্ষেত্রে যে-স্থান অধিকার করিতে সমর্থ হইয়াছে, তাহা যেন চিরস্থায়ী হয়! আমার কার্য্য যাহারা অহুসরণ করিবেন, তাঁহাদের পথ যেন কোনদিন অবরুদ্ধ না হয়!

বিজ্ঞান-প্রচারে ভারতের স্থান

বিজ্ঞান ত সার্বভৌমিক, তবে বিজ্ঞানের মহাক্ষেত্রে এমন কি কোন স্থান আছে,

যাহা ভারতীয় সাধক ব্যতীত অসম্পূর্ণ থাকিবে? তাহা নিশ্চয়ই আছে। বর্তমান কালে বিজ্ঞানের প্রসার বহুবিস্তৃত হইয়াছে এবং প্রতীচ্য দেশে কার্যের সুবিধার জন্ম তাহা বহুবিধ বিভক্ত হইয়াছে এবং বিভিন্ন শাখার মধ্যে অভেদ প্রাচীর উত্থিত হইয়াছে। দৃশ্যজগৎ অতি বিচিত্র এবং বহুরূপী। এত বিভিন্নতার মধ্যে যে কিছু সাম্য আছে, তা কোনরূপেই বোধগম্য হয় না। এই সতত চঞ্চল প্রাণী আর এই চিরমৌন নিস্তরক অকিঞ্চলিত উদ্ভিদ, ইহাদের মধ্যে কোন সাদৃশ্য দেখা যায় না। আর এই উদ্ভিদের মধ্যে একই কারণে বিভিন্নরূপে সাদা দেখা যায়। কিন্তু এত বৈষম্যের মধ্যেও ভারতীয় চিন্তাপ্রণালী একতার সন্ধানে ছুটিয়া জড় উদ্ভিদ এবং জীবের মধ্যে সেতু খাঁধিয়াছে। এতদর্থে ভারতীয় সাধক, কখনও তাহার চিন্তা কল্পনার উন্মুক্ত রাজ্যে অবাধে প্রেরণ করিয়াছে, এবং পরমুহূর্তেই তাহাকে শাসনের অধীনে আনিয়াছে। আদেশের বলে জড়বৎ অঙ্গুলিতে নূতন প্রাণ সঞ্চার করিয়াছে এবং যে স্থলে মানুষের ইন্দ্রিয় পরাস্ত হইয়াছে তথায় কৃত্রিম অতীন্দ্রিয় সৃজন করিয়াছে। তাহা দিয়া এবং অসীম ধৈর্য্য সম্বল করিয়া অব্যক্ত জগতের সীমাহীন রহস্য, পরীক্ষাপ্রণালীতে স্থির প্রতিষ্ঠা করিবার সাহস বাঁধিয়াছে। যাহা চক্ষুর অগোচর ছিল তাহা দৃষ্টিগোচর করিয়াছে। কৃত্রিম চক্ষু পরীক্ষা করিয়া মনুষ্যদৃষ্টির অভাবনীয় এক নূতন রহস্য আবিষ্কার করিয়াছে, যে, তাহার দুইটি চক্ষু একসময়ে

জাগরিত থাকে না, পর্যায়ক্রমে একটি ঘুমায়, আর একটি জাগিয়া থাকে। ধাতুপত্রে লুক্কায়িত স্মৃতির অদৃশ্য ছাপ প্রকাশিত করিয়া দেখাইয়াছে। অদৃশ্য আলোক সাহায্যে কৃষ্ণপ্রস্তরের ভিতরের নিষ্কাশকৌশল বাহির করিয়াছে। আণবিক কারুকার্য ঘূর্ণমাণ বিদ্যুৎ-উন্মির দ্বারা দেখাইয়াছে। বৃক্ষজীবনে মানবীয় জীবনের প্রতিকৃতি দেখাইয়া, নির্বাণ জীবনের বেদনা-চাঞ্চল্য মানবের অনুভূতির অন্তর্গত করিয়াছে। স্থির বৃক্ষের অদৃশ্য বৃদ্ধি মাপিয়া লইয়াছে এবং বিভিন্ন আহার ও ব্যবহারে, সেই বৃদ্ধি মাত্রা পরিবর্তন, মুহূর্তে ধরিয়াছে। মনুষ্যস্পর্শেও যে বৃক্ষ সঙ্কুচিত হয়, তাহা প্রমাণ করিয়াছে। যে উত্তেজক মানুষকে উৎফুল্ল করে, যে মাদক তাহাকে অবসন্ন করে, যে বিষ তাহার প্রাণনাশ করে, উদ্ভিদেও তাহাদের একইবিধ ক্রিয়া প্রমাণিত করিতে সমর্থ হইয়াছে। বিষে অবসন্ন মুমূর্ষ উদ্ভিদকে ভিন্ন বিষ প্রয়োগ-দ্বারা পুনর্জীবিত করিয়াছে। উদ্ভিদপেশীর স্পন্দন লিপিবদ্ধ করিয়া তাহাতে হৃদয়-স্পন্দনের প্রতিচ্ছায়া দেখাইয়াছে। বৃক্ষ-শরীরে স্নায়ুপ্রবাহ আবিষ্কার করিয়া তাহার বেগ নির্ণয় করিয়াছে। প্রমাণ করিয়াছে, যে, যে-সকল কারণে মানুষের স্নায়ুর উত্তেজনা বর্ধিত বা মন্দীভূত হয়, সেই একই কারণে উদ্ভিদস্নায়ুর উত্তেজনা উত্তেজিত অথবা প্রশমিত হয়। এই-সকল কথা কল্পনা-প্রসূত নহে। যে সকল অনুসন্ধান এই স্থানে গত তেইশ বৎসর ধরিয়া পরীক্ষিত এবং প্রমাণিত হইয়াছে ইহা



বঙ্গুর দা
লাঙের গবেষণা
দ্র

তাহারই অতি সংক্ষিপ্ত ও অপরিপূর্ণ করিয়া থাকেন, তবে এই চতুর্বেণী-সঙ্গমেই ইতিহাস। যে-সকল অনুসন্ধানের কথা সেই মহাতীর্থ।

বলিলাম, তাহাতে নানা পথ দিয়া পদার্থ-বিজ্ঞা, উদ্ভিদবিজ্ঞা, প্রাণীবিজ্ঞা, এমন-কি, মনস্তত্ত্ববিজ্ঞাও এককেন্দ্রে আসিয়া মিলিত হইয়াছে। বিজ্ঞানের যদি কোন বিশেষ তীর্থ বিধাতা ভারতীয় সাধকের জন্ত নির্দেশ

আশা ও বিশ্বাস

এই-সকল অনুসন্ধান বিজ্ঞানে বহু শাখা লইয়া। কেহ কেহ মনে করেন- ইহাদের বিকাশে নানা ব্যবহারিক বিজ্ঞান

উন্নতি এবং জগতের কল্যাণ সাধিত হইবে। যে-সকল আশা ও বিশ্বাস লইয়া আমি এই মন্দির প্রতিষ্ঠা করিলাম, তাহা কি একজনের জীবনের সঙ্গেই সমাপ্ত হইবে? একটিমাত্র বিষয়ের জ্ঞান বীক্ষণাগার নিৰ্ম্মাণে অপরিসীম ধনের আবশ্যক হয়, আর এইরূপ অতিবিস্তৃত এবং বহুমুখী জ্ঞান-বিস্তার যে আমাদের দেশের পক্ষে অসম্ভব, এ-কথা বিজ্ঞানজ্ঞানমাত্রেরই বলিবেন। কিন্তু অসম্ভাব্য বিষয়ের উপলক্ষে, কেবলমাত্র বিশ্বাসের বলেই চিরজীবন চলিয়াছি; ইহা তাহাঁদেরই মধ্যে অশ্রুতম। হইতে পারে না। বলিয়া কোনদিন পরাজয় হই নাই, এখনও হইব না। আমার যাহা নিজস্ব বলিয়া মনে করিয়াছিলাম তাহা এই কার্যেই নিয়োগ করিব। রিক্তহস্তে আসিয়াছিলাম, রিক্তহস্তেই ফিরিয়া যাইব; ইতিমধ্যে যদি কিছু সম্পাদিত হয়, তাহা দেবতার প্রসাদ বলিয়া মানিব। আর একজনও এই কার্যে তাঁহার সর্বস্ব নিয়োগ করিবেন, যাহার সাহচর্য আমার দুঃখ ও পরাজয়ের মধ্যেও বহুদিন অটল রহিয়াছে। বিধাতার করুণা হইতে কোনদিন একেবারে বঞ্চিত হই নাই। যখন আমার বৈজ্ঞানিক কৃতিত্বে অনেকে সন্দেহান ছিলেন, তখনও দুই-একজনের বিশ্বাস আমাকে বেঁটন করিয়া রাখিয়াছিল। আজ তাঁহারা মৃত্যুর পরপারে।

আশঙ্কা হইয়াছিল ভবিষ্যতের অনিশ্চিত বিধানের উপর এই মন্দিরের স্থায়িত্ব নির্ভর করিবে। অল্পদিন হইল বুঝিতে পারিয়াছি যে আমি যে-আশায় কার্য

আরম্ভ করিয়াছি, তাহার আহ্বান ভারতের দূরস্থানেও মর্শ্ব স্পর্শ করিয়াছে। বোধাই হইতে দুইজন প্রধান শ্রেষ্ঠী সর্ব-প্রথমে যুক্তহস্তে মন্দিরের চিরস্থায়ী ভাণ্ডারে সাহায্য প্রেরণ করিয়াছেন। আমি কিছুদিন পূর্বে তাঁহাদের নিকট সম্পূর্ণরূপে অপরিচিত ছিলাম! গবর্ণমেন্টও এ বিষয়ে সহায়তা প্রকাশ করিয়াছেন। এই-সকল দেখিয়া মনে হয় আমি যে বৃহৎ সঙ্কল্প করিয়াছিলাম, তাহার পরিণতি একেবারে অসম্ভব নহে। জীবিত থাকিতেই হয়ত দেখিতে পাইব যে, এই মন্দিরের শূন্য অঙ্গন দেশবিদেশ হইতে সমাগত যাত্রী দ্বারা পূর্ণ হইয়াছে।

আবিষ্কার এবং প্রচার

বিজ্ঞান-অনুশীলনের দুই দিক আছে, প্রথমতঃ নূতন তত্ত্ব আবিষ্কার; ইহাই এই মন্দিরের মুখ্য উদ্দেশ্য। তাহার পর, জগতে সেই নূতন তত্ত্ব প্রচার। সেই-জন্মই এই সুবৃহৎ বক্তৃতা-গৃহ নিৰ্ম্মিত হইয়াছে। বৈজ্ঞানিক বক্তৃতা ও তাহার পরীক্ষার জন্ম এইরূপ গৃহ বোধ হয় অল্প কোথাও নিৰ্ম্মিত হয় নাই। দেড় সহস্র শ্রোতার এখানে সমাবেশ হইতে পারিবে। এ-স্থানে কোন বহুচর্কিত তত্ত্বের পুনরাবৃত্তি হইবে না। বিজ্ঞান-সম্বন্ধে এই মন্দিরে যে-সকল আবিষ্ক্রিয়া হইয়াছে, সেই-সকল নূতন সত্য এ-স্থানে পরীক্ষা সহকারে সর্বোপায়ে প্রচারিত হইবে। সর্বজাতির সকল নরনারীর জন্ম এই মন্দিরের দ্বার চিরদিন উন্মুক্ত থাকিবে। মন্দির হইতে প্রচারিত

পত্রিকার দ্বারা নব নব প্রকাশিত বৈজ্ঞানিক তত্ত্ব জগতে পণ্ডিতমণ্ডলীর নিকট বিজ্ঞাপিত হইবে। এইস্থানে প্রকাশিত আবিষ্কার এইরূপে জগতের সম্পত্তি হইবে এবং হয়ত তদ্বারা ব্যবহারিক বিজ্ঞানেরও উন্নতি সাধিত হইবে। কিন্তু এখান হইতে কোন পেটেন্ট লওয়া হইবে না; কারণ আমি মনে করি, জ্ঞান দেবতার দান, তাহা অর্থ-লাভের উপায় নহে।

আমার আরো অভিপ্রায় এই যে, এ মন্দিরের শিক্ষা হইতে বিদেশবাসীও বঞ্চিত হইবে না। বহুশতাব্দী পূর্বে ভারতে জ্ঞান সার্বভৌমিকরূপে প্রচারিত হইয়াছিল। এই দেশে নালন্দা এবং তক্ষশিলায় দেশদেশান্তর হইতে আগত শিক্ষার্থী সাদরে গৃহীত হইয়াছিল। যখনই আমাদের দিব্য শক্তি জন্মিয়াছে, তখনই আমরা মহৎ দান করিয়াছি। ক্ষুদ্রে কখনই আমাদের তৃপ্তি নাই। সর্বজীবনের স্পর্শে আমাদের জীবন প্রাণময়। যাহা সত্য, যাহা সুন্দর, তাহাই আমাদের আরাধ্য। শিল্পী কারুকার্যে এই মন্দির মণ্ডিত করিয়াছেন এবং চিত্রকর আমাদের হৃদয়ের অব্যক্ত আকাঙ্ক্ষা চিত্রপটে বিকশিত করিয়াছেন।


আমি যে উদ্ভিদ-জীবনের কথা বলিয়াছি, তাহা আমাদের জীবনেরই প্রতিধ্বনি। সে জীবন আহত হইয়া মুমূর্ষুপ্রায় হয় এবং ক্ষণিক মূর্ছা হইতে পুনরায় জাগিয়া উঠে। এই আঘাতের দুই দিক আছে, আমরা সেই দুইএর সংযোগস্থলে বর্তমান। একদিকে জীবনের, অপরদিকে মৃত্যুর পথ প্রসারিত। জীবন, আঘাতেরই ক্রিয়া, যে

আঘাত হইতে আমরা পুনরায় উঠিতে পারি। প্রতি-মুহূর্তে আমরা আঘাত দ্বারা মুমূর্ষু হইতেছি এবং পুনরায় সঞ্জীবিত হইতেছি। আঘাতের বলেই জীবনের শক্তি বর্দ্ধিত হইতেছে। তিল তিল করিয়া মরিতেছি, বলিয়াই আমরা বাঁচিয়া রহিয়াছি।

একদিন আসিবে যখন আঘাতের স্মৃতি ভীষণ হইবে; তখন যাহা হেলিয়া পড়িবে, তাহা আর উঠিবে না, অথ 'কেইও' তাহাকে তুলিয়া ধরিতে পারিবে না। ব্যর্থ তখন স্বজনের ক্রন্দন, ব্যর্থ তখন সতীর জীবনব্যাপী ব্রত ও সাধনা। কিন্তু যে মৃত্যুর স্পর্শে সমুদয় উৎকর্ষা ও চাঞ্চল্য শান্ত হয়, তাহার রাজত্ব কোন্ কোন্ দেশ লইয়া? কে ইহার রহস্য উদ্ঘাটন করিবে? অজ্ঞান-তিমিরে আচ্ছন্ন আমরা; চক্ষুর আবরণ অপসারিত হইলেই আমরা এই ক্ষুদ্র বিশ্বের পশ্চাতে অঁচিস্তনীয় নূতন বিশ্বের অনন্ত ব্যাপ্তিতে অভিভূত হইয়া পড়ি।

কে মনে করিতে পারিত, এই আর্ন্ত-নাদবিহীন উদ্ভিদজগতে, এই তুষ্ণীভূত, অসীম জীবসঞ্চারে অনুভূতিশক্তি বিকশিত হইয়া উঠিতেছে! তাহার পর কি করিয়াই বা স্নায়ুস্ত্রের উত্তেজনা হইতে তাহারই ছায়ারূপিণী অশরীরী স্নেহমমতা উদ্ভূত হইল! ইহার মধ্যে কোন্টা অজর কোন্টা অমর? যখন এই ক্রীড়াশীল পুঙ্গলদের খেলা শেষ হইবে এবং তাহাদের দেহাবশেষ পঞ্চভূতে মিশিয়া যাইবে, তখন সেই-সকল অশরীরী ছায়া কি আকাশে মিলাইয়া যাইবে, অথবা অধিকতররূপে পরিস্ফুট হইবে?

চার্য বসুর গঙ্গাতীরবর্তী সিকবান্ডিয়ার
ষণা-মন্দির



কোন রাজ্যের উপর তবে মৃত্যুর
অধিকার? মৃত্যুই যদি মনুষ্যের একমাত্র
পরিণাম, তবে ধনধান্তে পূর্ণা পৃথিবী লইয়া
সে কি করিলে? কিন্তু মৃত্যু সর্বজনীন
নহে; জড়সমষ্টির উপরই কেবল তাঁহার
আধিপত্য। মানব-চিন্তা-প্রসূত স্বর্গীয় অগ্নি
মৃত্যুর আঘাতেও নিকরপিত হয় না।

অমবহুব' বাজ চিন্তায়, বিত্তে নহে।
মহাসাম্রাজ্য, দেশ-বিজয়ে কোন দিন স্থাপিত
হয় নাট। তাহার প্রতিষ্ঠা কেবল চিন্তা
ও দিব্যজ্ঞান প্রচার দ্বারা সাধিত হইয়াছে।
বাইশ শত বৎসর পূর্বে এই ভারতখণ্ডেই
অশোক যে মহাসাম্রাজ্য স্থাপন করিয়া-
ছিলেন, তাহা কেবল শারীরিক বল ও

পাথিবী ঐশ্বর্যদ্বারা প্রতিষ্ঠিত হয় নাই। সেই মহাসাম্রাজ্যে যাহা সঞ্চিত হইয়াছিল, তাহা কেবল বিতরণের জন্ত, দুঃখ-মোচনের জন্ত, এবং জীবের কল্যাণের জন্ত। জগতের মুক্তি-হেতু সমস্ত বিতরণ করিয়া এমন দিন আসিল, যখন সেই সমাগরা ধরণীর অধিপতি অশোকের অর্দ্ধ আমলক মাত্র অবশিষ্ট রহিল। তখন তাহা হস্তে লইয়া তিনি কহিলেন, এখন ইহাই আমার সর্বস্ব, ইহাই যেন আমার চরম দানরূপে গৃহীত হয়।

অর্ঘ্য

এই আমলকের চিহ্ন মন্দিরের গাত্রে গ্রথিত রহিয়াছে। পতাকাশ্বরূপ সর্বোপরি বজ্রচিহ্ন প্রতিষ্ঠিত—যে দৈবঅস্ত্র নিষ্পাপ দধাচি মুনির অস্থিদ্বারা নিম্মিত হইয়াছিল। যাহারা পরার্থে জীবনদান করেন, তাঁহাদের অস্থি দ্বারাই বজ্র নিম্মিত হয়, যাহার জলন্ত তেজে জগতের দানবত্বের বিনাশ ও দেবত্বের প্রতিষ্ঠা হইয়া থাকে। আজ আমাদের

অর্ঘ্য, অর্দ্ধ আমলক মাত্র; কিন্তু পূর্বদিনের মহিমা মহত্তর হইয়া পুনর্জন্ম লাভ করিবেই করিবে। এই আশা লইয়া 'অদ্য আমরা ক্ষণকালের জন্ত এখানে দাঁড়াইলাম; কল্য হইতে পুনরায় কন্মশ্রোতে জীবনতরী ভাসাইব। আজ কেবল আরাধ্যা দেবীর পূজার অর্ঘ্য লইয়া এখানে আসিয়াছি; তাঁহার প্রকৃত স্থান বাহিরে নহে, কিন্তু হৃদয়মন্দিরে। তাঁহার পূজার প্রকৃত উপকরণ ভক্তের বাহুবলে, অন্তরের শক্তিতে এবং হৃদয়ের ভক্তিতে। তাহার পর সাধক কি আশীর্বাদ আকাঙ্ক্ষা করিবে? যখন প্রদীপ্ত জীবন নিবেদন করিয়াও তাহার সাধনার সমাপ্তি হইবে না, যখন পরাজিত ও মুমূর্ষু হইয়া সে মৃত্যুর অপেক্ষা করিবে, তখনই আরাধ্যা দেবী তাহাকে ক্ষোড়ে তুলিয়া লইবেন। এইরূপ পরাজয়ের মধ্য দিয়াই সে তাহার পুরস্কার লাভ করিবে।

শ্রীজগদীশচন্দ্র বসু।

ফিরে-ফিরতি

পূজোর বাজারের মরসুম তখন শেষ হয়ে গেছে। কালীচরণ তার কাটাকাপড়ের দোকানে এক ছোট তক্তাপোষের উপরে বসে হিসেবের খাতা দেখছিল, এমন সময় তার ছেলে রমেশ এসে হাজির হ'ল। রমেশ দোকানের দিকে

বড় একটা ঘেসত না। আজ তাকে দোকানে আসতে দেখে কালীচরণের মন ভারি খুসি হয়ে উঠল। এবার পূজোর বাজারে তার রীতিমত মুনফা দাঁড়িয়েছিল, তারই হিসেব দেখতে-দেখতে তার মন আনন্দে ফুলে উঠছিল; তার পর ছেলেকে

* বিজ্ঞানাচার্য সার্ব শ্রীযুক্ত জগদীশচন্দ্র বসু, ডিঃ-এস-সি, সি-আই-ই, সি-এস-আই মহোদয়ের প্রতিষ্ঠিত বিজ্ঞান-মন্দির দেশ-জননীকে নিবেদন উপলক্ষ্যে পঠিত। এই প্রবন্ধের রকগুলির জন্ত আমরা "প্রবাসী"র নিকট ধণী।

আজ দোকানে ঢুকতে দেখে সে-আনন্দের বাঁধ যেন ভেঙে গেল। সে তাড়াতাড়ি হিসেবের খাতা সরিয়ে, হাত-বাড়িয়ে বলে উঠল—“এস বাবা, এস!”

কালীচরণ বসেছিল দোকান-ঘরের পিছনে এক ছোট অন্ধকার, কুটুরীর মধ্যে। চারিদিকে কেবল সুরু-মোটা লম্বা-বেঁটে, নানারকম খাতার বস্তা; বসবার তক্তাপোষের উপরেও খাতার ডাঁই। তাতে এই ঘরের বাতাস এবং অন্ধকার জমাট ঘোলাটে হয়ে উঠেছিল।

এই অন্ধকার কুটুরীর ভিতর প্রবেশ করতে রমেশের সর্কাস শিউরে উঠত। সেই জন্তে সে পারতপক্ষে এখানে ঢুকতে চাইত না। বাপ কখনো ডাকলে সে দরজার সাগ্নে দাঁড়িয়েই কথা শুনে পালাত। আজও সে সেইখানে গিয়ে দাঁড়িয়েছিল। কালীচরণ ব্যস্ত হয়ে বলে—“এস, ভিতরে এস।”

অগত্যা রমেশকে ভিতরে প্রবেশ করতে হল।

কালীচরণ বলে—“দাঁড়িয়ে কেন? বস।”

তারপর সামনের খাতাগুলোকে একটু ঠেলেঠুলে জায়গা করে রমেশকে বসতে দিলে।

কালীচরণ চোখের চশমা ধীরে ধীরে খুলতে খুলতে বলতে লাগল—“দেখ রমেশ, আজ ক’দিন থেকে ভাবছি তোমায় একটা কথা বলব। আমি ত বুড়ো হলাম—এইবার তীর্থধর্মের মন দি—কি বল?”

রমেশ ঘাড়হেঁট করে বসেছিল, বাপের প্রশ্ন খেমে যেতেই একবার মুখতুলে চাইলে, কিন্তু কোনো কথা তার মুখে জোগালো না।

বাপ বলতে লাগল—“তুমি এখন বড় হয়েছ, বুদ্ধিমান হয়েছ, নিজের সব বুঝে নিয়ে এইবার আমার রেহাই দাও। কি বল?”

রমেশ শুধু ফ্যাল-ফ্যাল করে চাইতে লাগল;—মুখে একটা কথাও ফুটল না।

কালীচরণ একটুখানি চূপ করে থেকেই আবার বলতে লাগল—“এর আর ভাবনা কিসের! বাপ ত আর চিরদিন থাকে না!”

রমেশের চোখ-মুখ কেমন ছম্ছমে হয়ে উঠল।

কালীচরণ তার পিঠের উপর হাত রেখে বলতে লাগল—“কোনো ভয় নেই তোমার—আমি খাতাপত্র সমস্ত পরিষ্কার করে রেখেছি। এখন কলের মতো সব চলছে। দিবা পায়ের উপর পা দিয়ে তুমি দোকান চালাতে পারবে।”

রমেশ তবুও মুখবুজে বসে রইল। কালীচরণ উৎসাহের ঝোঁকে ছেলের পিঠ-থাব্ড়ে বলে উঠল—“নাও, নাও, আজ থেকেই কাজে লেগে যাও। এই খাতা-গুলো দেখতে আরম্ভ কর—এর থেকেই সব বুঝতে পারবে! যদি কোথাও খটকা বাধে ঐ আমাদের বাগচীমশায় আছেন—ও বড় বিশ্বাসী লোক—ও তোমার সব ঠিক করে দেবে।”—বলেই কালীচরণ নিজের জায়গা ছেড়ে-উঠে রমেশকে ধরে সেইখানে বসিয়ে দিলে।

রমেশ মন্থচালিতের মতো সেই খাতার বস্তার মধ্যে গিয়ে বসল। কালীচরণ খান-কতক খাতা টেনে বার করে বলে—“নাও এইগুলো দেখ।”

রমেশ ধীরে ধীরে একখানা খাতা তুলে নিয়ে দেখতে শুরু করে। খাতার ভিতরকার জড়ানো-পাকানো অক্ষরগুলো তার চোখে ঠেকেই বেধে গেল,—মনের মধ্যে প্রবেশ করতে পারলে না। রমেশ কতকটা ভয়, কতকটা বিস্ময়ের সঙ্গে ঘরের চারিদিকটা চোখতুলে দেখতে লাগল। তার কেবলি মনে হচ্ছিল—এ যেন কোন্-এক অদ্ভুত রাজ্যে সে এসে পড়েছে! এখানকার আলো বাতাস—এখানকার ভাষা পর্যন্ত যেন কেমন অদ্ভুত। তার মনে হচ্ছিল তাকে এখানে দেখে এখানকার আসবাবপত্রগুলো যেন একটা কৌতূহলে ভয়ানক চঞ্চল হয়ে উঠেছে। সে মনের মধ্যে কেমন-একটা অস্বস্তি বোধ করতে লাগল।

কালীচরণ এতক্ষণ তার ছেলের দিকে কেবলই চেয়ে-চেয়ে দেখছিল। হঠাৎ বলে উঠল—“ওগুলো হচ্ছে হাল-সনের খাতা। কি-করে একটু-একটু করে গায়ের রক্ত দিয়ে এই ব্যবসাকে জমিয়ে তুলেছি তা যদি দেখতে চাও তবে ঐ ওখানকার খাতাগুলো অবশ্বর-মতো পেড়ে দেখো।”—বলে সে কড়িকাঠের কাছে একটা উঁচু তাক দেখিয়ে দিলে। সেখানটা ঘোর অন্ধকার। রমেশের মনে হ’ল সেখানে কালিঝুলি-মাথা কারা যেন সব বসে আছে! কালীচরণ আঙুল দেখাতেই তারা সবাই যেন ঘাড়-তুলে নীচের দিকে চাইতে লাগল।

কালীচরণ বলে—“দেখ বাবা, আজ আমার ভারি আনন্দ হচ্ছে। এতদিন ধরে মূখের রক্ত-তুলে যে-পরিশ্রম করে এসেছি

—তা আজ মনে হচ্ছে—সার্থক হল।...ওকি অমন-করে চুপ-করে বসে আছ কেন? তোমার জিনিষ তুমি দখল কর—প্রভু কর।”—বলেই কালীচরণ তার পাকানো চাদরখানি গলায় ঝুলিয়ে ঘর থেকে বেরিয়ে পড়ল।

(২)

তখনো সন্ধ্যা হতে কিছু বাকি ছিল। আজ বিশ্ববৎসরের মধ্যে কালীচরণ এক-দিনও এত সকাল-সকাল দোকান থেকে বেরুতে পারনি। ভোরবেলা নাকে-মুখে দুটি গুঁজে সে ঐখানটিতে এসে বসত, আর রাত্রি যখন গভীর তখন বাড়ি ফিরে যেত। এমনি করে বিশ বছর তার কেটে গেছে। ঐ অন্ধকার ঘুলঘুলির বাইরেকার বাতাস-আলো কোথা দিয়ে কখন বয়ে গেছে তা টেরও পারনি। আজ এতদিন পরে বিকেলের আলোয় বেরিয়ে পড়ে তার মনটা ছাড়া-পাওয়া কয়েদীর মতো একটা প্রকাণ্ড হাঁক ছেড়ে বাঁচল। বাতাস এবং আলোর স্পর্শ একটা নতুন জিনিষ পাওয়ার মতন মনে হতে লাগল। অন্ধকার কুটুরীর মধ্যে বসে একটি-একটি করে বছরের হিসাব করে সে যে নিজেকে বার্কিকোর কোঠায় এনে ফেলেছিল আজ হঠাৎ শরতের হাওয়া লেগে মনে হ’ল সে ভুল! ঐ অন্ধকারের মধ্যে সে যে-কয়েকটা বছর কাটিয়েছে সে যেন একটা প্রকাণ্ড হুঃস্বপ্ন। আজ সে স্বপ্ন ভেঙে গেছে। সে যে-যৌবন সম্বল নিয়ে ঐ ব্যবসায়ের কায়াগ্যারে প্রবেশ করেছিল সে-যৌবন যেন এতদিন তারই অপেক্ষায়

ঐ কারাগারের বাইরে দাঁড়িয়েছিল, আজ তাকে পেয়ে আবার অভ্যর্থনা করে নিলো। তার এতটা স্ফূর্তি হতে লাগল যে সে প্রায়-দৌড়ে দোকান-পল্লীর স্তম্ভ সীমানা কাটিয়ে একেবারে খোলা মাঠের মধ্যে গিয়ে হাজির হল। তার মনে হতে লাগল ঐ শরতের হাওয়ার মতোই তার হৃদয়টা আজ হালকা, ফুর্ফুরে! সে মাঠের মধ্যে অনেকক্ষণ ঘুরতে লাগল। তারপর বাড়ি ফেরবার সময় বৌবাজারের মোড় থেকে এক-গাদা ফুল কিনে নিলে। এই তার সৌখীনতার প্রথম অপব্যয়; কিন্তু আজ সেটাকে তার অপব্যয় বলে মনেই হল না।

(৩)

বাপ চলে গেলে রমেশ আত্ম-খানিক-ক্ষণ হতভম্বের মতন কঁসি রইল। তার পর হঠাৎ মনে হ'ল—তাইত এখনো সে এখানে বসে কেন? সন্ধ্যা ঘনিয়ে আসছিল;—এই তার বন্ধুদের সঙ্গে বেড়াতে যাবার সময়। সে উঠতে যাচ্ছিল, কিন্তু তখনই মনে হ'ল দোকান ছেড়ে ত তার যাবার ঠো নেই। সে আবার চুপ-করে বসল। কি করবে ঠিক না পেয়ে একখানা খাতা টেনে নিয়ে পড়তে আরম্ভ করে দিলে। কিন্তু তাতে মন বসল না। তার কেবলই মনে হ'চ্ছিল কোনোরকমে যদি সে ফাঁক পায় ত ছুটে পালায়! সে জানত বাপ আর আসবে না তবুও একবার সে বাগচীমশায়কে ডেকে জিজ্ঞাসা করলে—“হ্যাঁ হে! বাবা কখন আসবেন?”

বাগচীমশায় বললে—“তিনি বলে গেছেন

আর আসবেন না। আপনিই এখন দোকানের মালিক।”

আমিই দোকানের মালিক!—আমিই দোকানী!—এই কথা মনে হওয়া মাত্র রমেশের সমস্ত শরীর শির্-শির্ করে উঠল। এই দোকানী-নামের উপর ছেলেবেলা থেকে তার একটা আন্তরিক লজ্জা ছিল। ছেলেবেলায় স্কুলের মধ্যে অমুক উকিলের ছেলে, অমুক ডাক্তারের ছেলে ইত্যাদি পরিচয়ের সঙ্গে সে নিজে দোকানীর ছেলে এই পরিচয় প্রকাশ করতে সে ভিতর থেকে কেমন-একটা কুণ্ডা বোধ করত। সেইজন্য এই প্রসঙ্গ থেকে সে বরাবর পালিয়ে-পালিয়ে বেড়াত। তার পর বড় হয়েও তার এ দুর্কলতা ঘোচেনি। সেইজন্য দোকানের ত্রিসীমানায় আসতে তার লজ্জা হ'ত। তার মনে হ'ত যদি কোনো রকমে তার বাপের নাম-ওয়ালদ দোকানের ঐ সাইন-বোর্ডখানা বদলে যায় ত সে বাঁচে!

রমেশ মনে-মনে অনেক আশা রেখেছিল। দোকানের ঐ লজ্জা তাকে যতই পীড়িত করত ততই সজোরে ঐ ভবিষ্যতের আশাগুলোকে সে আকড়ে ধরত। এই সবেমাত্র সে বি-এ পাশ করেছে—এখনো এম-এ এখনো ল বাকি। তারপর?—তার পর কত কি! মানসম্মত, খ্যাতি-প্রতিপত্তি, লোকের শ্রদ্ধা, যশ—এ সবই ত পড়ে রয়েছে। যখন কোনো প্রসিদ্ধ বক্তার বক্তৃতা শুনেছে তখনই মনে হয়েছে এমনিতির বক্তা হতে হবে। যখন কোনো বিখ্যাত কবির কবিতা পাঠ

করেছে এবং নানাদিকে তার প্রশংসা শুনেছে তখনই তার মনে এই লোভ জেগেছে যে এমনি প্রশংসা আমাকেও পেতে হবে। এইরকম কত আশা তার ছিল। আজ ঘরের ঐ অন্ধকারের উপর ভবিষ্যতের সেইসব আশার ছবি উজ্জ্বল রেখায় ফুটে উঠে চোখের সামনে যেন মিলিয়ে গেল। একটা অক্ষিপ ও হতাশায় তার বুক ভেঙে পড়তে লাগল। যতবারই মনে হচ্ছিল সে একজন দোকানীমাত্র ততবারই নিজের প্রতি একটা ঘণায় তার সর্বাস্ব রোমাঙ্কিত হয়ে উঠছিল। সেই ঘণা ক্রমে পাকিয়ে উঠে এমন তীব্র হয়ে উঠল যে সেই আগুনে বাপের প্রতি তার হৃদয়ের শ্রদ্ধা ভালোবাসা পুড়ে ছাই হয়ে গেল। তখন কেবলই মনে হতে লাগল বাপ হয়ে কত-বড় শূন্যতা সাধন না করলে!—জীবনের সর্বস্ব থেকে বঞ্চিত করে কি-না পথের কাঙাল করে ছেড়ে দিলে! তার মনে হ'ল তার এই দুর্দশা দেখে ঘরের সেই খাতা-পত্রগুলো, এমন-কি ধূলো-মাখা ভাঙা-চোরা আসবাবপত্রগুলো পর্যন্ত যেন টিটকারি দিচ্ছে। তাইতে সেই ছোট কুটুরীর জমাট অন্ধকার মথিত হয়ে উঠে একটা তীব্র ঘণার বিষ চারিদিক ছড়িয়ে পড়তে লাগল। সেই বিষ প্রত্যেক নিশ্বাসের সূক্ষ্ম তার মন্ড্রে গিয়ে প্রবেশ করছিল। আজ তার প্রথম মনে হ'ল সে যে একজন সুমাত্র দোকানীর ছেলে—এর চেয়ে বড় পরিচয় তার নেই—তার জন্তে দায়ী তার বাপ! এত-বড় একটা দীনতার ছাপ মেরে বাপ যে তাকে এই সংসারে এনেছে—বাপের

এই অপরাধ তার চোখে অসহ্য বলে ঠেকতে লাগল। ক্রোধে লজ্জায় তার সর্বশরীর জ্বলতে লাগল।

ক্রমেই রাত্রের অন্ধকার ঘনিষে আসছিল, —সঙ্গে সঙ্গে আশপাশের জিনিষগুলো ধাপসা হয়ে আসছিল। রমেশের মনে হতে লাগল তার সমস্ত জীবনটা ঐ বাপসার মধ্যে ডুবে যাচ্ছে। চাকর এসে একটা ছোটো তেলের প্রদীপ জালিয়ে দিয়ে গেল। তারই সামনে রমেশ চুপ করে বসে রইল। পিছনে দেয়ালের গায়ে তার দেহের ছায়া পড়ে মনে হচ্ছিল যেন একটা কালো দৈত্য সবেমাত্র ঘুম-ভেঙে উঠি-উঠি করছে। সেই ছায়ার দিকে হঠাৎ একবার চোখ-পড়াতে রমেশ চমকে উঠল।

ছোট কুটুরীর সামনে দোকান-ঘরের গোলমাল ক্রমে ক্ষীণ হতে ক্ষীণ হয়ে, শেষে চুপ হয়ে গেল। বাগচীমশায় খরিদারের আশা ছেড়ে তখন হিসেনের খাতায় মন দিলেন। কেউ আলমারির চাবি বন্ধ করতে, কেউ ছড়ানো কাপড়গুলো ভাঁজ করে গাঁটুরি বাঁধতে লাগল। সকলেরই বাড়ি-যাবার তাগাদা, কেবল রমেশ নিশ্চল। সেই যে সে তক্তাপোষে বসেছিল আর ওঠেনি। ক্রমেই রাত হচ্ছে দেখে দোকানের লোকেরা উসখুস করতে লাগল। শেষে তারা অধীর হয়ে রমেশের কাছে এসে বল্ল—“দাদাবাবু রাত অনেক হল—উঠুন।” রমেশ এক ধমক দিয়ে উঠল। তারা আরো-একটু অপেক্ষা করলে, তার পর চাবির গোছা রমেশের সামনে রেখে বল্ল—“তা'হলে আমাদের ছুটি দিন।” রমেশ

একটা ভীষণ গর্জন করে বলে উঠল—“বেরো তোরা—বেরো!” তারা অবাক হয়ে রমেশের মুখের দিকে চাইতে লাগল। তারপর রমেশের তীব্র দৃষ্টি তখনো তাদের উপর রক্তবর্ণ হয়ে যুগছে দেখে আর দ্বিভুক্তি না-করে তারা আস্তে-আস্তে দোকান থেকে বেরিয়ে পড়ল।

(৪)

কালীচরণ যখন ফুলের মালা হাতে নিয়ে সন্ধ্যাবেলা বাড়ি ফিরল তখন তাকে দেখে সবাই আশ্চর্য হয়ে গেল। প্রতিদিন সে চোরের মতন রাতের অন্ধকারে বাড়ি প্রবেশ করে;—কখন আসে-যায় কেউ টের পার না। সবাই ভাবলে আজ হল কি! কালীচরণের স্ত্রী অনেক দিন মারা গেছে। বাড়িতে ছিল তার এক বিধবা বোন। সে দাদাকে ‘এত সকাল-সকাল আসতে দেখে চিন্তিত হয়ে জিজ্ঞাসা করবে—“দাদা তোমার অসুখ করেনি ত!”

দাদা বলে—“না, না!”

—“তবে এত সকাল-সকাল যে!”

—“আমি যে ছুটি পেয়েছি!”

—“ছুটি? সে কি দাদা!”

—“আরে, আর আমার দোকানে বেরতে হবে না।”

—“তবে দোকান চলবে কি করে?”

—“এখন থেকে রমেশ চালাবে।”

—“রমেশ ছেলেমানুষ—সে কি পারবে?”

—“দেখ, আর ভাবতে পারিনে।

এতকাল ধরে কেবল ঐ ভাবনাই ভেবে এসেছি! যা-কিছু করেছি সে ত ঐ রমেশের জন্তেই। আমার নিজের জন্তে হ’লে

কি এমন-করে মুখের রক্ত তুলে খাটতে পারতুম? এখন ওর জিনিষ ওকে দিয়ে আমি নিশ্চিত হলাম।”

—“তা বেশ করেছ দাদা, তোমার নিজের উপায় কিছু করে রাখলে?”

—“দেখ, বিন্দি, আজ আর আমার ভাবাসনে! আজকে আমি সব ভাবনা ঠেলে-ফেলে হাঁফ-ছেড়ে বসেছি। রমেশ কি তার বুড়ো-বাপকে ছমুঠো খেতে দিতে নারাজ হবে।”

—“না, দাদা, আমি সে-কথা বলছি না। দোকান তুমি রমেশকে দিয়েছ, বেশ করেছ। নগদ টাকা-কড়ি যা আছে তা কি হাতে রাখলে? বুড়ো-বয়েসে ছেলের হাত-তোলা হয়ে থাকবে কেন? পরে ত রমেশের সখই।”

—“দেখ বিন্দি, তুই আজ আমার জ্বালালি। সমস্ত হিসেবপত্র চুকিয়ে আজ আমি নিশ্চিত হয়ে দোকান থেকে বেরিয়েছিলুম, —তুই আবার তার জের টানতে আরম্ভ করলি। আরে, নগদ টাকা কি আমার কিছু আছে? যা লাভ করেছি সে-সবই ত ঐ দোকানের গর্ভে ঢেলেছি, তা না করলে ব্যবসা ফলাও হবে কেন? ভবিষ্যতে রমেশকে সংসার চালাতে হবে ত? তার কোন্ ছ-দশটা ছেলেমেয়েই না হবে। দেখ, বিন্দি, এখন ওসব কথা যেতে দে; আমি আর কোনো-ভাবনা ভাবতে চাই না। এখন ধাবারের জোগাড় কর দেখি—আমার ক্বিধে পেয়েছে।”

বিন্দি তাড়াতাড়ি উঠে দাদার জন্তে ধাবারের জোগাড় করতে যাচ্ছিল, হঠাৎ

ফুলের মালার দিকে চোখ পড়াতে অবাক হয়ে বলে উঠল—“দাদা, আজ এত ফুল এনেছ যে! কি হবে?”

তাই ত ফুলগুলো হবে কি! কিসের জন্তে কিনলুম একথা কালীচরণের একবার মনেও হয় নি। সে শুধু মনের আনন্দে—গন্ধের লোভে—ফুলগুলো কিনে ফেলেছিল। বোনকে কি জবাব দেবে সে ভেবে পেল না। সে বলে—“কী আর হবে! যা-হয় তুই করনা!”

বিন্দি খুসি হয়ে বলে—“বেশ ফুল দাদা! এগুলো আমার গোপালঠাকুরকে দিইগে।”—বলে সে চটপট ফুলগুলো তুলে নিয়ে ঠাকুর-ঘরের দিকে ছুটল।

(৫)

রমেশ তখনো চুপ-করে বসেছিল। মনে যে তার বিশেষ-কিছু ভাবনা উঠছিল তা নয়। কেবল ক্ষোভ, অভিমান, অপমানের ভাবগুলো স্ফীত হয়ে উঠে তার মনের তারগুলোকে টেনে কড়-কড়ে করে তুলছিল। একলাটি দোকান-ঘরের মধ্যে বসে-থেকে-থেকে এই কথা তার মনে ক্রমেই দৃঢ় হয়ে উঠতে লাগিল যে সে এই দোকানের দোকানী ছাড়া আর-কিছু নয়। দোকানটাকে তার মনে হতে লাগল একটা ভীষণ গারদ। এই গারদে তার জীবনকে চিরদিনের জন্তে বন্দী করে বাপ তাকে একলা ফেলে চলে গেছে।—বাপ তার নিজের মুক্তির জন্তেই এই শৃঙ্খলভার ছেলের সর্ব্বাঙ্গে জড়িয়ে দিয়েছে।—স্বার্থপর বাপ!

রমেশ চারিদিকে চেয়ে দেখলে—কেউ

কোথাও নেই—সে একলা! তার মনে হতে লাগল এই নিরুজ্জনতা, আর এই ভীষণ কারাগার ক্রমেই যেন দীর্ঘ হতে দীর্ঘ হয়ে উঠছে—মুহূর্তে মুহূর্তে তার সীমা দূরের দিকে ছুটে চলেছে। এ থেকে আর নিষ্কৃতি নেই। সে অধীর হয়ে উঠে দাঁড়াল।

রাস্তার জন-কোলাহল তখন থেমে গেছে। ঘরের প্রদীপ মিট-মিট করে জ্বলছে। উঠে দাঁড়াতেই তার পিছনের সেই ছায়া-দৈত্যটা গা-ঝাড়ি দিয়ে উঠে দাঁড়াল। রমেশ তার সামনে খানিকক্ষণ মুখোমুখি দাঁড়িয়ে রইল। তার মনে হ'ল সে যেন মিটি-মিটি হাসছে—রমেশের অবস্থা দেখে ভারি মজা পেয়েছে। রমেশ তাড়া-তাড়ি মুখ-ফিরিয়ে দাঁড়াল। অমনি মনে হ'ল সেই ছায়াটা যেন জুকুটা করে উঠল। সঙ্গে সঙ্গে সেই উপরের তাকের কালো-কিষ্টি খাতাগুলো যেন ফিস্-ফিস্ করে হেসে উঠল। রমেশ পাগলের মতো ছট-ফট করতে লাগল। কি করবে ঠিক করতে না পেরে সামনের খাতাগুলো নিয়ে ওলট-পালট করতে লাগল, —টেবিলের টানাগুলো ধরে টানাটানি করতে লাগল। এমনি-করে জিনিষপত্র বাঁটাবাঁটি করতে-করতে একখানা বড় খামে-মোড়া এক-তাড়া কাগজ তার হাতে এসে পড়ল। কৌতূহলের বশে নয়—উত্তেজনার বশে নাড়াচাড়া করতে-করতে সেই কাগজের লেখার প্রতি তার দৃষ্টি পড়ল। এটি তার বাপের উইল।

রমেশ গোটাকতক লাইন পড়েই বুঝলে

তার বাপ এই দোকানের সর্বস্ব তাকে দান করেছেন। হঠাৎ তার ভয়ঙ্কর রাগ হয়ে উঠল। এ ত দান কর্তী নয়—এ অপমান করা! কে তাঁর কাছে এই দোকান ভিক্ষে চাইতে গিয়েছিল? যে-দোকানী-নামের অপমান তিনি চিরদিন গলায় হার করে বহন করে এসেছেন সেই অপমানের হার তিনি ছেলের গলায় উপহার দিয়েছেন! আ মরি, মরি, কী উপহার! তাও আবার এমন-করে আঠে-পৃষ্ঠে বাঁধা যে নিকৃতি নেই! কারণ উইলে লেখা আছে—
“ইহাতে আমার পুত্রের বিক্রয়াদিকার, দানাধিকার কিম্বা কোন প্রকারে হস্তান্তর করিবার অধিকার রহিল না।”

রমেশ উইলখানা ছই হাতদিয়ে ধরে, কুটিকুটি করে, পাঁশে কাপড়-ইস্ত্রী-করবার যে আঙনের গামলা ছিল, তার উপর ছুঁড়ে ফেলে দিলে। কাঠ-কয়লার আঙন প্রায় নিভে এসেছিল, খোরাক পেয়ে আর-একবার স্ফূর্তিকরে জ্বলে উঠল। আঙনের এই স্ফূর্তি নেশার মতন রমেশের মনে গিয়ে লাগল। রাগের আক্রোশ কোথায় গিয়ে পড়ে জায়গা না পেয়ে ঐ আঙনের গামলায় গিয়ে পড়ল। রমেশ তখন হাতের কাছে যা-কিছু কাগজ পেলে ঐ অগ্নিতে সমর্পণ করতে লাগল। শেষে হিসেবের খাতায় পর্য্যন্ত টান পড়ল। তার মনে হতে লাগল তার বাপ উইলে

দোকানের সমস্ত অধিকার আটক রেখেছেন বটে কিন্তু এই একটা ফাঁকে মুক্তি আছে— সে এই অগ্নি!

সে যা হাতের কাছে পেলে ঐ আঙনে দিতে লাগল। তাতে আঙনের ষত স্ফূর্তি, রমেশেরও তত স্ফূর্তি, আর তত স্ফূর্তি ঐ কালো ছায়াটার! সে রমেশকে ইসারা করে আঙুল দোঁধয়ে-দোঁধিয়ে বলছিল—দাও, দাও, আহুতি দাও, সর্বস্ব আহুতি দাও!

দেখতে-দেখতে আঙন নানাদিকে শিখা বিস্তার করে উল্লসিত হয়ে উঠল। সমস্ত দোকানখানাকে গুষে খাবার জ্বলে তার সহস্র জিহ্বা লক্-লক্ করতে লাগল। সে দোকানের যথা-সর্বস্ব জ্বিত দিয়ে টেনে-টেনে ক্রমে নিজের উদরে পূরতে লাগল। শেষে এক মহা অগ্নিকাণ্ড! রমেশ ধোঁয়ায় রুদ্ধশ্বাস হয়ে ছুটে বেরিয়ে গেল।

* * * *

পরদিন সকালে কালীচরণ যখন বার হচ্ছে, তখন বিন্দু বলে—“দাদা, এরই মধ্যে যে বেকুচ্চ? কাল যে বলে, আমায় নিয়ে কাশী যাবার সব ঠিক করবে আজ!”

কালীচরণ একটা দীর্ঘশ্বাস ফেলে বলে—
“কাশী এগুন মাথায় থাকুন। এখুনি আমায় একবার ফায়ার-ইন্সুরেন্স অফিসে যেতে হবে।”

শ্রীমণিলাল গঙ্গোপাধ্যায়।

আহ্বান

মোরে কে ডাকিছে অজানায় !
আকাশের চাহনিতে, বাতাসের
পরশ-লীলায় !
তাইতে আসন ছাড়ি মুগ্ধ আঁখি
মুক্ত-জানালায় !

ছাড়াইয়া তোরণ-সীমায়,
এসেছি পথের ধারে, পথ-ষেথা
ভরা জনতায়,
মহানন্দে আগুয়ান, তরঙ্গের
নৃত্যভরে ধায় !

দাঁড়িয়ে রয়েছি অধিভিনায়,
অলিন্দ-সোপান হতে একা নেমে,
ব্যাকুল হিয়ায় !
প্রসারিত আঁধারের আলিঙ্গনে,
সঁপি আপনায় !

ফিরিয়া চাহেনা কেহ হয়,
চলে সবে, চলে সবে, দূর হতে
সুদূরে মিলায়,
ক্রম পদশব্দ যত, সমস্বরে
ডাকে, 'আয়' 'আয়' !
শ্রীপ্রিয়ম্বদা দেবী ।

ছিটে-ফোঁটা

আমাদের গাঁয়ে শামলাং-এ একটি
(মালার) কাঁসারী যুবক থাকতো;
দেখতে ভারি সুন্দর, কালো-কুঁচুচে
পাথরের তৈরি মূর্তিটির মত; আর তার
মনটা ছিল স্বচ্ছ নীল আকাশের মত পরিষ্কার।
সে আমাদের এই অসভ্য কোলেদের
গাঁয়ের শিল্পী ছিল—গানও গাইতো
তোয়লাও বাজাত। তাকে আমার
ভারি ভাল লাগত। তারপর তার
বিয়ে হ'ল। আমাদের বাড়ীতে সে তার
বোকে দেখিয়ে গেল—তার সেই দাম্পত্য-
সুখের বুকভরা আহ্লাদ তার চোখে-মুখে

প্রকাশ পাচ্ছিল। কিছুদিন পরে হঠাৎ
শুনলুম যে তার বাপ—অর্থাৎ স্বশুর, তার
কাছ থেকে জোর করে স্ত্রীকে ছিনিয়ে
নিয়ে গেছে—আর, সে আহা-নিদ্রা, শিল্প-
কলা, কাজকর্ম সবতাতেই জ্বলাঞ্জলি দিয়ে
তার কুঁড়েটিতে চুপচাপ বসে আছে—কারও
সঙ্গে দেখাও করে না কথাও কর না।
আমি এই সংবাদ পেয়ে তার সঙ্গে দেখা
করলুম। তার কুঁড়েটি গ্রামের মধ্যে সব-
চেয়ে ছোট, কিন্তু সব-চেয়ে পরিষ্কার-
পরিচ্ছন্ন। আদিনায় একটি বড় অশ্বখ-
গাছ; সেটির আলবাল মাটি দিয়ে সুন্দর-

ভাবে লেপা। তার ঘরের আর-একটি বিশেষত্ব, দেয়ালে বাঘ হাতি প্রভৃতির মূর্তি নানান রঙে আঁকাজোখা।

আমি ঘরে প্রবেশ করে তার হাপরের পাশে তার কাছে গিয়ে বসতেই সে একটু ছুঃখের হাসি হাসলে; তারপর আস্তে আস্তে তার মনের কথা সব খুলে রুলে। আমি ভাল করে বুঝিয়ে সাধনা দিয়ে পুনরায় তাকে বিয়ে করতে বলুম। সে তখন আমায় বললে, “আমি তোমার কথা শুনব না। আমি আমার স্ত্রীকে ভালবাসি, অতএব তার বাপ তাকে যেখানেই লুকিয়ে রাখুক, আমি বারো বৎসর তাকে আগে দেশে দেশে পথে পথে খোঁজ করে দেখব—তারপর অন্য কথা”। শেষে একদিন শুনলুম, তার যেমন কথা তেমনি জি। সে ঘর-ছয়োর ধান-চাল সঞ্চিত যা-কিছু ছিল, সব ফেলে কোথায় তার প্রিয়তার সন্ধান নিরুদ্দেশ যাত্রা করেছে তা কেউ জানেনা।

আমাদের মনে হয়—শিল্পীদেরও যাত্রা শিল্পলক্ষ্মীকে পাবার জন্তে এমনিভাবেই হওয়া বাঞ্ছনীয়। পথঘাট বিচার করে তিথি-নক্ষত্র দেখে যাত্রা নয়—একেবারে নিরুদ্দেশ যাত্রা।

* * * * *

ভারতশিল্পের এই নবজীবনের যুগটি খুব সত্যিকারের যুগ। এটি নারকোলের মত; তার মালাটি যখন ভরে উঠবে তখন তার আশেপাশে জল আর একটুকুও থাকবে না, সবটা একেবারে ভরে উঠবে। এইজন্তে অসুরোদ্গমের কালটাই

আসল; এবং ফসল যখন ভরে উঠবে তখন আর ব্যাধ্যা বা সমালোচনার প্রয়োজন থাকবে না।

* * *

নিরেনব্বই জন উচ্চশিক্ষিত ভদ্রলোকের কাছে আর্টিষ্ট নামে পরিচিত হলেই তাঁরা জানতে চান, আমরা ‘ফোটো-এনলার্জমেন্ট’ করতে পারি কি না। তাঁরা এটা বোঝেন না বা ভাবেন না যে, আর্টিষ্ট নিজের ক্যামেরা-বাক্স নয়, ক্যামেরায় তোলা ছবির রূপটি তাঁর কাছে একেবারেই মূল্যবান নয় বরং তাঁর জীবন্ত চেহারাটা। এখানে আর্টিষ্ট যদি ‘ফোটো-এনলার্জমেন্ট’র বদলে কেবলমাত্র চেহারাটা আঁকবার সুযোগ পান, তবে তাঁর কতকটা শিল্পনৈপুণ্য দেখাতে পারেন। কিন্তু আমাদের মনে হয়, মোটের উপর মানুষের চেহারা দেখে আঁকাটা চরম বলে কোন বড় শিল্পীই মেনে নিতে পারেন না। এটা জানা উচিত যে, চেহারা দেখে দেখে আঁকার উপরেও শিল্পীর সৃজনী-শক্তি (Artistic Creation) বলে একটা জিনিষ আছে—এবং তার প্রতিই আর্টিষ্টের শ্রদ্ধা হচ্ছে সব-চেয়ে বেশী।

* * *

সঙ্গীত-বিজ্ঞাটি যে অনন্ত (Infinite) এবং চিত্র-বিজ্ঞা যে সান্ত (Definite) এ বিষয়ের প্রমাণ পাশ্চাত্য শিল্পীদের বস্তুপ্রধান শিল্পগুলি দেখলেই পাওয়া যায়। তাঁরা Still-life বা ছড়-চিত্র—অর্থাৎ সামনের জিনিষ—নিয়মিত এমনি মশগুল

যে, দূরের দিকে তাঁদের নজর একরকম
চলে না বলেই হয়। আবার, যখন প্রাচ্য
চিত্রকরদের আঁকা—বিশেষতঃ জাপান ও
চীনের অনন্ত-নীল আকাশের উপরে
ভাসমান বলাকা-শ্রেণীর স্বদূরে যাত্রা প্রভৃতির
ছবি দেখি তখন আর চিত্রবিদ্যাকে সান্ত্ব
(definite) বলতে কিছুতেই ইচ্ছা হয় না
—এখানে সে ভূমাকেই মনে পড়িয়ে দেয়।
সঙ্গীত বাহ্যত শব্দপ্রধান হলেও যেমন তার
মধুর রসটুকু মনের কোণে এক জায়গায়
স্পন্দিত হতে থাকে, এই প্রাচ্য

শিল্পীদের আঁকা ছবিগুলি দেখার-মত-করে
দেখলে তাদের মধ্যে রেখার সমষ্টি ছাড়াও
অনেক অদেখা জিনিষও কল্পনায় জেগে
উঠতে থাকে। আমাদের এই নবীন শিল্প-
সাধনার দিনে তাই কবির কথায় বলতে
ইচ্ছা হয়—

“সহজ হবি সহজ হবি

ওরে মন সহজ হবি

কাছের জিনিষ দূরে রাখে

তার থেকে তুই দূরে রুবি”

শ্রীঅসিতকুমার হালদার।

কাগজের হাতী

বা

নব্য দিগ্‌নাগ্‌-প্রশস্তি

দূরে থেকে দেখে দিগ্‌গজ বলে .
ভুল ক'রৈছিলু প্রায় তারে,
কাছে এসে দেখি দিগ্‌গজ এঁকি
নজ্‌গজে এ যে একবারে !
পথ জুড়ে চলে প্রতি পদে টলে
চ্যাচাড়ি-চেরাই-দস্ত রে,
ঘোড়া ভড়্‌কায় দেখে আচম্‌কা
ছেলে ভয় পায় অন্তরে ।
আগে আগে চলে ময়ূরপঙ্খী
কাগজের হাতী ধায় পিছে,

প্রহ্লাদ-মারা শুঁড়ের বহর
কিন্তু সে ভয়ো—সব মিছে
ও শুঁড় কারেও মুড়ে তুলে কভু
পাটে তুলে রাজা কর্কে কি ?—
ও শুঁড় কখনো মহালক্ষ্মীর
অভিষেক-ঘট ধর্কে কি ?—
ও শুঁড়ে পাকড়ি বট-পাকুড়ের
পাতাটাও ছেঁড়া যায় না রে !
ও শুধু ধাম্‌কা সমাস ভাঙিতে
পট্ট টেনিসন-টার্ণারে ॥

কলম্‌গীর ।

পর্-ঈ-তাউস্

ওপারে মুচিখোলার নবাবী নিলেমে চড়েছে, এপারে সবুজ ঘাসের ঢালুর উপরে ছুই বন্ধুতে পা-ছড়িয়ে চড়ুই-ভাতির পরে একটু গড়িয়ে নিচ্ছি,—ঠিকে-গাড়ির ঘোড়া-গুলো হঠাৎ কাজের অবসরে এক-এক-বার যেমন ধুলোয় লুটোপুটি খেয়ে হাত-পা ছড়িয়ে নেয়।

সেদিন একটা ভাঙা খাঁচা জলের স্রোতে ভেসে চলতে দেখে আমি অবিনকে তামাসা করে বলেছিলাম—“ওহে খাঁচাটা নবাবের চিড়িয়াখানার দিক থেকে যখন ভেসে আসছে তখন এটা পক্ষীরাজের খাঁচা হলেও হতে পারে। দেখ-না সাঁতরে, যদি ওটাকে ধরতে পারো।” অবিন সাঁতার একেবারে না জানলেও সেদিন যে-কোরে জলে ঝাঁপিয়ে পড়েছিল, আর খাঁচাটা না তুলে, তাকে জেলে ডেকে জল থেকে তুলে আনার জন্তে আমার সঙ্গে যে-আড়িটা দিয়েছিল চিরদিন সেকথা আমার মনে থাকবে। এখন সে-কথা অবিন তুলে গেছে কিন্তু পক্ষীরাজ তার সেই যৌবনের হুঃসাহস বোধ হয় ভোলেনি, তাই হঠাৎ আজ তার স্থল-শরীর কাশীপুরের ঘাট থেকে জাহাজে আমাদের দর্শন দিতে এসে উপস্থিত! গোছা-গোছা ময়ূরের-পালক-হাতে সে লোকটা! কী অদ্ভুত যে দেখতে তাকে তা আর কী বলব! ভগ্নামিরী যত-রকম পালক হতে পারে সব-ক’টা দিয়ে সে আপনাকে সাজিয়েছে।

ছোট ছেলেতে, পাখীর ছানা হাতে পেলে টিপে-টুপে পালক-ছিঁড়ে যেমন করে, অবিন ঠিক তেমনি এ লোকটাকে ব্যতিব্যস্ত করে তুলে। অবিনের গায়ে তুলো-ভরা ছিটের কালো কোট। এ-লোকটাকে ময়ূর-পুচ্ছে বিচিত্র দেখে আমার কথামালার দাঁড়-কাকের গল্পটা মনে পড়ল। আমার তুলনাটা ইংরিজিতে অবিনকে শুনিয়ে দিতেই সে-লোকটা আমার দিকে চেয়ে বলে উঠলো—“তোমার বন্ধুর কোটের নক্সাটা ভালো করে কি দেখা হয়েছে? ওটা যে আগাগোড়া ময়ূর-পালকে ভরা।”—বলেই লোকটা উতরপাড়ার ঘাটে লাফিয়ে পড়লো—গাঁজার বিকট গন্ধে জাহাজ ভরে দিয়ে। আমি অবিনের কোটের দিকে চেয়েই একেবারে ঘাড়হেঁট কଲ্লম।

আকাশে একটা রাম-ধনুক ময়ূরের পালকের রং-ধরে দেখা দিয়েছে। আবার যখন মুখ-তুলে চাইলুম তখন সবপ্রথম ওইটেই আমার চোখে পড়লো। আমি অবিনকে সেটা দেখাবো বলে ডাকতে গিয়ে দেখি অবিন সেখানে নেই। আশে পাশে কোনো সহযাত্রী দেখলাম না। জাহাজের ডেক্ সমস্তটা খালি পড়ে আছে। তারি এককোণে আমাদের বাঁয়া-তবলা-জোড়া পড়েছিল। হঠাৎ সে-হুটো দেখি হুখানা কোরে পালকের ডানা বের কোরে পাখীর মত উড়ে পালালো। সঙ্গে সঙ্গে জাহাজের খালি বেঞ্চিগুলো একে

একে পালক গজিয়ে পক্ষীরাজের মতো লাফাতে লাফাতে ডেকময় ছুটোছুটি করতে করতে একে একে জলে ঝাঁপিয়ে পড়ে চম্পট দিলে।

আমাকে না-জানিয়ে বন্ধুরা সবাই হয় মাছের মতো, নয় পাখীর মতো পাখা না গজিয়ে কেমন করে এই মাঝ-গঙ্গা থেকে সরে পড়লেন, বেঞ্চুলো আর ডুগ ডুগি ছুটো কেন এমন অদ্ভুত কাণ্ড করতে লাগলো—একথা যখন আমার মনে উদয় হয়েছে অমনি দেখি ষ্টিমারখানা ছপাশে ছুটো প্রকাণ্ড ডানা ছড়িয়ে দিয়ে সোজা সেই আকাশ-জোড়া ময়ূর-পুচ্ছের মতো রামধনুকের ফটকটার দিকে উঠে চললো।

জল ছেড়ে শূণ্ডে খানিক ওঠবার পর দেখছি অবিন উপরতলার সারেঙের কুটুরী থেকে উঁকি মেরে আমার দিকে চেয়ে হাসছে! তার পাশে সেই ময়ূরের পালক-ওয়ালো অদ্ভুত মানুষটা আমাদের! আমি এদের কোনো কথা বলেছিলাম কিনা মনে নেই, উত্তরে একটা খুব গভীর গলায় শুনলাম—“পালকের যাত্নঘরে চলেছি,—ময়ূর-পুচ্ছধারীদের সপ্তম স্বর্গে!”

স্বর্গ এবং যাত্নঘর এর একটাতেও যাবার মতলবে আমি বাড়ি থেকে রওনা হইনি। তরী আমার বেরিয়েছে জোয়ার ঠেলে; ভাটা কাটিয়ে ঘরে ফিরবো—এই কথাই মনে ছিল। কাজেই আমি খুব চোঁচিয়ে বললাম—“জাহাজ ভেড়াও, আমি নামতে চাই।” কিন্তু জাহাজ তখন তার তরণীরূপ ছেড়ে পাগ্লা পক্ষীরাজ হয়েছে। আর চালাচ্ছেন তাকে সেই পালকধারী।

কাজেই কোনো ঘাটেই যে সে না-দাঁড়িয়ে বরাবর রামধনুকের মটকায় গিয়ে হেঁষাধনি করে হঠাৎ থামবে তার আর বিচিত্র কি!

তিনটেতে আমরা পক্ষীরাজের পিঠ থেকে জলন্ত উদ্ধার মতো কেন যে এতক্ষণ মহাশূণ্ডে ঠিকরে পড়িনি এইটেই আশ্চর্য! ময়ূরের পালকের ডগায় মাছি যেমন, তিনটিতে আমরা তেমনি সাতরঙের একটু কিনারা প্রাণপণে আঁকড়ে শূণ্ডে হুলছি, এমন সময় আমাদের পাগ্লা—সেই ময়ূরপুচ্ছধারী মানুষ-দাঁড়কাক—রামধনুর ডগায় স্থির হয়ে বসে আঙুল বাড়িয়ে দেখালেন। সেখানে কি আশ্চর্য পাখীরাই ঘুরে বেড়াচ্ছে! রঙিন পালকের আলোতে সে-দিকটা কখনো দেখাচ্ছে জ্যোৎস্নার মতো নীল, কখনো সকালের আকাশের মতো সোনালী, সন্ধ্যার আকাশের মতো রাঙা, জলের মতো ঝকঝকে স্নপালী, ধানের ক্ষেতের মতো ঠাণ্ডা সবুজ। এই বা নতুন পাতার মতো টাটকা, এই ঝরা পাতার মতো মলিন। রঙের খেলার সেখানে অন্ত নেই। তারি মধ্যে খেলে বেড়াচ্ছে একদল শিশু, পাখীর ঝরা-পালক উড়িয়ে-উড়িয়ে ছড়া-ছড়ি করে—তপোবনের শকুন্তলার মতো। আমি অবিনের গা টিপে বললাম—“ওহে এরাই হচ্ছে পরী।”

পাগ্লা একটু হেসে বললেন—“আজ্ঞে না। এরা হলো রামধনুকের প্রাণ। এরা আছে বলেই রামধনুকে রং আছে। পরী দেখতে চান তো ঐ দিকটায়—যে দিকটায় পালকের যাত্নঘর—যেখানে পালকের দাম আছে।”—এই বলে তিনি দক্ষিণে—প্রায় দক্ষিণ-দুয়ারের কাছাকাছি একটা জায়গা দেখিয়ে

বলেন—“ওই যে দেখছেন ছখানা ডানা বেঁধে হাত-ছটি বৃকে রেখে, ওঁরা হলেন মানুষ, কেবল ডানার খাঁতিরে আমরা বলি ওঁদের এন্জেল, আর কোনো তফাৎ মানুষের সঙ্গে নেই। আর ঐ দেখুন গরুড়কে। শুধু ডানা নয়, পাখীর ঠোঁটটা পর্য্যন্ত মুখোস করে’ পোরে দাশু-রসের রাজসিংহাসন আপনার রামা-চাকরের হাত থেকে বেদখল করে নিয়ে বসে আছেন। ওই ঠোঁট আর ডানা বাদ দিলে উনি মানুষমাত্র। আর ওই দেখুন বৃন্দাবনের শুক-সারী। এঁদের রাজা গরুড় তবু প্রভুর সেবার জন্তে মানুষের হাত ছখানা রেখেছেন; কিন্তু এই গরুড়ের চেলা সেবাদাস সেবাদাসীগুলি নিজেদের টিয়াপাখীর খোলসে সম্পূর্ণ মুড়ে ফেলে আসলটাকে একেবারেই গোপন করে’ দ্বিবি স্থখে বিচরণ করছে। মানুষ যখন পালকের শিল্পে খুব বিচক্ষণ হয়ে ওঠেনি— অর্থাৎ তাদের গৌড়া পালক ও পাখনা সহজেই লোকের কাছে ধরা পড়তো—এরা তখনকার জীবের আদর্শ। এ অংশটাকে ষাটঘরের পুরানো অংশ বলা যায়। এর পরেই ওদিকে ঐতিহাসিক যুগের জীবগুণো। ক্রুজেডারদের মতো পালক তারা কেবল মাথার ঝুঁটিতে রেখেছে, বাকি সমস্ত-দেহ লোহার সাজোয়া দিয়ে অনেকটা পাখীর ধরণে নিজেদের সাজিয়েছে। এই সময় থেকে ডানার চাল উঠে গিয়ে পালকের ঝুঁটি বাহাহুর-লোকমাত্রেরই মধ্যে ফাসন হয়ে উঠলো। টুপিতে, পাগড়ীতে, মুকুটে, ঘোড়ার মাথায় পালক গৌড়ার যুগ এটা। ময়ূরের পালক, বকের পালক, কাকের পালক, চিলের

পালক,—উটপাখী, ঘোড়াপাখী, সবার পুচ্ছ এরা বহন করেছে,—নিজেদের পুচ্ছ খসিয়ে রেখে! তার পর আধুনিক যুগের জীব দেখ। এখানে একদল শীরে পুচ্ছ দেখা যায়। একদল দেখা যায় পালকের কলম পেশা। আর-একদল সম্পূর্ণ পালক গোপন করে’ পালকধারীর রাজা হয়ে কেবল পালকের রং—গেরুয়া সাদা কালো ইত্যাদি গায়ে মেখে রাজত্ব করছে—কেউ আদালতে, কেউ বিদ্যালয়ে, কেউ ছাপাখানায়, কেউ ডাক্তারখানায়—প্রকাণ্ড পালকধারীদের কন্-গ্রেসে কন্ফারেন্স স্ব-স্ব-দেশে। এর পরে যে-যুগ আসবে তার সোনার ডিম পালকের গদীর উত্তাপে এখনো সিদ্ধ হচ্ছে। এই ডিম ফুটে যে বার হবে তার পালক পিপড়ের পিঠের ছখানি ডানার মতো হঠাৎ গজাবে—এই-রূপই পণ্ডিতরা বলেন। আর সেই অদ্ভুত জীবের জন্মদিনের ‘শোকোচ্ছ্বাস গাথা’ লেখবার জন্তে ময়ূরের ডানার গেরুয়া রঙের পালকের কলমটা কানে গুঁজে যে আসবে তার স্মৃতিসভার বিজ্ঞাপন এখন হতে বিলি আরম্ভ হয়েছে দেখ।”

বড় বড় শিল্প, পালক, ধূলো-বালি মুঠো-মুঠো ঝুড়িঝুড়ি আমাদের মাথায় মুখে চোখে পড়ছে। রামধনুক আঁকড়ে আর থাকা চলে না। এর মধ্যেই তার সাত রং ফিকে হতে শুরু হয়েছে—সম্পূর্ণ গলতে সাত সেকেণ্ডে লাগবে না। এই ঝড়ের মুখে অধিন তার পালক-ছাপা কোটের বোতাম এঁটে, পাণ্ডাজী তাঁর ময়ূর-পালকের চামর বাগিয়ে উড়ে পড়বার জোগাড় কচ্ছে দেখে আমি বল্লম—“ওহে আমার উপায় ?

আমার তো পালক নেই। আছে মাত্র গায়ে এই কাশ্মীরের 'পরীতোষ' শাল। এর নাম পরী বটে কিন্তু এর পালক মোটেই নেই! একে নিয়ে তো ওড়া চলবে না?" "খুব চলবে। ওকে বুঝি বলে 'পরীতোষ' ওর ফার্সি নাম হচ্ছে পর-ঈ-তাউস্। ময়ূরের পেখমের গোড়াতে যে ছাই-রঙের নরম পালক লুকানো থাকে তাই দিয়ে এটা প্রস্তুত। বাদশারা তরু-তাউসে এই শালের

বিছানা লাগাতেন। এখন আমরা গায়ে দিয়ে থাকি! ভয় নেই উড়ে পড়।"

মাথা থেকে পা পর্যন্ত শালখানা মুড়ি দিয়ে রামধনুকের মটকা থেকে রূপ করে' আবার ঘে-জাহাজ সেই-জাহাজেই নেমে পড়লেন। চোখ খুলে দেখলেন যেখানকার সেইখানেই আছি—পূর্বের মতো শ্রীঅবনীন্দ্র। রামধনুক আর পক্ষীরাজের সঙ্গে অবিদ্যা পালিয়েছে।

শ্রীঅবনীন্দ্রনাথ ঠাকুর।

মাসকাবারি

বুদ্ধিমানের কর্ম

"আশ্বিন ও কার্তিক" সংখ্যার 'নারায়ণে' বিপিনবাবুর "বুদ্ধিমানের কর্ম" শীর্ষক প্রবন্ধের শেষ অংশ বাহির হইয়াছে। এবারকার আলোচনার ধর্ম ও সমাজ সম্বন্ধে তিনি এতই নূতন নূতন দিক হইতে ভাবিয়াছেন এবং তাঁর ভাবনাগুলিকে এমন স্বচ্ছ ও সুদৃঢ় ভাবে প্রকাশ করিয়াছেন যে স্থানে স্থানে তাঁর রচনা পড়িয়া আমরা মুগ্ধ হইয়াছি। সমাজ বা ধর্ম সম্বন্ধে কোন বিশেষ দিকের পক্ষ লইয়া তাকে দাঁড় করাইতে হইবে এই লক্ষ্য থাকিলে লেখা কখনই এমন উজ্জ্বল হইয়া উঠে না।

বিপিন বাবু এবার 'philosophic anarchism' অথবা দার্শনিক অরাজকতার

কথা উত্থাপন করিয়াছেন এবং রবীন্দ্রনাথ যে ব্যক্তিস্বাতন্ত্র্যবাদ প্রচার করিতেছেন, এই দার্শনিক অরাজকতাই তার শেষ পরিণাম বলিয়াছেন। কথাটি অত্যন্ত খাঁটি। বস্তুতঃ রবীন্দ্রনাথের ব্যক্তিস্বাতন্ত্র্যবাদের প্রতিবাদ যারা করেন,—যারা সমাজ-তন্ত্রতা ও সমাজ-বোধ ব্যক্তিতন্ত্রতা ও ব্যক্তি-স্বাতন্ত্র্যবোধের চেয়ে পূর্ণতর ও কল্যাণতর বলিয়া ইতিহাস হইতে নানা নজির পাড়িয়া তর্ক করিতে বসিয়া যান, তাঁদের কারো কাছেই রবীন্দ্রনাথের এই অভিনব ব্যক্তিস্বাতন্ত্র্যবাদের এহেন তাৎপর্য ধরা পড়ে নাই।

বিপিনবাবু লিখিতেছেন :—

"কোনও সংস্কার মানিব না, তিন হাজার বৎসরেরও নহে, ত্রিশ বৎসরেরও নহে—বেশ কথা। অন্তরে যে কর্তাপুরুষ আছেন, কেবল তাঁহাকেই মানিয়া চলিব, বাহিরের কোমও কর্তৃত্বের অধীনে

খাকিব না,—শাস্ত্রেরও নহে, গুরুরও নহে; এক জন রামমোহনেরও নহে, বারজন রামারও নহে; স্মৃতিরও নহে, সমিতিরও নহে;—অতি উত্তম কথা। এই সংকল্প লইয়া যে জীবনপথে ও সাধনপথে দাঁড়াইতে পারে এবং জীবনের সকল বিষয়ে বিশ্বের প্রতি যথাসাধ্য উদাসীন হইয়া, কেবল নিজের কাছে খাঁটি থাকিতে চাহে, তাহাকে মাথায় করিয়া লই। * * * *

“সংস্কারের প্রভু যদি নষ্ট করিতে হয়, তবে এতটা বুকের পাটা থাকি চাই যে, যে ঈশ্বর মানিবে না, পরকাল মানিবে না, নীতি মানিবে না, ধর্ম মানিবে না,—কেবল নিজের নিকটে খাঁটি থাকিয়া জীবনপথে চলিবে এবং নিজের স্বাধীনতা প্রতিষ্ঠিত করিতে যাইয়া অপরের স্বাধীনতা নষ্ট বা ক্ষুণ্ণ করিবে না, এইটুকু মাত্র মানিয়া চলিবে,— তাহাকেও মাথায় করিয়া লইতে হইবে।

এরূপ ব্যক্তিস্বাতন্ত্র্যবাদকে কেহ কেহ অরাজকতা বলিতে পারেন। কিন্তু এ অরাজকতা প্রাকৃতজনের সৃষ্ট অরাজকতা নহে। ইউরোপে ইহাকেই দার্শনিক অরাজকতা বা Philosophic Anarchism বলে। আর রবীন্দ্রনাথ কিছুকাল হইতে যে ব্যক্তিস্বাতন্ত্র্যবাদকে আশ্রয় করিয়া আত্মমত প্রচাৰ করিতেছেন, এই দার্শনিক অরাজকতাই তার শেষ কথা ও অপরিহার্য পরিণাম। এই দার্শনিক অরাজকতা বা Philosophic Anarchism হেয় বস্তু নহে। যেখানে একান্ত বাহিরের আশ্রয় নহে, কিন্তু ভিতর হইতে ফুটিয়া উঠিয়াছে, সেখানে তাহাকে শ্রদ্ধাভরে সাষ্টাঙ্গে প্রণিপাত করি।”

বিপিনবাবু বলিতে চান যে, আমাদের দেশে ও আমাদের সমাজেই বহু প্রাচীন কাল হইতে এই দার্শনিক অরাজকতা বা ব্যক্তিস্বাতন্ত্র্যবাদ “ধর্মের ও সাধনের কেন্দ্রীভূত হইয়া আছে”। কেননা, বাহিরের ধর্মাদর্শ ছাড়িয়া তোমার অন্তরে যে পুরুষটি আছেন, তাঁকে জানো, তাঁকে

পাও—এ উপদেশ কেবল আমাদের ধর্মেরই নাকি পাওয়া যায়। অবশ্য জানে হোক, ভক্তিতে হোক, কর্মে হোক, যে কোন মার্গে হোক, সকল সাধনাতেই এই যে অদ্বৈত উপলব্ধি বা তাদাত্ম্য, কিম্বা সাযুজ্য-উপলব্ধি—ইহা আমাদের দেশে মোক্ষের চরম অবস্থা হইলেও, এ শ্রেণীর মোক্ষ-সাধনাকে ইউরোপীয় দার্শনিক অরাজকতা অথবা ঐকান্তিক ব্যক্তি-স্বাতন্ত্র্য সাধনার সমতুল মনে করাটা ভারি ভুল। কেননা, বিপিন বাবুই দেখাইয়াছেন যে “দেহশুদ্ধি, চিত্তশুদ্ধি, বিবেকবৈরাগ্য সিদ্ধি যার হয় নাই, এই ঐকান্তিক ব্যক্তিস্বাতন্ত্র্যধর্মে তার সত্য অধিকার জন্মে না।” অথচ Philosophic Anarchism কোন সাধনা বা মার্গ বা পদ্ধতির ধার ধারে না—কোন নির্দিষ্ট তত্ত্বও তার তত্ত্ব নহে।

প্রসঙ্গতঃ বলিয়া রাখি যে আশ্বিন ও কার্তিকের সবুজপত্রে প্রকাশিত “আমার ধর্ম” নামক প্রবন্ধে রবীন্দ্রনাথ নিজের ধর্মজীবনের যে অভিব্যক্তির স্তরপর্যায় উদ্ঘাটিত করিয়া দেখাইয়াছেন, তাতে একটি কথা এই পাওয়া গেছে যে, রবীন্দ্রনাথের ধর্ম কোন সুনির্দিষ্ট তত্ত্বের মধ্যে আসিয়া ধামিয়া যায় নাই—বিকাশমান ও বিচিত্রায়মান জীবনের সঙ্গে সঙ্গে তার বিকাশ ও বিচিত্রতা ক্রমশই নব নব রূপে দেখা দিতেছে। এইজন্য রবীন্দ্রনাথ কোন সাম্প্রদায়িক ধর্মে বিশ্বাস করেন না; তিনি বলেন মানুষের সেই ধর্মটিই তার নিজস্ব “যে ধর্ম মনের ভিতরে গোপনে থেকে তাকে সৃষ্টি করে তুলে।”

কিন্তু আমাদের দেশের ধর্মসাধনা সম্বন্ধে বিপিনবাবুই দেখাইয়াছেন যে কি বেদান্ত-ধর্ম কি বৈষ্ণব-ধর্ম 'সাধন-ধর্ম' ও 'সমাজ-ধর্ম'—এই দুয়ের মধ্যে একটা পার্থক্য দাঁড়াইয়া গেছে। তিনি ঠিকই লিখিয়াছেন, 'ইহাতে লোক-চরিত্রের মেরুদণ্ড ভাঙ্গিয়া দেয়'। আমাদের যুগগুরু রামমোহন রায় এই কারণেই বেদান্তের শিক্ষাকে নিন্দা করিয়া বলিয়াছিলেন যে, ঐরূপ মাত্ত্ববাদের শিক্ষায় শিক্ষার্থীরা জন-সমাজের যথার্থ সামাজিক হইতে পারে না। এবং এই কারণেই তিনি হিন্দুধর্মকে যেমন কাম্যকর্ম ও পৌত্তলিকতা হইতে মুক্তি দিতে চাহিয়াছিলেন—কেননা তাহাদের দ্বারা "texture of Society" সমাজের বাঁধুনিই আলগা হইয়া পড়ে ;—তেমনি বেদান্তসূত্রেরও নূতন করিয়া ভাষ্য লিখিতে প্রবৃত্ত হইয়াছিলেন। তাঁর ভাষ্যে বেদান্ত-ধর্ম গার্হস্থ্য ধর্মের স্থান আছে, নীতির স্থান আছে, কর্মের স্থান পূরাপূরিই আছে। সুতরাং কি জ্ঞানমার্গে কি ভক্তিমার্গে, মোক্ষত্বের আদর্শ যদি এই হয় যে, 'মুমুকু' ব্যক্তি জীবনের নানা অভিজ্ঞতার রসে পূর্ণ হইয়া জীবনের বিচিত্র দিকগুলিকেই একের মধ্যে পূর্ণের মধ্যে নিবিড়লীন করিবেন—তবে ত সে মোক্ষের আদর্শকে 'অ্যাবস্ট্রাকশন্' বা অবচ্ছিন্ন আদর্শ বলিবার জো নাই। কিন্তু রামমোহন রায় যে ভাবে বেদান্ত-ধর্ম মানিতেন কিম্বা এখনকার কালচারে দীক্ষিত কোন ব্যক্তি যেভাবে বেদান্ত-ধর্ম অথবা বৈষ্ণব-ধর্ম মানিবেন, তার সঙ্গে আসল বেদান্ত-ধর্ম বা বৈষ্ণব-ধর্মের সম্বন্ধ

অতি অল্প—একথা স্বীকার করিতেই হইবে। যেমন . . ধরুন, অবতারকে 'নরনারায়ণ' বলিলে . এবং যুগে যুগে যুগধর্ম সেই নরনারায়ণ নানাজনের মধ্য দিয়া অবতীর্ণ-আবির্ভূত হইতেছেন—এভাবে humanityর পূজাকে অবতারবাদ বলিলে তাকে অবতারবাদের নূতন বাণী বলিব—সত্যকার অবতার-বাদ বলিব না।

সুতরাং যে অভিনব ব্যক্তিস্বাতন্ত্র্যবাদ রবীন্দ্রনাথ তাঁর সাহিত্যের মধ্যে আমদানি করিতেছেন, সে জিনিস প্রাচীনকালে . এ-দেশে ছিলনা, এখনও নাই। যে জিনিসটা আমাদের দেশে সত্য সত্যই ছিল তাহা ধর্মমতের এবং সামাজিক শ্রেণী ও আচারের pluralism বা অসংখ্যতা। মতবৈচিত্র্য শ্রেণীবৈচিত্র্য অমুঠানবৈচিত্র্য—এ সকল বৈচিত্র্যকে ভারতবর্ষ চিরকাল উদার ভাবে স্বীকার করিয়াছে। ইহাদের মধ্যে সমন্বয় গড়িবার চেষ্টাও পাইয়াছে। সেই চেষ্টায় ভারতবর্ষ এক একটা বড় বড় সংস্কার, এক একটা বড় বড় symbol গড়িয়া দিয়া তার আশ্রয়ে বহুলোককে আকর্ষণ করিয়া আনিয়া ঐক্যসূত্রে বাঁধিয়াছে। কিন্তু সববৈচিত্র্য-পরখ-করা অথচ সর্বসংস্কার-হরা যে ব্যক্তিস্বারাজ্য বা দার্শনিক অরাজকতা—যেখানে কোন বিধিনিষেধ মানা একেবারেই নাই—সে বস্তু পূর্বকালে কোথায় ছিল? এতো ভারতবর্ষীয় সন্ন্যাসের আদর্শ কোন মতেই নয়। অসংখ্যতার মধ্যে ৬ বস্তুর উদ্ভব হয় না, দ্বৈতের মধ্যেই এ'র যথার্থ উৎপত্তি। ইউরোপে . সেই দ্বৈতের দ্বন্দ্ব সর্বত্র প্রকট—একদিকে ষ্টেট অগুদিকে

ইন্ডিভিডুয়াল বা ব্যক্তি; একদিকে ধনশক্তি অত্রদিকে জনশক্তি;—মাঝখানে বিচিত্র সমাজ-তন্ত্র বিচিত্র ব্যবস্থা বিচিত্র আচার-বিচারের কোন ল্যাঠাই নাই। সেই জন্ত ইউরোপে দরকার—ব্যক্তি ও ষ্টেটের পরস্পরের সংঘর্ষ ঘুচাইবার জন্ত পরস্পরের মাঝখানে সামাজিকতাকে বিচিত্র ভাবে গড়িয়া তোলা। তবেই একদিকে ষ্টেটের একতন্ত্র প্রভুত্ব ও তার ফলে কি অন্তর্যুক্ত কি বহিঃযুক্ত যেমন কমিবে, অত্রদিকে তেমনি anarchism প্রভৃতিও ঘুচিবে। এবং ভারতবর্ষে দরকার—ঐ নিবিড় অসংখ্য-তার উপদ্রব ও সামাজিক জটিল জালকে সংক্ষিপ্ত করিয়া তার মধ্যে একদিকে রাষ্ট্রের ও অত্রদিকে ব্যক্তিস্বাতন্ত্র্যের স্থান করিয়া দেওয়া।

বিপিনবাবু যে মনে করেন যে, রাষ্ট্রীয় অধিকার আমাদের দেশে না থাকার জন্ত আমাদের দেশের জনমণ্ডলীকে ‘রূপণ’ করিয়াছে, তাদের মধ্যে ‘সিভিক্‌ধর্ম’ জাগে নাই—সে কথা আংশিকভাবে সত্য। কিন্তু রাষ্ট্রীয় অধিকার কেন এদেশে থাকে নাই, সে কথাটা কি চিন্তা করিয়া দেখা উচিত নয়? ভারতের ইতিহাসে ক্ষণে ক্ষণে রাষ্ট্রীয় শক্তি বড় আকারে দেখা দিলেও অচিরেও তার বড় বিকারও কেন ঘটিয়াছে? ক্ষত্রিয়শক্তি, বৈশ্যশক্তি কেন লোপ পাইয়াছে এবং ব্রাহ্মণ-শক্তিও একপায়ে দাঁড়াইয়া বকবৃত্তি করিতে অপারগ হইয়া কেন শূদ্রবৃত্তি অবলম্বন করিয়া অধঃপাতের চরম সীমায় আসিয়া ঠেকিয়াছে? তার কারণ কি এই নয় যে, যে ‘সামাজিক

সহানুভূতি ও সাহচর্য্য’ দেখিয়া বিপিনবাবু মুগ্ধ, তার ভিতরে বিচিত্র সম্বন্ধ-জাল ও বিচিত্র কর্তব্য ও দায় আছে বটে, কিন্তু ব্যক্তিত্বের স্বাধীন স্ফূর্তির কোন সুযোগ নাই? এই ব্যক্তিত্ব না থাকিলে নেশন গড়েনা, ষ্টেট গড়েনা; এই ব্যক্তিত্ব না থাকিলে স্ত্রী-পুরুষের সম্বন্ধ স্বাধীন ভিত্তির উপর প্রতিষ্ঠিত হয় না; এই ব্যক্তিত্ব না থাকিলে রাজশক্তি গণশক্তিকে স্বীকার করে না এবং ‘অভিজাতশক্তিও ক্রমশ গণশক্তির মধ্যে আপনাকে বিলীন করিতে চায় না।

ইউরোপের চাই communalism বা সমাজ-ধর্ম; আমাদের চাই individualism বা ব্যক্তি-ধর্ম। সেই ব্যক্তি-ধর্মের বাণী প্রচার করিতেছেন রবীন্দ্রনাথ। আমাদের দেশের রোগের সেই মহৌষধ।

অনেকে মনে করেন যে, ব্যক্তি-ধর্ম আমাদের সমাজে জাগ্রত হইলে তাহা আমাদেরকে স্বৈচ্ছাচারে উত্তীর্ণ করিয়া দিবে। এটা কেন ভুলিয়া যাই যে, পুরুষ-পুরুষানুগত সংস্কার যাহা হাড়ে মজ্জায় বহু শতাব্দী ধরিয়া বসিয়া গেছে, তার পাশ মানুষ কখনই শেষ পর্য্যন্ত কাটাইতে পারে না। উত্তরাধিকারের সূত্রে যাহা আমরা পাইয়াছি, জাতি হিসাবে যে সকল লক্ষণে আমরা আক্রান্ত, তা কি ছুদণ্ডেই ঘুচে? ব্যক্তিধর্ম যদি আমাদের সমাজে অত্যধিক মাত্রায় দেখাও দেয়, যদি তাহা সাময়িক ভাবে উচ্ছৃঙ্খলতার দিকে লইয়াও যায়, তবু আশঙ্কার কারণ নাই। কোন নূতন আন্দোলনই কোন দেশেই অত্যন্ত সুস্থভাবে

আসে না। রেনেসাঁসের কালে ইউরোপের সমাজকে উচ্ছ্বল করে নাই? ফরাসী রাষ্ট্র-বিপ্লবের কালে করে নাই? সেই উচ্ছ্বলতাটাই কি চিরজীবী হইয়া আছে? মধ্যযুগীয় ষ্টেট ও চার্চের একতন্ত্র প্রভুত্ব এখনও মরে নাই—সেইজন্য রেনেসাঁসের পর হইতে ষ্টেট ও চার্চের সঙ্গে নবজাগ্রত ব্যক্তির পুরোপুরি বনিবনাও আজ অবধি হয় নাই। বাট্রাও রাসেল তাঁর “Principles of Social Reconstruction” নামক নূতন বইটিতে পরিষ্কার বলিয়াছেন যে, আধুনিক রাষ্ট্রের মধ্যে মধ্যযুগের সংস্কার যথেষ্ট জড়িত হইয়া আছে—রাষ্ট্রের সর্বময় প্রভুত্বই তার প্রকৃষ্ট উদাহরণ।

রাষ্ট্রীয় অধিকার পাইলে আমাদের অনেক বন্ধন শিথিল হইয়া ক্রমশ খসিয়া যাইবে, ইহা বিশ্বাস করি। কিন্তু ইহাও জানি যে, বন্ধন শিথিল করিবার জন্য অনেক জ্ঞান-বিজ্ঞানের উন্মেষ বা রেনেসাঁস, অনেক সামাজিক সংস্কারের আন্দোলন বা রেফরমেশন, অনেক লড়াই, অনেক বিপ্লব, অনেক নড়াচড়া আবশ্যিক। শুধু রাষ্ট্রীয় অধিকার পাইয়াই ইউরোপের দেশগুলি বড় হয় নাই—মনে রাখা দরকার যে বিজ্ঞানের উন্মেষ, স্বাধীন চিন্তার সূত্রপাত, প্রটেস্ট্যান্ট আন্দোলন, এ সমস্তই সে-সকল দেশের মনকে সতেজ ও স্বাধীন করিয়া তুলিয়াছে। সেই জন্যই ভোগের পথ দিয়াই ইউরোপ ত্যাগের পথে ছুটিয়াছে। আর আমরা? আমাদের মধ্যে একটুখানি সাহিত্যের উন্মেষ ছাড়া বিশেষ কোন চিন্তাকৃতি দেখা

দেয় নাই। “রাষ্ট্রের শক্তি জাগুক, শাস্ত্রের শাসন আপনি তার পথ করিয়া দিবে” সত্য বটে, কিন্তু রাষ্ট্রের শক্তি জাগাইতে গেলেই জাতির মনন-শক্তিকে সর্বতোভাবেই জাগানো চাই। নহিলে সে শক্তি কেহ হাতে তুলিয়া দিলেও, হাত হইতে খসিয়া পড়িতে পারে, একথা আমাদের মনে রাখা দরকার।

আচার ও বিচার

আশ্বিন ও কার্তিকের “সকুজপত্রে” “আচার ও বিচার” প্রবন্ধের লেখক বলেন যে, “আচারকে বাদ দিয়া যদি শুধু বিচারের দ্বারাই সমাজের কাজগুলা চালান হইত তবে কার্যের ক্ষেত্র কখন তেমন ব্যাপক হইত না। কাজও তেমন জোরে চলিত না।...মানব সমাজে আচার ও বিচার দুয়েরই প্রয়োজন।...সমাজের পরিচালনায় বিচার রাজা, আচার তাহার কার্য্যাধক্ষক।”

সম্প্রতি আচার জিনিসটা সম্পূর্ণরূপে বাদ দিয়া শুধু বিচারের দ্বারাই সমাজের কাজ চালাইবার প্রস্তাব উঠিয়াছে, এই ধারণাটাই লেখকের মনের মধ্যে বন্ধ-মূল থাকায় আচার ও বিচারের মধ্যে একটা সামঞ্জস্য রচনা করিবার জন্য তিনি চেষ্টা করিয়াছেন। তিনি দেখাইয়াছেন যে, একটা প্রথা যখন সমাজে দেখা দেয়, তখন তার মূলে বিচার থাকেই। কিন্তু কালক্রমে সেই প্রথাটা বিচারের এলাকা হইতে আচারের এলাকায় আসিয়া পড়ে। তখন “যে প্রথাটা প্রথমে মঙ্গলের মূর্তিতে দেখা দিয়াছিল আচারের জোর ও জবরদস্তিতে

সেটা ক্রমে মহা অনর্থের হেতু হইয়া উঠে।”

তিনি যে সকল কথা লিখিয়াছেন, সেগুলি কিছুমাত্র নূতন কথা নয়। কিন্তু আচারকে উঠাইয়া দিয়া বিচারের দ্বারাই সমাজের সকল কাজ চালাইবার মত অদ্ভুত প্রস্তাব কোথাও উঠিয়াছে বলিয়া আমি জানিনা। সমাজে জ্ঞানের আলো যখন জ্ঞানী-গুণীদের শিখরদেশ ছাড়িয়া নিম্ন-ভূমিতে জনসাধারণের মধ্যে ক্রমশ ছড়াইয়া পড়ে, তখন যুক্তিহীন আচার-পালনের বিরুদ্ধে মানুষের প্রতিবাদ স্বভাবতই সর্বত্র জাগিয়া উঠে। অর্থাৎ তখন বিচার-পূর্বক আচারকে গ্রহণ ও বর্জন করিতে হইবে, এই আদর্শটা দাঁড়ায়। তার অর্থ এমন নয় যে, আচারকে তুলিয়া দিয়া যার বিচার যেমন বসে সে তেমনি রীতিনীতি অবলম্বন করিবে। সেরূপ স্বচ্ছাচারে কোন সমাজই টেকে না।

জড়বিজ্ঞানে বলে যে, শক্তির যেমন একটা conservation আছে, তেমনি তার রূপান্তর ঘটিতেছে। জড় জগতে এই স্থিতি ও গতির সামঞ্জস্যই শক্তির লীলা চলিয়াছে। সমাজতত্ত্বে শাস্ত্র, আচার, বিধি-বিধান প্রভৃতি সমাজের সেই conservationএর শক্তি। সামাজিক জীবন পরিবর্তনশীল এ কথা সত্য; কিন্তু সে পরিবর্তন পূর্বাপরবিচ্ছিন্ন উচ্ছৃঙ্খল খেয়ালের পরম্পরা মাত্র নয়। আচার, শাস্ত্র, বিধি প্রভৃতির দ্বারা সে সকল সামাজিক পরিবর্তনের মধ্যেও একটা যোগসূত্র রক্ষা পায়।

“It is the letter that killeth”—

অজ্ঞানী শাস্ত্রের মর্মকে ধরিতে পারে না, তার শব্দকেই শিরোধার্য্য করে। তেমনি অজ্ঞানীর আচার-বশুতা আর সজ্ঞানীর আচার-পালনের মধ্যেও বিস্তর পার্থক্য। একে গতানুগতিক ভাবে আচারকে আশ্রয় করে, অথো বিচারপূর্বক যে আচার অশুভকর তাকে বর্জন এবং যে আচার শুভকর তাকে গ্রহণ করে। যে সমাজে অজ্ঞ লোকেরই প্রাধান্য সেই সমাজেই আচার আছে কিন্তু বিচার নাই; সুতরাং সে সমাজে উন্নতির স্রোত নূতন নূতন পরীক্ষা ও উদ্ভাবনের খাত কাটিয়া দ্রুতবেগে অগ্রসর হয় না—মরা নদীর মত পাকে পঙ্কিল হইয়া পচিয়া উঠিতে থাকে।

আমাদের দেশে এযুগে রাজা রামমোহন রায় প্রথম অনুভব করেন যে, হিন্দু ও মুসলমান ধর্মের আচার জিনিষটা ধর্মের সঙ্গে জড়িত বলিয়া ঐ দুই ধর্মেরই নীতির চেয়ে রীতিনীতি বড় হইয়া উঠিয়াছে। পাপ হইতে বিরত হইলেও মানুষ শুদ্ধ হয় আবার তিথিবিশেষে স্নান করিলেও শুদ্ধ হয়—এ অবস্থায় চিন্তাশুদ্ধির চেয়ে বহিঃশুদ্ধির দিকেই মানুষের মন স্বভাবতই ঝুঁকিবে। সেইজন্ত রাজা রামমোহন রায় শুদ্ধাশুদ্ধ, খাড়াখাড়া, গম্যাগম্য বিচারের সঙ্গে পরমার্থের যে কোন সম্বন্ধই নাই, ইহা হিন্দু ও মুসলমান শাস্ত্র হইতেই প্রমাণ করিয়া দিলেন। হিন্দু ধর্মকে তিনি কাম্য কর্ম, তামস কর্ম, পৌত্তলিক আচার প্রভৃতি হইতে মুক্ত করিয়া ব্রহ্মজ্ঞানের ভিত্তিতে ও লোকঃশ্রেয়-সাধনের ভিত্তিতে প্রতিষ্ঠিত করিলেন। মুসলমান

ধর্মকেও তিনি তার সরিয়ৎ, তার হারাম হালালাদি অর্থাৎ শুদ্ধাশুদ্ধ বিচার হইতে মুক্তি দান করিলেন।

ধর্ম হইতে আচারকে পৃথক করিলে আচারের বিষদাত ভাঙিয়া ফেলা হয়। তখন আচার কেবলমাত্র লোকস্থিতি ও লোক-সংগ্রহের একটা উপায় মাত্র হইয়া দাঁড়ায়। রাজা রামমোহন রায় এইদিক হইতেই আচারের সার্থকতা দেখিতে পাইতেন।

সবুজ পত্রের লেখক আচারের সঙ্গে বিচারের সামঞ্জস্য যেভাবে প্রতিষ্ঠা করিতে চেষ্টা করিয়াছেন, সেভাবে সামঞ্জস্য খাড়া করা শক্ত। বিচার যদি প্রতি ব্যক্তিবিশেষের বিচার হয়, তবে ত আচার দেখিতে দেখিতে

স্বেচ্ছাচারে পরিণত হয়। আচারকে নিয়ন্ত্রিত করিবার মত একটা আদর্শ বা principle থাকা চাই। রামমোহন রায় সে রকমের একটা আদর্শকে ধরিয়াছিলেন—তাহা তাঁর লোকঃশ্রেয়ের আদর্শ। তিনি লিখিয়াছেন, “যে যে উপায় দ্বারা লোকের শ্রেয়ঃ প্রাপ্তি হয় তাহাই কেবল কর্তব্য।” সুতরাং যে যে আচার পালনের দ্বারা লোকের শ্রেয়ঃ ঘটিবেনা তাহা অসদাচার; যে যে আচার পালনের দ্বারা লোকের মঙ্গল ঘটিবে তাহা সদাচার। আচারের বিচার করিতে হইলে এই রকমের একটা মানদণ্ড থাকা নিতান্ত দরকার।

শ্রীঅজিতকুমার চক্রবর্তী।

সমালোচনা

বঙ্গালা ভাষার অভিধান। শ্রীযুক্ত জ্ঞানেন্দ্রমোহন দাস কর্তৃক সংকলিত ও সম্পাদিত। প্রকাশক; ইণ্ডিয়ান প্রেস, এলাহাবাদ। ইণ্ডিয়ান পাবলিশিং হাউস,—কলিকাতা। নিউ আর্টিষ্টিক প্রেস, ১নং রামকিষণ দাসের স্টেন, কলিকাতা, শ্রীশরৎশশী রায় কর্তৃক মুদ্রিত। মূল্য সাত টাকা। সুপার-রয়েল অপেক্ষাও বড় আকারে এবং সম্পূর্ণ-নূতন বিশিষ্ট অক্ষরে ছাপা ১৫৭৭ পৃষ্ঠার এই সুবৃহৎ গ্রন্থখানি বঙ্গ-সাহিত্যের গৌরব-স্বরূপ হইয়াছে। ইহাতে লেখ্য ও কথা সকল বঙ্গালা শব্দের ব্যুৎপত্তি ও অর্থ,— এবং বহুস্থলে তাহাদের ব্যবহারও দৃষ্টান্ত-সহ সংগৃহীত হইয়াছে। তাহার উপর সমোচ্চাৰ্য্য শব্দাভিধান, সংস্কৃত ধাতুসমূহ ও তাহাদের অর্থ, বঙ্গালা ভাষায় প্রচলিত সংস্কৃত, হিন্দী ও বিদেশী প্রবচন ও শব্দাদির অর্থ, প্রাচীন ও আধুনিক মুদ্রা, পরিমাণ, সংখ্যা ও পরিমাপ-বাচক শব্দাভিধান, বঙ্গালা

ভাষায় সুপ্রচলিত প্রবাদ বা উল্লেখের সহিত সংস্কৃত পৌরাণিক, ঐতিহাসিক ও কাল্পনিক ব্যক্তির পরিচয়, বঙ্গীয় নর-নারীর প্রচলিত নাম-সংক্ষেপ ও ডাক-নাম-বোধক শব্দাভিধান, বঙ্গালা মুসলমানদিগের আরবী ও পারসী নামের বিশুদ্ধ উচ্চারণ-সঙ্গত বানান এবং অর্থ, বঙ্গালা কাব্য, ইতিহাস-পুরাণাদি গ্রন্থ-উল্লিখিত প্রসিদ্ধ স্থানসমূহের উদাহরণ-সম্মত ভৌগোলিক সংস্থান, বঙ্গালায় প্রচলিত সংক্ষেপ শব্দসমূহের অর্থ, বঙ্গালা-গ্রন্থ-পত্রাদিতে ব্যবহৃত সংস্কৃত উদাহরণাদির অর্থ, মেট্রিক বা ফরাসী দশমিক পরিমাণ-প্রণালী, মুদ্রা-বিনিময়ের হার, বিদেশী নামের বঙ্গালা লিপ্যন্তর, প্রফ সংশোধনের সঙ্কেতাদি অত্যন্ত বিশদভাবে লিপিবদ্ধ হইয়াছে! এই গ্রন্থ-সঙ্কলনে সম্পাদকের অসাধারণ পরিশ্রম ও অধ্যবসায়ের কথা স্মরণ করিয়া আমরা তৃপ্ত ও মুগ্ধ হইয়াছি—এবং মতদূর দেখিয়াছি, গ্রন্থখানি

সম্পূর্ণ নিভুল। প্রকাশক ও বাঙ্গালা মুদ্রাযন্ত্রের পক্ষে ইহা অল্প গৌরবের বিষয় নহে। এই অমূল্য গ্রন্থের ছাপা কাগজ যেমন পরিষ্কার, বাঁধাইও তেমনি মনোরম ও মজবুত—অথচ মূল্য মোটে সাত টাকা মাত্র। বঙ্গভাষার প্রত্যেক লেখক ও পাঠকের পক্ষে এ গ্রন্থখানি অমূল্য। গৃহ-পঞ্জিকার মত এ গ্রন্থ বাঙ্গালীর গৃহে গৃহে বিরাজ করুক। এমন শিশু, অভিধান বাঙ্গালা-ভাষায় আর নাই—এ কথা আমরা জোর করিয়া বলিতে পারি।

মায়া। গীতিকাব্য; শ্রীযুক্ত হেমেন্দ্রবিজয় সেন প্রণীত। বর্ধমান, বন-নবগ্রাম হইতে গ্রন্থকার কর্তৃক প্রকাশিত। কলিকাতা, বঙ্গবাসী প্রেসে মুদ্রিত। এখানি কবিতা-গ্রন্থ; সমালোচনা করিতে, ভয় হয়। কারণ, লেখক 'উন্মেষিকায়' লিখিয়াছেন, "যদি মায়ার আদর না হয়, তবে তাহাতে আমার কোন দুঃখ নাই; কারণ সংসারের আপাত-মধুর খণ্ড-সুখপূর্ণ ভোগবিলাস ত্যাগ করিয়া কেহই প্রায় নিত্য সুখের অনুসন্ধান করিতে রাজী নহেন। যদি কেহ তৃষ্ণিত তাপিত থাকেন, যদি কাহারো চিত্ত নিত্য সুন্দরের অপরূপ রূপের জগ্ন পাগল হইয়া উঠে, তিনি অবশ্য 'মায়া' হইতে একটু ক্ষীণ আভাস প্রাপ্ত হইবেন—সন্দেহ নাই। আর তাই সাধকের ক্ষীণ আভাস-প্রাপ্তির আনন্দই আমার একমাত্র সুখ, একমাত্র অভিপ্সিত বস্তু" ইত্যাদি, ইত্যাদি। আমরা সাধক নহি, তাই হয় ত এ কবিতাগুলির রস গ্রহণ করিতে পারিলাম না। কিন্তু এ কথা বলিতে বাধ্য যে সাহিত্যের বাজারে এ জিনিষের কোনো দর নাই।

ব্রহ্মচর্য্য-সাধন। শ্রীযুক্ত যোগেশচন্দ্র সেন, এল, এম, এস ও শ্রীযুক্ত হেমচন্দ্র সেন, এল, এম, এস প্রণীত। কলিকাতা, ৭৮ নং রসারোড (নর্থ) হইতে গ্রন্থকার কর্তৃক প্রকাশিত। সাধী প্রেসে মুদ্রিত। মূল্য এক টাকা। নাম শুনিয়া কেহ যেন মনে না করেন, এ গ্রন্থে বৈরাগ্য-সাধনের কোন সুগভীর তত্ত্ব আলোচিত হইয়াছে—স্বাস্থ্য-বিজ্ঞানের কয়েকটি মূল সূত্র অবলম্বনেই এ

গ্রন্থ রচিত। গ্রন্থকারের উভয়েই পাশ্চাত্য চিকিৎসা-বিদ্যায় পারদর্শী। প্রত্যক্ষ-জ্ঞান ও বিজ্ঞান-চর্চার ফলে তাঁহারা যে সত্য আবিষ্কার করিয়াছেন, বঙ্গীয় নর-নারীর স্বাস্থ্যোন্নতির পক্ষে তাহা সহায়ক হইবে ভাবিয়াই সে সত্য তাঁহারা এ গ্রন্থে প্রচার করিয়াছেন। জীবতত্ত্ব ও শারীর-তত্ত্বের আলোচনায় গ্রন্থখানি পরিপূর্ণ। ভূমিকায় গ্রন্থকারের লিখিয়াছেন, "ব্রহ্মচর্য্য বুদ্ধিতে এবং বুঝাইতে হইলে কিঞ্চিৎ অশ্লীলতা-দোষ অপরিহার্য্য। অনেকের মতে এ বিষয়ের শারীর-তত্ত্বালোচনা যুবকগণের নিকটে উপস্থিত করা উচিত নহে। কিন্তু জীবতত্ত্ব এবং শারীরতত্ত্বের অধ্যাপনা কলেজের সকল শ্রেণীতেই আরম্ভ হইয়াছে; ইহাতে সবই আছে, কেবল সংযমের কথাটা নাই। অন্তর্দিকে পেটেন্ট ঔষধ এবং পেটেন্ট চিকিৎসকগণের সহস্র সহস্র বিজ্ঞাপন হইতে অল্প-বয়স্ক বালকগণও জনন-তত্ত্বসম্বন্ধে অতি কুভাবে শিক্ষা পাইতেছে। যখন ঝড় নিবারণ করা সম্ভব নহে, তখন ঘর শক্ত করা বোধ হয় সুবুদ্ধির কার্য্য, অসম্ভব; অনেকের এইরূপ মত দেখিতে পাওয়া যাইতেছে। এই কারণে এ পুস্তক প্রচার করিতে সাহসী হইলাম।" গ্রন্থকারের এ-সঙ্কোচের কোন কারণ ছিল না—ব্যাধি-প্রতিকার-কল্পে তাঁহাদের উপদেশ ও ব্যবস্থা সমাজকে তাহার মঙ্গলের জগ্ন মাথা পাতিয়া লইতেই হইবে। কোন রুচিবাগীশ যদি তাহাতে নাসিকা কুঞ্জন করেন, তবে তাঁহাকে সমাজের শত্রু বলিয়া ধরিতে হইবে। একটা মোটা কথা সাধারণ ব্যক্তিমাত্রেরই বুঝিতে পারিবে—যে এই রক্ত-মাংসের শরীর ধারণ করিয়া তাহার সম্বন্ধে সকল খুঁটিনাটি কথা জানা সকলেরই উচিত। যাঁহারা রুচির দোহাই তুলিয়া এ-সব কথায় কর্ণপাত করিবেন না, তাঁহারা ত মৃত—শব। অবরোধ প্রভৃতি সামাজিক কুপ্রথাগুলি অসংযম ও ব্রহ্মচর্য্যের অভাবেরই পরিচয় দেয়। এই গ্রন্থে বংশানুক্রম, সংযম প্রভৃতি বিষয়ে গ্রন্থকারের যে আলোচনা করিয়াছেন, তাহা উচ্চাস নয়—সুদৃঢ় যুক্তির উপর তাহা প্রতিষ্ঠিত; প্রাচ্য ও পাশ্চাত্য মনীষীগণের জ্ঞানের আলোয় উদ্ভাসিত।

গ্রন্থাকরদ্বয়ের সহিত সর্ববিষয়ে আমাদের মতের মিল নাই—না থাকিলেও এ কথা জোর করিয়া বলিতে পারি যে এই অতিপ্রয়োজনীয় গ্রন্থ প্রত্যেক তরুণ নরনারীর, প্রত্যেক সংসারীর পাঠ করা কঠবা। গ্রন্থকার-দ্বয়ের বহু মত বৈজ্ঞানিক ভিত্তির উপর সুপ্রতিষ্ঠিত; সুতরাং বহুস্থলেই তাহা প্রমাণস্বরূপ গ্রহণীয়। তবে একটা কথা বলিবার আছে, কয়েক স্থলে আলোচনা সংক্ষিপ্ত হইয়াছে। দ্বিতীয় সংস্করণে বিষয়গুলি আরো বিশদ করিয়া আমাদের বর্তমান সমাজ-বিধির সহিত খাপ খাওয়াইয়া এবং সেকাল ও একালের বিধির তুলনা-মূলক সমালোচনার আলোক-সম্পাতে উজ্জ্বল করিয়া প্রকাশ করিলে ভাল হয়।

কাকলী। শ্রীযুক্ত অক্ষয়কুমার ঘোষ বি, এল প্রণীত। কলিকাতা কুস্তলীন প্রেসে মুদ্রিত। মূল্য সাধারণ বাধাই আট আনা; উৎকৃষ্ট বাধাই দশ আনা। এখানি কবিতা-গ্রন্থ। গ্রন্থকার বলিয়াছেন, “এগুলি ভগবৎ-গীতি”। সুতরাং মামুলি প্রেমের কবিতা এ গ্রন্থে নাই। অনেকগুলি গান এ গ্রন্থে বহুবিষ্ট হইয়াছে। সব গানগুলির প্রশংসা করিতে না পারিলেও কতকগুলি গান পাঠ করিয়া আমরা তৃপ্তি পাইয়াছি। লেখকের ভাব আছে, ভাষা চলনসই, তবে ছন্দ স্থানে স্থানে পঙ্গু—লেখকের কাঁচা হাতের পরিচয় বহুস্থলে স্পষ্ট হইয়া উঠিয়াছে। বহুস্থলে রবীন্দ্রনাথের প্রভাব এমনি আদিয়া পড়িয়াছে—তবে আজকাল এমন রচনা অল্পই আছে, যাহা রবীন্দ্রনাথের প্রভাব-স্পর্শহীন—যে কয়েকটি গান তাহার গানেরই ভাবের প্রতিধ্বনিতে পূর্ণ। লেখকের ভবিষ্যৎ আশাপ্রদ বলিয়া মনে হয়।

সুবক ও কোরক। শ্রীযুক্ত রমণীরঞ্জন বিদ্যাবিনোদ প্রণীত। কলিকাতা ১নং বুদ্ধিষ্ট টেম্পল লেন, গুণালঙ্কার লাইব্রেরী হইতে প্রকাশিত। নিউ-ব্রিটানিয়া প্রেসে মুদ্রিত। মূল্য বারো আনা মাত্র। এখানি কবিতা-গ্রন্থ। অক্ষয় রচনার এমন নিলজ্জ সমাবেশ বাঙলা গ্রন্থেও বড়-একটা দেখা যায় না। কবিতাগুলি রাবিশ—যেমন ভাব, তেমনি ভাষা, আমার ছন্দও ঠিক তাহাদেরই অনুরূপ। এমন ত্রিবেণী-সঙ্গম

কচিং দেখা যায়! অনেক স্থলে ছেলেমানুষি এতদূর গড়াইয়াছে যে দেখিয়া অবাক হইতে হয়। দৃষ্টান্তস্বরূপ “শনিবারের বারবেলা” কবিতাটির উল্লেখ করিতে পারি। আপনার পরিচয় দিতে গ্রন্থকার ধৃষ্টতার কোথাও এতটুকু ক্রটি রাখেন নাই। গ্রন্থের ‘মুখপত্র’টুকু উদ্ধৃত করিয়া দিবার লোভ সম্বরণ করিতে পারিলাম না। গ্রন্থকার এইরূপে আপনার পরিচয় দিয়াছেন,—“হাইকোর্টের ভূতপূর্ব সুযোগ্য বিচারপতি অনারেবল ডাক্তার স্মার শ্রীযুক্ত গুরুদাস বন্দ্যোপাধ্যায় (Kt.) মহোদয়ের ‘আশীর্বাদ’ ও বঙ্গের সেক্সপিয়ার নাট্যসম্রাট স্বর্গীয় ৮ গিরিশচন্দ্র ঘোষ মহাশয়ের ‘ভূমিকা’ সম্বলিত ‘ভাব ও গাথা’, ‘জ্ঞানাজ্ঞান ১ম ভাগ’, ‘জ্ঞানাজ্ঞান ২য় ভাগ’, ‘গুচ্ছ’, প্রভৃতি গ্রন্থ-প্রণেতা; ব্রিটিশরাজধানী লণ্ডন-নগরস্থিত গ্রেটব্রিটেন ও আয়ারল্যান্ডের রয়েল এসিয়াটিক সোসাইটির সদস্য, বৌদ্ধসমাজের একমাত্র মুখপত্র ও সমালোচন জগজ্জ্যোতিঃ-সম্পাদক শ্রীরমণী-রঞ্জন সেনগুপ্ত বিদ্যাবিনোদ M. R. A. S. বিরচিত” ইত্যাদি। তাহার উপর ভূমিকায় কোথায়, কবে তিনি গলায় ফুলের মালা পরিতে পাইয়াছিলেন, সে-কথাটুকুও বাদ যায় নাই। এইটুকুই এ গ্রন্থের মৌলিক বিশেষত্ব! জানিনা, হঠাৎ গ্রন্থকার বঙ্গীয় পাঠকবর্গের উপর এ “সুবক ও কোরক” নিক্ষেপ করিতে উদ্যত হইলেন, কেন! একটি কবিতায় কবি লিখিতেছেন,

“তুমি প্রেমের বাহারে এ হৃদি-সেতারে
লহরে উঠিলে বাজিয়া।

আমি জীবনে মরণে স্বপ্নে জাগরণে
রবো তুমিময় হইয়া।”

ইহার রস-বোধে হতভাগ্য আমরা বঞ্চিত! তাহার উপর একটা জিনিস দেখিয়া অবাক হইয়াছি,— ‘বাজিয়া’ ও ‘হইয়া’য় যিনি ছন্দ মেলান, তাহাকেও কবিতা লিখিতে হইবে! কেন?

প্রবাসীর প্রত্যাগমন। শ্রীযুক্ত মুনীন্দ্রপ্রসাদ সর্বাধিকারী প্রণীত। প্রকাশক, শ্রীগুরুদাস চট্টোপাধ্যায়, কলিকাতা, কাইন আর্ট প্রিন্টিং সিণ্ডিকেট কর্তৃক মুদ্রিত। মূল্য এক টাকা। এখানি কাব্যাকারে

লিখিত একটি সামাজিক গল্প। এ গ্রন্থের সমালোচনা করাও এক দুর্লভ ব্যাপার। লেখক এক হাতে সমালোচককে বেদম পিটিয়াছেন, আবার অন্য হাতে তাঁহার শিরে অজস্র পুষ্প বর্ষণ করিয়াছেন। অনেক লেখক আছেন, তাঁহাদের গ্রন্থ ছাপাইবার সখ আছে,—এবং সমালোচনার জন্ত পত্রাদিরও দ্বারস্থ তাঁহারা হন; তবে গ্রন্থের অনুকূল সমালোচনা না হইলেই সমালোচককে একেবারে “পরশ্চীকাতর” বলিয়া গালি দেন। উচিত সমালোচনা সহিবার সামর্থ্য তাঁহাদের নাই, তাঁহারা গ্রন্থ-সমালোচনার জন্ত এত ব্যাকুল হন কেন? এই গ্রন্থের গ্রন্থকার দুই পাতা ‘নুখবন্ধে’ ঠিক এই কথাই লিখিয়াছেন। তথাপি বলিতেছি, এ কাব্যে কোন বিশেষত্ব নাই—রচনায় এমন আকর্ষণী শক্তি নাই যে আগাগোড়া ধৈর্য রাখিয়া কেহ পড়িতে পারে।

প্রাতিমোক্ষ ভিক্ষুপ্রাতিমোক্ষ ও ভিক্ষুণী প্রাতিমোক্ষ। শ্রীযুক্ত বিধুশেখর ভট্টাচার্য্য সঙ্কলিত। প্রকাশক, শ্রীগৌরী প্রসাদ স্কুল, হরিশ্চন্দ্রপুর, মালদহ। কলিকাতা, ২৫নং রায়বাগান স্ট্রীট, ভারতমিহির যন্ত্রে মুদ্রিত। মূল্য কোথাও লিখিত দেখিলাম না। বুদ্ধদেবের বুদ্ধভ্রাভের পর যখন হই-চারিজন করিয়া লোক তাঁহার নবধর্ম গ্রহণ করিতে ছিল, তখন বুদ্ধদেব ইহার বহুল প্রচারের জন্ত ভিক্ষুকগণকে বহুজনের হিতের জন্ত বহুজনের সুখের জন্ত দেশ-দেশান্তরে ভ্রমণ করিতে বলেন। ভিক্ষুগণও নানা দেশে ঘুরিয়া বৌদ্ধ ধর্ম-প্রচারে প্রবৃত্ত হইলেন। কাজেই পূর্বে যেখানে ধর্ম-সাধনায় কেবল বুদ্ধ ও ধর্মের আশ্রয় গ্রহণ করিতে হইত, ক্রমে সেখানে ভিক্ষুগণের অর্থাৎ সজ্জ্বেরও আশ্রয় গ্রহণ আরম্ভ হইল। ভিক্ষুর সংখ্যা ক্রমেই বাড়িয়া উঠিল, উত্তম, অধম, যোগ্য, অযোগ্য, অধিকারী, অনধিকারী সকলেই যখন নির্বিশেষে দলে-দলে সজ্জ্ব-মধ্যে প্রবিষ্ট হইল, তখন নৈসর্গিক নিয়মেই মানবের

স্বাভাবিক ভ্রমপ্রমাদ ঘটিতে লাগিল; তাহারা নানারূপ অকাব্য করিয়া ফেলিত। তখন বুদ্ধদেব উপাধ্যায়ের ব্যবস্থা করিলেন—তাহা হইতেই ‘বিনয়ের’ সূত্র-পাত সজ্জ্বের পরিধি বাড়িলে নানা দেশের বিভিন্ন সজ্জ্ব আহার বিহার আচার ব্যবহার ইত্যাদি সর্ববিষয়েই নানাবিধ বিশৃঙ্খলা বাড়িতে লাগিল এবং বহুবিধ অনাচারও দেখা যাইতে লাগিল। তখন বুদ্ধদেব ভিক্ষুগণের শীল অর্থাৎ স্বভাব সম্বন্ধে শরীর ও বাক্যের সংযম সম্বন্ধে শিক্ষার বিধান করিতে প্রযুক্ত হইলেন—এইরূপে নব-নব নিয়ম গঠিত হইতে লাগিল। এই সকল বিধি-নিষেধই ‘বিনয়’ নামে প্রসিদ্ধ। ‘প্রাতিমোক্ষে’ এই সকল বিধি-নিষেধেরই প্রধানভূত কতকগুলি সংগৃহীত হইয়াছে। ভিক্ষু ও ভিক্ষুণীগণ যাহাতে বিশুদ্ধভাবে জীবনযাপন করিয়া আধ্যাত্মিক পথে অগ্রসর হইতে পারে, তজ্জন্তই প্রাতিমোক্ষের উৎপত্তি। এই গ্রন্থে শাস্ত্রী মহাশয় প্রথমে মূল পরে তাহার বঙ্গানুবাদ বিস্তীর্ণ টীকা ও বিবিধ পরিশিষ্ট-সমেত সঙ্কলন করিয়াছেন। তাঁহার অনুবাদের ভাষা বেশ প্রাঞ্জল ও মধুর হইয়াছে। লেখক এই বঙ্গানুবাদে এমন একটু কৌতূহল সঞ্চারিত করিয়াছেন, যাহা অবিবেচক পাঠকের চিত্তকেও বেশ আকৃষ্ট করিবে। এই গ্রন্থের ভূমিকাটির বিশেষ মূল্য আছে—বৌদ্ধ সজ্জ্বাদি ও তাৎকালিক আচার-ব্যবহারের একটি সমগ্র ছবি এই ভূমিকায় সুন্দর ফুটিয়াছে। শাস্ত্রী-মহাশয় এ গ্রন্থ প্রকাশ করিয়া বঙ্গ সাহিত্যের গৌরব বৃদ্ধি করিয়াছেন।

মুরলার ভুল। শ্রীমতী অনিলবালা দেবী প্রণীত। কলিকাতা, কুস্তলীন প্রেসে মুদ্রিত। প্রকাশক, শ্রীসুধীরচন্দ্র সরকার, বি, এ; রায় এম, সি, সরকার এণ্ড সন্স, ৩০।২এ হ্যারিসন রোড কলিকাতা। মূল্য পাঁচ সিকা। এখানি উপন্যাস। লেখিকার হাত অত্যন্ত কাঁচা; লিপি-কুশলতারও একান্ত অভাব। প্ৰটটিও আঙ্গণবি ধরণের।

শ্রীসত্যব্রত শর্মা

কলিকাতা—২২, মুকিয়া স্ট্রীট, কাস্টিক প্রেসে শ্রীহরিশ্চরণ মাস্তা কর্তৃক মুদ্রিত ও ২২, মুকিয়া স্ট্রীট হইতে

শ্রীকালচাঁদ দালাল কর্তৃক প্রকাশিত।

ভারতী

৪১শ বর্ষ]

মাঘ, ১৩২৪

[১০ম সংখ্যা

ছাইভক্ষ

সবাই বলছে সেটা হাঙর, কিন্তু আমি বলছি না, না, না! বালি-উত্তরপাড়ার ঠিক মাঝামাঝি জায়গায় জেলেদের জালে এই যে জিনিষটা ধরা পড়েছে তা আমাদের জাহাজের লেট-শুক-সভার অধিষ্ঠাত্রী দেবতার বাহন, জীবন-শূত্র শুককের খালি মোষোক বই আর-কিছু হতেই পারে না। সুতরাং আমাদের উচিত ছিল ভূতপূর্ব সব সভ্য মিলে খুব ঘটা-কোরে লেট-সভার শ্রদ্ধা করা। গঙ্গার তখন তপসী মাছ যথেষ্ট পাওয়া ষাচ্ছিল, এবং আমাদের মুখ্যো-মশায় আমার খাতির ও শুককের প্রেতাচার প্রীত্যর্থে ভোজের দিনে বালি-উত্তরপাড়ায় যতরকম পটোল বাজারে আসে ও ক্ষেতে জন্মায় সব তুলে নেবার জন্তে কোমর-বেঁধে প্রস্তুত ছিলেন; কিন্তু আমার সে-প্রস্তাবটা কেউ গ্রাহ্যই ক'লেন না। আমাদের লেট-সভার সদগতি হল

না;—উৎপাত শুরু হল—জলে স্থলে সভার সভ্যদের উপরে, দেশে বিদেশে আমাদের ক'জনের উপরে উৎপাত শুরু হল। হৃষীকেশে দু'জন সাহেব, কোথাও কিছু নেই, খামকা দুটো রুই কাৎলা ছিপে ধরে মৎস্যহিংসা করে' বসলো। এতে শুক-সভার সমস্ত হিঁদুসভ্য বিষম ব্যথা পেলেন। এদিকে আবার আমাদের বাঁড়ুযো-মশায় কুটিঘাটা থেকে উত্তরপাড়া পর্যন্ত বেড়া-জাল কেলেও আর তপসী মাছ গ্রেফতার করতে পাল্লেন না। সমুদ্র ছেড়ে গঙ্গার খালে তপস্যা করতে আসাটা যে মুর্খের মতো কাজ হয়েছে এটা তাদের কে যে বলে দিলে তা জানা গেল না।

তারপর, উত্তরপাড়ার মালিনীকে আমাদের মুখ্যো অভিসম্পাতের ভয় দেখিয়েও তাঁর জন্তে নিত্য পটোল তুলতে রাজি করতে পারলেন না। নিমতলার অবিনাশবাবু আমার ছেলে-

বেলার বন্ধু হয়েও আমার নামে মানহানির মকদ্দমা আনবার ফন্দি আঁটতে লাগলেন। অজুহাত যে আমি 'ভারতী'তে ইদানিং বে-গল্পগুলো অবিন নাম দিয়ে লিখছি সেগুলো তাঁকেই উদ্দেশ্য করে' গালাগালি দেবার মতলোবে ছাপানো। অবিন যে 'অবনী'রই স্মরণশরীর, আর মুখে ছাড়া লিখে গালাগালি ও লিখে ছাড়া হাতে মারামারি যে আমার দ্বারা একেবারেই সম্ভব নয় এটা আমি কিছুতেই অবিনাশবাবুকে বোঝাতে পারি নি।

শেষে, এই মাসে ঘোড়ালাভ আমার কুষ্টিতে পট্ট-করে' লেখা রয়েছে। আমাদের লীলানন্দ স্বামিজীও বলেন এবারের ডাবিতে জুয়াখেলার টাকাটা কাগজের ছুথানা ডানা মেলে পক্ষীরাজের মতো আমারি দিকে আসছে। কিন্তু এ সত্ত্বেও আমার অশ্রমেধ পণ্ড করে ঘোড়াটা পথ-ভুলে অশ্রের আস্তাবলে গিয়ে ঢুকলো!

এই সব উৎপাত দেখে আমার মন একেবারে উদাস হয়ে গেল। আমি অবিনকে কিছু না বলে-কয়ে জাহাজ ছেড়ে একেবারে নৈমিষারণ্যের দিকে বেরিয়ে পড়লুম—“বিফল জনম, বিফল জীবন!”—একতারাতে এই গান গাইতে গাইতে। ষোড়দৌড়ের ঘোড়াটা কিষ্কাতার ডানার একটুকুরো কাগজও যদি তখন—যাক সে হুঃখের কথায় আর কাজ নেই।

কাশীর দশাশ্বমেধের াটে 'সবে ডুবটি দিয়ে উঠেছি এমন সময় এক সন্ন্যাসী এসে হাত ধরে বলেন—“ব্যস্ করো

বেটা, চলো হর-দোয়ারমে কুস্তকা অন্নান্ করেঙ্গে।” কি জানি সন্ন্যাসীঠাকুরের কি শক্তি ছিল আমি জড়ভরতের মতো জল থেকে উঠে তাঁকে প্রণাম করে পায়ের ধূলো নিতে গিয়ে দেখি পায়ের ধূলো নেই! আমি তখনি বুঝলুম ঠিক লোক পেয়েছি। একেবারে তাঁর পা জড়িয়ে বললুম—“ছলনা করছ ঠাকুর? এখান থেকে হরিদ্বার একদিন এক-রাত্রির পথ; আর পাঁজিতে লিখেছে আজ একটা-উন-পঞ্চাশে হল কুস্তু!” সন্ন্যাসী হেসে বলেন—“বেটা, কুস্তুকা অর্থ ক্যা আগে তো সমঝ লেও!”

ঘাট থেকে সন্ন্যাসীর আস্তানা— মণিকর্ণিকার শ্মশান—বেশিদূর হবে না; কিন্তু ওইটুকুর মধ্যে ঘটাকাশ যে অর্থে ভরা—পূর্ণকুস্তুর ঘড়ার মতো শুধু গঙ্গা-জলে ভরা নয়—সেটা ঠাকুর যেন চোখে আঙুল দিয়ে বুঝিয়ে দিলেন। যিনি ঘটাকাশ এক-নিমেষে অর্থে ভরিয়ে দিতে পারেন, আকাশকুস্তুরের মতো দেখালেও ডাবি খেলার ঘড়াভরা অর্থলাভের সহপায় যে তাঁরি দ্বারা হতে পারবে—আর কার দ্বারা নয়—এটা আমার বিশ্বাস হলো। আমি ভক্তি-ভরে গদগদভাবে বাবার ঠিক পিছনে-পিছনে চললুম। কাগজের অর্থ নয়, রূপেয়া ভরা কুস্তুও নয়, চক্চকে আকবরি মোহরের ঢাকাই-জালা তখন আমার যেন চোখের সামনে উদয় হয়েছেন এমনি বোধ হতে লাগলো। আমি বাবাকে নির্জনে আপনার মনের হুঃখ জানাবার জন্তে ব্যাকুল হয়েছি, বাবা বোধ হয় এটা আগে থাকতেই

জানতে পেরেছিলেন, তাই আজ আমার ধৈর্য্য পরীক্ষা করবার জন্তেই যেন তিনি প্রায় বারোটা পর্য্যন্ত কাশীর বাঙালি-টোলার অলিজে-গলিতে ঘিউ আর আটা ভিক্ষে করে বেড়াতে লাগলেন। কিন্তু আমি জেনেছিলাম যে এবার ঠিক লোকের নাগাল পেয়েছি। সোনা করবার ভয়, গাছচালাবার মন্ত্র—এমনি একটা-কিছু এবার আর না হয়ে যায় না। কাজেই ক্ষিদেতে তেষ্ঠাতে ভিতরটা আমার শুকিয়ে উঠলেও আমার চোখকে আমি একটুও শুকোতে দিলাম না ;—প্রেমাক্রমে বেশ করে ভিজিয়ে রেখে দিলাম।

যখন আশ্রমের দরজায়, তখন বাবা একবার আমার দিকে কটাক্ষ করে বল্লেন—
“আউর ক্যা ? কুন্তু আউর উস্কা অর্থ তো মিল্ গিয়া। আতি ঘর যাও।” এখনো পরীক্ষা! ভাঁড়ারঘরের দরজার কাছে এনে বলা হচ্ছে ঘরে গিয়ে ভাত খাওগে! আমি খুব জোরের সঙ্গে বল্লম—“বাবা, অমন অর্থে আমার প্রয়োজন নেই। আমি এইখানে পড়ে রইলুম, কৃপা করতেই হবে। বাবার কাছ থেকে কিছু চীজ না নিয়ে আমি নড়ছিনে। প্রাণ যায় সেও স্বীকার।” বাবা আমার কথার আর-কোনো জবাব না দিয়ে আটা আর ঘি মেখে রুটি সেকতে বসে গেলেন। আমার দিকে আর দৃকপাতও করলেন না।

ছপুরের রোদে আমি একলা মুখ-শুকিয়ে এক গাছের তলায় বসে আছি, এমন সময় ঠাকুর আমার দিকে চেয়ে চোঁচিয়ে বল্লেন—“বাবা, তোমার কাছে কিছু

টাকা-কড়ি আছে?” কি আশ্চর্য্য, একেবারে বাংলা কথ', টান-টোন সব বাঙালির মতো, কিছু বোঝার যো নেই যে তিনি পশ্চিমের খোঁটা! “পয়সা থাকলে কি আমার এমন দশা হয় বারা!”—বলেই আমি চোখ মুছতে থাকলাম। বাবাজী তখন আমাকে কাছে বসিয়ে পিঠে হাত বোলাতে বোলাতে বল্লেন—“তাতে আর ছুঃখু কি! আমি বুঝেছি, তোমাকে এই কুন্তুমেলার দিনে একলা দশাখমেধে ডুব দিতে দেখেই আমি বুঝেছি—খার্ডক্লাসের ভাড়াটা পর্য্যন্ত তোমার অভাব। তা কেঁদোনা বাবা, আমি এখনি তোমাকে কুন্তুস্থলে পাঠাব। এই ষটিটায় ইঁদারা থেকে একটু জল আনো তো।”

আমার তখনো মোহ কাটেনি। হরিদ্বারে কুন্তুমান আমার পক্ষে কেমন করে সম্ভব হয়, যখন কাশীতে বসে আমি দেখতে পাচ্ছি হিন্দু ইউনিভারসিটির ষড়ির কাঁটা একটা-উনপঞ্চাশে পৌঁচেছে প্রায়! যেমন এইকথা মনে করা অমনি বাবা তাঁর বাঁ-হাতের কড়ে আঙুলটি আমার কপালে ঠেকিয়ে দিলেন। বাস্ একেবারে হরিদ্বারে উপস্থিত! সেই পিতলের মোটাটি পর্য্যন্ত আমার হাতে হাতে হরিদ্বারে এসে হাজির! অবশ্য হরিদ্বার আমি এর পূর্বে দেখিনি, কিন্তু বাবাকে দেখে যেমন বুঝে-ছিলাম ঠিক লোকটি পেয়েছি, এবারেও তেমনি বুঝলাম ঠিক জায়গাটিতে এসে পৌঁচেছি। শুধু তাই নয় মনে হ'ল যেন এইখানে আমি অনেকদিনই এসেছি; আর-পাঁচজনের মতো আমিও আজ এক-কোমর বরফ-জলে দাঁড়িয়ে আমার স্বপ্ন আওড়াচ্ছি

আর থেকে-থেকে ডুব দিচ্ছি। চারিদিকের লোকজন পাহাড়পর্বত মন্দির-ঘাট সত্যির চেয়ে বেশি সত্যি হয়ে যেন আমার চোখে পড়তে লাগলো। এক রাজা হাতি-ঘোড়া লোক-লস্কর আর বন্ধ ছুঁতিন খানা পাঙ্কিগুচ্ছ আমার পাশে স্নানে নামলেন। পবিত্র জলের পরশ পেয়ে কাঠের পাঙ্কিগুলো বুঝি সোনার পাঙ্কি হয়ে যায়, আর হাতি-ঘোড়াগুলো বুঝি বা রাজা-রাজোড়া হয়ে দেখা দেয়—এই ভেবে আমি সেইদিকে চেয়ে আছি এমন সময় একটা মোটা-পেট পুলিশম্যান্ পিছন থেকে আমাকে ধমক দিয়ে বলে—“এ বাবু, ক্যা দেখতা ? ভাগো হিঁয়াসে।”

আমি পুলিশের ভয়ে তাড়াতাড়ি একটা কুলুকুচি করে যেমন উঠে দাঁড়িয়েছি অমনি চারিদিক থেকে যেখানকার যত পাণ্ডা “হাঁ—হাঁ কল্লে কি ! গঙ্গায় কুলুকুচি কল্লে ! সবার স্নান মাটি হল !”—বলে তাদের নামাবলীর পাগড়িতে আমার পিছুমোড়া করে বেঁধে কিল-চাপড় মেরে আমার আধমরা করে একটা অঙ্ককার ঘরে টেনে ফেলে দিলে। তারপর কি হলো জানিনে, কতক্ষণই বা অজ্ঞান ছিলাম বলা যায় না, কিন্তু খানিক পরে চোখ-চেয়ে গায়ের ধূলা ঝাড়তে গিয়ে দেখি আমি কাশীতে। বলে বিশ্বাস যাবেনা, আমার গা কিন্তু তখনো ভিজ্ঞে ছিল, যেন সেইমাত্র স্নান করে উঠেছি ! কাশীর হিন্দু-কালোজের ঘড়িতে তখন ঢং ঢং করে ছটো বাজলো। একটা উন-পঞ্চাশ থেকে ছটো এরি মধ্যে হরিদ্বারে গিয়ে কুসুমান, রাজদর্শন, কুলুকুচি, মার-

খাওয়া এবং পুনরায় কাশীতে ফিরে-আসা, সমস্তটা স্বপ্নে দেখতে গেলেও এর চেয়ে ঢের সময় লাগতো যে! বাবা আমার গায়ে হাত বুলিয়ে বল্লেন—“বেটা, কুছ চোট লাগা ?” আমি একেবারে গদগদস্বরে বল্লম—“চোট লাগবে বাবা ! আপনার কৃপায় একটা আঁচড়, কি একটা দাগ পর্যন্ত নেই দেখুন।”

এবারে আমি খুব শক্ত করে বাবার পা ধরে রইলেম। এত শক্ত যে আমাকে ছাড়িয়ে বাবার আর এক পাও নড়বার সাধ্য রইল না। ওঁর কাছে কিছু আদায় করে নেবো এই প্রতিজ্ঞা ! আমার সঙ্ঘলের মধ্যে তখন বাঙালিটোলার বাসা-বাড়িখানি। আমি যথেষ্ট ক্ষতি স্বীকার করেও ভাড়াটেদের সেখান থেকে উঠিয়ে দিয়ে বাবাকে এনে সেইখানে বসালেম। তেতালায় একখানা ছোট ঘর, তারি সামনে একটু ছাদ। সেইখানে গুরুদেবের উপদেশ-মতো আমি যোগাসন, প্রাণায়াম উৎসাহের সঙ্গে শুরু করে দিলেম। ফৌজের জমাদার, হাবেলদার, কর্প্তান, কর্মাদা—সবার যেমন রকম-রকম পোষাক, ইউনিভারসিটির নানা ডিগ্রীর যেমন রং-বেরঙের ঘাঘরা, তেমনি সন্ন্যাসীদের দলেও সিদ্ধির তারতম্য হিসেবে রকম-রকম গেরুয়া আর রকম-রকম ফ্যাসনের কোপিন, পাগড়ি, জটা, তিলকের সাজসজ্জা আছে। আমি তখন যোগ-সাধনের ইন্ফেন্ট ক্লাসে বা ইন্ফেন্ট দলে সবে ভর্তি হয়েছি। কাজেই আমার উর্দিটা হল সাদা লুঙ্গী, সাদা পাঞ্জাবি কোর্তা, মাথায় সাদা পাগ্ লম্বা ল্যেজ আর সেই

ল্যোজের গোড়াতে একটুখানি গেরুয়া পাড় ; হাতে বাঁশের ছড়ি, পায়ে খড়ম, গলায় তেঁতুল-বিচির মালা, কপালে ছাই। সারা প্যুগড়ি-কোর্তা-লুঙ্গী গেরুয়া . হয়ে শেষে খালি গায়ের চামড়ায় গিয়ে পৌঁছোতে আমার অনেক বাকি। আমার যিনি গুরু তিনিও অতদূর এখনো অগ্রসর হতে পারেন-নি। কিন্তু তাই বলে হতাশ হলে চলবে না। বাবার উপদেশ মতো খুব উৎসাহের সঙ্গে সবটা গেরুয়া উর্দি যত শীঘ্র পারি লাভ করবার চেষ্টা করতে লাগলুম। ওদিকে বাবার সেবা করতে, সন্ন্যাসী খাওয়াতে, তীর্থ সারতে আমার জেবের সব গিনি-সোনা এক মোড়ক হরিতাল-ভস্মে ক্রমে পরিণত হয়েছে। আমার হাতে সেই ভস্মটুকু দিয়ে বাবা বল্লেন—“যাও বাবা, এখন সংসারে ফিরে যাও, সেখানে তোমার অনেক কাজ বাকি রয়েছে।” আফিসের কাজ, ঘরের কাজ, বাইরের কাজ, অনেক কাজই বাকি রেখে চলে এসেছি। কিন্তু সে যে হল অনেকদিন। কাজগুলো আমার জন্তে এখনো বসে আছে কিনা জানিনে। তাছাড়া হাতে আমার বাকি রয়েছে মাত্র সেই হরিতাল-ভস্মের মোড়ক। সেটাও সত্যি ভস্ম কিনা তারও পরীক্ষা করতে সাহস হচ্ছে না। অবিনকে তখন একখানা চিঠি লিখে সব খবর জানাবার ইচ্ছে হ’ল। আমি হরিতাল-ভস্মের মোড়ক বাবার কাছে বাঁধা রেখে ডাক-টিকিটের জন্তে দুটো পয়সা চাইতে গেলুম। তিনি খুব গম্ভীর হয়ে বল্লেন—“বাবা, আমরা মুক্তির মন্ত্র সাধন করি, কোন-কিছু বাঁধা রাখাতো আমাদের দ্বারা

হতে পারে না। সন্ন্যাসী কি কখনো মহাজন হয় বাবা ?”.

বাবার মধ্যে মহাজনী যে এতটুকু নেই তাই দেখে ভক্তিতে আমার বাকুরোধ হয়ে গেল। আমি ‘বিফল জন্ম, বিফল জীবন’ . আর-একবার মনে মনে গাইতে গাইতে বাঙালিটোলার গলি .পেরিয়েছি, এমন সময় অনেকদিনের পরে .অবিনের সঙ্গে দেখা।

সে ঠিক তেমনি .আছে—কোনো বদল .হয়নি। কথায়-কথায় জানলুম সে গয়্যার চলেছে। আমাদের জাহাজের সেই লেট্ সভার সঙ্গে সঙ্গে বাংলার যতরকম সভা আছে ও নেই ব্রাহ্মণশূদ্র-নির্কিশেষে সব ক’টার পিণ্ড দান করতে। আমরা তখন পিণ্ড দেবার জন্তে হাত নিস্পিস্ করছিল কিন্তু কার সেটা আর বলে কাজ নেই।

গাড়িতে উঠে আমি অবিনকে বল্লেন—“ওহে গয়্যার সাধুসন্ন্যাসীদের খুসি করবার মতো কিছু পকেটে এনেছো তো ?” অবিন হাতের মোটা . লাঠি-গাছা দেখিয়ে বল্লেন—“যথেষ্ট !”

কাশী থেকে গয়্যার কত দূরই বা ? কিন্তু সময় তো লাগছে অনেকটা !— এই .ভাবতে ভাবতে চলেছি এমন সময় অন্ধকারের মধ্যে একটা ষ্টেশনে গাড়ি থামতেই অবিন চট্ করে আমার হাত ধরে .গাড়ি থেকে নেমে পড়লো। একটা ঝড় হ’য়ে প্ল্যাটফর্মের সব আলো নিভে গেছে। অন্ধকারে একটা সাদা মোটর দাঁড়িয়ে দাঁড়িয়ে ভেঁপু দিচ্ছিল। অবিন আমার নিয়ে . তাতে উঠে বসলো।

মোটরখানা কোনো হোটেলের ভেবে আমি অবিনকে বল্লম—“ওহে আমার এ বেশে তো হোটেলের ওঠা সম্ভব হবে না। কোনো ধর্ম-শালায় গিয়ে থাকলে হয়-না?” অবিন আমার পিঠ-চাপড়ে বল্ল—“ধর্মশালা থেকে অনেকদূরে এসে পড়েছি যে! এখনো বুঝি ওটার মায়া কাটাতে পার-নি?” বলতে বলতে গাড়ি একটা ব্রীজ পেরিয়ে বাঁ-হাতে মোড় নিয়ে দাঁড়ালো। অবিন গাড়ি খুলে লাফিয়ে পড়লো। আমিও নাম্বো এমন সময় আমার পাগড়ীর লোজটা গেল মোটরের একটা চাবিতে বেধে! লোজের গেরুয়া অংশ তার সঙ্গে অনেকটা সাদা ফালিও ভাড়ার উপর বখশিশ-হিসেবে গাড়োয়ানকে দিয়ে আমরা ছই বন্ধুতে নদীর ঘাটে শ্রদ্ধ আর পিণ্ডান করতে বসে গেলুম। অনেকগুলো সত্তা, পিণ্ডি তো কম দিতে হলোনা? সব সারতে ভোর হল। শ্রদ্ধ সেরে সূর্যের প্রণাম করতে গিয়ে দেখি আমাদের বড়বাজারের শ্রদ্ধ-ঘাটে বসে আছি। সেই সিঁড়ি, সেই মার্কেল-পাথর-মোড়া ঘরে তেমনি মিন্টান্ টালির বাহার! আমি তো অবাক। সন্দেহ হলো যে হরিদ্বারে যাত্রাটার মতো এ যাত্রাটাও বুঝিবা অতিশয় সত্যি।

অবিনের দিকে চাইলেম, তারও চেহারাটা কেমন ঝাপসা বোধ হল,— যেন কুয়াশার মধ্যে দিয়ে তাকে দেখছি! কুয়াশাটা আমার মাথার ভিতরে কি বাইরে জমা হয়েছে সেটা বুঝতে না পেরে আমি কাপড় ছেড়ে ব্রহ্মতেলোর হাত বোলাচ্ছি এমন সময় আমাদের জাহাজের বাবাজী এসে আমার সামনে “জয় সত্যনারায়ণ!” বলে হাত পাতলেন। আমি তাঁকে সত্যিই ষোলআনার একআনা দেব বলে জেবে হাত দিতেই আমার হাতে ঠেকল সত্যি-নারায়ণের কোন কাজেই ষেটা লাগবে না হরিতাল-ভস্মের সেই মোড়ক—যেটা অবিনের চেয়ে, হরিদ্বারের চেয়ে, কাশী গয়া, কলকাতার মোটরগাড়ি, শ্রদ্ধের মস্তুর, বাবাজী, এমন কি আমার নিজের চেয়েও সত্যি, সত্যি, সত্যি,—সত্যি ছাড়া মিথ্যে নয়।

আটটা-উনপঞ্চাশের জাহাজ বাঁশী বাজিয়ে পল্টুনে লাগল। অবিন, আমি, বাবাজী এবং আরো প্রায় জন-পঞ্চাশ গিয়ে জাহাজের কেউ প্রথম, কেউ দ্বিতীয়, কেউ তৃতীয় শ্রেণী, কেউ-বা কোনো শ্রেণীই নয় দখল করলেন।

শ্রীঅবনীন্দ্রনাথ ঠাকুর।

বর্তমান সাহিত্যে যুগ-ধর্মের রূপ

চোখের সামনে এই যে জল-মাটি-আকাশ-বাতাস-আগুনে ভরা ছনিয়াখানা দেখা যাচ্ছে, এটার আপাদমস্তক যে পাঁচ-ভূতের কীর্তিকলাপে বোঝাই করা, তদ্বিষয়ে

আমরা সকলেই একরকম নিঃসংশয় হয়ে এসেছি; এখন যদি কিছু সন্দেহ থাকে তবে সে-সন্দেহ শুধু এক বিষয়ে, আর সে বিষয়টা হচ্ছে এই—“ভূতদের কোনো বাবা

আছেন কি না?’ বস্তুতঃ, আমরা মানি আর নাই মানি, ঐ একটিমাত্র প্রশ্নেরই চারিদিকে আমাদের সংশয় ও বিশ্বাস দিন-রাত্রির মতন পালায় .পালায় ঘুরে চলেছে।

সম্প্রতি দেখা যাচ্ছে যে আমাদের শিক্ষিত-সম্প্রদায়ের মধ্যে এমনি একটা ধারণার ধারা অন্তঃসলিলা বইছে, যে ও-ধরণের কোনো বাবা অতীতকালে হয়তো বা ছিলেন, কিন্তু এতকালে নিশ্চয়ই সঙ্গতি লাভ করেছেন। ভগবান মরে ভূত হয়েছেন কি দশচক্রে পড়ে ভূত হয়েছেন, এ অবশ্য মহাসমস্তার কথা, তবে এ নিয়ে কথা-কাটাকাটি করে লাভ নেই; তা ছাড়া সাদা কাগজে কালির আঁচড় পাড়তে বসেই ভগবানের নামে দোহাই পাড়াটা আজ-কালকার দিনে ঠিক দস্তুরমাক্ষিক নয়, এমন-কি দৌর্ভলেরই পরিচায়ক।

ও-পরিচয় অবশ্যই আমি দিতে চাইনে; কিন্তু যে পত্তনটীর উপর মনোবিজ্ঞান তার অজস্র শাখা বিস্তার করে’ দিয়ে মাথা তুলে দাঁড়িয়েছে সেই ‘অহং’টিকে ভূতদের পিতৃস্থানীয় করে’ দিলে আশা করি কেউ আপত্তি করবেন না। এই ‘অহং’টা আমাদের অনেকের কাছেই ‘অপদার্থ’-রূপে গণ্য হয়ে থাকে, কেননা পদার্থ-বিজ্ঞান যাকে ‘পদার্থ’ বলা হয়, ও-জিনিষকে তার সংজ্ঞা-ভুক্ত করা চলে না। তবে, স্পষ্টই যখন দেখা যাচ্ছে যে ঐ অহংএর ঠেলায় এই বিশ্বজোড়া ভূতের রাজ্য চঞ্চল হয়ে উঠছে, তখন ও-বস্তুকে ‘কিছু না’ বলে উড়িয়ে দেওয়াও তো যায় না!

কিন্তু সে যাই হোক, এ-দেশের বড়দর্শন মানুষের কল্যাণ-কামনায় যে-সমস্ত মন্ত্র আউড়ে আসছিলেন, তাকে শ্রাদ্ধের মন্ত্র বলেই যদি ধরা যায় তবে সে-শ্রাদ্ধ ছিল ভূতের; অপর পক্ষে, একালের বিশ্ববিদ্যালয় থেকে আমরা যে নব-মন্ত্রে দীক্ষিত হয়ে বেরুচ্ছি তা’ ভূতের শ্রাদ্ধের নিশ্চয়ই নয়, তাদের বাপেরই শ্রাদ্ধের। অহংপুরুষের পৌরুষ কারুর মাঝখান দিয়ে প্রকাশ পেতে দেখলেই আমরা যে-সর্ব্বাগ্রে তার গুলা টিপে ধরবার জগ্গে দলবদ্ধ না হয়ে থাকতে পারিনে, এ-সত্য কাগজে কাগজে এতই প্রত্যক্ষ যে তার প্রমাণ অনাবশ্যক।

কবির। কিন্তু ঐ নবশিক্ষিত-সম্প্রদায়ের মহা-সমারোহময় শ্রাদ্ধের নিমন্ত্রণে যোগদান করতে প্রবল আপত্তি জানাচ্ছেন, কেননা তাঁদের মতে ভূতের বাবা তাঁর গুণধর পুত্রদের উৎপাতে আত্মহত্যা করেন নি, চাপা পড়েছেন মাত্র। •

শ্রাদ্ধ-সভার সভাসদরা বলছেন—‘প্রমাণ কি তা’র?’

কবির উত্তর—‘প্রমাণ আমি প্রাণের মধ্যে পেয়েছি। নিয়মভঙ্গটা শীঘ্র শীঘ্র সেঁরে মনের গলা থেকে কাছা খুলে ফেল, তোমরাও অবিলম্বে সে প্রমাণ পাবে।’

বক্তা সভাসদবর্গ বলছেন—‘খব্দার, নিয়মভঙ্গ করো না: কবির কথা অবিশ্বাস্য, অতএব। এর কাল যত পারো দীর্ঘ কর।’

২

কথাটা উঠেছে ‘ব্যক্তি’ আর ‘সমাজ’ নিয়ে। ব্যক্তিগত, অধিকারকে সামনে ধরে

বঙ্গসাহিত্যের একদিক থেকে যে নবমত প্রচারিত হচ্ছে, আমাদের নব-শিক্ষিত সম্প্রদায়ের সাহিত্য-কীর্তি তার শুভফল-সম্বন্ধে সন্দিগ্ধ হচ্ছে, এবং Socialism-ভক্তেরা ঐ প্রচারের রূপটিকে Individualism নাম দিয়ে নানাপ্রকার আশঙ্কা প্রকাশ করছেন।

সমাজ-তন্ত্রে আর ব্যক্তিতন্ত্রে যেখানে বিবাদ বাধে সেখানে ধর্মতন্ত্রের সালিশি অপরিহার্য হয়ে পড়ে, কেননা ধর্ম-জিনিষটী যে কি, তাই নিয়েই যে মানুষে মানুষে মতভেদ ও বুদ্ধিভেদ অনন্তসামান্য। সামাজিকরা বলেন, যা মানুষকে সমাজের সঙ্গে যুক্ত করে তাই ধর্ম; আর অসামাজিকরা বলেন, মানুষকে সমাজ থেকে বা মুক্ত করে তাই ধর্ম।

মনে পড়ে, বহুকাল আগে আমাদের এই গ্রামে একবার নিম্নশ্রেণীর হিন্দু-মুসলমানের মধ্যে 'একটা বিষম রকম দাঙ্গা হয়ে গিয়েছিল,—সে-দাঙ্গার উপলক্ষ্য ছিল 'গরু'। মুসলমান-ধর্মতন্ত্রে ও-জীবটীর হত্যার ব্যবস্থা আছে এবং হিন্দু-ধর্মতন্ত্রে তার রক্ষার বিধান আছে—এই বিশ্বাসকেই বড় করে' তুলে হিন্দু-ধার্মিক ও মুসলমান-ধার্মিক পরস্পরের মাথা লক্ষ্য করে' লাঠি উচিয়েছিলেন। ছুটি প্রবল সম্প্রদায়ের ধর্মবুদ্ধি যখন গরুর উপর ভর করে' দাঁড়ায়, তখন তা' যে গো-বুদ্ধিতেই পরিণত হয়, ঐ উজ্জ্বলতম দৃষ্টান্তটাই তার প্রমাণ।

এখন, যে-বুদ্ধির কথা বক্ষ্যমান প্রবন্ধে পাড়া হয়েছে তা' ঠিক গরুকে না হলেও সমাজকে স্মরণ করে' দাঁড়িয়েছে, এবং

আমাদের নব-ধার্মিকদের ধর্মবুদ্ধি ঐ জিনিষটিরই স্বপক্ষে বা বিপক্ষে আশা-আশঙ্কার পরিচয় দিচ্ছে।

আমরা নিজেরা Socialism বা Individualism এই উভয়বিধ ismএর কোনোটিরই বিশেষ পক্ষপাতী নই—কেননা ও-ছুটিরই প্রতিষ্ঠাভূমিতে যা আছে তার নাম স্বার্থপরতা। এই স্বার্থবুদ্ধির উপর যতক্ষণ মানুষ বাস করে, ততক্ষণ তার ভবিষ্যৎ অন্ধকারাচ্ছন্নই থেকে যায়; সকলের স্বার্থ এক নয়, এবং স্বার্থ কস্মিনকালেও ছুনিয়া-শুদ্ধ লোকের এক হতেও পারে না—অতএব স্বার্থে স্বার্থে সংঘাতের ভিতর দিয়ে ঐ সকল ism-বাদীর ভবিষ্যৎ রক্তরেখাঙ্কিত হতে বাধ্য।

'সমাজ' হচ্ছে সেই জিনিস, যেখানে আমরা পরস্পরের পারিবারিক স্বার্থকে যথাসম্ভব সুবিধাজনক করবার জন্তে পরস্পরের সঙ্গে একটা আপোষ-নীমাংসা বা রফাছাড়ের বন্দোবস্ত করে' পাশাপাশি বাস করি, এবং Socialism হচ্ছে স্থান কাল ও পাত্র ভেদে ঐ জাতীয় ব্যবস্থা বন্দোবস্তের নানারকম আইন-কানুন।

Individualismএর অর্থ অবশ্যই ব্যক্তিগত স্বার্থবাদ, অর্থাৎ পরস্পরের স্বার্থ-গত আদানপ্রদানের মাঝখানে নিজের স্বার্থটাই বড় করে' দেখা—অপর কথায় "চাচা আপন বাঁচা"—এই মতবাদ।

কোন লেখক-বন্ধুর পত্রে প্রকাশ—
"সমাজের বর্তমান অবস্থায় Individualism জিনিষটা পেটের অমুখে Castor oilএরই মত"।

উক্ত উক্তিতে স্বীকৃত হয়েছে যে আমাদের সমাজের বর্তমান অবস্থাটা একেবারেই আশাশ্রয় নয়, কেননা তার চতুর্দিকেই স্বার্থ-বুদ্ধির পেটের অমুখ দেখা দিয়েছে। বন্ধুর ঐ রোগ নির্ণয়টুকু নিভুল —কিন্তু তিনি চান ও-রোগ তাড়নার জন্তে Socialismএর জয়ঢাক-শব্দে সাহিত্য-ক্ষেত্র শস্যমান করে' তুলতে এবং সেটি একটি প্রকাণ্ড ভুল।

যে স্বার্থ-সন্ধান-চেষ্টা জনে জনে সর্বনাশের কারণ, তা দলে দলে স্বীকৃত হলে যে, মানব-জগতে পৌষমাষের আরাম দেখা দেবে, এমন কথা এক পাগল ছাড়া অণু কেউ মনে করতে পারে না। স্মরণ্য সমাজের বর্তমান অবস্থায় Individualismএর প্রচার যদি Castor oil হয়, তবে Socialismএর প্রচারও বেলের মোরঝা হবে না।

তবে কি Individualismএর প্রচার চলতেই থাকবে ?

উত্তর—Individualismএর প্রচার কেউ কর্ছেনই না। ব্যক্তির স্বার্থ-স্বাতন্ত্র্য নয়, কিন্তু আত্মস্বাতন্ত্র্যই আধুনিক সাহিত্যের সর্বোচ্চ শিখর থেকে প্রচারিত হচ্ছে, এবং বলা বাহুল্য যে 'আত্মা' বলতে যা বোঝায়, তা সর্বস্বার্থপারেরই বস্তু। এ প্রচারকে যদি কোনো ইংরাজী নাট্যে ইচ্ছিত করতে হয়, তা হলে সম্ভবত Microcosm নামটি নিতান্ত অনুপযোগী হবে না।

৩

কিন্তু প্রচারের লক্ষ্যটা যে Individualismই, এ ধারণা এক-আধজনের নয়

—আধুনিক বিশ্ববিদ্যালয়ের অধিকাংশ মাষ্টার-মহাশয়েরাই এ বিষয়ে একমত, কারণ তাঁরা সকলেই Ibsen- পড়েছেন। 'ব্যক্তি-স্বাতন্ত্র্য' নাম কোনোখানে দেখলেই যে তাকে Ibsenism মনে করতে হবে, এমন ধারণা নিশ্চয়ই আমাদের পেয়ে বসতো না, যদি 'স্বার্থ' ও 'আত্ম' এই দুটি শব্দের স্পষ্ট ভাব-চিত্র আমাদের মানস-চক্ষুর সম্মুখে থাকত। কিন্তু দুঃখের বিষয়, বিশ্ববিদ্যালয়ের সমস্ত পরীক্ষা-সাগরটা সাঁতরে পার হয়ে এলেও স্বার্থের ঠুলি আমাদের অনেকেরই চোখ থেকে খসে পড়ে না, বরং কারুর কারুর চোখে বরং বেশী করেই এঁটে বসে। ফলে আমাদের মাষ্টার-মহাশয়েরা এই বিশ্ব-ব্রহ্মাণ্ড সম্বন্ধে যে-ভাবে বলা-কওয়া করতে থাকেন, তাতে ছনিয়ার ঝাঁড়ির খবর এত অধিক পরিমাণে প্রকাশ পায় যে নাড়ীর খবরটার আর সন্ধানই পাওয়া যায় না।

এর কারণ স্পষ্ট। বর্তমানে আমরা কলেজে যাই ভবিষ্যতের ভাত-কাঁপড়ের ভাবনায়, কিন্তু হৃদয়-মনের অনুশীলনের জন্তে কচিং। ফলে, শিক্ষক সেজে যখন শেখা-বুলিকে লেখায় পরিণত করতে বসি তখন ঐ এক স্বার্থ-বুদ্ধির বাত-রোগকেই মানুষ থেকে সমাজে এবং বিধি থেকে বিধানান্তরে সঞ্চারিত করা ছাড়া অণু কোনোরূপ কর্তব্যের কল্পনাও করতে পারেনে !

বিশ্বের সঙ্গে দাঁতের যোগ দেহ-রক্ষার জন্তে যে অত্যাৱণ্যক তাতে অবশ্যই সন্দেহ নেই, কিন্তু আঁতের ষোঁগটাই যে গোলযোগ

এমন কথাও ঠিক নয়। প্রথমোক্ত যোগটি রক্ষা করবার জন্তে যে ফসল দরকার, তার চাষের পক্ষে মাঠের মাটীই যথেষ্ট; এ উদ্দেশ্যে মনকেও মাটী করে' সাহিত্যক্ষেত্রে লাঙল চালানো সম্ভবতঃ অনাবশ্যক। কিন্তু এ সত্য মানা দূরে থাক, রস-সাহিত্যের দরটা পর্যন্ত সম্প্রতি আমরা দাঁতের কষ্টি-পাথরেই যাচাই করতে ব্যস্ত হয়েছি এবং দস্তফুট হচ্ছে না দেখে রসিক-সম্প্রদায়কে 'বস্তুতাত্ত্বিক নয়' বলে নিন্দে করছি।

দাঁত ওঠবার আগেও যে পৃথিবীর সঙ্গে মানুষের আঁতের যোগ থাকে, তার প্রমাণ শিশুদের হাসি-কান্নায় ঘরে ঘরেই পাওয়া যায়; অপর পক্ষে, দাঁত পড়ে গেলেও যে ও-যোগ নষ্ট হয় না তার উজ্জল দৃষ্টান্ত 'বুড়োবুড়ির হৃৎকোষে মনের মিলে সুখে থাকায়'। চোখের উপর এ-সব নিত্য দেখেও কেন যে আমরা মাঝখানের ঐ দস্ত-রোগটাকে এ-বিশ্বের রাজ্যসনে বসাতে চাই তা' বলা শক্ত। কিন্তু বসাবিচ্ছিন্ন যে, এ-অপবাদ অস্বীকার করে' লাভ নেই; আমাদের ঐ শিক্ষকদলের পৃষ্ঠপোষকতায় আমরা দেশশুদ্ধ লোক আজ আত্ম-চর্চার ঋষিক্ষেত্রে পাশ কাটিয়ে যত-রাজ্যের ভূতের বোঝায় কুঞ্জপৃষ্ঠ ও ম্যাজদেহ হতে চলেছি।

বিশ্ববিদ্যালয়ের পিঠের বোঝা স্বজাতির পেটের মধ্যে সজোরে প্রবেশ করিয়ে দিলে তারা যে হাঁসফাঁস করতে করতে 'সমাজের' খাটিয়ায় চিং হয়ে পড়বে, এতে অবশ্য বিস্মিত হবার কারণ নেই। সেই জন্তেই সাহিত্যের বেনামীতে আজ আমরা

চারিদিকে যা' দেখছি তা' আসলে ঐ সমাজেরই সেবায়, আর ধর্মের নামে যা' পাচ্ছি তা' ও-বস্তুর পোষা-পুরুত ছাড়া অন্য কিছুই নয়।

সাহিত্যিক বলে' সাধারণ্যে আপনাকে চালিয়ে দেবার জন্তে, অথবা ধার্মিক বলে' লোকারণ্যে গণ্য হবার পক্ষে ও-পন্থার অনুসরণ যে সম্পূর্ণ নিরাপদ তাতে আর সন্দেহ কি! সমাজবদ্ধ হয়ে পরস্পরের মনস্তষ্টির জন্তে যা' করা যায়, তার মস্ত সুবিধাটা এই যে তাতে লজ্জার ভয় থাকে না; কেননা, "দশে মিলে করি কাজ, হারি জিতি নাহি লাজ"।

কিন্তু লজ্জাটাকে কোনমতে পাশ কাটিয়ে চলাই যে মানব-জীবনের উদ্দেশ্য, এমন কথা শুধু লজ্জার মাথা খেয়েই বলা চলে। তা' ছাড়া, ধর্ম বা সাহিত্যের অর্থ-নির্গম করতে হলে সমাজের ভোটই যে দরকার, এমন কথা তাঁরাই বলতে পারেন যাঁদের আস্থা মাথার চেয়ে ধড়ের উপরই বেশী। দেশের ধর্ম দেশের প্রতিভা-শালীদের মধ্যে নেই—ওজনে-ভারী জন-সংখ্যায় আছে এ-কথা মানা সম্ভব হ'ত, যদি দেখতুম যে কুড়িজন শিশুর বুদ্ধি একত্র করলে একজন প্রাপ্তবয়স্কের অভিজ্ঞতার সমান হয়ে দাঁড়ায়। সমাজ থেকে প্রতিভাবানদের তফাৎ করে' ধরলে শাঁসে-জলে যে প্রকাণ্ড দেহটা পাওয়া যায়, তা' কবন্ধ বই আর কি? এ হেন "সমাজ-কবন্ধের" গুণ-বর্ণনা করে' প্রবন্ধ লিখলে হাততালি দেবার লোক খুবই মেলে বটে, কিন্তু ও-অঙ্গের ঘাড়ে দশমুণ্ড ঋকগাড়

হয়ে উঠলে যে মূর্তিটা গড়ে ওঠে, তা' নিতান্তই 'দশানন'। এই রাক্ষস-রাজের কুড়িহাতে ধর্মের নামে যে ঘট-স্থাপনা করা যায়, সে-ঘটে ধর্মের দর্শনলাভ স্বভাবতই দুর্ঘট হয়ে ওঠে, কেননা ও-কার্য আসলে ধর্মের বিরুদ্ধেই ধর্মঘট ছাড়া অপর-কিছু নয়।

৪

ধর্মের ষথার্থ আরম্ভ হচ্ছে একের 'অহং'এ, অনেকের 'গোলে-হরিবোলে' নয়। ও-বস্তু সামাজিকতাও নয়, লোক-লৌকিকতাও নয়, কিন্তু আধ্যাত্মিকতা। ধর্মের অপর একটা নাম হচ্ছে আত্মবোধ বা আপনাকে চেনা, কিন্তু সমাজের জনে জনে আমরা আত্মবিরোধই দেখতে পাই। লোক-পিছু চোখ-চাওয়া-চাওয়ি করলে পরস্পরের মুখচেনাচেনি নিশ্চয়ই হতে পারে; কিন্তু আপনাকে চেনা অবশ্যই তাতে হয় না। আত্ম-পরিচয় নিতে গেলে নিজের মনের মধ্যে বিজনবাস করা ছাড়া উপায়ান্তর নেই, কেননা 'অহং'এর চরম বিকাশটা মনের অতিরিক্ত, অন্তর্ভুক্ত নয়; আর ঐ মনের বিদ্যাবুদ্ধিকে আত্মাধীন করে'ই আমরা আত্মপ্রবুদ্ধ হতে পারি। ব্যক্তিগত ক্ষুদ্র অহংএর বেদীতেই ঐ অগ্নি-মন্ত্রের সর্বপ্রথম শিখা দেখা দেয়, এবং মনের ভূতগ্রস্ত দিকটাকে উড়িয়ে-পুড়িয়ে দিয়েই বিরাট অহংএর অখণ্ড ঐক্যস্থিত্রে আত্মস্বরূপের প্রতিষ্ঠাভূমিটা স্বচ্ছ করে' তোলে।

জীবন-ধর্মে আর সাহিত্য-ধর্মে যদি কিছু তর্কাৎ থাকে, তবে সে শুধু 'বিকাশের'

আর 'প্রকাশের'। প্রথমটা যদি আত্ম-বিকাশ হয়, তবে দ্বিতীয়টা হবে আত্মপ্রকাশ। এ-কার্যে পরতন্ত্রতা হচ্ছে প্রতিবন্ধক এবং স্বাতন্ত্র্য অপরিহার্য আশ্রয়।

এই ব্যক্তি-স্বাতন্ত্র্য বা ব্যক্তিগত আত্ম-বিকাশ ও আত্মপ্রকাশ-ধর্মকে ঘোষণা করাই হচ্ছে বর্তমান-সাহিত্যের যুগধর্ম। কঠিন-মৃত্তিকাপৃষ্ঠ পৃথিবীর গভীর তলদেশে যে জলধারা প্রবাহিত হচ্ছে, কুপই যেমন তাকে সর্বপ্রায়ে স্পর্শ করতে পারে, তেমনি এই মানব-জগতের বিচিত্র চিত্ত-স্তরের গভীর তলদেশে যে অখণ্ড প্রাণের ধারা প্রবাহিত রয়েছে ব্যক্তিগত চিত্ত-বিশ্লেষণ-ফলেই তা' লভ্য হয়ে থাকে। সরোবর বা দীর্ঘিকা থেকে যেমন কুপের জল সংগৃহীত হয় না—পরন্তু খনিত সরোবর প্রভৃতিতেও কুপের উৎস-মুখেই বারিরাশি ছড়িয়ে পড়ে, তেমনি ব্যক্তির প্রাণ-শক্তিও সমাজ থেকে সংগৃহীত হয় না, কিন্তু ব্যক্তিরই প্রাণের বেগ সমাজকে সজীব ও সবল করে' তোলে। সমাজ যত-বড় ভারী জিনিষই হোক না কেন, ধার যদি কারুর থাকে তবে সে ব্যক্তিরই আছে। অতএব, আধুনিক মানব-সমাজের কর্ণছিদ্রে যারা ঐ ব্যক্তি মাহাত্ম্যের যুগধর্মটা নির্দেশ করতে টাঁড়িয়েছেন, সমাজ-ভারাচ্ছন্ন-সম্প্রদায়ের তিরস্কারে অবশ্যই তাঁরা বিচলিত হবেন না। ষথার্থ মানব-কল্যাণের উপায়সম্বন্ধে যারা বুদ্ধিমান হয়েও অবোধ, তাঁদের অপরাধকে মার্জনা ও তিরস্কারকে শিরোধার্য না করলে এ-জগতের মধ্যে মানুষ গড়ে তোলবার চেষ্টা পেছিয়েই পড়বে।

সর্বপ্রকার স্বার্থ-প্রতিষ্ঠাকে আত্ম-প্রতিষ্ঠার পরিণতি-দানের চেষ্টা নিশ্চয়ই Ibsenism নয়; যদি হয়, তবে এ-দেশের সব-চেয়ে দুর্দান্ত Ibsen ছিলেন বৈদিক ঋষিরা।

“হোক সত্য যত বড়, মিথ্যা তাহা মোর কাছে
বুঝি নাই যারে

খুঁজে লব প্রাণ হ’তে তারে”—এই মন্ত্রই হচ্ছে ব্যক্তি-স্বাতন্ত্র্যের মূলমন্ত্র, এবং তাঁরাই ও-সঙ্কল্পকে দোষের বলতে পারেন যারা ‘পড়া-বুলিকে গড়া-বুলিতে পরিণত করে’ তোলবার উপযুক্ত পাকযন্ত্রের অভাবে নিজেদের ঐ অভাবটাকেই সম্পদ বলে গণ্য করেন।

‘আত্মা’-জিনিষটা যে নিলিপ্ত, স্বয়ং সিদ্ধ ও স্বাধীন—এ-কথা আমরা কেতাবে পড়ি ও বক্তৃতায় ছড়াই। কিন্তু মানুষের আত্মপ্রকাশে স্বাধীনতা ও মুক্তির মন্ত্রলীলা দেখলেই আমরা “শিউরে উঠে বলাবলি করি—“সর্বনাশ হল, উচ্ছৃঙ্খলতার দেশ ভাসলো!” শৃঙ্খলের অর্থাৎ শিকলির উর্দ্ধে গেলে উচ্ছৃঙ্খলতা দেখা দেবে, এই ক্ষুদ্র আশঙ্কায় চিরন্তন শৃঙ্খলাকে আর আমরা তফাৎ করে’ রাখবো না—কেননা চোখের উপর দেখতে পাচ্ছি, মানুষের ঘরগড়া শৃঙ্খল এই চমৎকার বিশ্ব-শৃঙ্খলার কাছে কিছুই নয়। ঋতুর পর ঋতু, জন্মের পরে মৃত্যু, রাত্রির পরে দিন আমাদের হাতে-গড়া জীর্ণ-নীতির প্রতি দৃকপাত মাত্র না করে’ পরমানন্দে আবর্তিত হয়ে চলেছে এবং আমাদের ক্ষুদ্র ভয় ও তুচ্ছ দ্বিধাকে ব্যঙ্গ করে’ involuntary দেহ-যন্ত্রগুলিরও

আড়াল থেকে প্রাণ তার আপন নিয়মকে প্রকাশ করছে।

প্রাণের এই সর্বব্যাপী প্রতিষ্ঠাভূমিতে ব্যক্তিগত স্বার্থ-বর্জন করাতেই প্রত্যেক ক্ষুদ্র অহংএর যথার্থ আত্মপ্রতিষ্ঠা, কেননা স্বার্থ-স্বাতন্ত্র্য-বর্জন আর আত্ম-স্বাতন্ত্র্য-অর্জন একই কথা। গোবিন্দকে যদি নমস্কার করতে হয় তবে সে এইখানে—এই স্বাতন্ত্র্যের অর্জন-ক্ষেত্রে। ‘উড়ো খই গোবিন্দায় নমঃ’ করলে সামাজিক যজ্ঞমানের চোখে ধুলো দেওয়া যেতে পারে, কিন্তু মৃতের তর্জনী-সঙ্কেতে মোহপ্রাপ্ত হলে প্রাণের শঙ্খধ্বনি শোনবার কানটাও নিশ্চয় বধির হয়ে উঠবে।

৫

আমাদের শিক্ষার প্রধান দোষ হচ্ছে এই যে extreme negativeকে অনায়াসেই আমরা extreme positive বলে ভুল করে’ ফেলি, এবং তা’ এই কারণে যে, ও-দুয়ের চেহারা প্রায় একই রকম। আলোকের কম্পন যখন মৃদুতম, তখন আমরা চোখে অন্ধকার দেখি,—যখন দ্রুততম, তখনও কাণা হয়ে থাকি। শব্দ-সম্বন্ধেও অবস্থা ঠিক ঐ একই রকম; অর্থাৎ ও-বস্তু যখন অতি-ক্ষীণ তখনও আমরা শুনতে পাইনে—আর যখন অতি-উচ্চ তখনও কাণা হয়ে থাকি।

আধুনিক শব্দ-শিল্পীদের মধ্যে যে ছ’একটা প্রবলকণ্ঠ দেশের লোকের মনের কান কালা করে’ দিচ্ছে তা’ এই শেষোক্ত কারণে। তবু, ভরসার কথা এই যে ও-শব্দ অবিলম্বেই দেশ ৯শুনতে

পাবে,—এমন-কি, অনেকে ইতিমধ্যে পেয়েছেনও।

কিছুকাল আগে আমাদের ধারণা ছিল যে বিশ্বের জঞ্জালের দিকে মনকে বিক্ষিপ্ত করে' দিতে পারাই ভগবানের নিকটতর হবার উপায়—তাই কেন্দ্রটিকে নিজের বাইরে ধরে' এগুতে চাইছিলুম। আজ একটা দম্কা-হাওয়ার বিপরীত ধাক্কায় অকস্মাৎ সে দিকটা ঘুরে গিয়েছে—তাই যুগ-ধর্মের মুখে নূতন এক 'মন্ত্রশক্তি বাণীময় হয়ে বলছে—“রোগটা ঠিক ঐ বটে, তবে চিকিৎসার পছটা হচ্ছিল ভুল; মনকে বিশ্বে বিক্ষিপ্ত না করে' বিশ্বকে মনে সংক্ষিপ্ত করতে থাক,—ভগবানের নিকটতর হবার চেষ্টা ছেড়ে ভগবানকে নিকটতর করবার সাধনায় লেগে যাও, কেননা তাতেই যাবতীয় অশ্রমনস্কতা আশ্রমনস্কতায় পরিণত হবে।

জীবনের পরিপূর্ণতা বিশ্বপ্রকৃতির কোনো সুদূর-পারের কেন্দ্র থেকে আমাদের ডাক পাড়ছে না—আমাদেরই অভ্যন্তর থেকে বাইরের পরিধিটাকে সে কাঁপাচ্ছে। সৃষ্টি ও স্রষ্টা দুটি আদি-অন্তহারা সমান্তরাল সরল রেখারই মতন বৃত্তাকার।

বিশ্ববস্তুর মানস-লোকে আকর্ষণ এবং মনের ছাপ্ লাগিয়ে লাগিয়ে অভিনব রস-মূর্তিতে বিশ্বপথে বিকর্ষণ—এরই নাম হচ্ছে ব্যক্তিগত সাহিত্য-সাধনা এবং এই জাতীয় আত্মপ্রকাশ থেকেই সাহিত্য-সাধকদের জীবন-পদ্য ধীরে ধীরে পাগড়ি মেলাতে পারবে; কিন্তু পরের মুখে বাল খেয়ে কাগজের পাতায় 'গোটা নাম' ভেঙে চলাতে নয়।

সকলেই যদি পরস্পরের মনের কথা বলতে আরম্ভ করি, তা' হলেই আদানে-প্রদানে উচ্চ থেকে উচ্চতর ছাঁচে মনকে ঢালা আমাদের পক্ষে সম্ভব হবে—অতএব ব্যক্তিগত ভাবে স্ব-তন্ত্র ও স্বাধীন বিচার-চিত্র অত্যাবশ্যক। ব্যক্তিগত বুদ্ধি ও চিন্তার ঘাত-প্রতিঘাতে আন্দোলিত-জীবনের এই সত্য-পরীক্ষা-গ্রহণ-ব্যাপারকে যারা ঠেকিয়ে রাখতে চান, তাঁরা মানব-কল্যাণের সহায় নন। একমাত্র বিচারের সর্ষে-পড়া প্রয়োগেই অহংএর ঘাড়ের ভূত তার পদানত হতে পারে, অথ কোন উপায়েই নয়।

কিন্তু আমাদের Ibsen-ভীতিগ্রস্ত জনৈক প্রফেসার-লেখকের একটা উক্তি উদ্ধৃত করে' একজাতীয় চিন্ত-রোগের বীজটা দেখিয়ে দিচ্ছি—

“তবে কি বেদান্তের ‘অন্তরের কথা’ আমার চরমতম চিরন্তন সত্য? কে জানে! হয়তো যাহা জ্ঞানের’ অনধিগম্য তাহাকে ‘ভক্তি’তে লাভ করা যায়!”

‘জ্ঞান’ আর ‘ভক্তি’ যে দুটি পরস্পর-বিশুদ্ধ জিনিস, এ-ধারণা অনেকেরই আছে। কিন্তু আসলে ভক্তিযোগ, জ্ঞানযোগ বা কর্মযোগের মধ্যে একেবারেই গোলযোগ নেই, কেননা ও-তিনটাই পরস্পরসাপেক্ষ, এবং মনেরই তিনটি বিভিন্ন অবস্থা ছাড়া অথ কিছুই নয়। ‘ভক্তি’ বলতে যা' বোঝায় তা' কোনো-কিছু লাভের উপায় নয়—পরন্তু ঐ জিনিসই হচ্ছে লভ্য ফল।

‘মন’ বলতে আমরা যে চঞ্চল ও তরল পদার্থটিকে বুঝি, ‘ভক্তি’ বলতে সেই

একই পদার্থের স্থির ও প্রগাঢ় অবস্থাকে বোঝায়। 'বুদ্ধি' বা বিবেক বলতে যে জিনিষটা বুঝি তা ঐ মনকে জাল দেবার অগ্নি ছাড়া আর কিছুই নয়—আর 'ক্রিয়া' হচ্ছে সেই জিনিষ যা' ঐ বুদ্ধির উত্তাপে, মন-পদার্থে দেখা দেয়। 'মন-জিনিষটার প্রাথমিক ধর্ম হচ্ছে তারল্য—আমাদের হৃদয়ের বিচিত্র বৃত্তি সত্যসত্যই পৃথক পৃথক বিভাগ নয়, আমাদের স্বায়ত্ত্ব না হওয়া পর্যন্ত ও-জিনিষ তারলপদার্থের ধর্মামুসারে যখন যা সামনে পায় তারই আকার ধারণা করে বলেই তা বিচ্ছিন্ন দেখায় মাত্র—বিচারের উত্তাপে ক্রিয়াশীল হ'তে হ'তে 'মন' যখন চরম-স্পন্দনে উপনীত হয়ে অচঞ্চল ও একনিষ্ঠ হয় তখনই তা ভক্তের ভাব ও ভক্তি-পরিণাম লাভ করে।

মনোবৃত্তি হচ্ছে instinctive, এবং পশুপক্ষী প্রভৃতি যাবতীয় প্রাণীতেই এ-জিনিষ আছে। Argument হচ্ছে ঐ instinctএর দ্বিতীয় অবস্থা, এবং পশুধর্মজরী মানুষের মধ্যেই তা দেখা দেয়। Inspiration হচ্ছে ঐ বিচার-সমুদ্রপারের আত্মপ্রতিষ্ঠা অবস্থা আর এই inspiration ঝাঁদের মধ্যে প্রকাশ পেয়েছে তাঁরাই ভক্ত। যথার্থ কবিই হচ্ছেন একমাত্র ভক্তিয়োগী, 'দর্শন' তাঁদের দৃষ্টির ভিত্তিতে তো আছেই, তা' ছাড়া আরও এমন-কিছু আছে যা' দার্শনিকের দৃষ্টিতে নেই; ভক্তিই হচ্ছে ঐ অতিরিক্ত কিছু। এই বস্তুই সর্ববিচারের উপর লক্ষ্যময় নিত্যরস, অপরকথার আত্মানন্দ।

ভক্তি দুর্বলের চল নয়, বিচার-বুদ্ধি-হীনের অন্ধতা নয়—ঐ বস্তুই দিব্য-চক্ষু এবং ঐ বস্তুই আপন নির্ভীক ও সতেজ, নিঃসংশয় ও অপরাহত-পরাক্রম প্রেরণ-শক্তিবলে সেই সমস্ত দুর্বলের অজস্র বিরুদ্ধতা অবাধেই অতিক্রম করে' চলে যেতে পারে, যারা নাকি 'অভয়ের কথা'র দোহাইটাও 'সভয়ে' না পেড়ে থাকতে পারেন না।

শুধু 'অভয়ের কথা' কেন, এ-হুনিয়ার কোনো কথাই সত্য নয়; সত্য যা তা' ঐ 'অভয়'; সত্য যা, তা' সেই শক্তি ও দীপ্তি, অশ্রু ও হাস্য, নির্ভীকতা ও দৃঢ়বিশ্বাস, আনন্দ ও সরসতা—এক কথায় সেই প্রচণ্ডবেগ প্রেরণশক্তি যা কথার আড়ালটিকে আলোকিত করে' তোলে।

বর্তমানের যুগধর্ম ব্যক্তিতে ব্যক্তিতে এই প্রেরণ-শক্তির উদ্বোধন-গান সহস্রকণ্ঠে গায়িতে দাঁড়িয়েছে। এ-সঙ্গীতে সমাজধর্ম বা দেশধর্ম, মানবধর্ম বা বিশ্বধর্ম নষ্ট হবে না, কিন্তু গঠিত হবে। ব্যক্তির সমষ্টি নিয়েই সমাজ, অতএব ব্যক্তিগত আত্ম-প্রতিষ্ঠা লাভই বিক্ষিপ্ত ও বিচ্ছিন্ন সমাজ-ধর্মকে ঐক্যপ্রতিষ্ঠা করবে—ব্যক্তির সমষ্টি নিয়েই দেশ, সুতরাং ব্যক্তিগত আত্মবোধই দেশাত্মবোধে সত্য-প্রতিষ্ঠা পাবে—ব্যক্তির সমষ্টি নিয়েই মানবজগৎ, অতএব ব্যক্তিগত ধর্মজীবন লাভই বিশ্বমানবধর্মে জয়ধ্বনি অর্জন করবে।

শ্রীবিজয়কৃষ্ণ ঘোষ।

আলেরার আলো

ছাব্বিশ

মোহনের কথা

হায় রে জীবন-সুরার তিক্তরস! ঐযে তোমার বিরাট পাত্রে মত বিশাল গগন এই বিচিত্র জগতের উপরে অনন্ত কাল ধরে উপুড় হয়ে আছে, ঐ দিগন্তব্যাপী সুরাপাত্র থেকে যে বিষাক্ত রসের বিশ্বাদ ধারা বিশ্বের মুখে দিবারাত্র করে পড়ছে আর পড়ছে,—কেন আমরা ভূষিত কণ্ঠে উন্মুখ হয়ে তার দিকে তাকিয়ে রয়েছি—কেন আমরা বুঝছি না যে, ঐ ক্ষণিক, তরল গরল-ধারার মত্ততা ক্ষণপ্রভার মতই ক্ষণস্থায়ী? দীন, ক্ষুর্দ্দ মানব আমরা,—আমরা সূধু অন্ধ নই,—আমাদের অনুভূতিও নেই, আমাদের এই বাহিরের জীবন, ভিতরের প্রচ্ছন্ন অসাড় জড়তার তুচ্ছ আবরণ-মাত্র।

জানিনা, এ জীবনটা কি? এর একদিকে সুখের রাগিনী, হাসির ফোয়ারা, আনন্দের নন্দন; আর-একদিকে দুঃখের হাহাকার, কান্নার অশ্রু, হুঁচকির দাবলাহ; এরই মাঝে এই যে ভঙ্গুর মানব-জীবন অসহায় হয়ে পড়ে আছে, কী এর সার্থকতা? মানুষ নিয়ে এই যে গড়া আর ভাঙ্গার, ভাঙ্গা আর গড়ার চিরকাল-ব্যাপী অকারণ খেলা, স্রষ্টার কোন্ মহৎ, বিরাট, হুঁকোথ উদ্দেশ্য এর-মধ্যে প্রচ্ছন্ন আছে?

এ বিশ্বখেলার যিনি নির্ধর ক্রীড়ক, তাঁর অদৃশ্য হস্ত জীবনের পিছনে মরণকে, যৌবনের পিছনে জরাকে, সুখের পিছনে দুঃখকে কখন পাঠিয়ে দেয় কেউ টের পায় না, তারা গুপ্তঘাতকের মত চুপিচুপি এসে ফুলশয্যার চিতাভস্ম ছড়িয়ে দিয়ে যায়—আর, হুনিয়ার মালিক হয়ে তিনি বসে বসে অটলভাবে তাই দেখেন! তিনি ত কাদেন না—তিনি ত কাদেন না! 'ঈশ্বর যা করেন মঙ্গলের জন্ত',—এ-কথা বলেছে কোন্ অবোধ? আশার আলোয়া দেখিয়ে যিনি দুর্বল, নাচারকে নিরাশার কুপে ডুবিয়ে মারেন, তাঁকে আমি ধন্তরাদ দেব না!

একে, একে, একে ছয়মাস কেটে গেল,—নিরানন্দ, অন্ধকার, বিষাদবিশ্বাদ দীর্ঘ ছয়মাস! খাই আর বিছানার গিয়ে শুই,—কখনো ঘুমিয়ে দুঃস্বপ্ন দেখি, কখনো জেগে দুর্ভাবনা ভাবি। বাড়ীর বাইরে পা বাড়াতে সাধ যায় না—পৃথিবীর লোকজন, চুঁচামেচি, হাসি আর গান, এ-সব আমার প্রাণকে যেন হৃদয়ের মাঝে মূর্ছিত করে দেয়।

সরমার কথা মনে হচ্ছে। স্বামীকে সে ফিরিয়ে পেয়েছে—কিন্তু সে স্বামী তাকে ভালবাসে না। তার দুঃখের কথা ভাবলে আমার দুঃখ কত ছোট হয়ে যায়! সরমার মন ত আমি জানি! সে আমাকে

এই মনের আলা মনে চেপে রেখে,

অত্যাচারী, প্রেমহীন, কুচরিত্র পতির সংসারে তাকে দিনরাত দীর্ঘশ্বাস ফেলতে হচ্ছে। শুষ্ক সাগরের তাতল বালুগর্ভে একটি ফুটন্ত কুম্বের মত সরমা এখন নিস্তেজ হয়ে পড়ে আছে! সরমা, সরমা, হুঃখের উপরে হুঃখ সহিতে কেন তুমি আমার পথে এসে দাঁড়িয়েছিলে? তোমার এ দুর্ভাগ্যের জন্তে হয়ত আমিই দায়ী, আমিই দায়ী!

ধর্ম্মনার হাত দিয়ে সরমার একখানি চিঠি পেয়েছিলুম; এখানি তার যাবার দিনে লেখা।

আজ সন্ধ্যাবেলায় চিঠিখানি বার করে' আবার পড়লুম। সরমার আপন হাতে লেখা এই ক-টি লাইন ছাড়া তার আর কোন স্মৃতিচিহ্ন ত' আমার কাছে নেই! লিখতে লিখতে সরমা যে' চোখের জলে বুক ভাসিয়েছে, এ পত্রের ছত্রে ছত্রে— অস্পষ্ট লেখায় তারই স্পষ্ট ছাপ রয়েছে! তার অশ্রুজলে অভিষিক্ত এই লিপি আজ আমার মস্তকের অন্তরে যেন তারই হারিয়ে- যাওয়া স্পর্শটুকু আবার ফিরিয়ে আনছে!

সরমা লিখেছে :—

“মোহনবাবু,

অভাগীকে ভুলে যান। আমার ক্ষুদ্র জীবন আপনার যোগ্য নয়,—ভগবান তাই আমাকে আপনার পথ থেকে সরিয়ে দিলেন। এতদিন আপনার আশ্রয়ে ছিলাম, আপনার মহত্বের ঋণ আমি কখনো শোধতে পারব না—আপনি আমার সকল ক্রটি মার্জনা করবেন।

আশীর্বাদ করুন, স্বামীর সংসারে গিয়ে আমি যেন আপনাকে ভুলতে পারি। এখন এর-চেয়ে বড় আশীর্বাদ আমার কাছে আর ত কিছুই নেই!

সরমা।”

সরমা আমাকে ভুলতে চায়! কিন্তু আমি? আমি কখনো তাকে ভুলতে পারব কি? জানি, তার কথা ভাবাও আমার পাপ—কিন্তু এ পাপ সমস্ত নিষেধ ঠেলে আমার সমগ্র জীবনকে আচ্ছন্ন করে' থাকবে যে! এ পাপই যে এখন আমার একমাত্র আনন্দ!

সরমা হয়ত এতদিনে আমাকে ভুলতে পেরেছে! নইলে আজ-পর্যন্ত তার কোন খবর পেলুম না কেন?

আচ্ছা, সে ভাল আছে ত? যাবার সময় তাদের বাড়ী যেমন তালাবন্ধ করে' গিয়েছিল, এখনো ঠিক তেমনি আছে। সে বাড়ীতে তার জিনিসপত্রের পড়ে রয়েছে—কৈ, সে-সব নিতেও ত কেউ আসে-নি! তাই ত, সরমার অসুখ করে-নি?

সেদিন সরমার জন্তে মনটা কেমন উতলা হয়ে উঠল! খালি মনে হোতে লাগল, সরমা ভাল নেই—সরমা ভাল নেই! হয় তার অসুখ করেছে, নয় স্বামীর সঙ্গে সে কলকাতা ছেড়ে গেছে।

আচ্ছা, তার ঠিকানা আমি ত জানি, একবার খোঁজ নিয়ে এলেই ত হয়! আমার খবর নেয়-নি বলে সরমাকে আমি ছুঁছি—কিন্তু সে যে 'স্বীলোক, তাই পরাধীন! বরং এতদিনে তার কোন

খবর না-নেওয়া আমার পক্ষেই অনুচিত হয়েছে !

তখন কাপড়-জামা পরে বাড়ী থেকে বেরিয়ে পড়লুম ! তারপর শ্রামবাজারের দিকে অগ্রসর হলাম ।

খুজতে-খুজতে যখন শ্রামবাজার স্ট্রীটের —নং বাড়ীর সামনে গিয়ে দাঁড়ালুম, তখন সন্ধ্যা উত্তীর্ণ হয়েছে ।

বাড়ীখানা ছোটখাট,—দরজাটা ভিতর থেকে বন্ধ ।

সরমার স্বামীর নাম ধরে ডাকব, কি ডাকব না—তাই ভাবছি, এমনসময় পিছন থেকে জড়িতস্বরে কে বললে, “ভরসন্ধ্যায় বাড়ীর সামনে এ কোন্ যোগী ভিখারীর মূর্ত্তি বাবা !”

ফিরে দেখলুম, একটা লোক রাস্তার উপরে দাঁড়িয়ে দাঁড়িয়ে টলছে; নিশ্চয় মাতাল !

আমার মুখের কাছে হাত নেড়ে নেড়ে সে বলতে লাগল, “কি বাবা, তুমি কি মুকবধির-বিড়ালয় থেকে আসছ ? কথাও জাননা, শুনতেও পাও-না ?”

কোথাকার কে এক মাতাল ! বিরক্ত স্বরে বললুম, “যান মশাই যান, ভাল আপদ !”

—“এয়ে বেজায় বেতর বেতালা বেসুরো আওয়াজ দিচ্ছ বাবা ! আমার বাড়ীর সামনে দাঁড়িয়ে আমাকেই গরমা-গরম্ বুলি শোনাচ্ছ, এয়ে দেখছি ভয়ঙ্কর মিলিটারি-মেজাজ !”

আমি সচমকে বললুম, “এটা কি আপনাদের বাড়ী ?”

—“হ্যাঁ, হ্যাঁ, পথে এস ! মদ খেয়েচি বলে যে নিজের বাড়ীর ঠিকানা ভুলে যাব, আমাকে এমন বেহুঁস্ মাতাল পাওনি হে !”

—“মাফ করবেন মশাই, আমি ভেবেছিলুম এটা সুরেনবাবুর বাড়ী ।”

—“অধীনের দণ্ডবৎ নাও মাণিক ! বাড়ী চিনেছ আর বাড়ীর মালিককে চেন না, এতে যে নেশা চটে যাচ্ছে বাছা ! বোতল ভরে ঢল্ঢলায়মান সূধা নিয়ে সুরেনবাবু যে তোমার সামনেই টল্ঢলায়মান বাবা !”

—“আঁ্যা, আপনি ! আপনিই সুরেন-বাবু !”

—“নাম শুনেই আঁংকে ওঠ কেন হে ! বিশ্বাস হচ্ছে না—আমাকে সনাক্ত করবার জন্তে আবার লোক ডাকতে হবে নাকি ?”

• স্তম্ভিত হয়ে দাঁড়িয়ে রইলুম । এই সরমার স্বামী ?

—“চুপ করলে চলবে না সোনারি চাঁদ ! আমার নাম ত শুনলে, এখন তোমার নামটি কি চট্‌পট বলে ফেলে দিকিন ?”

• তখন সেখান থেকে চলে আসতে ইচ্ছা হোল, এ হৃদ্যন্ত মাতালের সঙ্গে কি কথা কব ! কিন্তু তারপরে ভাবলুম, এতটা যখন এসেছি, তখন সরমার খবরটাও অন্তত নিয়ে যাওয়া উচিত । এই ভেবে বললুম, “আমার নাম মোহনলাল রায় ।”

সুরেন আমার নাম শুনেই চম্কে উঠল । তারপরে বললে, “মো-হ-ন-লা-ল ! হুঁ, ও নাম যে চিনি ! এখানে কি দরকার হে তোমার ?”

—“আপনার স্ত্রী কেমন আছেন, তাই জানতে এসেছি।”

—“কী! বাঘের ঘরে ঘোঘের বাসা! আমি জলজ্যাস্ত বর্তমান থাকতেই আমাকে মর্তমান দেখিয়ে আমার স্ত্রীকে বিয়ে করতে গিয়েছিলে বাবা, তাতেও তেঁমার সাধ মেটেনি? আবার এখানে এসেছ আমার ভিটেয় ঘুঘু চরাতে! ভাগো হিঁয়াসে, জলদি ভাগো!”

—“মশাই—”

—“চোপরাও পাপিষ্ঠ, চোপরাও! দেখবি মজাটা!” এই বলে সে কাপড়ের ভিতর থেকে একটা মদের বোতল বার করে সেটা উচিয়ে আমাকে মারতে এল।

ভাবলুম, পশুটাকে ধরে দি ঘা-কতক বসিয়ে! কিন্তু তখনি চোখের উপরে জেগে উঠল, সরমার কাতর মুখ! মনের রাগ মনেই চেপে আস্তে-আস্তে সেখান থেকে চলে এলুম।

* * * *

এ কী ভয়ানক, কী ভয়ানক! এমন স্বামীর হাতে পড়ে সরমা কি আর বাঁচবে? এর-চেয়ে যে বৈধব্য ভালো! এতদিন আপন দুঃখেই ভেঙ্গে পড়েছিলুম, আজ কিন্তু সরমার দুঃখের কথা ভেবে আমার বুকের রক্ত জল হয়ে গেল! ওঃ, সেই ফুলের মত বিমল, শিশুর মত সরল, দেবীর মত সুন্দরী সরমা, তার কপালে এই ছিল!

বাইরে, কয়লার চেয়ে কালো, নিবিড় মেঘের বুক চিরেচিরে ক্ষণেক্ষণে বিহ্যতের তীব্র অগ্নিস্রোত বয়ে যাচ্ছে,—ঘনঘন বাজ

ডাকছে, আর মনে হচ্ছে যেন বিরাট আকাশের বুকের উপর দিয়ে একটা বিশাল অদৃশ্য গোলা গড়্গড়্ শব্দে এ-কোণ-থেকে-ও-কোণ পর্যন্ত গড়িয়ে-গড়িয়ে যাচ্ছে আর আসছে, আসছে আর যাচ্ছে!

এই দুর্ঘ্যোগে সরমা কি করছে? ঘরে তার মাতাল স্বামী, প্রাণে তার জলন্ত আগুন, সে কি এখন ঘরের কোণে বসে গুম্বরে-গুম্বরে কেঁদে মরছে? সুরেনের আজ যে-অবস্থা দেখে এসেছি, আজ কি সে সরমাকে ঘুমুতে দেবে?

খোলা জানলা দিয়ে হঠাৎ সরমাদের খালিবাড়ীর দিকে চোখ পড়ল। সরমা যে ঘরে থাকত, সেই ঘরের জানলার উপরে আমার ঘরের আলোটা গিয়ে পড়েছে; সচকিতে দেখলুম, সরমার ঘরের জানলাটা খোলা! সে গিয়ে-পর্যন্ত জানলাটা বরাবরই বন্ধ দেখে আসছি—আজ কিন্তু এ কি ব্যাপার! জানলাটা কি ঝড়ের ঝাপটে আপনি খুলে গেল?

আশ্চর্য্য হয়ে সেদিকে তাকিয়ে আছি, এমন সময় ‘দপ্‌দপ্‌ করে’ দু-তিনবার বিহ্যৎ ঝল্কে উঠল। সরমার অন্ধকার-ঘরের একদিক থেকে নয়—দুদিক থেকে বিহ্যতের দীপ্তি-রেখা এসে পড়েছে! তাহলে শুধু ঐ জানলাটা নয়,—ও-ঘরের অন্তরিকের জানলা বা দরজাও খোলা আছে!

নিশ্চয় চোর এসেছে! ঘরের মধ্যে এখনো সরমার জিনিষপত্তর আছে, যদি চুরি করে? তাইত, দেখতে হোল একবার!

ছাতি ও লঠন নিয়ে বাগানের পথে
সরমার বাড়ীর ভিতরে গিয়ে চুকলুম।

কেউ কোথাও নেই। কিন্তু উঠান
পেরিয়ে সিঁড়িতে উঠতে দেখি, সদর
দরজায় ভিতর থেকে খিল দেওয়া! না,
আর কোন সন্দেহ নেই—খালিবাড়ী পেয়ে
মিশ্চয় কেউ বদ মতলোবে ভিতরে চুকেছে!

চারিদিকে চাইতে-চাইতে উপরে
উঠলুম। সরমা যে ঘরে থাকত, সেই
ঘরের স্রুমুখে গিয়ে দেখলুম, দরজাটা সত্যিই
খোলা!

খুব সাবধানে ঘরের ভিতরে গেলুম।
লঠনের আলোতে ঘর উজ্জ্বল হয়ে উঠল।
তারপর—ঘরের মধ্যে চোখ পড়তেই দেখলুম,
মেকের উপরে উপুড় হয়ে একটি স্ত্রীমূর্তি
নিখর ভাবে পড়ে রয়েছে। সে মূর্তিকে
চিনতে একটুও বিলম্ব হোল না—সরমা,
সরমা—সে সরমা!

সরমা!... এই নিশুতি রাত্রে, এই ঝড়-
বৃষ্টিতে এই শূণ্য অন্ধকার বাড়ীতে, সরমা!
আমি একেবারে অবাক হয়ে গেলুম—নিজের
চোখকে বিশ্বাস করতে পারলুম না! কেন
এসেছে সে,—কেন অমন-করে' ওখানে
পড়ে আছে, সরমার কি হয়েছে?

ভাল করে' দেখবার জগ্গে লঠনটা
উপরে তুলে ধরলুম। অ্যা,—ও কি ও!
সরমার কাপড়ে কালো কালো ও কিসের
দাগ? রক্ত!... অ্যা, রক্ত, রক্ত!
তার হাতে, কাঁধেও রক্ত যে জমাট বেঁধে
আছে! তবে কি সরমা... ..

ভয়ে আমার বুক উড়ে গেল—নিশ্বাস বন্ধ
হয়ে এল! টেঁচিয়ে উঠলুম, “সরমা, সরমা!”

সরমা আস্তেআস্তে হু-হাতে ভর দিয়ে
উঠে বসল। আমার দিকে না-চেয়েই
ক্ষীণস্বরে বললে, “মরিনি গো, মরিনি!
কপাল যার পোড়া, যম. তাকে পায়
ঠেলে গো!”

আঃ, রক্ষে পাই! সরমা যে বেঁচে
আছে সেটা বুঝে আমি আশ্বস্তির নিশ্বাস
ফেলে বাঁচলুম!

অনেকক্ষণ আমরা স্তব্ধ হয়ে রইলুম।
আমি ভাবছিলুম, সরমার এমন হোল কি
করে'? সরমা কি ভাবছিল, তা সে-ই
জানে!

বাইরে তেমনি ঝমঝম জল হচ্ছিল,
হুড়-মুড়-বাজ্-পড়ছিল, বাগানের নড়-বোড়ে
গাছপালাগুলো টলমল করে' টলছিল—
জগতে আর জনপ্রাণীর সাড়াশব্দ নেই!
ঘরের ভিতরে আমি তখনো স্তম্ভিতভাবে
দাঁড়িয়ে,—আর, স্রুমুখে আমার প্রাণের
প্রতিমা রক্তে রাঙ্গা হয়ে লুটিয়ে আছে!
কী দৃশ্য! জীবনের সে মুহূর্ত, অনন্ত
মুহূর্ত,—আমার মর্শের মধ্যে তা চিরস্থির
হয়ে আছে!

হঠাৎ আমার হুঁস্ হোল! এমন
দাঁড়িয়ে থাকলে ত চলবে না—সরমা যে
মারা পড়বে! তাড়াতাড়ি এগিয়ে গিয়ে
বললুম, “সরমা, এ তোমার কি হয়েছে,
তোমার গায়ে এত রক্ত!”

সরমার মুখের উপরে একরাশ এলো
ভিজ্জে চুল এসে পড়েছিল—হুহাতে সেগুলো
সরিয়ে সে আমার দিকে মুখ তুলে উদ্ভ্রান্ত
দৃষ্টিতে চেয়ে দেখলে! এই ক-মাসে তার

চেহারা কি ভয়ানক বদলে গেছে—এ যে মরা-মানুষের মুখ! তেমনি সাদা—তেমনি ভাবহীন! আমার গা-হাত-পা শিউরে-শিউরে উঠতে লাগল!

সরমা বললে, “এত রক্ত কেন, এত রক্ত কেন? এ আমার অদৃষ্টের দান—আমার স্বামীসেবার পুরস্কার!”—যে স্বরে সরমা কথা কইলে, তেমন স্বর তার কণ্ঠে এই প্রথম শুনলুম!

হু-হাত মুষ্টিবদ্ধ করে বললুম, “কী! স্মরেন তোমার এ দশা করেছে? সে তোমার গায়ে হাত তুলেছে?—দেখে নেব, আমি দেখে নেব তাকে!”

—“মোহনবাবু, নারীর যা পাবার আমি তা পেয়েছি! আমরা যে দুর্বল, আমরা যে পুরুষের দাসী!”

—“সরমা, তোমার কি হয়েছে আমাকে বল!”

—“সে হুঃখের কথা কি হবে শুনে?”

—“না, বল, বল!”

সরমা খানিকক্ষণ নীরবে বসে রইল। তারপর ধীরে ধীরে, অশ্রুসিক্ত স্বরে তার হৃৎস্পন্দিত জীবনের যে কাহিনী আমাকে সে শোনালে, তা যেমন করুণ, তেমনি ভীষণ! শুভমতে-শুনতে মনে হোতে লাগল, আমার বুকের হাড়গুলো যেন এক একখানা করে খসেখসে পড়ছে!

সংক্ষেপে তার কথা বলে সরমা চুপ করলে—আমিও মৌন হয়ে আচ্ছন্নের মত দাঁড়িয়ে রইলুম।

আবার মনে গড়ল, সরমা আহত। তাড়াতাড়ি বললুম,—“সরমা, আমি কি

নির্দয়! তোমার এই অবস্থা দেখেও হাত-গুটিয়ে দাঁড়িয়ে আছি! তোমার বড় যন্ত্রণা হচ্ছে,—না? দেখি তোমার কোথায় লেগেছে!”

—“এ দেহের যাতনার চেয়ে যে মনের যাতনা অনেক বেশী! আমার কি হবে মোহনবাবু, আমি কি করব!”

—“কেন সরমা, তুমি এখানে যেমন ছিলে, তেমনি থাকবে?”

—“তা হয় না। যে দিন যায়, আর ফেরে না।”

—“কেন ফিরবে না সরমা! সেই তুমি, সেই আমি, সেই সবই ত তেমনি রয়েছে!”

—“না মোহনবাবু, আমার আর সে জীবন নেই—আমি এখন নতুন মানুষ হয়েছি।”

—“কিন্তু আমার চোখে ত তুমি নতুন মানুষ নও—তুমি যে আমার সেই পুরাণো সরমা!”

—“সে মরেছে। মোহনবাবু, ভুল করবেন না—ও ভুলকেই আমি সব-চেয়ে ভয় করি, ঐ ভুলের জগেই এখানে আমার থাকা অসম্ভব।”

—“তবে তুমি কোথায় যাবে?”

—“জানিনা। হয়ত স্বামীর কাছে ফিরে যাব। হয়ত পৃথিবীর বাইরে একটু ঠাই খুঁজে নেব। সে সাহস যদি না-হয় তবে আর-কোন উপায় আছে কিনা, দেখব।”

—“একি বলছ সরমা!”

—“হ্যাঁ, হৃদয়কে বিশ্বাস করি না!”

—“তোমার হৃদয় অবিখ্যাসী হবে না
সরমা,—আমি তোমাকে জানি।”

—“কিন্তু সমাজ তা বিশ্বাস করবে না,
সমাজের অত্যাচার আমিও আর সহিতে
পারব না। তখন যে ভরসায় লোকের
কথা হেসেই উড়িয়ে দিয়েছি, সে ভরসা
আজ কোথায়! মনের সঙ্গে আমি আর ত
একলা যুঝতে পারব-না।”

—“তবে এলে কেন? এসে যদি
চলেই যাবে, তবে—”

—“চুপ করুন মোহনবাবু, চুপ করুন!
এ উচ্ছ্বাসের সময় নয়! আর আমাকে
মজাবেন না, আপনি কাতর হলে আমার
সর্বনাশ হবে। আপনাকে আমি একটা
কথা জিজ্ঞাসা করতে চাই।”

—“বল।”

—“মোহনবাবু, আমি আমার কর্তব্য
স্থির করেছি! জানবেন, এই কথার উপরে
আমার ভবিষ্যৎ নির্ভর করছে।”—

আমি কোন উত্তর দিলাম না! সরমা
ধীরে ধীরে উঠে দাঁড়াল। তাঁর মুখ-
চোখের এমন অস্বাভাবিক ভাব, এর-আগে
আমি আর-কখনো লক্ষ্য করিনি।

আমার চোখের উপরে তার সেই
স্থির-বিচ্যুতের মত জ্বলন্ত দৃষ্টি রেখে, সরমা
দৃঢ়স্বরে বললে, “মোহনবাবু, বলুন আমাকে
ভুলবেন, বলুন আপনি বিবাহ করবেন!”

—“বিবাহ করব, বিবাহ?”

—“হ্যাঁ, বিবাহ।”

—“সরমা, সরমা!”

—“আপনি যদি বিবাহ করেন তাহলে
আমি এখানে থাকতে পারি! আমার জন্তে

কেন আপনার জীবন নষ্ট করবেন?
আপনার প্রেমে আর-একটি জীবন সফল
হবে, তার প্রেমে আপনার সকল অভাব
পূর্ণ হবে।”

—“সরমা, আমায় ক্ষমা কর!”

—“মোহনবাবু, আমার কথা রাখুন!”

সরমার নির্দয় কথা শুনে আমার চোখে
জল এল! সকাতির বললুম; “তুমি আমার
কথা ভেবে দেখ, আমার মনটা বোঝ,
আমার উপর দয়া কর!”

সরমার চোখ আবার জলে উঠল।

তীব্রস্বরে সে বললে, “দয়া করব,—

আপনার উপরে দয়া করব! আমার কি

সে অধিকার আছে মোহনবাবু! এখন

বুঝছি, ভুল করে আমি এখানে এসেছি!

চুষক যেমন লোহাকে টানে, আপনার এই

বাড়ী তেমনি করে আমাকে টেনে এনেছে

—আমি ইচ্ছার বিরুদ্ধেই এখানে এসেছি,

কিছুতেই মনকে বোঝাতে পারি-নি—

আপনাকে সামলাতে পারি-নি! যে বাড়ীর

এত মোহ, সেখানে থাকলে আমি মরব—

আমি মরব! তখন মনের ঝোঁকে যা

বুঝিনি, এখন তা ভাল করেই বুঝতে

পারছি! মোহনবাবু, আপনি যখন আমাকে

ভুলতে পারবেন না, তখন আর-কি আমার

এখানে থাকা উচিত? বলুন, আপনিই

বলুন!”

—“সরমা—”

—“মোহনবাবু, কথা রাখুন—আমাকে

বাঁচান!”

—“সরমা, এর-চেয়ে তুমি আমাকে

প্রাণদণ্ড দাও—সেও আমার সুখের হবে!

কিন্তু, এই প্রাণ নিয়ে আবার বিবাহ-করা
—বেঁচে মরে থাকা? ওঃ, সে হয়না সরমা,
সে হয় না!”

সরমা আমার দিকে ছুঁপা এগিয়ে এসে
কঠিন স্বরে জিজ্ঞাসা করলে, “আপনি,
তাহলে আমার কথা রাখবেন না?”

—“তোমার আর সব কথা রাখতে
পারি, কিন্তু ও-কথা রাখা আমার পক্ষে
অসম্ভব!”

—“অসম্ভব?”

—“হ্যাঁ, অসম্ভব—অসম্ভব!”—এই বলে,
আমি সকাতরে ছুঁহাতে মুখ ঢেকে
ফেললুম,—সরমার সে কঠিন দৃষ্টির সামনে
আমি আর মুখ তুলতে পারছিলাম না।

সরমা একেবারে চুপ হয়ে গেল।

এমনি ভাবে কয়মুহূর্ত মৃত্যুর মত একটা
ধুঃসহ নিস্তরতার মধ্য দিয়ে কেটে গেল।
তারপর আমি বললুম; “সরমা, আমার
উপরে তুমি রাগ কোরো না। বিবাহ
করতে বলছ,—কিন্তু বিবাহ করলেই আমি
কি তোমাকে ভুলতে পারব? তা যখন
পারব না, তখন আমার ছুঁথের সঙ্গে
জড়িয়ে মিছামিছি আর-একটা জীবনকে নষ্ট
করে লাভ কি বল?”

সরমা সঁড়া দিলে না।

আস্তে-আস্তে মুখ তুললুম। ঘরের
ভিতরে সরমা নেই!

বাইরে আকাশে তখনো অন্ধকার,
বাজ তখনো গজরাচ্ছে, বিছাৎ তখনো
অগ্নিবাণ হানছে, বৃষ্টি তখনো সৃষ্টি ভাসিয়ে
দিচ্ছে।

সরমা কোথায়? তাড়াতাড়ি আলোটা

তুলে ঘর থেকে বেরিয়ে বারান্দায় এসে
দাঁড়ালুম। ব্যাকুল চোখে দেখলুম, সদর
দরজাটা খোলা!

সরমা কি আমার উপর রাগ করে?
আবার স্বামীর কাছে ফিরে গেল? আমার
মন যেন বলে উঠল না, না, না!

তবে? তবে কি

সে কথা মনে হবা-মাত্র আমি তীরের
মত উপর থেকে নেমে রাস্তায় গিয়ে
পড়লুম!

পথ দিয়ে কল্কল করে জলশ্রোত
ছুটে চলেছে—যতদূর দেখা যায়, কোথাও
জনপ্রাণী নেই!

তাইত, কি করি—কোথা যাই, সরমা
কোনদিকে গেছে? এর-মধ্যে সে কোথায়
মিলিয়ে গেল? আমার গ্রাস থেকে মুক্তি
পাবার জন্মেই কি প্রাণপণে সে ছুটে
পালিয়েছে?

এ-পথের এদিকটা গেছে সোজা
গঙ্গামুখে। পাগলের মত ছুটতে লাগলুম।
কিন্তু অনেক ছুটেও অনেকদূর গিয়েও
সরমাকে দেখতে পেলুম না! তবুও ছুটছি
আর ছুটছি!

এই ত গঙ্গার ধার! কৈ, কোথায়
সরমা? ঝক্‌মকে বিছাৎের লকলকে
শিখায় গঙ্গার মেঘবর্ণ জল যেন জলে-জলে
টগ্‌বগিয়ে ফুটে উঠছে,—তরঙ্গের পর তরঙ্গ
অজগরের মত ফণা তুলে পাকিয়ে পাকিয়ে
কোঁশ্‌কোঁশিয়ে ছুটে চলেছে—ও জলশ্রোত,
না মৃত্যুশ্রোত?

বিদীর্ণস্বরে ডাকলুম, “সরমা! সরমা!
সরমা!”

ও-পার থেকে প্রতিধ্বনি টটকিরি দিয়ে উঠল!

গঙ্গার তীর ধরে আবার উন্মত্তের মত দৌড়তে লাগলুম—কানের পাশ দিয়ে বৃষ্টিশীতল উদ্দাম ঝোড়োহাওয়া হুহু করে' ক্রমাগত দীর্ঘশ্বাস ফেলতে লাগল—গঙ্গার পিছল মাটির উপরে কতবার পড়লুম, কতবার উঠলুম—কিন্তু তবু এ ছোট্টার বিরাম নেই!

এই ভীষণ নিশীথ তাঁর তিমির-পক্ষ বিস্তার করে' জল-স্থল-আকাশকে আবৃত করে' ফেলেছে—এর মধ্যে আমার সরমা আজ একেবারেই বুঝি হারিয়ে গেল! এমন যে হবে, কে তা জানত! জানলে যে তখনি বলতুম, সরমা, আমি বিয়ে করব—তুমি যেওনা, তুমি যেওনা, তুমি যেওনা!

সে কি আমাকে দেখে কাছেই কোথাও লুকিয়ে আছে? গঙ্গার তরঙ্গ-ধ্বনি, ঝড়ের হাহাকার, বৃষ্টির অবিশ্রান্ত ঝর্ঝরানি ডুবিয়ে চৌঁচিয়ে বলে উঠলুম, “সরমা, সরমা! ফিরে এস—আমি বিবাহ করব—তুমি ফিরে এস, ফিরে এস!”

কিন্তু সে প্রায়োগসবের মধ্যে কোথায় সরমা? উত্তরে বজ্রনাদে আমি যেন নিয়তির ঘন-ঘন অটুহাশু শুনতে পেলুম! আমার সরমাকে চুরি করে' রজনীর অন্ধকার গঙ্গার বিক্ষুব্ধ বক্ষের উপর থেকে ধীরে-ধীরে সরে যাচ্ছে, আকাশের নিবিড় মেঘ ভেদ করে' ধীরে-ধীরে প্রাতঃ-সন্ধ্যার ম্লান আলোর ক্ষীণ আভাস ফুটে উঠছে!

দূরে—নিমতলার শ্মশানে সহসা একটা নূতন চিতা জ্বলে উঠল—আলো-আধারের মধ্যে তার লেলিহান জিহ্বা যেন আমার বৃকের রক্তে রাঙ্গা হয়ে কেঁপে কেঁপে ক্রমেই উর্দ্ধপানে উঠতে লাগল। সেইদিকে পাষণ-নেত্রে চেয়ে হাঁটুভোর জলে,—সব-হারা কাঙ্গাল আমি, মাথায় হাত দিয়ে বসে পড়লুম।

* * * *

হঠাৎ মনে হোল, সরমা হয়ত তাঁর স্বামীর কাছেই ফিরে গেছে! তখনি সেই খোঁজে চললুম। যেতে-যেতে ভোর হয়ে গেল।

কিছুমাত্র ক্রক্ষেপ না-করে' একেবারে সুরেনের বাড়ীর ভিতরে গিয়ে চুকলুম।

—সুরেন একটা ঘরে বসে ছিল; আমার সেই জলে-ভেজা ধুলোকাদামাখা চেঁহারা দেখে সে আশ্চর্য্য হয়ে বললে, “কে তুমি?”

—“আমি মোহনলাল। সরমা এখানে এসেছে?”

—“কী! তুই মোহনলাল! আবার আমার বাড়ীতে—”

—“চুপ! বেশী কথা না! বল সরমা কোথায়!”

—“বলব না। বেরো এখান থেকে!”

বাঘের মত তার উপরে লাফিয়ে পড়লুম! হুহাতে তার গলা টিপে ধরে বললুম, “এখন বলবি?”

—“ছেড়ে দাও, ছেড়ে দাও—জানি না! সে এখানে নেই।”

—“তুই মিথ্যা! বলছিস! তুই আমার

সরমাকে খুন করেছিস! বল বলছি, নইলে আমিও তোকে খুন করব।”

—“ওঃ। গেলুম—গেলুম, ছেড়ে দাও—মরে গেলুম!”

—“বল—বল—”

—“সত্যি জানি না! সে চলে গেছে—কাল, কাল রাতে!”

—“আর আসে নি? ঠিক?”

—“না, আসে নি, আসে নি! আমাকে ছাড়, আমার খুন কোরো না!”

সে হতভাগা পশুটাকে ঘরের এককোণে ছুঁড়ে ফেলে দিয়ে সেখান থেকে চলে এলুম। সরমা!—তুমি বেঁচে আছ কি, বেঁচে নেই? ফিরে এস প্রিয়তমে, ফিরে এস,—তোমার মুখ-চেয়ে আমি বিবাহ করব—আমি, আমি—... ..

* * *

খুঁজছি, খুঁজছি আর খুঁজছি,—কিন্তু সরমার আর কোন সন্ধান পাওয়া গেল না। যেমন হঠাৎ তাকে পথে কুড়িয়ে পেয়েছিলুম, তেমনি হঠাৎ আবার তাকে পথেই হারিয়ে ফেলেছি,—আমার সে প্রান-জুড়ানো হারামণি আজ কোথায়? আশার ছলনায় ভুলে আমি গিয়েছিলুম আলেয়ার আলো ধরতে; কিন্তু ছুঁতে-না-ছুঁতে সে আলো নিবে গেছে, নিবে গেছে গো,—মনের মাঝে জেগে আছে শুধু তার অশ্রময়ী স্মৃতিটুকু!

লোকে বলে আমার মাথা খারাপ হয়ে গেছে! সংসারের ধরা-বাঁধা ধারার ভিতরে থাকতে পারি না বলেই কি সকলে আমাকে ক্যাপা ঠাউরে নিয়েছে? মনের

কান্না মনেই লুকিয়ে আমি তাদের নাচ-গান-হাসিতে যোগ দিতে পারি না বলেই কি তারা আমাকে এই অপবাদ দিয়েছে! কিন্তু আমি ত পাগল নই,—পাগল যে তারাই! এই শ্মশানের ধোঁয়া-ভরা জগতে, হুঃখ-শোকের তুষানল যেখানে দিবারাত্র জ্বলছে, সেখানে যারা নাচতে-গাইতে-হাসতে পারে, তারাই কি উন্মাদ নয়? শ্মশানে এসে নাচ, গান, হাসি! এ যে নিষ্ঠুরতা! এখানে বসে কাঁদ, কাঁদ, কাঁদ,—তোমাদের অশ্রুজলে বিশ্বের তপ্ত চিতাভস্ম স্নিগ্ধ হয়ে উঠুক!... ..

ঘনঘোর বাদল-রাতে ঘরের বাইরে বাজ্ যখন আকাশ তোলপাড় করে' তোলে, ঝম্ঝম্ বর্ষাজলে নিশীথিনী যখন আঁদ্র' হয়ে ওঠে, জান্‌লায়-জান্‌লায় উতলা বাতাস যখন ধাক্কা মেরে চৌচিয়ে মরে, তখন ঘুমুতে-ঘুমুতে এখনো আমি চমকে ধড়মড় করে' উঠে বসি! তখন মনে হয় সত্যিই আমি পাগল হয়ে গেছি!

কোন-কোনদিন আমি শুনতে পাই, সরমাদের পোড়ো-বাড়ীর সদর-দরজায় দাঁড়িয়ে কে-যেন ক্রমাগত কড়া নাড়ছে নাড়ছে নাড়ছে, কে-যেন দূর—বহুদূরের অজ্ঞাত-লোক থেকে শ্রান্তপ্রাণে ক্লান্তচরণে ফিরে এসেছে, কে-যেন আঁঠু কাতর স্বরে হাঁপিয়ে হাঁপিয়ে বারংবার ডাকছে—‘দরজা খোলো, দরজা খোলো, দরজা খোলো গো!’

কোনদিন নিজের ঘরে বসেই দেখতে পাই, সরমার খালিঘরের দরজা-জানলা-গুঁলো হুম্‌হুম্ করে' খুলে গেল, কে-যেন একরাশ এলানো ভিজে চুল, ছুলিয়ে,

শোণিতাক্ত দেহে, রক্তরাঙ্গা কাপড়ে ভিতরে
‘ছুকে মেঝের উপরে দড়াম করে’ আছড়ে
পড়ল—তারপর সেই ঝড়-বৃষ্টি-বজ্র-নাদের
মধ্যে অন্ধকারকে স্তম্ভিত করে’ ডুকরে
ডুকরে ফুঁপিয়ে ফুঁপিয়ে বুকফাটা কান্না
কাঁদতে লাগল!

উঃ! সে কান্না অহ! ছুটে গিয়ে
আমি ঘরের জানলাগুলো বন্ধ করে’
দিতে যেতুম—অমনি বিদ্যুতের তীক্ষ্ণধারে
মেঘভরা আকাশ ছুঁক হয়ে যেত—
আর সেই ফাঁকে পরলোক থেকে
ইহলোকে দু-হাত বাড়িয়ে মুরারিনাবু যেন
বজ্রনাদে বলে উঠতেন,—‘ওরে আমার
মেয়ে দে, আমার মেয়ে দে—তোরা
ভয়েই সে পালিয়ে কোথায় হারিয়ে গেছে
—ওরে দে রে, দে রে, আমাব মেয়েকে
এনে দে!’... ..

এ কী জীবন! সরমা, তোমাকে
হারিয়ে আমি সর্বস্ব হারিয়েছি, এখন
নিজের বুদ্ধিও হারাব নাকি?

* * * *

অনেকে আমাকে উপদেশ দিতে আসে
—হায়রে কপাল! কেউ বলেন, বিয়ে কর,

কেউ বলেন, বিদেশ ঘুরে এস, কেউ-
বা বলেন, কাজ-কর্মের মন দাও!

উপদেশ দেয় না ঝালি হরেন!
সরমার কথা উঠলে সে আমার দিকে
মৌনমুখে করুণ চোখে চেয়ে থাকে
—সে যে আমার মরমের মরমী! আমি
আপন মনে সরমার শত কথা বলে
যাই, সে আমাকে বাধা দেয় না, বিরক্ত
হয়ে উঠেও যায় না। বলতে-বলতে কোন-
দিন আমি কেঁদে ফেলি, আর তারও
চোখছটি দরদে ভিজে ওঠে!

তার বুক মুখ রেখে আমি ডাকি,—
“বন্ধু!”

আমাকে দু-হাতে গাঢ় আলিঙ্গনে বেঁধে
সেও সজল চোখে বলে, “বন্ধু!”

—“আমার সরমা কোথা গেল ভাই?”

—“যেখানে শোক-তাপ নেই।
ইহলোকে যাকে হারিয়েছ ভাই, পরলোকে
হস্ত তাকে খুঁজে পাবে!”

... ..সেই পরলোকের আশায় দিনের
পর দিন গুনছি। কতদিন—আর কতদিন?

শেষ

শ্রীহেমেন্দ্রকুমার রায়।

যুগান্ত কাব্য নাট্য

কাব্যের দেবদেবীগণ।

শিব, শিবানী, নন্দী, ভৃঙ্গি, ইন্দ্র, যম,
লক্ষ্মী, সরস্বতী, শ্রাম, প্রেম ও
তৎপন্নী শান্তি ও করুণা।

প্রথম দৃশ্য

কৈলাসধাম

ভূষারাবৃত সমুচ্চ পর্বত-দৃশ্যের নিম্নে মাঝে মাঝে
বরণ প্রবাহিত। উপত্যকা-ভূমিতলে তরুলতার মধ্যে
শিবমন্দির। ঈষদুগ্ম তরু-দ্বারপথে ব্যাজ্রাজিনধারী

ধ্যানস্থ মহাদেবের মূর্তি অস্পষ্টভাবে চর্চকদিগের নেত্রে পড়িতেছে। দ্বারদেশে এক পার্শ্বে বৃষ—অন্য পার্শ্বে সিংহমূর্তি। সম্মুখের বিকৃত মূর্ধে ত্রিশূলধারী নন্দী ও ভৃঙ্গি কখনো স্থিরভাবে—কখনো পদচারণা পূর্বক, স্তবগান গাহিতেছে। ভৃঙ্গি স্নান্নে মাঝে নীরবে অঙ্গ-ভঙ্গী করিতেছে।

গান

অন্ন হর শঙ্কর প্রভু পশুপতি,
অন্ন তারা শঙ্করা প্রকৃতি পার্শ্বতী,
লয়ঙ্কর মহাশিব, শিবানী রক্ষেন দিব
মহেশ্বর মহামারি—কারণ শকতি !
মহাক্রম, বরাভয়া, দৌহে এক সর্বজয়া
অগম্য বুদ্ধি বিজ্ঞানে, ভক্ত-নেত্রে জ্যোতি ।
ছত্র ধরে মহা ব্যোম নমে ইন্দ্র বায়ু বম,—
কালকাল ছন্দে করে প্রণতি আরতি !
নন্দো তারা শঙ্করা ক্রম পশুপতি ।

শিবানীর প্রবেশ

নন্দী ভৃঙ্গি । নমস্তে ভবানী মাতা ;
শি । শুন বৎসগণ,
নন্দী । বলিতে হউক আজ্ঞা ;
ভৃঙ্গি । আনিব কি ধরি—

ধরা হতে বৃকাসুর কোন ? বল মাতা !
ধাকিত বাঁচিয়া যদি মহিষ দানাটা
কি হইত মজাখানা ! আনিতাম ধরি
শিং ধরি হড় হড়ি, আর একবার
করিতে মলন তারে, মহিষমর্দিনি ।

শি । ধাম বৎস, সে কথার এ নহে সময় ।

নন্দি । ধাম ভৃঙ্গি—

ভৃ । ধাম তুই রাধ দাদাগিরি !
কেমনে ভুলি মা বল সুখের সেদিন !
দাও আজ্ঞা—

নন্দী । চূপ চূপ বচনবাগীশ ।

ভৃঙ্গি । জীব জীব চূপ রব তোমার কথার !
তুমি আজ নন্দী থাক, জাননা কে আমি ?
মাঝের আত্মরে ছেলে খিঙ্গি ভৃঙ্গিবর !
নন্দী । বক' মা একটু, করে বড় বাড়াবাড়ি ।
ভৃ । মার প্রতি আজ্ঞাকারি ! দেখ স্পর্ধাখানা !
কর্তাদাদা হনু বেন উনি আমাদের !

শি । স্থির হও বৎসগণ কোরোনা বিবাদ ।

ভৃ । ওই ত ঝগড়া করে—কেন কথা কর ?
যা বলি তা বলি আমি, বলেছি মাঝেরে,
ওর কি তাহাতে, কেন মিছে গালি পাড়ে ?
বল মাগো দাও আজ্ঞা, লুটি ধরা বন ;
যদি ভাগ্যে মিলে যায় তেমনি ভীষণ—
লম্বিত শৃঙ্গিত গুফ মহিষ একটা !—
উঃ উঃ—হো হো—হা হা—!

ন । দেখ মা জননি,

ভৃঙ্গি তব হইয়াছে বড়ই বেয়াড়া !
একটু শাসন যদি না কর উহারে
চড়িবে মাথায় কিন্তু ছই দিন পরে,
এই আমি বলে আস্ত—;

শি । (সহাস্তে) দুর্দান্ত ছেলেটা

একটু সংযত হও, শুন রাহা বলি ;
ভৃ । হইলু মিক্রাক আমি,—আজি হতে মুক !
তোমর বাক্যে নহে, ইহা মাতার আদেশ ।

ন । ফের যদি কথা ক'স, আমি কিন্তু তবে—

ভৃ । কিন্তুটা কি শুনি দাদা ! দেখ মাগো শুন
নন্দীটারে যদি তুমি সাঁজা নাহি দাও—
আমি কিন্তু অশ্রুজলে ভাসাব নয়ন ।

শি । 'তুমি ত সুবোধ নন্দি, ছোট ভাইটিরে
কহিও না রূঢ় কথা । মিষ্ট ব্যবহারে—
শিষ্ট করি লও ওরে । কাঁদিও না বাছা
মন দিলা ছইজনে, শোন রাহা বলি ।

ন । (সংযত) সুশাস্ত ছেলেটি কিনা মোরায়ণা দিলা

ভুলারে রাখিব! দোষ নন্দীটারই বত।

(প্রকাশে) যে আজ্ঞা।

ভূ। (নন্দীর কাণের কাছে) কেমন জব্দ!

শি। চলেছি-ধরায়,—

তোমরা ছুজনে দেখো দেব মহেশ্বরে ;

ধ্যান ভাঙ্গায়োনা যেন কলহ বিবাদে!

নন্দী। নহেত শরৎ মাগো, প্রতিমা রচিয়া

ডাকেনা ত নরনারী তোমারে সাদরে—

অধিষ্ঠিত হতে তাহে, এ যে অসময়!

জানিনা ত কি কারণে যাবে সেথা এবে!

সঙ্গে তবে লও দাস অহুচরগুণে।

ভূ। একটু খেলিব রঙ্গে, লও মাগো সাথে।

পরম দাস্তিক হের ঐ মানীজন

চলেনা চরণ গর্কে—ধরা দেখে সরা!

পিছে হতে আচম্বিতে পদতলে ওর—

চালি দিব ঘটিভরা গোময় সলিল ;

পড়িবে ধপাস করি—পিচ্ছল মাটিতে!

হা হা কি কোতুক-সুখ! ভাব নন্দীভায়া!

শি। না বৎস—

ভূ। লও মা সাথে ছুটি পায়ে পড়ি ;

বরঞ্চ কিরাসে দিও ছুই দণ্ড পরে।

ঐ যে প্রতাপশালী নৌকার আরোহী—

কাড়িয়া অন্তের ধন ছলে অত্যাচারে

ভরাখানা ভরি লয়ে স্বার্থের বোঝায়—

নিস্তরঙ্গ নদী-বুকে সুখে বেয়ে যায়—

দেখো মাগো চাও—

শি। দৃষ্টি সব-দিকে তোর!

ভূ। ভয় নাই ডর নাই, নাহি অহুতাপ

মনে জানে বিনা বিয়ে হরে যাবে পার—

মহান প্রতাপী—

ন। (উকি মারিয়া) ঠিক বলিছে ত ভূদি।

ভূ। একবার দাঁড়াইয়া হালের উপর—

দোলাব তরনী তার ভীষণ দোলায়!

ন। বাজাব ডমকু আমি ঘোর বজ্র রবে।

ভূ। বেশ ভাই বেশ কথা! তখন দেখিব—

কোথা থাকে প্রতাপীর চুর্দম্য প্রতাপ!

রক্ত মুখ পাংশু হয়ে যাক কি না যায়!

ন। একবার মা মা বলি ডাকে কি না ডাকে!

ভূ। হা হা হো হোঃ; দাও আজ্ঞা চলি

মাগো সাথে।

শি। খেলার একাল নয় ধ্যানমগ্ন দেব—

সে কথা ভুলো না। আমি মর্ত্যে চলিলাম,

স্মরিছেন লক্ষ্মীবানী আমাং কাতরে।

একা রহিলেন হেথা দেব ভোলানাথ

দেখিও ছুজনে, আমি ফিরিব সত্বর।

ন। যথাদেশ, নমি মাতা, প্রাণ কিন্তু কাঁদে!

শি। আশীর্বাদ, ভায়ে ভায়ে রহ সজ্জাবে।

(প্রস্থান)

ভূ। নন্দি-দাদা! হি হি! হা হা!

ন। ভাইটি আমার।

ভূ। কোলাকুলি করি এস দাদা—

ন। এস ভাই।

ভূ। ক্ষুর্তি একি মনে জাগে! তরল সুন্দর

মেঘরাশি যেন ঐ, জমি পদতলে

ঠেলিছে আমারে, নাহি ধামিতে শক্তি।

হাসিরাশি ঝর ঝর উথলে কোতুকে।

খেকোনা গস্তীর হলে এ সময় তুমি—

ছুটি পায়ে ধরি দাদা!

ন। হাসিব কেমনে!

তুষার জমাট ঐ গিরিখানা যেন—

চাপারে মাথার পরে, মা গেলেন চলি।

ভূ। খোকা তুমি ছুগুপোষ্য! একটি মুহূর্ত

মা ছাড়া থাকিতে নার! বড় রাগ ধরে!

হাস দাদা হাস ভাই, এস দৌছে নাচি!

ন। চলে না চরণ ভৃঙ্গি, হাসি নাহি আসে ;
হৃদয় উদাস শূন্য এ বসন্তে নব,—
শারদ আকাশ সম মন করে ছছ !

ভূ। বনে না ত তাই ! কিন্তু অহং সোহং
খোলা যদি পাই ভাঙ্গা মুহূর্তেরো তরে ।
এক টানে টানি গুণি মুক্ত বায়ুরাশি
উধাও হইয়া উড়ি ঝড়ের দোলায় ।

ন। আমার কে জানি আজি মনে পড়ে শুধু
দক্ষযজ্ঞ কথা সেই, প্রলয় বিপ্লব—
জননীর দেহত্যাগ—

ভূ। নৃত্য মহেশের ?—
ওঃ কি সে মহোচ্ছাস উদ্দাম উল্লাস !
পুনঃ কোন লয়-যজ্ঞ আছে কি ধরায় ?
তাই কি গেলেন মাতা বিনা নিমন্ত্রণে ?
বল দাদা জান যদি, কোর না গোপন
এ হেন সংবাদ শুভ । কুসুম-পরাগে
আর হলুদ চন্দনে, কালো, মুখখানা
তব রাজাইয়া তুলি ।

ন। কি মিথ্যা বকিস !

ভূ। সত্যি কথা বলি তবে, খুলে গেছে মন—
চাপিয়া রাখিতে নারি, দেখ নন্দী ভাই—
পিতার উপর বড় বেশী রকমের
প্রভুত্ব করেন যেন মাতা আজ কাল !
সদা তাঁরে রাখি বন্দী অঞ্চলের ছায়ে
জড় ভোলা করি তুলি, সমস্ত ক্রমতা
নিয়েছেন নিজ করে । ভাল নাহি লাগে !

ন। করিস মায়ের নিন্দা, এত বড় মুখ !

ভূ। এ কি নিন্দা ! মিথ্যাবাদী ! আমি শুধু বলি
পিতা হতে মাতা বড় এ কেমনতর !

ন। বড় ছোট নাহি জানি—মায়ের মিলনে .

পিতা শিবরূপ, রুদ্র সতী বিনা তিনি ।

ভূ। আমি ত তাহাই চাই, হাসি রক্ত খেলা

একটু নাহিক পেলে বাঁচিব কেমনে !

ন। তুমি চাও সুখী হতে বিশ্বের অসুখে
হতুভাগ্য প্রেতাধম !

ভূ। ফের গালাগালি !

এক টানে দস্তপাটি ফেলিব উপাড়ি—
তখন হইবে শিক্কা,—

ন। বড় দস্ত দেখি ।

ভূ। তোর না আমার ! দাঁড়া—করি চুরমার—

ন। বটে বটে আয়—দেখি বীরত্ব কেমন !

(উভয়ের মারামারি)

ভূ। (নন্দীর নিকট হইতে পলাইয়া)

মাগো দেখ প্রাণ যায় ছেলের তোমার ।

(নেপথ্যে ঠুংঠুং ঘণ্টার শব্দ)

(ভৃঙ্গি চমকিয়া)

মা এলেন বুঝি ! মোরে ক্রমা কর দাদা ;
বলিও না কিছু তাঁরে রব চির দাস ।

ন। (হাসিয়া) নিজ ঘরে আসিবেন

মাতা বুঝি ভূত—

ঘণ্টা বাজাইয়া ?

ভূ। দেখ কে এসেছে তবে ;

একটু আরামে আমি পা ছড়িয়ে বসি ।

(আঃ)

(পুনরায় ঘণ্টার শব্দ ও গান)

জয় জয় শস্তো,—মহাদেব মহাদেব

ভোলা ভূতপতি পরম শরণ—

জয় জয় শস্তো ।

(গমনপরায়ণ নন্দী পশ্চাৎমুখ হইবামাত্র)

ভূ। ন ভূত ভবিষ্য ওটা, অসৃষ্টি স্রষ্টার !

মহাদেব । নন্দীভৃঙ্গি—!

ন। (ফিরিয়া দাঁড়াইয়া)

খান ভঙ্গ হোল মহেশের !

হায় হায় ! মা আসিলে কি বলিব তাঁরে ?

ভূ। (সভয়ে উঠিয়া দাঁড়াইয়া)

তোমার দোষে ঘটিল এইটি !

ম। নন্দী ভূক্তি !

নন্দীভূক্তি। ভগবন্ !

(উভয়ের নিকটে আগমন)

ম। শুনিছ না ঘণ্টার নিনাদ ?

ভূ। আজ্ঞে, আসি নাই কাছে, ধ্যানভঙ্গ ভয়ে ।

ম। কলহের বিরাম ত ঘটে নাই তাহে ।

দৃষ্টামিতে ভরা সব অলসের সেরা !

ভূ। (নন্দীর কানে) যথা পিতা তথা পুত্র—

নন্দী। চূপ হুঃসাহসী ।

শিব। যত দোষ ভবানীর, তাঁহার আদরে,

এক মুখে শত জিহ্বা । যা দৃষ্ট ভূতেরা

নিম্নে আয় আছ্যানি দেবেরে !

নন্দী। যথাদেশ ।

(প্রস্থান)

নেপথ্যে গান

জয় জয় শস্তো, মহাদেব মহাদেব—

ভোলা ভূতপতি পরম শরণ—

জয় জয় শস্তো ।

পরাগতি, প্রলয়বান, ত্রিনয়ান,—

মহাকাল, অগ্নিভাল—

তুমি হর শঙ্কট সংহর—

জয় জয় শস্তো !

বিতীয় দৃশ্য

শিবমন্দির সম্পূর্ণভাবে উন্মুক্ত হইয়া গেল। রত্নমঞ্চ হবিস্তৃত হইয়া পড়িল। শ্রায়রাজের সহিত নন্দী ভূক্তি রত্নমঞ্চে প্রবেশ পূর্বক অঙ্গুলিসঙ্কেতে তাঁহাকে মহাদেবের স্থান দেখাইয়া দিল। শ্রায়রাজ মহাদেবের নিকটে গমন করিলেন। ভূক্তি তরুণতা মধ্যে থাকিয়া মাঝে মাঝে অঙ্গভক্তি সহকারে উঁকি মারিয়া

দর্শকদিগের কোতুক উদ্ভিষ্ট করিতে লাগিল ! নন্দী শুক্রভাবে শ্রায়র-মূর্তির শ্রায় তরুণাত্রে নির্ভর করিয়া দাঁড়াইয়া রহিল।

শ্রায়। (মহাদেবের নিকটে আসিয়া)

জয় জয় মহেশ্বর প্রণতি চরণে ।

ম। শুভমস্তমর্ত্যেশ্বর, অধিষ্ঠ অজিনে—

ধর্মরাজ-প্রতিনিধি ! কিন্তু কোথা তব

সূর্যোজ্জ্বল রাজদণ্ড, মহিম-মুকুট !

ব্রহ্মার সে মহাদান ?

শ্রা। নাই—কিছু নাই।

পরাজিত পরাহত পীড়িত লাঞ্চিত

দেবারি দানব করে 'শ্রায়' তোমাদের !

ম। কি বিপদ ওহো ! তবু শ্রায়রাজ ইথে

হয়োনা অধীর তুমি । তুচ্ছ মেঘজালে,

জ্যোতির্মালী হল বন্দী, দীপ্ত মহিমায়

পুনঃ প্রকাশের তরে ;—মনে রেখো ইহা।

এ শুধু কলির খেলা; হৃদণ্ডের জয় ।

শ্রা। ক্ষণ শুধু তুচ্ছ ক্ষণ—ওহে মহাকাল

অসীমেরি মাঝখানে । ছ দণ্ডের ঝড়ে

ওলট-পালট বিশ্ব ; মৃত্যু সেত দেব

ক্ষণিকেরি ক্ষমতা মহান্ । 'শ্রায়' আজ

জরজর মরমর অশ্রায় আঘাতে ;

শাসনিত্তে ধরা-রাজ্য একান্ত অক্ষম ;—

যথা প্রজাপতি তারে করিলা স্থাপন ।

ম। ধরা যাক রসাতলে—শ্রায়রাজ তবে,

স্বর্গে চলে এস তুমি স্বর্গের দেবতা ।

শ্রা। ত্রিদিব প্রবেশে নাই অধিকার মোর

অশ্রায়ের দাস, এবে পুণ্য-শক্তিহীন ।

ম। এ বড় অশ্রায় নীতি ত্রিদিব-রাজের !

যাও ঠিবে ব্রহ্মলোকে ব্রহ্মা-সখা তুমি,

অধিষ্ঠিত ধরাতলে যাহার কর্তৃক ।

শ্রা। আসিতেছি তথা হতে ;

ম। কি বলেন তিনি ?
 শ্রী। অষ্টা তিনি বিনাশের সাধ্য নাহি তাঁর।
 যদি দয়া করি—

(প্রেমরাজকে সঙ্গে লইয়া নন্দী ভৃঙ্গির
 দ্বারে আগমন এবং পূর্বের শ্রায় অক্ষুণ্ণ-
 সঙ্কেতে তাঁহাকে মহাদেবের নিকটস্থ হইতে
 বলিয়া তরুলতার মধ্যে দণ্ডায়মান)
 প্রেম। (মহাদেবের নিকটে আসিয়া)
 নমস্কার মহাপ্রভো !

ম। এস এস বিষ্ণুসখা, ত্রিদিব-হুল্লভ,
 ধরার আনন্দ ওহে ! পুলকিত প্রাণ—
 তব দরশন লাভে ;—শত বসন্তের
 প্রফুল্ল হিল্লোল তুমি ! কিন্তু কেন হায়—
 পরিমলহীন আজি ! কোথা ফুল ধ্বজা—
 পুষ্পিত কুমুম-তব গন্ধু ভরপুর !

আনন্দ-স্মৃতি কেন মলিন এমন ?
 প্রে। কিছু নাই ! সর্বস্বাস্ত ; নিপীড়িত প্রেম
 কলিরাজ সেনাপতি অপ্রেমের করে।

ম। এমনি প্রভাববান্ হইয়াছে কলি !
 এ শুধু মৃত্যুর আগে ক্রমিক চমক !
 যাও সখে বিষ্ণুলোকে জানাও বিপদ !

প্রে। আসিতেছি তথা হতে,

ম। কি বলেন তিনি ?
 প্রে। স্থিতিপতি তিনি নাহি বিনাশ-ক্ষমতা !

ম। যাও তবে ইন্দ্রলোকে । মর্ত্যে যবে তব
 হেন অনাদর প্রেম, থেকেনা তথায় ।
 নন্দন নন্দিত করি—বিরাজ ত্রিদিবে ।
 প্রে। নিরানন্দ মূর্ত্তিমান, প্রেমানন্দ আজি ;
 অভাগা-জন্য এই চরণ-পরশে
 ত্রিদিবের মুক্তদ্বার রুদ্ধ হয়ে যাবে,—
 কেমনে পশিব তথা !

ম। বড় অবিচার !

স্বর্গের প্রসাদ তুমি করুণা-জীবন !
 প্রেম। বন্দিনী করুণা মোর অপ্রেমের গৃহে ;
 রাজ্যহীন রাণীহীন আমি অভাজন ?
 শ্রী। অশান্তি-নিলয়ে দাসী শান্তিও আমার,—
 রূপা কর বিত্তি-ভঞ্জন ?

ম। নন্দী ভৃঙ্গি !

(উভয়ের প্রবেশ)

যথায় করুণা শান্তি আছেন বন্দিনী
 যাও তথা,—মুকোশলে বন্ধন খুলিয়া
 আন তাঁহাদের হেথা ।

উভয়ে। যথাদেশ প্রভো ।

(প্রণামপূর্বক গমন ।)

ম। (কর্ণবিলম্বিত শিঙ্গায় হাত দিয়া)
 বাজাই প্রলয় শিঙ্গা ; যাক্ থেমে যাক্
 বিশ্বের এ হাহাকার—প্রাণান্ত সংগ্রাম ।
 কিন্তু কেন স্তব্ধ হেন ব্রহ্মা নারায়ণ,
 আছে কি কারণ কোন ? পূর্ণ নহে কাল !
 কোথা দেবি ভগবতি তুমি ?

শ্রী। মর্ত্যে তিনি ।

প্রে। এসেছি কৈলাসধামে তাঁহার আদেশে ।

ম। ভক্তগুলা যত তাঁর কাণ্ডজ্ঞান-হীন,
 শক্ত শিক্ষা দিতে হবে ! যখন তখন
 মা মা করি ডাকে ; শূণ্য আমার ভবন ।

(নন্দী ভৃঙ্গির প্রবেশ ও

নমস্কারপূর্বক)

ন। দেবাদেশে আনিয়াছি—

ভূ। আমি মুক্ত করি

দেবী হই জনে—

ম। কোথা তাঁরা নিয়ে আয় ;
 দ্বারে রেখেছিল বুঝি দাঁড় করাইয়া ?
 বুদ্ধি শুদ্ধি একেবারে হয়েছে নিঃশেষ !

(উভয়ের গমন) .

শ্রী। আসিছেন দেবীগণ, আজ্ঞা হোক প্রভো
একটু আড়ালে থাকি—

শ্রে। দেখিলে মোদের
ধৈর্য্যচ্যুত হইবেন তাঁরা—

ম। তথা অস্ত !
(ছুজনের উঠিয়া তরুলতা পার্শ্বে
দণ্ডায়মান ও নেপথ্যের দিকে
দৃষ্টিপাতপূর্ব্বক)

শ্রী। একি ! শাস্তি! একি তুমি ! হায় ভগবন্
কেন না করিলে মোরে দৃষ্টিহীন আগে—!
নাহি রাজদণ্ড হায় ! বাহু শক্তিহীন
কেমনে লইব শোধ দিব প্রতিফল !
এস বজ্র ভীমবল হও আবির্ভাব—
তোমার জলন্ত তেজে কর বলীয়ান—
ভস্মীভূত করে দিই পাপাত্মা দানবে ।

শ্রে। হা করুণারাগি—হেরি একি দশী তব!
ভেদী মর্ম্মস্থল হায় সমুদ্র আকারে
অশ্রু উথলিয়া ওঠে—কেমনে সহরি !

(শাস্তি ও করুণার প্রবেশ)

উভয়ে। নমস্কার দেবদেব পরমশরণ ।

ম। এস কত্যা এস শাস্তি এস মা করুণা—
ধরা কর সূশাসন ধরার ঈশ্বরী
করি আশীর্বাদ । সুধা-ঝারি নাহি হাতে
কেন শাস্তি-রাগি তব ?

শাস্তি। অশাস্তি-দানবী
কলিরাজ-অমুচরী, সুধা-ভাণ্ড হরি
সমুদ্রে করেছে ক্ষেপ—হস্তহীনা আমি ।

ম। মা করুণা রাগী—তুমি, কেন সে সময়
দণ্ড না করিলে তব নয়নের তেজে
নিষ্ঠুর দানব-সৈন্তগণে ?

করু। দেবদেব,
উৎপাটিত চক্ষু মোর, আমি দৃষ্টিহীনা ।

ম। অসহ অসহ ওহো ! যুগান্তের কাল
উপস্থিত স্ননিশ্চয় ।

(লক্ষ্মী সরস্বতীর সহিত ভগবতীর প্রবেশ)

ম। দেবি ভগবতি ?

কেমনে রয়েছ স্থির এত অত্যাচারে ?

কে উহারা দীনা নারী ?

পা। লক্ষ্মী-বাণী তব ।

ম। ইন্দ্রিরা ভারতী মোর এমন শ্রীহীনা !

কোথা লক্ষ্মীদেবী তব মোহন কুন্তল ?

কে ছুরাআ স্পর্ধা করি করেছে হরণ ?

রতন-মুকুট কোথা—মণি-আভরণ ?

শোভাময় স্বর্ণভাণ্ড ধনধাত্ত ভরা ?

ল। নাহি মোর নাহি কিছু । শ্রীসম্পদ সবি

সঁপিয়া দিয়াছি দেব—অত্যায়ের করে ।

শোভাহীনা লক্ষ্মীহীনা আজি লক্ষ্মী তব ।

ম। মাতা-বাণী, জ্ঞানবাণী উচ্চারিয়া দেবি

জ্ঞানের কর্ণে; কেন না রক্ষিলে তুমি

ভগিনী লক্ষ্মীরে ! একি বাণী কোথা তব ?

পদ্মাসন কোথা ?

ক। নহি দেবী পিতঃ আর,

শক্তিহীনা বাণীহীনা সামান্তা রমণী !

মোর শুদ্ধ জ্ঞানবাণী শিখিয়া লইয়া

হুবাণী রচিয়া তাহে ভরি ঈর্ষানল—

আমারি উপর তারা করেছে পরীক্ষা—

হের অস্ত্রাঘাত !

(বক্ষুঃ প্রদর্শন)

ম। খাম কত্যা আর নহে ।

কোথা নন্দী ভৃঙ্গি—কোথা ভূত-প্রেতগণ ?

বাজায় প্রলয়-শিঙ্গা ঘোর বজ্ররবে

সংহার-মুরতি ধরি—হও অগ্রসর ।

শিব আজি মহাক্রুদ্র যুগান্ত তাণ্ডবে ।

(মহাদেব তাণ্ডব-মূর্ত্তিতে দণ্ডায়মান হইবামাত্র দেব-

দেবীগণের অন্তর্ধান এবং ভূত-প্রেতগণের শিবকে
ঘিরিয়া নৃত্য করিতে করিতে গান।)

চলরে চল সবে, হর হর শিব বম।

পেয়েছি আজ্ঞা—করি অবজ্ঞা ইন্দ্র বরুণ ষম।

আয় দানব ষক্ষ—ডাকিনী রক্ষ—

আজিকে মহোলাস!

লক্ষ্মে বক্ষ্মে, মহান দন্তে—

বিশ্বে লাগাব ত্রাস!

মোরা পেয়েছি আজ্ঞা—না মানি প্রজ্ঞা,

না জানি শম দম,

আজি প্রলয় কাণ্ডে—নাশি ব্রহ্মাণ্ডে

খসাব সূর্য্য সোম!

চলরে চল চল—বলরে বল বল

হর হর শিব বম—!

পটক্ষেপ।

তৃতীয় দৃশ্য

সূর্য্য-চন্দ্র-নক্ষত্র পরিবৃত্ত হৃদয়িত ব্যোমে তিনখানি
আলোক-সিংহাসন ভাসমান। পার্শ্বের দুইখানি
আসন শূন্য, মধ্যাসনে ব্রহ্মা আসীন; নিকটে ক্ষুদ্র
দুই দীপাসনে ষম ও ইন্দ্র উপবিষ্ট।

ইন্দ্র। (করযোড়ে)

মহেশে করনু ক্ষান্ত দেব ভগবন!

মহাত্মা পুণ্যাত্মা কেহ না আসে ত্রিদিবে,—

ইন্দ্র করিব আমি কারে লয়ে আর!

শূন্য মোর খাম—

ষম। পূর্ণ ষমের ভবন।

অকাল-মরণ যদি পৃথিবী-বাসীর

না কর বারণ ত্বরা, হইবে প্রমাদ।

(বিষ্ণুর প্রবেশ)

সকলে (উত্থানপূর্ব্বক)

নমো দেব নারায়ণ স্থিতির কারণ।

বিষ্ণু। নমস্তে ব্রহ্মনু সখে, নমো ইন্দ্র ষম।

(বিষ্ণুকে হস্তধারণে পার্শ্ব উপবেশন করাইয়া)

ব্রহ্মা। আসন গ্রহণ কর ষম ইন্দ্ররাজ!

বিষ্ণু। কেন স্মরিয়াছ সখে?

ব্র। এ দুর্দিনে হরি—

যদি না স্মরিব তোমা কারে আর স্মরি?

বিশ্ব ত্রস্ত বিকম্পিত সৃষ্টি হয় লোপ;

তুমি বিনা হরবন্ধু কে বারে তাঁহারে?—

বি। ব্রহ্মার অসাধ্য কার্য সাধিব কেমনে

আমি স্থিতিপতি বিষ্ণু? আমার পরশে

স্থিতিশীল হয় পাঁছে মহেশের গতি

এ আশঙ্কা জাগে।

ইন্দ্র। ষাকু তবে স্বর্গ মর্ত্য

রসাতলে ষাকু, দেখ নীরবে বসিয়া।

ষম। প্রেতভূমি হোক বিশ্ব—আমি ধর্ম্মরাজ

নিজালয়ে হই বন্দী। হেন রাজ্যপদে

নাহি প্রয়োজন মোর। লও ষমদণ্ড,

মুক্তি দাও ব্রহ্মা বিষ্ণু—করি অহুনয়।

ব্র। স্থির হও ইন্দ্র যম।

বি। হয়োনা নিরাশ।

শক্তিরে স্মরণ করি—এস সবে মিলি,

অবশ্য উদ্ধার পাব তাঁহার সহায়ে।

ব্র। এমন সহজ সত্য ছিলাম ভুলিয়া!

ধন্য তুমি! আপনারে মহাধন্য মানি—

সখাক্রমে হৃষিকেশ, লভিয়া তোমারে।

ইন্দ্র যম। সার্থক তোমার দেব দীনবন্ধু-নাম।

(সকলের স্তব)

ৎজগ-জননী ভবানী

শুনাও অভয়-সুবাণী

দুর্নীতি-ভারে অতি ভুবন কম্পমান!

স্মরনরকিম্বরে, কাতরে তোমারে স্মরে.

অকূলে তরী দান করি—

করগো পরিত্রাণ।

(ভবানীর প্রবেশ)

সকলে । (উঠিয়া)

নমস্তে বিশ্ববন্দিতে ;

ভ ! জয়ন্ত—সুঅস্তি ।

ব্র । প্রসন্ন হইয়া কর আসন গ্রহণ ।

ভ । প্রসন্ন হউন সবে ;—

সকলে । যথাদেশ দেবি ।

(সকলের উপবেশন)

ব্র । বিশ্ব গায় ত্রাহি ত্রাহি শরণ-সঙ্গীত,
কেমনে নিশ্চিন্ত আছ বিপত্তারিণি ?

ভ । তুমি ব্রহ্মা সৃজনেশ, তুমি স্থিতিপতি
ত্রিলোক-ঈশ্বর দৌহে, তোমরা থাকিতে
আমি কি করিব দেব, সামান্য শক্তি ।

বি । বিনয়ের নহে কাল দেবি শক্তিরূপা ।

ব্র । সৃজন পালন কভু হোত কি সম্ভব
আত্মশক্তি তুমি যদি না থাকিতে মূলে ?

ই । অগতির গতি তুমি,—

য । কৃপা কর দেবি ।

ব্র । শান্ত কর হরে । যদি কিছুক্ষণ আর
চলে হেন নৃত্য তাঁর, সৃষ্টি হবে নাশ ।

ভ । ক্ষতি কিবা ? দূর হোক আলস্য তোমার,
যুচুক জড়তা । কোন্ আদিঘুণে সেই
সৃষ্টি করি একবার—রয়েছ বসিয়া
চেষ্ঠাহীন নির্বিকার, সেত নহে ভ্রম ;
ক্ষুণ্ণ আনন্দের কাল ইহা ত তোমার !

বি । ব্যঙ্গরূপা মূর্তি দেখি মনে পাই ভয় !

ভ । এ বিশ্বজগৎ লয়ে একা তোমরাই
হাসিবে করিবে রঙ্গ ? অস্ত্রের তাহাতে
অধিকার নাই কোন ? বেশ তাই হোক ।
লয়শাস্ত্র শিব যবে নৃত্য-অবসানে
হইবেন ধ্যানমগ্ন,—লীলাচ্ছলে পুন
প্রলয়-পয়োধি-জলে, ব্রহ্মার সৃজিত

পদ্মদলোপরি বিষ্ণু—হরো ভাসমান্ ।

অপেক্ষা করিতে কিন্তু হবে ক্ষণকাল !

ব্র । একবার লয়কাণ্ড হয়ে গেলে শেষ,
ধ্বংসেরে গঠিতে পুন ব্রহ্মাও অক্ষম ।
নিজের নিয়ম-পাশে নীতি-শৃঙ্খলার
জড়িত গীড়িত হেন নিজে সৃষ্টিধর ।

ভ । শক্তিরও নাহিক শক্তি, হে সৃজনপতি,
ফিরাইতে কালগতি, কহিহু নিশ্চয় ।

যে মুহূর্তে খর্ব হবে কলির প্রভাব,

উচ্চ হতে নিম্নে হবে পাপের পতন,

দেবের চরণ-স্পর্শে হব অধিকারী;

ধামাব তাঁহার নৃত্য রাখিব সংসার ।

ব্র । কিছু না রহিবে আর রক্ষিতে তখন !

ভ । বেশত সে মন্দ কিবা ! নূতন প্রথায়

গড়িবে ভুবন নব । দেখো প্রজাপতি

স্বর্গে মর্ত্যে ভেদ যেন রেখোনা এবার ;

নিন্দেনা তোমারে যেন ধরাবাসী আর ।

পুরাতন কালগর্ভে হউক বিলীন ।

বি । ইচ্ছা তব পূর্ণ হোক—হের গো পাষাণি

বিশ্বের প্রলয়রূপ কিবা মনোহর ।

ভ । একি দৃশ্য ! খসি পড়ে চন্দ্র সূর্য্য, তারা

রোহিণী ভরণী মঘা রাশিগণ যত,

কক্ষচ্যুত ঘূর্ণ্যমান সপ্তর্ষি-দেবর্ষি,

মহাকাশ মহাশূন্য ঘোর অন্ধকার !

আমারেও কি মায়া এ দেখাও রমেশ ?

বি । চাও নিম্নে ধরাতলে, কি দেখিছ দেবি ?

ভ । অসীম সমুদ্র গর্জে ভীষণ নিনাদে ।

কোথা স্থল-গিরি-নদী-তরু-লতাবন ?

জীবজন্তু-নরনারী ? কি করিছ দেব ?

ভক্ত যে উহারা মোর প্রাণের সন্তান—

মা মা করি ডাকি সবে পড়িয়া ঘুরিয়া

তলাইয়া যায় নীচে ! সহিব না ইহা !

ধরিয়া তোমার হাত ভীমামূর্তি ধরি—
 রক্ষিব সস্তান মম,—বিষ্ণু সাবধান !
 বি । কি করিব আমি দেবি—তোমারি ইচ্ছায়
 প্রলয়-পরোধি-জলে মগ্ন চরাচর !
 শূন্য মহাকালে তুমি শক্তি শূন্যরূপা
 বিরাজিছ—একা শুধু ; হের গে! কালিকা ।
 ভ । আমার ভারতী লক্ষ্মী, গণেশ কার্তিক
 ডুবে যে মহান্ শূন্যে—আর না আর না—
 সংহর প্রলয়-মূর্তি—সম্বর সম্বর ।
 বি । তুমি যদি ইচ্ছা কর তবেই ভবানি
 এ প্রলয় হবে লয় মুহূর্তে এখন
 নিবার হরের নৃত্য ।

ভ । তথাস্তু স্থিতীশ,
 সহায় হও হে তবে ব্রহ্মা নারায়ণ ।

ব্র । বল কি আদেশ ?
 বি । সাধি সর্বশক্তি দানে ।

ভ । অকালে এ মোহ নৃত্য ভাঙ্গালে দেবের
 ঘটিবে প্রমাদ বড়, বাড়িবে দ্বিগুণ
 কলির প্রভাব ।

বিষ্ণু । কহ কি তবে উপায় ?

ভ । নব যুগ হে ব্রহ্মন্ কর প্রবর্তন ।
 বিষ্ণু তুমি হরি তাহে মহা অবতার
 বন্দী কর কলিরাজে । যত দেবগণ
 হও সৈন্ত অমুচর । আমি শক্তিরূপা—
 পথ দেখাইয়া চলি, জাগাই শিবেরে ।

ব্রহ্মা বিষ্ণু । তথাস্তু ভবানি ।

ইন্দ্র যম । জয় জয় বল জয় ।

গান

জয় জয় বল জয়

স্বর অস্বর মানব দানব সবে ।

দিগদিগন্ত ধনিত করি অশনিমন্ত্রিত রবে-

জয় জয় সত্য সনাতন

জয় জয় ব্রহ্মা নারায়ণ
 জয় জয় শিব-শক্তি—
 গাহি, পুণ্য মঙ্গল আহবে ।
 ছিলাম শাপহুণ্ড
 শক্তির বরে লভেছি চেতনা
 হয়েছি প্রসাদ-মুক্ত ।
 এবে, আমরা প্রবল দৈব !
 দূরিত মোদের আশ্চি আশ্চি
 মিলেছি শাক্ত শৈব !
 দুর্জয় ঐক্য-মন্ত্র উচ্চারি—
 নবীন করে আনিব শুবে ।
 জয় জয় বল সবে ।

পটক্ষেপ ।

চতুর্থ দৃশ্য

প্রথম দৃশ্যের স্থায় শিব তরলতাচ্ছন্ন মন্দিরে
 ধ্যানমগ্ন ; সম্মুখের রঙ্গমঞ্চে ভূজি নৃত্যপরায়ণ, নন্দী হির
 ভাবে তরলগাত্রে নির্ভর করিয়া তাহার দিকে চাহিয়া
 দণ্ডায়মান ।

ভূ । (নাচিতে নাচিতে)

এ কি জালা পা ছুটা যে না মানে বারণ !

কে যেন চালায়ে মোরে গৃহের মতন—

করিছে অস্থির ?

ন । নাচ তবে আরো নাচ ।

ভূ । ঈশ, ভারী আজ্ঞাজারি ! আমি নেচে মরি

তামাসা দেখুন উনি ! সেটি হইবে না ;—

তুমি নাচ আমি বসি তুড়ি দিই কষি ।

(উপবেশন ও পায়ে হাত দিয়া)

বেদনা করিছে বড় টিপে দাও দাদা !

ছোট ভাইটিরে কর দয়া একটুকু ।

এ হেম শাস্তির দিনে কর শাস্তি দান ।

ন । নীরবে থাকিস যদি—

ভূ । রাজি খুব রাজি ;

টেপো দাদা ভাল ক'রে ।

(নন্দোর পা'টিপন)

ভূ। আঃ কি আরাম !

ন। ফের কথা—ফের !

ভূ। এই কাস্ত'হনু—শুধু—

ছটি ছোট্ট কথা দাদা বেশী কিছু নয়—

ন। সর্ন্ত ভঙ্গ হয়ে গেছে, উঠিনু আর না !

(পা ধরিয়া টানিয়া বসাইয়া)

ভূ। বেশ ব'স, গল্প কর, বল দাদা বল—

ভূত প্রেত দৈত্য দানা পশু নর যবে

মেতে উঠেছিল সবে, তুমি কি তখনো

এমনি গস্তীর স্থির ছিলে দাঁড়াইয়া

নৃত্যশীল প্রভুর পারশে !

ন। মনে নাই ।

ভূ। মনে নাই ! বল তবু যাহা মনে আছে,—

বলিতেই হবে—

ন। বড় আবদার এ'ত !

শোন তবে ; শুণ্ডরূপে বিস্তারিয়া মুণ্ড

শুষ্কিয়া সাগরখানা করিলাম গ্রাস

সিংহি হয়ে ভুঞ্জি কায়া ।

ভূ। থাম' দাদা থাক !

তোর সনে গল্প করা পশু পরিশ্রম,

সুখ নাই এতটুকু ! মনে কি করিস—

পূজা দিব তোরে মোরা ভোলা-চেল্য বলে ?

ন। পূজাটা তোরেই দেব ছেড়েদে আমারে ।

ভূ। তা হবেনা দাদাভাই, শুনিতেই হবে,—

পেয়েছি তোমারে হাতে অমনি কি ছাড়ি !

ঘুষাঘুষি মারামারি করি কথাগুলো

পেটের ভিতর, মোরে করিছে জখম—

বাহির করিয়া পাই ত্রাণ—

ন। বল তবে ।

ভূ। তো'র ত আরাম দিয়া—কিছু মনে নাই !

আমার যে মনে পড়ে প্রতি-পদক্ষেপ !

সুখ তরঙ্গিত প্রতি দেহ-সঞ্চালনা—

রণবাস্ত তালে তালে ;—

ন। সৌভাগ্য তোমার !

ভূ। চূপ কর্ বলিতে দে, শুনি সব কথা

তখন করিস পরে—ভাগ্য-আলোচনা—

এমন অস্থির পঞ্চ !

ন। শুনিতেছি বল !

ভূ। শুনিতে হবেনা আর ফুরিয়েছে কথা !

ন। এত শীঘ্র ! বাঁচিলাম । হর হর বম !

ভূ। তুমিত বাঁচিলে কিন্তু মরিলাম আমি !

উল্লাস বিঘোরে যবে—দিহু উল্লম্বন

ঘোজন উপরে—কাটি গেল তাল লয়— !

ন। সত্যি নাকি তারপর ?

ভূ। হোল সর্বনাশ !

হারানু সকল শক্তি, ইন্দ্রিয় বিকল !

ছুটিয়ে চলিল নীচে জড় দেহখানা ;

পড়িয়া পাষণ-লৌহ-কঠিন মাটিতে

এখনি হইবে চূর্ণ, চক্ষু মুদিলাম !

ন। আহা মরি তারপর ?

ভূ। ঠেকিল চরণে

সুকোমল তৃণশয্যা ; চাহিয়া দেখিহু—

শিবের ছয়ার পরে আছি দাঁড়াইয়া !

ন। বেশ বেশ বড় সুখী ! ভুঞ্জিহারা হ'লে

আমারও ঘটত মৃত্যু !

ভূ। কিন্তু বল দাদা

এ কেমন স্বপ্ন ! হেন মহা-লয়কাণ্ড

মিথ্যা কি সকলি নন্দী,—শুধাই তোমারে ?

ন। সত্য কিবা মিথ্যা দেখ নয়ন মেলিয়া ;

ঐবিরাজেন বিষ্ণু নবযুগ-বেশে,—

বন্দী করি কলিরাজে দেবগণ সাথে !

সর্ব অগ্রে—শক্তিরূপা জগজ্জননী !

(উভয়ের নেপথ্যে দৃষ্টিপাত)

ভূ। একি দৃশ্য স্মহান্ কোন্ পুণ্যফলে

লভিহু এ দিব্য দৃষ্টি—খুলিল নয়ন !

প্রাণ ভরি গাহি সবে জয় জয় গান ।

উভয়ে । সর্ব বিশ্ব ঐক্যনাদে গাও জয় জয় ।

(সহসা আলোকচ্ছটার মধ্যে দেবদেবীগণ চিত্রার্চিত
মূর্তিতে প্রকাশ। ব্রহ্মা ও মহাদেব উচ্চ আলোক-
সিংহাসনে আসীন। সম্মুখে ধৃতধঙ্গা ভগবতী নবযুগ-
বেশী বিষ্ণু এবং বন্দী কলিরাজ, ইন্দ্র, ষম, ন্যায় প্রেম,
লক্ষ্মী, সরস্বতী ও শান্তি, করুণা এবং দিগবালা প্রভৃতি
দেবদেবীগণ-পরিবৃত হইয়া দণ্ডায়মান ।)

নন্দী ভূজি ও দিগবালাগণের গান ।

গান

হের ঐ নবযুগ উদীয়মান !

প্রীতিদীপ্তিময় দিব্য আলোকে

ঈর্ষা-তিমির অবসান ।

সুরনর গাহে জয়গান ।

সমীরণ পুলকে ভরা

শান্তি কান্তি রূপে জাগিছে ধরা ;

ত্রিলোক-দেবতার পুণ্য আশীষ-ধার

দ্যালোকে ভুলোকে ভাসমান,

বিশ্বভুবনে বাজে মঙ্গল-তান ।

পটক্ষেপ ।

সমাপ্ত

শ্রীস্বর্ণকুমারী দেবী ।

শিগ্গপচর্চা

(ক্রপটকিন হইতে)

প্রাণধারণ বা কেবলমাত্র দিনযাপনের
উপযোগী অন্ন, পানীয় ও আশ্রয় সংগ্রহই
মানব-জীবনের উদ্দেশ্য নয়—তাতে তার
সমস্ত শক্তিও ব্যয়িত হয় না। সাধারণ
অভাব-পূরণের সঙ্গে সঙ্গে অল্প নানাবিধ
অভাব মনের মধ্যে বিশেষ ভাবে জেগে
ওঠে—আমাদের অন্তরনিহিত সৌন্দর্যরুচির
প্রেরণায়। আমরা প্রত্যহই দেখি প্রত্যেক
নর-নারী আবশ্যকীয় জিনিষের অভাব সঙ্গেও
এমন ছ-একটা জিনিষ কেনেন, যাতে দৈহিক
বা মানসিক আনন্দ পাওয়া যায়। কোন
নীতিবাগীশ বা সন্ন্যাসীর চোখে এই হিলাস-
বাসনার পরিভূষ্টি অসন্তোষের কারণ হতে
পারে—এ-গুলিকে তাঁরা পাপের প্রবেশ-

দ্বার মনে করতেও পারেন ; কিন্তু
বাস্তবিক এই-সব ছোটখাট খেলার
জিনিষই জীবনের এক্ষেত্রে ভাবকে নষ্ট
করে, তার মধ্যে বৈচিত্র্য এনে দেয়।
সারাদিন হাড়ভাঙ্গা খাটুনির পর নিজের
রুচি-পরিভূষ্টির ও অবকাশযাপনের কোন
উপায় যদি না থাকত, তবে অবশ্যস্তাবী
ছঃখের সঙ্গে নিরন্তর লড়াই করে কোন
মানুষ বাঁচতে চাইত কিনা, সন্দেহ। প্রতি
লোকের জীবনের উদ্দেশ্য ভিন্ন এবং সমাজ
যতই সভ্য হবে, ততই মানুষের স্বাভাবিক
বাড়বে এবং তার ফলে প্রত্যেকের আশা-
আকাঙ্ক্ষা, রুচি ও পরিভূষ্টি ভিন্ন হবে।
নীতির পুঁথি বা নীতিবাগীশের উপদেশের

উপর মানুষের উন্নতি নির্ভর করছে না এবং কখনও যে করবে এমনতর ভয় আমাদের নেই, কাজেই আশা করতে পারি যে আমাদের সমাজে শিল্পচর্চার কোনো ক্রটি হ'বে না।

সামাজিক পরিবর্তন সাধন করতে হলে অবশ্য প্রথমে সবার মুখে অন্ন যোগাতে হবে। বর্তমানের সমাজ-ব্যবস্থায় সক্ষম কর্মী কর্ম-প্রত্যাশায় দ্বারে দ্বারে কেঁদে ফিরছে, আশ্রয়হীনা নারী অসহায় শিশু মনের বেদনা জানিয়ে পথে পথে ঘুরছে— অর্দ্ধাশন ত কর্মী-পরিবারের চিরসাথী। আবালবৃদ্ধবনিতা যত্ন-সহানুভূতি ত দূরের কথা, মানুষের মত বাঁচবার অধিকার থেকেও বঞ্চিত—পশু-জীবনের চেয়েও দুঃখিসহ তাদের জীবন। এই সমস্ত অত্যাচার ও অত্যাচার দমন করতেই আমরা বিদ্রোহ করছি। কিন্তু বিদ্রোহ এখানেই থামবে না, তাহলে আমাদের কাজ অসমাপ্ত থেকে যাবে। আমরা দেখছি যে মজুরের দল মানুষের সুখের জন্ত সারাদিন কঠোর পরিশ্রম করছে, কিন্তু মানুষের উদ্ভাবিত সর্বশ্রেষ্ঠ আনন্দের সংবাদ তাদের জানা নেই। বৈজ্ঞানিক আবিষ্কারজাত আনন্দের পথ তাদের সামনে রুদ্ধ, শিল্প ও শিল্পসৃষ্টির আনন্দ ও অধিকার থেকেও তারা বঞ্চিত। এই-সব আনন্দের অধিকার আজ জনকয়েকের হাতে, কিন্তু আমরা এটিকে সাধারণের অধিকারভুক্ত করতে চাই। এই আনন্দ উপলব্ধির জন্তে মনের ও বুদ্ধির সম্যক পরিচালনা বিশেষ আবশ্যিক। এগুলি অবকাশসাপেক্ষ—

অথচ, অশন-বসন-আশ্রয়ের অভাবের সঙ্গে লড়াই করে অবকাশ মেলাই দায়। এই বাধা দূর করবার জন্তে আমরা প্রথমে সাধারণ অভাব মেটাবার চেষ্টা করব, —যাতে সবাই শিল্পচর্চার উপযোগী যথেষ্ট অবকাশ পায়।

বর্তমানে যেখানে লক্ষ লক্ষ লোক অশন, বসন ও আশ্রয়ের অভাবে কষ্ট পাচ্ছে, সেখানে শিল্পচর্চাকে বিলাসিতা বলা চলে সন্দেহ নেই। অভাবের মাঝখানে বিলাসিতা মহা দোষের, কিন্তু যখন সমাজে অন্ন প্রচুর, তখন শিল্প-চর্চা কোন অংশে নিন্দনীয় নয়। সব মানুষ একরকম হতে পারে না, কাজেই আমরা আশা করতে পারি যে, সব সময়েই আমাদের মধ্যে এমন কয়েকজন থাকবেন যাদের রুচি ও প্রবৃত্তি সাধারণের থেকে ভিন্ন হবে। সকলেই যে দূরবীক্ষণ যন্ত্র নিয়ে বসে যাবে এমন কোন কথা নেই, যদিও এমন লোকের অভাব হবে না দূরবীক্ষণ যন্ত্র নিয়ে আকাশ ও গ্রহ-নক্ষত্রের গতিবিধি সম্বন্ধে চর্চা করতে যে ভালবাসে। সাধারণ শিক্ষা একরকমের হলেও বিশেষ শিক্ষার পথও প্রশস্ত থাকবে। অধিকতর, রুচির মূল এক হলেও নানা লোকের নানা রুচি হওয়াই সম্ভব—কারও-বা মন্দির-মূর্তি কারও-বা ছবি ভাল লাগে, কেউ-বা একটা সেতার আর কেউ-বা একটা পিয়ানো পেলে আর কিছু চায় না।

বর্তমানে মহাজনী বন্দোবস্তের ফলে অগাধ অর্থ না থাকলে সৌন্দর্য-রুচির পরিতৃপ্তিসাধন দুর্লভ; এ অর্থ উপার্জন

করতে হলে কঠোর দৈহিক বা মানসিক পরিশ্রম করতে হবে এবং সে অর্থসঞ্চয় সকলের পক্ষে সম্ভবও নয়। সকলের মনে কোন-না-কোন রকমের বিলাস-বাসনা আছে; সেটার পরিতৃপ্তি না হলে মনে অসন্তোষ জাগে এবং সমাজে গোলযোগ বাড়ে। শিক্ষিত লোকই হোক, আর অশিক্ষিত কৃষকই হোক, সুন্দরের প্রতি টান সকলেরই আছে, যদি জোর করে সেটিকে দমন করবার চেষ্টা করি তাতে উল্টা ফল ফলবে। অধিকন্তু, শিক্ষিত জনের স্বাস্থ্য নষ্ট করতে হলে শিক্ষা বন্ধ করতে হবে— অর্থাৎ সত্যের পথে না-এগিয়ে আমরা পিছিয়েই যাব। ইতিহাসের শিক্ষা যদি আমরা কাজে লাগাতে চাই, তবে সবে বিক্রমে সাবধান হতে হবে। আমরা মনুষ্যত্বের দাবীতে বিদ্রোহ আরম্ভ করছি; মানুষের দৈহিক ও মানসিক সর্বাঙ্গীন উন্নতিতে আমাদের কাজের পরিসমাপ্তি।

অবশ্য স্বীকার করি যে, ষপন চারিদিকে অভাব-অনশন, মর্মান্বিত যাতনা ও ব্যর্থ জীবনের সুগভীর নৈরাশ্রের কথা ভাবি, তখন এ প্রশ্ন মনে আনতে লজ্জা পাই— আমাদের সমাজে প্রাচুর্যের দিনে কেমন করে লোকের নানারকমের সখ ও খেয়াল চরিতার্থ করব? আমরা আগে-ভাগে উত্তর দিই—আগে ত সকলের অন্নের বন্দোবস্ত হোক পরে খেয়ালের কথা ভাবা যাবে। কিন্তু তাড়াতাড়িতে এটা ভুললে চলবে না যে, মানুষ শুধু অন্নের কাঙাল

নয়—দেহের ক্ষুধা ছাড়া তার মনের ক্ষুধাও আছে এবং তার দাবীও কম নয়—কাজেই আমরা তার আলোচনা করতে বাধ্য।

দৈনিক পরিশ্রমের ঘণ্টার হার নিয়ে অনেক তর্ক-বিচার বহুকাল থেকে হয়ে আসছে এবং অনেকের মতে পাঁচ ঘণ্টাই নির্ধারিত হয়েছে। পঁয়তাল্লিশ বা পঞ্চাশ বৎসর বয়স পর্য্যন্ত দৈনিক পাঁচ ঘণ্টা দৈহিক পরিশ্রম সমাজ-রক্ষার উপযোগী জিনিষ-উৎপাদনের পক্ষে যথেষ্ট। পাঁচ ঘণ্টা আমাদের সীমা হলেও সাধারণ মানুষ বছরে তিনশো দিন দশ ঘণ্টা পরিশ্রমে অভ্যস্ত। বাধ্য হয়ে পরের জন্তে খাটতে গিয়ে মানুষ শেষে কল হয়ে ওঠে, তার বুদ্ধি ও স্বাস্থ্য নষ্ট ত হয়ই, বেশীরভাগ তার মনুষ্যত্বও জখম হয়; কিন্তু কাজের মধ্যে যদি যথেষ্ট স্বাধীনতা ও আনন্দ থাকে, তবে দশ-বারো ঘণ্টা পরিশ্রমে সে কাতর হয় না। সমাজের কল্যাণে সে তার নিয়মিত সময়টুকু মাঠে বা কারখানায় বা অথ কোন-রকমের কাজে ব্যয় করবে, কারণ তার উপর কেবলমাত্র সমাজের অভাবমোচন নয়, সাধারণের উন্নতি ও শান্তি নির্ভর করছে। বাকি সময়টুকু তার হাতে, এ-বিষয়ে সে পুরামাত্রায় স্বাধীন।

শিল্পসৃষ্টি ও বৈজ্ঞানিক আবিষ্কারের জন্তে বহু সমিতি গঠিত হবে, এবং এ-সব বিষয়ে যাদের কৌতূহল কম তারা নানারকম খেলা ও খেয়াল-সমিতি স্থাপন করবে— অবসর-টুকু সুন্দরভাবে যাপন করবার জন্তে। পরস্পরের মধ্যে নির্বিচার মেলা-মেশায়, ভাবের আদান-প্রদানে ও

সহায়ত্বভূতিকে এটি সম্পূর্ণ সম্ভব। জ্ঞান এবং রস সাহিত্য প্রচারের জন্তে গ্রন্থকার-সমিতি প্রতিষ্ঠিত হবে; গ্রন্থকার, ছাপাখানার কম্পোজিটর, প্রিন্টার, চিত্রকলাবিদ ও খোদাইকার একত্র দলবদ্ধ হয়ে কোন বিশেষ চিন্তা প্রচারের চেষ্টা করবে। বর্তমানে গ্রন্থকারের সঙ্গে ছাপাখানার কোন সাক্ষাৎ-যোগ নেই বললেই হয়, সামান্য যা আছে তা অর্থের এবং তাও আবার কর্মী-জনের সঙ্গে নয়; ছাপাখানার কার্যাধ্যক্ষ বা সত্বাধিকারীর সঙ্গেই তার কারবার। কর্মজীবনের সঙ্গে গ্রন্থকারের কোন সহায়ত্বভূতি নেই বললেও অত্যুক্তি হবে না; অবিরাম সীসা-ব্যবহারে যদি কম্পোজিটর সীসা-বিষে কষ্ট পায় বা কল-পরিষ্কারক বালক যদি রক্তশূণ্যতা রোগে মারা যায়, তবে তাতে তাঁর কিছু এসে যায় না—পৃথিবীতে তাদের স্থান পূরণ করবার মত হতভাগ্যের অভাব ত কোনদিন হয়নি! কিন্তু যেদিন দেশে অনশন-অভাবের দায় থাকবে না, যেদিন কেবলমাত্র জীবন-রক্ষার জন্তে কেউ দেহ-মন বেঁচবে না, যেদিন জনসাধারণ যথেষ্ট শিক্ষা ও অবকাশ লাভ করবে এবং মনোভাব প্রকাশ করবার মত শক্তিশালী হবে, সেদিন বর্তমানের গ্রন্থকারকে তাদের শরণাপন্ন হতে হবেনই, বৈজ্ঞানিক আবিষ্কার-বার্তাই হোক আর রসরচনাই হোক, জনসাধারণের সমবায় ভিন্ন সে-সব প্রকাশ ও প্রচারের আর কোন উপায় থাকবে না।

যতদিন বঙ্গবয়ন, যন্ত্রনির্মাণ প্রভৃতি নানানুকম হাতের কাজ ইতরজনোচিত

বলে বিবোচিত হবে, ততদিন কেবলমাত্র আনন্দের জন্তে নিজের হাতে বই-ছাপান লোকের চোখে অদ্ভুত লাগতে পারে, কারণ আনন্দলাভের অগ্র পথ অনেক আছে। যেদিন সমাজে সকলের দাবী সমান হবে, সেদিন কিন্তু আর হাতের কাজের নিন্দা থাকবে না, কারণ কোন-কিছুর বিনিময়ে কেউ কারও দাসত্ব করবে না—প্রত্যেকের কাজ প্রত্যেককে নিজের হাতে করতে হবে। গ্রন্থকার ও তাঁর ভক্তের দু'ল সানন্দে ছাপাখানার কাজ করবে এবং সৃষ্টি করবার সুখ পূর্ণভাবে উপলব্ধি করবে। কয়েকখণ্ড মুদ্রার জন্তে যে বালক-মজুর ছাপাখানায় পরিশ্রম করে, তার কাছে এটি মরণের যন্ত্র মনে হওয়া অসম্ভব নয়, কিন্তু যে-সব লোক তাদের প্রিয় কবির বা লেখকের মহৎ চিন্তা-প্রচারে ব্রতী, তাদের কাছে এটি সুন্দর কলে মনে হবে—যন্ত্রের প্রতি স্পন্দন, প্রতি শব্দ আনন্দের ব্যঞ্জনার পূর্ণ বলে মনে হবে।

এতে সাহিত্যের কিছু ক্ষতি হবেনা। গ্রন্থকারের আরাম-শয্যা ছেড়ে দেশের সঙ্গে নিজের ও সমাজের কাজ করলে কবি কিছু অকবি হবেন না—কল-চালাতে, খনি খুঁড়তে বা রাস্তা তৈরি করতে নানারকম লোকের সঙ্গে মেলামেশায় উপভাসিকের মানবজীবনের অভিজ্ঞতা বাড়বে বৈ কমবে না। স্বীকার করি, কয়েকখানা বই পূর্বের চেয়ে আয়তনে ছোট হবে, কিন্তু তাতে কমকথায় বেশী বলা হবে। বাজে কথা কমই ছাপা হবে এবং যা ছাপা হবে তা সবাই পড়বে ও বুঝবে। দেশে

শিক্ষাবিস্তারের সঙ্গে সঙ্গে গুণীর সমাদর বেড়ে যাবে, কারণ মার্জিত ও শিক্ষিত লোকরাই তখন সাহিত্য-চর্চা করবে। এতদিন ছাপাখানার সঙ্গে সাক্ষাৎ-যোগ না থাকায় যন্ত্রের উন্নতি বিশেষ-কিছু হয়নি; এবার থেকে তার উন্নতির সূচনা হবে।

বর্তমানে প্রতি সভ্যদেশে হাজার হাজার বিদ্বজ্জনসভা, বিজ্ঞান ও সাহিত্যসমিতি আছে। সভ্যদের স্বেচ্ছা-মিলনের ফলে সেগুলি জন্মলাভ করেছে এবং শিক্ষিত জনপদবর্গের সহানুভূতিতে সেগুলি পুষ্টলাভ করেছে। এক-একটি বিশেষ শাখা বা বিভাগ অবলম্বন করে জ্ঞান-বিস্তার ও আনন্দ-বিতরণের জন্তে তারা পুস্তক প্রণয়ন ও প্রচার করেন। সেখানে অর্থের কোন সমস্যা নেই—পরস্পরের মধ্যে বিতরণ ও বিনিময়ে কাজ চলে, লেখকও নিজের আগ্রহে লেখেন, অর্থের নিনিময়ে নয়। কিন্তু এই সমস্ত পুস্তক-পত্রিকা অর্থের বিনিময়ে ছাপাখানার ছাপবার জন্তে দেওয়া হয়, কারণ হাতের কাজের উপর শিক্ষিতজনের কিছু ঘৃণা আছে। তাঁদেরই সহানুভূতির ও চেষ্টার অভাবে যন্ত্রপাতির অবস্থা শোচনীয়। দেশে উদায় ও বিজ্ঞানসম্মত শিক্ষাবিস্তারে এগুলি সূচালিত হবে এবং বিদ্বজ্জন-সভা সাধারণের কাজে যোগ দিতে ইতস্তত করবেন না, এমনতর আশা আমরা রাখি। একক বা স্বতন্ত্র চেষ্টার চেয়ে সমবেত শক্তির প্রাধান্য কারকে বুঝিয়ে দেবার দরকার হবে না। বর্তমানে নানাদেশে সমবায়ের যে সমস্ত প্রতিষ্ঠান চলছে, তাতে

ভবিষ্যতে সে যে একটা মহাশক্তিতে পরিণত হবে, তা সূনিশ্চিত।

বর্তমানে লেখককে সংবাদপত্র-সম্পাদক, ছাপাখানার সজ্জাধিকারী বা পুস্তক-প্রকাশকের অনুগ্রহের উপর নির্ভর করতে হয়, ভবিষ্যতে লেখকের স্বাধীনতা বিশেষ বাড়বে; কারণ যার নতুন-কিছু বলবার থাকবে তিনি সমজদার লোকের সাহায্যে সে-সব নিজেই প্রকাশ করতে পারবেন। এখন কতকগুলি লোক জ্ঞানের চর্চা ও বিস্তারে মনযোগ দেবার শিক্ষা ও অবকাশ পায়, আমাদের কাম্য-সমাজে সকলেই সে সুযোগ ও অধিকার লাভ করবে—তাতে বর্তমানের চেয়ে সমজদার লোকের সংখ্যা যথেষ্ট পরিমাণে বেড়ে যাবে।

সাহিত্যের ও সংবাদপত্রের চারদিকে যে ব্যবসার আবহাওয়া আছে, সেটা সত্বর নষ্ট হয়ে যাবে এবং তাতে তার শ্রীবৃদ্ধির সম্ভাবনাই বেশী। অর্থশালী লোকের বা দলের খেয়াল বা লাভের জন্তে লোকে কুরুচিপূর্ণ সাহিত্য সৃষ্টি করতে বাধ্য হবে না এবং জনসাধারণ সে-সব সভার হাত থেকে পরিত্রাণ পাবে। যারা দেশ-বিদেশের সাহিত্যের ও খবরের কাগজের ভিতরের খবর জানেন, তাঁরা নিশ্চয়ই আমাদের মতে সায় দেবেন। এতদিন তাঁরা অগ্রায়কে নির্বিবাদে সহ্য করেছেন, শক্তির অভাবে তাকে দমন করতে সাহস করেন নি, ভবিষ্যতে তাঁদের মনকামনা পূর্ণ হবে। ভবিষ্যতে বিজ্ঞান বা শিল্পের সাধকেরা কেবলমাত্র ভক্ত ও রসিকের জন্তে আবিষ্কার ও সৃষ্টি করবেন—পরের মুখচেরে

তখন ভয় পাবার কোন কারণ থাকবে না। সকলবাধামুক্ত হয়ে সাহিত্য ও বিজ্ঞান সভ্যতার সম্পূর্ণ পরিপোষক হবে।

শিল্প, সাহিত্য ও বিজ্ঞানের চর্চা তাঁরাই সুন্দর ভাবে এবং নিঃশঙ্কচিত্তে করতে পারেন, যারা কায়মনোবাক্যে স্বাধীন। যতদিন-না মানুষ শাসন-তন্ত্রের, ধনবান মহাজন বা অর্ধশিক্ষিত মাঝারিদলের দাসত্ব থেকে মুক্ত হবে, ততদিন তাঁর কোন মঙ্গল নেই। বৈজ্ঞানিক আবিষ্কারের ইতিহাসের সঙ্গে পরিচিত ব্যক্তিমাত্রেরই জানাশুনা আছে যে, শাসন-তন্ত্রের সাহায্য কোন কাজেরই নয়। তাতে উপকারের বদলে বরং সমূহ ক্ষতি হয়। একে ত শাসন-তন্ত্র শতের মধ্যে হয়ত একজনকে সাহায্য করতে পারে; তাও এই কড়ারে যে, পুর্বানো দস্তুরের বাধা পথে তাকে চলতে হবে—নতুন কথা বলবার অধিকার তার থাকবে না—স্বাধীনতার বদলে এ সাহায্য কেউ কি চাইতে পারে? বিশ্ববিদ্যালয় বা শাসন-তন্ত্র গঠিত সমিতির অধিকারের বাইরেই জগতের বড় বড় বৈজ্ঞানিক আবিষ্কার হয়েছে। সারাজীবন অনশন ও নানা অভাব-অনটনের সঙ্গে অবিরাম লড়াই করে যারা মানুষের উন্নতিসাধন করেছেন শাসন-তন্ত্র তাঁদের সাহায্য করবার জন্তে একটা আঙ্গুল পর্যন্ত তোলে নি। শাসনতন্ত্রের সাহায্যে বীতশ্রদ্ধ হয়ে আমেরিকায় ও যুরোপে নানা সমিতি স্থাপিত হয়েছে এবং পরস্পরের স্বৈচ্ছাপ্রণোদিত সাহায্যে ও চেষ্টায় কাজের যথেষ্ট সুবিধা হয়েছে। এর-মধ্যে ষা-কিছু গলদ আছে বিদ্রোহের পর স্বাধীন

সমাজে মৈত্রী ও সহানুভূতির প্রসাদে সেগুলি দূরীভূত হবে।

যন্ত্রাদির উদ্ভাবনের পথে শাসনতন্ত্রের ও মহাজনো ব্যবস্থার বাধা বিস্তর; বৈজ্ঞানিক শিক্ষার অভাবও এ পথে একটি বিশেষ প্রতিবন্ধক। নিজের লাভের দিকে লক্ষ্য রেখে কেবল স্বার্থসাধনোদ্দেশ্যে কোন উদ্ভাবক বা আবিষ্কারক কাজে হাত দেন না—দেশের উপকার ও আনন্দের জন্তেই তাঁর সাধনা। তাঁর কৃচ্ছ সাধন। মনের স্বাধীনতা যেখানে, চিন্তার অবাধ গতি যেখানে, সেখানেই শিল্পীর ও উদ্ভাবকের স্বর্গ এবং সামাজিক পরিবর্তন সেই স্বর্গকে মর্মে প্রতিষ্ঠিত করবার সাধনা করছে। শিল্পী ও উদ্ভাবকের চেষ্টায় নানা যন্ত্রাগার স্থাপিত হবে এবং অবসর-সময়টুকু তাঁরা নিজেদের চিন্তাকে আকার দেবার চেষ্টা করবেন—সফল হোন বা বিফল হোন, কারও কাছে সেজন্ত অনাবশ্যক জবাবদিহি করতে হবে না এবং বারবার চেষ্টার অধিকার থেকেও তাঁদের কেউ বঞ্চিত করবে না। অভাব ও বাধার সঙ্গে লড়াই করে যে-সাধনা, তার হাত থেকে তাঁরা পুরিত্রাণ পাবেন, এটি নিতান্ত আকাশ-কুমুম বা অলীক স্বপ্ন নয়। যুরোপের অনেক রাজধানীতে এমনতর যন্ত্রাগার স্থাপিত হয়েছে এবং তার কাজ পুরাদমেই চলছে। তার মধ্যে ক্রটি অবশ্যই আছে, কারণ শাসনতন্ত্র, সমাজ-ব্যবস্থা ও আর্থিক অবস্থা মোটেই অনুকূল নয়, তার উপর পরস্পরের সহানুভূতিরও যথেষ্ট অভাব। এই সমস্ত বাধা দূর করে মানুষের চেষ্টাকে সফল

করাই আমাদের বিদ্রোহের প্রধান কর্তব্য।

চিত্র প্রভৃতি চাক্ষুশিল্পের অবনতি হয়েছে বলে অনেকে অনেক দুঃখ করেন, 'ইউরোপীয় নবযুগে' যে বিরাট শিল্পের উদ্ভব ও উন্নতি হয়েছিল বর্তমানে তার আদর্শ থেকে আমরা অনেক পিছিয়ে আছি। ইদানীং শিল্পকৌশলের যথেষ্ট উন্নতি হয়েছে এবং হাজার হাজার মাঝারী শক্তিশালী লোক শিল্পের নানা বিভাগে ব্যাপৃত আছেন; কিন্তু বর্তমান সভ্যতার সংস্পর্শ থেকে শিল্প যেন ক্রমেই দূরে সরে যাচ্ছে, কারণ কলাকৌশলের যতই উন্নতি হোক, শিল্পীর সৃষ্টিতে প্রাণের প্রেরণার আভাস আমরা কদাচিৎ পাই। প্রাণের প্রেরণা আসবে কোথা থেকে, আমরা নিজের হাতেই সে পথ যে রুদ্ধ করেছি! জীবনে যা-কিছু মহৎ, যা-কিছু বিরাট তার মধ্যেই আর্টের প্রেরণা আছে,— কিন্তু আমরা আজ সঙ্কীর্ণতার ও জড়তার অন্ধ উপাসক। আর্ট, সৃষ্টিরই নামাস্তর এবং সৃষ্টিমাত্রই নূতন। কিন্তু হাজার হাজার কৌশলী শিল্পীর মধ্যে কচিৎ ছ-একজন হয়ত চিরনবীন, চিরসুন্দর প্রাণের আভাস জীবনে একবার মাত্র উপলব্ধি করেন, বাকী সকলেই নিত্যন্ত গতানুগতিক এবং পুরাতনের মোহে অন্ধ। প্রয়োজনের বাঁধা-পথে বা পুঁথির বাঁধা গতে এ প্রেরণা পাওয়া যায় না, জীবনের অকারণ পুলকের উৎস-মুখেই এর সন্ধান মেলে। কিন্তু সাধারণের এ সন্ধান যাত্রা করবার মত আগ্রহও নেই সাহসও নেই।

স্বার্থসাধনের পাষণ্ড চাপিয়ে মাঝারি দল তার শ্রোত বন্ধ করে দিয়েছে—স্বাধীন জীবন লাভের চেষ্ঠাই তাদের উদ্ধারের একমাত্র উপায়।

গ্রীক শিল্পী বা নবযুগের শিল্পীর দল যা সৃষ্টি করেছেন, তার সঙ্গে দেশের নাড়ীর টান ছিল, প্রাণের সাক্ষাৎ-যোগ ছিল। দেশের আগম পুরাণ, সুমহান চিন্তা-ধারা ও তার অন্তর্নিহিত প্রাণটিকে তাঁরা রেখায় ও রংয়ে বা পাষণ্ডে ফুটিয়ে তুলেছেন এবং প্রাণের সঙ্গে সাক্ষাৎ-যোগ ছিল বলেই দেশবাসীর কাছে তাঁদের হাতে-গড়া শিল্প গত্য-সুন্দরের প্রতিমা বলে পূজা পেয়েছে। শিল্পসৃষ্টির সার্থকতা এইখানেই। গ্রীক শিল্প বা নবযুগের শিল্প এখন সভ্যদেশের যাহুঘরে স্থান পেয়েছে। সহরের বুকের উপর যাদের আসন ছিল, শত শত জনপদের যারা আনন্দের ও পূজার সামগ্রী ছিল, আজ তারা মৃতের জড় কঙ্কালরাশির মধ্যে স্তূপীকৃত। তখনকার কালে দেশবাসীর মধ্যে মেলামেশার যথেষ্ট সুবিধা ছিল, তার ফলে নানা বিষয়ে তাদের মধ্যে একটা একতা ছিল, কিন্তু বর্তমান সমাজে সে মিলন-ক্ষেত্রটি লোপ পেয়েছে। এখনকার সহর যেন লোকের মেলা, এখানে পরস্পরের মধ্যে আলাপ-পরিচয়ই নেই, মনের বিনিময় ও স্বপ্ন-কথা; সহর এখন অর্থ-উপার্জনের স্থান; পরকে দাবিয়ে; পরের মুখের গ্রাস কেড়ে আত্মপ্রাধান্ত আত্মপোষণ যাদের মূলমন্ত্র, জীবনের লক্ষ্য, তাদের মধ্যে সহানুভূতি, মনের মিল থাকবে কেমন করে? অর্থশালী মহাজন ও কলের মজুর হচ্ছে মেরুড়ে

বাঘ ও মেষশাবক; এই বিপর্যয় বিরোধী অবস্থায় উভয়ের মধ্যে সন্ডাব থাকা অসম্ভব। উভয়ের এক মাতৃভূমি থাকতেই পারে না, আর চির-দাসের মাতৃভূমিও নেই, সব জায়গাই তার পক্ষে সমান—মাতৃভূমি তার, যে স্বাধীন, যে আত্ম-বিশ্বাসী।

আমাদের শিল্প বাবুয়ানার শিল্প, আমাদের সাহিত্য বিলাসীর সাহিত্য। এ সাহিত্যে, এ চিত্রে কর্মজীবনের কাব্য তেমন জন্মে না, কর্মজীবনের মূর্তি তেমন ফোটে না। তার কারণ, শিল্পী কর্মজীবনের ব্যস্ততা ও চাঞ্চল্য থেকে আপনাকে যথাসম্ভব দূরে রাখবার চেষ্টা করেন—তাঁর এ শুচি-বায়ুর ফলে তাঁর নিজের ত ক্ষতি হয়েছেই, বেশীর ভাগ, শিল্পের ক্ষতির পরিমাণও সামান্য নয়। কায়ক্লেশে প্রাণধারণের জন্তে দেহের রক্ত ও মনের স্বাধীনতা বিক্রয় করে কল-কারখানায়, মাঠে, খনিতে বাধ্য হয়ে পরিশ্রমের মধ্যে আনন্দ নেই স্বীকার করি, কিন্তু স্বাধীনভাবে দেশের উপকারে কাজ-করায় যে যথেষ্ট আনন্দ আছে এবং এই আনন্দের প্রকাশই যে যথার্থ

কাব্য ও চিত্র, এ-কথা না-মানা চলে না। কর্মক্ষেত্রে নরনারীর মিলন-সঙ্গীত কাব্যে গান করবেন, চিত্রে রেখা-সম্পাতে ফুটিয়ে তুলবেন তাঁরা,—যাঁরা কর্মজীবনের দুঃখের সংঘাত ও সুখের আনন্দ প্রাণের মধ্যে উপলব্ধি করেছেন, নিজের হাতে সামাজিক জীবনের নূতন মূর্তি গড়ে তুলেছেন। এতদিন যে-সব চিত্র অঙ্কিত ও মূর্তি খোদিত হয়েছে, তাদের মধ্যে ভাবাবেগের প্রাচুর্য্যই বেশী, বলিষ্ঠ প্রাণের ছাপ খুব কম। পটের ছবি বা পাষণের মূর্তি যদি পটকে, পাষণকে অতিক্রম না করে, যদি প্রাণের আনন্দ ব্যক্ত না করে, তবে সে ব্যর্থ পরিশ্রমে লাভ কি?

এ-সব কেবলমাত্র সেই সমাজে সম্ভব, যেখানে জীবন-যাত্রা সহজ সরল ও সুন্দর,—শিল্প যেখানে মাকারি দলের বিলাসের বস্তু নয়, জনসাধারণের আনন্দের সামগ্রী। এই সমাজের প্রতিষ্ঠা করতে হলে পুরাণো ব্যবস্থা দূর করতে হবে এবং আমাদের কাম্য সামাজিক পরিবর্তন ঠিক সেই কাজটিই করতে চায়।

শ্রীপ্রবোধ চট্টোপাধ্যায়।

প্রেম

হা-ছত্যাশের অন্ধকারে নেইক আমার কেউ সাথী,
প্রেমের সাধন করছি কেবল কেঁদে কেঁদে দিনরাতি !
কাম-কামনার উর্দ্ধলোকে পুণ্য প্রেমের বাসভূমি,
সেখায় আজো যাইনি আমি, মিছাই ফুলের গাল চুমি !

মিছাই কেবল গভীর রাতে আঁকড়ে ধরি জ্যোস্-নাকে,
জানিনে সে পালায় কিসে আলিঙ্গনের কোন্ ফাঁকে !
এমনি করে কত নিশীথ কেঁদে বেড়াই ময়দানে,
জানে গাছের রাতের ছায়া, জানে আমার মন জানে !

জ্যোৎস্না রাতে গাছের নীচে দাঁড়িয়ে থাকা একলাটি,
আশায় আশায় রাত কাটানো, শেষে বোঝা সব মাটি !—
এইটি আমার চিরদিনের জেনে শুনে ভুল করা,
এত যে ভুল করছি তবু প্রেমের আশায় বুক ভরা !
প্রেমের পরিচয়টি নিতি পাই গো প্রতি নিশ্বাসে,
তাইতো তাকে পাবার আশায় অকুল গভীর বিশ্বাসে ।
কাম-কামনার ধাপে ধাপে ঠিঠছি ধীরে প্রেম-লোকে,
ভয়-ভাবনার ধার ধারিনে, ভয় করিনে দুখ-শোকে !

কাজ আছে গো কাজ আছে এই কামের ধূপ ও গুগ্গুলে,
কোকিল কেবল পরাণ মাতায়, মাতায় নাকি বুল্বুলে !
দেহের রূপের সুখা যদি প্রেমের ক্ষুধা নাশ করে,
চাইনে তেমন মিলন আমি, জলবে আগুন অন্তরে !
কিসের পিছে ছুটছি মিছে, পাইনি তো প্রেম এক ছিটে !
শাবার আশাই যাচ্ছে বেড়ে, জীবন কোথা হয় মিঠে !
প্রেমের পূজা চলবে তবু প্রাণের কুমুম-চন্দনে,
ভোগ-লালসায় এই জীবনের কাটবে না দিন ক্রন্দনে !

কামের শুধু নই পিয়াসী ও প্রকৃতি সুন্দরী !
আপন-ভোলা প্রেমের লোভে গান গাহি লো গুঞ্জরি' !
যখন তোমার রূপের মাঝে পুলক লভি এক কণা,
তখন ওগো তখন আমি এক নিমেষে উন্মনা !
এক পলকের সুখের সাড়ায় হৃদয়-সারঙ্ বন্ধুত,
সেই ক্ষণিকের সুখটি কবে হবে জীবন-ব্যাপ্ত !
হাল্কা সুখে প্রাণ বাঁচে না, এই পাওয়া তো কাল-শুণে ;
তাই তো প্রেমের পাঙ্গল আমি যৌবনের এই ফাল্গুনে ।

শ্রীযতীন্দ্রপ্রসাদ ভট্টাচার্য্য ।

কুকী

পার্বত্য ত্রিপুরায় ৭৫৪৭ জন কুকী আছে। তন্মধ্যে ৩৭৭৭ জন পুরুষ, অবশিষ্ট ৩৭৭০ স্ত্রী। 'কুকী' ইহাদিগের, জাতীয় ভাষার শব্দ নহে। স্বভাষায় কুকীগণের জাতীয় নাম 'হ্রিম্বেম্'। বর্তমান সময়ে এক শ্রেণীর কুকী আপনাদিগকে লুছাই নামক এক পৃথক্ সম্প্রদায়ভুক্ত বলিয়া পরিচয় প্রদান করিয়া থাকে। পূর্বে ব্রহ্মদেশ, পশ্চিমে ত্রিপুরা ও চট্টগ্রাম, উত্তরে প্রাচীন কাছাড় ও মেইতেই ভূমি, এবং দক্ষিণে আরাকান—এই চতুঃসীমার মধ্যবর্তী পার্বত্য ভূমি কুকিজাতির আবাস-স্থান। ইহারা প্রধানতঃ ২৪ ভাগে বিভক্ত; যথা—

১। পাওতু বা পাইতু (পয়টু)।

২। বংছের।

৩। বেলঠুট্।

৪। থাংলুয়া।

৫। লাইফং।

৬। বংখই।

৭। মিজেল।

৮। নামতে।

৯। ছাল্যা।

১০। অমড়ই।

১১। চোটলাং (চোটলাং ও ফাটলেই।

ত্রিপুররাজ্যের কুকিদিগের সহিত ইহাদিগের খুব কমই সম্পর্ক হইয়া থাকে। 'ফাটলেই' শ্রেণী ত্রিপুরা জেলার বাস করে।)

১২। ধরং।

১৩। বাইফেই।

১৪। চনলেই।

১৫। মলতে।

১৬। বিয়েতে।

১৭। বালতে।

১৮। হাং চম্।

১৯। রাংচিয়ে।

২০। ছাইলই।

২১। জংতে।

২২। পাটলেই।

২৩। বেতমু।

২৪। পাইতে।

ইহাদের মধ্যে প্রথমোক্ত ৫ সম্প্রদায়ের কুকী ত্রিপুররাজ্যে বাস করিতেছে। কৈলাসহর বিভাগেই প্রধানতঃ এই রাজ্যের কুকীগণের বাস।

এই ২৪ শ্রেণীর ভাষা মূলতঃ পরস্পর বিভিন্ন নয়। প্রাদেশিক ভাষাগুলির মধ্যে যে পার্থক্য ইহাদের মধ্যেও তাহাই। কুকিদিগের আচার ব্যবহার ত্রিপুরাদিগের আচার ব্যবহার হইতে সম্পূর্ণ স্বতন্ত্র এবং কোন কোন অংশে সম্পূর্ণ বিপরীত। ইহাদের শ্রেণী-সমূহের মধ্যে পরস্পর আচারব্যবহার সম্বন্ধে কোনরূপ পার্থক্য দেখিতে পাওয়া যায় না। ইহারা প্রায় যাবতীয় পশুপক্ষীর মাংস খাইয়া থাকে এবং জাতির স্বাতন্ত্র্য স্বীকার করেনা। ইহারা ঈশ্বরের অস্তিত্ব অঙ্গীকার করে, তবে পরকাল বা পুনর্জন্ম মানে না। কুকিদিগের সকল রকম ধর্ম্মানুষ্ঠানই

রোগশাস্তি প্রভৃতি ঐহিক ফলের প্রত্যাশায় হইয়া থাকে। ইহারা মনে করে যে গবয়, ছাগী, কুক্কট, প্রভৃতি বলিদান করিয়া পূজা করিলে বর্তমান বা ভবিষ্যৎ বিপদ হইতে নিষ্কৃতি লাভ করা যায়। ইহাদের কোন শ্রেণীর কোন নির্দিষ্ট স্থান নাই। দুই তিন শ্রেণী এক পর্বতে কিংবা একশ্রেণী দুই তিন পর্বতে বাস করিয়া থাকে।

শিক্ষা। কুকিগণ প্রায়শঃই অশিক্ষিত, তবে ত্রিপুররাজ্যের কুকিগণ ক্রমশঃ শিক্ষা লাভ করিতেছে। কুকি বালকগণের শিক্ষার জন্ত সম্প্রতি এ রাজ্যে কয়েকটি পাঠশালা স্থাপিত হইয়াছে।

রাজা। তিন জন কুকি সর্দার ত্রিপুররাজদরবার হইতে রাজা উপাধি লাভ করিয়াছে। কুকি-রাজত্ব বঙ্গভাষায় আলাপ করিতে সমর্থ।

ধর্ম—পাখিয়েন নামক এক ব্যক্তি সর্বপ্রথম কুকিদিগের মধ্যে ধর্মপ্রচার করে। পাখিয়েন প্রচার করিল—“একজন এই জগতের সৃষ্টিকর্তা, তিনি ভিন্ন অন্তান্ত অনেক আরাধ্য দেবতা আছেন”। পাখিয়েন সামাজিক নিয়মেরও প্রবর্তন করে।

পরে তর্পা নামক আর এক ব্যক্তি প্রথম ধর্মপ্রচারকের ধর্মমত, কার্য-প্রণালী রীতিনীতি বজায় রাখিয়া পাখিয়েনের ধর্মের কিছু সংস্কার সাধন করে, সঙ্গে সঙ্গে ধর্ম সঙ্কীয় অনেক নূতন নূতন নিয়মেরও প্রবর্তন করে।

কুকিদিগের ধর্ম তর্পা দ্বারা সংস্কৃত হইলেও বরাবর একভাবেই চলিতেছে।

কিন্তু ইহাদিগের মধ্যে যাহারা একটু আধটু বাঙ্গালা ভাষা শিখিয়াছে তাহাদের মধ্যে নিত্য নৈমিত্তিক আচার-ব্যবহারে কিঞ্চিৎ পরিবর্তন ঘটিতেছে। হিন্দুগণ যেমন ‘হরি’, ‘নারায়ণ’ প্রভৃতি বলিয়া ভগবানকে ডাকিয়া থাকে, ইহারাও সেইরূপ তাঁহাকে ‘লাচী’ বলিয়া সম্বোধন করে।

কুকিগণ যখন তাঁহাদের আদি জন্মভূমি পরিত্যাগ করিয়া ‘দারলঙ’ পর্বতে বাস করিতে আরম্ভ করে সেই সময় পাখিয়েন তাহাদিগের মধ্যে ধর্ম প্রচার করে। সে সাহসী যোদ্ধা বলশালী ও পরোপকারী ছিল। পাখিয়েন নিজে না খাইয়া বাড়ীর সকলকে আহার করাইত। কাহারও পীড়া হইলে আহার নিদ্রা ত্যাগ করিয়া তাহার পরিচর্যা নিযুক্ত থাকিত। কাহারও কোন খাওয়ার অভাব হইলে যে কোন উপায়ে আহাৰ্য সংগ্রহ করিয়া দিত। কুকিরা কাজেই তাহাকে পরমেশ্বরের গ্রাম ভক্তি শ্রদ্ধা করিত। পাখিয়েন প্রথম ধর্ম প্রবর্তন করিয়াছিল বলিয়া কুকিরা তাহাদের দেব-দেবীর নামের পরে পাখিয়েনের নাম যোগ করিয়া দিত।

আরাধ্য দেবতা

১। কুকিদিগের আরাধ্য দেবতাদিগের মধ্যে ‘লোচরী পাখিয়েন’ একটি। ‘লোচরী দেবতার’ সপ্তমুণ্ড বলিয়া কুকিদের বিশ্বাস। ঐ দেবতার অস্ত্র কোন পরিচয় পাওয়া যায় না। ইহার পূজা বাড়ীতেই হইয়া থাকে। অবস্থানুসারে লোকে এই পূজায় হংস, মোরগ, বরাহ, মহিষ, গণ্ডার ও গবয়

বলি দিয়া থাকে। এই পূজায় কোনরূপ প্রতিমূর্তি নির্মিত হয় না, কেবল কাঁচা বাঁশ দিয়া দুইটা নিশান উচ্চমঞ্চে উড়াইয়া দেওয়া হয়।

২। 'তুই পাখিয়েন'—এই পূজা জলের নিকট কোন নির্দিষ্ট স্থানে অনুষ্ঠিত হয়। চাউল, সাদা রঙের মুরগী, সাদা রঙের 'পাৰ্চা' হংস এমন কি পারাবত পর্যন্ত এই পূজায় বলি দেওয়া হয়। কুকি ভাষায় 'তুই' শব্দে জল বুঝায়। এই পূজাপদ্ধতিতে আমাদের গঙ্গাপূজার সামান্য সাদৃশ্য পরিলক্ষিত হয়।

৩। 'যাপিতে পাখিয়েন'—এই পূজায়ও কোন প্রতিমূর্তি গঠিত হয় না তবে অবস্থানুসারে বলিদানের বিধি আছে— 'যাপিতে' শব্দের অর্থ লক্ষ্মী বা লক্ষ্মী। এই দেবী লক্ষ্মীস্বরূপা। ইনি কৃষিকার্যের সৃষ্টিকর্তা, পালয়িত্রী, গৃহকর্তা ও গৃহলক্ষ্মী। কুকিরা 'জুম্' করার পূর্বে ও পরে যাপিতে পাখিয়েনের পূজা করিয়া থাকে।

৪। 'খুম্ প্লাখিয়েন'—বাড়ীর সমস্ত লোক একত্র হইয়া এই পূজার অনুষ্ঠান করিয়া থাকে। বাড়ীর ভিতর একটা নির্দিষ্ট স্থানে এই পূজা হয় এবং কুকিরা ছাগ, বরাহ, হংস, পারাবত, মহিষ, গণ্ডার ও গবয় বলি দিয়া থাকে। কুকিদের নিকট এই পূজাটা বড়ই আয়োজনজনক। ইহারা স্ত্রীপুরুষ পূজাস্থলে একত্র হইয়া মত্ত মাংসাদি ভোজন এবং নৃত্য গীতাদি করিয়া থাকে। খুম্ পাখিয়েন পূজার কোন নির্দিষ্ট সময় নাই। বৎসরের মধ্যে যে কোন এক সময়ে এই পূজার অনুষ্ঠান হইলেই হইল।

কুকিদের নিকট এই পূজা সম্বন্ধে প্রশ্ন করিয়া কোন সত্বত্তর পাওয়া যায় না। হুই একজন কুকী ইহাকে 'কের পূজা' বলিয়া বর্ণনা করিয়াছে, কিন্তু ইহার সহিত 'কের' পূজার কোনই সংশ্রব দেখা যায় না। পূজার কাৰ্য্যপ্রণালী কতকটা কালী পূজার অনুরূপ। এই পূজায় কোন প্রতিমা থাকে না। কাঁচা বাঁশের নিশানে ফল ইত্যাদি ঝুলাইয়া কাঁচা বাঁশ সংযোগে উচ্চ মঞ্চে উড়াইয়া দেয়। দুইদিন পর্যন্ত 'খুম্ পাখিয়েনের' পূজা হয়। সাধারণতঃ তৃতীয় দিবসে এই পূজা শেষ হয়। পূজার দুই দিনের মধ্যে স্ত্রীলোকদিগের কেশরচনা (চুল আঁচড়ান) নিষিদ্ধ। পরিধানের কিংবা ব্যবহারের বস্তাদি এবং ধাতাদি কৃষিজাত দ্রব্য রোদ্রে দেওয়া নিষিদ্ধ। এই সময় কেহ সূতা কাটিতে কিংবা বস্ত্র বয়ন করিতে পারিবে না। অন্ত বাড়ীর লোক পূজা বাড়ীতে প্রবেশ করিতে পারে না। পক্ষান্তরে পূজাবাড়ীর লোকও অন্ত বাড়ীতে যাইতে পারে না। যদি কোন অনিবার্য কারণে পূজাবাড়ীর লোক অন্ত বাড়ীতে আসে তাহা হইলে তাহাদিগকে জরিমানা দিতে হয়। অবস্থানুসারে টাকা পয়সা, আহাৰ্য্য দ্রব্য এমন কি মত্ত পর্যন্তও জরিমানা স্বরূপে গৃহীত হইয়া থাকে। যে ব্যক্তির উপর পূজার ভার গুস্ত থাকে, তাহার নিকটেই জরিমানা দাখিল করিতে হয়। সাধারণতঃ উজীর বা মোক্তারই এই ভার পাইয়া থাকে।

৫। 'শিবপূজা'—কুকিদিগের মধ্যে প্রচলিত এক প্রকার পূজাকে ইহারা 'শিব

পূজা'—এই আখ্যা প্রদান করিয়া থাকে, কিন্তু হিন্দুগণের শিবপূজার সহিত ইহার কোন সামঞ্জস্য নাই। এই পূজা কুকিদিগের মধ্যে অত্যন্ত প্রসিদ্ধিলাভ করিয়াছে। ইহাতে ব্যয়ও যথেষ্ট হইয়া থাকে।

জুম কাটার পূর্বে পল্লীবাসী জন সাধারণ মিলিত হইয়া এই পূজার অনুষ্ঠান করিয়া থাকে। গবয় বলি এই পূজার প্রধান উপকরণ।

এই বলির গবয়টিকে অতি নির্দয়ভাবে বিনষ্ট করা হয়।

বধ্য গবয়ের সর্কাজে চুণের ফোঁটা দিয়া পূজায় সমবেত কুকিগণ এক একটা চুণের ফোঁটাকে নিজ নিজ লক্ষ্য বলিয়া মনোনীত করে। পরে পূজাস্তে কিয়দূর হইতে নাচিতে নাচিতে আসিয়া তাহারা গবয়ের দেহে নিজ নিজ বল্লম নিক্ষেপ করে। বাহার বল্লম লক্ষ্য ভেদে সমর্থ হয় সে ভাগ্যবান ও বাহার বল্লম লক্ষ্যভেদ করিতে পারে না সে দুর্ভাগ্য বলিয়া স্থিরীকৃত হয়। লক্ষ্যভেদ কার্য শেষ হইলে অতি নিষ্ঠুরভাবে গবয়টিকে বিনষ্ট করিয়া তাহার মাংস সম্মিলিত ব্যক্তিগণ ভোজন করিয়া থাকে।

এতদ্বিন্ন কুকিদের অনেক ছোট ছোট পূজা আছে। প্রত্যেক পূজায় কুকিরা নিজ ভাষায় ভিন্ন ভিন্ন মন্ত্রোচ্চারণ করিয়া থাকে। এই মন্ত্রগুলি তাহারা কাহারও নিকট প্রকাশ করে না। কুকিদিগের একটা স্বাভাব্য এই— তাহারা পীড়া হইলে কোন ঔষধ ব্যবহার করে না, রোগ-মুক্তির জন্ত নানাবিধ পূজা

করে এবং মোরগ, ছাগ, বরাহ, পারাবত প্রভৃতি বলি দিয়া থাকে। ইহাতেই তাহারা রোগমুক্ত হইয়া থাকে।

এক শ্রেণীর কুকি কোন নির্দিষ্ট দেব-দেবীর পূজা করে না।

জন্মোৎসবাদি

সন্তান ভূমিষ্ঠ হইলে কুকিদিগের অশৌচ গ্রহণের বিধি নাই। ইহারা জাত-সন্তানের কল্যাণের জন্ত কোন মাহুলিক ক্রিয়ার অনুষ্ঠান করে না।

অবস্থাভেদে দশ দিন হইতে তিন মাসের মধ্যে মাতা পিতা ও আত্মীয় স্বজনদের পরামর্শ মতে সন্তানের নাম-করণ হইয়া থাকে। কুকিগণ সেইদিন আত্মীয়-বর্গকে নিমন্ত্রণ করিয়া আনে এবং সকলে সমবেত হইয়া একসঙ্গে শিকারে গমন করে, প্রত্যাবর্তন করিয়া স্ত্রী পুরুষ একত্র মত্ত মাংস ভোজন করিয়া থাকে।

রাজা, উজীর, মোক্তার, প্রভৃতি অবস্থা-পন্ন ব্যক্তির সন্তান হইলে রণবাণ্ড ও নৃত্য-গীতাদি হইয়া থাকে।

বিবাহ

কুকিদের বিবাহ দুই রকম দেখিতে পাওয়া যায়। এক প্রকার বিবাহ অভিভাবক ও পিতা মাতার নির্বাচনে ও উদ্বোধনে হইয়া থাকে। অপর প্রকার বিবাহে পাত্র পাত্রী উভয়ে গোপনে আলাপ করিয়া পরস্পরের মনোনয়ন স্থির হইলে তাহারা প্রকারান্তরে তাহা আপন আপন অভিভাবকের গোচর করে; অতঃপর অভিভাবকগণ একত্র হইয়া বিবাহ স্থির

করেন। বিবাহ কত্তার পিত্রালয়েই হইয়া থাকে। কুকিদের বিবাহ মাঝে বর-পক্ষ হইতে পণ দিবার প্রথা প্রচলিত আছে। রাজকত্তার বিবাহ কালেও পণগ্রহণ করা হইয়া থাকে, পরন্তু এ ক্ষেত্রে পণের টাকা অধিক পরিমাণেই দিতে হয়। বিবাহের পণ ২০ হইতে ১০০ পর্য্যন্ত দেওয়ার নিয়ম আছে। পাত্রের পক্ষ হইতে যদি বিবাহের দিন কোন কারণে পণের টাকা দেওয়া সম্ভবপর না হয় তাহা হইলে পাত্র-পক্ষ ৫৭ বৎসরের মধ্যে কিছু কিছু করিয়া দিলেও বিবাহ-কার্য সম্পন্ন হয়। কিন্তু বিবাহের পর যেদিন বর-কত্তা এক শয়্যার শয়ন করিবে সেইদিন বরপক্ষ হইতে কত্তাকে নগদ টাকা অলঙ্কার প্রভৃতি মূল্যবান দ্রব্য যৌতুক দিতেই হইবে। বরপক্ষকে ইহা হইতে কোনওরূপে অব্যাহতি দেওয়া হয় না। কত্তা বিবাহের পর যখন শশুরবাড়ী যায়, তখন স্বামী ভিন্ন অন্য কাহারও সহিত যাইতে পারে না। শশুরবাড়ী যাইবার সময় কত্তার পিতামাতা বা অন্য অভিভাবককে স্বকীয় অবস্থানুসারে (কত্তার সহিত ?) বস্ত্র-শয্যা দিতে হয়। যে পিতামাতা যত বেশীদিন কত্তার বস্ত্র নিজালয় হইতে যোগাইতে পারিবে, বৈবাহিকদিগের নিকট তাহার তত বেশী সম্মান হইবে। বৈবাহিক সম্বন্ধে কুকিগণের পক্ষে ইহা অতি সম্মানের বিষয়।

কুকিদের মধ্যে কোন ক্রমেই ১০ বৎসরের পূর্বে কিংবা ২৫।৩০ বৎসর বয়সের পর কত্তার বিবাহ হয় না। সচরাচর

কত্তা প্রাপ্তবয়স্ক এবং কুমকার্য্য করিতে সমর্থ হইলেই বিবাহ হইয়া থাকে। বিবাহের পর কোন কারণবশতঃ স্বামী ও স্ত্রীর মধ্যে মনোমালিন্য ঘটিলে বিবাহ-বন্ধন ছিন্ন হইতে পারে, কিন্তু যাহার ইচ্ছায় বিবাহ-বন্ধন ছিন্ন হইবে তাহাকে জরিমানা স্বরূপ অপর পক্ষকে নগদ ১৬ টাকা দিয়া বিবাহ-শৃঙ্খল হইতে মুক্তি লইতে হইবে। এইরূপে বিবাহ-বন্ধন ছিন্ন হইলে পর কত্তার স্থানান্তরে বিবাহ হইলে তাহাতে সমাজ প্রতিবন্ধক হয় না।

কুকিদিগের বিবাহের কোন বিশেষ দিন, মাস, বার প্রভৃতি কিছুই নাই। কত্তার বয়স অধিক হইলেও উভয়ের মনোনয়ন-প্রদায় বিবাহ সিদ্ধ হইয়া থাকে। ইহাদিগের বিবাহে কোনরূপ মন্ত্রপাঠ করিতে হয় না। কত্তার বাড়ীতে উভয় পক্ষের আত্মীয় স্বজন মিলিত হইয়া বর ও কত্তাকে সভাস্থলে আনয়ন করে, অতঃপর বর কত্তাকে মুখোমুখী করিয়া বসাইয়া উভয়ের মধ্যস্থলে একটা মদের কলসী রাখিয়া দেয়। ইহার পর যখন বর-কত্তা দুইটা নলের সাহায্যে মন্ত্রপান করিতে আরম্ভ করে, তখন কত্তার পিত্রালয়ের ব্যক্তিগণের মধ্যে যে সর্কাপেঙ্কা প্রাচীন সে সেখানে উপস্থিত হইয়া বর-কত্তার দুই গুচ্ছ কেশ একত্র বাঁধিয়া দেয় এবং দম্পতীর মন্ত্রপান শেষ হইবার পূর্বেই বর বা কত্তার সমবয়স্ক কেহ আসিয়া ঐ বন্ধন মোচন করে এবং তাহাদিগের সঙ্গে বসিয়া মন্ত্র মাংস খাইয়া থাকে। আহা়াস্তে

ঐ দিনই তাহাদিগের বাসরশয্যা হয়। যদি কোন কারণে ষৌতুকাদির অভাব হয় তাহা হইলে ২।১ দিন পরেও বাসরশয্যা হইতে পারে।

সমাজ

কুকিদিগের মধ্যে যে কয়েকটা শ্রেণী আছে তাহাদের মধ্যে আহারাদি বিষয়ে কোনও বাধা নাই; সকলেই একত্র ও একপাত্রে পান ভোজন করিতে পারে। বিবাহ বিষয়ে! শ্রেণী বিশেষের আপত্তি হইয়া থাকে। এইরূপ এক শ্রেণীর নাম 'ঠাকুর' (?)। ইহারা রাজার জাতি। আর এক শ্রেণীর নাম 'চেঙ্‌ই', ইহারাই কুকিদের পূর্বতন রাজবংশীয় ছিল। ইহাদের সহিত ঠাকুরদের বিবাহাদি হইতে পারে। বর্তমান কালে এই বংশের অধস্তন পুরুষের নাম লালবুঙ্‌ ঠোমা বাহাদুর। তৃতীয় শ্রেণীর নাম 'পালিয়েন'। ইহারাও কুকিদিগের মধ্যে সম্মানিত বটে তবে রাজারা প্রায়ই ইহাদিগের সঙ্গে বিবাহ সম্বন্ধে আবদ্ধ হয় না, কিন্তু এই শ্রেণীর মধ্যে সুন্দরী কন্যা থাকিলে রাজাদের মধ্যে কেহ কেহ গ্রহণ করিয়া থাকে। চতুর্থ শ্রেণীর নাম রিভুঙ্‌,—এই বংশের পূর্বতন পুরুষ (পিতা) রাজা ছিলেন। কিন্তু মাতা সাধারণ ব্যক্তির ঘর হইতে গৃহীত। পঞ্চমশ্রেণী জাদেঙ্‌ নামে পরিচিত। ষষ্ঠশ্রেণীর নাম চেইহাঙ্‌, ইহাদের সম্মান রিভুঙ্‌দিগের অপেক্ষা কিছু কম।

সপ্তমশ্রেণী সাধারণ কুকী। ইহারা সকলেই এক ধর্মাবলম্বী; ধর্মে ও রীতি-

নীতিতে কোন পার্থক্য দেখিতে পাওয়া যায় না।

কুকিদের প্রত্যেক বাড়ীতে একজন উজীর কি মোস্তার থাকে; ইহারা প্রধান স্বরূপ হইয়া উক্ত বাড়ীর বিচার প্রভৃতি কার্য করিয়া থাকে। ইহাদের বিচারধীন থাকিয়া ইহাদের পরামর্শমতেই বাড়ীর সকলে কাজ কর্ম করিয়া থাকে। একজন রাজার দশ বারজন মোস্তার থাকে। একজনের অধিক উজীর থাকিতেও বাধা নাই।

এক রাজার জিন্মায় দশ বার খানা বাড়ী থাকে। যদি দুর্ভাগ্যবশতঃ কোন রাজার বংশ লোপ পায়, তাহা হইলে তাহার উত্তরাধিকারীই রাজ্য পাইয়া থাকে।

কুকি রাজাদের পুত্রই সাধারণতঃ উত্তরাধিকারী হয়। পুত্র না থাকিলে ভ্রাতা, তদভাবে ভ্রাতৃপুত্র, তাহাও না থাকিলে ভাগিনের উত্তরাধিকারস্বত্রে রাজ্য পায়। কুকিদের মধ্যে পোষাপুত্র গ্রহণের পদ্ধতি অস্ত্যাপি সৃষ্ট হয় নাই।

অধুনা কৈলাসহরের এলাকায় তিন জন কুকি রাজা এবং একজন কুকি সর্দার আছে। রাজাদের নাম 'মুরচুঙ্গা রাজা' 'লালচুক্‌খামা রাজা বাহাদুর' ও 'বানকাম্পুই' রাজার পুত্র 'গুরচাইলিএন'। সর্দারের নাম 'লালবুঙ্‌ঠোমা' বাহাদুর। এই চারিজনের অধীনে প্রায় ৪৮০ ঘর অধিবাসী। এক এক ঘরে ১২ হইতে ৩০ জন বাস করে।

রাজাদিগের মধ্যে মুরচুঙ্গা রাজার অধীনে জন-সংখ্যা অধিক, কিন্তু লালমাই

রুচাইলিএনের আরও অধিক। মুরচুঙ্গা রাজার অধীনে ১৭৫ হইতে ২০০ ধর অধিবাসী লালচুকমার অধীনে ১৩০ ধর এবং বানকাম্পুইএর অধীনে ১৭৫ ধর।

রাজা ও সর্দারগণের কোন নির্দিষ্ট আয় নাই। সাধারণ কুকীদের বিবাহে ইহার পণের টাকার অংশ পায়। যাহারা কোন কারণবশতঃ রাজাদিগের দাসত্ব স্বীকার করিয়াছে তাহাদের বিবাহের পণের টাকাও পাইয়া থাকে। কোন সম্পত্তির উত্তরাধিকারী না থাকিলে ইহার তাহার মালিক হয়। কুকীদের মধ্যে বিধবার কন্যা সম্পত্তির অধিকারিণী হইতে পারে না। যতদিন ঐ কন্যা বিবাহিত না হয় ততদিন রাজা তাহাকে প্রতিপালন করে। সম্পত্তি যাহা থাকে তাহা রাজাই গ্রহণ করে।

সাধারণতঃ কুকী বালিকার বিবাহে পণের টাকা যাহা পাওয়া যায় তাহা পিতা মাতা জ্যেষ্ঠা, খুড়া, মাতুল ও রাজা এই ছয়জনের মধ্যে সমভাবে বিভক্ত হয়। ভ্রাতা কখনও পণের টাকার অধিকারী হইতে পারে না।

কন্যা বিধবা হইলে তাহার পুনর্কার বিবাহ হইতে পারে। প্রথম স্বামীর সম্পত্তি থাকিলে (পুনর্কার বিবাহ হইলেও) সে তাহার অধিকারিণী হইবে। যদি প্রথম বিবাহের পুত্র থাকে, তাহা হইলে সেই পুত্রই সম্পত্তি পাইয়া থাকে, কিন্তু কন্যা থাকিলে সম্পত্তি পায় না। বিধবার দ্বিতীয় স্বামীর প্রথম স্বামীর সম্পত্তিতে কোনই অধিকার থাকে না।

কুকীদের মধ্যে চোর, বদমায়েস ও মিথ্যাবাদীর সংখ্যা নিতান্ত কম। রাজাই সাধারণতঃ কুকীদের অপরাধদির বিচার করিয়া থাকে। রাজার বাড়ী দূরবর্তী হইলে সামান্য সামান্য বিচার বাড়ীর মোক্তার অথবা উজীর সম্পন্ন করে, এবং দণ্ডলব্ধ অর্থ রাজার নিকট দাখিল করে।

পূর্বে প্রথা ছিল যে, কোন বিবাহিত রমণী অন্ত্যসক্ত হইলে ভ্রষ্টা নারী ও লম্পট পুরুষকে বিচারার্থ সভায় আনয়ন করা হইত, পরে উভয়কে একত্র দণ্ডায়মান করাইয়া ভ্রষ্টা রমণীর স্বামীকে দিয়া তাহার কর্ণমূল ছেদন করা হইত। সঙ্গে সঙ্গে ছেঙ্ নামক অস্ত্রদ্বারা লম্পট পুরুষটিকে বধ করা হইত। বর্তমান লালচুকখামা রাজা বাহাদুর এই লোমহর্ষণ প্রথা বন্ধ করিয়াছেন। ইহার পরিবর্তে তিনি নিয়ম করিয়াছেন যে, দুই পুরুষ তাহার পুরুষানুক্রমে রাজার গোলাম হইয়া থাকিবে। তবে দুই স্ত্রীর এক কর্ণ কাটিয়া ফেলা হইবে। ইহার স্বামী ইচ্ছা করিলে স্ত্রীকে পরিত্যাগ করিতে পারিবে। তজ্জন্ত স্বামীকে কোনরূপ ক্ষতিপূরণ করিতে হইবে না। কুকীদের মধ্যে ভ্রষ্টা রমণী অত্যন্ত নিন্দার পাত্র। পরম রূপবতী হইলেও ইহাকে কেহ গ্রহণ করে না। দুই পুরুষকেও কেহ গ্রহণ করে না; সেও সাধারণের ঘৃণাভাজন হইয়া থাকে।

কেহ কোন অবিবাহিত কন্যার সহিত কন্যার সম্মতিক্রমে সঙ্গত হইলে উভয়কে

পরিণয়শৃঙ্খলে আবদ্ধ হইতে হয়। এরূপ স্থলে কন্যা অপ্ৰাপ্ত-বয়স্কা হইলে পুরুষের কর্ণযুগল ছেদন করাইয়া তাহাকে রাজার দাসত্বে নিযুক্ত করা হয়। আর কন্যা প্রাপ্তবয়স্কা হইলে দুই পুরুষের অবস্থানুসারে ১৬ হইতে ৫০ পর্য্যন্ত জরিমানা হয় এবং তাহাকে মস্ত মাংসাদি উপচারে ভোজন করাইয়া পঞ্চাইতের সন্তোষ বিধান করিতে হয়।

বাররনিতা

কুকিদিগের মধ্যে বারাজনা আছে, কিন্তু বারাজনাগণ পল্লীমধ্যে স্থান পায় না; পল্লীর বহির্ভাগে তাহাদিগের জন্ম পৃথক্ বাসস্থান নিরূপিত হয়।

অবিবাহিত বা বিপত্নীক যুবক কিংবা প্রৌঢ় ব্যক্তি ভিন্ন, অপর ব্যক্তি (অর্থাৎ বালক, বৃদ্ধ কিংবা বিবাহিত যুবক) বেশালয়ে গমন করিলে সে সমাজে নিন্দনীয় ও দণ্ডনীয় হইয়া থাকে।

মোক্তার বা উজীর

কুকি-সমাজে জাতিহিসাবে মোক্তার বা উজীর নিযুক্ত হয় না। বাড়ীর মধ্যে উপযুক্ত ব্যক্তিকেই রাজা মোক্তার বা উজীর নিযুক্ত করিয়া থাকে। তবে এই নিরীচনে বাড়ীর লোকদিগের সম্মতিও গ্রহণ করিতে হয়।

রাজদণ্ড নিবন্ধন যে অর্থ বাড়ী হইতে মোক্তারগণ গ্রহণ করে, তাহা তাহারা রাজার নিকট পাঠাইয়া থাকে। রাজা নিজের ইচ্ছানুসারে ইহার কিয়দংশ মোক্তার-দিগকে প্রদান করে।

পুরোহিত—কুকিদিগের মধ্যে কোন জাতি পুরোহিত (পূজক) হইবে তাহার কোন নির্দিষ্ট নিয়ম নাই; যিনি পূজার কার্য্য শিক্ষা করেন তিনিই পূজা করিতে পারেন। বিশেষতঃ নিজের কর্তব্য পূজা নিজে করিতে পারিলে তাহাতেও ক্ষতি নাই। অনেক বাড়ীতে মোক্তারের প্রতিই পূজার ভার গুস্ত হয় এবং মোক্তারই পুরোহিত্য ইত্যাদি করিয়া থাকে।

পর্কদিন—কুকিদিগের কোন পর্ক নাই। সুতরাং নৃত্য গীতাদিরও কোন নির্দিষ্ট সময় নাই। বাড়ীর মধ্যে কোন ব্যক্তি যদি বস্ত্র জস্ত অর্থাৎ বরাহ, শশক, গবয়, গণ্ডার, মহিষ, হস্তী, হরিণ ইত্যাদি শিকার করিয়া আনে, তবে সে বাড়ী প্রবেশ করিবা মাত্রই বাড়ীর স্ত্রী পুরুষ একত্র হইয়া নৃত্যগীত করিয়া থাকে; ‘গুঙ’ ‘রশেম’ ‘চোদ’ ‘দারতেঙ’ ‘দারবু’ প্রভৃতি বাস্ত্র বাজাইতে থাকে এবং সকলে একত্র সমবেত হইয়া মস্ত মাংস প্রভৃতি ভোজন করে। বৃদ্ধ জয়ান্তে কেহ গৃহপ্রত্যাগত হইলেও ইহারা এইরূপ নৃত্যগীতাদি করিয়া মস্ত মাংস ভোজন করে।

আমোদ-প্রমোদ

ইহাদের আমোদ প্রমোদের কোন নির্দিষ্ট সময় নাই। অবসর পাইলেই বিশেষতঃ ভোজ উপলক্ষে ইহারা নৃত্যগীত বাস্ত্রাদির দ্বারা আমোদ প্রমোদ করিয়া থাকে। নৃত্য করিবার উপযোগী ইহাদের কোন স্বতন্ত্র পোষাক নাই। বাঙ্গালীগণের

সাক্ষাতে নৃত্য গীতাদি করিতে হইলে পোষাক সামান্যরূপে পরিবর্তন করিয়া লয়। গান করিবার সময় কোন ব্যক্তিকে লক্ষ্য করিয়া ইহারা তাহারও গুণগ্রাম গাইয়া থাকে। ভগবদ্বিষয়ক সঙ্গীত কুকিদের মধ্যে প্রচলিত নাই।

বাণ্যযন্ত্র

চখানি বাঁশ ও বেত সংযোগে ইহারা লাউ দিয়া এক প্রকার বাণ্যযন্ত্র প্রস্তুত করে। ইহার নাম 'রশেম'। কুকিদিগের যত প্রকার বাণ্যযন্ত্র আছে তন্মধ্যে ইহার শব্দই অতি মধুর।

বড় কাঁসরের মত বাণ্যযন্ত্রকে ইহারা 'গঙ্', 'গুঙ্' বা 'দারখুঙ্' বলে। এই যন্ত্র ইহাদের নিজের তৈয়ারী, কোন স্থান হইতে কিনিয়া আনে না। ইহার শব্দ ১৫/২ মাইল পর্য্যন্ত যায়। 'দারতেঙ্' বাঙ্গালী কাঁসীর মত।

'দাররিকু'—গঙের মত কিন্তু আকারে ছোট।

যুদ্ধ-সামগ্রী

কুকিদিগের প্রায় সকলেরই বন্দুক আছে, কুকিদের অপর যুদ্ধাস্ত্র চেম, টাকুয়াল বা, চাকলা (চেম) তীর (কুই বাঁশ দ্বারা তৈয়ারী)। তীর একটা লোহার ফলক। এতদ্ভিন্ন আরও কয়েকটা অস্ত্র আছে, সেগুলির নাম—চিলাই (বন্দুক), আদাং আবই চেমতে, চেমতে লুজুম, হ্রেই (কুড়াল), ছাইতিরকুওই (অক্ষুশ) ইত্যাদি।

কুকিগণ সাহসী, পরিশ্রমী ও দৃঢ়লক্ষ্য।

ইহারা এক প্রকার সর্বভুক। প্রায় সমস্ত পশুপক্ষীর মাংসই ইহাদের ভক্ষ্য, সরীসৃপ-জাতিও কুকিদিগের প্রিয় খাদ্য। ত্রিপুরা-রাজ্যের কুকিদের এক প্রকার পিষ্টক প্রস্তুত করিবার প্রণালী আছে। একটা কুকুরকে মুরিয়া তাহার উদর মধ্যে কিছু চাল প্রবেশ করাইয়া দিয়া সেই কুকুরের দেহ অগ্নিতে দগ্ধ করে, সেই দগ্ধ কুকুরের উদর-মধ্যস্থ অন্নই তাহার পিষ্টক রূপে খাইয়া থাকে। কুকিগণ অতিশয় মদ্যপায়ী। পল্লীর স্ত্রী পুরুষ মিলিত হইয়া ইহার মদ্যপান করে। জুম কাটার পরে ইহারা প্রায় দুই মাসকাল মদ্যপানাদি করিয়া আমোদ প্রমোদে কাটাইয়া থাকে।

সভ্যজাতিদিগের মধ্যে বর্ণের তারতম্য ব্যতীত চক্ষু নাসিকা প্রভৃতি অঙ্গ প্রত্যঙ্গ দ্বারাও স্ত্রীজাতির সৌন্দর্য্য পরিকল্পিত হইয়া থাকে। কিন্তু 'ভিন্নকৃষ্টি ই লোকঃ।' দেশ কাল পাত্র ভেদে কৃষ্টিরও পরিবর্তন ঘটে। স্ত্রীলোকের কোমর মোটা অথচ প্রশস্ত ও কর্ণের ছিদ্র বড় হইলে কুকিরা তাহাকে সুন্দরী বলিয়া থাকে। বাহার কর্ণের ছিদ্র যত বড় সে তত সুন্দরী। এই কারণে বাঁশের চোঙ্গা দিয়া কুকি-রমণী কাণের ছিদ্র বড় করিয়া থাকে।

কিছুকাল পূর্বে কুকিরা গৃহমধ্যে স্ত্রী পুরুষ উলঙ্গাবস্থায় থাকিত, উলঙ্গ হইয়া স্নানাহার করিত। ইহাতে তাহাদের কোন রূপ নিন্দা বা লজ্জার কারণ নাই। রাজ্যে অনেক সময়ে গৃহাভ্যন্তরে নগ্নাবস্থায়ই থাকিত। অবসর মত অথবা কোন অগ্ন্য-জাতীয় লোক গৃহে প্রবেশ করিলে স্ত্রী-

লেকেয়া এক হাত প্রস্থ একখানা বস্ত্র পরিধান করিত। পুরুষেরা একটা মোটা চাদর গায়ে দিত। এই কারণে না জানাইয়া ঘরে প্রবেশ করিলে কুকিজাতি অত্যন্ত ক্রুদ্ধ হইত।

মৃত্যু

কুকিদের মধ্যে কাহারও মৃত্যু হইলে ইহারা অমানুষিকভাবে তাহার ঔর্দ্ধদেহিক কার্য সম্পন্ন করিয়া থাকে। অশৌচ-গ্রহণের প্রথা ইহাদিগের মধ্যে নাই। কাহারও মৃত্যু হইলে মৃত ব্যক্তির স্বর্গ-লাভার্থ ইহারা আত্মীয় স্বজন সহ মিলিত হইয়া সমস্ত লোক মণ্ডপান ও মাংসাদি-ভোজন করে। মৃত দেহ ঘরে রাখিয়াই ভোজনব্যাপারের অনুষ্ঠান করিয়া থাকে। অতঃপর 'বেস্থানে' মৃত-ব্যক্তির প্রাণবায়ু বহির্গত হইয়াছে তন্নিকটবর্তী কোন এক-স্থানে একটা মাচা তৈয়ারী করিয়া রাখে এবং মৃত ব্যক্তি আহাির করিবে এই বিশ্বাসে মাচার উপর মৃতদেহের নিকট মস্ত্র মাংসাদি নিত্যই রাখিয়া দেয়। কুকিরা মৃতদেহ ৫ দিন হইতে ২০ দিন পর্য্যন্ত ঘরে রাখে এবং প্রত্যহ খাণ্ড সামগ্রী দিয়া থাকে। যে ব্যক্তি যত অধিক দিন মৃতদেহ ঘরে রাখিয়া এইরূপে আহাির্ষ্য দিতে পারিবে, কুকি সমাজে তাহার সম্মান তত অধিক। সামর্থ্যানুসারে লোকে অল্পদিন বা অধিক-দিন মৃতদেহ বাড়ীতে রাখিয়া থাকে। অবস্থানুসারে এইরূপে ঘরে রাখিবার পর তাহার মৃতদেহ কবরে সমাহিত করিয়া থাকে। কবরের স্থান পরিষ্কৃত ও পরিচ্ছন্ন

এবং অত্যন্ত গভীর হওয়া আবশ্যিক এক-জন পূর্ণাবয়ব মনুষ্য কবরের জন্ত খনিত গর্ভে প্রবেশ করিয়া হস্ত উর্দ্ধে উত্তোলন করিলে ঘাহাতে উপর হইতে দেখা না যায় এইরূপ গভীর করিয়া কবর খননের ব্যবস্থা ইহারা পছন্দ করে।

মৃতদেহ কবরস্থ করিবার পর মৃতের জন্ত আর আহাির্ষ্য প্রদানের নিয়ম নাই। ইহাদের মধ্যে শ্রাদ্ধাদি নাই। কবর দিবারও কোন নির্দিষ্ট সময় নাই। কোন মন্ত্রতন্ত্রেরও ইহারা ধার ধারে না। কোন পুণ্যবান্ বা পাপীর অপমৃত্যু হইলে উহারা তাহার উর্দ্ধগতির জন্ত মাত্র পানভোজন করিয়া থাকে। হিংস্র জন্তু দ্বারা আক্রান্ত হইয়া অথবা অগ্নিদগ্ধ হইয়া কাহারও মৃত্যু হইলে মৃত ব্যক্তির শরীরের যে অংশ প্রাপ্ত হওয়া যায় তাহাই ঘরে আনিয়া পূর্বোন্নিখিত নিয়ম-বজায় রাখিয়া কবর দেয়। মৃত ব্যক্তিকে কবর দিবার আরও এক প্রকার প্রথা আছে। রাজা, উজীর, মোক্তার অথবা অল্প অবস্থাপন্ন ব্যক্তির মৃত্যু হইলে তাহার মৃতদেহ কাঠ নির্মিত বাক্সের ভিতর নগ্নাবস্থায় প্রবেশ করাইয়া ঘরের কোন স্থানে মাচা পাতিয়া তাহার উপর মাটির বিছানা করিয়া সবিশেষ যত্নে অগ্নি জ্বলাইয়া বাক্সটি এমন ভাবে ঝুলাইয়া রাখে যে তাহাতে অগ্নিদ্বারা বাক্সটিও নষ্ট হয় না এবং মৃতশরীর হইতে দুর্গন্ধও বাহির হয় না। এইরূপে তিনমাস অর্থাৎ ২০ দিন পর্য্যন্ত রাখিয়া থাকে এবং পূর্বোক্ত নিয়মে আত্মীয় স্বজন সমভিব্যাহারে ভোজনাদি করিয়া শেষে মহা সমারোহের সহিত মৃত-

দেহটিকে কবরস্থ করে। মৃতদেহ ঘরে থাকিতেও ঐ ঘরে বিবাহাদি মাঙ্গলিক কার্য হইতে কোন বাধা নাই।

মৃতদেহ সমাহিত করিবার সময় সামর্থ্যানুসারে তৎসঙ্গে বন্দুক, দা, বলা, নূতন বস্ত্র, ভাত-তরকারী, মত্ত, মাংস প্রভৃতি নিত্য ব্যবহারের জিনিষ ও কতকগুলি টাকা অথবা কয়েকটা পয়সা পর্য্যন্তও কবরের মধ্যে দিয়া থাকে।

স্ত্রীলোকের মৃত্যু হইলেও ঐরূপ করিয়া তাহাদের সঙ্গে সূতা-কাটার চরকা, সর্বদা ব্যবহারের জিনিষ, কাপড়, বেম, (অর্থাৎ পইছা) মত্ত, মাংস ইত্যাদি সঙ্গে দিয়া কবর দিয়া থাকে। এই প্রথা মাত্র রাজা-দিগের জন্ত। অপরে এই নিয়ম প্রতিপালন করিতে না পারিলেও তাহাদের কোন

অপমান নাই। রাজা কিংবা অন্য অবস্থাপন্ন লোকের অর্থাভাব, লোকাভাব, স্থান পরিবর্তন, প্রভৃতি কোন আকস্মিক ঘটনা উপস্থিত হইলে মৃত্যুর পর তৎক্ষণাৎ বাক্সে পুরিয়া মৃতদেহকে কবর দেওয়া হয়। তাহাতেও তাহাদের সম্মানের কোন-রূপ হ্রাস বা পাতিত্যের কারণ নাই।

মৃত ব্যক্তির সমাধিস্থান

যত প্রকার পুণ্ড পক্ষীর কঙ্কাল রাখা যায় ততই তাহার প্রতি সম্মান প্রদর্শন হয়। পূর্বকালে কোনও কুকিরাজা বা সর্দারের মৃত্যু হইলে বিদেশীয় লোকগণ ভয়ে ঐ রাজা বা সর্দারের সমাধির নিকটবর্তী স্থানেও গমন করিত না।

শ্রীঅমূল্যচরণ বিদ্যাভূষণ।

রুশিয়ার কবিতা

ভোরের বেলা

(ফেৎ) .

একটুকু উসখুস,
একটা কি ফিস্ফাস,
কার মুছ নিশ্বাস !
কার নিদ্ টুটল !

হিম-হাওয়া বিলুকুল
ছলছিল নিউরে
উঠল সে শিউরে
শিউলির স্পর্শে ;

ভেদ করে' আবলুস
ঘুট্ঘুটে রাত্রির
শান-দেওয়া সাত তীর
নিঃসাড় ছুটল।

বোল বলে বুলবুল,
আর পাখী দ্যায় শিস,
চন্মনে চৌদিশ
ভরপুর হর্ষে।

সঙ্গিনী রাত্রির

শুকতারা রিম্বিম্

জাগ্রত রক্তিম

দীপ্তির সঙ্গে

শুল্গুলাবের ছোপ

লাল মেঘে লাগল,

ধূপছায়া জাগল—

বর্ণের বর্ষা,

মোর প্রেম-পাত্রীর

দায় চুমা চক্ষে

চক্ষেরি পক্ষে

স্বপ্নির ভঙ্গে ।

মোর মানিনীর কোপ

অশ্রুতে ভাসল

চুষনে ফাঁসল

দশ দিক ফর্সা

তুষার-নদীর জাগরণ

(কোরিস্ পেট্রোভ্‌স্কি)

গাংচিলেরা নদীর প্রেমে পাগল,—

ঘোমটা তুলে নদী ঈষৎ হাসে ;

ঘুম্‌স্বপ্নায় গড়া নয়ন-যুগল—

তায় পাখীদের অমল বিষ ভাসে ।

জড়োয়া-জরির জাজিম্ 'পরে নদী

গা'টি গড়ায়, সূর্য্য জড়ায় তারে,

তাতিয়ে তোলে মাতিয়ে নিরবধি

চান্কে তোলে চুষনেরি হাঁরে !

সুটে উঠে চুম্বকি এলোকেশে,

ওঠে নদী ঘুমের ঘোরে হেসে !

খুব হ' শিয়ার ঘুম-ভাঙা সুন্দরী !

দেখো দেখো সামলে থেকো—

আগুন না যার ধরি' !

সিঙ্ক-শকুন নদীর প্রেমে পাগল

উল্লাসে ঘূর্ণপাক্ দে' লাগায় চমক,

বুক পেতে সয় সকল চেউয়ের ধকল

ফুকারে তার অকুল জলের গমক !

"জাগো নদী ! মেল আধির পাতা,

আমরা তোমার প্রাণের স্বপন-ছবি ;

আমরা তোমার মন-কামনার গাথা,

জাগো ! জাগো ! ডাকছে তোমায় রবি,

পাখ'না তুমি পাবে গো যার বরে,

সেই রবি ওই দাঁড়িয়েছে শিয়রে !

পাখার ভরে সাগর-দরশনে

চলবে তুমি প্রেমে-পাগল

গাংচিলেদের সনে ।"

নিবেদন

(লাম'টভ)

তফাৎ হয়ে যাই যদি-বা তবু মনের মন্দিরে
 দেবী তোমার ওই প্রতিমা থাকবে জেনে, থাকবে গো,
 শূন্যদিনে স্মৃতির স্মৃতি—হায় সে ভোলা যায় কি রে ?
 এই পীরিতি হিয়ায় নিতি জাগবে সে যে জাগবে গো ।

অন্য দিনে অন্য আঁখি করলে দাবী এই হিয়া
 ভাবছ তুমি ভুলতে এ প্রেম পারবে ? প্রাণে সহিবে সে ?
 বিগ্রহ আর মণিকোঠায় তফাৎ যদিই হয় প্রিয়া,
 দেবী দেবীই, মণিকোঠা—মণিকোঠাই রইবে সে ।

তবু

(নেক্রাসভ)

ব্যর্থ মোদের হবে অনেক আশা,
 অনেক সাধে পড়বে যে ছাই, জানি,
 মানুষ ধূর্ত,—ফন্দী জানে খাসা,
 ভাঙলে বেড়ী গড়বে নূতন, মানি ;
 একশো-রকম গড়িয়ে শিকল, ধীরে,
 ফিকির করে জড়িয়ে দেবে ফিরে ।

তথাস্ত, ভাই, মান্ছি সবি, তবু
 এ কথাটাও স্পষ্ট আমার কাছে,
 খুব বেশী দিন সহিবেনা তাও কভু,
 ভাঙার শক্তি—তাও মানুষের আছে ;
 গড়লে বেড়ী ভাঙবে বারেবার
 এ বিশ্বাসে বুক বাঁধা আমার ।

এ বিশ্বাসে বেঁধে সেতারটিরে
 উষার আলোর ধরেছি আজ তুলে,
 অব্যাহতির আব-হাওয়াতে ফিরে
 সকল শিকল পড়ছে খুলে খুলে !
 ধ্রুব আশায় হে চিত্ত আমার
 নবীন উষায় কর নমস্কার ।

আপ্ত

(পুশ্কিন্)

ক্রান্তি-কাতর শরীর নিয়ে কণ্ঠে নিয়ে তৃষা
হারিয়েঁ দিশা ঘুরতেছিলাম গহন অন্ধকারে,
ঝলমলিয়ে ছ'খান ডানা ভেদ ক'রে মোর নিশা
দূত এল গো স্বর্গ হ'তে সেজে কিরণ-হারে !—

বুলিয়ে দিল চোখের পাতায় মম
আঙুলগুলি স্বপ্ন-সোহাগ সম ।

সেই পরশে সুপর্ণ শ্বেন-পাখীর আঁধি হেন
দিব্য আঁধি ফুটল আমার—ফুটল আচম্বিতে,
সেই পরশে দিব্য-শ্রবণ পেলাম আমি, যেন
কর্ণ-কুহর উঠল ভ'রে স্বর্গায়কের গীতে ।

গগন-ভরা গোপন আনা-গোনা—
সাগর-চারীর সঞ্চারও যায় শোনা !

পাহাড়-তলীর কোপে-ঝাড়ে বাড়ছে যে-সব শাখা
শুন্ছি তাদের বেড়ে-ওঠার ব্যস্ত কোলাহল,
ডিম্ব-মাকে বাড়ছে জগ-যুক্ত দুটি পাখা—
শুন্ছি তাদের শিউরে-ওঠা—আনন্দে চঞ্চল !

হঠাৎ মুয়ে দূত সে স্বর্গচারী
চোখে আমার রাখল ছ'চোখ তারি ।

ওষ্ঠাধরে নির্নিমেষে দৃষ্টি দিয়ে হেসে
হঠাৎ সে মোর পাপ-রসনা উপড়ে নিল জ্বারে,—
উপড়ে নিল মন্দ মায়িক মন থেকে নিঃশেষে
স্বর্গদূতের ছ'হাতু ব'য়ে রক্ত পড়ে ঝ'রে ।

ছিন্ন এ-মোর ঠোঁট শেষে কঁক ক'রে
তক্ষকেরি জিহ্বা দিল ভ'রে !

তলোয়ারে বুক ভেদ ক'রে হৃৎপিণ্ড.নিল ছিঁড়ে,
 তাঁর বদলে বসিয়ে দিল জলন্ত অঙ্গার ;
 রইল প'ড়ে মরুভূমে তপ্ত বালুর নীড়ে
 মড়ার আকার স্পন্দহারা কেবল সংজ্ঞা-সার ।
 এমনি—কতকাল গেল না জানি
 শুন্তে শেষে পেলাম অলখ.বাণী ।

“আপ্ত ! ওঠো, দ্রষ্টা শোনো প্রাপ্তি-পরম-ক্ষণে
 আজকে হ'তে আমার ইচ্ছা জাগল তোমার মাঝে !”
 হর্ষে, ভয়ে, কী বিষয়ে শুনি স্তব্ধ মনে
 কর্ণে আমার বিশ্ব-খাতার বাণী গভীর বাজে
 আজো শুনি—“মশাল আমার নিয়া—
 যাও—হুনিয়ার জাগাও যত হিয়া !”

সাঁচ্ছা সল্লা (ক্রাইলফ্)

“নেকড়ে বাঘের অত্যাচারে
 ছাগল ভেড়া বাঁচবে না রে,
 দারোগারে জানাই গিয়ে চল !”
 দাড়ি নেড়ে বললে রামছাগল ।
 তাই না শুনে তাড়াতাড়ি
 ছাগলগুলো চল ফাঁড়ি
 সঙ্গে সঙ্গে তুড়-তুড়া-তুড়
 চল ভেড়ার দল ।

থানায় গিয়ে ধরা দিয়ে
 বেলাস্ত সব রয় দাঁড়িয়ে,
 ছজুর শেষে এলেন সন্ধ্যাবেলা ;
 করলে তখন রামছাগল এস্তেলা ।

সব শুনে কন্ রূঢ় স্বরে
 “কি হবে ছাই ডাইরী ক'রে ?—
 লেখালিখি—কাজ কি ফ্যাসাদ ?—
 কাজ কি ফ্যাচাং মেলা ?
 তার চেয়ে শোন যুক্তি আমার—
 ভাবনা কি ভয় থাকবে না আর—
 বুঝি ?—তোদের বোঝাব বল কত,—
 মুর্থ মেড়া বোকা ছাগল যত,—
 শোন তবে,—ফের নেকড়ে বাঘে
 করলে জুলুম—ধরবি তাকে—
 টুঁ টি টিপে আন্বি থানায়
 ইহর-ছানার মত ।”

কালো শাল

(পুশ্‌কিন্)

হুঁশ হারিয়ে তাকিয়ে থাকি, আধারে চোখ ছায়,—
 কালোরঙের শাল সহসা দেখলে কারো গায় !
 শিঠিয়ে ওঠে শুকনো হৃদয় রক্ত সে হয় হিম,
 হতাশ-হাওয়ায় আমলে পড়ে ছনিয়াটা নিঃসীম !
 জীবনটা নিঃসঙ্গ আমার—নেই প্রীতি মেহ,—
 আমিও ভালোবেসেছিলাম,—মান্বে কি কেহ ?
 সারা প্রাণের আবেগ দিয়ে—বেসেছি ভালো
 আধেক রাতে হঠাৎ আমার নিবেছে আলো ।

* * * * *
 মনে পড়ে বয়েস-কালের সহজ সে বিশ্বাস,—
 মনে পড়ে গ্রীক-তরুণীর ভালোবাসার ভাষা ।
 আমিও ভালোবেসেছিলাম—হৃদয় প্রাণ দিয়ে,
 সুন্দরী সে ছিল আমার সকল নন্দিয়ে ।
 রইল না সে সোনার স্বপন, সইল না সে সুখ,
 কাল ইহুদী বড়ো আমার দমিয়ে দিল বুক ।

* * * * *
 পাঁচ ইয়ারে জটলা ক'রে কাটছিল বেলা,
 কাল ইহুদী হঠাৎ দিলে ছয়ারে ঠেলা,
 জনান্তিকে বল্লে ডেকে “খুব দেখি ফুর্তি
 (তোমার) গ্রীক-রূপণী খেলছে হোথা প্রেম নিয়ে স্মৃতি ।”
 ধম্কে তারে হাঁকিয়ে দিলাম—লাগল কি ধান্দা ।
 বেরিয়ে প'লাম সঙ্গে নিয়ে বিশ্বাসী বান্দা ।
 বেরিয়ে প'লাম তীরের বেগে আরব-বোড়াতে
 মায়া দয়া তল গেল সব জঁর্ষা-সংঘাতে ।

* * * * *
 গ্রীক-মেয়েটার চেনা বাড়ী চিন্তে কী দেবী !
 মনের ঝড়ে হাত-পা বিকল, সব ধোঁয়া হেরি ।
 আব্জানো দ্বার—ফাঁক দে' দেখি—চোখের উপর ঠিক
 অধরে তার অধর মিলায় আর্ম্যানী সৈনিক ।

চোখে হঠাৎ দেখলাম আঁধার—তলোয়ারেতে হাত—
 চোরাই-চুমু শেষ না হ'তে চোরের মুণ্ডপাত ।
 লাম্বি মেরে খেঁৎলে ছুঁড়ে মুণ্ড-কাটা ধড়
 পড়ুল দৃষ্টি পাঙাস-পারা গ্রীক-মেয়েটার 'পর ।
 মনে পড়ে তার কাকুতি—তার সে আর্জনাৎ—
 সকল অঙ্গ রক্তে ভাসে—বাঁচতে তবু সাধ !
 কে হাতিয়ার রুক্বে হাতে ? লুটিয়ে প'ল দেহ,
 সঙ্গে ম'ল অপঘাতে আমার প্রাণের মেহ ।

* * * * *
 চট্কা ভেঙে ঝট্কা দিয়ে মোর-দেওয়া সেই শাল
 খুলে নিলাম ধড় থেকে তার—থেমে নিমেষ কাল—
 শালে মুছে অস্ত্র চ'লে এলাম তুরন্ত,
 বান্দা দিলে ভাসিয়ে ছটোয় স্রোতে ছরন্ত ।
 সেই থেকে আর মাতানো-চোখ মাতায় না মোরে,
 সেই থেকে সব ফুর্তি গেছে, মন গেছে ক্ষ'রে ।
 সেই অবধি দেখলে পরে কালো রঙের শাল
 হুঁশ হারিয়ে তাকিয়ে থাকি, চোখে আঁধার জাল ।

শ্রীসত্যেন্দ্রনাথ দত্ত ।

মাসকাবারি

কংগ্রেস

এবার বড়দিনের ছুটিতে কলিকাতায়
 কংগ্রেসের বৈঠক হইয়াছিল, স্মতরাং বাংলা
 দেশের সকল লোকেই মন সেই প্রসঙ্গ লইয়া
 চঞ্চল হইয়া আছে ।

যদিচ এটা সমস্ত ভারতবর্ষের শিক্ষিত
 সাধারণের সম্মিলন-সভা, তবু মনে হয় যে,
 গোটাকতক প্রস্তাব উত্থাপন ও সমর্থন
 উপলক্ষ্যে সভামণ্ডপে দাঁড়াইয়া পাঁচ দশ মিনিট

কাল ইংরাজি ভাষায় বক্তৃতা দেওয়ার দ্বারা
 ভারতবর্ষের ভিন্ন ভিন্ন প্রদেশের লোকদের
 পরস্পরের পরিচয় লাভ অথবা চিন্তার আদান
 প্রদানের বাস্তবিক কতটুকু সুযোগ থাকে ?
 কংগ্রেস-মণ্ডপে চক্কাটা সতরঞ্চের মত
 বোম্বাই, মাদ্রাজ, বেহার, পাঞ্জাব প্রভৃতি
 প্রদেশের প্রাদেশিক সভ্যদের বসিবার স্থান
 ভিন্ন ভিন্ন গণ্ডীর দ্বারা চিহ্নিত—তাদের
 একত্র পাশাপাশি বসিবারও বন্দোবস্ত
 হওয়ার উপায় নাই । কংগ্রেসের সঙ্গে সঙ্গে

বিস্তর কনফারেন্সও বসিল, কিন্তু সবগুলির ধরণ-ধারণ ঐ একই রকমের। সেইজন্মই বারম্বার এই কথাই মনে হইয়াছিল যে, বাংলাদেশে যে ভারতের এতগুলি লোক অতিথি হইয়া আসিল, তারা, বাংলাদেশের হৃদয়ের কতটুকু পরিচয় লাভ করিয়া বাড়ী ফিরিয়া গেল!

অবশ্য বলা হইবে যে, রাষ্ট্রীয় সভার চেহারা সব দেশেই এই রকম—কংগ্রেস নিখিল ভারতের রাষ্ট্র-সভা, এখানে বাংলার বিশেষ পরিচয়ের জন্ম সমস্ত ভারত উপস্থিত হয় নাই। কিন্তু যারা বাস্তবিক স্মৃতি-স্থানে, সামাজিক সম্বন্ধে, আচারে বিচারে এক জাতি হইয়া উঠিয়াছে, তাদের সভাসমিতির যে ধরণ আমাদের সভাসমিতিতেও কি সেই ধরণটাই চলিবে? বাঙালী বেহারীকে কতটুকু জানে—বেহারীই বা বাঙালীর ষথার্থ পরিচয় কতটুকু পাইয়াছে? সব দেশেই রাষ্ট্রবন্ধনের গোড়ায় আছে মানস বন্ধন—মনের সঙ্গে মনের যোগ। বাঙালীর মনটা কি, তাহা আজ আমরা কতকটা জানি—কারণ সাহিত্য, শিল্পে, দর্শনে, বিজ্ঞানে, নানা শুভ অনুষ্ঠানে, সে মন আপনার পরিচয় আপনি দিতেছে। কিন্তু নিখিল ভারতের মনটা কি, তার পরিচয় তেমন প্রত্যক্ষ ত হয় নাই, সে যে এখনো অস্পষ্ট কুয়াশার লোকে স্বপ্নচারী হইয়া আছে। তাকে বাস্তব করিতে গেলে, ভিন্ন ভিন্ন প্রদেশের অনুষ্ঠান প্রতিষ্ঠানগুলিতে সকল প্রদেশের লোকেরই ষনিষ্ঠ যোগ লোকা দরকার এবং মধ্যে মধ্যে এই রকমের বড় বড় সঙ্গীতি, বড় বড় 'মেলা' হওয়া চাই।

এই প্রসঙ্গে মনে পড়িতেছে যে, বছবর্ষ পূর্বে রবীন্দ্রনাথ তাঁর 'স্বদেশী সমাজ' প্রবন্ধে বলিয়াছিলেন যে, দেশের অগণিত অশিক্ষিত জনসাধারণের সঙ্গে যদি আমাদের কংগ্রেস কনফারেন্সাদির যোগ সাধন করা দরকার মনে করি, তবে ঐরূপ বিদেশী ধাঁচার সভার আয়োজন না করিয়া, স্বদেশী ধাঁচার মেলায় আয়োজন করা চাই। কথাটা আমাদের বিশেষভাবে ভাবিয়া দেখা দরকার। এইতো ভারতের সাধুসন্ন্যাসীদের 'কুম্ভমেলা' - অচিরেই বসিতেছে—সেখানে যত জনসমাগম হয় এত কংগ্রেসে হয় না। বীরভূমে 'জয়দেবের মেলা' উপলক্ষ্যে যত লোক জমে, এত কোন বৈদেশিক সভা-সমিতিতে জমেনা। যদি সেইরূপ একটা কংগ্রেস-মেলা বসিত, কংগ্রেসের রথী-মহারথীদের বড় বড় তাঁবু সেখানে পড়িয়া যাইত, ভিন্ন ভিন্ন প্রদেশের জনসমূহকে প্রাদেশিক ভাষায় যাহা বলা দরকার তাহা বলা হইত, এবং সেই সঙ্গে সঙ্গে কাব্য, সঙ্গীত, শিল্প-প্রদর্শনী প্রভৃতি নানাপ্রকারের চিত্তবিনোদন ও লোকশিক্ষা ছয়েরি উপযোগী অনুষ্ঠানের ব্যবস্থা হইত, তবে তখন কেবল যে ভারতবর্ষের শিক্ষিত গুণীজনের মিলন ষনিষ্ঠতর হইত তা নয়, শিক্ষিত ও অশিক্ষিতের মিলনও ষনিষ্ঠ হইবার সুযোগ পাইত।

ভারতবর্ষের যে সকল লোকেরা ইংরাজী জানেনা, তারা কি ভাবে বড় বড় 'মেলা'র আয়োজন করে, ভারতবর্ষের শিক্ষিত সাধারণের সেটা দেখাও উচিত এবং সেই জিনিসটাকে নিজেদের কার্যোপযোগী করিয়া গড়িয়া তুলিবার চেষ্টা করাও উচিত।

শ্রীমতী বেসান্তের বক্তৃতা

কংগ্রেসের সভানেত্রী হইয়া শ্রীমতী বেসান্ত যে বক্তৃতা পাঠ করিয়াছিলেন, তাঁর মত এমন সারালো ও ধারালো বক্তৃতা ইতিপূর্বে কংগ্রেসে কখনও পড়া হইয়াছে কিনা জানি না—অন্ততঃ গত দুই তিন বছরের কংগ্রেসে হয় নাই এটা সুনিশ্চিত।

বর্তমান যুদ্ধ সম্বন্ধে তিনি লিখিয়াছেন যে, ইংলণ্ড যখন বেলজিয়মের স্বাধীনতার জন্ত যুদ্ধে নামিয়াছিল, তখন ভারতবর্ষের আশা হইয়াছিল যে এযুদ্ধে সে ইংলণ্ডের সমকক্ষ হইয়া লড়িবার সুযোগ পাইবে। ইংলণ্ড তার ধন চাহিল, কিন্তু সৈন্য গড়িল না। অথচ ১৮৫৯ হইতে ১৯০৫ খৃষ্টাব্দ পর্য্যন্ত সবশুদ্ধ ৩৭টি যুদ্ধে ভারতবর্ষীয় সিপাহিরা প্রেরিত হইয়াছে এবং এই সমস্ত যুদ্ধের অধিকাংশ ব্যয়ভার ভারতবর্ষকেই বহন করিতে হইয়াছে। ভারতের ভাগ্যে সৈন্য-বিভাগের এই ব্যয়ভার ক্রমশ বাড়িয়াছে বই কমে নাই—যুদ্ধের পূর্বে ক্যানাডা ও অষ্ট্রেলিয়ার সৈন্যসংক্রান্ত ব্যয়ের অনুপাতে ভারতের ব্যয়ের অনুপাত কুড়িগুণেরও বেশি ছিল। এসম্বন্ধে ভূতপূর্ব কংগ্রেস হইতে ক্রমাগত প্রতিবাদ হইয়াছে—ইহা দেখানো হইয়াছে যে, সৈন্যসংক্রান্ত ব্যয়াদিকোর জন্ত ভারতবর্ষে লোকশিক্ষা প্রভৃতির ব্যবস্থা যে পরিমাণে হওয়া উচিত তাহা হইতে পারিতেছে না,—তবু এ সকল প্রতিবাদে বিশেষ স্থান ফলই হয় নাই। অথচ আশ্চর্যের বিষয় এই যে, যে ভারতবর্ষ সৈন্যবিভাগে এত অর্থ জোগাইয়াছে, সেই ভারতবর্ষকেই

অস্ত্র-আইন প্রভৃতি নিষেধক বিধিপ্রচারের দ্বারা নিবীৰ্য্য করিবার জন্ত বিধিমতেই চেষ্টা হইয়াছে। বাঙালী বা মাদ্রাজী পাঞ্জাবীর চেয়ে যে সৈনিক হিসাবে নিকৃষ্ট, একথা বলার এখন আর উপায় নাই;—কিন্তু এই বাঙালীকেই এতকাল ধরিয়া বীৰ্য্য প্রকাশের কিছুমাত্র সুযোগ দেওয়া হয় নাই।

সভানেত্রী একটি কথা তাই জোরের সঙ্গে বলিয়াছেন এই যে, “ভারতবর্ষে ও ইউরোপে এক প্রভুতন্ত্র (autocracy) ও আমলাতন্ত্র (‘Bureaucracy’) যে পর্য্যন্ত না সমূলে বিনষ্ট হইবে সে পর্য্যন্ত যুদ্ধ শেষ হইবে না।”

তারপরে তিনি ভারতে নূতন প্রাণের আবির্ভাবের কতকগুলি কারণ নির্দেশ করিয়াছেন এইরূপ:—

- (১) এঁসিয়ার জাগরণ।
- (২) বৈদেশিক শাসন সম্বন্ধে এবং সাম্রাজ্যের নূতন গঠনের প্রয়োজনীয়তা সম্বন্ধে বিদেশে আলোচনা।
- (৩) শ্বেতকায় জাতিদিগের শ্রেষ্ঠতা সম্বন্ধে ধারণার পরিবর্তন।
- (৪) বণিকদিগের অভ্যুদয়।
- (৫) নারীজাতির জাগরণ।
- (৬) জনসমূহের জাগরণ।

এবং এই প্রত্যেকটি বিভাগ সম্বন্ধেই তিনি বিস্তারিত ভাবে আলোচনা করিয়াছেন।

শ্রীমতী বেসান্ত লিখিয়াছেন যে, শ্বেতকায় জাতিদিগের শ্রেষ্ঠতা সম্বন্ধে ভারতবর্ষীয় লোকদের ধারণার যে ক্রমশ বদল হইয়াছে, তার কারণ থিওসফিক্যাল সোসাইটি ও আর্ধ্যসমাজ ভারতের লোকদের

নিজ সভ্যতার বিশিষ্টতা ও মর্যাদা বুঝিতে সমর্থ করিয়াছে এবং পশ্চিমকে সকল বিষয়ে অন্ধভাবে অনুকরণ করিতেও নিবৃত্ত করিয়াছে। এই প্রসঙ্গে তিনি স্বামী বিবেকানন্দেরও নাম করিয়াছেন। অথচ থিওসফিক্যাল সোসাইটি, আর্ধ্যসমাজ ও বিবেকানন্দ-মিশনের অভ্যুদয়ের অনেক পূর্বে, রামমোহন রায় হইতে আরম্ভ করিয়া মহর্ষি দেবেন্দ্রনাথ ঠাকুর ও রাজনারায়ণ বসু প্রভৃতি এবং তার পরে আর্ধ্য সমাজ ও থিওসফিক্যাল সোসাইটির সমসম কালে ভূদেব মুখোপাধ্যায় ও বঙ্কিমচন্দ্র প্রভৃতি, ভারতের সভ্যতার বিশিষ্টতা ও মর্যাদা সম্বন্ধে ভারতবাসীকে যেভাবে উদ্বোধিত করিয়াছিলেন, তার উল্লেখ থাকা নিতান্তই উচিত ছিল। আর কারও নাম উল্লেখ না করিলেও রাজা রামমোহন রায়ের নাম সর্বাগ্রে কৃতজ্ঞতার সহিত উল্লেখ করা কর্তব্য, কেননা তিনিই আমাদের স্বাভাৱ্য-বোধের জনক। রাষ্ট্রীয় স্বাধীনতার আদর্শ বলি, সমাজ-সংস্কারের আদর্শ বলি, ভারতবর্ষের সভ্যতার আদর্শ বলি—সকল আদর্শেরই প্রেরণা তাঁহা হইতেই প্রসূত। বিশ্বসভ্যতার মধ্যে ভারতীয় সভ্যতার গৌরবময় আসন তিনিই সকলের আগে নির্দেশ করিয়া গেছেন। তারপরে যখন শ্রীমতী বেসান্ত স্বামী বিবেকানন্দের নাম করিলেন, তখন তাঁর উচিত ছিল বঙ্কিমচন্দ্র ও রবীন্দ্রনাথেরও নাম করা। কেননা বিবেকানন্দের চেয়ে দেশাত্মবোধকে জাগ্রত করার ব্যাপারে ইঁহাদের কৃতিত্ব কিছুমাত্র কম নয়। এসকল ক্রটি সত্ত্বেও শ্রীমতী বেসান্তের

বক্তৃতায় দেশ সম্বন্ধে জানিবার ও তাবিবার বিস্তর কথা আছে।

অনুন্নত জাতিদের দুর্দশা নিবারণের প্রস্তাব।

এবারকার কংগ্রেসে স্বায়ত্তশাসন সম্বন্ধীয় প্রস্তাব বিশেষভাবে আলোচিত ও সর্বসম্মতিক্রমে গৃহীত হইয়াছিল বলিয়া বোধ হয় কংগ্রেস-কর্তারা মনে করিয়াছিলেন যে, ইংরাজ প্রভুরা স্বায়ত্তশাসন লাভের প্রধান অন্তরায়রূপে যে জিনিসটাকে নির্দেশ করিয়া থাকেন, সে সম্বন্ধে এবারকার কংগ্রেসের নীরব থাকাটা যুক্তিযুক্ত হইবে না। ভারতবর্ষে ৬ কোটি অস্পৃশ্য ও অনুন্নত জাতি থাকিতে আমরা স্বায়ত্তশাসনের দাবী করি কোন্ হিসাবে— এই কথাই আমাদের প্রভুরা আমাদের কাছে সর্বদাই স্মরণ করাইয়া দেন। অবশ্য আগাদের সমাজে ভেদ বিভেদ যতই থাকুক না কেন, তবু যে আমাদের স্বায়ত্তশাসন দরকার এটা আমাদের জানানোই চাই। কেননা স্বাধীনতা না থাকিলে দায়িত্ব-বোধও জাগেনা এবং দায়িত্ব-বোধ ও কর্তৃত্ব-বোধ না জাগিলে সামাজিক দুর্নীতি ও দুর্দশা নিবারণের চেষ্টাও পূরাপূরি দেখা দেয় না, এটা একবারে স্বতঃসিদ্ধ কথা এবং পৃথিবীর সব দেশের ইতিহাসই এ কথাই সাক্ষ্য দিবে। সে যাহাই হউক, স্বায়ত্তশাসন পাইলে তবেই আমরা সমাজের উন্নতি-সুধনে মনোযোগী হইব, একথা কোন কাজের কথাই নয়। বরং যাতে স্বায়ত্তশাসন যথার্থই নিজায়ত্ত হয় ও সুগম

হয়, সে জ্ঞাত অজ্ঞাত বিষয়েও সচেষ্টিত হওয়া এখন হইতেই দরকার।

এবার কংগ্রেসে তাই একটু নূতন ধরণের প্রস্তাব ছিল এই যে, প্রয়োজন ও শ্রায়ধর্ম সকল দিক হইতেই ভাবিয়া দেখিলে অনুন্নত জাতিদের হৃদশা মোচন করা আমাদের কর্তব্য। এই প্রস্তাব যারা উত্থাপন ও সমর্থন করিলেন তাঁরা সকলেই ভিন্ন প্রদেশীয় লোক—কোন বাঙালীকে এ প্রস্তাবের সমর্থক রূপে দেখিলাম না। যারা নতুতা করিলেন তাঁরা যথেষ্ট জোরের সঙ্গেই রবীন্দ্রনাথ “কর্তার ইচ্ছায় কর্ম”-প্রবন্ধে যে সকল কথা বলিয়াছেন, সেই ভাবের কথাই বলিলেন। একজন বলিলেন যে, আমরা রাষ্ট্রব্যাপারে ‘ব্যারোক্রেসি’ বা আমলা শাসনতন্ত্র দূর করিতে চাই, অথচ সামাজিক ব্যাপারে সামাজিক আমলাতন্ত্রকে প্রশ্রয় দিতে ইচ্ছা করি, ইহার মত অসঙ্গত কাণ্ড আর কিছুই হইতে পারে না। রাষ্ট্রব্যাপারে স্বাধীনতা লাভ পরের ইচ্ছার উপর নির্ভর করিতেছে, কিন্তু সামাজিক ব্যাপারে যারা স্বাধীনতা ও সুযোগ পাইতেছে না, তাহাদিগকে সেই সুযোগ ও স্বাধীনতা দেওয়া ত সম্পূর্ণরূপেই আমাদের ইচ্ছার উপর নির্ভর করিতেছে। তবে আমরা এ সম্বন্ধে নিশ্চেষ্ট ও নিরুদ্বিগ্ন থাকি কেন?

কিন্তু দেখিলাম এই যে, ইংরাজ সরকারের অজ্ঞানের বিরুদ্ধে সামান্য কথাও যেমন উন্মাদনা ও উত্তেজনার সঞ্চার করে, এ বিষয়ে তাহা করিল না। অত বড় সভা হইতে কোন সাধুবাদ বা সম্মতিসূচক

করতালি পড়িল না। সমাজ সম্বন্ধীয় কথাগুলো যে আমাদের মুখরোচক নয়, তাহা পরিষ্কার বুঝা গেল।

সোস্যাল কন্ফারেন্সে

ডাক্তার রায়ের অভিভাষণ

কংগ্রেসের সঙ্গে সঙ্গে কয়েক বছর হইতে সামাজিক কন্ফারেন্স বসিতেছে। সমাজ সংস্কার সম্বন্ধে এ সভাতেও কতগুলি প্রস্তাব গৃহীত হইয়া থাকে। প্রস্তাবগুলি সভার দ্বারাই গৃহীত হয় বটে, তবে যারা সমর্থন করিবার জ্ঞাত হাত তোলেন, সমাজ-সংস্কার সম্বন্ধে তাঁদের যে আগ্রহ আছে তার কোম মানো নাই। সুতরাং সে হিসাবে দেখিতে গেলে এ ধরণের একটা কন্ফারেন্স খাড়া করার বিশেষ সার্থকতা নাই—তার চেয়ে ভারতবর্ষের ভিন্ন ভিন্ন প্রদেশে সমাজের উন্নতি বিধানে উদ্যোগী একটা দল দাঁড় করাইতে পারিলে ভাল হইত।

এ বৎসর ডাক্তার প্রফুল্লচন্দ্র রায় সভাপতি ছিলেন—তাঁর সভাপতির অভিভাষণ তাঁরই উপযুক্ত হইয়াছে। তিনি তাঁর অভিভাষণের গোড়াতেই প্রশ্ন তুলিয়াছেন এই যে, “যখন স্বরাজ বা হোমরুলের কথা দেশের এক প্রান্ত হইতে অত্র প্রান্ত পর্যন্ত ধ্বনিত প্রতিধ্বনিত হইতেছে, যখন ভারতীয় জনগণের সকল শ্রেণীর লোকেরাই রাষ্ট্রতন্ত্র সম্বন্ধে বড় বড় নক্সা প্রস্তুত করিতে ব্যস্ত, এবং যখন সম্মিলিত ভারতের স্বপ্ন আমাদের কল্পনাকে সম্মোহিত করিয়াছে, তখন কেন আমাদের মধ্যে নানা শ্রেণী ও সম্প্রদায়

হইতে প্রতিবাদ ঘোষিত হইতেছে? এমন একটা বিষয়েও আমাদের মধ্যে মতবৈধ হয় কেন?”

এ প্রশ্নের উত্তরও তিনি পরিষ্কার করিয়াই দিয়াছেন। তিনি বলিয়াছেন :— “আমরা জাতীয় সমস্যার ভিন্ন ভিন্ন অংশকে যতই ভাগ করিয়া স্বতন্ত্র করিতে যাই না কেন, তারা পরস্পর পরস্পরের সঙ্গে সংলগ্ন হইয়া আছে; আমরা ইচ্ছামত তাদের এক অংশকে অত্র অংশের চেয়ে বড় করিতে পারি না। এ পর্য্যন্ত সমাজ-সংস্কারকে আমরা যেমনি অবহেলা করিয়া আসিয়াছি, তেমনি এই সময়ে সেই অবহেলার ফল আমাদের চোখে ভোগ করিতে হইতেছে। আমাদের রাষ্ট্রীয় রথের চাকা-গুলিকে সূদ্ধ তাহা অবরুদ্ধ করিতে বসিয়াছে।”

গত দুই মাসের ‘ভারতী’তে ‘বুদ্ধিমানের কর্ম’ নামক প্রবন্ধের প্রসঙ্গে আমরা ত এই কথাটাই অত্রাণ্ড পাঁচ কথার মধ্যে তুলিয়া ধরিতে চেষ্টা করিয়াছি। রাষ্ট্রীয় স্বাধীনতা পাইলেই যে সমাজের সব সমস্যার মীমাংসা আপনিই হইয়া যাইবে, একথা আমরা বিশ্বাস করি না। কেননা আমাদের সমাজে উচ্চ ও নীচ জাতিদের মধ্যে যে কৃত্রিম ব্যবধান আছে, সে ব্যবধানজনিত সংস্কারের প্রতিক্রিয়াটা রাষ্ট্রের ক্ষেত্রেও দেখা দিতে বাধ্য। যেমন ইংরাজ ত আপন দেশে স্বাধীনতার মর্যাদা খুবই বোধে; কিন্তু এদেশে আসিলেই তার সে বোধটা লোপ পায় কেন? তার কারণ কি এই নয় যে, ইংলণ্ডের ডিমোক্রাসির বা গণতন্ত্রের

আব্হাওয়ান বর্ধিত ইংরাজের স্বাধীনতার সংস্কার এখনকার ব্যুরোক্রেসির বা আমলা-তন্ত্রের আব্হাওয়ান পড়িয়া ক্রমশ একেবারেই ধুইয়া মুছিয়া যায়? তখন এখনকার এই নূতন অর্জিত সংস্কারটাই পুরোদস্তুর চলিতে থাকে। ঠিক তেমনিতর, আমাদের সমাজে জাতিভেদের যে সংস্কারটা আমাদের মনের মধ্যে বদ্ধমূল হইয়া আছে, তাহা স্বরাজ বা হোমরুলের সঙ্গে কোন মতেই খাপ খায় না। সুতরাং সে সংস্কারটা দূর করিবার জন্ত আমরা যদি সচেষ্ট না হই, তবে স্বরাজই পাই আর যাই পাই, রাষ্ট্রের ক্ষেত্রেও এ সংস্কারের প্রতিক্রিয়া প্রকাশ পাইতে বাধ্য।

অথচ এ সময়ে লোকের মন হোম-রুলের কল্পনায় এমনি মাতিয়া আছে যে, এ সকল কথা কাহারও রুচি-রোচন হইবে না জানি। বরং উল্টা দিকে এই বিপদের সম্ভাবনা আছে যে, অ্যাংলো ইণ্ডিয়ান সমাজ আমাদের স্বায়ত্ত শাসন লাভের বিরুদ্ধে এ সকল কথাকে নজির স্বরূপে ব্যবহার করিতে থাকিবে। এরি মধ্যে স্টেটসম্যান কাগজ ডাক্তার রায়ের বক্তৃতা হইতে এই ধরণের নজির উদ্ধার করিয়াছে। কিন্তু তাদের ঐটুকু মুখবন্ধের সুযোগ দেওয়া হইবে ভাবিয়া এ সম্বন্ধে দেশের লোকের মুখ বন্ধ করা উচিত নয়। কেননা সময় আসিয়াছে যখন সত্যকে নির্ভীক ভাবেই স্বীকার করা দরকার।

‘রাষ্ট্রীয় স্বাধীনতা পাইতে গেলে সামাজিক স্বাধীনতাও চাই, এ কথা বলার দ্বারা

এমন বুঝায় না যে, তবে বুঝি ষতদিন পর্যন্ত সামাজিক ব্যাপারে, আমাদের সমস্ত ভেদ বিভেদ দূর হইয়া না যাইতেছে এবং সকলের অধিকার প্রশস্ততর না হইতেছে, ততদিন পর্যন্ত রাষ্ট্রীয় স্বাধীনতা পাইবার দাবী আমাদের নাই। আমরা বরং এই কথাই বলি যে, স্বাধীনতা এখানে চাই, ওখানে চাই না—বাহিরে চাই, ঘরে চাই না,—এতটুকু চাই, অত দূর পর্যন্ত চাই না, অনেক পরে চাই, এখন চাই না—এভাবে স্বাধীনতা পাওয়ার কোন অর্থই নাই। কিন্তু আমার ঘরের মধ্যে অনেক পরাধীনতার লজ্জা আছে অনেক রকমের বন্ধন আছে; সেইজন্ত কি বাহিরে পথ চলিবার স্বাধীনতাও আমি দাবী করিব না? তখন কি প্রতিপদেই আমাকে বাধা দিয়া বলা হইবে যে, আগে ঘরের বন্ধন মোচন কর, পরে পথে বাহির হইও। কিম্বা যে ব্যক্তি ঘরে এত বন্ধনে জর্জর, সে পথে বাহির হইলে পদে পদেই হৌচট খাইতে পারে, অতএব তার আর বাহির হইয়া কাজ নাই? বরং এই কথাই কি বলা উচিত নয় যে, উন্মুক্ত আকাশের তলে প্রশস্ত রাজপথে নানা যাত্রীদের সঙ্গে যে একবার জয়ধ্বনি করিয়া বাহির হইয়া পড়ে, সে আর ঘরে ফিরিয়া আসিয়া ধোপের পর ধোপ পিঞ্জরের পর পিঞ্জর তৈরি করিতে উৎসাহিত হয় না—সে সব সঙ্কীর্ণতাকে একেদমে ঘুচাইয়া না দিয়া থাকিতে পারে না? স্বাধীনতাপ্রিয় ইংরাজ এই কথা যদি আজ বলিত, তবে সেই কথাই তার মুখে শোভা পাইত। অতএব রাষ্ট্রীয় স্বাধীনতা আমাদের চাই, কেননা

সেই স্বাধীনতার অভাবেই আমাদের সামাজিক জীবন ও অগ্রগত জীবন সংকুচিত ও নিরুদ্ধ হইয়া আছে; পক্ষান্তরে সামাজিক স্বাধীনতাও আমাদের চাই, কেননা সেই স্বাধীনতার অভাবেই আবার আমাদের রাষ্ট্রীয় জীবন ও অগ্রগত বৃহত্তর জীবন আমাদের মধ্যে বিকশিত হইয়া উঠিবার সুযোগ পাইতেছেন। তার মানে ছই দিক্কার স্বাধীনতাই পরম্পরের অপেক্ষী—একের আবির্ভাবে অত্রেরও আবির্ভাব, একের তিরোভাবে অত্রেরও প্রায় তিরোভাব ঘটিয়া পড়ে।

ডাক্তার রায়ের অভিভাষণে তিনি বাংলাদেশের জাতিভেদ প্রথা সম্বন্ধে ঐতিহাসিক দিক্ হইতে আলোচনা করিয়া তার অসারতা ও ভিত্তিহীনতা প্রতিপন্ন করিতে চেষ্টা করিয়াছেন। তিনি দেখাইয়াছেন যে, বাংলাদেশ সুদীর্ঘ কাল পর্যন্ত বৌদ্ধ ছিল বলিয়া, সেই সময়ে জাতিভেদ প্রথা প্রায় লুপ্ত হইয়াছিল কিম্বা অত্যন্ত বেশি পরিমাণে শিথিল হইয়াছিল বলা যায়। তিনি রিজলী সাহেব ও রমাপ্রসাদ চন্দ প্রভৃতির নৃতত্ত্ব ও ইতিহাস সম্বন্ধীয় গবেষণা হইতে উদ্ধার করিয়া দেখাইয়াছেন যে, বাংলাদেশের ব্রাহ্মণের ব্রাহ্মণ্যের বিশেষ কোন ভিত্তি নাই। আশা করি যে তাঁর অভিভাষণ বাংলা ভাষায় অনুবাদিত হইবে; তখন সকলেই ইহা পড়িবার সুযোগ পাইবেন।

ডাক্তার রায় লিখিয়াছেন যে, আমরা যখন তখন জাপানের উদাহরণ দেখাইয়া বলি যে, দেখ দেখি, ঐশীয় কোন জাতির পক্ষে উন্নতি লাভ করা কি এমনই অসম্ভব?

কিন্তু সামাজিক উন্নতি সাধনে জাপান যাহা করিয়াছে তাহা আমরা ভুলিয়া যাই। জাপানেও অস্পৃশ্য জাতি ছিল এবং সেখানেও সামুরাইগণ ব্রাহ্মণেরই মত সকল বিষয়ে শ্রেষ্ঠ ও গরিষ্ঠ ছিলেন। ১৮৭১ খৃষ্টাব্দে সামুরাইগণ আপনা হইতে নিজেদের শ্রেষ্ঠত্বের অভিমান বিসর্জন দিয়া জাপানবাসী সকলকেই সমান অধিকার দিয়া এক করিয়া লইলেন—জাপানের জাতিভেদ প্রথার উচ্ছেদ সাধন করিলেন। অথচ ১৮৭১ খৃষ্টাব্দে জাপানে যাহা সম্ভব হইয়াছিল, আজ বিংশ শতাব্দীতে ভারতবর্ষে তাহা সম্ভব হয় না, ইহাই আশ্চর্য্য।

ডাক্তার রায় বাঙালীর মস্তিষ্কের অপব্যবহার সম্বন্ধে অনেকবার লিখিয়াছেন—এবারেও সে বিষয়ে তিনি খোঁচা দিতে ছাড়েন নাই। তিনি আক্ষেপ করিয়া লিখিয়াছেন যে, ইউরোপে যে সময়ে গ্যালিলিও, কেপ্লার, নিউটন প্রভৃতি বিজ্ঞানের সিংহদ্বার উন্মোচন করিতেছিলেন, তখন নবদ্বীপের নৈয়ামিকেরা উত্তর পশ্চিম কোণে বিশেষ মুহূর্ত্তে কাক ডাকিয়া উঠিলে সেটা শুভ কি অশুভ এবং তার ফলাফল কি হইতে পারে, তাহারই নির্ণয়ে মহা ব্যস্ত—বাঙালীর মস্তিষ্কের অপব্যবহারের এর চেয়ে আর কি দৃষ্টান্ত হইতে পারে?

অবশ্য ডাক্তার রায়ের অভিভাষণের সমালোচনায় বোধ করি এই কথা বলা যাইতে পারে যে, তিনি যাহা বলিয়াছেন সমস্ত কথাই অত্যন্ত সত্য ইহাতে সন্দেহ মাত্র নাই—তবু তিনি সমাজের সকল প্রথা ও রীতি নীতিকে কেবলমাত্র সংস্কার-

কের চোখ দিয়াই দেখিয়াছেন। বিস্তর ঐতিহাসিক নজির সংগ্রহ করিলেও সামাজিক প্রথাগুলিকে যথার্থ ঐতিহাসিকের চোখে অথবা সমাজতত্ত্ব-বিদের চোখে তিনি দেখেন নাই। আমাদের দেশে জাতিভেদ-প্রথা কোন সত্য ভিত্তির উপরে যখন প্রতিষ্ঠিত নয়, তখন তাহা এই বর্তমান আকারে টিকিবে না, এটা শীঘ্র হোক বিলম্বে হোক আমাদের দেশের লোককে বলিতেই হইবে। কিন্তু এ প্রথার উৎপত্তির সময়ে কোন আদর্শ ইহার মধ্যে প্রকাশ পাইয়াছে তাহা জানা উচিত। অর্থাৎ, সমাজ গঠনের আদর্শে গুণকর্মবিভাগের কোন প্রয়োজনীয়তা আছে কিনা তাহা ভাবিয়া দেখা উচিত। আমরা সমাজের শীর্ষে ইউরোপীয় সমাজের ধনকুলীন চাই, মা ত্যাগী ও জ্ঞানতপস্বী ব্রাহ্মণ চাই—এ একটা মস্ত প্রশ্ন। সুতরাং এ সকল আদর্শের কথা বাদ দিলে হিন্দুসমাজের কোন প্রথা কোন আচার সম্বন্ধেই সুবিচার করা হয় না। তার পর, আমাদের স্ত্রীলোকেরা যে শিক্ষার অভাবে নানা রকমের কুসংস্কারে আচ্ছন্ন, এটা যেমন সত্য কথা, এটাও তেমনি সত্য যে আমাদের স্ত্রীলোকেরা সমাজের ভিতর দিয়া নানা স্বাভাবিক উপায়ে, ব্রত দান ধ্যান ক্রিয়াকর্ম যাত্রা কথকতা প্রভৃতির ভিতর দিয়া যে সকল অমূল্য শিক্ষা অর্জন করে, যে হী ধী ও শ্রী লাভ করে, সহস্র কেতাবী শিক্ষায় সে সকল সম্পদের অধিকারিণী তারা হইতেই পারিত না। এই যে নৈসর্গিক ‘কালচার’, ইহাকে ‘একচোখো’ সংস্কার অগ্রাহ

করিলেও ইহার যথেষ্ট মূল্য আছে; একথা অস্বীকার করিতে পারি না। এই পুরাতনের বনিয়াদের উপরেই নূতন বাড়ীর পত্তন হইবে—আমাদের সম্পদ যেখানে যাহা আছে তাকে আহরণ করিয়া তবেই তাকে কালের উপযোগী করিয়া গড়িয়া পিটিয়া লওয়া সম্ভব।

কিন্তু ডাক্তার রায় যেন স্পষ্ট কথা খুব স্পষ্ট করিয়াই বলিয়াছেন, এ জন্ত তিনি কৃতজ্ঞতার পাত্র। সমাজের তত্ত্ব নিরূপণের চেষ্টায় অনেক সময় তথ্যগুলো চাপা পড়িয়া যায়। মাঝে মাঝে সেই তথ্যগুলোকেও উচু করিয়া ধরা দরকার। কেননা, তাহা হইলেই তত্ত্ব নিরূপণের বেলায় sophistry'র চেষ্টাটা ম্লান হইয়া পড়ে। তত্ত্বের সাক্ষাৎকার লাথের মধ্যে একজন তত্ত্ববিদ করিয়া থাকেন, তিনি ধন্ত—কিন্তু তর্ক—কুতর্কের—sophistry'র অত্যাচার—বাকী আমরা যারা ভোগ করি তাদের উদ্ধারের জন্ত তথ্য চাই, অত্যন্ত নীরস-কঠিন তথ্য চাই—আর কিছুই না।

ভারতবর্ষে এক ভাষা প্রচলনের প্রস্তাব

ভারতবর্ষে এক ভাষা প্রচলনের প্রস্তাব সম্বন্ধেও এবার কলিকাতায় এক কনফারেন্স বসিয়াছিল। কর্মবীর শ্রীযুক্ত মোহনদাস করমচাঁদ গান্ধি মহোদয় মনে করেন যে, ভারতবর্ষের ভিন্ন ভিন্ন প্রদেশের লোকদের পরস্পরের কথাবার্তা কহিবার ভাষা ইংরাজী না হইয়া হিন্দী হওয়া উচিত। কেননা, ভারতবর্ষের অধিকাংশ লোকই

হিন্দী ভাষা বুঝিতে পারে, মুসলমান আমলেও এই ভাষাই সর্বত্র প্রচলিত ছিল। ইংরাজী ভাষাতে ভারতের ভিন্ন ভিন্ন প্রদেশের শিক্ষিত লোকেরা আলাপ করেন বলিয়া জনসাধারণের সঙ্গে তাঁদের আর যোগ থাকিতেছে না। বাস্তবিক ইংরাজী কয়জন লোকে বোঝে? তা ছাড়া ইংরাজীতে ভাব প্রকাশ করিতে গিয়া আমরা ক্রমশ বিজাতীয় হইয়া পড়িতেছি, আমাদের মন অলক্ষ্যে ইংরাজী সভ্যতার দ্বারা অভিভূত ও আচ্ছন্ন হইয়া পড়িতেছে। এই সকল কারণে গান্ধি মনে করেন যে হিন্দীভাষা শিখিয়া ঐ ভাষাতেই ভারতের সকল প্রদেশের লোকদিগের পরস্পরের সহিত কথাবার্তা বলা উচিত।

হিন্দী ভাষা উত্তর পশ্চিম ভারতবর্ষে অধিকাংশ লোকেই বোঝে এ কথা সত্য বটে, কিন্তু তেলেগু-তামিল-কানাড়ী-ভাষী দক্ষিণ ভারতের লোকেরা এ ভাষা বোঝে না। বাঙালী ও ওড়িয়ারাও যে হিন্দী বোঝে তা বলা যায় না—হিন্দীর সঙ্গে বাংলার কতক সাদৃশ্য আছে বলিয়াই সহজ দুটো চারটে হিন্দী কথা বাঙালী বুঝিতে পারে। সুতরাং ভারতবর্ষটাকে গোটা ধরিলে এমন কোন ভাষাই নাই যাহা সমস্ত ভারতের লোকদের অধিগম্য বলা যায়।

ইংরাজী ভাষা যে আমরা শিখি, তাহা কেবল ইংরাজ আমাদের রাজা—অতএব ঐ ভাষা রাজভাষা—বলিয়া নয়। ইংরাজী শিক্ষার দ্বারা আমাদের মন বিখমানব-মনের রাজ্যে প্রবেশ করিবার পরওয়ানা

পাইয়াছে। সুতরাং মনের ক্রিয়াটাকে যদি সচল রাখা আমাদের অভিপ্রায় হয়, 'কাল্চার' জিনিষটার প্রতি যদি আমাদের মনের অনুরাগ থাকে, তবে ইংরাজী না শিখিলে আর কোন ভাষা শিক্ষার দ্বারাই আমাদের মনের ধর্ম পূরোপুরি বজায় থাকিবে না। কেননা, বিশ্বের জ্ঞানকে ইংরাজী ভাষা নিজের ভাণ্ডারের মধ্যে মজুত করিয়াছে। প্রধানতঃ এই কারণেই আমরা কথাবার্তায় ইংরাজী এত বেশি পরিমাণে ব্যবহার করিতে বাধ্য হই—কেননা ইংরাজী ভাষার ধাত্বী-স্ত্রে আমাদের মন যে পুষ্ট। বাংলা ভাষা যে এই কয় বছরের মধ্যে এমন অসাধারণ উন্নতি লাভ করিয়াছে, বাংলা সাহিত্য যে বিশ্বসাহিত্যে আসন পাইয়াছে, তারও কারণ এই যে, ইংরাজীর ভাষা-সম্পদকে বাংলাভাষাই সব চেয়ে বেশি আহরণ ও আত্মসাৎ করিয়াছে। এই আধুনিক বাংলাভাষাকে ও আধুনিক বাংলা-সাহিত্যকে 'ফেরঙ্গ'-ভাষা ও 'ফেরঙ্গ'-সাহিত্য বলিয়া যিনি যতই বিক্রম করুন, গঙ্গাকে যেমন গঙ্গোত্রীতে হটাইয়া লইয়া যাওয়া যায় না, তেমনি এ ভাষা ও সাহিত্যের গতিকে এখন বাংলার মধ্যযুগে ফিরাইয়া লইয়া যাওয়া অসম্ভব। এই ভাষা পুরোহিত হইয়া বিশ্ব-মনের সঙ্গে বাঙালীর মনের যে পরিণয় সাধন করিয়াছে, তাকে অস্বীকার করিবার সাধ্য কাহারও নাই।

সেইজন্য স্বভাবের নিয়মে আপনিই ভারতীয় প্রাদেশিক ভাষাগুলি ও সাহিত্য-গুলি ইংরাজীর ভাবৈশ্বৰ্য্যে সম্পংশালী

হইয়া উঠিতেছে, অথচ তাদের নিজেদের বিশেষত্বও বিলুপ্ত হইতেছে না। কেননা দেখিতে পাই যে, ইংরাজীর ভাবকে তারা আত্মসাৎ করিয়া লইতেছে, নিজেদের দেশীয় সভ্যতার ছাঁচে ঢালাই করিয়া রূপান্তরিত করিয়া লইতেছে। সেইজন্য আধুনিক বাংলাসাহিত্য ইংরাজী সাহিত্যের দ্বারা অনুপ্রাণিত এ কথাও যেমন সত্য, তাহা ইংরাজী সাহিত্য হইতে বিশিষ্ট ইহাও তেমনি সত্য। "এই যে দেওয়া-নেওয়া, ইহাই স্বাভাবিক। পৃথিবীর ভিন্ন ভিন্ন জাতি ও সভ্যতার মধ্যে এই আদান-প্রদানের সম্বন্ধটা সজীব না হইলে, তারা-ত প্রত্যেকেই পরস্পর হইতে একান্ত বিচ্ছিন্ন হইয়া পরস্পরের প্রতিবাদী হইয়া দাঁড়াইবে। ভারতবর্ষের সভ্যতার যদি কোন বিশিষ্টতা থাকে তবে তাহা এই যে, নানা জাতির নানা ধর্ম রীতিনীতি আচার অনুষ্ঠানকে ভারতবর্ষ আত্মসাৎ করিয়া এক বিরাট সমন্বয়-স্ত্রে বাধিয়া দিতে পারিয়াছে। আর কোন সভ্যতাই এত বিচিত্রতাকে হজম করিতে পারে নাই। সেইজন্য ভারত-বর্ষের স্বাভাবিকতার পরিকল্পনায় যেমন ভিন্ন ভিন্ন জাতি ও সভ্যতার স্থান আছে, তেমনি ইংরাজজাতি ও পাশ্চাত্য সভ্যতারও স্থান আছে। "পূর্ব পশ্চিম আসে, তব সিংহাসন পাশে, প্রেমহার হয় গাঁথা"—এইটেই ভারতের বিশেষ গৌরবের কথা।

ভিন্ন ভিন্ন প্রদেশের ভাষাগুলির সঙ্গে সাহিত্যের সঙ্গে যেমন ইংরাজীর একটা জৈব সম্বন্ধ দাঁড়াইয়া গেছে, তেমনি ভারত-

বর্ষে যদি কোন ভাষার সার্বজাতিক ভাষা হইবার অধিকার থাকে, তবে সে অধিকার ইংরাজীরই আছে। কেননা এই ভাষার আশ্রয়ে আমরা যে ভারতবর্ষের ভিন্ন ভিন্ন প্রদেশের লোকেরাই পরস্পরের ভাবের ও চিন্তার বিনিময় করিতে পারি তাহা নয়, আমরা এই ভাষার সূত্রে সমস্ত বিশ্বের সঙ্গে চিন্তার আদান প্রদান করিতে ইচ্ছা করি। বিশ্বকে সামনে রাখিলে আমাদের বাণীর মধ্যে যে মহৎ উদারতা যে সার্বভৌমিক সত্য, যে উজ্জ্বল আনন্দ দীপ্যমান হইয়া উঠে, শুধু ভারতবর্ষকে সামনে রাখিলে তাহা হয় না। তখন অলঙ্কিতে আমাদের চিন্তার মধ্যে প্রাদেশিকতার সঙ্কীর্ণতা প্রবেশ করে। এযুগে জগতের কাছে ভারতের বাণী যীরা বহন করিয়া লইয়া গেছেন, সেই রামমোহন, কেশবচন্দ্র, বিবেকানন্দ, রবীন্দ্রনাথ—কোন্

ভাষায় সেই বাণীকে ঘোষণা করিতে পারিয়াছেন? ইংরাজী ভাষায় নহে কি?

অতের জীবন যথেষ্টপরিমাণে আত্মসাৎ করিলে কোন সভ্যতারই নিজের বৈশিষ্ট্য কোনকালেই নষ্ট হয় না, নিজের অতীতের সঙ্গে বর্তমানের যোগসূত্র ছিন্ন হইয়া যায় না। রামমোহন রায়ই সকলের আগে ইংরাজী ভাষা শিক্ষার প্রয়োজনীয়তা অনুভব করিয়াছিলেন, অথচ তাঁর মত ভারতের অতীত গৌরব, ভারতের সভ্যতার বৈশিষ্ট্য আর কেহই আমাদের জন্ত উদ্ধার করিয়া যান নাই। ভারতবর্ষের জাতি-বৈচিত্র্যে ইংরাজও বৈচিত্র্য সম্পাদন করিতেছে— ভারতীয় সভ্যতার সমন্বয়ের মধ্যে ইংরাজেরও স্থান আছে—এই কথাটি যদি স্বীকার করি তবে ইংরাজীভাষাকে বাদ দিয়া মানসিক জড়ত্বলাভের জন্ত আমাদেরকে ব্যস্ত হইতে হইবে না।

শ্রীঅজিতকুমার চক্রবর্তী।

নব-হিন্দুদের সহিত ইংরেজের সম্বন্ধ

(সমসাময়িক ভারতের নৈতিক সভ্যতা)

(ফরাসী হইতে)

যাহারা নব্যভারত গড়িয়া তুলিয়াছিল, যাহারা একদিন ভারতের শাসনকার্য্য নিৰ্বাহ করিবে তাহারা ঠিক সেই সব লোক যাহারা উচ্চপদাঙ্কী, অসম্ভষ্ট, যাহাদিগকে অনেকে মনে করে—“হঠাৎ বড়” ও স্বশ্রেণী-বহির্ভূত।

ইংরেজের সহিত ইহাদের কিরূপ সম্বন্ধ বৃত্তিতে হইলে, পৃথকরূপে উভয়ের মনোভাব পর্যালোচনা করা আবশ্যিক।

প্রথমতঃ ভারতবাসীর মনোভাব।

উনবিংশ শতাব্দীর প্রথমার্ধে, যাহা কিছু ইংরেজী তাহাই ভাল এইরূপ মনে কর

নব-হিন্দুদের একটা বাতিকে মধ্য ছিল :— ইংরেজী পোষাক পরা, ইংরেজী ধরণে জীবনযাত্রা নির্বাহ করা, ইংরেজী ভাষায় কথা কওয়া, ইংরেজী ভাষায় লেখা। উহাদের সংখ্যা খুবই কম এবং উহারা নিতান্ত সামান্ত শ্রেণীর লোক। পক্ষান্তরে কোম্পানীর শাসন আমলের ভিত্তি তেমন সুনিশ্চিত ছিল না; আমীর-ওমরা ও ব্রাহ্মণদিগের বিরুদ্ধে যুঝিবার জন্ত কোম্পানী, ইংরেজীভূত ভারতবাসীদিগের উপর নির্ভর করিল; তাহার পর, উনার মতামতের একটা “ফ্যাশান্” আসিয়া পড়িল, তখন উহারা ভারতকে সভ্য করিয়া তুলিতে ইচ্ছুক হইল; এই সমস্ত কারণ, ইংরেজ ও নব-হিন্দুর মধ্যে সম্বন্ধটাকে সহজ করিয়া তুলিল।

কিন্তু ১৮৫৭ অব্দের সিপাহী-বিদ্রোহে ইংরেজদের বিশ্বাস নষ্ট হইল; দিল্লী ও কানপুরের দারুণ ক্রাণ্ডে উহাদিগকে অধীর করিয়া তুলিল; ভয়াকুল হইয়া, উহারা বিদ্রোহী ও রাজভক্ত প্রজাদের মধ্যে কোন পার্থক্য রাখিতে চাহিল না। উহাদের সংবাদপত্রাদি, সে সময়ের সমস্ত অত্যাচার ভারতবাসীদের স্বক্ষে চাপাইল, স্বকীয় সমাজ হইতে উহাদিগকে প্রত্যাখ্যান করিল। তাহার পর বিজয়ের উন্নততা। কোম্পানীর আমল হইতেই ইংরেজরা বিপদের আশঙ্কা করিত; ইংলণ্ডাধিপতি রাজার শাসন-আমলে উহারা বেশ অনুভব করিল, ভারতবাসী নিষ্পেষিত হইয়াছে, চিরকালের মতো নিষ্পেষিত হইয়াছে।

তথাপি শিক্ষাসংক্রান্ত নিয়মের ফল

ফলিতে আরম্ভ করিল। প্রতিবৎসর ইংরেজি-ধরণে শিক্ষিত ভারতবাসীর সংখ্যা বাড়িতে লাগিল; সরকারের অধীনে নিম্ন-পদ সকল অধিকার ফরিয়া উহারা আপনাদের শক্তিসামর্থ্য অনুভব করিতে আরম্ভ করিল। দরিদ্র, বিলাতী বিলাস-সামগ্রীর দ্বারা উত্তেজিত, শিক্ষা-প্রসূত নূতন নূতন অভাবের তাড়নায় বিচলিত,—ইহারা যে সকল বেতনের পদ ইংরেজের জন্ত রক্ষিত ছিল, সেই সকল বেতনের পদ পাইবার জন্ত দাবী করিতে লাগিল। যে দেশে ত্রিশকোটি অধিবাসীর মধ্যে কেবল ৪ লক্ষ ৫০ হাজার লোকের ৮০০ ফ্র্যাঙ্ক (ফ্র্যাঙ্ক = ১০ আনা—এখন আরও বেশী) মাত্র বার্ষিক আয় সেই দেশে ২০, ৪০, ১০০,০০০ বেতনের পদ আছে।

সরকারী কাজে নিযুক্ত হইবার উদ্দেশ্যে যে সমস্ত যুবকবৃন্দ সরকারী স্কুলে শিক্ষিত, তাহাদের মধ্যে অনেকে পরীক্ষায় উত্তীর্ণ হইল না; যাহারা কাজে নিযুক্ত হইল তাহাদের মধ্যে অনেকে, একঘেয়ে জীবন-যাত্রা-পদ্ধতিতে ও স্বল্পবেতনে বিরক্ত হইয়া কন্ঠে ইস্তফা দিল। উক্ত উভয়দলই সাহিত্যের দিকে মুখ ফিরাইল, কিংবা সংবাদপত্র-সম্পাদক, সভা-সমিতি-পরিচালক, ও পুস্তিকা-প্রচারক হইয়া দাঁড়াইল। উহাদের মধ্যে কতকগুলি লোক খুব খ্যাতি লাভ করিল। অধিকাংশ লেখক বিফল-মনোরথ হইল; অনেক স্থলে নিম্নতর বর্ণ হইতে উদ্ভূত হইয়া, আত্মীয়দের সহিত সমস্ত বন্ধন ছিন্ন করিয়া, ভারত-বাসীগণ কর্তৃক প্রত্যাখ্যাত হইয়া, ইংরেজদের

কর্তৃক প্রত্যাখ্যাত হইয়া এই সকল শিক্ষাহীন, দুর্দশাপন্ন, টোকো মেজাজের লোক, রাষ্ট্রনৈতিক বাদানুবাদের মধ্যে প্রচণ্ড উগ্রতা, কটু-কাটব্য, স্থূলরুচিতা, অশ্রান্ততা আনিয়া ফেলিল, অন্তরে অপারিসীম বিদ্বেষ পোষণ করিয়া উহারা জনসাধারণকে বিদ্রোহে উত্তেজিত করিতে লাগিল। দুর্ভাগ্যক্রমে উহাদের এই প্রচণ্ড উগ্রতা, অকপটতার প্রমাণ বলিয়া বিবেচিত হইল। অনেক সময়ে উহারা সেইসব সমাজ-সংস্কারকে আপনাদের দলে টানিয়া আনিয়া যাহারা স্বকীয় চরিত্র ও ক্ষমতার গুণে, আত্মরক্ষণে অসমর্থ নিতান্ত অজ্ঞ জনসাধারণের প্রকৃত রক্ষক হইবার উপযুক্ত।

* *

*

প্রথমে ভারতবাসীদের দোষ, তাহার পর ইংরেজের দোষ।

স্বকীয় গ্রন্থের নিম্নোক্ত অংশে, শ্রীযুক্ত প্রমথ বসু উহা সঙ্ক্ষেপে ব্যক্ত করিয়াছেন।

“ভারতে, ইংরেজরা বাস করে না। ভারতকে উহারা এমন-একটি দেশ মনে করে যেখানে, কি বণিক, কি কারখানা-ওয়াল, কি সরকারী কর্মচারী সকলেরই প্রধান উদ্দেশ্য—অর্থোপার্জন করা। বিশেষত আজিকার দিনে বাষ্পপোতের চলাচলের উন্নতি হওয়ায় এইরূপ অবস্থা দাঁড়াইয়াছে; কেননা, তিনমাসের ছুটিতেও তাহারা একদোড়ে বাড়ী যাইতে পারে। তাছাড়া, তাহাদের মধ্যে অল্প লোকই হিন্দুজাতিকে সভ্যজাতির মধ্যে গণ্য করে, এবং ভারতবাসীর সহিত সমানভাবে মেশামেশি করিবে

বলিয়া তাহারা স্বপ্নেও ভাবে না।” (Hindu Civilization I. p. 4 XII.)

এই দোষারোপগুলি বিচার করিয়া দেখা যাক। ইহা নিশ্চিত, ইংরেজ আগন্তকের মধ্যে অধিকাংশ লোকই টাকা করিবার জন্তই কিংবা শুধু জীবিকা নির্বাহ করিবার জন্তই ভারতে আসিয়া আড্ডা গাড়িয়াছে, ভারতের কিংবা ভারতবাসীর ইষ্টানিষ্টে তাহাদের কোন ‘গা’ নাই। ইহাও নিশ্চিত, এই দোষটা ক্রমে বাড়িয়াই চলিয়াছে। সেকালে, উহারা বিশ ত্রিশ বৎসর ভারতেই থাকিত, দেশে ফিরিয়া যাইত না। এবং যেহেতু বড় বড় নগরে খুব অল্পসংখ্যক ইংরেজ বাস করিত, কাজেই তাহারা দেশীয় লোকের সহিত মেশামেশি করিতে বাধ্য হইত। আজিকার দিনে, বণিক ও রাজকর্মচারীদের মনে সর্বদাই ইংলণ্ডই জাগিতেছে, উহাদের মধ্যে কেহ কেহ প্রতি বৎসরেই, অনেকে তিন বৎসর কিংবা চারি বৎসরান্তে ইংলণ্ডে যাত্রা করে। শীতকালে পর্যটক ও রাজনৈতিকদিগের আমদানী হয়। সমস্ত বড় বড় নগরে ইংরেজরা আপনাদের মধ্যেই অবস্থিতি করে। ইংরেজের এক পৃথক অঞ্চলই আছে—Cantonment। ইংরেজের ক্লাব, ইংরেজের দোকান, ইংরেজের সংবাদপত্র, ইংরেজী কথাবার্তা, ইংরেজদের একটা বিশেষ মতামত,—দেশীয় মতামতের সহিত তাহার কোন সম্পর্ক নাই। খাতনামা হিন্দুদের গৃহে যাতায়াত করা, কুশিক্ষার নিদর্শন বলিয়া বিবেচিত হয়। দীর্ঘকাল ধরিয়া রাজকর্মচারীরা এই উভয় দলের মধ্যে মধ্যস্থত

করিবার চেষ্টা করিয়াছিলেন। সেই অবধি কলিকাতার সর্বপ্রধান ক্লব কোন রাজ-কর্মচারীকে কখন গ্রহণ করে নাই। আজিকার দিনে, যাহারা ত্রিশকোটি ভারতবাসীর শাসনকর্তা হইবেন, সেই সব যুবকের মধ্যে অনেকে ভারতকে হাসিয়া উড়াইয়া দেয় ও ভারতবাসীর দিকে পিঠ ফিরাইয়া বসে।

এই দুই জাতির মধ্যে বৈরতার আর এক কারণ :—হিন্দুদের অভ্যুত্থান। এখন সর্বত্রই চোখের সামনে দেখিতে পাওয়া যায় :—ভারতবাসীরা পরীক্ষা দিতেছে, সংবাদপত্রের সম্পাদকতা করিতেছে, কারখানা, ব্যাঙ্ক ও সওদাগরের কুঠী স্থাপন করিতেছে। যে সকল উদার-চিত্ত পুরাতন “অ্যাগ্নো-ইণ্ডিয়ান,” দেশীয় লোকদিগের মুকুবি হইতে ভালবাসেন, তাঁহাদের মধ্যে কয়জন আছেন যাহারা, তাঁহাদের ভূতপূর্ব আশ্রিত জনেরা তাঁহাদের দোষ প্রদর্শন করিয়া তাঁহাদের কাজের বিচার-আলোচনা করিলে, অথবা জজের আসনে বসিয়া কিংবা রাজ-কর্মচারীর উচ্চপদে অবস্থিত হইয়া, তাঁহাদিগের প্রতি ছকুমজারী করিলে বরদাস্ত করিতে পারেন? যে আইনের দ্বারা ভারতীয় ম্যাজিস্ট্রেট যুরোপীয়কে গ্রেপ্তার কিংবা বিচার করিবার অধিকার পাইয়াছিল, সেই আইন ভারতীয় ইংরেজদিগের অসহ হইয়া উঠিল। এই আইনের প্রবর্তক

লর্ড রিপন, ইংরেজদের চক্ষুশূল হইলেন। কিন্তু লর্ড রিপনের ইংলণ্ডে প্রত্যাবর্তন-কালে, কলিকাতা, এলাহাবাদ ও বোম্বাইয়ের যাত্রাপথে শতসহস্র হিন্দু উচ্চকণ্ঠে ষেরূপ অভিবাদন করিয়াছিল ভারতে কোন নৃপতি সেরূপ অভিবাদন প্রজাবন্দ হইতে কখনো প্রাপ্ত হয় নাই। (১)

ভারতীয় ইংরেজ-মণ্ডলী অনেক সময়ে খুব তীব্রকটু অথচ ভদ্রোচিত ভাষায় স্বীয় অসন্তোষ প্রকাশ করে; তবু কখন কখন বিদ্রোহবশতঃ দেশীয়দিগের প্রতি অবমাননাও করিয়া বসে। এই প্রবন্ধে তাহা অনেক বার উদ্ধৃত হইয়াছে।

“Dept fordএর ৪০০ নির্বাচক, কোন নব-সৃষ্ট এলাকার উদারনৈতিক উমেদার রূপে লালমোহন ঘোষকে বরণ করিতে ইচ্ছা করায়, তিনি তাহাদের অভিলাষ পূর্ণ করিতে কৃতসঙ্কল্প হন। এই ৪০০ ক্রোধাক্ত নগণ্য লোক পাগলা-গারদের বাসিন্দা হইবার উপযুক্ত, আমাদের দেশের ভাগ্য তত্ত্বাবধান করা তাহাদের কর্ম নহে। যদি একজন বাঙ্গালী বাবু পালেমেন্টে প্রবেশ লাভ করে, তাহা হইলে শীঘ্রই “আর্যাদিগের” ইহা একটা আকাঙ্ক্ষিত স্থান হইয়া উঠিবে। ইংরেজ জনসাধারণ এই মুঢ় নূতনতার পথে চলিতে আরম্ভ করিয়া কোথায় গিয়া থাকিবে? একটা বনমানুষকে কাপড় পরাইয়া খাড়া করিয়া দাও, দেখিবে,

(১) একথা সত্য, (১৮৮৩) Ilbert Bill সংশোধিত হইয়াছিল : কৌজদারী মোকদ্দমায় ইংরেজ জুরী ভিন্ন ইংরেজের বিচার হইতে পারে না। কেবল প্রথম শ্রেণীর দোষীর মেজিস্ট্রেট ইংরেজকে গ্রেপ্তার করিতে পারে, কেবল প্রথম শ্রেণীর দেশীয় জজই ইংরেজের বিচার করিতে পারে। দেওয়ানী ও কৌজদারী মোকদ্দমায় হাইকোর্ট পর্যন্ত আপীল চলিতে পারে। হাইকোর্টে ইংরেজ-জজের সংখ্যাই অধিক।

কোন কোটির এলাকায় তাহার নির্বাচনের অনেক সম্ভাবনা আছে। তাছাড়া এই ঘোষাবাবু অপেক্ষা বনমানুষ চের বুদ্ধিমান। এই ঘোষাবাবু ঢাকায় যে সব মনোভাব প্রকাশ্যভাবে ব্যক্ত করিয়াছিলেন, তাহার জন্ত তাঁহার ডাক-নাম হইয়াছিল Pol-cat। ঈশ্বরকে ধন্যবাদ, এই ৪০০ নির্বাচককে লইয়াই একটা নির্বাচনের এলাকা নহে, শেষমুহূর্ত্তে যখন ইংরেজের দেশানুরাগ জাগিয়া উঠিবে, তখন ঘোষাবাবু তাঁহার ভ্রম বুঝিতে পারিবেন। তখন রাস্তার মুটেমজুর রাগান্বিত হইয়া তাঁহার ধুটতার জন্ত তাঁহার বিলক্ষণ নাকাল করিবে। যে-সব ইতর বাঙ্গালী ইংরেজ-মহিলার পাণি গ্রহণ করিতে সাহসী হয়, তাহাদের সম্বন্ধে আমরা গ্রামবিচার করিব, কিন্তু যে ইংরেজ-মহিলা একজন এ দেশী লোককে বিবাহ করিয়াছে তাহাকে বারান্দার গ্রাম প্রকাশ্যভাবে ধিকার করা উচিত,—সে রমণীর লজ্জা-শরম

নাই; সে স্ত্রীজাতির কলঙ্ক, সে ইংরেজ-কুলের কুলাঙ্গার।” (Bengal Times. June, 1885)।

এই দুই জাতির মধ্যে, সামাজিক-সম্বন্ধে বিদ্বেষ ভাব কৃতদূর যাইতে পারে তা তো দেখাই যাইতেছে। এ রোগের কি ঔষধ নাই? কতকগুলি ইংরেজ বা ভারতবাসী সেরূপ মনে করেন না। M. Cotton, Sir William Hunter, M. Digby, Sir William Wedderburn—ইহাদের প্রণীত উদার ভাবের গ্রন্থাদি হইতে এবং Bright ও Gladstone প্রভৃতির বক্তৃতা হইতে সপ্রমাণ হয় যে, এমন কতকগুলি ইংরেজ আছেন যাহারা ভারতবাসীদের মানসিক ও নৈতিক মূল্য বুঝিতে সমর্থ; পক্ষান্তরে মালাবারী, M. Ghose, M. Dutta প্রভৃতির গ্রন্থ হইতে সপ্রমাণ হয় যে, ইংলণ্ড ও ইংরেজ ভারতের জন্ত যাহা করিয়াছে তজ্জন্ত ভারতবাসীদের মধ্যে অনেকেই ইংলণ্ড ও ইংরেজের প্রতি কৃতজ্ঞ।

শ্রীজ্যোতিরিন্দ্রনাথ ঠাকুর।

অভাগী

(অস্তনু শেখভের গল্প হইতে)

বাসাবাড়ীর একটি ঘরে বসিয়া ষ্টিফেন ক্লস্কোভ্ ‘অ্যানাটমি’র পড়া মুখস্থ করিতেছিল।

জানলার ধারে একটি যুবতী—দেখিতে রোগা, বয়স বছর পঁচিশ, নাম অনীতা। হেঁটভাবে বসিয়া সে একটি পিরাণের গলা

সেলাই করিতেছিল। ক্লস্কোভ্ ডাক্তারী পড়ে, অনীতা তাহারই সঙ্গে থাকে।

সকাল হইয়া গিয়াছে অনেকক্ষণ, কিন্তু এখনো ঘর-দুয়ার গুছাইয়া পরিষ্কার করা হয় নাই। বিছানাটা লণ্ডভণ্ড—তাহার উপরে বালিশ, কাপড়-জামা, বই প্রভৃতি

হরেক-রকম জিনিষ এলমেলো ভাবে ছড়ানো
রহিয়াছে।

রুস্কোভ্‌ নরদেহের পার্শ্বস্থি সম্বন্ধে পাঠ
মুখস্থ করিতেছিল। পড়িতে পড়িতে বই
হইতে মুখ তুলিয়া সে একবার কড়িকাঠের
দিকে তাকাইল। তারপর আপন মনে বলিল,
—“পাঁজ্‌রার এই হাড়গুলো হচ্ছে পিয়ানোর
চাবির মত। এগুলো ভাল করে বুঝতে
হলে হয় মড়ার কঙ্কাল নয় জীবন্ত
মানুষের দেহ নিয়ে পরীক্ষা করা দরকার।
—নৈলে সব গুলিয়ে যেতে পারে।...হঁ,”
অনীতা—এদিকে এস ত!”

অনীতা সেলাই রাখিয়া উঠিয়া আসিল।
রুস্কোভ্‌ তাহার সামনে বসিয়া তার
পাঁজ্‌রার হাড়গুলো হাত দিয়া একে একে
গুণিতে লাগিল।

—“তাইত, প্রথম হাড়খানা হাতে ঠেকে
মা কেন!—এই যে, এখানা নিশ্চয় দ্বিতীয়
হাড়! হ্যাঁ, এটা হচ্ছে তৃতীয়, আর
এটা চতুর্থ! ঠিক! অনীতা, তুমি অমন
শিউরে শিউরে উঠছ কেন?”

—“উঃ! তোমার আঙুলগুলো ভারি
কনকনে যে!”

—“তাতে হয়েছে কি, এতে ত আর
তুমি মরে যাবে না! এস—হ্যাঁ, এই
হচ্ছে তৃতীয় হাড়, এই হচ্ছে চতুর্থ!
... ..অনীতা, তুমি এত রোগা, তবুও
তোমার গায়ের হাড়গুলো ভাল করে হাতে
ঠেকেছে না! এটা দ্বিতীয়—এটা তৃতীয়
... ..আরে হ্যাঁ, সব যে গুলিয়ে যাচ্ছে!
অনীতা, আমার পেন্সিলটা নিয়ে এস ত!”

রুস্কোভ্‌ পেন্সিল দিয়া অনীতার

আড় বুকের উপরে সারি সারি কতকগুলো
সরল রেখা টানিল।

“এতক্ষণে ঠিক হোল। এইবার আমি
তোমাকে সহজেই পরীক্ষা করতে পারব।
উঠে দাঁড়াও!”

অনীতা উঠিয়া দাঁড়াইল—রুস্কোভ্‌
একমনে তাহার পাঁজ্‌রার হাড়গুলো পরখ
করিতে লাগিল। এদিকে বেচারী অনীতার
নাক, ঠোঁট ও হাতের আঙুলগুলো হাড়-
ভাঙ্গা শীতে ক্রমেই যে শীঠাইয়া নীল
হইয়া উঠিতেছে—পরীক্ষায় তন্ময় রুস্কোভ্‌
তাহা মোটেই খেয়ালে আনিল না। অনীতাও
ভয়ে কিছু বলিতে ভরসা করিল না—বাধা
দিলে পাছে তাহার পড়াশুনার কোন
ক্ষতি হয়!

রুস্কোভ্‌ বলিল—“এতক্ষণে সব বোঝা
গেল। অনীতা, তুমি চুপচাপ বসে থাকো
—দেখো, পেন্সিলের দাগ যেন উঠে না
যায়! ততক্ষণে আমি পড়াটা আরেকটু
এগিয়ে নি!”

রুস্কোভ্‌ আবার পাইচারি করিতে
করিতে বই পড়িতে লাগিল।

অনীতা শীতে কাঁপিতে-কাঁপিতে আড়ষ্ট
হইয়া বসিয়া রহিল। তাহার বুকময়
পেন্সিলের লাইন—ঠিক যেন উজির দাগ!
স্বভাবতই সে মৌনবতী—এখনো সে কোন
কথা কহিল না, বসিয়া-বসিয়া আপন মনে
কি যে ভাবিতে লাগিল, তা সেই জানে!...

আজ ছ-সাত বছর সে এমনি করিয়া
নানান ছাত্রের সঙ্গে বাস করিয়া আসিতেছে।
সে-সব ছাত্র এখন পড়াশুনো সাজ করিয়া
যে যার নিজের ধান্দায় চলিয়া গিয়াছে।

অভাগিনী অনীতার কথা এখন ভুলিয়াও কেহ ভাবে না বোধ হয়। তারা যে এখন নামজাদা লোক—কেহ ডাক্তার, কেহ চিত্রকর, কেহ প্রফেসর!... ..ক্লস্কোভ্‌ও একদিন তাহাকে একলা ফেলিয়া আর-সকলেরই মত চলিয়া যাইবে! কালে সেও হয়ত একজন মস্ত বড়লোক হইবে।

কিন্তু, ভবিষ্যতের কথা ভবিষ্যৎ জানে—বর্তমানে ক্লস্কোভের ত হৃদশার সীমা নাই! পয়সার অভাবে এখন তাহার চা ও চুরুট পর্য্যন্ত জ্বোটেনা। অনীতা সেলাইয়ের কাজ করিয়া যদি কিছু পয়সা আনিতে পারে, তবেই ক্লস্কোভের তামাক ও চা কিনিবার উপায় হইবে।

বাহির হইতে কে ডাকিল—“ওহে, আমি ভিতরে যেতে পারি কি?”

অনীতা তাড়াতাড়ি একখানি পশমী শাল টানিয়া আপনার খোলা বুকের উপর ফেলিয়া দিল। ফেটিসভ্‌ ঘরের ভিতরে ঢুকিল। সে চিত্রকর।

তার মাথার লম্বালম্বা চুল মুখ অবধি ঝুলিয়া পড়িয়াছে, তাহারই মধ্য হইতে বগু জস্তর মত চাহিয়া ফেটিসভ্‌ বলিল, “ওহে, তোমার কাছে আমার একটি প্রার্থনা আছে। তোমার অনীতাকে একবার ঘণ্টা-দুয়ের জন্তে ছেড়ে দিতে পারবে? আমি একখানা ছবি আঁকছি—কিন্তু ‘মডেলে’র অভাবে কাজ এগোচ্ছে না।”

ক্লস্কোভ্‌ বলিল, “নিশ্চয়ই, নিশ্চয়ই! অনীতা, তুমি এখনি যাও!”

অনীতা মৃদুস্বরে বলিল, “কিন্তু আমার

শেলাই এখনো শেষ হয়নি যে!”

“চলোয় যাক্ শেলাই। আমার বন্ধু হচ্ছেন আর্টিষ্ট—আর্টের জন্তে উনি তোমাকে নিয়ে যাচ্ছেন, এত আর যে-সে কাজ নয়!”

অনীতা নীরবে জামা-কাপড় পরিতে শুরু করিল।

ক্লস্কোভ্‌ জিজ্ঞাসা করিল, “তুমি কি আঁকছ?”

—“একটি স্নানরতা সুন্দরী! বিষয়টা চমৎকার! কিন্তু বন্ধু, তুমি এমন নোংরা হয়ে থাক কেমন করে?”

—“কি করব বল, বাড়ী থেকে আমি মাসে মাসে মোটে উনিশ-কুড়ি টাকা পাই, তাতে কি আর ভদ্রলোকের দিন চলে?”

—“হ্যাঁ, হ্যাঁ,—তা বটে! কিন্তু, তবু তুমি ইচ্ছে করলে আরেকটু মানুষের মত থাকতে পার ত! শিক্ষিত লোকের রুচি থাকা উচিত, তা না হলে চলবে কেন? এই স্থাথনা, তোমার বিছানা এখনো বাসি রয়েছে, আর ঘরের চারিদিকে এমনি ময়লা আর জঞ্জাল জমেছে যে, পা পাতবার জো নেই,—আরে ছোঃ ছোঃ!”

ক্লস্কোভ্‌ অপ্রস্তুত হইয়া বলিল, “হ্যাঁ, তা ঠিক বটে, কিন্তু অনীতা আজ এত ব্যস্ত ছিল যে, ঘর-দুয়ার গুছোবার একটুও সময় পায় নি।”

বুকুর সঙ্গে অনীতা চলিয়া গেলে, ক্লস্কোভ্‌ সোফার উপরে শুইয়া পড়িল এবং সেই অবস্থায় পড়া মুখস্থ করিতে

করিতে ঘুমের ঘোরে তাহার চক্ষু আচ্ছন্ন হইয়া আসিল।

ঘণ্টাখানেক পরে তাহার ঘুম ভাঙিয়া গেল। অনীতা তখনো ফিরে নাই।

রুস্কোভ্ উঠিয়া বসিয়া আকাশ-পাতাল নানান কথা ভাবিতে লাগিল।

তাহার বন্ধুর কথা মনে হইল—“শিক্ষিত লোকের রুচি থাকা উচিত।”—বাস্তবিক, সে কি পশুর মতই আছে! আজ এই ঘরখানা তাহার চোখে ঠিক নরকের মত দেখাইতে লাগিল।

রুস্কোভের সামনে আশাভরা ভবিষ্যতের জল্জলে ছবি জাগিয়া উঠিল। তখন সে একজন গণ্যমান্ত ডাক্তার,—রোগীরা তাহার প্রকাণ্ড ডাক্তারখানায় বসিয়া আছে,—এক ধনীর মেয়েকে সে বিবাহ করিয়াছে,—সাজানো-গুছানো ঘরে স্ত্রীর সঙ্গে বসিয়া পরম আরামে সে চা পান করিতেছে।

এই উজ্জল দিবান্বপ্নের পাশে, অনীতার সাদাসিধা, এলমেল, ময়লা পোষাক-পরা, সঙ্কল্প মূর্ত্তি কি বেমানান!... রুস্কোভের মনে হইতে লাগিল, অনীতাকে আজই বিদায় করা দরকার।

এমনসময় অনীতা ফিরিয়া আসিল।

সে বাহিরের কাপড় ছাড়িতেছে,—
—রুস্কোভ্ গম্ভীরভাবে বলিল, “দেখ অনীতা, একটা কথা আছে শোন, তোমার আর আমার একসঙ্গে থাকা চলবে না,—অর্থাৎ, তোমাকে আর আমার কোন দরকার নেই।”

আঁচিষ্টের ঘরে ছবির মডেল হইয়া ঠার

দাঁড়াইয়া থাকিয়া অনীতা কেমন গ্রাতাইয়া পড়িয়াছিল—তাহার শীর্ণ মুখখানি এখন যেন আরো-বেশী রোগা দেখাইতেছিল।
... ..রুস্কোভের কথায় সে কোন জবাব দিল না—সুধু তার ঠোঁটখানি একটু কাঁপিয়া উঠিল।

রুস্কোভ্ বলিল, “আজই হোক আর দুদিন পরেই হোক, আমার কাছে তোমার চিরদিন থাকা যখন আর চলবে না, তখন এ নিষে আর ভাবনা-চিন্তে মিছে! আর, তুমি ত বোকাও নও—সুতরাং, আমার কথা তুমি বুঝতেই পারছ!”

অনীতা আবার পোষাক পরিতে লাগিল। তারপর মৌনমুখে তাহার সেলাইয়ের টুকটাকি জিনিসগুলি গুছাইয়া লইল। তার টেবিলের পাশে কাগজের মোড়কে খানিকটা চিনি ছিল; সেটুকু একখানা বইয়ের মলাটের উপরে রাখিয়া অনীতা কোমল স্বরে বলিল, “এই—এই—তোমার চিনি রইল”—বলিয়াই সে চোখের জল ঢাকবার জন্ত তাড়াতাড়ি অন্তদিকে মুখ ফিরাইল।

রুস্কোভ্ বলিল, “কি বিপদ, তুমি কাঁদছ যে!”

অনীতা মাটির দিকে চাহিয়া শুরু মূর্ত্তির মত দাঁড়াইয়া রহিল—তাহার অশ্রু-ভরা কণ্ঠে একটিও কথা বাহির হইল না।

রুস্কোভ্ ঘরের ভিতরে পাইচারি করিতে-করিতে বলিল, “তুমি আশ্চর্য্য করলে দেখচি! জানই ত, সময়ে আমাদের ছাড়াছাড়ি হবেই,—চিরকালটা ত আর আমাদের একসঙ্গে থাকা সম্ভব হবে না!”

অনীতার জিনিষ-পত্র গুছানো শেষ হইল। ক্রস্কোভের দিকে ফিরিয়া সে বিদায় লইতে গেল—“আমি তবে আসি?”

এই কথাটাতে যেন ক্রস্কোভের চটকা ভাঙিল;— ভবিষ্যতের স্বপ্নটা যেন জাগরণের মধ্যেও পক্ষবিস্তার করিয়া উড়িতেছিল। সে মনে মনে বলিল, “অনীতা না হয় আরো কিছুদিন এখানে থেকেই যাক। তারপরে তাকে সময়-মত যেতে বললেই হবে!”—তারপর নিজের এই দুর্বলতায় নিজের উপরেই হঠাৎ চটিয়া গিয়া ক্রস্কোভ ক্রস্কস্বরে বলিয়া উঠিল, “এস, এস, তুমি ওখানে দাঁড়িয়া রইলে কেন

অনীতা? যেতে চাও—যাও; থাকতে চাও—থাকো! নাও, জামা খোলো, তুমি থাকতে পার!”

অনীতা তাহার বাহিরের পোষাক খুলিতে লাগিল, নীরবে—চুপেচুপে। তারপর লুকাইয়া চোখের জল মুছিয়া, একটি অক্ষুট দীর্ঘশ্বাস ফেলিয়া, জানলার ধারে আপনার জামগাটিতে গিয়া নিঃশব্দে বসিয়া পড়িল।

ক্রস্কোভ আবার তাহার ডাক্তারী বইখানা লইয়া পড়া শুরু করিয়া দিল— “দক্ষিণস্থ ফুস্ফুস ত্রিভাগে বিভক্ত, যথা—” রাস্তায় একটা ফিরিওয়াল হাঁকিয়া উঠিল,—“খাবার চাই, খাবার!”

শ্রীরেণু রায়।

শীতের সকালবেলা

শীতের সকালবেলা,—আলো আজ
হয়েছে রূপণ,

খোলে নাই দানছত্র তার;
উপাসী নয়ন তাই করে প্রাণপূর্ণ,
একবার চেয়ে, ফিরে চায় আর-বার!

গেছে দিন,—নাই আর খুসি হয়ে
মুঠো ভরে দান।

কাঙাল তো বোঝে না সে কথা;
অভাব প্রবল যার তারি অপমান,
শুধু চায়, ভুলে গিয়ে মানের মমতা!
শ্রীপ্রিয়ম্বদা দেবী।

সমালোচনা

আলোয়া। শ্রীমতী নিরুপমা দেবী প্রণীত। প্রকাশক, শ্রীযুক্ত গুরুদাস চট্টোপাধ্যায়, ১০১ কর্ণওয়ালিস স্ট্রীট, কলিকাতা। এম্বলয়েন্ড প্রিন্টিং ওয়ার্কসে মুদ্রিত। মূল্য আট আনা। এখানি গুরুদাস চট্টোপাধ্যায় এণ্ড সন্সের প্রকাশিত ‘আট-

আনা-সংস্করণ-গ্রন্থমালার ষোড়শ সংখ্যক গ্রন্থ। এ গ্রন্থে লেখিকার রচিত ‘আলোয়া’, ‘প্রত্যাপ্যান’, ‘নূতন পূজা’ ও ‘হৃদী’ শীর্ষক চারিটি ‘বড় গল্প’ সংগৃহীত হইয়াছে। গল্পগুলিকে ঠিক ছোট গল্প বলা চলে না; অথচ এগুলি উপস্থাসও নয়।

‘নুতনপূজা’ গল্পের প্লট ছোটগল্পের; কিন্তু রচনার বাহ্যাদোষ প্রবল, ভাষা অত্যন্ত কেনানো—তাহার ফলে ভংরাক্রান্ত হইয়া ছোটগল্পের আর্ট ক্ষুদ্র হইয়াছে। ‘আলেয়া’ গল্পের ভাষা কটমট, প্লটও বিশেষত্বহীন। ‘প্রায়শ্চিত্তের’ প্লটে উপস্থাসের উপাদান ছিল, কিন্তু সেটিও লেখিকা ‘সাঁটে’ সারিয়াছেন। শেষটুকু টানিয়া বুনিয়া দেওয়ার করুণ রস প্রাণে কোথাও একটু ছাপ রাখিতে পারে না। “দিদি” ও “অন্নপূর্ণার মন্দির”—রচয়িত্রীর হাতে রচনাগুলি আরও উজ্জ্বল বর্ণে ফুটিবে বলিয়া আশা ছিল, কিন্তু আমরা “আলেয়া” পাঠে নিরাশ হইয়াছি।

অষ্টক । শ্রীযুক্ত বিভূতিভূষণ ভট্ট ও শ্রীমতী নিরুপমা দেবী প্রণীত। প্রকাশক, শ্রীযুক্ত গুরুদাস চট্টোপাধ্যায়, ২০১, কর্ণওয়ালিস স্ট্রীট, কলিকাতা। এমারেণ্ড প্রিন্টিং ওয়ার্কসে মুদ্রিত। মূল্য দেড় টাকা। এই গ্রন্থে শ্রীযুক্ত বিভূতিভূষণ ভট্ট রচিত চারিটি গল্প “পক্ষীরাজ”, “বোবার ডায়েরি” “অগ্নিশুদ্ধি” ও “স্নেহের সার্জারী” এবং শ্রীমতী নিরুপমা দেবী-রচিত চারিটি গল্প “ব্রতভঙ্গ”, “চাঁদের আলোর প্রাণী”, “প্রত্যর্পণ” ও “অপমান না অভিমান ?”—সর্বসমেত এই আটটি গল্প সংগৃহীত হইয়াছে। ‘বোবার ডায়েরি’ এবং ‘অপমান না অভিমান’ এই দুইটি গল্প আমাদের ভাল লাগিয়াছে—গল্প দুটিতে মনস্তত্ত্বের নিপুণ বিশ্লেষণ এবং অভিনবত্ব আছে। “অগ্নিশুদ্ধি” গল্পের প্রারম্ভভাগ চমৎকার; বেশ একটি সামাজিক সমস্যা লেখক খাড়া করিয়াছিলেন, এবং হৃদয়ের দিক দিয়াই তাহার সমাধান মিলিবে ভাবিয়াছিলাম; কিন্তু সহসা শেষের দিকে গোঁড়ামির চাপে পড়িয়া গল্পটি মাটি হইয়া গিয়াছে। লেখকের গোঁড়ামির রাশি জগবন্ধুকে হঠাৎ এমনি বেকায়দায় টান দিয়াছে যে শেষদিকটায় সে বেচারী একেবারে হেঁয়ালির অন্ধকূপে হুট খাইয়া মরিয়াছে। “স্নেহের সার্জারী”র রচনা-ভঙ্গী প্রাঞ্জল, সরল, কিন্তু প্লটে

বিশেষত্ব নাই। নবীন ও মাধুরীর মিলনটুকু একেবারে থিয়েটারী ধরণের হইয়াছে। “অপমান না অভিমান ?” গল্পটি চমৎকার লাগিয়াছে। গ্রন্থের ছাপা কাগজ বাঁধাই সুন্দর।

প্রেমাবতার শ্রীগৌরাজ । শ্রীযুক্ত দিগন্ত নারায়ণ ভট্টাচার্য প্রণীত। সিরাজগঞ্জ ‘দরিদ্র বান্ধব ঔষধালয়’ হইতে শ্রীযুক্ত যতীন্দ্রনারায়ণ ভট্টাচার্য ও শ্রীযুক্ত সত্যেন্দ্রনারায়ণ ভট্টাচার্য কর্তৃক প্রকাশিত। কলিকাতা, মণিকা প্রেসে মুদ্রিত। মূল্য দুই আনা। ঐতিহাসিক ভিত্তির উপর এই ক্ষুদ্র জীবনোথানি প্রতিষ্ঠিত। লেখা ভাল, কোথাও গদগদ বাজে উচ্ছ্বাস নাই। ভাষা সরল, আড়ম্বরহীন।

নারীরত্ন । প্রকাশক শ্রীযুক্ত হুশান্তকুমার ঘোষ, ৫২ রামকান্ত বহুর স্ট্রীট কলিকাতা। শ্রীগৌরাজ প্রেসে মুদ্রিত। মূল্য ছয় আনা মাত্র। এখানি জনৈক হিন্দু-রমণীর জীবন-কাহিনী। পাঠ করিয়া তৃপ্ত হইয়াছি। এক গৃহস্থ রমণী অবরোধের গুণীর মধ্যে থাকিয়া সংসারের ও সমাজের কত কাজ করিতে পারেন—সমাজের উপর তাহার নীরব আড়ম্বরহীন জীবন-ধারা কতখানি প্রভাব বিস্তার করিতে পারে—এ সমস্ত বিষয় অত্যন্ত ‘ঘরোয়া’ রকমে সহজ ভাষায় এ গ্রন্থে বিবৃত হইয়াছে। এ গ্রন্থ-পাঠে আদর্শ শিক্ষা হয়। প্রত্যেক বালিকা-বিদ্যালয়ে এ গ্রন্থখানি পাঠ্য তালিকাভুক্ত হইতে দেখিলে আমরা সুখী হইব। গ্রন্থের প্রধান গুণ, যাহার কাহিনী বিবৃত হইয়াছে, তাহার নামটুকু শুধু জানিতে পারা যায় তাছাড়া অপর কোন পরিচয় নাই—চকানাদ করিয়া আদর্শ খাড়া করিবার চেষ্টা আদৌ নাই—প্রকাশকের পক্ষে এ সংযম আজিকালিকার দিনে অল্প প্রশংসার কথা নয়। গ্রন্থের ছাপা কাগজ ভাল।

শ্রীমতীমত শর্মা ।

কলিকাতা—২২, হুকিয়া স্ট্রীট, কাশ্মির প্রেসে শ্রীহরিশরণ শর্মা কর্তৃক মুদ্রিত ও ২২, হুকিয়া স্ট্রীট হইতে

শ্রীকালীচাঁদ দালাল কর্তৃক প্রকাশিত।

ভারতী

৪১শ বর্ষ]

ফাল্গুন, ১৩২৪

[১১শ সংখ্যা

যুদ্ধ-গীতি *

রণরঙ্গিনী নাচে, নাচেরে

নাচে, ঐ নাচে !

ক্ৰন্ ক্ৰন্ ঠ্ঠন্ ঠ্ঠন্ নাচেরে

নাচে

রণ মাঝে ।

ঝাঁজর কামবাম বাজেরে

বাজে, শুন বাজে !

ডম্‌ডম্‌ ডমকু আঁঙাঝে রে

বাজে, শুন বাজে !

গরজে তোপ কামান মাঝে

জগজননী সমর সাজে রে

নাচে !

আজি নাচে !

ঐ নাচে !

রণ মাঝে ।

(বন্দে মাতরং)

২

অভয়ার ডুকু বাজেরে

বাজে রণমাঝে

রক্ত-তপ্তকর ছুঁকারে শঙ্খ

নিনাদে, জয়নাদে !

পায়ে পায়ে তালে তালে চল্‌রে চল্‌

সবে চল্‌ ! আগে চল্‌ !

মারিতে মারিতে চল্‌ চল্‌রে ত্বরিতে

দলে দল দলে দল !

গরজে তোপ কামান মাঝে

জগজননী সমর সাজে রে

নাচে !

আজি নাচে !

ঐ নাচে

রণমাঝে ।

(বন্দে মাতরং)

* মেসোপটেমিয়া হইতে যুদ্ধযাত্রী বাঙ্গালী সৈনিকদের অনুরোধে যুদ্ধক্ষেত্রে গাহিতে গাহিতে বাইবার জন্ত এই marching song টি রচনা করিয়া স্বরলিপি সমেত প্রেরিত হইয়াছে।

মা ভৈঃ মা ভৈঃ রবে চল ছুটে সবে

আহবে, আগে কে হবে !

বিজয় বা স্বরগের স্বাদ কেবা লবে

আহবে, আগে কে হবে !

আমি সে, আমি সে, আমি, আমি, আমি,

যেতে দে, আগে হতে দে !

রণরঙ্গে মার সঙ্গে হতে দে

আগে যেতে দে !

গরজে ভোগ কামান মাঝে

জগজননী সমর সাজে রে

নাচে !

আজি নাচে !

ঐ নাচে

রণমাঝে !

(বন্দে মাতরং)

শ্রীসরলা দেবী ।

স্বরলিপি

কিঞ্চিৎ খান্সাজ—কাওয়ালি ।

[স' স' ॥ র' -> গ' গ' । গ' ম' প' ধপ' । গ' প' ম' গ' ।

র' ৭ র' - জি নী না - চে - না - চে -

রগ' রস' নু' স' ॥ র' -> -> -> । -> -> গর' সন' । নু' স' র' -> ।

রে - না - চে - - - - - ঐ - না - চে -

-> ->] -> -> ॥ স' গর' গ' -> । গ' ম' প' ধপ' । গ' প' ম' গ' ।

- - - - - রুন্ - রুন্ - ঠু' নু' ঠু' নু' না - চে -

রগ' রস' নু' স' ॥ র' -> -> -> । -> র' গ' । মী' -> প' -> । -> ॥

রে - না - চে - - - - - র' ৭ মা - ষে - -

স' -> স' স' । স' স' নু' স' । নু' স' র' র' -> । র' গর' স' র' ॥

কা - কা র' কা ম' কা ম' বা - জে - রে - বা -

গ' -> -> -> । -> -> ম' মগ' । র' ম' গ' -> । -> ॥ স' -> স' -> ।

জে - - - - - শু' ন' বা - জে - - - - - ডম্ - ডম্ -

স' স' নু' স' । র' -> র' -> । র' গর' স' র' । গ' । -> ম'

ড ম' রু' আ' গুয়া - জে - রে - বা - জে - শু'

মগ' । র' ম' গ' । গ' ধ' ধ' -> ॥ ধ' -> ধ' ধ' । ধ' স' নো'

ন' বা - জে গ' র' জে - জো - প' কা' মা - ন'

ধ' । প' মী' ধপ' -' । -' -' স' স' । র' গ' গ' -' । গ'
- মা - ঝে - - - জ গ জ' ন নী - স

ম' প' ধপ' । গ' প' ম' গ' । রগ' রস' ন' স' ॥ র' । -' গ'
ম' র - সা' - জে - রে - না - চে - আ

রস' । ন' স' -' । -' গ' রস' । ন' স' র' । -' -' র' গ' ।
জি' না - চে - ঞ্জ - না - চে - - র' গ

মী' প' । -' -' ॥

মা ঝে - -

স' স' র' গ' । গ' ম' প' ধপ' । গ' প' ম' গ' । রগ' রস' ন'
অ ভ যা র ড - কা - বা - জে - রে - বা

স' ॥ র' । -' গ' রস' । ন' স' র' । -' ॥ সগ' গ' গ' ।
- জে - র' গ' মা - ঝে - র' ক্ত ত

-' গ' গ' গ' । গ' গ' গ' । ম' গ' র' ॥ ন' স' র' । -' র'
- প্ত ক র হু কা রে' শ ঙ্গ নি না - দে - জ

গ' । মী' প' । -' ॥ স' স' স' স' । স' স' ন' স' । র' র' ।
য় . না দে - পা য়ে পা য়ে তা লে অ লে চল্ রে

র' গর' স' র' ॥ গ' । -' ম' মগ' । র' ম' গ' । -' ॥
চ ল্ স বে চ . ল্ আ গে চ - ল্ -

স' স' স' স' । স' স' ন' স' । র' র' র' র' । র' র' স' র' ॥
মা রি তে ম রি তে চ ল্ চ ল্ রে ত্ রি তে দ লে

গ' । -' ম' মগ' । র' ম' গ' ॥ গ' ধ' ধ' -' ॥
দ ল দ লে দ - ল্ গ' র জে -

ধ' -' ধ' ধ' । ধ' স' নো' ধ' । প' মী' ধপ' -' ।
তো - প কা মা - ন - মা - ঝে -

-' -' স' স' । র' গ' গ' -' । গ' ম' প' ধপ' ।
- - জ গ জ' ন নী - স ম র -

গ' প' ম' গ' । রগ' রস' ন' স' ॥ র' । -' গ' রস' । ন' স'
সা - জে - রে - না - চে - আ জি না -

—১। —২ গ' রস' ।। ন' স' র' । —৩। —২ র' গ' । মী' প' । —২ —২ ।।
চে — ঐ — না — চে — — র গ মা ষে — —

স' স' র' । গ' ম' প' প' । গ' প' ম' গ' । র' গ' র' স' ।।
মা ভৈ মা ভৈ — র বে চ ল ছু টে স বে —

ন' স' র' । —২ গ' রস' । ন' স' র' । —৩ ।। গ' গ' গ' ।
আ হ বে — আ গে কে হ বে — বি জয় বা

গ' গ' গ' । গম' প' ম' গ' । র' গ' র' রস' । ন' স' র' ।
স্ব র গের স্বা দ কে বা ল — বে — আ হ বে

—১ র' গ' । মী' মী' প' । —৩ ।। স' স' স' । স' স' স' ।
— আ গে কে হ বে — আ মি সে আ মি সে

র' র' র' র' । র' র' স' র' । গ' । —২ ম' মগ' । র' গ' ম' ।।
আ মি আ মি আ মি যে তে দে — আ গে হ তে দে

—৩ ।। স' স' স' । স' ন' স' । র' র' । —২ স' র' ।
— র গ র জে মা র স জে — হ তে

গ' । —২ ম' মগ' । র' গ' ম' ।। গ' ধ' ধ' —৩ ।।
দে — আ গে যে তে দে গ র জে —

ধ' —৩ ধ' ধ' । ধ' স' নো' ধ' । প' মী' ধপমীপ' —৩ ।
তো — প কা মা — ন — মা — ষে —

—৩ —৩ স' স' । র' গ' গ' —৩ । গ' ম' প' ধপ' ।
— — জ গ জ ন নী — স ম র —

গ' প' ম' গ' । রগ' রস' ন' স' ।। র' । —২ গ' রস' । ন' স' ।
সা — জে — রে — না — চে — আ জি না —

—২ । —২ গ' রস' । ন' স' র' । —৩ । —২ র' গ' । মী' প' । —২ —২ ।।
চে — ঐ — না — চে — — র গ মা ষে — —

শ্রীসরলা দেবী ।

পুশ্কিনের কবিতা

স্বপ্নময়ী

ঝাপসা ভোরের আলোয় এলে তুমি,
ভোরের আলোয় দেখেছি ওই ছবি,
ছেলেবেলাই গানের প্রসাদখানি
তোমার বরে পেয়েছে এই কবি।
স্বর্গ-পথে দেউটি-হাতে এসে
কী মালা মোর জড়িয়ে দিলে কেশে!

হিন্দোলাতে ঘুমিয়েছিলাম শিশু—
মর্ত্যালোকের ধূলি-মলিন গেহে,
স্বর্গ হ'তে কখন এসে চুপে
আশীশ্ তুমি করলে গভীর স্নেহে;
এলে যদি রও কাছে, বান্ধবী!
যে-অবধি মরে না যায় কবি।

প্রাণে কেবল ঢালো স্বপ্ন-মধু,
পেলব ও হাত রাখো এ মোর মাথে,
লঘু তোমার পক্ষ-ছুটি দিয়ে
ঢাকো আমায় ঢাকো দিবস-রাতে;
ছুখের উদাস?—পাঠাও বনবাসে,
থাকো তুমি থাকো আমার পাশে।

মনকে আমার নাওগো তোমার করে,—
ভুলিয়ে রাখো সব-ভোলানো স্মরে,
পথ দেখিয়ে চল গো নিয়ে মোরে
জীবন-শেষের চির-জীবন-পুরে।
জালো তোমার আঁধার-হরণ-বাতি
চিরযুগে জাগ্রত যার ভাতি।

মাদুলি

পাহাড়ে আর পোস্তা-গাঁথা গড়ের ভিত্তে যেথা
গাঁজলা-মুখো, চেউএর হানাহানি,—
সন্ধ্যাবেলার কুয়াসাতে ফিকে চাঁদের আলো
চোখে যেথায় স্বপ্ন মিলায় আনি,—
রংমহলের আল্‌কোহলে মাতাল হ'য়ে যেথা
জীবন ফুঁকে ছায় গো তুরুক্‌গুলি,—
ইস্তাশুলি সেই মুলুকের এক যে যাহুকরী
দিয়েছিল আমায় এ মাদুলি।

হাতের পরে হাতাটি রেখে আঁধির পরে আঁধি
বলেছিল—“যত্নে রেখো এরে
ভালোবাসার কবচ এ যে রাখলে এ ধন বুকে
পড়বেনাকো ফালতো ফ্যাসাদ করে।

ঝড়-তুফানে এ মোর কবচ আসবেনাকো কাজে—
জানিয়ে রাখি তোমায় খোলাখুলি,—
মৃত্যু এলে শিয়র-দেশে হয় তো গো বাঁচাতে
পারবেনাকো আমার এ মাদুলি।

গুপ্ত ধনের মালিক হ'তে পারবেনা এর গুণে,
সোনার খনি মিলবে না এর বলে;
ছদ্মনেরা পড়বেনাকো আপনি তোমার পায়ে
এই মাদুলি ধারণ করার ফলে।

স্মরণ-করা-মাত্র এসে মিলবে না সহসা
মনটা যারে কাছে পেতে করছে বুলোবুলি,
প্রবাসে মন কাঁদলে পরে তোমার আপন দেশে
পৌঁছে দিতে পারবেনা মাদুলি।

কিন্তু যদি চটুল চোখের চাউনি চপল কভু
কাবু তোমায় করে যাহুর বলে,
অনুরাগের অরুণিমা নেইক যে অধরে
সে যদি ছোঁয় তোমার অধর ছলে,

প্রেমের যদি হয় অপমান মনের ভুলে কভু
ছুখের সাগর মর্মে ওঠে ফুলি',
অবিখ্যাসী হাসির ফাঁসী কণ্ঠ যদি রোধে
রক্ষা তখন করবে এ মাহুলি।"

ভগ্নহৃদয়

গোপন প্রাণের সাধের স্বপন সকল গেল মরে,
রইলু বেঁচে আমি ;

মুকুল-দশায় অনেক আশাই শুকিয়ে গেল ঝরে
অনেক মনস্কামই ।

মৌন হিয়ায় খেদের হাহাধ্বনি—
রইল পুঞ্জি,—পাঁজরে কালফণী ।

উড়িয়ে নে যায় দুর্গিরতির ছরন্ত ঝঞ্জাতে
কবির মুকুট মম, —

আপন বলতে রইলনা কেউ তুলতে ধরে' হাতে,—
জগৎ মরু সম ।

ছন্নছাড়া, আঙার-মাড়া আঁধি,
ভাবছি শুধু শেষের কত বাকী ।

নগ্ন শাখার পাণ্ডুছবি শেষ-পাতাটির মত
উঠছি কেবল কেঁপে,
জাড়ের বাদল ঝড়ের মাদল বাজিয়ে শতশত—
তুমার ঘোড়ায় চেপে—

পাহাড় হ'তে আসবে কবে নেমে ?
কাঁপন আমার ফুরিয়ে যাবে থেমে ।

আমার ছবি

(পুশ্কিনের পনেরো-বছর বয়সের রচনা ।)

আমার ছবি চাই, লিখেছ, তাই হবেগো তাই,
লকেট-সাইজ্ দিই এঁকে, নাও, একটু ফারাক নাই ।
ভালো-ছেলে নইক, বলে' রাখছি গোড়াতে,
হাঁদা ছাড়া যা' বল জাই,—চটবন্য তাতে ।
ঋণচ নই তর্কবাগীশ,—টোলের ধনুধর,—
মাদ্রাসা কি মস্তবেতেও হইনি মাতব্বর ;
একটুকু খামখেয়ালি খুঁৎখুঁতে বেশ একটুক,—
হুই মিলে যা হয় আমি তাই,—নেই কোনো ভুলচুক ।
আকার কিছু দীর্ঘ, গায়ের রংটা কিছু লাল
কোঁকড়া রকম চুলগুলো আর টিলে রকম চাল ।
একলা থাকা সয়না ধাতে—হাঁপিয়ে ওঠে মন,—
সব সময়েই নয় সাথী মোর কল্পনা স্বপন,—

সঙ্গ খুঁজি,—বাক্য-সভার চাইনে ক'চ'ক'চি,—
 নিরালা আর লোকালয়ে সোনার জাল রচি।
 ভালোবাসি এই ছুনিয়া—চন্মনে সবক্ষণ,
 মন খুসী হয় নৃত্য খেলায়,—ক'ব' না গোপন।
 ভালোবাসি মিষ্টি হাসি,—বল'বনাকো' কার,—
 চিন্তে বোধ হয় পার্ছ এখন ?—এই ছবি আমার।
 বিধি আমায় বা গড়েছেন, দিয়েছেন যে বেশ—
 সেই চেহারা য জাহির হ'তে নেই শরমের লেশ।
 মস্কারাতে মাক্ড়া খাঁটি,—রং জমাতে জিন্,—
 ফুর্তিবাজের বাদশাজাদা—এই কবি পুশ্‌কিন্।

• শ্রীসত্যেন্দ্রনাথ দস্ত।

ইংরেজ ও ভারতবাসীদের মধ্যে রাজনৈতিক সম্বন্ধ

(ফরাসী হইতে)

ব্যক্তিগত জীবনক্ষেত্রে ভারতবাসী ও ইংরেজের যে মনোভাব তাহা হইতে সার্বজনিক কৰ্মক্ষেত্রে উহাদের মনোভাব কিরূপ হইতে পারে তাহার আভাস পূর্ব হইতেই পাওয়া যায়। সকল দেশেই সামাজিক সমস্তাদির উপর রাষ্ট্রনীতির আধিপত্য পরিলক্ষিত হয় এবং এই সকল সমস্তার সমাধান, অনেকাংশে ধনী ও দরিদ্র, কর্তা ও কৰ্মীদের দৈনন্দিন সম্বন্ধের উপর নির্ভর করে; যে দেশ বৈদেশিকের শাসনাধীন, সে দেশে স্বদেশীদের সহিত বিদেশীদের দৈনন্দিন সম্বন্ধের ভাবটা যেরূপ তদনুসারে স্বদেশীদিগের স্বাধীনতা পুনর্লাভের ইচ্ছা বাড়ে কিংবা কমে।

দরিদ্র, উদাসীন, আপন কাজে নিমগ্ন—ভারতের কৃষকেরা, হিন্দু কিংবা মুসলমান রাজার যেরূপ আজাবহ, ইংরেজ রাজারও সেইরূপ আজাবহ। গোঁড়া ব্রাহ্মণেরা নূতন ভাবের কথা কিছু শুনিলেই তাহার নিন্দা

করে। অধিকাংশ মুসলমান কোরাণ ও চিরাগত প্রথার উপর নির্ভর করিয়া থাকে; ইসলামগুলীর মধ্যে উচ্চপদ লাভ করাই মুসলমান আমীর-ওমরাওর একমাত্র বাসনা। কেবল নব-হিন্দু, পার্সী ও কতকগুলি মুসলমান, যাহারা ইংরেজি ভাবে শিক্ষিত ও বর্দ্ধিত তাহাদেরই রাষ্ট্রনৈতিক বিষয়ে উৎসুক্য দেখা যায়।

বহুশতাব্দী হইতে যে-হিন্দুরা ব্রাহ্মণ কর্তৃক, রাজা কর্তৃক উৎপীড়িত, তাহারা যখন যুরোপের ইতিহাস পাঠ করিল তখন তাহাদের বিশ্বয়ের আর সীমা রহিল না!

• “Hindu Civilisation”-এর গ্রন্থকার-প্রমথ বসু বলেন :—

“ইংরেজি শিক্ষা হইতে হিন্দুরা ঐতিহাসিক সাহিত্যের সহিত যখন প্রথম পরিচয় লাভ করিল, তখন উহারা জানিতে পারিল, অনেকগুলি সভ্যতম পাশ্চাত্য জাতির লোকেরা কি-করিয়া প্রবল রাষ্ট্রীয় শক্তি হইয়া দাঁড়াইয়াছিল; কি

করিয়া তাহারা অনিচ্ছু উৎপীড়নকারী প্রভুদিগের নিকট হইতে কতকগুলি গুরুতর অধিকার ছিনিয়া লইয়াছিল; কি করিয়া স্বেচ্ছাচারী রাজাদিগের বিরুদ্ধে উত্থান করিয়াছিল, তাহাদিগকে সিংহাসনচ্যুত করিয়াছিল, এমন কি, তাহাদের প্রাণদণ্ড পর্য্যন্ত করিয়া সাধারণতন্ত্র স্থাপন করিয়াছিল। হিন্দুরা সেইসব রাজাদের কথা অবশ্য জানিত যাহারা আপন নিকট-আত্মীয়দের রক্তে হস্ত কলুষিত করিয়া সিংহাসন অধিকার করিয়াছিল; যাহারা উচ্চ-পদস্থ রাজপুরুষ অথবা অত্যাচারী রাজাদের বিরুদ্ধে ষড়যন্ত্র করিত; কিন্তু রাজ্যের প্রজাবর্গ কোন গুরুতর রাষ্ট্রনৈতিক আন্দোলনে লিপ্ত হইয়াছে একথা তাহারা কখন শুনে নাই। এ কথা সত্য, তাহারা প্রতিনিধি-শাসনতন্ত্রের সহিত বহুপূর্ব হইতেই পরিচিত ছিল, কিন্তু সে শাসনতন্ত্র নিছক স্থানীয় ধরণের। কোন গ্রামের চতুঃসীমার বাহিরে সেই গ্রামের শাসন-এলাকা কিংবা জাতের পঞ্চায়ৎ কখন প্রসারিত ছিল না। জাতীয় প্রতিনিধি-শাসনতন্ত্রের কথাটা হিন্দুরা ইংরেজি শিক্ষা হইতেই প্রথম অবগত হয়। তাহারা জানিতে পারিল, ব্রিটিশ সাম্রাজ্যের অধিপতি, প্রজাবর্গের প্রতিনিধিগণের মঞ্জুরী ব্যতীত এক পক্ষসাও আদায় করিতে পারেন না। এবং যে সকল উচ্চপদস্থ ইংরেজ, ভারতবর্ষের বৃহদায়তন রাজ্যের রাজাদিগকে সিংহাসনে বসাইতেছেন, সিংহাসন হইতে নামাইতেছেন, দণ্ডপুরস্কার বিধান করিতেছেন, তাহারা নিজ কার্যের জন্ত ঐসকল প্রতিনিধিদিগের নিকট দায়ী। তাহাদের মধ্যে একজন ত ভারতবর্ষে অমুষ্টিত ছরাচারের জন্ত বিচারালয়ে অভিযুক্ত

হইয়াছিলেন। বাদশারা সরাসরিভাবে ছরাচারী শাসনকর্তাদিগকে দণ্ডিত করিতেন ইহা তাহারা জানিত, কিন্তু প্রজাবর্গ বা তাহাদের প্রতিনিধিগণের এ বিষয়ে কোন হাত আছে, একথা তাদের নিকট সম্পূর্ণ নূতন। পাশ্চাত্যখণ্ডে জনতন্ত্রের অভ্যুদয়সম্বন্ধে তাহারা এই প্রথম জ্ঞান লাভ করিল এবং এই কথাটা তাহাদের মনে গভীররূপে অঙ্কিত হইল”।

তাছাড়া, ১৮৮৮ খৃষ্টাব্দে, বঙ্গদেশে প্রথম ইংরেজি স্কুল স্থাপিত হইবার ২০ বৎসর পরে, Sir Charles Trevelyan জানিতে পারিলেন—যুরোপীয়ধরণে শিক্ষিত যুবকবৃন্দ যুরোপীয় রাষ্ট্রনীতির তত্ত্ব সকল গ্রহণ করিয়াছে; উত্তর পশ্চিমাঞ্চলে যেখানে স্কুল-আদি বিরল ছিল, সেখানে এই একমাত্র প্রতিজ্ঞা—“বিদেশীকে দেশ হইতে তাড়াও;” এবং বঙ্গদেশ যেখানে শিক্ষার বিশেষ উন্নতি হইয়াছে, সেখানে প্রতিনিধি-শাসনতন্ত্র পাইবার ইচ্ছা বলবতী।

তাহার পর হইতে শতসহস্র হিন্দু যুরোপীয় শিক্ষা লাভ করিয়াছে। সভা-সমিতিতে সম্মিলিত হইবার অধিকার হইতে ও মুদ্রায়ন্ত্রের স্বাধীনতা হইতে তাহাদের রাষ্ট্র-নৈতিক মতামত দৃঢ়ীভূত হইয়াছে এবং বে-আইনী না করিয়া কিরূপে রাষ্ট্রনৈতিক আন্দোলন করিতে হয়, তাহা ইংরেজের নিকট তাহারা শিক্ষা পাইয়াছে। অনেক বিষয়ে স্বাধীনতা পাইয়া হিন্দুরা স্বাধীন দেশের সমস্ত প্রতিষ্ঠান লাভ করিবার জন্ত ইচ্ছুক হইয়াছে; শাসন-বিভাগের অনেক পদে নিযুক্ত হইয়া, শাসন-বিভাগের সমস্ত পদ অধিকার করিবার জন্ত তাহাদের এখন উচ্চাভিলাষ জন্মিয়াছে।

শ্রীজ্যোতিরিন্দ্রনাথ ঠাকুর।

সেকালের গল্প

বর্তমান প্রস্তাবে সেকালের কয়েকজন অগ্র কৌণও উপায়ে প্রমাণিত করা একরূপ সাহিত্যিকের সম্বন্ধে প্রচলিত কয়েকটি গল্প অসম্ভব।

(১) প্যারীচাঁদ মিত্র (টেকচাঁদ ঠাকুর)।*

এ-সকলের ভিত্তি তাঁহাদের উক্তির উপরেই প্রধানতঃ স্থাপিত, তাহা ছাড়া উহাদের সত্যতা সত্যানুরাগ। এমন অনেক লোক



প্যারীচাঁদ মিত্র (টেকচাঁদ ঠাকুর)

* প্যারীচাঁদ মিত্রের পুত্র শ্রীযুক্ত রাজকৃষ্ণ দত্ত-মহাশয় এইরূপ অনেকগুলি গল্প বঙ্গীয় সাহিত্যপরিষৎ মন্দিরে প্যারীচাঁদ মিত্রের শততম জন্মোৎসব উপলক্ষে আহুত প্রকাশ্য সভায় বিবৃত করেন, কিন্তু দুঃখের বিষয় সাহিত্য-পরিষদ-পত্রিকায় সভার কার্যবিবরণীতে এগুলি প্রকাশিত হয় নাই।

দেখা যায় যাঁহারা একবার যে-সিদ্ধান্তে উপনীত হন বা যে-অভিমত প্রকাশ করেন, পরে ভুল বা অত্যাশ্রয় বলিয়া বুঝিলেও তাহা সংশোধন করিতে কুণ্ঠিত হন। কিন্তু প্যারীচাঁদের সত্য-নিষ্ঠা এমন প্রবল ছিল যে, তিনি কখনও প্রয়োজন বুঝিলে আপনার ভ্রম-সংশোধনে বা মত-পরিবর্তনে কুণ্ঠা বোধ করিতেন না। একবার কলিকাতা-বিশ্ববিদ্যালয়ের সদস্যগণের কোন সভায় তিনি কোন প্রস্তাবের সমর্থন করেন; পরে সেই বিষয়ে অপর সদস্যগণ যখন তর্কবিতর্ক করেন, তখন প্যারীচাঁদ আপনার ভুল বুঝিতে পারেন। কিয়ৎক্ষণ পরে পূর্বোক্ত প্রস্তাবের বিপরীত অপর-এক প্রস্তাব উত্থাপিত হইলে প্যারীচাঁদ সেই বিপরীত প্রস্তাবের সমর্থন করিলেন। ইহাতে উক্ত সভার সভাপতি তদানীন্তন জাইস্-চাম্বেলার, স্মর আর্থার উইলসন্ বিস্মিত হইয়া প্যারীচাঁদকে জিজ্ঞাসা করেন, “আপনি প্রথম প্রস্তাবের সমর্থন করিয়াছিলেন, এখন উহার amendment এরও সমর্থন করিতেছেন, এ কেমন ব্যাপার?” ইহাতে প্যারীচাঁদ অকুণ্ঠিতভাবে বলেন, “Am I not capable of amendment, Sir?” (শ্রীযুক্ত স্মর গুরুদাস বন্দ্যোপাধ্যায় মহাশয় বলেন, তিনি ঐ সভায় উপস্থিত ছিলেন এবং প্যারীচাঁদ মিত্রের এই উক্তি এখনও তাঁহার মনে আছে।)

বাক্‌চাতুর্য্য। স্মর এশ্লি ইডেনের সহিত প্যারীচাঁদ মিত্রের ঘনিষ্ঠ বন্ধুত্ব ছিল। প্যারীচাঁদ মিত্রের কনিষ্ঠ ভ্রাতা কিশোরীচাঁদ মিত্র যখন নাটোরের ডেপুটি ম্যাজিস্ট্রেট,

তখন স্মর এশ্লি সহকারী ম্যাজিস্ট্রেটরূপে এদেশে আসিয়া তাঁহার নিকট শাসনকার্য্য শিক্ষা করেন। কিশোরীচাঁদ মিত্র যখন রাজকার্য্য পরিত্যাগ করিয়া স্বদেশ-সেবায় আত্মনিয়োগ এবং সুপ্রসিদ্ধ ‘ইণ্ডিয়ান ফীল্ডে’র সম্পাদনভার গ্রহণ করেন, তখন স্মর এশ্লি (উপযুক্ত পারিশ্রমিক লইয়া) উক্ত পত্রে নীলকরগণের অত্যাচার কাহিনী প্রকাশ করিতেন। প্যারীচাঁদও প্রায়ই ইণ্ডিয়ান ফীল্ডে লিখিতেন এবং সেই সূত্রে, স্মর এশ্লির সহিত তাঁহার প্রথম পরিচয় হয়। স্মর এশ্লি ইডেন যখন বাঙ্গলার লেফটেন্যান্ট গবর্নর, তখন প্যারীচাঁদ কোনও ব্যক্তিকে কোন কার্য্যের জন্ত তাঁহাদের নিকট সুপারিস করেন। স্মর এশ্লি চিরপ্রচলিত প্রথামত চীফ্-সেক্রেটারীকে সেই সুপারিস-পত্র পাঠাইয়া সেই সঙ্গে নিজেরও একখানি পত্র লিখিয়া দেন। তথাপি সেই ব্যক্তিকে বিফল-মনোরথ হইতে হয়। প্যারীচাঁদকে তিনি পুনরায় সুপারিসের জন্ত অনুরোধ করিলে পরোপকার! প্যারীচাঁদ স্বয়ং স্মর এশ্লির সহিত সাক্ষাৎ করিলেন। স্মর এশ্লি তাঁহার আগমনের কারণ জিজ্ঞাসা করিলে প্যারীচাঁদ সমস্ত কথা তাঁহাকে জানাইয়া বলিলেন, “পূর্বে আপনি যে পত্র দিয়াছিলেন তাহা ‘শ্রী’-যুক্ত ছিল না, এবারে একখানি ‘শ্রী’-যুক্ত পত্র দিতে হইবে।” স্মর এশ্লি প্যারীচাঁদের উক্তির তাৎপর্য্য বুঝিতে না পারায় প্যারীচাঁদ বলিলেন, “কোনও জমিদার, তাঁহার প্রজারা কোনও আবেদন-পত্র আনিলে তৎক্ষণাৎ সেই

আবেদন-পত্রে স্বাক্ষর করিয়া তাঁহার নায়েবের নিকট পাঠাইয়া দিতেন কিন্তু নায়েবের প্রতি তাঁহার গোপন আদেশ ছিল যে, 'শ্রী'-যুক্ত স্বাক্ষর ভিন্ন অন্য স্বাক্ষর গ্রাহ্য হইবে না। প্রজারা হৃষ্টচিত্তে নায়েবের নিকট যাইত কিন্তু 'শ্রী'-হীন আবেদন গ্রাহ্য হইত না। সুতরাং এবার আপনি 'শ্রী'-যুক্ত স্বাক্ষর দিন।" এই কথা শুনিয়া স্যার এন্সলি হাসিতে হাসিতে স্বহস্তে উপযুক্ত আদেশপত্র লিখিয়া দেন। বলা বাহুল্য, সেবারে প্যারীচাঁদের মুখরক্ষা হইয়াছিল।

ধর্ম্মমতের উদারতা। ডাক্তার আলেকজাণ্ডার ডফ্ ইংরাজীশিক্ষিত সম্ভ্রান্ত-বংশীয় ব্যক্তিগণকে সর্বদা খৃষ্টধর্ম্ম গ্রহণের জন্ত অনুরোধ করিতেন। তৎকালে হিন্দু-সম্প্রদায়ের মধ্যে অনেকেই সংকীর্ণ মতাবলম্বী ছিলেন কিন্তু প্যারীচাঁদ সকল প্রকার সংকীর্ণতা পরিহার করিয়া সকল বিষয়েই উদার মত পোষণ করিতেন। প্যারীচাঁদের শ্রায় উচ্চশিক্ষিত ব্যক্তি যাহাতে

"কুসংস্কার-কলুষিত (১) হিন্দুধর্ম্ম" সহজেই পরিত্যাগ করিয়া খৃষ্টধর্ম্ম অবলম্বন করেন, সেই আশায় ডাক্তার ডফ্ প্রায়ই তাঁহার নিকট আসিয়া খৃষ্টধর্ম্ম গ্রহণের জন্ত তাঁহাকে প্ররোচিত করিতেন। এমন-কি, গুজব রটিয়াছিল যে, প্যারীচাঁদ শীঘ্রই খৃষ্টান হইবেন। ডাক্তার ডফ্ একদিন আসিয়া প্যারীচাঁদকে খৃষ্টধর্ম্মের শ্রেষ্ঠতা সম্বন্ধে অনেক উপদেশ দিলেন। প্যারীচাঁদ নীরবে সমস্ত উপদেশ শুনিয়া প্রত্যুত্তরে ধীরভাবে বলিলেন : "দেখুন, আমাদের এই পাখা-টানা বেহারাটি অতি সচ্চরিত্র, একটিও মিথ্যা কথা বলে না, কখনও চুরি করে নাই। এর নৈতিক জীবন খুব উঁচু। কিন্তু এ লোকটি খৃষ্টের নাম পর্য্যন্ত জানে না বা শুনে নাই। আপনি কি বলিতে চান যে ঐ ব্যক্তি মৃত্যুর পর স্বর্গে যাইবে না?" প্যারীচাঁদের উত্তর শুনিয়া ডাক্তার ডফ্ অন্ত্যস্ত অপ্রতিভ হইলেন এবং আর কখনও

(১) এ-সম্বন্ধে Bengal Hurkaru (৩০শে সেপ্টেম্বর ১৮৬২ খৃষ্টাব্দ) বলেন ;—“The Ryot's friend of yesterday has given circulation to an idle report, to the effect that a certain native gentleman of the highest respectability and who is connected with most of the literary and educational societies of Calcutta, was about to embrace Christianity with his entire family. The statement, we have been assured, is totally without foundation. It would have been as well if *Ryot's friend* had instituted enquiries, before he proceeded to put this tale before the world, because, although the individual in question can well afford to smile at the report, it is unpleasant to be brought before the public without even so much as a “by your leave”.

কৃষ্ণদাস পাল এ-সম্বন্ধে ১৮৬২ খৃষ্টাব্দে ৬ই অক্টোবর তারিখের 'হিন্দুপেটিয়টে' লিখিয়াছিলেন ;—“The Hurkaru contradicts the statement of the Ryot's friend that Babu Feary Chand Mittra the enlightened Secretary and Librarian of the Calcutta Public Library, was about to embrace Christianity with his entire family. We can only say that the Babu is an earnest man in the matter of religion”.

প্যারীচাঁদের নিকট তাঁহার খুঁটান হইবার প্রসঙ্গ তুলেন নাই।

রসিকতা। টেকচাঁদ ঠাকুরের রসিকতার পরিচয় ‘আলালের ঘরের দুলালে’ প্রচুর পরিমাণে আছে। এ-স্থলে দুই-একটি গল্প বলিয়া প্যারীচাঁদ-প্রসঙ্গের ‘মধুরেণ’ সমাপন করা যাইতেছে।

যখন শোভাবাজারের নরেন্দ্রকৃষ্ণ দেব বাহাদুর ‘মহারাজ’ উপাধি প্রাপ্ত হন, তখনও তাঁহার অগ্রজ রাজা কমলকৃষ্ণ বাহাদুর ‘মহারাজ’ উপাধিতে ভূষিত হন নাই। একদিন ব্রিটিশ-ইণ্ডিয়ান-এসোসিয়েশনে দুই ভ্রাতাকে উপস্থিত দেখিয়া প্যারীচাঁদ হাসিতে হাসিতে রাজা কমলকৃষ্ণকে বলেন, “রাজাবাহাদুর, এইবার ছোটভাই মহারাজকে প্রণাম কর!” উপস্থিত সভ্যগণ সকলেই হাসিয়া উঠিলেন।

একবার ইটালীর দেবনারায়ণ দেব পুঞ্জের বিবাহের পত্র-সভায় প্যারীচাঁদ দুই তিন দফায় দেবনারায়ণ বাবুকে টাকা দিতে অনুরোধ করিলে দেবনারায়ণবাবু বলিলেন, “প্যারীবাবু, আপনি তো বেশ মজার লোক! প্রত্যেক বার আমাকেই দিতে বলিতেছেন!” ইহাতে প্যারীচাঁদ বলিলেন, “বাপু, তুমি দেবে না ত দেবে কে? তোমার নামের আগে “দে”; শেষে “দে” —সুতরাং তুমিই দেবে!” সভায় হাসির তরঙ্গ বহিয়া গেল।

(২) কালীপ্রসন্ন সিংহ (ছতোম)

কৌতুক ও ব্যঙ্গপ্রিয়তা। দীন-বন্ধু মিত্র তাঁহার ‘স্বরধুনী কাব্যে’

কালীপ্রসন্ন সিংহের রসভাষের উল্লেখ করিয়া লিখিয়াছেন—

“হস্ত-কৌতুক হাসি রসিকতা-ভরা

ছতোম পেঁচার ধাড়ী পড়েছেন ধরা।”

কালীপ্রসন্নের এই কৌতুকপ্রিয়তা অতি অল্পবয়স হইতেই দেখা গিয়াছিল। কালী-প্রসন্নের সতীর্থ ও প্রিয়সহচর, ‘বঙ্গাধিপ-পরাজয়’-প্রণেতা, (অধুনা বিক্যাচলে কৃত-নিবাস) শ্রীযুক্ত প্রতাপচন্দ্র ঘোষ-মহাশয়, একবার আমাদিগকে তাঁহার ছাত্রাবস্থার একটি গল্প বলিয়াছিলেন। গল্পটী এই,— কালীপ্রসন্ন যখন হিন্দু কলেজের জুনিয়র ডিপার্টমেন্টে পড়িতেন, তখন তিনি “আন্দোলন-পত্র” নামক একটি দৈনিক পত্র বাহির করিতেন। তাহাতে অনেকেই লিখিতেন এবং কালীপ্রসন্ন তাহার সম্পাদক ছিলেন। পত্রে অনেকের প্রতি বিদ্রূপ ও ব্যঙ্গোক্তি থাকিত। উহা প্লেটের উপর ‘হস্তদ্বারা মুদ্রিত’ হইয়া দুই তিন ক্লাসের ছাত্রগণের মধ্যে চালাচালি করিয়া প্রচারিত হইত। কালীপ্রসন্নের বিদ্রূপবাণ হইতে তাঁহার সতীর্থ ও শিক্ষকগণও নিষ্কৃতি পাইতেন না। ‘আন্দোলন-পত্রে’র সম্পাদক-বিরচিত একটি কবিতা এখনও প্রতাপবাবুর স্মরণ-আছে :—

Sturgeon সাহেবের classএ

পড়তো সাহা।

তার নীচে ঈশ্বর সাহা ॥

ঈশ্বর সাহার ছোট পেট।

তার নীচে জয়গোপাল সেট ॥

জয়গোপাল সেটের লম্বা ঠ্যাঙ্গ।

তার নীচে বেণী ব্যাঙ্গ ॥



কালীপ্রসন্ন সিংহ

* * *
তার নীচে বুনো কালো
বুনো কালো মারে বড়।
তার নীচে গুপী দড় ॥
গুপী মিত্র, খাতায় চিত্র,

Blankও বুকে Blackও মার্ক ॥

ইত্যাদি—(২)

কালীপ্রসন্নের ছাত্রাবস্থায় আর একটি
গল্প পুরাতন 'সোমপ্রকাশ' হইতে আমার রচিত
“মহাত্মা কালীপ্রসন্ন সিংহ” নামক গ্রন্থে

(২) হিন্দুকলেজের পুরাতন রিপোর্ট হইতে এই সময়ের কয়েকজন শিক্ষকের নাম উদ্ধৃত হইল;—

মিষ্টার টি, এইচ, ষ্টার্জেন

• বাবু বেণীমাধব বন্দ্যোপাধ্যায়

বাবু ঈশ্বরচন্দ্র সাহা

„ বনমালী মিত্র

„ অন্নগোপাল শেঠ

„ গোপীকৃষ্ণ মিত্র

উদ্ধৃত করিয়াছিলাম। সে গল্পটি পুনরুল্লেখ-
যোগ্য :—

“কালীপ্রসন্নের বাল্যকালাবধি অতিশয় চতুরতা ছিল। পরিহাস অতিশয় ভাল-বাসিতেন। যেখানে মারামারি ও তামাসা, সেইখানেই তিনি অগ্রে উপস্থিত হইতেন। তাঁহার একজন শিক্ষক বলেন, ‘একদিবস তিনি অল্প অল্প ছাত্রের সহিত বহির্দৃশ্যমান প্রগাঢ় অভিনিবেশ সহকারে শিক্ষকের উপদেশ শ্রবণ করিতেছেন, এমন সময় হঠাৎ পার্শ্বস্থিত এক বালকের মস্তকে চপেটাঘাত করিলেন। শিক্ষকের নিকটে অভিযোগ হইলে কালীপ্রসন্ন কাল্পনিক গম্ভীরভাবে বলিলেন, “মহাশয়! আমি জাতিতে সিংহ, জাতীয় স্বভাব ত্যাগ করিতে না পারিয়া একে আজ মারিয়াছি।”

হাইকোর্টের ভূতপূর্ব উকীল পরলোক-গত মনমোহন দত্ত-মহাশয়ের নিকট নিম্নলিখিত গল্পটি শুনিয়াছিলাম।

কালীপ্রসন্নের অন্ততম বন্ধু * * * পাল-মহাশয় দরিদ্রের সন্তান ছিলেন কিন্তু লেখাপড়া শিখিয়া একজন গণ্যমাণ ব্যক্তি হইয়া উঠেন, বড় বড় সভা-সমিতিতে যান, রাজা-মহারাজেরা তাঁহাকে অনুগ্রহ করেন; কিন্তু পাল-মহাশয়ের বৃদ্ধ পিতার অবস্থার পরিবর্তন হয় নাই। তিনি অনাবৃত দেহে বাজার হইতে জিনিষপত্র কিনিয়া আনেন, সংসারের সকল কাজই করিয়া থাকেন। একদিন কালীপ্রসন্ন দেখিলেন, তাঁহার বাড়ীর সম্মুখের রাস্তা দিয়া পাল-মহাশয় চাপকান আঁটিয়া ঘড়ীর চেইন বুলাইয়া কোথায় যাইতেছেন এবং পশ্চাতে

আতপতাপে দগ্ধ ঘর্ম্মাক্ত কলেবরে তাঁহার বৃদ্ধ পিতা বাজার হইতে তরী-তরকারী কিনিয়া বাটী ফিরিতেছেন। কালীপ্রসন্নের চোখে এই দৃশ্য এত অসহ বোধ হইল যে, তিনি উপর হইতে গম্ভীরভাবে পালমহাশয়কে ডাকিয়া বলিলেন, “পাল-মহাশয়! পাল-মহাশয়! আপনি কোথা হইতে এমন ভাল ভাল চাকর পান? আমাদের চাকর-ব্যাটারা ত দিন-রাত পড়ে পড়ে ঘুমায়! আপনার চাকরটি ত’ বেশ! দেখিতেছি, এই রোদ্রে বারবার বাজারে আনাগোনা করিতেছে। বৃদ্ধ মানুষ—কম মোটটীও ত’ বহিয়া লইয়া যাইতেছে না!” বলা বাহুল্য, পাল-মহাশয় ইহাতে অত্যন্ত লজ্জিত হইলেন এবং বৃদ্ধ যে তাঁহার পিতা, এ-কথাও কালীপ্রসন্নকে জানাইলেন। কালীপ্রসন্ন যেন কিছুই জানেন না এমনই ভাব দেখাইয়া তাঁহার ভ্রাত্তির জন্ত ক্ষমা প্রার্থনা করিলেন।

বেশভূষায় আড়ম্বরহীনতা। পুণ্য-স্মৃতি ঈশ্বরচন্দ্র বিদ্যাসাগর মহাশয়কে কালীপ্রসন্ন আদর্শ পুরুষ বলিয়া বিবেচনা করিতেন। জাতীয় সাহিত্যের উন্নতির ইচ্ছা, পরোপকার-প্রবৃত্তি, সমাজ-সংস্কার-প্রয়াস প্রভৃতি সমস্তই কালীপ্রসন্ন, বিদ্যাসাগরের নিকট হইতে পাইয়াছিলেন। তিনিও বিদ্যাসাগরের অনেক গুণেরই অনুকরণ করিয়াছিলেন। বেশভূষায় তিনি তাঁহারই মত আড়ম্বরহীন ছিলেন। বিদ্যাসাগরের মত তিনিও স্মৃতির উপর সামান্য একখানি চাঁদর খুলিয়া গায়ে দিতেন। একবার একপ্রকার ঢাকাই উড়ানির

ফ্যাসান উঠে। উড়ানির মূল্য এত বেশী
যে, খুব ধনী ব্যক্তি ভিন্ন আর কাহারও
তাঁহা কিনিবার সামর্থ্য ছিল না।
একবার সহরের একজন প্রসিদ্ধ ধনী
সেইরূপ একখানি উড়ানি গায়ে দিয়া
কালীপ্রসন্নের বাটীতে পূজার নিমন্ত্রণ
রাখিতে আসিয়া দেখেন যে, কালীপ্রসন্ন
একখানি সামান্য দেশী চাদর গায়ে দিয়া
বেড়াইতেছেন। দেশীয় শিল্পের উন্নতি-
সাধনের দিকে কালীপ্রসন্নের লক্ষ্য নাই,
এমন সুন্দর শিল্পকার্যের তিনি পৃষ্ঠপোষকতা
করেন না বলিয়া সেই ধনী ব্যক্তি
কালীপ্রসন্নের নিকট অনুযোগ করিবেন
ভাবিতেছেন, এমন সময় বিস্মিত হইয়া তিনি
দেখিলেন, কালীপ্রসন্ন সেইরূপ উড়ানি
অনেকগুলি ক্রয় করিয়াছেন এবং তাঁহার
বাটীর সমস্ত সরকার ও ভূতাদিগকে সেই
উড়ানি এক-একখানি দান করিয়াছেন।

(৩) রামনারায়ণ তর্করত্ন

(“নাটুকে নারাণ”)

বাক্‌চাতুর্য্য ও রসিকতা :

রামনারায়ণ কবিরত্নের নাটক ও প্রহসন
গুলিতে তাঁহার রসরচনার ও বাক্‌চাতুর্য্যের
অনেক পরিচয় পাওয়া যায়। তর্করত্ন-
মহাশয়ের অন্ততম শিষ্য, সুলেখক শ্রদ্ধেয়
শ্রীযুক্ত বাবু পুলিনবিহারী দত্ত-মহাশয়ের
নিকট তর্করত্ন মহাশয়-সম্বন্ধে কতকগুলি
গল্প শুনিয়াছিলাম। তাহার কয়েকটি এস্থলে
বিবৃত করিতেছি :—

একসময় কলিকাতার প্রসিদ্ধ ধনী আশু-



রামনারায়ণ তর্করত্ন :

তোষ দেবের (ছাত্তাবুর) বাটীতে কোন
ক্রিয়া উপলক্ষে ব্রাহ্মণ-বিদায় হইতেছিল।
ছাত্তাবু স্বয়ং উপস্থিত থাকিয়া ব্রাহ্মণ-
দিগকে যথাযোগ্য দক্ষিণা দিতেছিলেন।
একজন ব্রাহ্মণকে ছাত্তাবু তিনটাকা
বিদায় দিলেন। তারপর তরুণবয়স্ক
রামনারায়ণ তর্করত্ন-মহাশয়কে দুইটা টাকা
দিলেন। তর্করত্ন-মহাশয় দুইটা টাকা
পাইয়া ছাত্তাবুকে বলিলেন, “মহাশয়,
আপনি পূর্ব ব্রাহ্মণের প্রতি নেত্রপাত
করিয়া আমার প্রতি পক্ষপাত (৩)
করিলেন! আমার প্রতিও নেত্রপাত করুন
না?” ছাত্তাবু তর্করত্ন-মহাশয়ের বাক্-
চাতুর্য্যে প্রীত হইলেন কিন্তু আমোদ
করিবার জন্য বলিলেন, “তর্করত্ন-মহাশয়,

(৩) ‘দুই’য়ে পক্ষ, ‘তিনে’ নেত্র।

ত্রিনেত্র কেবল মহাদেবেই সম্ভবে, মানুষের ত' ত্রিনেত্র নাই।”

ইহাতে তর্করত্ন মহাশয়, বলিলেন, “আপনাকে ত আমরা আশুতোষ বলিয়াই জানি। ত্রিনেত্র কেন? পঞ্চানন আশুতোষের পঞ্চমুখে পঞ্চদশ নৃত্য আছে বলিয়াই আমাদের বিশ্বাস।” তর্করত্ন-মহাশয়ের এই বাক্যে অতিশয় প্রীত হইয়া ছাত্তুবাবু তাঁহাকে পঞ্চদশ মুদ্রা বিদায় দিলেন এবং তদবধি তাঁহাকে যথোচিত শ্রদ্ধা করিতেন।

তর্করত্ন-মহাশয়ের নাটকাদি প্রকাশিত হইলে অনেক ধনী ব্যক্তি বহুব্যায়ে সেগুলি আপনাদের আবাসে অভিনয় করাইতেন। সকলেই তর্করত্ন-মহাশয়কে শ্রদ্ধা করিতেন। ধনীদিগের বাটীতে মধ্যে মধ্যে তর্করত্ন-মহাশয় পদধূলি দিতেন। একদিন তিনি কলিকাতায় কোন এক বিখ্যাত ধনীর বাটীতে গিয়া দেখিলেন, সেই বাটীর একজন যুবক কয়েকজন বন্ধু সমভিব্যাহারে নানা প্রকার অখাদ্য ও অপেয় ভোজন এবং পান করিতেছেন। তর্করত্ন-মহাশয়কে দেখিয়া একজন তরলমস্তিষ্ক যুবক চীৎকার করিয়া উঠিলেন, “আসুন, তর্করত্ন-মহাশয়, আসুন, আসুন, আমাদের সহিত একটু ‘খানা’

খান।” তর্করত্ন-মহাশয় হাসিতে হাসিতে বলিলেন, “ওহে বাবুরা, তোমরা সহরে লোক, তোমরা ‘খানা’ খাও। আমরা পাড়াগেঁয়ে লোক, আমরা খানায় (পয়ঃপ্রণালীতে) মলমূত্রাদিই ত্যাগ করিয়া থাকি।” উপযুক্ত উত্তর পাইয়া যুবকগণ নিতান্ত অপ্রতিভ হইয়া পড়িলেন।

একবার ৮দেবেন্দ্রনাথ ঠাকুরের বাড়ীতে তর্করত্ন-মহাশয় পদার্পণ করিলে, উপস্থিত ব্যক্তিগণ সমস্বরে বলিয়া উঠিলেন, “ওরে কে আছিস্, তর্করত্ন-মহাশয় আসিয়াছেন, (বসিবার জন্ত) চৌকী দে!” তর্করত্ন-মহাশয় ইহা শ্রবণ করিয়া কপালে করাঘাত করিয়া বলিলেন, “হা কপাল, আমরা গরীব ব্রাহ্মণ, চোর নহি, ডাকাতও নহি, আমাদেরও চৌকী দিতে হইবে?”

বিদ্যালয়ের ছাত্রগণের সহিতও তর্করত্ন-মহাশয় রসিকতা করিতে ছাড়িতেন না। পুলিনবাবু বলেন যে, তাঁহার অন্ততম সহপাঠী “যাদবকিশোর গোস্বামী”কে তর্করত্ন-মহাশয় রহস্য করিয়া ডাকিতেন, যাদব কিশোর (শুকর)। পড়ায় অমনোযোগী ছিলেন বলিয়া উমেশ নামক অপর এক ছাত্রকে সম্বোধন করিতেন, উ ভো মেঘ!

শ্রীমন্ননাথ ঘোষ।

লুকিবিড়ে

টিকটিকি, গীরগিটি, মশা, মাছি, ঘুঘু, গায়ে-পড়া-আলাপী, ঘাড়ে-চড়া-বন্ধু,—এক কথায় সমস্ত পরকীয়া-সাধকদের দলের কাছ থেকে আপনাকে সম্পূর্ণ লুকিয়ে রাখা চলে এমন লুকিবিড়েটা আংটি কোরে কর্তা আঙুলে জড়িয়ে নিয়ে বেড়াচ্ছেন শুনে আমাদের কৌতূহলের সীমা রইল না। আমরা আংটির কেছা শোনুবার জন্তে কর্তাকে চেপে ধরলেম। কোন্ স্ত্রে, কোন্খান থেকে, আংটিটা তাঁর আঙুলের গাঁটে এসে যে আটকে রইল সেটা জানাতে কর্তা নারাজ। কাজেই কাণ্ডের আদিপর্কের শেষ থেকে তিনি আরম্ভ করলেন—

“অন্তের দেশালাইয়ের বাক্স যেমন করে অজান্তে সময়ে-অসময়ে আমাদের পকেটে থেকে যায়, তেমনি করে রাং এবং সীসা এই দুই ধাতু দিয়ে গড়া লুকিবিড়ের এ আংটি হাতে নিয়ে সুন্দরবনের অঘোর-পহাড়ের আড্ডা ছেড়ে হাঁটা-পথে অনেক ঘুরতে-ঘুরতে শেষে আমি তমলুকে এসে হাজির। তমলুক খুব একটা ভারি সহর। সেখানে আমি একবার ছেলেবেলায় আমার বড়মামার সঙ্গে গিয়েছিলুম। মামা তখন ফুরস্ কোম্পানির মূচ্ছুদ্দি। সাহেবটা যে পাজি ছিল তা আর কি বলবো! একবার এক কেৱানি তার কাছে বাপ মরে বোলে ছুটি চাইতে সে বললে কিনা—“ইয়োর ফাদার হেজ্ নো

বিজনেস টু ডাই হোয়েন্ বজেট প্রেসার ইজ গোল্ডেন অন্!” দেখো দেখি, বাপ মরে, তাকে কিনা এই কথা! সেকালের সাহেব হু-একটা ভালও ছিলো। টুনি—সে বড় মজার সাহেব ছিল। ধুতি পোরে সে কালী-পূজোর যাত্রা শুনতে যেত। তার পাখি শিকারে ভারি সখ। সেটার এক রোগ ছিল এই যে পাখিটাকে মেরেই আগে তার ল্যাজটা কেটে নেবে! সেইজন্ত তার নামই হয়ে গিয়েছিল ল্যাজকাটা টুনটুনি। সে প্রথম আসে ১৮৩৫ সালে ফোজের ডাক্তার হয়ে। তারপর মিউটিনির কিছু আগে একটা নীলকরের মেয়েকে বিয়ে কোরে কোন্ বড় মিলিটারি পোষ্টে বহাল হয়ে সাংহাই চলে যায়। সেইথেনে বসে লোকটা সাংহাই টু ইণ্ডিয়া একটা রেল খোলবার প্লান হোম গভর্নমেন্টকে পাঠায়। তখন চীনে মিস্ত্রী আসতো জাহাজে কোরে, আমরা দেখেছি। —ঐ বেণ্ডিক্ স্ট্রীটের হুধারে জুতোওয়াল। সন্ধ্যাবেলা ছুরি-হাতে তারা ঘুরে বেড়াতো। যত সেলার আর চীনের আড্ডা ছিল ওই খানটায়! ব্যাটারা যে জুতো বানাতো বাপু, তেমন জুতো এখন পাওয়াই যায় না। ওই ‘আটীন্’—ওর অনেক দিনের দোকান। আমার জ্যাঠার মামাখণ্ডর—তিনি ওই দোকান থেকে জুতো নিতেন। সেকালে তাঁর মতো সোখিন ছিলনা। ওই যেখান-টায় এখন রিপণ কলেজ হয়েছে, ওইটে ছিল তাঁর বৈঠকখানা। তাঁর বাগানে একটা

সাদা চাঁপার গাছ ছিল, তাই থেকে ও-
পাড়াটার নাম হয়েছিল চাঁপাতলা! শুনেছি
সেই চাঁপাফুলে তাঁর দোলমঞ্চ সাজানো
হতো! দেলোয়ার খাঁর নাম শুনেছো তো?
—ওই তারি ওস্তাদ তাঁর কাছে চাকর
ছিল। ওই মিস্নারিরা ছিরামপুরের তাঁর
বাগানখানা কিনে প্রথম ছাপাখানা বসায়।
তখন সব কাঠের টাইপ। রামধন বলে এক
ব্যক্তি যে কারিকর ছিল তার মতো পরিষ্কার
অক্ষর কাটতে কেউ পারতো না বাপু! তার
বংশের একটা ছোঁড়া এখন আমাদের
পাড়ায় ওষুধের দোকান কোরে ডাক্তার হয়ে
বসেছে। সবপ্রথম এদেশে বিলিতি ওষুধের
ডাক্তারখানা খোলেন আমাদের নাকাসি-
পাড়ার শ্রাম-ডাক্তার। সাহেবরা তাঁর ওষুধ
ছাড়া খেত না। কবিরাজগুলো কিন্তু
তাতে বড় চটে ছিল—চটবারই কথা!”

আমরাও কর্তার গল্পের বহর দেখে যে না
চটেছিলুম তা নয়। কথাটা আংটি থেকে
কবিরাজি শাস্ত্র, সেখান থেকে ইংলণ্ডের
ইতিহাস, মামাশুকের রূপবর্ণন, মিস্নারিদের
জুয়োচুরি, ব্রাহ্মদের ভণ্ডামো, চৈতন্যদেবের
কল্প পার্শ্বদের সঠিক জীবন-বৃত্তান্তে এসে
পৌঁছল। তারপর বুদ্ধের দাঁতের হিসেব থেকে
ক্রমে যখন রাসমণির মন্দির যে-মিষ্টি
বানিয়েছিল সে যে হিন্দু নয়—মুসলমান,
এবং তার নাতির নাতি এখন পোর্ট-
কমিশনারের এই জাহাজের খালাসী হয়েছে
—এই রকম একটা জটিল সমস্যাতে
এসে পড়লো তখন আমাদের জাহাজ
প্রায় বড়বাজার পৌঁচেছে! আমি অবিনের
গা-টিপে বল্লম,—“ওহে লুকিবিণ্ডেটা কি

লুকিয়েই থাকবে? আংটিটার তো কোনো
সন্ধান পাচ্ছিনে!”

“তার পর আংটিটার কি হলো কর্তা?”
—বলেই অবিন চোখ বুজলে। গল্প চললো—

“লুকিবিণ্ডে বড় সহজ বিণ্ডে নয়। রাজা
কেষ্টচন্দরের সভায় নবরত্নের এক রত্ন
রসসাগর, তিনি লুকিবিণ্ডে জানতেন। লর্ড
ক্রাইবের জীবন-চরিতে এই রসসাগরের লুকি-
বিণ্ডের কথা লেখা আছে—”

লর্ড ক্রাইব থেকে ফোর্ট উইলিয়াম,
সেখান থেকে ব্রাক হোল ও সমস্ত
বাংলার ইতিহাসের গোলকধাঁধায় ঘুরতে
ঘুরতে গল্প ক্রমে ক্রমের বাদশার কত
টাকা, রামমোহন সাহা কি দিয়ে ভাত
খেতেন—এমনি সব ঘরাও খবর আবিষ্কার
করতে করতে বড়বাজারের পণ্টুনের
দিকে ক্রমেই এগিয়ে চললো—আংটির
দিক দিয়েও গেলনা! কর্তার শেষ-বক্তব্য
দেশের এক নমস্য ব্যক্তির নামে একটা
কুৎসা। ভদ্রলোকটির খুব আত্মীয়রাও যে
খবর ঘুণাক্ষরে জানেনা এমন একটা গোপনায়
সংবাদ চুপিচুপি জাহাজের সকলকে
জানিয়ে এবং কাউকে বলতে মানা কোরে
দিয়ে কর্তা ডাঙায় পা দিলেন!

আমি অবিনকে বল্লম—“ওহে, যথার্থই
কর্তা লুকিবিণ্ডে জানেন। গল্পটা কিছুতেই
ধরা গেলনা!”

অবিন খুব প্ৰসন্ন হয়ে বল্লম—“আমি
ওই জন্মেইতো ওঁর নাম দিয়েছি আবিষ্কর্তা!
নিজের খবর এর কাছে লুকোনো থাকে,
আর পরের গোপনীয় খবর আবিষ্কৃত হয় এর
কাছে ওই আংটির প্রভাবে। পরের ছোটখাটো

ব্যবহারের জিনিষ—চুরুট, দেশলাই, পান মায় তাদের ডিখে, এঁর পকেটে আপনি-গিয়ে প্রবেশ করে; পরের লাঠি, ছাতা, বই ইত্যাদির মতো সামগ্রী, আপনি-গিয়ে হাতে

ওঠে। পরের বিদ্রোহ ইনি পণ্ডিত; পরচর্চায় ইনি অদ্বিতীয় পরকীয়া-সাধক; ইনি পরের যা-কিছু পার করবার কঁর্তা,—আপনার কেউ নয় অথচ আমারও কেউ নয়।”

শ্রীঅবনীন্দ্রনাথ ঠাকুর।

নারীর অধিকার

(ক্রপটকিন হইতে)

মূলধনী মহাজনের হাত থেকে মুক্তি পেলে সমাজের শান্তি বাড়বে, কাজের মধ্যে আনন্দ পাওয়া যাবে। এবং দেহ ও মনের উপর অহিতকর-জ্বরদস্তুর দাঁসত্ব লোপ পাবে এমনতর আশ্বাস যারা দিয়েছেন, তাঁরা এতদিন সকলের কাছে হাশ্বাস্পদ হয়েছেন। এই হাসির মধ্যে অবজ্ঞা ও অবিশ্বাস যতই থাকে তাদের স্বার্থহানির ভয়টুকুই বিশেষভাবে ফুটে উঠেছে। কিন্তু তাঁরা যতই অন্ধ হোন এ ক্ষেত্রে আজ পর্যন্ত যে যথেষ্ট উন্নতি হয়েছে তা সাধারণের দৃষ্টি এড়াতে পারেনি। দিনের পর দিন পরিশ্রম করে যারা জীবিকা নির্বাহ করে তারা ভাল করে জানে এই ব্যবস্থায় পরিশ্রমের কত লাভব হয়।

বৈজ্ঞানিক যন্ত্রাগারের মত কল-কারখানাও যে স্বাস্থ্যসুখের আবাসে পরিণত হতে পারে এবং তাতে সুফলও যে যথেষ্ট পাওয়া যায়, এ কথা বোধ হয় নতুন করে বুঝিয়ে দেবার দরকার হবে না। বেশ প্রশস্ত

ও বায়ুচলাচল যুক্ত কারখানায় কর্মীরা স্ফূর্তিতে কাজ করবার সুবিধা পায়; তাতে কাজের পরিমাণও বেড়ে যায়। সময় ও দৈহিক পরিশ্রম বাঁচাবার জন্তে যন্ত্রের উন্নতি সাধনের উপায় অবলম্বন খুব কঠিন ব্যাপার নয়। বর্তমানে কল-কারখানা যে অস্বাস্থ্যকর ও দূষিত, তার কারণ কারখানার ব্যবস্থার মধ্যে কর্মীর কোন হাত নেই, তার সঙ্গে প্রাণের কোন যোগ নেই। কাজেই কল-কারখানায় দেশের যতই সুবিধা হোক, তাতে মানব-শক্তির অপব্যয়ও যে হচ্ছে, এ কথা কোন মতে অস্বীকার করা চলে না।

মানব-শক্তির অপব্যয় সম্বন্ধে সাধারণত অমনোযোগী হওয়া অধিকাংশ কারখানার বিশেষ লক্ষণ হলেও বর্তমানে এমন কারখানার অভাব নেই যেখানকার সুচারু বন্দোবস্তের ফলে কর্মীজন কাজের মধ্যে বেশ আনন্দ পায়। অবশ্য এ কথা বিশেষ করে মনে রাখতে হবে যে, চার-পাঁচঘণ্টার

বেশী কাউকে কাজ করতে হবেনা এবং প্রত্যেকের ইচ্ছা ও রুচি-অনুযায়ী কাজের বদল-করবার যথেষ্ট অধিকার থাকবে। পুরানো বন্দোবস্ত-মত সারাদিন হাড়ভাঙ্গা খাটুনির মধ্যে মানুষের মন ক্ষুণ্ণিত পোতে পারেনা; কারণ সেটা তার প্রকৃতিবিরুদ্ধ।

আমরা আশা করি, কেবলমাত্র কল-কারখানায় নয় খনিতেও এ ব্যবস্থা কার্যকরী হবে। বর্তমানে খনির অবস্থা নরকের মত ভীষণ হলেও নতুন বন্দোবস্তে ভবিষ্যতে সেটা বায়ুচলাচলযুক্ত হবে এবং সেখানে বৈজ্ঞানিক উপায়ে তাপ ও শৈত্য রক্ষার ব্যবস্থা হবে। এতদিন সেই অন্ধকারের মধ্যে মানুষ আর জানোয়ার জড়াজড়ি ঠেলাঠেলি করে' মরেছে, নানা রকম উৎপাতে কত অমূল্য জীবন অকালে হেলায় নষ্ট হয়েছে, 'এবার তার অবসানের সূচনা। যন্ত্রপাতির সাহায্যে শুধু শ্রম-লাভই নয়, যাতে ভবিষ্যতে কোন বিপদ না ঘটতে পারে সে বিষয়ে আমরা বিশেষ লক্ষ্য রাখব। আমাদের আশা ও সাধনাকে স্বপ্ন ও ব্যর্থতা বলে উড়িয়ে দিলে কেবলমাত্র অজ্ঞতারই পরিচয় দেওয়া হবে। বর্তমানে ইংলণ্ডে ঐরূপ দু-একটি খনি আছে। উপস্থিত তার মধ্যে যা-কিছু ক্রটি আছে, পরিবর্তনের সঙ্গে সঙ্গে তার উন্নতি অবশ্যস্বাভাবী।

এ-বিষয়ে উদাহরণ দিয়ে সময় নষ্ট করায় কোন লাভ নেই—'সোসিয়ালিষ্ট' দলের চেষ্টায় এ-সব কথার সবিস্তার আলোচনা বহুবার হয়েছে এবং এর আদর্শ ও কার্যকারিতার একটা নক্সা তাঁরা আমাদের সামনে ধরে

দিয়েছেন। বিশ্ববিদ্যালয়ের পাঠাগার ও বৈজ্ঞানিক যন্ত্রাগারে কাজ করে' লোকে নিজেকে যেমন সুস্থ, নিরাপদ ও সুখী মর্মে করে, তেমনি, কল-কারখানা ও খনি প্রভৃতিতেও যাতে সেরূপ হয়—সেই আদর্শে সেগুলিকে গড়ে তোলাই আমাদের লক্ষ্য। আমাদের বন্দোবস্ত যত সুন্দর ও উপযোগী হবে কাজও সেই পরিমাণে প্রচুর ফলদায়ক হবে, এর অগ্রথা হতে পারে না।

অভাবের জড়নায় যে-কোন কাজ গ্রহণ করতে বাধ্য না হলে, শুধু বেঁচে থাকবার জন্তে পরের কাছে আত্মবিক্রয় দরকার না হলে, সমাজে সাধারণের জন্তে একযোগে কাজ করা কর্মীর কাছে খেলা বা উৎসব মনে হবে। কাজ ত' দায় নয়, গ্রহ নয়, সে যে অসীম জীবন-শক্তির আনন্দময় বিকাশ! জৈব ক্রিয়ার মত সে যে জীবনের অঙ্গ। বর্তমানের এই দেহ ও মনের-পক্ষে-অসুখকর-ব্যবস্থাকে আঁকড়ে থাকবে তারা, দাসত্ব যাদের অস্থিমজ্জায়, পরপ্রসাদ-লেহন যাদের জীবনের লক্ষ্য, আপনীর উপরে যাদের কোন বিশ্বাস নেই, নিজের শক্তিতে যাদের শ্রদ্ধার অভাব! বর্তমান ব্যবস্থাকে সরিয়ে নিজেদের সুবিধামত ব্যবস্থার প্রতিষ্ঠা করবে তারা, যারা মানুষকে জানে, স্বাধীনতাকে পূজা করে। কেবলমাত্র নিজের বা আত্মজনের সুখ-স্বাধীনতা নয়, সমাজের জন্তই তারা পরিবর্তনসাধনে প্রয়াসী হবে। প্রথম প্রথম মাত্র দু এক জায়গায় এ ব্যবস্থা চলবে, কিন্তু আমরা ভবিষ্যতের সেই দিনের

প্রতীক্ষা করছি যেদিন আজিকার ব্যতিক্রম সাধারণ নিয়মে পরিণত হবে।

এতক্ষণ আমরা বাইরের কথা বলেছি, কিন্তু ঘরের কথার বিশদ আলোচনাই এ প্রবন্ধের বিশেষ উদ্দেশ্য। গৃহস্থালীর মধ্যে নতুন নিয়ম প্রবর্তন যে অবশ্য-বাঞ্ছনীয়—সামাজিক পরিবর্তনের ফলে তা অবশ্যস্বাভাবী। মানব-জাতির ইতিহাসের সঙ্গে যার পরিচয় আছে, তিনি জানেন, এ পর্যাস্ত ইচ্ছায় বা অনিচ্ছায়, জ্ঞানে বা অজ্ঞানে সংসারের সকল কাজ, সকল দায়িত্বের ভার অবনত শিরে বহন করেছে মানব-সাধারণের দাসী—নারী! কেমন করে তাঁদের কাঁধে এ ভার চেপেছে, কত অসহ অত্যাচার, কত অপমানের মধ্যে তাঁদের এই বাধ্য-পরিশ্রম স্বীকার করতে হয়েছে, তার ইতিহাস-আলোচনার এ সময় নয়। বর্তমানে নারী সমাজের যে পর্যায়ে অধিষ্ঠিতা, তাঁকে সেখান থেকে উন্নত স্থানে বসাবার জগ্রে আমরা কি করতে পারি এবং তাঁদের বিরক্তিকর ও মিথ্যা কর্মভার দূর করবার সুচারু উপায় কি, তারই আলোচনা করা যাক।

বাইরের কোন শাসন থেকে মুক্তি পাওয়া কঠিন, কিন্তু সেটা ঘরের দাসত্বের মত এত কঠিন নয়,—এ পথে বাধা বিস্তর। নারীর এই দাসত্ব বন্ধন যে অচ্ছেদ্য, তার প্রধান কারণ সেটা সন্মান। কেবল বাইরের শক্তি নয়, মনের স্বাধীনতা ভিন্ন এ-থেকে মুক্তি লাভের কোন উপায় নেই। আজ যারা নিজেদের স্বাধীনতার জগ্রে প্রাণবিসর্জনে উন্মুখ, নারীর

অধিকার-আলোচনার পথে তাঁরা কাঁটার মত অগুপ্তি প্রতিবাদ সাজিয়ে রেখেছেন। কারণ এ ব্যবস্থা অ-ভূতপূর্ব। আমরা মুখে যতই বলি নারী আমাদের সহকর্মিনী, সহধর্মিণী, কিন্তু কাজের বেলায় তাদের কাছে কেবলমাত্র দালোচিত বাধ্যতাটুকুই আমরা আশা করি এবং তার কোনরূপ অগ্রথা হলেই চঞ্চল ও বিরক্ত হয়ে উঠি। যতদিন আমাদের মন থেকে এই মিথ্যা অন্ধ সংস্কার দূরীভূত করবার চেষ্টা না হবে, ততদিন এ অগ্রায় কোন-না-কোন রকমে থাকবেই। কিন্তু সব চেয়ে বড় আশার কথা এই যে, এতদিনে নারী আপনার অধিকার বুঝে নেবার জগ্রে অগ্রসর এবং এতদিনের সংস্কারকে সমূলে উচ্ছেদ করবার জগ্রে বদ্ধপরিকর হয়েছেন। তাঁদের সে চেষ্টা কতদূর সফল হয়েছে পরে তার আলোচনা হবে।

আমাদের ব্যবস্থাকে সার্থক করে তুলতে হলে, নর-নারীর সমান অধিকার অক্ষুণ্ণ রাখতে হলে গৃহস্থালীকে বিসর্জন দিতে হবে,—এমন একটা কথা আমরা শুনেছি। অনেকে বলছেন, হোটেল খুলে বা ঐ-রকম কোন বন্দোবস্ত করে নারীর দাসত্বের উচ্ছেদ-সাধনই প্রকৃষ্ট উপায়! হোটেল যদি কর্মীজীবনের মিলন-কেন্দ্র হয়ে ওঠে, তবে আমাদের আপত্তি করবার কিছু নেই; কিন্তু এ ব্যবস্থাটা যদি তাদের উপর চাপানো যায়, তবে সেটা কোনমতেই সুখের হবে না। এবং তারা যে এ বন্দোবস্ত স্বীকার করে নেবে, এ-কথা আমরা মনে করি না। নিজেকে সকলের

কাছ থেকে একেবারে তফাৎ রাখাও নয়, কিস্তি আর-সবায়ের সঙ্গে হট্টগোল করাও নয়, কিন্তু ঐ দুটোর উপযুক্ত মিশ্রণই সাধারণের অভিপ্রেত। সাধারণ কারাগারের কষ্ট মানুষের কাছে যে অসহ্য হয়ে ওঠে, তার কারণ সেখানে নির্জনতা নেই; আর নির্জন কারাবাস যে অত্যাচার বলে মনে হয়, তার কারণ সেখানে মানুষের সঙ্গে মানুষের মেলামেশার কোন উপায় নেই। মানুষের জীবনে ছোটোরই দাম আছে, কোন-একটাকে স্বীকার করা তার পক্ষে অসম্ভব।

কেবলমাত্র হিসাব খতিয়ে যারা সংসারে বাঁচতে চায় তারাই হোটেলখানার কথা তুলবে। ভবিষ্যতের গৃহস্থালীর আদর্শ যাদের কাছে সুপরিষ্কৃত, নর-নারীর স্বচ্ছ-সমবায় ও পরস্পরের প্রতি সুগভীর সহানুভূতি যাদের অভিপ্রেত, তাঁরাই জানেন মানুষের পক্ষে গৃহস্থ-জীবন কত সুন্দর, কত মহৎ। বিপদকে এড়িয়ে নয়, তার সামনে এগিয়ে যাওয়াই সুপরামর্শ। স্বাধিকার সংসারে নারীর পক্ষে যা বন্ধন, নারীর চেষ্টায় ও পুরুষের সহানুভূতিতে ভবিষ্যতে তাই তার মুক্তির সহায়ক হবে, এই আমাদের বিশ্বাস।

আবার আর একদল আছেন, যারা সামঞ্জস্য করতে চান। তাঁরা হোটেল প্রভৃতির পক্ষপাতী নন। পুরুষেরা কলে-কারখানায় হাতে মাঠে কাজ করবেন আর নারী সংসারের সকল দায়িত্ব ঘাড়ে তুলে নেবেন—তাঁরা এই কথাটাই প্রচার করছেন। তাঁদের কথা বলবার ধারা নতুন হতে পারে, কিন্তু

কথাটা যে নিতান্ত পুরানো, একথা আমাদের অজ্ঞাত নেই। এককথায়, পূর্বের মতই নারী সংসারে দাসীবৃত্তি করুন আর আমরা ক্রমেই এগিয়ে চলি। আমরা যে-সব কাজ যন্ত্র বলে মনে করি, সেই কাজ নারী হাতে করে' দিনের পর দিন করে' যান, এ-কথা বলতে পারেন তাঁরা, নিজেদের স্বার্থটুকুই জগতে যারা সব-চেয়ে বড় জিনিষ বলে জেনেছেন।

কিন্তু মানুষের এই মুক্তি-ক্ষেত্রে নারী আজ তাঁর দাবী নিয়ে উপস্থিত হয়েছেন। ভার-বাহী পশু-জীবনের প্রতি তাঁর সুগভীর বিদ্রোহ জন্মেছে। সন্তান-পালন-ব্রতে তাঁদের জীবনের যে কয় বছর ব্যয়িত হয় তার সকল ক্লেশ ও চেষ্টাই তাঁর জীবনের সব-চেয়ে বড় কাজ, এই কথাটা তাঁরা প্রচার করছেন। কেবলমাত্র আশ্রয় ও দেহ-ধারণের বিনিময়ে পুরুষের কাছে দাসত্ব-স্বীকারে তাঁরা নারাজ—সংসারের ভিতরের সকল রকমের বাধ্যতা থেকে মুক্তি-লাভের জন্তে নারী চঞ্চল হয়ে উঠেছেন। "কেবল কাগজে-কলমে আন্দোলন করে' তাঁরা ক্ষান্ত হন নি, তাঁদের অক্লান্ত পরিশ্রম ও চেষ্টায় নারী আজ স্বাবলম্বী ও স্বাধীন হবার সাধনায় ব্রতী। আমেরিকায় স্ত্রী-স্বাধীনতা সম্বন্ধে বিশেষ ও বিস্তৃত আন্দোলনের ফলে সেখানে দাসী পাওয়া ভার। 'নারী আজ অন্ধকার রান্নাঘর ছেড়ে দেশের কাজে সম্পূর্ণভাবে যোগ দেবার সুযোগ পেয়েছেন। কিন্তু গৃহস্থালীর কাজ করবার মত দাসী দুপ্রাপ্য হওয়ায় একটা সমস্যা খুব জটিল হয়ে

উঠেছে—সবাই বলছে, ঘরের কাজ করবে কে? এর উত্তর এই:

যার অভাব, সে যদি নিজে সেটা মেটাবার উপায় না করে, তবে অপরে সেটা সম্পূর্ণভাবে মেটাতে পারে না। স্বাধীনতা-কামী নারী এ কথাটা বিশেষভাবে বুঝেছেন এবং তার ফলে সমস্তার সমাধান খুব সহজ হয়ে গেছে। আজ মার্কিন গৃহস্থালীর বারো-আনা কাজ যন্ত্রপাতির সাহায্যে অল্পসময়ে প্রায় বিনা-পরিশ্রমে সম্পন্ন হচ্ছে। কয়েকটি উদাহরণে কথাটা পরিষ্কার করতে চাই।

একটা জুতার উপর ২০।৩০ বার একটা ক্রস নিয়ে ঘষা খুবই হাঙ্গর ব্যাপার, কিন্তু প্রতাহ সকালে যে সকল নারীকে এই কাজ করতে হয় তাঁরা এটাকে অপমান-জনক বলেই মনে করেন। এখন এ অপমান যুচেছে। উদ্বোধনী জনের চেষ্টায় একটা যন্ত্র তৈরী হয়েছে। বড় বড় হোটেল, স্কুলে আজকাল এই যন্ত্রের রহস্য প্রচার। তার পর বাসন মাজা! মেয়েদের কাছে এ-কাজটা কত বিরক্তিকর, কত ঘণ্য তা তাঁরাই জানেন। বাসনমাজা কলটি একটা জ্বীলোকের উদ্ভাবিত। সকলের পক্ষে এটা অনায়াস-লভ্য, কাজেই দাসীর সাহায্য-ব্যতিরেকে অল্প সময়ে ও অল্প পরিশ্রমে অনেক বাসন একেবারে মাজা চলে।

এ সমস্ত কল তৈরী করা খুব কঠিন ত নয়ই, ব্যয়সাধ্যও নয়। বর্তমান বন্দোবস্তে মহাজনের লাভের জন্তই এ সব জিনিষ বেশী সস্তা হয়নি, ভবিষ্যতে এগুলি মানব-

সাধারণের সম্পত্তি হয়ে উঠবে। কেবল যে যন্ত্র-পাতির সহায়তায় ঘরের কাজের দায় ঘুচবে তা নয়—এতদিন প্রতি পরিবার আলাদা করে নিজেদের জন্তে যে পরিশ্রম ও সময় ব্যয় করত, এবার পরস্পরের স্বেচ্ছা-মিলনের ফলে তা কম খরচেও সম্পন্ন হবে। নানা রকমের সমিতি স্থাপিত হবে এবং তাদের হাতে এক একটা বিশেষ কাজের ভার থাকবে। ছোট খাট কল তৈরী করে আমরা নিশ্চিত থাকবনা। আমরা আশা করি ভবিষ্যতে এ-বিষয়ে নানারূপ উন্নতি সাধিত হবে এবং তার ফলে জীবন-যাত্রা আরও সুন্দর, সুখময় ও ফলপ্রদ হয়ে উঠবে। এ বিষয়ে খুঁটিনাটির বিশদ আলোচনার সময় নেই নতুবা বলা বাহুল্য গৃহস্থালার যাবতীয় কামই এই যন্ত্রের সাহায্যে সম্পূর্ণরূপেই করা সম্ভব।

এই সমস্ত বিরক্তিকর ও পরিশ্রমসাধ্য কাজ নারী অবনত মুখে করে এসেছেন, তার কারণ এসব ভাববার জন্ত পুরুষের কোন দায়িত্ব ছিল না। নিজেদের কাজ ও উন্নতির স্বপ্নে তারা এতই বিভোর যে নারীর কথাটা তারা চিন্তা করবার সময় পাননি অথবা নারীজনোচিত কাজকে তারা পুরুষোচিত অবজ্ঞার দৃষ্টিতে দেখেছে! কিন্তু সব চেয়ে লক্ষ্য করবার বিষয় এই যে নারী নীরবে অক্লান্ত পরিশ্রম করে তার দেহের কাপড়, আর পেটের অন্ত জুগিয়েছে অথচ এই দাসীত্বের পরিবর্তে সে লাভ করেছে অজস্র লাঞ্ছনা, অসহ অত্যাচার! তাঁর এই আত্মত্যাগকে সে শ্রদ্ধা করতে পারেনি। তার ফল অবশ্য মানবসাধারণের

পক্ষেই সূখের হয়নি সে কথা বলা বাহুল্য। নারীকে পিছনে রেখেছি বলে তাঁরা যে এতদিন আমাদের পিছনেই টেনেছেন আমরা অন্ধতা-বশত তা বুঝতেও পারিনি। আমাদের সে অন্ধতা যুচেছে এইটাই বর্তমানের সবচেয়ে বড় আশার কথা।

বিশ্ববিদ্যালয় ও আদালতের সদর ফটক ও রাজনৈতিক অধিকারের খিড়কী দরজা মুক্ত করে দেওয়াই যে নারীকে মুক্তি দেওয়া, এটা নিতান্তই ভুলধারণা। সংসারের নানারকম অসম্ভব অকাজের দায় থেকে মুক্তিই তার প্রকৃষ্ট পন্থা। সংসারের দাসীত্ব থেকে তাঁর ষতদিন না মুক্তি হবে ততদিন উন্নতির আশা সুদূর-পর্যন্ত কারণ উচ্চশিক্ষিতা ও অধিকার-প্রাপ্তা নারী অশিক্ষিতা নারীর পরে গৃহস্থালীর কাজ চাপাতে কুণ্ঠিত হবেন না। পুরুষ যেমন করে এতদিন পুরুষের উপর প্রভুত্ব করেছে নারীও তেমনি করে আপনার প্রভুত্ব জাহির করবে। ভবিষ্যতের গৃহস্থালীর দিকে লক্ষ্য রেখে সামাজিক পরিবর্তন-

সাধনে ধারা প্রয়াসী, তাঁরা একথাটা যেন কোন রকমে ভুলে না যান। ভবিষ্যতে নারীকে এমন সুযোগ দিতে হবে যাতে সম্ভার্ন-পালন করেও সামাজিক ক্রিয়া-কলাপে যোগ দেবার তাঁর যথেষ্ট অবকাশ থাকে।

ভবিষ্যতে এ ব্যবস্থা অবশ্যস্তাবী। বর্তমানের শত ক্রটি, শত বাধার মধ্যেও এর সূচনার আভাস আমরা পেয়েছি। সাম্য, মৈত্রী, স্বাধীনতার দোহাই দিয়ে আমরা যতই নিজেদের ভোলাবার চেষ্টা করিনা কেন, নারীর দাসীত্ব না যুচলে আমাদের এ বিদ্রোহ মিথ্যা! আমাদের আশা নিষ্ফল! নারীকে বাদ দিয়ে পুরুষের উন্নতির আশা বাঁধা নৌকার চলার মতই অসার কল্পনা মাত্র; এবং এ-কথাও সত্য যে, দাসত্বের নাগপাশবদ্ধ নারীসমাজে বন্ধন-মুক্ত পুরুষ-সমাজের বিরুদ্ধে একদিন বিদ্রোহে অগ্রসর হবেন। ভবিষ্যতের শান্তি যদি আমাদের লক্ষ্য হয় তবে আশা করি আমরা এখন থেকে সাবধান হতে দ্বিধা করব না।

শ্রী প্রবোধ চট্টোপাধ্যায়।

তরুণা

ক

তাদের পরস্পরের প্রথম-পরিচয় হয়—
ঘরেও নয় পথেও নয়, একেবারে গহন
বনে! জায়গাটি খুব চমৎকার না-
হইলেও, তাহাদের আলাপটি প্রথমদিনেই
জমিয়া উঠিয়াছিল খুবই চমৎকার!

—অতএব, দ্বিতীয় তৃতীয় বা চতুর্থ
দিনের কথা রাখিয়া, সেই প্রথমদিনের
কথাটাই সবপ্রথমে বলিয়া লইতে চাই।...

গোমো-জংসনে ছাওয়া বদলাইতে আসিয়া,
প্রকৃতির রূপ দেখিয়া বসন্ত একেবারে

মোহিত হইয়া গেল। তুমি-আমি প্রকৃতিকে
যে চোখে দেখি, বসন্ত ঠিক সে চোখে
দেখিল না; কারণ, সে ছিল চিত্রকর—
প্রকৃতিকে দেখিল সে শিল্পীর চোখে!

তার পরদিনেই সে ছবি আঁকিবার
সরঞ্জাম লইয়া বাহির হইয়া পড়িল।
নদীর ধারে একটি মনের মত জায়গা
বাছিয়া, 'চিত্রাধার'টিকে দাঁড় করাইল।
তারপর পটের উপরে প্রকৃতিকে আকৃতি
দিবার চেষ্টায় একমনে লাগিয়া গেল।

এমনি-করিয়া প্রতিদিন সকাল-সন্ধ্যায়
তার ছবি-আঁকা কাজ চলিতে লাগিল।

খ

বসন্তের ছবি প্রায় শেষ হইয়া আসিয়াছে,
আর দু-একদিনেই তুলির কয়েকটি শেষ-
স্পর্শে চিত্রখানি সম্পূর্ণ হইয়া উঠিবে।

পশ্চিমের নীলসায়রে রবি-করের রঙিন
চেউ তখন ক্রমেই মিলাইয়া আসিতেছে;
দূরে আকাশভেদী 'পরেশনাথে'র নিখর শিখরে
খানকয় ছোটছোট মেঘ পতাকার মত
থরথর করিয়া কাঁপিতেছিল, বসন্ত অনিমেঘে
সেইদিকে চাহিয়া দাঁড়াইয়া ছিল। ভাবিতে
ছিল, চিত্রকরের হাতে যদি এমন যাত্ন
থাকিত, যাতে-করিয়া ছবির মেঘও ঠিক
অমনি ভাবেই কাঁপিয়া-কাঁপিয়া উঠিত,
তাহাহইলে—

তাহাহইলে কি হইত সেটা ঠিকমত
বুঝিতে-না-বুঝিতে পিছন হইতে হঠাৎ
কামিনী-কণ্ঠে কে বলিয়া উঠিল,—“ও দাদা!
তুখ, তুখ, কি চমৎকার ছবি!”

সচমকে পিছন ফিরিয়া বসন্ত বিস্মিত
নেত্রে দেখিল, একটি তরুণী তাহার ছবির

উপরে হেঁট হইয়া দাঁড়াইয়া আছে! তাহার
পিছনেই একটি যুবক,—সাহেবী পোষাকে।

যুবকটি আগাইয়া আসিয়া বলিল,—
“তরু, দিন-কে-দিন তুমি বড় অভদ্র হয়ে
উঠচ!”

এই ভৎসনার স্বরে অপ্রস্তুত হইয়া
তরুণী বসন্তের দিকে সসঙ্কোচে চাহিল,
লজ্জায় তার গালছুটি রাঙ্গা হইয়া উঠিল।

বসন্তের দিকে ফিরিয়া যুবক বলিল,
“মশাই, আপনি কে তা জানিনা, কিন্তু
আপনার ছবি-আঁকায় ব্যাঘাত দ্বিগুণ বলে
ক্ষমা-প্রার্থনা করছি।”

বসন্ত হাসিয়া বলিল, “বিলক্ষণ! দশ-
জনকে ছাখাবার জন্তেই ছবি-আঁকা!
আপনারা যে আমার ছবির প্রতি
কৃপাদৃষ্টিপাত করেছেন, এজন্তে আমিই
ধন্য!”

বিনয়ে এই স্নেহে চিত্রকরটিকে হারানো
শক্তি দেখিয়া যুবক আর-কিছু না-বলিয়া
ছবিখানি ভাল করিয়া দেখিবার জন্ত
চিত্রাধারের দিকে অগ্রসর হইল। ছবির
এককোণে বসন্ত নিজের নাম-সই করিয়াছিল,
—ছবি দেখিতে-দেখিতে যুবকের চোখ
হঠাৎ সেই নামের উপরে পড়িল এবং
তখন মুখ তুলিয়া সে জিজ্ঞাসা করিল,
“আঁা, মাসিক কাগজে প্রায়ই যার ছবি
দেখি, আপনি কি সেই বসন্তবাবু?”

—“আজ্ঞে হ্যাঁ!”

—“আপনিই বসন্তবাবু!”—বলিয়া মহিলা-
টিও দু পা আগাইয়া আসিলেন।

যুবক বিরক্ত স্বরে বলিল, “তরুণা,
ফের!”

তরুণা খতমত খাইয়া তাড়াতাড়ি
আবার পিছাইয়া গেল।

তারপর বসন্তের দিকে ফিরিয়া যুবক
বলিল, “মশাই, আমার এই বোনটি কিছু
অন্যায়-রকমের চঞ্চল! তার ‘ওপর ও
নিজেও কিছু-কিছু আঁকতে জানে বলে, আজ
ওর ছেলেমানুষী ঘেন বেড়ে উঠেছে!”

তরুণার লজ্জিত মুখের দিকে চাহিয়া
বসন্ত বলিল, “উনিও ছবি আঁকেন বুঝি?
শুনে সুখী হলাম!”

যুবক বলিল, “বসন্তবাবু, আপনাকে
এর আগে আর-কখনো দেখি-নি বটে,
কিন্তু তবু আমরা আপনাকে ভালরকমেই
জানি—আর, বলতে-কি, আমরা আপনার
ভক্ত!”

বসন্ত বলিল, “লেখক বা চিত্রকরদের
ঐ এক মস্ত সুবিধে আছে, তাঁরা বিদেশ-
বিভূঁয়েও পথে-ঘাটে-মাঠে—”

—“এমন-কি পাহাড়ে-পর্বতে, গভীর
জঙ্গলেও বন্ধু কুড়িয়ে পান, এই বলতে চান
ত? হ্যাঁ বসন্তবাবু, আপনি আমাদের
যথার্থই বন্ধু বটে!”

বসন্ত কৃতজ্ঞ স্বরে বলিল, “আমি যে
আপনাদের এতটা আনন্দ দিতে পেরেছি,
এ আমার ভাগ্যের কথা! কিন্তু আমাদের
পরিচয়টা ঘেন অত্যন্ত একতরফা হোল বলে
আমার বিশেষ সন্দেহ হচ্ছে!”

যুবক হাসিয়া বলিল, “অবশ্য, অবশ্য!
আমি হচ্ছি রক্তভূষণ সেন আর ইনি
হচ্ছেন শ্রীমতী তরুণা রায়—আমার ভগ্নী।
এর-চেয়ে বেশী করে পরিচয় দিতে পারি,
আমাদের এমন গুণ আর কিছুই নেই!”

গ

কয়ঘর রেলওয়ে কর্মচারী ছাড়া গোমো-
জংসনে লোকজন বড় বেশী নাই; বাঙ্গালী
‘বাঘু-ভুক’রা এখনো, এই স্বাস্থ্য ও সৌন্দর্য্যে
অপূর্ব জায়গাটিকে ভাল-করিয়া চিনিত্তে
পারেন নাই, তাই পূজা বা বড়দিনের ছুটির
সময়েও কলিকাতার অসংখ্য বুটের মস্-
মসানিতে এবং অট্টহাসির হট্টগোলে গোমোর
নীরব পার্কত্য প্রকৃতি সব্ব হইয়া উঠে না!

কাজেকাজেই এমন নির্জন বিদেশে
পরস্পরের দেখা পাইয়া বসন্ত ও রক্তভূষণ,
দুজনেই বর্তিয়া গেল; এবং তাদের
আলাপটাও যথার্থ বন্ধুত্ব পরিণত হইতে বড়
বেশী বিলম্ব হইল না।

সেদিন বৈকালের চায়ের বৈঠকে বসন্ত
হঠাৎ জিজ্ঞাসা করিয়া বলিল, “আচ্ছা
রক্তভাবু, আপনার ভগ্নীর স্বামী কি
করেন?”

চায়ের পেয়ালায় চিনি দিতে দিতে
তরুণা হঠাৎ থামিয়া পড়িল—তার মুখের
মুহ হাসির রেখাটিও সেইসঙ্গে মিলাইয়া
গেল।

রক্ত চায়ের পেয়ালাটা মুখের সামনে
তুলিয়া ধরিয়া বলিল, “আমার ভগ্নীপতির
কথা বলছেন?”

—তরুণা আর সেখানে দাঁড়াইল না,
আস্তেআস্তে হেঁটমুখে চলিয়া গেল।

রক্ত আবার বলিল, “আমার ভগ্নীপতিটি
একেবারেই মানুষ নয়, ব্যারিষ্টারী শিখতে
বিলেতে গিয়ে সে আর ফেরবার নাম করে
না।”—একটু থামিয়া কিছু ইতস্তত করিয়া
বলিল, “বোধহয় আর ফিরবেও না!”

বসন্ত আশ্চর্য্য হইয়া বলিল, “কেন?”
রজত বলিল, “শুনছিঁ সে নাকি মেম
বিয়ে করেছে!”

—“বলেন কি!”

—“হ্যাঁ। আমার বোনের অদৃষ্ট!
বাইরে বালিকা হলেও তরুণার মনটা
বোধহয় আর তরুণ নেই।”

বসন্ত একটা সিগারেট ধরাইয়া সামনের
মাঠের দিকে শূন্যদৃষ্টিতে তাকাইয়া গম্ভীর
ভাবে বসিয়া রহিল—

—রজতও আর কিছু বলিল না।...

খানিক পরে পাণের ডিবা হাতে
করিয়া তরুণা ফিরিয়া আসিল। বলিল,
“বসন্তবাবু, পাণ খান।”

বসন্ত ব্যাধিত দৃষ্টিতে একবার তরুণার
দিকে চাহিয়া, ডিবা হইতে একটি পাণ
তুলিয়া লইল।

বসন্তের সামনে একখানা বেতের
মোড়ায় বসিয়া পড়িয়া তরুণা বলিল,
“কালকে আপনি যে বললেন, আমাকে
মডেল করে আপনি একখানি ছবি আঁকবেন,
তার কি হোল বসন্তবাবু?”

তরুণার দুর্ভাগ্যের কথা ভাবিতে-ভাবিতে
বসন্ত বলিল, “না না—সে থাক্, তাতে
আপনার কষ্ট হবে!”

তরুণা মাথা নাড়িয়া বলিল, “উহু,
কিছু কষ্ট হবে না!”

রজত বলিল, “বসন্তবাবু, আপনার
ছবির মডেল হোতে তরুর যখন এতই
সাধ, তখন আপনি ইতস্তত করছেন
কেন?”

বসন্ত তখন রাজি হইয়া বলিল,

“আচ্ছা, তবে কাল সকাল থেকেই কাজে
লাগব!”

তরুণা হাততালি দিয়া বলিয়া উঠিল,
“ওহো, কি মজা! বসন্তবাবুর ছবির সঙ্গে
আমিও অমর হব!”

যুবতী তরুণার সেই বালিকার মত
সরল হাসি-হাসি মুখখানির দিকে বসন্ত
যুগ্ম চোখে চাহিয়া রহিল।... ..

আজ একমাস ধরিয়া রোজই সে সকালে-
দুপুরে বিকালে-সন্ধ্যায় এই তরুণাকে
দেখিতেছে, কিন্তু তার আসল স্বভাবটি
কিছুতেই ধরিতে পারিল না! প্রাচীন
বান্ধলা পুঁথির মত তরুণাকে যেন কতক
বোঝা যায়, কতক যায় না। সে যখন
তার আঁকা ছবিগুলি একটু-আধটু সুধরাইয়া
দেয়, তরুণা হয়ত তখন অত্যন্ত অসঙ্কোচে
তার কাঁধের উপরে ঝুঁকিয়া পড়িয়া
অবাক হইয়া তার নিপুণ হাতের টানগুলি
দেখিতে থাকে! তখন বসন্তই হয়ত ব্যস্ত
হইয়া একটু সরিয়া বসিত, কিন্তু তরুণা
তাতে মোটেই ক্রক্ষেপ করিত না—তার
মত যুবতীর পক্ষে যে এটা অশোভন, এ
বুদ্ধি তার মাথায় ঢুকিত না! অথচ
তার সমস্ত হাঁবভাবের ভিতরেই এমন
একটি সহজ সরলতা থাকিত, যাতে-করিয়া
তাকে কেউ বেহায়া বলিয়াও ভাবিতে
পারিত না। কচিবয়সে বাপ-মা
হারাইয়া একমাত্র ভাইয়ের হাতে সে
মানুষ হইয়াছিল। রজত কিছু পাগ্লাটে
ধরণের লোক; ছটি জিনিষকে সে সমান
অন্ডায়, অসহ ও যুক্তিহীন ভাবিত—বিবাহ
এবং বান্ধলা মাসিকের সংক্ষিপ্ত সমালোচনা!

এ ছুটি জিনিষকে আজ-পর্যন্ত সে সন্তুর্পনে তফাতে রাখিয়া আসিয়াছে। বাড়ীতে আর দ্বিতীয় স্ত্রীলোক না-থাকার নরুণ তরুণা পুরুষের মতই স্বাধীনভাবে বাড়িয়া উঠিয়াছিল। মেম-শিক্ষয়িত্রীর কাছে সে বই-মুখস্থ করিয়াছিল তোতাপাখীর মত, কিন্তু বাঙ্গালী-মেয়ের যেমন শিক্ষার দরকার তার কিছুই পায় নাই।... ..

বিবাহিত জীবন ভোগ করাও তরুণার কপালে ঘটে নাই। বিবাহের পরেই তার স্বামী রজতের টাকাতেই বিলাতে চলিয়া যান। স্বামীর হাতে লেখা একখানি মাত্র চিঠি তার হাতে আসিয়াছিল—তারপর হইতেই তিনি নীরব। এখন সে এই নীরবতার কারণ শুনিয়াছে—তার স্বামী এখন আর তার নয়, বিলাতে তিনি নূতন সংসার পাতিয়াছেন—হয়ত এতদিনে কতকগুলি ‘অ্যাংগ্লোইণ্ডিয়ানে’র ‘ফানার’ হইয়াছেন! কিন্তু এ আঘাত তরুণার কোমল প্রাণে যে কতটা বাজিয়াছিল, তার হাসিখুসি ও নিশ্চিন্ত চঞ্চলতা দেখিয়া বাহির হইতে কেহই সেটা আন্দাজ করিতে পারিত না। নির্ঝর তরঙ্গ ধারার তলাতেই যে জমাট পাথর থাকে, সংসারের চোখে সে সত্য সহজে ধরা পড়ে না।

ঘ

যেখানে নিভৃত পাহাড়ের শীতল ছায়ায়, একখানি কালো পাথরের গায়ে নিকষে সোনার দাগের মত গুটিকয় শিশিরে-ভেজা হৃদে ফুল ফুটিয়াছিল এবং ঠিক তারই তলায়, বাধা পাইয়া নদীর জলতরঙ্গে কলরাগিনী উচ্ছ্বসিত হইয়া উঠিতেছিল,

বসন্ত সেইখানটিতে লইয়া গিয়া তরুণাকে বসাইয়া দিল।

বসন্তের ছবির বিষয়, ‘কায়্যা ও ছায়া।’ নদীর ধারে একখানি পাথরের উপর বসিয়া, এক রূপসী চপলজলে আপনার চঞ্চল রূপের লীলাচ্ছায়া দেখিয়া সরল পুলকে হাসিয়া উঠিতেছে—এই ছিল তার পরিকল্পনা।

বসন্ত জিজ্ঞাসা করিয়া, “কেমন, এমন করে বসে থাকতে কষ্ট হবে না ত?”

—“না, না, না! কতবার বলব বসন্তবাবু!”

তরুণার রাগ দেখিয়া বসন্ত হাসিয়া বলিল, “বেশ, বেশ, তাহোলেই হোল!”—তারপর, সে ‘ক্ষিপ্রহস্তে ভবিষ্য ছবির একটা মোটামুটি নক্সা আঁকিয়া লইতে লাগিল।

রজতও সঙ্গে আসিয়াছিল। সে মনে-মনে প্রমাদ গণিয়া বলিল, “এদের সময় ত দেখছি তোফা কেটে যাবে—কিন্তু আমি কি করি! আচ্ছা, এদিকে-ওদিকে পা-ছুটোকে একটু চালিয়ে নিয়ে আসা যাক!”—নানা জীবজন্তুর পদচিহ্ন-লেখা নদীর চরে জুতা খুলিয়া রাখিয়া, রজত আঁকা-বাঁকা তীর ধরিয়া আপনমনে আগাইয়া গেল,—তরুণা বসিয়া-বসিয়া দেখিতে লাগিল, জলের ধারে একটা মহা গম্ভীর বক এক ঠ্যাং তুলিয়া স্থির হইয়া দাঁড়াইয়া আছে—সেও যেন তার মত নিজের ছবি তুলাইতে চায়!

ঙ

এমনি ভাবে কয়েকদিন কাটিল। বসন্ত রোজ সকালে ও বিকালে একমনে ছবি

আঁকে, তরুণা একমনে বসিয়া থাকে, আর তাহাদের ঠৈর্ঘ্যের অসীম বহর দেখিয়া রজত মনে-মনে বেজায় গরম হইয়া ওঠে! “এই দুই আস্ত পাগলের পাল্লায় পড়ে মাঝখান থেকে আমি-বেচারী স্নেহ মারা পড়ব দেখছি—উঃ, আর ত পারা যায় না!”

—এই বলিয়া রজত সেদিন বিরক্তিভরে দাঁড়াইয়া হাত ছড়াইয়া আগে একটা মস্ত হাই তুলিল, তারপর আমলকী-বনের ভিতর দিয়া, সামনের পাহাড়ে উঠিতে লাগিল।... ..

ছবি আঁকিতে-আঁকিতে বসন্ত বিভোর চোখে দেখিল, পাথরের উপরে আঁচল ছড়াইয়া তরুণা একগোছা বনকুল তুলিয়া, ঘাসের ডোরে আনমনে তোড়া বাঁধিতেছে; তার প্রতিমার মত সুন্দর মুখখানি পড়ন্ত রোদে লাল-টুকটুকে হইয়া উঠিয়াছে, চোখদুটি শ্রান্তিতে এলাইয়া পড়িয়াছে।

সেদিনকার মত সে ছবি-আঁকা শেষ করিবে ভাবিতেছে—এমনসময় তরুণা হঠাৎ সভয়ে আঁকাইয়া উঠিল, “মাগো—”

—“কি—কি হোল?”

—“সাপ—সাপ—” তরুণার আড়ষ্ট মুখ দিয়া আর বাক্য সরিল না।

—“সাপ!” বসন্তের হাত হইতে প্যাঁলেট ও তুলি খসিয়া পড়িয়া গেল। একলাফে সে তরুণার কাছে গিয়া দাঁড়াইল—তরুণাও আতঙ্কে অজ্ঞানের মত একেবারে দুইহাতে তাহাকে জড়াইয়া ধরিয়া তাহার বুকের ভিতরে মুখ লুকাইল!

চকিতে পাথরের উপর একটা সাপ কলো বিছাতির মত তীব্রবেগে বাহির হইয়াই

মিলাইয়া গেল! বসন্ত অভিভূত হইয়া দাঁড়াইয়া রহিল;—সর্পভয়ে নয়, তরুণার সেই অভাবিত স্পর্শে তার সর্বাঙ্গ যেন আচ্ছন্ন হইয়া গেল!

অনেকক্ষণ পরে তরুণা চোখ চাহিয়া মুখ তুলিল—তখনো তার মুখ ভয়ে ফ্যাকাশে, দৃষ্টি স্তম্ভিত, দেহ থর্থর্ কঁপিতেছে! থামিয়া-থামিয়া অস্ফুট স্বরে সে বলিল, “সাপটা চলে গেছে?”

বসন্ত বিহ্বলের মত বলিল, “হঁ!”

তখন তরুণার হৃৎ হইল,—নিজের অবস্থা বুঝিয়া সচমকে সে বসন্তকে ছাড়িয়া সরিয়া দাঁড়াইল—তার ভয়ভরা পাল্লাশ মুখখানি গভীর লজ্জায় আবার আরক্ত হইয়া উঠিল! তরুণার খোঁপা খুলিয়া তার ধবধবে গৌর গ্রীবার উপরে এলাইয়া পড়িয়াছিল,—বসন্তের দিকে পিছন ফিরিয়া সে ফের নিজের চুল বাঁধিতে লাগিল।

বসন্ত তখনো নির্ঝাঁক—নিজের বুকের অধীর স্পন্দন সে বুঝি শুনিতে পাইতেছিল! তরুণার অপূর্ব স্পর্শটুকু তখনো তার দেহের ভিতরে শিরায়-শিরায় যেন তরঙ্গের মত উচ্ছ্বসিত হইয়া উঠিতেছিল!

ভাল-করিয়া শালখানা মুড়ি দিয়া তরুণা প্রায় আপনা-আপনি বলিল, “দাদা বুঝি এখনো পাহাড় থেকে নামেন-নি?”

বসন্ত কোন সাড়া দিল না।

অস্তাচলের ভাঙা মেঘে তখন যেন রক্তগঙ্গা বহিতেছে—তাহারই ভিতরে সূর্য্য কখন তলাইয়া গিয়াছে,—কেউ তা লক্ষ্য করি নাই। চারিদিক নীরব নির্জন—সুধু অশ্রান্ত নদীর শান্ত কল্লোলের সঙ্গে মাঝে-

মাঝে দূর হইতে ছ-একটা পাখীর স্বর ও গৃহগামী গাভীর ডাক হাওয়ায় ভাসিয়া আসিতেছে।

বনভূমির একান্ত স্তব্ধতায় তরুণার প্রাণটা কেমন ছুপ্‌ছুপ্‌ করিয়া উঠিল। শোনা যায়-কি-না-যায় এমনি স্বরে সে ভয়ে ভয়ে বলিল, “বসন্তবাবু, চলুন বাড়ী যাই!”

যেন স্বপ্ন দেখিতেছে—ঠিক তেমনিভাবে চাহিয়া বসন্ত আস্তে আস্তে ডাকিল, “তরুণা, —তরুণা!”

নাম ধরিয়া বসন্ত এই তাকে প্রথম ডাকিল! তরুণা চমকিয়া মুখ তুলিয়া দেখিল, বসন্ত অপলক চোখে তার মুখপানে তাকাইয়া আছে—সে দৃষ্টির সামনে শিহরিয়া উঠিয়া সে আবার মাথা নীচু করিল। সেও যেন অস্পষ্ট স্বপ্নের মত দেখিল, বসন্ত ধীরে ধীরে আগাইয়া আসিল, তারপর তার কম্পন্ন হাততুলানি নিজের হাতে চাপিয়া ধরিল, এবং তার মুখের কাছে মুখ আনিয়া চুপিচুপি আবেগভরে বলিল, “তরুণা, তরুণা, আমি তোমাকে ভালবাসি!” বসন্তের হাতের ভিতরে আপনার অসাড় হাত রাখিয়া, এবং তার ঘনঘন তপ্তশ্বাসে আচ্ছন্ন হইয়া, তরুণা একেবারে এলাইয়া নদীর তীরে বসিয়া পড়িল—এবং অক্ষুট প্রতিধ্বনির মত তার কাণের কাছে রহিয়া-রহিয়া সেই একই কথা জাগিতে লাগিল—“আমি তোমাকে ভালবাসি, আমি তোমাকে ভালবাসি, আমি তোমাকে ভালবাসি!”

হঠাৎ একঝাঁক বক ডানার বটপট শব্দ তুলিয়া তাহাদের মাথার উপর দিয়া সারে সারে উড়িয়া গেল!—

—সেই শব্দে স্বপ্ন হইতে তারা সচমক্কে জাগিয়া উঠিল, অত্যন্ত মলিন মুখে তরুণার হাত ছাড়িয়া বসন্ত তাড়াতাড়ি পিছনে সরিয়া দাঁড়াইল এবং তরুণা মাটির উপরে হাঁটু গাড়িয়া বসিয়া দুইহাতে মুখ ঢাকিয়া কাঁদিয়া ফেলিল—হৃদয়ের উত্তেজনা আর সে সহ করিতে পারিল না!... .. সে কান্না বসন্তের মাথা একেবারে হেঁট করিয়া দিল, সে যেন মাটির সঙ্গে মাটি হইয়া মিশাইয়া গেল! এত অল্পক্ষণে এমন অঘটন ঘটিতে পারে সে তা জানিত না! সে কি হঠাৎ পাগল হইয়া গিয়াছিল?

একটু দূরে একটা শব্দ হইল। বসন্ত মুখ তুলিয়া দেখিল, পাহাড়ের উপর হইতে জঙ্গল সরাইয়া রজত নামিয়া আসিতেছে। ভয়ে অপমানে লজ্জায় কাঠ হইয়া সে দাঁড়াইয়া রহিল,—সে যে গুরুতর পাপ করিয়াছে এখন সব প্রকাশ হইয়া যাইবে, তখন সে কি আর কোথাও মুখ দেখাইতে পারিবে?

আসিতে-আসিতে দূর হইতেই রজত বলিয়া উঠিল, “কি বসন্তবাবু, ছবি আঁকা হোল ত?”

রজতের গলা পাইয়া পলক না-পড়িতে তরুণাও উঠিয়া দাঁড়াইল। বসন্তের আকস্মিক আচরণে তরুণা যে আঘাতটা পাইয়াছিল, ততক্ষণে তা সামলাইয়া লইয়াছে। তাড়াতাড়ি উঠিয়া সে দাদার দিকে ছুটিয়া গেল।

তরুণার দিকে চাহিয়া রজত খমকিয়া দাঁড়াইয়া পড়িল। আশ্চর্য হইয়া বলিল, “হ্যাঁরে তরু—একি! তোর চোখে জল কেন?”

বসন্তের সামনে পৃথিবীর সমস্ত আলো হঠাৎ যেন নপ-করিয়া নিবিয়া গেল!

দাদা তার চোখের জল দেখিতে পাইয়াছেন! তরুণা প্রথমটা খঁতমত খাইয়া গেল;—কিন্তু তার সে ভাব ক্ষণিকের জন্ত, —পরক্ষণেই সে হাসিয়া উঠিয়া দাদার হাত ধরিয়া বলিল,—“দাদা, দাদা, একটা মস্ত সাপ বেরিয়েছিল—আরেকটু হোলেই আমাকে কামড়ে দিত আর-কি, ভাগ্যে বসন্তবাবু ছিলেন, তাই—”

রজত তড়াক করিয়া তিনহাত-উঁচু এক লাফ মারিয়া বলিয়া উঠিল, “অঁ্যা, অঁ্যা, বলিস্ কি রে! সাপ? অঁ্যা! সাপে কামড়ালে মানুষ যে আর বাঁচে না, জানিস না বুঝি? সাপ—বলিস্ কি রে—কৈ, কোথায়?”

তরুণা হাসিতে-হাসিতে, সকৌতুকে বলিল, “সাপ কি আর তোমার সঙ্গে আলাপ করতে চুপ মেরে বসে আছে দাদা, সে অনেকক্ষণ নিজের ধান্দায় চলে গেছে!”

তরুণার হাসিতে মহা চটিয়া রজত বলিল, “সবসময়ে তোর খাঁসি ভাল লাগে না, খাম্ বলচি তরু! সাপ বেরিয়েচে বলে হাসি! দিন-কে-দিন তুই যেন বেশী ছেলেমানুষ হয়ে উঠছিস!”

দাদার রাগ দেখিয়া তরুণার হাসি আরো বাড়িয়া উঠিল।

চ

পরদিন সকালে রজতের বাড়ীতে চায়ের বৈঠকে বসন্তের দেখা পাওয়া গেল না।

বিকালে বসন্ত বসিয়া-বসিয়া চিন্তিতমুখে জিনিষপত্রর গুছাইতেছিল ও মোটমাট

বাঁধিতেছিল, এমনসময়ে রজত ও তরুণা আসিয়া হাজির!

রজত বলিল, “ই্যা বসন্তবাবু, হঠাৎ অদৃশ হয়েছেন কেন বলুন দেখি? অসুখ-বিসুখ কিছু হয়েছে বুঝি? একি, এত মোট-মাট বাঁধা হচ্ছে যে!”

বসন্ত বাধ'-বাধ' স্বরে বলিল, “কাল সকালের গাড়ীতে কলকাতায় যাব ভাবচি!”

—“অঁ্যা, কলকাতায়! আমাদের খবর না-দিয়েই?”

তরুণা অনুযোগের স্বরে বলিয়া উঠিল, “বসন্তবাবু, আপনি বেশ মানুষ ত! না—না, সে হচ্ছে না! আমাদের একলা ফেলে চোরের মত চুপিচুপি পলায়ন! এ অত্মীয় বসন্তবাবু, এ অত্মীয়!”

বসন্ত শুষ্ককণ্ঠে বলিল, “আমাকে মাফ করুন—এ জায়গাটা আমার আর ভাল লাগচে না।”

তরুণা প্রবলবেগে মাথা নাড়িয়া বলিল, “উঁহ, আপনার যাওয়া অসম্ভব! এখনো আমার ছবি শেষ হয়-নি, এখনো ছবিতে আমার নাকটা খঁাদা হয়েই রয়েছে! নিন—উঁহ, রং-টং নিয়ে চটপট বেরিয়ে পড়ুন!”

বসন্ত অত্যন্ত দমিয়া গিয়া বলিল, “না না, ছবি আঁকতে যেতে আমি আর পারব না!”

রজত যেন ঠিক কারণটি ধরিয়া ফেলিয়াছে, এমনি ভাবে হাসিয়া বলিল, “ও, আপনি বুঝি সাপের ভয়ে নদীর ধারে যেতে চাইছেন না? বসন্তবাবু, কুছ পুরোয়া নেই, আমি আপনাকে অভয় দিচ্ছি—এই দেখুন, সাপ দেখেচি কি মেরেচি!”—এই বলিয়া রজত তার হাতের

মাথা-সমান-উঁচু মোটা বাঁশের লাঠিটা সগর্বে তুলিয়া ধরিল।

তরুণা তার দাদার রকম-‘সকম’ দেখিয়া আর হাসি রাখিতে পারিল না। তারপর মুখে কাপড়-চাপা দিয়া কোনরকমে হাসি ধামাইয়া, বসন্তের হাত ধরিয়া বলিল, “তবে আর কি, দাদা লাঠি-কাঁধে পাহারা দেবেন আর আপনি অকুতোভয়ে ছবি আঁকবেন! দাদা আজ সর্পবংশ সমূলে ধ্বংস করবেন বলে প্রতিজ্ঞা করে বেরিয়েছেন! নিন—নিন, উঠুন, আর দেরি করবেন না!”

খুবই ইতস্ততের সহিত বসন্ত উঠিল, —তরুণার প্রতি কথা, প্রতি হাসি তীরের মত তার বুকের মাঝখানে গিয়া বিঁধিতেছিল, তার মুখের দিকে লজ্জায় অনুভাপে সে আর মুখ তুলিতে পারিতেছিল না!

ছ.

নদীর ধারে গিয়া রক্ত্র আগে তন্নতন্ন করিয়া—তরুণা যেখানে বসে সেখানটা—খুঁজিয়া দেখিল। তারপর মুরুব্বিআনার সহিত বলিল, “তরু, তুমি এখন বসতে পার, সাপ আর নেই। হুঁ, সাপ দেখেচি কি মেরেচি!” —বলিয়া লাঠি দিয়া সজোরে ঠকাস্ করিয়া পাথরের উপরে সাপের উদ্দেশে একটা আশত করিল!

তরুণা বলিল, “তুমি আজ যে প্রকাণ্ড লাঠি এনেচ দাদা, তাতে শুধু সাপ কেন, বাঁধ-ভাল্লুক পর্য্যন্ত ল্যাঙ্ক তুলে এ মুল্লুক ছেড়ে পালাবে!”

—এই বলিয়া সে পাথরখানার উপরে গিয়া বসিয়া পড়িল।

রক্ত্র ততক্ষণে চারিধারে অত্যন্ত

মনোযোগের সহিত সাপ খুঁজিতে লাগিয়া গিয়াছে! যেখানে কোন-একটা গর্ত-‘টর্ত’ কিছু দেখে, সেইখানেই আগ্রহ ও উৎসাহের সহিত লাঠিটা ভিতরে ঢুকাইয়া দেয় আর বলে, “আজ সাপ দেখেচি কি মেরেচি!” এমনি করিতে-করিতে সে খানিক তফাতে চলিয়া গেল।

বসন্ত তখনো তুলি হাতে করিয়া অপরাধীর মত স্তানমুখে দাঁড়াইয়া আছে।... একবার ফিরিয়া.. দেখিল, তরুণা ঠিক কালকের মতই সহজভাবে বসিয়া ঘাসের ডোরে বনফুলের তোড়া বাঁধিতেছে!

অনুতপ্ত স্বরে বসন্ত বলিল, “আপনি কি—”

তরুণা খিলখিল করিয়া হাসিয়া বলিয়া উঠিল, “কাল. আমাকে নাম ধরে ডেকে আজ. ফের ‘আপনি’ কেন বসন্তবাবু? ‘আমাকে ‘তুমি’ বলে ডাকুন!”

এ বিদ্রূপ, না. কৌতুক? কিছুই না বুঝিয়া আরো কাতর হইয়া বসন্ত বলিল, “আমাকে—”

বাধা দিয়া ছুট তরুণা বলিল, “থাক বসন্ত-বাবু, থাক! আপনি কি বলতে চান আমি বুঝেছি—ক্ষমা করবার কথা বলবেন ত? দরকার কি!”—বলিয়া, সে সত্ত্ব-বাঁধা ফুলের তোড়াটি নাকের কাছে ধরিয়া একমনে তার গন্ধ গুঁকিতে লাগিল।

বসন্ত সত্যসত্যই ক্ষমা চাহিতে ঘাইতে ছিল; কিন্তু এই কথায় তার মুখ একেবারে বোবা হইয়া গেল। তার মনে হইল, তরুণা যেন একটি মূর্ত্তিমতী প্রহেলিকা—কোনদিক দিক্কাই তার মনের ভিতরটা ধরিবার-ছুঁইবার যো নাই, এ কী আশ্চর্য্য!

বসন্ত হতভঙ্গের মত দাঁড়াইয়া আছে,—
এমনসময় তরুণা হাসিতে-হাসিতে মাটিতে
আঁচল লুটাইয়া তার কাছে উঠিয়া
আসিল। আগে বনফুলের ছোট তোড়াটি
যত্নের সহিত বসন্তের জামায় বোতামের
ছেঁদায় ঢুকাইয়া দিল। তারপর হঠাৎ
গস্তীর হইয়া কোমল অথচ ব্যথাভরা স্বরে
আস্তে-আস্তে বলিল, “বসন্তবাবু, কালকের
কথা ভেবে আপনি অমন কিস্ত হয়ে
আছেন কেন? কী আর আপনি করেছেন?
আমাকে ভালবাসেন, এই বলেছেন বৈ ত
নয়? তাতে হয়েছে কি? কেন আপনি
আমাকে ভালবাসবেন না—ভাই কি
বোনকে ভালবাসে না!”—একটু থামিয়া,

বসন্তের মুখের দিকে ছলছল চোখে চাহিয়া,
তার একখানি হাত ধরিয়া বলিল, “আর
আমাকে ভুলবেন না—ছোট বোনটি- বলে
মনে রাখবেন!”

বসন্তের চোখ দুটি অশ্রুজলে ছাপিয়া
উঠিল।

তরুণা আবার একছুটে পাথরের উপরে
গিয়া উঠিয়া বসিল। তারপর উচ্চ হাসি হাসিয়া
বলিল, “দাদা, ও দাদা! সাপ-ঝপ্ কিছু
পাওয়া গেল কি?... ..বসন্তবাবু, নিন নিন,
তাঁড়াতাড়ি ছবি আঁকুন, ছবিতে আমার নাক
এখনো খাঁদা-খাঁদা আঁথাচ্ছে—তুলি বুলিয়ে
নাকটাকে শীগগির টিকলো করে তুলুন!”

শ্রীহেমেন্দ্রকুমার রায়

ত্রিপুরা-রাজ্যের কতিপয় জাতি

মণিপুরী

পার্বত্য ত্রিপুরায় ১৬,৩৮১ জন মণিপুরী
বাস করে। ইহাদের মধ্যে ৮,৭১৭
জন পুরুষ এবং ৭,৬৬৪ জন স্ত্রী।
মণিপুরীগণ ব্রাহ্মণ, ক্ষত্রিয়, বৈশ্য ও শূদ্র
এই চারি শ্রেণীতে বিভক্ত। ব্রাহ্মণদিগের
সাধারণ পদবী ভট্টাচার্য্য, বন্দ্যোপাধ্যায়
প্রভৃতি। বিজ্ঞানসারে ইহাদিগের মধ্যে
‘বিজ্ঞানসার’ ‘সার্কভৌম’ প্রভৃতি উপাধিও
আছে। ক্ষত্রিয়গণ সিংহ উপাধি ধারণ
করিয়া থাকে। শূদ্রের পদবী দে, দত্ত, কর,
দাস ইত্যাদি, এবং বৈশ্যের পদবী
দাসগুপ্ত। ব্রাহ্মণ ব্যতীত সকল শ্রেণীর

মধ্যে বিধবা-বিবাহ এবং পরিত্যক্ত স্ত্রীর
পুনর্বিবাহ প্রচলিত আছে। ইহারা
হিন্দু শাস্ত্রানুসারে পঞ্জিকা দেখিয়া দিনস্থির
করিয়া বিবাহ দিয়া থাকে। বিবাহের পূর্বে
পিতৃলোকের শ্রাদ্ধাদি করে। সাধারণতঃ
দিবাভাগেই বিবাহ-কার্য্য অনুষ্ঠিত হয়,
তবে কখনও কখনও রাত্রিকালেও বিবাহ
হইয়া থাকে। ইহাদের বিবাহে পণপ্রথা
আদৌ নাই। বিবাহকালে সাম বা
যজুর্বেদীয় মন্ত্র পঠিত হয়। মণিপুরীদিগের
বিবাহ দ্বিবিধ—ব্রাহ্ম ও গান্ধার্ব। ব্রাহ্ম-
বিবাহে মাতা-পিতা কন্যা নির্বাচন করিয়া
থাকে। প্রায়শঃ পাত্র, কন্যার বাড়ীতে
গিয়াই বিবাহ করিয়া থাকে। তবে

অর্থবান্ ব্যক্তিদিগের মধ্যে যাহারা কন্যার বাড়ীতে গিয়া বিবাহ দেওয়া অস্ববিধা মনে করে তাহারা কন্যাকে নিজগৃহে 'তুলিয়া' আনিয়া বিবাহ করে। কন্যাপক্ষীয়দিগের অবস্থা ভাল না হইলে বরপক্ষীয়দিগের গৃহে বিবাহের ব্যবস্থা হইয়া থাকে।

কন্যা অন্ততঃ পঞ্চদশবর্ষে পদার্পণ না করিলে ইহারা তাহাকে বিবাহযোগ্য মনে করে না। ৮৯ বৎসর বয়সে কখনও কখনও কন্যার বিবাহ হইয়া থাকে, কিন্তু তাহা প্রশস্ত নয়।

মণিপুরীদের মধ্যে কেহ মরিলে মৃতদেহ প্রথমে ধোত করিয়া দাহার্থ লইয়া ষাইবার পূর্বে গৃহে দুইটি পিণ্ড দিয়া থাকে। একটা পিণ্ড উঠানে দেওয়া হয়, বহির্দ্বারে আর একটা পিণ্ডদানের ব্যবস্থা করা হয়।

দাহকালে ইহারা আর একটা পিণ্ড দিয়া থাকে তাহার নাম শ্মশানপিণ্ড। মণিপুরীগণ তিথি নক্ষত্র বিশেষভাবে মানিয়া চলে। অশুভ চাতুর্ক্য আচার সম্পন্ন জাতির ঞায় ইহাদেরও মৃতশোচ ও জননাশোচ আছে। সন্তান জন্মিলে ইহারা ছয় দিবসে ষষ্ঠী পূজা করিয়া থাকে। সাধারণতঃ মণিপুরীরা অধিক পরিমাণে পান খাইয়া থাকে। ইহাদের স্ত্রীলোকেরা গৃহের বাহিরে যায় না বটে, কিন্তু গৃহাভ্যন্তরে থাকিয়া সকলের সহিত অবাধে বাক্যালাপাদি করিয়া থাকে। ইহারা পর্দার পক্ষপাতী নয়। ইহাদের মধ্যে কোন ব্রতাদির অনুষ্ঠান নাই। দেবতার মধ্যে মণিপুরীরা শ্রীকৃষ্ণ, শ্রীশ্রীমন্মহাপ্রভু, সত্যনারায়ণ ও

শনির পূজা করিয়া থাকে। ইহারা বৈষ্ণব-ধর্মাবলম্বী। নবদ্বীপ, শ্রীক্ষেত্র ও বৃন্দাবন ইহাদিগের ঙ্গীকৃত তীর্থ। ইহারা বুলন, দোল, রাস ও রথের উৎসব করিয়া থাকে। নবদ্বীপের গোস্বামিগণের নিকট ক্ষত্রিয় মণিপুরীরা দীক্ষামন্ত্র গ্রহণ করিয়া থাকে। মণিপুরীরা তাস, ছতরং (দাবা), ছাগলকঞ্চি (পোলো) খোকঞ্চী (হকী), গিলা (হাড়ুডুর ঞায় একপ্রকার খেলা) হাবি লিকন বা ছানেড়া (কড়ি) খেলিয়া থাকে। মণিপুরী স্ত্রীলোকগণ সূক্ষ্ম শিল্পনৈপুণ্যে বিশেষ পারদর্শিতা দেখাইয়া থাকে। ইহারা সূচের কাজ, জালবোনা, বস্ত্রবয়ন ও রেশমী কাজে বিশেষ পটু।

প্রথমব্রহ্মযুদ্ধের সময় হইতে মণিপুরীগণ ত্রিপুরারাজ্যে উপনিবেশিক রূপে বাস করিতে আরম্ভ করে। ত্রিপুরা রাজবংশে কন্যাদান করিয়া ইহাদের কেহ কেহ ধনশালী ও সম্মানভাজন হইয়াছে। 'মেখলী' মণিপুরীদের নামান্তর। রাজবংশীয় ও সাধারণ মেখলী এই দুই প্রকার মণিপুরী ত্রিপুরারাজ্যে বাস করে। মণিপুরী ভাষায় মণিপুরীর নাম 'মেয়তেয় পাঙান্'।

(১) আসল বা খাই, (২) বিষ্ণুপুরী বা কালোসা এই নামে দুইটি বিভাগ মণিপুরীদিগের মধ্যে আছে তন্মধ্যে প্রথম শ্রেণী অপেক্ষাকৃত সম্মানিত।

মণিপুরী স্ত্রী-পুরুষ, বিশেষতঃ স্ত্রীলোকগণ সর্বদাই পরিষ্কৃত ও পরিচ্ছন্ন থাকে। সাধারণতঃ মণিপুরী গ্রামে সেই গ্রাম ও পার্শ্ববর্তী ২৪ গ্রামের লোকের ধর্মোপাসনার নিমিত্ত একটা সাধারণ উপসনামন্দির থাকে। সেইস্থানে

নির্দিষ্ট দিনে সকলে সমবেত হইয়া উপাসনাদি করিয়া থাকে।

মণিপুরীদের মধ্যে মুসলমান ধর্ম্মে দীক্ষিত লোকও কিয়ৎসংখ্যক আছে।

চাক্‌মা

ত্রিপুরারাজ্যে চাক্‌মাদিগের সংখ্যা ৪,৩১০। ইহারা বৌদ্ধধর্ম্মাবলম্বী। অধুনা ত্রিপুরা-রাজ্যের সোণামুড়া, বিলনৌয়া ও উদয়পুর বিভাগে চাক্‌মাগণ বাস করিতেছে। ইহাদিগের ভূতপূর্ব্ব বাসস্থান পার্কত্য চট্টগ্রাম। চীন-লুসাই অভিযানের সময় ইহাদিগের আদিম বাসস্থানে কুলিধরার ভয় হয়, সেই ভয়ে প্রায় দশ সহস্র চাক্‌মা পার্কত্য চট্টগ্রাম হইতে ত্রিপুরারাজ্যে আগমন এবং এখানেই বাস করে। পরে ইহাদিগের মধ্যে অনেকে আবার স্বদেশে প্রতিগমন করিয়াছিল। অন্যান্য ৬০ বৎসর হইবে ইহারা প্রথম বিলনৌয়া অঞ্চলে আপনাদিগের বাসস্থান স্থির করে, পরে ক্রমশঃ অগ্রাগ্র স্থানেও বাস করিতেছে।

সম্প্রদায় বিভাগ

এখানকার চাক্‌মাগণ প্রধানতঃ নিম্নলিখিত কয়েকশ্রেণীতে বিভক্ত।

১। মলীমা। ২। তত্তা। ৩। বরুয়া। ৪। উয়াছাং। ৫। বুমা। ৬। কোড়া। ৭। কুচ্যা। ৮। কহুয়া ইত্যাদি। প্রথমোক্ত তিন সম্প্রদায়ের লোকই ত্রিপুরারাজ্যে বেশী।

ইহাদিগের মধ্যে সম্প্রদায়-ভেদে সম্মানের কোনরূপ তারতম্য হয় না। সকল

সম্প্রদায়ের মধ্যেই পরস্পর ভোজন এবং বিবাহাদি প্রচলিত আছে। ইহাদিগের মধ্যে 'দেওয়ান' উপাধিধারী ব্যক্তি সর্ব্বাপেক্ষা সম্মানের পাত্র, 'খিজা' 'তালুকদার' ও 'কারবারী' উপাধিবিশিষ্ট ব্যক্তিগণও সম্মানের পাত্র, কিন্তু দেওয়ানের নিম্নে ইহাদিগের স্থান। চাক্‌মা-রাজ্যের প্রবর্ত্তিত এই উপাধিগুলির সম্মান রাজ্যান্তরে আসিয়াও ইহারা পূর্ব্বের তায় বজায় রাখিয়াছে এবং এখনও ইহারা যোগ্যতানুসারে এই সকল উপাধি গ্রহণ করিতেছে।

চাক্‌মাগণ নিরতিশয় ধূমপান করে। স্ত্রী-পুরুষ সকলেই ধূমপানে অত্যন্ত আসক্ত। ইহারা চুরুটের পাইপের মত অতি ক্ষুদ্র ছকা ও বাঁশের ছকা ব্যবহার করে। মদ্যপানাদি ইহাদিগের সমাজে অপরাপর পর্ব্বতীয় জাতির তুলনায় অতি কম। স্ত্রীলোক মদ্যপান করে না। ইহারা যেকোন প্রাণীরই মাংস ভোজন করে, এমন কি ব্যাঘ্র ভল্লুক প্রভৃতি হিংস্র জন্তুর মাংসও ইহারা বাদ দেয় না; 'ব্যাঙাচি' 'কাঠের পোকা' 'বোলতার চাক' প্রভৃতি ইহাদিগের উৎকৃষ্ট খাদ্য মধ্যে পরিগণিত। সর্প; শুটকি (শুক) মাছ, মাংসও ইহাদের উপাদেয় আহাৰ্য্য।

চাক্‌মাদিগের সামাজিক বন্ধন সুদৃঢ়। ইহারা অধিকাংশ সময়ে অপরাধীর বিচার ও সামাজিক গোলযোগের মীমাংসার ভার দলপতির হস্তে অর্পণ করিয়াই নিশ্চিন্ত থাকে। দলপতিও যথামতি তাহার সুমামাংসা করে। চাক্‌মাগণ খুব কমই আদালতের আশ্রয় গ্রহণ করে।

ধর্ম

ইহারা বৌদ্ধধর্মাবলম্বী বলিয়া আপনা-
দিগকে পরিচিত করে, কিন্তু বৌদ্ধধর্মোচিত
আচার ইহাদিগের মধ্যে একেবারেই পরিলক্ষিত
হয় না বলিলেই হয়। অপরাপর পর্বতীয়
জাতির গ্রাম ইহারাও নানাবিধ দেবদেবীর
অর্চনা এবং বহুবিধ পশুপক্ষী 'বলিদান'
করিয়া থাকে। ত্রিপুরারাজ্যের চাকমা
সম্প্রদায়ের মধ্যে কোন বৌদ্ধভিক্ষু বা
'বাওয়ালী' নাই। চট্টগ্রামের 'বাওয়ালী'
আসিয়া কখনও কখনও ইহাদিগকে বৌদ্ধ-
ধর্ম বিষয়ে উপদেশ প্রদান করিয়া থাকেন।

বিবাহ

চাকমাদিগের মধ্যে বিবাহে কন্যাপন
গ্রহণের প্রথা প্রচলিত আছে। বর-
কন্যার অভিভাবকগণ বিবাহ-সম্বন্ধ স্থির
করে। ইহাদিগের মধ্যে বাল্যবিবাহের প্রথা
নাই। সাধারণতঃ কন্যার ১৫—২০ এবং বরের
১৮—২২ বৎসরের মধ্যে বিবাহকার্য সম্পন্ন
হয়। বরপক্ষ হইতে কন্যার পিতা বা
অভিভাবককে ৩০ টাকা হইতে ১০০
টাকা পর্য্যন্ত পণ দিতে হয়। সাধারণতঃ
বরকন্যার বয়সের মাত্র ১৩ বৎসর পার্থক্য
থাকে। যুবতী কখনও বৃদ্ধ বা প্রৌঢ়ের
সঙ্গে পরিণীত হয় না।

চাকমাগণ সবল ও সুস্থকায়। কুষ্ঠ
প্রভৃতি চর্মরোগ ব্যতীত জ্বররোগের
প্রাদুর্ভাব ইহাদিগের মধ্যে নাই। সম্ভবতঃ
পচা মাংস মাছ ইত্যাদি ভক্ষণের জন্তই এইরূপ
মহারোগের প্রাদুর্ভাব ইহাদিগের মধ্যে
প্রবল। ইহারা মহারোগগ্রস্তকে ঘৃণা করে

এবং তাহার জন্ত পৃথক বাসগৃহ প্রস্তুত
করিয়া পরিবারস্থ যাবতীয় লোক তাহার
সহিত সর্বপ্রকার সংশ্রব পরিত্যাগ করে।
মহারোগিগণ কেবল দৈনিক আহার
প্রাপ্ত হয়।

চাকমা স্ত্রীলোকের পরিচ্ছদে একটু
বৈশিষ্ট্য আছে। ইহারা 'পাছরা' পরিধান করে,
অঙ্গে জামা, 'তুপরি' 'বক্ষোবন্ধনী' এবং
মস্তকে উষ্ণীষের মত একধণ্ড কাপড়
ধারণ করিয়া থাকে। পুরুষগণ সাধারণতঃ
বিলাতী বস্ত্রই পরিধান করে। চাকমা
স্ত্রীগণ মুক্তার মালার গ্রাম স্ফটিকের মালা
গলদেশে ধারণ করে। ইহারা সর্বদা
পরিষ্কৃত ও পরিচ্ছন্ন থাকে এবং ফুলের বিশেষ
আদর করে। চাকমাগণ জুমে শস্য
উৎপাদন করে, অতি অল্পসংখ্যক লোক
হল কর্ষণ দ্বারা শস্য উৎপাদন করে।
ইহাদিগের জুমে যথেষ্ট শস্য উৎপন্ন হয়।
ইহারা 'লং' 'কুন্দা' 'পালা' ইত্যাদি করিয়াও
প্রচুর অর্থ উপার্জন করে। সঞ্চয়পরায়ণতার
অভাব ইহাদিগের মধ্যে বিশেষ পরিলক্ষিত
হয়। চাকমা পুরুষ অপেক্ষা স্ত্রীলোক অধিক
পরিশ্রমী। অধিকাংশ কার্যের ভার
স্ত্রীলোকদিগের প্রতি গুরুত্ব করিয়া পুরুষগণ
নির্শিষ্ট থাকে। চাকমাদিগের দাম্পত্য-
বন্ধন ও প্রেম অতি দৃঢ় ও মধুর।
সাধারণ পর্বতীয় জাতির গ্রাম কাষ্ঠ-
সংগ্রহ, শস্যবপন ইত্যাদি কার্য অনেক সময়
চাকমা-দম্পতী একত্রও করিয়া থাকে।

মৃতসৎকার ইত্যাদি

চাকমাদিগের মধ্যে মৃতদেহ মৃত্যুর ঠিক

পরেই পোড়ান হয় না। দূরস্থ জাতি কুটুম্বগণের সম্মিলন-প্রত্যাশায় চাক্‌মারা ৫৭ দিন পর্যন্ত সময়ে ইহা রক্ষা করিয়া থাকে। এইরূপে শবরক্ষা করিবার জন্য ইহার কাঠ দ্বারা একটা শবাধার প্রস্তুত করে, এই শবাধার দেখিতে অনেকাংশে 'কুন্দা' নৌকার ন্যায়। এই শবাধারে শবরক্ষা করিয়া তদুপরি তাহারা একখণ্ড তক্তা স্থাপন করে। ইহাতে শব হইতে ৩৪ দিনের মধ্যে পুতিগন্ধ নির্গত হয় না। মৃতদেহ পোড়াইবার পূর্বে চাক্‌মাগণ মৃতদেহ খণ্ড খণ্ড করিয়া কাটিয়া দাহকার্যের সুবিধা করিয়া লয়।

কলেরা ও বসন্তরোগে কাহারও মৃত্যু হইলে চাক্‌মাগণ তাহার সংকার করে না। নদীস্রোতে ভাসাইয়া দেওয়া বা ভূগর্ভে প্রোথিত করা ইহার ব্যবস্থা।

কোন ধনবান্ বৃদ্ধ চাক্‌মার মৃত্যু হইলে একটা রথে করিয়া মহাসমারোহে শবদেহ শ্মশানে নীত হয়। রথের উপরে শবাধারে রক্ষিত শবদেহ স্থাপন করা হয়, মৃতব্যক্তির সম্মুখার্থ তাহার আত্মীয় কুটুম্বগণ রথে যথাশক্তি অর্থ প্রদান করিয়া থাকে। ঐ অর্থ, দাহকার্য শেষ হইলে বাওয়ালী, বাতকর, রথ ও শবাধার নিৰ্ম্মাণকারীদিগের মধ্যে বিভক্ত হয়। মৃতের উত্তরাধিকারীর এই অর্থে কোন অধিকার থাকে না।

অপরাপর পর্বতীয় জাতি হইতে পূজা প্রভৃতি বিষয়ে চাক্‌মাগণের একটু বিশেষত্ব আছে; অত্র পর্বতীয়গণ রোগমুক্ত হইলে অথবা অভিলষিত সিদ্ধি লাভ করিলে, পরে

পূজা করিব এইরূপ মানৎ করে না, কিন্তু চাক্‌মাগণের মধ্যে এইরূপ কামনা (মানৎ) করিয়া পূজা দেওয়ার প্রথা প্রচলিত আছে।

শিক্ষা ও বর্ণমালা ইত্যাদি

চাক্‌মাগণের কথা ভাষা বাঙ্গালা, কিন্তু ইহাদিগের পৃথক বর্ণমালা আছে। ইহাদিগের লেখার কার্য চাক্‌মা অক্ষরেই সম্পাদিত হইয়া থাকে। কোন কোন চাক্‌মা বাঙ্গালা লেখাপড়াও জানে; চাক্‌মাগণের প্রত্যেক বৃহৎ পল্লীতে রামায়ণ, মহাভারত ইত্যাদি পুস্তক আছে; ঐ সকল পুস্তক সুর-সহযোগে পঠিত হয় এবং পাঠকালে যথেষ্ট শ্রোতা পাঠকের চতুর্দিকে সমবেত হয়। পার্বত্য চট্টগ্রাম অঞ্চলে অনেক শিক্ষিত চাক্‌মা আছে।

জুলাই

ইহারা প্রায় পঞ্চাশ শ্রেণীতে বিভক্ত। ইহাদের কোন কোন শ্রেণীর ভাষার সহিত কুকি ও মণিপুরী ভাষার সাদৃশ্য পরিলক্ষিত হয়। হালাম, রিয়াং, নওয়তিয়া, জুলাই জাতির সাধারণ নাম ত্রিপুরা শব্দের অপভ্রংশ তিপারা বা তিপরা এবং ইহাদিগের ভাষা সমুদয়ের নাম তিপরা ভাষা।

জুমকৃষি এবং জঙ্গল আবাদই ইহাদিগের প্রধান কার্য। বুড়াছা, লাম্প্রা প্রভৃতি ইহাদিগের উপাস্তদেবতা। ইহাদিগের মধ্যে কোন কোন শ্রেণীর লোকেরা উপাস্ত ও ভাবী বিপৎশাস্তির উদ্দেশ্যে নিজ নিজ উপাস্ত দেবতার নিকট কুকুট, ছাগী ইত্যাদি বলি দিয়া থাকে। ইহারা ছাগী, কুকুট, গোসাপ ইত্যাদির মাংস

এক শ্রেণীর ও কাচক উপাধিবিশিষ্ট ব্যক্তি.
অপর শ্রেণীর নেতা।

রায় ও তাহার অধীন সর্দারগণ

- ১। রায়—রাজা, রিয়াংদিগের মধ্যে সর্বশ্রেষ্ঠ ব্যক্তি রায় উপাধিবিশিষ্ট।
- ২। চাপিয়া খাঁ—ভাবী রায়।
- ৩। চাপিয়া—ভাবী চাপিয়া।
- ৪। দরকালিম—রায়ের পুরোহিত।
- ৫। দলই—রায়ের পেকার।
- ৬। ভাণ্ডারী—রায়ের দ্রব্যসমূহের রক্ষক।
- ৭। কান্দা—রায়ের সেবক ও ছত্র-দণ্ডধারী।
- ৮। দয়াহাজারী—ঢোলবাদক।
- ৯। মুরিয়া—সানাইবাদক।
- ১০। হুগরিয়া—কাড়াবাদক।
- ১১। দাওয়া—পূজার টলুয়া।
- ১২। ছিয়াক্রাক—পূজার বলির মাংসাদি বিতরণ এবং চাপিয়াখাঁর ছত্রবহন করে।

কাচক ও তাহার অধীন সর্দারগণ

- ১। কাচক—উজীর।
- ২। ইয়াকছুং—নাজির।
- ৩। হাজরা—কাচকের সেবক।
- ৪। কাংরেং—কাচকের ছত্রধারী।
- ৫। কারমা—ইয়াকছুংএর সেবক।
- ৬। থান্‌কালিম—ইয়াকছুংএর ছত্রধারী।
- ৭। থান্দল—আহার্য্য-সংগ্রাহক।

ইহাদিগের সাধারণ নাম কতর দফা।

কতর = প্রধান।

কতরদফার লোকগুলিকে ষরচুক্তি খাজনা দিতে হয় না।

রিয়াংগণ . অবস্থাদিতে ত্রিপুরজাতির অন্তর্গত শ্রেণী হইতে নিকৃষ্ট। ইহারা আতশয় মতপায়ী। ইহারা জুমকৃষিদ্বারা জীবিকা নির্বাহ করে। কদাচিৎ কেহ ব্যবসায়াদিও করিয়া থাকে। সাধারণতঃ বিবাহাদি বিষয়ে ইহারা ইহাদিগের মূল জাতি ত্রিপুরার নিয়মের বশবর্তী।

ইহাদিগের নেতৃত্বশ্রুতা অতুলনীয়। জুমকাটা ও শস্যসংগ্রহের পূর্বে ইহারা সমারোহের সহিত জাতীয় দেবতার পূজা করে। খাইন বা টাঁদা করিয়া এই পূজার টাকা সংগৃহীত হয়। পূজার শেষ সময় শুধু আমোদে পর্যাবসিত হয় না। তৎকালে রিয়াং সম্প্রদায়ের প্রধান ব্যক্তিদিগের একটা বৈঠক বসে, তাহাতে তাহাদের সামাজিক অবস্থাদির বিচারের মীমাংসা হইয়া থাকে। খাইনের টাকা অতিরিক্ত হইলে তাহা জাতীয় ভাণ্ডারে রক্ষিত হয়। এই টাকা হইতে কতরদফার লোক কিছু কিছু পাইয়া থাকে। অবশিষ্ট সর্বজনীন মঙ্গল কার্যে ব্যয়িত হয়।

মগ

ত্রিপুরারাজ্যে মগের সংখ্যা ১,৪৯১। তন্মধ্যে পুরুষ ৭৭১ এবং স্ত্রী ৭২০ জন। মগগণ বৌদ্ধধর্মাবলম্বী। আচার-ব্যবহারাদিতে ইহারা চাকমাগণের অনুরূপ। ইহারা ত্রিপুরারাজ্যের আধুনিক প্রজা।

জমাতিয়া

পার্বত্য ত্রিপুরারাজ্যে জমাতিয়া জাতীয় অধিবাসীর সংখ্যা ৪,৯১০, তন্মধ্যে পুরুষ ২,৬৬০ এবং স্ত্রী ২,২৫০ জন। ত্রিপুরজাতির

বিভক্ত শ্রেণীগুলির মধ্যে জমাতিয়া শ্রেণী সম্মান, সভ্যতা ও অবস্থাদিতে উচ্চস্থান অধিকার করিয়াছে। এই সকল বিষয়ে 'পুরাণ ত্রিপুরা'র নিম্নেই জমাতিয়াগণের স্থান। পরন্তু কোন কোন বিষয়ে শ্রেষ্ঠতায় ইহারা 'পুরাণ ত্রিপুরা' দিগকেও অতিক্রম করিয়াছে। ইহারা উপরীত গ্রহণ করিয়া থাকে।

পূর্বে ইহারা ত্রিপুরা রাজ্যের প্রধান সৈনিকের কার্য করিত, তৎকালে জমাতিয়াগণ বড়ই উগ্রস্বভাব ছিল। ইহারা মূলতঃ বিভিন্ন জাতীয় হইয়াও ক্রমশঃ ত্রিপুরজাতির অন্তর্নিবিষ্টতা লাভ করিয়াছে। এই জাতীয় ব্যক্তিগণ কর্তৃক ত্রিপুরেশ্বরের যে সৈন্যদল গঠিত হইত তাহা জমাৎ নামে পরিচিত ছিল, এই জমাৎ শ্রেণীর অন্তর্ভুক্ত জনসাধারণ জমাতিয়া নামে অভিহিত হইত, তদনুসারে তাহাদিগের সংশ্লিষ্টগণও জমাতিয়া বলিয়া পরিচিত হইয়াছে। সুতরাং 'জমাতিয়া' কতকগুলি জাতির সংমিশ্রণে জাত হইয়াও একটা অভিনব জাতি বলিয়া খ্যাত হইয়াছে। জমাতিয়াদিগের মধ্যে পুরাণ ত্রিপুরা, নওয়াতিয়া, রিয়াং, কলই প্রভৃতি নানাজাতীয় লোকই প্রবেশ লাভ করিয়াছে। ১৩৮০ খৃষ্টাব্দে জমাতিয়াগণ ত্রিপুরেশ্বরের বিরুদ্ধে অস্ত্র ধারণ করিয়া বিদ্রোহানল প্রজ্জ্বলিত করিয়াছিল। দুই-শতাব্দিক জমাতিয়ার যুগপাত করিয়া ত্রিপুরাধিপতি বিদ্রোহ দমন করিয়াছিলেন। তদবধি ইহারা শান্তস্বভাব হইয়াছে। বর্তমান কালে জমাতিয়াগণ নিরতিশয় শান্তিপ্রিয়। বিবাদ-বিসংবাদাদি ইহাদিগের মধ্যে প্রায়ই উপস্থিত হয় না, কদাচিৎ উপস্থিত হইলেও

রাজকীয় ধর্ম্মাধিকরণের সাহায্য ব্যতীতই ইহারা তাহাদিগের বিবাদের মীমাংসা করিয়া থাকে।

পর্বতবাসী অন্যান্য জাতি হইতে জমাতিয়াগণের আর্থিক অবস্থা ভাল। বর্তমানসময়ে জমাতিয়াগণ জুমকৃষি পরিত্যাগ করিয়া গোকুর সাহায্যে হল কর্ষণ দ্বারা তাহাদিগের প্রয়োজনীয় শস্ত উৎপাদন করিয়া থাকে।

জমাতিয়াগণ তাহাদিগের সর্ববিষয়ে সুশৃঙ্খলা সাধনের নিমিত্ত নির্দিষ্ট কালের জন্ম স্বজাতির মধ্য হইতে উপযুক্ত দুই ব্যক্তিকে সর্দার বা দলপতি নির্বাচন করিয়া থাকে এবং কি সামাজিক কি অন্যান্য বৈষয়িক সকল বিষয়েই এই দুই দলপতি বা সর্দারের আঞ্জানুবর্তী হইয়া থাকে। এই দুই পরিচালকদ্বয় চলিত ভাষায় 'মুল্লুকের সর্দার' নামে পরিচিত। নিরুপিত সময়ের অবসানে বা অপর কোন অনিবার্য কারণে পূর্বের দলপতির পরিবর্তন হইয়া অপরকে তৎপদে অধিরোপিত করা হয়। এই সমাজপতিদ্বয়ই তাহাদিগের বিবাহাদির মীমাংসা ও অপরাধীর দণ্ড বিধানাদি করিয়া থাকে।

• নৃত্যগীতাদি

জমাতিয়া সম্প্রদায় স্বভাবতঃ সঙ্গীতানুরাগী। ইহাদের স্বর-মাধুর্য্যও যথেষ্ট। অধিকাংশ পল্লীতেই হরি-সঙ্কীর্তনের একটা করিয়া দল আছে। ইহাদের সঙ্কীর্তনশক্তি প্রশংসনীয়। সম্প্রতি তাহারা দুইটা যাত্রাদলের সৃষ্টি করিয়াছে। জমাতিয়া

কলপতি সংস্কৃত পদাবলী গান করিতেও সমর্থ।

ধর্ম প্রভৃতি

ত্রিপুরা জেলার মুরনগর পরগণার অন্তঃপাতী মেহারী গ্রামের প্রসিদ্ধ গোস্বামী বংশীয়গণ ক্রিয়াকাল পূর্বে ইহাদিগকে বৈষ্ণব ধর্মে দীক্ষিত করিয়াছেন। ইহারা বৈষ্ণব জনোচিত তিলক ও মালাদি ধারণ করিয়া থাকে। তীর্থ দর্শনাদিতেও ইহাদিগের উৎসাহ পরিলক্ষিত হয়।

বৈষ্ণবধর্ম অবলম্বন করিলেও ইহারা জাতীয় বহুদেবদেবীর পূজাগুলি পরিত্যাগ করে নাই।

রিয়াংদিগের ঞায় ইহারা 'খাইন' করিয়া টাকা আদায় করে এবং তদ্বারা জাতীয় দেবদেবীর পূজা নিৰ্বাহ করিয়া থাকে। ইহাদিগের প্রচলিত পূজাগুলির মধ্যে শিবগৌরী পূজা, দুর্গাপূজা, ত্রিপুরাসুন্দরী পূজা ও গোমতী পূজা প্রধান। দুর্গাপূজা সর্বাংশে বাঙ্গালীদিগের প্রবর্তিত পূজার অনুরূপ। এই পূজা বাঙ্গালী পূজক দ্বারা সম্পাদিত হয়।

বিবাহ

জমাতিয়াগণের বিবাহপ্রথা প্রশংসনীয়। কন্যাপণগ্রহণ ইহাদিগের মধ্যে প্রচলিত নাই। পরন্তু এই প্রথাকে ইহারা অতিশয় যত্ন করিয়া থাকে। বিবাহের জন্ত নিৰ্ব্বাচিত পাত্র, কন্যার পিত্রালয়ে আগমন পূর্বক বিবাহ করে। বিবাহের সময় কন্যার পিতা সামর্থ্যোচিত যৌতুকাদি সহ কন্যাদান করিয়া থাকে।

দুই বৎসর কাল শশুরগৃহে জামাতার অবস্থান করার প্রথা জমাতিয়া সম্প্রদায়েও প্রচলিত আছে। তবে বর ইচ্ছা করিলে, স্ত্রীকে লইয়া নিজগৃহে গমন করিতে পারে, কিন্তু এরূপ রূপায় কদাচিত্ত হইয়া থাকে; কারণ এই রকম ঘটনা হইলে ইহা হইতে উভয় পক্ষের মনোমালিণ্য হয়।

নওয়াতিয়া বা নোয়াতীয়া

ত্রিপুররাজ্যে নোয়াতীয়া জাতির সংখ্যা ১৪,৪৩৭ তন্মধ্যে পুরুষ ৭,৩৯০ ও স্ত্রী ৭,০৪৬। নোয়াতীয়াগণও জমাতিয়াগণের ঞায় মিশ্রজাতি। ইহারা বর্তমান সময়ে ত্রিপুর জাতির শাখা-বিশেষরূপে পরিণত হইয়াছে। নোয়াতীয়াগণ প্রধানতঃ নিম্নলিখিত দফায় বিভক্ত—

- ১। কেওয়া।
- ২। মুরাসিং।
- ৩। আছলং।
- ৪। গর্জন।
- ৫। খালিচা।
- ৬। তংবাই।
- ৭। লাইতং।
- ৮। দেইলদাকু।
- ৯। আনা ও কিয়াথকু।
- ১০। তোতারামা।

এই রাজ্যে প্রথমোক্ত ছয় সম্প্রদায়ের লোকই বাস করে।

ইহারা গোমতী নদীর দক্ষিণে ফেনী নদীর উত্তরে বাস করে। কেহ কেহ সম্প্রতি ফেনীনদীর দক্ষিণেও বাস করিতে আরম্ভ করিয়াছে। ইহাদের আচার-ব্যবহার

অনেকাংশে জমাতিয়াগণের অনুরূপ। সম্প্রতি মুরাসিং প্রভৃতি সম্প্রদায়ের লোক ক্রমশঃ বৈষ্ণব-ধর্মে দীক্ষিত হইতেছে। জমাতিয়াগণের গ্রাম ইহাদিগের মধ্যেও হলকর্ষণ-প্রথা প্রবর্তিত হইয়াছে। ইহাদিগের বিবাহ-প্রথা রিয়াংগণের গ্রাম।

আসামী

বর্তমান কালে ত্রিপুর রাজ্যে আসামী অধিবাসীর সংখ্যা ৯৯ নিয়ানব্বই জন। তন্মধ্যে পুরুষ ৫৭ জন ও স্ত্রী ৪২ জন। মহারাজ কৃষ্ণকিশোর মাণিক্য আসামের আহোম বংশীয় এক রাজকন্যা বিবাহ করেন। সেই সূত্রে অবলম্বন করিয়া কতকগুলি আসামী এইখানে বাস করিয়া আসিতেছে।

হালাম

হালামগণ কুকি ও তিপ্‌রার মধ্যবর্তী জাতি। (মতান্তরে হালাম এবং কুকিগণ একই জাতির অন্তর্ভুক্ত। প্রথমে যে সকল কুকি ত্রিপুরেশ্বরের বশুতা স্বীকার করিয়াছিল তাহারাই হালাম নামে অভিহিত হইয়াছে। হালামের অপর নাম মিয়োকুকি। হালাম ভিন্ন অন্য কুকিগণ অধুনা কাঁড়া কুকি আখ্যায় পরিচিত।) ত্রিপুর রাজ্যে হালামগণের সংখ্যা (১,২১৫ তন্মধ্যে পুরুষ ১,০৩০ স্ত্রী ১,১২৫) হালামগণ নিম্নলিখিত দফা বা সম্প্রদায়ে বিভক্ত—

(১) রাংখল—(রাং=রৌপ্যমুদ্রা) ইহারা

গলদেশে রৌপ্য মুদ্রা পরিধান করে বলিয়া ইহাদের এইরূপ নাম হইয়াছে।

(২) কাইপেং বা কাইপেন—(কাই=বশুতা)। এই দফার লোকগণ সর্বপ্রথমে ত্রিপুরেশ্বরের বশুতা স্বীকার করে।

(৩) মরছম বা মুরছুম—(সত্যবাদী)। হালামগণের মধ্যে এই দফার লোক শ্রেষ্ঠ। ইহারা সর্বদা সত্যবাদী বলিয়া খ্যাত।

৪। রূপনী—(যাতায়াতকারী)। ইহারা সর্বদা রাজবাড়ীতে যাতায়াত করিত বলিয়া ইহারা এই আখ্যায় অভিহিত।

৫। খুলং *

৬। দাপ বা ভাব *

৭। কলই বা কলয়—(হরিদ্রা)। কলয়গণ ত্রিপুরেশ্বরের ভোজনাগারের হলুদের বোঝা বহন করিত।

৮। চড়ই বা চড়াই। *

৯। মছবাং বা মসবাং। *

১০। লঙ্গাই বা লাঙ্গাই। *

১১। বংশের বা বংছের। ইহারা ত্রিপুরেশ্বরের বস্ত্রের বোঝা বহন করিত।

১২। কক্ষং। ইহারা ত্রিপুরেশ্বরের শয্যা-বাহী ভৃত্য ছিল।

১৩। মুতলাংল। *

১৪। বং—(ঘাতক)। ইহারা যুদ্ধের সময় সমস্ত সৈন্যের অগ্রে অগ্রে গমন করিত এবং সর্বাগ্রে শত্রুদিগকে আক্রমণ করিত।

১৫। ছাইমাল। ভীক বলিয়া ইহাদিগের

এই নাম।

* তারকা-চিহ্নিত সম্প্রদায়গুলি এবং তদতিরিক্ত খামাচেপ ও ছাকাচেপ এই দুই সম্প্রদায়ের হালামগণ কৈলাসহর এবং ধর্মনগর অঞ্চলে বাস করে। স্ব স্ব বাসস্থানের ও বংশের প্রধান ব্যক্তিগণের নামানুসারে ইহাদের ঐরূপ নামকরণ হইয়াছে।

১৬। হাওয়া। যুদ্ধের সময় হাওয়ার
শ্রায় গমন করিয়া ইহারা শত্রুদিগের কার্য
পর্যবেক্ষণ করিত এবং রাজ্যে সর্বদা
শুশ্রূচরের কার্য করিত।

১৭। লুছুই-মুছুই। ইহারা ত্রিপুরেশ্বরের
ভোজনের জন্ত হরিণ শিকার করিত।

১৮। বেতু—(বেদনা-নিবারক)—যুদ্ধের
সময় ইহারা আহতদিগের চিকিৎসা ও
শুশ্রূষা করিত।

ইহাদিগের একশ্রেণীর ভাষার সহিত
অপর শ্রেণীর ভাষার ঐক্য নাই। কোন
কোন ভাষার সহিত কোন ভাষার
আংশিক সাদৃশ্য আছে।

ইহাদের প্রত্যেকের জাতি-বিষয়ক উত্তম,
মধ্যম ও অধম এই তিন প্রকার শ্রেণী
আছে।

হালামদিগের ত্রয়োদশ শ্রেণীর মধ্যে
পরস্পর বিবাহ প্রায় হয় না। কদাচিৎ
কোন শ্রেণীর সহিত অপর কোন শ্রেণীর
বিবাহ হইয়া থাকে।

হালামগণ' গোমতীনদীর উত্তর এবং
কৈলাসহরের দক্ষিণ এই দুই সীমার
মধ্যবর্তী স্থানে বাস করিয়া থাকে।
ইহাদিগের অপর নাম 'খীল হালাম'।

এই ত্রয়োদশ প্রকারের খীল ব্যতীত
আরও ১০।১২ প্রকারের অতিরিক্ত হালাম
আছে। তাহারা 'চড়ই' এই সাধারণ নামে
অভিহিত। চড়ইদিগের ভাষাও স্বতন্ত্র। সমুদয়
হালাম জাতির প্রত্যেক দফারই আচার-
ব্যবহার রীতি-নীতি প্রায়ই বিভিন্ন। দুই
এক শ্রেণীর আচার-ব্যবহার অপর দুই এক
শ্রেণীর অনুরূপ। হালামগণ আপনাদিগকে

কুকি বলিয়া পরিচয় দিতে বড়ই ভালবাসে ;
কিন্তু প্রত্যুতঃ ইহারা কুকি নয়। ত্রিপুররাজ্যে
হালামদিগের সংখ্যা ৫,৬০১। 'নাখাচেপ'
খাঙ্গাচেপ ও লাঙ্গাই আখ্যায় পরিচিত
হালামগণ পূর্বকালে লুসাই জাতীয় কিরাত-
রাজের অধিকারে বাস করিত। লুসাইগণ
হালামদিগের উপর নিরন্তর অত্যাচার
করিত বলিয়া পরে তাহারা 'রুপোবই
তপোইবোং' নামক পর্বতে (এই পাহাড়
তৎকালে ত্রিপুররাজ্যের অন্তর্ভুক্ত ছিল)
উপনিবেশ স্থাপন করে। পূর্বোক্ত পর্বত
'হায়চেফ' বা 'হাতুফ' পর্বতের পূর্বদিকে
বহুদূরে অবস্থিত। এই পর্বত হইতেই
বেগবতী ধলেশ্বরী নদীর উৎপত্তি। এই
সময় লুসাইপতি রুপোবই তপোইবোং
পর্বতের উত্তর পূর্বকোণে অবস্থিত
'চাংছেন' পর্বতোপরি বাস করিত।
হতভাগ্য হালামগণ তাহাদিগের নূতন
বাসস্থানে গিয়াও অত্যাচারের হস্ত হইতে
অব্যাহতি পাইল না; স্মতরাং বাধ্য হইয়া
তাহারা ত্রিপুররাজ্যের অধিকৃত 'আইন
কুওঙ' পর্বতে আপনাদিগের বাসস্থান
নির্দেশ করিল; কিন্তু সেখানেও লুসাইগণ
তাহাদিগকে উৎপীড়িত করিতে লাগিল।
হালামগণ আইনকুওঙ পরিত্যাগ করিয়া
হায়চেফ পর্বতে বসতি করিল। তদবধি
পূর্বোক্ত তিন শ্রেণীর হালামগণ সেই পর্বতে
ত্রিপুররাজ্যান্তর্ভুক্ত অগ্রাণ্ড পর্বতে ও অরণ্যে
বাস করিতেছে। মহারাজ ডাক্তরফার
শাসনকালে হালামগণ প্রথম ত্রিপুররাজ্যে
আগমন করিয়াছিল।

মহারাজ বিজয়মাণিক্যের শাসনকালে

জয়ন্তীদেশের রাজা ত্রিপুরেশ্বরের বিরুদ্ধে যুদ্ধ করিয়াছিলেন। এই যুদ্ধের সময়ে বিজয়-মাণিক্য সাখাচেপ ও খাঙ্গাচেপ ও অন্যান্য সম্প্রদায়ের হালামদিগকে আপন সৈন্যদলভুক্ত করিয়াছিলেন। অসত্য হালামগণ রাজদ্রোহী না হয়, এইজন্য তৎকালে মহারাজ বিজয়-মাণিক্য বিতস্তি পারমিত ধাতুনির্মিত একটি হস্তী ও একটি ব্যাঘ্র তাহাদিগকে উপহার দিয়াছিলেন। হালামগণও রাজদত্ত উপহারের মর্যাদা রক্ষা করিয়াছিল। অত্যাপি হালামগণ দৈবতাজ্ঞানে উক্ত রাজদত্ত ব্যাঘ্র ও হস্তীর পূজা করিয়া থাকে।

হস্তী ও ব্যাঘ্রের পৃষ্ঠে নিম্নলিখিত শব্দগুলি উৎকীর্ণ আছে—

পূর্বাপর্যক্রমাদ্ ভবন্তু আত্মীয়া ইদানীং
যদি বৈপরিত্যমাচরন্তি ভদোপরি ধর্মঃ শশ্ব
নাশো ভবিষ্যতি পশ্চাদ্গজশর্দীলো ॥

ইহার মধ্যে 'ভবি'পর্যন্ত গজপৃষ্ঠে ও অপরাংশ ব্যাঘ্রপৃষ্ঠে খোদিত আছে। এই উপহার প্রাপ্তির বহুকাল পরে লাঙ্গাই সম্প্রদায়ের হালামগণ ত্রিপুরেশ্বরের নিকট হইতে ধাতুনির্মিত আরোহীসমেত একটি অশ্ব পাইয়াছিল। অশ্বপৃষ্ঠে বিজয় মাণিক্য, ছত্রমাণিক্য ও উপহারপ্রাপ্ত লাঙ্গাই সূর্দারের নাম খোদিত আছে।

রিয়াংগণের মত হালামদিগের মধ্যেও 'রায়' 'কাচুক' 'গালিম' ইত্যাদি উপাধিধারী লোক আছে। ইহারাই হালামদিগের সমাজপতি অর্থাৎ নেতা। হালামগণ পরিশ্রমী ও কষ্টসহিষ্ণু। পর্ভতীয় জাতির রমণীগণের মধ্যে হালাম জাতীয় স্ত্রীই সুন্দরী।

ইহাদিগের নির্মিত 'পাছরা' অতি সুন্দর। ইহার বাঁশ ও বেত দ্বারা বহুবিধ জিনিষ নির্মাণ করিতে পারে।

শ্রীঅমূল্যচরণ বিদ্যাভূষণ।

স্বীকার

কাশীর গঙ্গাতীরে ছোট বাড়ী ; সম্মুখের বারান্দা হইতে ভাগীরথীর জল দেখা যায়, তাহার পাশের ঘরে গঙ্গার দিকে মুখ রাখিয়া রুগ্নার শয্যা বিছানো। রুগ্নার জীর্ণ দেহ, মৃত্যুচ্ছায়া-মান মুখ, আশে-পাশে ঔষধাদির বিশেষ চিহ্ন নাই, তাহার পরিবর্তে নিকটে-দূরে অস্তিম-ব্যবস্থারই আভাষ পাওয়া যায়।

গৌরিকধারী এক বৃদ্ধ ব্রাহ্মণ আসিয়া রুগ্নার সম্মুখে বসিলেন।

রুগ্না ডাকিলেন, “গুরুদেব—”

“কি মা ? এই যে আমি।”

“আজ আর বিলম্ব নেই—নয় ?”

“সে কি কেউ বলতে পারে, রমা ? তবে মিছে সময়ের হিসাব করবার প্রয়োজনই বা কি ! নায়ায়ণ স্মরণ কর।”

“করছি বাবা, তাঁর কথাই ভাবছিলাম, কিন্তু একটা কথা—” রুগ্নার মুখ উদ্বেগে বিকৃত হইয়া উঠিল।

ব্রাহ্মণ কহিলেন, “কথা বলতে তোমার কষ্ট হবে মা।”

“না বাবা, তবু আমার বলতেই হবে যে। আপনার মুখে আমার শেষ পরিণামের বিচার না শুনলে মরণও বোধ হয় আমার ছোঁবে না। বেশী নয়, তবু বলতে পারব কি? শক্তিতে কুলোবে কি? বাবা, আপনার চরণধূলি—”

“দিচ্চি, তার আগে একটু বেদনার রস খাও দেখি, তাতে বল—”

“সে বলের কথা বলিনি বাবা, সে শক্তি আমার খুব আছে এখনো। আমি ভাবছি—ভাবছি, সে কথা আপনাকে বলতে পারব কি না!”

“না যদি পার তাতে ক্ষতি কি, মা? তুমি এখন ইষ্ট দেবতার নাম কর।”

“আপনিই আমার ইষ্ট, তাই তো এ কথা বলতে যাচ্ছি। আপনি ত আমার ছেলে বেলা থেকে জানেন, আচ্ছা, বলুন দেখি, জীবনে আমি কোন দুষ্কর্ম কোন পাপ করেছি কি?”

“ভাল প্রশ্ন করেছ রমা, এ কথার উত্তরে তুমি তৃপ্তি পাবে। বাল্যকালে ষিধবা তুমি, কিন্তু তোমার মত পবিত্র সংযত ত্যাগের জীবন ক’জন সন্ন্যাসীতেই বা পায়? তোমার মায়া, দয়া, ভক্তি, ব্রত উপবাস পুণ্য তীর্থভ্রমণ—”

রুগ্নার মুখে মুহূর্ত হাসি দেখা দিল।

“ছেলে-ভুলোনা কথা কেন বলছেন, বাবা?”

এখন আমি তা শুনতে চাইনে। আমি জানি, আপনি জানী পণ্ডিত, তার উপর আমার গুরু,—আমার যা কথা—”

তাঁহার মুখে কথা আটকাইয়া গেল। গুরুরও মুখে গান্ধীর্যের উদাস ছায়া-পাত হইল। ঋণকাল পরে শিষ্যের মাথায় হাত বুলাইতে বুলাইতে তিনি বলিলেন, “তোমার নিজের কথা? বুঝেছি মা। যেদিন তুমি আমার শিষ্য ছেয়েছিলে রমা, তার অনেক আগে থেকেই আমি তোমায় জানতাম; তোমার অম্লান জীবনের মাধুর্য্য অনুভব করতাম,—তাই ত তা বিশ্বনাথের চরণে তুলে দেয়েছি। কিন্তু মা জানো ত, মানুষ দেবতাও নয়, অন্তর্যামীও নয়, তোমার কোন কথা যদি আমার না জানা থাকে—”

“আছে, তাই আছে। সেই কথাই আপনাকে শুনিয়ে যাব, আর বুঝে যাব যে এর পর আমি কোথায় যাচ্ছি—স্বর্গে না নরকে!”

“ও কি রমা, কি বলছ তুমি! বিশ্বেশ্বরকে স্মরণ কর, তোমার কণ্ঠরোধ হচ্ছে।”

“না বাবা, তার জন্ত নয়। আমার মনে হচ্ছে; বাবা বিশ্বেশ্বর ত সব জানেন—”

“তার মধ্যে আর কোন দ্বিধা এনো না মা, তোমার যা বলবার আছে, তাঁকেই জানাও, তিনি সব ঠিক করে নেবেন। তুমি কি জানো না যে—”

“সে-সবই জানি বাবা,—তাঁর কথা পরে বলছি—। কিন্তু আমার কথা—”

“না, না, ভুল করো না মা, আগে তাঁরই কথা বল। তুমি—”

পীড়িতা তাঁহার কম্পিত হাত হৃথানি

জোড় করিয়া মাথায় ছোঁয়াইয়া বলিল,
“কোন ভুল নয় বাবা। এ যে আমার
তঁারই কথা, বুঝি,—আপনি পদধূলি দিন
আমায়, আমি বলি।”

২.

উত্তেজনার ভাবটুকু কাটিলে রমা ধীরে
ধীরে বলিলেন, “বেশী কথা নয়, বেশী
দিনেরও কথা নয়, কিন্তু সে কথা বলার
পূর্বে আমার গত জীবনের কথা ভাবতে
ইচ্ছা হয়। আপনি আমার গুরু, আপনার
কাছে কোন জিনিসকে ‘বাড়িয়ে বলা’ বা
মিথ্যা বলা যেমন অশ্রুয়, কিছুকে খাটো
করে লুকোনোও তেমনি ভুল। ছেলেবেলায়
কখন বিয়ে হয়েছিল বা বিধবা হয়েছিলাম,
তা ঠিক স্মরণ নেই, কিন্তু জ্ঞানের পর
থেকে আমার যা কর্তব্য—সংসার বা সমাজ
আমার কাছ থেকে যা চায়, তার সম্বন্ধে
আমার কিছুমাত্র দ্বিধা বা ক্ষয় ছিল না।
সাধারণতঃ নারী-জীবনের পক্ষে লোকে যাকে
দুঃখ বলে থাকে, আমি ঠিক তার মধ্যেই
এমন একটা চিরস্থিতির আশ্রয় পেয়েছিলাম,
একটি অমর অক্ষয় সুখ আমার হৃদয়ে
অঙ্কুর দিয়ে ক্রমে পল্লবিত হয়ে উঠেছিল,
যার ছায়ায় পৃথিবীর অগ্র সব দুঃখ-জ্বালা
স্বচ্ছন্দে জুড়িয়ে যেতে পারে। কর্তব্য
আমার পক্ষে ভার ছিল না, বরং তাকে ভাল
বেসে বয়ে চলাই আমার প্রিয় অভ্যাস
গুলির মধ্যে সবচেয়ে প্রধান ছিল।”

তঁাহার শ্বাস ঘন দেখিয়া গুরু বলিলেন,
“আজ তুমি কেন এ কথা বলছ মা? তোমায়
কে না জানে? কত দুঃখীকে যে কাঁদিয়ে
যাচ্ছে—”

ঘাড় নাড়িয়া মৃদু হাসির সহিত রমা
বলিলেন, “সে সব কোন কথাই নয়; শুধু
শীঘ্র বলে নিই। আমার ধর্ম-কর্ম পূজা-
আচার মধ্যেও আমি আর-একটা জিনিস
ঠিক তাদের মত ভালবাসতাম, জানেন
কি? আমি সাহিত্য-চর্চা করতাম, কবিতা
পড়তে খুব ভালবাসতাম, বাবা।”

“তাও জানি। আর তুমিও বোধ হয়
জানতে যে যারা মানুষের মনের দুয়ার-
জানলা বন্ধ করে বাইরের কিছু ভিতরে
আসতে দ্বিতে নারাজ, আমি সে-দলের
নই!”

“জানি, আপনি শুধু আমার গুরু বলে
নয়, আপনি যে মানুষের মন জিনিসটাকে
খালি একটুকুরো জমাট বরফ বলে ধরে
রাখেননি, সে যে রক্ত-মাংসের চাপে চাপে
ক্ষণে ক্ষণে বদলাতে পারে—অথবা সে এই
মাটির পৃথিবীর অংশ একটু মাটির ধর্ম
পেয়ে শুকিয়ে পাষণ হয়ে গেলেও কচিং
একটা দুর্বীর জন্ম এড়াতে পারে না, এ
আপনি ভোলেন নি; জানি, বুঝি—তাই
তো এ কথা আপনাকে বলতে যাচ্ছি।
আমার দ্বারা যার স্থির মীমাংসা হয় নি,
আপনি হয়তো তার মানে করে দিতে
পারেন। আচ্ছা, আর অগ্র কথা নয়—সেই
কথাই বলি।

ছেলেবেলায় বিধবা হবার পর থেকেই,
—কেউ ত আমার শেখায়ওনি বোধ হয়,
বাবা; বড় বেশী ছোট ছিলাম কি না,
এগারো বৎসরের মেয়ে বিধবা পিসি
জ্যেঠাইমারা পর্যন্তও আমার বাঁধাবাধির
কোন নিয়ম শেখাতে চেষ্টা করতেন না।

তুবু—কিসের শিক্ষায় বা সংস্কারে তা জানি না, ঐ জ্ঞানশূন্য অবস্থাতেই আমি আমার সেই অবস্থাটিকে যেন আমার বৃকের হাড়ের মধ্যে তুলে নিয়েছিলাম। বড় শোক বা হুঃখ ত নয়ই,—যিনি চলে গিয়েছিলেন, তাঁর সঙ্গে ত আমার পরিচয় ছিল না, কিন্তু সেই শিশু-জীবনের খেলা-ধূলা চেউয়ে-ভাসা হালুকা প্রাণটা একদিনের ধাক্কায় এমন উল্টে পাণ্টে গেল,—জলে-ডোবা জাহাজের শেষ মাস্তুলটার মত বালির উপর জলের উপর আটকে শক্ত কাঠ উঁচু হয়ে মাথা তুলে দাঁড়াল,—ওঃ সে যেন কী! আমিই নিজে তার সব ভাব বুঝতে পারিনি বোধ হয়। সবাই বলত, আমার স্বামী স্বর্গে, আমি দেবতার স্ত্রী, তাই সাধারণ মেয়েদের চেয়ে আমার কর্তব্য যেমন কঠোর, আমার আসনও তেমনি সবার উর্ধ্বে। ব্রাহ্মণ-পণ্ডিতেরা দিদিমা ঠাকুমারা অনেক কথা অনেক কাহিনী শুনিয়ে শুনিয়ে আমায় এমন অবস্থায় পৌঁছে দিয়েছিলেন, যেখানে বাবা মার কান্নার হুঃখটুকু বাদ দিলে, নিজের পুঙ্খ আত্মসম্মানের উচ্চ ঐশ্বর্যশালী অথচ বেদনা-বন্ধন-হীন আনন্দ-গর্বের বিচিত্র দেবাসন-খানিই আমি দখল করে বসেছিলাম। বয়স বাড়তে বাড়তে যখন আমি সকলের প্রশংসা বা শ্রদ্ধা পেতে লাগলাম, তখন তাতে আমার আশ্চর্য্য বা আনন্দ বোধ হত না; আমি যে মানবীরূপে দেবী, আমি যা করছি তা যেমন আমার পক্ষে সহজ, তেমনি আমায় সম্মানের চক্ষে দেখাও তাদের কাছে সোজা না হবে

কেন? হাসি পাচ্ছে, বাবা। এখন আমি সেদিনের কথা মনে করে হাসি, কিন্তু অনেকখানি বয়স পর্য্যন্ত এ হাসিটুকুও আমি হাসিনি, কারণ নিজেকে তখন সে সব চপলতার অতীত বলেই ধারণা ছিল। তবে তারি মধ্যে তরল সাহিত্যের মোহ-টুকু কোথা থেকে এসেছিল কি জানি! গল্প-উপন্যাস ইচ্ছা করে ঘণা করতে চেপ্টা করতাম, কিন্তু নড়াতে পারতাম না ঐ কাব্যকে; বুঝতাম, তারা অনেক মটির জিনিষকেও সোনার রং মাখিয়ে চোখের স্তম্ভে ধরে, অনেকের কাঁচা মুগ্ধ দৃষ্টি তাতে ঝলসেও যায়, কিন্তু নিজের পরে তখন আমার এতখানি অটুট বিশ্বাস যে ভ্রমেও মানতে চাইতাম না যে অমনি কোন সামান্য জিনিষ আমার প্রস্ফুটিত জ্ঞান-নেত্রকে ভ্রান্ত করে দিতে পারে! আমি যে দেবী, আমার নিত্যকৃত হুঃসহ ক্লেশের অম্লান পুণ্যই আমার মনের নমস্ত আধার। যুচিয়ে সত্যের পথ দেখাবে!

না বাবা, কিছু বলতে হবে না আপনাকে, আর নিজের কন্ঠের গর্বি নাই, তবে বিধাতার চিরদিনের দয়া, তাঁর অশীর্ষাদে ঐ পুণ্যকে এখনও আমি তেমনি বিশ্বাস করি! তার ইঙ্গিতেই ত এত কথা বলে যাচ্ছি। তা নয়, শুধু আমার অহঙ্কার যে তখন কত বড় ছিল, কেমন অনাহত ছিল, তাই জানাচ্ছি আপনাকে।

তারপর বহুদিন অমনিভাবেই কেটে গেল। পৃথিবীতে থেকে ভগবানের কাষ রুপে, এই অভিমানের ভূপিতে মরণের সাধ ছিল না, কিন্তু তখন যদি মরণ

আসতই তা হলে তার পক্ষে খুব অসম্ভব হত না। চল্লিশ পার হয়ে গেছিল; শরীরে-রোগ ছিল, চোখের দীপ্তি অনেক খানিই নিবে এসেছিল। কিন্তু মেয়ে মানুষের চশমা পরাকে যারা অত্যন্ত সৌখীনতার চিহ্ন বলে মনে করে, তাঁরাও আমার সেই নিস্তেজ চোখের কাচ-ঢাকা প্রথর দৃষ্টির সামনে নিশ্চিন্ত হয়ে যেত। আমার লেখাপড়া বই কাগজ—অনেক গিন্নী-বান্নী শ্রেণীর বিধবারা বিরক্তির চক্ষে দেখলেও ভয়ে কিছু বলতে পারতেন না, কারণ পুরোহিত-ভট্টাচার্য্য মহাশয় সর্বদাই আমার তর্কে পরাস্ত হন ও মাঝের-পাড়ার স্মৃতিরত্ন খুড়া গ্রামে এলে বাড়ী এসে আমার সঙ্গে দেখা এবং আলাপ করে যান। যারা আমার নিন্দুক, তাঁরাও নিন্দার পথ খুঁজে পেতেন না, কেননা নিষ্ঠায় আচার্য্যে প্রতিদিন আমিই তাঁদের খুঁৎ ধরে দিই। আমি জানতাম, যিনি যাই বলুন, তার অধিকাংশই তাঁদের মুখে,—সেখানে আমার কার্য্যই আমার প্রবল সাক্ষী হয়ে দাঁড়ায়, আমি তাঁদের ভয় করতে যাব কেন?”

“তার জন্ত এত কথা বলছ কেন, রমা? অনুতাপের কথা এর মধ্যে কি আছে? মানুষের মনের মধ্যে অমনি কিছু উগ্র শক্তি না থাকলে সহজে সে সংসারের পথে চলে যেতে পারবে কেন?”

“শক্তি? হ্যাঁ, আমিও তখন এই নামই দিতাম বটে। কিন্তু পরে বুঝেছি, শক্তি বা ভক্তি যে নামই দেওয়া যাক তাঁর, কিন্তু ওর মধ্যে যদি আমি বলে কেউ

সমঝদার লোক বসে থাকে, তবে সে ভালু সামগ্রীগুলিও—নারায়ণ!”

একটা টানা নিখাসে রুগ্নার দুর্বল বক্ষ-পঞ্জর কাঁপিয়া উঠিল। ব্যস্তভাবে গুরু বলিলেন, “একটু স্থির হও দেখি মা। তুমি বুঝতে পারছ না কিন্তু আমি দেখেছি—মৃত্যুর ধারণাটা যে সময় মানুষের প্রাণে স্থির বিশ্বাসের মত জেগে ওঠে, কোন উপায়ে তখন জীবনের ছোট-খাটো অপরাধগুলোও মনকে খুব বেশী রকম অনুতপ্ত করে তোলে। তুমি যা বলছ, তা ত কিছু দোষের নয়, রমা।”

“এখনও যে কিছু বলা হয়নি বাবা, এবার আসল কথা বলি। সবটুকু খুলে বলতে হবে, পারব কি অত বলতে? তবু—সে বৎসর আমরা তীর্থে বেড়িয়ে ছিলাম, আপনার মনে আছে ত? আপনারও যাবার কথা ছিল, কিন্তু বাড়ীর কাছে কার প্লেগ হয়েছিল নাকি—আপনি লিখে বারণ করলেন?”

“হ্যাঁ, সে তো সেদিনের কথা।”

“পাঁচ বৎসর হয়েছে।” এই পাঁচটি বৎসর—যাক সে কথা। আমাদের দেশের অনেক লোকই ছিলেন সে দলে, ধনী গরীব মেয়ে পুরুষ—সবাই মিলে যেখানে আমরা নামতাম, সেখানে দিব্যি সোর-গোল পড়ে যেত। দান-ধ্যান, পূজা, শ্রাদ্ধ—খুব ঘটর সৃষ্টিই চলাছিল। চিত্রকূট নন্দী গোদাবরীর পথ ধরে আমরা দ্বারকা গিয়ে আমেদাবাদের পথ ঘুরে ফিরেছিলাম পুঙ্করতর্ক করব বলে।

তর্ক সারা হলে যখন আজমীরে ফিরে

এলাম, উঃ, সেদিন কী ভীড়, বাবা! কোন্ সাহেব . নী কে কোথায় যাচ্ছিলেন। ষ্টেশন মাষ্টার বেড়ে জবাব দিলে যে ফাষ্ট বা সেকেন্ড ক্লাস দিতে তাঁর সাধ্য নাই। ইন্টার বলে কোন ভদ্র বিড়ম্বনা সে ট্রেনে ত নাই—শুনে আমাদের সঙ্গী বড় লোকেরা হতাশাস হয়ে বসে পড়লেন। পরের ট্রেনে বা তার পরদিন কিরলেই হত, কিন্তু ব্যস্ত-বাগীশদের সে বুদ্ধি দেয় কে? বিশেষ টিকিট লগেজ সব প্রস্তুত, আর কি ফেরা হয়? গাড়ী দাঁড়াতে সবাই মিলে ঠেলাঠেলি করে একটা খার্ড ক্লাশে উঠে বসলেন। শিকের বেড়া দেওয়া একটু অংশে ষ্টেশন মাষ্টার দয়া করে কীমেল লেখা একটুকুরা কাগজ এঁটে দিয়েছিলেন, আমরা দু-চারটি মেয়ে তাতে ঢুকে পড়লাম। তীর্থে এসে এটুকু কষ্টে কেউ ক্ষুণ্ণ হন নি, বোধ হয়। আমার ত ভালই লাগল।

পাশের পুরুষ-কামরাটি লম্বা দৌড়দার ঘর, একটু একটু কাঠের ঘের দিয়ে চার-পাঁচখানা ভাগ-করা। তাতেই কাঠের ছোট ছোট বেঞ্চ সাজিয়ে যাত্রীদের বসবার জায়গা। এত যাত্রীও কি উঠেছে তাতে! পেশোয়ারী কাবুলী থেকে রাজপুতানার সব শ্রেণীর সব জাতির লোককেই দেখে নিলাম সেদিন। শুধু পাগড়ীর পর পাগড়ী, কত বর্ণের, কত আকারের, আর কত ছাঁদের বাঁধনে বাঁধা সে শিরোভূষণগুলি!

আমাদের সাথীরা নিকটেই ছিলেন, কিন্তু তার চেয়েও কাছে ছিলেন একদল মারাঠী। তাঁদের সঙ্গেও স্ত্রীলোক ছিল কিন্তু তাঁদের জন্ত কোন মেয়ে-গাড়ী বা

ঠেলাঠেলির দরকার হয় নি; তাঁরা পূর্বে উঠে বেশ স্বচ্ছন্দে ছিলেন, তারপর ক্রমশ সংখ্যা-বৃদ্ধির সঙ্গে সঙ্গে এসে কোঞ্চে পড়ে গেছেন, মানুষকে জায়গা ছেড়ে দেবার জন্ত কোন ঝগড়া বা হাতাহাতি নাই সেখানে।

গাড়ী ছাড়বার সময় হয়ে এল। সবাই স্থির হয়ে স্থান দখল করে বসে—পাছে আর কেউ উঠে পড়ে! এমন সময় একটু গোল উঠল—কোনো কুলীর সর্দার হোক বা রেলের ছোট-খাটো কেউ হোক দুজনে মিলে একজন রোগী লোককে আমাদের কামরার দুয়ারে এনে হাজির করলে। সবাই হাঁক পেড়ে উঠল, “আর জায়গা নেই, গাড়ী ভরে গেছে,”—কিন্তু সে সব চীৎকার গ্রাহ্য না করে তারা সেই রোগীকে ঠেলে গাড়ীর মধ্যে তুলে দিলে! একজন বললে, “বেশীদূর নয়, এর ভাই বান্দীকুই-এ এসে ওকে নামিয়ে নেবে।”

আমাদের বাঙালীরা ‘পুলিশ পুলিশ’ করে চৈচাচ্ছিলেন, তারা হাসতে হাসতে চলে গেল। গাড়ীও ষ্টেশন ছেড়ে দিলে।

রাত্রি তখন প্রায় আটটা। শীতের রাত্রি, মেঘ করে আকাশের আধার ও বাতাসের ঠাণ্ডাকে যেন জমাট করে তুলেছিল। গাড়ীতে গা মেলবার ঠাই নাই, তারি মধ্যে যিনি লগেজ বা বাক্সের উপর পা ছড়াতে পেয়েছেন, তিনি নিজের কৃতিত্বে প্রফুল্ল। ও পাশে সেই রোগীটা কঞ্চলমুড়ি দিয়ে কাঠের মেজের পড়ে আস্তে আস্তে কঁথাচ্ছিল। ঘরশুদ্ধ সবাই তার উপর রুপ্ত, তার কাছের মূলতানী ছোকরাটা লাঠির গুঁতায় ক্রমশ তাকে কোণ-ঠেসা

করে ফেললে। কোণের বেঞ্চে আমাদের পাড়ার রক্ষা বুড়ী বসেছিল, ছোঁয়া ষাবার ভয়ে এসে প্রথমে মুল্তানীর সঙ্গে কৌদল পরে সেখানে পরাস্ত হয়ে অজ্ঞান শক্তিহীন রুগ্নের উপরই নানা উপায়ে রৌষবর্ষণ শুরু করলে। অতঃপর পাশ থেকেও তার মাথার চুরুটের ছাই কমলালেবুর খোসা থেকে পালি তামাকের পিচ, সবই জমা হতে লাগল।

রাত্রি বেশী হয়ে উঠেছে, ঘুমে মাথা নুয়ে আসছে, হঠাৎ রক্ষা চোঁচিয়ে উঠল— “ড্যাক্‌রা আমার পোঁটলা বুচকী সব নোংরা করে দিলে!” ঘরখানায় সত্যই দুর্গন্ধ পাওয়া যাচ্ছিল। রোগী তখন সম্পূর্ণ অজ্ঞান, কোন কথা বলতে পারছে না। আমাদের সঙ্গিনীরা বললেন, “সব কল্লা, আসল নষ্টামি!” মুল্তানী খোঁচা দিয়ে দেখতে লাগল। পেশোয়ারী সেই ময়লা জায়গার উপর দিয়েই নিজের প্রকাণ্ড বস্তা টেনে দূরে গিয়ে বসল, আর মথুরার আগরওয়ালার মত প্রকাশ করলেন, “ইস্কো হায়জাকা বেমারি হয়।”

কথাটা শুনেই আমাদের সংক্রামক-রোগ-ভীরা বাবুরা একসঙ্গে চমকে উঠলেন। কলেরা কি আর কিছু—কেউ তার খোঁজ নেয় না, শুধু গোলমাল আর ঠেলাঠেলি! পুরুষদের কি হবে এই ভয়ে আমাদের কুঠরীর মেয়েরা পর্দা ফাঁক করে “ওগো, তোমরা এ ঘরে এসো” বলে ডাক দিতে লাগলেন। সবারি ভাব দেখে মনে হচ্ছিল যেন সেই নিশ্চল অবসন্ন বস্তুটি কাপড়-ঢাকা-দেওয়া স্বয়ং মৃত্যু, আর সে এখনি লাফিয়ে উঠে যার-ঘাড়ে-খুঁসি লাফিয়ে পড়বে!

তারি মধ্যে যে লোকটা সব-চেয়ে সাহসী বা সব-চেয়ে মূর্খ, সবারি অনুরোধে পড়ে সেই রোগীটাকে ছুঁয়েছিল; তারপর ভয়ে হোক বা নিরুদ্ভিতায় হোক সে বলতে লাগল, “মানুষটা বেঁচে নেই!” কথাটা শুনেই সব হৈ-টৈ খানিকক্ষণের জন্ত থেমে গেল। প্রকাণ্ড ঘরখানায় একটিমাত্র বাতি, তাতে উজ্জলতার চেয়ে ছায়ার ভাগই বেশী। ভয়ে কি ভাবনায় জানি না, আমার মনটাও কেমন হয়ে গেল। ভাবলাম, কি আশ্চর্য্য, এতগুলি লোকের মধ্যে কেউ একবার কাছে গিয়ে দেখে না যে লোকটা সত্যি মরল কি না? আমার পাশের গৃহিণীকে বললাম, “দিদি, বাবুকে বলাওনা, মানুষটা বেঁচে আছে কি না কাউকে দিয়ে দেখান্।”

“এত রাত্রে কোন্ জাতের মড়া—কে ছুঁতে যাবে? কার মরণ-পালক উঠেছে?”

এমনি কতকগুলি বিরক্তির সঙ্গে তিনিও আমার আক্কেলকে ধনুবাদ দিতে লাগলেন। আমি আর কিছু বললাম না, মুখ ফিরিয়ে পাশের ঘরের কাণ্ড শুধু চেয়ে-চেয়ে দেখতে লাগলাম। তার বেশী আর করবই বা কি? আমি মেয়ে মানুষ—আমার ইচ্ছা ত আমার ক্ষমতার মধ্যে নয়!

সবাই অর্ধৈর্ধ্য হয়ে পড়েছে; আগ্রা ও মথুরার লোক কটা ত এমন ব্যস্ত হয়ে উঠেছে যে বোধ হয় পরের ষ্টেশনেই তারা নেমে যাবে! বাবুরাও “বাদীকুই” কোথায়, কতক্ষণে পৌঁছবে, এই প্রশ্নে বিহ্বল হয়ে যাচ্ছেন, হঠাৎ এমন সময় এপাশ থেকে পরিষ্কার হিন্দীতে উত্তর হল, “বাদীকুই

আসতে এখনও দেবী আছে, সবাই স্থির হয়ে বসুন এখন।”

চেয়ে দেখি, আমাদের পাশের সেই মারাঠীদলের মধ্যে যে বয়স্ক লম্বা লোকটি চোখে চশমা এঁটে এতক্ষণ শুধু বই পড়ে যাচ্ছিলেন, তিনিই সে কথা বললেন। তার উত্তরে আমাদের কে একজন ভাঙ্গা হিন্দীতে বলে উঠলেন,—ততক্ষণ কি মড়া নিয়ে বসে থাকতে হবে না কি?

তিনি এতক্ষণ বাবুর দিকে চেয়েছিলেন, এইবার একটু হেসে বাংলাতেই বললেন, “ব্যস্ত হবেন না, তারও উপায় করতে হবে। কিন্তু প্রথমে দেখা দরকার হচ্ছে যে লোকটা বেঁচে আছে কি না।” বলে তিনি সঙ্গে লোকদের দিকে ফিরে তাঁদের সঙ্গে অজানা ভাষায় কি কথা বলতে লাগলেন। খানিক পরে গাড়ী একটা ষ্টেশনে পৌঁছুলো। বাবুরা ও হিন্দীভাষীরা সমস্বরে ‘পুলিশ-পুলিশ’ করে চেঁচালেও সে অন্ধকার আড়ায় কোন তকমাধারীর সন্ধান পাওয়া গেল না। দু-একটা ছেঁড়া কাপড়-পরা লোক এসেছিল, কিন্তু কুলীর প্রয়োজন নাই শুনে প্রস্থান করলে। ইত্যবসরে টেন চলতে লাগল।

গাড়ীর লোকেরা আবার অস্থির হয়ে উঠলেন। রক্ষা পালিয়ে এসে আমাদের ঘরে চুকছিল কিন্তু গৃহিণীরা তাকে পর্যাপ্ত আসতে দিলেন না, কেন না সেও হয়ত মড়া ছুঁয়েছে, দ্বিতীয়ত তার কাপড়-চোপড় ত নিশ্চয় কলেরার ময়লায় ছোঁয়াপড়া,— সুতরাং—

ওদিকে বিপদ আরও বেড়ে যাচ্ছে,

মুসলমানী মেয়ে কটা ছেলে কোলে করে একপাশে সরে গেছিল কিন্তু তাদের পুরুষেরা রাগে বিরক্তিতে এমন উদ্ধত অসহিষ্ণু হয়ে পড়ল যে রোগা বা সেই মৃত দেহটাকে এখন তারা বাহিরে টেনে ফেলে দেয় আর কি! এ পাশ থেকে সেই ভদ্রলোকটি ডেকে ডেকে বলছিলেন, “বাদিকুই এল বলে, তোমরা কেউ গোল করো না, সেখানে পৌঁছে সব ঠিক হয়ে যাবে।” কিন্তু সে কথা কে শোনে? সে পাশ থেকে সরে সরে সকলে মাঝখানে জমা হয়ে এমন আড়াল করে ফেলল যে দেহটার কি হল আর আমরা দেখতে পেলাম না।

ঘরখানা জুড়ে একটা বিষম ব্যাপার চলছিল, অতগুলো লোক সব দাঁড়িয়ে উঠে বড় গলায় কথা কছে, কে কার কথা শোনে, তারও ঠিক মাই!

আবার একটা ছোট ষ্টেশনে গাড়ী দাঁড়াল। ছোট মানে মুখ বাড়িয়ে তার ঘর-দুয়ার কি একটা আলোও দেখতে পাইনি। তখন একটু একটু বৃষ্টি পড়ছে; আর শীত—কিষ্কা ভয় ও উদ্বেগেও বুঝি—আমাদের বুকের রক্ত পর্যাপ্ত জমে গেছিল। আমাদের নিজের পক্ষে এমন বিপদ আর কি হয়েছিল, বলুন, তবু মনে হচ্ছিল, এ রাত্রিটার বুঝি আর শেষ নাই, এ শীত যেন ভাঙ্গবে না কখনও!

গাড়ী থেকে গলা বাহির করে কে চেঁচাচ্ছিল, “এ কোন্ ষ্টেশন?”

দূর থেকে কি-একটা উত্তর এল, তার সঙ্গে এরা আরও চেঁচিয়ে বলল, “এটা কি বাদীকুই?”

আবার একটা শব্দ শোনা গেল, তা হাঁ কি না বোঝাও গেল না, কিন্তু গাড়ীর লোকেরা শুনে এই বাঁদীকুই। কারণ সেই কথাটাই তাদের প্রয়োজন ছিল!

তারপর গোল ও লোকের চঞ্চলতা এত বেড়ে উঠল যে স্থির করতে পারলাম না, সেখানে কি হচ্ছে। লম্বা লোকটি মানুষ ঠেলে ওধারে যাবার চেষ্টা করছিলেন, কিন্তু বোরখা-ঢাকা মুসলমানী মেয়ে কটি রাস্তার উপর ঘেসে দাঁড়িয়েছে আর তাদের প্রহরার হিসাবে গঙ্গাবী পুরুষহুট্টো এমনভাবে লাঠি বাগিয়ে প্রস্তুত যে শুধু ভদ্রতার শাস্তির হিসাবেও সে ব্যাহ ভেদ করা ছুস্কর ব্যাপার!

তবু বুঝতে বাকি থাকল না যে তারা সেই লোকটাকে গাড়ী থেকে নামিয়ে দিচ্ছে। পেশোয়ারী আর সেই জাঠ-চাষা দুজন ধরাধরি করে তাঁকে ছুস্করের কাছে এনে ফেলে—বেশ বোঝা গেল। আমাদের বাবুরাও উৎসুকভাবে ঘাড় তুলে দেখছিলেন। মনে হল ভয়ের সঙ্গে তাঁদের মুখে বেদনারও আভাস দেখা যাচ্ছে। হঠাৎ আমারও প্রাণের মধ্যে কেমন একটা আতঙ্ক উপস্থিত হল, যদি মানুষটা বেঁচে থাকে? “যদি এটা বাঁদীকুই না হয়? কি ভয়ানক কাণ্ড—ওরা এ করছে কি!—দিদির হাত চেপে ধরে বললাম, “তীর্থ করতে এসে এ কি সর্বনাশ হচ্ছে দিদি, বাবুকে বলাও না—মানুষটা যে যায়!”

দিদিও ভয় পেয়েছিলেন, বল্লেন, “আমি কি করব ভাই, বাবুকে ডেকে দেবে কে?”

“আমি দিচ্ছি, তুমি বল। বুঝ না—

ছেলে-পিলের মার এতে কি অকল্যাণ হচ্ছে!”

তাঁর মুখ শুকিয়ে গেল। “আধ বোন, যা ভাল হয় কর।” বলে তিনি দাঁড়িয়ে কাঁপতে লাগলেন। পর্দা তুলে আমি ডাকতে উত্তর, এমন সময় ধপ করে শব্দ হল—তার পর খস-খস ঘড়-ঘড়, যেন কি গড়িয়ে একটু নীচে পড়ে গেল। সর্বনাশ, তারা তাকে ঠেলে ফেলে দিয়েছে! কে একজন বলে, “তারের ওপারে খাদ ছিল তা ত জানি না, হাত ফসকে পড়ে গেল।”

দ্বিতীয় ব্যক্তি বলে, “যাক্, কাল সকালে পুলিশ এসে সব ঠিক করে নেবে।”

আর বেশী কথা নয়, গাড়ী তখন চলতে শুরু করেছে। বাবা, বুঝে নিন, এমন ঘটনায় মেয়েমানুষের মনে কি হয়? “দিদির চোখ দিয়ে জল পড়ছিল, আমার যেন সেটুকুও শুকিয়ে গেল! চোখের স্নমুখে এমন নির্দয় কাণ্ড ঘটে যায়, বসে থেকে তার কোন উপায় পর্য্যন্ত করতে পারলাম না? নারী-জন্মটার উপর সেদিন কেমন ধিক্কার জন্মেছিল! আমার স্ত্রী-দেহটাকে কখনো কোন কারণে আমি ঘৃণা করিনি, কিন্তু সেদিন প্রথম বুঝলাম—যাক্। দিদি সেই কাবুলী মিসেসটাকে হাজার গালি পাড়ছিলেন, আর আমার মনে হচ্ছিল, মিথ্যা, তাদের গালি দেওয়া ভুল। সামনে বসে আমাদের যে ঐ-সব ভদ্র আত্মীয়, তাঁরা সে মূর্থ জাঠ বা নিষ্ঠুর কাবুলীর চেয়ে কোন অংশে সহৃদয় নন; সবাই মিলে চেষ্টা করলে তাদের ক্ষমতা কি যে এ কাজ করতে পারে? এর জন্ত যা পাপ বা মনস্তাপ

—শুধু বয়ে নিয়ে যাওয়ার অপরাধে অপরাধী ঐ দুটো লোকের চেয়ে তাঁদেরি তা বেশী প্রাপ্য, কারণ তাঁরা শিক্ষিত, ভদ্র; ওঁদের ভয়ের মূর্তি দেখে তারা আরও ভয় পেয়েছে; ওঁদের মনের ভাব অনুসরণ করেই তারা তাকে ফেলতে সাহস করেছে,—নিশ্চয়। আমাদের গৃহিণীরা “ভগবানের লীলায় এখানেই ওর মরণ লেখা ছিল” ইত্যাদি কথায় অদৃশ্য ভাগ্য-বেচারীকে টেনে এনে শেষ অপরাধী খাড়া করছিলেন; আমার কিছু ভাল লাগছিল না, আমি চুপ করে জানলার পাশে বসে রইলাম।

চোখ মেলে চিরে ফেল্লেও আঁধার ছাড়া আর কিছুই দেখা যায় না। রুক্মিণী ঠাণ্ডা বাতাস, মাঝে মাঝে পাংলা জলের কণা উড়ে মুখে লাগছিল। আমাদের ধর্ম-পুস্তকে ‘অন্ধতামস’ বলে যে নরকের বর্ণনা পড়েছি—বারবার আমার তাই মনে পড়তে লাগল।”

রমা একটু থামিলেন। আসন্ন মৃত্যুর সম্মুখেও তাঁহার মুখখানি এমন একটি উৎসাহের ঔজ্জ্বল্যে দীপ্ত হইয়াছিল, যাহাতে বোধ হয় মরণই ভয় পাইয়া তাঁহার নিকট হইতে দূরে সরিয়া গিয়াছে! গুরুর মুখেও ঔৎসুক্যের স্তম্ভ ভাব! রমাকে নীরব দেখিয়া তিনি বলিলেন, “এরি জন্ত তুমি এত অনুতপ্ত হয়ে আছ মা?”

রমা চোখ মুদিয়া যেন কিছু স্মরণ করিতেছিলেন, তাঁহার কথায় চাহিয়া দ্রুতস্বরে বলিলেন, “না, না, তা কেন হবে? তার জন্ত অনুতাপ করবার তো কিছু নাই। সেদিন সেখানকার পঞ্চাশখানা নিষ্ঠুর হাতের

সঙ্গে ভগবানের নিজের দুখানি করুণার বাহুও যে নেমে এসেছিল, বাবা! নিঃশব্দে অনাড়ম্বরে তাঁর কাজ শেষ করে গেছিলেন তিনিই—আর তাতেই আমাদের অতগুলো লোকের সমস্ত পাপ-তাপের প্রায়শ্চিত্ত হয়ে গেছে।”

পীড়িতার কণ্ঠ রুদ্ধ হইয়া গেল; ভয় পাইয়া গুরু বলিলেন, “কি মা, কি হল? কিছু—”

“না বাবা, ভালই আছি আমি, সে কথা মনে হলে মরণের অসহ কষ্টেও আমি সুখ পাই—তাই—” বলিয়া চোখের জলধারা বালিশে মুছিয়া রমা বলিলেন, “কিছুই ভুলিনি, অথচ মনে হচ্ছে আর ঠিক-ঠিক বলতে পারব না। তার পরের ঘটনা, ই্যা, সব চুকে গেলে নিশ্চিত্ত হয়ে আমাদের মুরুবি বাবু এ-ঘরে উকি দিয়ে বল্লেন, “কোন ভয় নেই, তোমরা সব ভাল আছ ত?”

এবার দিদি একটু রাগের সঙ্গে গর্জন করে বল্লেন, “সব্বাই ভাল আছে আর থাকবেও, এখন তোমরা তো সে অনাথ মানুষটাকে ঠেলে ফেলে দিয়ে এলে, যাও, ঠাণ্ডা হয়ে বসো গে।”

বিচলিতভাবে বাবু বলিলেন, “সে কি-রকম কথা হল? আমরা ফেলে দিলাম কিসে?”

দিদি সে কথায় কান না দিয়া বকিয়া চলিলেন, “মরা কি জ্যান্ত, তার ঠিক নেই—এই আঁধার রাত্রি, কেউ কোথাও নেই—অমন রুগ্ন,—হলই বা কলেরা, নিজেদের কারো হলে কি হত? কি বলে কেমন করে তাকে ফেলে দিলে?” দিদিকে

আমার তখন প্রণাম করবার ইচ্ছা হচ্ছিল।
দিদির কথায় বাবুর মুখ শুখিয়ে উঠল।

একটু নীরব থেকে তিনি বল্লেন,
“কোথাকার কে, তার জন্ম আমি ঐ
পঞ্জাবী গোয়ারদের সঙ্গে লড়াই কর্তে
যাব নাকি? খুব মেয়েলী শাস্ত্রের বার
করেছ ত! কিন্তু ধৈর্য্য ধর, চেয়ে দেখনি
তাই অত চোঁচাচ্ছ, সে একলা ভাগাড়ে যায়
নি ত—তার সঙ্গে আরও একজন জলজ্যাস্ত
মানুষও নেমে গেল, দেখলে না?”

“কখন—কে?” আমার মনের প্রশ্নটা
দিদি ছাড়া আরও অনেকে উচ্চারণ করলে।

“চিনিনে, সেই যে লোকটা বাংলাতেও
কথা কহিতে পারে—ওদিকে তাকে নামাচ্ছিল
সেই সময়ে এ পাশ দিয়ে সেও নেমে গেছে—
আমি দেখেছি।” কথা কটা মুখে নিয়েই
বাবু পিছিয়ে নিজের জায়গায় গিয়ে বসলেন।

“মাগো, সে আবার কে? অত আধারে
নামল কি করে?” গাড়ীর গৃহিণীরা সভয়
বিস্ময়ে পরস্পরের মুখ চাহিলেন। আমার কিন্তু
তখন—বাবা, লোকটির মুখ বা চেহারা
কিছুই স্মরণ হচ্ছিল না। ভাল করে
দেখিইনি হয় তো,—নাটক-নভেলে যা
বিদেশী উপদেশের বই-এ যেমন সব ঘটনা
পড়া যায়, অল্পবয়সী ছেলেদের বা মেয়ে-
মানুষের মন যে-সব কথায় এক মুহুর্তে
ছল-ছল করে ওঠে, এ যে চাক্ষুষ
তাই!—একটু আগে একটা অসম্ভব রকম
নিষ্ঠুরতা দেখে যেমন চমুকে গেছলাম,
তারপর হঠাৎ তেমনি আশ্চর্য্য তেমনি নূতন
—আঃ, কি নাম দেব তার? যা ঘটে
গেল—ঠিক তার উল্টো! স্বপ্না, ভয়, স্বার্থ—

সব কটারি বিপরীত সে যে! খালি মনে
হচ্ছিল, মানুষ নয় মানুষ নয়।

সব চূপ হয়ে আছে তখন; একটা
বড় রকম ধাক্কা পেয়ে পাশের কামরায়
“বন্দে বারোদাঁ মধ্যভারত,—রাজপুতানা ও
মালবেরা” সব স্থির হয়ে বসেছিল। তাদের
গল্পগুজব সব যেন থেমে গেছে, আমি
আমার পুঁটুলিটি কোলে করে বাইরের
আধার-পানে চেয়ে। একটু একটু তন্দ্রার
ভাব আসছিল, আর চমুকে ভেঙ্গে
যাচ্ছিল; বুকের মধ্যে রক্ত যেন ছলুকে
উঠছিল, আর কি-একটা মধুর ভাব—
যেন সুস্বপ্নের মত,—বাবা, ক্ষণে ক্ষণে
আমার মনে হচ্ছিল, ...আমি আজ দেখেছি,
আমার নারায়ণ—আমার হরি, আমার
দেবতা! আজ আমি এই ছার নয়নে
তাঁরই দর্শন পেয়েছি। তিনি এসেছিলেন,
আমাদের পাশে সকলের সমুখে দাঁড়িয়ে
ছিলেন,—তাকে আমি দেখেছি। তাঁর
অঙ্গের বাতাস এই গাড়ী-ভরা লোকের
গায়ে লেগেছে,—যত অপরাধ করুক—
তারা আজ পবিত্র, তাদের সঙ্গে আমিও
ধন্য, আমার তীর্থযাত্রা আজ সার্থক!

মুখ বাড়িয়ে চেয়ে দেখলাম, তাঁর
আসনখানি শূন্য। সাধ হচ্ছিল, নামবার পূর্বে
যদি একবার ঐ কাঠের তক্তাটুকু মাথায়
কপালে ছুঁইয়ে যেতে পারি! গাড়ীখানার
উপরই যেন আমার মায়া জড়িয়ে এল,
সেখান থেকে এখনি নামতে হবে ভেবে
কান্না পাচ্ছিল। গাড়ী-ভরা লোক, ঐ নির্বোধ
নিষ্ঠুর কটা, সব্বারি উপর আমার সমান
ভালবাসা আসছিল। তাদের নিষ্ঠুরতার

উপলক্ষ্যেই ত আমার গোলোকর দেবতা আজ মাটির ধরায় এসে দাঁড়িয়ে ছিলেন! হ্যাঁ, দেবতা,—আমি দেখেছি—তাকেই দেখেছি!”

“কি বলছ, মা?”

“আমি কি ভুল বুঝেছি বাবা? সত্য বলুন।”

গুরু নিশ্চলভাবে শিষ্যার কথা শুনিতে ছিলেন, তাঁহারও চোখের তাঁরায় মোহের বিহ্বল ভাব! প্রশ্ন শুনিয়া মৃদুস্বরে তিনি বলিলেন, “যা বলছিলে ঐতক্ষণ, তার পরে আবার এ প্রশ্ন কেন রমা?”

“কি জানি বাবা, তাঁর খেলার বিশেষত্ব এইখানেই। তিনি হাত বাড়িয়ে দেবেন, কিন্তু যাকে দেবেন, সে যে হাতে হাতে তা পায় না! এই খুঁজে মরা, ভুল বোঝা, হারিয়ে যাওয়া, ঘোর-কোরের পাকে ফেলে মানুষকে তিনি চিরটা কাল কাঁদিয়ে আসছেন।”

রমার মুদিত চক্ষুর প্রান্ত দিয়া আবার দুইটি জলধারা নামিল। সম্মুখে তাহা মুছাইয়া দিয়া গুরু বলিলেন, “খামখা প্রশ্ন কর মা, তোমায় শেখাবার মত আমার কিছুই নাই। কিন্তু তার পর? সে রোগী বা মারাঠী ভদ্রলোকটির খোঁজ পাওয়া যায় নি বোধ হয়? বলতে পারবে কি, না, শ্রান্তি বোধ হচ্ছে? থাক—”

একটু জোর হাসির সহিত রমা বলিলেন, “থাকবে কেন? এটুকু না বললে ত কিছুই বলা হল না। যা বললাম, সে তো শুধু উপলক্ষ্য গল্প, শেষ যার সঙ্গে আমার নিজের কথা জড়ানো,— তা আপনাকে না বললে চলবে কেন? শুনুন, কতক্ষণ বোধ হয়, অনেকক্ষণ পরে গাড়ী বেশ একটা জঁকালো স্টেশনে

থামল। সে দেশের ধরণে তৈরি ভারী পাথরের মোটা থামওয়াল প্রকাণ্ড স্টেশন। আলো বাতি লোকজন, যে-সব জায়গা ছেড়ে এলাম সন্ধ্যার পর থেকে—তার সঙ্গে এর তুলনাই হয় না। খানিক পরে শুনলাম, এই বাঁদিকুই।

নামটা শুনে যেন সবাই একটু চমকে গেল। চুপ, চুপ! বাইরের গোলের সঙ্গে কেউ আপনার আওয়াজ মেলানো না! সবাই জেগে আছে—কিন্তু অনেকেই যেন ঘুমিয়ে পড়েছে এমনি ভাব দেখাতে লাগল। তা হোক তবু তারা যা এড়াতে চাচ্ছিল তার ভুল হল না! একটু পরেই দেখা গেল—একজন হিন্দুস্থানী লোক প্রায় প্রত্যেক কামরার ছয়ারে এসে কি জিজ্ঞাসা করছে। আমাদের ঘরের কাছে এসেও সে ঘরে কোন রোগী আছে কি না প্রশ্ন করলে। তখন সবারি শ্বেন ঘুম ভেঙ্গে গেল—এমনি বিরক্তভাবে ধমক দিয়ে - তাকে সরিয়ে দেওয়া হল। আমাদের বাবুরাই তার অগ্রণী, তাঁদের গুরুগম্ভীর আকৃতি ও চেন-ঘড়ির ঝকমকে আভার চমকে বিকস্মিত না করে লোকটি সরে গেল।

আমার নিশ্বাস বন্ধ হয়ে উঠাছিল, দিদি বললেন, “মাগো, সবারি যেন ভীমরূতি হয়েছে! মানুষটার যে কি হল—সে কথাটা ওকে বললেও না! আমার ইচ্ছে হচ্ছে—”

ইচ্ছাটা তাঁর একার নয়। কিন্তু যাদের যাদের প্রাণে সে প্রবল ইচ্ছা ছাড়া ভাববার জায় মাথা খুঁড়ে মরছিল, ঈশ্বরেচ্ছায় তারা সব কটিই বাংলা দেশের রুদ্ধঘরের বন্ধপাখী, ওকে ডেকে সাড়া দিতে গেলে এখন

তাদের ঘরে বাইরে—যাক, সে খুব বেশী কথা নয়।

এমনি সময় একজন ডাকপিয়ন গাড়ীর কাছ দিয়ে কি নাম ধরে ডেকে যাচ্ছিল; শুনে একজন মারাঠী উঠে বলেন, “টেলিগ্রাফ কি?”

হাত বাড়িয়ে খাম তুলে পিয়ন বলে, “আপনিই কি—”

“হ্যাঁ, দাও।” তারপর সেখানা পড়ে ঘাড় ফিরিয়ে নিজের সঙ্গীদের কি বলে তিনি প্লাটফর্মে নেমে পড়লেন। আমার মনে চমক লাগল, এ তাঁরই টেলিগ্রাফ নয় ত!

আবার সেই গরীব লোকটি কাছে এসে উপস্থিত, “আমায় ডাকলেন, হুজুর?”

“হ্যাঁ, নারায়ণা ষ্টেশন জানো?”

আশ্চর্য্য হয়ে সে বলে, “জানি।”

“সেইখানে তোমার ভাই আছে, এই ডাকগাড়ীতে উঠে তুমি সেখানে চলে যাও।”

“ডাকগাড়ীতে? নারায়ণা? সে সেখানে নামল কেন, মালিক?”

“তার অসুখ বেশী হয়েছিল। যাও, আর দেরি নয়,—ট্রেন ছেড়ে যাবে।”

“এখন—এতরাত্রে—?”

“হ্যাঁ, ঐ যে গাড়ী দাঁড়িয়ে—যাও। হ্যাঁ, তোমার কাছে ভাড়ার পয়সা নেই বোধ হয়?” বলতে বলতে লোকটাকে প্রায় টেনে নিয়ে তিনি অগ্রধারে চলে গেলেন।

ষ্টেশনটার গাড়ী-বদলের হাঙ্গাম ছিল, অনেক চাষাভূষা নেমে গেল, দু-চারজন উঠলও। আমাদের সামনেই ফিরতি ডাকগাড়ী ছুটে গেল। অনেকক্ষণ পরে চুরুট মুখে লাঠী ঘোরাতে ঘোরাতে সেই মারাঠী ভদ্রলোক ফিরে এলেন। এ গাড়ীও তখন ছেড়ে যাচ্ছে।

এতক্ষণ দেখেছি আমাদের সাথী পুরুষেরা গাড়ীর অগ্র আরোহীদের সম্বন্ধে নির্বিকার ছিলেন; নিজেদের মধ্যে ছাড়া আর কারো সঙ্গে আলাপও করেননি। এবার কিন্তু স্বয়ং বড়বাবু মহাশয় এগিয়ে গিয়ে সেই ভদ্রলোকের কাছে দাঁড়ালেন। ইংরাজিতে কি কি কথা হল, হাসিমুখে মারাঠী তার উত্তর দিলেন। তার পর আমাদের শিকের কাপড় তুলে হাতে হাতে বাবু বলেন, “ওগো শুনলে? তোমাদের সে পুষিাপুতুরটি বেঁচে আছে। তার ভাই সেখানে চলে গেল।”

তিনি যাচ্ছিলেন,—দিদি তাঁর গায়ের কাপড় চেপে ধরে বলেন, “শোন, শোন, আর কিছু খপর পেলে? ওরা আরও সব কি বলছিল তোমায়?”

“বেশী আর কি! বলে, বাবু তার দিয়েছেন, তার ভাইকে পাঠাতে।”

“বাবু! বাবু আবার কে এল এর মধ্যে?”

“কি জানি, বাবুসাহেবই ত বলে। বড় লোক হলে ওবা ও বাবুই বলে বোধ হয়। সে-ই খরট-পত্র রেখে গেছিল শুনলাম, মানুষটা ভাল বটে।”

“যা হোক এতক্ষণে তার ভালমানুষীর একজন সাক্ষী পাওয়া গেল! তুমি না বললে তাঁর সব ভালটুকু পাঁকে পোঁতা থেকে যেত!” দিদি খুব হাসছিলেন, বাবুও একটু হেসে বলেন, “তোমরা রাগ করছিলে বটে কিন্তু আমারও ভারী ভাবনা হয়েছিল, জেনো। উপায় ছিল না—কি করব—তাই।”

(আগামী সংখ্যায় সমাপ্য)

শ্রীহেমলিনী দেবী।

দেশী ছবির মেলা *

এ-বছর দেশী ছবির মেলায় গিয়ে, এমন-কতকগুলি বিষয় চোখে পড়েছে, আর কোন বারে যা দেখতে পাইনি। বাঙ্গালীর প্রাণে দেশী ছবির রস যে ক্রমশ রীতিমত জমে আসছে, এবারের তের-চোদ্দ জন নতুন পটুয়ার দেখা পেয়ে ভালরকমেই সেটা বোঝা গেল। অবিশি, এই নতুন দলের সবাই যে রং-রেখার খেলায় খুব বেশী কারিকরি জাহির করতে পেরেছেন, তা নয়; হয়ত তাঁদের সকলকার ভিতরেই অল্পবিস্তর খুঁৎ আছে। কিন্তু এ-সব :খুঁৎ আমোলে আনতে আমাদের মন সরছে না; কেননা, এই নতুন সাধকদের আপমনে মেলার মধ্যে এমন-একটু উৎসাহ, তারুণ্য ও জীবন সঞ্চার করেছিল, যার জন্তে আমরা এঁদের ভ্রম-প্রমাদ হাসিমুখেই এড়িয়ে যেতে পারি।

দেশী ছবিতে নিসর্গের শোভা বড়-একটা দেখা যায় না বলে অনেককে অভিযোগ করতে শুনেছি। আর এটাও ঠিক যে, এদেশী শিল্পীরা এতদিন নিছক নিসর্গ-চিত্র নিয়ে বড় বেশী মাথা ঘামান-নি। তাই অল্প-অল্প বারের মেলায় নিসর্গ-পট দেখবার সুযোগ আমরা খুবই কম পেয়েছি। কিন্তু এবারের মেলায় গিয়ে দেখি, নিসর্গ-চিত্রের সংখ্যা গুণ-তিতে অনেকগুলি। শিল্পাচার্য্য অবনীন্দ্রনাথ, গগনেন্দ্রনাথ, অসিতকুমার ও মুকুলচন্দ্র প্রভৃতি অনেকেই এবারে পটের

উপরে বহিঃপ্রকৃতিকে ফুটিয়ে তুলেছেন। এঁদের আঁকা ছবিগুলির কোনখানিই মাছিমাঝি কেরাণীর মত যেমন-দেখা তেমনি-আঁকা নয়—এঁরা জড়কে চিত্রলোকে এনে, শিল্প-তন্ত্রের মন্ত্র পড়ে জ্যাস্ত করে তুলেছেন এবং আকাশ-পৃথিবী, পাহাড়-প্রান্তর, নদ-নদী ও তরু-লতার মধ্যে বিশেষ ভাবের ইঙ্গিত দিতে সবিশেষ চেষ্টা করেছেন। এ-সব ছবির ভিতর দিয়ে, প্রকৃতিকে চেনবার যতটা সুবিধা হয়, আসল নিসর্গ-দৃশ্য দেখলে ততটা হবে না—কারণ, বেশীরভাগ লোকেরই তেমন দেখবার মত চোখ নেই।

অবনীন্দ্রনাথের দুখানি নিসর্গ-পটে আমরা তুলির যে অবাক-করা কায়দা দেখেছি, তা কখনো ভুলব না;—এত-অল্প রেখায় ও এত-কম রঙে যে এত-বেশী ভাব জাগানো যায়, না-দেখলে তা বিশ্বাস করা শক্ত। গগনেন্দ্রনাথের রাঁচির প্রাকৃতিক দৃশ্যেও ভাবের বিচিত্রতা এবং আলোক-ছায়ার মাধুরী দেখে মোহিত হয়ে যেতে হয়।

এবারকার মেলার আর-একটি বিশেষত্ব, গগনেন্দ্রনাথের ব্যঙ্গচিত্র। বছর-দুই আগে অবনীন্দ্রনাথের আঁকা খানকয়েক ব্যঙ্গচিত্র এই মেলাতেই দেখেছিলুম, বোধহয়। সে-হিসাবে এবারকার ব্যঙ্গচিত্রগুলি একেবারে আনকোরা নতুন না-হলেও, আর-সব দিক দিয়ে এগুলি অপূর্ব এবং বিচিত্র। গগনেন্দ্র-

* কলিকাতার ওরিয়েন্টাল আর্ট সোসাইটি কর্তৃক অনুষ্ঠিত নবম বার্ষিক প্রাচ্য-চিত্রকলা-প্রদর্শনী।



• 'ফাল্গুনীর ছবি'

অক্ষ বাউল

শ্রীযুক্ত অবনীন্দ্রনাথ ঠাকুর-অঙ্কিত



‘ফাল্গুনীর ছবি’

দোতল দোণা

শ্রীযুক্ত অবনীন্দ্রনাথ ঠাকুর-আঙ্কিত

নাথের ব্যঙ্গচিত্রের বিশেষত্বের কথা কিছুদিন আগে 'ভারতী'তেই আমরা বিস্তৃতভাবে বলেছি—সুতরাং এখানে আর-কিছু না বললেও চলবে।

সুধু গগনেন্দ্রনাথের নয়—তাঁর এক শিষ্যও এবারে সতেরোখানি ব্যঙ্গের ছবি মেলাতে পাঠিয়েছেন। এই নূতন ও তরুণ শিল্পীর নাম শ্রীযুক্ত চঞ্চলকুমার বন্দ্যোপাধ্যায়। ওস্তাদ-পটুয়া গগনেন্দ্রনাথের ছবির ভিতরে যেমন ভাবের গভীরতা ও রেখার আশ্চর্য্য ইন্দ্রজাল দেখা যায়, 'এই নবীন শিল্পীর কাছ থেকে যদিও ততটা আশা করা যায় না, তবু এ-কথা বলতে হবে যে, ব্যঙ্গচিত্রে গোড়া থেকেই দক্ষ হাত ও তীক্ষ্ণ চক্ষু নিয়ে ইনি আসরে নেমেছেন; ভবিষ্যতে ইনি যে খুব উচুদরের আর্টিষ্ট হবেন, বর্তমানে' তিনি 'তা' ভালমতেই প্রতীপন্ন করতে পেরেছেন;—কারণ, তাঁর ছবিগুলির হাসিখুসি ও রঙ্গব্যঙ্গের মধ্যে বেশ-একটি টাটকা ভাব ও মৌলিকতা আছে।

* *

* *

বাঙলা চিত্রকলার বৈচিত্র্য ক্রমেই যে বেড়ে চলেছে সে বিষয়ে সন্দেহ নেই। প্রকৃতির সদর-অন্দরের হাসি আর অশ্রু, আলো আর ছায়া, হালকা আর ভারি সকলরকম ভাবের আভাসই এখনকার চিত্রকরদের তুলির লিখনে জেগে উঠছে। সমঝদার শুনিবে পান না বলে রসিক ঙ্গপদিয়ার বিচিত্র গানের খেলা অনেক আসরেই বন্ধ হয়ে যায়। সমঝদার পড়ুয়ার অভাবে অনেক কবির কলমের মুখ থেকে

কালি শুকিয়ে গেছে,—এমন-কি মনের খেদে অনেকে যে মরতেও ডরান-নি—সাহিত্যের ইতিহাসে সে প্রমাণও আছে! বাঙালী শিল্পীরাও এদেশে বড়-বেশী সমঝদার রসিক পান-নি; কিন্তু এই অনাদর ও অবহেলার দরুণ তাঁরা যে ভেঙ্গে না-পড়ে আরো জোর উত্তমে শিল্পলক্ষ্মীর চরণ আঁকড়ে ধরেছেন, এতেই তাঁদের অসীম প্রাণশক্তির পরিচয় পাওয়া যাচ্ছে। দেশের এককোণে বসে অবনীন্দ্রনাথ কলাকমলার আরাতির জন্তে যে ছোট্ট দীপটির শীষ উস্কে দিয়েছিলেন, তার আলো আর মিটমিটে হয়ে সুধু সেই ঘবের দেওয়ালেই ঘুমন্ত ছায়াকে জাগিয়ে তোলে না,—শিল্পীর হাতের মায়াস্পর্শ পেয়ে সে আলো আজ প্রাতঃসন্ধ্যার উদয়-তোরণে সজ্জাগ্রৎ সূর্য্যকরের মত দীপ্ত হয়ে বিধ্বনয় ব্যাপ্ত হয়ে পড়েছে। কিন্তু দুঃখ এই যে, এদেশকে তবু এখনো বারংবার ডাকাডাকি করতে হচ্ছে—'অন্ধ জাগো, অন্ধ জাগো!' কিন্তু, তবু অন্ধ জাগে না, রূপসায়রের ধারে 'বসে মাথাধ হাত দিয়ে সে' ভাবে তার 'কিবা রাত্র, কিবা দিন'!

এবারের মেলায় আর-একটি জিনিষ অত্যন্ত পরিস্ফুট হয়েছে। দেশীশিল্পের পুনর্জন্মের সময়ে,—সে বড় বেশীদিনের কথা নয়,—যে-সব ছবি আঁকা হোত তার পোনেরোআনাই ছিল হয় পৌরাণিক, নয় ঐতিহাসিক। তাদের ভিতরে একালের কথা, ভাব, দৃশ্য বা আদর্শের একটা মস্ত অভাব ছিল। সে ছবিগুলি খুব উচুদরের বর্ণকাব্য হোত, সন্দেহ নেই;



‘ফাল্গুনীর ছবি’

শীত

শ্রীযুক্ত অবনীন্দ্রনাথ ঠাকুর-অঙ্কিত

কিন্তু তাদের ভিতরে একাল তার প্রাণের প্রাণিধ্বনি শুনতে পেত না। এখন এই বড় অভাবটি পূর্ণ হয়েছে। আজকাল দেশীশিল্পে একালের স্মুর যথেষ্ট পাওয়া যায়—এমন-কি শিল্পীরা এখন দেশের সাময়িক ছবি পর্য্যন্ত আঁকতে সুরু করেছেন, সমাজের সমস্যাগুলিকেও মূর্ত্তিমান করে তুলতে তাঁরা আর পিছপাও নন। এবারের প্রদর্শনীতে এমনিতর আধুনিক ছবি ছিল অনেক,—তার উপরে পৌরাণিক, ঐতিহাসিক, নৈসর্গিক এবং কাল্পনিক ও বাস্তবিক ছবির হাট নিয়ে এবারকার মেলাটি এমনি নিখুঁত হয়েছিল যে, কিছুতেই কেউ ছুৎ ধরে খুঁৎখুঁৎ করবার যুৎ পান-নি!

অনেকে বলতেন, “দেশী ছবি এত ছোট হয় কেন?”—শিল্পীরা দেখছি এবারে তাঁদেরও মুখবন্ধ করেছেন। এমন বড়বড়

দেশীচিত্রের পটও আর-কোনবারে এত-বেশী ছিল না। শ্রীযুক্ত অবনীন্দ্রনাথ ও শ্রীযুক্ত নন্দলাল—এই দুই গুরু শিষ্যে একসঙ্গে “ঋতুরাজ” নামে যে প্রকাণ্ড পটখানি এঁকেছেন, তা দেখে সকলেই বুঝেছেন, রূপে-গুণে আকারে-প্রকারে দেশী ছবিও কত সুন্দর ও বৃহৎ হোতে পারে! লম্বায়-চওড়ায় মস্তবড় না-হলে যে-সব ‘সর্ট-সাইটেড’ ক্রিটিক কিছু বড়-করে দেখতে পারেন না, এবার মেলায় গিয়ে তাঁরাও টু-শব্দটি পর্যন্ত করতে পারেন-নি!

* *

*

মেলায় চুকেই সামনে একখানি বড় আকারের ছবি দেখে বিস্ময়ে একেবারে অবাক হয়ে গেলুম। এ-ছবিখানির নাম হচ্ছে, ‘পথের সাথী’—এঁকেছেন শ্রীযুক্ত সুরেন্দ্রনাথ কর। * একটি সাঁওতাল যুবা বাঁশী বাজাতে-বাজাতে পথ দিয়ে চলেছে, পাশে তার তরুণী প্রেমসী।—বাস্, এত-বড় ছবিখানিতে হ-য-ব-র-ল আর কিছু নেই! ‘চারিদিক ধু-ধু করছে;—মূর্তিহীটির সামনে পথের ছোট্ট রেখাটি একটুখানি বেকে সেই সীমাহীনতায় ডুব দিয়ে কোথায় তলিয়ে গিয়েছে। এরি-মধ্যে এই দুটি মূর্তিকে মানিয়েছে ঠিক যেন প্রকৃতির বৃকের ছলালের মত। সেই নিরিবিলি শূন্যতার মাঝখানে এদের দুজনকে দেখলে মনে হয়, এদের আর কেউ নেই,

এ ছনিয়ায় এরা শুধু এ-ওর মুখে চেয়েই সংসারের পথ দিয়ে আপনমনে হেঁটে চলেছে। মূর্তিহীট দর্শকের দিকে পিছন ফিরে আছে বটে, কিন্তু তাতে-করে তাদের ভাবমাধুর্য্য নষ্ট না-হয়ে আরো-বেশী স্পষ্ট হয়ে উঠেছে। যুবতীর এক পায়ে পায়জোর, আর এক পায়ের আঙ্গুলে একটি চুট্কা; এথেকে তার সরল প্রাণের নাবীস্বলভ চপল ভাবটি খুব চমৎকার ফুটেছে। যুবক তার প্রেমসীকে গুনিয়ে তন্ময় হয়ে বাঁশের বাঁশীতে ফুঁ দিচ্ছে—আর চারিদিকের স্তব্ধতর ঘুম ভাঙিয়ে বাঁশীতে যে মেঠো সুরটি বেজে উঠেছে, তার সঙ্গিনীর সঙ্গে আমরাও যেন তা প্রাণের কাণে শুনতে পাচ্ছি!

অবনীন্দ্রনাথ, গগনেন্দ্রনাথ বা নন্দলাল ‘প্রভৃতি পাকা শিল্পীদের রপ্ত হাতের এব-চেয়ে ঢের ভাল ছবি দেখলেও আমাদের তাক্ লেগে যেত না; কেননা, তাঁদের কাছ থেকে একেবারে পয়লা নম্বরের জাঁনঘ আদায় করতে আমাদের মন আগে-থাকতেই তৈরি হয়ে আছে। কিন্তু আর-সবাইকে জানিনা বলে তারা যা দেন আমরা মুগ্ধ বৃঞ্জে তাই-ই-নি—খুব উচুবেব কিছু তাদের কাছ থেকে চাই-ওঁ ন, পাই ও না—অমন পাঁচ-পাঁচি মাঝামাঝি হলেই তুষ্ট হয়ে যাই। তাই, এবারকার মেলায় আর-সব ছবির চেয়ে এই ছবিখানিই আমাদের প্রাণে বিস্ময়ের একটি চমক লাগিয়ে দিয়েছে—নবীন শিল্পীর তুলিতে যে এত জোর ছিল, তা ত আমরা

* “পথের সাথী”র প্রতিলিপি ‘ভারতী’র মুখপত্রে দেওয়া গেল। অতবড় ছবির প্রতিলিপি এত ছোট হওয়াতে আসলের রস অবশ্য নকলে জমে-নি; তবু দুধের স্বাদ ঝাঁরা ঝোলে মেটাতে চান, ছবিখানি তাঁদের ভালই লাগবে।

জানতুম না! শ্রীযুক্ত সুরেন্দ্রনাথের ‘শ্রীকৃষ্ণ ও যশোদা’ এবং ‘বসন্ত’ নামে ছবিছথানিও মুকলকার মনের মত হয়েছে।

মেলার সব ছবির বর্ণনা বা নাম করা এখানে পোষাবে না। তবে অবনীন্দ্রনাথের আঁকা ‘ফাল্গুনী’র ছবিগুলি আমাদের খুবই ভাল লাগল। তাঁর আঁকা আরো-কয়খানি ছবি এই মেলার সার্থকতা বাড়িয়েছে, যদিও সেগুলির প্রায় সব-ক-খানিই পুরাণো। তাঁর ছবিগুলি দেখলেই শিল্পীকে চেনা যায়—এমন বাঁধা ঠাইল খুব কম আঁটিষ্টেরই আছে। অবনীন্দ্রনাথের মত রং ফলাবার পটুতাও তাঁর আর কোন শিষ্যের কাজে দেখলুম না,—এ রং যে ছবির গায়ে লেপা রং, হাজার খুঁটিয়ে দেখলেও তা বোঝা যায় না;—ফোট-ফোট ফুলের পাপড়ীতে ধীরে ধীরে ভিতর হোতে যেমন আপনা-আপনি রং ধরে,—এ রং ছবির ভিতর থেকে তেমনি স্বাভাবিক ভাবেই ফুটে ওঠে!

শ্রীযুক্ত নন্দলাল বসুর “কৃষ্ণ ও অর্জুন”

আর-একখানি চমৎকার ছবি। শুধু চমৎকার বললেই এ ছবির সম্বন্ধে যথেষ্ট বলা হয় না—কারণ পৃথিবীর খুব বিখ্যাত ও শ্রেষ্ঠ চিত্রের সঙ্গে সমশ্রেণীতেই অনায়াসে এ ছবিখানির নাম করা যেতে পারে। তাঁর “নাচে”র ছবিখানিও অপূর্ব। এটি একটি নৃত্যচপলা দেবদাসীর মূর্তি—তার বেশ-ভূষা ও সর্বাঙ্গ দিয়ে গতির লীলা বয়ে যাচ্ছে।

শ্রীযুক্ত মুকুলচন্দ্র দেবর আঁকা রবীন্দ্রনাথের ছবি প্রদর্শনী আর-একখানি অবশ্য উল্লেখ্য চিত্র। তাঁর হাতের নক্সাগুলিও বাঙ্গলাদেশের শিল্পে একটি নতুন ধারা এনেছে।

এবারে আরো-বিস্তর উচুদরের ছবি দেখলুম; সেইসঙ্গে আধুনিক ভাস্করের গড়া কয়েকটি প্রতিমূর্তিও এই ছবির হাতে বৈচিত্র্যের সঞ্চার করতে, এই “দেশী ছবির মেলা” সকল দিক দিয়েই সার্থক হয়ে উঠেছিল।

শ্রীহেমেন্দ্রকুমার রায়।

কোরিয়ার কবিতা

ভগবানের চিড়িয়াখানা

(ফোঃ লোন)

কহিল কুকুর দূর হ’তে এক সিংহেঁ হেরে,—

“আমি করি অশ্রদ্ধা এরে।”

—“কি রে! তিরিক্ষি! কারণটা কি?” পুছে কাঠবিড়ালি।

—“মেয়েলি-ধাঁচায় চুল রাখে, ঝাধ,—ভাবনু খালি।

(ছি, ছি) সিংহের জাত মেয়েলি নেহাৎ,— জন্মলি, কুহ!

ঝাড়া-মাথা নেড়ি কুকুরের দল মর্দ শুধু!”

হাড়গিলা বলে—নাচে-মশ্‌গুল্‌ ময়ুরে দেখে,—

“এর প্রতি কতু শ্রদ্ধা টেকে ?”

—“ইদ্ ! কেন ? শুনি !” পুছে টুন্টুনি—ছিব্‌লে পাখী ।

—“অশ্লীল নাচ—কুভাবের আঁচ,—বুঝিস্‌ তা’ কি ?

(ওষে) ঠোটে করে’ চাপে, ব্যাং-খোর সাঁপে,—নোংরা অতি ;
কুঁড়োজালি নেই মোর মতো, নেই ধর্ম্মে মতি !”

* * * * *
কহে উল্লুক হুকু হুকু-রবে ভুবন ভরি’—

“কোকিলে ?—আমি না শ্রদ্ধা করি ।”

পুছে কাণামাছি “অপরাধী পিক কী অপরাধে ?”

ডিগ্বাজী খেয়ে উল্লুক কহে “চটি কি সাধে ?—

(ওর) নাম হ’ল করে’ মোদেরি নকল,—জানো তো,—তবু,—
চং করে’ বলা হয় ‘কুহু’, ‘হুকু’ না বলে কতু !”

জলৌকা ও মহীলতা

(হ্যাং-হো-ফো-লিং)

কোরিয়ার কেঁচো কে ওকেটা হ’ল

জাপানী জোঁকের সঙ্গে করে’ ;

কোরিয়ার বুক কুরিয়া গড়িল

নিজ মনুমেণ্ট্‌ টঙ্ক করে’ !

সে মনুমেণ্টে চড়িয়া, দস্তে

ফণা-ধরা-ছাঁদে হেলায় গ্রীবা ;

ধরাখানা বুঝি সরার মতন

আথে সে,—আ মরি ! ভঙ্গী কিবা !

জাপানী জোঁকেরা তারিফ করিছে

কহিছে “কেষ্ট-বিষ্টু তুমি,

তোমায় পয়দা করিয়া কেন না

হইল বক্ষ্যা কোরিয়া-ভূমি ?

জোঁকের বন্ধু তুমি কেঁচোরাজ !

তোমায় ভুলনা নাই ভূতনে,

জোঁকের চরম বিখ্যা আমরা

দানিব তোমায় করেছি মনে ।

কেঁচোর সঙ্গে কেঁচো বসাইব

ওগে! অল্পম ! নকল-জোঁক !

বিস্ময়ে হবে সুবিস্ফারিত

কোরিয়ার আধ-মুদিত চোখ ।”

কেঁচো বলে “এঁহে, না না, তা’ তা’ হেঁ হেঁ,

ভবদীয়া ভাষা মিষ্ট ভারি,

কদর কে বোঝে তোমরা নহিলে ?

ভবদীয়া ঋণ শুধিতে নারি ।

ঝীলা-ছলে বল 'বন্ধু' কেবল,
 গোলাম যে মোরা জানি সে কথা ;
 কেঁচো-মাটি মোর কেলা হইবে
 পদধূলি যদি দাও একদা ।
 হলুদিয়া জেঁক ! বলদিয়া জেঁক !
 শোনো গো আমার মিনুতি শোনো,
 চীনে জেঁক আর ছিনে জেঁক ওগো
 করজোড়ে করি নিমন্ত্রণ ।
 টকাস্ করিয়া উঠিল গো-জেঁক,—
 সেন্টে ধরে যারা গোরুর বাঁটে,—

“কোরিয়ার কোনো পোকা কি মাকড়
 জুটিয়োনা যেন মোদের নাটে ।”
 কাচুমাচু কেঁচো কেঁচোতর হ'য়ে
 বলে “না, না ;—তবে ঞ্টি-পোকারে
 বলেছিঁনু দুটো তুঁত-পাতা খেতে
 বল যদি, দিই হাঁকিয়ে তারে ।”
 “এখনি, এখনি !” জাপানী জেঁকেরা
 বলিয়া উঠিল সমস্বরে—
 “রক্ত না পিয়ে রাঙা ডানা যার
 গজায়, তারে কি ঢোকায় ঘরে ?”

স্পষ্ট

(ফোঃ লোম্)

না বুঝি কী বলে পিক, কী যে বলে শুক ;
 বুঝি শুধু ব'সে ব'সে ছাতু-কলা খায় ।
 উড়িয়ে দে পাখী গুলো, শেয়াল ডাকুক,
 “ক্যা ছয়া” সুস্পষ্ট কথা,—মানে বোঝা যায় ।

শ্রীসত্যেন্দ্রনাথ দত্ত

উপদেশের তাড়ম্

(গল্প)

ব্যাপারটা খুবই সামান্য, কিন্তু তার
 হল-ফোটানোর দাগ এখনো আমার মনের
 উপর দগ্-দগ্ করচে ।

এন্জিনিয়ারিং কলেজ থেকে বেরিয়েই
 এক চাকরি পেলাম—বিদেশে । একটা
 নতুন রেলওয়ে-লাইন খোলা হচ্ছিল, তারই
 একটা কাজ ।

আমি খাঁটি সহরে ছেলে ; এ-পর্য্যন্ত এক

শিবপুর ছাড়া বিদেশ কাকে বলে জানিনা ।
 বিদেশের নামে উৎসাহে বুকটা যেমন
 লাফিয়ে উঠল, তেমনি আবার ভিতরে-
 ভিতরে কেমন গা-ছম্ছম্ও করতে লাগল ।
 অজানার প্রতি মানুষের যেমন টানও আছে
 তেমনি ভয়ও আছে । ঐ দুটো দৈত্যকে
 বুকের মধ্যে পুষে নিয়ে আমি বাড়ি-ছেড়ে
 রওনা হলুম ।

রেলগাড়িতে অনেকগুলি ভদ্রলোককে দেখলুম। তার মধ্যে ছিলেন এক বৃদ্ধ। আমি তাঁকে চিনি না; কিন্তু আমি গাড়িতে উঠতেই তিনি বলে উঠলেন—“এস ভাই, এস!”—বলে আমার হাত-ধরে তাঁর পাশে বসিয়ে দিলেন। লোকটি বোধ হয় ষটক হবেন। কারণ নানারকম কৌশলে তিনি কেবলই এই খবরটা জানতে চাইছিলেন যে আমি-লোকটা বিবাহিত কি-না। যেমন ফাঁস হয়ে গেল যে আমার বিয়ের ফুল তখনো ফোটেনি, অর্থাৎ আমার কানের পাশে ঐ মধুকরটির গুঞ্জন রীতিমত জমে উঠল। তিনি বোধ হয়, আমার আগাগোড়া পরিচয়টা মুখস্থ করে নিচ্ছিলেন। কারণ কথার মধ্যে তিনি প্রায়ই হঠাৎ জিজ্ঞাসা করে উঠছিলেন—“কি বলে তোমার বাপের নাম ভাই?—অমুক—না? তোমাদের বাড়ি অমুক জায়গায়?—না?” ইত্যাদি।

রেলগাড়ির সঙ্গী-হিসেবে লোকটিকে আমার নেহাৎ মন্দ লাগছিল না;—তাঁর মধ্যে ভারি একটি মজা ছিল। তিনি এই অল্প সময়ের মধ্যে আমার সঙ্গে এতটা মাথামাথি করে ফেলেন যে ওরই মধ্যে আমার উপর তাঁর দু-একবার মান-অভিমানও হয়ে গেল। ইনি নিশ্চয় সেই-দলের লোক, পরের প্রতি যাদের দরদ অতিমাত্রায় অতিরিক্ত;—তুমি চাও বা না চাও গায়ে-পড়ে তোমার উপকার তারা করবেই। আমি একে একলা, তার এই প্রথম বিদেশ যাচ্ছি শুনে তাঁর মহা চিন্তা উপস্থিত হ'ল। তিনি বলতে লাগলেন—“তাই ত হে, তুমি একলা যাচ্ছ, আমার ভাবনা হচ্ছে!

তোমাকে সঙ্গে করে আমি নিশ্চয় পৌঁছে দিয়ে আসতুম, হাঁস-হায়, যদি না—” ইত্যাদি ইত্যাদি।

আমি যে-রকম ভালোমানুষ এবং আনন্দকোরা লোক তাঁতে বিদেশে গিয়ে যে একেবারে ভ্যাঁবাচ্যাকা খেয়ে যাব সে-বিষয়ে তাঁর সন্দেহ ছিল না। সেই জন্তে বিদেশে যেতে হলে কি-কি জিনিষ জানতে হয় এবং কোন্-কোন্ বিষয়ে সাবধান হওয়া দরকার সে-সম্বন্ধে তিনি অনেকক্ষণ ধরে আমার চিবিয়ে-চিবিয়ে উপদেশ দিতে লাগলেন। তার মধ্যে যেটা তাঁর বিবেচনার সবচেয়ে অমূল্য কথা সেটা হচ্ছে বিদেশে কি-করে চোর-ডাকাত চিনে নিতে হয় তারই তত্ত্ব। তাঁর ঐ অমূল্য তত্ত্বের অধিকাংশই আমার মন-থেকে এখন মুছে গেছে, নইলে জগতের হিতার্থে আজ সেগুলোকে আমি প্রচার করে দিতে পারতুম। তাঁর দেওয়া আর-একটি জিনিষও আমি হারিয়ে ফেলেছি। সেটা হচ্ছে সেই আশ্চর্য্য কষ্টিপাথর যার উপর মানুষকে কষে নিয়ে আবিষ্কার করা যায় তার চোরিত্ব কতটুকু।

এসব জিনিষ খুঁয়ে ফেলেও তাঁর কথার এই সারটুকু আমার মনে আছে যে, আমরা স্বদেশী চোরদের মুখ-চেনা বলে আমাদের প্রতি তাঁদের একটু চক্ষুলাজ্ঞা আছে। কিন্তু বিদেশী চোরদের তো তা নেই, সেই জন্তে বিদেশে বিশেষ সাবধান হওয়া দরকার। আমার মনে পড়চে তিনি একথাও বলেছিলেন যে, কেন তা বলা যায় না বটে, কিন্তু বিদেশের লোকমাত্রেই হয় চোর, না-হয় ডাকাত! সাধুলোক সেখানে ছলভ।

তঁার এই মতটিকে সুপ্রতিষ্ঠ করবার জন্তে অভিজ্ঞতার খলি বেড়ে তিনি অনেক গল্প বার করতে লাগলেন। শেষে হাসতে-হাসতে বল্লেন যে তিনি এত চালাক যে আমাকেই তিনি একজন মস্ত খড়িবাজ চোর বলে ধরে নিয়েছিলেন। পরে অবশ্য পরীক্ষা করে বুঝলেন বটে যে তা নয়।

তিনি এত চোরের গল্প জানেন যে শুনলে মনে হয় লোকটা যেন “দারোগার দপ্তর” গ্রন্থাবলী আগাগোড়া মুখস্থ করে রেখেছে। চোর-ডাকাতের হাতে মানুষের কতরকম বিপদ এবং লাঞ্ছনা ঘটেছে ও ভবিষ্যতে ঘটতে পারে তার একটা বিশদ তালিকা তিনি মুখে-মুখে তৈরি করে ফেল্লেন। আমাকে ধরে বল্লেন—“নোটবুকে টুকে রাখ হে! অনেক কাজে লাগবে।” আমি রাজি হনুম না দেখে তিনি ননঃস্কুণ হয়ে বল্লেন—“আচ্ছা, মনে-করে রাখলেও চলবে।”

তঁার এই একঘেষে চোরের কাহিনীতে গাড়ির সমস্ত বাতাস যেন ঘুলিয়ে উঠতে লাগল এবং চোরতত্ত্বসম্বন্ধে উপদেশের ঠেলায় আমার প্রাণ ওষ্ঠাগত হল। আমি তঁার কাছ থেকে সরে পড়বার জন্তে উশখুশ করতে লাগলুম। তাই দেখে তিনি আমার হাতখানা চেপে ধরলেন এবং এমন-করে আমাকে আগলে রইলেন যে পালাবার ফাঁক রইলনা। এমন-কি কারুর পানে চাইলেও তিনি ধমক দিয়ে উঠছিলেন—“জানা নেই, শোনা নেই, যার-তার সঙ্গে ফস্-করে আলাপ করা কি! কার মনে কি আছে কে জানে!”

এইসব কথা তিনি আমাকে খুব

আন্তে-আন্তে ফিস্-ফিস্-করে বলছিলেন। তার কারণটা কি তা বলবার সময় তিনি গাড়ির আর-সকলের মুখের দিকে খুব তীক্ষ্ণ দৃষ্টি দিয়ে একবার চেয়ে নিয়ে বল্লেন—“চোরেরা যদি কোনোরকমে টের পায় যে আমি তাদের শিকার ছিনিয়ে নিচ্ছি তাহলে হয়ত তারা দলবেঁধে এই গাড়ির মধ্যেই আমাকে আক্রমণ করবে। কি জান বাপু, সাবধানের মার নেই!”

আমার কানে-কানে তঁার শেষ-কথাটি হচ্ছে এই যে তিনি খবর পেয়েছেন সম্প্রতি অনেকগুলো চোর-ডাকাত জেলখানা থেকে ছাড়া পেয়ে চারদিকে ছড়িয়ে পড়েছে—অতএব সাবধান!

আমার নামবার জায়গা বাগড়া ষ্টেশনে যখন গাড়ি এসে পৌঁছল তখন সন্ধ্যা হয়ে এসেছে। একরকম ঠেলাঠেলি করেই বৃদ্ধ আমাকে তাড়াতাড়ি গাড়ি-থেকে নামিয়ে দিলেন। কি-জানি যদি গাড়ি ছেড়ে দেয়!

প্ল্যাটফর্মে জনমানুষ নেই। গোটাচারেক কাঠের খোঁটার উপর ময়লা পরকোলায় মধ্যে মিটমিট-করে আলো জ্বলছে।—মনে হতে লাগল কারা যেন ঘোলা-চোখের মরা দৃষ্টি দিয়ে আমাকে ফ্যাল-ফ্যাল করে দেখছে! একটা বাপুসা অন্ধকার, ঘন কুয়াশার মতো, চারিদিক ঘিরে রয়েছে। তার স্পর্শে শুধু চোখের পাতা নয়, মনের ভিতরটাও কেমন, ভেরে আসতে লাগল। ষ্টেশনের বাইরে ঘন-গাছের মাথায়-মাথায় পুরু আলকাংরার পৌচড়া পড়ে-পড়ে অন্ধকার ক্রমে জমাট বেঁধে উঠতে লাগল। এই সব

দেখে-শুনে আমার মনটা এমন দমে গেল, যেন কান্না পেতে লাগল। আমি জিনিষপত্র নামিয়ে গাড়ির হাতল ধরে চুপ-করে দাঁড়িয়ে রইলুম। আমার সেই বৃদ্ধ বন্ধুটি জানলা দিয়ে একটুখানি মুখ বার করে বল্লেন—“ইস! এ যে একেবারে বনালয় দেখছি!”

আমার বুকটা ছাঁৎ করে উঠল। বিদেশ-বলতে মনের মধ্যে যে স্বপ্নরাজ্য গড়ে রেখেছিলুম মুহূর্তের মধ্যে সেটা চুরমার হয়ে গেল। আমার মনে হতে লাগল এ যেন কোন্ মিরাসন-দণ্ড ভোগ করতে এলুম। গাড়ি ছাড়বার সময় বুড়োটি আমার কানের কাছে মুখ নিয়ে এসে বল্লেন—“সাবধান! এখানে নিশ্চয় চোর ডাকাত আছে!”

তাঁর এই কথা শোনবামাত্র নিজেকে এমন একলা ও অসহায় মনে হতে লাগল যে আমি চারিদিক যেন শূন্য দেখতে লাগলুম। ধীবে-ধীবে গাড়ি ছেড়ে দিলে;— মনে হ’ল আমার সমস্ত বল-ভরসা ঐ গাড়িখানা নিজের গারদের মধ্যে পুরে নিয়ে চলে গেল। আমি কাতরভাবে সেই পলাতক গাড়িখানার দিকে চেয়ে রইলুম।

এখান থেকে বিশ মাইল গোকুর-গাড়ির পথে ভিটেমাটি। সেইখানে আমার যেতে হবে। এখন গাড়ি ছাড়লে কাল ভোরে গিয়ে পৌঁছব। মনের রাশটার উপর একটা কড়া হ্যাঁচকা দিয়ে আমি প্ল্যাটফর্মের বাইরে এলুম। সেখানে খানছই পেট-ফুলো গোকুর গাড়ি আকাশের দিকে পা-তুলে চিৎ হয়ে পড়ে আছে। গাড়োয়ানকে তখনই

পাওয়া গেল বটে, কিন্তু গোকুর খুঁজে বার করতে অনেক দেরী হ’ল। এর মধ্যে খাবারের পুঁটলি খুলে আমি কিছু খেয়ে নিলুম।

ছই-ঢাকা গাড়ির মধ্যে বিছানা পেতে, পাশে কাপড়ের ব্যাগটি রেখে আমি চুপ করে বসলুম। যাত্রা শুরু হল—সামনের ঘনঘোর অন্ধকারের দিকে! দুধারে শাল-বন, মধ্যে সরু পথ, তার উপর দিয়ে গাড়ি চলছিল। ক্রমে-ক্রমে গ্রামের যে দুটি একটি আলো দেখা যাচ্ছিল তা মুছে গেল। কোথা-থেকে মাদলের আওয়াজ আসছিল তাও মিলিয়ে গেল। যা রইল সে কেবল অন্ধকার। যতই দূরের দিকে দৃষ্টি দিই, ততই দেখি অন্ধকার আরো জমাট! তখন আমার মনটা এমনি করতে লাগল যে যেমন-করে-হোক কোনোরকমে এই অন্ধকারটা তীরবেগে পেরিয়ে এখনই একটা আলোর মধ্যে পৌঁছই। কিন্তু হায়, আমার বাহন! সে আমার মনের উপর মোচড়ের পর মোচড় দিয়ে-দিয়ে এই বিরাট অন্ধকারটিকে রসিয়ে-রসিয়ে উপভোগ করতে, অগ্রসর হবার কোনো তাগিদ না রেখে, খোস-মেজাজে, অতি ধীরমহুরগতিতে চলতে লাগল।

সামনের দিক-থেকে যে আকাশটুকু দেখা যাচ্ছিল তার মধ্যে দেখলুম একটা শিশু-তারা আমারই মতো একলা ঐ অনন্ত অন্ধকার সমুদ্রে পাড়ি দিচ্ছে;—আমারই মতো ভয়ে তার বুকখানি ধর-ধর-করে কাঁপছে। সেইটিকে দেখে আমার মন যেন আশ্বস্ত হ’ল। কিন্তু চলবার পথে কোথায় যে

আমার এই নবীন বন্ধুটি হারিয়ে গেল তার সন্ধান পেলুম না। এতক্ষণ মনের মধ্যে যে আলোকটুকু পাচ্ছিলুম সেটুকুও নিভে গেল।

তখন সেই অন্ধকারের মধ্যে আমার মনে পড়তে লাগল আমার মায়ের মুখখানি, আমার ছোট বোনদের জল্জলে চোখগুলি। তার পর ঘুরতে-ঘুরতে আমার চিন্তা এসে পৌঁছল রেলগাড়ির সেই বৃদ্ধ ভদ্রলোকটির উপর—যাকে আমি ঘটক-বলে স্থির করে নিয়েছিলুম।

হঠাৎ দেখি গোকুর গাড়ি বন পেরিয়ে একটা জলার মধ্যে এসে পড়েছে। সেখানে চারিদিক খোলা পেয়ে বাতাসটা ছোটো ছেলের মতো মহা ফুঁতির সঙ্গে ছুটোছুটি লাগিয়েছে। হঠাৎ একটা কালো পাখী তার প্রকাণ্ড ডানা-ছথানা দিয়ে বাতাসের গায়ের চাপড় মেরে সামনে দিয়ে উড়ে গেল;—আমি তার শব্দে চমকে উঠলুম।

আমি গাড়োয়ানকে জিজ্ঞাসা করলুম—
“এ জায়গাটার নাম কি রে?”

সে বললে—“ধড়ভাঙা!”

ধড়ভাঙা কথাটার মধ্যে কি যেন ছিল, হঠাৎ আমার বুকটা হুর্হুর্ করে উঠল।

এতক্ষণ ঘন-ঘনের মধ্যে দিয়ে আসছিলুম বলে বোধ হয় চারদিকের আঁটসাটে মনটা একরকম নিশ্চিত ছিল; হঠাৎ এই ধূধূ-করছে খোলা জায়গা দেখে মনে হল যেন কোন্ অকূলে পড়লুম। তখন ঐ ধড়ভাঙা-কথাটার ভিতরকার একটা অজানা ভীতি আমার বুকটাকে ঘন-ঘন দোলাতে

লাগল। মনে হতে লাগল যেন ধড়ভাঙার মতো কি-একটা বিপদ এরই আশেপাশে কোথায় লুকিয়ে আছে। হঠাৎ একবার সন্দেহ হল কে যেন আমার পিছু নিলে। আমার সন্ধিগ্ন চোখ এমন-করে আশপাশ-গুলো দেখতে লাগল যে কিছুতেই তাকে বাগ্‌মানাতে পারলুম না।

হঠাৎ কি মনে হল, আমি গাড়োয়ানকে জিজ্ঞাসা করলুম—“হ্যাঁরে এখানে ডাকাতির ভয় নেইত?”

সে বললে—“ডাকাত কোথায় বাবু! আগে এখানে ডাকাতি হ’ত শুনেছি।”

আমি যেন তার কথাটা ঠিক বিশ্বাস করতে পারলুম না তাই সজোরে বলে উঠলুম—
“দেখিস্! ঠিক বলছিস্ ত?”

বলেই আমার মনটা ছাঁৎ করে উঠল। বোধ হয় বুড়োর সেই চোর-সন্দেহের নেশাটা তখন আমার ধরেছে। আমার ভাবনা হ’তে লাগল গাড়োয়ানটার কাছে এমন-করে মনের দুর্বলতা প্রকাশ করা ঠিক হয়নি! এখানে ডাকাত না থাকতে পারে, কিন্তু এতে ওকে সাহসী করে তোলা হল। আমি যে একা! ও-লোকটাও একা ঘটে, কিন্তু আমার চেয়ে ঢের বেশী জোয়ান;—ইচ্ছে করলে এখনই বেরাল-বাচ্চার মতো আমার টুটি টিপে ধরতে পারে! এই নির্জন স্থানে সেটা কিছুই শক্ত নয়। হাজার চীৎকার করলেও এখানে সাড়া দেবার কেউ নেই। এমন ঘটনা ত ঢের শোনা গেছে—বিশেষ যখন এ-বৎসর দুর্ভিক্ষ! চারিদিক দেখে-শুনে আমি নিজেকে এমন অসহায় মনে করতে লাগলুম যে আমার

সেহের সমস্ত শক্তি বেন রুপূরের মতো
উবে বেতে লাগল।

গাড়ি সোজাপথে আপন-মনে চলছিল।
গাড়োরানটা ছইখানার একটা কিনারায়
ঠেসান দিবে চুপ-করে বসেছিল। আমি
কেবলই মনে করছিলুম—এই জলাটা
কতকণে পার হই! কিন্তু তার শেষ বে
কোথায় তার কোনো ঠিকানা না পেয়ে
হতাশ হয়ে পড়ছিলুম।

আমি মনে-মনে নিজেকে-নিজে ধমক
দিয়ে-দিয়ে বুকটাকে একটু চিত্তিরে নিলুম।
তারপর তখনই স্থির করে কেয়ুম যে-অস্তায়টা
করে কেলেছি সেটাকে শুধরে নিতে হ'বে।
তখন সেই রেলগাড়ির বুড়াকে মনে-মনে
বারবার ধস্তাবাদ দিতে লাগলুম। সে সময়
তার কথাগুলোকে খুব-একটা ঠাট্টার সঙ্গে
গ্রহণ করেছিলুম, কিন্তু এখন দেখছি সে-সব
পতিয়াই কাজে লেগে গেল। ভাগ্যিস তার
সঙ্গে দেখা হয়েছিল! ভাগ্যিস তিনি সাবধান
করে দিবেছিলেন! নইলে আজ তো
কেখানে প্রাণটি গিয়েছিল!

আমি গাড়োরানটাকে বলুম—“দেখ,
আমি ডাকাতের কথা ভিজাসা করছি কেন
জানিস?—আমি ডাকাত ধরতে এসেছি!”

গাড়োরানটা কোনো কথা কইলে না,
কেবল আশ্চর্য হয়ে আমার মুখের দিকে
চাইতে লাগল।

আমি গলাটার বেশ-একটু জোর দিয়ে
বলুম—“আমাকে একলা মনে করিস্ নি।
আমার সঙ্গে কিন্তু লোক আছে। তারা এই
আশে-পাশে লুকিয়ে-লুকিয়ে চলেছে; একটা
সিঁটি মায়লেই হড়-হড় করে এসে পড়বে।”

গাড়োরানটা আমার দিকে কেমন-এক-
রকম-করে চাইতে লাগল, তার অর্থ আমি
ঠিক বুঝতে পারলুম না। মনে হ'ল সে
আমার কথা বিশ্বাস করছে না। তাইতে
আমার মনে আরো ভয় হতে লাগল। তাকে
বিশ্বাস না-করালে ত চলবে না!

আমি বলুম—“ঐ যে আমার ব্যাগ
দেখছিস, ওটার ভিতর বড়-বড় পিস্তল
ঠাসা। ওর এক-একটা পিস্তলে ছ-ছটা-করে
মাতুব মারা যায়। তা ছাড়া আমার বুক-
পকেটে ছটো খুব ভালো পিস্তল আছে।”

পিস্তলের নাম শুনে গাড়োরানটা ভয়
পেয়েছে মনে হল। তাহ'লে এতকণে
ওবুধ ধরেছে! এই ভয়টাকে আরো
ঘন ও দৃঢ় করে তোলবার উপায় আমি
মনে-মনে খুঁজতে লাগলুম।

খানিকক্ষণ ভেবে নিরে বলুম—“হঁ!
আমি খবর পেয়েছি এখানকার ডাকাতরা
গোকর গাড়ির গাড়োরান সঙ্গে সওয়ারিদের
লুঠ-তরাজ করে! নইলে আমার গোকর
গাড়িতে আসবার দরকার কি ছিল? আমি
হাওরাগাড়িতে আসতে পারতুম না!”

গাড়োরানের মুখটা একেবারে শুকিয়ে
গেল। কিন্তু সে এমন চঞ্চল হয়ে উঠল যে
আমার সম্বন্ধ হল এইবার আমাকে আক্রমণ
করে বুঝি! কিন্তু আমি নিজেকে দমতে
দিলুম না। তাড়াতাড়ি একটা হাত আমার
বুক-পকেটের মধ্যে ছুকিয়ে দিলুম। অমনি
দেখি সে কেঁচোর মতো কুকড়ে গেছে।

এখন থেকে আমি তারি সতর্ক হয়ে
রইলুম। গাড়োরানটাকে মুহূর্তের অস্ত
চোখের আড় করলুম না। কি জানি

যদি অন্তমনস্ক পেয়ে ঘাড়ের উপর লাফিয়ে পড়ে! বলা বাহুল্য, আমি তখনো ভিতরে ভিতরে কাঁপছি। কিন্তু সে-কাঁপুনি যাতে বাইরে প্রকাশ না পায় তার জন্যে মায়ু-গুলোকে দৃঢ় রাখবার প্রাণপণ চেষ্টা করতে লাগলুম।

খানিক-ক্ষণ চূপ-কবে কেটে গেল। হঠাৎ মনে হ'ল গাড়োরানের ভয়টাকে জুড়োতে দেওয়া কিছু নয়। আমি তখন যেন আপনার মনেই বলতে শুরু করলুম—“ডাকাত যদি ধরতে পারি, তাহ'লে মজা টের পাইয়ে দিই, একেবারে পুলিপোলাও চালান!”

পুলিপোলাওর নাম শুনে গাড়োরানটা অক্ষুণ্ণভাবে জাঁকে উঠল—দেখলুম। মনে-মনে ভাবলুম—এইবার ঠিক হয়েছে!

গোকুর মুখের দড়ি গাড়োরান ছেড়ে দিয়েছিল,—গোকুরটো আপনিই চলছিল। এতক্ষণ সে ছইখানায় পিঠে চেঁসান দিয়ে পড়েছিল, এইবার সোজা হয়ে বসল। পিঠটাকে ঝাড়া করে সে কেবলই রাস্তার দিকে দেখতে লাগল। আমার বুকটা আবার ছাঁৎ করে উঠল—তাই ত এ-রকম করে কেন!

আর-কিছু না পেয়ে আমি খপ-করে তার হাতখানা ধরে ফেললুম। সে কোনো জোর দেখালেনা। কেন? এর মানে কি! সন্দেহে আমার বুকটা ধক্ধক করতে লাগল।

কি-করব ঠিক করতে না পেয়ে আবার খানিকক্ষণ চূপ-করে কেটে গেল। গাড়োরানটা যে ভয় পোয়েছে তাতে কোনো সন্দেহ ছিলনা; কিন্তু শরতানকে বিশ্বাস কি!

ছেলেবেলায় শুনেছিলুম, বাঘের চোখের উপর যদি সাহস করে চেয়ে থাকতে পারা যায় তাহ'লে বাঘ কিছু করতে পারেনা; কিন্তু যেই ভয়ে চোখের পাতাটি কোঁচকাবে অমনি সে ধাবা মেরে বসবে। এই গল্পের নীতিটা যে তখন আমার মনের উপর প্রথম অস্বাভাবিক বিস্তার করে বসেছিল সে আমার কার্য থেকেই প্রমাণ হচ্ছে।

ভয়টাকে আরো ঘোরালো করবার একটা কল্পিত বুড়োর গল্প থেকে হঠাৎ মাথায় এল। আমি তার মুখের কাছে মুখ নিয়ে গিয়ে, গলার স্বরটাকে খুব দৃঢ় করে বলে উঠলুম—“হু, এই ত ঠিক মিলছে দেখাচ্!”

যেমন আমার কথা শেষ হওয়া অমনি মনে হ'ল আমার হাতের ভিতর থেকে তার হাতখানা যেন একবার একটু হ্যাট্কা দিলে। আমি জোরে চেপে ধরলুম।

আমি বলতে লাগলুম—“এখানকার এক ডাকাত-গাড়োরানের ছবি আপনার কাছে আছে। ডাকাতটা জানেনা যে তার ছবি বোরিয়ে গেছে। সে তারি মাজা! সে যে-লোকটাকে ধুন করে, মরবার সময় সে চোখ মেলে মরেছিল, তাইতে ডাকাতের ছবিটা সেই চোখেতে আটকা পড়ে যায়। সে-ছবির নকল আমার কাছে আছে। তার সঙ্গে তোর মুখের চেহারাটা যেন—” বলতে-বলতে তার মুখখানা খুব তাঁর দৃষ্টি দিয়ে আমি দেখতে আরম্ভ করেছি এমন সময় হঠাৎ ঝড়ের মতো একটা দম্কার আমার হাত ছিনিয়ে লোকটা তড়াক-করে গাড়ি থেকে লাফিয়ে পড়ল। তারপর একেবারে উর্দ্ধ্বাসে ছুট।

তারপর সেই জনমানবশূন্য অন্ধকার নির্জন জলার মধ্যে চালকহীন গাড়িতে একলা আমি—আমার যে দুর্দশাটা হ'ল তা আর বলতে ইচ্ছে করেনা। কিন্তু যখন আরম্ভ করেছি তখন শেষ করতেই হ'বে।

সেই প্রকাণ্ড লাকানির একটা ঝাঁকানি ধেরে গোক-হুটো ধমুকে দাঁড়িয়ে পড়ল। আমি একেবারে অবাক! কি যে হ'ল কিছু বুঝতে পারলুমনা। একবার মনে হ'ল বোধ হয় খুব ভয় পেয়েছে তাই পালানো। তারপর মনে হ'ল নিশ্চয় দলের লোক ডাকতে গেছে। আমি ডাকাত ধরতে এসেছি এ-খবর ডাকাতদের দলের মধ্যে এতক্ষণ রাষ্ট্র হ'য়ে গেছে—ডাকাত-ধরার মজাটা তারা এইবার আমাকে দেখাতে আসবে।

কি যে করি কিছু ঠিক করতে পারলুম না। একবার চীৎকার করে তাকে ডাকলুম —“ওরে শোন, শোন!”

কিন্তু কে তখন শোনে!

ভাবলুম, একদিকে দৌড়ে পলাই। কিন্তু অন্ধকারে কোথায় গিয়ে পড়ব ভয় হ'তে লাগল। তারপর দৌড়-দেবার মতো শক্তি আমার তখন ছিল কি-না সন্দেহ। আমি সেই অন্ধকারে একলাটি গাড়ির মধ্যে কাঠি-হরে বসে রইলুম।

এমনি-করে বসে থেকে মনে হ'ল যেন আমার নিশ্বাস বন্ধ হয়ে আসছে। ভাবলুম গাড়িটাকে বিই চালিয়ে। চলার বাতাসে তবু মনের হাঁপানি কমবে।

অনেক চেষ্টা করলুম কিন্তু গোক-হুটো আমার হাতে এক পা-ও নড়লনা। তখন

লাঠি নিয়ে ধাক্কা-কড়ক কসিয়ে দিলুম, তাতে অন্ন-একটু চলেই আবার থেমে পড়ল। আবার লাঠি চালালুম, তাতেও সেই-সমান অবস্থা। আমার উৎসাহ ভেঙে গেল। তখন আমার মনে হতে লাগল এই নির্জনতার কবরের মধ্যে যেন তিল-তিল-করে আমার সমাধি হচ্ছে। আমি হতাশ হয়ে গাড়ির মধ্যে ওরে পড়লুম। হায়, আমার অদৃষ্টে কথামালায় মেঘপালকের মতো বাঘ বাঘ বলতে বলতে শেষে কি মতাই বাঘ এসে পড়ল! আমি চোখবুজে কেবলই দেখতে লাগলুম —সারিসারি ডাকাতের দল—কেবলই তারা আসছে,—পিপড়ের সারের মতো চলে-চলে আসছে।

কতক্ষণ শুয়ে পড়েছিলুম জানিনা, হঠাৎ অনেক দূর থেকে একটা কলরব শুনে চমকে উঠলুম;—হাজার-হাজার লোক যেন হুলা করতে-করতে এগিয়ে আসছে।

এই নির্জন জায়গায় একসঙ্গে এত লোক কোথেকে আসবে? নিশ্চয় ডাকাতের দল! বাস, এইবার আমার সব-শেষ!

যতক্ষণ খাস ততক্ষণ আশ। আমি উঠে বসলুম। আশ্রয়কার একটা তাড়না আঙনের ফুল্কির মতো একবার জলে উঠে হতাশার অন্ধকারে ডুবে গেল। কেবলই মনে হতে লাগল—হায় হায়, নিজের বিপদ নিজে ডেকে আনলুম! একা গাড়োয়ানের সঙ্গে কিছুক্ষণ যুঝতেও ত পারতুম। তারপর যা হয় হ'ত। কিন্তু আমার মনগড়া ই পিস্তলের বস্তাকে ব্যর্থ করবার ক্ষমতা ডাকাতের যে প্রকাণ্ড দলটি আসছে তাদের এগন ঠেকাই কি করে! পিস্তলের কাঁকা-আওয়াজে

গাড়োরানের, মনকে জ্বল করেছিলুম বটে কিন্তু এই অগণন অল্‌ভ্যাঙ্ক শত্রুদের মোটা মোটা লাঠিসোটাগুলোকে ত কথার ফাঁকা-আওয়াজে ফেরানো যাবে না। তবে উপায় ?

এইবার আমার মনের রাশ একেবারে এলিয়ে গেল। ভাবনা-চিন্তার সমস্ত খেই যেন হারিয়ে ফেলুম। তখন কি যে হ'ল না হ'ল কিছু মনে নেই, কেবল এইটুকু মনে আছে যে আমি গাড়ি থেকে সুড় সুড় করে নেমে গাড়ির তলার গিরে সেঁধিয়েছিলুম ; চারিদিককার ঐ খোলা জায়গার মধ্যে এই ঘের-দেওয়া স্থানটুকু ভারি নিরাপদ বলে মনে হয়েছিল ; এবং গাড়ির চাকা-দুখানা যেন সুদর্শন চক্রের মতো আমার ঘিরে ছিল।...

যারা হলা করতে-করতে আসছিল, তারা আমার গাড়ির সামনে এসে থেমে পড়ল। মনে করলুম এখনই একটা মার-মার কাটু-কাটু শব্দ উঠবে। কিন্তু তা কৈ হল না। বোধ হয় সব-আগে আমাকে খুঁজছে ! আমি গারের চাদরখানা টেনে আপাদ-মস্তক মুড়ি দিলুম।...

দলের কতক লোক এগিয়ে চলে গেল বলে মনে হল ; কতক লোক সেইখানে দাঁড়িয়ে রইল। আমি ভাবলুম এইবার এরা বাহ রচনা করছে। শুনেছে আমার সঙ্গে বিস্তর লোক আছে, তাদের ঘেরাও করবার কন্দি করছে। তাহলে আমার পালাবার পথটি পর্যন্ত আর রইলনা ! ইস, আমার প্রত্যেক মিথ্যাটি আমার কাঁছ থেকে সুদক্ষ দান আমার না-করে ছাড়বে না দেখছি।...

লোক-গুলোর ভাবগতিক আমি ঠিক বুঝতে পারছিলুম না। সেইজন্তে একটা সংশয়ের মধ্যে পড়ে আমার মনের ভয়টা এত দোল খাচ্ছিল যে থেকে-থেকে যেন জানের সীমাকেও ছাড়িয়ে যেতে লাগল।...

তারা-মহা ব্যস্ত হয়ে কেবলই এদিক-ওদিক ঘোরা-ঘুরি করছিল, আর নিজদের মধ্যে কি বলা-বলি করছিল—যেন কিসের খোঁজ করছে। সে আর কে ? সে আমি !...

হঠাৎ কে-একজন গাড়ির তলার উকি মেরে দেখেই চীৎকার করে উঠল। আমার মাথা-ঘুরে, গা বিম্ব-বিম্ব করে, আমি একে-বারে অবশ হয়ে পড়লুম।...

যখন একটু জ্ঞান হ'ল তখন মনে হ'ল কে যেন জিজ্ঞাসা করছে—“বাবু, চোট কি বেশি লেগেছে ?”...

আমি বুঝলুম আমি প্রাণে মরিনি— বন্দী হয়েছি মাত্র !...

তারা ধরাধরি-করে আমাকে গাড়ির উপর তুলে। আমি চোখবুজে পড়ে রইলুম। হঠাৎ মনে হ'ল যেন ভোরের আলো দেখা দিয়েছে। ঐ আলোর সঙ্গে-সঙ্গে মনে একটু আশার উদয় হ'ল। আমি স্নেহ-চেরে উঠে বসলুম।

একটা ঝাঁকড়াচুলো লোক আমাকে জিজ্ঞাসা করলে—“কোথায় যাবেন বাবু ?”

আমি প্রশ্ন শুনে আশ্চর্য হলুম ;— অর্থটা কি করতে পারলুম না। আমাকে কোথায় ধরে নিয়ে যাবে সে তো ওরাই জানে, আমি তার কি জানি !

আমি চূপ-করে আছি দেখে, সে আবার জিজ্ঞাসা করলে—“কোথায় যাবেন কর্তা ?”

আমি ভাঙা-ভাঙা গলায় বল্লুম—
“ভিটেমাটি।”

একজন বলে উঠল—“ওরে ওটা
আমাদের নয় নেস্পেক্টাবাবু!”

আর-একজন বলে—“চল বাবু, চল।
মোরাও যাব।”

আর-একজন বলে—“বাবু-গো, আমরা
যে হোথাকার কুলি—কাজে বেরিয়েছি!”

আর-একজন বলে—“ওরে চল চল—
আর দেরি করিসনে!”

এমনি হট্টগোলের মধ্যে একটা লোক
তড়াক-করে আমার গাড়িতে লাফিয়ে উঠে
গোকার লাজ-মলতে শুরু করে দিলে।

আবার যাত্রা আরম্ভ হল। সঙ্গে সঙ্গে
লোকগুলো গুণ্ডগোল করতে-করতে চলল।
রথারূঢ় বিজয়ী বীরের মতো সৈন্তপরিবৃত
হয়ে আমি কৰ্মক্ষেত্ররূপ কুরুক্ষেত্রের দিকে
অগ্রসর হতে লাগলুম।

খানিক বাদে যে-লোকটা গাড়ি
হাঁকাচ্ছিল সে জিজ্ঞাসা করলে—“বাবু,
আপনার গাড়োয়ান গেল কোথায়?”

আমি ধীরে-ধীরে বল্লুম—“সে আমায়
একলা ফেলে পালিয়েছে।”

সে অবাক হয়ে বলে—“পালালো কেন
বাবু?”

নিজের আহাম্মকিটা ঢাকবার জন্তে
হয় ত একটা মিথ্যা বলবার দরকার ছিল,
কিন্তু মিথ্যা রচনা করার জন্তে যে সাজা
পেয়েছি তার পর আর মিথ্যে নিয়ে খেলা
করবার প্রবৃত্তি হল না। আমি গম্ভীরভাবে
বল্লুম—“আমি তাকে ভয় দেখিয়েছিলুম!”

নতুন গাড়োয়ানটা হাস্তে-হাস্তে বলে
—“এখানকার লোকগুলো অম্নি-ধারা বোকা
ম্যাড়া! ঠাট্টা বোঝেনা বাবু।”

আমি মনে-মনেই বল্লুম কে যে কার
উপর ঠাট্টা করলে বোকা গেল না।...

তার পর ছপুরবেলা আমার কাজ-
কর্ম যখন বুঝে নিচ্ছি তখন দেখি সেই
কাঁকড়া-চুলো লোকটা আমার সেই
গাড়োয়ানটাকে ধরে এনেছে। তাকে ধমক
দিয়ে সে বলছে—“যা—বাবুর পায়ে ধর!”

ব্যাপারটা বোধ হয় আগাগোড়া ফাঁস
হয়ে গিয়েছিল। কারণ কুলিগুলোর মুখ
দেখে মনে হচ্ছিল পরস্পরে ঘেন হাসাহাসি
করছে।

গাড়োয়ানটা আমার দিকে কাঁচুমাচু
হয়ে চাইতে লাগল। আর, মিথ্যা যখন
বল্বনা প্রতিজ্ঞা করেছি তখন বলতেই
হবে আমিও যে তার দিকে খুব সহজ-
চোখে চাইতে পারছিলুম তা নয়।

শ্রীমণিলাল গঙ্গোপাধ্যায়।

মাসকারি

সাহিত্যের দায়িত্ব

পোষের 'উপাসনা'র সম্পাদক 'সাহিত্যের দায়িত্ব' সম্বন্ধে ছোট একটু টিপ্পনি লিখিয়াছেন। বিজ্ঞান প্রভৃতি অত্যাশ্চর্য বিষয়ে যেমন, সাহিত্যেও তেমনি কতকগুলি সাধারণ স্বীকার্য আছে; সেগুলি মানিতে কারও বড় একটা আপত্তি দেখা যায় না। যেমন ধরুন, রসাত্মক বাক্যের নাম কাব্য; অলঙ্কার শাস্ত্রের এই সাধারণ স্বীকার্যটি সকলেই স্বীকার করেন। কিন্তু রস বলিতে কে কি বোঝেন, তাহা তলব করিলেই ঐ সাধারণ স্বীকার্যের মধ্যে হরেক রকমের অর্থবিকার ঘটিতে দেখা যায়। অতএব মামুলা— সাধারণ স্বীকার্য লইয়া নয়; সাহিত্যের ক্ষেত্রে ঐ স্বীকার্যগুলোকে প্রয়োগ করিতে গেলে তাদের যে বিচিত্র অর্থান্তর ঘটে, সেই অর্থান্তর লইয়াই আসল মামুলা।

সম্পাদক লিখিতেছেন, "জীবনই সাহিত্যের জন্মদান করে।...যে সাহিত্য জীবনের বিরোধী...সে বুটা সাহিত্য।" এ একটা সাধারণ স্বীকার্য। কিন্তু 'জীবন' বলিতে সম্পাদক যাহা বোঝেন, সাহিত্য-রসজ্ঞ মাত্রেই কি তাহাই বোঝেন? ওয়ার্ল্ড হইটম্যান তাঁর কাব্যরসে বলিয়াছিলেন যে, তিনি জীবনের গান গাহিবেন— "of life immense in passion, pulse and power।" অথচ রাধাকমলবাবুর টিপ্পনি পড়িয়া বোধ হয় যে সাহিত্যে

জীবনের সেই প্রবল 'passion'-অংশের যেন কোনই স্থান নাই। তার প্রমাণ তাঁর নিম্নলিখিত উক্তিটি:— "এমন রীতি ও নীতি বঙ্গসাহিত্যে এখন অনেক সময় প্রশ্রয় পাইতেছে, যাহা জীবনের বিরোধী—যেটা আশ্রয় করিলে যে জীবনের পথে মানুষ সেই আদিম কাল হইতে অনেক ষাত-প্রতিঘাতের মধ্য দিয়া অগ্রসর হইয়া আসিতেছে, সে পথে অগ্রসর হওয়া অসম্ভব। আদিম ধর্মরতা হইতে আধুনিক সভ্যতার পদার্পণ করিয়া মানুষ এটা অন্ততঃ ঠিক বুঝিয়াছে যে, পবিত্রতার আদর্শ খাট করিতে গেলেই তাহার পতন অবশ্যস্তাবী। মানুষ সেই আদর্শ বরং বড় করিয়া রাখিয়াই জীবনে উন্নতিলাভ করিয়াছে। সুতরাং বড় আঁটিষ্ট কখনই পবিত্রতা ও অপবিত্রতাকে সমান চক্ষে দেখেন না।"

রাধাকমল বাবু সাহিত্যে 'পবিত্রতার আদর্শ' রক্ষা করা বলিতেই যা কি বোঝেন, তাহা তাঁর টিপ্পনি হইতে পরিষ্কার বোধগম্য হয় না। এইটুকু মাত্র বোঝা যায়: যে, সাহিত্যে 'sex-passion' অথবা মিথুন-রাগের চিত্র তাঁর পবিত্রতার আদর্শকে বোধহয় পীড়িত করে। অথচ ঐ মিথুন-রাগের রঞ্জনেই নিখিল সাহিত্য অমুরঞ্জিত। ঐ রঞ্জন দিয়া জীবনকে আঁকিবার বেলায়, কোন কবি, নাট্যকার বা ঔপন্যাসিক কোন সংকীর্ণ সমাজনৈতিক আদর্শকে চোখের সামনে খাড়া করিয়া রাখেন নাই।

তা যদি রাখিতেন, তবে সে সাহিত্যে জীবনই প্রস্ফুরিত হইত না। কেননা, নৈতিক আদর্শ জিনিষটা সমাজে চিরকালই পরিবর্তনশীল; তাহা কোথাও ধ্রুব হইয়া নাই। গ্রীকের নৈতিক আদর্শের সঙ্গে মধ্যযুগের পোপেদের নৈতিক আদর্শের মিল ছিল না; আবার পোপেদের নৈতিক আদর্শের সঙ্গে রেনেসাঁসের নৈতিক আদর্শের মিল ছিল না; আবার তখনকার নৈতিক আদর্শের সঙ্গে বর্তমান ইউরোপের নৈতিক আদর্শের ত মিল নাই। ঠিক তেমনি, ভারতবর্ষেও বৌদ্ধযুগের নৈতিক আদর্শ আর পৌরাণিকযুগের নৈতিক আদর্শের মধ্যে কি মিল আছে? বৌদ্ধরা শরীরের দাবী ইন্দ্রিয়ের দাবীকে যেমন অগ্রাহ্য করিয়াছে, পৌরাণিক যুগে ইন্দ্রিয়ের দাবী তেমনি স্বীকৃত হইয়াছে; এমন কি দেবতাদের লীলায় পর্য্যন্ত স্থান পাইয়াছে। তার সাক্ষী, ভুবনেশ্বর ও কণারকের মন্দিরের চিত্রাবলী। আবার সে যুগের আদর্শের সঙ্গে এ যুগের আদর্শের মিল নাই। সমাজকে নিয়ন্ত্রিত করিবার জন্ত সমাজনৈতিক আদর্শের এই বদল কালে কালেই ঘটিবে, সেই জন্তই সমাজ নৈতিক আদর্শকে 'সংকীর্ণ' এই বিশেষণে বিশিষ্ট করিতে বাধ্য হইয়াছি।

সাহিত্য-শিল্প পাদ্রী-পুরুতের শাসন চিরকালই অস্বীকার করিয়া আসিয়াছে ও ভাবের স্বাধীন লোকে বিহার করিয়াছে; তাই তার কাছে সব চেয়ে বড় আদর্শ জীবনেরই আদর্শ। কিন্তু সে জীবন রাখাকমলবাবুর সংজ্ঞিত কৃত্রিম সংস্কার-

গণ্ডিবদ্ধ জীবন নয়। তাহা "Life immense in passion, pulse and power"— তাহা আবেগময়, শক্তিময় ও স্পন্দমান নাড়ীবিশিষ্ট চঞ্চল জীবন। অর্থাৎ সকল সংস্কার হইতে মুক্ত করিয়া ফেলিলে যে অথগু, বিচিত্র ও বেগবান জীবন আমাদের চোখের সামনে দেদীপ্যমান হইয়া উঠে, সেই জীবন। সাহিত্যেই তাই মানুষ conventionকে সব চেয়ে বেশি করিয়া অস্বীকার করিয়াছে; এই একটি মাত্র ক্ষেত্র, যেখানে convention বা সংস্কারের বাঁধন হইতে মানুষ মুক্তি কামনা করিয়াছে। এর উদাহরণের জন্ত অন্ত দেশের সাহিত্যে যাইবার দরকার নাই, ভারতবর্ষের সাহিত্যেই এর উদাহরণ মিলিবে।

রাম লক্ষণ সীতার কথা ছাড়িয়া দি; মহাভারত ত হিন্দুর পঞ্চম বেদ—মহাভারতের মধ্যে যে নৈতিক আদর্শ দেখিতে পাওয়া যায়, তাহা কি বর্তমান হিন্দু সমাজের সংস্কারগত নৈতিক আদর্শের সঙ্গে মেলে? দৃষ্টান্ত দিয়া দরকার নাই; কেননা— a word to the wise is sufficient—বিজ্ঞের পক্ষে ইঙ্গিতই যথেষ্ট নয় কি? তারপর সমস্ত সংস্কৃত সাহিত্য—কালিদাস প্রভৃতি কবিদের রচনা ধরা যাক। মেঘদূত, শকুন্তলা, মৃচ্ছকটিক, রত্নাবলী, শৃঙ্গার রসার্টকম্, শৃঙ্গারতিলকম্, চৌরপঞ্চাশিকা, অমরশতক, গীতগোবিন্দ পর্য্যন্ত—এতগুলি বাছা বাছা নাট্য ও কাব্যে রাখাকমল বাবু-কথিত পবিত্রতার বা হিন্দুসমাজ-নীতির আদর্শ রক্ষা পাইয়াছে কি? রসের মধ্যে যাহা আদি, সংস্কৃত সাহিত্যে তাহাই যে

অনাদি বা চিরন্তন রস। মানব সাহিত্যেও তাহাই বটে।

তার পর বাংলা সাহিত্যের বৈষ্ণব পদাবলী সম্বন্ধে আমি ইতিপূর্বে এক প্রবন্ধ লিখিয়াছিলাম, তাহা লইয়া বিস্তর বাদানুবাদ হইয়াছে ও হইতেছে। সুতরাং সে সম্বন্ধে পুনরায় কিছু লেখা দরকার হইবে। মোটের উপর এখানে একটি কথা বলিতে চাই এই যে, ঐ পদাবলী গোড়া হইতেই বৈষ্ণবধর্মকে আশ্রয় করে নাই—সুতরাং বৈষ্ণব ধর্মের দ্বারা ঐ পদগুলির কি অর্থান্তর ঘটে, তাহা সাহিত্যিকের দেখিবার কথা নয়। ইউরোপীয় Troubadourগণ এক সময়ে বিজ্ঞাপতি-চণ্ডীদাসেরই মত রাগাঙ্গিকা পদাবলী অর্থাৎ মিথুন-রাগাঙ্গিকা পদাবলী রচিয়া দেশ বিদেশে গাহিয়া বেড়াইতেন। তখন তাঁদের পদাবলীর মধ্যে আধ্যাত্মিক অর্থ কেহই বাহির করে নাই। ক্রমে দেখা গেল যে, রোমান্ ক্যাথলিক ধর্মের স্পর্শে সেই পদগুলির অর্থের বদল ঘটিতে লাগিল এবং তারা দেখিতে দেখিতে মিথুন-রাগাঙ্গিক না হইয়া ‘আধ্যাত্মিক’ হইয়া উঠিল। Cambridge University Press হইতে প্রকাশিত The Troubadour নামক গ্রন্থটি পাঠ করিলেই ইহা দেখিতে পাওয়া যাইবে। ঠিক সেই Troubadourদের মত বিজ্ঞাপতি প্রভৃতির পদগুলিও বৈষ্ণব ধর্মের প্রভাবে অর্থান্তর প্রাপ্ত হইয়াছে। কিন্তু গোড়ায় তাদের অর্থ সোজাই ছিল—তারা অত্যন্ত সহজ মিথুন-রাগের কাব্য ছিল। তারা যে “ভারতীয় জ্ঞানসাধনার শ্রেষ্ঠ সঙ্গতি”

ছিল না, একথা জোর করিয়াই বলা যায়।

তারপর ভারতচন্দ্রের বিজ্ঞানন্দর? তারপর মাইকেলের ‘বীরাজনা’ কাব্য? তারপর—আর বোধকরি তারপরের প্রয়োজন হইবে না। কেননা, তারপর যাদের নাম আসিবে, তাঁরা “আদিম বর্করতা হইতে আধুনিক সভ্যতায় পদার্পণ” করিয়াছেন বলিয়া, অর্থাৎ তাঁদের মিথুন-রাগের সাহিত্য আদিম সাহিত্যের চেয়ে অনেক বেশি মার্জিত ও শ্রীসম্পন্ন বলিয়া লেখক তাঁদের উপর বেশি ধাপ্পা। কালিদাসের মেঘদূতের ও কুমারসম্ভবের স্থানে স্থানে একালের রুচিসাবে যে অশ্লীলতার নমুনা পাওয়া যায়, তাহা বরং তিনি সহ করিতে প্রস্তুত আছেন, কেননা তাহা “ভারতীয় জ্ঞানসাধনার শ্রেষ্ঠ সঙ্গতি”, এই তাঁর ধারণা। কিন্তু হালের অত্যন্ত মার্জিত রুচির সাহিত্যে সে রকমের অশ্লীলতা না থাকিলেও তাঁর মতে এসব সাহিত্যের ‘নীতি ও রীতি’ ‘পবিত্রতার আদর্শ’ হইতে বিচ্ছিন্ন—অতএব—‘জীবনের বিরোধী’। অবশ্য একথা বলাই বাহুল্য যে, আমি কোন নৈতিকতার সংকীর্ণ আদর্শের মাপকাঠির দ্বারা সে সকল প্রাচীন সাহিত্যের বিচার করিতে চাই না। কেন না, একালের রুচির দ্বারা সে কালের রুচির বিচার চলে না।

সম্পাদকের টিপ্পনির শেষ অংশটুকু চমৎকার। তাহা উদ্ধার করিতেছি :—

“কালিদাসের কুমারসম্ভব, মুকুন্দরামের

চণ্ডী, চৈতন্য ভাগবত অথবা বৈষ্ণব পদাবলী লোকে দৈনিক জীবনে সাধনার অঙ্গরূপে নিত্য পাঠ করিয়া থাকে। কলেজের শেক্সপীয়ার অথবা গেয়েটে বা রবিবাবুর কাব্যসাহিত্যের পাঠের মত মছে।”

কুমারসম্ভব আমার কাছে সম্প্রতি নাই। ‘কুমারসম্ভবে’র তৃতীয় সর্গে অকাল বসন্তের বর্ণনা—‘দৈনিক জীবনের সাধনার অঙ্গরূপে’ নিত্য পাঠের ব্যবস্থা যদি হইল, তবে মেঘদূত বার্দ গেল কেন? পূর্ব মেঘের ৪২টা শ্লোকও নিত্য পাঠের মধ্যে পড়িবে ত?—সেটা এখানে উদ্ধার নাই করিলাম। আর কুমারসম্ভব ও মেঘদূত যদি ‘স্ত্রী’পুরুষ সকলেরই জীবনের ‘সাধনার’ সহায় হয়, তবে ‘শৃঙ্গার-তিলকম্ চৌরপঞ্চাশিকা প্রভৃতি ‘কি দোষ করিল? অবশ্য বৈষ্ণব পদাবলীর মধ্যে গীতগোবিন্দও পড়ে। যে অর্থেই গীতগোবিন্দ ও বৈষ্ণব পদাবলী পড়া যাক না কেন, ইন্দিয়-লালসার চিত্র তাহাতে এত প্রচুর পরিমাণে আছে যে, সে সকলপদ নিত্য পাঠের দ্বারা ঐ সমাজ-নৈতিক “পবিত্রতার আদর্শের” কোন ব্যত্যয় ঘটতেই পারে না। আমরা বলি ‘শ্রীকৃষ্ণকীর্তনের’ ‘দানখণ্ড’ও দৈনিক জীবনে সাধনার অঙ্গরূপে নিত্য পাঠ করা কর্তব্য।

এ পর্য্যন্ত জানিতাম যে কালিদাস প্রভৃতির কাব্য লোকে কাব্যামোদের জন্মই পড়ে; অতঃপর শুনা গেল যে, ঐ সকল কাব্য লোকে দৈনিক জীবনের সাধনার অঙ্গরূপেও নিত্য পাঠ করিয়া থাকে এবং

ঐ সকল কাব্য পাঠে অত্যন্ত কৃত্রিম সংস্কার-গণ্ডিবদ্ধ পবিত্রতার আদর্শও নাকি রক্ষা পায়!

কোন ভাল কাব্য পাঠে পবিত্রতার আদর্শ যে নষ্ট হয়, এটা অবশ্য আমাদের বিশ্বাস নয়। নদীর জলে যতই আবিলতা থাকে না কেন, তাহা পবিত্র; কারণ তাহাতে স্রোত আছে। জীবনের গতিবেগই জীবনের মলিনতাকে ভাসাইয়া লইয়া চলে, তাহা কোথাও জমিতে পায় না। এই তত্ত্বটিই বুঝাইবার জন্ম মহাকবি গ্যায়টে “ফাউন্ট” লিখিয়াছিলেন। কাব্য-উপন্যাসে জীবনের গতিবেগ আছে বলিয়াই, তাহা সকল আবিলতা সত্ত্বেও পুতসলিলা ধারার মত।

বাঙ্গলার গীতি-কবিতা

‘বাঙ্গলার গীতি-কবিতা’ সম্বন্ধে একটি প্রবন্ধ ‘নারায়ণের’ অগ্রহায়ণ সংখ্যায় বাহির হইয়াছে। লেখক নাম দেই নাই। বোধ হয় ইহা সম্পাদক শ্রীযুক্ত চিত্তরঞ্জন দাশ মহাশয়ের রচনা।

লেখকের সুদীর্ঘ প্রবন্ধ-পাঠার মধ্যে একটি-মাত্র ধূয়া এই যে, ‘বাংলার প্রাণ’কে ধরিতে হইবে; কারণ একালের ‘ফেরঙ্গ সাহিত্যের’ আবির্ভাবে সেকালের চারপাঁচশো বৎসর আগেকার ‘বাংলার প্রাণটা খুঁজিয়া পাওয়া যাইতেছে না বলিয়া বড়ই আপশোষের কারণ হইয়াছে। অতএব, সেই শিলা-রূপী প্রাণটাকে ‘ফেটিশ্’ করিয়া তার কাছে শাঁকঘণ্টা বাজাইয়া যদি এ কালের প্রাণবান্ সাহিত্য-টাকে বলি দেওয়া যায়, তবেই বাংলার প্রাণ রক্ষা ধর্ম্মরক্ষহয়া।

আমরা ত জানি যে, সকল বস্তুর সত্য-সত্য নির্ণয়ের জন্ত আধুনিক Comparative method বা তুলনামূলক প্রণালীর প্রয়োগ করা দরকার। কিন্তু লেখক তাকে আমল দিতে চান না বলিয়া বোধ হয়। কেননা, তিনি স্পষ্ট করিয়া লিখিয়াছেন যে বিলাতী Lyric কবিতার সঙ্গে বৈষ্ণব পদাবলীর পার্থক্য এমনি গুরুতর যে, বিলাতী সংস্কার একেবারে মুছিয়া না ফেলিলে বাংলার প্রাণরূপ বৈষ্ণব পদাবলী-সাহিত্যের মধ্যে প্রবেশের অধিকার জন্মে না। অর্থাৎ বাংলার সেকালের প্রাণটাও এমনি অদ্ভুত 'বিশ্ব'ছাড়া খাপছাড়া প্রাণ যে, আর কোন দেশের বা সভ্যতার প্রাণ-পদার্থের সঙ্গে তার সাক্ষ্য মেলে না।

তিনি লিখিতেছেন :—

“বিলাতী গীতি-কবিতায় কবি বিশ্বের সকল পদার্থকে তাঁহার বুকের ভিতর টানিয়া লন। তাহাই প্রাণের ভাব-রসে সিক্ত করিয়া প্রকাশ করেন। সে প্রকাশে তাঁহাদের নিজের ছাপ দিয়া দেন। তাহাতে হয় এই যে, প্রত্যেক রূপই কবির নিজের গাভের ছাঁচে গড়া হয়।... .. কিন্তু এই যে গীতি-কবিতা, ইহা আমাদের দেশীয় নয়। ...

“আমাদের দেশে চণ্ডিদাস হইতে রামপ্রসাদ ও কবিওয়ালারা কেহই এই গীতি-কবিতা দেখেন নাই। তাঁহারা রচিয়া গেছেন গান, সেখানে আমরা কবিকে দেখি স্রষ্টা। দুজনের প্রাণের খেলায় দর্শক হইয়া আনন্দরস ভোগ করিতেছেন।... .. ইহাই হইল বাঙ্গলা গীতি-কবিতার বা গানের প্রাণ।”

অর্থাৎ লেখকের মতে রাধাকৃষ্ণের নামে বেনামী করিয়া নিজের অভিজ্ঞতার কথা লিখিলে তাহা খাঁটি বাংলা গীতি-কবিতা হইবে; বেনামী না করিয়া লিখিলেই

তাহা বিলাতী লিরিক হইবে। দেশী ও বিলাতী গীতি কবিতায় মোটের উপর এই তফাৎ।

‘দুজনের প্রাণের খেলায়’ কবি যদি শুধু হন ‘দর্শক’, তবে সে প্রাণের খেলা বা লীলাকে অপ্রাকৃত লীলাই বলিতে হয়। এই অপ্রাকৃত প্রেমলীলার কাব্যও যে ইউরোপীয় সাহিত্যে নাই তাহা নহে; দাস্তুর প্রসিদ্ধ কাব্য Vita Nuova বা Paradisoই এই অপ্রাকৃত প্রেমের কাব্য। তাছাড়া খৃষ্টান মধ্যযুগীয় মিষ্টিক বা মরমী কবিতায় এবং মধ্যযুগীয় ট্রুবাদোর-গায়কদের প্রেমের গানের আধ্যাত্মিক রূপান্তরে, ঐ অপ্রাকৃত প্রেমলীলার বৈষ্ণব গানের বুড়ি বুড়ি সাদৃশ্য পাওয়া যায়।

কিন্তু বৈষ্ণব সাধনাকে অপ্রাকৃত সাধনা শুধু আমিই বলি না। আশ্বিন ও কার্তিক সংখ্যার ‘নারায়ণে’ বিপিন বাবু তাঁর ‘বুদ্ধিমানের কর্ম’ নামক প্রবন্ধে সে কথা স্বীকার করিয়াছেন দেখিতেছি। তিনি লিখিয়াছেন :—

“এই সংসারের প্রত্যক্ষ সেবার, প্রেমের, রসের সম্বন্ধের মধ্যেই যে দেশকালের রঙ্গমঞ্চে ভগবানের নিত্যলীলার নিত্য অভিনয় হইতেছে, এ সংসারের দাস্ত, সখা, বাৎসল্য ও মাধুর্যের সম্বন্ধসকল যে সেই নিত্যরসলীলার নিত্য রস-সম্বন্ধের আদর্শই প্রকাশিত হইতেছে, ভগবানের এই জাগতিক লীলার আমরা প্রত্যেকে যে তাঁর লীলা-পরিকর—এ সকল কথা (বৈষ্ণবেরা) ধরিতে ও বুঝিতে পারিল না। ইহারাও ভগবানের প্রত্যক্ষ জাগতিক লীলাকে মায়িক ও অলীক বলিয়া বর্জন করিয়া, সংসারের প্রত্যক্ষ সম্বন্ধ-সকলের প্রতি উদাসীন হইয়া, “অপ্রাকৃত বৃন্দাবনে” তাঁর “অপ্রাকৃত লীলা” ধ্যান ও কীর্তন

করিতে লাগিল। এইরূপে এই বৈষ্ণব-সিদ্ধান্ত তত্ত্বক্ষে সংসার ও পরমার্থের মধ্যে একটা অপূর্ব সঙ্গতি ও সমন্বয় সাধন করিয়াও, সাধনাক্ষে তাহার প্রতিষ্ঠা করিতে পারিল না। বৈদান্তিকের কৈবল্যধামের স্থানে বৈষ্ণবের ব্রজধামের প্রতিষ্ঠা হইল বটে, কিন্তু মায়াবাদী বৈদান্তিক যে ভাবে এই সংসারকে মায়িক ও অলীক বলিয়া উপেক্ষা করিতেছিলেন, ভক্তবাদী বৈষ্ণবও তাহা করিতে লাগিল।”

আমি অবশ্য মনে করি যে, বাংলার প্রথম পদকর্তারা অর্থাৎ বিद्याপতি, চণ্ডীদাস প্রভৃতি নিজেদের অভিজ্ঞতার কথাই বেনামী করিয়া লিখিয়াছেন, কেননা তখনো গৌরাঙ্গীয় বৈষ্ণব ধর্মের প্রতিষ্ঠা হয় নাই—অপ্রাকৃত লীলার তত্ত্ব, দর্শক ভাবে দেখিবার কথা প্রভৃতি তখনো ফোটে নাই। বেনামী করিবার কারণ আর কিছুই নয়—রাধা-কৃষ্ণের কাহিনীটাকে তাঁরা আশ্রয় করিয়াছিলেন। আমার বিশ্বাস যে, ইউরোপীয় Troubadour গায়কগণ যেমন প্রথমে ইন্দ্রিয়-লালসার গান রচনা করিতেন (কেহ কেহ প্রেমের উপরের সপ্তকের সুরও ধরিতে পারিয়াছিলেন)—তেমনি ভাবেই বৈষ্ণব পদকর্তাদের গানও এক সময়ে আমাদের দেশে জাগিয়াছিল। তার পর Troubadour-দের গান ‘রোমান্ ক্যাথলিক ধর্মের অতীন্দ্রিয় সাধনার সঙ্গে যুক্ত হইয়া যেমন আধ্যাত্মিক রূপকে রূপান্তরিত হইল, পদাবলীও তেমনি গৌরাঙ্গীয় বৈষ্ণব ধর্মের সাধনার সঙ্গে যুক্ত হইয়া আধ্যাত্মিক রূপকে রূপান্তরিত হইয়াছিল। এ সম্বন্ধে পরে অল্প প্রবন্ধে আমি আলোচনা করিব।

বাংলার প্রাচীন গীতি-কবিতার মত কবিতা ভূভারতে নাই, এর মত হাঁশুকর কথা আর কিছুই হইতে পারে না। কবীর, নানকের গনিও গান, তাহাতেও ‘হুজনের প্রাণের খেলা’র কথা যথেষ্ট পরিমাণেই আছে এবং বৈষ্ণব পদাবলীর চেয়ে রস ও তত্ত্ব দুইদিক্ হইতেই বিচার করিলে তাহা উৎকৃষ্টতর; একথা কাব্য-রসজ্ঞ মাত্রকেই স্বীকার করিতে হইবে। সুফী কবিদের গানও গান, তাহাতেও ‘হুজনের প্রাণের খেলার কথা আছে, এবং সে কাব্যও বৈষ্ণব পদাবলীর কেবলমাত্র ইন্দ্রিয়-ভোগের বর্ণনাপূর্ণ গানের চেয়ে কাব্যহিসাবে শ্রেষ্ঠতর।

সকল রসের ‘সমরস’, দেহে প্রাণে মনে ‘একাত্ম অনুভূতি,’ বা অচিন্ত্য দ্বৈতা-দ্বৈতলীলা প্রভৃতি বৈষ্ণব তত্ত্ব যে খুব গভীর, তাহা এ দেশের তত্ত্বশাস্ত্র যারা কিছুমাত্র নাড়াচাড়া করিয়াছেন তাঁরা জানেন। কিন্তু এসব তত্ত্বের বাস্পও বিद्याপতি, চণ্ডীদাস প্রভৃতির পদাবলীর ভিতরে ত কোথাও পাওয়া যায় না। সুতরাং বিद्याপতি, চণ্ডীদাস প্রভৃতির কবিতাকে এই সব তত্ত্বের দিক্ হইতে ব্যাখ্যা করিলে সে ব্যাখ্যা অনেক সময়ই গায়ের জোরের ব্যাখ্যা হয়। তখন পদাবলীর স্বাভাবিকতা নষ্ট হইয়া যায়—তার যে প্রাণ পুরুষটাকে উদ্ধার করিবার জন্ত লেখক ব্যস্ত, তারই প্রাণ-দণ্ডের বন্দোবস্ত করা হয়। কবীরের কবিতা পড়িলে বেশ বোঝা যায় যে, ভারতবর্ষীয় তত্ত্বশাস্ত্রের সঙ্গে তাঁর কিছু কিছু

পরিচয় ছিল—কিন্তু চণ্ডীদাসের কাব্যে অথবা জ্ঞানদাস বা গোবিন্দদাসের পদাবলীতে কোন তত্ত্বের নাম গন্ধও কোথাও নাই। ইন্দ্রিয়লালসাকে এবং সময় সময় অতীন্দ্রিয় প্রেমকেও তাঁরা খুব উজ্জ্বল বর্ণে, মধুর ভাষায় ও ললিত ছন্দে মূর্তিমান করিয়া প্রকাশ করিয়াছেন। ধর্মবিশেষ তাকে আপনার অঙ্গীভূত করিয়াছে বলিয়াই যে সেই ধর্মের চশমাতেই এই সকল কাব্যকে দেখিতে হইবে, এমন কথা আমি মনে করি না। Troubadour-সাহিত্য রোমান্‌ক্যাথলিক কি চক্ষে দেখিয়াছিল তাহা জানিবার দরকার নাই; সাহিত্যের তরফ হইতেই তাকে পড়িতে ও বুঝিতে হইবে। বৈষ্ণব কাব্যকেও কাব্য হিসাবেই দেখিব, কোন ধর্মের Hymnology হিসাবে নয়।

অবশ্য বৈষ্ণব পদাবলীকে সাহিত্যের দিক হইতে পড়িলে তার মধ্যে ইন্দ্রিয়ের গন্ধ বেশি পাওয়া যায় বলিয়াই যে তাহা কাব্য নয়, এমন কথা আমরা বর্ণি না। কেননা, কাব্যের প্রধান বিষয়ই 'passion' বা রাগ এবং বিশেষভাবে Sex-passion বা মিথুনরাগ। সুতরাং "ইন্দ্রিয়কে অস্বীকার করিয়া অতীন্দ্রিয়ের উপর জীবনের কোন ভিত্তি রাখা যায় কি?"—এ প্রশ্নের কোনই সার্থকতা দেখি না। কারণ, ইন্দ্রিয়ের ভিতর দিয়া অতীন্দ্রিয়ের উপলব্ধি হইলেই ইন্দ্রিয়কে পূর্ণভাবে স্বীকার করা চলে। সেইজন্য পৃথিবীতে যে সকল ভাগ্যবান কবি সেইভাবে ইন্দ্রিয়ের সুখকে গ্রহণ করিয়াছেন, অর্থাৎ যারা রূপ-রস-গন্ধ-স্পর্শ-শব্দের

ভিতরে অরূপ অগন্ধ অস্পর্শ চিন্ময় সত্তার উপলব্ধি করিয়াছেন, তাঁদের কাব্যকে আমরা উচ্চ আসন দিয়া থাকি। তাঁদের মিথুন-রাগ পাশব মিথুন-রাগ নয়; তাহা ভাগবত মিথুন-রাগ, তাহা এক আশ্চর্য্য জিনিস। শেলি, ব্রাউনিং, হুইটম্যান, ভিক্টর হুগোর কাব্যে এই ভাগবত মিথুন-রাগ ফুটিয়াছে বলিয়াই তাঁদের কাব্যের এত আদর। অত্র পক্ষে, গোটিয়ে, কীটস্, হাইনে, বার্নস্, মুর, প্রভৃতি ইন্দ্রিয়সুখকেই চরম করিয়া দেখিয়াছেন বলিয়া কবি-হিসাবে তাঁদের আসন নীচে। বৈষ্ণব কবিদের মধ্যে চণ্ডীদাস ও বিদ্যাপতির দুই চারিটি পদ পৃথিবীর শ্রেষ্ঠ প্রেমের কবিতার সঙ্গে তুলনীয় হইবার যোগ্য; অবশিষ্ট পদ বার্নস্, হাইনে প্রভৃতিদের কবিতার মত। একথা বলিলে ইন্দ্রিয়কে 'অস্বীকার' করা হয় না—সুতরাং "খুশ্‌চানী নীতিকথা"র সঙ্গে এ কথার সাদৃশ্য যে কোথায় তাহা লেখক মহাশয়ই বলিতে পারেন।

সাহিত্যালোচনায় লেখক যেমন তুলনা মূলক প্রণালী (Comparative method) মানেন না, তুলনামূলক সমালোচনার (Comparative criticism) প্রয়োজন স্বীকার করেন না, তেমনি ঐতিহাসিক ক্রমাভিব্যক্তির প্রয়োজনও খুব বেশি স্বীকার করেন বলিয়া বোধ হয় না। কেননা, ত্রয়োদশ শতাব্দীর বৈষ্ণব কবিতার সঙ্গে আর মহাপ্রভুর আমলের বৈষ্ণব কবিতার যে কোন ভাবগত পার্থক্য থাকিতে পারে, এ কথার আঁচ তাঁর লেখায় কোথাও পাওয়া যায় না। বরং উল্টা দেখি তিনি

এক জায়গায় লিখিতেছেন, “কত বিপদ, কত সংঘাত ও বিপ্লবের মধ্যেও চণ্ডীদাস ও শ্রীচৈতন্য কেমন করিয়া বাঙ্গলার পরিপূর্ণ রসমূর্তিটিকে নিজের জীবনের সাধনার দ্বারা স্বরূপে উপলব্ধি করিয়াছিলেন”— ইত্যাদি—যেন তাঁদের দুজনের সাধনা একই রকমের ছিল কিম্বা তাঁরা যেন সমসাময়িক ব্যক্তি।

অতএব, সাহিত্য-সমালোচনার কোন canon বা রীতিরই যিনি ধার ধারেন না, শুধু সকল বিষয়েই ‘Sir oracle’ হইয়া দস্তসহকারে বলিতে থাকেন,—“হে বাঙ্গালী, জানিও, তাহা ছাড়া (অর্থাৎ আমি যাহা বলিতেছি তাহা ছাড়া) আর কোন পথ নাই,—নাই।...গ্রহণ কর! গ্রহণ কর!” ...“জানিও ইহাই বাঙ্গলার অভয় বাণী” ইত্যাদি, তাঁর সঙ্গে তর্ক করা নিরর্থক, কেননা তর্কের পদ্ধতিকে ত তিনি খাতির কবেন না। শুধু একটি কথা নিবেদন করিতে চাই যে, প্রকৃত Seer বা prophet-এর মুখে যে কথাটা শোভা পায়, নকল-প্রফেটের মুখে সেই কথাটাই অত্যন্ত হাশ্বকর হইয়া উঠে।

বাংলা সাহিত্যের এই নূতন হঠাৎ-নবী বাংলার গীতি-কবিতার আলোচনার উপ-সংহারে রাজা রামমোহন রায়ের প্রসঙ্গের অবতারণা করিয়াছেন। তিনি লিখিতে-ছেন :—

“কিন্তু এই যে ফেরঙ্গ কবিতা বাঙ্গলার এবং মানুষের (?) খাটা মনুষ্যত্বকে নষ্ট করিয়া তৈয়ারী হইল, তাহার গুরু কে? তাহার গুরু রামমোহন রায়। “জবরদস্ত মৌলবী” রামমোহন বাল্য হইতে

আরবী পারসী পড়িয়া যে ছাপ সংগ্রহ করিয়াছিলেন, সেই ছাপে বাঙ্গলার ধর্মকে ভাঙ্গিয়া সমাজ-সংস্কারক রামমোহন ব্রাহ্মধর্মের প্রতিষ্ঠার জন্য ব্রহ্মসমাজ করিয়াছিলেন। মুসলমানেরা একসঙ্গে যেমন নমাজ পড়ে, সেই অনুকরণে সমাজ গড়িলেন। পৌত্তলিকতার উপর এত বড় চোট দিলেন। বৈষ্ণব ধর্মের উপর অযথা অশ্রায় বিচার করিলেন।... ..

“তাই আমার মনে হয় যে, রামমোহন প্রতিভাশালী মহাপুরুষ হইলেও বাঙ্গলার প্রাণের সঙ্গে তাহার পরিচয় ছিল না। কেন না বাঙ্গলার নিজস্ব যে বৈষ্ণব ভাব বাহা ‘বাঙ্গলার প্রাণকে ধর্মকে জাতিকে সমাজকে সক্রম রকমে বাঙ্গলার সাহিত্যকে পুষ্ট করিয়াছে, তাহাকে ত্যাগ করিয়া তিনি প্রতিষ্ঠা করিতে গেলেন—মায়াবাদী বেদান্ত ও কোরাণের সঙ্গে হিন্দুর শাস্ত্রকে বেশ করিয়া গুলাইয়া দিলেন। অসীম ধীশক্তিসম্পন্ন মেধাবী রামমোহন তাহার বুদ্ধির সসামান্য প্রতিভার ষোরতর মল্লযুদ্ধ দেখাইয়া গেছেন একথা অস্বীকার করিতে পারিব না। তবে এই কথা বলিতে আমি বাধ্য হইব যে, খ্রীষ্টান পাদরীদের বিরুদ্ধে হিন্দুর হইয়া তিনি যতই তর্ক করুন না কেন, এই ফেরঙ্গ আসিত না,—কখনই আসিত না, বাঙ্গলার ভাষাকে ইংরাজী করিতে পারিত না, বাঙ্গলার ভাবকে কখন ফেরঙ্গ করিতে পারিত না,—যদি তিনি, আখাদের দেশের সাধনাকে ভাল করিয়া উপলব্ধি করিতেন ও করিয়া ইংরাজি সত্যতা সাধনা এমন করিয়া দুই হাতে বরণ করিয়া গৃহে না তুলিতেন।”

রামমোহন রায়ের সম্বন্ধে এই স্পর্ধিত উক্তিকে ছেলেমানুষি বা বাতুলতা ভিন্ন আর কিছু বলিতে পারি না। যুক্তিরও ইহাতে একান্ত অভাব। রামমোহন রায় ইংরাজি শিক্ষা এদেশে প্রবর্তন করিয়া ‘ফেরঙ্গ’ যুগ আনিয়াছেন ও ‘ফেরঙ্গ’ সাহিত্যের সৃষ্টি করিয়াছেন; কিন্তু তার ফলেই না আজ বাংলা সাহিত্য ইউরোপের কাছে জয়মাল্য পাইয়াছে এবং বিশ্বসাহিত্যে তা

গৌরবের আসন অধিকার করিয়াছে? এবং তার ফলেই না বিজ্ঞানে, দর্শনে শিল্পে, সমাজে—সর্বত্র—ভারতীয় প্রতিভা বহু শতাব্দী পরে আবার জাগিয়া উঠিয়াছে?—ইহা এমনি প্রত্যক্ষ সত্য যে ইহাকে যিনি গায়ের জোরে স্বীকার করেন, তিনি যে ডালে বসিয়াছেন সেই ডালই কাঁটিয়া ফেলিতে ইচ্ছা করেন তাহাতো দেখাই যাইতেছে। রামমোহন রায় যদি “ইংরাজী সভ্যতা সাধনা হই হাতে বরণ করিয়া গৃহে না তুলিতেন,” তবে লেখকের পক্ষে বৈষ্ণব কবিতা সম্বন্ধে এই সব নূতন ব্যাখ্যা ও আলোচনা করাও আজ সম্ভবপর হইত না। তাঁর সাধের চণ্ডীদাসের যুগে বা রাম-প্রসাদ সেনের যুগে গানের উৎস যেমনি উচ্ছসিত হোক না কেন, চিন্তার উৎস যে এযুগের মত নানা জ্ঞান-বিজ্ঞান-সাহিত্য-দর্শনের শত ছিদ্রমুখে উৎসারিত হয় নাই, এটা তো স্ননিশ্চিত? এ সব হাশ্বকর কথার উত্তর দিতেও প্রবৃত্তি হয় না।

“আরব, পারস্য ও তুরস্কের মুসলমানী; দাক্ষিণাত্য সভ্যতা ও বেদান্তমিশ্রিত খিচুড়ীর উপর ফেরঙ্গ ভাষা ও ফেরঙ্গ যুগ আনয়নকারী রামমোহনকে” বুঝিবার স্পর্ধা লেখকের থাকিতে পারে, কেননা তাঁর লেখা পড়িয়াই বোঝা যায় যে তিনি ঐ সব সভ্যতার কোন খোঁজই রাখেন না এবং বেদান্ত সম্বন্ধেও কিছুই জানেন না—অন্ততঃ অমন প্রকাণ্ড হিমালয়-সমান প্রতিভার পরিমাপ করিবার স্পর্ধা আমার নাই। রামমোহন রায়কে সকল দিক্

হইতে বুঝিতে পারেন এমন একজন সর্জনমাত্র পণ্ডিতের লেখা হইতে কিছু অংশ উদ্ধার করিয়া আমি লেখকের উক্তি যে কতটা অজ্ঞতাগ্রস্ত ও হাশ্বকর তাহা প্রতিপন্ন করিতে ইচ্ছা করি। সে পণ্ডিত আর কেহই নহেন—তিনি আচার্য্য ডাক্তার ব্রজেননাথ শীল, আমাদের বিশ্ববিদ্যালয়ের হিন্দু দর্শনাচার্য্য। সকলেই জানেন যে, তিনি বৈষ্ণব তত্ত্বশাস্ত্র সম্বন্ধে যেমন বিশদভাবে আলোচনা করিয়াছেন, এমন আর কেহ করিয়াছেন কিনা বলা কঠিন। রোমনগরে আহৃত Congress of the Orientalists মহাসভায় তিনি Vaishnavism and Christianity সম্বন্ধে বহু গবেষণাপূর্ণ এক প্রবন্ধ পড়িয়াছিলেন। ১৮.৬.২৭এ সেপ্টেম্বরের Queen পত্রে প্রকাশিত রামমোহন রায় সম্বন্ধে তাঁরই রচিত একটি প্রবন্ধ হইতে আমি কয়েকটি অংশ উদ্ধার করিব। আচার্য্য ব্রজেননাথ লিখিতেছেন:—

“For a right understanding and estimate of the Raja's thought and utterance, it is necessary to bear in mind the two essentially distinct but equally indispensable parts which the Raja played on the historic stage. There was Raja Ram Mohan Roy the cosmopolite, the Rationalist thinker, the representative man with a universal outlook on human civilization and its historic march; a Brahmin of the Brahmins, a hierophant moralising from the commanding height of some Eiffel Tower on the far seen vistas and outstretched prospects of the world's civilisation,

... .. For him, all idols were broken and the parent of illusions, Authority, had been hacked to pieces. For him, the veil of Isis was torn; the temple had been rent in twain and the Holy of Holies lay bare to his gaze!

"But there was another and equally characteristic part played by the Raja—the part of the Nationalist Reformer, the constructive practical social legislator—the Renovator of National scriptures and Revelations. Yes, the Raja carried on Singlehanded the work of Nationalist Reform and Scripture Renovation and interpretation for three such different cultures and civilisations as the Hindu, the Christian and Mahomedan.

... .. To this cosmopolitan or universalistic department of the Raja's work belongs the founding of the Brahma Somaj which by its trust-deed was to be a meeting-house of the worshippers of the one God, whether members of Hindu, Mahomedan, Christian or other communities. The Raja's Somaj was a meeting-house, a congregation of worshippers, but had no direct social significance whatever".

আচার্য্য ব্রজেননাথের উক্তির সারমর্ম এই :—

রাজা রামমোহন রায়কে ভাল করিয়া বুঝিতে গেলে তাঁর মধ্যে যে দুটো দিক ছিল তাহা মনে রাখা চাই—এক, তাঁর সার্বজাতিক দিক; আর এক, 'তাঁর স্বাজাতিক দিক। যেখানে রাজা সার্বজাতিক,

সেখানে তিনি সর্বসংস্কারমুক্ত, ব্রাহ্মগোত্রম্, সেখানে তিনি যেন এক সমুচ্চ ঈফেল স্তম্ভের চূড়ায় উঠিয়া তাঁর দৃষ্টির সামনে দিকে দিকে প্রসারিত নিখিলবিশ্বমানব-সভ্যতার সুদূরব্যাপী দৃশ্য ও সম্ভাবনার সম্বন্ধে তাঁর মস্তব্য রহস্যবিৎ পুরোহিতের মত বলিয়া চলিয়াছেন। কিন্তু রাজার আর একটি বড় দিক তাঁর স্বাজাতিক দিক—সেখানে তিনি শাস্ত্রের শাসনকে নূতন করিয়া প্রতিষ্ঠা দিয়াছেন, সামাজিক বিধিবিধানকে নূতন করিয়া গড়িয়াছেন। এ কাজ যে শুধু হিন্দুশাস্ত্র ও সভ্যতা সম্বন্ধেই করিয়াছেন তা নয়—মুসলমান ও খৃষ্টান শাস্ত্র ও সভ্যতা সম্বন্ধেও ঠিক এই একই কাজ তিনি করিয়াছেন।

আচার্য্য লিখিয়াছেন যে, তাঁর সার্বজাতিক দিকের কাজের মধ্যে তাঁর ব্রাহ্মসমাজ-প্রতিষ্ঠা উল্লেখযোগ্য। তিনি ব্রাহ্ম-সমাজের যে ট্রষ্টডীড তৈরি করিয়াছিলেন, তাহা হইতে বেশ বোঝা যায় যে, একটা স্বতন্ত্র 'সমাজ' করিবার অভিপ্রায় তাঁর ছিল না, তিনি তাঁর ব্রাহ্মসমাজকে কেবলমাত্র ভিন্ন ভিন্ন একেশ্বরবাদী ধর্মপন্থীদের একটা সাধারণ সম্মিলনের স্থান করিতে চাহিয়াছিলেন—তারা হিন্দুই হোক, মুসলমানই হোক, বা খৃষ্টানই হোক না কেন।

অতএব, রাজা হিন্দু মুসলমান ও খৃষ্টান ধর্মের 'খিচুড়ি' পাকান্ নাই; তিনি ঐ তিন ধর্মেরই তত্ত্ব, সাধন, আচারাদির বিশিষ্ট-তার মধ্যেই সার্বভৌমিক আদর্শ দেখিতে পাইয়াছিলেন। সেই বিশিষ্টতা রক্ষা করিয়াও এক মহা মিলন-মন্দিরে সকল

ধর্মের লোকই মিলিতে পারে ভাবিয়াই তিনি ব্রাহ্মসমাজ স্থাপন করেন—মুসলমানদের নকলে নয়। তিনি কোন ধর্মকেই ভাঙেন নাই।

তারপর, রাজা বৈষ্ণব ধর্ম বোধেন নাই, সূত্রাং বাংলা দেশকেও বোধেন নাই,—বলা হইয়াছে। রাজা 'গোস্বামীর সহিত বিচারে' ভাগবত শাস্ত্র যে বেদান্ত সূত্রের ভাষ্য নয়, এবং নিখিল হিন্দুশাস্ত্রেই, এমন কি ভাগবতেও, যে সাকার উপাসনার চেয়ে নিরাকার উপাসনার শ্রেষ্ঠত্ব স্বীকার করা হইয়াছে, গোস্বামীর মতের বিরুদ্ধে এই সকল কথা প্রমাণের দ্বারা প্রতিষ্ঠিত করেন। সেই বিচারে তিনি স্পষ্ট করিয়া লিখিয়াছেন যে, তন্ত্রই হোক, পুরাণই হোক যখন ইহাদের মধ্যে বিরোধ দেখা যায় তখন বুঝিতে হইবে যে, "এ সকল অধিদৈবত শাস্ত্র, ইহাতে যখন যে দেবতাতে ব্রহ্মের আরোপ করিয়া কহেন তখন সে দেবতার প্রাধান্ত আর অন্তদেবতার অপ্রাধান্ত কহিয়া থাকেন, ইহার দ্বারা কেবল প্রতিপাত্ত দেবতার এবং গ্রন্থের প্রশংসামাত্র তাৎপর্য হয়।"

রাজা বেদ, স্মৃতি, পুরাণ, তন্ত্র সমস্ত হিন্দু শাস্ত্রকে কি ভাবে বিচার করিয়াছেন তাহা না জানিলে তিনি কোন ধর্মশাস্ত্র-বিশেষের প্রতি সুবিচার করিতে পারিয়াছেন কি পারেন নাই, তাহা বলা চলেনা। সকল শাস্ত্রের প্রামাণ্যেরই তুল্য মূল্য নয়; কোন শাস্ত্রকে কি ভাবে মানিতে হইবে এবং কতটা মানা চলে বা চলেনা তাহা রাজার শাস্ত্রমীমাংসা ভাল করিয়া আলোচনা

করিলেই দেখা যাইবে। কিন্তু যিনি নিখিল হিন্দু শাস্ত্রের কোন শাস্ত্রই জানেন না, 'ফেরঙ্গ' সংস্কারে যিনি আপাদমস্তক জড়িত, এবং 'ফেরঙ্গ' স্বাদেশিক অহঙ্কার যাকে হিন্দুর ধর্মের উদার মর্মের মধ্যে প্রবিষ্ট হইবার পথে বাধা হইয়া আছে, তিনি কেমন করিয়া বুদ্ধ-শঙ্কর-রামানুজের এযুগের উত্তরাধিকারী রামমোহনের শাস্ত্রমীমাংসা বুঝিবেন? হিন্দু সভ্যতা ও সাধনা সম্বন্ধে আমরা সকলেই কিছু-না-কিছু অজ্ঞ—কিন্তু সে অজ্ঞতা লইয়া দস্ত করিতে ত আর কাহাকেও দেখা যায় নাই?

আচার্য্য ব্রজেননাথ প্রবন্ধের উপসংহারে বলিতেছেন :—

"Not only the Vedas, but also the Smritis, Puranas and Tantras are employed as sacred authorities by the Raja quite in accordance with the Hindu canons of scriptural interpretation. While express Hindu doctrines such as Avatara (Incarnation and Partial Incarnation) are recognised and sacred authors admitted for the well-known Puranas etc, the Raja interprets them all so as to make them compatible with the purest rationalism. For example, incarnation is shown by Shastric authorities to be inapplicable to God, but only to the created and perishable gods and goddesses, and belief in the existence of the latter as higher degrees of finite beings is deprived of all religion or spiritual significance and thus reduced to harmlessness. A handbook of Hin-

duism, according to the Raja, giving the substance of his redactions of all Hindu scriptures, (including Puranas and Tantras) his proofs and authorities and his interpretations, would prove extremely useful in the present age and may be prepared on the basis of his works."

তারপর আর একটি মাত্র কথা বলিয়া চুকিতে চাই। হিন্দুসভ্যতার বর্ণমালা-জ্ঞান যার আছে, সে কখনই একথা বলিতে পারেনা যে, হিন্দুর ধর্মে জ্ঞানের পছাই শ্রেষ্ঠ পছাই অথবা ভক্তির মার্গই শ্রেষ্ঠ মার্গ। অথবা শঙ্কর ব্রাহ্ম কিম্বা রামানুজ ব্রাহ্ম।

হিন্দু সকল মার্গেরই শ্রেষ্ঠত্ব স্বীকার করিয়াছে। মুক্তির পথকে সে বিচিত্র বলিয়াই জানে— খৃষ্টানের মত dogmatism হিন্দুর ধর্মের প্রকৃতিগত নয়। তা যদি হইত, তবে গীতাশাস্ত্রের উদ্ভব এদেশে হইতেই পারিত না। সুতরাং "প্রাণের অনুভূতির কাছে তর্ক বিচার ও শাস্ত্রমীমাংসা গোপ্পদের সঙ্গে তুলনীয়" এ কথা খৃষ্টানী কথা, হিন্দুর কথা নয়। এদেশকে যে ব্যক্তি কিছুমাত্র বোঝে নাই, হিন্দুর সভ্যতার মর্ম যে একেবারেই ধরিতে পারে নাই, একথা তারি কথা হইতে পারে।

শ্রীঅজিতকুমার চক্রবর্তী।

সমালোচনা

রাজা দক্ষিণারঞ্জন মুখোপাধ্যায়। শ্রীযুক্ত মনমথনাথ বোষ, এম, এ,এফ,এস,এস, এক, আর, ই,এস বিয়চিত। প্রকাশক শ্রীগুরুদাস চট্টোপাধ্যায়, ২০১ কর্ণওয়ালিস স্ট্রীট, কলিকাতা। মানসী প্রেসে মুদ্রিত। মূল্য দেড় টাকা মাত্র। এখানি সংক্ষিপ্ত জীবনী-গ্রন্থ। মাননীয় বিচারপতি শ্রীযুক্ত আশুতোষ চৌধুরী মহাশয় সুধবন্ধে সংক্ষিপ্ত ভূমিকা লিখিয়া দিয়াছেন; ভূমিকায় তিনি বলিয়াছেন, "রাজা দক্ষিণারঞ্জন হুশিয়ার ডিরোজিওর শিষ্য। ... হৃদয় রাজনীতিজ্ঞ।" তিনি ব্রিটিশ ইণ্ডিয়া সোসাইটির একজন প্রধান সভ্য ও বেথুন স্কুল স্থাপনে একজন প্রধান উদ্যোগী ছিলেন। "সিপাহীসুদ্ধের পর অযোধ্যায় ছর্কিনীত ভূম্যধিকারিগণকে হুশিক্ষিত করিবার অভিপ্রায়ে লর্ড ক্যানিং ডাক্তার আলেকজান্ডার অকের পরামর্শে দক্ষিণারঞ্জকে উক্ত প্রদেশে একখানি

তালুক প্রদান করেন। ... তিনি লন্ড্রোএ ক্যানিং কলেজ স্থাপন ও ওয়ার্ড ইনস্টিটিউসন ও নৈশবিদ্যালয় প্রতিষ্ঠা, সমাচার হিন্দুস্থানী প্রভৃতি সংবাদ-পত্র-প্রবর্তন ও অন্যান্য কার্যদ্বারা উক্ত প্রদেশের প্রভূত উন্নতিসাধন করেন। ... কি রাজনৈতিক, কি সমাজনৈতিক, কি ধর্মনৈতিক সমস্ত ক্ষেত্রে রাজার মনের তেজস্বিতা, হৃদয়ের উদারতা, বর্ণনার সমীচীনতা ও আলোচনার দূরদর্শিতা সর্বথা অনুকরণীয়। তিনি বহুবিধ বাধা বিঘ্ন ও আলোচনের মধ্য দিয়া কর্তব্যের অনুরোধে উৎসাহিত্যের অবহেলার ভয় উপেক্ষা করিয়া কিরণে" জীবন-যুদ্ধে জয়ী হইয়াছিলেন, এই জীবনী গ্রন্থ খানি পাঠ করিলে তাহার বেশ পরিচয় পাওয়া যায়। দক্ষিণারঞ্জনের জীবন যেমন বিচিত্র তেমনি কর্মময়; লেখকের রচনার গুণে জীবনীখানি উপস্থাসের মতই হৃদয়গ্রাহী হইয়াছে। বাজে গল্প বা

কিছদস্তীর আশ্রয় না লইয়া প্রাচীন কাগজ-পত্রের উপর নির্ভর করিয়া প্রত্যেক ঘটনার সত্যাসত্য নিরপেক্ষভাবে আলোচনা করিয়া লেখক যে-সকল সিদ্ধান্ত করিয়াছেন, সেগুলির আমরা সম্পূর্ণ অনুমোদন করি। জীবনী-লেখকের পক্ষে সংযম ও নিরপেক্ষতা প্রধান গুণ; সে গুণের পরিচয় এ গ্রন্থে আমরা পাইয়াছি। একদিকে উপাত্ত-সংগ্রহে লেখকের যেমন প্রভূত পরিশ্রম ও অধ্যবসায়, অপরদিকে তেমনি সত্য-নির্ধারণ ও নির্বাচন-ক্ষমতারও পরিচয় এ গ্রন্থে বহুস্থলে পাইয়াছি। দক্ষিণারঞ্জনের সমসাময়িক প্রসিদ্ধ ব্যক্তিগণের সম্বন্ধে অনেক কথা প্রসঙ্গক্রমে আলোচিত হইয়াছে। ফলে দক্ষিণারঞ্জনের জীবন-কথায় সেকালের একটি ছবিও বেশ পরিপূর্ণ সুন্দর রেখায় ফুটিয়া উঠিয়াছে। গ্রন্থখানির কলেবর দীর্ঘ নহে; অল্প পরিসরে বহু জ্ঞাতব্য কথাই সুশৃঙ্খল ধারায় বর্ণিত হইয়াছে, ইহা লেখকের পক্ষে কম কৃতিত্বের কথা নয়। গ্রন্থে দক্ষিণারঞ্জনের ও বিস্তর প্রসিদ্ধ ব্যক্তির চিত্র সন্নিবিষ্ট হইয়াছে—ছাপা কাগজ বাধাই প্রভৃতি বহিরবয়বও সুন্দর।

চতুর্ভূষণ বিভাগী। শ্রীযুক্ত দিগন্তনারায়ণ ভট্টাচার্য্য প্রণীত। সিরাজগঞ্জ, শ্রীযুক্তনারায়ণ ভট্টাচার্য্য ও শ্রীমতেন্দ্রনারায়ণ ভট্টাচার্য্য কর্তৃক প্রকাশিত। কলিকাতা, মণিকা প্রেসে মুদ্রিত। মূল্য আট আনা। জাতিভেদ বা চতুর্ভূষণ বিভাগ যে গুণ-কর্ম্মানুযায়ী, মানুষেরই সৃষ্টি,—এই সত্য-প্রচার করে এ গ্রন্থের সৃষ্টি। মানুষ নিজের চিন্তাবৃত্তি লইয়াই কেহ ছোট, কেহ বড়। এই ছোট বড় নির্দেশক আর সব মাপ-কাঠির কোনই মূল্য নাই—মানুষকে মানুষ বলিয়া মানাতেই মানুষ,—এই সকল সত্য নানা বুদ্ধি ও শাস্ত্রমতের সাহায্যে লেখক বুঝাইয়াছেন। লেখকের মতের সহিত আমাদের সম্পূর্ণ মিল আছে। উপবীত-ধারী নিগুণ ব্রাহ্মণ উপবীতের জোরে সমাজে তরিয়া যাইবার আর বড় সুযোগ পাইতেছে না; গুণের সমাদর মানুষ করিতে শিখিয়াছে—তবে অন্ধ কুম্ভকার ও গোঁড়ামির আবর্জনা এখনও পাহাড়-প্রমাণ সমাজের বুকে দাঁড়াইয়া আছে;

তাহাকে হঠাইতে গেলে—একশ্রেণীর লোক আছে, যাহারা সংস্কৃত শ্লোক চায়, শাস্ত্র চায়—বিবেকের বাণী একশ্রেণীর লোককে এতটুকু নাড়া দিতে পারে না—সেই শ্রেণীর লোকদিগের চোখ ফুটাইতে এ গ্রন্থের প্রয়োজন। লেখক শাস্ত্রগ্রন্থ হইতেই প্রমাণ করিয়াছেন, “অতি পুরাকালে ভূমণ্ডলে একমাত্র জাতি ছিল। সেই এক জাতি হইতে গুণ-কর্ম্ম-অনুসারে এবং ভিন্ন ভিন্ন দেশে বাস ও অবস্থান-জন্য বিভিন্ন জাতির সৃষ্টি হইয়াছে।” “ন বিশেষোহস্তি বর্ণানাং সর্ব্বং ব্রহ্মমিদং জগৎ। ব্রহ্মণী পূর্ব্বসৃষ্টং হি কর্ম্মভিবর্ণতাং গতম্ ॥” ইহলোকে বর্ণের ইতর-বিশেষ নাই। সমুদয় জগতই ব্রহ্মময়, মানবগণ ব্রহ্ম হইতে সৃষ্ট হইয়া ক্রমে ক্রমে কার্য্য দ্বারা ভিন্ন ভিন্ন বর্ণে পরিগণিত হইয়াছে। “সমর্জ্জ ব্রাহ্মণানগ্রে সৃষ্টাদৌ চ চতুর্ভূষণঃ। সর্ব্ববর্ণাঃ পৃথক পশ্চাৎ তেষাং বংশেষু জঞ্জিরে ॥” ব্রাহ্মণগণের মধ্যে যাহারা রাজসোদ্রিত হইয়া রাজ্য বিস্তার বলবীর্ষ্য-সঞ্চার ও সাহসিক বেদস্তোতাগণের রক্ষা-বিধানে অগ্রসর হইলেন, তাহারাই কত্রিয় উপাধি লাভ করিলেন—যাহারা কৃষি, গোরক্ষী, সূত্রল ধন ও ধাতুশিল্পের উপায় সর্ব্বদা চিন্তা করিতেন, তাহারাই বৈশ্য বলিয়া পরিগণিত হইলেন; এবং যাহারা স্বভাবতঃই ধীসম্পদে দরিদ্র, শক্তি-সামর্থ্য-হীন, যুদ্ধে অপারগ ও অনভিজ্ঞ, অর্ধ-উপার্জনে ব্যবসায়-বাণিজ্যে অক্ষম, তাহারাই শূত্র হইল অর্থাৎ তাহারাই আধ্যগণের পরিচর্যা ও সেবা-কার্য্যে নিযুক্ত হইল। শাস্ত্র হইতে লেখক আরও প্রমাণ করিয়াছেন, বর্ত্তমান সময়ে জাতি যেমন জন্মগত, গুণ-কর্ম্মগত নয়, পূর্বে সেরূপ ছিল না। উৎকৃষ্ট বর্ণের হীন বর্ণের আশ্রিত এবং হীন বর্ণের উত্তম বর্ণের আশ্রিত বিস্তর দৃষ্টান্ত তিনি দিয়াছেন। “যে গায়ত্রীদ্বারা ব্রাহ্মণের ব্রাহ্মণত্ব রক্ষিত হইতেছে, সেই বেদমাতা গায়ত্রীর রচয়িতা বিশ্বামিত্র ব্রাহ্মণের সন্তান নহেন—কত্রিয়; তপস্যা-বলে উনি ব্রাহ্মণ হইয়াছিলেন।” “শর্ম্মাশ্বের পুত্র মুদগল, মুদগলের পুত্র রাজা দিবোদাস, দিবোদাসের পুত্র মিত্রয়ু ব্রাহ্মণ হইয়াছিলেন।” এমনি বিস্তর শাস্ত্রপুরাণোক্ত দৃষ্টান্তের উল্লেখ লেখক করিয়াছেন।

এই সকল যুক্তি-তর্কের শেষে লেখক সমস্ত জাতিকে বলিয়াছেন, মানুষকে মানুষ বলিয়া স্বীকার কর—এক ভগবানের পুত্র বলিয়া ভ্রাতৃ-জ্ঞানে সকলকে বুকে টানো। এ গ্রন্থ-সঙ্কলনে লেখক যে অসাধারণ পরিশ্রম ও অধ্যবসায় করিয়াছেন, তাহা সার্থক হোক,—ইহাই আমাদের কামনা। তাহাতে দেশের মঙ্গল জাতির মঙ্গল—মনুষ্যত্বের মঙ্গল।

গিরিশচন্দ্র। বা গিরিশ-প্রসঙ্গ ও গিরিশচন্দ্রের রচনাবলীর সময়-নির্দেশ-তালিকা-সম্বলিত গিরিশ-গীতাবলী। দ্বিতীয় ভাগ। শ্রীযুক্ত অবিলাসচন্দ্র গঙ্গোপাধ্যায় সম্পাদিত। কলিকাতা, ২০১ কর্ণওয়ালিস স্ট্রীট হইতে। শ্রীযুক্ত গুরুদাস চট্টোপাধ্যায় কর্তৃক প্রকাশিত। ৬৪।১ ও ৬৪।২ নং হুকিয়া স্ট্রীট, লক্ষ্মী প্রিন্টিং ওয়ার্কসে মুদ্রিত। মূল্য এক টাকা, বাঁধাই পাঁচ সিকা মাত্র। এই গ্রন্থে গিরিশচন্দ্রের রচিত কয়েকটি গীত, তাঁহার সংক্ষিপ্ত জীবনী, তাঁহার সম্বন্ধে বিবিধ কথা, তাঁহার রচনাবলীর সময়-নির্দেশ-তালিকা প্রভৃতি সন্নিবিষ্ট হইয়াছে। বাঙলা ভাষা ও সাহিত্যের ইতিহাসে এগুলির মূল্য আছে। প্রকাশক, মহাশয় বিশেষ পরিশ্রম ও অধ্যবসায়-সহকারে যে সকল তথ্য সংগ্রহ করিয়াছেন, তাহা হইতে গিরিশচন্দ্রের ভবিষ্যৎ জীবনী-লেখক প্রচুর উপাদান পাইবেন।

নিবেদিতা। শ্রীমতী সরলাবালা দাসী প্রণীত। তৃতীয় সংস্করণ। সংশোধিত ও পরিবর্দ্ধিত। প্রকাশক, শ্রীযুক্ত ব্রহ্মচারী গণেশনাথ, ২নং মুখার্জী লেন, বাগবাজার, কলিকাতা। শ্রীগোরাঙ্গ প্রেসে মুদ্রিত। মূল্য চারি আনা মাত্র। এই গ্রন্থ প্রথম যখন প্রকাশিত হয়, তখন আমরা ইহার প্রশংসা করিয়াছিলাম। এ গ্রন্থে রচনা-ভঙ্গী ও জ্ঞাতব্য বিষয়ের মনোজ্ঞ সমাবেশ দেখিয়া প্রকৃতই আমরা তৃপ্তি পাইয়াছি। এ গ্রন্থের তৃতীয় সংস্করণ দেখিয়া আজ আমরা যথেষ্ট আনন্দিত হইয়াছি। বাঙালীর গৌরব,

ভারতের গৌরব যে, নিবেদিতা বিদেশিনী হইয়াও আমাদের আপন জন। প্রাচ্য জ্ঞান, প্রাচ্য সভ্যতা, প্রাচ্য আদর্শের প্রতি নিষ্ঠাবতী এই বিদেশিনী মহিলাকে পাইয়া আমরা সে আদর্শ, সে জ্ঞানের নম্র বুকিতে শিখিয়াছি। প্রাচ্য আদর্শ বজায় রাখিয়া বিবিধ বিষয়ে শিক্ষা দিবার উদ্দেশে নিবেদিতা এদেশীয় বালিকা ও নারীগণের শিক্ষার জন্য যে বিদ্যালয় প্রতিষ্ঠিত করিয়া গিয়াছেন, তাহা আমাদের গৌরবের সামগ্রী, আশার মন্দির। এই গ্রন্থে নিবেদিতার কর্ম-জীবনের বিচিত্র কাহিনী প্রাঞ্জল ভাষায় মনোজ্ঞ সুন্দরভাবে বর্ণিত হইয়াছে। বাঙালী মাত্রেই উচিত, এ গ্রন্থ পাঠ করা। এ গ্রন্থের সমগ্র আয় নিবেদিতা বিদ্যালয়ের সেবায় প্রদত্ত।

স্বৈচ্ছাচারী। শ্রীযুক্ত বিভূতিভূষণ ভট্ট প্রণীত। প্রকাশক, শ্রীগুরুদাস চট্টোপাধ্যায় কলিকাতা। এমারেড প্রিন্টিং ওয়ার্কসে মুদ্রিত। মূল্য দেড় টাকা। এখানি উপন্যাস; 'ভারতী'তে গত বৎসর ধারাবাহিক প্রকাশিত হইয়াছিল। 'ভারতী'তে এ উপন্যাসখানি যখন বাহির হয়। তখন অনেকেই ইহার প্রশংসা করিয়াছিলেন। উপন্যাসখানির কয়েকটি চরিত্রে একটু নুতনত্ব আছে। কার্তিকের স্বৈচ্ছাচারিতা, অন্ধ বালিকা সরোজ ও সুকুমারীর প্রেম—উপভোগ্য হইয়াছে। মনস্তত্ত্বের আলোচনায় লেখক নৈপুণ্য দেখাইয়াছেন। তবে মণিশঙ্করকে লইয়া লেখক একটু বাড়াবাড়ি করিয়াছেন—তাহার চরিত্র ফুটাইতে গিয়া অনেক স্থলে লেখক ছেলেমানুষীর পরিচয় দিয়াছেন—কার্তিকের চরিত্রও মধ্য পথে হেঁয়ালির আবরণে ঢাকা পড়িয়াছে—এই ত্রুটিটুকু স্বতন্ত্র গ্রন্থ-প্রকাশ-কালে পরিবর্দ্ধন করিলে উপন্যাসখানি সর্বোৎকৃষ্ট হইত। আশা করি, দ্বিতীয় সংস্করণ প্রকাশ করিবার সময় লেখক এ কথাটুকু বিবেচনা করিয়া দেখিবেন। গ্রন্থের ছাপা কাগজ বাঁধাই ভালই হইয়াছে।

শ্রীসত্যব্রত শর্মা।

কলিকাতা—২২, হুকিয়া স্ট্রীট, কাস্টিক প্রেসে শ্রীহরিচরণ মাল্লা কর্তৃক মুদ্রিত ও ২২, হুকিয়া স্ট্রীট হইতে শ্রীকালীচাঁদ দালাল কর্তৃক প্রকাশিত।

ভারতী

৪১শ বর্ষ]

চৈত্র, ১৩২৪

[১২শ সংখ্যা

“পাথর ফাট কর দিয়া ছুটে !”

(ক)

রমেশের মতে গরম যখন চরম হইয়া উঠে এবং বিশুদ্ধ বাতাস না-পাইয়া প্রাণপাথি খাঁচা-ছাড়ি খাঁচা-ছাড়ি করিতে থাকে, বিকালে, তখন গড়ের মাঠের ‘কার্জন-পার্ক’ গিয়া হাঁ-করিয়া হাঁপ ছাড়াই, বাঁচিবার পক্ষে সব-চেয়ে প্রশস্ত এবং সহজ উপায়। অতএব, তারা কল্পবন্ধুতে প্রতাহ এই প্রশস্ত এবং সহজ উপায় অবলম্বন করিত। সেদিনও তারা ‘কার্জন-পার্ক’ গিয়া জমিয়াছিল।

রমেশ ঘাসের উপরে উড়ানি বিছাইয়া শুইয়াছিল, যোগেশ একটা মৌরির বিঁড়ি বারংবার নিবিয়া যাইতেছে দেখিয়া, ক্রমেই চটিয়া উঠিতেছিল, সুরেশ একমনে একখানা বিলাতী ডিটেকটিভ উপন্যাস পড়িতেছিল এবং উমেশ সকৌতুকে দূরের এক বেঞ্চের দিকে স্থিরচক্ষে তাকাইয়াছিল;—সেই বেঞ্চখানার

উপরে ছ-জোড়া সাহেব-মেম বসিয়াছিল—তার মধ্যে যে সাহেবটি তাকিয়ার মত মোটা তাঁর মেমটি বাঁধারির মত রোগা, আর যে সাহেবটি বাঁমতের মত বেঁটে তাঁর মেমটি প্রায় জিরাফের মত চাঙা—এমন বিসদৃশ চারুচারটি চেহারা এক জায়গায় দেখিতে পাওয়ার সৌভাগ্য, বড় দুর্লভ!

হঠাৎ পিছন হইতে চেনাগলায় একজন বলিল, “ওহে, আমি যে তোমাদের খুঁজে খুঁজে হয়রাণ হয়ে গেলুম!”

সবাই তাড়াতাড়ি ফিরিয়া দেখিল, পুরেশ। অমনি একসঙ্গে প্রশ্ন হইল, “কিহে, তুমি না পুরী গিয়েছিলে?” “কবে ফিরলে হে?” “জায়গাটা কেমন লাগল?” “আর কোথাও গিয়েছিলে নাকি?”

পুরেশ আগে সকলকার মাঝখানে আসিয়া বসিল। তারপর কোঁচানো উড়ানি-খানি খুলিয়া সাবধানে কোলের উপরে

রাধিয়া বলিল, “ভাই, আমি চতুশ্ৰু নই, স্মৃতরাং একসঙ্গে তোমাদের চার-চারটি প্রশ্নের জবাব দেওয়া আমার গক্ষে অসম্ভব। তবে একে একে বলচি শোন। হ্যাঁ, আমি পুরী গিয়েছিলুম। আঙ্গ সকালে ফিরেছি। জায়গাটা ভালই লাগল—দোহের মধ্যে আমাদের কালো রং সেখানকার জল-হাওয়ায় ঘোরতর হয়ে ওঠে। পুরী থেকে আমি কণারকে গিয়েছিলুম—”

রমেশ চম্কাইয়া বলিল, “অ্যাঃ, কণারকে !”

—“ওকি, কণারকের নাম তুমি অমন চম্কে উঠলে কেন?”

—“না, না, ও কিছু নয়, তুমি যা বলছিলে বল!”

—“সে হবে না! আগে বল তুমি চম্কালে কেন?”

—“সে অনেক কথা!”

—“তাহোক্--বল!”

—“শুনলে তোমরা বিশ্বাস করবে না!”

—“যদি ভাল লাগে আর মাসিকপত্রের ছোটগল্পের মত চর্কিতচর্কণ না-হয়, তাহলে আমরা উনিশবার জেল-ফেরতা দাগী চৌরের কথাও বিশ্বাস করতে রাজি আছি!”

—“কিস্ত—কিস্ত—”

—“কিস্ত তুমি বড় বেশী ল্যাঞ্জে খেলচ রমেশ!”

অগত্যা বাধ্য হইয়া রমেশ তার কথা শুরু করিল :—

(ধ)

“অনেকদিন আগেকার কথা; আমরা কয় বন্ধুতে কণারক দেখতে গিয়েছিলুম।

কণারকের মন্দিরের কথা তোমরা অনেকেই জান, স্মৃতরাং আমি আর মন্দিরের কথা বলতে চেষ্টা করব না।

কণারকের আশপাশে মাঝে-মাঝে দু-চারখানি ছোটখাট গাঁ আছে; এ-সব গাঁয়ে লোকজন খুব কম, যারা থাকে তারা হচ্ছে চাষাভুষা ও গয়লা শ্রেণীর।

কণারক থেকে যেদিন আমাদের আসবার কথা, সেইদিন বৈকালে আমরা অম্নি একখানি গাঁয়ের ধার দিয়ে বেড়িয়ে ফিরছিলুম।

কৌতূহলী চোখে এদিকে-ওদিকে তাকাতে-তাকাতে আসছি, হঠাৎ একটা গাছতলায় পুতুলের মত কি-একটা নজরে ঠেকল। এগিয়ে গিয়ে দেখি, সত্যিই এক পাথরের মূর্তি—তার নীচের দিকটা বালিতে পুঁতে গিয়েছে।

মূর্তিটি রমণীর—গঁড়ন দেখে মনে হোল কণারকের সেকলে শিল্পীদেরই কেউ এটিকে গড়েছে! কেননা, তেমন রূপে-ভরা দেহ, হাসি-ভরা মুখ, ভাবে-ভরা চোখ বড় যে-সে কারিকরের কল্পনায় সম্ভব নয়,—উড়িয়ার প্রাচীন শিল্পের এটি একটি জলন্ত নিদর্শন।

এ-হেন মূর্তি এখানে অযত্নে পড়ে আছে কেন, দাঁড়িয়ে-দাঁড়িয়ে অবাক হয়ে তাই ভাবছি, এমনসময়ে দেখি “আসুছন্তি ব্রজবাসী” বলে গান গাইতে-গাইতে, পাশ দিয়ে একজন গাঁয়ের লোক যাচ্ছে।

তাকে ডেকে জিজ্ঞাসা করলুম, “হ্যারে, এ-পুতুলটা এখানে পড়ে আছে কেন?”

উড়িয়া-ভাষায় সে যা বললে তার মর্ম বুঝলুম এই যে, গাঁয়ের মধু সূদন শ্রীচন্দনের

বাড়ীতে এ মূর্তিটা আগে ছিল, কিন্তু সে মরে যাবার পর তার ছেলেরা এটাকে এখানে ফেলে দিয়ে গেছে।

—“ফেলে দিয়ে গেছে? কেন রে?”

অত্যন্ত কুণ্ঠিতভাবে লোকটা বললে, কেন সে তা জানে না। তার মুখ দেখে মনে হোল, সে যেন কি লুকোচ্ছে!

—“আচ্ছা, ভূই এই পুতুলের গা থেকে বালিগুলো সরিয়ে ফ্যাল দেখি! বখশীষ পাবি।”

লোকটা কেমন শিউরে উঠে তিনহাত পিছিয়ে গেল। তারপর, দংশনোত্ত সাপের দিকে লোকে যেমন করে তাকায় তেমনি ভীরু চোখে মূর্তির দিকে তাকিয়ে বললে, সে পারবে না!

ধামকা লোকটা আঁৎকে উঠল কেন? মূর্তিটির দিকে চেয়ে দেখলুম, আমার দিকে তার পাষণ নয়ন তুলে সে যেন করুণ হাসি হাসছে; আপনার নীরব ভাষায় যেন বলছে, ‘আমাকে উদ্ধার কর—এই আসন্ন সমাধি থেকে আমাকে উদ্ধার কর!’

লোভে আমার মনটা ভরে গেল। অপূর্ব শিল্পের এই উজ্জ্বল রত্নটিকে যদি কলকতায় নিয়ে যেতে পারি, তাহলে আমার বাড়ী আলো হয়ে উঠবে।

ফিরে দেখি, পিছনে সে লোকটা আর নেই, হন্থন্থ করে তাড়াতাড়ি সে গায়ের দিকে চলে যাচ্ছে।

বজুরাও আমাকে ফেলে অনেকদূরে এগিয়ে গেছেন, চেষ্টা করে ডাকতে সবাই ফের ফিরে এলেন।

সকলে মিলে বালি সরিয়ে মূর্তিটিকে

আবার টেনে তুললুম। সেটি একটি নর্তকীর নগ্ন মূর্তি; এতক্ষণ তার আধখানা বালির ভিতরে ঢাকা ছিল বলে তার অপরূপ রূপ ভাল করে বুঝতে পারিনি, এখন তার সবটা দেখতে পেয়ে আমাদের চোখে যেন তাক লেগে গেল! কী সুন্দর তার দাঁড়বার ভঙ্গী, কী অপূর্ব তার হাত-পায়ের শ্রী-ছাঁদ! আর পাথরের মূর্তি যে এতটা জীবন্ত হতে পারে, আমি তা জানতুম না; মনে হোল, শিল্পী আর-একটু চেষ্টা করলেই এর মৌনব্রত ভঙ্গ হয়ে যেত!

ভেবেছিলুম, মূর্তিটিকে এখান থেকে সরিয়ে নিলে যেতে গেলে, গায়ের লোকে নিশ্চয়ই উড়িয়া-ভাষায় যৎপরোনাস্তি রুদ্ধরস প্রকাশ করবে। কিন্তু আশ্চর্য্য এই, কেউ টু-শকটি পর্য্যন্ত করলে না!

(গ)

“সন্ধ্যার পর আমরা কণারকের কালো দেউলের কালো ছায়ার তিঁতর থেকে বেরিয়ে, সীমাহীন বালুকা-সাগরের তীরে এসে দাঁড়ালুম।

আমরা চারখানা গরুর গাড়ী ভাড়া করেছিলুম। অল্প তিনখানা গাড়ীতে দু-জন করে লোক উঠল; কিন্তু আমার গাড়ীতে সেই মূর্তিটি ছিল বলে আমি ছাড়া আর কারুর জায়গা হোল না।

অস্পষ্ট চন্দ্রালোকে ঘুমন্ত সেই অনন্ত বালু-প্রান্তরকে চাকার শব্দে জাগ্রৎ করে, গরুর গাড়ীগুলো টিমিয়ে-টিমিয়ে চলতে লাগল। উপরে আকাশ, নীচে সেই ধূ-ধূ মরুভূমি—চারিদিকে আর কিছুই নেই—না গ্রাম, না মানুষ, না গাছপালা!

সারাদিন ধ্বংসস্তূপের মধ্যে ঘুরে-ঘুরে দেহ-মন দুই কেমন এলিয়ে পড়েছিল— আন্তেআন্তে গাড়ীর ভিতরে দেহটাকে ছড়িয়ে দিলুম; আর, আমার পাশেই, নর্তকীর সেই পাষণ মূর্তিটা, শুক্ক মৃত দেহের মত আড়ল হয়ে পড়ে রইল।...

ঘুমিয়ে-ঘুমিয়ে এক অদ্ভুত স্বপ্ন দেখলুম ... সেই পাষণী মর্তকী যেন প্রাণ পেয়ে জ্যাস্ত হয়ে উঠেছে! টানা টানা বিহ্বলতা চোখ তুলে আমাকে তার পাশে দেখতে পেয়ে, কুন্দস্তুে অধর চেপে সে কিক করে হেসে ফেললে, তারপর সামনের দিকে ধীরে-ধীরে তার হাত বাড়িয়ে দিলে—আমাকে আলিঙ্গন করবার জন্তে!

সেই জীবন্ত পাষণীর আলিঙ্গন থেকে ভাড়াভাড়া যেমন সরে আসতে যাব— অমনি চট করে ঘুম ভেঙ্গে গেল।

চোখ কচলে উঠে ধসে দেখি, পাথরের প্রতিমূর্তিটা গাড়ীর ভিতরে পাতলা অন্ধকারে আবছায়ার মত দেখা যাচ্ছে; হঠাৎ দেখলে মনে হয় সে মূর্তি যেন এক ঘুমন্ত মানুষের! বাইরে, মড়ার মত হৃদে আধ-খানা চাঁদ একরাশ এলমেল কালো মেঘের উপরে স্তম্ভিত হয়ে আছে। গভীর রাজি অত্যন্ত শুক্ক;—কেবল, খুব দূর থেকে টিরঙ্গাগস্ত সমুদ্রের অশ্রাস্ত হাহাকার বাতাসের ঠাণ্ডা দীর্ঘশ্বাসের সঙ্গে ভেসে-ভেসে আসছে!

হঠাৎ আমার কাণে একটা শব্দ গেল। গাড়ীর ভিতরে কে ফোঁশ করে একটা নিশ্বাস ফেললে! প্রথমে ভাবলুম, আমার ভ্রম। কিন্তু তারপর ভাল করে শুনে

বুঝলুম,—না, ভ্রম নয়, ভিতর থেকে নিশ্বাস কারুর নিশ্বাস শোনা যাচ্ছে!

গাড়োয়ান-ছোঁড়াটা তখন নেমে গাড়ীর আগে-আগে হেঁটে চলছিল।

প্রতিমূর্তিটার দিকে তাকিয়ে দেখলুম, সে তেমন স্থিরভাবে পড়ে আছে।—

ধাঁ-করে মনে হোল, কণারকের সেই গৈয়ো-লোকটার রহস্যপূর্ণ আচরণ। বখশীষের লোভেও সে এই মূর্তিটার গায়ে হাত দিতে রাজি হয়-নি! ... এ মূর্তিটাকে নিয়ে কিছু গোলমাল আছে নাকি? নইলে, দেখতে থাকে এত সুশ্রী, তাকে গাছতলায় অমন-করে ফেলে-দেওয়া হয়েছিল কেন?

নিশ্বাস তখনো উঠছে, পড়ছে! সুধু তাই নয়—গাড়ীর ভিতরে বিছানার তলায় খড় বিছানো ছিল—সেই খড়গুলো হঠাৎ খড়খড় করে উঠল—কে যেন এ-পাশ থেকে ও-পাশ ফিরে গুল।

আমি ভূত মানি না। কিন্তু তরু কেন জানি না, আমার বুকের কাছটা কেমন ছাঁৎ-ছাঁৎ করে উঠল! গাড়ীর ভিতরপানে চাইতে আর ভরসা হোল না, —খালি মনে হোতে লাগল, যেন কার হু-হুটো পাথুরে চোখের খম্খমে চাহনি ধারালো ছুরির কনকনে ফলার মত ক্রমাগত আমার পিঠের উপরে এসে বিঁধছে আর বিঁধছে! শেষটা এমনি অস্বস্তি হোতে লাগল যে, আমি আর কিছুতেই সেখানে তিষ্ঠতে পারলুম না,—এক-লাফে সে গাড়ী থেকে নেমে পড়ে অত্র এক গাড়ীতে গিয়ে উঠলুম। সেখানে আমার দুই বন্ধু শুয়ে

ঘুমোচ্ছিলেন; গুঁতোগুঁতি করে কোন-
গতিকে বাকি রাতটা কাটিয়ে দিলুম।

... ..

তোর হোল। প্রান্তর তখনো শেষ
হয়নি।

নিজের গাড়ীতে ফিরে আসতেই দেখি,
আমার বিছানার উপরে একটা কুকুরছানা,
কুণ্ডলী পাকিয়ে দিব্যি আরামে শুয়ে, নিজা-
সুখ উপভোগ করছে!

কাণ ধরে সেটাকে তুলে বাইরে ফেলে
দিলুম। ছানাটা কেঁউ-কেঁউ করে উঠতেই
গাড়োয়ান-ছোঁড়া ছুটে এল। বললে, “বাবু,
মের-না মের-না, ও আমার কুকুর!”

—“তোর কুকুর!”

—“হ্যাঁ বাবু, ওর মা মরে গেছে—
তাই ও আমার সঙ্গে-সঙ্গে গাড়ীতেই
থাকুক!”

বুঝলুম, গেল রাত্রে গাড়ীতে কার নিশ্বাস
শুনেছিলুম! কিন্তু, তবু—

(ঘ)

“কলকাতায় এসে নর্তকীর সেই
প্রতিমূর্ত্তিটিকে আমার বাইরের ঘরের একটি
ছোট টেবিলের উপরে দাঁড় করিয়ে দিলুম।

আমার স্ত্রী তাকে দেখবার জন্যে এক-
দিন বাইরের ঘরে নেমে এলেন। অনেকক্ষণ
ধরে খুঁটিয়ে-খুঁটিয়ে তাকে দেখে তিনি
মতপ্রকাশ করলেন, “একে বাইরের ঘরে
রাখা চলবে না!”

আমি আশ্চর্য্য হয়ে বললুম, “কেন?”

—“কেন আবার! ওর পরোনে যে
কাপড় নেই! মাগো, কি লজ্জা!”

—“ওঃ, তাই! কিন্তু রমা, তুমি কি
জাননা যে বড় শিল্পীরা যে-সব রমণীর
মূর্ত্তি গড়ে নাম কিনিছেন, তার বেশ-
ভাগেরই গায়ে কাপড়-চোপড় নেই?”

—“কেন, তোমার বড় শিল্পীরা কি
স্ট্রীলোককে এতই বেহায়া বলে মনে
করেন?”

—“তা নয় রমা, তা নয়! অনাবৃত
সৌন্দর্য্য যেমন স্বাভাবিক হয়, তেমন—”

—“থাকুক-ঠাকুর, থাকুক, তোমাকে
আর সৌন্দর্য্য-তত্ত্ব কাথ্যা করতে হবে না,

ও-সব হচ্ছে ভূয়ো কথা!”—এই বলে রমা

আবার নর্তকীর দিকে ফিরে দাঁড়াল। তারপর
ভঙ্গিভরে ব্যঙ্গ করে তার দিকে চেয়ে বললে,

“মরে বাই, পরোনে কাপড় নেই—কালামুখীর
দাঁড়াবার আবার চা দ্যাখ মা—দি' ঠাস্
ক'সে গাঙ্গে এক চাপড়!”—রমা মূর্ত্তির গাঙ্গে
সকোটুকে একটি চড় বসিয়ে দিলে!

—কিন্তু সেইসঙ্গেই সে আর্তনাদ করে
ছ'পা পিছিয়ে গেল! আমি অবাক হয়ে
দেখলুম, তার মুখ একেবারে পাঙ্গাশ হয়ে
গেছে!

—“কি হোল রমা, অমন করে উঠলে
কেন?”

—“আমার হাতে ও কামড়ে দিয়েছে!”

—“কামড়ে দিয়েছে! ক্ষেপে গেল
নাকি?”

—“ওঁকে চড় মারতেই ও-যেন অামাকে
কটাম্ করে কামড়ে দিলে! বিশ্বাস হচ্ছে
না,? এই দেখ, হাত দিয়ে আমার রক্ত
পড়ছে!”

তাইত, রমার হাত দিয়ে সত্যিই রক্ত

গড়াচ্ছে যে! হতভম্বের মত মূর্তির দিকে চাইলুম—কিন্তু তখন বুঝতে পারলুম আসল ব্যাপারটা কি! নর্তকীর নাকের ডগাটি শিল্পী অত্যন্ত সূক্ষ্ম করে ফুঁদেছে, রমার হাত তার উপরে গিয়ে পড়াতেই আঁচড়ে গেছে আর-কি!

কিন্তু রমা বিশ্বাস করলেনা। আমার মুখে সে আগেই শুনেছিল, এ মূর্তিকে আমি কি-করে কেমন অবস্থায় পেয়েছিলুম। সে বললে, “একে যখন লোকে ফেলে দিয়ে গিয়েছিল, তখন এ আপদকে ঘাড়ে করে বয়ে তোমার বাড়ীতে আনবার দরকার কি?”

স্ত্রীলোকদের কী কুসংস্কার! আমি হেসে বললুম, “যাও, যাও, আর পাগলামি করতে হবে না—হাতে জল দাও-গে যাও!”

ভয়ে-ভয়ে নর্তকীর দিকে তাকাতে-তাকাতে রমা ঘর থেকে নীরবে বেরিয়ে গেল।

আমিও কিন্তু কেমন ভ্যাবাচ্যাকা খেয়ে নর্তকীর দিকে চেয়ে রইলুম! রূপের পরবে-ভরা হাসিমুখে, আমার দিকে দুখানি নিটোল বাঁহ ঝাড়িয়ে সে দাঁড়িয়ে আছে, —বেন কার অভিশাপেই সে আজ নিশ্চল, পাষণে পরিণত হয়ে নিস্তর, নইলে ঐ মুখের কলহাস্তরোলে এবং ঐ চবুণের, কণুরুণ নুপুরনিকণে এখন আমার এ ঘর পরিপূর্ণ হয়ে উঠত!

(৬)

“বিনোদকে তোমরা সকলেই জান বোধ হয়। এখন তার যে ভয়ানক দশা হয়েছে, তার জন্তে দায়ী কে জান?

নর্তকীর ঐ প্রতিমূর্তিটা! বিনোদ যদি ঐ নর্তকীর প্রতিমা না-দেখত, তাহলে ভাল আঁকিয়ে বলে দেশ-বিদেশে আজ তার নাম ছড়িয়ে পড়ত—সে একজন মানুষের মত মানুষ হয়ে উঠত!... .. বিনোদের শোচনীয় পরিণাম তোমাদের কারুর অজ্ঞাত নেই, কিন্তু তার আসল কারণ খাি আমিই জানি।

বিনোদ কলকাতায় থাকত না। কলকাতায় যখন আসত তখন আমার বাড়ীতেই এসে উঠত। আমি ছিলুম তার সবচেয়ে বড় বন্ধু।

সেবারে কলকাতায় এসে দেবদাসীর এই মূর্তিটা দেখে, সে আনন্দে একেবারে বিভোর হয়ে পড়ল। উচ্ছ্বসিত স্বরে বললে, “রমেশ, এ যে অমূল্য রত্ন! বন্ধু, তুমি লাখটাকা পেলেও আজ আমি এত খুসী হতুম না!”—বিনোদ কাছে দূরে আশপাশ স্মৃথ ও পিছন থেকে নাআরকমে ঘুরে-ফিরে প্রতিমূর্তিটা দেখলে। তারপর তার গায়ের পরে আপনার হাত রেখে আবার বললে, “এ সেই অতীতের বিশ্বকর্মার গভীর সাধনার ফল, এ যুগের সাধ্য কি এমন প্রতিমা গড়তে পারে! দেখ বন্ধু, এর পাষণ-দেহে কি অপূর্ব সুষমা, হাত-পায়ের কি বিচিত্র ভঙ্গিমা!... .. আমি যদি সম্রাট হতুম আর এ যদি মানুষ হাত, এর একটি চাহনির জন্তে আমি সাম্রাজ্য বিক্রিয়ে দিতুম! হায়, এ হচ্ছে পাষণী—একে ভালবাসলেও প্রতিদানে এর প্রেম ত আমি পাব না! তবু দেখ, এই পাষণও শিল্পীর হাতের

‘মায়াম্পর্শ পেয়েছে বলে মনে হচ্ছে, যেন এই কঠিন পাথরের আড়ালে-আড়ালে প্রাণের লুকানো ধারা চুপি-চুপি বয়ে যাচ্ছে—হাত দিলে যেন হাতে তার উত্তাপ পাওয়া যায়!’—

এই বলে বিনোদ সেই প্রতিমার বুকের উপরে হাত দিলে—কিন্তু পরমুহূর্তেই বিভ্রাতাহতর মত হাতখানা গুটিয়ে নিয়ে হতভম্বের মত দাঁড়িয়ে রইল।

আচম্কা তার এই ভাবান্তর দেখে আমি আশ্চর্য হয়ে বললুম, “কিহে, ব্যাপার কি?”

বিনোদের মুখ দিয়ে খানিকক্ষণ বাক্যফুর্তি হোল না। তারপর একবার সেই মূর্তির দিকে, আর-একবার আমার দিকে ফ্যালফেলে চোখে চেয়ে অম্তা-অম্তা করে বললে, “একি সত্যি?”

—“কি সত্যি হে?”

—“দেখ রমেশ, এই মূর্তির বুকে যেমনি আমি হাত রাখলুম অমনি আমার কি মনে হোল জান? মনে হোল ওর বুকের ভিতর থেকে হুপিগুটা হুপিগুপিয়ে নেচে উঠল!”

আমি উচ্চস্বরে হেসে বললুম, “মূর্তিটা দেখে তোমার এত আনন্দ হয়েছে যে তুমি একেবারে বাহুজ্ঞান হারিয়ে বসে আছ!”

বিনোদ প্রতিমার বুকে আবার হাত দিয়ে একটু হেসে বললে, “তাই বটে—আমারি ভ্রম। কৈ, এখন ত আর তা মনে হচ্ছে না—এ বুক এখন শুক, স্থির, মৃত্যুর মত শীতল!” তারপর থেমে একটা দীর্ঘশ্বাস ফেলে আবার বললে,

“হায়রে, পাষণ্ডকে কি বাচানো যায়! তা যদি পারতুম, তাহলে আমরা,—শিল্পীরা, আজ শত শত নিখুঁত আদর্শ মানুষ গড়ে সমস্ত সংসারকে সুন্দর করে তুলতুম!”

(চ)

“আমার একটি বদ্ অভ্যাস আছে। রাত অন্তত দেড়টা-দুটো না বাজলে সহজে আমার ঘুম হয় না। প্রথম রাতটা আমি বই-টাই পড়ে কাটিয়ে দি।

সে রাতে যখন পড়া সাঙ্গ করে উঠলুম, ঘড়িতে তখন দুটো বাজতে দশ মিনিট। আলো নিবিয়ে শুতে যাচ্ছি, এমননময় বারান্দায় কার পায়ের শব্দ পেলুম।

এত রাতে জেগে কে? একটু আশ্চর্য হয়ে জানলা দিয়ে মুখ বাড়িয়ে দেখি, বিনোদ। বারান্দার এদিক থেকে ওদিক পর্যন্ত সে অস্থিরভাবে বেড়িয়ে বেড়াচ্ছিল। সে রাতে গরমটা পড়েছিল কিছু অতিরিক্ত; ভাবলুম, গরমে বোধহয় তার ঘুম ভেঙে গেছে, তাই সে বাইরে বাতাস পাবার জন্তে বেরিয়ে এসেছে। এই ঠিক করে তাকে আর না-ডেকেই আমি শুয়ে পড়লুম।...

পরদিন সকাল-বেলায় বিনোদের সঙ্গে যখন দেখা হোল, বললুম, “কিহে, কাল ভাল করে ঘুম হয়-নি বুঝি?”

সে নিশ্চিত স্বরে বললে, “তুমি জানলে কি করে?”

আমি বললুম, “কাল রাত দুটোর সময় তুমি যখন বারান্দায় এসেছিলে আমি তখন জেগেছিলুম।”

বিনোদ আমার কাছে সরে এসে খুব মুছবরে বললে, “ভাই, কাল এক আশ্চর্য্য স্বপ্ন দেখেছি।”

—“কি-রকম?”

—“নর্তকীর মূর্তিটার একটা নকল তুলতে-তুলতে আমি ঘুমিয়ে পড়েছিলুম। ঘুমিয়ে-ঘুমিয়ে কি স্বপ্ন দেখলুম, জানো? দেখলুম, প্রতিমা যেন হঠাৎ জীবন্ত হয়ে উঠল—বদিও তার দেহ যেমন ছিল তেমনি পাথরেরই রইল। এক-পা এক-পা করে আমার কাছে এগিয়ে এসে হাসতে-হাসতে সে বললে, ‘তোমার কথা আমি শুনেছি, তুমি আমাকে ভালবাসতে চাও,—না?’ আমি বললুম, ‘হ্যাঁ’।—‘তাহলে আমিও তোমাকে ভালবাসব, আর কখনো ছাড়ব না’—এই বলে সে আমাকে প্রাণপণে আলিঙ্গন করলে! তার সেই শক্ত পাথরের হাতের চাপে আমার দম বেন আটকে আদতে লাগল। আমি জোর করে যেমন তার হাত ছাড়াতে যাব অমননি আমার ঘুম ভেঙ্গে গেল। তারপর কিছুতেই আর ঘুম আসে না। সেই বিদুকুটে স্বপ্নের কথা কোনমতেই আর তুলতে পারলুম না—সেটা নিয়ে ভাবতে-ভাবতে মাথাটা এমনি গরম হয়ে উঠল যে, শেষটা ঘর থেকে বেরিয়ে এলুম। কাল সারারাত্তে অনিদ্রায় কেটেছে।”

কণারকের প্রান্তরে আমি যে স্বপ্ন দেখেছিলুম, সেটাও অনেকটা এই ধরণের। আমার বুক কি-এক বিপরিতরে গুঁগুঁ করে উঠল। তবে কি সত্যসত্যই এ মূর্তিটার ভিতরে অস্বাভাবিক কিছু আছে?

একটু উত্তেজিত স্বরে বললুম, “বিনোদ, ও স্বপ্ন আর তুমি শুয়ো না!”

আমার স্বরে চমকে উঠে বিনোদ বললে, “কেন বল দেখি?”

নিজেকে সামলে নিয়ে আমি বললুম, “তুমি ও মূর্তিটার কথা বড় বেশী ভাবছ। হয়ত আজও তুমি ওকে আবার স্বপ্নে দেখবে।”

বিনোদ হাসতে-হাসিতে বললে, “দেখলুমই-বা, তাকে হয়েছে কি!—স্বপ্ন ত সত্য নয়!”

তাকে আমি আর-কখনো হাসতে দেখি-নি, সেই হাসিই তার শেষ হাসি!

(ছ)

“তারপর সেই ভয়ঙ্কর রাত্রি—যে রাত্রির কথা আমি জীবনে কখনো তুলব মা।

সে রাত্রেও আমি টেবিলের সামনে বসে একখানা বই পড়ছিলুম। রাত তখন একটার কাছাকাছি। চারিদিকে স্তব্ধতা বেন ধম্ধম্ করছে।

কোথাও কিছু নেই,—হঠাৎ একটা ভারি জিনিষ-পড়ার শব্দ হোল—সঙ্গেসঙ্গে ভয়ানক এক আর্দনাদ!—সে কী চীৎকার, —চারিদিকের গভীর নীরবতার মধ্যে সে আর্দনাদ যেন আকুল ভাবে কাপ দিয়ে কোথাও থেে না পেরে কাঁপতে-কাঁপতে ডুবে গেল!

একলাকে আমি দাঁড়িয়ে উঠলুম।

আমার খীও ধড়মড়িয়ে জেগে, বিছানার উঠে বসে সতর্ক বললে, “ও কী গো, ও কী!”

আবার আর্ন্তনাদ। এবার তত জোরে
নদ—কিন্তু অত্যন্ত বহুগাভরা! এ যে
বিনোদের স্বর।

আমি আর দাঁড়ানুম না, ঝড়ের মত
বেগিয়ে বাইরের ঘরের দিকে ছুটে গেলুম।

বাইরের ঘরের দরজা ঠেলতেই দড়াম্
করে খুলে গেল, ভিতরে ঘুটুঘুটু করছে
অন্ধকার—মনে হোল, সে অন্ধকার ঠা-করে
আমাকে গিলতে আসছে।

শুনলুম, সেই অন্ধকারের মধ্য থেকে
অতি কষ্টে গেঁড়িয়ে-গেঁড়িয়ে বিনোদ বলছে,
“ছাড়, ছাড়,—ওরে পিশাচী, ছেড়ে দে—
ছেড়ে দে—ছে—” আর কথা বেরুল না,—
কেউ যেন তাকে এত জোরে চেপে
ধরলে, যে তার স্বর একেবারে বন্ধ হয়ে
গেল।

তোমরা বুঝবে না—সে যে কি-এক
মহা ভয় আমার সর্বাপ্ন নেতিয়ে পড়ল;
পারলে, তখনই আমি ছুটে পালানুম—কিন্তু
সে শক্তিও আমার ছিল না, ঠব্ঠক করে
কাঁপতে-কাঁপতে মাটির উপরে আমি
ড-হাতে ভর দিয়ে বসে গড়লুম! অন্ধকার
ঘরের ভিতরে কেমন একটা অস্পষ্ট
অটপটানি শব্দ হোতে লাগল—কেউ যেন
কারুর সঙ্গে বোঝাযুক্তি করছে, কিন্তু
প্রাণপণ চেষ্টাতেও মুক্তিলাভ করতে পারছে
না!... .. ক্রমে ক্রমে সেই অটপটানি
শব্দটা থেমে এল—তারপর, সব চুপচাপ!
আর-একটু ভেমন ভাবে থাকলেই আমি
নিশ্চয় অজ্ঞান হয়ে যেতুম, কিন্তু বাড়ীর
যে যেখানে ছিল সবাই জেগে উঠে
হেঁচো করতে-করতে সে ঘরে ছুটে এল,

আলো দেখে আমার আচ্ছন্ন ভাবটা ধীরে
ধীরে কেটে গেল।... ..

আড়ষ্ট চোখে দেখলুম, নর্তকীর সেই
প্রতিমূর্তিটা টেবিলের উপর থেকে মাটিতে
উপুড় হয়ে দটান পড়ে আছে, আর
তারই তদায়, বিনোদের দেহ নিখর-নিষ্পন্দ
হয়ে রয়েছে।

সবাই মিলে ধরাধরি করে, পাথরের
সেই ভারি মূর্তিটা বিনোদের উপর থেকে
তুলে ফেললুম। বিনোদের বুকে হাত
দিয়ে দেখলুম, সে বেঁচে আছে।

তখন ডাক্তার ডেকে আনা হোল।

* * * *

সেই মূর্তিটার চাপে বিনোদের দেহ
অর্ধেকপৃষ্ঠে থেঁৎলে গিয়েছিল; অনেক কষ্টে
সে প্রাণে বাঁচল বটে, কিন্তু তার মাথা
ওঁৎকারে খারাপ হয়ে গেল। এখন তার
কাছে গেল সে কমাগত বলতে পারবে,
পাথরের সঙ্গে প্রেম করে বুক তার পাষণ
হয়ে গেছে।”

(জ)

রমেশ চুপ করিল। ধানিকরণ
শোভারাজ কেউ কোন কথা কহিল না।

তারপর যোগেশ আপনার নিবন্ধ
বিড়িতে খুব-একটা জোর-টান দায়িত্ব
বলিল, “সে লক্ষীছাড়া মূর্তিটার কি হোল?”

রমেশ বলিল, “তাকে ভেঙ্গে ভাঙা
করে ফেল দিয়েছি।”

সুরেশ বলিল, “সেটা নিশ্চয় ভৌতিক
মূর্তি, নইলে—”

রমেশ বাধা দিয়া বলিল, “না, আমি
ভৃত মানি না।”

—“তাহলে বিনোদের অমন দশা হোল কেন ?”

—“মূর্তিটা বোধহয় কোন গভিকে তার ঘাড়ের উপরে গড়ে গিয়েছিল। এর-মধ্যে ভৌতিক কি আছে ?”

—“তবে সেটাকে ভাঙলে কেন ?”

—“তাইই হচ্ছে আমার বন্ধুর অমন অবস্থা হোল, সেই রাগে। ... কিন্তু মূর্তিটাকে ভাঙবার সময়েও আর এক কাণ্ড ঘটে। চাকররা যখন হাতুড়ি দিয়ে মূর্তিটার উপরে

ঘা মারছিল, তখন হঠাৎ তার গা থেকে একখানা ভাঙ্গা পাথর ঠিকরে একটা চাকরের কপালে গিয়ে এমনি জোরে লাগে যে, সে তখন অজ্ঞান হয়ে ঘুরে পড়ে যায়।”

উমেশ কপালে চোখ তুলিয়া বলিল, “কি ভয়ানক! তবু তুমি বলতে চাও, এটা ভৌতিক ব্যাপার নয় ?”

রমেশ উষ্ণি দাঁড়াইয়া বলিল, “না, আমি ভৃত মানি না।”

শ্রীহেমেন্দ্রকুমার রায়।

কণারকে বৌদ্ধপ্রভাব

কণারকে বৌদ্ধ প্রভাবের কথা Antiquities of Orissa গ্রন্থে রাজা রাজেন্দ্রলাল মিত্রমহাশয়ই বোধ হয় প্রথম তুলিয়াছিলেন। তৎপূর্ববর্তী গ্রন্থ ষ্ট্রাবো প্রণীত উড়িষ্যার ইতিহাসে কণারক বিষয়ক প্রবন্ধে ইহার কোন উল্লেখ নেই। উড়িষ্যার দেবক্ষেত্রে ভুবনেশ্বরের অনতিদূরে ধউলি বা ধনুর্গিরি পর্বতের গায়ে অশোক-অনুশাসন খোদিত রহিয়াছে। প্রাচীন কলিঙ্গমণ্ডলে বৌদ্ধ ধর্ম-বিস্তৃতির ইহাই প্রকৃষ্ট প্রমাণ। ইউয়েনচাং বা হুয়েনসঙ ভারতের এই অংশে তীর্থ ও দেবালয়াদি দর্শন করিতে

আসিয়া Wou-yeau বা রাজা অশোক কর্তৃক প্রতিষ্ঠিত প্রায় দ্বাদশটি স্তূপ দেখিতে পান; ইহার সকলগুলিই নাকি তৎকালে অলৌকিক দৈবশক্তির বিকাশ-বাহিনী, সর্বিশেষ প্রভাবান্বিত ছিল। (১)

তখন এ প্রদেশে শতসংখ্যক স্তূপারাম প্রায় একহাজার বৌদ্ধ মন্যাদী ধর্মগণাদি পাঠ করিত। সন্ন্যাসী ও বিধর্মীগণ একত্রেই বসবাস করিত। Stanislas Julien প্রণীত ইউয়েনচাংয়ের ভ্রমণ বৃত্তান্ত বোধ হয় ঊনবিংশ শতাব্দীর মধ্য ভাগেই প্রকাশিত হয়। রাজা রাজেন্দ্রলাল তাঁহার গ্রন্থে এ পুস্তকের ব্যবহার যথেষ্টই করিয়াছেন।

(১) “Hiouen Thsang found a dozen Stupas built by Wou-yeau (Asoka) on which were often-times refulgent the most extraordinary prodigies...hundred monasteries containing ten thousand monks who study the great translation—the heretics and men of the faith living pell-mell.”

তার পর ফা-ছি-য়ান প্রণীত Foc-lu-ki (ফো-কু-কি) গ্রন্থের মসিয়ে Reumsat Klaproth ও Landresse রুত করাসী-অনুবাদের ইংরাজী অনুবাদ কলিকাতায় ১৮৮ খৃঃ অব্দে প্রকাশিত হয়; স্মৃতরাং ১৮৭৫ ও ১৮৮০ খৃঃ অব্দে Antiquities of Orissa গ্রন্থ দুইখণ্ডে প্রকাশিত হইবার সময় দেশীয় ঐতিহাসিকগণ ভালরূপেই এ পুস্তকের যথাস্থানে আলোচনা করিতেছিলেন। শেষোক্ত গ্রন্থে তৈনিক পরিভ্রমণকর পাটলিপুত্রে বৌদ্ধধর্মের রথযাত্রা দেখিয়া ভারতবর্ষে আগমন-কালে খোঁটানে পরিদৃষ্ট বৌদ্ধ রথোৎসবের সঙ্গিত উহার তুলনা করিয়াছেন। (১) বোধ হয়, এই রক্তান্ত-পাঠেই তদানীন্তন প্রাচ্যবিদ্যাবিদগণ রথযাত্রামাত্রকেই বৌদ্ধধর্মের বিশেষ অঙ্গীভূত বলিয়া মনে করিয়াছিলেন। কণারকে রথযাত্রা প্রচলিত ছিল। লোকের বিশ্বাস ছিল, “অর্কক্ষেত্রে রথযাত্রা দেখিলে সূর্যোর শরীরী রূপ দর্শন লাভ ঘটে।” রথযাত্রার উদ্ভব যে করিয়া বা যে ভাবেই হোক না কেন, খৃঃ ৪র্থ ও ৫ম শতাব্দীতে হিন্দুর বিস্তার আচার-অনুষ্ঠানে রথযাত্রার প্রচলন দেখিতে পাই। অগ্নিপুত্রের ৬০ অধ্যায়ে ১৬ শ্লোকে পুস্তক-প্রতিষ্ঠা প্রসঙ্গে লিখিত আছে,— “রথেন হস্তিনা বাপি ত্রাময়েৎ পুস্তকং নরৈঃ।”

রথযাত্রা এখন জনশ্রুতিমাত্রে পর্য্যবসিত হইলেও ধবলগিরি হইতে বড়জোর দুই তিন দিনের পথ সমুদ্রতীরবর্তী সূর্য্যামন্দিরেও

যে বৌদ্ধ প্রভাব আরোপিত হইবে, তাহা আর বিচিত্র কি? পূর্ক হইতে কোন বিশেষ ধারণার বশবর্তী থাকিলে একদেশদর্শিতা সহজেই আসিয়া পড়ে; তখন যেটুকু নিজস্বত্ববাদের সমর্থন করে কেবল সেটুকুকেই মূল্যবান মনে করিয়া হয় বাকী অংশটুকু বর্জন করিতে হয়, নতুবা স্বেচ্ছামত ঘুরাইয়া মোক্ষা কথার বিকৃতার্থ-গ্রহণ ব্যতীত উপায়ান্তর থাকে না। ধউলির সান্নিধ্য-বশতঃ একসময়ে ধউলির গুহাগুলিও বৌদ্ধ কীর্তিরূপে প্রচারিত হইত, পরে আনুমানিক খৃঃ পূঃ ২য় অব্দের হিন্দু-গুহাগুলি পারবেলের খোদিত লিপির (Actes d Sixieme Congr. or. Vol. III. p. 171-77) ও নবমুনিগুফার জৈনিক জৈন শ্রমণ শুভচন্দ্রের নামোল্লেখ এবং মঞ্চপুরি ও ললাটেনু কেশরী গুফার খোদিত পারবেলের অগ্রমহিমা এ প্রধানা মহিষীর এবং রাজা উজ্জাত কেশরী দেবের লিপিস্বয়ের পাঠোদ্ধার-কলে (Ep. Indic. Vol. XIII. p. 160-166) এক্ষণে প্রাচীন কীর্তি-বহুল ধউলিরিতে জৈন প্রাধান্যই স্বীকৃত হইয়াছে। রাজা অশোকের অভ্যুদয় খৃঃ পূঃ তৃতীয় অব্দে; তাহার এক শতাব্দী পরে খৃঃ পূঃ ২য় অব্দ হইতে গুপ্তীয় দশম শতাব্দী পর্য্যন্ত এই এগার-বারো শত বৎসর ধরিয়ৱা ধৌলীর অদূরবর্তী কুমার ও কুমারী পর্বতে (২) জৈন ধর্ম্মাবলম্বীগণ তাঁহাদের স্থাপত্য-কলা ও

(১) কেহ কেহ বলেন, এরূপ-গ্রহণের পূর্বে রাজকুমার গৌতম রথোৎসবপুস্তক উদ্ভাৱন পরিভ্রমণ করিয়া আসিয়াছিলেন। রথযাত্রা এই ঘটনার স্মরণার্থে অনুষ্ঠিত হয়।

(২) কুমার ও কুমারীপর্বত অস্তগিরি ও উদয়গিরির প্রাচীন নাম। দশম বা একাদশ শতাব্দীতে এই নামদুইটিই প্রচলিত ছিল বলিয়া বোধ হয়।

ভাষ্যের স্বামী-চিহ্ন রাখিয়া গিয়াছেন। সম্রাট অশোকের রাজত্বকাল হইতে দুই-এক শতাব্দীর মধ্যেই যদি এরূপ একটি ভিন্ন ধর্ম নিজ অস্তিত্ব অক্ষুণ্ণ রাখিয়া বৌদ্ধপ্রভাব প্রতিরোধ করিতে সমর্থ হয়, তাহা হইলে যুঃ ত্রয়োদশ অব্দে হিন্দু নৃপতি কর্তৃক নির্মিত কণারক মন্দিরেই যে সর্বপ্রকারে বৌদ্ধপ্রভাব বর্তমান থাকিবে ইহা কখনও জোর করিয়া বলা যাইতে পারে না। ইউরোপীয় পণ্ডিতগণ ফাগুসন সাহেবের গ্রন্থোক্ত বৌদ্ধ, জৈন ও হিন্দু-প্রণালী প্রভৃতি স্থাপত্য শিল্পের কল্পিত শ্রেণী-বিভাগ আর মানিয়া লইতে প্রস্তুত নহেন। বৌদ্ধ স্তূপের স্থায় জৈন স্তূপও দেখা যায় এবং

জৈনগণের ভুক্তা-বিশিষ্ট (curvilinear) মন্দিরাদির স্থায় হিন্দু মন্দিরাদিরও অভাব নাই। তাই শিল্পকলা বিষয়ক আধুনিক গ্রন্থাদিতে দেখিতে পাই, "Works of art and architecture should be classified with regard to their age and geographical position and not according to the creed." দর্বাৎ শিল্প ও স্থাপত্য নিদর্শনাদির শ্রেণী বিভাগ করিতে হইলে ধর্মমতাদির উপর নির্ভর না করিয়া যুগ, কাল ও ভৌগোলিক অবস্থানের কথাই বিবেচনা করা কর্তব্য।

প্রথমে কণারকের নাম হইতেই আরও



কণারক-মন্দির; উত্তরদিক

করা যাক। রাজা দ্বিতীয় নৃসিংহদেব প্রভৃতি গঙ্গাবংশীয় নৃপতিগণের তাম্রশাসনে “কোণা কোণ” এই নামটি পাওয়া যায়; (J. A. S. B. 1896. p. 251) ইহা হইতে কোণাক শব্দ সাধারণতঃ ‘কোণার অর্ক (সূর্য) এই অর্থেই গৃহীত হইয়া থাকে। (Vincent Smith's History of Fine Art in India and Ceylon. p 28. Foot-note) কিন্তু বৌদ্ধ-প্রভাব-বাদারা বলিতে চান যে বুদ্ধদেবের অপর একটি নাম কোনা-গমন বা কোনাকমন; এবং ইহারই অপভ্রংশে কোণা কোণা শব্দের উদ্ভব হইয়াছে। (Bishunswarup's Konarak p. 87) ‘কমন’ বা ‘গমন’ শব্দ একবারে হ্রস্ব হইয়া ‘কোণায়’ পরিণত হওয়া কতদূর সহজ, তাহা ভাবাতব্জেরাই বলিতে পারেন; তবে একেবারে পুরাতনায় “বৌদ্ধ” মতবাদ প্রতিপন্ন করার জন্য অমরকোষ অভিধানে

উল্লিখিত বুদ্ধদেবের নামান্তর অর্কবন্ধু শব্দের “বন্ধু” ফেলিয়া “অর্ক” টুকু কোণা-গমনের ‘কোণা’র সহিত জুড়িতে গেলে তেনেবেলাকার সেই “কামারের মারে ফেলে” ইত্যাদি বাক্যগুলি হৈয়ালির কথাই মনে পড়ে!

ইহারা কিন্তু বলিতে চান, যখন বুদ্ধের ছদ্ম ~~বিভিন্ন~~ নাম কাটিয়া তাহার দুইটিরই “মুড়া” মাত্র “জোড়া” দিয়া কোণাক পাওয়া যায়, তখন কনারকে যে প্রাচীন বৌদ্ধ পীঠস্থান, তাহা যেমাগের আর বাকী রহিল কি? ইহার উপর দ্বিতীয় প্রমাণ—“রথ”। কনারকে রথবাক্স ত হইতই, তাহার উপর আবার মন্দিরটিও চক্রসংযুক্ত রথাকৃতি। যদি বলিতে চান, “সূর্যদেব ত মগ্ধা-সংযুক্ত রথের বাহিত হন”(১) তাহা হইতই বা আর আসিল-গেল কি? ইহারা তর্কে পবিত্র না হইয়া বলিবেন, মগ্ধা যে



(১) “মগ্ধাথে সৈকচক্রে রথে সূর্যো দ্বিগমধুকু” অগ্নিপুত্রায়, ৫১-

পরবর্তীকালে সংযোজিত হয় নাই, প্রাচীন কালে যে চারিটি মাত্র অখণ্ড বিগ্ৰহমান ছিল না, একথাই বা কে বলিল? পরবর্তী-কালে এই সকল প্রস্তরময় অথ প্রভৃতির সংখ্যা-পরিবর্তন-বিষয়ক কোনরূপ সন্তোষজনক প্রমাণ উপস্থিত না করিয়া উল্টা পদ্ধতিতে প্রমাণের ভার প্রতিপক্ষের উপর চাপাইয়া দিলে তাহাদিগকে বাধ্য হইয়াই নিরস্ত হইতে হয়!

কিন্তু আজিকার কালে সকলেই চিত্র লইয়া আস্ত, তাই ঐতিহাসিক বিতর্কায় শুধু কল্পনার ঘোড়ে বেশীদূর অগ্রসর হওয়া যায় না। লোকে স্বভাবতঃই জিজ্ঞাসা করিয়া বসে, “আচ্ছা মহাশয়, কোদ্ধ তীর্থই যদি হইল, তাহা হইলে ভাস্কর্য্য নিদর্শনে তাঁহার প্রমাণ কোথায়?”

বৌদ্ধপ্রভাব পোষকতা-কারীগণের অগ্রণী শ্রীযুক্ত বিষয়স্বরূপ মহাশয় ইহার চারি-পাঁচটি উদাহরণ দিবার চেষ্টা করিয়াছেন। প্রথম প্রমাণ এই যে মন্দিরের সর্বত্র অসংখ্য হস্তীমূর্তিই দেখা যায়; এমন কি গর্ভ-গৃহের রত্নবেদীটিও হস্তী-চিত্র হইতে নিশ্চুক্ত নহে। সুতরাং ইহাদের মতে (১) প্রাচীন বৌদ্ধস্থাপত্য নিদর্শনে দৃষ্ট একতীর জাতক চিত্র যে বৌদ্ধ প্রাধাত্যেরই পরিচয় দিবে, ইহা আর আশ্চর্য্য কি? বৃ: ১১১৭ হইতে ১২৮৮ অব্দে নির্মিত “হৈশলেশ্বর মন্দিরেও গজ-

আলয়ন প্রভৃতি দেখিতে পাওয়া যায়; কিন্তু সে কারণে কেহই এ দেউলটিকে প্রাচীন “বৌদ্ধধর্মসংক্রান্ত উপাসনার স্থান” বলিয়া প্রচার করেন নাই। অষ্টম হইতে একাদশ শতাব্দীর মধ্যে নির্মিত খাম্বাহের মন্দিরেও হস্তীমূর্তি বিরল নহে। বুদ্ধদেব নাকি পূর্বজন্মে হস্তিপকরূপে জন্মগ্রহণ করিয়াছিলেন এবং তাঁহার জন্মের পূর্বে তাঁহার মামাতা নাকি স্বপ্ন দেখিয়াছিলেন যেন এক যেত হস্তী তাঁহার দুঃক্লেদে বিদীর্ণ করিয়া গর্ভে প্রবেশ করিতেছে! সুতরাং আর যায় কোথা? বেদীনিহিত একটি বালক ও একটি হস্তীর চিত্র অসঙ্কোচে জাতক-কাহিনী-সংক্রান্ত চিত্র বলিয়াই নির্দেশ করা হইয়াছে। জাতক কাহিনীর চিত্রাবলীর মধ্যে যে কোন প্রকার পারস্পর্য্য রক্ষিত হইবে ইহাই সম্ভব বলিয়া মনে হয় এবং বরবৃচর প্রভৃতি স্থানের চিত্রগুলিও এই মতেরই সমর্থন করিতেছে। বেদীর একটি চিত্রকে শাশু ও সুর্য্যের মিলন বলিয়া পরিয়া লইয়া নিকটবর্তী অপর একটি ফলকের চিত্রটিকে জাতক কাহিনী-সংক্রান্ত বলিয়া প্রকাশ করিলে স্বভাবতঃই মনে সন্দেহ জন্মে। মন্দিরস্থিত সূর্য্যং গজসিংহ মূর্তিভাগ দেখিয়া কেহ কেহ বলিয়া থাকেন, সেগুলি নাকি বৌদ্ধধর্ম-বিরোধী কেশরী-রাজগণের প্রাধাত্য জ্ঞাপন করিতেছে।

(১) গৌরীপুরের পাছাড়ে সোমেশ্বর কবির মন্দির প্রবেশ-দ্বারের facade বা সম্মুখভাগে গজ আলয়ন দেখিতে পাওয়া যায়। (P. 20 History of Fine art in India and Ceylon), কঠিন quartzose gneiss প্রস্তরে পালিস বর ওহার দেওয়ালগুলি নির্মাণাদিগণের বিশেষ কৌশলের পরিচায়ক। এই ওহা-শ্রেণী সম্রাট অশোকের রাজত্বকালে “অম্বীষিক” সূর্য্যাসীনের দ্বারা নির্মিত হয়। (V. A. Smith's History p. 145).

হৈশলেখর মন্দিরের গাত্রে শার্দূল আলসনে
 বহুবিধ শার্দূলের চিত্রাদি দেখিতে পাওয়া
 যায় বলিয়া কেহ কেহ হৈশল বাল্লালগণের
 লাজন-স্বরূপ শার্দূলচিহ্ন ব্যবহৃত হইয়াছে
 এরূপ বাখ্যা করিতে চেষ্টা পাইতেন।
 কণারকে যেরূপ হস্তী-শ্রেণীর ছায় নরশ্রেণী
 বা সাদী মৈত্রিশ্রেণী দেখা যায়, হৈশলেখর
 মন্দিরেও সেইরূপ অশ্বশ্রেণী ও নরশ্রেণী
 বিদ্যমান, তাই Vincent Smith
 মহোদয় শার্দূলগুলিকে emblem বা লাজন
 বলিয়া স্বীকার না করিয়া "canonical
 scheme of decoration" বলিয়াই অভিহিত
 করিয়াছেন। ডাঃ ফিউট-প্রমুখ আধুনিক
 ঐতিহাসিকগণ আধুনিক খৃঃ একাদশ
 শতাব্দীর যযাতি-কোরা বা মহাশিবগুপ্ত
 এবং জম্মেজর বা মহাভবগুপ্ত এই দুইজন
 ব্যতীত মাল্লাপঞ্জীর বংশাবলী-বর্ণিত অপর
 কেশরী-রাজগণের অস্তিত্ব সম্বন্ধেই সন্দেহান।
 (Ep. Indic Vol. III. p. 324.
 336et. seq.) সুতরাং সোনবংশীয় নৃপতি-
 গণের লাজনরূপে না হউক (১) অতি
 পুরাকাল হইতে প্রচলিত স্থাপত্যবিষয়ক
 অলঙ্কার-রীতির অনুযায়ী বলিয়া হংস আলসনের
 হংস (goose frieze) গজসিংহ মূর্তিগুলিও
 উড়িষ্যার মন্দিরাদিতে স্থান পাইয়াছিল। বড়
 বার্জি নামক যে জলজ উদ্ভিদের চিত্র কণারক
 মন্দিরের Pilasters বা উদগত গুপ্তাদির

গাত্রে পদ্ম-পত্রাদির অলঙ্কারের ছায় উৎকীর্ণ
 দেখা যায়, ত্রীযুক্ত ননমোহন গঙ্গোপাধ্যায়
 মহাশয় বুজগয়ার স্থাপত্যোৎসেইরূপ লক্ষ্য
 করিয়াছেন; (M. Ganguli's Orissa. p.
 100) কিন্তু ইহাতে এইটুকুমাত্র বুঝায় যে
 মকর-চিহ্ন প্রভৃতির ছায় এই জাতীয় স্থাপত্য-
 প্রণালীও বৌদ্ধযুগ হইতে চলিয়া আসিয়া
 ক্রমে উত্তর হইতে ~~কম্বোদ্য~~ দেশের হিন্দু-
 মন্দিরাদিতেও স্থান পাইয়াছে। অশোকস্তম্ভে
 হংস-আলসন বা হস্তীর চিত্রাদি দেখিতে
 পাওয়া যায় বলিয়া সব দৃষ্ট হইবে যে তাহা
 বৌদ্ধভাব জ্ঞাপন করিবে, তাহারই বা প্রমাণ
 কি? কেহ কেহ মন্দির গাত্রেই একক বা
 আলিঙ্গন-বদ্ধ এবং লীলায়িতপুচ্ছ (scroll
 work) রূপে অঙ্কিত নাগ-নাগিনীর মূর্তিগুলিও
 বৌদ্ধপ্রভাবের চিহ্ন বলিয়া মনে করেন।
 কাঞ্চন-সস্তান সহস্র-সংখ্যক নাগগর্ভের
 জন্মবৃত্তান্ত মহাভারতের আদিপর্কে বর্ণিত
 আছে। (M. Ganguly's Orissa p.
 177-178) বহু রাক্ষসের ছায় তাহারও
 প্রায় demi-gods শ্রেণীর অন্তর্ভুক্ত। মনসা-
 পূজাকালে অনন্ত বাসুকি, পদ্ম, মহাপদ্ম,
 তরুণ, কুলীর, কল্কট, শঙ্খ প্রভৃতি অষ্ট
 নাগের নামও বৎক্রমে আবৃত্তি করা হইয়া
 থাকে। নাগগণ হিন্দুধর্ম হইতেই বৌদ্ধধর্মে
 গৃহীত হইয়াছিল। সুতরাং বৌদ্ধ ধর্মগোষ্ঠে
 নাগদিগের উল্লেখ দেখা যায় বলিয়া এবং

(১) মহাশিবগুপ্ত বা যযাতির মরঞ্জয়ুরা তাম্রশাসনে যে seal বা মুদ্রা দেখা যায়, তাহাতে গজলক্ষ্মী
 বা কমলাস্নিকা-মূর্তি-অঙ্কিত শার্দূলের চিত্রমাত্র নাই। (J. B. O. R. S. March 1916) জম্মেজরের
 তাম্রশাসনে অঙ্কিত মুদ্রার "a man in a squatting posture" বা উপবিষ্ট মনুষ্য মূর্তিমাত্র দেখা
 গিয়াছে। (Mr. B. C. Mozumdar's article in Ep. Indic, Vol XI p. 93
 et. seq.)

সাক্ষী ভারত প্রভৃতি স্থানের বৌদ্ধ স্থাপত্যে নাগমূর্তি দেখা যায় বলিয়া যে হিন্দু মন্দিরের নাগমূর্তিগুলিও বৌদ্ধধর্ম-পরিচারক বলিয়া ঘোষিত হইবে, ইহা খুব সঙ্গত মনে হয় না। অবশ্য প্রাচীন রীতির বৌদ্ধ নাগমূর্তিগুলির সহিত মধ্যযুগের (later Brahminical period) হিন্দু নাগমূর্তির যথেষ্ট সোসাদৃশ্য আছে। (M. Ganguly's Orissa p. 178) আমাদের বঙ্গদেশে একশ্রেণীর প্রাচীন মন্দিরের গায়ে ক্ষুদ্র ক্ষুদ্র মন্দিরের প্রতিরূতি দেখা গিয়া থাকে। বৌদ্ধ স্তূপের গায়েও একপ চিত্র অঙ্কিত দেখিতে পাওয়া যায়, স্তূপের বঙ্গদেশীয় এ শ্রেণীর কোন শিব-মন্দিরের ধ্বংসাবশেষে এরূপ চিত্র দেখিয়া দেবায়ত্ত শিবপূজার্থ ব্যবহৃত হইবার পূর্বে বৌদ্ধস্তূপ রূপে বিদ্যমান ছিল, এরূপ ধারণা কারণে এই মত পত্তিত হইতে হয়, ভাতক-কাহিনীতে উল্লেখ-হেতু কণারকে নাগ বা হস্তীচিত্র দেখিয়া বৌদ্ধপ্রভাব-বাদীরাও সেইরূপ মত পড়িয়াছেন বলিয়া মনে হয়। খোদিত চিত্রের নিম্নদেশে প্রাচীন শিল্পীগণ চিত্রের বিষ্ণু বা নিম্নদেশের নামবাম কিছুই লিখিয়া রাখিতেন না, তাই অনেক সময়ে বিজ্ঞ ব্যক্তিগণের পক্ষেও বুঝিবার ভুল ঘটিয়া থাকে। আধুনিক কালে তাই দেখিতে পাই যে যে-চিত্র বুদ্ধদেবের ধর্ম-শিক্ষা-দান বলিয়া বর্ণিত হইয়াছে, তাঃ কুম্ভকর্ষমীর স্তূপ বৌদ্ধ ও হিন্দু এই উভয় শ্রেণীর বৃত্তিতে অভিন্ন পত্তিত এখন তাহাই বৈষ্ণবগুরু চিত্র বলিয়া মত প্রকাশ করিতেছেন। (Vishwakarma, part

VII. plate 72) চিত্রটির যে প্রতিলিপিখানি প্রকাশিত হইয়াছে, তাহা পর্যবেক্ষণ করিলেই প্রতীয়মান হইবে যে ইহাতে এমন কিছুই নাই যাহা কেবল বৌদ্ধ চিত্রেরই নিদর্শনরূপ গৃহীত হইতে পারে।



শিক্ষাদান

যদিও একটি চিত্র লইয়াও এইরূপ মতভেদ উপস্থিত হইয়াছে। এটি স্থানীয় পাণ্ডাগণ পরশুরামের শরক্ষেপণ বলিয়াই প্রকাশ করিয়া থাকেন। কিন্তু পক্ষান্তরে পণ্ডিত বিষ্ণুরূপ বলেন, ইহা শরভ নামক ভাতক কাহিনীর চিত্র। বুদ্ধদেব শরক্ষান ও লক্ষ্যভেদ-প্রতিবোধিতার

শিল্পীর অপর বহুর্জরদিগকে পরাস্ত
করিয়াছিলেন, ইহাই না কি এ চিত্রের
প্রতিপাত্ত বিষয়। পরশুরাম যে শরনিষ্ক্ষেপ
করিয়া সমুদ্র-গর্ভ হইতে ভূমি অধিকার
করিয়াছিলেন, সে কথা হিন্দু শাস্ত্রাদিতে
বর্ণিত আছে, সুতরাং যে মন্দিরের গাছে
দীপ্তার বিবাহ, মহিষাসুর বধ প্রভৃতি
পৌরাণিক চিত্র অঙ্কিত ছিল, যেখানে বিষ্ণু,
বালগোপাল, বৃহস্পতি ও গঙ্গা প্রভৃতি হিন্দুদেব-
দেবীগণের মূর্তি পাওয়া গিয়াছে, সেই
মন্দিরেই যে বৌদ্ধ জাতক কাহিনীর চিত্রাঙ্কনী
অসংলগ্ন, পারস্পর্যাবলীনভাবে মাঝে মাঝে
স্থান পাইবে, ইহা সম্ভবপর বলিয়া বোধ

হয় না। এটি পরশুরামের চিত্র বলিয়া
স্বীকার করার আপত্তি থাকিলে শরক্ষেপণ-
পারদর্শিতার secular চিত্র বলিয়া গ্রহণ
করিতেই বা বাধা কি? কোণার্ক মন্দির-
গাছে দেখুন secular ~~মন্দির~~ চিত্রেরও
অভাব নাই।

• আর একটি 'দণ্ডায়মান' মূর্তির শিরোনামে
বিততকর্ণ সর্পমূর্তি দেখিয়া সেটাকে সমুচলিন্দ
বুদ্ধমূর্তি বলিয়াই পরিচয় দেওয়া হইয়াছে
এবং পার্শ্বস্থ ক্ষুদ্র স্তম্ভমূর্তি ~~ইটিকে~~ শ্রেষ্ঠী
পত্নী হুজাতা ও তাহার দাসী • পুত্রী
বলিয়াই পরিচয় দেওয়া হইয়াছে। গত
অগ্রহায়ণ মাসের ভারতবর্ষ পত্রিকার
কর্ণারক প্রবন্ধে আমি এ মূর্তিটির সম্বন্ধে
তর্কিত আলোচনা করিয়াছি। ১৯০৩-০৪
বাৎসর্যের শতবার্ষিক উৎসব উপলক্ষে
সম্রাজ্ঞ মূর্তিনন্দর সহিত একত্র-অবস্থিত
যে বুদ্ধমূর্তি প্রদর্শিত হইয়াছিল, (Cata-
logue—No. 6290) তাহার সহিত
এ-মূর্তির কোন সাদৃশ্য নাই। সে নমুনা
বুদ্ধদেব মূর্তিনন্দর শিরোনামে উপবিষ্ট।
শুধু সর্প-চিত্র দেখিয়া বৌদ্ধ বা জৈনমূর্তি
বলিয়া স্থির করা সকল ক্ষেত্রে নিরাপদ
নহে। এ চিত্রটি ৮, গোপীনাথ রায়
মহাশয়ের Iconography নামে বর্ণিত মধ্যম
ভোগস্থান-এগার লক্ষ্মী ও পৃথী দেবীর
সহিত একত্র দণ্ডায়মান বিষ্ণু মূর্তি
হওয়াও অসম্ভব নহে। কোণার্ক মন্দিরের
(plinth) পীঠভাগে গাছের চিত্র অঙ্কিত
রহিয়াছে এবং ক্রোয়াইট পাথরের সুন্দর
চৌকাঠটির একাংশে মহালক্ষ্মীর শ্রীদেবীর
মূর্তি অধিষ্ঠিত আছে। গাছের ছবি থাকিলেই



বিষ্ণুমূর্তি—কর্ণারক

যে তাহা বোধক্রমে চিত্র হইতে হইবে তাহা নহে এবং খণ্ডগিরির জৈন ভাস্কর্য্যেও রেলিং-দ্বারা-দেবী বুদ্ধাদির চিত্র দেখা যায়। মহালক্ষ্মী, শ্রী বা গজলক্ষ্মী (১) প্রভৃতি মূর্তি বৌদ্ধ জৈন ও হিন্দুগণের সাধারণ সম্পত্তি ছিল বলিয়া মনে হয়। (Mr. M. Chakraverty's Note on Dhaoli Udaygiri and Khandgiri-caves) মাকীন্দুপের মত খণ্ডগিরিতেও শ্রীমূর্তি দেখা গিয়া থাকে, আবার পুরুষোত্তমে জগন্নাথ মন্দিরের প্রাঙ্গণে অবস্থিত লক্ষ্মী মন্দিরেও শ্রীমূর্তি রহিয়াছে। ১৯০৪ সালের পুরাতত্ত্ব বিভাগের বাৎসরিক রিপোর্টে ডাঃ ডি, আর, ভাগ্যরত্নর মহোদয় উড়িষ্যার অপর অংশে অবস্থিত নরসিংনাথ নামক মন্দিরের ভাস্কর্য্য ও স্থাপত্য প্রণালী বর্ণনা-প্রসঙ্গে বলিয়াছেন যে কণারক মন্দিরের জগমোহনের সহিত নবম শতাব্দী বা তৎপূর্ব্ববর্তী কালে নির্মিত এ মন্দিরটির জগমোহনেরও যথেষ্ট সৌন্দর্য্য আছে। ইহারও চৌকাঠ কাঠ পাথরের, সুন্দররূপে খোদাই করা এবং lintel বা সর্দালের গাত্রে চামর-ধারিণী পরিচারিকাসহ পদ্মানা-লক্ষ্মী-মূর্তি অঙ্কিত। দুইপার্শ্বে দুইটি গজ-শুভ্রের দ্বারা দেবীর নস্তকোপরি দুইটি কলস ধারণ করিয়া আছে। ডাঃ ভাগ্যরত্নের Fergusson ও Burgess প্রণীত Cave-temples of India গ্রন্থের ৭১ পৃঃ ১নং প্লেট (ছবি) উল্লেখ করিয়া বলিয়াছেন, কটকের প্রাচীন শুভ্র ও দক্ষিণ উড়িষ্যার

মন্দিরসমূহেও দ্বারদেশে যে "গজলক্ষ্মী" মূর্তি আছে, তাহা যে এ মন্দিরেও হইবে, তাহা আর আশ্চর্য্য কি? স্থিতিক প্রভৃতি চিত্রের স্থায় শ্রীমূর্তির স্তম্ভসূচক বলিয়া বিবেচিত হইত। সেই জন্যই মন্দিরাদির ভিত্তিগাত্রে বা দ্বারদেশে তাহা খোদিত করার প্রণা এ শ্রেণীর conventional design বা সর্ক-জন-গৃহীত-রীতি কোন সম্প্রদায়েরই নিজস্ব ছিল বলিয়া মনে হয় না। যে শৃঙ্গার-ভাস্কর্য্য অনেকে উড়িষ্যার মন্দিরগুলির বিশেষত্ব বলিয়া মনে করেন, কণারকেও তাহার অভাব নাই। কেহ কেহ বলেন, এই বিকৃত রুচিপরিচায়ক মিথুন মূর্তিগুলি বামমার্গাবলম্বী তাম্রব মতের প্রবল প্রভাবের পরিচায়ক। আবার কেহ কেহ বলিয়া থাকেন যে বৌদ্ধগণ যাহাতে মন্দির-সামিথ্যে উপস্থিত হইতে না চাহেন, সেই জন্যই এই সকল অশ্লীল চিত্রগুলি দেউল-বক্ষে সন্নিবিষ্ট হইয়াছিল। বৌদ্ধ-প্রভাব-বাদীরা বলিয়া থাকেন যে এই সকল বিভিন্ন ভঙ্গীর দুগলমূর্তি বুদ্ধ ও প্রজ্ঞার মিলনের চিত্র। হিন্দু শাস্ত্রগ্রন্থে লিখিত আছে যে বজ্রপাতনিবারণার্থে মন্দির-গাত্রে মিথুন-মূর্তি সন্নিবিষ্ট করিবে। উৎকল-খণ্ডের একাদশ অধ্যায়ে দেখিতে পাওয়া "বজ্রপাতাদি ভীত্যানি বারণার্থং যথোদিত-শিল্পি শাস্ত্রেহপি মণ্যাদি বিন্যাস-পৌরুষাকৃতি ॥" ইহার বহু-পূর্ব্ববর্তী গ্রন্থ অগ্নিপুরাণেও দেখা যায়, সৌখ্যাদির শাখাশাখায়

(১) শ্রীমুক্ত বিজয়চন্দ্র মহাস্থান মহাপুরের মতে গজলক্ষ্মী নামে পরিচিত মূর্তিগুলি দশমহাবিদ্যার অন্তর্গত "কমলাধিকা" মূর্তি।


মিপুনমূর্তি-সন্নিবেশ করিবার উপদেশ আছে।
 মিশুনে: পাদবর্ণাভি: শাখাশেষং বিভূষণেৎ।"
 অগ্নি-পু: ১০৪-৩০। শ্রীযুক্ত ভিন্সেন্ট
 স্মিথ মহোদয় তাঁহার সিংহল ও ভারতীয়
 ললিতকলা বিবরণ গ্রন্থেও এই কথা
 উল্লেখ করিয়াছেন। (১) কেহ কেহ
 আবার বলিয়া থাকেন, প্রাচীন শিল্প-
 শাস্ত্রাচার্য্যগণ নবরসের চিত্রাদির মধ্যে
 আদি রসযুক্ত চিত্রগুলি "আদৌ" বলিয়া কিছু
 অধিক মাত্রায় স্থান পাইয়াছে। সে বাহা হউক
 ইহা যে বিশেষভাবে বৌদ্ধপ্রভাবের চিহ্ন,
 তাহা কখনই মানিয়া লওয়া বাইতে পারে
 না। বিভিন্ন দেশীয় প্রাচীন ধর্মমতাদি
 আলোচনা করিলে মনে হয়, পাণ্ডিত্যের
 Kraft Ebbing বন্যার্থই বলিয়াছেন,
 "Sexual feeling is really the root
 of all ethics and no doubt of
 aestheticism and religion." (Psycho
 Sex. p. 2) মধ্য আমেরিকার Stephens
 & Catherwood সাহেবদ্বয়ের অল্পসন্ধান-
 ফলে অনেক বৃহদাকার পৌত্ত্বিক ভগ্নাবশেষ
 আবিষ্কৃত হইয়াছে। এগুলির কাণ্ডিলে
 বাড়াজনক (membra conjuncta in
 conu) চিত্রের অভাব নাই। (Squier's
 Serpent Symbol, p. 48) Westroph
 সাহেবও Panuco (পানুকো) প্রভৃতি
 নগরের মন্দিরে ও সাধারণ স্থানে লিঙ্গচিত্র
 খোদিত থাকার কথা উল্লেখ করিয়াছেন।
 (Primitive Symbolism, p. 33) Squier
 এই চিত্রগুলি সম্বন্ধে লিখিয়াছেন যে

শ্রীযুক্ত ভাস্কর্য্যের দ্বারা এই যুগল মূর্তি-
 গুলিতেও বিবিধ 'বন্ধ' প্রদর্শিত হইয়াছে
 (like those in India representing
 in various manners the union of
 the two sexes). মেক্সিকোতে সূর্য্যই
 প্রধান উপাস্য দেবতারূপে পরিগণিত হইত
 এবং এটির দ্বারা এখানে সৌরোপাসনা
 লিঙ্গপূজার সহিত জড়িত ছিল। (Serpent
 Symbol p. 47). Dulaure পানুকো
 নগরে যে সকল খোদিত বা আলেখিত
 চিত্রাদি দেখিয়াছিলেন, Bertram সাহেব
 তাঁহার অনুরূপ চিত্রাদি Tlascalla নামক
 স্থানের দেবমন্দিরাদির (sacred edifices)
 গায়ে আঙ্কিত দেখিতে পান। Tlascallar
 ক্রীক (Creek) জাতির মধ্যেও
 সৌরোপাসনা প্রবলভাবেই প্রচলিত ছিল;
 সুতরাং যে প্রভাব সামাজিক, তাহাতে
 কেন যে ধর্ম-বিশেষের মতবাদ আরোপিত
 হইবে, তাহাও বুঝিতে পারা না।
 শ্রীযুক্ত মনমোহন গঙ্গোপাধ্যায়ের উদ্ভিচার
 স্থাপত্য ও ইতিহাস গ্রন্থের মুখবন্ধে মাননীয়
 স্তার জে, জি, উড্ডক মহোদয় লিখিয়াছেন,
 যে ডাক্তার মেটরলিক গথিক গির্জার
 (cathedrals) গায়ে ও স্থানে স্থানে এরূপ
 চিত্রাদি আছে বলিয়া উল্লেখ করিয়াছেন।
 তাই উড্ডক মহোদয় বলেন, শুধু ভাবপ্রবণতা বা
 আধ্যাত্মিক তত্ত্বের দিক দিয়া দেখিলে প্রাকৃত
 (natural) তথ্যের মীমাংসা হয় না।
 মাদলাপঞ্জীতে লিখিত আছে যে কণারকের
 গর্তগৃহস্থ সূর্য্য ও চন্দ্র-মূর্তি রাজা

(১) "Such sculptures are supposed to be a protection against evil spirits and so serve the purpose of lightning-conductors" p. 190 foot-note.

পুরুষোত্তম দেবের পুত্র নরসিংদেবের রাজত্ব-কালে পুরী বা পুরুষোত্তমে স্থানান্তরিত হইয়াছে। শ্রীমন্দির প্রাঙ্গণের সূর্য্য মন্দিরে যে মূর্তি রক্ষিত আছে অনেকের মতে ইহাট্ট সেই সূর্য্যমূর্তি। ইহার সন্মিকটস্থ মূর্তিটি শ্রীযুক্ত বিষ্ণুশঙ্কর মহাশয় বুদ্ধমূর্তি বলিতে চান, কিন্তু Modern World পত্রিকার জুলাই সংখ্যায়-শ্রীযুক্ত হিমাংশু শেখর বন্দ্যোপাধ্যায় মহাশয় নবগ্রহ-প্রান্তর-নিহিত চন্দ্রমূর্তির সহিত বিশেষ সাদৃশ্য দর্শন করিয়া এ মূর্তিটিকে চন্দ্রমূর্তি বলিয়াই সাব্যস্ত করিয়াছেন। কণারকে সূর্য্যের সহিত চন্দ্রমূর্তিও যে পূজিত হইত এ প্রবাদটিও ইহার পোষকতা করিতেছে। কেহ কেহ বলিয়া থাকেন, সৌরোপাসনা

(Heliolatry) ভারতে পৃথকভাবে প্রতিষ্ঠা লাভ করে নাই এবং পরে উর্ধ্ব শিবোপসানায় পর্য্যবসিত হইয়াছিল; যেহেতু সূর্য্য, শিবের আটপ্রকার বিভিন্ন মূর্তিরই অন্তর্গত বলিয়া বিবেচিত হইয়া পাকে। বৌদ্ধপ্রভাব-বাদীগণ এই মতটি স্বপক্ষে প্রয়োগের সুবিধা বুঝিয়া ইহার সমর্থন করিতে পশ্চাৎপদ নহেন; কারণ সৌরোপাসনা যদি subsidiary cult বলিয়া প্রতিপন্ন করা যায়, তাহা হইলে বৌদ্ধমন্দির সৌরোপাসনার প্রযুক্ত হইয়াছে, এই মতটির সমর্থনেরও সুবিধা ঘটে। সৌরোপাসনা একসময়ে হিমালয় ক্রোড়স্থ কাশ্মীরের মার্ত্তণ্ড (১) মন্দির হইতে সমুদ্রতীরস্থ কোলকর্ক পর্য্যন্ত বিস্তার



কাশ্মীর—মার্ত্তণ্ড-মন্দির

(১) মার্ত্তণ্ডমন্দির ৭-৮শ শতাব্দীতে (৭২৫ হইতে ৭৩০ খৃঃ অব্দের মধ্যে) রাজা বলিভাদিত্য কর্তৃক নির্মিত হয়। ইহার gable, trefoil-arch, quasi-doric স্তম্ভশ্রেণী প্রভৃতির চিত্রে দেখিয়া মনে হয় যে কোলকর্ক মন্দির এ আদর্শে নির্মিত হয় নাই। 'আইম-ই-আকবরী'র প্রকরণ অনুসারে মার্ত্তণ্ড মন্দির সম্রাটের সংবাদে উপর নির্ভর করিয়া এইরূপ মত প্রকাশ করিয়াছিলেন।

লাভ করিয়াছিল। মন্দিরাদির ধ্বংসাবশেষ এখনও তাহার সাক্ষ্য দিতেছে। মধ্যভারতে খৃঃ একাদশ শতাব্দীতে নির্মিত সূর্য্য-মন্দিরের সংখ্যা নিতান্ত অল্প নহে। (Report Arch. survey W. India Vol. IX p. 73-74) বঙ্গদেশেও সৌর প্রভাব বড় কম ছিল বলিয়া মনে হয় না। সেন-বংশীয় রাজা পরমেশ্বর পরম ভট্টারক শ্রীমৎ কেশবসেন বা বিশ্বরূপ সেন আপনাকে “পরমসৌর” বলিয়া বিশেষিত করিয়াছেন। তাঁহার তাম্রলিপির প্রথম শ্লোকেই “নমো নারায়ণায়” শব্দের পরেই—

“বন্দেহরবিন্দবনবান্ধবমন্ধকার

কারানিন্দকভুবনত্রয়মুক্তিহেতুঃ”

প্রভৃতি বচনে সূর্য্য-বন্দনা আরম্ভ হইয়াছে। সূর্য্য-পূজা নারায়ণপূজায় কি শিবোপাসনায় পর্য্যবসিত হইয়াছিল, তাহা বিচার করিবার স্থান ইহা নহে, তবে এই শ্রেণীর শ্লোক ও সাধারণের মধ্যে “সূর্য্যনারায়ণ” প্রভৃতি প্রচলিত শব্দ হইতে সূর্য্যোপাসনা নারায়ণোপাসনায় পর্য্যবসিত হইয়াছিল, এই অনুমানই যথার্থ বলিয়া মনে হয়। কলিকাতার বাজুঘরে (মিউজিয়ম) রক্ষিত শিবাভাগে-পদ্মচিহ্নে-চিহ্নিত সূর্য্য-নারায়ণ-শিলা ইহার পক্ষে সাক্ষ্য দিতেছে। কথিত আছে, মার্ত্তণ্ডমন্দিরে সূর্য্যমূর্ত্তিও বিষ্ণু নামেই স্থানীয় লোকের মধ্যে পরিচিত ছিল; (local name of Vishnu as Sun-God) কিছুকাল পূর্বে ডাঃ ব্লক মালদহে একটি আদিত্যমূর্ত্তি আবিষ্কার করিয়াছিলেন। সাঁওতাল পরগণার অন্তর্গত রাজমহলে খৃঃ দ্বাদশ শতাব্দীর একটি সূর্য্যমূর্ত্তি আবিষ্কৃত

হয়। শ্রদ্ধাম্পদ শ্রীযুক্ত নিখিলনাথ রায় মহাশয় তাঁহার মূর্ত্তিবাদের ইতিহাসে অমর-কুণ্ডগ্রামের গঙ্গাদিত্য নামক অথাক্রম সূর্য্য-মূর্ত্তির উল্লেখ করিয়াছেন। মন্দিরে প্রতিষ্ঠিত এ মূর্ত্তিটি অদ্যাপি পূজিত হইয়া থাকে। এখনও বাঙ্গলার কোনও কোনও স্থানে সূর্য্যমূর্ত্তি বগী প্রভৃতি নামে পূজিত হইতেছে। (সাহিত্য পরিষদ পত্রিকা, চুঁচুড়ার সূর্য্য-মূর্ত্তি ৯৭ পৃষ্ঠা) পাটনার অসিগাতী দেবী পট্টনেশ্বরীর মন্দিরের বাহিঃ-প্রাঙ্গণে একটি বৃহদায়তন সূর্য্যমূর্ত্তি রক্ষিত আছে দেখিয়াছি। ডাঃ ডি, আর ভাণ্ডারকর মহাশয় রাজপুতানা ভ্রমণ-প্রসঙ্গে সিরোহীর অন্তর্গত খৃঃ দশম শতাব্দীতে নিৰ্ম্মিত বসুগড়ের সূর্য্যমন্দিরের এবং বোম্বাইয়ের অন্তর্গত অসিয়া (Osia) নামক স্থানে অবস্থিত অষ্টম শতাব্দীর অপর একটি মন্দিরের বিবরণ (Progress Report Arch. Survey W. India 1905-06 p. 51—52) পুরাতত্ত্ব বিভাগের রিপোর্টে প্রকাশিত করিয়াছেন। দুইটি মন্দিরই বহুল কারুকার্যে ভূষিত। যে সূর্য্য-পূজা এককালে এরূপ বিস্তার লাভ করিয়াছিল, তাহা একবারে প্রভাবশূন্য subsidiary cult মাত্র হইলে কাশ্মীর হইতে মধ্যভারত পর্য্যন্ত কখনই এতগুলি সূর্য্য মন্দির নির্ম্মিত হইত না। কোণার্কের মন্দিরও যে সৌরোপাসনার জন্তই নির্ম্মিত হইয়াছিল, এবং এখানে সৌরোপাসনা যে রূপান্তরিত রথাকৃতি বৌদ্ধমন্দিরে পরগাছার দ্বারা আধিষ্ঠিত হইয়া শিবোপাসনায় পরিণত হয় নাই ইহাই সত্য বলিয়া মনে হয়।

শ্রীযুক্ত মনমোহন গঙ্গোপাধ্যায় মহাশয়

কণারকের ভাস্কর্য-আলোচনা-কালে কোথাও বৌদ্ধ ধর্মবিষয়ক চিত্রাদির অস্তিত্বের কথা উল্লেখ করেন নাই। পুরাতত্ত্ব বিভাগের রিপোর্টাদিতেও ইহার কোন উল্লেখ দেখা যায় না। প্রত্নতত্ত্ববিৎ বজুবর শ্রীযুক্ত রাখালদাস বন্দ্যোপাধ্যায় মহাশয়ের মতেও কণারক বৌদ্ধধর্ম-সংক্রান্ত কোন মূর্তি এষাবৎ আবিষ্কৃত হয় নাই। হাতেল, ভিসেন্ট স্মিথ মহোদয়গণও এ-সম্বন্ধে নীরব। তাঁহাদের ভাস্কর্য ও

ললিতকলা বিষয়ক গ্রন্থাদিতে কণারকে বৌদ্ধপ্রভাব-সম্বন্ধে ইঙ্গিতমাত্র নাই। বক্ষ্য-মাণ প্রবন্ধে আলোচিত তথা-কথিত বৌদ্ধ নিদর্শনগুলিও বৌদ্ধপ্রভাবের নিঃসন্দেহ প্রমাণ বলিয়া স্বীকার করা যাইতে পারে না। সুতরাং যতদিন প্রাচীন লিপি বা লেখ প্রভৃতি বিজ্ঞান-সম্মত প্রমাণ না আবিষ্কৃত হয়, ততদিন কোণার্কমন্দির বৌদ্ধ-ধর্ম-সংশ্লিষ্ট বা বৌদ্ধপ্রভাবাবৃত বলিয়া বিবেচনা না করাই সঙ্গত।

শ্রীজগদাস সরকার।

স্বরলিপি

গান

ওরে আমার, হৃদয় আমার
কখন তোরে প্রণত কালে
দীপের মত গানের স্রোতে কে ভাসালে !
যেনরে তুই হঠাৎ বেকে
কুকনো ডাঙায় যাস্নে ঠেকে,
জড়াস্নে শৈবালের জালে।

ভীর যে হোথা স্থির রয়েছে
সুরের প্রদীপ সেই জ্বালালো
অচল শিখা তাহার আলো
মানের প্রদীপ তুই যে গানে
চলবি ছুটে অকুল পানে
চপল ডেউরের আকুল তালে।

শ্রীরবীন্দ্রনাথ ঠাকুর।

^ম I গা মা—গা। গা ধা—পমা I^১ মা ধা—।। ধা ধগা—সর্গা I ধা সর্গা
 ও বে • গা মার • হৃ দয় • আ মার • • •

^ম গা।—।—ধা—পা I পসর্গা সর্গা—।। গা ধা—। I^২ সর্গা সর্গা—।। ^স রা রা
 • • • ক খন • তো রে • প্র ভাতি • কা লে

I সা রা ।। গা গা—। I রা—গা—।। গা পা—। I^৩ গা—। মা।
 • দী পের • ম ত • গা নের • ~~কো~~ তে • কে • ভা

^ম গা ধা—। I^৪ না—। না। না মা—। I সর্গা—।—।। ^১।। II
 সা লে • কে • ভা সা লে • • •

II^৫ মর্গা মর্গা—গর্গা। রর্গা সর্গা ।। ^৬ না সর্গা—।। ^৭ না সা—পা I^৮ ধা পা—
 যে ন • রে তুই • হৃ ঠাং • বেঁ কে • বেঁ কে

^৯ ধা। পা পধা—গা I ধা—। ^{১০}।—।—।—। I গা—বর্গা সর্গা। গা ধা
 • বেঁ কে • রে • • • • শুক • নো ডা ভায়

পমা I গা—। মা। গা মা—। I গা মা—।। গা মা—। I পা •
 •• যাস্ • নে তে কে • জ. ডাস্ • নে শৈ • বা লের

I। না সর্গা—। I না সর্গা—।। ^{১১} না সর্গা—।। II সা—। সা। রা গা—। I
 • জা লে • জা লে • জা লে • তীর • যে হো গা •

I মা—ধা পা। ^{১২} গা মা—। I মা মা—পা। পা পা—। I পা।—ধা।
 স্থির • র যে চে • ধ নের • প্র দীপ • সেউ • জা

^{১৩} ধা পধা—গা I ধা।—।।—।—। I মা মা- বা। পা মা—গা I^{১৪} সা
 না লো • গো • • • অ চল • শি খা • ভা

রা গা। গা মা। I^{১৫} মর্গা মর্গা গর্গা। রর্গা সর্গা—।। ^{১৬} না—। সর্গা।।।
 হার • আ লো • গা নের • প্র দীপ • তুই • যে • •

I I^{১৭} মর্গা মর্গা—গর্গা। রর্গা সর্গা—। I^{১৮} না।—সর্গা I^{১৯} না সা—পা I^{২০} ধা পা
 • গা নের • প্র দীপ • তুই • যে গা নে • গা নে

ধা । পা পধা গা । ধা—।—।।।।।।।। I গা—রাঁ সী। গা ধা—
 ০ গা নে ০ রে ০ ০ ০ ০ ০ চন্ ০ বি ছু টে

পমা I গা মা—।। গা মা—।। I গা মা—।। গা মা—।। পা ধা—
 ০০ অ কুল ০ পা নে ০ চ পল ০ টেউ য়ের ০ আ কুল ০

না সী—। I না সী—।। না সী—। II II
 তা লে ০ তা লে ০ তা লে ০

শ্রীদিনেন্দ্রনাথ ঠাকুর

আঁধিয়া

(গল্প)

আমার এই ছুংখের কাহিনী কাউকে শোনাব বলে' যে লিখতে বসেছি তা নয়। আমার মনের কথা মুখ-ফুটে বলতে না পেরে আমার বুক ফেটে যাচ্ছে। ছুংখের কথা নিয়ে নাড়াচাড়া করলে ছুংখ যে দূর হয়না তা সবাই জানে, কিন্তু তবু মানুষ চুপ করে থাকতে পারেনা। আমার কাছে যে কেউ নেই! কাকে বলি? তাই আপনার মনে নিজের কাহিনী লিখতে বসেছি।

মনে পড়ে সেই দিন, যেদিন উৎসবের একটা ঝটকা বাতাস নিয়ে খণ্ডরবাড়ী প্রবেশ করেছিলুম, শাখ, ঢাক, শানাইয়ের আওয়াজ আর চেঁচামেচির মধ্যে আমাকে বরণ করে খণ্ডরবাড়ীর লোকেরা আমার ঘরে তুলে নিলে। আমাকে দেখে আমার শাণ্ডীর পছন্দ হল, তিনি বললেন, বেশ বৌ হয়েছে— চির-এরোজী হয়ে বেঁচে থাক।

আমার স্বামী আমার বিবাহে একটি পয়সাও নেননি; আর একটি পয়সাও না নেবার মতল লোক এতদিন খুঁজে পাওয়া যায় নি বলেই মৌল বৎসর বয়স পর্য্যন্ত আমাকে খুবড়ো-আইবুড়ী থাকতে হয়েছিল।

আমার নাম সুরবালা, বাবা আমায় সুরো বলে ডাকতেন। আমি তাঁর বড় আছুরে মেয়ে ছিলাম। বাপের বাড়ী বাবার সঙ্গে-সঙ্গেই গিয়েছে,— এখন প্রশ্ন হচ্ছে, আমার খণ্ডরবাড়ী বলতে কিছু আছে কি না?

ছেলেবেলাতেই মা মারা গিয়েছিলেন। তাঁর কথা আমার মনে পড়ে না, বাবা একলাই ছুংখের স্থান অধিকার করে আমার মানুষ করছিলেন। তিনি সরকারী চাকরী করতেন; কখনো এখানে, কখনো সেখানে—এমনি করে তাঁকে চারদিকে ঘুরে বেড়াতে হত। আমাকে ছেড়ে তিনি থাকতে

পরিচয় না। তাঁকে ছেড়েও আমি থাকতে পারিতুম না। কাজেই তাঁর সঙ্গে আমাকেও গুরতে হত। চাকরী করা ছাড়া তাঁর একমাত্র কাজ ছিল আমার লেখাপড়া শেখানো আমার টাকা জমানো। তিনি বলতেন, সুরো, তোর এমন জায়গায় বিয়ে দেবো—

বাবার সদা-সহস্র মুখের সেই কথাগুলো আজও মাঝে-মাঝে মনে পড়ে আর হাসি আসে।

জীবনের ধারা এইরকম গুল, স্বচ্ছ, তরঙ্গহীন গতিতে বেশ একটানা বয়ে যাচ্ছিল, হঠাৎ একটা ঘটনার বিপরীত তরঙ্গ ছুটল।

একদিন বাবা আফিস থেকে ফিরে আসবার পর, রোজ বেমন যাই তেমনি হাঁসিমুখে তাঁর কাছে ছুটে গেলুম। দেখলুম তাঁর মুখ অত্যন্ত বিষন্ন, চোখছটো লাল হয়ে গিয়েছে। আমার হাতছটো তাঁর হাতের মধ্যে নিয়ে তিনি গুমরে কেঁদে উঠে বললেন,—সুরো আমাদের সর্বনাশ হয়েছে মা—

জিজ্ঞাসা করে জানলুম যে-ব্যাঙ্কে আমাদের টাকা থাকত সেটা কেল হয়ে গিয়েছে। তাঁর অনেক কষ্টে জমানো টাকা-গুলোর একটা পরসাত্ত ফিরে পাবার আশা নেই।

তাঁর চোখের জল জীবনে সেই একদিন মাত্র দেখেছি। এর আগে তাঁকে কখন সামান্য বিষন্ন হতেও দেখিনি। আমি চিরদিন হাসতেই দেখেছি,—খালি হাসি আর হাসি। এই হাসির আবহাওয়াতেই

আমি মানুষ হয়ে উঠেছিলুম, চন্দ্রসূর্য্য, রাত্রিদিন, আকাশ-পৃথিবী চিরকালই আমাকে সহস্র মূর্তিতেই দেখা দিয়ে এসেছে, ছুঁখের সঙ্গে, কান্নার সঙ্গে আমার একেবারেই পরিচয় ছিল না। সেদিন বাবার চোখে জল দেখে আমার মনে কি ভাব এসেছিল এত দিন পরে ঠিক করে গুছিয়ে বলতে পারব না, তবে এই ছবিটা এখনো মনে আছে—যে আমি যেন দেখতে লাগলুম তাঁর চোখের জলে আমার সেই হাসির রাজ্যটা ভাসতে ভাসতে দূরে মিলিয়ে গেল;—উপরের নীল আকাশ এমন গরু হয়ে এল যে সে অন্ধকার ভেদ করে কাউকে চিনতে পারবার বোঝাইলনা, আর সেই অনন্ত অন্ধ-পারাবারের মধ্যে আমি একা—

ওঃ, মানুষের চোখে এত জলও থাকতে পারে!

সমস্ত রাত্রি ভাবনার কেটে গেল, পের কত-রকমের ভাবনা! একটা থেকে আর একটা, আবার সেটা শেষ হবার আগেই আর-একটা, এমনি করে যেন একটা চিন্তার পৃথিবী আমার মাথার ভিতর পাক খেয়ে-খেয়ে ঘুরে বেড়াতে লাগল। আপন-হারা হয়ে বসেছিলুম, ভোরের ঠাণ্ডা বাতাস গারে লাগতেই চমকে উঠলুম! মনে হল, সামনে থেকে কে যেন সুরে গেল।

তখন বুঝতে পারিনি, সে কে? আজ মনে হয় সর্বনাশের দূত এসে আমার শিররে দাঁড়িয়েছিল, শুধু বাবার জন্তে সে সাহস করে ঢুকতে পারেনি।

তখনো একেবারে কসাঁ হয় নি, ঘুমঘুম রাত্রির প্রাণটা তখনো আলো-ছায়ার একটা

স্বল্প রেখার উপর দোল খাচ্ছে, অবশ পা-
ছটোকে কোনরকমে সোজা করে সে
ছটোর উপর ভর দিয়ে দাঁড়ালুম, দেখি,
সামনে বাবা দাঁড়িয়ে।

তিনি বললেন—সারা রাত্রি জেগে এখানে
বসে আছিস মা?

আমি আর কোন কথা বলতে না পেরে
তাঁর বুকে মুখ রেখে কাঁদতে লাগলুম।

তিনিও আমার জড়িয়ে ধরলেন; একটা
কথা কানে গেল—“টাকাগুলো গেল বুঝি!
তোমার উপায় কিছু করে বেতে পারলুম
না।”

কিছুক্ষণ পরে একটা আশীর্বাদী চুমু
আমার মাথার উপর দিয়ে তিনি ঘর থেকে
বেরিয়ে গেলেন।

পরদিন বাবা অফিসে গেলেন, বুঝতে
পারিনি এই যাওয়াই তাঁর শেষ-দাওয়া।
বিকেলবেলায় অফিসের লোকেরা তাঁকে
কোলে করে বাড়ী নিয়ে এল, শুনলুম,
তাঁর মূর্ছা হয়েছে। ডাক্তার ডাকা হল।
তিনি বললেন এ মূর্ছা ভাঙবে না, আত্মীয়-
স্বজন যদি কেউ থাকে ত এইবেলা খবর
দিন, বোধ হয় চব্বিশ ঘণ্টার বেশী বাচবেন
না।

সর্বনাশ এত কাছে কাছে ঘুরে বেড়ায়
অঞ্চল মাল্লুস তাঁর গন্ধও পায় না!

* * * *

মামার বাড়ীতে আমার বেশী কষ্টভোগ
করতে হয়নি। প্রথমটা একটু কষ্ট মনে হত।
তার কারণ কষ্ট কাকে বলে এর আগে
একেবারেই জানা ছিল না, আজকের
হিসেবের খাতায় সে দিনগুলোর সুখ-দুঃখের

জমা-খরচ খতিয়ে দেখলে দেখতে পাই
তখন সুখের মাত্রাই বেশী ছিল।

মামা আমার আপনার মামা নন, মামা
মাসতুত ভাই। বাবার মৃত্যুর আগে তাঁকে
আমি বার-কয়েক দেখেছিলুম মাত্র। তাঁর
সঙ্গে বাবার পত্র-ব্যবহার চলত। তিনি আমার
নিয়ে এলেন।

তিনি বেশ দিলখোলসা লোক ছিলেন
সামান্য চাকরী করতেন, যা মাইনে পেতে
তাতে কোনরকমে সংসার চলে। তার উপর
আমার মত একটা ধাড়ী মেয়েকে এ-রকম
ভাবে আশ্রয় দিয়ে ঘরে নিয়ে আসাতে
মামী আমাকে স্নানজরে দেখতে পারলে
না। কিন্তু ক্রমে সেটাও আমার সহ হে
গিয়েছিল।

মামার বাড়ী আসার মাস কয়েক পরে
প্রায় বছর দুই ধরে আমার জন্যে তাঁকে
বড় অশান্তিতে কাটাতে হয়েছিল। সেট
হচ্ছে আমার বিবাহ নিয়ে। টাকার না পেলে
কেউ বিয়ে করতে চায় না! মামী মনে
করেছিলেন, সুন্দরী মেয়ে, টাকা না হলে
চলবে, কিন্তু সুন্দরী মেয়ের চেয়েও অনেক
বেশী সুন্দর অর্থের জোগাড় করতে না
পারলে যে পাত্রের অভিভাবকের মন টেনে
না, এই অভিজ্ঞতাটা তাঁর আমার উপর
দিয়েই হয়ে গিয়েছিল।

মামীর তাড়না আর গল্পনা সহ করতে
করতে তিনি অস্থির হয়ে পড়তে লাগলেন
কিন্তু এত অশান্তির মধ্যেও তাঁকে একট
কটু কথা বলতে শুনিনি। ধন্য তাঁর ধৈর্য
পরের মেয়ের জন্ত এতটা সহ করতে পারে
এ-রকম লোকও দুর্লভ নয়।

তারপর সেইদিন সত্যি সত্যিই এল। শুনলুম, আমাকে দেখে একজন পছন্দ করেছেন। তিনি এক পয়সাও চান না, তাঁর অবস্থা ভাল, হাতে শুধু ছুঁগাছা কুলি পরিয়ে নিয়ে যাবেন।

যখন এই খবর পেলুম, শুনলুম তিনি এক পয়সাও নেবেন না, শুধু আমাকেই চান, তাঁর দামটা আমার এই নিঃস্ব মামা বেচারাকে দিতে হবে না, কৃতজ্ঞতায় প্রাণটা তখন কানায় কানায় ভরে উঠল। মনে মনে তাঁকে নতি জানিয়ে বললুম—কে তুমি শুকতারার মত আমার দুঃখের রাত্রিতে এসে দেখা দিলে? তোমায় চিনি না আমি, কিন্তু তোমার মইৎ হৃদয়ের পরিচয় আমি পেয়েছি। হে দেবতা, আমায় নিয়ে যাও তুমি তোমার মন্দিরে, বড় দুঃখী আমি, ভালবাসার কাঙাল আমি—আমায় ভালবাসো।

আনন্দের আবেগে আত্মহারা হয়ে পড়লুম। সমস্ত রাত্রি অনিদ্রা, তন্দ্রা, নিদ্রার মধ্য দিয়ে কেমন করে কেটে গেল বুঝতে পারলুম না। সকালে উঠে মনে মনে তাঁকে প্রণাম করে সংসারের কাজে লেগে গেলুম।

স্বামীকে দেখলুম। তিনি পরম রূপবান না হলেও সুশ্রী বটে। ফুলশয্যার দিন তাঁর সঙ্গে প্রথম কথা হল। বিবাহের পর স্বামীর সঙ্গে কথা, সে—যাক, সেদিককার কথা আর তুলব না।

শুগুরবাড়ী যখন এলুম, তখন প্রকৃতির বীণায় বসন্ত-রাগিণীর পুরোদমে মহড়া চলেছে! গাছে গাছে, ফলে ফলে, পাখীর

ডাকে বাইরে যেমন একটা আনন্দের হিল্লোল বয়ে যাচ্ছিল, বাড়ীখানাও তেমনি নাচ-গান, খাওয়া-দাওয়ার গোলে বেশ সরগরম হয়ে উঠেছিল।

ঘর আর বাহির দুইয়ে মিলে আমায় অভিষেক করে সেবারকার বসন্তের রাগী বলে ঘরে তুলে নিলে।

শুগুরবাড়ীতে আমার পদার্পণের পর বাড়ীর চেহারা ফিরে গেল। আমার শাশুড়ী অল্পবয়সে বিধবা হয়েছিলেন; শুনলুম বিধবা হওয়ার পর তাঁর মুখে কেউ হাসি দেখেনি, আমি বাড়ী আসার পর তাঁকে সবাই হাসতে দেখলে।

আমার স্বামী সদা-প্রফুল্ল লোক। আনন্দের আশ্বাদন আমি জীবনে এই যে প্রথম পেলুম তা নয়, কিন্তু এ যেন নতুন রকম! সামান্য সামান্য ঘটনা আমার প্রাণের মধ্যে একটা আনন্দের ঝড় তুলে দিয়ে যেত। বাতাস লাগলে আমার পাথ থেকে মাথার প্রত্যেক চুলের গোড়াগুলো অবধি শিউরে উঠত। ফলে এত রংয়ের বাহার, এতদিন ত লক্ষ্য করিনি! দীর্ঘির জল এমন টলটলে জীবনে, এর আগে ত তা দেখিনি! সন্ধ্যার দিগন্তের ধার ঘেঁসে দিনের তরী সোনালি পাল উড়িয়ে অলস-অচলস উদ্দেশে চলে যেত, গুরু চতুর্দশীর নিটোল গোল চাঁদখানা আমাদের কালো আয়নার মত দীঘিটার বুকের উপর পড়ে নিরুজ্জনে নীরব প্রেমালাপ আরম্ভ করত, আমি আত্মহারা হয়ে দেখতুম, আর মনে হত ঠিক এমনধারা ত এর আগে কখনও দেখিনি!

আনন্দের প্রবাহ আমার মধ্যেই যে শুধু প্রবাহিত হচ্ছিল, তা নয়, দেখলুম আমাকে ছাড়িয়ে সেটা গ্রামময় তার রঙিন নিশেন উড়িয়ে দিয়েছে।

বিকেলবেলায় আমি গা ধুয়ে ছাদের উপর অনেকক্ষণ বেড়াবুম। একদিন দেখি সামনের বাড়ীর একটা ছেলে আমাকে দেখচে। একটু লক্ষ্য করে বুঝলুম আমি যেন তাকে না দেখতে পাই এমনভাবে একটা জানলার আড়ালে সে দাঁড়িয়েছে। সেই ম্যালেরিয়া-জীর্ণ চেহারাটা দেখে আমার মায়া হতে লাগল। সে কতদিন যে স্নান করেনি তার ঠিকানা নেই; হ্যাঁ করে তন্ময় হয়ে আমাকে দেখছিল। দুই একদিন বাদে দেখলুম ছেলেটা স্নান করতে শুরু করেছে। আবার কিছুদিন পরে সেও আমার মত ছাদে বেড়াতে আরম্ভ করে দিলে। তার সেই শূয়ার-কুচি চুলে বেশ করে তেল দিয়ে টেরি বাগানো আর গুণ-গুণ করে গান গেয়ে ছাদে ঝড়ানো দেখে আমার হাসি পেত।

বাড়ীর পিছনদিকে আর-এক জনেরা থাকত। সে-বাড়ীরও একটা ছেলে হঠাৎ সঙ্গীত শিক্ষা আরম্ভ করলে। বাপ রে বাপ, সে স্বর-সাধনা মনে পড়লে আজও আমার হৃৎকম্প উপস্থিত হয়! দিনরাত্রি জানলার ধারে বসে হারমোনিয়ামে গলা ভাঁজা। নিশ্চয়ই বলতে পারি, যদি তার সাধনা সেই রকম ভাবে চলে থাকে তবে এত দিনে নিশ্চয় সে একজন গুরুগম্ভীর ওস্তাদ হয়ে উঠেছে।

রাস্তার ধারে একটা জানলা ছিল, আমি

মধ্যে মধ্যে সেখানে গিয়ে দাঁড়াবুম। কিছুদিন যেতে না যেতে দেখি পাড়ার লোক-গুলো জানলা-মুখী ব্রত নিলে। এমন তাদের তন্ময়তা যে একদিন সত্যিই একটা লোক গাড়ী চাপা পড়ে প্রাণটা হারাবার যো করেছিল। কিন্তু তবুও বিরাম নেই। উঃ, কী গভীর সাধনা!

কেউ কেউ বেশী সাহসী হয়ে মাঝে মাঝে জানলার ধারে এসে শিষ্যও দিত। প্রথম প্রথম এদের ব্যাপার দেখে আমার বেশ মজা লাগত, কিন্তু ক্রমেই সেটা অসহ্য হয়ে উঠল। একদিকে সেই কদাকার চেহারাটার দিনরাত উকি-ঝুঁকি, পিছনদিকে স্বর-সাধনার সেই বিকট চীৎকার, আর সামনে রাস্তার ধারে জানলার কাছে লোকের ভিড় দেখে আমি অস্থির হয়ে উঠলুম। ক্রমেই তারা বেশী সাহসী হয়ে উঠতে লাগল। আমার ইচ্ছে হত বাইরে গিয়ে সব কটাকে ধরে আচ্ছা করে কান মলে দিয়ে আসি। কিন্তু আমার ত বাইরে যাবার উপায় নেই, আমি যে কুলবধু!

ঘরের চারদিকের জানলাগুলো আমি দিনকয়েক বন্ধ করে রেখে দিলুম। একদিন আমার স্বামী বললেন, জানলাগুলো বন্ধ রেখে কি দম আটকে মারবে!

জানলা বন্ধ করার কারণ শুনে তিনি হো হো করে হেসে উঠলেন। তাঁর সেই হাসিতে আমি খতমত খেয়ে কিছু বলতে পারলুম না। তিনি নিজের হাতে জানলাগুলো খুলে দিয়ে, আমায় একটা জানলার ধারে বসিয়ে পন্ন করতে লাগলেন।

আমাদের কয়েক ঘর সরিক ছিল, কিন্তু বিনোদ ছাড়া আর-কারো সঙ্গে আমার স্বামীর তেমন বনিবনাও ছিল না। সে সম্পর্কে তাঁর ভাই-বয়স দুজনের প্রায় সমান। বিনোদ যখন-তখন আমাদের বাড়ী আসত। বোভাতের দিন থেকেই সে আমার সঙ্গে খুব ঘনিষ্ঠতা দেখাতে লাগল। আমি তার সামনে প্রথমে ঘোমটা খুলতুম না। সে একদিন আমার স্বামীকে বললে—“দাদা, বৌদি যদি অমন করে মুখ ঢেকে থাকেন, তাহলে আমি তোমার ঘরে আর আসছি না।” স্বামী একটু অপ্রস্তুত হয়ে আমাকে ঘোমটা খুলতে বললেন। আমি তাঁর ইচ্ছায় ঘোমটা খুললুম, কিন্তু বিনোদের চোখের দৃষ্টি আমার ভাল লাগল না। ইচ্ছে হচ্ছিল আবার ঘোমটাটা টেনে দিই কিন্তু তাহলে স্বামীর মর্মান থাকে না, তাই ঘোমটা খুলেই রইলুম। বিনোদকে দেখে আমার মনে হতে লাগল, স্বামীর পাশে সে যেন একটা কীটানুকীট!

কিন্তু কি আশ্চর্য, যাকে সংসারে অতি তুচ্ছ বলে জানলুম, সেই আমার সব চেয়ে বড় শত্রু হল!

স্বামীর আজ্ঞাতেই বিনোদের সঙ্গে আমি কথা বলতেও শুরু করলুম। কথা আমি কইতুম না, কিন্তু দেখলুম তা না হলে স্বামীর আঁতে ঘা লাগে। আমাদের বাড়ীর কেউ বিনোদকে ভাল চোখে দেখত না, সবাই সন্দেহ করত যে আমার স্বামীটিকে কোনদিন বা সে অধঃপাতে টেনে নিয়ে যায়। সেইজন্তু সবাই তাকে ভয় করত, ঘৃণাও করত। আমাদের

বাড়িতে তাঁর এই অনাদরের জন্তু স্বামীর মনে ভারি একটা ক্ষোভ ছিল। আমিও যদি তাঁর বিনোদকে অবহেলা করতে শুরু করি তবে সেটা তাঁর বুকে খুবই বাজবে, আমি বুঝলুম। আমি একদিন তাঁকে জিজ্ঞাসা করলুম—“বিনোদের উপর তোমার এত দরদ কেন? ও কি তোমার যোগ্য?” স্বামী বললেন—“দেখ সুরো, ও লক্ষ্মীছাড়া আমি জানি। কিন্তু ও যে আমার আশ্রয় নিয়েছে। ও বলে, ওর স্বভাবের জন্তু সবাই ওকে ত্যাগ করেছে, এখন আমিও যদি ত্যাগ করি তাহলে ও অধঃপাতের অতলে একেবারে তুলিয়ে যাবে। ওর বিশ্বাস, আমাকে অবলম্বন করেই ও উঠে দাঁড়াবে।”

আমার স্বামীর এই দয়া দেখে আমার সমস্ত হৃদয় পুলকিত হয়ে উঠল। আমার মনে হল আমার এমন স্বামী—তাঁর কাছে আমি প্রতিবন্ধক হব?

বিনোদের সঙ্গে আমার এতটা ঘনিষ্ঠতা আমার শাণ্ডীক চোখে ভাল ঠেকেনি। তিনি মধ্য-মধ্যে রাগ করে বকতে লাগলেন। শাণ্ডীকে অমাগ্ন করবার ইচ্ছা আমার ছিল না, কিন্তু স্বামীর প্রাণে ব্যথা দিতেও আমার প্রাণ কেঁদে উঠত। বিনোদকে নিয়ে আমি মুন্সিলে পড়লুম।

এ ছাড়া আরও মুন্সিল ছিল এই যে বিনোদের হাবভাব আমার মোটেই ভাল লাগত না। তাকে দেখলে মনের মধ্যে অত্যন্ত একটা ঘিন্ঘিনে ভাব আমাকে পীড়া দিত। ঠাট্টার সম্পর্ক বলে সে সময়-সময় যে রকম ঠাট্টা করত তাতে

তার মুখদর্শন করা উচিত ছিলনা, এবং তার এমন-একটা গায়ে-পড়া স্বভাব ছিল যার জন্ত তার কাছ থেকে চলে যাবার জন্তে মন বিদ্রোহী হয়ে উঠত। ভাবতুম স্বামীকে সব খুলে বলি। মনে-মনে কথাটা নিয়ে তোলাপাড়া করতুম, তারপর সাজিয়ে-গুছিয়ে কথাটা যা দাঁড় করা তুম তা মনের মধ্যে আবৃত্তি করে এমন জঘন্ত শোনাত যে স্বামীর সামনে তা বলতে পারতুম না। তিনি কি এ-সব বুঝতেন না? 'কে জানে? হয়ত পুরুষ-মানুষ বলে' আমাদের এই নারীবৃত্তি-গুলো অনুভব করবার শক্তি তাঁর ছিলনা। আমি তাঁকে একদিন বললুম—“দেখ, বিনোদ একটু বাড়াবাড়ি করচে না?” স্বামী আমার কথাটা বুঝলেন কি না জানিনা, তিনি সহজভাবে বললেন—“দেখ, সুরো, বিনোদ বাড়াবাড়ি করে' করবে কি? তুমি যদি খাঁটি হও তাহলে ছনিয়ায় ভয় কাকে? তোমায় আমি বিশ্বাস করি। কাজেই বিনোদ কেন, বিনোদের চেয়ে সহস্রগুণে ভয়ঙ্কর রাক্ষসকেও আমি ডরাই না।”

স্বামীর এই কথায় আমার মনের সমস্ত কুশাশাটা যেন একমুহুর্তে কেটে গেল। নিজের মধ্যে একটা শক্তির চেতনা অনুভব করতে লাগলুম। সত্যিই ত, আমি যদি খাঁটি হই ত ভয় কাকে! তারপর, আমার উপর স্বামীর কি প্রগাঢ় বিশ্বাস! আত্ম-অভিमानে আমার সমস্ত হৃদয় ফুলে উঠল। আমি মনে মনে প্রার্থনা করলুম—‘হে ভগবান, স্বামীর এই বিশ্বাস যেন চিরদিন

অটুট রেখে মরতে পারি, আমাকে এই ধর দাও।

আমার স্বামী তখন বাড়ী ছিলেন না, জমিদারীর কাজে তাঁকে বিদেশে যেতে হয়েছিল। তাঁকে বছরের মধ্যে বার-ছই-এমনি করে বাইরে যেতে হত। হাতে কোম কাজ নেই, তিনি বাড়ী নেই, তাই ঘরে যাবারও তাড়া নেই। রাত্রে খাওয়া-দাওয়া সেরে শুতে যাবার আগে ছাদের উপর একটু বেড়াতে গেলুম।

সেদিন চাঁদ তার ফিরোজা রঙের ঘোমটাখানা দূরে ফেলে দিয়ে মনের আনন্দে তার সমস্ত কিরণ-কণা পৃথিবীতে ছড়িয়ে দিচ্ছিল। পৃথিবী তাঁরই পেলবস্পর্শ আরামে অবশ্য হয়ে উপভোগ করছিল। বাগানে বড় বড় গাছ আর কামিনীফুলের ঝাড়গুলো পাতায় পাতায় রূপালী দেয়ালী সাজিয়ে দাঁড়িয়ে আছে আর সেইগুলোর পাশে পাশে রোগা, মোটা নানান আকারের এক-একটা অন্ধকার দৈত্য উপুড় হয়ে বসে আছে—এক-একটা রাজ্যহীন রাজার মত।

চারিদিকে নিরবচ্ছিন্ন শান্তি, কোথাও একটু আওয়াজ নেই, আমি তন্ময় হয়ে চাঁদ আর পৃথিবীর মাঝখানে দাঁড়িয়ে তাদের এই খেলা উপভোগ করতে লাগলুম।

হঠাৎ একটা পাগলা হাওয়া কোথা থেকে দৌড়ে এসে এই আধ-ঘুমন্ত পৃথিবীর মাথাটা ধরে বেশ জোরে একটা নাড়া দিয়ে তাকে সজাগ করে তুলে পাগিয়ে

গেল। বড় বড় গাছগুলো মাথা নাড়া দিয়ে তাদের মর্মমর্ ভাষায় একবার একটা আর্তনাদ করে উঠল। মনে হল তাদের পাতার রূপের প্রদীপগুলো পিছলে মাটির উপর গিয়ে পড়ল; ঝোঁপ-ঝাড়ের পাশে পাশে যে বিকটাকার দৈত্যগুলো এতক্ষণ ওৎ পেতে বসেছিল 'কার ইঙ্গিতে' সে-গুলো তাড়াতাড়ি উঠে একবার এদিক ওদিক ছুঁটোছুটি করে আবার একজায়গায় স্থির হয়ে গিয়ে বসে পড়ল। রাত্রির সেই নিস্তর ভাবটা আর ফিরে এল না। হঠাৎ এই রকমভাবে তার শাস্তি ভঙ্গ হওয়াতে সে আর স্থির হতে পারলে না। আমি এতক্ষণ আনন্দে যে দৃশ্য দেখছিলাম তার পট পরিবর্তন হওয়াতে আমারও মনটা খারাপ হয়ে গেল, নীচে নেমে এলাম।

শোবার ঘরের দরজায় খিল লাগিয়ে বিছানার কাছে গিয়ে দেখি খাটের উপর মনুষ্যমূর্তি! ঘরের মধ্যে মিটমিট করে প্রদীপ জ্বলছিল। আমি ভয়ে এমন কাঠ হয়ে গেলুম যেন মাটির সঙ্গে আমার পা দুটো একেবারে গেঁথে গেল। আমার শোবার ঘরে স্বামীর লোহার সিন্দুক থাকত, তাতে জমিদারী থেকে টাকা এলে জমা হত। তিনি এবার জমিদারী থেকে যত টাকা পাঠাচ্ছিলেন আমি গুণেগেঁথে তার মধ্যে বন্ধ করে রেখে দিয়েছিলাম। তিনি ফিরে এলে হিসেব বুঝিয়ে দিতে হবে। আমার সবপ্রথম নজর পড়ল সেই লোহার সিন্দুকের দিকে। দেখলুম, সেটার গায়ে এখনো হাত পড়েনি। এখনো সময় আছে ভেবে আমি দরজার কাছে এগিয়ে

গিয়ে চোর-চোর বলে চেঁচিয়ে উঠলুম। লোকটা ছুটে এসে দরজা চেপে দাঁড়াল। তার মুখ দেখতে পেলুম—সে বিনোদ!

আমি অবাক হয়ে গেলুম। তাকে বললুম, "তোমার দাদা ত এখানে নেই—তুমি এত রাতে কেন?" বিনোদ হাসতে হাসতে বললে—"তোমার কাছে এসেছি।" আমি রেগে বললুম—"যাও, এখান থেকে বেরিয়ে যাও।" সে এমন একটা কথা বললে যাতে আমার সর্বশরীর জ্বলে উঠল। আমি একটু এগিয়ে এসে বললুম—"পৃথ ছাড়, আমি বেরিয়ে যাই।"

বিনোদ দরজার গায়ে সজোরে পিঠ দিয়ে দাঁড়াল। আমার ইচ্ছে হচ্ছিল তাকে পদাঘাতে ঠেলে দিয়ে ঘর থেকে বেরিয়ে যাই। কিন্তু সেই অন্ধকারে তার চোখদুটো হিংস্র পশুর চোখের মত এমন ভয়ঙ্কর জ্বলছিল যে তার কাছে যেতে আমার ভয় করতে লাগল। আমি চুপ করে দাঁড়িয়ে রইলুম। তাকে যতই দেখতে লাগলুম ততই একটা আতঙ্ক আমার সর্বশরীরে ছড়িয়ে পড়তে লাগল। বাঘের সামনে পড়লে মানুষের কেমন ভয় হয় জানি না, কিন্তু আমার মনে হচ্ছিল এ ভয় যেন সেইরকমের! প্রাণ-সংশয় হলে আত্মরক্ষার জন্ত মানুষের মন যেমনধারা হোক একটা অস্ত্রের জন্যে যেমন লৌলুপ হয়ে ওঠে, আমিও অস্ত্র থেকে তেমনি একটা তাড়নায় অস্থির হয়ে উঠলুম। দেয়ালে স্বামীর অনেকগুলো ছোরা-ছুরি টাঙানো ছিল। হঠাৎ সেদিকে চোখ পড়াতে আমি একখানা বড় ছোরা টেনে নিলুম।

ছোরাখানা হাতে পেয়ে মনে হল, একা

বিপদের মধ্যে, যেন ইঠাৎ কোন আত্মীয় বন্ধুর দেখা পেলুম—মনটা একটু আঁশস্ত হল।

আমি এবার খুব জোরের সঙ্গে বললুম—“যাও ঘর থেকে বেরিয়ে।”

বিনোদ হাসতে হাসতে বললে—“এরি মধ্যে যাব কি?”

আমি রেগে ছোরাখানা হাতে করে উঠে দাড়ালাম। তবু তার ভয় হল না, সে বললে—“জীবনে অমন ছোরা-হাতে মেয়ে-মানুষ ছের দেখেছি।”

আমার ইচ্ছে হল এখনও গায়ে ছোরাটা বসিয়ে দিই। কিন্তু হাত উঠল না। সে বোধ হয় আমার দুর্বলতা বুঝতে পারলে। ধীরে ধীরে সে হাত-ছুখানা বাড়িয়ে, আমার দিকে এগিয়ে এল। তার সেই বিক্রী ভঙ্গী দেখে আমার সমস্ত শরীরের মধ্যে যে কেমনধারা একটা ঝড় উঠল বলতে পারি না। আমার মনে হল এই ঝড়ে বুঝি বিশ্বব্রহ্মাণ্ডে একটা প্রলয় হয়ে গেল। তারপর আমি কি করলুম, কি না-করলুম কিছুই মনে নাই। কেবল মনে আছে যেন একটা প্রকাণ্ড ঘূর্ণির মধ্যে আমার হাত-পা মাথা চোখ সব ঘুরছে। ...

সুকালে যখন জ্ঞান হল, তখন দেখি, বিনোদের দেহের রক্তের উপর আমি পড়ে আছি।

* * * * *

হাজতে আমার সঙ্গে কেউ দেখা করতে এল না। মনে করেছিলুম, আমার স্বামী বোধ হয় ঠিক সময়ে ফিরতে পারেন নি,

কিন্তু পরে জানলুম, তিনি এসেও আমার জামিনের জন্ত চেষ্টা করেন নি।

বিচারে আমি বেকসুর খালাস পেলুম। তখন শীত পড়েছে, বেলা ছোট। আদালত ভাঙবার পরেই সন্ধ্যা ঘনিয়ে এল। আমি ধীরে ধীরে বাড়ীর দিকে অগ্রসর হতে লাগলুম, সদর দরজা দিয়ে ঢুকতে, কি জানি কেন, সাহস হল না, বাগানের খিড়কী দিয়ে বাড়ির ভিতর ঢুকে পড়লুম। তখন অন্ধকার বেশ জমাট হয়ে এসেছে, আমাদের ঘরের সামনে বারান্দায় একটা ছোট কেবাসিনের আলো জ্বলছিল। স্বী নাম ধরে ডাকলুম, কারো সাড়া পেলুম না! বাড়ীটা যেন খাঁ খাঁ করচে। আরও দুই-তিনবার ডাকাডাকির পর স্বী ঘর থেকে বেরিয়ে এল, শুনলুম বাড়ীতে কেউ নাই, আমার স্বামীর বাগানের বাড়ী চলে গেছেন। স্বামীও নিরুদ্দেশ। আমি জিজ্ঞাসা করলুম—“কেন?”

সে বললে—“লোকনিন্দের ভয়ে। তুমি যে কাণ্ড করেচ তাতে কি আর দাদাবাবুর মুখ দেখাবার যো আছে! চারদিকে একেবারে ছি ছি!”

আমি স্বীর কথা কানে তুললুম না। আমার অনেক কথা বলবার ছিল, কিন্তু সে স্বী, তাকে কি বলব? তার টিটকারি আমি গ্রাহ্য করলুম না। কারণ আমার মন এত ঝড়-ঝঞ্ঝার মধ্যেও একটি আশার প্রদীপকে তখনো জালিয়ে রেখেছিল। “আমি যদি খাঁটি থাকি তবে তুমি কিসের!”—স্বামীর সেই মন্ত্র, শুধু শুধু

কেন,—এজীবনেই যে ভুলতে পারিনি।
ভগবানের কাছে যে-বর চেয়েছিলুম তা ত
তিনি পূর্ণ করেছেন—স্বামীর বিশ্বাসের
উপর ত এতটুকু আঁচ লাগতে দিইনি!
তবে আমার ভয়, কিসের?

আমি জোর করে বললুম—“আমার
ঘরের দরজা খুলে দে!”

দাসী বললে—“ঘরের চাবি ত আমার
কাছে নেই।”

আমি বললুম—“তবে আমি থাকি
কোথায়?”

দাসী বেশ একটু রুক্ষ স্বরে বললে—
“থাকতে যদি চাও তবে বাগানের মধ্যে
আমার এই খোঁড়া ঘরটাতে থাক।”

আমি তখনকার মত সেই ঘরটাতে গিয়ে
চুকলুম। কিন্তু আমার স্বামী গেলেন কোথা?
দিনের পর দিন যায় তাঁর দেখা পাই নী
কেন? তাঁকে না দেখতে পেয়ে আমার
প্রাণ যে আকুল হয়ে উঠল। বাগানে বসে-
বসে ঐ শূন্য বাড়ীখানার দিকে চেয়ে
কত কথাই ভাবতুম। ঐ ঘর শূন্য করলে
কে? কতবার এ প্রশ্ন মনে উঠেছে। কিন্তু
এর কোনো জবাব খুঁজে পাই নি।

এই বিজন-বাসে কারো দেখা পেতুম
না, কেউ আমার কাছে আসত না, তার
জন্তে আমার কোন দুঃখ ছিলনা। কিন্তু
স্বামীর দেখা পাচ্ছি না এ যে ক্লমহ বেদনা!
আমি কেবল তাঁরই প্রতীক্ষা করতুম।
কেবলি মনে হত—কেন তিনি আসচেন
না?—কেন আসচেন না!

তারপর শীতের শেষ-দিনগুলো বসন্তের
গায়ে ঢলে পড়ল। প্রকৃতির মহলে মহলে

একটা প্রকাণ্ড উৎসবের আয়োজন পড়ে
গেল। চারিদিকেই আনন্দ, কেবল দধিনের
বাতাস আমাদের বন্ধ বাড়ীখানার কাছে এসে
গুম্বরে উঠত।

এমনি একটা দিনে দেখলুম আমার
ঘরের জানলা খোলা হয়েছে। আমি আর
চূপ-করে বসে থাকতে পারলুম না।
বাড়ীর ভিতরে যাবার খিড়কীর কাছে ছুটে
গেলুম। আশ্চর্য্য সেখানে ত দরজা নেই।
ভুল হয়েছে ভেবে মনের আবেগে
পাঁচিলটা আঁচড়াতে লাগলুম। কিন্তু
কোঁথাও দরজা পেলুম না। আমার অলক্ষ্যে
সেখানে কবে যে পাঁচিল গাঁথা হয়ে
গিয়েছে আমি কিছুই জানিনা! আমি স্বীকে
ডেকে জিজ্ঞাসা করলুম—“ওখানে পাঁচিল
গাঁথা হল কেন?”

সে বললে—“জানি না।”

আমি বললুম—“শীগগির যা, খবর নিয়ে
আয়। আমি বাড়ী চুকবো কেমন করে?”

স্বী চলে গেল। আমি বসে কত কথাই
ভাবতে লাগলুম। মনে হল এতদিনে
আমার বিরহের অবসান হল। আজ স্বামীর
স্বায়ে একটি প্রণাম দিয়ে তাঁর ধূলো নিয়ে
কয়েদখানার সংস্পর্শে আমার এই অণুটি
দেহকে পবিত্র করে নেব। এই সব
ভাবছি এমন সময় স্বী স্বামীর হাতের
ছোট্ট একখানি চিঠি নিয়ে এসে দিলে।
আমি ভাড়াভাড়া সেখানা হাতে তুলে নিলুম।
তাতে এইটুকু লেখা ছিল—

—“আমি তোমায় ত্যাগ করি-নি, কিন্তু
সমাজ নরহত্যার পাতকীকে গ্রহণ করতে
নারাজ। কি করব!”

কি করব!—এই সামান্য একটা কথা যেন বজ্রাঘাতের মত আমার মাথায় এসে পড়ল। আমি একেবারে আড়ষ্ট হয়ে গেলুম।

স্বামী কেবলমাত্র বলেছেন—কি করব! তাঁর কি আর কিছুই বলবার নেই? আমাকে বলবার তাঁর সব কথা হঠাৎ এমনি-করেই ফুরিয়ে গেল? ওগো আমার দেবতা, তুমি যে মন্ত্র আমায় দিয়েছিলে, তার অপমান তো আমি করিনি, তবে

তুমি কেন বলেছ, কি করব? তুমি কি না করতে পার? তুমি ত আমার মত অবলা নও—তবে কেন অমন হতাশ হয়ে বলে, কি করব? ওগো আমার হৃদয়ের দেবতা, তুমি যা করবে, সে তো তোমারই হাতে। কিন্তু আমি যে তোমা ছাড়া জানিনা—তুমি বলে দাও আমি কি করব? আমার মন যে লিরুপায় হয়ে কেবল এই কান্নাই কাঁদচে—ওগো আমি কি করি?—কি করি? শ্রীপ্রেমাকুর আতর্ষী।

উদারনৈতিক ভারতবাসীদের রাষ্ট্রনৈতিক আন্দোলন

(ফরাসি হইতে)

উদারনৈতিক ভারতবাসীদের আন্দোলন, উত্তরোত্তর বেরূপ আকার গ্রহণ করিয়াছে তাহার প্রতি লক্ষ্য করা আবশ্যিক।

প্রথমে, সভয়ে-আরক্ত চেষ্টার যুগ। একদিকে ব্রাহ্মসমাজের সভোরা, এবং ঈশ্বরচন্দ্র বিদ্যাসাগর প্রভৃতি সমাজ-সংস্কার-গণ, আচার-ব্যবহার সংস্কারের জন্ত গবর্নমেন্টের নিকট আবেদন করেন; অন্যদিকে হরিশচন্দ্র মুখার্জি ও রামগোপাল ঘোষ গবর্নমেন্টের অন্তায় শাসন হইতে রক্ষিত হইবার জন্ত দাবী করেন। কুড়ি বৎসরের মধ্যে অনেকগুলি রাষ্ট্রনৈতিক সভা সংস্থাপিত হয়:—যথা, কলিকাতায় “British Indian Association” (১৮৫১); পুনর “সার্বজনিক সভা”

এবং বোম্বাইয়ের “Presidency Association”।

আন্দোলনের দ্বিতীয় অবস্থা।

Cobden, Bright ও Gladstone-এর প্ররোচনা ও উদ্দীপনায়, ইংলণ্ডের উদার-নৈতিক পক্ষ উপনিবেশগুলি ছাড়িয়া দিতে ইচ্ছুক হইয়াছিলেন; কেননা, কোন উপনিবেশই সাম্রাজ্যিক (Imperial) নীতি-বর্জিত নহে; এবং সাম্রাজ্যিক নীতি, লোকের মনকে সামাজিক সংস্কার হইতে বিমুখ করে, রাষ্ট্রনৈতিক স্বাধীনতা সম্বন্ধে শ্রদ্ধার লাব্ধি করে। ভারতবাসীরা জানিতে পারিল, স্বয়ং ইংরেজরাই ভারত-

বাসীদিগকে স্বাধীন করিয়া দিতে সমর্থ ও সমুৎসুক। (১)

সিভিল-সার্ভিসের অন্তর্ভুক্ত M. Cotton ১৮৮৫ অব্দে এইরূপ অভিপ্রায় প্রকাশ করিয়াছিলেন :—

“আমাদের কর্তব্যের সহিত আমাদের স্বার্থের মিল আছে। যত শীঘ্র পারি, আমাদের ভারত ছাড়িয়া দেওয়া উচিত। কিন্তু প্রথমে, যুরোপীয়দিগের খন ও প্রাণ বাহাতে রক্ষিত হয়, বাহাতে ভারতের

স্বাধীনতা ও সুশাসন বজায় থাকে তাহা দেখা কর্তব্য... কারণ, রাষ্ট্রনৈতিক ক্ষেত্রে ভারত যেরূপ “নাবালক”ত্বের দৃষ্টান্ত দেখাইয়াছে সেরূপ ইতিহাসে আর কোথাও দেখা যায় না; ভারতে আমরা যে-সকল কর্তব্যের ভার গ্রহণ করিয়াছি, তাহা লঘুভাবে প্রত্যাখ্যান করিবার আমাদের অধিকার নাই। যতদূর জানি, এমন কেহ নাই যিনি এখন আমাদিগকে ভারত হইতে অপমৃত হইতে পরামর্শ দিবেন।

(১) সাম্রাজ্যিক রাষ্ট্রনীতি হইতে বিপদের আশঙ্কা করিয়া উদারনৈতিক পক্ষ যে সকল ভয় ও সঙ্কোচ অন্তরে পোষণ করিয়াছিল, Spencer সেই সকল ভয় ও সঙ্কোচের রীতিমত বৈজ্ঞানিক ব্যাখ্যা করিয়াছেন :

“যুদ্ধ করিতে হইবে, যুদ্ধের জন্ত আয়োজন করিতে হইবে—এই চিন্তাটি ইংরেজদের মনোভাবে এই প্রকার পরিবর্তন আনিয়াছে। প্রথমে, যিনি এই পরিবর্তন আনিয়াছিলেন, সেই লুই নোপোলিয়নের সময় হইতে, ক্রিমিয়ার যুদ্ধ, ভারতের বিদ্রোহ, চীনের যুদ্ধ, আর্ভিসিনীয় ও আশান্তিদের বিরুদ্ধে অভিযান (অর্থাৎ কিছুকাল পরে, আফগান, জুলু ও ইজিপসীয়দিগের বিরুদ্ধে যুদ্ধ) হয়। তাহার পর, আমাদের সামরিক বন্দোবস্তের উন্নতি, এই বন্দোবস্তের দরুন আমাদের সামরিক ভাবের উদ্দীপন, পরমাষ্ট্রে এই একই ভাবের উদ্দীপন সমাজের সামরিক আদর্শে ফিরিয়া আসার তাহার অবশ্যস্বীকারী ফল ফলিয়াছে। প্রথমত, দস্যুবৃত্তির দিকে যে প্রবণতা জন্মিয়াছে, আমি তাহার নির্দেশ করিব। প্রত্যেকবার আক্রমণের যে সকল উপায় অবলম্বন করা হয়, তাহা হইতে নিশ্চয় করিয়া বলা যাইতে পারে আক্রমণ করিতেও আর বড় বিলম্ব হয় না। এখিনীয়দের মধ্যে; শত্রুর অভিযান প্রতিরোধ করিবার জন্ত, স্থল-যুদ্ধ ও নৌযুদ্ধের যে সুব্যবস্থা করা হয় তাহা হইতেই নগর-বিশেষের আক্রমণের ইচ্ছা উৎপন্ন হইয়াছিল। ক্রমশঃ শত্রুর আক্রমণ হঠাইবার জন্ত, রিপাব্লিকের যে সৈন্য গঠিত হয় সেই সৈন্য বিজয়ী হইলে, তাহারাই আবার পরদেশ আক্রমণে উদ্বৃত্ত হইল। আমাদেরও সেই অবস্থা দাঁড়াইয়াছে। চীনে, ভারতে, পলিনেসিয়ায়, আফ্রিকায়, ভারত সন্নিকটস্থ দ্বীপসমূহে, আমাদের সাম্রাজ্য বাড়াইবার ঠিক পূর্বে এই সকল হেতুই (আততায়ীর হেতু প্রদর্শনের অভাব হয় না) প্রদর্শিত হইয়া থাকে।”

পরে, ফিজি দ্বীপ, সামোয়া, শেভেঁয়া, পরক্ প্রভৃতি দখল করিয়া লইবার কথা স্মরণ করাইয়া দিয়া, Spencer আবার এইরূপ বলিতেছেন :—

“কি পালেমেন্ট সভায়, কি সংবাদপত্রাদিতে সর্বত্রই এই মনোভাব।” সুয়েজ, খালের “অংশ” ক্রয়ের বাদানুবাদ-কালে, আমাদের প্রধান মন্ত্রী, ইজিপ্টের ব্রিটিশ সাম্রাজ্যভুক্ত হইবার সম্ভাবনা সম্বন্ধে উল্লেখ করিয়াছিলেন এবং বলিয়াছিলেন যে, ইংরেজরা সাম্রাজ্যকে বজায় রাখিবার ইচ্ছা করিয়া, “সাম্রাজ্যের সীমা বাড়াইতেও ভয় করিবে না”

ভারত যেমন নিজের ঐতিহাসিক ঐতিহ্য স্মরণে হ্রাস করিতে পারে না, ইংলণ্ড তেমনি স্বকীয় অতীত হইতে আপনাকে বিচ্ছিন্ন করিতে পারে না। একটি শিশুকে প্রথমে গ্রহণ করিয়া তাহার পর তাহাকে ব্যাবসায়িক অরণ্যের মধ্যে ছাড়িয়া দেওয়া যে রূপ, রক্ষণের কোন ব্যবস্থা না করিয়া এখনি ভারত হইতে আমাদের চলিয়া যাওয়াও সেইরূপ। আমি যে রাষ্ট্রনীতি সমর্থন করিতেছি তাহা বহুবৎসর পূর্বে, বহু বংশ অতীত হইলে, তবে হয়ত

আমরা হৃদয়ঙ্গম করিতে সমর্থ হইব। কিন্তু, আমাদের সমস্ত চেষ্টার লক্ষ্য স্বরূপ এই রাষ্ট্রনীতিকেই আমাদের চোখের সামনে সর্বদা রাখিতে হইবে। শীঘ্রই হউক, বিলম্বেই হউক; প্রাচ্য জাতিদিগের মধ্যে ভারত আবার তাহার পুরাতন পদগৌরব লাভ করিবে। যাহাতে ভারতের মুক্তি সহজসাধ্য হয়, সেইদিকে আমাদের সমস্ত কার্যকে মনোযোগ করা কর্তব্য।”

এই প্রকার ধাক্কা-বিছাড়া, লর্ড রিপনের উদারনৈতিক শাসন-প্রণালী, “ইলবার্টবিল”

এবং এখন আমরা দেখিতে পাই, সামরিক আয়োজন ক্রমেই বাড়িয়া চলিয়াছে, দেশবিজয়ের স্পৃহা আবার ফিরিয়া আসিয়াছে,—এই সকল হইতে ইহাও দেখিতে পাই, আমাদের সমস্ত প্রতিষ্ঠানেই এই সামরিক আদর্শ ফিরিয়া আসিয়াছে। প্রথমতঃ রাজ্যশাসনে :—নাবিক-সভার কাজ সামুদ্রিক সচিব অধিকার করিয়াছেন; ভারত-সরকারের কর্তৃত্ব ব্রিটিশ সচিব কর্তৃক নিয়ন্ত্রিত হইয়া থাকে; “কোটি” সমূহের নির্বাচিত মণ্ডলী, ইংরেজ জাতির ক্ষতি করিয়া নিজের কর্তব্য কার্য সাধন করে; রাষ্ট্রীয় কার্যের স্থান সামরিক কার্য আসিয়া দখল করিয়াছে; রাজধানীর ও মোকাম্বল পুলিশের কর্তারা সামরিক বিভাগের দোক, পূর্বিভাগে, শিল্পকলা-বিভাগে, সামরিক বিভাগের লোক কর্মচারী নিযুক্ত হয়; রেল-পথ-বিভাগে উহারাই পরিদর্শক হয়, ইত্যাদি। তাহার ফলে, শাসনকার্যে উপর-ওয়ালার প্রভুত্বের দাবী বেশী হইয়াছে, ব্যক্তির দাবী ক্রমশ খর্ব হইয়াছে।”

Spencer সংক্রামক ব্যাধি-সম্বন্ধীয় ও দরিদ্রের সাহায্য-সম্বন্ধীয় নূতন আইনের বিরুদ্ধে প্রতিবাদ করিয়াছেন :—

রাষ্ট্রীয় কর্তৃত্বের কোন সীমা নাই এই তত্ত্বের মৌল স্বীকৃতি হইতে রাষ্ট্রের বিচার-বুদ্ধি সম্বন্ধে বিশ্বাস করিতে কাহারও কোন দ্বিধা হয় না—রাষ্ট্রের এই অসীম কর্তৃত্ব ও বিচার-বুদ্ধিতে বিশ্বাস উভয়ই সামরিক আদর্শের নিজস্ব জিনিস। ব্যক্তির স্বাধীনতার বিরুদ্ধে রাষ্ট্রের কর্তৃত্ব বজায় রাখাই “টোরী”নীতির মূলতত্ত্ব; এবং রাষ্ট্রের কর্তৃত্বের বিরুদ্ধে ব্যক্তির স্বাধীনতা বজায় রাখাই উদারনৈতিকতার মূলতত্ত্ব। শাস্তির সময়ে, উদারনৈতিকেরা কোন বিশেষ ধর্মজনিত অঙ্কমতা যুচাইয়া দিয়া, অবাধ বাণিজ্যে মত দিয়া, মুদ্রাসংক্রান্ত সংক্রান্ত বারণ-বাধামূলক আইন সকল রহিত করিয়া ব্যক্তিগত স্বাধীনতাকে প্রসারিত করেন। কিন্তু এখন দেখ, সামরিক আদর্শ ফিরিয়া আসা অবধি, যাহারা পূর্বে বহু সংস্কার প্রবর্তন করিয়াছিল সেই উদারনৈতিকেরাই, রাষ্ট্রের ক্ষমতা বাড়াইবার জন্য এবং ব্যক্তির ক্ষমতা কমাইবার জন্য “টোরী” পক্ষীদিগের সহিত রেবারেধি করিতেছে” (Principles of Sociology, I. P. 568)। Spencerএর শেষ গ্রন্থ “Fact and Comments”এ Spencer এত দূর পর্যন্ত বলেন যে, ইংরেজদের এখন যে রূপ রাষ্ট্রনীতি ও মতামত দাঁড়াইয়াছে তাহাতে মনে হয় আধুনিক ইংরেজের মধ্যে আবার বর্বরতা ফিরিয়া আসিয়াছে।

হইতে সমুখিত রাষ্ট্রনৈতিক বাদানুবাদ, ইংলণ্ডে উদারনৈতিক পক্ষের লোকপ্রিয়তা, গ্লাডষ্টোনের প্রভাব-প্রতিপত্তি, Home-Ruler আইরিশদিগের প্রচেষ্টা—এই সমস্ত নব-হিন্দুদিগকে মাতাইয়া তুলিল। অধীনতা হইতে মুক্তিলাভের পূর্ব-আয়োজনস্বরূপ ভারতের জন্ত, পार्लेमेंटेर ত্রায় একটা নির্বাচন-মূলক রাষ্ট্রতন্ত্র গঠিত হইবার সময় উপস্থিত হইয়াছে বলিয়া অনুভূত হইল।

Hume প্রমুখ কতকগুলি ইংরেজ এই আন্দোলনকে যথাপথে চালাইবার জন্ত অগ্রসর হইলেন; ক্রমে এই আন্দোলন কংগ্রেস সংস্থাপনে পর্য্যবসিত হইল। যে-হেতু ইংলণ্ড ভারতকে পार्लेमेंटे দিতে অস্বীকার করিতেছেন, অতএব ভারত নিজেই নিজেকে পार्लेमेंटेর অধিকার প্রদান করিবেন; অবশ্য এই পार्लেमेंटेর “ভোট”, আইনের মঞ্জুরী প্রাপ্ত হইবে না; তাহা না হইলেও অন্ততঃ ভোটের দ্বারা ভারতবাসীদের দাবী কর্তৃপক্ষকে জানান যাইতে পারিবে।

কংগ্রেস প্রতিবৎসর এক একটি প্রধান নগরে সম্মিলিত হইয়া থাকে। সার্বজনিক সভা-সমিতি হইতে, ম্যুনিসিপাল সভা হইতে, জিলার সভা হইতে, বর্ধমণ্ডলী ও ধর্ম-মণ্ডলী হইতে, প্রতিনিধি নির্বাচিত হইয়া কংগ্রেসে প্রেরিত হয়।

প্রথম কংগ্রেস (৭১ জন প্রতিনিধি) বসিয়াছিল বোম্বাই নগরে (১৮৮৫);

সভাপতি ছিলেন W. C. Banerji; দ্বিতীয় কংগ্রেস কলিকাতায়; ৪৩১ জন প্রতিনিধি; প্রসিদ্ধ আন্দোলনকারী দাদা-ভাই নোরোজি সভাপতি ছিলেন। তৃতীয় কংগ্রেস রসেস মাদ্রাজে; ৬০৭ জন প্রতিনিধি; মুসলমান Hon'ble বক্রুদ্দিন তয়াবজী সভাপতি ছিলেন (২)। চতুর্থ কংগ্রেস (আহমেদাবাদ)—১২৪৮ জন প্রতিনিধি; কলিকাতার একজন ইংরেজ বণিক M. Yule সভাপতি ছিলেন।

প্রথম সম্মিলনগুলি বেশ উৎসাহে যোগায় হিন্দুদের মাথা ঘুরিয়া গেল; তাহাদের বিশ্বাস হইল; পार्लেमेंटेর ত্রায় নির্বাচন-মূলক রাষ্ট্রীয়-সভা বৃদ্ধি গঠিত হইয়াই গিয়াছে। কংগ্রেসের সাধারণ সম্পাদক M. Hume দুই চিঠি বই লিখিলেন; উহা দেশ-ভাষায় অনুবাদিত হইয়া মজুর ও চাষাদিগকে বিতরিত হইল। উহাদের মধ্যে একটি চিঠি, একজন উকীল ও একজন গ্রামের মোড়ল—এই উভয়ের কথোপকথনের আকারে লিখিত হইয়াছিল। তাহার মধ্যে এইরূপ কতকগুলি বাক্য আছে, যথা:—

“মোড়ল।—আপনি কি বলিতে চান আমরা সরকারের সহিত লড়াই করিব? যদি আমরা নাহেবদিগকে খুন করি তাহা হইলে আমাদের কি দশ্য হইবে? একে-বারেই অরাজকতা হইয়া উঠিবে। অবশ্য ইহা তোমাদের অভিপ্রায় নহে।

উকীল। ভগবান তাহা হইতে আমা-

(২) মুসলমানের সাধারণতঃ কংগ্রেসের প্রতিকূল—Life and Work of Syed Ahmed Khan প্রদর্শন।

দিগকে রক্ষা করুন! সে মহাপাপ। এই বেচারী সাহেবদিগকে মারিয়া কি ফল? তাঁদের মধ্যে অনেকে ভাল লোক আছেন।”

গভর্নমেন্ট মনে করিলেন, বিদ্রোহ ও হত্যাকাণ্ডকে মন্দ বলিলেও, বিদ্রোহ ও হত্যাকাণ্ডের কথাটা উত্থাপন করাটাই আর কিছু না হোক—সুবিবেচনার কাজ নহে। গভর্নমেন্ট প্রথমে, গ্রাসনাল কংগ্রেসের প্রতি উদাসীন ছিলেন, এখন হইতে স্পষ্ট বৈরী হইয়া উঠিলেন। ইহা সত্ত্বেও, প্রতিনিধিরা কংগ্রেসের রাষ্ট্রনৈতিক, আর্থিক, সামাজিক সঙ্কল্প (Resolution) ভোট দিতে নিবৃত্ত হইল না। তন্মধ্যে কংগ্রেসের কতকগুলি সঙ্কল্প গ্রাসনাল, কতকগুলি অকাল-পক্ষ, আবার কতকগুলি উগ্রচণ্ড ও নিতান্ত অসঙ্গত।

এক্ষণে, এই সঙ্কল্পগুলির মধ্যে যেগুলি উল্লেখযোগ্য, তাহার বিচার-আলোচনা করা যাক।

ব্যবস্থাপক সভার নির্বাচন-মূলক নিয়ম প্রবর্তিত করা।—১৮৯২ অব্দের আইনের দ্বারা এই সঙ্কল্প অনেকটা কার্যে পরিণত হইয়াছে; কিন্তু কংগ্রেস এই সম্বন্ধে আরও কতকগুলি সংস্কার দাবা করেন।—যাহাতে ব্যবস্থাপক সভা প্রকৃত পালেমেন্টে পরিণত হইতে পারে। কিন্তু নির্বাচনের প্রণালী স্থির করাই কঠিন কার্য। ম্যনিসিপ্যাল সভা ও ডিসট্রিক্ট সভার জন্ত এমন একটা জন-সংখ্যা নির্দিষ্ট হইয়াছে যাহাতে করিয়া অধিবাসা-

বর্গের ১/১০ ভাগ বাদ পড়িয়া যায়। নির্দিষ্ট সংখ্যাত্তর এই নির্বাচকদিগের অধিকাংশ ভোট দেয় না; এমন একজন বণিক পাওয়া অসম্ভব। যে নাগরিক এলাকার প্রতিনিধি হইতে ইচ্ছুক হইবে, এমন একজন ভূম্যধিকারী পাওয়া যায় না যে পল্লি-এলাকার প্রতিনিধি হইতে ইচ্ছুক হইবে। (৩)

পঞ্জাব প্রদেশে ব্যবস্থাপক সভা ও হাইকোর্ট সংস্থাপন।—গভর্নমেন্ট প্রথম প্রস্তাবটি আপাতত স্থগিত রাখিয়াছেন।

বঙ্গদেশের গ্রাম সমস্ত প্রদেশে ভূ-রাজস্বের চিরস্থায়ী বন্দোবস্ত করা।—এই প্রকার ব্যবস্থা রাজস্বমূলক সমস্ত নিয়মের বিরুদ্ধ হইবে।

শাসন-বিভাগ ও বিচার-বিভাগের কার্য সম্পূর্ণরূপে পৃথক করিয়া দেওয়া।—এই সংস্কারে আরও ব্যয়বৃদ্ধি হইবে—অন্ততঃ এক্ষণে উহাতে বেশী সুবিধা হইবে কি?

বিলাতের “প্রিভি-কৌন্সিলে”র পুনর্বিচার কার্যে উক্ত সভার সদস্যরূপে আইনজ্ঞ ভারতবাসীকে নিয়োগ করা।—কথাটা গ্রাসনাল সঙ্গত। তবে, এখন বিবেচনা করিতে হইবে, প্রিভি-কৌন্সিলে আপীল রহিত করিয়া দিয়া কলিকাতা হাইকোর্টের ক্ষমতা বৃদ্ধি করিলে ভাল হয় কি না?

অষ্ট্রেলিয়া, ও দক্ষিণ-আফ্রিকায় ভারত-বাসীকে বাসস্থাপন করিতে অনুমতি দান।—ভারতবাসীরা ব্রিটিশ-সাম্রাজ্যের সমস্ত অংশে বাসস্থাপন করিবার যে-অধিকার

(৩) : সর্বজনীন নির্বাচনের অধিকার-মূলক পদ্ধতির অধীনে ভারতের বিরূপ দশা হইবে গণ্ডিচেরীর নির্বাচন-কার্যে তাহার পরিচয় পাওয়া যায়।

দাবী করিয়াছে তাহা ঠায়াসঙ্গত। কিন্তু তাহা হইলে উপনিবেশ রাজ্যগুলির সহিত ইংরেজ-গভর্নমেন্টের সংঘর্ষ ও ঝনাস্তুর উপস্থিত হইবে। অতএব দেখা যাইতেছে ইহারা কোন উপায় নাই। (৪)

পুলিসের সংস্কার-সাধন—সকল পক্ষেই মতে, এই সংস্কার-কার্যটি অপরিহার্য।

ইংলণ্ড ও ভারতে এক সময়েই পরীক্ষা গ্রহণে সিভিলসার্ভিসের জন্ত কর্মচারী সংগ্রহ করা। এই সংস্কার বাঞ্ছনীয় বলিয়া প্যারলিমেন্ট সভা মত দিলেও, ভারত-সরকার বরাবরই ইহার প্রতিকূল।

ভারতের জন্ত এবং ভারতীয় সৈন্য যে সকল অভিযান করে সেই সকল অভিযানের জন্ত ইংরেজ সৈন্য রাখিতে ব্যয় হয়, সেই ব্যয়ভার ইংলণ্ডের বহন করা কর্তব্য।—এ দাবীটার নিশ্চয়ই একটু ষাড়া-বাড়ি আছে। কারণ, ভারত রক্ষার জন্ত ভারতীয় সৈন্য যথেষ্ট নহে এবং কুড়ি বৎসরের মধ্যে যে সকল যুদ্ধে ভারত-সরকার প্রবৃত্ত হইয়াছিলেন, সাম্রাজ্যের সীমান্তপ্রদেশ রক্ষা করাই সেই সকল যুদ্ধের উদ্দেশ্য ছিল।

ভারতবাসীদিগকে অস্ত্র-ব্যবহারের অধিকার দান। এই অধিকার দিলে বিদ্রোহ ও ঘরোয়া যুদ্ধ বাড়িবে।

যাহাতে ভারতীয় যুবকগণ সামরিক কর্মক্ষেত্রে প্রবেশ করিবার জন্ত প্রস্তুত

হইতে পারে, তাহাদের জন্ত সেইরূপ কতকগুলি বিদ্যালয় স্থাপন করা; তাহা হইলে ইংরেজ সৈনিক-কর্মচারীরা যে-সকল উচ্চ পদে ক্রমশ উন্নীত হয় সেই সকল পদ-সোপানে ভারতীয় সৈনিক কর্মচারীও উন্নীতে পারিবে।

তাহার পর, আর্থিক উন্নতির উপায় অবলম্বন করা। এই বিষয় সম্বন্ধে পরবর্তী পরিচ্ছেদে আলোচনা করা যাইবে।

বস্তুত, কংগ্রেসের অধিকাংশ সঙ্কল্প কার্যে যাহাতে পরিণত হয়, সেদিকে প্রতিনিধিদের ভেমন একটা আন্তরিক আগ্রহ ছিল না। সরকারী ও বে-সরকারী সভা লইয়া যাহাতে কতকগুলি (Commissions) অনুসন্ধান-সমিতি গঠিত হয় মুখ্যরূপে ইহাই তাহারা চাহিতেছিল। তাহারা ভাষা করিয়াছিল, যদি তাহারা এই অনুসন্ধান-সমিতিতে প্রবেশ লাভ করিতে পারে তাহা হইলে এই সুযোগে শাসন-কার্যকেও কতকটা নিজের আয়ত্তের মধ্যে আনিতে পারিবে। কিন্তু গভর্নমেন্ট কংগ্রেসের অনেকগুলি সঙ্কল্পের দ্বারা অনুপ্রাণিত হইলেও,—পাছে ভারতে এক-প্রকার প্যারলিমেন্ট প্রতিষ্ঠিত হইয়া পড়ে, এই আশঙ্কায় কমিশন গঠনে অস্বীকৃত হইলেন।

শ্রীজ্যোতিরিন্দ্রনাথ ঠাকুর।

(৪) Colored races restriction and regulation act দ্বারা (New Wales of the South 1896) ১৮৪৪ অব্দের চীনীয় সংক্রান্ত আইনের সর্ভ ও ক্ষমতা, সমস্ত এসিয়াখণ্ড ও অ্যাফ্রিকা-খণ্ডের লোক পর্যন্ত প্রসারিত হইয়াছে।

স্বীকার

(৬)

“আমাদের ফেরবার সময় শীত শেষ হয়ে এসেছিল। হরিদ্বারের পথে ও-পাশের রোহিলখণ্ড রেল ধরে ক্রমশ দেশের দিকেই আসছিলাম। অযোধ্যার পর কয়েজাবাদের ট্রেনে উঠে মোগলসরাইয়ে গাড়ী বদল কর্তে হয়। বৈশীক্ষণ সময় নাই, বেলাও শেষ হয়ে আসছিল। রাত্রিটা গাড়ীতে কাটাতে হবে,—বাবুরা খাবার সন্দেশ ও গৃহিণীরা ফল-মূলের সন্ধান করছিলেন; আর সময় পাব না ভেবে আমি একটু সন্ধ্যার উপায় হয় কি না ভাবছি, এমন সময় গাড়ী এসে পড়ল। বাবুরা বল্লেন, “আর না, চলে এস, মেল বৈশীক্ষণ দাঁড়াবে না। ভিড় হয়ে যাবে, শীগ্গির এগিয়ে চল।”

প্রত্যেক কামরার পানে চাইতে চাইতে তিনি খুব জোরে জোরে চলছিলেন; মুখের ঘোমটা তুলে আমি প্রায় তাঁর সঙ্গে সঙ্গে যাচ্ছিলাম, কিন্তু সুলাজী দিদি ও আরও দুটি ঘোমটা-টানা মেয়ে আমাদের অনেক পেছিয়ে পড়েছিল।

ও-পাশে আরও একখানা গাড়ী লেগেছে, এটার লোক ওটার চলেছে, কাজেই ভিড়ে অত-বড় প্লাটফর্মখানিও ঘেন বোঝাই হয়ে গেল। ঠেলাঠেলি, আগে যাবার কোঁক, ধাক্কা, পুরুষেরাই ব্যতিব্যস্ত হয়ে পড়েছিল, মেয়েদের কথা বলাই বাহুল্য!

এমন সময় আমাদের সঙ্গে বিধবা বোটির অশ্রুট চাঁৎকার ও সেই সঙ্গে দিদির গলায়—“আ মর মিসে, তুই কেরে? ওর গায়ে হাত দিস কেন? ওরে ও হারাণ, দ্বাখনা” ইত্যাদি সভয় ধ্বনি শোনা যেতেই পিছনে চেয়ে দেখলাম—বিত্তী ব্যাপার! একজন কালো পোষাক-পরাক—ফিরঙ্গী—কি অমনি-কিছু হবে, সে সেই ছেলেমানুষ বোটির পিছনে একেবারে গায়ে সঁটে দাঁড়িয়েছে, যেন পাশে আর জায়গাই নাই! আমাদের পাড়ারগায়ে ছেলেটি তাকে—“বাঃ সায়েব, সরে দাঁড়াও না” বলে ঠেলা দিলেও সে নড়চে না। আমি “ও রায়মশায় দেখুন” বলে ডেকে নিজেও আগাবার চেষ্টা করতে লাগলাম।

এক-পাল মেয়ে, সঙ্গে পুরুষেরা কে কোথায় ভিড়ে মিশে গেছেন, তা দেখতে পেলাম না। “তোমরা ত দু-পা এগিয়ে হাঁটতে জান না, তাইত মানুষে মেয়েমানুষ নিয়ে পথে বেরতে চায় না। এই সাহেব, দেখতে পাচ্ছনা না কি?” বলে বড়বাবু ফেরবার চেষ্টায় কোনমতে গা-নাড়া দিচ্ছিলেন মাত্র; ভয়ে সরে সরে বোটি প্রায় রাস্তার ধারে গাড়ীর কাছে এসে পড়েছে, আর একটু হলে পড়ে যায় আর কি—তবু সে পাজি লোকটা সরে যাচ্ছিল না, যেন কতই অন্তমনস্ক—এমনি ভাবে তার গা-ঘেসে চলেছিল। ভয়ে লজ্জায় আমার সে বড়ো বয়সের রক্তও হিম হয়ে গেছিল,

আর সে কিচি মেয়েটির কথা একবার ভাবুন, বাবা।

কিন্তু সেই সময় একখানা হাত হঠাৎ পিছন থেকে এসে তার ঘাঁড়ে পড়ল। জ্বোরে টান, এক হেঁচকানিতে সে ছিটকে সরে গেল। তারপরই—ইংগিজিতে কি সে বকুনি! এমন সতেজ স্বর, এমন প্রবল কথার টান—যে, স্টেশনের অত হৈ-হৈ শব্দ ডুবিয়ে সে বকুনির আওয়াজ সবারি কানে পৌঁছলো। ফিরিস্কাটাও ভয় পেয়ে গোলে কোথায় সরে পড়ল দেখা গেল না।

তিনি একজন বাঙালী, পাশের কামরায় বসেছিলেন, ব্যাপার দেখে নেমে এসেছেন। ইতিমধ্যে আমাদের বাবুরাও জুটে পড়লেন। অনেক কথা, এঁদের ধন্যবাদ, তার জন্ত তাঁর বিনয়,—ইত্যাদির মধ্যে আমি আশ্চর্য্য হয়ে দেখছিলাম,—তাঁকে কোথাও আগে দেখেছি কি না?

সন্দেহ বৈশীক্ষণ রইল না; গায়ে সাদা জামা, রেশমী উড়ানি, সম্পূর্ণ বাঙালী-বেশ বলেই চিনতে দেরি হয়েছিল। ইনি সেই তিনি, যাকে মারাঠীদের সঙ্গে দেখেছিলাম।

তাঁর পরিচয়ে বাবুরা এমন কি মেয়েরা পর্য্যন্ত খুসি হয়ে উঠলেন। বৌমা তখনো “উনি আর-জন্মে আমার বাপ ছিলেন” বলে ফুলে-ফুলে কাঁদছিল। ভিড় প্রায় চলে গেছে, আমরা আন্তে আন্তে এগুচ্ছিলাম। সেই রোগা লোকটির সম্বন্ধে প্রশ্ন হলে শুনলাম—তার কলেরা নয়, সে মরেনি এবং বোধ হয় মরবেও না। তবে বহুদিনের পুরানো রোগী, খুব দুর্বল হয়ে

পড়েছে বটে। তার ভাই বাঁদিকুইয়ের পানিপাঁড়ে; ইনি সঙ্গে এসে তাদের বাড়ী পর্য্যন্ত পৌঁছে দেছেন, ডাক্তারকেও বলে এসেছেন, ইত্যাদি।

দিদি শিউরে উঠে আমার কামে কানে বল্লেন, “কি সর্বনাশ—শুনলি? ব্রহ্মহত্যা হচ্ছিল!”

সে কথাটা আমার তেমন কাণে গেল না, রায় মহাশয় তখন সালঙ্কারে নিজের পরিচয় শেষ করে তাঁর কথা জিজ্ঞাসা করছিলেন, “নিজ কল্কাতাতেই মিশায়ের বাড়ী?”

“হাঁ, তবে এলাহাবাদেই থাকতে হয় প্রায়।”

“কি কাজ-কর্ম করা হয়? উকিল, না—?”

“আজ্ঞে না, এই ছেলেদের পড়াই।”

“ওঃ!” বাবুর স্মরণে মুহূর্ত্ত অবজ্ঞা। তিনি বল্লেন, “তা ও মারাঠীদের সঙ্গে কোথায় যাচ্ছিলেন?”

তিনি একটু হেসে বল্লেন, “তাঁরা আমার বন্ধু, তাঁদের নিমন্ত্রণে আমার বরোদা যেতে হয়েছিল, তার পর তাঁরা দিল্লী গেলেন—আমিও সেই সঙ্গে ছিলাম।”

“তার পর এখন বুঝি বাড়ী যাচ্ছেন—আপনার নাম?”

আমি তখন একটু আশ্চর্য্য হয়েই দেখেছিলাম, তাঁর অনেকখানি বয়স, মাথার চুল বেশির ভাগই পাকা, গঠন সবল হলেও মুখে-চোখে বার্কিকোর দাগ পড়েছে। কিন্তু নামের কথা উঠতেই সে প্রবীণ মুখে ছেলেমানুষের মত লজ্জার হাসি জেগে উঠল। “আমার নাম? সে আর এমন কি, —হয় তো জানেন, আমি—”

যেন সে মানুষই নয়, এমনি মুহু স্বর, হালকা. ভাব—বাবুও হেসে বলেন—“ভার আশ্চর্য্য কি? কলকাতার মানুষ আপনি, আমিও প্রায় সেখানেই থাকি, তা জানা আর বেশী কথা কি? তবু বলুন দেখি, নামটি আপনার, দেখি, মনে হয় কি না?” বলে তাঁর মুখের উপর তীক্ষ্ণদৃষ্টি তুলে ধরলেন।

“সাক্ষাৎ হয়-নি, বোধ. হয় চিনতে পারবেন না। স্বর্গীয় মহেন্দ্রনাথ হালদার মশায়ের নাম শুনেছেন কি? আমি তাঁরই বড় ছেলে, লোকে “আমায় শচীন হালদার বলে।”

আমাদের বড় বাবু তাঁর জমিদারী ও ব্যবসা-ছাড়া অন্তদিকে মন, কান, ও দৃষ্টি দেবার প্রথম যে অবসরটুকু পেয়েছিলেন, তাতে সুদূর ভবিষ্যৎ পরকালের জন্ত কিছু সঞ্চয়ের আশাতেই এই তীর্থ-ভ্রমণে ধৈর্য্যে-ছিলেন; বাইরের খবর কিছু রাখতেন না, জানতেনও না। তাই সে নামটি শুনেও চিন্তেন না। তাঁর স্মরণ হল, শুধু হালদারদের কথা—“চোরবাগানের হালদাররা কি?”

“আজ্ঞে হাঁ।”

“তবে ছেলে পড়াতে এলাহাবাদে এসেছেন কেন?”

তিনি হেসে বলেন, “এমনি। তাতে সুবিধাও আছে অনেক,—উঠুন, মেয়েদের তুলে দিন,—ঘণ্টা বাজল।”

“হাঁ, পাশের কামরায় রইলাম, আবার দেখা হবে।” বলে বিদায় নিয়ে এঁরা আগে চললেন, তিনিও হাত জোড় করে নমস্কার দিয়ে পিছিয়ে গেলেন।

গাড়ী চলতে লাগল। একটু গুয়ে পড়েছিলাম। এতদিন উৎসাহের উত্তেজনায় সর্দাগ্রে খাড়া থাকতাম আমিই,—গুছিয়ে নেওয়া, সাজিয়ে দেওয়া, রাত্রি জাগা—অন্যক্রে তুলে দেওয়া, এমন কি বাসা ও ক্রেনের সব শেষের সামগ্র্য স্থানটুকুতে মাথা গুঁজে পড়ে থাকাতিতে পর্য্যন্ত আমার দুঃখের নয়, বরং সম্মানেরই অধিকার ছিল। আজ আমার উৎসাহে কেমন ভাঁটা পড়ে এল। যার জন্ত ক্রেশকে ক্রেশ বলে বোধ হয়নি এতদিন; তা শেষ হয়ে গেল বলে,—পথের অবসানে ঘরে ফিরে যাচ্ছি বলে, কিছা কি জানি কেন, আর নড়তে ইচ্ছা হচ্ছিল না। মাথা ভেঙ্গে যাচ্ছিল, সর্কাজে দারুণ অবসাদ। দিদি যত্ন করে আমায় একটা আসন আলাদা ছেড়ে দিচ্ছিলেন, সে বাড়াবাড়িটুকু হেসে উড়িয়ে আমি একপাশে গা গড়ালাম।

খানিক পরে বোমা আমার পাশে এসে চুপি চুপি প্রশ্ন করলে—“কোন শচীন হালদার মাসিমা,—সেই তিনি, আমাদের শচীনবাবু না কি?”

“বোধ হয়,—কি জানি—”

“না, না, ঠিক তিনিই, মুখ দেখলেন না? ঠিক তাঁর কটো—ইদানীংকার ছবির মত যে—?”

তুল হয়নি, কিন্তু আশ্চর্য্য বোধ হচ্ছিল যে, শচীন বাঘুকে আমি চিন্তে পারলাম না কেন? বোমা বলে, “আমাদের শচীন বাবু।” কথাটা ঠিক,—তাঁর নানা ভাবের নানা ছাঁদের লেখা গল্প বিশেষ কবিতা পড়ে পড়ে আমাদের বাংলা দেশটার এমন

এক প্রকাণ্ড দল তৈরি হয়ে উঠেছিল, যারা যখন-তখন অসঙ্কোচে তাঁকে, “আমাদের শচীন হালদার” এমন কি “আমাদের শচী” বলতেও একটু দ্বিধা বোধ করত না। ফুটোর কথা উঠল বটে, কিন্তু সেটা প্রয়োজন ছিল না। তাঁর মুখ চোখ চেহারা—কেউ ভাবত না, মানত না, তবু লেখা পড়ে সেই কবিতার কল্পনার আকারে সবারি মনে তাঁর এমন একখানি ছবি আঁকা হয়ে গেছিল, যার তলায় শুধু ঐ নামটি মাত্র লেখা চলে। হাট-পা নাড়া, কথা কওয়া—খাওয়া-শোয়া-বেড়ানো—অন্ত আর-কিছু তার সঙ্গে মানায় না। সে শচীন হালদার—সকলেরই শচীন বাবু, এর মধ্যে যে কোন মানুষ আছে—সে জানে কি পুরুষ, তার হিসাব নেবার ইচ্ছা বা অবকাশও কেউ চাইত না!

আমিও তাঁকে জানতাম—মানতাম, বরং—হাঁ, ছেলেবেলা থেকে নিজের নারীত্বের সম্বন্ধে আমি নিজেই আত্মবিশ্বস্ত ছিলাম। সত্যি বাবা, সে আমার বেশ একটু গর্বের আর আনন্দের জিনিষ ছিল। লেখক-দলের মধ্যে যার লেখা আমার পছন্দ হত, তাঁকেই মনে মনে বন্ধু বলে ধরে নিতাম। শচীন্দ্রনাথ! তাঁর, বয়স কি রূপ কে ভেবে খুঁজে মরে? সুকুমার সুন্দর নামটির মাথায় হাত বুলিয়ে আদরের বন্ধুটির মত চিরদিন আমি—“এটা যে আমাদের শচীর”—“শচীনের লেখা পড়ছ?” এমনি অবহেলার বা ষাই-হোক ভাব ও ভাষা ব্যবহার করে এসেছি।

তাঁকে চিন্তে পারলাম না কেন?

ফটো তঁ হাজার বার হাজার রকমের দেখেছি,—তবে? বিস্মিত হচ্ছিলাম—ভাবছিলাম,—হঠাৎ মনের মধ্যে একটা বড় আলো জ্বলে উঠল। এ শুধু ছবি নয়, ছায়া নয়, কল্পনাও নয়,—একজন মানুষ—জাগ্রত, জীবন্ত প্রত্যক্ষ প্রকাশিত দিব্য পুরুষ! একটা দিন দেখেই—শুধু আমি একা নই, অনেক পুরুষ অনেক নারীর চিত্তই একসঙ্গে তাঁর স্মৃতিতে মাথা লুইয়েছিল। তাঁরই মূর্তি তাঁরই চিন্তার সঙ্গে—আমাদের সেই আদরের শচীন,—আঃ, তখনো পর্যন্ত যে আমি দুজনের অভেদ কল্পনাকে মনে স্থান দিতে পারছিলাম না! ইনি যে সে হতে পারেন, এমন আভাষ-টুকু পর্যন্ত আমার মনে উদয় হয়নি। প্রথমে সেই ট্রেণে ত আমি তাঁকে দেখিনি বলেই হয়, তবু এ ট্রেণে হঠাৎ দেখে, সেই সুদীর্ঘ বলিষ্ঠ দেহখানি যে ঠিক তাঁরই, এ আমার চিন্তে ভুল হয় নি। যার যত ছবিই দেখা থাক, কিন্তু সে সবল ঋজু বাহু যে তাঁর ছাড়া আর কারো সম্ভবে, তা আমার মনে আসেনি,—কেন কি জানি!

নরের মধ্যে উত্তম, পুরুষ-সত্তম, তিনি। আমাদের কবির কোমল সুন্দর মায়াচিত্র-খানি যেন তাঁর জ্যোতির মধ্যে ধীরে ধীরে মিলিয়ে যাচ্ছিল। যাক, আমি বাধা দিলাম না, চোখ বুজে পড়ে রইলাম। খুব অন্তর্কণ, মিনিট কয়েক বোধ হয় একটু ঘুমিয়েও ছিলাম। জেগে উঠে বসে দেখি, আঁধার হয়ে গেছে, স্মৃতিতে সন্ধ্যার চাঁদ, চলন্ত ট্রেণে জোর বাতাস, কিন্তু তার

সঙ্গে এত বেশী আমার মুকুলের গন্ধ
মিশেছে যে—

তব্বা ভেঙ্গে আমার মনের ভাবটা
কিছু ফিরেছে বোধ হল। শচীন্দ্রনাথের
কবিতাগুলো যেন এক অখণ্ড মুক্তা-
মালার মত চোখের সুমুখে ছলতে ছলতে
ঘুরতে শুরু করলে।

মুক্তার মালা? হাঁ, তারি মত মূল্যবান
বটে কিন্তু তার সাদৃশ্য কি শুধু মণি-
মুক্তার সঙ্গে হয়? সে যে আমাদের
ফুলের মালা! এই বাংলা দেশে যেখানে
ষত ফুল ফোটে, বাগানের বেল, যুঁই,
চামেলী, বনের ভাঁট, ছাতিম, কেহু—বড়
গাছের চাঁপা, ছোট ঝোপের সন্ধ্যামণি,
গৃহস্থের উঠানের করবা হতে শর্ষে ক্ষেতের
বিছানো সোনাগুলি পর্যন্ত,—সবগুলি যেন
মিলিয়ে সাজিয়ে নিপুণ শিল্পীর হাতে গাঁথা
সে কী বিচিত্র হার!

ফুল, শুধু ফুল! এইবার আমার সেই
জ্যোতির্ময় দেবতার বিপুল দেহখানি যেন
ফুলে ফুলে ছেয়ে যেতে লাগল। মাথায়,
গলায়, হাতে,—আর কিছু না, এবার আর
কোন ফুল নয়, আমাদের পুরাণ-পুঁথির
সেই “অম্লান পঙ্কজ-মালা”, সেই “লীলা-
কমল”, সেই সহস্র-দলমেলা সূর্যালোকের
ফুল!

সে নিজের হাতে এই ফুল তুলেছে—
সাজিয়েছে। আহা, কি সুন্দর ঐ অমল-
ধবল আসন-পদ্ম, আর তার চেয়েও কি
রাঙা ঐ তার মানস-দেবতার পায়ের
তলার হৃদয়-কমলটি! আমার মনে
হচ্ছিল—থাক, সে কথার প্রয়োজন নাই।”

রমা একটু থামিলেন। তাঁহার মুখে
আবার উত্তেজনার ভাব দেখা দিল।
গুরু নীরবে চাহিয়াছিলেন; ক্রমকাল পরে
মুহূ হাসির সহিত রমা কহিলেন,—
“প্রয়োজন নাই, তাই বা কে বল্লে? সেই
কথাটুকু বন্বার জন্তই তো এত হাবড়-
হাটা বকে যাচ্ছি। বাবা, আপনি হয় তো
বুঝতে পেরেছেন? প্রথমটা আমিও খুব
চমকে উঠেছিলাম, তারপর অনেক ভেবে
অনেক অনুভব করে দেখেছি, আসল
হিসাবে আমার তাতে সঙ্কোচের কিছুই
নাই। তবে কথা সত্য,—শচীনের নিজের
হাতে গড়া আমার মনের সেই রাঙা
পদ্মটিতে—আপনি তার লেখা পড়েছেন,
বাবা?”

মুহূস্বরে গুরু বলিলেন, “পড়েছি রমা।”

“তবে মুখ হেঁট করছেন কেন? তার
লেখা, তার আদর্শ—ও বাবা, সত্যি বলুন,
তবে কি আপনারও ধারণা এই যে আমি
যা করেছি, তা পাপ?”

“তুমি ইচ্ছা করে কিছুই করনি মা,
স্বতরাং পাপ নয়, ভুল।”

“ভুল! সে কি? ভুল মোটে নয় বাবা।
আমি জানতাম—কিন্তু সত্যি, প্রথমে আমিও
এমনি বিচলিত হয়ে পড়েছিলাম। আঃ
বাবা, সব-প্রথমটুকু যেন স্বপ্ন—মোহ! তাঁর
সঙ্গে একগাড়ীতে চলেছি, সামনের চাঁদে
তাঁরও দৃষ্টি পড়েছে, এই বাতাস তাঁর—

বিল্বী! মোগলসরায় থেকে হাওড়া,
পঞ্জাব মেলের দ্রুতগতি সময়ে ঐ একটি
রাত্রির মধ্যে ছটিবার—আমার জীবনের
মধ্যে মাত্র ছটি দুর্বল ক্রম এসেছিল। একটি

ঐ অতর্কিত আনন্দ, দ্বিতীয়—সে কথাটুকুও বলি।

আবার কাপড় মুড়ি দিয়ে লুটিয়ে পড়ে-ছিলাম, একটু তজ্জার মত বোধ হচ্ছিল যেন। হঠাৎ দেখি, ট্রেন থেমেছে, দিদি ডাকছেন—“ও রমা ওঠনা, ছাখ্, হাবু এয়েছে, বিজয় এয়েছে,—জামাই, ও বাড়ীর বটঠাকুর, ওঠ্ ওঠ্।”

বুঝলাম, এই বাঁকিপুর। আমাদের অনেকগুলি প্রবাসী আত্মীয় ছেলেপুলে নিয়ে দেখা কর্তে এসেছিলেন। নমস্কার, আশীর্বাদ, প্রসাদ ও ফুল দেওয়া—গাড়ীখানা খুব জম্কে উঠেছিল তখন। আমাদের সেই বৌ আর তার বয়সী বালবিধবা মেয়েটি এক পাশের জানালায় ঘোঁমটা দিয়ে বসেছিল। হঠাৎ বৌটি এসে বলে,—“মাসিমা, শচীন বাবু!”

আমি বললাম,—“তাতে কি হল?”

“কিছু না, চা খাচ্ছেন।”

“সে আর আশ্চর্য্য কি!” বললাম বটে এ কথা, কিন্তু দৃষ্টি এড়ালো না,—নজর পড়ল, একটু-দূরে তিনি আরও-কয়েকজন লোকের সঙ্গে চা এবং আরও-কি খাচ্ছেন বটে।

ব্যাপার কিছু নূতন নয়! টেবিল চেয়ার পেয়ালার পিরীচ্ খাওয়া পানীয় ও মানুষ, তার মধ্যে আশ্চর্য্য-কিছু ছিল না ত, কিন্তু আমার চোখে সহসা তা কেমন অদ্ভুত ঠেকেল! শচীন হালদার—না, আমার মনের সেই জ্যোতিঃ-কিরীট-ধারী নমস্ত মহাপুরুষ, তিনি যে চোখের সামনে বসে সাধারণ মানুষের মত পেয়ালার থেকে চা

চেনে খাচ্ছেন, প্লেট থেকে খাবার তুলে নিচ্ছেন, পাশের চাপরাশির পানে চেয়ে কি কথা জিজ্ঞাসা করছেন—এ সবই যেন তাঁর পক্ষে অনাবশ্যক, অদ্ভুত, সে যেন এক রকম-ক্বী—যেন অত্যন্ত কুৎসিত বলে মনে হল!

মানুষ, এই আমাদের মতই মানুষ! তিনি শচীননাথই হোন আর আমার আদর্শ দেবতাই হোন—তবু মানুষ বটে! রক্ত-মাংসে গড়া দেহধারী মানুষ! আর তার পর? শুধু, মানুষ বলেই সব শেষ হয়ে যাচ্ছেনা ত, যাকে এতক্ষণ আমি তাঁর দীপ্তি বলে, শোভা বলে—দেখে আনন্দ বোধ করছিলাম, এখন সেই আলোটাই শিখার মত এসে আমার সর্কাজে জ্বালায় স্পর্শ ছুঁয়ে দিলে। ঐ যে বলিষ্ঠ-হৃদয় বলশালী লোকটি, উনি আর যাই হোন, কিন্তু তারি সঙ্গে তাঁর প্রধান পরিচয় যে তিনি একজন পুরুষ!

কথাটা মনে হতেই আমার প্রাণ অর্থাৎ অন্তরের নারী-প্রকৃতিটি যেন চম্কে শিউরে উঠল। একটু পূর্বের সেই সময়টুকু কি আনন্দে কি অপরূপ কল্পনায় ডুবে গিয়েছিলাম আমি! সাগরকে যারা ভালবাসে, তার নাম, তার বর্ণনা শুনে মনে ছবি এঁকে রাখে; তার হঠাৎ চোখের স্রুমুখে সেই সীমামূর্ত্ত নীলিমার অপূর্ব রূপ দেখে যেমন প্রথমটা—

রমা একটু স্তব্ধ হইলেন। তার পর আবার বলিলেন,—“এখন মনে পড়লে হাসি পায় বাবা, এত অল্প সময়ের মধ্যে ছটো পরস্পর-বিরোধী ভাব,—সে যেন কি অদ্ভুত! মুহূর্ত্তমধ্যে আমার নিজের ভিতর-

কার সমস্ত আশুনি আমার নিজের পরেই জলে উঠল। গাড়ীর কামরায় বসে তখন আমার সেখানটাকে নরক তুল্য মনে হতে লাগল। নিজের মন, আপনার চোখেও অবিশ্বাসী বলে ধারণা এসেছিল—সেই রাত্রিটুকুর জন্ত। বড় বড় টেশনে অনেক-ক্ষণ গাড়ী দাঁড়াচ্ছিল, কিন্তু আশুসকলকে শোবার ঠাই ছেড়ে দিয়ে আমি গিয়ে একেবারে মেজের উপর শুয়ে পড়েছিলাম। সে রাত্রির মধ্যে আর উঠিনি। চেয়েও দেখিনি যে আমার সঙ্গিনীরা কে কি করছে।

ভোরের আলো দেখা দিলেই গাড়ী হাওড়ায় দাঁড়াল। শেয়ালদার গাড়ী ধরে আমাদের বাড়ী যাবার কথা। আমাদের মধ্যে ছ-চার জনের আত্মীয়ের বাড়ী কলকাতায়। তাঁরা দুদিন সেখানে বিশ্রামের কথা বলেন। আমি ঝাঁক ধরে বললাম—“না, আজই যাওয়া চাই আমার।” তখন আমার ইচ্ছা হচ্ছিল যে, পারি ত এখনি কাশী চলে এসে আপনার সঙ্গে দেখা করি। আমার সেই কথা শুনে দিদি বলেন, “তাই হবে, এর মধ্যে চল, গঙ্গানানটা সেরে নি।”

আমাদের গ্রামের কাছে গঙ্গা নেই; খুব বিশেষ জাঁড়া না হলে গঙ্গানানের উপায় হয় না। তা-ছাড়া সত্যি সত্যি আমি আমার এই মা-জননীকে বড় ভালবালি বাবা। তাই দিদির কথা শোনবামাত্র আমার বিচ্ছিন্ন মনটার উপর যেন একটা সুস্থতার আনন্দের হাওয়া বয়ে গেল। ভিড়ের মধ্যে কারো পানে না চেয়ে একেবারে তাঁর সেই অগাধ প্রচুর তরঙ্গায়িত জলরাশির কাছে এসে দাঁড়ালাম। সে কী তাপ-হরণ অমিয়-

ক্ষরণ জল! তার পরশ পেয়ে যেন আবার নূতন জন্ম পেলাম আমি—”

রমার স্বর মৃদু হইয়াছিল, একটু বাধা দিবার অছিলায় গুরু বলিলেন, “এই ঠিক মা। তোমরা হিন্দুনারী, তোমাদের এই ভাবটিই সত্য। কোন আকস্মিক মোহের ক্ষণিক অন্ধতা, মনের চিরদিনের জলন্ত পুণ্যের ভক্তির আলোতে এমনি করেই কেটে যায় যে। আর যা বল্ছিলে, সে সব শুধু কতকগুলো বাজে নাটক-নভেল বা তাঁর চেয়েও সাংঘাতিক ঐ-এখনকার বিদেশী ছায়ার উন্মাদক ভাব-মাখা নূতন শ্রেণীর কাব্য পড়ার ফল।”

ব্যাকুলভাবে রমা বলিলেন; “না, না বাবা, না, অমন কথা বলবেন না। আমার দৌর্ভাগ্যকে দোষ দি, তা বলে আর কিছুকে দোষী করা ভুল। তাই তো জিজ্ঞাসা করছিলাম যে শতাব্দির কাব্য আপনি পড়েছেন কি না? আমার ক্ষুধার সমস্ত দৈন্ত নিয়ে জীবন শেষ করলাম। এবার তো সব গুণী এড়াচ্ছি। শতাব্দিনাথের সেই অমৃত-সাগর থেকে পাণ্ড জল তুলে নিয়ে এখন তাঁর কাছে যাচ্ছি— মার কাছে সত্যের আনন্দের একটি বিলুও উপেক্ষার নয়।”

গুরু নিশ্বাস ফেলিয়া বলিলেন, “সত্যের বিচার, সে যে বড় কঠিন জিনিষ মা।”

“নিশ্চয় বাবা, নিশ্চয়, তার কোন ভুল নেই। তারি শাপ-দেওয়া ধারের মুখে পড়েই তো সে রাত্রিটা অমন নরক-যন্ত্রণা ভোগ করেছিলাম। তারপর ধীরে ধীরে বুঝলাম, আমার জীবন, সংস্কার, অভ্যাস,

ও শিকার সঙ্গে সে সত্য যত-বড় আকার ধরুক না কেন, তার চেয়েও বড়—বিশাল—বিরাট সত্য আরও আছে। সেই দিনই যে আমি তাঁকেও দেখলাম বাবা! আনন্দের সূত্র যে স্বয়ং এসে আমার বৃকের সব আঁধার ঘুচিয়ে সূর্য্যের মত উদয় হলেন! গঙ্গাজলে ডুব দিয়ে যখন সেই সকালের সোনালি রোদের মধ্যে মাথা তুললাম, চোখের উপর, মুখের উপর, বৃকের উপর ভগবানের সেই মূর্তিমান জ্যোতি—জ্বলন্ত সূর্য্য হাস্তে লাগলেন—”

রমার চোখে জল আসিল, বহিরা মুখে পড়িতে লাগিল। একটু থামিয়া তিনি বলিতে লাগিলেন, “সেই গঙ্গাজলের মাঝখানে দাঁড়িয়ে মনে হল যেন আমার বৃকের মাঝের এই ভাঙ্গা-গড়া তোল-পাড়-ব্যাপারের মধ্যে আমার ভাববাসা শতদলের মত ফুটে উঠল। সে যেন জলের উপর বহুদিন মাথা তুলে খাড়া ছিল, কিন্তু দলে-দলে আঁটা, চাপ-ধরা—এমনভাবে বন্ধ ছিল যে জলকেও চিনত না, আকাশকেও দেখতে পেত না। আজ যেন সে প্রথম সূর্য্যালোক দেখে—নিজের বৃকের গন্ধ নিজে পেয়ে মুক্তির মধ্যে বিকশিত—”

“রমা—”

“চম্কাবেন না বাবা, আমি সত্যি বলছি, সে দিন আমি যে সূর্য্যকে দেখলাম, সে আমার আগের দেখা অচেতন জড় অগ্নি-পিণ্ডমাত্র নয়; আমার মনে হল আমার চিরদিনের দিনমণি এসে দাঁড়িয়েছেন। আমার বৃকের মাঝের সেই

ফোটা ফুলটির দলে-দলে, কেশরে-কেশরে তাঁর বর্ণ, তাঁর আভা—”

গুরুর মুখে দারুণ অস্থিরতা দেখা দিল। সবেগে তিনি বলিলেন, “এত ভুল বুঝেছ মা?”

রমার স্বর শান্ত হইয়া আসিতেছিল; মৃদু স্বরে তিনি বলিলেন, “ভুল বুঝিনি, কিন্তু কি বুঝেছি তাও বোধ হয় আপনাকে বোঝাতে পারব না। আমি কার কথা বলছি, বুঝেন না? শিশুকাল থেকে বাঁকে জলে-স্থলে, পাষাণে-গুত্তলে, পূর্ণঘণ্টে আর শূণ্য আকাশে—সর্বত্র মাথা হুইয়ে এসেছি, আমি সেদিন তাঁরই দেখা পেয়ে ছিলাম বাবা—”

“একটু স্থির হও মা, এত কথায় তোমার অনিষ্ট হচ্ছে।”

“হোক, ক্ষতি নেই। একটু শর্তানের কথা বলব কি, বাবা? এই পাঁচ বৎসরে আমি তাকেও অনেকবার ভেবেছি। কত অবিশ্বাস, কত সন্দেহ এসে আমার পীড়া দিয়ে গেছে! তাই তো এই কাশী পালিয়ে আসা, আপনাকে এত কথা বলা। কিন্তু সত্যি তাকে ত আমি একটুও ঘৃণা করি না। তার কথা মনে করতে আমার আনন্দই আসে এখন। তাঁর কাছে আমি কৃতজ্ঞ।

জন্মান্তরের চোখের তারায় আবরণ যে চিকিৎসক টেনে তুলে দেন, যার মুখ দেখে কাণ্ড প্রথম-মানুষের ধারণা পায়, সে তাঁর উপর কৃতজ্ঞ থাকে না কি? এই দুর্ভাগ্য নারীজন্ম আমার! স্বামী, সন্তান—কারো জন্তু ত বৃকের এক ফোটা রক্ত

কর হর নি! প্রথম-মানুষ বলতে যেখানে
একটুখানি ছুঁচ ফুটল, তার মুখে এত রক্তও
কি বেরল! আমার বুক শূন্য করে—
বলকে বলকে—”

“একটু শান্ত হও মা—যিচ্ছে এত
অনুতাপ করছ কেন?”

“অনুতাপ! কেন, কি আমি। বুঝি,
এ অনুতাপও নয়। তাঁকে আমি চাইতাম,
ডাক্তারাম, তিনি আমার জীবনের কোন খোলা
সোজা দরজা দিয়ে না এসে এমনভাবে,
এলেন কেন, বলুন দেখি? কারা পার না বুঝি?
চিনেও চেনবার জো নাই, বুঝিও বোঝা
যায় না—”

রুগ্নার খাস ক্রমেই উর্ধ্বে উঠিতেছিল।
তাঁহার গুহ কণ্ঠে গজাঙ্গল সিঞ্জন করিয়া
গুরু বলিলেন, “আর কি, বল?”

“যদি কিছু দোষ থাকে আমার, আপনার
চরণে যে সব নিবেদন করে যাচ্ছি—”

“ইংরাজি ভাবের অনুসরণ করছ মা?
আমার কাছে এই ত্রম-স্বীকার—বেশ,
তাতেই যদি তোমার শান্তি হয়, তাই
সত্য হোক।”

“ইংরাজি-সংস্কৃত এখন আমি আলাদা
বেধতে পারছি না যে বাবা। এক তিনি,
—আমার সেই তিনি—সমস্ত তীর্থের দেবতা,
আমার এই প্রাণ-কাটা কারার—এই ডব -

বেশী-চাওয়ার ছল ভ মণি, দেশের বিদেশের
বেধান দিয়ে হোক যেমন করে হোক,
তাঁকেই, আমি চাই,—তাঁকে—বাবা,
আমার সেই তাঁকে—”

“সত্যি, মানুষেই ভুল বোঝে। আমি
যা বুঝতে পারছি না, সে প্রহেলিকাও ক্রমে
সহজ হয়ে যাবে। তাঁর নামের শক্তি যে
অমৌষ, তাঁর নাম কর মা।”

“তাঁর কি নাম, গুরু? পৃথিবীর সমস্ত
শব্দ সমস্ত অক্ষর সবই কি তাঁর নাম
নয়? আমার প্রাণ যে এই শেব-কারার
চীৎকারে চেঁচিয়ে মরছে, এর প্রত্যেক
ধ্বনিটুকুও যে তাঁর নাম, আমার
বৈকুণ্ঠেশ্বর, আমার ত্রিজগদীশ্বর—আমার—
আমার সব-কিছুরি ঈশ্বর—”

“মা, মা, বল গজা-নারায়ণ-ব্রহ্ম! বল
তারক-ব্রহ্ম-রাম—বল—”

রুগ্নার দৃষ্টি স্থির হইয়া আসিতেছিল,
কণ্ঠ মূহ; তবু স্পষ্ট স্বরে তাঁহার গুণ্ঠে
উচ্চারিত হইল—

“বাহা কিছু আছে সকলি বাঁপিয়া
হৃদয় ছাপিয়া ভুবন ব্যাপিয়া,
দাঁড়াও যেখানে বিরহী এ হিয়া

তোমারি লাগিয়া একেলা আগে।”

সখাপ্ত

শ্রীহেমনলিনী দেবী।

'বসন্ত-বিলাস :

আজি	ফাল্গুন-বন-পল্লব-ছায় কোন্ কোন্ রঙ, ফুটল ?
কেন	কিংক ক ফুল চীন বাস গায় চঞ্চল হ'য়ে উঠল ?
	পিল পঞ্চম গায়,
	বয় দক্ষিণ বায়,
নাচে	ফুল-হিন্দোল ছন্দের দোল—ঘোমটাব জের টুটস ।
হাসে	মুন্দর মুখ, খঞ্জন চোখ, জ'ফ'রান্-রঙ অফল ;
নাহি	নৃত্যের শেষ, সঙ্গীত-রেশ, ফুল-বাণ সব চঞ্চল ।
ওই	আনমন্ চম্পায়
মান	স্বপ্নের আবছার
কার	যৌবন লোল হাসের রোল, রূপ-দর্পণ বলনল ?
এল	জ্যোৎস্নার রাত, বকুর সাথ নন্দন-ফুল-শযা ;
পেল'	রঙ্গের ফাগ, চুবন-রাগ—লজায় দাঁও লজ্জা ।
	মল্লীর গৌরভ
চুমে	কুশল-গৌরব—
ওরে	চায় প্রাণ মন আপ্নার জন, বন-ময় ফুল-সজ্জা ।
ওরে	কঙ্কণ-সুর ঝঙ্কার তোল, আয় ফুল-মৌ পান কর,
জাগে	বংশীর তান, হর্ষের বান, রাত-ভোর গীত-নিবারণ ;
খোল	কাঞ্চীর বন্ধন,
হোক	উন্মদ ধূম,
খসে'	যাক ওড়নার কাঞ্চন পাড়, কুঞ্জের কুণ্ডনার 'পর ।
ওরে	খোল অর্ধেক উন্মীল চোখ, অঞ্জন আর কাজ নেই,—
ওলো	আলতার লাল পা'র তল যার মঞ্জীর তার বাজবেই ;
আজি	উৎসব-লগ্ন,
ভূজ-	পল্লব নগ্ন,
জাগে	বল্লভ তোর বকের ঠাই, তজ্জার বোর ছুটবেই ।

বুকে তাল দেয় ওই রত্নের হার—ডুব দেয় সব অন্তর,
 আঁকি' চন্দন-রস-আল্পন আজ ধ্যান কর প্রেম-মন্তর,—
 সুর- মন্দার-গন্ধি,
 প্রিয় পর্শন-বন্দী
 ওই সুরের মুখ যৌতুক দিক উহেল প্রাণ মন তোর।

শ্রীকরণানিধান বন্দ্যোপাধ্যায়।

সৌজাত্যবিদ্যা সম্বন্ধে যৎকিঞ্চিৎ *

সৌজাত্যবিদ্যা প্রয়োগ-বিদ্যা। জীবতত্ত্ব এবং বিশেষরূপে তাহার শাখা—বংশানুক্রম-তত্ত্বের উপর ইহার ভিত্তি। জীবতত্ত্ব ও বংশানুক্রমতত্ত্ব যে-সকল নিয়মের আবিষ্কার করিয়াছে—সেইগুলিকে সমাজক্ষেত্রে প্রয়োগ করাই সৌজাত্যবিদ্যার কাজ।

সৌজাত্যবিদ্যার উদ্দেশ্য জাতির উৎকর্ষ বিধান (race-culture) করা। মানুষই জাতির প্রধান সম্পত্তি। যে-জাতির মধ্যে যথেষ্ট-পরিমাণ দেহ-ও-মনে-সবল মানুষের উদ্ভব হয় সেই জাতিই উন্নতির পিথরে আরোহণ করে; এবং বাহার মধ্যে শারীরিক ও মানসিক রোগক্রিষ্ট ব্যক্তির আধিক্য দৃষ্ট হয় তাহার পতন অবশ্যস্তাবী। সুতরাং জাতির উন্নতি সাধন করিতে হইলে সর্বপ্রথমে সুস্থ, সবল ও বুদ্ধিমান মানুষ সৃষ্টির উপায় করা দরকার। আধুনিক

সমাজসংস্কারকেরা অনেকেই এই কথাটা তলাইয়া বুঝেন না। পরিবেষ্টনী (Environment) ও ক্ষেত্র উভয়ই ভবিষ্যৎ-মানুষের উপর প্রভাব বিস্তার করে সন্দেহ নাই; কিন্তু আধুনিক বংশানুক্রমতত্ত্বের হিসাব-মতে পরিবেষ্টনী অপেক্ষা ক্ষেত্রের প্রভাব অনেক বেশী।—কার্ল পিয়ার্সন বলেন প্রায় দশ-গুণ বেশী। (১) সুতরাং বিজ্ঞান-সমুদায়ী চলিতে হইলে পরিবেষ্টনী অপেক্ষা ক্ষেত্রের দিকেই বেশী দৃষ্টি দেওয়া উচিত। কিন্তু সকল-দেশেরই সমাজসংস্কারকেরা যে-সব বিষয় লইয়া সচরাচর আন্দোলন করেন, সেগুলির অধিকাংশই পরিবেষ্টনীর সঙ্গে জড়িত। এমন কি পরিবেষ্টনী সংস্কারের জন্য তাঁহারা যেরূপ উৎসাহ দেখান, ক্ষেত্র সংস্কারের জন্য তাহার শতাংশের একাংশও মন দেন কিনা সন্দেহ। ফলে অধিকাংশ

(১) ইতিপূর্বে কেহ কেহ "Eugenics" এর বদলে "সুপ্রজনন তত্ত্ব" শব্দ ব্যবহার করিয়াছেন। কিন্তু কিছুদিন হইল রবীন্দ্রনাথ ঐ অর্থে "সৌজাত্যবিদ্যা" শব্দের প্রয়োগ করিয়াছেন। আমরা রবীন্দ্রনাথের অনুসরণ করাই প্রেরণ বসে করিলাম।

(২) Problems of Practical Eugenics—Karl Pearson.

হলেই তাঁহাদের পরিশ্রম বার্থ হইয়া যায়।

বংশানুক্রমতঃ অনেকদিন হইল কতকগুলি নিম্নের আবিষ্কার করিয়াছে। আমরা জানি যে পিতামাতার গুণসম্ভার হইতেই সন্তানের শারীরিক ও মানসিক গুণাবলীর উদ্ভব। যে-যে-গুণ পিতামাতার মধ্যে বর্তমান, সন্তানের তাহাই মূলধন; তাহা অপেক্ষা নূতন-কিছু লইয়া তাহার কারবার করিবার উপায় নাই। কেবল তাহাই নহে। পিতামহ-পিতামহী, মাতামহ-মাতামহী ও উর্দ্ধ অস্তিত্ব পূর্বপুরুষের গুণাবলীও পিতামাতার মধ্য দিয়া সন্তানের মধ্যে সংক্রান্ত হয়। এ-সব কথা আরও কিঞ্চিৎ বিস্তৃতভাবে “ভারতী”তে প্রকাশিত হইয়া একটি প্রবন্ধে পূর্বে আমরা বলিয়াছি। বাহাইউক মোটামুট এই কথাই আলোচনা করিলে আমরা দেখিতে পাইব যে দেহ-ও-মনে-উৎকৃষ্ট সন্তান পাইতে হইলে শুধু যে সেইরূপ উৎকৃষ্ট পিতামাতার দিকে লক্ষ্য রাখিতে হইবে তাহা নহে, উর্দ্ধতন পূর্বপুরুষের উপরও লক্ষ্য রাখিতে হইবে। কারণ জীববিজ্ঞানের মতে হইতিন পুরুষ পরেও কোন কোন গুণ হঠাৎ নিম্নতন পুরুষে দেখা দেয়। (২)

সুতরাং জাতির উৎকর্ষ বিধান করিতে হইলে বধন সর্বাগ্রে দেহ-ও-মনে-উৎকৃষ্ট মানুষ সৃষ্টির দরকার, তখন উহার জন্ত চাই মৈহিক ও মানসিক রোগমুক্ত সংবৃত্তিশালী পিতা-মাতা। কেবল তাহাই নহে, তাহার

জন্ত পিতামহ-পিতামহী, মাতামহ-মাতামহী প্রভৃতি উর্দ্ধতন পূর্বপুরুষদের গুণাবলীর প্রতিও লক্ষ্য রাখা দরকার। এককথায় ইহাকেই বলে ক্ষেত্র। উচ্চতর-সন্তানের উপর এই ক্ষেত্রেরই প্রভাব বেশী। পারিপার্শ্বিক অবস্থা বা পরিবেষ্টনীর প্রভাবও যে আছে তাহা বলাই বাহুল্য। কিন্তু আপাততঃ আমরা সেগুলির কথা কিছু বলিব না। ক্ষেত্রের কথা বলাই আমাদের বিশেষ উদ্দেশ্য।

এই ক্ষেত্রের সংস্কার করিতে হইলে পিতামাতানির্বাচন—এককথায় বিবাহের দিকে সর্বাঙ্গকে বেশী কথিয়া মনোযোগ দিতে হইবে। অর্থাৎ বর ও কন্যা উভয়ের উর্দ্ধতন পূর্বপুরুষদের মধ্যে কোন মৈহিক ও মানসিক বিকৃতি আছে কিনা তাহা দেখিতে হইবে। যে-সমস্ত মৈহিক ও মানসিক ব্যাধি বংশানুক্রমে সংক্রান্ত হয় বলিয়া জানা গিয়াছে—তাহাদের কোন সূচনা উভয় পক্ষের মধ্যে পাইলে বিবাহ নিষিদ্ধ করিতে হইবে। পাত্র পাত্রী নির্বাচনে সম্বংশ ও বিত্তবীজ প্রভৃতির প্রতিই লক্ষ্য রাখিতে হইবে। অর্গ, মান, সম্মত প্রভৃতি নীচ উদ্দেশ্য অবলম্বন করিলে সমাজ ও জাতি দ্রোহিতা করা হইবে।

অনেক ভদ্রব্যক্তি এই কথা পড়িয়া হাসিয়া হসত বলিবেন যে বিজ্ঞানবিজ্ঞান এত বাগাড়ম্বর করিয়া এই অতি সাধারণ কথা বলিবার কোন প্রয়োজন ছিল না; উহা সকলেই জানে ও সকলেই ঐরূপ

(২) See Darwin—The Origin of Species.

করিয়া থাকে। কিন্তু একটু নিরপেক্ষ হইয়া ভাবিলেই দেখা যাইবে যে মানুষ মুখে যত বড়াই করুক না কেন, নিজেদের সম্বন্ধে বিজ্ঞানবিদ্যার সাধারণ নিয়মগুলোও বড়-একটা মানিয়া চলে না। পোড়া, গরু, কুকুর, পাখী প্রভৃতি নানাবিধ পোষা-প্রাণী অথবা নানারূপ উদ্ভিদ জন্মাইতে মানুষ বিজ্ঞানবিদ্যার খুবই প্রয়োগ করিয়াছে,— বিশেষ কষ্ট ও পরিশ্রম করিয়া ঐ সকলের উৎকর্ষ সাধন করিয়াছে; কিন্তু নিজেদের জাতির উৎকর্ষসাধনের জন্ত তাহার তুলনার কিছুমাত্র চেষ্টা করে নাই বলিলেই হয়। এক্ষেত্রে তাহার বিজ্ঞানবিদ্যা অনেকটা পুঁথিগতই রহিয়াছে। তাহা না হইলে আজ মানবসমাজে আমরা এত দুর্বল, ক্লম, পঙ্গু, মানসিক-বিকারগ্রস্ত লোকের আধিক্য দেখিতে পাইতাম না। ধন, মান, বংশমর্যাদা প্রভৃতির দোহাই দিয়া, নানারূপ স্বার্থের প্ররোচনায়, কামের তাড়নায় প্রতিনিয়তই ত সমাজে অযোগ্য বংশবিস্তারের সুবিধা হইতেছে ও সমাজের অধঃপতনের পথ প্রশস্ত হইতেছে। আজ এই সভ্যতা ও বিজ্ঞানের যুগে আমরা যদি তাহার প্রতিকার করিতে না পারি, তবে বৃথাই আমাদের বিজ্ঞানের বড়াই।

আসল কথা সমাজ ও জাতির মঙ্গলের জন্ত ব্যক্তিগত-স্বার্থকে বলি দিতে এখনও মানুষ অভ্যস্ত হয় নাই। কিন্তু জাতির উৎকর্ষ বিধান করিবার প্রধান উপায় এই স্বার্থ-বলি। নিজের ক্ষুদ্র সুবিধা ত্যাগ

করিয়া বাহাতে জাতি ও সমাজের স্বার্থ মঙ্গল হয় তাহাই আমাদের লক্ষ্য হইবে। সেই উদ্দেশ্যে যদি সমাজকে ব্যক্তিগত উচ্ছৃঙ্খলতা দমন করিবার জন্ত শক্তি প্রয়োগ করিতে হয় তাহাও করিতে হইবে। যে-বিবাহ এ-যাবৎ প্রায় ব্যক্তিগত ব্যাপারই আছে, তাহাকে সত্যরূপে সামাজিক ব্যাপার করিয়া তুলিতে হইবে। ভবিষ্যতে সমাজই পাত্রপাত্রী নির্বাচন করিবে, উৎকৃষ্ট সন্তানের যাহাতে উদ্ভব হয় তাহার উপায় করিবে। যাহারা যোগ্য তাহাদিগকেই কেবল বংশবিস্তারের অনুমতি দেওয়া হইবে; যাহারা অযোগ্য,—ক্লম, দুর্বল, বা বিকারগ্রস্ত—তাহাদিগকে দূষিত বীজের দ্বারা সমাজ ধ্বংস করিতে প্রশ্রয় দেওয়া হইবে না। ইউরোপের কোন কোন পণ্ডিত এমনও কল্পনা করিতেছেন যে ভবিষ্যতে প্রত্যেক দেশে Marriage Board বা বিবাহ-সমিতির প্রতিষ্ঠা হইবে। সেই বোর্ড হইতে ডাক্তারেরা পরীক্ষা করিয়া যাহাদিগকে সার্টিফিকেট দিবেন কেবল তাহারাি সমাজ ও জাতির মঙ্গলার্থে বিবাহ করিবার অনুমতি পাইবে। (৩) অবশ্য এ কল্পনা কার্যে কখনো পরিণত হইবে কিনা সন্দেহ। কিন্তু ভবিষ্যতে জাতির উৎকর্ষের জন্ত সমাজকে যে এখনকার চেয়ে বেশী-করিয়া বিবাহ-ব্যাপারের উপর দৃষ্টি দিতে হইবে—সে বিষয়ে সন্দেহ নাই। যে-সকল সমাজ এই বিষয়ে অমনোযোগী হইবে তাহারাি ভাবনযুক্ত পিছাইয়া পড়িবে।

Eugenics বা সৌজাত্যবিজ্ঞান এই সকল উপায় ও উদ্দেশ্য সম্বন্ধে কতকগুলি গুরুতর আপত্তি শোনা যায়। একটা আপত্তি এই যে যদি বিবাহ সম্বন্ধে সৌজাত্যবিজ্ঞান এই সকল প্রস্তাব কার্যে পরিণত করা যায়, তবে তাহাতে জাতির উৎকর্ষ বিধান যতটা হউক আর নাই হউক, সমাজ হইতে মনুষ্যজ্ঞানবোধ লোপ পাইবে, যাহাদিগকে আমরা অযোগ্য বলিতেছি— সেই সকল শারীরিক ও মানসিক দুর্বলতাপূর্ণ লোকদিগকে এইরূপ কঠোরভাবে বর্জন করিতে থাকিলে মানব জন্মের কোমল অংশটি আমরা হারাওয়া বসিবে;— প্রেম, মায়াম, প্রেম, ভালবাসা, স্নেহ, শ্রদ্ধা, অমুকম্পা— প্রভৃতি বৃহৎ ক্রমে ক্রমে মূঢ় হইয়া যাইবে; জাতির দৈহিক ও মানসিক বাহ্যিক দিকে এত বেশী দৃষ্টি দিতে গিয়া, ব্যক্তিগত মনুষ্যত্ব-বিকাশের একটি বিশেষ অন্তরায়ের সৃষ্টি করিয়া তুলিবে। পশুপক্ষীপ্রভৃতি নিয়ন্ত্রণের প্রাণীর মধ্যে প্রাকৃতিক নির্বাচন যতই প্রমোজনীয় হউক না কেন, মানবসমাজে আমরা তাহাকে এত কঠোর করিয়া তুলিতে পারি না। বরং বাহাতে প্রাকৃতিক নির্বাচনের এই কঠোরতা দূর করিতে পারি, তাহাই আমাদের মনুষ্যত্বের একটি সাধনার বিষয়।

একটু তলাইয়া দেখিলেই বুঝা যাইবে যে এই আপত্তির কোন মূল্য নাই। কারণ সৌজাত্যবিজ্ঞান অযোগ্যকে সমাজ হইতে তাড়াইয়া দিতে বা তাহাদিগকে বনবাস দিতে বলে না। সে বলে

বাহাতে ভবিষ্যতে সমাজে অযোগ্যের উদ্ভব আর না হয় তাহাই কর; বাহাতে অযোগ্যেরা বংশবিস্তারের সুবিধা না পায় তাহাই দেখেই দৃষ্টি রাখ। অযোগ্যদের উপর যে দয়া, মায়াম, শ্রদ্ধা, অমুকম্পা, ভালবাসা প্রভৃতি ভাল বর্জন করিতে সৌজাত্যবিজ্ঞান কখনই বলে না। বরং একটু দূরদৃষ্টির সন্ধিও এই সকল ব্যতির ব্যবহার করিতে পরামর্শ দেয়। শুধু বর্তমানের মানবের জন্ত নয়, বর্তমান ও অনাগত সমস্ত মানবের যাহা মঙ্গল, তাহার জন্ত চিন্তা করাই আমাদের কর্তব্য।

কিন্তু আর একটি আপত্তি এই হইতে পারে যে নিশ্চয়ভাবে শুধু সমাজের মঙ্গলের জন্ত বৈজ্ঞানিক বিবাহ অসম্ভব। নরনারীর প্রেম ব্যতীরা একটা কথা আছে। সেই প্রেম সৌজাত্যবিজ্ঞান বা বংশানুক্রমের দ্বারা ধরে না। সুতরাং বিবাহব্যাপারে এই প্রেমের কথাটিও ভাবিতে হইবে;—শুধু বংশানুক্রম গইয়া যাহা ঘামাইলেই চলিবে না। যেখানে বনকল্পার প্রেম হইবে সেখানে হয়ত সৌজাত্যবিজ্ঞান মার্টিফিকেট দিবে না; আর যেখানে বংশানুক্রমের নিয়ম মিলিয়া যাইবে সেখানে হয়ত দম্পতীর প্রেমের সামগন্ধও থাকিবে না। আর জীববিজ্ঞানেও বলে যে দম্পতীর মনের মিল থাকা উৎকৃষ্ট সন্তান-উৎপাদনের পক্ষে একটি প্রধান কথা। যে দম্পতীর মধ্যে ভালবাসা নাই তাহাদের উৎপন্ন সন্তান মেহ ও মনে ভাল হইতে পারে না।

উপরোক্ত কথাগুলি কিয়ৎপরিমানে সত্য সন্দেহ নাই। কিন্তু একটু চিন্তা

করিলে বুঝা যাইবে যে, জাতির মঙ্গলের দিকে দৃষ্টি রাখিয়া এ সমস্তাও এড়ানো যাইতে পারে। সকল ক্ষেত্রেই যে বিবাহেব পূর্বে বরকন্য়ার প্রেম হয় তাহা নহে। বিবাহের পর পরস্পরের সাহচর্যেই অনেক স্থলে প্রেম জন্মায়। বাহাকে আমরা first love বা প্রথম-প্রণয় বলি তাহা যে সকল সময়েই স্থায়ী প্রণয়ে পরিণত হয়, তাহাও নহে। অনেক স্থলে তাহা যৌবনের মোহ মাত্র। সুতরাং জাতির মঙ্গলের দিকে দৃষ্টি রাখিয়া যদি আমরা দেহ ও মনে সুস্থসবল দম্পতীর মিনন এটাইয়া দিই, তবে অনেক স্থলেই যে তাহাদের মধ্যে প্রেমের সঞ্চার হইবে ও তাহাতে উৎকৃষ্ট সম্ভানের জন্ম হইবে তাহাতে সন্দেহ নাই। তবে এরূপ হইতে পারে যে অযোগ্যদের মধ্যেও অনেক সময় গভীর প্রেমের সঞ্চার হইতে পারে, বা একপক্ষ অযোগ্য, আর-এক পক্ষ যোগ্য এরূপ নরনারীর মধ্যেও প্রেম জন্মিতে পারে। সে অবস্থায় আমরা কি করিব? সেই প্রেমকে কি আমরা বাধা দিয়া হৃদয়হীনতার পরিচয় দিব? কবি ও প্রেমিকের এই কঠিন প্রশ্নের উত্তরে আমরা এই বলিতে পারি যে প্রেম ও কাম এক নহে। নরনারীর মধ্যে প্রেম হইলেই যে যৌনসম্মিলন হইবে এরূপ কোন কথা নাই। যদি অযোগ্য নরনারীর মধ্যে সত্যি প্রেম জন্মিয়া থাকে, বেশত তাঁহারা বিবাহ করিয়া মনের সুখে থাকুন, বৈজ্ঞানিক তাহাতে বাধা দিবেন না। কিন্তু তাঁহারা যেন কাম ও হৃর্ষল সন্তান উৎপাদন করিয়া

জাতির অমঙ্গল না ঘটান। তাঁহাদের দাম্পত্যস্বক্ক মানসিক ও আধ্যাত্মিক হউক, দেহের সঙ্গে যেন কোন সম্পর্ক না থাকে। কখনো একটু অদ্ভুত ঠেকিতে পারে। কিন্তু যে সভ্য-মানব বিজ্ঞান প্রেমকে উচ্চাসনে বসায় পূজা করিবার মন্ত্র প্রচার করিতেছেন তাঁহার নিকট হইতে বৈজ্ঞানিকের বোধ হয় এই দাবী করা অনায়াস হইবে না। সভ্যমানব সমাজ ও মঙ্গলের জন্তই সন্তান উৎপাদন করিবেন, কামের বশবর্তী হইয়া করিবেন না, ইহা বোধ হয় বিজ্ঞানবিজ্ঞানগণিত বিংশশতাব্দীতে আশা করা যাইতে পারে।

অনেকে আর-একটা কথা বলেন যে জাতির অগুণত প্রত্যেক ব্যক্তির দেহ ও মনের সুস্থতা ও সবলতার জন্ত অত বাস্তব হওয়ার প্রয়োজন নাই,—ওটা বাড়াবাড়ি! জাতির প্রধান সম্পত্তি যে প্রতিভাশালী ব্যক্তি। এই প্রতিভা প্রায়ই আত সাধারণ পিতামাতা হইতেই জন্মিয়া থাকে। আবার নানারূপ দৈহিক ও মানসিক দুর্বলতা থাকা সত্ত্বেও মানুষের মধ্যে প্রতিভার বিকাশ হয়। এমন কি, প্রতিভা জিনিষটাই ধরিতে গেলে একটু অন্বাভাবিকতা বা দিকৃতির ফল। নিতান্ত স্বাভাবিক দেহ ও মন যাহাদের, এমন লোকের মধ্যে প্রায়ই প্রতিভার স্ফূরণ হয় না।

ইহার উত্তরে কথা যাইতে পারে যে প্রতিভার জন্ম সমাজে অতি বিরল ব্যাপার। সব জাতির মধ্যেই লতাদীতে মাত্র দুই-এক জন প্রতিভা জন্মিয়া থাকেন। প্রতিভার জন্ম অনেকটা দৈবপ্রেরিত। সমাজের

অধিকাংশ লোকই প্রতিভাশালী নহে। এই সকল প্রতিভাহীন কিন্তু সুস্থ, সবল ও বুদ্ধিমান লোকের উপরই জাতির ভরসা। তাই প্রতিভার কথা ছাড়িয়া দিয়া জাতির মধ্যে যতদূর দেহমানে-সুস্থ যথেষ্ট পরিমাণ

সাধারণ লোকের উদ্ভব হয় তাহা করাই উচিত। তাহাতেই জাতির উৎকর্ষ ও সমাজের কল্যাণ। সৌজাত্যবিষ্ণার উদ্দেশ্য এই জাতীয় উৎকর্ষ ও সামাজিক কল্যাণ বিধান করা।

শ্রীপ্রফুল্লকুমার সরকার।

স্বরের বন্ধু

(গল্প)

সে ছিল অন্ধ। অন্ধ-ছেলের দ্বারা তার কি কাজ হবে? তাই তার বাপ-মা তাকে গান-বাজনা শিখতে দিলে।

সে খুব আনন্দের সঙ্গে সেতার-শেখা আরম্ভ করলে; কিন্তু ওস্তাদজি বল্লেন—“ছেলে বড় বেহঁস, বুদ্ধিগুণ্ডি তারি কম;—কখনো কিছু শিখতে পারবে না।”

এই ক্রমে অন্ধর তারি ছুঃখ হ'ল। সে মনে-মনে প্রতিজ্ঞা করলে কেনন-করে পারি সেতারকে আমি দখল করবই! কিন্তু তাতে কোনো ফল হ'ল না। ওস্তাদজি বল্লেন, ওর কিছুই হচ্ছে না! সে অবাধ হয়ে জাবত কেন এমন হয়? শুরু যা বলেন সে তো তা মন দিয়ে শোনে, যা দেখিয়ে দেন তা তো হাজার-বার অভ্যাস করে—তবু কেন এমন হয়? বেপদ্দা-গুলোকে তো সে বাঘের মতো ভয় করে, তবে তারই গায়ে কেনন-করে গিয়ে হাত পড়ে? এবং তালগুলোর সঙ্গে সে যে এত

তার করতে চায়, তবু তারি ধরা দেয় না কেন?

তার সঙ্গে ওস্তাদজির কাছে যারা এক-সঙ্গে শিখা আরম্ভ কবেছিল, তারা ধীরে-ধীরে অগ্রসর হয়ে তাকে ছাড়িয়ে অনেক-দূর চলে গেল। নতুন দল এল, তারাও চলে গেল। সে কেবল একলা যেখানে ছিল সেইখানে পড়ে রইল। মধ্যে মধ্যে নূতন সাতীর্ণ আসে বটে কিন্তু সে দুদিনের কল;—কেউ তার সঙ্গী হয়ে থাকে না। অন্ধ তার এই দুর্ভাগ্যের কথা একলাটি বসে-বসে ভাবে, আর তার হুই চোখ জলে ভরে আসে।

একটিমাত্র রাগিনী ওস্তাদ তাকে সাধনা-করতে দিয়েছিলেন। সেইটিকে নিয়েই সে পড়েছিল; কিছুতেই তাকে আরম্ভ করতে পারছিলনা বলে তার সেই এক স্বরের সাধনা সমাপ্ত হচ্ছিল না। ক্রমে এই রাগিনী তার সেই নিঃসঙ্গ-জীবনে একমাত্র সঙ্গিনীর মতো হয়ে উঠল। কিন্তু সেও এমন হুই

যে কিছুতেই ধরা দিতে চায় না;— একটুখানি কাছে এসে ছুটে পালায়, একটুখানি দূর দিয়ে ব্যাকুলতা জাগিয়ে লুকিয়ে পড়ে!

অন্ধ তার ঐ বন্ধুর জন্তে দিনে দিনে পাগল হয়ে উঠল। পেতে-পেতে পাওরা হয় না বলে তার পাবার লোভ ক্রমেই বেড়ে উঠতে লাগল। না-পেয়ে তার হৃৎকণ্ঠ হ'ত বটে কিন্তু এই হৃৎকণ্ঠের মধ্যে একটি সুখের আবেশ ছিল। কারণ পানার আশায় মনোই যে তার ঐ বন্ধুটি লুকিয়ে ছিল। তা-ছাড়া সে তো একটা বন্ধুর মতো তাকে একেবারে ছেড়ে চলে যায়নি;—সে কাছাকাছিই আছে—কেবল লুকিয়ে বেড়াই মাত্র। একদিন-না-একদিন তাকে যে ধরা যাবে এই অপার আনন্দ তার সমস্ত হৃৎকণ্ঠকে সুখের সোনার পাত দিবে বুড়ে দিত।

ওস্তাদজি একদিন বলেন—“বাচ্ছা, ও সুর ছেড়ে দে! আমি তোকে একটা নতুন সুর দিই—তুই তারই সাধনা কর।”

অন্ধ কঁাদো-কঁাদো করে বলে—“না গুরুজি, না। আমি ও-রাগিনীটিকে ছাড়তে পারব না—আমি নতুন সুর চাইনে!”

কত সাধ্যসাধনা করে ওস্তাদজির কাছ থেকে নতুন সুর আদায় করতে হয়, তিনি যেতে তাই দিতে চাইলেন, অন্ধ তা নিলেনা দেখে ওস্তাদজি রেগে বলেন—“বোকা কোথাকার!”

অন্ধ চূপ-করে রইল। আগে নতুন নতুন সুর পাবার জন্তে তার মনটা কি-রকম লাগারিতই না হ'ত! গুরুজি মতীর্ষদের

নতুন-নতুন সুর দিতেন, তাই নিয়ে তারা খেলা করত—বাহবা পেত; এর জন্তে তার মনে কত হিংসাই না হয়েছে। নিজের দুর্ভাগ্য দেখে তার ক্ষোভের অন্ত থাকত না। কিন্তু এখন তার নতুনের প্রতি কোনো লোভ হল না। তার মনে হতে লাগল যে জীবনের মধ্যে এমন-একটি বন্ধুর আভাস পেয়েছে যাকে বৃকের আসন থেকে ঠেলে-দিয়ে নতুনকে সেখানে বসাতে প্রাণ কেঁদে ওঠে।

একলাটি সেতার-হাতে বসে সেই বন্ধুটির সঙ্গে আলাপের জন্তে সে সাধ্যসাধনা করত। হঠাৎ একটা ঝঙ্কারের মধ্যে যেই সেই বন্ধুর একটুখানি আবির্ভাব হ'ত, তার সমস্ত হৃদয়-মন আনন্দে শিউরে উঠত। মনে হ'ত তার বন্ধু দৃষ্টি দেন খুলে গেছে। সে চকিতের মতো দেখতে পেত খুব দূর-আকাশের নীল পর্দার ভিতর থেকে যেন কোন্ অপরী-রাজ্যের সাদা আভাটি ছুটে বেরুচ্ছে। সুর-সুন্দরীরা হাওয়ার গায়ের রূপোলি-ওড়না ছড়িয়ে বিচিত্র লীলার ভেসে চলেছে। তাদের গতির শব্দে নব-নব সুর ঝড়ে পড়ছে, এবং তার ভঙ্গীতে কত অপরাধ নাচের ছাঁদ ছুটে উঠছে!

এই দেখাটুকু পেত সে মুহূর্তের জন্তে তার পর আবার যে-অন্ধকার সেই অন্ধকার! তখন সেই অন্ধকারের মধ্যে সেতারের পর্দায় আঙুল ছুঁয়ে-ছুঁয়ে তার বন্ধুটিকে হাতড়ে-হাতড়ে খুঁজে বেড়াত—ওগো কোথায় আছ তুমি, ওগো কোথায় আছ

এই ডাকে যারা সাড়া দিয়ে উঠত, তাদের মধ্যে কেউ ছিল তার অল্প-পরিচিত, কেউ ছিল একেবারে অপরিচিত। কেউ ধমক দিয়ে বলে উঠত—“মিছামিছি আমার ঘুম ভাঙাও কেন?” কেউ রেগে বলে উঠত—“অসময়ে আমার ডাক পড়ে কেন?”

কেউ তার স্পর্শে খাম্বা রাগে গৌ-গৌ করতে থাকত, কেউ লজ্জাবস্ত্রী লতাটির মতো শিউরে-শিউরে মাটির সঙ্গে মিশিয়ে যেত। কেউ তীব্রবেগে ছুটে চলে যেত, কেউ ধীরে ধীরে কণা তুলে তাকে তার সর্বাপেক্ষে বেষ্টন করে ধরত। কেউ ছোটো-ছোটের মতো খিলখিল করে হেসে পাগাত। কেউ যুবতীর চল্‌চলে-শীলার বিজ্যং ছুটিয়ে চলে যেত। কেউ কেঁদে-কেঁদে কি মিনতি জানাত। কেউবা কিছু বলতনা, শুধু দীর্ঘ-শ্বাস ফেলত। এমনিতর কত কি হ'ত। এদের সবাইকে একে-একে ছাড়িয়ে সে বন্ধুর সম্মানে এগিয়ে যেত। সে বেশী কিছু পেতনা;—কখনো তার বন্ধুর একটুখানি আঁচোলের ছায়া তার মুখে আসে লাগত, কখনো-বা একটুখানি নিশ্বাস মাঝে এসে পড়ত। তাইতেই সে খুসী হয়ে উঠত।

এমন-করে তার দিন কাটছিল। একদিন ওস্তাদের বাড়ি সেতার-হাতে সে বসে আছে, হঠাৎ কে এসে তারি দৃষ্টি তরণ গলার বলে—“অন্ধ, তোমার সেতার আমার শোনাও।”

অন্ধর মনে হ'ল সেই গলার সুরের আঘাতে সেতারের সমস্ত তারগুলো যেন নৃত্য করে বেজে উঠল। যে-সুর তার

হাতে বাজেনা—যার সাধনা তার জীবনের ব্রত, সেই রাগিনী যেন মূর্তিমতী হয়ে ফুটে উঠল। অন্ধ বলে উঠল—“দেবী! তুমি কেগো, তুমি কে?”

মেয়েটি বলে—“আমি কে? তা তো প্রকাশ করতে পারব না। তুমি আমাকে দেখতে পাবেনা, জানতে পারবেনা, তাই তো তোমার সামনে বার হ'তে পেরেছি।”

অন্ধ বলে—“দেবী, তোমার ঐ গলার সুর তো কখনো শুনিনি—তুমি থাক কোথায়?”

মেয়েটি বলে—“অন্তঃপুরে।”

অন্ধ বলে—“অন্তঃপুরে? তবে আজ বাইরে এলে যে!”

মেয়েটি বলে—“আজ বাইরে এনেছি তোমার গান শুনব বলে।”

অন্ধ বলে—“আমার গান? আমি তো গাইতে জানিনা।”

মেয়েটি বলে—“তোমার মতন সুরের ওস্তাদ আর কেউ আছে না কি!”

অন্ধ বলে—“দেবী, পরিহাস করছ? আমি অন্ধ—আমি সঙ্গীতের কিছুই জানিনা।”

মেয়েটি বলে—“অন্ধ, মিথ্যা বোলোনা। তোমার সঙ্গীত আমি শুনেছি। সঙ্গীতের আমি কিছুই জানিনা, তবু অন্তঃপুরের বন্ধ-দুয়ার মেগে তোমার সেতারের বন্ধার আমার কানে গিয়ে লাগে, আমি কাজ করতে-করতে আনমনা হ'য়ে যাই। নিস্তর ছপুরবেলা যখন পা-ছড়িয়ে চূপ-করে বসে থাকি, তখন তোমার ঐ তারের কাণ্ড এসে আমার মনকে উদাস করে দেয়। সন্ধ্যা-প্রদীপটি জ্বলবার সময় অন্ধকারের

সঙ্গে-সঙ্গে তোমার ঐ স্বর ভেসে আসে
আর আমার মনে হয় আমার বুকের মধ্যে
বেন একটি সন্ধ্যা-তারা ফুটে উঠল।
আজ সকালে তুমি কী তার টেনেছ
বলতে পারি'না, আমাকে অস্ত্রপুর থেকে
টেনে এনে তবে ছাড়লে।”

অন্ধ বলে—“দেবী, এ তুমি কি বলছ?
আমি কিছুই বুঝতে পারছি না।”

মেয়েটি বলে—“এখন কথা রাখো;
সেতার শোনাও। আমার বেলা বয়ে
গেল।”

অন্ধ বলে—“আমি একটিমাত্র স্বর
পেয়েছি, তাও আমার এখনো অভ্যাস
হয়-নি। তোমায় আমি কি শোনাব?”

মেয়েটি বলে—“তাই শোনাও।”

অন্ধ তখন সেতার ধরলে। তার সমস্ত
প্রাণ ব্যাকুল হয়ে বলে উঠল—“ওগো,
সমীর বন্ধু, তুমি এসে আমার এই বিপদ
থেকে রক্ষা কর—রক্ষা কর।”

প্রথম তারটির গায়ে আঙুল ছোঁয়াতেই
অন্ধ বেন শ্রুততে পেলে কে বলে উঠল, ‘আমি
এসেছি বন্ধু, এসেছি।’ অন্ধ তখন তারের
গায়ে আঙুল সরিয়ে-সরিয়ে বলতে লাগল,
‘কই বন্ধু, তুমি কই?’ স্বর বলতে লাগল,
‘এই যে, আমি এই যে!’ এমন-করে বিচিত্র
স্বরের ভিতর দিয়ে, বন্ধুর নাগাল পাবার
অন্তে, অন্ধ ছুটে চলতে লাগল। সেতারের
অঙ্গ বেয়ে স্বরের বৃষ্টি ঝরে-পড়তে
লাগল। অন্ধ তখন হয়ে কাঁদাচ্ছে, মেয়েটি
তখন হয়ে শুনছে;—মনে হতে লাগল
পৃথিবীর আর-সব শব্দ বেন খেমে গেছে,
কেবল এই স্বরেরই স্রোত চলেছে।

মেয়েটি উচ্ছ্বসিত হয়ে বলে উঠল—
“অন্ধ, বন্ধু তুমি বন্ধু!”

হঠাৎ অন্ধর মনে হল তার বন্ধ-দৃষ্টি
যেন খুলে গেছে;—আজ আর দূর-আকাশের
গায়ে সেই অপ্সরারাজ্য নয়, আজ তার
চোখের সামনে এক অপূর্ব জ্যোতিষ্ময়ী
মূর্তি! অন্ধ সেতার খামিয়ে চীৎকার-করে
বলে উঠল—“বন্ধু, তুমি এত সুন্দর! এমন
রূপসী তুমি!”

মেয়েটি আশ্চর্য হয়ে বলে—“এ কি!
তুমি আমার দেখতে পাচ্ছ না কি?”

অন্ধ বলে—“পাচ্ছি বন্ধু, খুব পাচ্ছি।
চোপ-ভয়ে দেখতে পাচ্ছি।”

মেয়েটি বলে—“ছি ছি ছি, কি লজ্জার
কথা!”—বলে সে ছুটে পালিয়ে গেল।

অন্ধর সমস্ত দৃষ্টি আবার অন্ধকার হয়ে
এল। মেয়েটি যেখানটিতে বসেছিল সেই
জায়গাটা হাতড়ে-হাতড়ে দেখে বনন দেখলে
শুভ্র, তখন তার উপর আছাড়-খেঁচে
পড়ে সে কাঁদতে লাগল।

অন্ধর চোখের জল ঝিকরে গেল খাটে,
কিন্তু তার মনের কান্না পামল না। সে
যখনই সেতার হাতে করে বসে, তার
আঙুলগুলো কেঁদে-উঠে সমস্ত সেতারটাকে
কাঁদাতে থাকে। একদিন সে আপন-মনে
বসে-বসে এমন-করে সেতারটাকে কাঁদাচ্ছে,
এমন সময় মেয়েটি এসে দূর থেকে বলে
—“ওগো অন্ধ, তোমার ঐ কান্না থামাও।
চোখের জল যে আর ধরে-রাখা যায় না!”

অন্ধ সেতার খামিয়ে ছ-হাত বাড়িয়ে
বলে উঠল—“এস বন্ধু, এস, কাছে এস।”

মেয়েটি চমকে উঠে বলে—“ছি, ছি, ছি!

এ কি লজ্জার কথা! লোকে শুনলে
নিন্দা করবে দে।”

অন্ধ অপ্রস্তুত হয়ে গেল।

মেয়েটি বলে—“তুমি কি জাননা আমি
এখানে লুকিয়ে আছি? আমার বে বাইরে
আসবার যো নেই—আমি যে অস্তঃপুরে
থাকি।”

অন্ধ বলে—“দেবী, তুমি এখানে কার
কাছে আস? কেন আস?”

মেয়েটি বলে—“তোমার কাছে আসি।”

অন্ধ উৎসাহিত হয়ে বলে উঠল—“আমার
কাছে? তবে কি তুমি আমার বন্ধু?”

মেয়েটি একটি দাঁড়িখাস ফেলে বলে—
“তোমার বন্ধু আমি কেনই-করে হব?”

অন্ধ বলে—“আমার বন্ধু নও, তবে যে
আমার কাছে আস?”

মেয়েটি বলে—“সে তুমি অন্ধ বলে।
তুমি আমার দেবত্রে পাওনা, তাই কোনো
লজ্জা নেই, তাইত আমি আসতে পারি।”

অন্ধ বলে—“বাঁদী তাই হয় দেবী, তবে
আমার এই অন্ধতা আজ সাংগক হল।”

মেয়েটি বলে—“আচ্ছা অন্ধ, তুমি যে
বলে সেদিন আমার দেখেছ—সে কেমন
দেখেছ বল দেখি?”

অন্ধ বলে—“অপূর্ণা স্কন্দরী!—ওমন
কখনো দেখিনি!”

মেয়েটি বলে—“সত্যি? আচ্ছা বর্ণনা
কর দেখি।”

অন্ধ ব্যাকুল হয়ে বলে—“দেবী, সে রূপ
কি করে বর্ণনা করব? কিসের সঙ্গে তুলনা
করব? আমি যে কিছুই দেখিনি!”

মেয়েটি বলে—“তবে তুমি সত্যিই অন্ধ?”

অন্ধ বলে—“হ্যাঁ দেবী, আমি সত্যিই
অন্ধ।”

মেয়েটি তখন চুপিচুপি বলে—“একটা
কথা কাউকে বলবেনা, বল?”

অন্ধ বলে—“না।”

মেয়েটি তার কানের কাছে মুখ
নিয়ে গিয়ে বলে—“বন্ধু, আমি তোমার বন্ধু!”

অন্ধর মনের অগির্গতির ভিতর এই
কথাটি কেঁপে-কেঁপে অছার তুলতে লাগল।

মেয়েটি চলে গেলে সে সেতার নিয়ে বসল।

তার আজ লাগলো আজ যেন নৃত্য করে
উঠল। তার হাতের সেতার আজ

অকাশে-বাতাসে আমললক্ষরী তুলতে লাগল।

মেয়েটি কিরে এসে বলে—“বন্ধু, এ কি!
এ নতুন-নতুন তুমি কোথায় গেলে? এ
স্বর ত কখনো শুনিনি!”

অন্ধ বলে—“এ কি তোমার ভাগ্য
লাগল?”

মেয়েটি বলে—“বন্ধু, ভাগ্যে লাগল কি-
না বুঝতে পারছি না, কিন্তু আমার প্রাণে
গিরে বেগেছে, তাই আমি ছুটে এলুম!”

অন্ধ বলে—“তবে শোনো।”

মেয়েটি একটু শুনে বলে—“অন্ধ, তুমি
যে আশ্চর্য্য বসলে। এ নতুন স্বর তোমার
কে শেখালে? এমন স্বর তো কখনো
শুনিনি!”

অন্ধ বলে—“বন্ধু, এ স্বর কেউ তো
শেখায়নি। এ-স্বর যে তুমিই আমার মনে
বাজিয়ে দিয়ে গেলে!”

মেয়েটি উৎফুল্ল হয়ে বলে উঠল—
“সত্যি?”

অন্ধ বলে—“হ্যাঁ দেবী, সত্যি!”

মেয়েটি বলে—“দেখ বন্ধু, তোমার সেতার শুনে আমার ভারি ইচ্ছে করছে ঐ সুরটি আমিও গলা-খুলে গাই, কিন্তু—”

অন্ধ বলে—“কিন্তু কি দেবী?”

মেয়েটি বলে—“লোকে তাহলে নিন্দে করবে!”

অন্ধ বলে—“নিন্দে করবে কেন?”

মেয়েটি বলে—“আমি যে অস্তঃপুরে থাকি। আমার কি গলা-খোলবার ঘো আছে!”

মেয়েটি চলে যাচ্ছে দেখে অন্ধ ব্যাকুল-হৃদয়ে জিজ্ঞাসা করলে—“বন্ধু, আবার কখন আসবে?”

মেয়েটি বলে—“কখন আসব তা তো বলতে পারিনা বন্ধু—আমার যে লুকিয়ে আসতে হয়।”

অন্ধ বলে—“আমি যখন তোমার ডাকব, তুমি এস।”

মেয়েটি শিউরে-উঠে বলে—“ছি ছি ছি! অমন কাজ কোরোনা। তোমার গলা অস্তঃপুরে গেলে লজ্জায় আমার মাথা কাটা যাবে!”

অন্ধ বলে—“বন্ধু, সে ভয় কোরোনা। আমি সেতারের সুর গিয়ে তোমার ডাকব।”

মেয়েটি বলে—“সে বেশ হবে! তোমার সেতারের ডাক আমার ভারি ভালো লাগে। কিন্তু বন্ধু, তুমি ত ডাকবে, আমি উত্তর দেব কি করে?”

অন্ধ বলে—“তাইত বন্ধু, তুমি উত্তর দেবে কি করে?”

মেয়েটি হুঃখিত হয়ে বলে—“আমি পারবনা।”

দিন কাটতে লাগল। অন্ধ কখনো মেয়েটির দেখা পায়, কখনো পায়না। কখনো তার বুকফেটে কান্না উঠতে থাকে, কখনো তার হৃদয় আনন্দে গলে যায়। কখনো সে সেতারটিকে কাঁদায়, কখনো আনন্দের স্রোতে ভাসায়। এমনি করে তার দিন কাটে।

ওস্তাদজির সমস্ত শিষ্য ক্রমে-ক্রমে নামজাদা গাইয়ে-বাজিয়ে হয়ে উঠতে লাগল। কেবল অন্ধ একলা একদিকে পড়ে রইল; কেউ তার খবরও করলেনা। সে আপন মনে আপনার মনের সুর সেতারে বাজাতে লাগল;—একটি থেকে দুটি, দুটি থেকে চারটি, এমনি-করে তার নিজের সুর শাখা বিস্তার করতে লাগল—মধ্যে রইল সেই মেয়েটি। সে আসে-যায়, বাজনা শোনে, বাহবা দেয়। কখনো চুপ-করে চোখের জলটি ফেলে উঠে যায়, কখনো একটি দীর্ঘশ্বাস ফেলে বসে থাকে, কখনো আনন্দে উচ্ছ্বিত হয়ে ধর্-ধর্-করে কাঁপতে থাকে। অন্ধ এই সব ছবি তার সেতাবে তলে নেয়—তার আর সুরের অভাব হয় না।

একদিন ওস্তাদজি একটা গুল্মা করলেন। তাতে নানা দেশের গুল্মী নিমন্ত্রিত হ'লেন। তাঁর শিষ্যরা কেউ সেতার, কেউ বীণ, কেউ তানপুরো নিয়ে বসল। অন্ধরও দেখানে ডাক পড়েছিল। হাজার হোক সেও তো একজন শিষ্য বটে!

একে একে সমস্ত শিষ্য নিজের নিজের বিজ্ঞা দেখালেন—সকলেই বাহবা পেলেন। ওস্তাদজির সুখ্যাতি চারিদিকে উঠতে লাগল—অমন গুরু না হলে, এমন শিষ্য হয়।

অন্ধ এক-কোণে চুপটি করে বসেছিল। সব-শেষে ওস্তাদজি বলেন—“অন্ধ, তুমি যা জানো এইবার শোনাও।”

অন্ধ বলে—“ওস্তাদজি, আমি যে কিছুই শিখতে পারিনি। কি শোনাব?”

ওস্তাদজি বলেন—“তুমি যা জানো, তাই শোনাও।”

অন্ধ ভরে-ভরে সেতার তুলে নিলে। তার মনে-মনে এই আশা জেগে উঠল যে, বন্ধু যখন তার বাজনার এত তারিফ করে তখন তার ভয় কিসের! সে ধীরে-ধীরে পর্দার উপর হাত ঠেকালে। সেতার গুম্বরে উঠলো। সবায়ের মনে হল যন্ত্রে বেহুরো তান উঠেছে। শ্রোতাবা মুখ-টিপে-টিপে হাসতে লাগল। ওস্তাদজি দাঁতে দাঁত চেপে হিস্-হিস্-শব্দে বলে উঠলেন—ছি! ছি! ছি!

অন্ধর কানে সেই ভীত শব্দ গেল। তার সমস্ত হৃদয়টা লজ্জায়, দুঃখে কাঁপতে লাগল। তখন তার আঙুলগুলো কাঁপতে-কাঁপতে তার সেই জ্ঞানার তারের উপর গিয়ে আছাড়-খেয়ে পড়ল। তার পর তার মন যত কাঁদে, সেতারের তারগুলোও তত কাঁদে।

শ্রোতার। পরস্পরের মুখ-চাওয়া চাওয়া করে বলতে লাগল—“এ কি, পাগল না-কি! যা-খুসি তাই বাজান—কোনো হিসেব নেই।”

ওস্তাদজি রেগে বলে উঠলেন—“ধাম্ ধাম্। —তোমার আর বাজাতে হবেনা। ছি-ছি-ছি, তোকে কেন আমি লাগিয়ে রেখেছিলাম। তুমি আমার নামের উপর একটা কলঙ্ক দেবে রাখলি।”

অন্ধ সেতার ধামিয়ে পথ-হাতড়ে-হাতড়ে দলভা ছেড়ে চলে গেল। তার পর তার সেই নির্জন জায়গাটিতে পড়ে কাঁদতে লাগল।

—“একি অন্ধ, তুমি কাঁদচ?”—বলে মেয়েটি এসে সেইখানে দাঁড়ান।

অন্ধ কোনো কথা কইলেনা—কুঁপিয়ে-কুঁপিয়ে কাঁদতে লাগল।

মেয়েটি বলে—“বন্ধু, তোমার সেতার কে?”

অন্ধ বলে—“চুলোয় থাক আমার সেতার। সেতারের আমার কি হবে! আমার সেতার কে শুনবে!”

মেয়েটি বলে—“সে কি বন্ধু! আমি শুনব বলে যে আশা করে বসে আছি!”

অন্ধ নাটি-ছেড়ে উঠে মেয়েটির মুখের দিকে চেয়ে বলে—“সত্যি।”

মেয়েটি বলে—“আমি কি তোমার মিথ্যা বলি!”—বলে সেতারটি কুড়িয়ে এনে অন্ধর হাতে তুলে দিলে।

অন্ধ সেতারটা নিয়ে তার হেঁড়া তারগুলো আবার বাঁধতে শুরু করলে।

শ্রীমানলাল গঙ্গোপাধ্যায়।

শ্রম-বিভাগ

(ক্রপটকিন হইতে)

ধনবিজ্ঞানে বিশেষজ্ঞদের সঙ্গে আমাদের মতের প্রভেদ বিস্তর। এতদিন তাঁরা যে ভিত্তির উপর তাঁদের নতগুলি গড়ে তুলেছিলেন তা যে নিতান্ত কাঁচা তা প্রমাণ করবার সময় এসেছে। যে নতুন আলোর সমাজের সমস্ত আবর্জনা আমাদের নজরে ধরা পড়েছে, সেই আলো আমরা এর উপরেও ফেলতে চাই—তীরের বা গলদ আছে তা প্রকাশ করবার জন্তে।

অর্থশাস্ত্রের যে-কোন বই পড়লে দেখা যায় যে সেটি ছুতাগে বিভক্ত। প্রথম উৎপাদন বা ফসল নিয়ে আলোচনা—এখানে অর্থসৃষ্টির নানা উপায়ের সবিস্তার বিবৃতি আছে; তাছাড়া শ্রমবিভাগ, যন্ত্রপাতি ও উৎসাহাযোগ্যে অধিক পরিমাণে শিল্পদ্রব্য-নির্মাণ সম্বন্ধে এবং মূলধন সম্বন্ধে নানা কথা আছে। বইয়ের শেষে খরচ-সম্বন্ধে আলোচনা—অর্থাৎ কেমন করে লোকের দরকার মেটে, অধিকতর অর্থসঞ্চয় ও অধিকার-প্রস্তুত প্রতিদ্বন্দ্বীরা কি-ভাবে তা নিজেদের মধ্যে ভাগ করে নেন, এই সব ব্যাপারের বিশেষ বিবরণ আছে।

অনেকে এই কথাটাই যুক্তিসিদ্ধ বলে মনে করেন যে দরকার-বোধের আগে জিনিষগুলো তৈরি করা চাই; নইলে অভাব মেটাতে কেমন করে? কিন্তু আমরা বলি, জিনিষ তৈরি করা ভাল কিন্তু সেই জিনিষের অভাব-বোধটা সকলের

আছে কিনা সেটা সব-আগে দেখা দরকার। অসভ্য মানুষ যে শীকারের পিছনে ছুটত এবং ক্রমশ সভ্য হবার সঙ্গে সঙ্গে কৃষির আবাদ ও যন্ত্রনির্মাণ এবং নানারকমের কল-কারখানা তৈরি করলে সে ত এই দরকারেরই দায়ে! দরকারের বোধটা অভাব-মেটাবার জিনিষ-তৈরীর চেয়ে আগেই দরকার। প্রথমে প্রয়োজনীয়তার অভাব-বোধ এবং পরে সেই প্রয়োজন-সিদ্ধির জন্তে জিনিষ তৈরীর উপায়-আলোচনা আমরা সবচেয়ে প্রশস্ত ও যুক্তিসিদ্ধ পদ্ধতি বলে মনে করি। বর্তমান প্রবন্ধে আমরা সেই প্রণালীর অনুসরণ করব।

ধনবিজ্ঞান, নামে বিজ্ঞান হলেও এতদিন কিন্তু তার সেই নামের কোন সার্থকতা ছিল না। আমাদের নির্দ্বারিত প্রণালীমতে বিচার করলে এটির অর্থ একেবারে নতুন হয়ে দাঁড়ায়—কতকগুলো তত্ত্বের অর্থহীন সমষ্টি হবার পরিবর্তে এটি সত্য একটা বিজ্ঞানে পরিণত হয়। এখন এর সাধারণ সংজ্ঞা হচ্ছে—মানুষের দরকারের বিশিষ্ট আলোচনা এবং যতদূর সম্ভব মানবীয়-শক্তির কম অপচয়ে সেই দরকার মেটাবার উপায়। উদ্ভিদ বা জীবতত্ত্বে শারীর-বিজ্ঞানের যে কাজ, সমাজতত্ত্বে ধন-বিজ্ঞানের সেই কাজ; অর্থাৎ অভাবের অনুধাবন এবং তা মেটাবার উপায়-নির্দেশ। এইখানেই এর বিজ্ঞান নামের সার্থকতা।

মানুষের অভাব আলোচনা করতে গেলে আমরা সাধারণত দেখি যে সকলেই বেশ স্বাস্থ্যকর ঘরের মধ্যে বাস করতে চায় ;— ছোট অপরিষ্কার কুঁড়ের উপর তাদের কিছু মাত্র টান নেই, শ্রদ্ধা ত দূরের কথা। সকলেই চায় কমবেশী আরাম-দায়ক মজবুত ঘর। এখন প্রশ্ন হচ্ছে, যে প্রত্যেকে এমন ঘর কেমন-করে পেতে পারে এবং পাবার পথে বাধাই বা কি? বলা বাহুল্য আমরা গোড়াতেই স্বীকার করে নিচ্ছি যে প্রত্যেকেরই শক্তি আছে, কেউ অক্ষম বা দুর্বল নয়।

আমরা এটুকু বুঝতে পারি যে আসল ব্যাপার খুব জটিলও নয়, অদ্ভুতও নয়—কয়েক দিনের পরিশ্রমে সকলেই নিজের মনের মত ছোট ছোট বাড়ী তৈরি করে নিতে পারে। কিন্তু শতকরা নব্বইজন লোক এমন বাড়ী যে কোনদিনই পায়নি, তার কারণ মনিবের ছোট-বড় অভাব মেটাতে সাধারণলোকে সব সময়ে এমনি ব্যস্ত যে, নিজের মনের মত বাড়ী তৈরির তার না আছে অর্থ, না আছে অবসর! যতদিন বর্তমান বন্দোবস্ত চলবে ততদিন তারা এই সুখের অধিকার থেকে বঞ্চিত থাকবে এবং কুঁড়ের মধ্যে থেকে নিজের সুখের স্বপ্ন দেখেই সন্তুষ্ট হবে।

অর্থনীতিবিদের সঙ্গে আমাদের প্রভেদ এইখানেই ;—তারা প্রতিবৎসর তৈরি-বাড়ীর হিসাব করে বলেন যে, যা আছে তাতে সকলের অভাব মেটানো অসম্ভব ; এতে শতকরা দশজনের স্থান-সকলান হতে পারে। কাজেই নব্বই জনকে কুঁড়ে ঘরে থাকতে

হবেই। অথচ ঘর-তৈরির সমস্ত পরিশ্রম এই নব্বই জনকেও করতে হয়েছে!

এবার অন্নসংস্থানের কথা আলোচনা করা যাক। শ্রম-বিভাগের নানাওণের প্রশংসা করে' অর্থনীতিবিদেরা উপদেশ দেন যে শ্রম-বিভাগ বজায় রেখে কাউকে মাঠে আর কাউকে কারখানার কাজ করতেই হবে। তারপর কৃষিলব্ধ ফসল, কারখানায় তৈরি যন্ত্র ও শিল্প-সামগ্রী এবং পরিবর্ত-প্রণালীর আলোচনা, বিক্রয়ের উপায়, লাভালাভ, মজুরি, রাজকর প্রভৃতি লক্ষ রকমের হিসাব-নিকাশের মধ্যে তারা ডুব দেন এবং উপদেশের পরিণাম-স্বক্ষে কোন কথাই মনে রাখেন না। তাঁদের সঙ্গে এ-সবের আলোচনা করে কোন ফল নেই। কারণ বহুবারই তাঁদের প্রশ্ন করা যায় যে এত লোক থাকতে এবং এত লোকের সাংগোপনের হাড়ভাঙা খাটুনি সত্ত্বেও লোকের অন্নভাবের কারণ কি? তারা মোটা-সরু নানা স্বরে এই শ্রম-বিভাগ প্রভৃতির দোহাই দেন বটে কিন্তু তাঁদের মোটা কথাটা দাঁড়ায় এই যে অভাব নেটাবার পক্ষে উৎপন্ন ফসল যথেষ্ট নয়। কথাটা হ্রস্ব মত। কিন্তু এতে আমাদের প্রশ্নের কোন উত্তরই মেলে না। নিজের অন্নের অভাব, প্রত্যেক মানুষ তার নিজের পরিশ্রমে ঘোচাতে পারে কিনা এবং না-পারবার পক্ষে বাধাটা কি?—এইটেই দেখতে হবে।

বোধ করি সাধারণ লোকের মোটামুটি অভাবটা কি তা সকলের জানা আছে। এখন দেখতে হবে তারা সে অভাব ঘোচাতে পারে কি না এবং সে অভাব মিটিয়ে শিল্প-বিজ্ঞান-চর্চা ও আনন্দ-উপ-

ভোগের উপযুক্ত অবকাশ তারা পায় কি না? এ-সবের যথেষ্ট আলোচনা আমরা পূর্বে করেছি কিন্তু উৎপাদনের উদ্দেশ্য এবং বাধার আলোচনা করি-নি বলে এটা কম দরকারি ভাবে ভুল হবে।

মানুষের অত্যাশঙ্কক জিনিষ তৈরি করার ক্ষমতার অভাব নেই; সকলেই তা জানেন। কিন্তু সে শক্তি বাড়ার আবশ্যক আছে কি না এ কথা নিয়ে কেউই মাথা ঘামাতে চায় না। আমরা বলি ফসল উৎপাদনের পথে মানুষের শক্তি বাড়ালে ক্ষতি নেই, কিন্তু গলদ এড়িয়ে কাজ কি? আমাদের গলদ হচ্ছে এই যে, মানুষের উৎপাদন-শক্তি মানুষের আসল প্রয়োজনের কথা ভুলে অল্প সমস্ত বিষয় নিয়ে ব্যাপ্ত আছে। এ বিষয়ে আমাদের চেষ্টা সম্পূর্ণ ভুল পথে গেছে। উৎপাদনের একমাত্র উদ্দেশ্য হচ্ছে অভাব মেটানো,—তা ছাড়া এর দ্বিতীয় কোন উদ্দেশ্য নেই।

একটা কথা নিয়ে অর্থতাত্ত্বিকেরা ভারি গোল করেন—কথাটি হচ্ছে 'ফসলের-বাহুল্য' অর্থাৎ এক-এক সময়ে প্রয়োজনের জিনিষ এত বাড়তি হয় যে আবশ্যকের সীমা ছাড়িয়ে যায়। কিন্তু কথাটা কি সত্য? বাস্তব জীবনের সঙ্গে বীর পরিচয় আছে, তিনি জানেন যে অভাবের অসুযোগী উৎপাদন কোনদিনই হয়নি—বাহুল্য হ'ল স্বপ্ন-কথা! ঘরের কোণে বসে বাইরের খবর লেখার মধ্যে সত্যের যথেষ্ট অংশাপ থাকতে বাধ্য। নিতান্ত অজ্ঞ না হলে এমন-ধারা কথাটা কারো পক্ষে বলা হ'ত না।

মুচির বিনামা-হীনতার কথা নিতান্ত গর

নর। কস্মীজনের জীবনে এ কথাটা বিশেষ করে খাটে। দেশের অভাব মিটিয়ে বেশী যা থাকে আগে আগে তাই অল্প দেশে দেশে পাঠান হ'ত কিন্তু এখন এ নিয়ম বদলে গেছে—এখন বাইরের মুখ চেয়েই জিনিষ-পত্র তৈরি হয়; কারণ কস্মীজনের নিজস্বের তৈরি জিনিষ কেনবার সম্ভতি নেই, তার উপর আবার নানারকম কর, আর সুদ দিতে তার হাত খালি হয়ে যায়!

আমাদের জীবন-যাত্রার চালটা যে ক্রমেই বাড়ছে তা অস্বীকার করি না কিন্তু নজুরি করে যারা কোনরকমে দিনগুজরাণ করে, দিন কাটাবার মত অশন-বসনের অভাবেই সে কাতর; বাবুয়ানির কথা তোলাই একটা মত অসঙ্গতি! অথচ বিজ্ঞেরা এই অতিরিক্ত ফসলের কথা নিয়ে ভারি বাস্ত! প্রকৃতপক্ষে এ জিনিষটার কোন অস্তিত্বই নেই—অভাব মিটিয়ে বেশী থাকা দূরে থাক, অভাব যে কোনদিন সম্পূর্ণভাবে মিটেবে তার কোনই সম্ভাবনা নেই।

আর একটা কথা আছে। অর্থশাস্ত্রে একটা সুপ্রমাণিত সত্য এই যে,—নিজের যা আবশ্যক তার চেয়ে মানুষ বেশী উৎপন্ন করে। একটা কৃষক-পরিবারের বছর-খানেকের পরিশ্রমে ও যত্নে উৎপন্ন ফসলে অনেক পরিবারের অভাব মেটে। কথাটা সত্য কিন্তু, বিজ্ঞেরা এ অর্থ করেন না; তাঁরা বলেন তার যা জাধ্য খরচ তার চেয়ে কৃষক বেশী ফসল কলার এবং আত্মসাৎ করে। এটা নিতান্ত ভুল ধারণা। বরং এই কথা বলা উচিত যে শাসন-তন্ত্রের প্রাপ্য কর আর ভূস্বামীর পাকনা

দিয়ে নিজেদের মত কৃষাণের কিছুই থাকে না। অর্থাৎ অনশনের সঙ্গে লড়াই করে তারা বেঁচে আছে এই মাত্র। আমরা ত যোজাই দেখছি যে বর্তমান শ্রম-বিভাগের কল মজুর-দল অশন-বসনের সঙ্গে সংস্থান করছে মনিবের দল জোর করে তা ভোগ করছে—কর্মীকে তার শ্রম অধিকার থেকে বঞ্চিত করে। এ আশ্চর্য্য শ্রম-বিভাগের গুণগান করতে হলে অমানুষ হতে হয়।

আমরা যে-পথে অগ্রসর হতে চাইছি, তাতে সর্বসাধারণের প্রধান প্রধান অভাব মেটাবার বন্দোবস্ত আমাদের প্রথম কর্তব্য করা হবে। উৎপাদনের প্রধান উদ্দেশ্যে অভাব মেটানো, অলস মনিবের বাবুয়ানার ইচ্ছন যোগানো নয়। মূলধনী মহাজনেরা নিজেদের সুবিধার জন্যে মজুর-দলকে খাটিয়ে নিচ্ছেন আর অর্থ-তাত্ত্বিকের দল তার ফল দেখে ভ্রান্ত ধারণা পোষণ এবং প্রচার কবছেন; কোন দিন তারা এর যথার্থ বিচারের দিকে মন দেন নি।

কাজেই ফসলের বন্দোবস্তের সঙ্গে-সঙ্গে এই সমস্ত ভ্রান্ত শিক্ষা ও সংস্কার প্রভৃতির মুছোচ্ছেদের বিশেষ দরকার আছে। শ্রম-বিভাগ বলে যে তফটার উপরে নির্ভর করে বিজেরা বই লেখেন, সে জিনিষের বিচার করবার সময় এসেছে। অর্থতাত্ত্বিকের একদেশদর্শিতা ও ভ্রান্ত শিক্ষাস্তের একটা বিশিষ্ট উপাহরণ এই শ্রম-বিভাগ।

অর্থনীতিবিদেরা উপদেশ দেন যে লোকের শক্তি নানা দিকে বিকশিত (!) করার চেয়ে কোন-একটা বিষয়ে নিযুক্ত

করা উচিত, তাতে কাজের খুব সুবিধা হয়। যেমন পেরেক গড়তে অন্ত্যস্ত কামান যদি কোন দরকারে পেরেক গড়তে রসে, তবে দিনে দু'তিনশ' পেরেকের বেশী সে গড়তে পারে না; কিন্তু যদি সে এক-কাজে নিযুক্ত থাকত তবে দিনে দু'তিনহাজার পেরেক গড়তে তার কষ্ট হত না। কাজেই তাঁদের সিদ্ধান্ত হচ্ছে যে প্রত্যেককে এক-একটা বিশেষ কাজে নিযুক্ত হতে হবে। বিশেষত হওয়া ধনাগমের যে একমাত্র উপায় এই কথাটা তাঁরা শেষপর্য্যন্ত সার্থক করে তুলতে চান, যেন শ্রম-বিভাগ না হলে সব শ্রম ব্যর্থ হয়ে যাবে! সব কাজেই শ্রম-বিভাগের দরকার। পেরেক গড়তে হলে কেউ-বা তার মাথা গড়বে, কেউ-বা তলা গড়বে। কিন্তু যে বেচারী শুধু মাথা-গড়বে, সে-কাজটা কিছুদিন পরে তার কাছে একবেয়ে ও নিরানন্দময় হয়ে উঠবে নিশ্চয়ই। এবং অল্প কাজ না-শেখার দরুন তাকে কারখানা-ওয়ালার অধীনে এবং মর্জি-অনুসারে চলতেই হবে। তারপর এ-সব কাজে লোকের অভাব হবে না, কাজেই মজুরিও দিন-দিন কমতে থাকবে। অর্থতাত্ত্বিক কোনদিন এ-সব বাস্তব ব্যাপারের ধার ধারেন না; কর্মীদের সুখ-দুঃখের কোন খবরই তিনি জানেন না। জানেনে শ্রম-বিভাগ সম্বন্ধে চীৎকারটা বহুদিন পূর্বেই খেমে যেত।

এতদিন পরে তারা এই সহজ কথাটা বুঝতে পেরেছেন এবং তার প্রতিকারের চেষ্টা চলেছে। শ্রম-বিভাগের কল এই দাঁড়িয়েছে যে ধনীরা আরও বেশী ধনী এবং

মহাত্মত্ব-হীন হয়ে উঠছেন এবং মজুর-দল আরও বোকা, জীবনশাস্ত্র-হীন এবং কপর্দকহীন হচ্ছে। বিশেষতঃ হওয়ার ফলে জীবনের আরও সব পথ তাদের পক্ষে এক-রকম বন্ধ এবং বৈচিত্র্যের অভাব না থাকায় তাদের জীবন কল বা যন্ত্রে পরিণত হয়েছে।

এই কথাটা ব্যক্তি-হিসাবে মতখানি সভা জাতি-হিসাবেও ঠিক তাই। এক-একটা জাতি যেন এক-একটা বিশেষ কারখানার মজুর। কোন দেশ কাপড়, কোন দেশ খান-চাল, আর কোন দেশ স্কলমাস্টার, ধাত্রী প্রভৃতি তৈরি করার জন্য উঠে-পাড় লেগে গেছে। কেবল দেশে দেশে নয়, মহরে মহরে দলে দলে এই বিভাগ চলছে—কাপড়ের তৈরি নানা জিনিষ নানা মহরের মধ্যে ভাগ করে নেওয়া হয়েছে। সমূহ ভেবেছিলেন যে এমনি করে সব জিনিষ দেশ বা জাতি-বিশেষের একচেটে

হয়ে গেলে অর্থাগমের পথ একবারে প্রশস্ত হবে; কিন্তু শিল্পশিক্ষা-বিস্তারের সঙ্গে তাঁদের এ-সাথে বাদ পড়েছে, তাঁদের আশা ধূলিসাৎ হয়েছে। এখন সব দেশে বিভিন্ন কারখানায় নানা রকমের জিনিষ তৈরি হতে, আরম্ভ হয়েছে, বিনা কারণে পয়ের মুখ আর চাইতে হয় না।

শ্রম বিভাগের মত fetish-এর সংখ্যা বর্তমানে বড় কম নয়—সমাজে, রাষ্ট্রে, শিল্পে এই সমস্ত সংস্কারের সমূল উচ্ছেদ-সাধন না হলে আমরা পরিবর্তন-সাধনে সফলকাম হতে পারব না। তরকারির আধাতে বা বন্দুকের কোরে নয়—মাস্কের কপ্তি-সঞ্চিত বিজ্ঞা, বুদ্ধি ও অভিজ্ঞতার শক্তিই আমাদের প্রধান সম্বল। শুধু কথার কাণ্ড হয় তা বটে, কিন্তু কথা না হলেও কাণ্ড চলে না—আমাদের হাতে যেমন কাজ করতে হবে, মুখেও তেমন প্রচার করতে হবে।

শ্রীপ্রবোধ চট্টোপাধ্যায়।

আহ্বান

(ভূগলাতে)

আজকের এই সভার যারা উপস্থিত আমি তাদের সকলেরই অপরিচিত, অজানা, অচেনা। আমি আজ নূতন লোক হয়ে তোমাদের কাছে এসেছি। কিন্তু যে উদ্দেশ্যে আজ এই সভা আহূত হয়েছে সে উদ্দেশ্যের সঙ্গে আমার সংযোগ নূতন নয়। ১৯১৬ বৎসর পূর্বে এই কাজের সূত্রপাত বলশক্তি আমাদেরই দ্বারা আরম্ভ করিয়েছিলেন।

আজ তোমাদের বীরত্বে উত্তেজনা দিতে এখানকার ম্যাজিষ্ট্রেট সাহেবের দ্বারা এ সভা আহূত হয়েছে—ডাক্তার মল্লিক প্রভৃতি উদ্যোগীরা তোমাদের যুদ্ধক্ষেত্রে আহ্বান করতে এসেছেন এবং আমার মুখ দিয়ে সেই আহ্বানবাণী উচ্চারিত করবার জন্যে আমাকে নিয়ে এসেছেন। কেন? কারণ আমার আহ্বান আজ ঠাণ্ড আহ্বান নয়। বর্তমানে আমার জ্ঞানবুদ্ধি বিকশিত

হয়েছে ততদিন থেকে আমি তোমাদের আহ্বান করছি। আর সে আমারও আহ্বান নয়। আমার দ্বারা চিত্রকপিণী জগজ্জননী শক্তির আহ্বান। যিনি অখিলের আত্মা, সং অসং বা-কিছুর মধ্যে যে শক্তি তা যিনি, সেই শক্তির শক্তি মহাশক্তি বাঙ্গালী জাতিকে আহ্বান ক্ষুদ্র কণ্ঠ দিচ্ছে আহ্বান করছেন।

পাখিবা জুড়িয়া বেজেছে বিধাৎ

গুনিতে পেরেছি ত্রী

সবাই এসেছে এলিয়া নিশান

কইরে বাঙ্গালী কে !

দশদিক্কৃপিনী জাত্যাশক্তির দশদিক্কৃপিনী অঙ্গময়ী মূর্তি চিত্রপটে নিয়ে এস। সে অঙ্গগুলির যে শক্তি তাও তিনি, সে অঙ্গ যে ধারণ করবে তোমরা বাঙ্গালী যোদ্ধারা, তোমাদের শক্তিও তিনিই হবেন। যে শক্তি মহামায়া এতদিন তোমাদের মায়ায় মোহে ওরে আচ্ছন্ন করে রেখেছিলেন সেই শক্তিই আজ তোমাদের মোহমুক্ত করবেন, রণক্ষেত্রে ধাঁপিয়ে পড়তে প্রেরণা করবেন।

বাঙ্গালী, বাঙ্গালী, বাঙ্গালী ! বাঙ্গালী বলতে কি ভাবে তোমাদের মন মাতে ? তোমাদের স্বরূপ কি ? শুধু কি তোমরা বহরের কীট ! শুধু এগজ্যামিন পাশ করতে জান আর কলম পিশে ছুটি ভাত গিলতে জান ? এই কি বাঙ্গালীত্ব ? তোমরা কি মানুষ নও ? মানুষের সব রকম আকাঙ্ক্ষা, উত্তম, দুঃখ তোমাদের পেয়ে বসে না ? ইউনিভার্সিটির মেডেল নিতে চাও, Victoria Cross নিতে তোমাদের সাধ হয় না ? আছে শরীরের এই খোলস,—থাকুক তা ;

তাতে বেদনা সোধ হয়—হোকগে ! কোষের ভিতর কোষ, কোষের ভিতর কোষ—তারও ভিতরে স্বপ্ন কোষে যে আসল স্বপ্ন প্রাণীট রয়েছে, ২৪ ঘণ্টা কুল-কোষের আনন্দ মোহ, ভয় ও বেদনা বন্ধ ভেদ করে অসামান্য সাধন করতে ছুটবে। সহস্র ধারে বসমান যেদিন-গানের গোলারামির মধ্যে মৃত্যুঞ্জয়ী প্রবে বিচরণ করে কুশল ক্ষিপ্ততার মৃত্যুর কবচস্থ সজাৎে তিনিয়ে নিয়ে জানবে। তবে ও প্রগতকে জানাবে যে বাঙ্গালীও মানুষ, যেমন বাঙ্গালী মানুষ, যেমন রাজপুত্র মানুষ, যেমন মারহাটা মানুষ ! ছিলে ত মানুষ তোমরাও—অতি প্রাচীন কালের কথা না হয় ছেড়ে দিলুম—কিন্তু এই ক' পুরুষ আগে প্রতাপবিত্তা ও তার উনিশ বছরের ছেলে উদ্বাসিতা মোগলদের সঙ্গে মনুষ্যধর্মের নবরোহে ! আরও কতজনের নাম শোনার ? গৃহাগত শত্রুর ধন্যযোগ্য অভাখনা সবাহ করেছে, তোমাদের আগে কেউ ও পৃষ্ঠ প্রদর্শন করে নি !

ইংরেজ আমল পড়তেই তোমরা বইয়ের ভারে ডুবে গেলে। কুম্বীর ছেলেও হাল ছেড়ে বই ধরে, শিল্পীর ছেলেও আইনের পাশ দিতে বাস্ত, ব্রাহ্মণের ছেলে আধ্যাত্মিক সাধনা ভুলেই গেল, খালি পড়ে,—মার কত্রিরের জাতধর্মের সঙ্গে সঙ্গে জাতটাই লোপ পেয়ে গেল।

বাঙ্গালী দেশে নাকি কত্রিরের টিক-টিকিটা পর্য্যন্ত আর নেই। অথচ আশ-পাশেই বোলকলার সম্পূর্ণ কত্রির বর্তমান। উড়িষ্যা আছে কত্রির, বেহারে আছে,

খালি খাস বলেই মজার। না আছেন
 ত-এক বর বর্জমান ও রত্নপুরের রাজা ও
 তাঁদের কুঁটুমরা, তাঁরা নাকি অপেক্ষাকৃত
 অল্পদিন মাত্র বীরভূমি পঞ্জাব থেকে এদেশে
 উত্তীর্ণ হয়েছেন তাই তাঁদের ক্ষত্রিয় কশ্মে
 না হোক নামে আজ পর্যন্ত ধুয়ে যায় নি।
 আর বাকী সবাই প্রতাপাদিত্য সীতারাম
 প্রভৃতি বারোভূঁইয়ার বংশধরেরা সেকালে
 ক্ষত্রিয় বলে গণ্য হলেও এখন কার্যস্থ
 নাগরগর্ভে লীন, কেননা তাঁরা আর অসি-
 জীবী নন মসৌজীবী। বলে যে সেন-
 রাজার বংশধরেরা পঞ্জাবে রাজ্য স্থাপনা
 করার আজও ক্ষত্রিয়, * তাঁদের বাঙ্গালী
 জাতি সেনেরা—বঙ্গাল সেনের বংশধরেরা
 বস্ত্র হতে পারেন, কার্যস্থ হতে পারেন,
 সব হতে পারেন, কিন্তু তাঁদের ক্ষত্রিয়
 আর কিছুতেই বলা হবে না—তাঁরা এ
 খালি বই পড়ছেন আর কলম চালাচ্ছেন।

আপৎকালে ছাড় তাই সবাই একবার
 বই—একবার জীবনের রাজপথে বেরিয়ে
 এস। দেখ সেখানে মনুষ্যের কত নতুন
 দিক। ঘরে বসে ঘরের ভর সত্যি ভর। আজ
 টাইফইড, কাল মন্দা, পরণ্ড কলেরা, তরণ্ড
 বসন্ত—আবার তরণ্ডর পরেও নিস্তার নেই—
 কেননা তরণ্ডতে বোধ হয় বা গ্নেগ। এই
 ত ভারতবর্ষকে আঙু আঙু আবার গ্নেগ-
 দেবী ঘিরে কেলেছেন। বাকীপুর, কাশী,
 লক্ষৌ, দিল্লী, পঞ্জাব, করাচী, বম্বে, পুণা,
 বোধপুর, বিকানীপুর, নাগপুর, ইন্দোর ঘুরে
 ঘুরে পাকে পাকে এগিয়ে এগিয়ে আসছেন—

আর এবার নাকি বড় বিবাক্ত টাইপ—বারো
 ঘণ্টার মধ্যে সরিপাত।—কখন বাঙ্গালাকে
 নাগপাশে জড়ান কি বলা যায়? তাই
 বলছি, ঘরে বসে মৃত্যু-ভয় সত্যিই ভয়,
 কেননা এখানে বনদূতেরা বেঁধে মারে।
 কিন্তু যে রণক্ষেত্রে কালের কাল মহাকাল
 স্মরণ লীলা করছেন সেখানে ত মৃত্যুর
 সঙ্গে লুকোচুরি খেলা। ক্রিকেট ছুটবল
 ত চের খেলেছ তাই—একবার মহাকালকে
 আশ্পাওয়ার বানিয়ে যুদ্ধের খেলাটা খেলে
 এস দিকিন। দেখ তুমি জরী হও, কি
 মৃত্যু জরী হয়। এ খেলার মজা এই
 যে হারজিত হয়েতেই লাভ আছে,—এক
 একটা লটারির মত, যে মধসটাই তোলা
 কিছু না কিছু পাওয়া যায়। যদি হও
 তুমি জরী, তবে তোমার ও তোমার
 মার গলায় মর্ত্যের যশোমালা পড়বে,
 আর যদি মৃত্যু জরী হয় তবে স্বর্গের
 অমৃত ও নন্দনহার তোমার জন্তে তৈরি
 রয়েছে।

যে সময় আমি ভারতী মাসিক পত্রিকার
 সম্পাদক ছিলাম তখনকার দিনে আমার
 সম্পাদকীয় নোটবুক থেকে মসলা সংগ্রহ
 করার বিদেশী ঘূষি বনাম দেশী কিলের
 অনেকগুলি দৃষ্টান্ত দিয়েছিলাম।

সেদিন তোমাদের দেশী কিলটি পাকিয়ে
 তোলাবার জন্তে তখনকার প্রয়োজনমত
 ব্যবস্থাও করেছিলাম—বক্সিং গংকা লাঠি
 তলোয়ার প্রভৃতি সব রকম বীর্যোছোখক

* ১৩২৩ সালের বাঁশমাসের ভারতীতে "বঙ্গীয় সেনরাজপণের 'উত্তরচরিত' প্রবন্ধ প্রকাশ।

বেলা দেখাবার ক্রান স্থানে স্থানে খুলে
দিয়েছিলাম।

এখন জার্মানের ঘুরি ভারতের কিনারায়
এসে পৌঁছেছে। আমার যুষ্টিযোগে
তোমাদের কিছুটি মজবুত হওয়ার ফেটুকু
স্বভাব ছিল, আজ রাজত্বের স্বয়ং ব্রিটিশ
সবর্ণমেন্ট সেটুকু পূরণ করে দিচ্ছেন—
তোমাদের যুদ্ধাবস্থা ও তোমাদের হাতে
যুদ্ধের দান করছেন। ভেবোনা ইংরেজেরা
স্বাধীনতা হলে স্বাধীনতা এই কাজ করছেন।
আর স্বাধীনতা, ব্রিটিশজাত ও সেই মহাশক্তি-
পবতন্ত্র, তাদের ভিতরেও যে শক্তি কার্য
করছেন সে সেই অগণনিয়ম আকাশক্তি।
সেই শক্তির দান আজ গ্রহণ করে ধন্য
হও। মানুষ হওয়ার সুযোগ নাও। অগণতন্ত্র
সভায় মানের আসন পাওয়ার যোগ্য
হও। স্বাধীনতা দেশের জন্ত মান
এনেছেন কাঁচা দিয়ে, অগণতন্ত্র বসু মান
এনেছেন গবেষণা দিয়ে। কৃষি আমি
সবাই অমন কবিতার রঙে পসরা ভরাতে
পারব না, বৈজ্ঞানিক গবেষণার অস্ত
বৈদ্য ও অসমর সবায়ের হবে না।
তবে তোমাদেরও যেদিকে পথ খোলা
আছে সেইদিকে সার দিয়ে চল।
সন্তানদের বীরত্বের গৌরবের জন্তে বঙ্গভূমি
এখনও বৃদ্ধিফলিতা—শুন তাঁর ক্রন্দন “ময়
ভূখা হাঁ!”

চিতোরের রাজপুত্রদের মত নগরলক্ষ্মীর
ক্ষুধা মেটাবার জন্তে বেরিয়ে পড় সমর-
প্রাপ্তে। এই হুগলী নগরের কজন সন্তান
সার ক্ষুধার সামগ্রী আহরণে আজ ব্রতী হবে!
কজন সৈন্য দলভুক্ত হবে!

কে উঠবে আজ

কে করিবে কাজ

কে খুঁচাতে চাহে

জননীর লাজ ?

২৩শে ফেব্রুয়ারী ১৯১৮।

(কাশীপুরে)

ভূশো বাঙ্গালী যোদ্ধার অস্ত্রে নাকি
আজ নগরে নগরে ফিরতে হচ্ছে ? আজ
বঙ্গ বেঙ্গলি কংগ্রেসে একটা বিজ্ঞাপন
বেরোও যে অমন কোম্পানির আফিসে
একটা কেরানীর পদ খালি আছে, এন্ট্রেন্স
ফেলো, এন্ড এ ফেলো হলে চলবে—অমন
সাতশ দরখাস্ত একদিনে বড়বাবুর টেনিসে
সুপাকার হত। গোলার্মী পেশার প্রভূত
আস্থা, আর প্রভূত্বের স্বাধীনতার আশ্বাসে
একে বাবেই কুচিহীন। এমন উল্টা বুদ্ধি
রাম!

এই সেই দেশ যেখানে চঞ্জীর পূজা
আবহমান কাল থেকে চলে আসছে।
বাঙ্গালীর বরে বরে শক্তিময়, অথচ সে
ময় কামিকালে একেবারে বার্থ ? ধিক
নে পুরোহিতকে, ধিক তাঁর পোরোহিত্যে
যার নিজের অন্তর সাগ্নিক না হওয়ার
এই এককোটি বাঙ্গালীর মধ্যে অন্ততঃ
কিছুকোটি বঙ্গমানের অন্তরে অগ্নি জ্বালাতে
পারে না।

ভূতিন পুরুষ আগেও ত এই শক্তিময়-
বলে একভাগ বাঙ্গালী ডাকাতি করেছে
আর আর-একভাগ ডাকাতের আক্রমণ
থেকে আত্মরক্ষা করেছে।

কোথায় গেল সে তেজ ! ঝড়ি ঝড়ি

ইউনিভার্সিটির কে তাবের নীচে তা চাপা পড়ে গেল? আর সেই গুরুচাপের নীচে পড়ে গুরুঠাকুরের চাপ ও কদলীর মাত্রা হ্রাসের সঙ্গে সঙ্গে গুরুমন্ত্রের তেজটুকুও লোপ পেয়ে গেল।

যে ইউনিভার্সিটি তোমাদের সুধু পোড়ো বানায়, কেজো বাতায় না, যে বিশ্ববিদ্যালয় তোমাদের বিধে বেরোবার দীক্ষা দেয় না, কোণে লুকিয়ে থাকার ডিগ্রী দেয়, তাকে বিদ্যালয় বলতে পারিনে, তা ঘোর অবিচার আর্ডা।

এই অবিচার নেশায় ভেঁা থেকে না, একবার মনুষ্যত্বের অখড়ায় নাব, দুঃস্বপ্নকে দোমর কর, বিপদের সম্মুখান হও, কঠিনকে আলিঙ্গন কর। সহজেতে ভূগ্ন থেকে না।

যে গবর্ণমেন্ট তোমাদের অপৌরুষত্যের নেশা ধবিরেছিলেন, সেই গবর্ণমেন্টই আজ প্রাশস্তিত্ব করতে প্রস্তুত। আজ তোমাদের হাতে শুধু কলম নয়, বন্দুকের শক্তিও প্রস্তুত। লও সেই ভূষণ, পুরুষালী মাজে মাজ, আমরা তোমাদের মাঝেরা বোনেরা তোমাদের কেখে চকু জুড়াই।

যেখ পঞ্জাবের একজন শিখকে তার বিদেশ-প্রত্যাগত বন্ধু জিজ্ঞেস করেন—

“তোনার কর ছেলে?”

শিখ উত্তর দিলেন—“চার ছেলে।”

বন্ধু বললে—“গুনেছিলাম নাকি পাঁচটি।”

শিখ বললেন—“চার ছেলের পর আর একটা সন্তান হয়েছে—কিন্তু সে খালি পড়াশুনা নিয়ে থাকে—তাকে ব্যাটাছেলে বলে পণ্য করিনে।”

শুধু পঞ্জাবের নয়, সব দেশের সব কালের মনের ভাবটিই ঐ। ব্যাটাছেলের যে একটা মাপকাঠি আছে, শুধু পড়িয়ে হলে সে মাপে অনেক খাটো থেকে যেতে হয়।

খাটো থাকবে কি প্রমাণ-মাপের ছেলে হবে তাইরা সব?

একটা পুরান কাহিনী শুনাও।

“একবার কুক ও বলরামের অসুপারিতিকালে বহুকুলাদি সৌভপতি শাখ, প্রভুত মনুষ্য হস্তী ও সৈন্যগণের সহিত দারদ্রাপুরী অবরোধ করেন। বহুকুমারগণ শাহরাজার সৈন্য আগত দেখিয়া গহিনির্গমন পূর্বক যুদ্ধ করিতে আরম্ভ করিলেন। কৃষ্ণের পুত্র-সমরসু, মহাবাহু, বীর প্রভ্রায় শাখনিরুখ বাণমন্ত্রে কণ্ঠমূলে বিদ্ধ হইয়া অতিশয় অবসন্ন হইলেন। প্রভ্রায় মুচ্ছিত হইলে কুকি ও অসুত সৈন্যসকল হাহাকার শব্দ করিতে লাগিল এবং শত্রুপক্ষীয় মরণে অতিশয় আনন্দ প্রকাশ করিল। হানসিক্ত সারথি প্রদ্রায়কে মুচ্ছিত দেখিয়া বেগবান অসুতারা রণভূমি হইতে অবসৃত করিল। রথ আত দূরে অপসৃত না হইতেই সংজ্ঞাপ্রাপ্ত হইয়া প্রদ্রায় সারথিকে কহিলেন, “সুতপুত্র। তুমি কি হেতু রণভূমি হইতে পরাভুত হইয়া গমন করিতেছ? কুকিবংশীর বীরদেপের ও যুদ্ধ বিধরে একপ ধর্ম নয়। তুমি কি মহা সংগ্রাম মধ্যে শাহকে দেখিয়া ভয়ে মোহিত হইয়াছ, না যুদ্ধ বর্জন করিয়া তোমার বিবাদ জন্মিয়াছে, তাহা সত্যরূপে আমাকে বল।”

সারথি কহিল—“হে জনার্দন-নন্দন। আমি মোহিত বা ভীত হই নাই, পশু শাখকে পরাজয় করা আপনার পক্ষে অতিশয় ভার বোধ করিয়াছি। হে বীর। পাপিষ্ঠ শাখ আপনার অপেক্ষা বলবান, এই নিবিন্ত আমি আপনাকে লইয়া রণভূমি হইতে সন্দগতিতে নিঃসৃত হইতেছি। রথী শৌর্যসম্পন্ন হইলেও যদি রণস্থলে মোহিত হন, তবে তাঁহাকে রক্ষা করা সারথির কর্তব্য। হে আবুসুন্দ! ধেরণ

আমাকে রক্ষা করা আপনার অবশ্য কর্তব্য ; সেইরূপ আপনি রথী, আপনাকেও রক্ষা করা আমার অবশ্য-কর্তব্য, এই ভাবিয়াই আমি সংগ্রামস্থল হইতে অবস্থিত হইয়াছি। হে মহাবাহু কল্লিণীনন্দন ! আপনি একক, দানবেরা অনেক, অনেকের সহিত একের যুদ্ধ করা অশুভযুক্ত নিবেচনা করিয়া আমি রণাঙ্গন হইতে বহির্গত হইয়াছি।”

প্রত্যয় সারথির এই উত্তর শুনিয়া অমরতরু বলিলেন—“যথ কিরাও। আমি জীবিত থাকিবে কদাপি একপা আমাকে রক্ষা করি হইতে পরাভূত করিয়া গমন করিও না। যে ব্যক্তি যুদ্ধ পরিত্যাগ করিয়া পলায়ন করে এবং যে ব্যক্তি নিপাত্ত, আমি তোমার এইরূপ কখনো, সী, বাসক, বুক, হিরণ, বিক্রম বা উল্লাস ব্যক্তিতে আঘাত কর, সেই ব্যক্তি কখনই বুদ্ধিবশত নয়। হে গৌতে : যেহেতু তুমি ব্রাহ্মকুলের যুদ্ধস্থলীর আচার ব্যবহার সম্বন্ধেই জান, সেই হেতু পুনর্বার যুদ্ধস্থল হইতে কোন ক্রমে একপা অপগমন করিও না।

দুর্যোধন মাখন আমাকে যুদ্ধস্থল হইতে অপগত, পৃষ্ঠে হত, রণপলায়িত জানিয়া কি বলিবেন ?

কেশবামল মদৌৎকট বলবেন সমাগত হইয়া আমাকে কি কহিবেন ?

মহাধর্মুর্ধ্বর পুরুবসিংহ মাতাকিই বা আমাকে রণ-পলায়িত জানিলে কি কহিবেন ?

শাধ, সামন্তিজয়, চাকদেবী, গদ, দারুণ, মহারাজ অকুর, হই রাই বা কি বলিবেন ?

বুদ্ধিবীরামগের জীগণ আমাকে শূর, ও সতত পুণ্যভিমানী গলিয়া জ্ঞাত আছেন, উহারাই বা মকলে একত্র অসংগত হইয়া আমার প্রতি কি বলিবেন ? উহারি বলাবলি করিবেন, এই প্রহার মহামুখে জীক হইয়া তাগা পরিভাগপূর্বক পলায়ন করিয়া আসিওতে, হইবে কি ?

উহারি এক কথা ভিন্ন আর সাধুবাণ করিবেন না : সৌতে। শাহ দেব বিক্রম বাকা ও পরিহাস শূর আগেকাও আদক : আমি জীত রণ হইতে পলায়িত হই পৃষ্ঠে হত শরসমূহে আহত হইয়া কোন-ক্রমেই জীবনধারণ করিব না। কিরাও ! কিরাও ! শীঘ্র বৎ কিরাও !

হে দেব বাকক আধুনিক কিশেট-ফুটবল-আচ-কীড়কদিগের শূরপুরুষ ! বেহের বাককগণ ! এই দেবুমারগণ, কুরুনারগণ, অধুকুমারগণ জেগে উঠি ! মারামং বিক্রি !

শ্রীমৎলা দেবী ।

২৪শে ফেব্রুয়ারি,

১৯১৮ ।

মাসকাবারি

“পত্ৰ”

মাঘের সবুজপত্রের সম্পাদক মহাশয় তাঁর এক পত্রে গত একশত বৎসরের শীতপত্রী-বাংলা-সাহিত্যকে বিলকুল বরাইয়া

দিয়া সবুজপত্রী-ভাবী-সাহিত্যের মবোধগমের আশার ও আনন্দের কথা বলিয়াছেন। তিনি গত একশত বৎসরের বাংলা-সাহিত্যের একটা নিরিখ লইয়াছেন। বাস্তবিক, একশত বৎসরব্যাপী সাহিত্যের

* ১৩.০ মাসের আশ্বিন মাসের ‘ভারতী’র ‘বাল্মীকী-গাড়ার’ নামক মধীর প্রবন্ধ হইতে উদ্ধৃত।

বিচিত্র ধারাকে একটি ক্ষুদ্র “পত্র”-পুটের অঞ্জলির মধ্যে ধরিবার শক্তি তাঁর মত লেখকের পক্ষেই সম্ভবে; কেননা তাঁর দৃষ্টির “লেন্স” নর্জদূরের জিনিসও নিকট হইয়া দেখা দেয় এবং বিক্ষিপ্ত জিনিসও সংহত সীমানা ধরা দিয়া থাকে।

গত একশত বৎসরের বাংলা সাহিত্যের ধারার বাঁকে বাঁকে ও ঘাটতে ঘাটতে নানা ভাবের হাট বসিয়াছে ও নানা রসের মেলা জমিয়াছে। ইহার মধ্যে কত বিচিত্র আন্দোলনের ইতিহাস রহিয়া গেছে। রাজা রামমোহন, মহর্ষি দেবেন্দ্রনাথ, অক্ষয়কুমার, রাজনারায়ণ, বিজ্ঞানাগর, বঙ্কিম, ভূদেব, বিবেকানন্দ—ইহারা কেহই বিচ্ছিন্ন ব্যক্তিত্ব নন, ইহারা এতেকেই এক-একটা বড় বড় আন্দোলনের নায়ক—এক একটা যুগধর্মের উদ্বোধক। দেশের বড় বড় ভাব-যজ্ঞে সাহিত্যিকেরা যেমন উল্লাসিতা মাত্র হন, ইহারা তা নন—ইহারা হোতাও বটেন। সেই ক্ষুদ্রই বিপুল আটের আদর্শ-নিকষে ইহাদের সৃষ্টিকে যদি কথা যায়, তবে যোধ হয় ইহাদের বারোআনা সৃষ্টিই ‘আর্টিষ্টিক’ নয়, ইহা প্রতিপন্ন হইবে। বিপুল আটের অনুশীলন যে অবস্থায় সম্ভব হয়, সেই অবস্থায় নিজদের মনকে স্থাপিত করিবার অবসর ইহারা পান না—দেশের নানান সমস্যা ও নানান প্রয়োজন ইহাদের সমস্ত মনোযোগ দাবী করিয়াছে।

অথচ সৌন্দর্য্যকলা নিত্যকালের সামগ্রী—সাময়িক প্রয়োজন যখন অত্যন্ত গুরু হইয়া দেখা দেয়, তখন সৌন্দর্য্যকলার

নিত্য রসের স্নগ্ধভূতিটা মান হইতে বাধ্য হয়। খুব আধুনিক ইউরোপীয় সাহিত্যেও ইহার প্রমাণ-পরিচয় পাই। এ সাহিত্য ঠিক রসসাহিত্য নয়, এ সাহিত্য সমস্যা-সাহিত্য। এ কালের নানা জটিল সমস্যা এ সাহিত্যের ভিতর দিয়া আপনায় মীমাংসা খুঁজিতেছে। উপন্যাস, মধুকাণ্ড, নাটক, এমন কি গীতিকবিতাতেও সমস্যাই শিল্প গিজ্জ করিতেছে; মানব হৃদয়ের নিত্যরসের কোন রূপ কুচিং কুটিতেছে।

কিন্তু ইহার জন্ত আশ্চর্য করা বৃথা। প্রমথবাবু ঠিকই লিখিয়াছেন যে, “জাতীয় জীবনের প্রত্যক্ষ দৈনন্দিন প্রতি প্রকৃ হ’রে কাব্যরচনা করা মহাপ্রাণ ব্যক্তিদের পক্ষে অসম্ভব।” শুধু এ দেশে নয় বিদেশেও—নবজাতি ও নবমতাবাদী সংগঠনের বিরাট আয়োজন চলিতেছে। সেই বৃহৎ সৃজন-ব্যাপারে রাষ্ট্রবিৎ ও সমাজতত্ত্ব বিদের সঙ্গে সঙ্গে কলাবিদেরাও যোগ দিয়াছেন। সেইজগত একালে “আট কর্ণ আটম সেক্”—আট আটেরই জন্ত—এ নীতি টিকিবে কিনা সন্দেহ। কেননা আট-সৃষ্টি ঐ বৃহত্তর সত্যতা-সৃষ্টি বা সমাজ-সৃষ্টির অন্তর্ভুক্ত হইয়া উঠিতেছে। এ কালের চঞ্চল ও বিক্ষিপ্ত বাপারগুলিকে যখন কতকটা নির্লিপ্তভাবে দূরে স্থাপন করিয়া সমগ্র দৃষ্টিতে আটটি দেখিতে পারিবে, তখনই আধুনিক সৃষ্টির মধ্যে নিত্যরসের আভাস জাগিবে। সেই পরিপ্রেক্ষণটি (perspective) না থাকার জন্ত এ কালের অধিকাংশ কলাসৃষ্টিতেই সমস্যার বিচিত্রতা আছে বটে,

কিন্তু এসের অথগুতা নাই। কিন্তু তার কারণই এই যে আর্টের পরিধিটা হঠাৎ বিস্তৃত হইয়াছে; এ যুগে আর্ট-সৃষ্টি বৃহত্তর সভ্যতা-সৃষ্টির অন্তর্ভুক্ত হইয়াছে। বিস্তৃত আর্টের চেষ্টা এখন আর কাজো দ্বারা সম্ভব নয়।

বাংলাদেশের এ যুগের গুরু রামমোহন রায়ের রচনাবলীতে সেই বৃহত্তর সভ্যতা-সৃষ্টিরই আভাস পাই। দার্শনিক বঙ্গিশ শাস্ত্রী বৃকার, রামমোহন রায় তাঁহা ছিলেন না। পূর্বে ও পশ্চিমে জড়াইয়া তিনি একটা প্রকাণ্ড সভ্যতাসৃষ্টির নক্সা তৈরি করিয়াছেন, তাহা বিচিত্র নাসমসলা সংগ্রহ করিয়াছেন। হিন্দু সভ্যতাকে তার বেদান্তের ভিত্তির উপর প্রতিষ্ঠিত করিয়া তার স্মৃতি, রূপ, ও প্রভৃতি ক্ষেত্রে সেই বেদান্তের সঙ্গে সঙ্গত করিয়া লইয়াছেন; তার পর সেই ভিত্তিকে একালের উপযোগী করিয়া প্রশস্ত ও সংস্কারমূলক করিয়া গতিয়াছেন। তার পর অর্থনীতি, ব্যবসায়তত্ত্ব, সমাজতত্ত্ব, প্রভৃতি নব নব জ্ঞান-বিজ্ঞানগুলির (humanities) উপকরণের দ্বারা সেই ভিত্তির উপর নব সভ্যতার হস্তা তৈরির দিকে মন দিয়াছেন। এমনিভাবেই, হিন্দু-সভ্যতার মতন খৃষ্টান ও মুসলমান সভ্যতারও নব সংস্কারের নক্সাও তাঁকে তৈরি করিতে হইয়াছে। এইতো তাঁর সৃষ্টি। এ সৃষ্টি কলাসৃষ্টি নয়, অনাসৃষ্টিও নয়—এ সৃষ্টি হাজার হাজার নূতন নূতন কলাসৃষ্টিকে সম্ভাবিত করিবার শক্তি রাখে। আর হইয়াছেও তাই। রামমোহন রায় প্রভৃতি, যে বড় সভ্যতা-সৃষ্টির আভাস দিয়া গেছেন, এ কালের

সাহিত্য তাঁকেই বিচিত্র কলাসৃষ্টির ভিতর দিয়া প্রকাশ করিবার চেষ্টা পাইতেছে। তাঁরা যেনব সমস্তকে ভেঙে দিচ্ছ হইতে আলোচনা করিয়াছিলেন, আর্টে সেই সব সমস্তই আবার নূতন নূতন রূপ লাভ করিতেছে। অতএব তাঁদের রচনা "আর্টিষ্টিক" না হইলেও তাহা আর্টিক অনুপ্রাণিত করিতে পারে, এট কপাটকু মনে রাখা দরকার।

এই কারণেই প্রথমবার গুহ একশত বৎসরের বাহ্যিক সম্বন্ধে যে সমস্ত প্রকাশ করিয়াছেন তাহাতে আমি গাঢ় নিতে পাবিলাম না। তিনি লিখিয়াছেন :—

"প্রথমেই নজরে পড়ে যে সে সাহিত্য তিরানন্দ। আজ একশ বৎসর ধরে আমরা আমাদের সকল লেখার নকশা কথায় প্রকাশ করে এসেছি—শুধু শব্দসময়। এর কারণ—আমরা আমাদের রাজনৈতিক অবস্থা, আমাদের সামাজিক অবস্থা, আমাদের সাংসারিক বেদ, আমাদের চরিত্রের দুর্বলতা প্রভৃতি কোন জিনিষই স্পষ্টভাবে প্রকাশ করতে পারি নি। শুধু তাই নয়, আমাদের জাতীয় জীবনের এই সর্বসীম হীনতা আমাদের বুকের ভিতর অষ্ট-পহর পাটান মত বিচ্ছিন্ন। তার ফলে আমাদের সাহিত্য ক্ষেত্রে শুধু আক্ষেপ ও আশোনের সাহিত্য। এ সাহিত্যে অবশ্য বৈরাগ্যেরও অনেক কথা আছে, কিন্তু সে সব হয় মিছে, নয় বাজে।"

* * * * *

"তার পর নজরে পড়ে যে এ সাহিত্য আর্টিষ্টিক নয়।

এর কারণ এ সাহিত্য দুখাতঃ এবং সৃষ্টিঃ উদ্দেশ্যমূলক এবং সে উদ্দেশ্য হচ্ছে জাতীয় জীবনের উন্নতি সাধন। গুহ একশত বৎসর ধরে বাঙ্গালী জাতি সাহিত্যে একমাত্র অনশ্রোহ প্রকাশ করেই সন্তুষ্ট থাকে নি। রাজা রামমোহন রায় থেকে শুরু করে

রবীন্দ্রনাথ পর্যন্ত বঙ্গ-সাহিত্যের মহাজনেরা সকলেই স্বজাতিকে মনে ও চরিত্রে শক্তিশালী করতে, রাষ্ট্রে ও সমাজে প্রতিষ্ঠা করতে, দেশে ও কর্ত্রে সমৃদ্ধিশালী করতে, কার্যমনোব্যাকৌশল দেখা করেছেন। যারা আমাদের জাতীয় সাহিত্য রচনা করেছেন, তাঁরাই যে আমাদের জাতীয় জীবন গঠন করেছেন, এ কথা বললে নেহাৎ বাজে কথা বলা হবে না। রাজা রামমোহন রায় এবং পণ্ডিত ঈশ্বরচন্দ্র বিদ্যাসাগরের এ বিষয়ে প্রচেষ্টা ও সফলজোকবিত্ত। তাঁরা পর-বন্ধিমচন্দ্র নিজ জীবনিক্রমেই কবুল করেছেন যে স্বজাতির উন্নতিকল্পেই তিনি লেখনী ধারণ করেন; অর্থাৎ সেখা জিনিষটে তাঁদের সকলের কাছেই ছিল। জাতি-গঠনের একটি একষ্ট উপায়মাত্র। সাহিত্যকে এঁরা একটা means হিসেবেই দেখতেন, end হিসেবে নয়। বন্ধিমচন্দ্রের লেখার মুখা উদ্দেশ্য ছিল গরোপকার, গোণ উদ্দেশ্য কাব্যসৃষ্টি। কল যদি তার উদ্দেশ্য হয়ে থাকে, অর্থাৎ তাঁর হাত দিয়ে বা বেঁধেছে তা যদি মুখ্যতঃ সাহিত্য হয়ে থাকে তা তার কারণ অনেক ক্ষেত্রেই দেখা যায় সাধুবেদ অর্থাৎ প্রতিভা তার সঙ্গীণ সংস্কৃতকে অতিক্রম করে।”

প্রথমবারের প্রধান নজরটার সঙ্গে আমার নজরের অন্ততঃ, কতকটা পার্থক্য ঘটিতেছে—গত একশত বৎসরে বাংলাসাহিত্যে শুধুই নিয়ানন্দ ও অপভ্রংশ প্রকাশ পাইয়াছে, ইহা মানিতে আমি রাজি নই। আধুনিক বাংলা সাহিত্যের জন্ম হইতে কৈশোর পর্যন্ত যারা ইহার দালনের ভার লইয়াছিলেন, তাঁদের বরং আশা ও উৎসাহের অন্ত দেখি না। রামমোহন রায় হইতে বন্ধিমচন্দ্র পর্যন্ত বাংলাসাহিত্যের মধ্যে এই উৎসাহের প্রাচুর্যটাকে বিশেষ ভাবে লক্ষ্য করা যায়। অথচ বন্ধিমচন্দ্রের পূর্বপর্যন্ত বাংলাসাহিত্যের অবস্থা দেখিয়া

এতটা উৎসাহ বোধ করিবার হেতু খুঁজিয়া পাওয়া যায় না। আমার তাই মনে হয় যে, সে উৎসাহের মূল কারণ একটা নূতন-কিছু-রচনা করিবার আনন্দ। তখনকার কালে কোন জিনিসই অভ্যাসের দ্বারা জীর্ণ হইবার সম্ভাবনা পায় নাই—দেশের অস্থান প্রতিষ্ঠান, শিল্প, সাহিত্য, ধর্ম, রাষ্ট্র, প্রভৃতি সমস্তের মধ্যেই নব নব সম্ভাবনা দেশের মনস্বীদের মনকে কেবলি উদ্দীপ্ত করিয়াছে এবং নব নব সৃষ্টি ও উদ্ভোগের দিগ্ভ্র প্রেরণ করিয়াছে। সেই-কাল তখন বাস্তবিকই “আমাদের রাজনৈতিক অবস্থা, আমাদের সামাজিক বাবস্থা, আমাদের সাংসারিক দৈন্ত ও আমাদের চরিত্রের দুর্বলতা” পক্ষে এখনকার মত আমরা কোন প্রত্যক্ষ অভিজ্ঞতা অর্জন করিতে পারি নাই। তখন আমরা দৈন্ত বুকিলেও এবং সেজন্য বিলাপ করলেও, সেটা সত্য দৈন্তবোধ ও সত্য বিলাপ হয় নাই—সেটা একটা ভাবুকতার অস্থিমা মাত্র ছিল।

অসন্তোষের সাহিত্য বরং এখন দেখা দিয়াছে। তার প্রকৃত আরম্ভ বন্ধিমের পর হইতে, তার উৎকর্ষ রবীন্দ্রনাথে। জার্মান দেশের Sturm und Drang অথবা storm and stress—ঝড়াময় সাহিত্যের মত, একটা ভাবালোড়নময় অশান্তির সাহিত্য এইত সেদিন জন্মলাভ করিয়াছে। এ অসন্তোষ শিবের প্রলয়ের মত—এয়ে নব সৃষ্টিরই পূর্ব সূচনা। তাই এ সাহিত্যে বেণুবীণার বন্ধারের চেয়ে পাঞ্চজন্তুর ভৈরব সঙ্গীতই অধিকতর ধ্বনিত। এ সাহিত্যের

সঙ্গে তাই পূর্ব সাহিত্যের কোন দিক দিয়াই তুলনা চলেনা। এর আনন্দ, 'ভাঙবারই আনন্দরে'।

ভূতপূর্ব সাহিত্য সম্বন্ধে প্রমথবাবুর দ্বিতীয় কথাটিকে অর্থাৎ ভূতপূর্ব সাহিত্য আট্টটিক নয়, সেই কথাটাকে—আমি পূর্বেই স্বীকার করিয়া লইয়াছি। কিন্তু আমি ত দেখিতে পাই যে, যে প্রথম সাহিত্যের কথা একটু আগে বলিলাম, তাই হুনিয়াই এককাল ধরিয়া ভেরি হইতেছিল। এককাল ধরিয়া জাতীয় জীবনের সমস্ত ক্ষেত্রের পরিমাণ-পরিমাণ চলিয়াছে। এবং সেই কারণেই সমস্তের মাজ এমন প্রথম ভাবে জাগিবার সবকাশ পাইয়াছে। এই বাকীই "নববাণী" এবং সাহিত্যের মস্তের মধ্যেও এই বাকীই আজ স্থানিত যে—ভূমৈব যৎ নারো জুথতি, ভূমাহেব বিজিজ্ঞাসিতব্যঃ। ভূমা ছাড়া অন্য আর আমাদের সুখ নাই, ভূমাকেই এখন হইতে জানিতে চাই।

বাংলাসাহিত্যের বদমায়ে তাই এখন আর দেশের সমস্তা নয়, বিশ্বসমস্তা কব হানিতেছে। ভূতপূর্ব গল্পসাহিত্যে বিজ্ঞা-সাগরের বিধবা বিবাহ, ভূদেবের সামাজিক

প্রবন্ধ, এমন কি বঙ্কিমের ধর্মতত্ত্ব ও বিবিধ প্রবন্ধাদিতে যে সব সমস্তার আলোচনা ছিল—সে আলোচনার সংকীর্ণ সীমার বাংলাসাহিত্য আজ আর বন্ধ নাই। এখন হইতে আধুনিক সাহিত্যে আমরা—

"Thoughts hardly to be packed
into a narrow act;

Fancies that broke thro' language
and escaped" —

এমন সকল চিন্তা প্রকাশ করিতে চুক করিয়াছি যেগুলিকে কোন সংকীর্ণ কবের কোটরের মধ্যে ঠাসা যায় না, এবং এমন সকল ভাব ও কল্পনাকেও প্রকাশ করিতে বসিয়াছি, ভাষা যাহার নাগাল পায় না।

আমি মনে করি, সেই কারণেই পূর্বের চেয়ে এখনকার সাহিত্যে 'আর্ট' দেখা দিতেছে। কেননা, যাহা প্রয়োজনের অতিরিক্ত তাহাকে প্রকাশ করিবার ভারই আর্ট বহিয়া থাকে। ভাবনার মধ্যে যাহা অভাবনীয়, বচনের মধ্যে যাহা অনির্বাচনীয়, তাহাকেই ও আর্টের ব্যবহার—সেই বাড়তি জিনিষ লইয়াই ও আর্টের ব্যবহার।

ঐ অক্ষিতকুমার চক্রবর্তী।

পরাজয়

শীতকাল। শনিবারের সন্ধ্যা। দিন ফুরাইয়াছে, সপ্তাহ-ও শেষ হইয়াছে। মনে হইতেছে যেন ইহার মধ্যেই রবিবার আসিয়া পড়িয়াছে। সহরে অকিসের বাবুরা একদিন নিশ্চিত বিশ্রাম পাইবার আশার স্ফুর্তি করিয়া

গৃহে ফিরিতেছেন। কেহ পকেটে পরমা আছে দেখিয়া পোস্তা হইতে কপি, কলাইভুটি, কমলালেবু কিনিতেছেন। ছেলের ও বুড়াদের কাল মহানন্দে খাওয়া চলিবে। অকিসের তাড়ার রবিবার-স্তির ত

আর কোনদিন আরাম করিয়া আহার হয় না। ধীরে-স্থগে, রহিয়া-বসিয়া ইচ্ছামত বেলা করিয়া আহার ও তৎপরে তাকিয়া চেষ্টান দিয়া গড়ানো, বাঙ্গালী-কেরাণী-জীবনের এই বিশেষ ভঙ্গি বর্ণনারটি কেবল বর্ণনারই বটিকা থাকে। কোন কোন অল্পবয়স্ক কেরাণী বেলকুদের মাথা-ক্রম-বত ছোকরা-বাবুদের মতই উল্লসিত। আজ খিয়েটারে বাইতে হইবে। নূতন নাটকের কাজ প্রথম অভিনয়-রজনী।

বাগ্নাজ্ঞানের উত্তরে, পানার দারে প্রকাণ্ড এক পাটের কল। মজুরেরা সাড়মিন অস্তর শনিবারে-শনিবারে সেখানে মাটিনা পায়। কলিকাতার রাস্তাগুলির মত সেখানে বিছাৎ বা গ্যাসেব আলো নাই, আফস-প্রত্যাপ্ত বাবুদের ও সাক্ষাবাসেবী যুবক-দের ভিড় নাই। শকটের শব্দে রাস্তাও কাঁপিতেছে না। কিন্তু কারখানা হইতে মাহিনা পাইয়া প্রফুল্লচিত মজুরের দল ভিড় করিয়া বাহির হইতেছে। কারখানার নিকটবর্তী কয়েকটি গলি মজুরের দলে ভরিয়া গিয়াছে; তাহাদের কোলাহল, বিজ্ঞপচ্ছলে মঞ্জীল গাল, কোতুকচ্ছনে পরস্পর-মারামারি ঐশ্বরিক বিচিত্র শব্দে স্থানটি মুখরিত। নদের দোকানে লোক ধরে না।

মজুরদের এই ভিড়ের মধ্য দিয়া অতি সঙ্কুচিতভাবে ছায়ার তায় কীর্ণকারী এক রমণী অগ্রসর হইতেছিল। এই দারুণ শীতেও তাহার অঙ্গে উপযুক্ত আচ্ছাদন নাই। একটা অতি মলিন ঘাগ্রার উপর একটা ওড়না দিয়া সর্বাক বেষ্টন করিয়া শীতে কাঁপিতে-কাঁপিতে সে অগ্রসর হইতেছিল।

তাহার গমনের ভঙ্গী দেখিয়া মনে হয়, সে যে চলিতেছে এ কথাটাও যেন সে গোপন করিতে চায়। সে যেন লজ্জা ও তঃখের জীবন্ত প্রতিমূর্তি। কি তাহার উৎকণ্ঠা!

তাহার ব্যাকুল নয়ন ও ক্রম-পদবিক্ষেপে তাহার মনের ভাবটি কুটিল উঠিতেছে। তাহাকে দেখিলেই মনে হয়, যেন সে কেবল ভাবিতেছে 'ঠিক সময়টিতে পৌছিতে পারিলে ঠাট্টা চারিদিকে মজুরের দল তাহাকে বাহু করিতেছে; তাহাকে লক্ষ্য করিয়া রসিকতা করিতেছে। অধিকাংশ মজুরেরাই তাহাকে চিনে। সে কুণামত বলিয়া সকলে তাহার নাম দিয়াছে, "বাঁদরী।" তাহাকে দেখিয়া মজুরেরা পরস্পর বলাবলি করিতেছে, "দেখ-দেখ, বাঁদরী তার সামীকে আন্তে বাচ্ছে।" এই বলিয়া সকলে উচ্ছ্বাস করিতেছে। তাহাতে রমণী তাহার গতিবেগ হ্রাস বন্ধিত করিতেছে।

টিটকারিরও অভাব ছিল না। "ইস্ ইস্! তাকে আর এখন পাবে মনে করো না কি? সে এতক্ষণে হয়ত একেবারে সেইখানে—কি হয়ত সে-ই-খানে!"

অনেকটাপথ জোরে চলিয়া আসাতে তাহার অতিশয় কষ্ট হইতেছিল। কক্ষমাসে হাঁপাইতে-হাঁপাইতে সে কারখানার সম্মুখে উপস্থিত হইল।

সে স্থান জনশূন্য। কারখানার ফটক বন্ধ। কল খামিয়া গিয়াছে। রেলগাড়ীর চিমনি হইতে ধোঁয়া উঠার মত কারখানার কল হইতে হুস্-হুস্ করিয়া বাষ্প বাহির হইতেছে। উঁচু চিমনিগুলির উপর হইতে এখনও একটু-একটু ধোঁয়া উঠিতেছে।

মজুরদের খাটুনি খামিয়াছে, কিন্তু স্থানটির উত্থাপ এখনো জুটতে নাই। বালগা মনে হইতেছে যেন জনহীন কারখানাটির জীবনী-শক্তির স্পন্দন এখনো একটু আছে। দরজা-জানালা সব বন্ধ হইয়া গিয়াছে। কেবল বাহিনা দিবার ঘণ্টা বৃদ্ধ কোমিয়ারবারু চোখে চশমা আঁটির বাতির আলোক প্রকাশিত হিসাবের পাতা পুনিয়া সে দিনের ক্যান নিতাইতে ছিলেন। তাহার কাঁধে দেখ হইয়াছে। রমণী কারখানার সম্মুখে পৌঁছিতেই কোমিয়ারবারু খাটুনি মারিয়া হসনা পুনিয়া চাপকানের কাঁধে তাহার মাছুরা খামে ভরিয়া বাতি নিতাইয়া দিলেন। তাহার বাঁধী খামের সময় হইয়াছে।

রমণীটির দেহী বহুটা গিয়াছে।

সমস্ত মজুরেরা মাহিনা লইয়া চামিরা গিয়াছে। সে এখন কি করবে? তাহার স্বামীকে কোথায় পাহবে? এক সপ্তাহের সংসার-খরচ এহবেলা না গইতে পারিলে ও সমস্তই মদের দোকানে যাইবে।

তাঁকা-পরসার যে বিশেষ দরকার। ধরভাড়া বাকী আছে, বাড়ী ওয়ালী পাসাইতেছে। ছেলেদের পরনে কাপড় নাই। চালও ফুরাইয়া গিয়াছে। আজ শোম দিবে বালগা এক টাকা ধার করিয়াছিল। ...

রমণী আর ভাবিতে পারিল না। গঙ্গার ধারে উঁচু পোস্তার উপর রাস্তার পাশে সে বসিয়া পড়িল। তাহার নাড়ীর আর কমতা ছিল না। শূন্য-দৃষ্টিতে সম্মুখের কলনাদিনী গঙ্গার অপর পারে কুরাসায়-ঘেরা গাছগুলির মধ্য দিয়া পরিদৃশ্যমান একটি আলোকের দিকে চাহিয়া রহিল।

কারখানার কাছাকাছি মদের ও চাটের দোকান তখন খুব জীকাইয়া খোলা হইয়াছে। মদের দোকান আলোকময়। সেখানে আমোদের স্রোত বহিতেছে। কারখানা নারবি, জনশূন্য। তাহার প্রাণ এখন মদের দোকানে স্পন্দিত হইতেছে। মদের গন্ধর-সদৃশ মদের দোস্তান মজুরের পথ। সামনে কঠিগড়া। তাহা একতানে বানিস করা ছিল। এখন তাহাতে নানা প্রকার দাগ পরিয়াছে; বানিস হেনু কামে উঠিয়া গিয়াছে। দেওয়ানের গায়ে চাকের উপর থাকে- থাকে সাজ্জত নানা প্রকার মদের মোস্তান। পদ্ম হঠাৎ চাঁৎতা, মন, গালাগালি, জশাল রসিকতা তাঁকা-পরসার বন্ধুমানি, মদের মেয়েদের পুক পুনা হাট হাট। মাহিনার বহুভাঙ্গা পড়ানিতে অসাড় হতে ওক দিয়া হুজাতারের উপর মজুরেরা বসিয়াছে। কেহ যা কাঠিগড়ায় ভর দিয়া দাঁড়াইয়াছে; হতভাগীর পুনিয়া গিয়াছে, যে এই দাম্প শীতে তাগাদের হবে ভাঙ চড়ে নাই, জী-পুণ শীতে কাঁপিতেছে।

মদের দোকানটির আলো সামনের রাস্তাটিকে পর্যন্ত আলোকিত করিয়াছে। পাশের বাড়ীগুলির জানালা-কবাটি বন্ধ;— সেগুলির সম্মুখবর্তী পল অক্ষকার ও জনহীন। এই অক্ষকারের শাবরণে নিজেকে চাকিয়া-রমণী ভরে-ভরে ঘুরিয়া বেড়াইতেছিল। এক দারুণ অশান্ত উবেগে তাহার সর্বাস কাঁপিতেছে।

ঐ বে তাহার স্বামী,—বিশালকার, একটা হিটের তুলা-তরা জামা গায়ে, কাঁকড়া কাঁকড়া চুল মুখের আশে-পাশে পড়িয়াছে। শারীরিক বলের গর্বে সে উচ্চ। সঙ্গীরা

তাহাকে বিরিয়া বসিয়াছে,—তাহার কথা শুনিতেছে। সে এমন সুন্দর কথা কয়, এমন মজার-মজার হাসির গল্প বলে; তার উপর আবার তার দরাজ হাত! কেহ মদের পরসাদা দিতে না পারিলে নিজেই দিয়া দেয়।

অভাগিনী বাহিরে দাঁড়াইয়া শীতে কাঁপিতেছিল। মদের দোকানের উজ্জ্বল আলোর তাহার স্বামীর ভাবভঙ্গী সে স্পষ্টই দোঁপতে পাইতেছিল। চারিদিকে সুরাপানে উন্মত্ত মজুরের দল, তার মধ্যে বসিয়া তাহার স্বামী, অনর্গল ব্যঙ্গ্যাই হইতেছিল। নিজের কথায় যেন সে নিজেই আতোয়ায়া। মজুরেরা আসিতেছে, এ উহার গারে চলিয়া পড়িতেছে। কেহ বা তক্তাপোষ তাপড়ানিয়া গান গাইয়াছে। তাহার স্বামী দেখিতে পাইল না যে ঐ সামনের গাথে দুইটি বিয়াদভবা ক্ষীণ পাণ্ডু নরনের সাগ্রহাণ্ড তাহাকে ডাকিতেছে, তাহার দৃষ্টিপাতের আশায় উদ্গীৰ হইয়া আছে!

রমণী দোকানে চুফিতে সাহস করিল না। প্রকাশ্য মদের দোকান—তার উপর মজুরদের সহিত তাহার স্বামী বসিয়া রহিয়াছে। সে যে রমণী!

... ..

কি কুখ্যাত সে! কিন্তু চিরদিন সে অরুগ ছিল না। তাহার পিতা কলিকাতার পুলিশের কন্টেবল হইতে জনাদার পর্যায় উঠিয়া ছিল। সে তাহার পিতার একমাত্র কন্যা। মা তাহার শৈশবেই মারা যায়। বাপের সে বড় আদরের মেয়ে। পাড়ায় বাঙ্গালী বাবুদের বাড়ী সে খেলিতে যাইত। বাঙ্গালী মেয়েদের সঙ্গে

শুলে পড়িত। তাহার আচার-ব্যবহার, হাবভাব সব বাঙ্গালীরই মত হইয়া পড়িয়াছিল। সাড়ী-সেমিজ-গরা চললে কচি সুন্দর মুখখানি দেখিয়া তখন কে বলিবে যে সে খোঁটার মেয়ে?

তাহার বিবাহের সম্বন্ধ হইল। তাহার মজুর গরুর গাড়ীর গাড়োয়ানদের সর্দার ছিল। তাহতে সে বেশ দুই পরসাদা দোকান করিয়াছিল। তাহার বিবাহে সে কি পূন্যায়। বাঙ্গালী বাবুদের বিবাহের মত একদল হংরাজী বাজনা ও গানের আলো জালাইয়া বর আসিল। সে আজ দশ বৎসরের কথা।

তাহার পর তাহার মজুরের মৃত্যু হইল। মৃত্যু হাজার দুইশত টাকা—পানিশত, গাঞ্জাবী কিনিতে ও কুমসংসর্গ-কুপ্রবৃত্তির সাহায্য করিতে অল্পদিনেই উড়িয়া গেল। শেষে এক বিস্তৃত খোঁসার চালের 'সাই-ফোটা'র একখানি ঘরে সে 'আসিয়া দাঁড়াইল। তখন তাহার কোলে একটি ছেলো। পিতা পরলোকগত।

চারিদিকে ছোটলোকের বাস। পাশের ঘরগুলি ছোটলোকে ভরা। দিনরাত কতই চীৎকার, অশ্লীল গালি। কেহ মদ খাইয়া আদিয়া স্ত্রীকে প্রহার করিতেছে। কেহ ছেলে ঠেঙ্গাইতেছে। তাহার স্বামী মাতালের সঙ্গে মিশিয়া মজুপান করিতে গিয়াছে। মজুরি করে, কোনদিন টাকা আনে, কোনদিন মদের দোকানেই তাহা উড়াইয়া আসে। প্রতিবেশিনীদের দেখা-দেখি অভাগিনী কেবল নীরবে কাঁদে। দুঃখ-কষ্টের আঘাতে মনের দৃষ্টিস্তায় তাহার রূপ গেল। তাহার নাম হইল, "বাদরী।"

... ..

এখনও ছাদামূর্তিটি পথে ঘুরিয়া বেড়াইতেছে। পথের আবর্জনারাশির উপর তাহার পা পড়িতেছে, সেদিকে তাহার ক্রক্ষেপ নাই। আকাশে মেঘ করিয়া আঁসিয়াছিল। ফোঁটা ফোঁটা বৃষ্টি পড়িতেছিল। বেগে বায়ু বহিতেছে। কীতে তাহার হাড় জ্বলিয়া কাঁপিয়া উঠিতেছে। মাকে মাঝে তাহার কান আঁসিতেছে। কতক্ষণ,--অতঃপর কতক্ষণ সে অপেক্ষা করিবে।

ছুই-চিনবার দোকানে ঢুকিবে বলিয়া সে অগ্রসর হইল; কিন্তু সে উঠিল না। শেষে যখন পড়িল তাহার অস্ত্রান অন্যভাবে, --নগ্নাঙ্গের সমস্ত উপাঙ্গন বহি না মনের দোকানের দর। তখন সার সে গাফিলত পাইল না। মরিয়া হইয়া দোকানের মাথা ঢুকিয়া পড়িল।

দোকানের চৌকাঠের দার হইল, এমন সময় এক ভিকট চাপির শব্দে সে "মা-কর মা-করিনা" "ওবে দেব, দেব, মাদরী এসেছে রে।"

সভাই সে অতি কৃতান্ত, দৃষ্টান্তে তাহার ওদনী ভিত্তিয়া গিয়াছে, পায়ে কাদা। উপেক্ষায় অন্যদরে বদন পাইলে, গালছটি পাংশু। সভাই সে রূপসীনা। লজ্জায়, ভয়ে কাঁপিতে কাঁপিতে হতভাগিনী নিশ্চল দাঁড়াইয়া রহিল।

"দেখ, দেখ, বাঁদরী এসেছে রে।"

তাহার স্বামী লাফাইয়া উঠিল। নীচসংসর্গে মিশিলেও তাহার পূর্বসংস্কার

এখনো একেবারে দূর হয় নাই। 'জানানা'র সম্ভ্রম-রক্ষায় এখনও সে উদাসীন হইতে পারে নাই। "কি? এত বড় আশ্চর্য্য! 'জানানা' হয়ে এখানে আসা! দশজনের মাননে এই কৃতসিত যুক্তি নিয়ে--আমাকে অপমান করতে আসা! আমার মাথা হেঁট করবার বংলব! আচ্চা, দাঁড়া, দেখাচ্ছি মজা!" স্বরায় ও কোয়ে উকলুপ্রার হইয়া তাহা কানী গুলি বাগাহক তাহার দিকে ছুটিল। তাহা গিলনী প্রাণভয়ে পাছাইয়া রাস্তায় দাঁড়িয়া পড়িল, পলায়নের চেষ্টা করিল। নকুরের উপহাসের উচ্চধ্বনি তালিয়া তাহাকে পিটকারি দিতে লাগল।

সে ছুই পা বাইতে না বাইতেই তাহার স্বামী কাহাটা গিয়া ফেলিল।

চারিদিক অন্ধকার। কেহ কোথাও নাই। হায় হতভাগিনী!

... ..

না, না। শয়নশয়ন হইতেই স্বামী তাহার চোখের দিকে চাহিয়া স্থির হইয়া গেল। কি নৈরাশপূর্ণ, আত্ম-সমর্পণের যে দৃষ্টি। তাহার স্বামীর দৃঢ়-মতি গোবদ হইয়া গেল। সে এখন তাহার বশভূক্ত, অঙ্গতপ্ত। বদনী তাহার হাত ধরিয়া বাঁদর দিকে টানিয়া লইয়া চলিল। নৈশ নীরবতা লগ্ন করিয়া বদনী মুহুর্তান্তে ছুই-একটি কথা বলিতে লাগিল। সে স্বামী কোমল, বিধাতময়, ভয়ং অস্পষ্ট।

প্রকৃতি গাঢ় তমিলাব আবরণে তাহার দের চারিদিক ঢাকিয়া দিল।

শ্রীশরচ্ছত্র ঘোষাল।

* আলুকনুস মোদের ফরাসী গল্পের আভাসে।

সমালোচনা

তরুতীর্থ। শ্রীমতী হেমসনিনী দেবী প্রণীত। প্রকাশক, শ্রীকৃষ্ণদাস চট্টোপাধ্যায় কলিকাতা। বিটটি প্রথমে মুদ্রিত। মূল্য দেড় টাকা। এখানি গল্পের বহি। সাতটি ছোট গল্প এ গ্রন্থে সন্নিবিষ্ট হইয়াছে। গল্পগুলির মধ্যে "তরুতীর্থ", "অনমা" ও "মুন্সিগ আমান" এই তিনটি চমৎকার। ছোট গল্পের আর্ট দেখিলিতে বজায় আছে। "তরুতীর্থে" বরুণ রসটুকু বেশ উপলিয়া উঠিয়াছে; তাহা একবারে মর্মে আঘাত করে—এটুকু পীড়া দেয় না। "অনমা" গল্পে সংসারের খুঁটিনাটি ঘটনার মধ্য দিয়া কাহার-ভৃত্য ও তাহার পত্নীর ছবিটুকু সুন্দর ফুটিয়াছে। "মুন্সিগ আমান" গল্পটিও বেশ উপভোগ্য। স্টেশনের কলরবের মধ্যে লেখিকা যে কতাদায়-গ্রন্থ বিপন্ন পরিবারের সহিত পাঠকের পরিচয় করাইয়া দিয়াছেন, তাহাদের সুখ-দুঃখের ধারা বেঙ্গগাড়ীর নানা কথাবার্তায় ও ঘটনা-বৈচিত্র্যে পাঠকের চিত্তে বেশ দোল দিয়া গিয়াছে; এবং এই পরিবারের দুঃখে সহানুভূতি অত্যন্ত সহজভাবেই লাগিয়া উঠে। রচনার কোন পল্লবিত আয়োজন নাই, বাগাডম্বর নাই; তিনটি গল্পেরই রচনার লেখিকা সংযত পরিচয় দিয়াছেন। 'রাম কবচ' গল্পে বঙ্গ কুসংসারের মূলে যে আঘাতটুকু দেওয়া হইয়াছে, তাহা নিপুণ, যথচ গল্পটি মাটি হয় নাই। "গ্রীষ্ম বধাতে," "ততোত্রষ্ট", "দুধ-মা" এ তিনটি গল্পে তেমন বিশেষ নাই। ছোট গল্পের আর্টও ইহাতে বজায় আছে, এমন কথা বলিতে পারি না। লেখিকার ভাষা সরল—বাজে উচ্ছ্বাসের হাজার কোথাও নাই। তবে যাকে যাকে সংস্কৃত-বাঙলা ও প্রাকৃত-বাঙলা একত্র মিশিয়া স্থানে স্থানে রচনা করিয়াছে। বাঙালী ও বেহারী নর-নারীর চিত্রের হর্ববেদনা লেখিকা বেশ নিপুণভাবে বুটাইয়া তুলিয়াছেন; বাঙলা সাহিত্যে সেটুকু উপভোগ্য। বহি-খানির ছাপা-কাগজ বাধাই ভালই হইয়াছে।

আকার ইন্ডিত। শ্রীযুক্ত অমরচন্দ্র দত্ত প্রণীত। ময়মনসিং প্রকাশনী হইতে গ্রন্থকার কর্তৃক প্রকাশিত। কলিকাতা স্বর্ণ প্রেসে মুদ্রিত। মূল্য এক টাকা। এ গ্রন্থে গ্রন্থকারের রচিত যে-সকল প্রবন্ধ 'সময়ে সময়ে সাপ্তাহিক এবং সাময়িক পত্রে প্রকাশিত' হইয়াছিল, তাহার কতকগুলি সংগৃহীত হইয়াছে। প্রবন্ধগুলির অধিকাংশই সামাজিক—ভাবে বড় সংক্ষিপ্ত; এত সংক্ষিপ্ত যে বহুস্থলে লেখকের বক্তব্য অসম্পূর্ণ বহিয়া গিয়াছে। এ গ্রন্থে মহিলাদের সম্বন্ধে অনেক-গুলি প্রবন্ধ আছে—বঙ্গমহিলার সাহিত্যচর্চা, বঙ্গমহিলা—মানসিক, আধ্যাত্মিক, মহিলা-মঙ্গল, বঙ্গমহিলার উচ্চশিক্ষা প্রভৃতি। 'বঙ্গমহিলা—মানসিক' প্রবন্ধে লেখক বলিয়াছেন, 'শ্রীজাতির মানসিক শিক্ষায় অধিক বড়বান হইতে হইবে; 'বঙ্গমহিলা-শারীরিক' প্রবন্ধে বলিয়াছেন, 'বঙ্গমহিলার শারীরিক বাহ্যের উন্নতি না হইলে জাতীয় উন্নতির ভবিষ্যৎ আশা লুপ্ত হইবে'—ইত্যাদি। কথাগুলি ঠিক, সে সত্যকে কাহারো সন্দেহ নাই; কিন্তু কি করিয়া হি হইবে লেখক তাহার কোন পস্থা নির্দেশ করেন নাই। বহুস্থলেই প্রবন্ধগুলি উচ্ছ্বাসমাত্রে পথাবসিত হইয়াছে। এ-সব সবেও লেখকের উদ্ভম প্রাণসমীর্ণ; কারণ এ প্রবন্ধগুলি পাঠ করিলে অনেকের এ-দিকে চিন্তা করিবার প্রবৃত্তি জাগিতে পারে।

মা। শ্রীযুক্ত ক্ষিতীন্দ্রনাথ ঠাকুর প্রণীত। কলিকাতা, আদি ব্রাহ্মসমাজ যন্ত্রে মুদ্রিত। মূল্য আট আনা। এখানি গানের বহি। অনেকগুলি গান ইহাতে সন্নিবিষ্ট হইয়াছে—গানগুলি 'প্রসাদী পঞ্চছায়ার' রচিত; তাব আধ্যাত্মিক। রচনার বিশেষ নাই।

অঞ্জলি। চারুধাসিনী দেবী প্রণীত। বগুড়া, শ্রীহিরণ্যমোহন দাসগুপ্ত কর্তৃক প্রকাশিত। কলিকাতা, কটন প্রেসে মুদ্রিত। মূল্য এক টাকা। এখানি কবিতা-গ্রন্থ।

প্রদীপ ও চেরাগ। মোহাম্মদ হেদায়েতুল্লাহ প্রণীত। প্রকাশক, র. বহমান. 'দি মুসলমান' বুক এজেন্সি, কলিকাতা। নিউ এজ প্রেসে মুদ্রিত। মূল্য এক টাকা। এখানি গল্পের বই। 'প্রদীপ ও চেরাগ', 'মসজিদ ও মন্দির' এবং 'হুম্মন ও মোস্তা' এই তিনটি গল্প ইহাতে সন্নিবিষ্ট হইয়াছে। সব গল্পগুলিতেই হিন্দু-মুসলমানের সংস্পর্শের জাতিগত বিশেষ পার্থক্য ত্যাগ করিয়া এক সমুদায়ের গভীরতর করিবার দিকে ইঙ্গিত আছে, সর্বপ্রকার conventional-ityর বিরুদ্ধে যুদ্ধ স্বেচ্ছায় আছে। ছোটগল্পের আর্ট না থাকিলেও গল্পগুলি মোটের উপর মন্দ নয়। 'প্রদীপ ও চেরাগ' গল্পের নায়ক মুসলমান, নায়িকা বালবিধবা এক দরিদ্রা মেচারী রমণী। কোন-রকম আজগুবি রসের আশ্রয় না লইয়া লেখক এ গল্পে স্বাভাবিকতাটুকু রক্ষা করিয়াছেন—তবে গল্পটি এমনটা সীর্ষ সন্নিবিষ্ট হইয়াছে যে ছোটগল্পের আর্ট ও ইহাতে নাই—সাহার উপর রসভঙ্গ্য-দায়িত্ব বহন করে। 'মসজিদ ও মন্দির' গল্পে হিন্দু-মুসলমান উভয় সমাজেরই বর্ষা-মুখাম-পরা উভয়ের ছবি লেখক চরিত্রভাবে ফুটাইয়া তুলিয়াছেন,—দুটিই ও ভাল। 'মোস্তা ও হুম্মন' গল্পে ধর্মের আনন্দ-কামনের বাণবন্ধনীয় এক নীরস মুসলমান বালকের সাহিত্য বনী হিন্দুগৃহের এক শিশুর মধ্য লেখক স্নিকিত পরিয়াছেন; তবে এ গল্পেও ছোটগল্পের আর্ট প্রসিক্ত হয় নাই। লেখকের ভাষা ভাল—রচনার তেজ আছে, প্রাণ আছে; কিন্তু মধ্যে মধ্যে মুসলমানী বাঙলা বেথাঙ্গা বসিয়া স্তর কাটিয়া দিয়াছে; ব্যঞ্জে লেখকের হাত আছে। ছোটখাট দোষ-ত্রুটি সংশোধনের দিকে লক্ষ্য রাখিয়া সাধনা করিলে এই নবীন মুসলমান সাহিত্য-সেবীর রচনা ভবিষ্যতে সার্থক হইবে বলিয়া আশা করি।

শ্রীসত্যব্রত শর্মা।

আপেল। শ্রীযুক্ত পাঁচুলাল ঘোষ প্রণীত। প্রকাশক শ্রীজ্যোতিষচন্দ্র ঘোষ, ৩৫ ও ২ শঙ্করপুর রোড, ভবানীপুর। দাম এক টাকা। এখানি গল্পের বই—ইহাতে গল্প আছে চৌদ্দটি। লেখকের ভাষা

ভারি পরিষ্কার করিলে, হালকা পাড়তে-পাড়তে কোথাও বাধিয়া যায় না; ছোটগল্পের ভাষা কেমন-ধারা হওয়া উচিত সেইকি তাহা জানেন এবং বুঝেন। গল্পগুলির ভিতরে, আমাদের সব-চেহে বেশী ভাষা লাগিয়াছে—'নাট্যের'। শেষের দিকে না-কেলিয়া এটি কই-প্রথম স্থান ছাড়া দেওয়া উচিত ছিল; কারণ, অল্প-সব গল্পের চেয়ে এটির ভিতরেই ছোট ছোটগল্পের রসনাধুর্য অধিক পরিমাণে আছে। ইহাঙ্গ্য মাতীরের চরিত্রেও বেশ একটি নতনত্ব ও জীবন্ততা আছে এবং লেখার ওপে এর-মধ্যে করণ রসও যতদূর চানবার, জমিয়াছে। 'কিনসরি'—'সক ছোটগল্প না-হইলেও, সরস এবং উপভোগ্য। 'উচ্চৈতর', 'পরতের নেমা', 'নির্ভয়', 'অগ্যাংক' ও 'বৌদিদি' নামে গল্পকয়টি চলন-সৈ মাকারি রকমের বচন। 'বিবধর' ও 'ভাই' গল্পের দুই এমনি পদ্য যে, তার উপরে একটুও দাগ কাটাতে পারে না। 'বন্ধ', 'কৃষ্ণ অর্ধর' ও 'পুনর্দৃষ্টি',—এ গল্পগুলি প্রায়শই জগতে গঠিত, কিন্তু লেখকের নিজের দোষে এগুলি অসম একরকম খা। ছাড়া-গোলের রসনা গিয়াছে। 'বৈজ্ঞানিক' নামে কবি' ও 'বাকীপুর' গল্পেরে আছে। এই গল্পগুলিকে অনেক দোষ থাকিলেও, একথা আমরা মানিতে বাধ্য যে, ছোটগল্পের আর্টের দিকে লেখকের দুই হাতে আর-একটি মনোযোগী হইলে ভবিষ্যতে গল্পলেখ্যার উহার হাত বেশ সুস্থিত পারে।

Twelve Portraits বা বারোখানি মূর্তি-চিত্র। শ্রীযুক্ত মুকুলচন্দ্র দে-জঙ্কিহ এবং মানসীক বিচারপতি স্মরণ জন সি উদ্ভোদ মহোদয়-লিখিত উৎরেজী লুমিকা-বন্দিত; প্রকাশক শ্রীযুক্ত অমল হোম, ২০-১ স্কিকিয়া ট্রাট, কলিকাতা। এখানি ছবির বই; ইহাতে স্মরণ আশুতোষ, স্মরণ অগদীশচন্দ্র, স্মরণ সত্যেন্দ্রপ্রসন্ন, প্রফুল্লচন্দ্র, স্মরণ গুরুদাস, ব্রজেননাথ শীল, স্মরণনাথ বন্দ্যোপাধ্যায়, সত্যেন্দ্রনাথ ঘোষ, অবনীন্দ্রনাথ, বিপিনচন্দ্র পাল, রামানন্দ চট্টোপাধ্যায় ও রবীন্দ্রনাথ, এই বারোজন বিভিন্ন বিষয়ে বিখ্যাত বাঙালীর বড়বড় মূর্তি-চিত্র

আছে। এ-ধরনের ছবির বই বাঙালীদেশে আর-কখনো
বাহির হইয়াছে। বহিষ আমাদের জানা নাই।
চিত্রকর্ম শ্রীযুক্ত মুকুলচন্দ্র দে ভারতীয় চিত্র-অঙ্কনে
সিদ্ধান্ত। কিন্তু এই ছবির বইএ তাঁহার আব-
একটি শ্রুত শক্তির পরিচয় পাওয়া গেল। যুরোপে
ও আমেরিকায় 'matching' বা নকসার অভ্যাস
আবহ। মুকুলচন্দ্র আমেরিকা হইতে আসি। ই
বিভাগে শিক্ষাগত করিয়া দেশে বিকিরিত হইলেন—
কৃত্রিম এদেশে এককম নকসা এই প্রথম। কাহারও
কৃত্রিম আঁকিতে হইলে, আদর্শের অকৃতি-নাদৃশ
অপেক্ষা দস্তাবেজ স্বকপটি ফুটাইয়া তুলিতে পারাই
শিল্পীর পক্ষে বর্ধাণ পৌরবে কাশ্য। মানুষের
হাতে-মাংসে গড়া বাহিরের সেহটাকে সাহারা দেখিতে
চান, কোটোগ্রাফার তাঁহাদের মনের আশ মিটাতে
পারে। কিন্তু কোটোগ্রাফার মানুষকে দেখায়,

মানুষের মনুষ্যরূপে দেখাইতে পারে না;—সেইজন্যই
আল-পর্যন্ত আর্টিষ্টের অল্প কেউ মারিতে পারে নাই।
অবশ্য এমন উচ্চশ্রেণীর আর্টিষ্ট হওয়া সহজ কথা
নয়; যেমন, মানুষের ভিতরের গোপনতাকে প্রকাশ
করিতে হইলে অসামান্য মর্মভেদী দৃষ্টির সরকার
এং সেইসঙ্গে চাই হাতের বিশেষ নিপুণতা।
এই শক্ত কাজেও মুকুলচন্দ্রের হাত ও চোখ যে
কতটা রত, সমালোচনা ছবির বইখানি তার ফলস্বরূপ
প্রমাণ। শ্রীযুক্ত মুকুলচন্দ্র, গুরুদাস, সুরেন্দ্রনাথ, মতিলাল ও
বিপিনচন্দ্রের চিত্রকর্মে আদর্শের অরূপ এবং অকৃতিগত
বিশেষত্ব বহুদূর ফুটিবার সুটিয়াছে। শ্রীযুক্ত রামানন্দ
কোটোগ্রাফার ও অরুনোজনাথের ছবি ছাড়া অল্প ছবি-
গুলিও চমৎকার হইয়াছে। আঁকা-ছিসাবে সমস্ত
ছবিই দেখিবার মত। শেষদিকে চিত্রিত বাস্তবতার
সংক্ষিপ্ত বিবরণ থাকিতে অনেকেরই সুবিধা হইবে।

স্বীঃ—

অভিজ্ঞান

কামিনী ফুলের গাছ ছুরাঘের ধারে
ঘন গল্লবের ভারে ভরা একেবারে ;
রবে এশ নবীন যৌবন,
সে কথা তখনো তার জানে নাই মন,
শ্রাম বাসে বাধি বুক ছিল মুক হয়ে,
ফুল-ভাষে মনো আশা ওঠে নাই কয়ে !

দিনে-দিনে-ভরে-ওঠা সুখা চাঁদখানি,
বহু অমা-নিশীথের বহি মর্মবাণী,
আকাশের নীলিমা সাগরে,
ধীরে বাড়াইয়া মুখ হরবের ভরে,
আলোকের শতদল করি উন্নীলন
দেখা দিল প্রভাতের পায়ের মতন !

সদর সে আকাশের আলোর পরশে,
কামিনী শিহরি উঠি, জাগিল হরষে,
কি সৌভভে ভরে গেল মন,
অজানাতে জানাইতে করে আয়োজন,
ফুটায় কোমল গুল কুসুম-আবলি,
প্রতি পর্ণপুটে তার ধরিল অঞ্জলি !

প্রভাতে ভুবিল চাঁদ ; সুনীল আকাশ
রাঙা হয়ে, বদনায়ে করিল প্রকাশ
কামিনীর সারা অঙ্গ ভরি,
পুলকের ফুলসাজ কাঁপে ধরধরি !
চিরিয়া পোব প্রাণ, বিলায়ে সৌরভ,
অমূল ফুলের দল করে গেল সব !

শ্রীপ্রিয়দেবা দেবী ।

